

თბილისის სახელმწიფო უნივერსიტეტი
ქურნალისტიკის კათედრა

ნიკო ნიკოლაძე
თხზულებანი

პროფ. დ. მ. გამეზარდაშვილის
რედაქციით და შენიშვნებით

თბილისი 1970

სარედაქციო კოლეგია


შ. ბახტაძე, ი. ბოცვაძე, ქ. ბურჯანაძე, დ. ბაგეჯარღაშვილი (მთავარი რედაქტორი), ვ. ბაგვალიძე, ლ. გორგოლაძე, მ. ებრაელიძე, თ. მატყვარიაძე,
მ. შაღური, ბ. ჯავახიშვილი.

ნიკო ნიკოლაძე

თხზულებანი

ტომი მეექვსე

VI-XI, 1878



1878



რ მ დ ა შ ტ ო რ ი ს ა ბ ა ნ

ნ. ნიკოლაძის თხზულებათა მეექვსე ტომში შევიდა ის წერილები, რომლებიც ავტორის დაუნერხა და გამოუქვეყნებია 1878 წლის ივლის-ნოემბერში. ამდენად, იგი მოიცავს ქრონოლოგიურად ყველაზე მოკლე პერიოდს სხვა ტომებთან შედარებით. ამასთან ერთად, მეექვსე ტომში, განსხვავებით ყველა წინა ტომისაგან, წარმოდგენილია მხოლოდ და მხოლოდ ერთ გაზეთში («ოზბორი») დაბეჭდილი მასალა.

ასეთი დამატული შემოქმედებითი მუშაობა და მხოლოდ ერთ გაზეთში თანამშრომლობა გამოწვეული იყო იმით, რომ ნ. ნიკოლაძე თვითონ იყო «ოზბორის» რედაქტორი და წამყვანი პუბლიცისტიც; გაზეთის ავტორიტეტი და მისი იდეურ-პოლიტიკური ინტერესები კი რედაქტორისაგან მოითხოვდნენ გაასველებულ მუშობასა და ამოუწურავ ენერგიას. ნ. ნიკოლაძის ჟურნალისტური სტილია ცნობილი სწორედ ამგვარი ვითარების შესატყვისი იყო. იგი მხოლოდ ცენზურასა და ცენზორებს უჩიოდა, თორემ შემოქმედებით შრომაში გატარებული ღამეები მხოლოდ სიამოვნებას ანიჭებდა. სხვაგვარად შეუძლებელიც იყო: პატრიოტ მოღვაწესა და დიდ მოაზროვნეს კარგად ესმოდა თავისი დანიშნულება და სწორად ჰქონდა გათვალისწინებული ამ მიმეშრომის შედეგებიც.

ნ. ნიკოლაძის თხზულებათა გამოცემა არა მხოლოდ საბასუსისმგებლო და საპატრიო საქმეა, არამედ უაღრესად შრომატევადიც. გადაუჭარბებლად შეიძლება ითქვას, რომ ახალი ეპოქის არცერთი ჩენი მოღვაწის შემოქმედებითი მეგვიდრეობის თავმოყრა და გამოცემა არ არის დაკავშირებული ისეთ სირთულეებთან, როგორთანაც ნ. ნიკოლაძის თხზულებათა გამოცემის განხორციელება. საზღვარგარეთის, რუსეთისა და საქართველოს უამრავ პერიოდულ გამოცემაში არის გაფანტული ამ ნიჭიერი და მეტად ნაყოფიერი მოაზროვნის ნაწერები. ამასთან, მისი დიდი უმეტესობა ხელმოუწერელია, რაც ამნელებს ჩვენს მუშაობას. საქმეში ჩახედული მკითხველი ადვილად შეამჩნევდა, რომ, მესამე ტომიდან დაწყებული, ნ. ნიკოლაძის თხზულებათა ყოველ ტომში მოთავსებული წერილების ორი მესამედი პირველად ხდება ავტორის ცნობილ მეგვიდრეობად. მნელი არ არის მის წარმოდგენაც, თუ როგორი ფაქიზი და ბეჭითი მუშაობა არის საჭირო თითოეული ასეთი სტატიის ავტორობის გასარკვევად და დასადგენად. ყოველივე ამას ემატება ის დიდი სირთულე, რომელიც დაკავშირებულია ნ. ნიკოლაძის ფრანგულ და რუსულ ენებზე დაწერილი წერილების ქართულ ენაზე თარგმნასთან. წინამდებარე ტომში მოთავსებული ყველა წერილი, მაგალითად, თარგმნილია რუსული ენიდან. ასე რომ, საჭირო ხდება არა მხოლოდ დედნის, არამედ თარგმანის რედაქციის გაკეთებაც, რაც კიდევ უფრო მეტ დროს მოითხოვს.

ყოველივე ამის შემდეგ, ვასაგებია, თუ რატომ ვერ ხერხდება ნ. ნიკოლაძის თხზულებათა გამოცემის უფრო სწრაფი ტემპით განხორციელება. მაგრამ მიღებულია ყველა ზომა დაჩქარდეს შემდეგი ტომების გამოსვლა. ნ. ნიკოლაძის თხზულებათა მიწოდებას მკითხველისათვის კი დიდი კულტურულ-ეროვნულ მნიშვნელობა აქვს. ნ. ნიკოლაძე — პუბლიცისტი და კრიტიკოსი — თავისი ეპოქის ცოცხალი მემკვიდრეა,

რომელიც უკეთესი მომავლის ინტერესების შუქზე არკვევს იმდროინდელი საზოგადოებრივი ცხოვრების არსებით მხარეებს. მეცხრამეტე საუკუნის მეორე ნახევრის საზოგადოებრივი აზრის მეკვლევარს არ შეუძლია გვერდი აუაროს ნ. ნიკოლაძის. ზღიდარ შემოქმედებით მეკვიდრობას, რომელიც ფასდაუდებელ მასალას აძლევს ისტორიკოსებს, ლატერატორებს, ეკონომისტებს, სოციოლოგებს და სხვ.

ნ. ნიკოლაძის კრიტიკულ-პუბლიცისტური მეკვიდროება ძვირფასი და საინტერესოა არა მხოლოდ ქართული, არამედ რუსული და ევროპული საზოგადოებრივი აზრის ისტორიკოსებისათვის. მის მნიშვნელობას აპირობებს ის გარემოება, რომ აქტორი უშუალო მოწმე და მონაწილეა თითქმის ყველა იმ მთავარი საზოგადოებრივი მოვლენისა, რომელთა გაშუქება-შეფასებასაც ისახავს იგი მიზნად.

შთამავანებელი და მიმზიდველია ის ოსტატობაც, რომელსაც ნ. ნიკოლაძე იჩენს მისთვის საინტერესო თემების გაშუქებისას. დახვეწილი ლოგიკურობა, ფაქტობრივი მასალის ღრმა ცოდნა, არსებითის წინ წამოწევის უნარი, ძლიერი პოლემისტური პათოსი, პარალელებისა და ანალოგიების ოსტატური მომარჯვებისათვის საჭირო დიდი ერუდიცია, მდიდარი ლექსიკური მარაგი და ურყევი რწმუნა თავის დებულებათა ჭეშმარიტობისა — აი, ის ფაქტორები, რომლებიც ნ. ნიკოლაძეს პუბლიცისტ-კლასიკოსად ხდიან და მის ნაწერებს შემეცნებით და ესთეტიკურ მნიშვნელობას უნარჩუნებენ.

ნუ დავივიწყებთ იმ გარემოებასაც, რომ გაზეთი «ობზორი», რომელშიც დაიბეჭდა წინამდებარე ტომში შესული ყველა წერილი, ერთ-ერთი ყველაზე პროგრესულ-დემოკრატიული ორგანო იყო ყველა იმდროინდელ გამოცემათა შორის.

მეექვსე ტომში შესული სტატიები თარგმნილია გივი მალულარიასა და ქეთევან ბურჯანაძის მიერ.

1. ერთხელ კიდევ ქალბატონ ბლავატსკაიანზე

მკითხველები ქვევით ნახავენ ქ-ნ ბლავატსკაიას შეპასუხებას ჩვენი ერთ-ერთი ფელეტონის¹ რამდენიმე სტრიქონის გამო. მე დავას არ დავიწყებ მის სტატიაზე, არც მის წიგნს დავესწმები თავს, შემოვიფარგლები მხოლოდ ორიოდ წვრილმანით. ჩემს ფელეტონში მაქვს ასეთი ფრაზა: „მე არ წამიკითხავს „თანამედროვე აზრის გამომხატველი მისი დიდებული თხზულება“, მაგრამ ვნახე ეს ორი ტომი და გადავათვალიერე“...

ქ-ნ ბლავატსკაიას რატომღაც სურს დაამტკიცოს, რომ მე მართალს არ ვამბობ, რომ არ შემეძლო მენახა მისი წიგნი. ის წერს: „გავეცანი რა საოცრად ღრმააზროვან რეცენზიას ჩემს წიგნზე „შიშველი იზოლდა“, რომელიც არც რუსეთს, არც თბილისს, არც თვით „ობზორის“² ღრმამაზროვნე რედაქტორს არასოდეს თვალთ არ უნახავთ, უნდა გამოვტყდე, ჩავფიქრდი“.

ამავე ზერხს მიმართა „ტიფლისკი ვესტნიკში“³ ქ-ნ ეელიხოვსკაიამ, რომელიც ამტკიცებდა⁴, რომ მე არ შემეძლო მენახა მისი დის წიგნი.

მე მესმის, რომ ქ-ნ ბლავატსკაიას, რომელიც თავისი არშინთ ზომავს ყველაფერს, ეჭვი შეაქვს ჩემს სიმართლეში. ამიტომ იძულებული ვარ ვთქვა, სად და როდის ვნახე და გადავათვალიერე (მაგრამ არ წამიკითხავს) მისი წიგნი. კავკასიის საცენზურო კომიტეტში (ჩემი იქ ყოფნის დროს) მიიღეს ქ-ნ ბლავატსკაიას თხზულების ეგზემპლარი ქ-ნ ეელიხოვსკაიას სახელზე. მე ხშირად მიხდება იქ ჯდომა თითქმის მთელი საათობით. დრო რომ მომეკლა, ავიღე ქ-ნ ბლავატსკაიას წიგნი და დავიწყე თვალიერება, რამდენიმე თავი კიდევ წავიკითხე. აი რატომ მქონდა სრული საფუძველი მეთქვა ის, რაც ვთქვი. ახლა მკითხველებმა განსაჯონ, თუ ვინ ლაპარაკობს სიმართლეს, მე თუ ქალბატონი ბლავატსკაია, რომელიც ამტკიცებს, რომ რუსეთს და თბილისს თვალთ არ უნახავს მისი წიგნი.

მეორე გარემოება: ქ-ნი ბლავატსკაია ეჭიდება ლონდონის გაზეთის „Public Opinion“-ის ავტორიტეტსა და შეფასებას. სა-

ნამ ის იმოწმებს ამერიკულ გაზეთებს, უნდა გავჩუმდეთ, რადგან იმათგან ძალიან ცოტას ვართ გაცნობილი, მაგრამ ლონდონის გაზეთებზე ნებას არ მივეცემთ მას, რომ იცრუოს.

მან მოიტანოს შეფასებები — და არა რეკლამები — ისეთი ავტორიტეტული გამოცემებისა, როგორც „Examiner“, „Athenaeum“, „Académie“ და ა. შ., მაშინ ჩვენ დავთანხმდებით „წავიკითხოთ“ მისი წიგნი. „Public Opinion“-ზე დაყრდნობა კი ისევე უბადრუკია, როგორც უარყოფა იმისა, რომ მე შემძღო მენახა მისი წიგნი. ჩვენ თვითონ ვღებულობთ გაზეთ „Public Opinion“-ს, მაგრამ, საუბედუროდ, მხოლოდ ამა წლის 1 იანვრიდან. 29 დეკემბრის ნომერი არა გვაქვს. მაგრამ ვთხოვთ ყველას, ვინც დაინტერესებულია ჩვენი პაექრობით, გადახედონ ამ გაზეთს. აქ შეხვდებით მხოლოდ ევროპისა და ამერიკის ცნობილი გაზეთებიდან გადმონაბეჭდ მასალას მორიგ საკითხებზე. საკუთარი გაზეთს არაფერი გააჩნია, გარდა ახალი წიგნების სათაურებისა და მათი მოკლე შინაარსისა. ეს საცნობარო გამოცემაა. დაე მკითხველებმა თვითონ გადახედონ გაზეთს და დარწმუნდებიან ჩვენ მიერ გამოთქმული აზრის საფუძვლიანობაში. და აი ასეთი გამოცემის შესახებ ქ-ნ ბლავატსკაიას ყოფნის კანდიდებმა ამტკიცოს, რომ „ყველა ავტორს ეშინია, როგორც ცეცხლის, მისი მიუდგომლობისა და სიმკაცრის გამო“. ვიმეორებ, ხელთ რომ არ გვქონოდა ეს გაზეთი, არ ვყოფილიყავით გაცნობილი ინგლისის ჟურნალისტიკას, ქ-ნი ბლავატსკაია მართლაც გაიმარჯვებდა თავისი ტყუილით ასეთ უსამართლო საქმეში.

იმის შესახებ კი, რა ღირს რეკლამები, რომლებიც თავსდება ამერიკულ გაზეთებში და როგორი ადვილია „განცხადების სააგენტოების“ მეშვეობით მოათავსო თავისქება არა თუ 63, არამედ 633 გაზეთშიც, ჩვენ ქ-ნ ბლავატსკაიას ვურჩევდით გადაეკითხა ფრიად ცნობილი და საინტერესო თხზულება ბ-ნ კიუშეველ-კლარინისა — „La presse aux. Etats-Unis“. რეკლამის სტრიქონი ამერიკაში ღირს 10 ცენტი საშუალოდ. მაშასადამე, არ არის საჭირო დიდი მოხერხებულობა იმისათვის, რომ რეკლამა გაუკეთო საკუთარ ნაწარმოებებს ამერიკულ გაზეთებში.

როგორი გულუბრყვილო იქნებოდა ქ-ნი ბლავატსკაია, მისთვის ასე იაფად ღირებულ თვალთმაქცობაზე რომ უარი ეთქვა.

2. კალმის ზირვეულობანი

განვლილი კვირა მდიდარი იყო სასცენო სიახლეებითა და მოვლენებითაც კი. თბილისმა იხილა ო'კარინი და ქ-ნი ჩიბურინა, მოისმინა უფ. კრეიჟანოვსკის სიმღერა და უფ. იაკუბოვიჩის სტვენა, გაძღა „საუკუნის დევგმირის“⁵, „მშვენიერი ელენესა“⁶ და „რევიზორის“⁷ ცქერით. ყველაფერი ეს „პირველად, აღდგენისთანავე“. მეტი რაღა გინდათ, განსაკუთრებით ზაფხულის სეზონისათვის?

სიმღერის შეფასებას ხელს არ კვიდებ. მაგრამ ჩვენში ერთდროულად სამი ისეთი ნაწარმოების დადგმაში, როგორიც არის „საუკუნის დევგმირი“, „მშვენიერი ელენე“ და „რევიზორი“, მე ვხედავ არა მხოლოდ უბრალო „დროების ნიშანს“, არამედ, რაც უფრო შეუდარებლად მნიშვნელოვანია, განგების ნაკარნახევ მოვლენას ჩვენი ანტრეპრენიორებისა და თეატრის კრიტიკოსების ჭკუის სასწავლებლად. ცერცეტა ადამიანებს შეუძლიათ, რასაკვირველია, ამ სამ პიესაში დაინახონ მხოლოდ სამი პიესა და სხვა არაფერი. მაგრამ, ვისაც თვალნი აქვს ხედვად, მისთვის ეს მთელი სამი ციკლია. მათი შემთხვევითი დაპირისპირება ჩვენ ყველას მომაკვდინებელ გაკვეთილს გვაძლევს, რომელიც, ჩანს, უნდა მარადსახსოვრად დარჩეს...

ჩვენი ლიტერატურა საერთოდ, და დრამატიული კერძოდ, ახლა „დაცემის პერიოდს“ განიცდის, სწორედ ისეთს, როგორიც მის მიერ იყო განცდილი 1848—1856 წლებში. ჩვენ რომ დრო და ყურნალების კოლექცია გვქონდეს, შეგვეძლო დაგვედგინა გასაოცარი პარალელი იმ ეპოქასა და ჩვენ დროს შორის, რათა შეგვედარებინა ამ ორი პერიოდის ლიტერატურული მოღვაწეობის თითქმის ყველა დარგი, რომელთაც, როგორცა ჩანს, არაფერი საერთო არ გააჩნიათ. მაგრამ, საერთო მითითებებით შეზღუდულნიც კი ნიკითხავეთ: განა უფ. უფ. უტინების, იაზიკოვების, ევგ. მარკოვების, სკაბიჩევსკების, მიხაილოვსკებისა და მისთანათა კრიტიკული წერილები არ გვაგონებენ ანენკოვის, დუდიშკინის, ოდელსონის, კატკოვისა და სხვა კრიტიკოსთა ეტიუდებს, რომელნიც მეფობ-

დნენ რუსეთში „სინამდვილესთან ხელოვნების ესთეტიკური და-
მოკიდებულების“⁸ გამოჩენამდე? განა ყველა თანამედროვე ბე-
ლეტრისტის ცდა, ვინც ხალხში მიდიოდა და მის ყოფასა და
მსოფლმხედველობას თავისი ტენდენციის ფერით ღებავდა, საოც-
რად არა ჰგავს უფ. უფ. ა. პოტეხინის, დ. გრიგოროვიჩის, ი. ტურ-
გენევისა და მისთანა ანალოგიურ მოღვაწეობას, რომელნიც
სრულიად რუსეთის „პეიზაჟებს“ ხატავდნენ და ორმოცდაათიანი
წლების დასაწყისში ჰქონდათ კურიოზული წარმატება სწორედ
თავის თხზულებათა ტენდენციურობის წყალობით? განა „რუსკი
არხივის“⁹, „რუსკაია სტარინას“¹⁰, „დრევენაია ი ნოვაია როსიას“¹¹
ყველა ეს ნედლეულობა და საზოგადოებაში წარმატება არ შეესა-
ბამება სწორედ ამგვარსავე ნედლეულობის სიუხვეს მაშინდელ
„აქტებსა“ და „შრომებში“ და მათ წარმატებას?! თანამედროვე
პუბლიცისტთა მსჯელობანი კი „სოფელში“ ჩაყურყუმალავეების,
ხალხთან დაახლოვების, მასთან მიჯაჭვის შესახებ იგივე არ არის.
(ოღონდ ახალი შეფერადებით), რასაც იმ დროს ქადაგებდნენ ჩე-
ნი „ნიადაგიდან მოწყვეტისა“ და „ჩენი ლიტერატურის არახალ-
ხურობის“ შესახებ?! მთელი განსხვავება, მაგრამ იგი მხოლოდ გა-
რეგნულია, მდგომარეობს მხოლოდ იმაში, რომ მაშინ ყველაფერი
ეს გამოითქმოდა რეტროგრადების მიერ, ახლა კი პროგრესისტე-
ბის მიერ არის პროპაგანდირებული... მაშინ ამის წინააღმდეგ იბ-
რძოდნენ რადიკალები, ახლა კი თავს იტეხენ მათი მოწინააღმდე-
გენი...

ერთი სიტყვით, რასაც არ უნდა მივაქციოთ ყურადღება, რა-
დარგიც არ უნდა ავიღოთ, ყველგან დავეინახებთ იმ ეპოქის ანა-
ლოგიურობას ჩვენ ეპოქასთან. ძირითადში, მთავარ ხაზებში ეს
ანალოგიურობა მდგომარეობს, რაც არა ერთხელ შეგვინიშნავს,
საერთო სახელმძღვანელო იდეებზე, ფილოსოფიურ განზოგადო-
ებებზე, ძირითად მიზეზთა გამოძიებასა და საფუძვლიან ღონისძიე-
ბებზე უარის თქმაში... წარსული პერიოდის ლიტერატურული
ლაშქარი მიდიოდა დარაზმული, გარკვეული მიზნისაკენ, მკვეთ-
რად დასახული მიმართულებით. მან განვლო გარკვეული მანძილი,
გააკეთა თავისი საქმე. მაგრამ იმ ხალხისათვის, რომელთაც სურთ,
შემწვარი მწყერები თვითონ უცვივოდნენ პირში, და მიზანი, რო-
მელიც მხოლოდ მთელი თაობების ძალღონეს შეეფერება, პირვე-
ლივე გამოსვლით იქნეს მიღწეული, პირველივე ცდის შემდეგ გაე-
მართნენ მისკენ, ამ მიზნის სიშორე უბრალოდ იქცა მისი მიუწ-
ვდომლობის დამადასტურებლად. რაკი დაინახეს, რომ იგი წინა პე-
რიოდის ლიტერატურის მიერაც არ იყო მთლიანად მიღწეული, ახ-

ლანდელმა სულმოკლეებმა და ბეცებმა წყალში გადაყარეს ადრინდელი დისციპლინა, დატოვეს ძველი გზები და წარმოიდგინეს, რომ საჭიროა დაფანტული სვლა პარტიზანულ რაზმებად, უდროშოდ და უპაროლოდ, ვისაც როგორ ჩააგონებს ღმერთი... და გასწიეს... ლიტერატურული ლაშქარი დაიქსაქსა, დაიწყო ბაბილონის ახალი აღრევა, რომელმაც დიდი ენერგია და მსხვერპლი შეიწირა.

ზოგი ჭირი მარგებელია, და ამ „უთავბოლოდ სვლამ“, ამ საერთო სისტემისა და საერთო მიმართულების დავიწყებამაც თავისებური სიკეთე მოიტანა. გაფანტული და გაცალკევებული მოღვაწეების დიდმა ნაწილმა დაიწყო ერთი ადგილის ტყეპნა, თითოეულმა მათგანმა რამდენიმე ვერსი გაიარა. საერთო ბრძოლა მიჩუმდა. მხოლოდ აქა-იქ გაისმოდა ცალკეულ გასროლათა ხმა, რომლის გაგონებაზეც არავინ გარბოდა და არც თუ ვინმე უპასუხებდა. დაიწყო თარეში, თავისიანების რბევა, მტრის წაქეზება და ა. შ. მაგრამ, სამაგიეროდ, რამდენიმე წლის შემდეგ, როცა ყველა მოიღალა და დარწმუნდა, რომ ამგვარი უსისტემობა არავითარ სარგებლობას არ მოიტანს, რომ მიზანი მაინც შორსაა, გაფანტულთა შორის ძლიერნი და საუკეთესონი გამოფხიზლდნენ. მათ მიმოიხედეს, გახედეს ველს, დაინახეს, თუ საით მიდიან გზები და საითაა ხრამები. დაცემულთა გვამები მათთვის იყო გეზის შეცვლის ნიშანი, ხოლო მთელი ბრბოს ხეტიალი — მოქმედების ველის მთლიანი დაზვერვა. დაინახეს რა ყველაფერი, ასწონეს და განსაჯეს რა ყველა მონაცემი, ისინი დარწმუნდნენ, რომ საჭიროა თავიდან დაწყება და ძველი გზით სიარული. და ახლადჩამოყალიბებული ლაშქარი მთლიანად დაიძრა ძველი გზით, იმ წერტილიდან, სადაც სულმოკლე და ბეცი მებრძოლების მიერ მიტოვებული იყო მათი წინანდელი ხელმძღვანელი...

ახალ მოძრაობას, ისე როგორც ყოველგვარ მოძრაობას ამ ქვეყანაზე, ჰქონდა ბედნიერი და უამინდო დღეები. ვიდრე გზა გატკეპნილი იყო, ვიდრე მზე აშუქებდა და ირგვლივ ბუნება ილიძებოდა, — ლაშქარი მწყობრად მიდიოდა, სიმღერებითა და მუსიკით. მაგრამ დადგა შემოდგომა, დაიწყო წვიმები, გაჩნდა სნეულებანი, ჩამოვარდა შიმშილობა, მოწინააღმდეგეთა დარტყმებისგან დაიწყეს ძირს ცვენა... ზღვები და მდინარეები ნაპირებიდან გადმოვიდნენ... მართალია, მოწინააღმდეგეს ბევრი სიმაგრე წაართვეს ბრძოლით, მაგრამ სრულ ზეიმამდე, მთავარ მიზნამდე მაინც შორს, ძლიერ შორს იყვნენ. ბოლოს თოვლიც მოვიდა. სულ-

მოკლეობა თავის ძალაში შევიდა, სიბეცემ კვლავ თავი წამოყო და
ლაშქარი ისევ დაიფანტა...

აი, ამას განიცდიან ახლა ჩვენი ლიტერატურული თანამოძმენი.

...როცა ჩვენ პირველად გამოვთქვით სამღურავე ჩვენი ლიტერატურის დაქსაქსვისა და დაცემის შესახებ, ყველა სხვადასხვაგვარად გამოეხმაურა მას: ზოგს ჩვენი შენიშვნები დროულად ეჩვენათ, მეორენი პირიქით — ამტკიცებდნენ, რომ ლიტერატურა არასოდეს არ მდგარა ისე მალა, როგორც ახლა, მესამენი კი, ბოლოს, ამტკიცებდნენ, რომ ლიტერატურის დაცემაში დამნაშავეა არა თვით ლიტერატურა, არამედ თანამედროვე საზოგადოება. განსაკუთრებით ცხარობდა უფ. სუვორინი. იგი მიუთითებდა ჩვენი გაზეთების გავრცელებაზე (ცალობით ვაჭრობაში), იმაზე, რომ საზოგადოება ახლა პოლიტიკით არის გატაცებული და ა. შ. ეს, ჭეშმარიტად, მართალია. — არასოდეს რუს საზოგადოებას იმდენი არ წაუყითხავს, არ უყითხავს ისე ხარბად, როგორც ახლა და არასოდეს წინათ იგი არ დაინტერესებულა ისეთი მნიშვნელოვანი საკითხებით, როგორითაც დაინტერესებულია ახლა. მაგრამ ამაშია საქმე? ამაშია ლიტერატურის დანიშნულება? ყოველ ჭორიკანას, სკანდალური ახალი ამბების ყოველ მომთხრობს შეუძლია ირგვლივ შემოიკრიბოს აუარებელი მსმენელი, დააინტერესოს და გაიტაცოს ისინი. გამოდით ბულვარზე სატკაცუნებლით, ან გაისროლეთ რევოლვერი, თუნდაც ცარიელი ვაზნა, რომ თქვენ ბრბო შემოგეხვევათ, თქვენზე დაიწყებენ ლაპარაკს, თქვენს გასროლაზე შეიქმნება მსჯელობა, მაგრამ, როგორი იქნება ყველა ამისი შედეგი? ისეთს რას ეტყოდით თქვენით დაინტერესებულ ამ ბრბოს, რომ ცალკეული პიროვნებები გაერთიანებულიყვნენ, რომ ყველა მათში ერთი და იგივე გრძნობა, ერთი და იგივე მისწრაფება აღმოცენებულიყო, რომ „ბრბო“ „ხალხად“ გადაქცეულიყო? რით გამოკეთდა ან რით გაკეთილშობილდა, თუნდაც ერთი ბეწოთი, თქვენით აღტაცებული ეს ბრბო იმის შემდეგ, რაც თქვენ მისი ყურადღება მიიქციეთ გასროლითა თუ ხმაურით? შეარხიეთ თუ არა სამოქმედოდ ის სიმი, რომელიც ყველა პიროვნებისათვის საერთოა? დაუსახეთ თუ არა თქვენ მათ გზა, რომლითაც ყველა გაეშურებოდა? აღმოცენდა თუ არა მათში ურთიერთ ახლონათესაობის, საერთო მიზნის, უწყვეტი კავშირის შეგნება? ეს არ გაგიკეთებიათ, რადგან თქვენ ხელი შეახეთ მხოლოდ თითოეული მათგანის ინდივიდუალურ გატაცებას და არა იმ მხარეებს, რომელნიც აკავშირებენ მათ და ერთ მთლიან, კომპაქტურ მასად შეადრულებენ. თქვენ შიშველი ფაქტი მიაწოდეთ, უამბეთ მისი ისეთი მხარეების შესახებ, რაც თითოე-

ელი ცალკე ადამიანის ფუჭ ცნობისმოყვარეობას აკმაყოფილებს და ამით მიადინეთ გონება. მან ახალი ამბავით გაიგო და, რაკი იფიქრა, საქმე ამით დამთავრდაო, წავიდა სახლში. სულ სხვა რამ მოხდებოდა, თუ იმ ახალი ამბის იმ მხარეებს შეეხებოდით, რომელთაც თქვენი მსმენელების ცხოვრებასთან კავშირი ექნებოდათ და, ადლებებდა რა მათ გონებას, წააქეზებდა ერთიანობისაკენ. შეაერთებდა მათ ცდებს საქმის გამორკვევისათვის, დაამყარებდა მათ შორის კავშირს საყოველთაო სოლიდარობისათვის... რომელნიც მათში დაფიქრებას გამოიწვევდა.

ღიახ, მკითხველი ახლა ბევრია, მაგრამ ეს გარემოება კი არ ამართლებს თანამედროვე ლიტერატურას, არამედ მას ადანაშაულებს. მით უარესი თქვენთვის, თუ ამდენი მკითხველი გყავთ და ვერ შესძელით მათი შთაგონება. თუ ძველად, როცა საზოგადოება აპატიური იყო; როცა ლიტერატურას არ შეეძლო შეხებოდა ამ საზოგადოებისათვის საინტერესო საკითხებს და, მიუხედავად ამისა. მაინც ახერხებდა მისი მისწრაფებები და მისი იდეალები გაეკეთილშობილებინა, რაღა უნდა თქვას თანამედროვე ლიტერატურამ თავის გასამართლებლად, რომელიც არაფერს ამის მსგავსს არ აკეთებს, მიუხედავად იმისა, რომ მის სიტყვას ყურად იღებს არც თუ ისე ხარბად მკითხველი ბრბო?

მეორენი ამტკიცებენ, რომ ლიტერატურის თანამედროვე დაცემულობა მომდინარეობს ახლანდელი საზოგადოებისა ზნეობის გაფუჭებისაგან, რომ ახლა დადგა „მჩქეფარე ებოქა“. რომ ახლა მადლი მალაყს გადადის და ამის გამო ლიტერატურას არაფრის თავი არა აქვს. ეს ძველი ჰანგი ჩვენ მოყირჭებული გვაქვს დედაქალაქის გახეთქშიც, სადაც რამდენიმე წლის წინათ ცრემლნარევიად გამოითქმოდა სხვადასხვა დაცემული მწერლების მიერ, რომელთაც ამით თავისი დაცემულობა და უნიკობა უნდოდათ გაემართლებინათ. ახლა ეს სიმღერა ჩვენში „ტიფლისკი ვესტნიკმა“ წამოიწყო. მაგრამ „საზოგადოება“, ბატონებო. სრულიადაც არ დაცემულა. შეადარეთ თანამედროვე საზოგადოება ორმოციანი თუ ორმოცდაათიანი წლების საზოგადოებას და დაინახავთ განსხვავებას თანამედროვეთა სასარგებლოდ. წინათ საზოგადოება ჩაფლული იყო გარყვნილებაში; წინათაც ჰყავდათ საყვარლები, წინათაც იღებდნენ ქრთამებს, წინათაც იღუნებოდა ბევრის წელი, წინათაც მიმდინარეობდა დიდი თანხების წავლევა, მაგრამ იმ დროს ყოველივე ეს იყო არა მხოლოდ ბუნებრივი, არამედ საზოგადოების უნებაში განმტკიცებული მოვლენა. წინათ, გარდა ორი-სამი „უმოწინავეისისა“, ამგვარი საქციელის სირცხვილს არც არავინ „გრძნობდა“.

და. მოხელე, რომლის ცოლიც აშკარად ასრულებდა ბობოლა კაცის პომპადურის მოვალეობას, გულწმინდად ამაცობდა თავისი „ბედნიერებით“. გადაეშვით ოცნებით მხოლოდ ოცი წლის წინა დროში და გაიხსენებთ ყველა ჩვენთვის ნაცნობ თვისებას... წინათ ფავორიტი დაუფარავად ძარცვავდა ხაზინასა და ხალხს, თანაც მთელი საზოგადოების პატივისცემით, სიყვარულითა და ნდობით სარგებლობდა. აბა გაიხსენეთ ანდრეევსკი... წინათ ქრთამს აშკარად იღებდნენ, როგორც აშკარად იღებთ ახლა თქვენ ჯამაგირს, და სწორედ ისე როგორც არასოდეს თქვენ თავში ფიქრი არ მოგივათ იმაზე, თუ რამდენად კეთილსინდისიერია აიღოთ თქვენს „შრომაში“ ისეთი დიდი თანხა, რომლისთვისაც გაყიდულია გლეხის უკანასკნელი პირუტყვი, ასევე არასოდეს არ პქენჯნიდათ სინდისი მიეღოთ „ძღვენი“ თანამდებობის შესაფერისად. ვხედავთ ახლა ამას? ახლა არა მხოლოდ მექრთამენი, საყვარლებიც კი ჩრდილს ეფარებოდნენ... ახლა „მადლობის“ თქმისასაც ხალხი კედელს ეკვრის თავისი „პატიოსნების“ დასამტკიცებლად. ახლა თვით მოიჯარადრე — ბალაიკინები თავის მოვალეობად თვლიან ყველას და ცალკეულს თავის ამადლებულ „მისიაში“ უტკებდნენ, და განა ეს არ ადასტურებს, რომ საზოგადოება უზნეო საქმიანობას ძველებურად აღარ ეკიდება? ახლა ბანკირებიც კი აღარ ბანკირობენ! საქიროდ თვლიან დაამტკიცონ, რომ ისინი უანგარო საზოგადოებრივი მოღვაწენი არიან! აბა დაწერეთ „სახალხო სალაროს გამსესხებელზე“, რომ ის ჩვეახშეა და ნახავთ როგორ მიგაბრძანებს სისხლის სასამართლოში და დაგიმტკიცებს, რომ იგი წელიწადში მხოლოდ 6 პროცენტს იღებს („შენახვის“ გადასახადზე არაფერს იტყვის) და თქვენ იძულებული იქნებით პოლიციის სისხლის სამართლის არქივი გადაქეპოთ გასამართლებელი საბუთების მოსაძებნად შესახებ იმისა, რომ 30 წლის წინ იგივე „ბანკირი“ („S'il vous plait“¹²) საჯაროდ იქნა გაროზგილი და ციმბირში გაგზავნილი სხვისი ქონებისადმი უცერემონიო დამოკიდებულებისათვის...

არა, ბატონებო, ცოდვას საზოგადოების ცილის დაწამება, ცოდვაა მით უფრო, რომ ამ საზოგადოების ზურგს უკან დგას ხალხი, თითქმის სრულიად უცოდველი იმ ზნეობრივ დაცემაში, რომელიც საზოგადოებას შეეხო ისტორიული და სხვა მიზეზების გამო. თუ თქვენ ნამდვილად ხელი ჩაიქნით საზოგადოების გარყვნილების გამო. მაშინ მოვალე ხართ მისი განახლება იქადაგოთ გაურყვნიელი ხალხისათვის ფართო ასპარეზის გახსნის გზით. თქვენ მოვალე ხართ დააჩქაროთ აღმოცენება და გამარჯვება ახალი საზოგადოებრივი

ფენებისა, რომელნიც ხალხის ხელუხლებელი წიაღიდან გამოდიან. სხვაგვარად მთელი თქვენი იერემიადა სხვა არაფერი იქნება, თუ არა გიყის დანაშაულის ჭკვიანზე ფარისევლური გადაბრალება...

თუმცა, ამას რას ვამბობთ? საუბარი დავიწყეთ სათეატრო კვირაზე და ღმერთმა იცის საით გადავუხვიეთ. საჩქაროდ უნდა დაევბრუნდეთ თეატრს.

„საუკუნის დევ-გმირი“ ჩვენთვის არის ტიპური წარმომადგენელი იმ ურიცხვი ნაწარმოებებისა, რომელნიც შობა „უთანხმოების ეპოქის“ დრამატულმა ლიტერატურამ. სხვა პიესები შეიძლება მეტ-ნაკლები ნიჟიერებითაც იყვნენ დაწერილნი, ვიდრე ეს პიესა, მაგრამ რომელიც არ უნდა აიღოთ, საერთო ნიშნები იგივე იქნება, რაც „საუკუნის დევგმირშია“. ჩვენ არაფერი გვესაქმება მასთან, ეს პიესა სხვისაგან არის გადმოდებული თუ ორიგინალურია. ჩვენთვის ეს წერილმანია. როგორც ტიპური ეგზემპლარი, ჩვენ თვალში იგი ყველასაგან არის გადმოწერილი და ყველა მისგანაა გადაწერილი. რას წარმოადგენს იგი?

ავტორი უთავბოლოდ დაეხეტება. მას არ აფიქრებს ლიტერატურის საერთო პრინციპები, მისი ფილოსოფიური აზრი და დანიშნულება. იგი განზე გადგა და თავისთვის საქმიანობს „Clacun pour soi“¹³ და აი, იმ მიყრუებულ ადგილზე, სადაც მარტო შეეხეტა, იგი ხედავს ფაქტს: პატიოსან ფაქტორს უყვარს მდიდარი ქალიშვილი (500.000 მანეთის მზითვით). გამოჩნდება მოხერხებული მატყუარა, საყვარელი უფროსი დისა, რომელსაც მზითვეი არა აქვს. ეს მატყუარა საქმეს აკვარახჰინებს. მოაჯადოებს მდიდარ საპატარძლოს და შეირთავს ცოლად. იგი გაფცქვნის ქალის მამას, ძმას ვალებში ჩასვამს, დედას უკლავს და ა. შ. ამის შესახებ ეუბნებიან ქალს, მაგრამ მას არა ესმის რა, — მას უყვარს და საკუთარ თვალებსაც არ უჯერებს. ბოლოს იგი „გამოფხიზლდა“ და ჭკუიდან შეცდა. საქმეც დამთავრდა.

ფაქტი, როგორცა ხედავთ, არაფერ საერთოს, არაფერ ტიპურს არ შეიცავს. განა ცოტაა ქვეყანაზე სულელი ქალიშვილი, ცოტაა გაიძვერა მატყუარა, განა ცოტა ვინმე ცდება ჭკუიდან და განა ცოტა ვინმე ვარდება ციხეში! მაგრამ, განა ცხოვრებაში გაგიყვებაც, გულარობებაც ამისთანა წმინდა შემთხვევითი მიზეზებიდან გამომდინარეობს და არ გააჩნიათ უფრო მეტი საერთო ფესვები? იმ ქალს რომ 500000 მანეთი არა ჰქონოდა, ხომ ყველაფერი კარგად იქნებოდა: მატყუარა მეორეს შეირთავდა, ის კი ექიმს გაჰყვებოდა, დედა ცოცხალი იქნებოდა, მამა ისევ მემამულედ დარჩებოდა, ძმა — მოქიფედ და ა. შ. ეს უბრალო „ანეკდოტია“ და სხვ. არა-

ფერი. იგი ნაამბობია გაბედულად და ბრბოც დაინტერესებულა ამით. შემდეგ ფარდა დაეშვა, ხალხი იშლება და ფიქრობს: „რა უცნაური შემთხვევაა“ და ამით ყველაფერი მთავრდება. მის გონებაში არ დარჩება არც ერთი სიცოცხლისუნარიანი ტიპი, არც ერთი ძირითადი აზრი, არც ერთი ცოცხალი შთაბეჭდილება, სულის გამკეთილშობილებელი. ეს იგივე გახლავთ, რაც ქუჩაში ცარიელი ვაზნის გასროლა.

ბრბო მოვიდა, ამოქნარა და წავიდა. ანტრეპრენიორს (აქ არ ვგულისხმობთ უფ. პალმს, არამედ საერთოდ ყველა ანტრეპრენიორს) შეუძლია, რასაკვირველია, უფ. სუვორინის სიტყვებით თქვას: „ნახეთ, რამდენი მაყურებელი გყავდა. ამდენი მაყურებელი ხომ არ ყოფილა თბილისში თუ ვორონეჟში 1857 წელს „კრეჩინსკის ქორწინების“¹⁴ წარმოდგენაზე“. მართალია, მაგრამ დადგამენ იმავე „საუკუნის დევ-გმირს“ მეორედ თუ მესამედ და თეატრი ცარიელი აღმოჩნდება, ხალხი პირს იბრუნებს. თეატრალური კრიტიკოსი პირველსავე წარმოდგენისას დააკვირდება ხალხის ფიზიონომიას და რადგან შთაგონებას, გატაცებას, აღტაცებას ვერ შეამჩნევს, წავა და თავისას დაწერს: „ხელოვნება ილუპება, სერიოზული ნაწარმოებები საზოგადოებას ვერ იზიდავს, იგი მხოლოდ ოპერეტებით არის გატაცებული!“ აი, წაბრძანდით და დაარწმუნეთ იგი, რომ მისი იერემიიდა ავბედითი და უაზროა, რომ ხელოვნება უკვდავია და არ შეიძლება დაიღუპოს; რომ ილუპება მხოლოდ სიყალბე, მხოლოდ ქორი, მხოლოდ ის, რაც ყალბ ხელოვნებაში კერძო, ინდივიდუალური და წვრილმანია.

მერე რა, დავდგათ ჩვენში ოპერეტები. ჩავარდა „მწვანე კუნძული“¹⁵, დაიღუპა „ფაუსტი უკულმა“¹⁶, ჩაიშალა „ეიროფლე“¹⁷. განა მათში არ იყო „ცოცხალი კასკადური მუსიკა“, განა მცირე იყო მათში უწმაწურობა და შიშველი ქალები? მაგრამ საზოგადოება ვერ მოიხიბლა მით, არ მისცა დღეგრძელობა მათ... შემდეგ დადგეს „მშვენიერი ელენე“, რომელსაც საერთო აღიარება აქვს, დადგეს „მგალობელი ჩიტები“¹⁸, რომელსაც ცნობილი სარჩული უდევს. საზოგადოებამაც აღტაცებით მიიღო ეს ნაწარმოებები, მიუხედავად მათი აღმაშფოთებელი გაფორმებისა, მიუხედავად მსახიობთა ცუდი თამაშისა... რაო! ვერ გაიგო თამაშის ნაკლოვანებანი!? არა, ამ მხრივ იგი განებივრებულია. მის წინაშე ამავე პიესებში თამაშობენ ისეთი ნიჭის მქონენი, როგორც ილოვასკი, სოკოლოვი, პრავდინი, აბარინოვი და მისთანანი. და მაინც ახლა შინაარსმა გაიტანა დადგმა... მაგრამ ეს მაგალითი მაინც არაა დამაჭერებელი, მაინც შეუძლია შემოგვეპასუხო: ამ პიე-

სებს წარმატება ხვდით მხოლოდ იმიტომ, რომ ოფენბახის კანკანურმა მუსიკამ იხსნა ისინი...

კარგით, მაგრამ „რევიზორში“ ხომ არაა კანკანური მუსიკა. „რევიზორი“ განეკუთვნება სერიოზულ ხელოვნებას, „რევიზორი“ ძველია, „რევიზორი“ გრძელია, „რევიზორი“ გონებას ამოძრავებს, „რევიზორი“ ავბორცობას არ ურტყამს, მაშასადამე, თქვენის აზრით, იგი უნდა ჩავარდნილიყო. მას წმინდა ხელოვნების ორი-სამი ქურუმი უნდა მიეზიდა და თანამედროვე საზოგადოებას. გატაცებულს კანკანებითა და გარყვნილს სატურნალიებით, პირი უნდა ებრუნებია მისგან? მაგრამ, ასეა? მაშ პარასკევს თეატრი რად იყო ისე სავსე, რომ ნემსი არ ჩავარდებოდა, რატომ უსმენდა მთელი საზოგადოება ასეთი გულისყურით პიესის თითოეულ ფრაზას, რაც ჭერ კიდევ სკოლის მერხიდან ზეპირად იცის? რატომაა, რომ, მიუხედავად იმისა, რომ „რევიზორში“ ისეთი მსახიობების თამაში ნახა, როგორიც ვინოგრადოვი, სოკოლოვი, ნილსკი და სხვები არიან, იგი წარმოდგენით კმაყოფილი დარჩა.

იმიტომ, ბატონებო, რომ „რევიზორში“ არა არის რა კერძო, ანეკდოტური, შემთხვევითი, ადგილობრივი; თვით ანეკდოტი, გამოყენებული კომედიის ფაბულად, ქრება და წინა პლანზე დგება ჩვენი სინამდვილის ისეთი მხარეები, ჩვენი ცხოვრების ისეთი ფარული ძალები, რომელთაც რუსი მოქალაქისათვის, რომელ წოდებასაც და რომელ კუთხესაც არ უნდა ეკუთვნოდეს, საერთო მნიშვნელობა გააჩნია. ეს არაა ეპიზოდური შემთხვევის უაზრო შეფარდება, არაა ქანრული სურათი, არაა ტენდენციური ქადაგება თემაზე: „თუ გინდა მდიდარი ქალი შეირთო — იყავი სათნო“; არაა ფოტოგრაფიული სურათი სინამდვილის გარეგნული მხარისა, არამედ მთელი სინამდვილის, მისი მამოძრავებელი ძალებით, ერთ ფოკუსში ჰკვიანური გამოფენაა, განაჩენია ამ სინამდვილის მიმართ. ვუცქერით ამ გამოფენას და უნებურად ვგრძნობთ, რომ იგი ეხება ჩვენ სულს, ჩვენ გულს, იმიტომ, რომ იგი ჩვენი ცხოვრებაა, ჩვენი ვითარებაა გამოსახული ჩვენს წინ. და, რადგან პიესაში ჩვენი ცხოვრების საკითხთა გამოძახილს ვნახულობთ, ძალაუვნებურად გვიტაცებს, გვზრდის, გვაფიქრებს და ვიწყებთ მახლობელთან ჩვენი კავშირის შეგრძნებას...

აბა სცადეთ ასეთივე ჰკუითა და ასეთივე სიმართლით შეეხოთ ცხოვრების თანამედროვე საკითხებს, სცადეთ ერთი ნაწარმოების ფოკუსში მოაქციოთ ყოველმხრივი და გააზრებული სურათი ჩვენი სინამდვილისა, სცადეთ გადახსნათ ჩვენი იარები, წარმოსთქვათ აზრიანი განაჩენი ჩვენს მდგომარეობაზე და ნახავთ — მომკვდარა თუ

არა ჩვენი საზოგადოება და უდაბნოში ღალატია თუ არა თქვენი ხმა. მაშინ მთელი საზოგადოება, როგორც ერთი ადამიანი, ისე შეტოვდება, ყველას ერთი და იგივე გრძნობა დაეუფლება, და თქვენ დარწმუნდებით, რომ ჩვენი დროისათვისაც შესაძლებელია ისეთივე წარმატება, რაც ოცდაათიან წლებში ხვდა წილად კომედიას „ვაი ჭკუისაგან“, ორმოციან წლებში — „რევიზორს“, ორმოცდაათიან წლებში — „საგუბერნიო ნარკვევებს“, ხოლო სამოციანში... მაგრამ, კმარა.

აქედან — ზნეობრივი სწავლა: „საუჯუნის დევ-გმირისა“ და მისი მსგავსი ქმნილებების წარმომშობ ლიტერატურას უფლება არა აქვს უსაყვედუროს საზოგადოებას, რომელიც ამისთანა უაზრობით გატაცებაზე უარს ამბობს. თუ ლიტერატურას ღონე არ შესწევს საზოგადოებას მისცეს რაიმე აზრიანი და გამძლე, ამაში დამნაშავეა არა საზოგადოება, არამედ უნიჭობა თვით ლიტერატურისა. რომლის თანამედროვე წარმომადგენლები თუ დაბლა არა, ძლიერ მაღლა მაინც არ დგანან თავის საზოგადოებებზე. ხოლო „მდგომარეობასა“ და „შევიწროებაზე“ ჩივილი საჭირო არაა. ამის მსგავსი სიძნელენი მხოლოდ უნიჭობას აფერხებენ. ლიტერატურის ისტორია აქ სახეზეა: რომელ სერიოზულ ტალანტს უშლიდა ხელს ეს „შეზღუდვანი“? პუშკინსა თუ გოგოლს ბელინსკისთან ერთად. შჩეღრინსა თუ ოსტროვსკის დობროლუბოვთან ერთად? ვისაც რაიმე აქვს სათქმელი, ასე თუ ისე, თავისას მაინც იტყვის. განსვენებული კუზმა პრუტკოვი სრულიად მართალი იყო, როცა თავის საუცხოო აფორიზმს გამოთქვამდა: „ცუდს ვუწოდებ იმ მწერალს, რომლის ნაწარმოებები მოუხერხებელია დაბეჭდვისათვის“.

3. პასუხი ბამოწვევაზე

დღეს „ტიფლისკი ვესტნიკში“³ (№ 141) დაბეჭდილია შემდეგი დოკუმენტი, რომელიც გადმომამკვს „ობზორის“² სვეტებზე ყოველგვარი ცვლილების გარეშე:

„ღია წერილი ბავთ „ობზორის“ რედაქტორ ნიკოლაძეს.

მოწყალეო ხელმწიფევი

თქვენ დაბეჭდეთ „ობზორში“ რიგი წერილებისა (№№ 75, 96, 100, 108, 121, 126, 130, 131, 132, 134), რომლებიც ჩირქს სცხებენ ჩემს სახელს. თქვენ რომ მოგცეთ სრული გასაქანი დამიშტაციოთ ჩემს წინააღმდეგ მომართული ბრალდებები, გიწვევთ ღირსების სამსჯავროში. მან გადაწყვიტოს, თუ რაოდენ საფუძელიანია ეს ბრალდებები, რა მოტივით არიან ისინი გამოწვეული, განსაზღვროს ყველა აღნიშნული სტატიის ხასიათი ერთობლივად და გამოიტანოს განაჩენი. და თვითული ჩვენგანის საქციელს დამსახურებულად დაარქვას თავისი სახელი. ჩვენ ორთავე უსიტყვოდ უნდა დავემორჩილოთ განაჩენს, რომელიც უნდა დაიბეჭდოს „ობზორში“. სამედიკატორო მოსამართლეებად ვასახელებ შემდეგ პირებს: ვ. ნ. აბულაძე, თავ. ი. ა. ანდრონიკაშვილი, ე. გ. ჰეიდენბაუმი, ნ. ი. ევრონოვი, გ. ვ. ვეანგულოვი, გ. ნ. მელეგი, ნ. ი. მელიქ-კარაკოზოვი და დ. ი. ყიფიანი. თქვენ შეგიძლიათ, თუ საჭიროთ სცნობთ, შეამციროთ მათი რიცხვი.

ბ. ლოლობერიძე“.

ამ „ღია წერილმა“ შესაძლოა მკითხველ საზოგადოებაში დიდი გაუგებრობა გამოიწვიოს, მაგრამ ჩემთვის იგი ნათელია, როგორც მზიანი ცისმარე დღე. ეს უკან დახვევის შენიღბული ცდაა, თუ ღირსეულად არა, ყოველ შემთხვევაში, მისდაგვარად მაინც. მე სჯერათოდ დიდად არ ვაფასებ ბ. ლოლობერიძის გონებრივ უნარს. მაგრამ მაინც არ შემიძლია დაეუშვა, რომ ის იყოს ისეთი, როგორც გვაჩვენებს ტრავს ამ წერილში. „სამედიკატორო სასამართლო“ არ არის ისეთი უხალი რამ, რომელზედაც არ ჰქონდეს მას ოდნავი წარმოდგენა, როცა ვაჭარმა ბიჭუნებმაც კი იციან, როგორ სდგება ის. უნდა იყო გიჟი, ასეთად აღიარებული საგუბერნიო საერთო საკრებულოს სამმართველოს მიერ, რომ სამედიკატორო სასამართლოს სთვლიდნენ ისეთად, რომელიც შესდგება მხოლოდ ერთი მხარის მიერ მოკრებილი წევრებისაგან, მეორე მხარეს კი ეძლევა უფლება მხოლოდ „შეამციროს ეს რიცხვი“ მოსამართლეთა. მაგრამ ასე-

თი სიგიჟეც არ არის საკმარისი, რომ შთაავონო საკუთარ თავს სამედიკატორო სასამართლოს, ღირსების სამსჯავროს გადაქცევა ცალმხრივ სამსჯავროდ ჩვენი წერილების საფუძვლიანობის დასადგენად და მსჯავრის დასადგებად.

ბ-ნი ლოლობერიძე ბავშვი არ არის, არ ესმოდეს, რომ სამედიკატორო სასამართლოზე ორთავე მხარე თანასწორუფლებიანია, ორთავე ასამართლებს, ორთავე ამტკიცებს თავის სიმართლეს. ბ-ნი ლოლობერიძეს კი სურს დარჩეს როგორც მაყურებელი, სურს, რომ ჩვენ ვამტკიცოთ ჩვენი სიმართლე, რომ სასამართლომ „განსაზღვროს აღნიშნული წერილების ხასიათი“. ხოლო იმაზე, რომ სასამართლომ დაადგინოს ბანკის წესდების შედგენის ხასიათი, მისი საქმეების წარმართვა და სხვა, ის შეგნებულად სდუმს.

საზოგადოებისათვის გასაგებ ენაზე რომ ვთარგმნოთ. უფ. ლოლობერიძის წინადადებები ასეთია: „მე შევარჩიე ჩემი მეგობრები, შევადგინე მათგან ტრიბუნალი, მობრძანდით, გაიმართლოთ მის წინაშე თავი და მოისმინეთ როგორ განაჩენს გამოიტანს ის თქვენზე“.

ვიმეორებ, ბ-ნი ლოლობერიძე არც ისე სულელია, რომ იმედი ჰქონებოდა ასეთ მზაკვრულ ხაფანგში ჩემი შეტყუებისა. მან კარგად იცის, ჩემთვის რომ მოეცა უფლება სასამართლოს წევრების შეკრებისა, ჩემს მიერ შედგენილი სასამართლო გამოიტანდა განაჩენს, რომ ბ-ნი ლოლობერიძეს, სულ მცირე, ეკუთვნის ჩამოხრჩობა, შემდეგ კი „განსაკუთრებული გაწყევლა“.

მაშასადამე. ბ-ნმა ლოლობერიძემ მომცა წინადადება ჩემი უარის ვარაუდით. ის მსჯელობდა ასე: ორიდან — ერთი: ან ნიკოლაძე დათანხმდება სულელურად და ჩემი მსაჯულები დაადებენ მსჯავრს, ანდა ის იტყვის, რომ ეს მახეა, და მაშინ მე ამშორდება შემდგომი უსიამოვნებები, დავიწყებ მტკიცებას — ნიკოლაძემ ვერ გაბედა გამოწვევის მიღებათქო.

როგორც ხედავთ, გაანგარიშება არ არის სულელური: მეზურნეები დააყვირებენ „გამარჯვების“ საყვირებს, ბანკის საქმეები კი დარჩება ისევ სიბნელეში...

მართლაც, საჭირო გახდა ორ თვეზე მეტი იმისათვის, რომ მას ასეთი სიმანხიჩე მოეფიქრებინა. მაგრამ ყოველივე ეს როგორ კარგად გვიხატავს ბ-ნი ლოლობერიძის ჭკუასა და გულს!

საწყალი, იგი ფიქრობს, რომ მსგავსი ოინებით შეიძლება ღირსების აღდგენა და მოწინააღმდეგის განადგურება. ის ფიქრობს, რომ პრესაში, საჯარო ბეჭდვით სიტყვაში, მთელი საზოგადოების

წინაშე, კორაობისათვის შესაფერი ხერხებით მიაღწიოს სიმართლეს.

მე შემედლო გულისწყრომით უკუმეგდო ეს უღირსი გამოწვევა, შემედლო მეთქვა: ბ-ნი ღოღობერიძე ან სულ მთლად ისე უმეცარია, რომ ვერ ხედავს თავის მდგომარეობის მთელ უხამსობას და ამ შემთხვევაში შეიძლება ჩემი მხილებები ჩავთვალოთ საცსებით დამტკიცებულად, ანდა მას კარგად აქვს შეგნებული ამ პირობების მნიშვნელობა და პატიოსან ბრძოლას განზრახ აქტევს უპატიოსნო მახედ. საზოგადოებაც, რომელიც ტაშს უკრავდა „ტიფლისკი ვესტნიკის“ რედაქტორს, როდესაც მან მსგავსი მოსაზრების საფუძველზე უარყო ერთ-ერთი თავისი მოწინააღმდეგის გამოწვევა, დაასკვნა, რომ მე სრულიად მართალი ვარ. მაგრამ არ მინდა ბ-ნი ღოღობერიძეს მივცე თუნდაც პატარა ხელჩასაკიდი თავის დასაძკრენად და ვლებულობ მის გამოწვევას, ზოგიერთი შეზღუდვით. დაე საზოგადოებამ შეადაროს ჩემი პირობები ბ-ნი ღოღობერიძის პირობებს და თქვას ვის მხარეზეა პატიოსნება, ურომლისოდაც ყოველგვარი ბრძოლა სამარცხვინოა.

მე ვასწავლი ბ. ღოღობერიძეს, თუ მან არ იცის, როგორ სდგება სამედიატორო სასამართლო.

უპირველეს ყოვლისა, ორთავე მხარეს აქვს თანაბარი უფლება ერთი და იმავე რაოდენობით აირჩიოს სასამართლოს წევრები 2, 3 და მეტი რაოდენობით თვითეული მხარიდან. ორივე მხარის მიერ არჩეული წევრები ირჩევენ თავიანთ თავმჯდომარეს. მსაჯულების არჩევასთან ერთად, სანამ დაიწყებოდეს მათი მუშაობა. სდგება მხარეთა შორის სამედიატორო ჩანაწერი, რომელშიც დაწვრილებით უნდა გაირკვეს: სახელდობრ რა საკითხების გადაწყვეტა ექვემდებარება სასამართლოს, ვის რაში ედება ბრალი, რა წესით ხდება სასამართლო, სად, როდის, ვისი თანდასწრებით, და ექვემდებარება თუ არა მისი განაჩენი გასაჩივრებას ან საჯაროდ გამოტანას?

ბ-ნი ღოღობერიძე ვალდებული იყო. სანამ ჩამოაყალიბებდა თავის წერილში სასამართლოს პროგრამას და დაასახელებდა მის შემადგენლობას, თუ გულწრფელად სურდა ღირსების სამსჯავრო, გამოეგზავნა რწმუნებული, რომელიც ჩემთან, ან ჩემ რწმუნებულთან ერთად, გამოიმუშავებდა მსგავს სამედიატორო ჩანაწერს.

ამასთან, მე თუ წარმოვადგენდი რაიმე გადამეტებულ მოთხოვნას, ბ-ნი ღოღობერიძეს ექნებოდა უფლება მიემართა საზოგადოებისათვის და ეთქვა, რომ ჩემი მოთხოვნის გადაჭარბება და მეძიებლობა მიმართულია სასამართლოს აცილებისაკენ.

ბ-მა ღოღობერიძემ არაფერი ამგვარი არ გააკეთა. კეთილინებოს, შეიწუხოს თავი და დაიწყოს თავიდან.

ჩემი მოთხოვნები შემიძლია გამოვთქვა ახლავე, ისინი იქნება სავსებით ზომიერი, ამასთანავე ისეთი, რომელთა საფუძვლიანობაზე მთელი საზოგადოება მოაწერს ხელს.

მე მოვითხოვ, მაგალითად: რომ ყველა მსაჯული იყოს სრულად კომპეტენტური პირი, სახელგანთქმული (რომ მათი განაჩენი რაიმედ ღირდეს საზოგადოების თვალში), რომ თვითეულ მხარეს უფლება ჰქონდეს აცილება მისცეს მოპირდაპირე მხარის მსაჯულს (იმ შემთხვევაში, ვთქვათ, თუ მე, დაცინვის მიზნით, ვიფიქრე დამესახელებინა სასამართლოს შემადგენლობაში ჩემი მსახური); რადგან ბ-ნ ღოღობერიძესთან ჩვენ ვაწარმოებთ არა ფულად ანგარიშსწორებას, მსაჯულთა პიროვნება, ვფიქრობ, უნდა იდგეს დავის საგნისა და მოდავეთა ღირსების დონეზე. მოვითხოვ, რომ მე მომეცეს უფლება ვქექო მიხაილოვის ბანკის საქმეები და წამოვიღო იქიდან ასლები ყველა საჭირო ქალაქისა. მოვითხოვ აგრეთვე, რომ სასამართლოს სხდომაზე დაშვებულ იქნას საზოგადოება, რომ მხარეთა კამათი იწერებოდეს და იბეჭდებოდეს საერთო ცნობარში და სხვა. დასასრულ ერთი განმარტება, რომლის საფუძვლიანობასაც არ შეხვდება რაიმე წინააღმდეგობა: მე ვთხოვლობ, რომ ამ სასამართლოს განაჩენს ექვემდებარებოდეს საკითხების სამი ჯგუფი: 1. საკითხები, რომლებიც შეეხება პერიოდს მიხაილოვის სამიწათმოქმედო ბანკის დაარსებამდე და მის საქმის წარმოებას; 2. ბ-ნ ღოღობერიძისა და მისი ხროვის საქმიანობის შეფასება ჩემს მიერ და 3. ჩემი შეფასება ღოღობერიძისა და მისი ხროვის მიერ, ბ. ქუთაისელის სტატიის ჩათვლით, რომელიც წარმოადგენს წმინდა წყლის ცილისწამებას. თუ სასამართლოს ექვემდებარება ჩემი გულმართალი მხილება, მაშინ სამართლიანობა მოითხოვს იმავე სასამართლოს ექვემდებარებოდეს ის ცილისწამებაც, რომელიც ვრცელდებოდა და უკვე რამდენიმე წელია ვრცელდება ჩემზე. თუმცა, მე დაჟინებით არ მოვითხოვ ამ მოთხოვნების შეუცვლელობას. შეუცვლელად მინდა დარჩეს ერთი რამ: დაუშვან სასამართლოს სხდომათა სრული საჯარობა. დანარჩენი მოთხოვნების შესახებ შეგვიძლია შევთანხმდეთ და პირობას ვიძლევი ვიყო დამთმობი, რამდენადაც ამის ნებას იძლევა დავის ღირსება და ინტერესი.

გადავდივარ რა სასამართლოს შემადგენლობასა და არჩევაზე, რაც წინასწარ გააკეთა ბ. ღოღობერიძემ, ახლავე უნდა განვაცხადო უცნაურობა ამ შემადგენლობისა. დავის გადასაჭრელად, რომელშიც უღიდეს როლს თამაშობს ქვეყნის აგრარული მდგომარე-

ობა, მდგომარეობა მისი მიწათმფლობელი წოდებისა, საბანკო საქმის ფინანსური მხარე, მოსახლეობის მოთხოვნილებანი, საჭიროებანი და სხვა, ბ-ნი ღიღობერიძე გეთავაზობს პირებს, რომელთათვისაც უცხოა ყველა ეს საკითხი. რით და როდის გამოიჩინეს თავი ბ. ბ. აბულაძემ, ევანგულოვმა, მელეგიმ და მელიქ-კარაკოზოვმა, ეს არ ვიცი და, ვფიქრობ, „ობზორის“² მკითხველებმა პირველად გაიგონეს ეს სახელები, ძნელი არ არის იმის წარმოდგენა. თუ რა ფასი ექნება მათ განაჩენს ჩემსა და საზოგადოების თვალში. ამასთანავე, „კავკაზის“¹⁸ რედაქტორ ბ-ნ ვორონოვის „ობზორის“ რედაქტორის მსაჯულად დანიშვნა, მეტი რომ არაფერი ვთქვათ, უცნაურობაა. ბ-ნი ვეიდენბაუმი ფრიად ნიჰიერი ახალგაზრდაა და ძალიან მოხარული ვიქნები ვიხილო ის ჩემს მსაჯულთა შორის, მაგრამ, ვფიქრობ, ის თვითონ უხერხულად იგრძნობს თავს, მიიღოს მონაწილეობა არაკომპეტენტურ მსაჯულთა სხდომებში. თავად ი. ანდრონიკაშვილის შესახებ არაფერი მაქვს სათქმელი, გარდა იმისა, რომ ის არის თბილისის საადგილმამულო ბანკის სამეთვალყურეო კომიტეტის წევრი და მისთვის უხერხული იქნება მსჯავრის დადება ქუთაისის ბანკზე მსგავსი მოქმედებისათვის. აუშკა სრულ თანხმობას ვაცხადებ მის მონაწილეობაზე სასამართლოში, როგორც დ. ი. ყიფიანისა, მიუხედავად იმისა, რომ ის ნათესავია ენ ძაფ-ის მეზურნეთა ხროვიდან.

ჩემის აზრით, აუცილებელია სასამართლოზე დასწრება ისეთი პირებისა, რომელთა სპეციალობა უზრუნველყოფს მათი განაჩენის საფუძვლიანობას. აგრარული საკითხები და მასთან თანმხლები საიპოტეკო საკითხი, როგორც ცნობილია, კარგად ესმის ბ-ნ კუჩაევს; სამიწნაო საქმის მდგომარეობა არანაქლებ ესმის ე. პ. სტარიცკის; საფინანსო საკითხები შეადგენს ბ-ნ კაიდანოვის სპეციალობას; ლიტერატურული პოლემიკის ადათ-წესები ცნობილია ბ-ნ ვეიდენბაუმისათვის; იმერეთის მიწათმფლობელობის მდგომარეობა ესმის დ. დ. ჯორჯაძეს და ა. შ. მე არ მოვიტხოვ დაბეჯითებით სწორედ დასახელებული პირების არჩევას (შეამოწმეთ და თვითონ დარწმუნდებით, რომ ბევრი მათგანი თვალთ არ მინასაეს, ზოგს კი ვიცნობ მხოლოდ საღმით და არც ერთ მათგანთან მეგობრულ და ნათესაურ კავშირში არ ვარ). მაგრამ მე მივუთითებ წესზე, რომლითაც უნდა ჩამოყალიბდეს ღირსების სასამართლო, რომელმაც უნდა გაარჩიოს სერიოზული დავა. თქვენ თუ იცნობთ უკეთეს სპეციალისტებს დასახელებთ, სიამოვნებით მივიღებ მათ.

ერთი სიტყვით, დაიწყეთ თავიდან, რწმუნებულის გამოგზავ-

ნით. უპირველეს ყოვლისა, შევადგინოთ ჩანაწერები და შევჩერდეთ მსაჯულების არჩევაზე.

ამასთან, ბ-ნი დოლობერიძე ნუ კარგავს ზედმეტ დროს თავისი გამოწვევების გზავნით „ტიფლისკი ვესტნიკში“. ვფიქრობ, მას შეეძლო დარწმუნებულიყო, რომ არ მეშინია მისი წერილებისა და არ ვმალავ მათ ჩემი მკითხველებისაგან. განა არ აჯობებს, რომ ისინი პირდაპირ ჩემთან გამოგზავნოს „ობზორში“?

4. საკვირაო საშუალო

და მეც კონგრესის შესახებ. — მისი მნიშვნელობა. — რით შეიძლება მოიგონოს ის მომავალმა საუკუნეებმა? — ჩამოხრჩობილი, გამოცხადებული ჩამომხრჩობის წარმომადგენლად. — არგუმენტაცია კონგრესზე და „მტკიცება კონგრესისაგან“. — ორიგინალური, მაგრამ უცილობელი მოსაზრებები. — როგორ მართავენ ციურები აამყაროს. — ძლიერთან უძლური ყოველთვის დამნაშავეა. — გენერალი ფაქენგაგენი — რიონის ღუნიანზე გამკვლელი. — როგორ დგამდა ის ბარაკებს. — „თქვენო აღმატებულება, თქვენ გეკუთვნით ჩამოხრჩობა“. ადამიანების ჩამოხრჩობის ახალი ხერხი, ახალი გარიგებების მიცემით. — ჩემ მიერ აღმოჩენილი ახალი კანონები. — თავადი ი. ორბელიანის გმირობა — ბედშივე ბედისწერა ბნ გუდომღეკოვიჩისა. „რის გულისათვის?“. — გრძელი მსჯელობა თემაზე: ტყუილებრალთ არ სცემენ. — გაფრთხილება. რომელიც, რასაკვირველია, არ იქნება მიღებული. — დღეს და ხვალ. — ხალხის ვალი.

ბერლინის კონგრესი²⁰ ბევრს აინტერესებს სხვადასხვა თვალსაზრისით. ერთნი გულის ფანცქალით ელიან მისგან საბედისწერო საკითხების გადაწყვეტას: „იქნება თუ არა ომი“. მეორენი არანაკლები დაძაბულობით ეკითხებიან საკუთარ თავს — განთავისუფლებს თუ არა ეს კონგრესი მათ სამშობლოს ან ეროვნებას...

ცოდვილ კაცს, მე არ დამიყენებია და არც შემიძლია დაჯაყუნო მსგავსი საკითხები. მე ვეკუთვნი იმ პირთა რიცხვს, რომლებიც დარწმუნებულნი არიან, ბისმარკის მსგავსად, რომ დიდმნიშვნელოვანი საკითხები წყდება „კონგრესის გარეშე“; ამიტომ მჯერა, რომ რაც მოსახდენია იმას ვერ ავშორდებით კონგრესის გამო. ამიტომ, როცა მინდა გადავწყვიტო ანდა გამოვიცნო ჩემთვის საკითხი ზავისა და ომის შესახებ, მე თვალს ვაპყრობ სრულიადაც არა კონგრესს... მეორე მხრივ, კარგად ვიცი, რომ კონგრესზე არასოდეს არ იქნება ლაპარაკი ჩემი სამშობლოს ან ჩემი ერის განთავისუფლების შესახებ და, უნდა გამოვტყდე, არც ვთვლი საჭიროდ და საპატიოდ „კონგრესის გზით“ განთავისუფლებას... სამაგიეროდ, ის იტაცებს მთელ ჩემს ყურადღებას თავისი მოღვაწეობის ერთი ისეთი მხარით, რაც სხვებს ნაკლებად აინტერესებთ, მიუხედავად მისი სიახლისა და კულტურულ-ისტორიული მნიშვნელობისა.

გავა წლები. კაცობრიობა დაივიწყებს ყველა ამ კორტებისა და

ვადინგტონების, უბრიების და ბიკონსფილდების არსებობას. ბერლინის კონგრესზე ჩვენს შთამომავლობას ემახსოვრება იმდენივე, რამდენიც, მკითხველო, ჩვენ გვახსოვს ლაიბახსზე. კეთილი გერმანელები მომავალი საუკუნეებისა ბუნდოვნად მოიგონებენ ბისმარკს — გერმანიის ერთიანობის შემქმნელს. ისტორიული კურიოზების მოყვარულები მოუთხოვრებენ ერთიმეორეს ანდრაშის უცნაურბედისწერას, რომელსაც 1849 წელს, იმპერატორ ფრანც იოსების მიერ, მისჯილი ჰქონდა ჩამოხრჩობა და 30 წლის შემდეგ გამოცხადდა კონგრესზე იმავე იმპერატორის სრულუფლებიან წარმომადგენლად... არავითარი სხვა მოგონებები ხალხის მახსოვრობაში. მაგრამ ფილოსოფიის ისტორიკოსებს და ლოგიკის უკანასკნელ მოგიკანებს ემახსოვრებათ იგი, ვიდრე სამყარო არსებობს. მომავალი საუკუნეების სემინარისტები დაიწყებენ მისი დადგენილებების ზუთხვას და ლოგიკის პროფესორები უკუნისიდან-უკუნისამდე მიუძღვიან მას ლექციებისა და ჩანაწერების საუკეთესო ფურცლებს.

საქმე ისაა, რომ ამ კონგრესმა საქმისათვის თითქმის პირველად გამოიყენა, წმინდა ბისმარკული გულახდილობით, არგუმენტაციისა და ლოგიკური მტკიცებების სრულიად ახალი ხერხი. ხუთი წლის უკან, როცა შეერთებულმა შტატებმა დაიწყო ზრუნვა ყველა საერთაშორისო საკითხის სამედიატორო სასამართლოს სამშვიდობო ასპარეზზე გადატანისათვის, ჩემმა ფანტაზიამ წარმომიდგინა სურათი ამ სასამართლოს მომავალი სხდომებისა. მე არ ვფიქრობდი, რომ ფანტასტიკური სურათი, დახატული მაშინ ჩემს მიერ²¹ გაზეთ „დროებაში“²², ასე მალე გადაიქცეოდა სინამდვილედ. მაგრამ ახლა, როდესაც მოვლენებმა განახორციელეს ფანტაზია, საჭიროა მისთვის კვლავ ხელის მოკიდება.

აქამდე არსებობდა არგუმენტაციისა და მტკიცების სხვადასხვა ხერხები. რა არის „მტკიცება საწინააღმდეგოთი“, „მტკიცება შედარებებით“ და სხვ., ეს ცნობილია ყველასათვის, განსაკუთრებით კი სემინარიის მოსწავლეთათვის. ბერლინის კონგრესმა გააშუქა ახლა ახალი რიგი მტკიცებებისა, რომლებსაც მომავალი გოგოცების „ლოგიკაში“ უნდა გამოეყოს ცალკე თავი რუბრიკით „მტკიცებები კონგრესისაგან“.

იცით თუ არა, როგორი ლოგიკური მოსაზრებებით და დასკვნებით წყდება დავა და საკითხები კონგრესზე?

დგება თავადი გორჩაკოვი რუსეთის სახელით და წარმოთქვამს დაახლოებით ასეთ სიტყვას: პატივცემულო კოლეგებო, რუსეთმა შეისმინა თურქეთის მიერ დაჩაგრული ხალხის გოდება და იშიშვლა თავისი ხმალი მათ გასათავისუფლებლათ. მან შესწირა

ასეული მილიონი მანეთი, — რომელთა შოვნა ასე ძნელია, — და მის მოქალაქეთა ასეული ათასობით სიცოცხლე. ომის ღმერთმა მისი მხარე დაიჭირა. მან დაამარცხა მოწინააღმდეგე. ახლა, გამომდინარე დამონებული ხალხის ინტერესებიდან და სამღვთო სამართლისადმი ყურადღებიდან, თქვენ უნდა სცნოთ და დაადგინოთ ჩვენი მსხვერპლის შედეგები.

ამგვარმა სიტყვამ შეიძლება გამოიწვიოს სხვადასხვა თვალთახედვიდან გამომდინარე ბევრი შეპასუხება... მაგრამ არავინ ხმას არ იღებს... მხოლოდ ბიკონსფილდი ღვება, რათა თქვას: რუსეთი დაიღალა შარშანდელი ომით, მას ფული ცოტა აქვს. ინგლისს კი შესაძლებლობა აქვს არ შეჩერდეს, ისე ჩაატაროს რამდენიმე კომპანია. ინგლისი არ სცნობს მომხდარ ამბებს.

და ის წყნარად დაჯდება თავის ადგილზე.

„პატიოსანი მაკლერი“, რომელიც კონგრესს თავმჯდომარეობს. გახსნის მაშინ თავის პორტფელს და წარმოთქვამს, დაახლოებით, ასეთ სიტყვას:

— ევროპის ხალხებო, ანუ მათო მმართველებო! პატივცემულმა პრეზიდენტმა სწორად დააყენა საკითხი. მართლაც, გვეცანით რა ციფრებს, დავინახეთ, რომ რუსეთს ძალიან ცოტა ჰყავს ახალი დივიზიები. ინგლისს, როგორც ჩანს „Almanach Eotha“-დან და სხვა ოფიციალური დოკუმენტებიდან, შეუძლია გამოიყვანოს 400 ათასამდე ვარგისი მეომარი. მოკავშირეებთან ერთად, რომლებიც მას შეუძლია იყიდოს, ადვილად შეუძლია თავისი არგუმენტაციის რაოდენობა აიყვანოს ერთ მილიონ ხიშტსა და ხმალამდე. აქედან ნათელია, რომ რუსეთმა უნდა დათმოს...

დამსწრენი — კორტები და უბრები, ვადინგტონები და ანდრასები და სხვები და სხვები — თანხმობის ნიშნად უსიტყვოდ აქნენ თავებს.

სურათი მეორე. შემოდიან რუმინეთის წარმომადგენლები. მკვერმეტყველური საჩივრით...

რუმინეთს არ უნდა დობრუჯი, განაცხადებენ ისინი. ის იცავს თავის ბესარაბიას. თქვენ გამოდინხართ ტრაქტატებისადმი პატივისცემის პრინციპიდან. ამავე დროს, ბესარაბია ჩვენ გვეკუთვნის პარიზის საზავო ზელშეკრულებით². მის მოსახლეობას ჩვენთან უნდა ცხოვრება. ჩვენ არავითარი ცოდვა არა გვაქვს რუსეთის მიმართ. ვემსახურებოდით მას რწმენით და სიმართლით. ის ჩვენ არ გვეომებოდა. ტრაქტატების, ეროვნული პრინციპებისა და სამართლიანობის სახელით გვედრებით საქმე გადაწყვიტეთ ჩვენს სასარგებლოდ. დაგვიფარეთ ჩვენ...

გრაფი შუვალოვი გაიმეორებს ბიკონსფილდის არგუმენტაციას, ხოლო ბისმარკი წარმოთქვამს შემდეგი შინაარსის სიტყვებს:

„ვითვალისწინებთ რა:

1. რომ რუსეთის მოსახლეობა არ აღემატება 5.073000 სულს, რომელთაგან მხოლოდ 2454864 ეკუთვნის მამრობით სქესს;

2. რომ მისი სამხედრო შეიარაღებული ძალა არ აღემატება 144668 კაცს და 288 ქვემეხს;

3. რომ რუსეთი, პირიქით, ფლობს ძალებს, რომლებიც ათჯერ აჭარბებს ზემოაღნიშნულს;

ბერლინის კონგრესი ადგენს: „უარი ეთქვას რუმინეთს მადიებლობაში, დაეკისროს მას სამხედრო ხარჯები“.

ყველა დამსწრის ერთსულოვანი თანხმობა ადასტურებს და ამტკიცებს ამ განაჩენს.

ზუსტად იგივე მოხდება ავსტრიასა და სერბიას შორის, ავსტრიასა და საბერძნეთს შორის. აი რატომ მივიღებთ დღევანდელის მსგავს დეპეშებს:

„ბისმარკი ფიქრობს ბოლოს და ბოლოს დაუთმოს ავსტრიას, მაგრამ საბერძნეთს კი არა“.

არ ვიცი წავიკითხე ეს ახალი ამბავი სადმე, თუ უბრალოდ დამესიზმრა. მაგრამ არსებითად საქმე იმაშია, რომ ბერლინის კონგრესის ავტოგრაფების ალბომში ჩვენმა გონებამახვილმა კანცლერმა თავისი ჩვეულებრივი გესლიანობით ჩაწერა პირველსავე გვერდზე კრილოვის ცნობილი აფორიზმი: „დიდ კაცთან პატარა კაცსა როდის გასვლია მართალი!“ რა დასაანანია, რომ ეს გამოთქმა არ არის გამოკრული კონგრესის შენობის ფასაღზე... როგორ მოუხდებოდა ის დიდი დიპლომატების საყუდელს, რომლებიც „მშვიდობის გზით“ „სამართლიანად“ წყვეტენ საერთაშორისო დავებს, ვითომდა უხეში ძალის ასალაგმავად!

* * *

გადავიდეთ საშინაო საქმეებზე. გუშინ წავიკითხე ცნობა იმის შესახებ. რომ გრეგორის, კოვანის და კომპანიის ამხანაგობაში მომხდარი ბოროტმოქმედების გამო, მოქმედი არმიის სურსათით მომარაგება დაკისრებული აქვს ახალ კომპანიას, რომელიც ჩამოაყალიბა ბ-მა ფალკენგაგენმა.

დუნაის არმიის ერთ-ერთმა „მომმარაგებელმა“ ამასწინათ გულჩუყებულმა მიაშბო ისტორია ერთი შესანიშნავი მომარაგებისა, რომელიც გასულ წელს ბ-ნ ფალკენგანგენს დაეკისრა. შემოდგომა ახ-

ლოვდებოდა, ჯარი კი უკარვებოდ და უბარაკებოდ იყო. აუცილებელი იყო ჯარისკაცებისათვის თავშესაფარის მიჩნევა. გამოცხადდა ფალკენგაგენი. მან იკისრა რკინის ბარაკების ჩამოტანა ინგლისიდან. მისცეს უამრავი ფული და გაამგზავრეს. გადის ვადა, ბარაკები არ ჩანს. ბოლოს გამოჩნდა ბ-ნი ფალკენგაგენი, რასაკვირველია, ბარაკების გარეშე. ინგლისმა ბარაკები არ გასცა შურისა და სრიკების გამო. გენერალმა, რომელიც განაგებდა საქმეს, თავი ველარ შეიკავა და ბრაზმორეულმა პირდაპირ მიახალა ბ-ნ ფალკენგაგენს: ამ დანაშაულისათვის თქვენთვის უმცირესი სასჯელი იქნებოდა ჩამოხრჩობა.

ერთი კვირის შემდეგ ბ-ნ ფალკენგაგენს გამოუძახეს შტაბში. მოსალოდნელი იყო სამხედრო სასამართლოს კომისიის დანიშვნა 24 საათში. გავიდა ეს დროც და ბ-ნი ფალკენგაგენი ნაცნობებს გამოეცხადა ლურჯი ქაღალდით. მაგრამ ის იყო არა განაჩენი, არამედ ხელშეკრულება რამდენიმე ასეული ათასი ცალი ჯუბაჩის მიწოდებაზე. რას იზამ, ბარაკების უქონლობისას შეიძლება შეუროგდე ჯუბაჩებსაც. მაგრამ საქმე ისაა, რომ ეს ჯუბაჩებიც არ მოიტანეს და...

განა საკვირველი იქნებოდა, რომ ყოველივე ამის შემდეგ ბ-ნ ფალკენგაგენს იჯარა მიეღო მთელი მოქმედი არმიის სურსათით მომარაგებისა?

ოდესღაც მეც მიესდევდი დიდ აღმოჩენებს და გამოგონებებს შეცნირებათა სფეროში. ჩემი ახალგაზრდობის დროს, როდესაც გატაცებული ვიყავი სოციალური ეკონომიით, აღმოვაჩინე და დავამტკიცე კანონი, რომ „გასამრჩელო შრომის უკუპროპორციულია“. ჩემ მიერ აღმოჩენილ ბევრ მსგავს კანონთა რიცხვს ახლა უნდა დაემატოს უკანასკნელი აღმოჩენა: რაც უფრო უწესოა მოიჯარადრე, მით უფრო ადვილია მისთვის ახალი იჯარების მიღება.

რასაკვირველია, თქვენ ფიქრობთ, რომ ეს პარადოქსია. ცდებით! წარმოიდგინეთ მხოლოდ: რა ძალა ადგია წესიერ მოიჯარადრეს თავისი მოგება გაუნაწილოს სხვას, ვინც არ უნდა იყოს ის? აქედან გამომდინარე, ვის რა სურვილი უნდა ქონდეს საქმე დაიჭიროს წესიერ მოიჯარადრესთან?

* * *

არ იფიქროთ ღვთის გულისათვის, რომ წერას დავიწყებ სიღნაღის მღელვარებაზე. ღმერთმა დამიფაროს, მინდა ვესაუბრო „ობზორის“² მკითხველებს და არა მარტო მის კორექტორს, რაც

მე არაიშვიათად მემართება... ამიტომ მთელი ამ ისტორიიდან შეეჩერდები მხოლოდ ერთ წვრილმანზე. ჩემი ტვინის ყოვლად უცნაური ხასიათის გამო ეს წვრილმანი, რომელსაც ვერავენ ამჩნევს, მე მეჩვენება სიღნაღის მთელი საქმის დიდ და მნიშვნელოვან მხარედ... თქვენ გახსოვთ ალბათ ერთ-ერთი დამსწრის მშვენიერი მოთხრობა, რომელიც ამ დღეებში დაიბეჭდა ჩვენს გაზეთში. იცით: ყველაზე უფრო რამ იმოქმედა ჩემს ნერვებზე მთელი ამ მოთხრობიდან?

ალბათ ფიქრობთ — გმირულმა საქმემ თავად ი. ორბელიანისა, რომელიც უკრძალავს თავის ადიუტანტს გამოიყენოს იარაღი, იცის რა, რომ პირველი გასროლისთანავე დაიღვრება სისხლი, და რომელიც ამჯობინებს გაშმაგებული ბრბოს მსხვერპლი გახდეს? არა-უდავოდ საგმირო საქმეა, სასწაულებრივია, მაგრამ მე ამას შეჩვეული ვარ, საგმირო საქმეები ჩვენთან იშვიათი არაა...

გამოაცა ორმა სიტყვამ, რომელიც წამოიძახა თბილისის საოლქო სასამართლოს პროკურორის ამხანაგმა ბ-ნმა გუდიმ-ლევკოვიჩმა, როცა ის სტუმრად იყო ჩასული ბაკურციხეში და სულითა და ხორციით უდანაშაულო იყო სიღნაღის საქმეებში: „რის გულისათვის“ შეუფოთებით ეკითხებოდან ის დამსწრეთ; როდესაც ნაცემი და გასისხლიანებული მიიყვანეს სადგურში.

აი ეს „რის გულისათვის“ მეჩვენა საქმის მნიშვნელოვან მხარედ და ყველაზე უფრო იმოქმედა ჩემზე.

მართლაც, რაში იყო დამნაშავე ბ. გუდიმ-ლევკოვიჩი და „რის გულისათვის“ სცემეს მას ასე სასტიკად? განა მან მიიღო მონაწილეობა მილიციის მოგროვებაში, განა ურჩევდა სოფლის მამასახლისებს ტყავი გაეძროთ ხალხისათვის? იგი პროკურორის ამხანაგია. ხალხი, რომელიც მას იცნობს, გვარწმუნებს, რომ ის პატიოსანი და წესიერი კაცია. კეთილსინდისიერად ეკიდება თავის მოვალეობას, საზოგადოების სათნო წევრია, განათლებული და ჰუმანური ადამიანია; არავისათვის არასოდეს არ უწყენინებია, არავინ გაუქურდავს, არავის ავლებულად არ მოქცევია თავის ცხოვრებაში. პირიქით, ის ყოველთვის მხურვალედ თანაუგრძნობდა ხალხს და სულით და გულით სურდა ეხილა ადამიანთა ტანჯვის დასასრული. ერთი სიტყვით, ეს ისეთი კაცია, როგორებიც ცოტანი არიან...

ასე ამბობენ ბ-ნ გუდიმ-ლევკოვიჩის მეგობრები და ჩვენც მზადა ვართ დაუუჯეროთ მათ.

და ასეთი სათნო კაცი წარმოიდგინეთ ხალხმა ცემა და სიკვდილის პირამდე მიიყვანა. დაიღვარა მისი უდანაშაულო სისხლი, გა-

დატყდა მისი უდანაშაულო ლავიწი... „რის გულისათვის“, სად არის სამართალი?

„რის გულისათვის“? მე თქვენ გეტყვით „რის გულისათვის“, ბატონო სათნო ადამიანებო.

თქვენ სწავლობდით ყოველგვარ სიბრძნეს და საკმარისი ოდენობით გაამდიდრეთ თქვენი გონება, გააკეთილშობილეთ თქვენი გული. თქვენთვის მისაწვდომი იყო მეცნიერება, ხელოვნება, ლიტერატურა. თქვენ შეგეძლოთ გაგეგოთ რა არის კეთილი და რა — ბოროტი. თქვენ ეს კიდევ გაიგეთ. ყოველივე ამის შემდეგ თქვენ გამოცხადდით საზოგადოებაში... აქ თქვენ ნახეთ სურათები, რომლებიც შორსაა ლიტერატურის წმინდა იდეალებისაგან, რომ ძლიერები და მდიდრები სიცოცხლეს უმწარებენ უღონოებს და ღარიბებს; რომ უკანონობას, ძალმომრეობას, ექსპლოატაციას არ აქვს საზღვარი! მთელი თქვენი ახალგაზრდული და კეთილშობილური გრძნობა აღშფოთდა ამ სურათების დანახვისას. მაგრამ ცხოვრება თქვენ გიხმობდათ თავისკენ. შეგეშინდათ შრომის, განზე გადქვით და ამოეფარეთ მოლოტოვის²⁴ დევიზს: „ჩვენ თვითონ ვიყვეთ წმინდა და პატიოსნები, ნუ გავისვრებით ჭუჭყში, დანარჩენი ჩვენი საქმე არაა“. და თქვენ შეუდექით თქვენი ოცნების განხორციელებას — აიღოთ ცხოვრებიდან საკუთრად თქვენთვის ყველაფერი ის, რაც სასარგებლო და კარგია თქვენთვის, თანაც ისე, რომ სახელი არ გაიტეხოთ, მაგრამ მყუდროების და კეთილდღეობის დაურღვევლად, რისკის გარეშე. თქვენ დაიძალეთ „პირადი სიმშვიდის“ ნაჭუჭში, უარი თქვით მეცნიერების დასკვნებსა და ლიტერატურის გაკვეთილებზე და დაწყნარდით. ცხოვრება კი თავის გზით მიდიოდა — უძლურთა ჭყლეტით, ექსპლოატატორთა ზეიმით... მხოლოდ იშვიათად, როდესაც ცხოვრების აღმაშფოთებელი ფაქტები თვითონ გეჩრებოდნენ თვალებში, ჩუმად იმეორებდით ჰეინეს კითხვებს:

„რატომ ცურავს სისხლის ტბაში
ქედმოხრილი სამართალი?
რად ნებივრობს განცხრომაში
ბოროტების ავი თვალი?“

ამას იქით არ მიდიოდა თქვენი თანაგრძნობა, საკუთარი ცხოვრებითა და მაგალითით ფრთები დააჭერით თქვენს მემკვიდრეებს, რომლებიც, გიცქერდნენ რა თქვენ, მიდიოდნენ შემდეგ დასკვნამდე:

„...და იყო ჩვენზე ენამზე ხალხი
მაგრამ ვერაუერს ვერ გახდა კალმით“.

ან სხვა რაიმე იარაღით. და ისინი თავდახრილები, ზრდიდნენ თქვენს რიგებს...

დრო მიდიოდა. საკუთარ ნაქუჭში ივიწყებდით ყველაფერს, რაც მოგცათ მეცნიერებამ, ლიტერატურამ და ხელოვნებამ. თანდათან გადაიქცით კანცელარისტებად და თქვენი მაგალითი უკარგავდა ხალხს და მოზარდ თაობას მეცნიერებისადმი რწმენას... იგი 2000 მანეთისა და უფრო მეტი ჯამაგირის მიღწევის საშუალებად იქცა... ხალხი შიმშილით იხოცებოდა, თქვენ კი თავს კვლავ „პატიოსან ადამიანებად“ თვლიდით მხოლოდ იმისათვის, რომ 2000 მან. ჯამაგირი, რომელსაც თქვენ იღებდით, ღმერთმა იცის რა შრომისათვის, გაძლევდათ შესაძლებლობას არ გასერილიყავით ტალახში, გეცხოვრათ თქვენთვის და საკუთარი აზრები გამოგეთქვათ კეთილმოწყობილ ბინებში იმ ადამიანების უნამუსობაზე, რომლებიც, შიმშილით რომ არ დახოცილიყვნენ, პურს იპარავდნენ... დიახ, მთელი თქვენი პატიოსნება ისეთივე ფუჭია, როგორც 80 წლის დედაბრის უბიწოება, რომელსაც უკვე აღარ აქვს არავითარი ლტოლვა ცოდვისაკენ და რომელსაც არავინ ხელყოფს... ნუ ყოყოჩობთ ასეთი სათნოებით... თუ უპატიოსნოა ბიჭუნა, რომელმაც შიმშილის გამო მოიპარა წყვილი ნალი, თუ ის ღირსია დაპატიმრების, მამ ბრძანეთ, უფრო დიდი რაოდენობით არ მოიპარეთ თქვენ თვითონ ნალები და პირუტყვი ხალხისაგან? გიმნაზია, რომელშიც თქვენ სწავლობდით 8 — 10 წელი, განა სახელმწიფოს ხარჯზე, ე. ი. ამ ხალხის ფულებით არ ინახება? განა უნივერსიტეტი, სადაც გაეცანით კაცობრიობის საუკეთესო აზრებს და იღებეს, იმავე ხალხის ფულებით არ ინახება? განა სტიპენდია, რომელსაც ღებულობდით, და ჯამაგირი, რომელსაც ახლა ღებულობთ, ზეციდან ჩამოფრინდა და იმ ხალხიდან არ არის ამოკრეფილი?

რით გადაუხადეთ თქვენ ამ ხალხს ყოველივე ის, რაც თქვენთვის გააკეთა? გულზე ხელის დაღებით უნდა განაცხადოთ — „არაფრით!“

მე უკვე ვთქვი, რომ თქვენ დაივიწყეთ თქვენი მეცნიერება და ლიტერატურაც კი. დაგიმტკიცოთ? თქვენ რომ გხსომებოდათ ისტორიის გაკვეთილი, განა არ გეცოდინებოდათ, რომ ხალხის მღელვარების დროს თქვენებრ ცრუ „უდანაშაულოთა“ ცემა არც ისე იშვიათია? განა მსგავსი ტრაგიკული შემთხვევების მაგალითები ცოტა წარმოგვიდგინა ჩვენმა ლიტერატურამ და ხელოვნებამ? ეს რომ გცოდნოდათ, არ იკითხავდით — „რის გულისათვის“. უბედურებაში, რომელიც შეგემთხვათ, დაინახავდით ბედს, რომელიც გსჭიო

არამარტო თქვენი საკუთარი დანაშაულისათვის, არამედ ჩვენი მამების ცოდვებისათვისაც.

ბ-ნ გუდიმ-ლევკოვიჩის ბედი სწორედ იმით არის ტრაგიკული, რომ მასში არაფერია შემთხვევითი, უაზრო, კერძო, აცილებადი. რადგან დამყარდა გარკვეული დამოკიდებულება, უპატიოსნოთა ცოდვებისათვის „პატიოსანი ხალხის“ ცემის ფაქტები გარდაუვალია. სულ დიდი, რაც შეიძლებოდა მომხდარიყო, ეს ისაა, რომ ბ-ნ გუდიმ-ლევკოვიჩის მაგივრად ეცემნათ ბ-ნ ლევკო-გუდომიჩისათვის. უმადლესი ტრაგიზმი აქ შეიძლება გამოვხატოთ შილერის ცნობილი გამონათქვამით, რომელიც სწორედ ამ ამბავს შეეფერება:

„ახლა წილი ხვდა ტროეს,
ხვალ შეხვდება სხვებს!“

და ასე, იცოდეთ მაინც, ჩემო მეგობრებო. კეთილო მოლოტოვებო, „რის გულისათვის“ გცემეს თქვენ ბ-ნ გუდიმ-ლევკოვიჩის სახით. თქვენ გცემეს იმიტომ, რომ დამარხეთ სამარეში თქვენი ნიჭი და ცოდნა. თქვენ არ ემსახურებოდით ხალხისათვის სასარგებლო საქმეს, იოტისოდენად არ გაგინათლებიათ მისი გონება, ერთი წუთითაც არ შეგიმსუბუქებიათ მისი მძიმე ხვედრი. არ შებრძოლებინართ არც ერთ მის ექსპლოატატორს, არ აგილაგმავთ მისი არც ერთი მტერი. თქვენ კი ვალდებული იყავით გაგეკეთებინათ ყველაფერი ეს. რადგან რაც კი გაგაჩნიათ,—ცოდნა, ძალღონე, მოცალეობა, — ხალხის ოფლითა გაქვთ მიღებული. თქვენ აღმოჩნდით უმადურები! თქვენი გულგრილობით, თქვენ აკურთხეთ ხალხის ჩაგვრა. მაშ ნუ გიკვირთ, რომ მან აღმართა თავისი ტლანქი ხელები და დაგწყევლათ, როგორც უღირსი შვილები, უგულოდ და ზიზღით შემყურე მშობლების უბედურებისა და უძლურებისა...

იმედი მაქვს, ახლა იცით — „რის გულისათვის?“

5. პასუხი ბაზეთ „ბირჟევიე ვედომოსტი“

დღეს ფოსტამ მოგვითანა „ბირჟევიე ვედომოსტი“²⁵, რომლის რედაქცია ჩვენი მისამართით ასე უცნაურად აცხადებს:

„მაშინ, როდესაც ყველა ელის ბერლინის კონგრესის დამთავრებას და ევროპაში დროებითი მშვიდობის დამყარებას მაინც, გაზეთი „ობზორი“ აღმოსავლეთის საკითხების გადაწყვეტას ასეთი სრული უიმედობით გამოხატავს:

„დიპლომატიური ხრიკები და საიდუმლოებანი, — ამბობს გაზეთი, — უძლურია, როცა საკითხი დგას რუსეთის ან ინგლისის მიერ გაბატონებული მდგომარეობის მიღწევაზე ბალკანეთის ნახევარკუნძულზე. ვინ ითამაშებს მთავარ როლს კონსტანტინოპოლში: ინგლისი, რომელიც დაგვიხურავს ჩვენ ხმელთაშუა ზღვის აუზში გასასვლელს და გვამყოფებს შავი ზღვის მთელი სანაპიროს განადგურების შიშის ქვეშ, თუ რუსეთი, რომელიც, დაადგენს რა სრუტეების შეუვალობას, მიიღებს შესაძლებლობას განავითაროს ზღვაოსნობა შავ ზღვაზე, რაც ხელს შეუწყობს სამხრეთ მხარეების და კავკასიის ეკონომიურ კეთილდღეობას? ინგლისს ეს არ სურს. რუსეთი უამისოდ ვერ მიაღწევს საშინაო ეკონომიურ კეთილდღეობას. მაშასადამე, აქ დათმობა რუსეთის მხრიდან შეუძლებელია. დაუთმოს ინგლისმა ამ მუხლში, ეს ნიშნავს უარის თქმას საკუთარ პრესტიჟზე აღმოსავლეთში, რაც საფრთხეს შეუქმნის ინდოეთის იმპერიის არსებობას და ინგლისს ელოდება ჩამოქვეითება პოლანდიის მდგომარეობამდე. ასეთია ურთიერთდამოკიდებულება ორი მეტოქისა თურქეთის არსებობისა და ბალკანეთის სლავების დამოუკიდებლობის საკითხებში, და რამდენჯერაც არ უნდა შეიკრიბონ რუსეთისა და ინგლისის სახელგანთქმული დიპლომატები, რამდენიც არ უნდა ილაპარაკონ საიდუმლოდ და აშკარად, მათ არ შეუძლიათ შეცვალონ ის მდგომარეობა, რომელშიც ჩაყენებულია ორივე სახელმწიფო ისტორიულ მოვლენათა მსვლელობით“.

„მაშასადამე, ასეთი განწირული ვითარების დროს რუსეთს არაფერი დარჩენია გარდა იმისა, რომ გამოუცხადოს ინგლისს დაუსრუ-

ლებელი ომი და ებრძოლოს მანამ, სანამ არც ერთ და არც მეორე სახელმწიფოში არ დარჩება არც ერთი ცოცხალი ადამიანი.

„კმარა, ბატონო მეომრებო!

„გაბატონებული მდგომარეობის მიღწევა კონსტანტინოპოლში არის ფიქცია, სასარგებლო დიპლომატიური მოხელეებისათვის, მაგრამ გამოუსადეგარი ყოველივე სხვისათვის. ვისაც არ უნდა ჰქონდეს გაბატონებული მდგომარეობა კონსტანტინოპოლში, სრუტეები მაინც დარჩება მსოფლიო საეპრო გზად, ყველასათვის თანაბრად თავისუფალი, და როგორც რუსეთი ვერ შეძლებს მის დაკეტვას ინგლისისათვის, ისე ინგლისიც ვერ დაუხშობს მას რუსეთს. ამიტომ ომი სრუტეებისათვის იქნებოდა წმინდა უგუნურება“.

„ბირჟევიე ვედომოსტის“ ამ შენიშვნამ უკვე გამოიწვია „სანკტ-პეტერბურგსკიე ვედომოსტის“⁷⁴ შემდეგი საკადრისი პასუხი:

„ბირჟევიე ვედომოსტი“, პასუხობს რა გაზეთ „ობზორს“, რომელიც სამართლიანად ასაბუთებს, რომ აღმოსავლეთის საკითხის კვანძი იმაში მდგომარეობს, თუ ვის (ინგლისის თუ რუსეთის) განკარგულებაში იქნება დროთა განმავლობაში სრუტეები, ამბობს:

„გაბატონებული მდგომარეობის მიღწევა კონსტანტინოპოლში არის ფიქცია, სასარგებლო დიპლომატიური მოხელეებისათვის, მაგრამ გამოუსადეგარი ყოველივე სხვისთვის. ვისაც არ უნდა ჰქონდეს გაბატონებული მდგომარეობა კონსტანტინოპოლში, სრუტეები მაინც დარჩება მსოფლიოს საეპრო გზად, ყველასათვის თანაბრად თავისუფალი, და როგორც რუსეთი ვერ შეძლებს მის დაკეტვას ინგლისისათვის, ისე ინგლისიც ვერ დაუხშობს მას რუსეთს. ამიტომ ომი სრუტეებისათვის იქნებოდა წმინდა უგუნურება“.

„ამის თქმა ნიშნავს აშკარა ფაქტების წინააღმდეგ ლაპარაკს. რადგან ამჟამად სრუტეები უკვე დაკეტილია ინგლისელების მიერ მსოფლიო ვაჭრობისათვის. მაგრამ „ბირჟევიე ვედომოსტის“ რატომღაც ესაჭიროება ასე ლაპარაკი“.

ჩვენ არ გვაქვს ჩვეულება სატახტო გაზეთების პოლემიკაში ჩარევისა „ობზორზე“⁷⁵ მათ მიერ გამოთქმული აზრის გამო. მაგრამ, ამ შემთხვევაში, არ შეგვიძლია არ შევნიშნოთ მათი შეცდომები ჩვენი გაზეთის მიმართ. ისინი გვზომავენ თავისი სატახტო არშინით და ფიქრობენ, რომ მოწინავე პოლიტიკური სტატიებით ჩვენ გვსურს გავლენა ვიქონიოთ მორიგი პოლიტიკური საკითხების ამა თუ იმ გადაწყვეტაზე.

ვთვლით რა ასეთ ამოცანას სავალდებულოდ სატახტო პრესისათვის, ხოლო შეუძლებლად პროვინციული პრესისათვის, მასზედ ჩვენ პრეტენზიას არ ვაცხადებთ. ჩვენ არა ვართ „მე-

ომრები“ და არც „მშვიდობისმოყვარულები“. ჩვენ მაყურებლები ვართ და გონივრულად ვარკვევთ, ჩვენთვის და ჩვენი მკითხველებისათვის, ჭეშმარიტ მამოძრავებელ ძალას თანამედროვე მოვლენებისას, რამდენადაც შესაძლებელია მათი დანახვა ჩვენი არამშვენიერი სიშორიდან.

ჩვენ რომ „მეომრები“ არა ვართ, ეს იქიდანაც სჩანს, მაგალითად, რომ ამ სტრიქონების დამწერმა გაცილებით ადრე „ბირჟევიე ვედომოსტისა“ და „ვესტნიკ ევროპისა“²⁶ მიაქცია მკითხველთა ყურადღება შინაური საკითხების უმთავრეს მნიშვნელობაზე და გარე თანამომძვეების ინტერესთა მათთვის დამორჩილების აუცილებლობაზე. მაგრამ მშვიდობის ქადაგება თვით 1875 წლის ნახევრიდან სრულებით არ უშლიდა მას ხელს თვალი ედევნებინა მოვლენებისათვის და მკითხველისათვის გაერკვია როგორც მათი მემორული სულისკვეთება, ისე წყარო ამგვარი განწყობილებისა...

ვიმეორებ, ჩვენ, პროვინციალურ გამოცემებს, სრულებით არ შეგვფერის პოლიტიკურ მოვლენათა ხელმძღვანელის როლის მოპოვება. ჩვენ სად შეგვიძლია პრეტენზია განეაცხადოთ ისეთ მნიშვნელობაზე, რომელიც მოიპოვა, მაგალითად, „გოლოს“²⁷-მა, რომელმაც, საერთაშორისო სატელეგრაფო სააგენტოს მტკიცებით, თავისი სტატიებით შეძლო გადატრიალება მოეხდინა ინგლისის წარმომადგენელთა გონებაში კონგრესზე. მეორე მხრივ, რათ გვინდა ჩვენ მოვლენების გადახრა ჩვენი აზრებისა და მიზეზების სასარგებლოდ? საესებით ბედნიერი ვართ უფრო უბრალო როლითაც: ფხიზლად ვადევნოთ თვალი მოვლენებს და გულწრფელად გავაცნოთ ისინი ჩვენს მკითხველებს.

6. ადგილობრივი მიმოხილვა

გაზეთმა „დროება“²² ბათუმის საკითხს დღეს უძღვნა მთელი მოწინავე სტატია, რომელიც, სამწუხაროდ, მთლიანად აგებულია საკმაოდ უცნაურ შეცდომაზე. იმის გამო, რომ ყველაფერი, რაც ბათუმს ეხება, ძლიერ აინტერესებს ჩვენს ადგილობრივ საზოგადოებას და არავისათვის სასურველი არ არის მცდარი ცნებების გავრცელება, ვალად ვრაცხთ გავასწოროთ პატივცემული რედაქციის შეცდომა.

უხსნის რა თავის მკითხველებს სიტყვა პორტო-ფრანკოს, ბ-ნი მესხი წერს: „პორტო-ფრანკო ანუ თავისუფალი ნავსადგური იმას ნიშნავს, რომ ყველა სახელმწიფოს თავისუფლად შეეძლება ამ ნავსადგურში მიყენება მხოლოდ თავიანთ სავაჭრო, და არა სამხედრო, ხომალდებისა. მართალია, ბათუმი რუსეთის საკუთრება იქნება, მაგრამ იმას არ შეეძლება თავის სამხედრო ფლოტი გააჩეროს იქ, ციხეებითა და სხვა სიმაგრეებით გაამაგროს ეს ქალაქი“.

ყველაფერი ეს — შეცდომაა. საერთაშორისო სამართლით თავისუფალი ნავსადგური ანუ პორტო-ფრანკო ეწოდება ისეთ პორტს. სადაც ყველა სახელმწიფოს შეუძლია შეიტანოს ყოველგვარი საქონელი უბაჟოთ. პორტო-ფრანკო შეიძლება იყოს სამხედრო ფლოტის სადგომიც და ჰქონდეს სიმაგრეები, თუ ეს არ ეწინააღმდეგება რომელიმე სხვა ხელშეკრულებას. ხოლო ყველა სახელმწიფოს კომერციულ გემებს უფლება აქვთ შევიდნენ და გაჩერდნენ ყოველი ევროპული სახელმწიფოს პორტებში. ბ-ნი მესხის განსაზღვრიდან გამომდინარე, არ არის ისეთი ზღვისპირა ქალაქი, რომელსაც არ ჰქონდეს უფლება იწოდებოდეს პორტო-ფრანკოდ.

ჩვენ კვლავ რისკსა ვწევთ ჩაგვთვალონ ადგილობრივი პრესის მტრად. მაგრამ არ შეიძლება არ შევნიშნოთ, რომ ასეთი ელემენტარული ცოდნის უქონლობა იმ პუბლიცისტისათვის, რომელიც მედიურად მსჯელობს საერთაშორისო საქმეებზე, საეჭვოა. ხელს უწყობდეს ადგილობრივი პრესის განვითარებას...

ამას წინათ, ჩვენს ადგილობრივ საზოგადოებაში ცოტა ხმაური კი არ ატეხა საგაზეთო ცნობამ იმის შესახებ, რომ გენერალ-ადიუტანტი ლორის-მელიქოვი ბერლინის კონგრესზე²⁰ გამოცხადდა სომხების დელეგატად. მიუხედავად ამ ცნობის სრული უაზრობისა, ბევრმა დაუჭერა ამ ოხუნჯობას. ბ-ნ ტერ-აბრამიანის „დონსკაია პჩელამ“ იჩქარა კიდეც თავისი აღტაცება გამოეთქვა შემდეგი სიტყვებით:

„მიხეილ ტარიელის ძის ახლო ნაცნობობა თურქი სომხების გაჭირვებასთან, აგრეთვე მისი ცნობილი ერთგულება სომხეთისადმი ახალი თავდებია იმისა, რომ კონგრესზე სომხეთის ბედი გადაწყდება მთელი ერის და პერიოდული პრესის სურვილის შესაბამისად“.

როგორი დასანანიც არ უნდა იყოს იმ ადამიანთა კეთილშობილური ილუზიის ჩაფუშვა, რომელთაც სწამთ კონგრესის განმათავისუფლებელი მისია, შეუძლებელია შეუსწორებლად დავტოვოთ მსგავსი ბავშვური ტიტინი. საქმე იმაშია, რომ „მოსკოვსკიე ვედომოსტის“²⁸ ცნობით, გრაფი ლორის-მელიქოვი ბერლინში ჩავიდა როგორც „რუსეთის მთავრობის მიერ სპეციალურად (?) დანიშნული სამხედრო დელეგატი სომხეთის საქმეებზე“. ჩვენ გვაქვს ზოგი საფუძველი ვიფიქროთ, რომ ეს ცნობა, ამ სახითაც, არ არის საფუძველიანი. გრაფი ლორის-მელიქოვი საზღვარგარეთ წავიდა როგორც კერძო პირი, თავისი ჯანმრთელობის გამოსაკეთებლად. მაგრამ „მოსკოვსკიე ვედომოსტის“ ცნობის უდავო სიზუსტეც რომ დაეუშვათ, მაშინაც უნდა გვახსოვდეს, რომ გრაფ ლორის-მელიქოვს დავალებული აქვს იზრუნოს რუსეთის სამხედრო ინტერესებზე სომხეთში (ჯარების გამოყვანა, საზღვრების საბოლოო დადგენა და სხვ.) და არა პოლიტიკური მოწყობა თურქეთის სომხებისა. ანდა რა მნიშვნელობა ექნება კონგრესისათვის რუსეთის გენერლის შუამდგომლობას სომხებზე? ასეთი შუამდგომლობა საკმარისი იქნება იმისათვის, რომ ეჭვი აღუძრას დიპლომატიას და ამით მხოლოდ ავნოს სომხების საქმეს. არც რუსეთის მთავრობა, არც თვით გრაფი ლორის-მელიქოვი და, ბოლოს, თურქეთის, სომხეთის ხელმძღვანელები არ არიან იმდენად უტაქტონი და გონებაშეზღუდულნი, რომ მსგავსი დაუკვირვებლობა გამოიჩინონ...

ზაქათალა, 26 ივნისი („ოზბორის“² კორესპონდენცია). ჩვენთან ყველაფერი რიგზეა; ფარა მშვიდობიანად ბალახობს საძოვრებზე, მგლები წყნარად წვანან იქვე ახლოს და არ ეკარებიან ცხვრებს... მხოლოდ აი, ამ დღეებში როცა ზაქათალას მცხოვრები

ბრუნდებოდა ლაგოდეხიდან, უეცრად რომელიღაცა როყიო ტყვია გამოფრინდა და პირდაპირ ფეხში მოხვდა; ახლა ის კვლავ ძლიერ ავად არის. მკურნალობენ მედიკი და ექიმბაშიც. და კვლავ, რამოდენიმე დღის წინათ, ბელაქანში მოკლეს მედუქნე და ნოქარი. ბოროტმოქმედების ადგილზე გაემგზავრნენ მედიკი და საგამომძიებლო საქმეების ჩინოვნიკი. ისინი დარწმუნდნენ, რომ მკვლელობა ნამდვილადაა ჩადენილი, მაშასადამე შეიძლება გვაგები მიწას მიაბარონ, რაც შესრულებულ იქნა. და ბოლოს, არა უფრო შორს. ეიდრე ამა თვის 23 რიცხვისა, ბრუნდებოდა ზაქათალისკვე მცხოვრები მახლობელი მთის სოფლიდან და ზაქათალადან ხუთი ვერსის დაშორებით შეეგება ორი ტყვია: ერთი მოხვდა ქამარზე ჩამოკიდებულ ხანჯალს და ასხლტა; მეორე კი, ზიანის მიუყენებლად, შეეხო ტანისამოსს. საბრალო გადაარჩინა მხოლოდ შემთხვევამ: მისი ცხენი განზე გახტა და მასთან ერთად ჩავარდა თხრილში. მსროლელებმა, გადაწყვიტეს რა, რომ ის მკვდარია. დაბრუნდნენ უკან. მან კი სული მოითქვა, გაიმართა წელში, ააყენა ცხენი, მივიდა სახლში და წავიდა უფროსთან საჩივრით. — სად უნდა ვეძებო ისინი ახლა? სხვა საქმეა, დაგეჰირა ისინი და მოგეყვანა. აი. მაშინ ისინი ვერ წავიდოდნენ; თუმცა შესაძლოა, მაშინაც საჭირო იქნებოდა კიდევ მათთან ერთად მოწმეების წარმოდგენა! — უპასუხეს მას. ისე კი ჩვენთან ყველაფერი რიგზეა.

მართლა, კიდევ რამდენიმე თვის უკან იყო რაღაც შემთხვევები ზაქათალას ახლოს: ჭაურის სადგურიდან ლაგოდეხამდე მიმავალ გზაზე საღამოს რვა საათზე უკვე საშიში იყო მგზავრობა. მარტის შუა რიცხვებში თბილისიდან გამოემგზავრა პრაპორჩიკი ნუროვი, რომელიც, არ დაუჭერა რა სადგურის უფროსის რჩევას, წავიდა, როცა უკვე დაბნელებული იყო; ვერ მოასწრო სამი ვერსის გავლა, რომ ტყიდან დაისტვინა ტყვიამ. მეეტლე არ იყო მშიშარა: გააჭენა ცხენები, რაც ძალი და ღონე ჰქონდა და გადაარჩინა უვნებლად. იქვე რამდენჯერმე გაძარცვეს ქართველი მუშები, რომლებიც ღამეს ათევდნენ ტყეში; მათ წაართვეს არამარტო ხელსაწყო იარაღები, არამედ ფეხსაცმელებიც; საბრალონი მოვიდნენ სადგურში და ითხოვეს თავშესაფარი. ამბობენ, რომ ტყეში იმალებიან ლტოლვილა დაღესტნელები.

ჩვენთან ყველაფერი რიგზეა: ისეთი სიწყნარე, მყუდროება და ღეთის მადლია, რომ გადაწყვიტეთ ზაფხულისთვის დაგვეკეტა მომრიგებელი მოსამართლის კამერა. თვითონ მოსამართლემ კი გადაწყვიტა: სხვა არაფერია საჭირო ასეთ სანეტარო ადგილას. გარდა ოჯახური ბედნიერებით განცხრომისა, და, რადგან ის მარტობელა

კაცია, უნდა გაემგზავროს ბედნიერების საძებნელად; ასეც მოიქცა: აიღო შვებულემა და გაემგზავრა ხარკოვის გუბერნიაში. თუმცა კი, ჯერ კიდევ მის მოსვლამდე, მისი წინამორბედის არყოფნის გამო, საქმეები ბევრი დაგროვდა და ახალი საქმეების გადაღება მოუხდათ ძველების გარჩევამდე, მაგრამ ყველაფერი ეს კერძობითი, წვრილმანებია, საერთოდ კი ყველაფერი რიგზეა და ჩვენი საქმოსანი — ჰერკულესები, მოწყენილობისა და ტანვარჯიშისადმი პატივისცემის გამო, ავარჯიშებენ თავიანთ დევგმირულ ხელ-ფეხს შინამოსამსახურეების ცემა-ტყუპისა და თავპირის მტკრევაში. და მართო მათი? არა, ისინი უსწორდებიან აგრეთვე მშვენიერი სქესის წარმომადგენლებს, მაგალითად, ლალატში ექვის შემთხვევაში. თუმცა ეს ხდება ჩუმად, დახურულ კარებში; და საქმეც წარსულს ეკუთვნის, ხოლო ვინც ძველს გაიხსენებს, ის თვალს დაკარგავს.

მარსის ჭეშმარიტო შვილებო! წადით ბრძოლის ველზე, თუ ასე გულით გასურთ ჩხუბი, მაგრამ რაც თქვენი საქმე არ არის, ხელს ნუ კიდებთ. მართლაც უცნაურია, რატომ სხედან ეს საქმოსანი დევგმირები აქ. მათი ადგილია საბრძოლო არმიასი, სადაც ისინი სასარგებლონი იქნებოდნენ. აქ კი მხოლოდ შემფერხებლები არიან. მათი დევიზია: „ვაკეთებ იმას, რაც მინდა“, იშვიათად: „ვაკეთებ იმას, რაც ვიცი“, მაგრამ რადგან მათი ცოდნა შეზღუდულია, მათი მოქმედების შედეგიც ნულის ტოლია. რა არის მათთვის მომრიგებელი სასამართლო და საზოგადოების აზრი, როდესაც მშრალად შეუძლიათ ამოვიდნენ წყლიდან?

ხელი ხელს ბანს, ამბობს რუსული ანდაზა, და აი, ამის საფუძველზე როგორც კი ახალი საქმოსანი, ახალი მითოლოგიური პატარა კერპი განმტკიცდება ოლიმპოზე, ის, ბუნებრივია, აწარმოებს თავისი ნათესავეების შეგროვებას. დაუძახებენ დევგმირული ხმით; „მოდით, ყველა გაუმაძღარო მწყურვალო, გაინაწილეთ ჩემი სუფრა“, და მსოფლიოს ყველა კუთხიდან მოაწყდებიან გაუმაძღრები და მწყურვალეები, რომლებიც ქმნიან მაგარ ვალავანს ახალი საქმისათვის. ხედავ, ასეთივე დევგმირი, გაიგონებს რა მიმზიდველ ძახილს, ტოვებს თავის ძველ ადგილს და ჩქარობს გაიყოს სუფრა პატრონთან. არ გავა ერთი წელიც, დევგმირს ვეიწროება თავისი საცხოვრებელი და აგებს დარბაზებს. ეყრდნობიან რა ასეთ ციხესიმაგრეს, დევგმირი პატრონები რაც უნდათ იმას აკეთებენ, ასე რომ კონტროლიც, შემოწმებისას, ვერაფერზე შეედავება. პატივი და დიდება თქვენ, დევგმირებო! თქვენ შესძელით ისეთი კოლექციის შერჩევა, რომლის მსგავსს, ძალიანაც რომ ეძებო, ვერ შეარჩევ. დაე, მითხრან მე, რომ ეს სიცრუე და ცილისწამებაა, მე დავასახელებ თვითეულის სახელს და მათ ნამოქმედარს.

მშვიდობა, რაღაც არ უნდა დაგვიჯდეს!

თბილისი, 1 ივლისი

იმ დროს, როცა ჩვენი პრესის მოსკოვისა და პეტერბურგის ყველა ორგანო სავსეა მოწინავე სტატიებით, კორესპონდენციებით და შენიშვნებით, რომლებიც ერთნაირად გამსჭვალულია ერთი საერთო გაუგებრობით — რატომ მოხდა, რომ ბრწყინვალე ომი, რომელიც ევროპის თანხმობით დაიწყო, უნდა დამთავრდეს, იმავე ევროპის სურვილის თანახმად, ს. სტეფანოს ხელშეკრულების ანულირებით, ერთი გაზეთი, კერძოდ „ბირჟევიე ვედომოსტი“²⁵ მეტისმეტად მკვეთრად გამოიჩინა ამ საერთო გუნდიდან. აღიარებს რა უფრო ცხადად, ვიდრე ყველაზე თავგამოდებული შოვინისტთაგანი. როგორც თვითონ ამბობს, ნაციონალური გრძნობისათვის შეურაცხმყოფლად სამშვიდობო ტრაქტატის დიპლომატიურ გადაკეთებას. „ბირჟევიე ვედომოსტი“ ქადაგებს მხოლოდ მშვიდობას, რაღაც არ უნდა დაგვიჯდეს, რადგან, მისი აზრით, ჩვენ არ შეგვიძლია ახალი ომი ვაწარმოოთ. რა თქმა უნდა, პრესის ყოველ ორგანოს შეუძლია გამოთქვას თავისი რწმენა, ხოლო ყოველი რწმენა, თუ იგი სწორი და გულწრფელია. პატივისცემას ითხოვს, მაგრამ ბატ. პოლემიკას ორგანოს ქადაგებას სწორედ სიმართლე აკლია და ამიტომ, მიუხედავად სხვისი აზრისადმი პატივისცემისა, პრესის იმ ორგანოსათვის, რომელიც თავის თავს პატივს სცემს, მიუტევებელი დანაშაული იქნება, თუ იგი არ უარყოფს დიდად პატივცემული ვასილ აპოლონოვიჩის ნააზრევს.

არავინ, ვისაც კი საღი აზრი და კარგი მახსოვრობა აქვს, არ იფიქრებს, რომ რუსეთს სჭირდება ომი და არა მშვიდობა, ომი. რომელიც ყველასა და თითოეულის საუბედუროდ, მოსპობს არსებულ კეთილდღეობას, დააბრკოლებს ქვეყნის სავაჭრო და ეკონომიურ განვითარებას. გამოიწვევს ხარკების ზრდას და გაფლანგავს ქვეყნის მომავალ სახსრებს სხვადასხვა საგარეო და საშინაო, პროცენტუანი და უპროცენტო სესხების სახით, რაც გარდუვალია საომარი ოპერაციების გადაუდებელი ხარჯების დასაკმაყოფილებლად. მაგრამ ჩვენ არაერთხელ გვითქვამს, რომ ომის გამოცხადება ან ზა-

ვის დადება დამოკიდებულია არა რუსეთის ნებაზე ან ინგლისის ავისმსურველობაზე, არამედ გარეშე პირობებზე, რომელთაც წარმოშობს, კერძო პირის სურვილისაგან დამოუკიდებლად, მოვლენა-თა ისტორიული მსვლელობა. ამიტომ რუსეთის მხოლოდ მაშინ შეიძლება სარგებლობა მოუტანოს მშვიდობამ, როცა ეს ეთანხმება მის ინტერესებსა და ღირსებას. ამ პირობების გარეშე ომი ხდება გარდაუვალ ბოროტებად, რაც ყველასათვის გასაგებია, რაც არავის არ სურს, მაგრამ აუცილებელია როგორც შინაგანი კეთილდღეობისა და საგარეო პოლიტიკური არსებობის აუცილებელი პირობათაგანი. შეიძლება ბატ. პოლემიკა და მისი მსგავსი ფილოსოფოსები ღრმა წინააღმდეგობას აღმოაჩინენ ჩვენს მიერ გამოთქმულ აზრში. მართლაც, ისე გამოდის, რომ სახელმწიფოსათვის უდიდესი ბოროტება აუცილებელი პირობათაგანია მისი კეთილდღეობისათვის, მაგრამ ისტორიულად და ეკონომიურად ეს აზრი სწორია. როგორც ყოველი პატარა ორგანიზმის განვითარებისათვის საჭიროა ხელშემწყობი პირობები, წინააღმდეგ შემთხვევაში იგი არანორმალურად ვითარდება, მთელი სიცოცხლის მანძილზე იტანჯება და ბოლოს მაინც იღუპება, ასევე სჭირდება შესაბამი ხელშემწყობი საგარეო პირობები ისეთ კოლოსალურ ორგანიზმს, როგორც სახელმწიფოა, შინაგანი ძალების ნორმალური და სწრაფი განვითარებისათვის. ამ გარეშე პირობებს ადამიანები კი არ იგონებენ, დიპლომატიურ კაბინეტებში კი არ განსაზღვრავენ, არამედ გამომდინარეობენ ქვეყნის წინა ისტორიული ცხოვრებიდან, განპირობებულია იმ როლით, რომელიც ამ სახელმწიფომ უნდა შეასრულოს მსოფლიო ასპარეზზე და უმჯობესდება ანდა უარესდება ამა თუ იმ თაობის მიერ იმის მიხედვით, თუ რამდენად ესმის ხალხის ცხოვრების არსებული მომენტი დიპლომატიისა და სახელმწიფო ძალების იმ წარმომადგენლებს, რომელთაც წილად ხვდათ ხალხის მოთხოვნილებებისა და მის ინტერესთა დაცვა. რუსეთის ისტორია საიდუმლო არ არის: მას ფართოდ ასწავლიან ყველა სკოლაში და რუსი და უცხოელი მეცნიერების კვლევის საგანია. ეს ისტორია კი გვასწავლის, თუ რას წარმოადგენდა მოსკოვის სამეფო პეტრე I-მდე და რა ცვლილება მოხდა რუსეთის როგორც საშინაო ვითარებაში. ასევე საგარეო პოლიტიკურ მდგომარეობაში, როცა გენიალურმა რეფორმატორმა მოსკოვის სამეფო რუსეთის იმპერიად აქცია, გასწია მისი საზღვრები შავი, ბალტიის და კასპიის ზღვებამდე და სამუდამოდ დაუკავშირა სახელმწიფო თავის მეზობლებსა და ევროპას მეცნიერების, ვაჭრობის და მოხერხებული საზღვაო გზების მეშვეობით. ყველაფერი ეს მიღწეული იქნა გამანადგურე-

ბელი ომებით და ისეთი მსხვერპლის გაღებით, რომელიც აღმატებოდა იმდროინდელი რუსეთის სახსრებს, მაგრამ ამგვარმა მსხვერპლმა რუსეთი შინაგანად განამტკიცა და საპატიო ადგილი მოუპოვა ევროპის ისეთ სახელმწიფოებს შორის, რომლებიც მანამდე არ ცნობდნენ მოსკოვის სამეფოს, მთელი მისი ხელუხლებელი ეკონომიური და სახალხო პოტენციალით. პეტრე I-ის შემდეგ, ეკატერინე II-ის გამეფებამდე, 37 წლის განმავლობაში, რუსეთი, თუ კი აწარმოებდა ომებს, მხოლოდ დინასტიური და დიპლომატიური მიზნებისათვის, და ამ შედარებით მშვიდობიანმა პერიოდმა რუსეთს ვერც კეთილდღეობა მოუტანა და ვერც მისი საგარეო მნიშვნელობა გაზარდა. ეკატერინე II-ის ბრწყინვალე მეფობა რუსეთს ძვირად დაუჯდა, მაგრამ ამით მისი შინაგანი მწარმოებლური ძალები არ განადგურებულა, პირიქით, ამან შესაძლებლობა მისცა ალექსანდრე პირველს, მთელ ევროპას გამკლავებოდა. თუმცა ამ ომში რუსეთმა უდიდესი მსხვერპლი გაიღო, მაგრამ ომის შემდეგ რუსეთის ეკონომიური მდგომარეობა უკეთესი გახდა, ვიდრე მანამდე იყო. სამწუხაროდ, რუსეთის არმიის ბრწყინვალე გამარჯვებები დასრულდა 1815 წლის ვენის კონგრესით¹⁰² დაწმინდა კავშირით⁷⁶, რომელმაც რუსეთს თავს მოახვია ევროპის კეთილდღეობისათვის ზრუნვა, რაც მისთვის უცხო იყო და რამაც იგი უნგრეთის ომში ჩაითრია. ამ ომს კი შედეგად რუსეთისადმი მთელი ევროპის სიძულვილი მოჰყვა, ამ სიძულვილმა კი გამოიწვია ყირიმის ომი¹⁰³, რომელიც პარიზის ტრაქტატით²⁹ დამთავრდა.

იმ დროს ძთელი ევროპა ერთსულოვნად მზად იყო რუსეთის წინააღმდეგ საბრძოლველად და რუსეთი იძულებული შეიქნა მიეღო მძიმე პირობები... რუსეთს უნდოდა ომი აეცილებინა თავიდან. კონსტანტინოპოლის კონფერენციაზე იგი თმობდა და თმობდა მანამდე, სანამ ინგლისის დიპლომატიამ ოტომანთა კონსტიტუციის მეშვეობით ზედმეტი არ გახდა კონსტანტინოპოლში შეკრებილ დელეგატთა ზრუნვა და მსჯელობა. დიპლომატები წავიდ-წამოვიდნენ, ხოლო აღმოსავლეთის საკითხი ისევ გადაუწყვეტელი დარჩა, როგორც პარიზის ტრაქტატის შემდეგ. ომი დაიწყო ევროპის ბედის გამგებელთა უნებურად და დამთავრდა მათი სურვილის წინააღმდეგ. ევროპის დიპლომატიამ კონსტანტინოპოლის და გალიპოლის აღება ომის დაწყების მუქართა და საკითხის მშვიდობიანი გზით გადაწყვეტაზე მოლაპარაკებით შეაჩერა. ჩვენი არმია ბრძოლის ველზე დარჩა და ისეთივე ხარჯებს მოითხოვდა, როგორსაც ომის დროს. გარდა ამისა საჭირო გახდა ჯარის ახალი ნაწილების შექმნა მოქმედი არმიის დანაკლისის შესავსებად, რასაც ისეთი

ეკონომიური და ფინანსიური ხარჯები მოჰყვას, როგორც ომის გაგრძელების შემთხვევაში დასჭირდებოდა.

დაუშვათ, რომ ბერლინის კონგრესი²⁰ ქალაქებზე რადიკალურად გადაჭრის ევროპელი ხალხების თანამედროვე პოლიტიკური ცხოვრების მთელ კომპლექსს, რომელსაც იწვევს აღმოსავლეთის საკითხის გადაწყვეტა. ასეთი ვარაუდი უაზროა, მაგრამ ბატ. პოლტიკას სასარგებლოდ ჩვენ ასეთ რამესაც ვუშვებთ. განა ამის შემდეგ რუსეთს შეუძლია დაუყოვნებლივ გამოიწვიოს ჯარები ბრძოლის ველიდან, გაუშვას ზედმეტი სამხედრო მოსამსახურეები უვადო შვებულებაში, მიაღწიოს, ბიუჯეტის მიხედვით, ნორმალურ ხარჯებს ჯარებისათვის, ჩააბას მილიონობით ადამიანი მწარმოებლურ შრომაში და შეუდგეს ეკონომიკის მშვიდობიან განვითარებას? ამგვარი აზრის განხორციელება უფრო ძნელია, ვიდრე ვარაუდი იმისა, რომ ბერლინის კონგრესი გადაწყვეტს ყველა იმ პუნქტს, რომელიც აღმოსავლეთის საკითხიდან გამომდინარეობს; როგორი ბრძნულიც არ უნდა იყოს კონგრესის გადაწყვეტილებანი, ისინი მხოლოდ ფარატიანა ქალაქები იქნებიან, რაც ნამდვილ მატერიალურ ფაქტებად უნდა აქციოს მთელი ევროპის ძეცადინეობამ, თურქეთის ჩათვლით, — განა რუსეთს შეუძლია აარიდოს თავი ამ საერთო სამუშაოს? პირიქით, დართო რა ნება მთელ ევროპას, აქტიური მონაწილეობა მიიღოს აღმოსავლეთის საკითხის გადაჭრაში და განაცხადა რა უარი იმ სარგებლობაზე, რაც იარაღის ბრწყინვალე გამარჯვებით მიადგია, ახლა რუსეთი იძულებულია მტკიცედ დაიცვას ის პირობები, რაზედაც დასთანხმდა და ამავე დროს მხედველობაში უნდა მიიღოს ის მტრული განწყობილება, რაც ბერლინის კონგრესზე ერთხმად გამოამჟღავნეს. ასე რომ, ბერლინში თავმოყრილი დიპლომატების შეთანხმება ხელსაყრილიც რომ იყოს, ჩვენი ჯარების ბრძოლის ველიდან გამოწვევაზე ლაპარაკი მაინც ზედმეტია. ზედმეტია აგრეთვე არმიის რიცხობრივ შემცირებაზე ლაპარაკიც, რადგან თურქეთი ხელახლა იარაღდება, ინგლისმა ინდოეთიდან ჯარები გადმოიყვანა, ხოლო ავსტრია-უნგრეთის ლეგიონები ბოსნიისა და სერბიის საზღვრებზე დგანან. ნასადილევს, ლორდმა ბიკონსფილდმა, ჯენტლმენური გულახდილობით განაცხადა — აღმოსავლეთის საკითხი რუსეთის ხარჯზე გადაიჭრებაო. გრაფმა ანდრაშიმ ასევე პირდაპირ განაცხადა, წინააღმდეგობას ვაუწყებთ რუსეთის ყოველგვარ გავლენას ბალკანეთის ნახევარკუნძულზეო, ხოლო თურქეთის დელეგატებმა დაუფარავად თქვეს, არ დავემორჩილებით კონგრესის გადაწყვეტილებებსო. როცა ასეთი გულახდილობის დროს ყველასაგან

ხელმოწერილ დიპლომატიურ ოქმს გვაწვდის პატიოსანი მაკლერი, ოქმს, რომელიც შეიცავს ბერლინში შეკრებილი დიპლომატების მიერ ყველა გაუგებარი საკითხის უბრძნულეს გადაწყვეტას — რუსეთს თავის საომარი ძალების შესუსტებაზე ფიქრი კი არ მოუწევს, არამედ მის გაძლიერებაზე, რადგან ომი მოსალოდნელია და ახლა არა მარტო თურქეთის, არამედ, უკიდურეს შემთხვევაში. ინგლისისა და ავსტრია-უნგრეთის წინააღმდეგ მაინც. საიდანღა უნდა ველოდებოდეთ სამხედრო ხარჯების შემცირებას, ჩვენი ჯარების იდილიურ დაბრუნებას სამშობლოში და ქვეყნის ეკონომიური, მწარმოებლობის ყველადარგის კულტივირებას? Vouloir c'est pouvoir²¹, შეუძლია თქვას ცალკეულმა პიროვნებამ ყველაფერზე, რაც მის ზნეობრივ სფეროს შეეხება, მაგრამ, რა ძლიერადაც არ უნდა სურდეს მას ეს, ბალახის ზრდას ანდა სიმძიმის ძალის მოქმედებას ვერაფერს შეაჩერებს. რუსეთს სურს მშვიდობა, და ეს მისთვის აუცილებლად საჭიროა, მაგრამ მისი მოწინააღმდეგეები, რომელთაც ესმით ეს ამბავი, იმით არ კმაყოფილდებიან, რომ ჩათრიეს რუსეთი ომში, არამედ უარესი უნდათ მისთვის, კერძოდ ისეთი მდგომარეობა, როგორშიც ჩვენ ვიმყოფებით ამა წლის 19 იანვრიდან. ჩვენ დავეარგეთ ყველა უპირატესობა, რასაც საომარი მოქმედების წყალობით მივაღწიეთ. და ახლა უფრო სერიოზულად ვზარალებით. ვიდრე ომის დროს. ლორდმა ბიკონსფილდმა დიდი ხანია, რაც აღიარა, რომ შედგენილი აქვს რუსეთის ერთდროულად ორმხრივი გალატაკების გეგმა: ომის დროს გააღებინოს მას რაც შეიძლება დიდი ხარჯები და არ მისცეს არავითარი საშუალება აინაზღაუროს გაღებული ხარჯები კონტრიბუციით ან მისი ტოლფასი სახელმწიფო ინტერესებით. ასეთი მდგომარეობა გარდუვალი შედეგია პოლიტიკისა — მშვიდობა, რადაც არ უნდა დაგვიჯდეს. რა თქმა უნდა, საჭირო არაა იყო მეომარი, საკმარისია იყო ეკონომისტი, რომ ამჯობინო ომი გარდაუვალ გალატაკებას ზნეობრივი პრინციპებისა და სამართლიანობის ლოდინში იმ ადამიანებისაგან, რომლებიც პირდაპირ აცხადებენ, რომ იცავენ მხოლოდ საკუთარ ინტერესებს და ყოველთვის შეეცდებიან შეძლებისდაგვარად ზიანი მიაყენონ რუსეთს, ისარგებლონ მისი მშვიდობისმოყვარეობისა და უანგარობის პოლიტიკით. ჩვენი სურვილია, ბატ. პოლემტიკამ გამოიანგარიშოს, რა დაუჯდა რუსეთს სამხედრო ძალების მშვიდობიანი გადაადგილება პარიზის ტრაქტატის შემდეგ, რომელმაც ვერ დააკმაყოფილა რუსეთის ინტერესები და რუსი ხალხის გრძნობა. რა დაუჯდა რუსეთს 4½ თვის ლოდინი, როცა დიპლომატიურ მოლაპარაკებას და კონგრესის მეშვეობით ამ საკითხების გადაჭრას ელოდა.

ზეადარებს რა ამ ციფრებს საომარი მოქმედებისათვის გაწეულ ხარჯებს ომის დაწყებიდან ჯარების ს. სტეფანოსთან გაჩერებამდე. ბატ. პოლეთიკა, არითმეთიკის საშუალებით დაუმტკიცებს თავის თავს, რომ ომი მშვიდობაზე იაფი ჯდება... ნუთუ იმ აბსტრაქტული აქსიომის გამო, რომ ომი მშვიდობას ჯობია, რაშიც არავის ეპარება ეჭვი. შეიძლება ისეთ უაზრო დასკვნამდე მისვლა, რომ „მშვიდობა რაღაც არ უნდა დაგვიჯდეს“ თანამედროვე რუსეთისათვის. უდიდესი სიკეთეა? აბსტრაქტულ აზრებს თავისი ღირსებები აქვს, მაგრამ მიმდინარე საზოგადოებრივი ცხოვრება იმით ვერ დაკმაყოფილდება, არამედ თავისი ინტერესების მორალურ და მატერიალურ დაკმაყოფილებას ეძებს. „მშვიდობა რაღაც არ უნდა დაგვიჯდეს“ არა მარტო იმიტომ ვერ აკმაყოფილებს რუსეთის ინტერესებს, რომ არ ეკადრება ძლიერი სახელმწიფოს ღირსებასა და პატიოსნებას, არამედ უმთავრესად იმიტომ, რომ ასეთი მშვიდობა არ იძლევა ხალხის ეკონომიური ცხოვრების მშვიდად განვითარების საშუალებას. პრინციპის — „მშვიდობა რაღაც არ უნდა დაგვიჯდეს“ — გამარჯვების შემდეგ რუსეთის მდგომარეობა სამხრეთით ისეთივე იქნება, როგორც ეკატერინე II-ის დროს იყო.

აი ჩვენი თვალსაზრისი ომზე და პოლიტიკაზე „მშვიდობა, რაღაც არ უნდა დაგვიჯდეს“, რომელსაც ბატ. პოლეთიკა ქადაგებს. ჩვენს აზრს გამოეთქვამთ გაბედულად, რადგან მის სისწორეს ამტკიცებს არა მარტო რუსეთის ისტორია, არამედ ყველა სხვა სახელმწიფოს ისტორიაც. ომი არის ყველაზე დიდი უბედურება, მაგრამ თუ იგი აკმაყოფილებს სახელმწიფო ინტერესებს, მაშინ მისი დამთავრების შემდეგ ადვილად ხერხდება ქვეყნის ეკონომიური ძალების აღდგენა. ხოლო თუ ომის შიშით სახელმწიფო უარს იტყვის თავის აუცილებელი მოთხოვნილებების დაკმაყოფილებაზე, მაშინ მშვიდობა ხელს უშლის ქვეყნის ეკონომიურ განვითარებას და ხელს უწყობს მის გადატაკებას. შეიარაღებული მსოფლიო, რომელმაც, მოყოლებული ნაპოლეონ III-ის დროიდან, მთელი ევროპის კეთილდღეობა შეარყია, ყველა გამანადგურებელ მდგომარეობაზე უფრო გამანადგურებელია. თანამედროვე პოლიტიკური ვითარებაში ბერლინის კონგრესს მხოლოდ ასეთი მშვიდობა შეუძლია მოგვცეს. ასეთი მშვიდობა კი ომზე უარესი და არასასურველია, მაგრამ არა შოვინისტური ან საომარი აზარტის გამო, არამედ არითმეთიკული ანგარიშის მიხედვით, რაც იმას ამტკიცებს, რომ ასეთი მშვიდობა ყველაზე არახელსაყრელ ომზე უფრო გამაღატაკებელია.

8. ბათუმის საკითხისათვის

მივუთითეთ რა იმ შეცდომაზე, რომელიც გაზეთმა „დროებამ“ დაუშვა, ბათუმის თავისუფალ პორტად (ანუ პორტო-ფრანკოდ, როგორც ჩვენში მიღებულია იტალიურად წოდება, ოდესის თავისუფალი პორტის არსებობის დროიდან) დაწესების თაობაზე, — ჩვენ საქიროდ მიგვაჩნია ვთქვათ რამდენიმე სიტყვა ინგლისის ინტერესებისათვის იმ დათმობათა ზომების შესახებ, რაც გარღვეულია იმ შემთხვევაში თუ რუსეთი ბათუმს თავისუფალ ნავსადგურად გამოაცხადებს.

ამ ცოტა ხნის წინათ ინგლისი მონდომებით ცდილობდა ხელში ჩაეგდო ამიერკავკასიის ბაზრები და ამ გზით თავისი საქონელი გაესაღებინა სპარსეთსა და შუა აზიაში. 1830 წლამდე ინგლისი თავის საქონელს მნიშვნელოვანი რაოდენობით ასაღებდა, მაგრამ ამიერკავკასიაში მფარველობითი გადასახადების შემოღებამ იგი იძულებული გახადა თავის სატრანზიტო პუნქტებად ტრაპიზონი და ერზრუმი აერჩია, სადაც თურქეთის მთავრობის შესაძლებელი მფარველობით სარგებლობდა. ყირიმის ომის შემდეგ, მას შემდეგ, რაც გაიყვანეს რკინიგზა შავი ზღვის ჩრდილოეთ სანაპიროს გასწვრივ და ყირიმისა და ამიერკავკასიის სანაპიროებს შორის რეგულარული სანაოსნო მიმოსვლა დაწესდა, ამიერკავკასიაში უცხო საქონლის შემოზიდვა თანდათან შემცირდა, ხოლო რუსეთის საქონლის შემოტანა გაიზარდა. მაგრამ, მეორეს მხრივ, გაძლიერდა საქონლის კონტრაბანდული გზით შემოზიდვა, თურქეთთან ჩვენი ტყიანი და მთა-გორიანი სასაზღვრო რაიონებიდან, რომელთა საბაჟო ზედამხედველობა იმდენად ძნელია, რომ მისი განხორციელება შეუძლებლად მიგვაჩნია. სარგებლობენ რა ბათუმით, სადაც კონტრაბანდული საქონლის შემოზიდვა შეიძლება უხიფათოდ და სასურველი რაოდენობით, აგრეთვე საზღვარზე მცხოვრებ ლაზებსა და გურულებთან ნათესაობით, რომლებიც აგრეთვე დაინტერესებულნი არიან კონტრაბანდული ვაჭრობის წარმატებით, ამიერკავკასიაში დიდი რაოდენობით იჭრება უცხოური, განსაკუთრებით ინგლისური საქონელი. ამიტომ გასაგებია,

რომ თუ ბათუმი რუსეთის ტერიტორიის შემადგენელი ნაწილი გახდება და თავისუფალ ნავსადგურად გამოცხადდება, კონტრაბანდული ვაჭრობა კიდევ უფრო გაადვილდება, რადგან საქმარისია კონტრაბანდული საქონელი პორტო-ფრანკოს საზღვრებს გასცდეს. რათა აღმოჩნდეს რუსეთში და დაუბრკოლებლად გავრცელდეს მთელს ამიერკავკასიაში. ამიტომ ბათუმის თავისუფალ ნავსადგურად გამოცხადება, აღადგენს ინგლისის საქონლის ბატონობას ჩვენს მხარეში, ე. ი. გააქარწყლებს ყველა იმ ხელსაყრელ შედეგებს, რაც რუსეთის ვაჭრობამ მოიპოვა მთავრობის მიერ ნაოსნობის შექმნისათვის გაღებული თანხებისა და შავი ზღვის ჩრდილოეთ სანაპიროზე რკინიგზის გაყვანის გზით.

ახლა განვიხილოთ ამ საკითხის მეორე მხარე, კერძოდ — ჩვენი შესასვლელები თურქეთისათვის ჩამორთმეულ პროვინციებში. რომელთაც ჭერ არავითარი კავშირი და არავითარი სავაჭრო ურთიერთობა არა აქვს რუსეთთან და მოწყვეტილნი არიან მისგან უგზობობის გამო. აქამდე მათ საქონლით ამარაგებდა ევროპა, ბათუმის მეშვეობითა და ინგლისის ხელშეწყობით. ბათუმის თავისუფალ ქალაქად გამოცხადების შემთხვევაში, ასეთივე მდგომარეობა შეიქმნება ყარსშიც, ბაიაზეთშიც და ინგლისური საქონელი, ბათუმის, არდაგანის, ყარსის და ბაიაზეთის გზით, დიდი რაოდენობით შეიქრება სპარსეთის ჩრდილოეთ რაიონებში და წაგვართმევს ამ მნიშვნელოვან ბაზარს, სადაც ჩვენ შეგვიძლია შევიტანოთ ჩვენი საქონელი, ვოლგისა და კასპიის ზღვის მეშვეობით, კასპიის ზღვის სამხრეთ სანაპიროების სპარსულ ქალაქებში.

ამრიგად, ლორდი ბიკონსფილდი, რომელიც ინგლისის მერკანტილური პოლიტიკის წარმომადგენელია, თავის პროექტით ბათუმის თავისუფალ ქალაქად გამოცხადების შესახებ, ართმევს რუსეთს საუკეთესო სასაზღვრო სამხედრო ნავსადგურებს; უსპობს ყოველგვარ საშუალებას აღმოფხვრას საქონლის კონტრაბანდული გზით შემოზიდვა, თავისი მანუფაქტურული საქონლით იპყრობს ჩვენს მიერ ახლახან შეძენილ ოლქებს და ვარაუდობს — გადააქციოს ბათუმი ინგლისური საქონლის საიმედო პუნქტად, რომლის დაცვა, შენახვა და გაფართოება რუსეთის ხარჯზე უნდა მოხდეს. ინგლისს კი ექმნება იმის შესაძლებლობა, რომ გააძლიეროს თავისი საქონლის დიდი რაოდენობით გასაღება და ყველაფერი ეს განახორციელოს რუსეთის ვაჭრობის საზიანოდ და მის ხარჯზე.

ფ. ალბილოზრივი მიმოხილვა

ასეც ვიცოდით, რომ ჩვენი გაბედულსა ცდა — რბილად შეგვესწორებინა პატრივცემული გაზეთის „დროების“²² შეცდომა სიტყვა „პორტო-ფრანკოს“ განსაზღვრასთან დაკავშირებით — არ შეგვრჩებოდა! დღეს ამის გამო „დროებამ“ ისეთი შავი დღე დაგვაყენა, რომ საჭიროდ ვთვლით ეს ამბავი „ობზორის“² მკითხველებსაც გავაცნოთ.

„როგორ გაეხარდა საწყალ „ობზორს“ და მის მამაც რედაქტორს ბატ. ნიკოლაძეს, როცა ჩვენი გაზეთის ერთ სტატიაში, რომელიც სხვადასხვა გარემოებათა გამო დამახინჯებულა, შეცდომა აღმოაჩინა. სად წავა ბატ. ნიკოლაძე, ჩვენ რომ მოვინდომოთ და სამაგიერო იმავე გზით გადავუხადოთ, გამოვააშქარავოთ ყველა ის შეცდომა და ცდომილება, რომელიც მის გაზეთში გვხვდება? ამ შეცდომათა სიას ჩვენი პატარა გაზეთი ვერც დაიტევს!

„თბილისში ცხოვრობს ერთი ყველასათვის კარგად ცნობილი პიროვნება, რომელიც მუდამ ებუზღუნება ყველას და ყველას ბრძვესა და უსინდისოს ეძახის, სულერთია ვინც არ უნდა იყოს იგი. ამ პიროვნების მიზანი ისაა, რომ ყველასი და თითოეულის ლანძღვით საკუთარი უარყოფითი მხარეები დაფაროს.

„ასეთი ხასიათის გამო ამ პიროვნებას ყველამ სობაკევიჩი შეარქვა. ბატ. სობაკევიჩმა ამგვარი ქცევით ერთ დროს რამდენიმე კაცის თვალში პატიოსანი და ჭკვიანი კაცის რეპუტაცია მოიპოვა.

„იგი ყველას ლანძღავს და ამიტომ თვითონ უნდა იყოს რითიმე განსაკუთრებული, ამბობდნენ მის შესახებ. მაგრამ მალე ყველამ გაიგო რა ჩიტიც არის. იქნებ თქვენც ამ ვაუბატონის კვალზე გინდათ იაროთ ბატ. ნიკოლაძე?..“

ბატ. მესხს ჩვენ კეთილსინდისიერ კაცად ვთვლით, მაგრამ იძულებული ვართ ვიფიქროთ, რომ ამგვარ წერილებს იგი მხოლოდ იმიტომ წერს და ბეჭდავს, რომ არ ესმის მათი მნიშვნელობა და არ იცნობს ლიტერატურული პოლემიკის წესებს. ამიტომ ვეცდებით ავუხსნათ მას, რაც შეიძლება დელიკატურად, მისი პასუხის მთელი უცნაურობა. იქნება ამგვარი ახსნა დაეხმაროს მას

იმაში, რომ შემდგომ აღარ ჩაიდინოს მსგავსი შეცდომა და არ წარუდგეს მკითხველ საზოგადოებას ისეთი ულამაზო სახით, როგორც იგი მისმა უქანასკნელმა წერილმა წარმოგვიდგინა.

ჯერ ერთი, ყოველი კეთილსინდისიერი მწერლის უპირველესი მოვალეობა ისაა, რომ გულახდილად აღიაროს საკუთარი შეცდომა, რათა მისი მკითხველები არ დარჩნენ შემცდარნი და შეცდომა მეცნიერულ ჭეშმარიტებად არ აღიარონ. მეორეც, ბატ. მესხს უფლება არა აქვს გვედაოს ჩვენ იმის გამო, რომ შესწორება სამართლიანია. ახლა მან იცის, რას ნიშნავს „პორტო-ფრანკო“ და ამიტომ ვალდებულია გაუფანტოს „დროების“ მკითხველებს ის მცდარი აზრი, რომელიც თავს მოახვია. ხოლო არ შეასრულო საკუთარი მოვალეობა, არაფერი თქვა შეცდომაზე და სტატიის დამახინჯება დააბრალო „სხვადასხვა გარემოებას“ იმ დროს, როცა ცენზურას არ შეეძლო თავს მოეხვია ბატ. მესხისათვის „პორტო-ფრანკოს“ მცდარი გაგება, ეს უკვე იმას ნიშნავს, რომ მოატყუო მკითხველი. ეს კი არ ეკადრება მწერალს, რომელიც ცოტათი მაინც აფასებს საკუთარ საქმიანობას და თავის მკითხველისათვის სიკეთე სურს.

შემდეგ: არ გამოასწორო საკუთარი შეცდომა და თავი იმართლო იმით, რომ „ობზორი“ მდიდარია შეცდომებითა და შეცოდებებით — ეს იმას ნიშნავს, რომ ლიტერატურა გადააქციო ლანძღვის ასპარეზად განუვითარებელი ადამიანებისათვის. „შენ ასეთი და ასეთი ხარ!“ „შენ კი ასეთი, ასეთი და კიდევ ასეთი!.. შეიძლება საწყალი „ობზორი“ და მისი მხდალი რედაქტორი პატ. ნიკოლაძე ნამდვილად და თავიდან ბოლომდე უმეცრები არიან. მაგრამ განა ამის გამო შეიძლება თავისუფალ ნავსადგურად ჩათვალოთ გაუშვარებელი პორტი? მეორეც, განაცხადო — „ობზორი“ საესეა შეცდომებით და არ მოიყვანო არც ერთი ამის დამადასტურებელი ფაქტი, ჩვენს მიერ რომელიმე ტერმინის მცდარად განსაზღვრის მაგალითი, ეს უკვე ინსინუაციებში ეარჯიშს ნიშნავს, ე. ი. პატიოსანი მწერლისათვის უღირს საქმეში მონაწილეობას. წარმოგვიდგინეთ ფაქტი და ამის შემდეგ თუ გინდათ დამსაჯეთ, მაგრამ ჩვენ ექვი გვეპარება, რომ „დროებამ“ „ობზორში“ ამგვარი ელემენტარული ამბის უცოდინარობის ერთი მაგალითი მაინც აღმოაჩინოს. ყოველ შემთხვევაში, ვკსურს რა გავანთავისუფლოთ „ობზორის“ მკითხველები იმ მცდარი აზრისაგან, რომელიც შეგვეძლო თავზე მოგვეხვია მათთვის, ჩვენ ვთხოვთ „დროების“ პატივცემულ რედაქციას, დაგვანახოს ჩვენი შეცდომები და იგი თვით დაინახავს, რომ მათ ჩვენს მკითხველებს არ დავუშალავთ.

სობაკევიჩის მაგალითი კიდევ არაფერია. კიდევ უფრო უარესია,

ვესმოდეს მწერლოსაგან იმ თეორიის ქადაგება, რომ კაცი, რომელიც სხვის შეცდომებს ააშკარავებს, ამით საკუთარი შეცდომების დაფარვას ფიქრობსო. ხომ შეიძლება მკითხველებმა იფიქრონ, რომ ბატ. მესხი, რომელსაც არ სჩვევია სხვისი შეცდომებისა და უარყოფითი მხარეების დაფარვა, თავის ზნეობრივი თვისებებით სობაკვეიჩს გავს. მეორეც, კეთილსინდისიერ პუბლიცისტს მართლაც არ ეკადრება დააეჭვოს მკითხველები მოწინააღმდეგის პატიოსნებაში, როცა არ შეუძლია დაასახლოს თუნდაც ერთი ფაქტი და განსაკუთრებით მაშინ, როცა იცის, რომ პარალელურად მიმავალ ორ პიროვნებას შორის საერთო არაფერია. მესამეც, ძალზე სარისკოა შეადარო ადამიანი, რომელსაც პირდაპირ და საჯაროდ არავისთვის დაუდვია ბრალი და ყოველთვის ბნელი კუთხიდან მოქმედებდა და ხმამაღლა ილანძღებოდა დაუმტკიცებელი ინსინუაციებით, ისეთ კაცს, როგორც სობაკვეიჩია, ე. ი. ბატ. მესხის მიერ აღწერილ მწერალს, რომელიც არავის არ შეხებია ისე, რომ ხელთ არ ჰქონოდა კონკრეტული ფაქტები და არგუმენტები.

დაე, ბატ. მესხი კარგად ჩაუკვირდეს ლიტერატურული პოლემიკის ამ საერთო კანონს, რაზედაც ბევრს წერდნენ ერთ დროს მის გაზეთში. ყოველთვის, როცა მწერალს არაფერი აქვს სათქმელი, როცა ვერაფრით უარყოფს მოწინააღმდეგის მოსაზრებებს, როცა არ სურს სცნოს საკუთარი სისუსტე, იგი მისდაუნებურად ეტანება ინსინუაციებს, ძირს უთხრის მოწინააღმდეგის ზნეობრივ სიწმინდეს, მიმართავს ცილისწამებას და ლანძღვა-გინებას. ეს საერთო კანონია. მხოლოდ ისეთ რედაქციას და ისეთ წმინდა პიროვნებას არ ეშინია საკუთარი შეცდომის აღიარებისა და დამარცხებისა, რომელმაც საზოგადოებისათვის გააქეთა ყველაფერი, რის გაკეთებაც შეეძლო და უნდა გაეკეთებინა... უმეტეს შემთხვევაში კი დამარცხებულნი ცდილობენ ცილისწამებითა და ლანძღვა-გინებით გადაირჩინონ თავი. ბატ. მესხმა თავის ტყავზე გამოსცადა ამ კანონის მთელი სისწორე, როცა ბატ. ა. ფურცელაძეს ეკამათებოდა. რაც უფრო სამართლიან დარტყმებს აყენებდა იგი მოწინააღმდეგეს. რაც უფრო ხშირად ამხელდა მის შეცდომებსა და დაუმთავრებელ აზრებს, მით უფრო საძაგლად და ხმამაღლა ილანძღებოდა ბატ. ფურცელაძე, მით უფრო მეტ ცილს წამებდა. რისთვის ჰირდება ახლა მას, დაადგეს ამგვარი მოწინააღმდეგის კვალს. განა ბატ. მესხმა არ იცის, რომ ვერც ინსინუაციებმა, ვერც ცილისწამებამ და ვერც ლანძღვა-გინებამ ვერ გადაარჩინა ბატ. ფურცელაძე ქართველი მკითხველი საზოგადოების თვალში ყოველგვარი ნდობი-

სა და მნიშვნელობის დაკარგვისაგან? ან იქნებ ბატ. მესხს აუცილებლად უნდა მისი ხვედრი გაიზიაროს?

ჩვენთვის ეს დიდად სამწუხარო იქნებოდა, რადგან გულწრფელად ვაღიარებთ, რომ ბატ. მესხი არ არის იმის ღირსი, რომ თავისი მოღვაწეობა ასე დაამთავროს. მაგრამ იგი თავს ვერ დააღწევს ამას. თუ ჭიუტად ეცდება გამოიყენოს ისეთი ულამაზო საშუალებები, რომელთა შესახებაც ჩვენს მკითხველებს უკვე შეეძლოთ გარკვეული წარმოდგენა შეექმნათ. ჩვენ ეს გრძელი და, როგორც ხედავთ, მშვიდი, დელიკატური შენიშვნა იმიტომ მივუძღვენით მას, რომ გულწრფელად გვსურს დავანახოთ ასეთი საშუალებების გამოყენების საშიშროება და ულამაზობა.

10. შავი ჯღვის მნიშვნელობა რუსეთისათვის და ბათუმის ფლოგისა — შავი ჯღვისათვის

1

თბილისი, 3 ივლისი

სამხედრო ხელოვნება, სხვა ძირითად წესებს შორის, შემდეგ რჩევასაც იძლევა: არასოდეს არ გააკეთოთ ის, რაც მტრისათვის სასურველია. და რადგან ბერლინის კონგრესის თავმჯდომარე მებრძოლი გენერალია და ასეთივე სამხედრო გენერალია რუსეთის წარმომადგენელიც, ჩვენ ვფიქრობთ, რომ ამ შემთხვევაში მართებული იქნება გამოვიყენოთ ზემომოყვანილი სამხედრო ხელოვნების წესი იმ დიპლომატიური საუბრებისათვის, რომელიც ახლა ბერლინში მიმდინარეობს.

ლორდმა ბიკონსფილდმა მთელი თავისი ცხოვრებითა და მოღვაწეობით დაგვანახა, რომ იგი რუსეთის ყოველგვარი წარმატების დაუძინებელი მტერია. ამიტომ. თუ ლორდ ბიკონსფილდს ძლიერ სურს, რომ ბათუმი თურქების ხელში დარჩეს, ხოლო თუ ამას ვერ მოახერხებს, გააქარწყლოს მისი სასარგებლო მნიშვნელობა და მისი ფლობა საზიანოც კი გახადოს რუსეთისათვის, აქ თავისუფალი ნავსადგურის დაწესების შემწეობით. რუსეთი ვალდებულია აღიაროს ბათუმის განსაკუთრებული მნიშვნელობა და შეინარჩუნოს იგი, როგორც საკუთარი სიძლიერის განვითარების მძლავრი საშუალება. შეიძლება ასეთი დასკვნა ბევრს თვითნებური მოეჩვენოს, ამიტომ ვეცდებით შეძლებისდაგვარად განვმარტოთ ეს საკითხი: მართლა მნიშვნელოვანია ბათუმის დასაკუთრება რუსეთისათვის, თუ ეს შენაძენი არაფერია იმასთან შედარებით, რაც დავთმეთ და ამიტომ მისი გულისათვის არ ღირს ლორდ ბიკონსფილდის კაბინეტის უკმაყოფილება გამოვიწვიოთ? ჩვენ მიგვაჩნია, რომ ეს საკითხი ჩვენი პირადი, ადგილობრივი საკითხიცაა, რადგან შავი ზღვის სანაპიროების სიგრძის ნახევარი კავკასიის სამეფისნაცვლოზე მოდის და ჩვენთვის შავი ზღვა უმთავრესი გზაა რუსეთთან და ევროპასთან დასაკავშირებლად, საიდანაც ყოველგვარ სიკეთესა და დახმარებას ველით. ჩვენი ეკონომიური ცხოვრების განვითარებისათვის. ამიტომ ჩვენ ჩვენს მოვალეობად

ვთვლით, ახლავე დავაჯგუფოთ ყველა ფაქტი, რათა გავერკვეთ, თუ რა მნიშვნელობა აქვს შავ ზღვას რუსეთისათვის და ბათუმის შემოერთებას — ჩვენი მდგომარეობისათვის შავ ზღვაზე. ამ საკითხს ჩვენთვის დიდი აქტუალური მნიშვნელობა აქვს და ამიტომ ვიმედოვნებ, რომ ჩვენი მკითხველები არ გაგვიწყრებიან ბევრი ისეთი რამის განმეორებისათვის, რაც გამოთქმული იყო ჩვენი გაზეთის მოწინავე სტატიებში: იმის განმეორება, რაც ჩვენ კარგად უნდა ვიცოდეთ, არაფერს გვავენებს, თუმცა ჩვენ ვეცდებით, რაც შეიძლება მოკლედ განვიხილოთ ეს საკითხი.

რუსეთის ახლანდელი ეკონომიური და ფინანსიური სიძნელების საფუძვლიანად შესწავლა მიგვიითთებს სახელმწიფოს სავაჭრო და ეკონომიური კეთილდღეობის ერთ-ერთი დავიწყებული ფაქტორის, სახელდობრ ზღვაოსნობის განვითარებაზე. საკუთარი სავაჭრო ფლოტის უქონლობა უსპობს ჩვენს საფაბრიკო მრეწველობას იაფი ნედლეულით მომარაგების საშუალებას. აბრკოლებს ჩვენი სასოფლო-სამეურნეო ნაწარმის რაციონალურად გასაღებას, ძირს უთხრის ჩვენი საგარეო ვაჭრობის ყოველგვარ დამოუკიდებლობას და თავზე გვახვევს უცხო სახელმწიფოებთან ეკონომიურ დამოკიდებულებას, საიდანაც ბუნებრივად გამომდინარეობს ის ფინანსიური სიძნელები, რასაც ჩვენ ახლა განვიცდით. ამ მდგომარეობის გამოსწორება შეუძლებელია მარტო ფინანსიური და პოლიტიკური ღონისძიებებით, ამისთვის აუცილებელია რუსეთის სახელმწიფოებრივი მეურნეობის საერთო გაუმჯობესება იმ ფაქტორების შექმნით, რაც აკლია შემდგომი განვითარებისათვის, როგორც ჩვენს სოფლის მეურნეობას, ასევე საფაბრიკო მრეწველობასა და ვაჭრობას. მაგრამ ზღვაოსნობის შექმნა ერთ-ერთი ყველაზე ძნელი ამოცანაა მთავრობისათვის, რადგან მისი უშუალოდ განხორციელება შეუძლებელია და ითხოვს ხანგრძლივსა და მრავალფეროვან ღონისძიებებს, ზღვისპირა მოსახლეობის, კაბოტაჟისა და თევზჭერის შექმნის საქმეში, რის შედეგადაც შესაძლებელი ხდება შორეულ ქვეყნებში ცურვა, რაც, შესაბამისი განვითარების შემთხვევაში, მარტო გადასწყვეტს რუსეთის სახელმწიფო მეურნეობის და ფინანსიური მდგომარეობის რთულ ამოცანას.

სავაჭრო ფლოტის შექმნის ამოცანის სიძნელე, სირთულე და სხვადასხვა ღონისძიებების განხორციელება, ისეთი მრავალგვარი ელემენტების შესაბამისად, რომელთაგანაც შესდგება სავაჭრო ზღვაოსნობა, მიგვიითთებს სისტემის აუცილებლობაზე, ე. ი. მოქმედების ერთი საერთო აზრის, ერთი საერთო გეგმის აუცილებლობაზე. მხოლოდ ასეთ საერთო გეგმას შეუძლია ნაყოფიერი გა-

ხადოს სახელმწიფოსა და კერძო პირთა ცალკეული მეცადინეობა სახელმწიფო მეურნეობის ასეთ ფართო დარგში. ეს მით უფრო აუცილებელია, რომ რუსეთს ბევრი ზღვა აკრავს. და რადგან თითოეული მათგანი ქვეყნის სხვადასხვა კუთხეში მდებარეობს, თავის გეოგრაფიული მდებარეობით, ბუნებრივი სიმდიდრითა და ეთნოგრაფიული პირობებით მათ არ შეუძლიათ რუსეთის ეკონომიური ცხოვრების განვითარების საერთო მწყობრში თანაბარი მნიშვნელობა ქონდეთ და, ამიტომ, არ შეიძლება მათ მიმართ თანაბარი, ერთნაირი ღონისძიებების განხორციელება.

ყველა ზღვას შორის, რომლებიც ევროპული რუსეთის საზღვრებს აკრავს, პეტრე I-ის დროიდან, საერთაშორისო ვაჭრობის თვალსაზრისით, ყველაზე მნიშვნელოვანი ბალტიის ზღვა იყო. ამავე ზღვაზეა თავმოყრილი რუსეთის უმთავრესი სამხედრო-საზღვაო ძალებიც. მაგრამ კლიმატური პირობების გამო პეტერბურგამდე ტურვა წელიწადში 6—7 თვით წყდება. გარდა ამისა, ამ ზღვიდან გასასვლელი არასოდეს არ იქნება ჩვენს ხელში. ირგვლივ მდებარე სახელმწიფოებმა ჩვენ მთელი საუკუნით გაგვასწორეს ზღვაოსნობისა და საზღვაო ძალების განვითარებით, ამიტომ ბალტიის ზღვაზე ჩვენს სამხედრო-საზღვაო ფლოტს თავდაცვითი მნიშვნელობა უნდა ჰქონდეს, ხოლო საერთაშორისო ვაჭრობას პასიური ხასიათი, ე. ი. მთლიანად დამოკიდებული უნდა იყოს ლონდონზე. ამსტერდამზე, ჰამბურგზე და ა. შ., რადგან ჩვენმა საქონელმა უნდა გაიაროს კოლონიური საქონლით ვაჭრობის მთავარი დეპოები, სანკტ-პეტერბურგამდე რომ მოაღწიოს. ამ. ასე ვთქვათ, ფიზიკური მიზეზების აღმოფხვრა, რაც ხელს უშლის ჩვენი ზღვაოსნობის განვითარებას, მთავრობის არავითარ ღონისძიებებს არ შეუძლია. ერთადერთი გზა, რომლისკენაც რუსეთი ვაჭრობის საერთაშორისო ინტერესებისათვის უნდა ისწრაფოდეს, ისაა, რომ ბალტიის ზღვაზე საქონლის გადაზიდვის პერიოდულად შეწყვეტა აღმოფხვრას რკინიგზის ქსელის მეშვეობით, რომელიც უშუალოდ იქნება დაკავშირებული ევროპის რკინიგზასთან. მაგრამ, როგორც გამოცდილებამ დაგვანახა. ასეთი ქსელი, ამცირებს რა პეტერბურგის როგორც მთავარი გამშვები პუნქტის მნიშვნელობას, ვერ ათავისუფლებს ჩვენს ვაჭრობას უცხოეთზე დამოკიდებულებისაგან. რომელიც წარმოებს კენიგსბერგში, დანციგში და სხვ. იმავე პასიურ საფუძველზე, როგორც ეს პეტერბურგში ხდებოდა.

თეთრი ზღვა, მის გვერდით მდებარე ყინულოვან ოკეანესთან ერთად, ამ უკანასკნელ დროს ნორვეგიის საზღვრებთან აღმოჩენილი გაუყინავი ნავსადგურების წყალობით, საშუალებას გვაძლევს ჩამო-

ვაყალიბოთ საზღვაო ძალები, რომელიც ყოველთვის, ყოველგვარი შემთხვევითობის დროს, მზად იქნება გავიდეს ყველა ოკეანეში. ამას წინათ აღმოჩენილი საზღვაო გზები ენისეის შესართავიდან კარის ზღვისა და ციმბირის მდინარეების გავლით რომ მიედინებოდა, შესაძლებლობას გვაძლევდა — ამ მხარეში განვითარდეს საზღვაო ვაჭრობა. მაგრამ თეთრი ზღვისა და ყინულოვანი ოკეანის სანაპიროების უკიდურესად მეჩხერი დასახლება და მკაცრი ჰავა, იმდენად აბრკოლებს ამ მხარის პოლიტიკურ-ეკონომიურ განვითარებას, რომ საფიქრებელია — ახლო მომავალში ამ ორ ზღვას რუსეთისათვის დიდი მნიშვნელობა არ ექნება.

კასპიის ზღვას თავისი გეოგრაფიული მდებარეობის გამო არ გააჩნია დიდი პოლიტიკური მნიშვნელობა და მხოლოდ ლოკალური მნიშვნელობა აქვს საერთაშორისო ვაჭრობისათვის, მაგრამ ხივის დაკავების შემდეგ იგი დიდ მნიშვნელობას იძენს რუსეთის ვაჭრობისათვის შუა აზიასთან და სპარსეთთან, ცხადია, იმ შემთხვევაში, თუ გაიყვანენ მოხერხებულ გზას ამუ-დარიის ძველ კალაპოტში და აღმოფხვრიან მდ. ვოლგის შესართავთან არსებულ ბუნებრივ დაბრკოლებებს, რაც ნაოსნობას აფერხებს. ორივე ეს ღონისძიება მთავრობის განსაკუთრებულ ყურადღებას იმსახურებს, მაგრამ ამ ქვეყნის ნაკლებად შესწავლისა, ზუსტი ტექნიკური მონაცემების ნაკლებობისა და თვით საწარმოოს კოლოსალურობის გამო საფიქრებელია, რომ მათი განხორციელება ახლო მომავალში სათუთა.

შავმა ზღვამ კი, თავის ყურესთან — აზოვის ზღვასთან ერთად, რომელიც სამხრეთით რუსეთის ყველაზე ნაყოფიერ ოლქებს ეკვრის, ხოლო აღმოსავლეთით — კავკასიას, რომელიც კიდევ უფრო შესანიშნავია თავის ჰავითა და ბუნებრივი ნაწარმის სიმდიდრით, სუეცის არხის გათხრის შემდეგ, რუსეთისათვის განსაკუთრებული სახელმწიფოებრივი მნიშვნელობა მოიპოვა. ცნობილია, რომ სუეცის არხის გათხრის შემდეგ საზღვაო გზის სიგრძე ინდოეთიდან ევროპამდე ციფრებში ასე გამოიხატება:

კუნძულ ცეილონიდან	
სევასტოპოლამდე	5,020 მილი
ოდესამდე	5,080
მარსელამდე	5,490
ჰავრამდე	7,090
ლონდონამდე	7,300
ჰამბურგამდე	7,610
პეტერბურგამდე	8,630

ამგვარად, შორეული აღმოსავლეთის კოლონიური საქონლის მისაღებად უახლოესი ნავსადგურები სევასტოპოლი და ოდესაა. ამიტომ საქონლის ამ ნავსადგურში გადმოზიდვა უფრო იაფი დაჯდება, ვიდრე იმ ნავსადგურებში, სადაც ახლა ეს საქონელი ჩააქვთ — რუსეთში გადმოსაგზავნად. და რადგან ეს საქონელი, გარდა უშუალო მოხმარების საგნებისა (როგორცაა ჩაი, ყავა, შაქარი. სანელებლები), ჩვენი ფაბრიკებისათვის საჭირო ნედლეულსაც შეიცავს (როგორცაა საღებავები, ბამბა, აბრეშუმი და სხვა) და ამიტომ ამ საქონლის გაიაფება მოსახლეობის აუცილებელ მოთხოვნა-ლებებსაც დააკმაყოფილებს უფრო ხელმისაწვდომ ფასებში, ხელს შეუწყობს მისი კეთილდღეობის ზრდას და, ამავე დროს, შესაძლებლობას მისცემს ჩვენს მწარმოებლებს — მეტი კონკურენცია გაუწიონ უცხოურ ფაბრიკებს, რაც ახლა ჩვენთვის შეუძლებელია იმის გამო, რომ ნედლეულს ძვირად ვყიდულობთ უცხოელებისაგან. აქედან კი ის დასკვნა გამოზღინარეობს, რომ აღმოსავლეთიდან პირდაპირი კავშირის დამყარება, ე. ი. შავ ზღვაზე შორეულ ზღვასთან განვითარება, რუსეთს მოუპოვებს იმ დამოუკიდებლობას. რის უფლებაც მას აქვს თავისი სიძლიერისა და პოლიტიკური მნიშვნელობის გამო.

გარდა ამისა, ინდოეთისაკენ კონტინენტალური რკინიგზის გაყვანით დაინტერესებულია მთელი ევროპა, რადგან ამ ღონისძიების განხორციელება ხელსაყრელი და აუცილებელია მსოფლიოს საერთაშორისო ვაჭრობის განვითარებისათვის. ამიტომ ამ გეგმის განხორციელებაში ექვი არ უნდა შეგვეპაროს. ხელსაყრელი გეოგრაფიული პირობები გვიკარნახებს, რომ კონტინენტალური რკინიგზის გაყვანა აჯობებს კონსტანტინოპოლზე, სკუთაირზე, თავრიზზე, ერზრუმზე, კანდაგარზე და სხვა ქალაქებზე გავლით, სადაც იგი შეუერთდება ინდოეთის რკინიგზის ქსელს. ცხადია, ამ გზის გაყვანის შემდეგაც, საქონლის დიდ ნაწილს ჩრდილოეთ ევროპიდან, ინგლისიდან და საფრანგეთიდან კონტინენტალური რკინიგზით მაინც არ გადაზიდავენ, რადგან ძვირი დაჯდება. ამიტომ ტვირთს უფრო იაფი ორთქლის გემებით და უფრო მოკლე გზით ჭერ სკუთაირამდე ან ფოთამდე მიიტანენ და შემდეგ კი აღმოსავლეთისაკენ გაგზავნიან, რაც უფრო შეამცირებს ტვირთის რკინიგზით გადაზიდვას მთელს მთაგორიან მცირე აზიაში. ამიტომ, ინდოეთის რკინიგზის მოსალოდნელ გაყვანასთან დაკავშირებით, ჩვენი გზები. კავკასიის ყულზე რომ მიედინებიან, დიდ მნიშვნელობას მოიპოვებენ საერთაშორისო ვაჭრობაში. ამიტომ შავი ზღვა. რომელიც დევს ორი დიდი გზის ჭვარდიანზე, ერთი მხრივ, საზღვაო გზისა — სუე-

ცის არხის გავლით და მეორე მხრივ — სახმელეთო გზისა—კავკასიის უელის გავლით, მოიპოვებს უდიდეს საერთაშორისო მნიშვნელობას, რომლის მთელი სარგებლიანობა შეიძლება გამოყენებულ იქნეს რუსეთისათვის, ცხადია, იმ შემთხვევაში, თუ იგი დროზე მოემზადება ისეთი დიდი მომავლისათვის, როგორც მას ელის.

ამგვარად, რუსეთის თანამედროვე შინაგანი სახელმწიფოებრივი მოთხოვნილება, ე. ი. შავი ზღვის ნაპირა ჩვენი ოლქების კეთილდღეობა, ისევე როგორც მსოფლიოს საერთაშორისო ვაჭრობის აუცილებელი შემდგომი მოთხოვნილება, შავი ზღვის მნიშვნელობას ყველა იმ ზღვის მნიშვნელობაზე მაღლა აყენებს, რომლებიც რუსეთის სამფლობელოებს ეკვრიან, ხოლო შავი ზღვის აუზის კეთილმოწყობა, სახელმწიფოს თანამედროვე აუცილებელი საჭიროებებისა და ამ საერთაშორისო გზის მომავალი მნიშვნელობის გათვალისწინებით, რუსეთის უპირველეს და გადაუდებელ სახელმწიფოებრივ ამოცანას წარმოადგენს.

2

თბილისი, 4 ივლისი

წინა სტატიაში ჩვენ იმ დასკვნამდე მივედით, რომ შავი ზღვის ირგვლივ მდებარე ოლქების განვითარება და მსოფლიო ვაჭრობის მოთხოვნილება, თუ კი რუსეთს სურს მონაწილეობა მიიღოს ამგვარ ვაჭრობაში, შავ ზღვას ყველა იმ ზღვებზე მაღლა აყენებს, რომლებიც რუსეთის სამფლობელოებს აკრავს. ხოლო შავი ზღვის აუზის კეთილმოწყობა, თანამედროვე მეცნიერებისა და მომავალი საერთაშორისო ვაჭრობის მოთხოვნილებათა შესაბამისად, ჩვენი დროის ერთერთი გადაუდებელი სახელმწიფო მნიშვნელობის ამოცანაა.

მაგრამ რა გვაქვს ახლა ჩვენ შავ ზღვაზე?

სამწუხაროდ, ჩვენ მხოლოდ იმის ჩამოთვლა შეგვიძლია, თუ რა გვექონდა აქ და როგორ არ გამოვიდა ამ ამბიდან არაფერი.

ყირიმის ომის დაწყებამდე, დუნაის შესართავთან ჩვენ გვექონდა სიმაგრეები: იზმაილი, კილია და სხვა. გვექონდა აგრეთვე პოტიომკინის მიერ შერჩეული, ძლიერი სამხედრო ნავსადგური — სევასტოპოლი. გვექონდა ბრწყინვალე საბრძოლო ფლოტი, გვექონდა რამდენიმე სიმაგრე აღმოსავლეთ კავკასიის სანაპიროზე, რასაც შავი ზღვის სანაპირო ხაზი ეწოდებოდა, მაგრამ ყველაფერი ეს ყირიმის ომის დროს განადგურდა. მართალია, სევასტოპოლის კედლებთან

ინგლისმა დაჰკარგა ველინგტონის გამარჯვებებით მოპოვებული სამხედრო პრესტიჟი, მაგრამ ამგვარი მორალური მარცხი ვერ შეედრება იმ მორალურ და მატერიალურ ზარალს, რაც რუსეთმა მიიღო ყველაფერი, რაც შექმნა პეტრე I-ის, ეკატერინე II-ის, დიდი სუვოროვის, სახელგანთქმული პოტიომკინის, გრეიგის, ლაზარევის და სხვათა გენიამ, ამ გენიალური რუსი პატრიოტების ყველა დიდი პროექტი, რომელთა განხორციელებასაც, აზოვის ლაშქრობიდან ყირიმის ომის გამოცხადებამდე, ე. ი. 130 წლის მანძილზე, ხალხის ძალებისა და სახსრების კოლოსალური მსხვერპლი დასჭირდა, უკვალოდ გაქრა, ე. ი. შეეწირა რუსეთის უნაყოფო გადატაკებას...

ყირიმის ომის შემდეგ, მეტად არახელსაყრელ პირობებში, დავიწყეთ შავ ზღვაზე ყველაფრის თავიდან შექმნა. პარიზის ტრაქტატი ჩვენ უმთავრესი სახელმწიფო მოთხოვნებიდან აშკარად დაკმაყოფილების უფლებასაც კი არ გვაძლევდა. არ შეგვეძლო ისე უზრუნველგვეყო შავი ზღვის სანაპირო, როგორც საჭიროება მოითხოვდა, არ გვექონდა უფლება აღგვედგინა სამხედრო ფლოტი. დანაშაულად ეთვლებოდა რუსეთს სანაოსნო და სავაჭრო საზოგადოების შექმნა, როგორც ფარული სურვილი სამხედრო ფლოტის ყოლისა მომავალში. მიუხედავად ამისა, ცხოვრება ბუნებრივ წინსვლას თხოულობდა; ჩვენ ნელ-ნელა აღვადგინეთ განადგურებული სანაპირო ქალაქები. ქერჩი სიმაგრედ იქცა, ხოლო სევასტოპოლი — რუსეთის გემების მფლობელთა საზოგადოების გემთსაამშენებლო საქმიანობის ცენტრად. კავკასიის სანაპირო ხელახლად და საბოლოოდ იქნა დაპყრობილი. ნოვოროსიისკმა, ანაპამ, სოხუმმა და ფოთმა განვითარება იწყეს და პატარა ქალაქებს დაემსგავსნენ. მაგრამ ისევ დაიწყოთურქეთთან ომი და ყველაფერი, რაც კავკასიის სანაპიროზე გაკეთდა, კვლავ განადგურდა და უკვალოდ გაქრა...

ახლა კი, მთავრობის 150 წლის მეცადინეობისა და ხალხის მიერ ათასგვარი მატერიალური მსხვერპლის გაღების შემდეგ, ჩვენ თავიდან უნდა შევეუდგეთ შავი ზღვის სანაპიროს მოწყობას. რასაკვირველია, ამის თქმა სამწუხაროა, მაგრამ ცოდვა იქნება იმის დამალვაც, რომ რუსეთის ყოველი მეცადინეობა დამის მიერ გაღებული მსხვერპლი შეიძლება გარკვეული წლების შემდეგ ისევ განადგურდეს. არ დატოვოს კვლავ არავითარი კვალი გარდა მოგონებებისა და აუნაზღაურებლად დაკარგული მილიარდებისა, ათი ათასობით გადატაკებული ოჯახისა და ათასობით დაღუპული ადამიანისა.

ჩვენ არ ვდაობთ, რომ ინგლისი დაინტერესებულია თავს მოგვახვიოს სიზიფოსის შრომა, რომელიც პერიოდულად ანადგურებს სახალხო ძალებსა და სახსრებს. გარდა ამისა, ლორდ ბი-

კონსტილდს კარგად ესმის, რომ რუსეთის განვითარების შესაჩერებლად ყველაზე უკეთესი გზა ისაა, რომ გამოიწვიოს რუსეთი, რათა მან გაიღოს განსაკუთრებით დიდი მსხვერპლი საზღვაო ძალების შესაქმნელად, ამავე დროს, შექმნას ისეთი პოლიტიკური ვითარება, რომლის დროსაც, რაც უფრო მეტ ძალღონეს დახარჯავს საკუთარი განვითარებისათვის, მით უფრო მეტად განადგურდება მისი სახალხო ძალები და სახსრები. განა მოიძებნება ისეთი უბრალო, საღად მოაზროვნე ადამიანი, არაფერს ვამბობ სახელმწიფო მოღვაწეებზე, რომელიც ხალხის ცხოვრების შემდგომი განვითარებისათვის ასეთ ხელოვნურ მდგომარეობას ნორმალურად ჩათვლის? რატომ თვლიან ბერლინელი დიპლომატები ასეთ არასასიხარულო მოვლენას ევროპის ინტერესების სამართლიან დაკმაყოფილებად და რუსეთის მშვიდად არსებობის აუცილებელ პირობად? ეს ისეთი აღმაშფოთებელი უაზრობაა, რომ გონებას არ შეუძლია მისი განსჯა. გაუგებარია, რატომაა აუცილებელი, რომ როგორც მშვიდობიანობის, ასევე ომის დროს სისტემატურად ნადგურდებოდეს ერთ-ერთი ევროპული სახელმწიფო? ხოლო თუ რუსეთს წილად ხვდა დაბალი დობის როლი, მაშინ სრულიად ბუნებრივი იქნება მისი მხრიდან უარი თქვას ევროპის საერთო ინტერესებზე და პირველ პლანზე დააყენოს საკუთარი ინტერესები, ინტერესები 80 მილიონიანი ხალხისა, რომელიც მხოლოდ ახლა იწყებს ცხოვრებას და უფლება აქვს მოითხოვოს ერთგვარი პატივისცემა საკუთარი არსებობისა და მშვიდობიანად განვითარების უფლებების დაცვისადმი.

აი, ჩვენის ღრმა რწმენით, ერთ-ერთი თვალსაზრისი, რომლითაც ყოველი საღად მოაზროვნე ადამიანი უნდა მიუდგეს რუსეთის ინტერესების სასარგებლოდ შავი ზღვის საკითხის თანამედროვე გადაწყვეტას. ვხელმძღვანელობთ რა ამ რწმენით, ახლა განვიხილოთ შავი ზღვის სანაპიროს პოლიტიკური, გეოგრაფიული და ეკონომიური მდგომარეობა.

არაფერს ვიტყვით იმაზე, რომ საჭირო იყო კონსტანტინოპოლის დაკავება. იგი ჩვენთვის არც ისე აუცილებელია, როგორც ამას ბევრი ფიქრობს. ჩვენთვის აუცილებელია გადავჭრათ სრუტეების საკითხი იმდაგვარად, რომ ჩვენი შავი ზღვის სანაპიროები პერიოდულად არ ნადგურდებოდეს. დაე, სრუტეები დარჩეს ისევ თურქეთს. მაგრამ რუსეთი გარანტირებული უნდა იყოს იმისაგან, რომ შავ ზღვაში არ შემოვა და კონსტანტინოპოლის კედლებს არ გამოსცდება ინგლისის ან სხვა სახელმწიფოს სამხედრო ფლოტი. ასეთი გარანტიის გარეშე არც ერთი კერძო პირი არ ისურვებს

კვლევ დასახლდეს გაპარტახებულ სანაპირო ქალაქებში, ხოლო ხელისუფლება, რომელიც დიდ თანხას ხარჯავს ამ დანგრეული ქალაქების აღდგენისათვის, სულ იმის შიშში იქნება, რომ მესამედაც განმეორდება ის, რაც უკვე ორჯერ მოხდა. მიუხედავად იმისა, რომ სრუტეები თურქეთის ხელში რჩება, სამხედრო ფლოტის სათანადო მასშტაბით განვითარება რუსეთს მისცემს იმის საშუალებას, რომ არ ეშინოდეს ამ სახელმწიფოთა მხრიდან შავი ზღვის სანაპიროების გაჩანაგების.

თუ სევასტოპოლს და ოჩაკოვოს სათანადოდ გავამაგრებთ, შავი ზღვის ახლანდელი საზღვარი, დაწყებული დუნაის შესართავთან აგებული სიმაგრეებიდან, ქერჩის სიმაგრემდე, შეგვიძლია სავსებით დაცულ საზღვრად ჩავთვალოთ. სამაგიეროდ შავი ზღვის აღმოსავლეთი სანაპირო ჰაერში ჰკიდია. ეს საზღვარი კაობიანია და თავდება იქ, სადაც მდინარეები — ნატანები და კოლოკი მიედინებიან. იგი გეოგრაფიული ერთეულია, მაგრამ ვერ აკმაყოფილებს ვერც-ერთ იმ პირობას, რომელსაც სახელმწიფო საზღვარს უყენებენ. ეს გამომეღავენდა ყირიმის ომის დროს, რომელიც იმით დაიწყო, რომ თურქებმა გადმოლახეს ნატანები და ამოწყვიტეს ნიკოლაევსკის პოსტის გარნიზონი. იგივე განმეორდა ახლანდელ ომშიც. რიონის რაზმს არც კი უფიქრია საზღვარზე გაჩერება. იგი წინ, ნიკოლაევსკის პოსტისაკენ კი არ დაიძრა, არამედ საფლანგო პოზიცია დაიკავა, რათა ხელი შეეშალა თურქებისათვის ზღვის სანაპიროდან გურიაში შეჭრილიყვნენ. აქაური ადგილები იმდენად მოუხერხებელია, ხოლო ჰავა იმდენად მავნებელი, რომ ყირიმის ომის შემდეგ ნიკოლაევსკის პოსტზე ჯარის ნაწილი არ დაუყენებიათ. საზღვრის ამ მდგომარეობაში დატოვება არ შეიძლება. ამიტომ იგი რომ მართლა საზღვარი იყოს და არა ფიქცია, ჩვენ მას მტკიცე სტრატეგიული სახე უნდა მივცეთ. ასეთი საზღვარი გაყვანილია და ჩვენ იგი დავვითმო თურქეთმა, ს.-სტეფანოს ხელშეკრულებით. როგორც ცნობილია, ეს საზღვარი მიჰყვება ბათუმის წინ აღმართულ მთაგორიან ქედს, რაც საზღვრისათვის საიმედოდ დასაყრდენი პუნქტია და მოხერხებულია როგორც დასაკავებლად, ასევე გასამაგრებლად. ასეთი საზღვრის გარეშე არა მარტო ჩვენი სამხედრო მდგომარეობა იქნება არაბუნებრივი, არამედ ეკონომიურ პირობებსაც სრულიად არანორმალური ხასიათი ექნება. მაგალითად, ისეთი საზღვრის არსებობის დროს, როგორიც ადრიანოპოლის ტრაქტატის მიხედვით გაიყვანეს, საბაჟო ზედამხედველობის არსებობა შეუძლებელია. თუ ბათუმი ჩვენს მფლობელობაში არ იქნება, ამ ღია სანაპიროზე კაბოტაჟის განვითარება შეუძლებელია.

ამიტომ ბათუმი არც თურქეთს უნდა ეკუთვნოდეს, არც თავისუფალი ქალაქი უნდა იყოს და არც პორტო-ფრანკო. იგი უნდა წარმოადგენდეს ისეთსავე ბოლო პუნქტს შავი ზღვის აღმოსავლეთ სანაპიროზე სამხრეთით, როგორც ქერჩია მის ჩრდილოეთ კიდეზე. ბათუმის გარეშე აღმოსავლეთ სანაპირო სრულყოფილი ვერ იქნება: იგი ვერ მოემსახურება მდიდარი სანაპიროს ზღვაოსნობის, ვაჭრობისა და კულტურის განვითარების ერთ საერთო იდეას. აღმოსავლეთი სანაპირო ყოვლად უსაფუძვლოდ და არაბუნებრივად წყდება არა კოროხთან, არამედ კოლოკთან, რაც მზაკვრული მოსყიდვის ბრალია; იგი ჰაერშია ჩამოკიდებული და მოითხოვს ხელოვნურ საყრდენს, რომელიც ვერც ვერსად შეიქმნება და არც საჭიროა, რადგან აქ ცხოვრება შეუძლებელია.

ვთქვათ, ჩვენი მოსაზრებები სანაპირო საზღვრების შესახებ სწორია, მაშინ რა უნდა ვაკეთოთ ჩვენ ამ საზღვრებზე და ამ საზღვრებში?

ვფიქრობთ, არ შეეცდებით თუ გამოვთქვამთ აზრს, რომ რუსეთმა აქ ინტენსიურად უნდა დაიწყოს ზღვაოსნობის განვითარება. სწორედ ეს იყო პეტრე პირველის, ეკატერინე მეორის, პოტიომკინის, სუვოროვის, ციციანოვის, ერმოლოვის, რაევსკის, ველიამინოვის და სხვათა აზრი. ესაა გარდაუვალი ეკონომიური მოთხოვნილება, რომელიც საჭიროა თვით სანაპიროსა და მისი მოსაზღვრე რუსეთის ოლქების აყვავებისათვის, იმ სახელმწიფო ამოცანისათვის, რომლის მიზანსაც წარმოადგენს დამოუკიდებლობა მიანიჭოს მანუფაქტურულ მრეწველობას და განავითაროს საგარეო ვაჭრობა. შესაძლოა ამ აზრს არ დაეთანხმოს მხოლოდ ბატ. პოლემიკა, რომელიც მზადაა დათმოს ბათუმიც, დუნაიც და ყველაფერი. რაც გნებავთ, ოღონდ ხელი მოაწერონ სამშვიდობო შეთანხმებას და აღარ დასჭირდეს ზრუნვა რუსეთის უიმედო ფინანსიური მდგომარეობის გამო. გარდა ბატ. პოლემიკასი, შეიძლება არ დაგვეთანხმოს კიდევ ბატ. ვოლდემარი, რომელმაც ვერავითარი ღირსებები ვერ აღმოაჩინა შავი ზღვის მეზღვაურებში, ზურგი შეაქცია მათ და რუსეთის საზღვაო ძლიერების მთელი მომავალი დაუკავშირა გაინაჟსკის საზღვაო სკოლას, რომელიც შეიქმნა მისი პატრიოტული მეცადინეობის შედეგად, ბატ. დალის დახმარებით. მაგრამ ეს ორი ადამიანი ვერ დაგვაფიწყებს იმ დიდი ადამიანების პლეადას, რომელთაც შეიგნეს რუსეთის საზღვაო ძლიერების მნიშვნელობა და ჩვენ უსიტყვოდ ვიზიარებთ მათ თვალსაზრისს. რადაც არ უნდა დაგვიჯდეს, ჩვენთვის აუცილებელია ახლავე შევქმნათ ნაოსნობა შავ ზღვაზე.

წინა სტატიაში ჩვენ იმ დასკვნამდე მივედით, რომ აუცილებელია ახლავე შევექმნათ ნაოსნობა შავ ზღვაზე...

შევექმნათ ნაოსნობა! ეს ამოცანა ზოგს ადვილი ჰგონია, ზოგს განუხორციელებელი, ზოგს კი ამაზე ზრუნვა ზედმეტად მიაჩნია, რადგან დროთა განმავლობაში, მოსახლეობისა და ვაჭრობის მოთხოვნილებების ზრდასთან ერთად, ნაოსნობა თავისთავად შეიქმნება ბუნებრივი გზითო. ჩვენ ცალ-ცალკე არც განვიხილავთ და არც უარვყოფთ ყველა ამ თვალსაზრისს, შევეცდებით სამი თვალსაზრისი გავაერთიანოთ და ერთი საბოლოო დასკვნა გამოვიტანოთ.

ეჭვი არაა, რომ რუსეთი ისევე, როგორც ყველა სხვა ქვეყანა, რომელიც ზღვის სანაპიროებს ფლობს, რა დაბრკოლებაც არ უნდა შეხვდეს ბუნების, პოლიტიკური და ეკონომიური პირობების გამო, დროთა განმავლობაში აუცილებლად გამოიყენებს ზღვებს და საზღვაო გზებს. მაგრამ როცა ასეთი შედეგების მიღებას უამთა სვლას ვუთმობთ, ჩვენ უარს ვამბობთ ყოველი ცალკეული პირის, ყოველი საზოგადოების, ყოველი სახელმწიფოს ძირითად მოვალეობაზე, — აღმოფხვრას საკუთარი კეთილდღეობისათვის ხელშემშლელი პირობები და მათ მაგივრად შექმნას ძლიერებისა და სიმდიდრის ახალი წყაროები გონების, მეცნიერების, ენერჯის და სხვა მსგავსი ღონისძიებების საშუალებით. დავაკისროთ ყველაფერი მომავალ თაობას — ეს იმას ნიშნავს. რომ ჩვენს თაობას და მის წარმომადგენლებს მიეცეთ აპატიის ატესტატი, ეცნოთ მათი გონებრივი და ზნეობრივი უძლურება. მაგრამ როცა ლაპარაკია მთელ სახელმწიფოზე და ხალხზე, ამის გაკეთების უფლება არავის არა აქვს. ამიტომ, დაე დრო თავისი გზით მიედინებოდეს, ემსახურებოდეს მთელი კაცობრიობის პროგრესულ განვითარებას, მაგრამ ეს ჩვენ არ გვანთავისუფლებს აუცილებელი შრომისა და იმ საქმისაგან, რომ შესაძლებლობის ფარგლებში ყველაფერი გავაკეთოთ ახლავე, რათა უკეთესი მომავალი გვექონდეს. და თუ ჩვენ ცხადად გვაქვს შეგნებული შავ ზღვაზე ნაოსნობის განვითარების აუცილებლობა, ამ ამოცანის გადაჭრის სიძნელე და სიადვილე დამოკიდებულია იმაზე, თუ როგორ ცოდნას, ენერჯიას და გონიერებას გამოვიჩენთ.

შავ ზღვაზე მომავალი ნაოსნობის შექმნისას რომ გონიერულად ვიმოქმედოთ, ჩვენ ცხადად უნდა შევიგნოთ თუ რა არის ნაოსნობა, როგორი ნაოსნობა გვჭირდება და რას უნდა ველოდოთ ნაოსნობისაგან. ყველამ, ვისთვისაც სიტყვა „ნაოსნობა“ გარკვეული რა-

ოღენობის ასოთაგან შემდგარი უბრალო სიტყვა კი არაა, არამედ გემების ფაქტიური არსებობა და ცურვა, კარგად იცის რამდენი სხვადასხვაგვარი მოთხოვნილებების, რამდენი ეკონომიური, სავაჭრო, ეთნოგრაფიული, ტოპოგრაფიული და ტექნიკური ამოცანების და პირობების დაკმაყოფილებაა საჭირო იმისათვის, რომ შესაძლებელი გახდეს შავ ზღვაზე ნაოსნობის განვითარება. ნაოსნობის მთელი მნიშვნელობა არსებითად იმაში მდგომარეობს, რომ იგი ტვირთის გადაზიდვის ყველაზე იაფი საშუალებაა. მაშასადამე, ნაოსნობის განვითარებისათვის საკმარისი არაა გემების აგება, მათი ცურვისათვის ხელსაყრელი პირობების შექმნა და სანაპიროს მოწყობა. ამისათვის აუცილებელია ქვეყნის შიდა რაიონებიდან გამოიტანონ საკმაო რაოდენობის საქონელი. სხვა სიტყვებით რომ ვთქვათ, აუცილებელია ზღვის სანაპიროს ირგვლივ მდებარე ქვეყნების ეკონომიური განვითარება და მათი მრეწველობისა და ვაჭრობის გაძლიერება. ამგვარად, ნაოსნობა განვითარდება არა თავისთავად, არამედ სახელმწიფოს შიდა რაიონების ეკონომიურ განვითარებასთან ერთად. ეს გარემოება, რა თქმა უნდა, კიდევ უფრო ართულებს ნაოსნობის შექმნის ამოცანას და ამიტომ გასაგებია, — გზა რომ არ აგვენეს სხვადასხვაგვარ და ზოგჯერ ერთმანეთის საწინააღმდეგო მოთხოვნილებათა ლაბირინთში, — ნაოსნობის შექმნის დროს ყველაზე აუცილებელია მკაცრად დაცული სისტემა, ფაქტების დახვეწილი კლასიფიკაცია, ერთი საერთო, ძირითადი სახელმძღვანელო აზრის საფუძველზე.

ასეთი სახელმძღვანელო აზრის გამონახვა არც ისე ძნელია, როგორც ერთი შეხედვით ჩანს, თუმცა მის საბოლოოდ დამუშავებას, პრაქტიკულ ფორმაში ჩამოყალიბებას, ერთი ადამიანი ვერ შესძლებს. ჩვენ მხოლოდ იმ ვარაუდით გამოვთქვამთ აზრს, რომ ჩვენი ქვეყნისათვის ამ მნიშვნელოვან საკითხს უფრო კომპეტენტური პირები გამოიკვლევენ და განგვიმარტავენ.

არსებულ პოლიტიკურ ვითარებაში შავ ზღვაზე ჩვენ აუცილებლად უნდა გვყავდეს ძლიერი სამხედრო და დიდი სავაჭრო ფლოტი.

სამხედრო ფლოტის შექმნა, როგორც საზღვრების დაცვისა და სტრატეგიული მიზნების დაკმაყოფილების საშუალებისა, გაცილებით უფრო ადვილი ამოცანაა, ვიდრე სავაჭრო ფლოტის შექმნა. სამხედრო ფლოტს ჰქმნიან ყველგან და მას უშუალოდ ქმნის მთავრობა, რომლისთვისაც, მეტად თუ ნაკლებად, ცხადია სახელმწიფოს რომელიმე განაპირა კუთხის მომავალი სტრატეგიული და პოლიტიკური მიზნები. ამ ამოცანის გადაწყვეტა გაცილებით უფ-

რო იოლია იმ სახელმწიფოსათვის, რომელსაც ჰყავს ძლიერი სავაჭრო ფლოტი, აქვს მოხერხებული ნავსადგურები, კერძო ნავსაშენები, ისეთი ქარხნები და ფაბრიკები, რომლებსაც გემების ყველაფრით აღჭურვა შეუძლიათ. მაგრამ, როგორც ისტორიულმა გამოცდილებამ დაგვანახა, ასეთი ამოცანის გადაწყვეტა შეუძლია ისეთ მთავრობასაც, რომელსაც არაფერი ამის მსგავსი არ გააჩნია და იძულებულია ყველაფერი უშუალოდ სახელმწიფოს ბიუჯეტის ხარჯზე შექმნას. მაგალითად, ერთი ზამთრის მანძილზე ასე შექმნეს სამხედრო ფლოტი, რომლის მეშვეობითაც პეტრე I-მა 1696 წელს აზოვი აიღო და ეს იმ დროს, როცა რუსეთში არა თუ არავინ არ ეწეოდა ნაოსნობას, არამედ იშვიათი იყო კაცი, რომელსაც ზღვა ენახა. ასევე შეიქმნა შავი ზღვის სამხედრო ფლოტი, რომელსაც ჰქონდა სახელმწიფო — გემთსაამშენებლო დოკები. ქარხნები და მისი არსებობისათვის საჭირო ყველა დაწესებულება. ამის გამო შავი ზღვის სამხედრო ფლოტი, რომელიც იალქნიანი გემებისაგან შედგებოდა, სანიმუშო ფლოტი იყო ევროპაში. შავი ზღვის სავაჭრო ფლოტი კი ამ დროს შედგებოდა უშნო, უხეირო ნავებისაგან, რომელთაც უწიგნური შკიპერები მართავდნენ და რომელთა კომპასები ჩრდილოეთს იქ უჩვენებდნენ, სადაც მათ უნდოდათ.

ამგვარად, შავ ზღვაზე სამხედრო ფლოტის სასურველი მოცულობით ორგანიზაცია, გარდა თავისუფალი ფინანსიური რესურსების საჭიროებისა, სხვა დაბრკოლებას არ შეიძლება წააწყდეს. როგორც კი დაზუსტდება, რამდენი და რა ტიპის გემია საჭირო შავი ზღვის ესკადრისათვის, დასადგენი იქნება მხოლოდ ოდენობა იმ თანხისა, რომელიც საჭიროა მათი აგებისა და შენახვისათვის, შემდეგ კი — ამ თანხის განაწილება წლების მიხედვით, ახალი ეკიპაჟების ფორმირება და მათი მეთაურების დანიშვნა. რამდენიმე წლის შემდეგ შავი ზღვის ესკადრას ეყოლება გარკვეული რაოდენობის გემები, ყოჩაღი, კარგად გაწრთვნილი ეკიპაჟით და ექნება ისეთი ძალა, როგორსაც მთავრობა საკმარისად ჩათვლის სტრატეგიული და პოლიტიკური მიზნებისათვის.

მაგრამ ასე ადვილი არაა სავაჭრო ფლოტის შექმნა, რადგან იგი არ იქმნება უშუალოდ მთავრობის განკარგულებით. რა კოლოსალური თანხაც არ უნდა გავიღოთ სავაჭრო ფლოტის შესაქმნელად, მას მაინც ვერ შევქმნით, რადგან პრაქტიკულად შეუძლებელია განვსაზღვროთ გემების რაოდენობა და ზომა, რასაც არსებულ ისტორიულ მომენტში სახელმწიფოს სავაჭრო მიმოქცევა მოითხოვს. გარდა ამისა, შეუძლებელია ამ გემებისათვის ეკიპაჟის დაკომპლექტება, რადგან არა გვყავს ზღვას შეჩვეული და საზღვაო

სარეწაოებისათვის მომზადებული ადამიანები. სავაჭრო ფლოტის შექმნა შეიძლება მხოლოდ თანდათანობით, პირადი ინიციატივის, გემების ყოველი მეპატრონის ინტერესების შესაბამისად, ე. ი. საზღვაო სარეწაოთა სარგებლიანობის მიხედვით.

საზღვაო სარეწაო იწყება კაბოტაჟით და თევზჭერით, რაც აყალიბებს მეზღვაურებს. მრავალრიცხოვანი კაბოტაჟის გარეშე შეუძლებელია შორეული ნაოსნობის შექმნა, აქტიური ვაჭრობა და აქედან გამომდინარე საზღვაო ძლიერება. მაგრამ იმ პირობებში, როგორც ახლა შავი ზღვის სანაპიროზეა, ვერც კაბოტაჟი განვითარდება ხეირიანად და ვერც თევზჭერა.

ყოველი სარეწაო მხოლოდ მაშინაა ხელსაყრელი, როცა სწორად წარმოებს, როცა წარმოების იარაღი დაცულია შემთხვევითი განადგურებისაგან და გააჩნია კაპიტალი, რომელიც უზრუნველყოფს მწარმოებელს იმ დრომდე, სანამ იარაღის ბუნებრივად მოძველებით გამოწვეულ დანაკარგს გადაჭარბებით არ დაფარავს მისი პატრონის ჯარბი შემოსავალი. ამიტომ, როცა საზღვაო ქალაქი ზღვის ღია ნაპირზეა გაშენებული, როგორი მდიდრებიც არ უნდა იყვნენ მისი მცხოვრებლები და რა სარგებლობაც არ უნდა მოქონდეს მათთვის თევზჭერასა და კაბოტაჟს, არცერთი სოლიდური ღადმიანი არ დახარჯავს კაპიტალს გემების შესაძენად, რადგან მათი რეისები არ იქნება რეგულარული, უამინდობის დროს ვერ შესძლებენ მათ დატვირთვას და გადმოტვირთვას. ისინი არა მხოლოდ მაშინ ვერ გაჩერდებიან რეიდზე, როცა ეს საჭიროა, არამედ მთლიანად დამოკიდებულნი იქნებიან ამინდზე, რის გამოც პატრონი ვერ შეესძლებს მათ სწორად გამოყენებას, ვერ განსაზღვრავს რა ზარალსა და რა სარგებლობას მოუტანს რისკი. როცა დაწესებულების ან საწარმოს ბედი მხოლოდ შემთხვევითობაზეა დამოკიდებული, მაშინ, ბუნებრივად, მას ისეთი ადამიანები ჰკიდებენ ხელს, რომლებიც გაურბიან შრომას, რომელთაც არ გააჩნიათ ფული და ცოდნა, რის გამოც ვერ ქმნიან რაციონალურ ნაოსნობას და ხელს ვერ უწყობენ მის სწრაფ განვითარებას. ამიტომ, სრულიად ბუნებრივია, რომ უსაფრთხო პორტების მოწყობამდე, შავი ზღვის ღია სანაპიროზე შეუძლებელია შეიქმნას კაბოტაჟი და თევზჭერა.

არის კიდევ სხვა, ზემოთ მოყვანილ მიზეზებზე არანაკლებ მნიშვნელოვანი მიზეზი, რომელიც ხელს უშლის ჩვენში ნაოსნობის განვითარებას: ნაოსნობა, როგორც ზემოთ ვთქვეით, არსებითად ტვირთის გადაზიდვის ყველაზე იაფი საშუალებაა, და იქ, სადაც იგი ძვირია, ისპობა ნაოსნობის *Raison d'être*²². იმისათვის, რომ გემის დაქირავება იაფი დაჯდეს, აუცილებელია დატვირთული იყოს

ორივე გზაზე და არ უხდებოდეს ბალასტის გადაზიდვა, რის გამოც გემის დაჭირაება ორჯერ უფრო ძვირი ჯდება. მაგრამ ამისათვის საჭიროა გარკვეული პირობების შექმნა, გემმა უნდა იმოძრაოს ორ ისეთ პუნქტს შორის, რომელთაც სხვადასხვაგვარი წარმოება აქვთ, რათა მათ შორის ნაწარმის გაცვლა-გამოცვლა ხდებოდეს, რაც აპირობებს ტვირთის გადაზიდვას ორივე მიმართულებით. მაგრამ მთელ ჩვენს ჩრდილოეთ სანაპიროზე დაახლოებით თანაბარი ჰავა და ნიადაგია. ეს რაიონები ერთსადა-იმევე საქონელს აწარმოებენ და ერთნაირად გააქვთ საზღვარგარეთ უცხოეთის გემებით. ამიტომ ჩვენს გემებს, რომლებიც ჩრდილოეთის ნავსადგურებს შორის დატურავენ, ძალიან უჭირთ უკან წამოსაღები ტვირთის შოვნა და მათი ცურვაც ნაკლებ მომგებიანია. ამიტომ მთელი ჩვენი კაბოტაჟის საქმიანობა უმთავრესად იქეთკენაა მიმართული, რომ დატვირთონ უცხოეთის გემები, რომლებიც წყლის სიმცირის გამო ვერ ადგებიან ნავსადგურებს, განსაკუთრებით აზოვის ზღვაში. მაგრამ, საბუქსირო გემებისა და ორთქლის კარკაპების რიცხვის გაზრდასთან ერთად, კლებულობს მათი ეს შემოსავალიც, ხოლო სამხრეთის ეკონომიური განვითარება მათ ვერ უზრუნველყოფს ახალი გადასატანი ტვირთით. ღონბასის აუზში ჩვენ გვაქვს ქვანახშირი, მაგრამ ღონბასი სანაპიროდან 100 ვერსითაა დაშორებული და ქვანახშირის გადაზიდვა ამ მანძილზე ისეთ სიძნელებთანაა დაკავშირებული, რომ ოდესაში ჩამოტანილი ინგლისის ქვანახშირი აქამდე უწევს კონკურენციას ჩვენს ქვანახშირს, რომელსაც აზოვის ზღვის ნავსადგურებიდან ჩვენი გემებით ეზიდებიან.

შავი ზღვის აღმოსავლეთით, კავკასიის სანაპიროზე სულ სხვაგვარი ჰავა და ნიადაგია, ვიდრე ჩრდილოეთის სანაპიროზე, ამიტომ მთელი მისი მრეწველობა სულ სხვაგვარია. ის, რაც არა აქვთ ჩრდილოეთ სანაპიროზე, უხვად მოიპოვება აღმოსავლეთ სანაპიროზე და პირიქით. ჩრდილოეთ სანაპიროზე არ არის ტყე, მაგრამ ბევრია მარილი და პურის პროდუქტები. აღმოსავლეთ სანაპიროზე კი არც პური მოჰყავთ და არც მარილის მოპოვებას ეწევიან, სამაგიეროდ მოჰყავთ ძვირფასი სასოფლო-სამეურნეო პროდუქტები; აქ არსებობს ბუნებრივი პირობები ხილის, თამბაქოს, აბრეშუმის, ღვინის საწარმოებლად. ამგვარად, ეს ორი ნაპირი ერთმანეთს ავსებს და ამიტომ აუცილებელნი არიან ერთმანეთის განვითარებისა და კეთილდღეობისათვის. ასე რომ, რაკი ვფლობთ შავი ზღვის ორივე ნაპირს, კაბოტაჟის განვითარებისათვის ხელშემწყობი პირობებიც თითქოს შექმნილია, მაგრამ სინამდვილეში აღმოსავლეთ სანაპი-

რო სრულიად მიუდგომელია, განსაკუთრებით ზამთარში, როცა ზღვა ღელავს და ნაოსნობის არავითარ შესაძლებლობას არ გვაძლევს. ზამთარში ქერჩის სრუტე იყინება, იყინება აგრეთვე ანაპის გემთმისადგომიც. გარდა ამისა, ეს ნავსადგური დიდაა ჩრდილოეთის ქარებისათვის, რაც ზამთარში რეიდზე დგომის საშუალებასაც კი არ აძლევს გემებს. ნოვოროსიისკს და გელენჯიკს თავს ატყდება ქარიშხლები. ფოთის მახლობლად კი რიონმა მეჩეჩი შექმნა და ძლიერი ღელვის დროს გემების გაჩერება საშიშია. ამგვარად, დაწყებული ფეოდოსიიდან ბათუმამდე არ არის ადგილი, სადაც საკაბოტაჟო გემებს, მშვიდად შეეძლოთ დგომა, რადგან სოხუმის რეიდი ზამთრობით სახიფათოა ჩვენი პატარა და ცუდად აღჭურვილი საკაბოტაჟო გემებისათვის. აქედან შეიძლება დავასკვნათ, თუ რადიდი მნიშვნელობა აქვს ბათუმს თანამედროვე ნაოსნობის განვითარებისათვის მანამდე, სანამ არ აშენდება აღმოსავლეთ სანაპიროზე ხელოვნური ნავსადგურები.

ჩვენი იმ საკაბოტაჟო გემების არახელსაყრელ მდგომარეობას, რომლებიც აღმოსავლეთ სანაპიროს გასწვრივ ცურვას ბედავენ და რომელთაც დაღუპვის უშუალო საფრთხე ემუქრებათ, ართულებს კიდევ ის, რომ არსებულ ვითარებაში გემებისა და ტვირთის დაზღვევა შეუძლებელი ხდება, და რადგან ყოველი გემისა და საქონლის პატრონს შეუძლია დაკარგოს თავის კაპიტალი აუნაზღაურებლად, ამ მხარეში ნაოსნობა ჭირს. ასე რომ, ჩვენი შვიტარების სიმამაცე და გამოცდილება ტყუილად იკარგება, რადგან მათ არავინ ანდობს არც გემს და არც საქონელს.

ზემონათქვამიდან, ვფიქრობ, ძნელი არაა დავასკვნათ, რომ შავ ზღვაზე ნაოსნობის განვითარება უნდა დაიწყოს ჩვენი სანაპიროს, უპირატესად კავკასიის სანაპიროს კეთილმოწყობაზე ზრუნვით. ამ სანაპიროს ზამთარში ვერაფრით ვერ უდგება საკაბოტაჟო გემები. დიდი ხელოვნური ნავსადგურების შექმნა საევაჯრო მიმოქცევის გაფართოებისათვის, ამ ნავსადგურებს შორის მცირე ნავსადგურების აშენება, რომელთაც უამინდობის დროს საკაბოტაჟო და თევზსაჭერი გემები თავს შეაფარებენ, არის უმნიშვნელოვანესი და გადაუდებელი ღონისძიება კერძო კაპიტალისა და საზღვაო სარეწაოთა საქმიანობის მოსაზიდად, ე. ი. უნდა შეიქმნას კაბოტაჟი და თევზჭერა, რომლის ფართოდ გაშლის გარეშე უაზრობაა შორის ცურვა.

11. სანავსადგურო ქალაქების ეკონომიური მნიშვნელობა

თბილისი, 6 ივლისი

წინა სტატიაში ჩვენ მივეუთითეთ შავ ზღვაზე ნაოსნობის განვითარების ორ მთავარ დაბრკოლებაზე: ნავსადგურების უქონლობა და აღმოსავლეთ სანაპიროს მოუწყობლობა ხელს უშლიან საზღვაო წარმოების განვითარებას. ჩვენ შეუძლებლად მიგვაჩნია ჩამოვთვალთ ნაოსნობის განვითარების ყველა ხელშემშლელი პირობა, მაგრამ ზოგიერთს მაინც დავასახელებთ, რათა წარმოდგენა შეგვექმნას იმ ღონისძიებებზე, რომელთა განხორციელება აუცილებელია შავ ზღვაზე ნაოსნობის შესაქმნელად.

ჩვენ განვიხილეთ. თუ რა მნიშვნელობა აქვს ნავსადგურებს ნაოსნობისათვის, მაგრამ ეს მხოლოდ საქმის ერთი მხარეა. ნავსადგური არა მარტო იღებს და ტვირთავს გემებს, არამედ ნაწარმის გასაღებისა და გარკვეული რაიონის მომარაგების ცენტრიცაა. იმის გამო, რომ ჩვენში უწყურადღებობას იჩენენ ნაოსნობის საჭიროებისა და მისი მდგომარეობის შესწავლისადმი, სანავსადგურო ქალაქების მნიშვნელობაზე არასწორი წარმოდგენა აქვთ. სანავსადგურო ქალაქს ჩვენში უყურებენ. როგორც რაღაც განსაკუთრებულს, რომელსაც სხვა არაფერთან კავშირი არა აქვს, და ეს მაშინ, როცა სინამდვილეში ნავსადგურები წარმოადგენენ ბოლო სადგურებს, დიდ ვაგზლებს, სადაც მთავრდება ქვეყნის შიდა გზები და რომელთა მეშვეობითაც უნდა მოხდეს საქონლის უფრო შორს გადაზიდვა. იქ, სადაც შიდა გზები არ მთავრდება კეთილმოწყობილი ნავსადგურებით, ისინი ისევე დაუმთავრებელია, როგორც რკინიგზა, რომელიც შუა მინდორში ბარიერით მთავრდება. ამა თუ იმ ქვეყნის მთელი ტვირთი, რომელიც საგარეო ვაჭრობისათვისაა განკუთვნილი, თავს იყრის სანავსადგურო ქალაქში, საიდანაც ზღვით უნდა გაიტანონ და ამიტომ უაზრობაა ტვირთის მიზიდვა ღია ნაპირთან, სადაც გემებს გადმოტვირთვის ლოდინში არ შეუძლიათ მშვიდად დგომა და სადაც არ ხერხდება ამ ოპერაციების სწრაფად და იაფად შესრულება. ამიტომ ნავსადგურებს ისე უნდა ვუყურებდეთ, როგორც შიდა

გზების განუყრელ ნაწილს და, მაშასადამე, სანავსადგურო ქალაქების განვითარება მათი კეთილმოწყობის გზით, რითაც ისინი გემებს მოიზიდავენ. საქმის მხოლოდ ერთი მხარეა და მიზანს მანამდე ვერ მიადწევს, სანამ ნავსადგურებიდან არ გავიყვანთ მოხერხებულ გზებს ქვეყნის ეკონომიური მდგომარეობის გასაძლიერებლად, ე. ი. სანამ ნავსადგურებში არ შემოზიდავენ პროგრესულად მზარდ ტვირთს, რომელიც გაიგზავნება ზღვით საზღვარგარეთ და ზღვის ნაპირიდან ქვეყნის შიგნით. ამგვარად, ნაოსნობის განვითარება უშუალოდ და ბუნებრივად დაკავშირებული ქვეყნის მთელ ეკონომიურ განვითარებასთან და, რა თქმა უნდა, ამოა ზრუნვა ამა თუ იმ სხვა ფაქტორის შექმნაზე, როცა ისინი თვით საქმის არსის მიხედვით ურთიერთმოქმედებისთვისაა გაპირობებული. ნავსადგურის აშენება ქვეყნის შიდა ტერიტორიებთან კავშირის გაუმჯობესების გარეშე, ანდა პირიქით — გზების გაუმჯობესება ნავსადგურის მოწყობის გარეშე, თანაბრად არარაციონალურია, ნახევრად გაკეთებული საქმეა და არასოდეს არ მოგვეცემს იმ შედეგებს, რაც ჩაფიქრებული გეგმონდა.

განვიხილოთ ამ თვალსაზრისით შავი ზღვის ჩრდილოეთ და აღმოსავლეთ სანაპიროების მნიშვნელობა.

როგორც უკვე ვთქვით, რუსეთისათვის აუცილებელია უშუალო მონაწილეობა მიიღოს შორეულ აღმოსავლეთთან ვაჭრობაში, ე. ი. ეგვიპტესთან, ინდოეთთან, ჩინეთთან და მათ მახლობლად მდებარე ქვეყნებთან. მხოლოდ ამ გზით შეგვიძლია მივალწიოთ დამოუკიდებლობას ვაჭრობასა და მრეწველობაში. ამგვარი ამოცანა თხოულობს შავ ზღვაზე შორეული ნაოსნობის შექმნას, რაც კაბოტაჟის ან ადგილობრივი ნაოსნობის განვითარების შედეგად იქმნება. ეს უკანასკნელი კი ხელს შეუწყობს მეზღვაურების წარმოშობასა და ადგილობრივი გემთმშენებლობის განვითარებას, რობელიც ამ მეზღვაურებს ზღვანაოსნობის იარაღით მოამარაგებს. ნაყიდი გემებით ცურვა, რომელთაც ვერსად შეაკეთებ, ისევე მოუხერხებელი და არახელსაყრელია, როგორც უცხოელებისაგან შემდგარი ეკიპაჟის ყოლა, რომლის შევსების ან შეცვლის შესაძლებლობა ჩვენ არა გვაქვს. ამგვარად, კაბოტაჟი (თევზსაჭერი ფლოტის ჩათვლით), ადგილობრივი გემთმშენებლობა და შორეული ნაოსნობა ისე უშუალოდ და ერთმანეთზე დამოკიდებული, რომ რაიმე ზომების მიღება ერთ-ერთი ამ ფაქტორის განვითარებისათვის დანარჩენი ორი ფაქტორის განვითარების გაუთვალისწინებლად, — ეს იგივე იქნებოდა, რაც სახლს, რომელსაც ოთხი კედელი სჭირდება, ერთი კედელი აუშენო.

შვე ზღვაზე ჩვენ არც შორეული ნაოსნობა გვაქვს, არც კაბო-ტაჟი და არც გემთმშენებლობა. არის მხოლოდ „ნაოსნობისა და ვაჭრობის რუსეთის საზოგადოება“, რომელმაც უნდა დააკმაყოფილოს ყველა ზემოთ აღნიშნული ამოცანა. მაგრამ 22 წლის არსებობის მანძილზე ამ საზოგადოებამ 50 მილიონ მანეთზე მეტი შთანთქა და მხოლოდ თავის აქციონერები გაამდიდრა. ასე რომ, ჩვენ არც გვიფიქრია ნაოსნობის ზემოთ ჩამოთვლილი სამი მხარის განვითარებაზე, ამიტომ ჩვენ მოგვიწევს აწმყოსათვის გვერდის ავლა და მომავლის გეგმების შედგენა.

დავიწყეთ შორეული ნაოსნობიდან.

ეკვიპტესთან, ჩინეთთან და სხვა ქვეყნებთან ვაჭრობა ხელსაყრელი იქნება მხოლოდ შავი ზღვისა და სუეცის არხის მეშვეობით და ამიტომ ტვირთი რუსეთის ცენტრალური რაიონებიდან შავი ზღვის ჩრდილოეთ სანაპიროსაკენ უნდა გადაზიდონ; ასე რომ, საჭიროა ამ სანაპიროზე შეიჩჩეს ადგილი და აშენდეს მთავარი ნავსადგური შორეული აღმოსავლეთის ქვეყნებთან ვაჭრობისათვის. ცხადია, შერჩეულ და მოწყობილ უნდა იქნეს მთავარი ცენტრალური ნავსადგური შორეულ აღმოსავლეთთან ვაჭრობისათვის. ეს ნავსადგური უნდა იყოს მეტად დიდი და გამოსადეგი მთელი წლის განმავლობაში შორეული ნაოსნობის გემების მისაღებად და ყველაზე ახლო უნდა იყოს სამრეწველო ოლქების ცენტრიდან, — მოსკოვიდან — სუეცის არხამდე. შორეული ვაჭრობის დანაწევრება ყველა ნავსადგურისათვის არაწესაყრელი იქნება. საბითუმო ვაჭრობა თხოულობს ერთ მთავარ ბაზარს, ისეთს, როგორცაა ლონდონი, ამსტერდამი, ჰამბურგი და სხვა, სადაც განლაგებულია კეთილმოწყობილი საწყობები, აუზები და მოწყობილობები, ყოველგვარი საქონლის მისაღებად. ყველაფერი ეს კი მილიონები ჯდება. ამდენი თანხა გარკვეული დროის მანძილზე შეიძლება დაიხარჯოს მხოლოდ რომელიმე ერთ პუნქტზე, მაგრამ ყველა ნავსადგურის ასე მოწყობა ისეთ უზარუნველყოფილ და მდიდარ სახელმწიფოსაც კი არ შეუძლია, როგორც ინგლისია. რაც შეეხება რუსეთს, რომელიც ახლა იწყებს ნაოსნობის განვითარებას, ამგვარი ღონისძიების განხორციელება არ ძალუძს.

ყველა პირობას, რაც ცენტრალურ ნავსადგურს მოეთხოვება, აკმაყოფილებს სევასტოპოლი. ათეული მილიონობით მანეთი უნდა დაიხარჯოს ოდესის, ან რომელიმე სხვა პუნქტის ისე მოსაწყობად, რომ ეს ხელოვნური ნავსადგური ცოტათი მაინც გაუტოლდეს სევასტოპოლის იმ ბუნებრივ უპირატესობებს, რომელიც მას გააჩნია. სევასტოპოლი გაშენებულია ნაოსნობისათვის ერთ-

ერთ ყველაზე მოხერხებული ყურის სიღრმეში, რომელსაც აქვს მთელი რიგი ღრმა და ფართო უბეები. ეს უბეები ქმნიან ასევე მოხერხებულ ბუნებრივ აუზებს ყველაზე დიდი გემების დასადგომად. ხოლო კარგი ჰავა და ნავსადგურის ირგვლივ მდებარე ნოყიერი მიწები სევასტოპოლს ჩრდილოეთის სანაპიროს ყველა სხვა ქალაქზე მაღლა აყენებს. გარდა ამისა, სევასტოპოლი ახლოა სუეცის არხთან, ახლოა დონეცკის აუზთანაც, სადაც ქვანახშირის უმდიდრესი საბადოა. ამ სიახლოვის გამო, ქვანახშირი სევასტოპოლში უფრო იაფი იქნება, ვიდრე ოდესაში. სევასტოპოლი აგრეთვე დაკავშირებულია რკინიგზით რუსეთის ცენტრალურ ოლქებთან, მაგრამ კონცესიონერთა სტრატეგიის გამო ეს გზა ლაზოვიაისაკენ უხვევს და არა პირდაპირ პერეკოპისა, ბერისლავისა და კრემენჩუგისაკენ, რაც უნდა გამოსწორდეს უახლოეს მომავალში. მაშინ სევასტოპოლი ადვილად დაუკავშირდება ხერსონსა და ნიკოლაევს, შიდა ნავსადგურებს (სადაც საფრთხის გარეშე და დაუბრკოლებლად შეიძლება განვითარდეს გემთმშენებლობა და გემების მომარაგებისათვის საჭირო ყველა საგნის წარმოება), რაც აუცილებლად დასჭირდება სევასტოპოლს, ფართო ნაოსნობის განვითარებასთან დაკავშირებით.

ცენტრალური ნავსადგურისათვის ადგილის შერჩევა და მისი მოწყობა სრულიად არ შეეცვლის შავი ზღვის ჩრდილოეთ სანაპიროს ქალაქების დღევანდელ მნიშვნელობას. მათ არსებობას უზრუნველყოფს ადგილობრივი პირობები და ჩვენი ნაწარმის ევროპაში გატანის აუცილებლობა, ამიტომ სრულიად არ ეწინააღმდეგება ჩვენს ამოცანას — დავამყაროთ პირდაპირი კავშირი შორეულ აღმოსავლეთთან. ყოველ შემთხვევაში, ყველა ეს ქალაქი თხოულობს ისეთივე ხელოვნურ ნავსადგურებს და კეთილმოწყობას, როგორც მოითხოვა ოდესამ და არც ერთი მათგანი არ უნდა დარჩეს რკინიგზის შესაბამისი ქსელის გარეშე; ყოველ მათგანს უნდა მიეცეს შესაძლებლობა — პროგრესიულად გაზარდოს გასატანი და შემოსატანი ტვირთის ოდენობა.

შავი ზღვის აღმოსავლეთ სანაპიროს, თავისი ახლანდელი მდგომარეობის გამო, არავითარი მნიშვნელობა არა აქვს საგარეო ვაჭრობისათვის. მაგრამ ეს, რა თქმა უნდა, სრულიადაც არ ნიშნავს იმას, რომ იგი მომავალშიც ჩრდილოეთ სანაპიროს დამატება იქნება კაბოტაჟისა და თევზჭერის განვითარების საქმეში. მდიდარი პროვინციები, რომლებიც ამ სანაპიროს აკრავს, აწარმოებენ მრავალ ისეთ ნაწარმს, რომლებიც ამჟამად ევროპასთან ვაჭრობის საგნებს წარმოადგენენ. მიუხედავად არახელსაყრელი პი-

რობებისა, ამ სანაპიროს ერთადერთი და მოუწყობელი ნავსადგურია ფოთი, რომელიც ხმელეთთან რკინიგზითაა დაკავშირებული. მაინც აწარმოებს საგარეო ვაჭრობას, რამაც ასეთ ოდენობას მი-
აღწია:

	შემოზიდულია	გატანილია	წლიური ჯამი
1873	1.141.338	3.640.166	4.781.504
1874	763.304	4.636.263	5.399.567
1875	675.769	4.694.850	5.370.619
1876	1.209.733	4.557.174	5.765.907

რუსეთის საქონლის გადმოზიდვა აღმოსავლეთ სანაპიროზე ასეთ ციფრებში გამოიხატება:

შემოზიდულია	1874 წ.	1876 წ.	1876 წ.
ანაპაში	200.269	201.307	264.664
ნოვოროსიისკში	364.353	419.773	383.003
ტუაფსუში	170.972	109.866	133.267
პოსტოიანი პოსტებში	80.176	94.409	99.279
გულაუთაში	63.448	41.579	24.004
სოხუმში	459.970	524.758	608.316
ოჩამჩირეში	96.283	64.981	35.446
ფოთში	7.426.262	7.807.421	10.262.473
ნიკოლაევსკში	72.517	84.082	103.373
სულ	8.935.270	9.376.176	11.933.830

თუ ამ ციფრებს ერთმანეთს შევადარებთ, დავინახავთ, რომ უცხოეთიდან საქონლის შემოზიდვა, გატანასთან შედარებით, მაინც-
დამაინც დიდი არაა: რუსეთიდან შემოზიდვა კი ბევრად აღემატე-
ბა უცხოეთიდან შემოზიდვას და პროგრესული ზრდის შემდეგ,
1876 წ. მიაღწია მნიშვნელოვან ციფრს, თითქმის 12 მილიონ მა-
ნეთს. ამ ციფრს ჩვენი ვაჭრობისათვის უკვე აქვს ერთგვარი მნიშ-
ვნელობა, მაგრამ, მიუხედავად ამისა, აღმოსავლეთ სანაპიროს ვაჭ-
რობა ჯერ კიდევ ემბრიოლოგიურ მდგომარეობაშია. ეს ჯერ კიდევ
ვაჭრობის დასაწყისია, რომელიც წარმოებს მიუხედავად ყველა სიძ-
ნელისა, რასაც იწვევს არსებული მდგომარეობა და რაც გამოიხატება
აღმოსავლეთ სანაპიროს მოწყობილობაში. აღარაფერს ვამბობთ ყვე-
ლა ამ სიძნელის აღმოფხვრაზე, მაგრამ უმთავრესი სიძნელების აღ-
მოფხვრა, თუნდაც ერთი მოხერხებული ნავსადგურის შექმნა საზ-
ღვაო ვაჭრობისათვის, ორჯერ და სამჯერ გაზრდიდა სავაჭრო მი-
მოქცევას.

გარდა აღნიშნული სავაჭრო მნიშვნელობისა მომავალში, ინ-
დოეთისაკენ რკინიგზის გაყვანის შემთხვევაში ამიერკავკასიამ მო-
ნაწილეობა უნდა მიიღოს მსოფლიო ვაჭრობაში. ამ მონაწილეობის
მასშტაბის სავარაუდო განსაზღვრაც კი მეტისმეტად ძნელია, რად-

გან მთლიანად დამოკიდებულია იმ ღონისძიებებზე, რომელთაც ამიერკავკასიის მომავლისათვის მოსამზადებლად აირჩევენ. რაც უფრო ხელსაყრელს გავხდით სავაჭრო მიმოქცევას, იმდენად უფრო ვისარგებლებთ მით.

იგივე შეიძლება ითქვას გემთმშენებლობაზეც, რომლის განვითარებასაც აღმოსავლეთ სანაპირო, რომელიც მდიდარია გემთმშენებლობისათვის საჭირო ძვირფასი ჯიშის ტყეებით, არაჩვეულებრივად ხელსაყრელ პირობებს უქმნის. მართალია, რკინის დამუშავების გაუმჯობესებისა და რკინის გემების მშენებლობის შემდეგ ხის გემებმა დაკარგა თავისი ფასი, მაგრამ მცირე კაბოტაჟისათვის ხის გემები ჯერ კიდევ უფრო იაფი და უფრო მოხერხებულია, და რადგან ჩვენ ყველაფერი თავიდან უნდა დავიწყოთ, ე. ი. მცირე კაბოტაჟითა და თევზსაჭერი გემებით, ამიტომ აღმოსავლეთ სანაპიროს ჯერ კიდევ გაუნადგურებელ ტყეებს ამ მხრივ განსაკუთრებული მნიშვნელობა აქვს, რადგან დიდ შესაძლებლობას იძლევა კაბოტაჟის რაციონალურად განვითარებისათვის.

ბათუმის შემოერთებამ, გარდა ხის მასალისა, ჩვენ შეგვძინა მოსახლეობის მნიშვნელოვანი რაოდენობა და თურქული ტიპის საკაბოტაჟო გემების მშენებელთა ბევრი გამოცდილი ოსტატი. ასეთი ტიპის გემები ყველაზე გამოსადეგია კაბოტაჟისა და თევზჭერისათვის აღმოსავლეთ სანაპიროზე, ხელოვნური ნავსადგურების აშენებამდე. ჩვენს აზრს ყველაზე უკეთ ადასტურებს ასობით პატარა ნავი, რომლებიც ომამდე ზამთრობით ყოველდღე მოდიოდნენ ფოთში, დელფინების დასაჭერად და თევზის ქონის გამოსაღობად. ჩვენ ერთხელ უკვე გვქონდა შემთხვევა და ვაცნობეთ მკითხველებს, ჩვენი გაზეთის მეშვეობით, ბატ. თუმანოვის გრანდიოზული ჩანაფიქრი, აფხაზეთის საუკეთესო ტყეების არენდით ალების შესახებ. ჩვენ არ ვიცით, მოახერხა თუ არა მან ეს პატრიოტული ძარცვა მთელი მხარისა, რადგან ჩვენს მიერ წამოჭრილი საკითხი არც არავის უარუყვია და არც არავის დაუდასტურებია. მაგრამ დიდად სამწუხარო იქნება, თუ აღმოსავლეთ სანაპიროს გემებისათვის გამოსადეგი ტყეები, რომელთა შესახებ ჯერ კიდევ 1803 წელს თავადმა ციციანოვმა მოხსენებითი ბარათი წარუდგინა მთავრობას, ამ სამი მეოთხედი საუკუნის შემდეგ, როცა ეს ტყეები მართლაც საჭიროა, საქმოსანი კონცესიონერის ხელში აღმოჩნდება, რომელიც გამოიყენებს მათ საცობებისა და სალტეების დასამზადებლად და ყველაფერ ამას გადაგზავნის მარსელში.

შემდეგ სტატიაში ჩვენ გადმოგცემთ საერთო თვალსაზრისს შავი ზღვის სანაპიროზე გემთმშენებლობის შესახებ.

12. გემთმშენებლობა და შავი ზღვის კოლონიზაცია

თბილისი, 7 იულისი

ყირიმის ომამდე²⁸, როცა იალქნიანი სამხედრო ფლოტი ჯერ კიდევ მთავარ როლს ასრულებდა და ორთქლის ძრავა გზას იკაფავდა მონოპოლიისაკენ, გემთმშენებლობამ ნიკოლაევში სრულყოფის მაღალ საფეხურს მიაღწია და ჩვენი აქ აშენებული გემები მიბაძვის საგანიც კი გახდა, ხოლო აქ აშენებული კანჯოები თავის მოხდენილობით ევროპაში ერთ-ერთი საუკეთესო იყვნენ. მაგრამ, პარიზის ტრაქტატის ძალით, შავი ზღვის ფლოტმა არსებობა შეწყვიტა. დაიხურა წლების მანძილზე ორგანიზებული და ნიკოლაევის სახელოსნოებისა და გემსაშენების შრომით შექმნილი საწარმო და ყველაფერი შეიცვალა. ჩვენ მოგვიხდა შავ ზღვაზე აგვეწყო მრგვალი, ჭავჭავისანი გემები, რომლებიც ადრე პეტერბურგში ღაამზადეს და ნიკოლაევში რკინიგზით ჩამოიტანეს. ამჟამად გემთმშენებლობის მთელ ჩვენ თანამედროვე საშუალებებს წარმოადგენს სევასტოპოლის სახელოსნოები და ნაოსნობის რუსეთის საზოგადოება, რომელმაც ამ ომის დროს თითქმის ორი კატარღა ჩაუშვა წყალში. დროთა განმავლობაში, თუ სახსრებს არ დაეზოგავთ, შესაძლებელი იქნება იმ შენობისა და სახელოსნოების რეორგანიზაცია, რომლებიც ნიკოლაევში საიალქნო ფლოტისათვის ააშენეს; მაგრამ ყველაფერი ეს მომავალი შრომისა და ხარჯების საქმეა. ამჟამად კი, ჩემის აზრით, დანამდვილებით შეიძლება ითქვას, რომ გარდა ხერსონისა და დონის როსტოვის სახელოსნოებისა, სადაც უხვირო ნავეებს აშენებენ, ჩვენ არ გავვაჩნია არავითარი გემთსააშენებლო საშუალებები, რომელთაც შეუძლიათ უშუალოდ და დამაკმაყოფილებლად მოემსახურონ სამხედრო და კომერციული გემების მშენებლობის გადაუდებელ საქმეს. ამგვარად, ჩვენ მოგვიწევს ყველაფრის თავიდან შექმნა და შექმნა ფართო მასშტაბით.

შავ ზღვაზე გემთმშენებლობის შესაქმნელად და ყველაზე მკაცრი მოთხოვნილებების დასაკმაყოფილებლად ჩვენ რეალური შემოქმედებითი ნიადაგი გვაქვს. გარდა შავი ზღვის სანაპიროსი, რუსეთში

არ არის ისეთი ოლქი, სადაც ასე უხვად მოიპოვებოდეს და ასე მოხერხებულად იყოს განლაგებული ხისა და რკინის მასალა სამხედრო და კომერციული გემების მშენებლობისათვის. ბუნებამ უხვად დააჩილდოვა შავი ზღვის სანაპირო; ხოლო პეტრე I-ისა და ეკატერინე II-ის გენიალურმა შორსმჭვრეტელობამ დაგვანახა, როგორ უნდა ვისარგებლოთ ამ სიმდიდრით. ჩვენში, ისტორიულად, გემთმშენებლობის სამი ცენტრი შეიქმნა, ასე ვთქვათ, სანაპირო ქალაქების მეორე ხაზი, რომელიც ღრმადაა შეჭრილი კონტინენტში და გვიქმნის სასურველ ხელშემწყობ პირობებს მასალის უსაფრთხო დეპოზიტისა და გემთმშენებლობის ფართო მასშტაბით განვითარებისათვის. ეს პუნქტებია: ნიკოლაევი — სამხედრო გემებისათვის, ხერსონი—ხის გემებისათვის და დონის როსტოვი—რკინის გემებისათვის. როსტოვი ეკვრის დონეცკის ქვანახშირის აუზს, სადაც ნებისმიერი რაოდენობით შეიძლება ქვანახშირის მოპოვება, თუჯის გამოღობა, რკინის დამუშავება. ქვანახშირის, რკინისა და თუჯის წარმოების მახლობლად რკინის გემებისა და მათთვის საჭირო მანქანების მშენებლობა იაფი დაჯდება, რაც წარმოადგენს რკინისაგან აგებული ორთქლის გემების ღირებულების ძირითად ფაქტორს. ყველამ იცის, თუ რა მდიდარია დნებრისა და მისი შენაკადების მიდამოები ტყით. ამ ადგილებიდან ტყე საზღვარგარეთაც კი გააქვთ. ძალზე მოხერხებულია ტყის დაცურება ამ ადგილებიდან ხერსონისა და ნიკოლაევისაკენ. გარდა ამისა, ცნობილია, რომ ეს პუნქტები ახლო მდებარეობენ კიევისა და პოდოლსკის გუბერნიების მუხის ხის ტყეებიდან და შავი ზღვის აღმოსავლეთ სანაპიროდან, სადაც კავკასიის ქედის ფერდობები დაფარულია შავი მუხის ხის ტყეებით, რომლის ტრანსპორტირება ადვილია. ამგვარად, შავ ზღვაზე გემთმშენებლობისათვის მოხერხებული პუნქტების და მასალის ნაკლებობა არ იგრძნობა და ამიტომ ჩვენი გემთმშენებლობის წარმატება დამოკიდებულია მხოლოდ ჩვენი განზრახვისა და მათი ენერჯიის გონივრულად გამოყენებაზე, ვისაც ამ საქმის განხორციელებას დაავალებენ. ბუნებამ ჩვენ ყველაფერი მოგვცა, ხოლო მისი გამოყენების უნარი დაბადებიდან არავის დაპყლია და ბრძანებით კი არ შეიძინება, არამედ დიდი სურვილით — მიაღწიო დასახულ მიზანს საერთო პატრიოტული შრომით, მეცნიერებით და ენერჯიით. ჩვენ ვვარაუდობთ, რომ ყველაფერი ეს გაგვაჩინა, წინააღმდეგ შემთხვევაში ოცნებაც კი არ ღირდა რაიმე ეკონომიურ განვითარებაზე.

ცხადია, როდესაც თავიდან ვიწყებთ, უნდა დავეკმაყოფილდეთ მხოლოდ, ასე ვთქვათ, მოსამზადებელი ღონისძიებებით შორეული

ნაოსნობის, სამხედრო გემებისა და ხომალდების მშენებლობის საქმეში, მაგრამ საკაბოტაჟო და თევზსაჭერი გემების აგებას მაშინვე შეგვიძლია შევეუდგეთ. ბათუმის სანაპიროს შემოერთების შემდეგ, აღმოსავლეთ სანაპიროს ამ მხრივ პირველი ადგილი უჭირავს. მხოლოდ აქ ნახავთ თვალუწვდენელ ტყეებს, რომელიც ყველაზე მეტად გამოდგება კაბოტაჟისა და თევზჭერის საქმეში; და ავაშენებთ ორანძიან ნაევებსა და ფელუკებს იმ დროს, როცა არავითარი პირობები არა გვაქვს ზღვაოსნობისათვის, ამ ჩვენს ფარდალალა, პირქუშ და მოუწყობელ სანაპიროზე! მაგრამ ჩვენ აქ წინ გველოდება ახალი და მნიშვნელოვანი წინააღმდეგობანი: რა უნდა აკეთონ ამ ახალაშენებულმა საკაბოტაჟო და თევზსაჭერმა გემებმა ზღვაში, როცა სანაპიროს გასწვრივ არ არის მოსახლეობა, და ამიტომ არც გადასატანი ტვირთი არსებობს, არ არის მოთხოვნილება თევზზე და თევზის დამუშავების ისეთი საშუალებები, რომ შესძლონ მისი შორეულ ადგილებში გადაზიდვა? სოხუმი მთლიანად დანგრეულია; განადგურებულია აგრეთვე ტუაფსე, ოჩამჩირე, გუდაუთა და გუდავა. ნოვოროსიისკი და გელენჯიკი ომისაგან დაზარალდნენ. ფოთი მისმა მცხოვრებლებმა მიატოვეს და სახლები, რომლებშიც ისინი ცხოვრობდნენ, განადგურდნენ. ასე რომ, კაბოტაჟი და თევზჭერა, რომელთა შესაქმნელადაც ჩვენ ყველა საშუალება გვაქვს, კვლავ თხოულობენ მოსამზადებელი ღონისძიებების ჩატარებას, ანუ ყველა ადრე არსებული სანაპირო ქალაქისა და სოფლის აღდგენას, რისთვისაც აუცილებელია მთიელების თურქეთში გადასახლების შემდეგ კოლონიზირებული სანაპიროს რეკოლონიზაცია. როდის მოხდება ეს? რომ გავიხსენოთ ის, რაც გამოვცადეთ და ავწონ-დავწონოთ სანაპიროს გაშენებისათვის გაწეული შრომის მნიშვნელობა, მისი პროდუქტულობა, შეგვიძლია მივიღეთ იმ დასკვნამდე, რომ ათეული წლებია საჭირო, რათა ვიგრძნოთ სერიოზული კაბოტაჟისა და ფართო თევზჭერის საჭიროება. ამიტომ ჩვენი ზრუნვა — ახლაც შექმნათ, ავაშენოთ საკაბოტაჟო და თევზსაჭერი გემები, ნაადრევად უნდა ჩაითვალოს... ჩვენ დარწმუნებული ვართ, რომ ბევრი მოღვაწე, რომელიც თანამედროვე ცხოვრების ეკონომიური მოთხოვნილებების დაკმაყოფილებას ცდილობს მითითებების წყალობით, ჩვენ დასკვნას სრულიად ბუნებრივად მიიჩნევს, ეყოფა ძალა, რათა ამ დასკვნის შედეგად განახორციელოს მის წინაშე მდგომი ამოცანა — დაიცადოს. ჩვენ კიდევ უფრო ნაკლებად გვეპარება ეჭვი იმაში, რომ აღმოჩნდებიან მოღვაწეები, რომლებიც არ შეუშინდებიან შრომას და ჩვენი დასკვნის მაგივრად გამოიტანენ თავიანთ დასკვნას, რომელიც ასე იქნება ფორმირებული: თუ წარსულმა დაგვანახა, რომ კოლონი-

ზაციისათვის ადრე გაწეული შრომა მცირეპროდუქტიულია, ეს მიგვითითებს ან მოქმედების სისტემის არარაციონალურობაზე, ან სახსრების სიმცირეზე, ანდა უახლოესი შემსრულებლების უუნარობაზე და არაენერგიულობაზე. და რადგან ყველა ეს მოვლენა შემთხვევითია და შეიძლება აღმოფხვრილ იქნეს, ამიტომ საჭიროა წინამდებარე ღონისძიებების გაგრძელების ნაცვლად, მათი სხვა ღონისძიებებით შეცვლა. ასეთი დასკვნა, ჩვენის აზრით, ყველაზე სწორი იქნება. კოლონიზაცია ათასი წელია, რაც პრაქტიკაშია.

ამ ხნის განმავლობაში იგი სასარგებლო იყო და ისტორიამ დატოვა ბევრი უტყუარი საბუთი, რომელთა მიხედვითაც ჩვენ შეგვიძლია ზუსტად განვსაზღვროთ, სად და რის გამო ვერ მოიპოვა კოლონიზაციამ წარმატება, სად და როდის განხორციელდა, როგორც განზრახული ღონისძიებების გარდუვალი შედეგი. ასე მაგალითად, კოლონიზაცია ყველგან და ყოველთვის განიცდიდა წარუმატებლობას, თუ იგი ხდებოდა მთავრობის უშუალო განკარგულების თანხმად, სახელმწიფო ბიუჯეტის ხარჯზე. ასეთი კოლონიები ყოველთვის უბედურ დღეში ვარდებოდნენ, მეტროპოლიებს ძალიან დიდხანს ამძიმებდნენ ზედმეტი ხარჯებით, არ ვითარდებოდნენ და მათი ხსნა დალუპვისაგან მხოლოდ განსაკუთრებული სიმტკიცის წყალობით ხერხდებოდა; თუ ადგილობრივი პირობები არ ქმნიდა მოთხოვნილებას თავისუფალ შრომაზე, თუ ეს არ განაპირობებდა არავალდებული კოლონისტების მოზიდვას, რომელთა მამობრივი ხელმძღვანელობით პირველი ახალმოსახლენი ბოლოსდაბოლოს შესძლებდნენ თავი დაეღწიათ სავალალო მდგომარეობისაგან და ხელი მოეკიდათ ისეთი შრომისათვის, რომელიც უკეთესად უზრუნველყოფდა მათ საარსებო მოთხოვნილებებს, ვიდრე ის ამოცანები, რომლებიც ქვეყნის დაკავების დროს დააკანონეს ადგილობრივ მცხოვრებთა ეკონომიური ძალების გამოსაყენებლად. ჩვენში, აღმოსავლეთ სანაპიროზე აქამდე ადმინისტრაციული კოლონიზაციის პრაქტიკა სახელმწიფოს ხარჯზე ხორციელდებოდა და იგი ბუნებრივად დიდ მსხვერპლს თხოულობდა, რომლის გამოსყიდვაც მოვლენათა სწორად მსვლელობის დროსაც კი შეუძლებელია. მაგრამ სისტემის ამ საერთო ნაკლს დაემატა აგრეთვე უკიდურესად არახელსაყრელი პოლიტიკური პირობებიც, კერძოდ — ორი ომი, ყოველი ოცი წლის შემდეგ, რომელთაც თან ახლდა იმ მცირე შედეგების განადგურება, რომელთა მიღწევაც ადმინისტრაციულმა კოლონიზაციამ შესძლო. საქმის ასეთი მსვლელობის დროს, თუ ჩვენ გვსურს სწრაფი და ნამდვილი წარმატება, საჭიროა სისტემის შეცვლა. ჩვენ ვიცით,

რომ კოლონიზაციის განხორციელება ყოველთვის ხერხდებოდა, როცა ამისათვის ხელსაყრელი პირობები არსებობდა, ამიტომ კოლონიზაციის წარმატებისათვის აუცილებელია ეს ხელშემწყობი პირობები, ხოლო თუ ამგვარი პირობები არ არსებობს, მთავრობის მთელი ზრუნვა უნდა იყოს მიმართული ამგვარი პირობების შესაქმნელად, ანდა, უკიდურეს შემთხვევაში, კოლონიზაციისათვის არახელსაყრელი პირობების აღმოსაფხვრელად. ჩვენში არსებობს კოლონიზაციისათვის არახელსაყრელი პირობები და ეს ყველასათვის ცნობილია, კერძოდ: ა) ღია, გემებისათვის მიუდგომელი ზღვის ნაპირი; ბ) სანაპირო გზების უქონლობა. ამ პირობებიდან პირველის აღმოფხვრა შეიძლება კაბოტაჟისა და თევზჭერის დაუყოვნებლივ შექმნით, რითაც ჩვენ მივიღებთ მძლავრ საშუალებას ზღვისპირა კოლონიების ხელსაყრელი არსებობისათვის. მეორე პირობის აღმოფხვრით კი ჩვენ შევქმნით კაბოტაჟისა და თევზჭერისათვის ხელსაყრელ პირობებს. ამგვარად, პირობათა ორივე რიგის ცალ-ცალკე განხორციელება თხოულობს მთავრობის მიერ მსხვერპლის გაღებას და დიდ შრომას. ხოლო მათი ერთმანეთთან კავშირში განხორციელება ხელს შეუწყობს მთავრობის მიერ გაღებული მსხვერპლისა და შრომის შემსუბუქებას ყოველი რიგისათვის ცალ-ცალკე. ბუნებაში რაიმე მოძრაობა იშვიათად ხდება ერთი ძალის მოქმედების შედეგად, იგი უფრო მრავალი ძალების ერთდროულად მოქმედების შედეგია და მათ თანამოქმედებას გამოხატავს. ჩვენ არ უნდა დავივიწყოთ ეს, თუ გვინდა ხელოვნურად ავამოძრაოთ ჩვენი ეკონომიური ძალები. ამიტომ არ უნდა ვეცადოთ ძალების გათიშვას და რაიმე ისეთი ამოცანისათვის განსაკუთრებული მნიშვნელობის მინიჭებას, რომელიც ჩვენ უფრო ღირსშესანიშნავად მიგვაჩნია. ამავე დროს უნდა ვისწრაფოდეთ იმისაკენ, რომ შევაფასოთ ყველა იმ ფაქტორის მნიშვნელობა, რომლებიც სასურველი საქმის არსებობას მოემსახურება, განსაზღვრავს მის შედარებით მოქმედებას და გააერთიანებს მათ ერთი საერთო აზრით ერთი საერთო შედეგის მისაღწევად. შეიძლება მათემატიკოსებმა ჩვენს მიერ გადმოცემული მოგონებები მათემატიკური კანონების შესახებ არასწორად მიიჩნიონ, ხოლო სხვებმა—ზედმეტ განზოგადოებად, რომელიც განხილულ საკითხს არ შეესაბამება, მაგრამ ყოველ შემთხვევაში ჩვენ დარწმუნებული ვართ, რომ მხოლოდ სწორად წარმართული ერთი საერთო აზრის მეშვეობით შეიძლება რომელიმე სახელმწიფო ღონისძიების პრაქტიკულად განხორციელების დროს თავი აარიდო იმ შეცდომებს, რომლებიც გარდუვალია იმ შემთხვევაში, თუ ეს ღონისძიება რიგრიგობით არ

იქნება გაშუქებული სხვადასხვა მხრიდან და არ გამოიწვევს საერთო ძალების სხვადასხვა მიმართულებითა და განსხვავებულად გამოყენებას.

ამის საფუძველზე ჩვენ გვგონია, რომ ზღვაოსნობის შექმნა და კოლონიზაცია უნდა ხდებოდეს ისევე ერთდროულად, როგორც ნავსადგურების აშენება და ამ ნავსადგურამდე გზების გაყვანა, ზღვაოსნობის დაწესება და საზღვაო ქალაქების გაშენება და ა. შ. ერთ-ერთი დიდი ძალა, რომელიც განაპირობებს სწრაფი შედეგების მიღებას ქვეყნის ეკონომიურ ცხოვრებაში, კოოპერატიულობაა. არავითარი გონივრული მიზეზი არ არსებობს იმისა, რომ უარი ვთქვათ კოოპერატივით სარგებლობაზე. პირიქით, ძალზე სასარგებლოა დავეხმაროთ მას და გავაძლიეროთ საკუთარი მეცადინეობით. მიუხედავად ღონისძიებათა ისეთი თვალსაჩინო სხვაობისა, როგორცაა სამხედრო ფლოტის შექმნა, ქვანახშირის საბადოების დაშუშავება, გზების გაყვანა, თუჯისა და რკინის გამოღობა, თევზჭერა, კოლონიზაცია, კაბოტაჟის შექმნა კავკასიის სანაპიროზე, მთავარი გემთსააშენებლო ცენტრების მოწყობა ნიკოლაევში, ხერსონში, ღონის როსტოვში და ა. შ. ჩვენ შესაძლებლად მიგვაჩნია დავეუკავშიროთ ჩვენი ღრის ეს დანაწევრებული ეკონომიური ამოცანები ერთ საერთო აზრს და მივალწიოთ ერთ მიზანს: შავ ზღვაზე ვაჭრობის განვითარებას და საზღვაო ძლიერების შექმნას, რაც მოხდება სამხრეთისა, კავკასიის პროვინციებისა და რუსეთის მთელი მეურნეობის ეკონომიური განვითარების შედეგად.

ჩვენ ეს მით უფრო აუცილებლად მიგვაჩნია, რომ ამ მიზანს მრავალი მსხვერპლი შეეწირეთ. გავიხსენოთ, მაგალითად, რკინიგზის გაყვანა ოდესამდე, სევასტოპოლამდე, როსტოვამდე, რკინიგზის დამშუშავებელი ქარხნების შექმნა დონეცკის აუზში, რკინიგზის გაყვანა ქვანახშირის გასაზიდვად, რომელიც ძალე უნდა გაიხსნას, დნებარის შენაკადების გაღრმავება, ოდესის ნავსადგურის გაფართოება და სხვა მრავალი ღონისძიება და სავარაუდო მშენებლობა შავი ზღვის ჩრდილოეთ სანაპიროზე. კავკასიის უწყებათა მონდომებით უნდა აშენდეს ნავსადგური ფოთში, გაყვანილ იქნეს რკინიგზები და სხვა. ნუთუ ყველა ეს განზრახვა უნდა არსებობდეს ცალ-ცალკე, თავისთავად, საერთო კავშირისა და ურთიერთმოქმედების გარეშე. ჩვენის აზრით, ეს არის საქმისადმი კონცესიური და არა სახელმწიფო თვალსაზრისით მიდგომა. როგორც ცნობილია, კონცესიონერისათვის ყველაზე სტრატეგიული, პოლიტიკურ-ეკონომიური და გადაუღებელია იმ რკინიგზის აგება, რომლის აშენებისათვისაც იგი იღწვის; ის ნავსადგური განაპირობებს რუსეთის შემდგომ განვითარებას.

რებას, რომელიც დამატებით ასიგნებას ითხოვს; ის იჯარაა მთავრობისათვის საჭირო, რომელსაც დიდი ფასი უნდა დაედოს. მაგრამ იმ ადამიანებმა, რომელთაც წილად ზვდათ განსაზღვრონ, ყველა ამ ამოცანის მნიშვნელობა და საჭიროება, არ შეიძლება არ იცოდნენ მათი შეფარდებითი მნიშვნელობა სახელმწიფოს საერთო ეკონომიურ ცხოვრებაში და იმ მსხვერპლის უკიდურესი მასშტაბები, რის გაღებაც მას შეუძლია ისე, რომ ზიანი არ მიაყენოს ქვეყნის საერთო განვითარებას. მათ აუცილებლად უნდა ქონდეთ საერთო წარმოდგენა სახელმწიფოს საჭიროებასა და მოთხოვნილებებზე. ამგვარად, მათი დაკმაყოფილების საერთო გეგმა უნდა შეესაბამებოდეს ჩვენი ქვეყნის რეალურ საშუალებებს. ასე რომ, ჩვენი სურვილია ერთმანეთთან დავაკავშიროთ ყველა ის ცალკეული ამოცანა, რომელთაც კავშირი აქვთ შავ ზღვაზე ნაოსნობის განვითარებასთან, რადგან ერთ საერთო გეგმას სერიოზული პრაქტიკული საფუძველი გააჩნია. ვიტყვით უფრო მეტსაც, იგი ბუნებრივი და სრულიად აუცილებელია.

13. საზღვაო კანონმდებლობა, სკოლები და სუბსიდიები

თბილისი, 8 ივლისი

ამ სტატიაში ჩვენ ვილაპარაკებთ იმ სიძნელების აღმოფხვრაზე და იმ ღონისძიებათა დაპროექტებაზე, რომლებიც, ასე ვთქვათ, თვით ზღვაოსნობის პროცესს ეხება და რომელთა ფორმულირებისათვის საჭიროა საზღვაო საქმის პრაქტიკული ცოდნა, რაც ჩვენ არ გავაჩნია. ამგვარად, ამ სტატიის მთელი ამოცანა ისაა, რომ გამოიწვიოს კომპეტენტური პირები, რათა მათ შემოიტანონ შესწორებები, უარყონ ან დაამუშავონ ის საკითხები, რომელთაც დიდი ყურადღება და ზრუნვა უნდა მიაპყრონ მათ, ვისაც შავ ზღვაზე ნაოსნობის განვითარება სურთ.

დავიწყოთ ჩვენი საზღვაო კანონმდებლობით. იგი იმდენად არა-დამაკმაყოფილებელია, რომ კომპეტენტური პირების სიტყვით, კანონების ზუსტად შესრულება, ხშირად, ზღვაოსნობის შეწყვეტას უდრის. ეს სრულიად ბუნებრივად აიხსნება იმით, რომ ჩვენი საზღვაო ვაჭრობის კანონმდებლობას ყოველთვის ამუშავებდნენ ფინანსთა სამინისტროს მოხელეები, რომლებიც ზღვას ერმიტაჟში გამოფენილი სურათების მიხედვით იცნობდნენ. ძირითად მასალას მათთვის წარმოადგენდა უცხო სახელმწიფოებთან დადებული სავაჭრო ხელშეკრულებები, რომელთაც ისევ მოხელეები ადგენდნენ, მაგრამ სხვა უწყებისა და ამ გზით, მათ მიიღეს რუსეთის საზღვაო ვაჭრობის კანონმდებლობა, რომელიც უცხოელ შვიპერებს, გემის პატრონებს, რუსეთთან ვაჭრობას უადვილებდა, ხოლო რუს შვიპერებსა და გემის პატრონებს უხერხულობასა და სიძნელებს უქმნიდა. თუ რამდენად არაბუნებრივი და გაუგებარია ყოველივე ეს, ნათლად ჩანს განსვენებული მ. ნ. ოკუნევის სტატიაში — რუსეთის საზღვაო ვაჭრობის კანონმდებლობის შესახებ, რომელიც „რუსეთის მრეწველობისა და ვაჭრობის ხელშემწყობი საზოგადოების“ ორგანოში დაიბეჭდა. აქვე დაიბეჭდა მრავალი სხვა საგაზეთო სტატია. ყოველივე ეს რომ მაგალითის მეშვეობით უფრო

ცხადი გავხადოთ, ავიღოთ შემდეგი ფაქტი: ჩვენს ნავსადგურში შემოსული ყოველი გემი იხდის სალასტო გადასახადს, რომელიც შუქურების განათებას ხმარდება. სამამულო ზღვაოსნობის განვითარების თვალსაზრისით ეს გადასახადი დიდი არაა, ხოლო სავაჭრო ტრაქტატების ვითომდა სამართლიანობის თვალსაზრისით ამ გადასახადს უცხოურ გემებსაც ახდევინებენ. 1873 წ. შავი ზღვის ჩრდილოეთ სანაპიროს მოადგა და ეს სანაპირო დასტოვა საზღვაო გემებმა, რომელთა საერთო მოცულობა 1.404.235 ლასტს შეადგენდა. მათ რიცხვში რუსეთის ალმით — 1.048 გემი, რომელთა საერთო მოცულობა 236.075 ლასტს უდრიდა. ჩვენ გვჭირდება შედარებითი დასკვნა და ამიტომ გადასახადის ზუსტი ციფრის ცოდნა აუცილებელი არაა, ჩვენ ნებისმიერად ყოველ ლასტზე 10 კაპიკს ვიანგარიშებთ. ამ შემთხვევაში ლასტის გადასახადს 1873 წელს უნდა შეედგინა 140.423 მან. და 50 კაპიკი. აქედან:

უცხოურმა გემებმა გადაიხადეს	— 116.816 მან.
რუსეთის გემებმა	— 23.607 მან. 50 კაპ.
სულ	— 140. 423 მან. 50 კაპ.

მაგრამ თუ ამ გადასახადს გავაორკეცებთ, ასეთ შედეგებს მივიღებთ:

უცხოური გემები გადაიხდიდნენ	— 233.632 მან.
რუსეთის გემები	— 47. 215 მან.
სულ	— 280.847 მან.

ამგვარად, თუ ჩავთვლით, რომ შუქურების განათება ჯდება 140.423 მან. და 50 კაპ., რასაც არსებული გადასახადის მეშვეობით ვლბებულობთ, და თუ ამ თანხას გამოვაკლებთ მეორეს, ჩვენ დაგვრჩება 140.423 მან. და 50 კაპ., ხოლო თუ ამ თანხას გამოვაკლებთ 47.215 მანეთს, რაც რუსეთის გემებმა გადაიხადეს და რაც შეიძლება უკან დაგვებრუნებია მათთვის პრემიის სახით, რის საბაზიცი ყოველთვის შეიძლება გამოინახოს, მაშინ ცხადია, რომ გადასახადის გაორკეცების შემთხვევაში ჩვენ შუქურებსაც უკეთ გავანათებდით, რადგან ყოველწლიურად გვექნებოდა დამატებითი შემოსავალი 93.208 მან. და 50 კაპ. რაოდენობით და ამავე დროს შეგვეძლო უკან დაგვებრუნებია, ე. ი. გაგვენთავისუფლებია გადასახადისაგან რუსეთის გემები ანუ გაგვენთავისუფლებია ზღვაოსნობა უცხოელების ხარჯზე. ჩვენ კი პირიქით გამოგვდის. 140.423 მან. თურმე სანაპიროს ხეირიანად განათებისათვისაც კი არ კმარა და თხოულობს დამატებით ხარჯებს, რასაც სახელმწიფო ბიუჯეტიდან ფარავენ. რო-

გორც გემების რაოდენობამ დაგვანახა, სანაპიროს განათება უმთავრესად უცხოურ გემებს ემსახურება, მაგრამ უხერხულობის ასაცილებლად მათ უთანაბრებენ რუსეთის გემებსაც და ამ უკანასკნელთაც ახდევინებენ გადასახადს. გარდა ამისა უცხოური გემებისათვის ხელსაყრელი პირობების შესაქმნელად და რუსეთის ზღვაოსნობის გასანადგურებლად, რუს გლეხებს საკმაოდ დიდ თანხას ახდევინებენ. დიპლომატიური თვალსაზრისით ყველა ეს სამართლიანი საერთაშორისო ურთიერთობა და უკიდურესად მძიმე წესები, რაც რუსეთის ზღვაოსნობას კლავს, დაუყოვნებლივ და ძალზე გულმოდგინე გადასინჯვას და რუსეთის სავაჭრო ფლოტის ინტერესების შესაბამისად შეცვლას თხოულობს.

ახლა შევეხოთ ზღვაოსნობის მეორე, უფრო მნიშვნელოვან ფაქტორს — საზღვაო სკოლებს. შავი ზღვის ფლოტის აყვავების პერიოდში სახელგანთქმული გრეიგი და ლაზარევი ყოველთვის ინიციატივას იჩენდნენ ისეთ საქმეში, რაც ზღვაოსნობას ეხებოდა. უპირველეს ყოვლისა, ისინი ზრუნავდნენ უმაღლესი ტექნიკური საზღვაო სკოლების დაარსებისათვის და იმისათვის, რომ ყოლოდათ თანამედროვე საზღვაო მეცნიერების დონეზე მდგარი ღირსეული სპეციალისტები, რისთვისაც არ ერიდებოდნენ არავითარ მსხვერპლს. ყოველწლიურად გზავნიდნენ საზღვარგარეთ და ყველგან, სადაც კი რაიმეს სწავლა შეიძლებოდა, ბევრ ნიჭიერ ახალგაზრდას და მოხელეს. ამიტომ ჩვენ გვყავდა ისეთი გემთმშენებლები, როგორებიც იყვნენ განსვენებული მ. ნ. ოკუნევი, დმიტრიევი და ა. შ. ასევე ზრუნავდნენ ისინი სავაჭრო ფლოტის განვითარებისათვისაც. ჩვენში არსებობდა სავაჭრო ზღვაოსნობის სკოლები ხერსონში და კრონშტადტში. მაგრამ, საუბედუროდ, ფინანსიური მეცნიერების უცნაურად გაგების გამო, ვაჭრობას ჩვენში ფინანსთა სამინისტრო განაგებს და რადგან საზღვაო ვაჭრობაც ვაჭრობას ემსახურება, იმავე ახირებული გაგების გამო, სავაჭრო ზღვაოსნობის შესწავლის საქმეც ამავე ფინანსთა სამინისტროს ხელში აღმოჩნდა. ამ ანომალიამ ჩვენში კონცესიური ზღვაოსნობის შექმნა გამოიწვია, მაგრამ ვერაფრით ვერ შეუწყო ხელი საზღვაო სკოლებისა და საზღვაო ცოდნის გავრცელებას. ამგვარად, მიუხედავად დიდი ხარჯებისა, უმაღლესმა საზღვაო სკოლებმა ძალზე მცირე სარგებლობა მოუტანა ზღვაოსნობას. სხვაგვარად არც შეიძლება ყოფილიყო. ყოველივე ეს ძალზე რელიეფურად გამოხატა კრილოვმა არაკში ლომის აღზრდის შესახებ³³. მკითხველმა იცის, რომ იგი არწივს მიაბარეს აღსაზრდელად და, როცა მეცნიერების კურსი ბრწყინვალედ განვლო, მამასვე დაუბრუნეს უკან.

საჯარო გამოცდაზე, როცა მამამ კითხა რის გაკეთებას აპირებს იგი მხეცების ცხოვრების გასაუმჯობესებლად, მან უპასუხა, რომ ასწავლის მათ ჩიტის ბუდეების გაკეთებას. სამწუხაროდ, რაღაც ასეთი ხდება ჩვენშიც სავაჭრო ზღვაოსნობის სწავლების საქმეში. ეს სკოლები ვერაფრით ვერ აღმოჩნდა მეზღვაურთა ხელში, ყველა მათი მზრუნველი მხოლოდ სახმელეთო პროფესიათა წარმომადგენლები იყვნენ. მათ შორის პირველი ადგილი უჭირავს ბატ. ვალდემარს. ბატ. ვალდემარის დამსახურება ისაა, რომ რუსეთის ზღვაოსნობა უყვარს, ღილო შეცდომა ის, რომ მასზე ზრუნავს და თავის საუკეთესო სურვილების გამო დიდი ზიანი მიაყენა რუსეთის ზღვაოსნობას. ეყრდნობოდა რა არსებული უმაღლესი საზღვაო სასწავლებლების არადაძაქმაყოფილებელ მდგომარეობას და ითვალისწინებდა რა იმ დიდ ხარჯებს, რასაც ისინი მოითხოვდნენ, ბატ. ვალდემარმა დაიწყო კომპანია მათ მოსასპობად. ამისათვის მან დიდი ენერჯია დახარჯა. მთავრობისაგან ბევრი ფული მიიღო იმისათვის, რომ ემოგზაურა და სკოლები და სავაჭრო ზღვაოსნობა შეესწავლა, მაგრამ მან მხოლოდ თავის მოღვაწეობის ანგარიშები და საკუთარი მოსაზრებებით აღსავსე ბროშურები გამოაქვეყნა. რუსეთის ზღვაოსნობის საუბედუროდ, ბატ. ვალდემარის შრომებს წარმატება ხვდა წილად: სავაჭრო ზღვაოსნობის სკოლები მოსპეს და მათ მაგივრად შექმნეს ისეთი საზღვაოსნო სკოლები, რომლებიც სახელმწიფო სუფსიდიების ხარჯზე არსებობს ყველგან, სადაც კი ეს ადგილობრივმა მოსახლეობამ მოითხოვა და სურვილი გამოთქვა შეიტანოს შესაწირი ამ სკოლების არსებობისათვის. ასეთი სოფლური, დატაკი სკოლები სანაპირო სოფლებში და ქალაქებში, რა თქმა უნდა, აუცილებელი და სასარგებლოა და უთუოდ სასურველია მათი რაც შეიძლება ფართოდ გავრცელება, მაგრამ მათ ის მავნებლობა მოაქვთ, რომ, ბატ. ვალდემარის სურვილის თანახმად, ამ სკოლებმა შეცვალეს უმაღლესი სკოლები და ახლა სავაჭრო ფლოტის შვიტერებს განათლება ვერსად მიუღიათ. ცდარია ის აზრიც, რომ საზღვაო სკოლებში შეიძლება გაიზარდოს პრაქტიკოსი შვიტერები და გემთმშენებლები, რომლებიც თითქოს უკან ჩამოიტოვებენ სამხედრო და კომერციული ფლოტის სწავლულ თეორეტიკოსებს. ბატ. ვალდემარის მოსაზრებათა უგუნურობა პირველ ცდისთანავე გამომჟღავნდა, სახელდობრ მაშინ, როცა რუსეთის სავაჭრო ზღვაოსნობის ხელშემწყობმა საზოგადოებამ ექსპედიცია მოაწყო კარის ზღვაში. ბატ. ვალდემარის იდეის ყველაზე გენიალური წარმომადგენელი, ვიზედაც ბატ. ვალდემარი თავის ბროშურებში უსაზღვრო ნაირფეროვნებით წერდა, კერძოდ

ბატ. დალი ენისეის პირას ჩავიდა სანდალის ასაგებად და ააშენა ყბადაღებული „მოსკოვი“, რომელიც არაფრად არ ვარგოდა და მაშინვე დაიღუპა. სხვა შედეგებს არც უნდა ველოდეთ საყველპურო განათლებისაგან, რასაც შეიძლება მიიღწიო არსებული ტიპის საზღვაო კლასებში. ამგვარი განათლების შედეგად ადამიანებს, მუდამ და ყველგან, დიდი წარმოდგენა ექმნებათ თავიანთ თავზე. მათ ჰგონიათ, რომ ამ საკმაოდ შეზღუდული საშუალებებით მიიღწევენ იმ შედეგებს, რომელსაც სრული თეორიული და პრაქტიკული განათლება იძლევა. არსებულ საზღვაო სკოლებს ის მავნებლობა მოაქვთ, რომ ჭერჭერობით მათ შეუძლიათ აღზარდონ მხოლოდ მეზღვაურები, ხოლო სავაჭრო ფლოტი უშვიპერებოდ დასტოვონ; მეორეც, მათ განაგებენ ადამიანები, რომელთაც ეს საქმე ცუდად ესმით, და სახმელეთო საქმეთა ბობოღების უშუალო კონტროლის ქვეშ არიან; ეკუთვნიან სახმელეთო სამინისტროს, რომელსაც სახელმწიფო რესურსების გამო თვლა ევალებათ და არა მათი შექმნა. ეს შეიძლება იყოს მხოლოდ მრეწველობისა და ვაჭრობის სამინისტროს ამოცანა, რის შესახებაც დიდი ხანია ქმნიან პროექტებს და წინადადებებს, რასაც მთელი მრეწველობა და ვაჭრობა ასე დაძაბულად ელის.

მაგრამ ყველაზე დიდი უბედურება, რაც ყირიმის ომის შემდეგ რუსეთის ზღვაოსნობას დაატყდა თავს, კონცესიური ზღვაოსნობაა, ე. ი. სახელმწიფოს სუბსიდიების მეშვეობით შექმნილი ზღვაოსნობა, რომელიც შეიძლება განხორციელდეს სადაც გინდათ და რითაც გინდათ. ეს უბრალო ბოროტება კი არაა, არამედ — ბოროტება კვადრატში. სახელმწიფო სუფსიდიები უშუალოდ ანადგურებს სახელმწიფო რესურსებს და მათ მხოლოდ იმისათვის ხარჯავენ, რომ ჩაკლან კონკურენცია, ე. ი. კერძო სავაჭრო ფლოტის განვითარების საფუძველი. ყველაზე საწყენი კი ისაა, რომ ქვეყნის სიძლიერისა და აყვავების ასეთი დიდი ფაქტორის ხელაღებით მოსპობას სახელმწიფო ინტერესებისადმი პატრიოტული სამსახურის მნიშვნელობას ანიჭებენ. უბრალო საღი აზრითა და ლოგიკით აუხსნელი ამ ცნების დამახინჯება ადვილად აიხსნება კონცესიური მაგიით, რომელმაც რუსეთს არგუნა ფინანსიური გაჩანაგება და ისეთ მარადუკვდავ პირთა სახელები, როგორიცაა: პატრიოტი პოლიაკოვი, სწავლული სტატისტიკოსი ბლიოხი; საზოგადოებრივ ინტერესთა ქომანნი: როზენტალი, სუშჩევი, კოკორევი და მისთანანი; რუსეთის არმიის ქველმოქმედნი: ვარშავსკი, მალკიელი, გორვიცი, კოვანი, მირზოევი და ყველა ისინი, რომელთა სახელებიც ჭერ კიდევ კანცელარიის კედლებში იმალება და ალბათ სულ მალე მოიპოვებენ სათანადო აღი-

რებას, როდესაც ოდესის საქმიანი კომისია ჩვენი არმიის უკანასკნელ საომარ მოქმედებათა მომარაგების ანგარიშებსა და ხარჯთაღრიცხვას შეიმუშავებს.

სუფსიდიები საერთოდ ისეთი მოვლენაა, რომელიც ეწინააღმდეგება ზნეობას და სამართლიანობას, ხოლო პოლიტიკურ-ეკონომიური თვალსაზრისით იგი ერთ-ერთი ყველაზე მცდარი და მავნებელი პროცესია. თანასწორუფლებიანობა ის ძირითადი დოგმატია, რომელიც აღიარა ევროპულმა ცივილიზაციამ და ამ საერთო კანონის დარღვევა მხოლოდ ბოროტმოქმედებას იწვევს. სუფსიდიები განსაკუთრებულ მდგომარეობაში აყენებენ მათ, ვინც ამ სუფსიდიებს იღებენ, არღვევენ ყველა დანარჩენთა თანასწორუფლებიანობას და ახდევინებენ მათ ხარკს სუფსიდირებულთა სასარგებლოდ. ეს ხდება იმისათვის, რომ ცხოვრებაში ხელოვნურად გამოიწვიონ ცნობილი ეკონომიური მოვლენა გადაუდებელი სახელმწიფო მიზნების დასაკმაყოფილებლად. ამგვარი ამოცანის განხორციელება, რა თქმა უნდა, მსხვერპლის გარეშე არ ხდება, რასაც ყოველი ადამიანი დაეთანხმება, მაგრამ ეს მსხვერპლი, როგორც ამბობენ, უნდა მივიტანოთ სამშობლოს სამსხვერპლოზე და საერთო კეთილდღეობას უნდა ემსახურებოდეს. სუფსიდიები კი ქმნიან მონობოლიებს, ე. ი. ძალას, რომელიც თავისი არსით საერთო კეთილდღეობას ეწინააღმდეგება, ხოლო მისი რეგულირება იმას ნიშნავს, რომ ყველა ადმინისტრაციული ღონისძიება უძლური და უვნებელი გაცხადოთ. ეკონომიური თვალსაზრისით კი სუფსიდიები იმისათვის ეძლევათ, რომ განვითარდეს ძნელად მისაღწევი, მაგრამ ქვეყნის საერთო პროგრესისათვის აუცილებელი საქმე, კერძო წარმოება. კერძო საწარმო მხოლოდ მაშინ იქნება კერძო, როცა აგი კერძო პირთა სახსრებით იქმნება. სუფსიდიების დახმარებით კი იქმნება კერძო საწარმოთა ახალი სახე, რომელიც ემყარება სახელმწიფო სახსრებით კერძო პირთა უზრუნველყოფას. ამგვარად, მთავრობა ხარჯავს ფულს, ხოლო კერძო პირი ღებულობს მას და ხდება საწარმოს მესაკუთრე. ამაზე უფრო მავნებელი რა უნდა იყოს სახელმწიფოს ეკონომისათვის? მთავრობა იღებს მსხვერპლს, ხოლო ამ მსხვერპლით სარგებლობს არა მთელი ქვეყანა, არამედ რამდენიმე კერძო პირი, რომლებიც კონცესიური მაგიის მეშვეობით გვარწმუნებენ, რომ ხალხს შეიძლება დავაკისროთ როგორც გნებავთ გადასახადი, მაგრამ აუცილებლად უნდა გვაემდიდროთ რამდენიმე სანდო, რჩეული ადამიანი. მსოფლიო პრაქტიკა გვარწმუნებს, რომ ასეთი პირები ბოლოსდაბოლოს არასანდონი აღმოჩნდებიან ხოლმე, მაგრამ ისე მტკიცედ იკიდებენ

ფეხს სახელმწიფო სკივრის მახლობლად, რომ შეუძლებელი ხდება მათი თავიდან მოცილება და სხვებით შეცვლა. სხვათაშორის, საჭირო არაა მიინცადამაინც შორეულ წარსულს ჩაწვდეთ; ჩვენთვის ისედაც კარგ მაგალითს გვაძლევენ ჩვენი სანდო გმირები: პოლიაკოვი, ბლიოხე, გორვიცი და სხვები, რომელთა ეშმაკური ხრიკები პრესამ ამხილა, მაგრამ ამას ხელი არ შეუშლია მათთვის განემტკიცებინათ თავიანთი საზოგადოებრივი მდგომარეობა.

საუბედუროდ, კონცესიურმა ზღვაოსნობამ განსაკუთრებით ფართო გაქანება კპოვა შავ ზღვაზე და შესაფერისი ნაყოფიც გამოიღო. შავ ზღვაზე არ არსებობს ისეთი კაბოტაჟი და თევზჭერა, რომელსაც შეუძლია კონკურენცია გაუწიოს „რუსეთის საზოგადოებას“ და ყველას საკეთილდღეოდ გააფართოვოს ტვირთის გადაზიდვის ფრახტი. საქმე იქამდეც კი მივიდა, რომ, მიუხედავად მანძილის დიდი სხვაობისა, ტვირთის გადაზიდვა ოდესიდან ფოთამდე ზოგჯერ უფრო ძვირი ჯდება, ვიდრე იმავე ტვირთის შემოტანა მარსელიდან და ლონდონიდან. იყო იმის იმედები, რომ „საზოგადოების“ არსებობის ოცი წლის ვადის გასვლის შემდეგ, მისი პრივილეგიები შეიკვეცებოდა და მთავრობა მიიღებდა საჭირო ზომებს იმისათვის, რომ მფარველობა გაეწია მთელ ზღვაოსნობაზე, მაგრამ ეს იმედი არ გამართლდა. მიუხედავად უამრავი ქალაქისა, რაც დაბეჭდილი და დაწერილი პროტესტებისათვის დახარჯეს, მიუხედავად დისპუტებისა, ვაჭრობისა და ზღვაოსნობის ხელშემწყობი საზოგადოების მიმართვებისა, ყველაზე სასარგებლო „რუსეთის საზოგადოების“ კონცესიური წერილი აღმოჩნდა, რაც სუფსიდიების კიდევ თორმეტი წლით გაგრძელების საფუძველი გახდა და, ამასთან ერთად, შემცირდა გრძელი, სავალდებულო რეისები. ახლა კი ომსა და კონცესიურად სავალდებულო საზოგადოებრივ სამსახურს შეუძლია კიდევ და კიდევ გაახანგრძლივოს მათი მონოპოლია, კიდევ და კიდევ მეტი უფლება მისცეს ამოიღოს სახელმწიფო სკივრიდან სახსრები შავი ზღვის საეკონომიკური ზღვაოსნობის განვითარების დასაბრკოლებლად. ამგვარად, არავითარი იმედი არაა იმისა, რომ შავ ზღვაზე საეკონომიკური ზღვაოსნობის მონოპოლიას ბოლო მოეღება, რაც, ჩვენი ღრმა რწმენით, მთავარი დაბრკოლებაა შავ ზღვაზე ნაოსნობის განვითარებისათვის.

ამ „საზოგადოების“ მთელი დამსახურება ისაა, რომ იგი 100-მდე გემს ფლობს და ამასთანავე სამგზავრო-საფოსტო რეისებიც აქვს. მაგრამ რუსეთს ეს 50 მილიონ მანეთზე მეტი დაუჯდა, ხოლო თუ ამ ციფრს 100-ზე გავყოფთ, მივიღებთ, რომ რუსეთს თითოეულ-

ლი გემი 500.000 მანეთი დაუჭდა და ისიც როგორი გემები: „გო-
ლუბჩიკი“, „ბაბუშკა“, „რიონი“ და ა. შ. არა, ეს ძალზე ძვირი
საშუალებაა ზღვაოსნობის განვითარებისათვის! მთავრობას რომ
ეს გემები ეყიდა და ისინი ეჩუქებია საზოგადოებისათვის იმ ვალ-
დებულებით, რომ შავსა და ხმელთაშუა ზღვებზე ტვირთის საზიდად
გამოეყენებია, ახლა აქ 200-ზე მეტი რუსეთის გემი იტურებდა,
250.000 მან. ღირებულების, ე. ი. ყველაზე დიდი რანგის გემები. აი
სახელმწიფო სუფსიდიების ნაყოფიერი გამოყენება შავი ზღვის ნა-
ოსნობისათვის!

არ შეიძლება ამავე დროს მხედველობაში არ მივიღოთ ერთი
კონცესიური თალღითობა, რომელიც საფრთხეს უქმნიდა და, ალბათ,
კვლავაც შეუქმნის შავი ზღვის ნაოსნობას. სახელდობრ, „საიალქნო-
გემთსაამშენებლო-საზღვაო-ტყისგამანადგურებელი საზოგადოების“
პროექტი, რომელსაც არ ვიცი ვინ უჭერს მხარს. ამ საქმის
წარმატებისათვის უნდა გაანადგურონ კავკასიის ნიჩბიანი ფლო-
ტილია, ხოლო 70.000 მანეთი, რაც მის შესანახავად იხარჯება, სა-
ჩუქრად მისცენ ამ საზოგადოების მომავალ გემებს, ამას დაემა-
ტება აღმოსავლეთ სანაპიროს ყველაზე საუკეთესო ხარისხის
ტყე. ამ საქმის მოსაგვარებლად პატრიოტული შრომა გასწია ბატ.
ვალდემარმა. იგი ესტუმრა აღმოსავლეთ სანაპიროს და მისთვის
დამახასიათებელი აპლომბით განაცხადა: „კავკასიის ნიჩბოსან ფლო-
ტილიას არავითარი სარგებლობა არ მოაქვს, ამიტომ საჭიროა მი-
სი მოსპობა და მომავალი „საზოგადოების“ ხეირიანი გემებით
შეცვლა. უმადლეს სფეროებში რომ მეცნიერული ავტორიტეტი
შეექმნა თავისი გადაწყვეტილებისათვის, მან კავკასიის ნიჩბოსანი
ფლოტილიის მოსპობის საკითხი რუსეთის უნივერსიტეტების პოლი-
ტიკური ეკონომიის პროფესორებს მიანდო. გაურკვეველია რატომ
მოიქცა ასე ბატ. ვალდემარი. პროფესორებს, რა თქმა უნდა, არ
შეეძლოთ გაეცათ გონიერული პასუხი მათთვის უცნობ საკითხებზე;
ეს იყო კონცესიური მაგიის სპეციალური მანევრი, რომელიც,
საბედნიეროდ, დღემდე რჩება უშედეგოდ. და, რა თქმა უნდა, სა-
სურველია, რომ ბატ. ვალდემარის პატრიოტული მეცადინეობა სა-
ერთოდ არ განხორციელდეს.

14. ბიბლიოგრაფია

(საბა-სულხან ორბელიანის „წიგნი სიბრძნისა და სიძრუისა“.

თარგმანი და განმარტებანი ალ. ცაგარელისა, სპბ 1878)

პეტერბურგის უნივერსიტეტის აღმოსავლური ენების ფაკულტეტის ქართული ენისა და ლიტერატურის პროფესორმა უფ. ალ. ცაგარელმა კეთილშობილური მიზანი დაისახა: გააცნოს თავის მსმენელებსა და მათთან ერთად განათლებულ საზოგადოებასაც მშობლიური ლიტერატურის საუნჯე. მისი აზრით, რომელიც საფუძვლიანია, თუმცა მაინცადამაინც ახალი არ არის, ძველი ქართული ლიტერატურის გაცნობა „არ იქნება უსარგებლო მსოფლიო ლიტერატურისათვისაც: მისი გამოკვლევა ხელს შეუწყობდა ზოგიერთი აქამდე ბნელი და დახლართული საკითხის გარკვევას, როგორც, მაგალითად, საკითხი აღმოსავლეთისა და დასავლეთის პოეტურ თქმულებათა და გადმოცემათა ურთიერთკავშირისა, — საკითხისა, რომელიც ამ ბოლო დროს მეტად იზიდავს მეცნიერებს“.

როგორცა ხედავთ მიზანი კეთილია, კეთილშობილური, ღირსი მეცნიერების ღონისძიებისა. მაგრამ, მიზნის დასახვა, მით უფრო, როცა იგი ყველასათვის ნათელია, და მისი მიღწევა — ორი სხვადასხვა ამბავია, და ბატ. ცაგარელმა წარმოგვიდგინა ამ გაცვეთილ ქეშმარიტების ახალი დადასტურება.

„საკითხი, რომელიც ამ ბოლო დროს მეტად იზიდავს მეცნიერებს“, საკითხი აღმოსავლეთისა და დასავლეთის გადმოცემათა, ლეგენდების. საგალობლებისა და ლიტერატურათა კავშირისა და ურთიერთობისა იმდენად გამოიკვეთა ზოგად ხაზებში, რომ ზოგადი პასუხებით ახლა ვეღარავინ დაკმაყოფილდება. ვფიქრობ, ამ საკითხის გადაწყვეტა შემდეგნაირად პასუხის გაცემაში მდგომარეობს: — ესა და ეს თხზულება ორიგინალურია, ხოლო ეს — აი ამ უცხოურიდან არის გადმოწერილი; ეს ნიშნავს, რომ ეჭვიც არ არის კაცობრიობის კულტურის ისტორიის ძირითად მოთხოვნელებათა არსებობაში. ძველად, მართლაც, სწავლულები თავებს იმტერევდნენ იმ საერთო პროტოტიპის ძიებაში, საიდანაც სათავეს იღებდნენ დედამიწის მრავალნაირი ხალხების თქმულებები, აზ-

რები, ფიქრები და ცნობანი. საკითხი, იყო თუ არა როდისმე ასეთი პროტოტიპი, თუ სხვადასხვა ხალხთაგან თითოეული დამოუკიდებლად ვითარდებოდა, დიდი ხნის განმავლობაში ორ ბანაკად ჰყოფდა სწავლულებს. იგი არსებითად ქვეგანაყოფი იყო უფრო ზოგადი საკითხისა, რასაც ცოტა მითქმა-მოთქმა არ გამოუწვევია სწავლულთა სამყაროში — საკითხი „ადამიანთა მოდგმის ერთიანობისა“, მაგრამ, — „უკანასკნელ ხანს“, მასალების უკმარისობის გამო, ამისთანა ვრცელი საკითხების გადაწყვეტასა და ასეთი საკითხების დაყენების უსარგებლობაში მეცნიერთა ღონისძიებამ სხვა დანიშნულება მიიღო. უკვე ცოტა მონაცემი არაა მიღებულა იმ აზრის დასამტკიცებლად, რომ ერთი და იგივე მდგომარეობა და ერთი და იგივე მოთხოვნილებები ორ ხალხში, რომელთაც სრულიად არავითარი ურთიერთობა არ მოეპოვებათ, წარმოშობენ ერთგვარ ცნებას, პოეტურ სახეებს; აზრებს, ლეგენდებს, ბევრებსა და სიტყვებს. ვიდრე ასეთ სახეთა, სიტყვათა და ა. შ. წარმოშობის საერთო კანონებს გამოვიყვანდით, და ადრე, ვიდრე მათ შედარებითი ემბრიოლოგიის საკითხებს ჩაუვლრმავდებოდით, აუცილებელი აღმოჩნდა ჯერ თითოეულ ცალკე ხალხში გაგვერკვია ასეთი მოვლენების კერძო ემბრიოლოგია. მხოლოდ ასეთი სამუშაოს შესრულების შემდეგ გახდება შესაძლებელი ცლა რამდენადმე დამაკმაყოფილებელი განზოგადებისა...

მაგრამ, რა არის ხალხის აზრის კერძო ემბრიოლოგია? მისი წერილობითი ძეგლების მარტივი გადაბეჭდვა, ან მისი ზეპირი თქმულებებისა და სიმღერების თუთიყუშებივით ჩაწერა? ყველა ხალხისთ დამეთანხმება, რომ — არა. ამგვარი სამუშაო ხვედრია გაუნათლებელი შავი მუშებისა, რომელთაც სხვით არაფრით შეუძლიათ ემსახურონ ხალხმცოდნეობის მეცნიერებას. მეცნიერი, რომელიც ამ მასალას ეხება, მოვალეა აგვიხსნას, თუ რა პირობების გავლენით, რა საჭიროებისა და მოთხოვნილების ძალით იბადებოდა, ვითარდებოდა და სახეს იცვლიდა ხალხის ესა თუ ის აზრი, რა პირობებს შეეფერებოდა იგი, ხალხის ცხოვრების უპირველეს მოთხოვნილებათა დამაკმაყოფილების ძალით რომელ ეპოქაში ხდებოდა იგი პოპულარული და როდის ქრებოდა, მუხჯდებოდა, დავიწყებას ეძლეოდა... შემდეგ. ხალხური თქმულებები და ლიტერატურული ნაწარმოებები ნამდვილ მეცნიერთა ხელში იქცევიან კუვიეს იმ კურკად, რაზედაც შეიძლება წარმოიქმნას ცოტად თუ ბევრად ზუსტი და მთლიანი სახე ხალხის ცხოვრებისა და ხალხური მსოფლმხედველობისა გარკვეულ პერიოდში. როგორ არის წარმოსახული ამ თქმულებებში მათი თანამედროვე ცხოვრე-

ბა, როგორ ჩნდება მათში იმ დროის ხალხის აზრი, — აი მთავარი საკითხები, „რომელიც ამ ბოლო ხანებში მეტად იზიდავს მეცნიერებს“.

ამ თვალსაზრისით რომ შევხედოთ ბატ. ცაგარელის შრომას, უნდა ვაღიაროთ, რომ ჩვენს ახალგაზრდა მეცნიერს ჯერ არ დაუყენებია თავის წინაშე ასეთი ამოცანები. იგი იფარგლება მთარგმნელისა და კომენტატორის მოკრძალებული მოღვაწეობით.

მაშასადამე, მოვალენი ვართ ასეთი საკითხი დავუხვავთ თავს: რამდენად მიზანშეწონილია ასეთი მუშაობა?

მეცნიერს, რომელსაც მთელი თავისი ცხოვრება ქართული ლიტერატურისა და ისტორიისათვის შეუწირავს, შეიძლება ორი დამოუკიდებელი ამოცანა ჰქონდეს: დაამუშაოს წყაროების მიხედვით ქართველი ხალხის ლიტერატურის ისტორია და ცხოვრება, ან გააცნოს უცხოელებს სწორედ ეს ისტორია და სიმდიდრე ამ ლიტერატურისა, მაგრამ მიზანშეწონილია სხვებს გააცნო ის, რაც შენ თითონ ჯერ კიდევ კარგად არ იცი? საქართველოს ისტორია ხომ არ აგებს იმით, რომ ჯერ კიდევ დაუინტერესებელ პირთ მას აცნობენ მის პრიმიტიულ მდგომარეობაში, ყველა მთავარი მხარის საკმაოდ გაუშუქებლად? რამდენად შეუძლიათ უცხოელებს დაინტერესდნენ ჩვენი მარტივი მეცნიერული ულუფით, როცა მათ მადლობა ეთქმით იმისათვისაც, რომ დათანხმდებიან გაეცნონ ჩვენი წარსული ცხოვრების საბოლოო დასკვნებსა და დასრულებულ სურათებს? აი საკითხები, რომელთა მხოლოდ დაყენებაც კი უკვე იძლევა დადებით პასუხს აუცილებლად უარყოფითი აზრით:...

ამასობაში, არც ჩვენს ისტორიას, არც ჩვენს ლიტერატურას აქამდე თითიც არ მიჰკარებია, თუ სიტყვა „თითში“ ამ საქმისადმი ნამდვილი მეცნიერის გააზრებით დამოკიდებულებას ვიგულისხმებთ.

უფ. ცაგარელი, მაგალითად, ამბობს:

„აგრეთვე მრავალრიცხოვანი და მრავალნაირი არიან ქართული ხალხური ზეპირი თქმულებები, მაგრამ, სამწუხაროდ, მხოლოდ ახლახანს მიაპყრეს მათ ყურადღება და დაიწყეს მათი შეგროვება. ამ მხრივ განსაკუთრებული გულმოდგინებითა და საქმისადმი სიყვარულით გამოირჩევიან უფ. უფ. უმიკაშვილი და გოგებაშვილი“.

მაგრამ ეს ამონაწერი უკვე მოწმობს უფ. ცაგარელის ზერელე დამოკიდებულებაზე ხალხურ თქმულებათა შეკრების საქმისადმი. მრავალრიცხოვანი და მრავალფეროვანი არიან თუ არა ისინი, ამის გადაწყვეტა არავის შეუძლია უბრალოდ იმიტომ, რომ ჯერ არ დაბადებულა ქართველი კარაჯიჩი და ხალხური თქმულებები ჯერ

არავის შეუტყობია. მიუხედავად იმისა, რომ ჩვენ განსაკუთრებულ ცნობისმოყვარეობით ვადევნებდით თვალს ამ საქმეს და ვიცით უკვე შეკრებილი და ჭერ გამოუტყემელი კოლექციების მდგომარეობა, უნდა ვალიაროთ, რომ მხოლოდ კომპლიმენტად შეიძლება მათ კოლექცია ეწოდოს... უნდა შევნიშნოთ, რომ ყველას არ შეუძლია გასწიოს კარაჯიჩობა. ხალხური პოეტური თქმულებებისა და სიმღერების შესაქრებად სულ მცირე — პოეტური ალღო მაინცაა საჭირო. მაგალითად, ყველა სიმღერა, შეკრებილი უფ. უმიკაშვილის მიერ და უფ. გოგებაშვილის სახელმძღვანელოში დაბეჭდილი (ამ უკანასკნელს, რამდენადაც ვიცით, არავითარი თქმულებები არ შეუტყობია), სრულიად ვერ გადასწონის იმ ორიოდ — სამი ხალხური სიმღერის ღირსებას, თავ. ი. გ. ჭავჭავაძეს რომ ჩაუწერია დუშეთში და დაბეჭდილია მის მიერ ჟურნალ „კრებულში“. და ეს იმიტომ, რომ თავ. ჭავჭავაძემ იცის, თუ როგორ გაარჩიოს ერთმანეთისაგან ძველი და ხალხური ახლისა და მწერლურისაგან, პოეტური—გამოკოპიტებულისაგან, დამახასიათებელი — უფერული-საგან. როცა შემკრებლებს ასეთი კრიტერიუმი არ გააჩნიათ, გამოდის არა კარაჯიჩის კოლექცია, არამედ რაღაც დომხალი, რომელიც უფრო აბნელებს, ვიდრე გამოიკვლევდეს ამ ხალხის პოეტურ შემოქმედებას...

გარდა ხალხური თქმულებებისა, ქართველი ხალხის განვითარების ისტორიის წყაროდ შეიძლება გამოდგეს მრავალრიცხოვანი ძეგლები, რომელნიც უამრავია რუსეთისა და ევროპის კერძო და საჯარო ბიბლიოთეკებში. მეცნიერი, რომელიც მიზნად დაისახავს თავისი სამშობლოს წარსულის შესწავლას, ძვირფას საბუთებს იპოვნიდა მრავალრიცხოვანი ელჩების, კონსულების, მისიონერებისა და ვაჭრების პატაკებსა და ჩანაწერებში, რომელთაც გაუვლიათ ან უცხოვრიათ ჩვენს ქვეყანაში. ჩვენ თვითონ არა ერთხელ გვქონია შემთხვევა პარიზის ნაციონალურ ბიბლიოთეკაში, British museum-ში და საფრანგეთის საგარეო საქმეთა სამინისტროს არქივში მრავალი ამგვარი საბუთის ცქერით დაემტკბარიყავით. უფ. ნ. ყაზბეგმა რომში ნახა არა ნაკლებ ძვირფასი საბუთები, შემდეგ მის მიერ „კავკაზში“¹⁹ აღწერილი, ქართველი ხალხის გადმოცემებზე, სამართალზე, წეს-ჩვეულებებზე და ყოფაცხოვრებაზე მათში მრავალი ცნობაა. და, ბოლოს, ჩვენს ბიბლიოთეკაში დასტობით აწყვია ჭერ კიდევ აქამდე გამოუტყემელი ქართული თხზულებანი. ვფიქრობთ, რომ მეცნიერი სპეციალისტებისათვის ეს წარმოადგენს სრულიად საკმაო ასპარეზს მიზანშეწონილი მოღვაწეობისათვის, თუ კი კეთილი სურვილი იქნება...

მაგრამ, ჩვენ გადაუხვევით უახლოესი ამოცანისაგან — გავარჩიოთ უფ. ცაგარელის თარგმანი. ვეჭვობ, რომ „ობზორის“² მკითხველებისათვის აუცილებელია შევნიშნოთ — „წიგნი სიბრძნისა და სიცრუისა“ განსაკუთრებულად ორიგინალური ქმნილებაა საბა-სულხან ორბელიანისა, შედგენილი ზნეობრივი სენტენციების საფუძველზე. საქართველოში ეს წიგნი გავრცელებულია და მას იცნობს თითქმის ყველა ოჯახი, თუნდაც ნაწყვეტებით. უფ. ცაგარელს მიზნად დაუსახავს მისი თარგმნა. თხზულების შემადგენელი ნაწილების სხვა ლიტერატურათა ანალოგიური ნაწარმოებებისათვის შედარებით, იგი მიდის დასკვნამდე, რომ წიგნი უმეტესად სრულიად ორიგინალურია და არსაიდან არ არის გადმოდებული. მთარგმნელს წიგნისათვის დაურთავს მცირეოდენი ბიოგრაფიული ცნობები, მეტწილად სრულიად მწირი. აი ის, რაც შეიძლება ითქვას მისი ნაშრომის არსზე.

რაც შეეხება მის გარეგნულ მხარეს, უნდა ვთქვათ, რომ თარგმანი ცუდადაა შესრულებული. იმისათვის, რომ იგი გასაგები იყოს, აუცილებელია ქართული ენის ცოდნა და ისევე უკან თარგმნა რუსული ფრაზებისა. მხოლოდ მაშინ ხდება გასაგები მათი აზრი. წერილი რომ არ დავტვირთოთ ბევრი ამონაწერით, მოვიტანთ ხელში მოხვედრილ პირველსავე ადგილს: „Одна кошка ходила туда-сюда, нашла одну мертвую львицу, у которой остался в живых (одна?) львенок“ და ა. შ. (стр. 159).

საეჭვოა, რომ ამისთანა თარგმანებმა საზოგადოება ქართული ლიტერატურის გაცნობისათვის წაახალისოს. მართალია, მთარგმნელი თარგმნის ნაკლს აბრალებს სურვილს, რომ ორიგინალთან ახლოს იდგეს, მაგრამ თვით მისი განმარტება აჩვენებს, რომ ჭერ საკმაოდ არა აქვს შეგნებული ამგვარი თარგმნებისადმი წაყენებული თანამედროვე მეცნიერების მოთხოვნილება. ვერც საზოგადოებისათვის ამ ენის იდიომატიზმის გაცნობის სურვილი, ვერც მსმენელთათვის გაადვილების მოსაზრება ვერ გაამართლებს ორიგინალის გაფუჭებასა და მისი აზრის დაბნელებას. ეს ხომ იმასა ჰგავს, რომ დაკანონდეს აუცილებლობა ასეთი თარგმანისა: „Слова на крышу не бросай“.

ერთი სიტყვით, ჩვენ უფრო საბუთიანი ახსნა მოგვეპოება თარგმნის ნაკლოვანებებისა. უფ. ცაგარელი, უბრალოდ, მეტად სუსტად იცნობს რუსულ მეტყველებასა და ცუდად იცის იგი. იგი, მაგალითად წერს: „Чтобы всякий из них... взял бы“ (стр. 2), „Чтобы сказанное или понравилось бы всем“ (стр. 5). აღარ გვინდა ამ სიის გაგრძელება. გამოვთქვამთ მხოლოდ სურვილს, რომ უფ. ცა-

გარეშმა შემდეგი თარგმანები შესამოწმებლად აძლიოს ხოლმე რომელიმე თავის პატივცემულ თანამოძმეს პროფესურიდან.

კიდევ ერთი მცირე შენიშვნა:

თავისი ქართული ენის „გრამატიკული ლიტერატურის შენიშვნებში“ უფ. ცაგარელი წერდა (გვ. 100): „ამ წიგნის სათაურს „სიბრძნე სიცრუისა“ მე ვთარგმნი სიტყვებით—„Мудрость вымысла“ და არა „Мудрость и ложь“ როგორც სხვადასხვა მთარგმნელები სჩადიან. ჯერ-ერთი, ამ სიტყვებს შორის (ქართულ ენაზე) არ არსებობს არავითარი დამაკავშირებელი ნაწილაკი, მეორეც, მეორე არსებითი სახელი დგას ნათესაობით ბრუნვაში, მესამეც“ და სხვ. და სხვ.

ახლა კი, თავისი თარგმანი, ყოველგვარი მიზეზის აუხსნელად, დაუსათაურებია — „Книга Мудрости лжи“. სწავლულთაგან, რომელნიც მეცნიერების არსს ასოებისა და ნაწილაკების მესაფლავეობაში და გათხრებში ხედავენ, საკუთარ დებულებათა ასეთი მსხვრევა, უფრო მნიშვნელოვან დებულებათა მოუტანლად, ვიდრე ეს „ნათესაობითი ბრუნვა პირველ სიტყვაში“, ვაი, თუ სიწმინდის შებღალვად მოეჩვენოთ.

15. ზღვაოსნობის მოთხოვნები

1

თბილისი, 8 ივლისი

თუ გამოვყოფთ იმ ძირითად აზრებს, რომელთაც ჩვენ ვანვითარებდით წინა სტატიებში, როცა ვმსჯელობდით რუსეთის სავაჭრო ზღვაოსნობის აწმყოსა და მომავალზე, საერთოდ და განსაკუთრებით კი შავი ზღვის ნაოსნობის შესახებ, მივალთ შემდეგ დასკვნაპდე:

ამჟამად სავაჭრო ზღვაოსნობის განვითარება წარმოადგენს ძირითად საშუალებას რუსეთის ეკონომიური მდგომარეობის გაუმჯობესებისათვის.

აქამდე ჩვენი სავაჭრო ზღვაოსნობა ისეთი ადამიანების და დაწესებულებების ხელში იყო, რომლებიც ცუდად იცნობდნენ ზღვაოსნობას და ამიტომ არაფრის გაკეთება არ შეეძლოთ იმისათვის, რომ მტკიცედ დაემკვიდრებინათ იგი რუსეთში. ზღვაოსნობის წარმატებით განვითარების ერთ-ერთ დამაბრკოლებელს წარმოადგენს საზღვაო კანონმდებლობა. უცხო ქვეყნებთან სავაჭრო შეთანხმებებს თითქოს იმიტომ ვდებთ, რომ მფარველობა გავუწიოთ მათ იალქნებს. ჩვენში არ არსებობს საზღვაო სკოლები. გვაქვს მხოლოდ მათი დაარსების ფართო გეგმა, რომლის დიდი წარმატებით განვითარების შემთხვევაშიც კი ჩვენს ფლოტს ეყოლება კარგი მეზღვაურები და ძალიან ცუდი შვიპერები და გემთმშენებლები. საზღვაო საქმიანობის წახალისება პრემიებითა და სუფსიდიებით კონცესიური წესით ხდება, რაც ამდიდრებს სანდო პირებს და იმ პატრიოტულ საზოგადოებებს, რომელთა საფუძველი ყალბი ეკონომიური პრინციპები და გაანგარიშებებია, რაც სახელმწიფო ბიუჯეტის სახსრებს ანადგურებს. სინამდვილეში ზღვაოსნობა, ე. ი. პატარა გემების მფლობელები, შვიპერები და მეზღვაურები ვერაფრით ვერ სარგებლობენ, რადგან არც კი იციან, ვის მიმართონ დასახმარებლად. ფინანსთა სამინისტრო, სადაც თავი მოიყარა ზღვაოსნობის ძირითადმა ძალებმა, პეტერბურგში იმყოფება, სადაც არხანგელსკის, შავი და კასპიის ზღვის მეზღვაურები ყოველთვის ვერ ახერხებენ ჩასვლას, ხოლო კიდევ უფრო ძნელია ჩასვლისთანავე ფრაკისა და ფერადი ხელთათმანების

ჩაცმა, თეთრი ყელსახვევის გაკეთება, ე. ი. ისეთი ტანსაცმელი: შონა, რომლის დანიშნულებაც მათ არ ესმით, და ასე გამოცხადება კანცელარიაში ან დეპარტამენტში თავიანთი გაჭირვების მოსახსენებლად და ბატ. სუშევის, ნოვოსელსკის, ჩიხაჩევის, პოლიაკოვის, ბლიოხისა და სხვების კონკურენციის გასაწევად... შეიძლება აღმოჩნდეს კიდევ ისეთი გაბედული მეზღვაური, რომელიც დაძლევს ამ ძნელ ევოლუციას, მაგრამ ადვილი შესაძლებელია ვერ მიაგნოს კანცელარიას ან სამინისტროს, რადგან ზღვაოსნობის ბევრ საკითხს წყვეტს მხოლოდ საგარეო საქმეთა სამინისტრო, სხვა საკითხებს — საზღვაო სამინისტრო და შინაგან საქმეთა სამინისტრო, ხოლო ზოგჯერ სამხედრო სამინისტროც კი, რომელიც აგრეთვე დაინტერესებულია სავაჭრო ზღვაოსნობით. მაგალითად, აშენებს სავაჭრო ნავსადგურს ფოთში. სავაჭრო ზღვაოსნობის საქმის ასე დანაწევრების დროს სხვადასხვა სამინისტროებს შორის, რაიმეს მიღწევა, ჩანს, მხოლოდ კონცესიონერებს შეუძლიათ...

რაც შეეხება უბრალო შვიპერებს ან გემის პატრონებს, მათ ამაზე ფიქრიც კი არ შეუძლიათ. მაშასადამე, მათ ისევ ადგილობრივი ადმინისტრაციის იმედი აქვთ, რომელსაც აგრეთვე ეყისრება საზღვაო რაიონებში იზრუნოს მშობლიური ქვეყნის ისეთი სასარგებლო საქმის განვითარებისათვის, როგორც სავაჭრო ზღვაოსნობაა. მაგრამ ადგილობრივი ადმინისტრაციის მზრუნველობა პარალიზებულია იმით, რომ არ შეუძლია მიიღოს გადაწყვეტილება ისე, თუ არ წარუდგინა გეგმა და არ შეუთანხმდა თითქმის ყველა სამინისტროს. გარდა ამისა, მათ არც საშუალება აქვთ იმისათვის, რომ მზრუნველობა გამოიჩინონ: განსაკუთრებულ დავალებათა მოხელეები, რომლებიც ან ჰუსარები იყვნენ ან მართლმსაჯულების მსახურნი, ანდა უბრალო ადამიანები, ადგენდნენ უამრავ პროექტებს და წერილებს იმის შესახებ თუ როგორ უნდა განვითარდეს სავაჭრო ფლოტი. საბედნიეროდ, ყველა ეს ღირსეული ნაშრომი უყურადღებოდ ჩააკერეს საქმეში სხვადასხვა ადგილას და სხვადასხვა დაწესებულებაში. ამ მხრივ განსაკუთრებით მძიმე მდგომარეობაში აღმოჩნდნენ შავზღველები. წარსულის მოგონებათა მორევში რომ არ ჩავეშვათ, საკმარისია გავიხსენოთ ნოვოროსიისკის გენერალ-გუბერნატორი, თავადი ვორონცოვი, რომელიც ოდესისადმი სიყვარულისა და მისი კეთილდღეობის უზრუნველყოფის გამო სისტემატურად უშლიდა ხელს ჩრდილოეთ სანაპიროს დანარჩენი ქალაქების განვითარებას, განსაკუთრებით კი აზოვის ზღვის სანაპიროს. გენერალ-გუბერნატორის თანამდებობის გაუქმებასთან ერთად შავი ზღვის სავაჭრო ფლოტის ინტერესების და-

ვის მოვალეობაც გაიყო. ახლა ოდესის ქალაქის თავს და ქერჩის პოლიციმეისტერს თანაბრად დიდი მნიშვნელობა აქვთ სავაჭრო ზღვაოსნობის ბედის გადაწყვეტაში. ზოლო მათ პროექტებს და წინადადებებს კიდევ უფრო მეტად შეუძლიათ დააფრთხონ ზღვაოსნობის ყველა ბუნებრივი ინტერესი, განსაკუთრებით თუ ბატ. ვალდემარი, რომელიც სხვადასხვა საზღვაო სკოლების დასაარსებლად ჩამოვიდა, მხარს დაუჭერს ამ პროექტებს უნივერსიტეტის პროფესორის ყოვლისშემძლე ავტორიტეტით და ხელოვნებით. ასე რომ, ყველაფერი, რაც შეიძლება ვუსურვოთ სავაჭრო ზღვაოსნობის განვითარებას, ისაა, რომ ვითხოვოთ შეამცირონ იმ პირთა რიცხვი, რომლებიც მოწოდებულნი არიან იზრუნონ ზღვაოსნობის განვითარებისათვის და, ამასთან, შექმნან ზღვაოსნობისათვის რაიმე სპეციალური საზღვაო დაწესებულება, რომელსაც ჩააბარებენ სახელმწიფო მეურნეობის ამ მნიშვნელოვან დარგს და რუსეთის ეკონომიური ცხოვრების პროგრესის ამ უძლიერესი იარაღის ბედს.

2

თბილისი, 10 იელისი

შავ ზღვას რუსეთისათვის უფრო დიდი მნიშვნელობა აქვს, ვიდრე ყველა სხვა ზღვებს. მაგრამ სავაჭრო ზღვაოსნობის განვითარებისათვის ყველაზე არახელსაყრელი პირობები სწორედ შავ ზღვაზე გვაქვს. აქ არა მარტო ყველაფერი თავიდან უნდა შეიქმნას, არამედ, უპირველეს ყოვლისა, უნდა დაიშალოს მთელი ქსელი, რაც ადგილობრივი ადმინისტრაციის მზრუნველობის წარმოუდგენელი შედეგების გამო შეიქმნა. ამისათვის საჭიროა ყველა იმ პირის კოლოსალური კოლექტიური შრომა, რომელთაც ესმით სავაჭრო ზღვაოსნობის მნიშვნელობა და იცნობენ მისი სწრაფი განვითარების საშუალებებს. პირველი ადგილი ამ საქმეში ეკუთვნით შავი ზღვის მეზღვაურებს, რომლებიც, საყვედურით არ ვამბობთ, აქამდე კმაყოფილდებოდნენ ბატ. ვალდემართან ბულგარებზე ბრძოლით, რამდენიმე სტატიით „ნიკოლაევსკი ვესტნიკში“ და ლექსებით, რომლებშიც შექმებულია სასმელეთო მეზღვაურების გმირობა, რომელთაც თავიანთი ენერჯია რუსეთში საზღვაო ცოდნის გავრცელებას მონადლომეს. ყველაფერი ეს არასოლიდურია და ჩვენ ასეთ რამეს არ მოველით შავი ზღვის მეზღვაურებისაგან, რომლებიც ვალდებულნი არიან მეტი ყურადღებით მოექცნენ და მეტი სარგებლობა მოუტანონ შავი ზღვის ყველასაგან დავიწყებულ სავაჭრო ზღვაოსნობას!

ამგვარად, ვიხილავთ რა ზღვაოსნობის საკითხს ამ მხრივ, იმ დას-

კვამდე მივდივართ, რომ აუცილებელია ერთი იდეა, ერთი საერთო ხელმძღვანელობა სავაჭრო ზღვაოსნობის წარმატებით განვითარებისათვის. სად და როგორ ვეძებოთ იგი?!

ჩვენ შეგნებული გვაქვს ყველა სიძნელე, რომელთაც შავ ზღვაზე სავაჭრო ზღვაოსნობის რაციონალური განვითარება წააწყდება, მაგრამ, მიუხედავად ამისა, მაინც ვფიქრობთ, რომ სწორედ ესაა უდიდესი სტიმული იმისა, რამაც უნდა გაიტაცოს ქვეშაირიტად ენერგიული ადამიანები, რათა შავი ზღვის დიად საქმეს ემსახურონ: *à vaincre sans péril, on triomphe sans gloire!*³⁴

როგორი დიდიც არ უნდა იყოს ჩვენი საინტენდანტო სამსახურის ცოდნები და პატრიოტული ზრუნვა იმისათვის, რომ მომარაგების მეშვეობით მოეტყუებინა და ეშინებინა ქრისტესმოყვარე ჯარი, მაგრამ ყოველივე ამას არ შეუძლია დაამტკიცოს, რომ ჩვენს საზოგადოებას უნარი არ შესწევს ემსახუროს იდეალურ მიზნებს. ამიტომ ჩვენ თავისუფლებას ვანიჭებთ ჩვენს ფანტაზიას და დარწმუნებული ვართ, რომ მოიძებნებიან მსურველები, რომლებიც დაინახავენ ჩვენს იდეალურ ვარაუდში სერიოზულ პრაქტიკულ სარჩულს და თავიანთი მეცადინეობით დაგვეხმარებიან მივალწიოთ ამ საკითხის ისეთ განმარტებას, რომ შეიქმნას საერთო გეგმა შავ ზღვაზე ზღვაოსნობის განვითარებისათვის.

ამისათვის ჩვენ არ გვყოფნის ნავსადგურები, სადაც გემებს უშიშრად შეეძლებათ დგომა, არა გვაქვს ტვირთი, რომლის გადაზიდვაც მათ შეეძლოთ, არ გავაჩნია ტექნიკური საშუალებები, რომელთა მეშვეობითაც ჩვენ შეეძლებდით აგვეგო და აღგვეჭურვა სავაჭრო ფლოტი და ა. შ. ერთი სიტყვით, ჩვენ არაფერი არ გავაჩნია, რაც საჭიროა ამგვარი მიზნისათვის და ამიტომ ამოცანა, რომელიც ჩვენ დავისახეთ, განუხორციელებელი ჩანს. მაგრამ ყოველ მსხვილ ეკონომიურ მოვლენას გააჩნია ისეთი მხარე, რომელიც თვალსაჩინოა და მეორე, რომელიც, თუმცა არ სჩანს, მაგრამ მაინც არსებობს და ხშირად უფრო დიდი მნიშვნელობა აქვს, ვიდრე პირველს. ჩვენ რომ არ გავაჩნია არც გემები, არც ნავსადგურები და არც ტექნიკური დაწესებულებები საზღვაო სარეწაოთა შესაქმნელად, ეს ყველასათვის ცხადია. მაგრამ საზღვაო სარეწაო აუცილებლად გვჭირდება, მის შესაქმნელად გვაქვს ყველა საშუალება, მაგრამ ყველაფერი ეს არაორგანიზებული, არარეალიზებულია და ამიტომ არ ჩანს. ასე რომ, საჭიროა ეს საშუალებანი თვალსაჩინო გავნადოთ და თავის ადგილი მივუჩინოთ! ამისათვის კი საჭიროა ბევრი ფული, ბევრი დრო, კიდევ უფრო მეტი ენერჯია, რათა ამ წარმატების ელემენტების შედარებითი მნიშვნელობა განვ-

საზღვროთ სუვოროვის სიტყვებით: დაკარგე ფული — არაფერი დაგიკარგავს, დაკარგე დრო — ბევრი დაგიკარგავს, დაკარგე ენერგია — ყველაფერი დაგიკარგავს!

ამიტომ, ვანიჭებთ რა ფულს ყველაზე მცირე მნიშვნელობას, ჩვენ მას დავითვლით მილიონობით და ყოველ ისეთ მილიონს, რომელიც რაციონალურად დაიხარჯება სავაჭრო ზღვაოსნობის განვითარებისათვის, მივანიჭებთ ერთი იმ ქვის მნიშვნელობას, რომელთაგანაც უნდა შეიქმნას ჩვენი საზღვაო ძლიერების შენობის ბალავარი.

ჩვენ უფლებას ვიტოვებთ რა შემდეგში წარმოგიდგინოთ გასავლის დაწვრილებითი ანგარიში, ახლა ავიღოთ ყველაზე დიდი თანხა, რაც შავ ზღვაზე ნაოსნობის განვითარებისათვის დაგვჭირდება. მაგალითად, სევასტოპოლში ცენტრალური ნავსადგურის მოსაწყობად, დუნაისა და სევასტოპოლს შორის ნავსადგურის, სევასტოპოლის აღმოსავლეთით დონის შესართავამდე და ქერჩის სრუტემდე საჭირო ნავსადგურების ასაშენებლად, ამ ნავსადგურებამდე რკინიგზის გასაყვანად, რათა სანაპირო ქვეყნის შიდა რაიონებს დაუკავშირდეს, აგრეთვე სანაპიროს განათება, ვთქვათ, ერთდროულად დაჯდება 100.000.000 მან.

გემთსაამშენებლო საშუალებათა ორგანიზაციისა და მის შესაქმნელად დონეცკის აუზში, დონის-როსტოვში, ხერსონში, ნიკოლაევში, ფოთში და ბათუმში ერთდროული ხარჯი, ვთქვათ, იქნება 50.000.000 მან.

შავი ზღვის კავკასიის სანაპიროს კეთილმოსაწყობად, ე. ი. ოთხი დიდი და შვიდი პატარა ნავსადგურის ასაგებად, ქვეყნის შიდა რაიონებიდან ამ ნავსადგურამდე რკინიგზის გასაყვანად, მომავალი დასახლებების ერთმანეთთან, სანავსადგურო ქალაქებთან და რკინიგზებთან დასაკავშირებლად ვივარაუდოთ, ერთდროული დანახარჯი 100.000.000 მან.

მთლიანად ჩვენ მივიღებთ 250.000.000 მანეთს, ანდა ერთ მილიარდ ფრანკს, ე. ი. ისეთ კოლოსალურ თანხას, რომელიც ბევრს იძულებულს გახდის ხელები გაასავსავოს და ჩვენი ვარაუდი ქიმერად მიიჩნიოს. როგორ, გვეტყვიან ჩვენ, „იმ დროს, როცა რუსეთი ფინანსიურ გადატრიალებას განიცდის“, „იმ დროს, როცა ომმა აუნაზღაურებლად შთანთქა მილიონობით მანეთი და ქვეყნის საწარმოო ძალებს უდიდესი ზიანი მიაყენა“. იმ დროს, როცა ლორდმა ბიკონსფილდმა ასე ცხადად დაამტკიცა, რომ რუსეთს ფინანსიური რესურსების ნაკლებობის გამო არ შეუძლია ომის გაგრძელება, იმ დროს, როცა ბატ. პოლიტიკა ყოველ დღე ამტკიცებს,

რომ სწორია ლორდ ბიკონსფილდის შეხედულება და უკიდურესი შოვინისტია ყველა, ვინც კი ფიქრობს, რომ რუსეთის სახსრები საბოლოოდ ჭერ კიდევ არ ამოწურულაო; იმ დროს, როცა პოლიტიკური მდგომარეობა და ა. შ. და ა. შ. — როგორ შეიძლება ვილაპარაკოთ ასეთ არარეალურ ხარჯებზე ზღვაოსნობის განვითარებისათვის. ჩვენ კი პირიქით ვფიქრობთ: სწორედ ამ დროსაა ყველაზე მეტად საჭირო ქვეყნის სამრეწველო ძალების განვითარებაზე ფიქრი და ლაპარაკი და, ნაცვლად იმისა, რომ კონცესიონერებს გადაცემა თანხა სპეკულანტების მიერ გაკოტრებული შუისკო-ივანოვსკის გზის ვიატკამდე გასაგრძელებლად, რათა უკანონოდ გვერდი აუარონ მისი უმადლესობის მიერ დამტკიცებულ ციმბირის გზის სამხრეთ მიმართულებას, ჩვენ ყველაზე პატრიოტულ და სასარგებლო საქმედ ვთვლით იმის დამტკიცებას, რომ აუცილებელი და შესაძლებელია ყველაზე დიდი თანხა დაიხარჯოს შავ ზღვაზე სავაჭრო ზღვაოსნობის განვითარებისათვის.

ცალკეული პირებისათვის, თუნდაც ეს ბატ. სუშევი, ბლიოხი, პოლიაკოვი და სტრუსბერგიც კი იყოს, რამდენიმე ასეული მილიონი წარმოუდგენელი თანხაა. მაგრამ უკანასკნელი 22 წლის მანძილზე რუსეთმა მილიარდები დახარჯა რკინიგზების ქსელის გასაყვანად, მილიარდები მშვიდობიანი დროის შეიარაღებაზე, მილიარდი სამხედრო ფლოტის შესანახად და ა. შ., როცა წლიური შემოსავალი 500 მილიონიდან 11 მილიარდამდე იყო, ვალების ჩაუთვლელად. ამ თანხასთან შედარებით რამდენიმე ასეული მილიონი სახელმწიფო ამოცანის შესრულებისათვის არ უნდა მოგვეჩვენოს შეუძლებელ ხარჯად. ჩვენ ვიცით, მაგალითად, რომ რკინიგზის ხაზი ვარშავა-პეტერბურგი-მოსკოვი-ნიენი-ნოვგოროდი 256 მილიონი დაჯდა, ე. ი. არა ნაკლები იმ ფანტასტიური ციფრისა, რასაც ჩვენ საქმარისად ვთვლით შავ ზღვაზე ნაოსნობის შესაქმნელად. ახლა შევადაროთ მიუკერძოებლად ამ ხაზის მნიშვნელობა ყველა სამხრეთის ოლქისა და კავკასიის სამეფისნაცვლოს კეთილმოწყობის მნიშვნელობას, აქტიურ საზღვაო ვაჭრობის შექმნასა და მთელი ჩვენი მანუფაქტურული მრეწველობის მიერ დამოუკიდებლობის მოპოვებას, ფაქტიურ საზღვაო ძლიერებას და მაშინ 250 მილიონი შავი ზღვის კეთილმოსაწყობად წარმოუდგენელ თანხად აღარ მოგვეჩვენება.

მოვიყვანოთ სხვა მაგალითი: თურქეთთან ომის დაწყებამდე უკანასკნელი წლების სამხედრო ბიუჯეტმა ყოველწლიურად 175.000.000 მანეთს მიაღწია, ე. ი. ყოველ 2 წელიწადში არმიის შესანახად იხარჯებოდა 350.000.000 მანეთი. რატომ არ უნდა დავხარ-

ჯოთ ომის დამთავრების შემდეგ 250 მილიონი საზღვაო ძლიერების შესაქმნელად, როცა სახმელეთო ძლიერებისათვის ყოველ 2 წელიწადში 350 მილიონი იხარჯება? განსხვავებას ამ ორ ამოცანას შორის ჩვენ ვერ ვხედავთ და ამიტომ ვერც ორივე ამ სახელმწიფო ამოცანისათვის გაწეული ხარჯების კანონიერებასა და მიზანშეწონილებას შორის ვხედავთ სხვაობას.

მაგრამ ჩვენ გვეტყვიან: ყოველივე ამის გამო თანამედროვე ფინანსური კრიზისი დაგვატყდება თავს. მაგრამ ეს სრულებითაც არაა მართალი. ფინანსური კრიზისი გამოიწვია ჩვენმა ფინანსურმა სისტემამ, კერძოდ მრეწველობის განვითარებისათვის უცხოური კაპიტალის შემოტანამ. როგორც ცნობილია, ეს სისტემა გამოიხატება იმაში, რომ სახელმწიფო ფულს სესხულობდა და კერძო მწარმოებლებს აძლევდა. სახელმწიფო თვლიდა, რომ ეს საწარმოები მას არ ეკუთვნის, მაგრამ მაინც პატიოსნად იხდიდა საწარმოთა ვალს. ამ პროცედურის შედეგად იცეკების, შლემოკების და შმულეებისაგან წარმოიქმნენ პირველხარისხოვანი ფინანსიური ვარსკვლავები, რადგან ყოველი მათხოვარი, რომელსაც სახელმწიფო წარმოებისათვის რამდენიმე მილიონ მანეთს აძლევდა, მთელი ამ თანხის პატრონი და კაპიტალისტი ხდებოდა. თითქოსდა, მეტი რაღა უნდოდათ? მაგრამ ჩვენი დიდად პატივცემული მშენებლები და მწარმოებლები ბატ. სამუელ სამუელოვიჩი, ბატ. ბლიახი, ვარშავსკი და სხვანი არ დაკმაყოფილდნენ ამით: მათ, ასე ვთქვათ, კიდევ გადამაღეს დიდი თანხები და, ალბათ, იმავე პროპორციით, როგორც გააჩნია მათი საწარმოების პროდუქტიულობას გარანტიის ანაზღაურებისა და ვალის გადახდის საქმეში. რა თქმა უნდა, რკინიგზები და საწარმოთა ადგილობრივი სიძნელებები აქ არაფერ შუაშია, — უმთავრესი სხვისი საკუთრების მითვისებაა, რასაც, მდგომარეობის მიხედვით, ან ძარცვა და ქურდობა ჰქვია, ან კონცესიური წესი, ანდა კერძო მრეწველობისათვის უცხოური კაპიტალის მოზიდვა. მაგრამ ხომ არ შეიძლება რუსეთის ამ დამლუპველმა სისტემამ მარადიულად იარსებოს? აქამდე მისი შენიღბვა შეიძლებოდა თანხის ერთი ბალანსიდან მეორეზე გადარიცხვით, ხოლო საჭიროების შემთხვევაში ღებულობდნენ ახალ უცხოურ სესხს და, ამიტომ ყველაფერი წესიერად გამოიყურებოდა. მაგრამ დაიწყო ომი, დასჭირდათ ფული, არა ანგარიშიდან ანგარიშზე გადასარიცხი, არამედ ნაღდი ფული. ბუხჰალტერიას თავის ციფრებით არ შეეძლო შეეცსო ცარიელი სკივრი და ამიტომ კრიზისის მიზეზად ომი გამოაცხადეს. რას იზამ? როგორც ცნობილია, ომი უბედურებაა, და გამოუსწორებელი უბედურება ისეთი საიმედო მოიქარადრეების წყალობით, როგორებიც

არიან გორვიცი, კოვანი, ვარშავსკი, ფალკენგაგენი და სხვები, რომელთაც ფულიც ბევრი აიღეს და ჭარიც საომარ მდგომარეობაში ჰყავდათ, ასეთ დროს კი, როგორც ცნობილია. არ შეიძლება ყველაფერი თავის დროზე, კარგი ხარისხისა და საკმაო რაოდენობით ჰქონდეთ. მაგრამ რა შუაშია აქ ომი? ყველა ეს მოღვაწე შვა ჩვენმა ფინანსიურმა სისტემამ, თითოეულ მათგანს ასწავლეს კაპიტალის ისეთი ხარჯვა, როგორიც გამოამქლავნეს და მათ მიერ არმიის მომარაგების შედეგები დაჟდა არა ნაკლები, ვიდრე რკინიგზების ქსელის გაყვანა... განსხვავება მხოლოდ ისაა, რომ რკინიგზებს ტიფი არ ემართებათ, შიმშილით არ კვდებიან და იძლევიან შემოსავალს, რომლითაც მათი მშენებლობის გაგრძელება შეიძლება. ჭარისკაცებს კი, როცა ცუდად კვებავენ, ჩვევად აქვთ ავად გახდომა და ისე კვდებიან ჰოსპიტალებში, რომ არაერთარ შემოსავალს არ იძლევიან, ამიტომ მომმარაგებელს შეუძლია მას ცოტა რამ ჩამოაჭრას, მაგრამ იმის დაბრუნება, რაც არ მიუცია, არაფრით არ შეუძლია, რადგან ჭარისკაცი ერთხელ კვდება, სიიდან ირიცხება და მწარმოებლისათვის უსარგებლოა.

ამ მოსაზრებათა საფუძველზე ჩვენ გადავწყვიტეთ გამოეთქვათ აზრი, რომ ფინანსიური კრიზისი, რომელიც თავს დაგვატყდა, სახელმწიფოს ღონისძიებათა განსახორციელებლად უგუნურად გაღებული ხარჯების ბრალია და არა იმის შედეგი, რომ ეს ღონისძიებები გააზრებული და განხორციელებული იქნა. ისინი რომ ისე განხორციელებიან, როგორც ჩაფიქრებული იყო, მაშინ ხელს შეუწყობდნენ ქვეყნის საწარმოო ძალების განვითარებას. ანაზღაურებდნენ გაღებულ ხარჯებს და არ გაანადგურებდნენ სახელმწიფო ხაზინის მთელ რესურსებს. მაგრამ სანდო კონცესიონერებმა და მათმა ხელშემწყობმა პირებმა ეს საკითხი სხვაგვარად გადასწყვიტეს. შედეგი კი სწორედ ისეთი მივიღეთ, რომელიც არითმეტიკის ენაზე ასე გამოითქმის: ბატ. X-ს ქონდა ფული, მაგრამ იგი მას გამოართვეს, მაშასადამე მას არაფერი დარჩა!

ამიტომ, ჩვენის ღრმა რწმენით, ზღვაოსნობის განვითარებისათვის რაციონალურად და განსაზღვრული გეგმით დახარჯულ 250 მილიონს უნდა მოჰყვეს საზღვაო ძლიერება და შავი ზღვის ირგვლივ მდებარე ყველა ოლქის კეთილდღეობა. მაგრამ 500 მილიონის ნაწილნაწილ დახარჯვა, კონცესიური ჩანაწერების მიხედვით, რასაც კანცელარული საიდუმლოების საფარ ქვეშ შოულობენ თავიანთთვის ისეთი მოგვები და პატრიოტები, როგორებიც არიან სამუელ სამუელოვიჩი, სუშევი, ბლიოხი, ვარშავსკი, ნოვოსელსკი, ჩიხაჩევი და სხვები, ემსახურებოდნენ ქვეყნის გაკოტრებას და სახელმწიფო ხაზინის სახსრების უნაყოფო განადგურებას.

16. ადგილობრივი მიმოხილვა

ლირსების სამსჯავრო

ამ დღით, სწორედ იმ დროს, როცა ბატ. ლოლობერიძეს, შეთანხმებისამებრ, უნდა გამოეგზავნა თავისი რწმუნებულები სამედიატორო ჩანაწერის შესადგენად, „ტიფლისკი ვესტნიკში“³ წავიკითხეთ შემდეგი:

„ლია წერილი „ობზორის“ რედაქტორს ბატ. ნიკოლაძეს“

„ტიფლისკი ვესტნიკში“ (№ 148) ჩვენს მიერ დაბეჭდილი ღია წერილის პასუხად ბატ. ნიკოლაძემ განაცხადა, რომ ამ წერილის საწინააღმდეგო თითქმის არაფერი არ აქვს. თუ ბატ. ნიკოლაძის მხრიდან ეს არ არის სამხედრო ეშმაკობა, სამედიატორო ჩანაწერების შედგენა სიძნელეს არ წარმოადგენს, რადგან ჩვენ მხოლოდ უმთავრეს საკითხებზე უნდა შევთანხმდეთ. ასეთ ვითარებაში, გადასაწყვეტი რჩება მხოლოდ ერთი უცილობელი საკითხი — ბატ. ნიკოლაძემ თავის მხრიდან მოსამართლეები უნდა აირჩიოს. როგორც კი ეს მოხდება, ჩემი რწმუნებულები მაშინვე მივლენ მასთან და შეუთანხმდებიან მას ჩანაწერის სხვა წერილმანების შესახებ. რაც შეეხება ბატ. ნიკოლაძის განცხადებას — თუ ჩემი რწმუნებულები არ გამოცხადდებიან „ობზორის“ რედაქციაში 11 ივლისამდე, იგი ამ საკითხს ჩათვლის დასამარბულად და ბრალდებას მიიჩნევს არა თუ უარყოფილად, არამედ — უდავოდ. მაგრამ ასეთი განცხადება არავისთვის არ შეიძლება სავალდებულო იყოს და ამით მხოლოდ ის მტკიცდება, თუ რა დიდი სურვილი აქვს ბატ. ნიკოლაძეს თავი აარიდოს შეთავაზებულ ღირსების სამსჯავროს.

ბ. ლოლობერიძე“.

ჩვენ ხელი მოკვიდეთ კალამს, რათა ღირსეულად შევაფასოთ ეს წერილი... ჩვენი პასუხი ემყარებოდა შემდეგ საფუძველს: 1. ჩვენ არ გვიკითხავს ბატ. ლოლობერიძისათვის — მიიღო მან თავისი მსაჯულების თანხმობა თუ არა, ამიტომ ამ საბაბის გამო მას არ შეუძლია თავის არიდება; 2. არ შეიძლება სთხოვო მსაჯულებს მონაწილეობა მიიღონ საქმეში, სანამ არ წარუდგენ სამედიატორო ჩანაწერის პროექტს, რათა იცოდნენ რა საკითხის გასარჩევად იწვევენ; 3. ჩვენს მიერ დასახელებულმა ზოგიერთმა მოსამართლემ პირდაპირ გამოსთქვა სურვილი გასცნობოდა ჩანაწერს მანამდე, სანამ საბოლოოდ დათანხმდება მონაწილეობა მიიღოს ღირსების

სამსჯავროში; 4. რადგან ჩვენ ჩვენს ულტიმატუმში განვაცხადეთ, რომ თუ ბატ. ლოლობერიძე სამშაბათამდე, 11 ივლისამდე, არ გამოგვიგზავნის თავის რწმუნებულებს, ჩვენ უარს ვიტყვით ღირსების სამსჯავროზე, — ახლა არ შეგვიძლია უკან წავიღოთ ჩვენი დაპირება, და თუ ბატ. ლოლობერიძეს მართლაც სურს აღიდგინოს საკუთარი ღირსება, დე მან მიმართოს საჩივრით ჩვეულებრივ სასამართლოს, რომელსაც, რა თქმა უნდა, თავს ვერ ავარიდებთ.

მკითხველს ადვილად შეუძლია წარმოიდგინოს როგორი ტონით და რა დაწერილებით იყო ჩამოყალიბებული ყველა ეს დებულება. რადგან ვფიქრობდით, რომ ბატ. ლოლობერიძემ ღირსების სამსჯავროს თავი აარიდა, ჩვენ დაუზოგავად ვურტყამდით...

ჩვენი სტატია დაწერილი და ნაწილობრივ აწყობილიც კი იყო, როცა 2 საათზე უკვე თვით ბატ. ლოლობერიძის ასეთი წერილი მივიღეთ:

„თბილისი, 11 ივლისი, 1 საათი და 30 წუთი
მოწყალეო ხელმწიფეე
ნიკოლოზ იაკობის-ძეე!

დღეს, საღამოს 9 საათზე, ჩემი რწმუნებულები გამოცხადდებიან „ობზორის“ რედაქციაში, რათა შევითანხმდნენ სამედიატორო ჩანაწერის შესახებ.

ბ. ლოლობერიძე“.

ჩვენ მოხარული ვართ, რომ იგი მიხვდა გამოესწორებინა თავისი პირველი შეცდომა და მოასწრო ამის გაკეთება მანამდე, სანამ ჭერ კიდევ გვიან არ იყო. ამგვარად, ახლა უკვე შეიძლება უზრუნველყოფილად ჩაითვალოს ღირსების სამსჯავროს საქმე. ჩვენ სრული მზადყოფნით მივიღებთ ბატ. ლოლობერიძის რწმუნებულებს, რათა დავაკმაყოფილოთ ყველა მათი სამართლიანი მოთხოვნა და იმედი გვაქვს, ისინიც ასევე მოიქცევიან. ვიმედოვნებთ, ბატ. რწმუნებულები დარწმუნდებიან, რომ ჩვენ მათ არ წაუფუცნებთ არცერთ უნიადაგო და უსაფუძვლო მოთხოვნას. უთანხმოების შემთხვევაში საზოგადოებას მიეცემა იმის საშუალება, რომ განსაჯოს — ვის მხარეზეა სიმართლე. მაგრამ საზოგადოების განაჩენი ძნელი გამოსამქლავნებელია და ამიტომ ჩვენ განვიზრახებთ წამოვაცუნოთ წინადადება: ყოველგვარი უთანხმოება ჩემსა და ბატ. ლოლობერიძეს რწმუნებულებს შორის, უაპელაციო განაჩენით უნდა გადაწყვიტოს რომელიმე პირმა (ანდა პირებმა) ურთიერთთანხმობით და ისე, რომ ორივე მხარემ იკისროს პატიოსნად აილოს ხელი ისეთ მოთხოვნებზე, რომელთაც ამორჩეული პირები არასათუქელიანად ჩათვლიან. ვფიქრობთ, რომ ამგვარი პირობის დროს ღირსების სამსჯავროს

ორგანიზაცია არ შეიძლება წააწყდეს ჩვენგან გამომდინარე რაიმე სიძნელეს.

* * *

რაც შეეხება „ქუთაისელს“, მან თავის თავზე არავითარი ცნობა არ მოგვაწოდა. იგი უბრალოდ გაქრა. მის მაგივრად „ტიფლისკი ვესტნიკში“ დღეს გამოჩნდა „ქუთაისელი № 2“, რომელსაც, ალბათ, შეშურდა ბრწყინვალე გვირგვინი, რომელიც მისმა წინაპარმა, № 1-მა „ქუთაისელმა“ თავზე დაიდგა... ყოველ შემთხვევაში „ქუთაისელი № 2“ ჯერჯერობით იმეორებს „ობზორის“ ადრინდელ აზრს, რომელიც ილაშქრებდა სასახლის ასაშენებლად ქალაქის საკუთრების გაყიდვის წინააღმდეგ მაშინ, როცა ქალაქის ქუჩებში სიარული შეუძლებელია. სავალალო მხოლოდ ისაა, რომ ბატ. „ქუთაისელი“ ამის შესახებ არაფერს წერდა იმ დროს, როცა საჭირო იყო, ე. ი. მაშინ, როცა საბჭოში ბანკის დამაარსებელთა საერთო თათბირის საქმე წყდებოდა. მაგრამ სჯობს გვიან, ვიდრე არასდროს!

სხვათაშორის, ბევრს იცინებს თავადი ბებუთოვი მოვლენათა „საბედისწერო გარდუვალობის“ გამო, როცა თავის გაზეთში დაინახავს ხელმოწერას „№ 2“. რა მწარედ დასცინოდა იგი „ნოვოე ვრემიას“³⁵ თანამშრომლებს, რომლებმაც ლაქიებისაგან გადმოიღეს ჩვევა ხალხის წინაშე წარმომდგარიყვნენ არა საკუთარი გვართ, არამედ — „ნომრით“. ნუ ჩავაფურთხებთ ჭაში, საყვარელო თავადო! „ტიფლისკი ვესტნიკსაც“ დაჭირდა დანომრილ... კორესპონდენტთა თანამშრომლობა.

* * *

„ბაკინსკი იზვესტიას“³⁶ განცხადების თანახმად, „მთხველებმა“, რომლებიც ნავთისმწარმოებლებმა დაიჭირავეს თავიანთი ინტერესების დასაცავად ბეჭდვითი ორგანოს მეშვეობით, მუშაობა დაიწყეს. პრესაში დადგა არა მარტო ნავთის სუნი, არამედ ყოველგვარი სისაძაგლის. დღევანდელმა ფოსტამ მოგვიტანა „სოკრემენაია იზვესტია“³⁷, რომელშიც აბისინიასთან კავშირის ზამოსკვარეჩიელმა მქადაგებელმა, ბატ. გილიაროვ-პლატონოვმა დაბეჭდა ერთ-ერთი ასეთი „მთხველის“ ნაწარმოები. ამ სტატიის კითხვის დროს ზამოსკვარეჩის თაიგულის სურნელებას თქვენ მთელ ვერსზე იგრძნობთ. „ობზორის“ მკითხველებს ჩვენ მხოლოდ მის ბოლო ნაწილს გავაცნობთ:

„ჩვენში რუსების მაგივრადაც — არარუსები ლაპარაკობენ. რუსეთის ტექნიკური საზოგადოების კავკასიის განყოფილების სხდომაზე, რომელიც ამა წლის 5 მაისს შედგა, გაისმა ხმა ბატ. ტვედლის.

წინადადების წინააღმდეგ, მაგრამ ვაი რომ ეს ხმა ეკუთვნოდა ინ-
ჟინერს ბატ. შტიემანს, არარუსული გვარის კაცს. რაც შეეხება
ჩვენებს, ბატ. გერსევანოვს და შავროვს, მათ ბატ. ტვედლის წი-
ნადადება სრულიად რაციონალურად და ჩვენთვის სასარგებლოდ
მიაჩნიათ, თუმცა თხოულობენ მცირედი შესწორების შეტანას.

შეიძლება ბატ. შავროვი და გერსევანოვი, როგორც ისეთი ადა-
მიანები, რომლებიც დაინტერესებულნი არ არიან ნავთობის საქ-
მით, ინდიფერენტულად მოეკიდონ ბატ. ტვედლის წინადადებას,
მაგრამ აი რა არის შესანიშნავი: როგორც გავიგეთ, ბატ. ნავთის-
მწარმოებლები, რომელთა ჯიბესაც საფრთხე ელის, დაკმაყოფილ-
დნენ იმით, რომ სამი ტელეგრამა გაუგზავნეს იმ პირებს, რომლებ-
ზედაც დამოკიდებულია ამ საქმის მსვლელობა. ბატ. ტვედლს არ
სძინავს. გავრცელებული ხმების თანახმად, მისმა საქმემ, გაიარა რა
ყველა ინსტანცია, განსახილველად გადაეცა კავკასიის მეფისნაც-
ვალს და ელის სახელმწიფო საბჭოს მიერ დამტკიცებას და, ალბათ,
დამთავრდება იმით, რომ მიიღებენ იმავე მწარმოებლების წინადა-
დებას, რომლებიც ითხოვდნენ, და რატომღაც აქამდე ვერ მიიღეს
თანხმობა, გაეყვანათ რკინიგზა ნავთის საარეწაოებიდან ზღვამდე,
გზა, რომლის სიგრძე სულ რაღაც 10—15 ვერსი იქნება და მათ მის-
ცემდა შესაძლებლობას შეემცირებიათ ნავთის ფასი, რადგან ამჟა-
მად არსებულ გზაზე ნავთის გადაზიდვა დამოკიდებულია მეურმე-
ებზე, რომლებიც ამ ოპერაციას ადამისდროინდელი საშუალებებით
აწარმოებენ, რასაც ბევრი დრო და ფული მიაქვს. მართალია, ბატ.
ნობელსა და მირზოევს (კვლავ არარუსული გვარები!) ნება დართეს
ამ მონაკვეთზე გაიყვანონ ნავთსადენი, მაგრამ საფიქრებელია ისიც,
რომ თუ ეს საქმე მთლიანად არ დაბრკოლდა, განხორციელდება
მხოლოდ მაშინ, როცა ბატ. ტვედლი და H^o განახორციელებენ თა-
ვიანთ მტაცებლურ ჩანაფიქრს. თუმცა ბატ. ნობელსა და მირზოევს,
არარუსული გვარები აქვთ, მაგრამ არც რუსები არიან ამერიკელები
და არც მათი ინტერესებია ამერიკული. დაე, ინებოს დიდი რუ-
სეთის ღმერთმა, რომ ჩვენი ვარაუდი არ გამართლდეს...”

ბატ. შავროვს და გერსევანოვს ბრალს ღებენ რუსეთის ინტერესების
ლალატში, მაგრამ განა შეიძლება ამაზე უფრო შორს წავიდეს
მოსკოველთა ისტერიულობა! — „ძირს ტვედლი, ძირს ყველა,
მიეცი თ ყველაფერი ვ. ა. კოკორევს! ასე ითარგმნება მოსკოვის
სულელური გაზეთის პატრიოტულ სიტყვათა ამოფრქვევა. მაგრამ
ბატ. გერსევანოვები, შავროვები და მისთანანი სწორედ იმით ამქლავ-
ნებენ თავიანთ ქმედით სიყვარულს რუსეთისადმი, რომ არ სურთ
მისცენ იგი მონოპოლიურ მფლობელობაში არც კოკორევს, არც

მირზოევს და არც ტველს. მათ მხოლოდ რუსეთის ძალების გან-
ვითარება სურთ, სულერთია ვისი ხელითაც არ უნდა ხდებოდეს
ეს...

მაგრამ ამ სტატიაში არის ერთი მარგალიტი, რომელიც ნავთის-
მწარმოებლებს გვინდა მივართვათ. როგორც ცნობილია, პირველად
მათ დააყენეს საკითხი მკავე ნაციონალურ ნიადაგზე და ბატ. ტველ-
ლის წინააღმდეგ, როგორც ძირითადი იარაღი, წამოაყენეს ის აზ-
რი, რომ იგი ამერიკელია და არა რუსი. ამ აზრს მსვლელობა მიეცა.
ახლა ხომ ხედავთ მის ეფექტს? თქვენვე ბატ. ნობელო, მირზოევი
და სხვ. ახლა თქვენზე იარაღით გებრძვიან, ცდილობენ თქვენვე
ჩამოგაცილონ საქმეს ბატ. კოკორევისა და K⁰-ს სასარგებლოდ. გაი-
გეთ ახლა სახარების წინასწარმეტყველების მთელი სიბრძნე — „რო-
მელმან აღიღოს მახვილი, მახვილითამცა წარწყმდეს!“.

თუმცა ჯობია ეს საკითხი საღი აზრის ეკონომიურ ნიადაგზე გა-
დავიტანოთ. ვინ არ იცის, რომ კაპიტალისტებს სამშობლო არ გა-
აჩნიათ, და ინგლისი რომ დათანხმდეს მისცეს ბატ. კოკორევის (მა-
გალითად) იჯარა იარაღისა და მარაგის მიწოდებაზე, იგი სიამოვნ-
ებით მოჰკიდებდა ხელს ამ საქმეს. იგი მხოლოდ ორ გარემოებას
შეეძლო შეეჩერებინა: პირველი იმას, რომ ინგლისში გაბერილი თა-
მასუქებითა და ყალბი ამხანაგობებით (როგორიც ბაქოს ნავთობის
საზოგადოებაა) შორის ვერ წახვალ... ხოლო მეორე, ინგლისთან
არც ისე ადვილია საქმის გაჩარხვა... პატრიოტიზმი კი, დარწმუნე-
ბული ბრძანდებოდეთ, ერთი წამითაც არ შეაჩერებდა მას.

კარგად აქვს საქმე, სხვათაშორის, „პატრიოტს“: ძარცვავს
ყველას და ყველაფერს, შიმშილით კლავს მუშებს, როგორც
ბუზებს, სისტემატურად ანადგურებს მთელ საწარმოებს, საკუთარ
ქვეყანას დინამიტის ისეთ ნალმს უღებს ქვეშ, როგორიც ვოლგა-
კამის ბანკია; ყველაფრით ხელს უწყობს სამშობლოს სამრეწველო
და ფინანსიურ დაკნინებას, ქვეყნის გაკოტრებას და, ამავე დროს,
თვლიან მაღალხარისხოვან პატრიოტად და თითქმის სიცოცხლე-
შივე უღგამენ ძეგლს, ხოლო თუ მწერალი ან ორატორი მის წი-
ნააღმდეგ ხმის ამოდებას გაბედავს და დაიწყებს იმის მტკიცებას,
რომ მის ექსპლოატაციას ზიანი მოაქვს ქვეყნისათვის, მაშინ მას
მოღალატედ მონათლავენ და განდგომას დააბრალებენ. ამიტომ
რამილა აინტერესებთ ბატ. გერსევანოვს და შავროვს დაიცვან სწო-
რი მიმართულება და საქმის სწორად წარმოება? განა არ ჯობია თა-
ვი მდაბლად დაუკრან ბატ. კოკორევის? ყოველშემთხვევაში, მაშინ
მათ პატრიოტობაში ეჭვი აღარავის შეეპარება.

17. ჩვენი საადგილმამულო კრედიტის მომავალი

1

თბილისი, 13 იელისი

დამშვიდდით მკითხველო: ამ სტატიაში არ იქნება არც ბატ. ლობერიძის და არც ბატ. ჭავჭავაძის თუნდაც მცირეოდენი ლანძღვა. ასევე არ იქნება არც ქარაგმები, არც მამხილებელი სიტყვები და არც პოლემიკური გამოსდომები. ჩვენ ვიცით, რომ ყველაფერი ეს მოგებურდათ. და რადგან მომავალი ღირსების სამსჯავროს გამო თქვენ კიდევ ერთხელ, დიდი დოზით მოგიხდებათ მთელი ამ მშვენიერების მოსმენა, ჩვენ ვალდებული ვართ დავინდოთ თქვენი მოთმინება. ყველა ამ მოსაზრებათა გამო, სტატიაში შევეხებით საკითხის მხოლოდ სერიოზულ მხარეს, საკმაოდ მნიშვნელოვანი მოვლენის გამო, რომელიც ჩვენს ჰორიზონტზე გამოჩნდა.

საქმე ისაა, რომ საადგილმამულო კრედიტის ოპერაციების არა-დამაკმაყოფილებლად წარმართვამ და საადგილმამულო ბანკის დამაარსებლების მიერ ადგილობრივი მიწათმოქმედებისა და მიწათმფლობელობის უმთავრესი მოთხოვნილებების დავიწყებამ რამდენიმე საქმოსანს შთაუწერგა აზრი — ამიერკავკასიაში დააარსონ კერძო საადგილმამულო ბანკი აქციონერულ საწყისებზე. ჩვენ გავიგეთ, რომ ამ პირებმა უკვე შეადგინეს თავიანთი წესდების პროექტი და განსახილველად და დასამტკიცებლად წარუდგინეს სათანადო ინსტანციას. როგორც ჩვენ გადმოგვცეს, ამ წესდებას უკვე იხილავს სათანადო ინსტანცია. ამავე დროს, ადგილობრივი საადგილმამულო ბანკების მმართველებსა და დირექტორებს ნება არ დართეს მონაწილეობა მიიღონ წესდების განხილვასა და კამათში, და არა იმდენად მათი არაკომპეტენტურობის გამო, რამდენადაც იმ მიზეზით, რომ ისინი დაინტერესებულნი არიან ამ საკითხის უარყოფითი გადაწყვეტით.

როგორც გვარწმუნებენ, ამ წამოწყებას ხელმძღვანელობენ საკმაოდ გავლენიანი პირები, რომლებიც მარტო ფინანსურ წრეებში არ თამაშობენ მნიშვნელოვან როლს. დამაარსებელთა შორის ასახელებენ მაგალითად მოქალაქე ადლერბერგს, თ-დ მინგრელსკი-

სა და სხვ. დაწესებულება, რომელიც ასეთი პატრონების მფარველობით იწყებს არსებობას, დიდ ყურადღებას და უაღრესად გულდასმით შესწავლას მოითხოვს, რადგან წარმატების შანსების დიდი ნაწილი და მათი განხორციელების შესაძლებლობა მის მხარეზეა...

სამწუხაროდ, ამჟერად ჩვენ არ შეგვიძლია გულდასმით გამოვიძიოთ ეს საქმე, რადგან ვერ შევძელით გავცნობოდით პროექტს. ამიტომ მის შესახებ მხოლოდ გავრცელებული ხმების მიხედვით უნდა ვიმსჯელოთ. მაგრამ ჭერჭერობით არც ისე საჭიროა მისი გულდასმით განხილვა. უპირველეს ყოვლისა, საკმარისია აღვნიშნოთ საქმის ძირითადი კვანძები, მხოლოდ საერთო პრინციპები, გამოვიკვლიოთ მისი ძირითადი მიზნები. მხოლოდ ამის შემდგეგაა სასარგებლო და აუცილებელი მისი ვრცლად განხილვა, რათა დავინახოთ, თუ რამდენად ეგუება იგი საერთო გეგმას და მდგომარეობას.

როგორც ჩვენ გადმოგვცეს, ნავარაუდევია ბანკი გამოჭრილია რუსეთში არსებული საადგილმამულო ბანკების ქარგის მიხედვით და არსებით სხვაობას მხოლოდ ის ჰქმნის, რომ ამ ბანკს საფუძვლად უდევს აზრი ჩვენს მხარეში სესხისა და გამოსყიდვის ოპერაციებს შერწყმის აუცილებლობის შესახებ.

ჩვენმა მკითხველებმა, რომლებიც ყურადღებით ადევნებდნენ თვალს 1873 წლის პოლემიკას, რაც ამ სტრიქონების ავტორმა წამოიწყო ჩვენი საადგილმამულო ბანკების დამაარსებელთა წინააღმდეგ, კარგად იციან, რომ სწორედ ეს აზრი ედო საფუძვლად მთელს ჩვენს მოღვაწეობას ამ საკითხში. მაგრამ ჩვენ არ შეგვიძლია დავუშვათ, რომ „ობზორის“ მკითხველები კარგად იცნობენ ამ პოლემიკას და ამიტომ საჭიროდ მიგვაჩნია გავაცნოთ მათ ზოგადად ამ აზრის ძირითადი დებულებები. ამისათვის ჩვენ ვისარგებლებთ ერთ-ერთ ჩვენი სტატიით, რომელიც დაიბეჭდა ნაკლებად ცნობილ „კავკაზსკი აღმანახში“ 1877 წელს. აღმანახი გამოდიოდა შახტახტინსკის რედაქციით*.

აი ყველა არსებითი ამონაწერები ამ სტატიიდან:

„ჩვენი ქვეყნის ეკონომიური მდგომარეობა, განსაკუთრებით კი ორი მისი გუბერნიისა, თბილისისა და ქუთაისისა, ჩვენი საადგილმამულო ბანკებისათვის სრულიად განსაკუთრებულ პირობებს ქმნიდა, რაც მათ ანიჭებდა უაღრესად ორიგინალურ და ნაყოფიერ როლს. კრედიტს თავისთავად არსად არ შეუძლია სარგებლობის მოტანა, თუ

* სტატია. რომელზეც ჩვენ ვლაპარაკობთ, ეწოდება „ჩვენი წელი (ადგილობრივი მიმოხილვა)“.

მას არ იყენებენ წარმოების გაზრდის და გაცვლა-გამოცვლის გასა-
ადვილებელ საშუალებად. ამიტომ, კრედიტით სარგებლობა შეუძ-
ლიათ მხოლოდ ნამდვილ მწარმოებლებს და საქმის წამომწყებთ. ხო-
ლო როცა კრედიტის მიღებას უადვილებ ისეთ ადამიანებს, რომლე-
ბიც არაფერს არ აწარმოებენ, ამით მათ სწრაფ-ზომილიზაციის და
უძრავი ქონების ასევე სწრაფად განიავების საფუკეთესო საშუალებას
აძლევთ, თუმცა თავისთავად ცხადია, რომ ამ მოსაზრებას არ უნდა
შეეჩერებია ჩვენში ისეთი საადგილმამულო ბანკების დაარსება, რო-
მელთა მიზანი იქნებოდა მიწისმფლობელთათვის კრედიტის მიცემა.
ცხადია, ბანკებს არ უნდა ეზრუნა იმაზე, თუ როგორ და რისთვის
გამოიყენებდნენ სესხის ამღებლები სესხს. მაგრამ არსებობს სხვა
საზრუნავიც, რაზედაც აუცილებლად უნდა ეფიქრათ ბანკებს. ან
უფრო სწორად. მათ დამაარსებლებს. კერძოდ, თავადაზნაურობას.
რომლის სახსრებითაც დააარსეს ბანკი, უნდა ცოდნოდან მართლა
ექნებოდა თუ არა იმის შესაძლებლობა, რომ მიეღოთ მათგან სეს-
ხი და, სესხის მიღების შემთხვევაში. რით უზრუნველყო იმ დაგი-
რავებული მამულის სარგებლიანად გაყიდვა, რომელთა გადასახად-
აუცილებლად ვადაგადაცილებული იქნება.

...მხედველობაში უნდა ვიქონიოთ ისიც, რომ ჩვენი მემამულეების
უზრუნველობა თავიანთ მეურნეობაზე, ბოლოს და ბოლოს დაგი-
რავებული მამულების საჯაროდ გაყიდვას იწვევს. შეიძლება პირველი
წლის მანძილზე მემამულეებმა წესიერად გადაიხადონ ვალი სხვა
კრედიტის წყალობით, მაგრამ ასეთი მდგომარეობა დიდხანს არ გაგ-
რძელდება და დროთა განმავლობაში ჩვენ მოწმე ვიქნებით დაგირა-
ვებული მამულების ხშირი და ერთდროული გაყიდვისა. ვინ იყიდის
ბანკის მიერ გასაყიდ მამულებს, როცა ჩვენი თავადაზნაურობა
მთლიანად უფულოდაა დარჩენილი, როცა ჩვენში ძალზე მცირე-
რიცხოვანია საშუალო ფენა და როცა მას არ სურს გასცვალოს ქა-
ლაქში ვაჭრობის სარგებლიანობა სოფლის წამგებიან საქმიანობაზე
და. ბოლოს, როცა ჩვენი გლეხები უბედურ დღეში არიან?

აი, კითხვების რიგი, რომლებიც უნდა წარმოიშვას იმ
ადამიანების გონებაში. ვინც ხელი მოჰკიდა ჩვენში ადგილობრივ
თავადაზნაურთა სახსრებით საადგილმამულო ბანკების დაარსებას.

ახლა ვეცდებით თვალი შევავლოთ საქმის მეორე მხარეს: ენა-
ხით, რა სარგებლობა ნახეს არსებული მდგომარეობის გამოყენე-
ბით საზოგადოებრივი და სოციალური ურთიერთობის სამართლიან-
ად მოწყობის მომხრეებმა, ხალხის კეთილდღეობის მომხრეებმა.

ვინც ცოტათი მაინც იცნობს ჩვენი თავადაზნაურობის ხასიათს.

ძალიან კარგად იცის, რომ ახლო მომავალში საკუთარი მიწების დიდი ნაწილი ხელიდან გამოეცლება ამ წოდებას და გადავა ბურჟუაზიისა და ხალხის ხელში. თუ საქმე ბუნებრივად წარიმართა, გადასვლა მოხდება ნელ-ნელა, მამულები ჯერ ვაჭრობით გამდიდრებული მოქალაქეების ხელში გადავა, ხოლო შემდეგ მათგან წელმომაგრებულ მესაკუთრე გლეხების ხელში. მაგრამ გამოსყიდვის შესახებ დადგენილებისა და, ამასთან ერთად, საადგილმამულო წესდების წყალობით, რომლის თანახმად ბანკმა უნდა დაიგირავოს თავად-აზნაურთა მამულები, ამ ბუნებრივ და აუცილებელ პროცესს შეიძლება მისცემოდა მიწის მეურნეებისათვის უფრო გარკვეული და სასარგებლო მსვლელობა. საქმარისი იყო შეგუებოდნენ ადგილობრივ პირობებს და მაშინვე გაუადვილებდნენ თავადაზნაურობას კრედიტის მიღებას, ეცდებოდნენ შეეერთებიათ საბანკო ოპერაციები გამოსყიდვის ოპერაციებთან და გლეხთა საზოგადოებებს გაუადვილებდნენ ვადაგადაცილებული მამულების შესყიდვას ბანკისათვის გადასახდელი თანხის განაწილადების და ნაწილ-ნაწილ გადახდევინების მეშვეობით. ამ საქმის ცოტა ენერგიულად და რაციონალურად წარმოების შემთხვევაში, ორი-სამი ათწლეულის შემდეგ, ჩვენი მიწის საკუთრების დიდი ნაწილი დაიყოფოდა და მიწის მეურნეთა ხელში გადავიდოდა, და ამით ყოველგვარი ზიანის გარეშე მიღწეული იქნებოდა ჩვენი დროის ერთ-ერთი ყველაზე მნიშვნელოვანი და აუცილებელი რეფორმის განხორციელება...

სამწუხაროდ, ჩვენი საადგილმამულო ბანკების დამაარსებლები ძალზე ზერელედ იყვნენ მომზადებულნი სოციალურ-ეკონომიურ და ფინანსურ საკითხებში იმისათვის, რომ ამგვარი მიზანი დაესახათ“.

ზემომოყვანილი ამონაწერებიდან მკითხველს შეუძლია დაინახოს, თუ რამდენად ძვირფასია ჩვენთვის ის აზრი, რომელიც საფუძვლად უდევს ჩვენს მიერ განხილულ წამოწყებას. ამიტომ თუ ჩვენს შემდგომ თვალსაზრისში მკითხველი დაინახავს, რომ ჩვენ ამ წამოწყების წინააღმდეგი ვართ, არ ვცნობთ მის მომავალს და არ ვამყარებთ დიდ იმედს მის განხორციელებაზე, აქედან მან ის დასკვნა უნდა გამოიტანოს, რომ ჩვენ წინასწარ ვხედავთ, თუ რა საფრთხე ელოდება ჩვენს აზრს მისი არასრული და ცალმხრივი განხორციელების შემთხვევაში.

საკითხი იმის შესახებ, რომ აუცილებელია გაადვილდეს მიწის საკუთრების თანდათანობითი გადასვლა იმ ფენის ხელში, რომელიც მიწის დამუშავებით ცხოვრობს და მიწა მისთვის შრომის მთავარი იარაღია, უდავოდ სახელმწიფო მნიშვნელობის საკითხია და ყველაზე

მეტად სწორედ სახელმწიფოს აინტერესებს, ე. ი. მთელი ჩვენი ქვეყნის მოსახლეობას. ამ საკითხის გადაწყვეტას ვერც შესძლებდნ და არც უნდა მიენდოს კერძო პირებს, რადგან თვით სახელმწიფოს კომპეტენციის და მოვალეობის საკითხთა რიცხვს მიეკუთვნება. თუ ჩვენ უკვე მივადწიეთ ცივილიზაციის იმ საფეხურს, როცა არავითარ სახით არ შეიძლება ნება დაერთოს კერძო პირებს გამოისყიდონ სახალხო მონმარების და წარმოების სხვადასხვა დარგები ანდა სხვადასხვა გადასახადების საქმეები, მაშინ რატომ უნდა ჩავუგდოთ ხელში კერძო პირებს გაურკვეველი დროით ისეთი ოპერაციები, რომლებიც ასჯერ უფრო მნიშვნელოვანია ყოველგვარ გამოსყიდვაზე და შემოსავლის ყველა სხვა პუნქტზე? ამ ოპერაციის სწორად განხორციელებაზე, იმ სარგებლობაზე, რასაც იგი მოუტანს მიწათმოქმედ ფენას, და მათ სამართლიან გამოყენებაზე თვით მიწის მფლობელთა მიმართ, დამოკიდებულია არა მარტო ჩვენი ქვეყნის სიმშვიდე, არამედ მთელი მისი მოსახლეობის კეთილდღეობაც და ამ მოსახლეობის მიერ სახელმწიფოს წინაშე ვალის მოხდაც. პროფესორ იანსონის ღირსეულმა ნაშრომმა ცხადად დაგვანახა ის ღია უფსკრული, რომელიც ჩვენ სახელმწიფოს შეუქმნა გლეხთა ნადელების საკითხის არადამაკმაყოფილებელმა გადაწყვეტამ. შემდგომში ამ გზით სიარული შეუძლებელია...

ამ მდგომარეობის გამო, მიწების გადასვლა მიწათმოქმედი ფენის ხელში უპირველესი და ძირითადი საშუალებაა სახელმწიფოს თანამედროვე სიძნელეთა გადასაჭრელად. ამასთანავე ეს საკითხი მხოლოდ და მხოლოდ სახელმწიფოს მიერ გადაჭრას მოითხოვს, რადგან სწორედ სახელმწიფოს აქვს სახსრებიც და საშუალებაც მის უკეთ გადასაჭრელად.

დაწესებულება, რომელმაც ამგვარი ამოცანა იკისრა, თუ კერძო პირთა ხელში დაეტოვებთ, იძულებული იქნება იმოქმედოს მიკროსკოპიული დოზით, დღეს ერთ გლეხს გაუუმჯობესოს მდგომარეობა, ხეალ მეორეს და ა. შ. სანამ ასეთი დაწესებულება რადიკალურად გააუმჯობესებს მთელი ქვეყნის აგრარულ მდგომარეობას, მთელი საუკუნე გავა და განა ცოტა რამ შეიძლება მოხდეს მთელი საუკუნის, ან თუნდაც ათეული წლების მანძილზე? გარდა ამისა, სანამდე შეიძლება მივიდეს გლეხთა ის ნაწილი, რომელიც ვეღარ შესძლებს ისარგებლოს კრედიტის სიკეთით და ვეღარ დაკმაყოფილდება გამოყოფილი ნადელით? უზრუნველყოფის კიდევ რა საშუალება შეუძლია გამონახოს კერძო ბანკმა, გარდა თავისი ძირითადი კაპიტალისა, რომელიც ასეთ ოპერაციებს კიდებს ხელს? რა შეუძლია გააქეთოს ასეთი რთული და ფართო ოპერაციის განსახორციელებლად

ათ მილიონიან კაპიტალს? ეს არის წვეთი იმასთან შედარებით, რაც ამგვარ საქმეს ჰქირდება.

კი მაგრამ, გვეტყვიან ჩვენ, მაშინ რაღა საჭიროა საგირაო ფურცლები? როცა ბანკი უზრუნველყოფილია დაგირავებული მამულეებით, შეუძლია იმდენი საგირაო ფურცლები გამოუშვას, რამდენიც სურს და ამით კაპიტალს არაფერი დააკლდება. მაგრამ ერთია საგირაო ფურცლების გამოშვება, ხოლო მეორე — მათი დაბანდება. ამის საუკეთესო დამადასტურებელი მაგალითი ჩვენი საადგილმამულო ბანკებია. გარდა ამისა, კერძო ბანკის მიერ საგირაო ფურცლების დაბანდების მეთოდი ისეთ შედეგებს იწვევს, რომ მიწის ნამდვილ მწარმოებლებს არავითარ საშუალებას არ აძლევს ისარგებლონ ბანკის კრედიტით. ფული, რომელსაც შოულობს მოვალე საგირაო ფურცლების კერძო ბანკისათვის მიუიღვის გზით, 8-10 პროცენტზე უფრო იაფი არ ჯდება. ხოლო ზოგჯერ კიდევ უფრო ძვირიც. რაც შეეხება აქციონერთა ბანკს, რომლის მიზანიც რაც შეიძლება ბევრი ფულის მოგებაა, მის მოვალეს ფული 12 პროცენტზე მეტი უჯდება.

ამავე დროს ცნობილია, რომ მიწათმოქმედება ამ პროცენტის თითქმის ნახევარს იძლევა. რენტის საშუალო ნორმა, რომელსაც სინამდვილეში მიწა იძლევა, შეიძლება 4—5—6 პროცენტით განისაზღვროს. მხოლოდ მწარმოებელ-მიწათმოქმედის ხელში, ისიც კეთილსასურველ პირობებში, მიწა იძლევა კაპიტალზე 7, 8 და 11 პროცენტს მოგებას, რომელშიც მიწის ღირებულებაც შედის. მაგრამ ცხოვრება ხომ მწარმოებელსაც უნდა, გარდა ამისა მან უნდა გადაიხადოს ბეგარა, იხადოს იქით-აქეთ. ამიტომ სად უნდა იშოვოს პროცენტები კაპიტალისათვის, ან მის დასაფარავად?

2

თბილისი, 17 ივლისი

მხოლოდ სახელმწიფოს აქვს იმის შესაძლებლობა, რომ როცა უზრუნველყოფს მსგავსი დაწესებულების ოპერაციებს საკუთარი გარანტიით, მისცეს მას იაფი, ოთხნახევრიანი ან ხუთპროცენტიანი კრედიტი. მეორეს მხრივ, მხოლოდ სახელმწიფოს შეუძლია დაიცვას გლეხთა საზოგადოებების ინტერესები ბანკის სისტემატური ექსპლოატაციისაგან, გადავადების შესახებ სპეციალური წესების გამოცემითა და ბანკისა და გლეხთა იმ საზოგადოებების ურთიერთობის განსაზღვრით, რომლებიც მიწის გამოსყიდვას აწარმოებ-

ბენ. მაგრამ საქმის ამ მხარეებისაგან დამოუკიდებლად, ასეთი რთული ოპერაციების სწორად წარმოება თხოულობს მათ მიმართ საერთოობათა მიწათმფლობელობის ბევრი არსებითი ჩვევის გამოყენებას. როცა გლენთა საზოგადოება ვადაგასულ მამულს გამოისყიდის, ამით გარკვეულ სავალდებულო ურთიერთობას ამყარებს ბანკთან. ამ მოვალეობის სწორად შესრულებისათვის კი საჭიროა თითოეული გლენის ოჯახის ამ წევრის პროპორციული მონაწილეობა საქმეებში და ამავე დროს შესაბამისი სარგებლობა გამოსყიდული მამულით. მაგრამ ყოველთვის არ ხერხდება ისეთი მამულის ან მამულის ისეთი განუყოფელი ნაწილის გაყოფა, როგორც ტყიანი საძოვრებია. საბოლოო გაყოფას კიდევ ის ართულებს, რომ გლენი მამულს ვერ დაიმტკიცებს განოსასყიდი თანხის უკანასკნელი ნაწილის შეტანამდე. მანამდე ეს მამული ბანკის საკუთრებად ითვლება. მეორეს მხრივ, შეიძლება ზოგიერთმა გლენმა ვადის გასვლამდე უარი თქვას მისი წილი გადასახადის გადახდაზე და ა. შ. ყველა ეს გარემოება თხოულობს წინასწარ დამუშავებას. კანონმდებლობის წესით, გამოსყიდვისა და გამოსყიდული მამულით სარგებლობის საერთო საქმეში ცალკეული ოჯახების მონაწილეობის წესისა და პირობების, ე. ი. მოითხოვს სათემო მეურნეობის კანონების კოდიფიკაციას. საკმარისია ამ სასწრაფოდ გადასაწყვეტი ამოცანის თუნდაც ასეთი ზოგადი მოხაზვა, რათა მაშინვე დაერწმუნდეთ. რომ ყველაფერი ეს კერძო ბანკის კომპეტენტურობასა და ძალას აღემატება.

ჩვენ უმიზნოდ და უადგილოდ მიგვაჩნია იმის მტკიცება, რომ სახელმწიფოსათვის მეტისმეტად ადვილია ასეთი ოპერაციების თავისთავზე აღება. ნ. გ. ჩერნიშევსკის სტატიაში „ძნელია თუ არა მიწის გამოსყიდვა?“ („სოვრემენიკი“, 1859 № 1), საკითხი მიწის გამოსყიდვის სიადვილის შესახებ დამტკიცებულია ექვმიუტანელი სიცხადითა და უცილობლად. საკმარისია დაესძინოთ, რომ ოპერაციის ფინანსური ანუ საბანკო მხარე არავითარ სიძნელეს არ წარმოადგენს. ოპერაციის ამ ნაწილს საფუძვლად დაედება იმ საგირაო ქაღალდების (ანდა საგირაო მოწმობების) გამოსყიდვა, რომლებიც გარანტირებულია სახელმწიფოს მიერ და უზრუნველყოფილია გამოსასყიდი მამულით. ასეთი ფურცლების გამოშვება, რა რაოდენობითაც არ უნდა გამოუშვან ისინი, ერთი ბეწოთი არ დაამძიმებს სახელმწიფო ხაზინას და არ შეამცირებს მის კრედიტს. იმ შემთხვევაში, როცა სახელმწიფო გამოუშვებს ახალ სესხს და მიუთითებს მათი შემოსავლისა და უზრუნველყოფის ისეთ წყაროებზე. რომლებიც არ ეკუთვნიან ჩვეულებრივი სახელმწიფო რეგალიების რიცხვს.

როგორცაა, მაგალითად, რკინიგზები, არხები, კერძო საწარმოები, კერძო ან სათემო მამულები და ა. შ., მაშინ სახელმწიფოს შეუძლია ასეთი უზრუნველყოფის საფუძველზე აიღოს იმდენი სესხი, რამდენიც სურს და ამავე დროს არავითარი ზიანი არ მიაყენოს თვით სახელმწიფოს კრედიტს, რაც მიმდინარე ბიუჯეტს ემყარება. ამ კრედიტის ყველაზე არახელსაყრელ მდგომარეობაშიც კი, სახელმწიფოს შეუძლია სპეციალური უზრუნველყოფის საფუძველზე ისესხოს ფული მეტისმეტად ხელსაყრელი პირობით. მაგალითად, ავსტრია, ჩვეულებრივ სესხულობს თანხას 7-8 პროცენტის ანგარიშში, მისი ბიუჯეტისა და სახელმწიფო ფინანსების მერყევი მდგომარეობის გამო. ხოლო რკინიგზებით სპეციალური უზრუნველყოფისათვის იგი წამდაუწუმ სესხულობს ფულს ხუთი და ექვსი პროცენტის ანგარიშში. სწორედ ამის მოწმენი ვიყავით ჩვენ 1875 წელს, როცა საზღვარგარეთმა ჩვენი რკინიგზების ობლიგაციები გამოისყიდა...

კერძო ბანკს, რომელიც უზრუნველყოფილი არაა სახელმწიფოს მიერ, არა მარტო ჩვენში არ შეუძლია იშოვოს ფული 6-7 პროცენტზე უფრო იაფად, არამედ საზღვარგარეთაც. ამავე დროს, სახელმწიფო, თუ იგი ხელს მოჰკიდებს ამგვარ ოპერაციებს, ადვილად იშოვის საზღვარგარეთ ამ საქმისათვის იმდენ ფულს, რამდენიც სურს, 4 ან 5 პროცენტად. რადგან რუსეთში შეუძლებელია სესხის აღება 6 პროცენტზე უფრო იაფად, ამიტომ იძულებული ვართ ფული საზღვარგარეთ ვეძებოთ, რაც კიდევ ერთხელ მეტყველებს კერძო ბანკების საწინააღმდეგოდ და სახელმწიფოს სასარგებლოდ. საზღვარგარეთ არც სურთ და არც მონდომებული არიან სცნონ კერძო ბანკი. მხოლოდ სახელმწიფოს სანქციას — რასაც აძლიერებს თვით ოპერაციის სოლიდურობა და ზურგს უმაგრებს სახელმწიფო, შეუძლია ამ გადაუჭრელი საკითხის გადაჭრა, ანუ ბევრი ფულის შოვნა ხანგრძლივი ვადითა და უმნიშვნელო პროცენტით.

ჩვენ ვერასოდეს ვერ დავამთავრებდით ამ სტატიას, ყველა ის მოსაზრება რომ ჩამოგვეთვალა, რომლებიც ადასტურებს ჩვენს აზრს — ასეთ ოპერაციებს უნდა აწარმოებდეს სახელმწიფო და არა კერძო დაწესებულებები. ჩვენ აქ ჩამოვთვალეთ მხოლოდ ზოგიერთი მოსაზრება, დანარჩენებს კი გვერდი ავუარეთ იმ შემთხვევისათვის, თუ ზოგიერთ პირს, რომელიც ასეთი საქმის განხორციელებითაა დაინტერესებული, როგორზედაც ჩვენ ვწერთ, აზრად მოუვა გამოგვედაოს. ხოლო მანამდე, სანამ არავინ გამოგვედავებია, ჩვენს მიერ მოყვანილი მოსაზრებებიც საკმარისია.

კი მაგრამ, გვეტყვიან მკითხველები, თქვენს სტატიებში ამ საკითხის შესახებ ჩვენ რადიკალურ წინააღმდეგობას ვხედავთ. 1873

წლიდან, ე. ი. იმ დროიდან, როცა ცდილობდნენ შეედგინათ ჩვენი საადგილმამულო ბანკების პირველი წესდება, თქვენ გაიძახოდით და ამტკიცებდით, რომ საადგილმამულო ბანკებს საფუძვლად უნდა დაედოს სესხისა და გამოსყიდვის ოპერაციების შერწყმა. ახლა კი ამტკიცებთ, რომ მხოლოდ სახელმწიფოს შეუძლია ამ ოპერაციების დამაკმაყოფილებლად გადაჭრაო.

ამაზე ჩვენ გიპასუხებთ: წინააღმდეგობა მხოლოდ მოჩვენებითია. იმ დღეებში, როცა ჩვენ ვოცნებობდით გრანდიოზული და საარსებო ამოცანის გადაწყვეტაზე საადგილმამულო ბანკების მეშვეობით, ჩვენ იმედი გვქონდა და დარწმუნებული ვიყავით, რომ მათი წესდება შედგენილი იქნებოდა სახელმწიფო დაწესებულების თვალსაზრისით. ბანკის დამაარსებლებსა და წესდების შემდგენლებს რომ აეხსნათ მთავრობისათვის მიწათმფლობელობისა და მიწათმოქმედების ნამდვილი მოთხოვნილებები, მაშინ მთავრობას ადვილად შეეძლო ხელში აეღო ამ ბანკის საქმე, ანდა ნდობით მოკიდებოდა აზნაურთა საღ აზრს და მიეცა მათი დაწესებულებისათვის საკუთარი სანქცია გარანტიასთან ერთად... მაგრამ ეს არ მოხდა იმ გარემოებათა გამო, რომლებიც დამოკიდებული იყო წესდების შემდგენლებზე...

ჩვენ იმდენად დარწმუნებული ვართ ამაში, რომ ახლაც კი ვფიქრობთ — ჩვენთვის საინტერესო საკითხის ყველაზე უკეთესი გადაჭრა შეიძლება საადგილმამულო ბანკების წესდების გადასინჯვით, მათი ოპერაციების შერწყმით, სახელმწიფო გარანტიის მოპოვებით და მათი დანიშნულების შეცვლით, — სესხება-გამოსყიდვის ოპერაციის აზრით... ეს აზრი ერთხელ უკვე წარმოიშვა ჩვენს უმაღლეს ადმინისტრაციულ სფეროებში. წლინახევრის წინათ კავკასიის მეფისნაცვლის მთავარმა სამმართველომ ჩვენი საადგილმამულო ბანკების მმართველობას კითხა—რის საფუძველზე და რა პირობებით მოკიდებდნენ ხელს გამოსყიდვის ოპერაციებს ჩვენს მხარეში. ეს საკითხი უნდა გაფართოვდეს, განვითარდეს და კვლავ უნდა დაისვას როგორც ძირითადი ღონისძიება და მაშინ მისი გონივრულად და კეთილნაყოფიერად გადაჭრა არავითარ დაბრკოლებას არ წააწყდება...

18. ბერლინის ტრაქტატი

თბილისი, 16 ივლისი

ახლა ძნელიცაა და უმიზნოც იმის განსაზღვრა, თუ რა ისტორიული მნიშვნელობა ექნება ბერლინის ტრაქტატს²⁰, რომელიც ევროპის დიპლომატიას ამდენ შრომად დაუჯდა. ძნელია იმის თქმა, დიდ ხანს და ნამდვილად დაამშვიდებს იგი ევროპას, რომელსაც კინაღამ მოედო იმის ხანძარი, თუ გაიზიარებს ბერლინის შემორანდუმის, კონსტანტინოპოლის დეკლარაციის და 1876 და 1877 წლების ლონდონის ოქმის ხვედრს? შეიძენს იგი ვენისა და პარიზის ტრაქტატების ტოლფასოვან მნიშვნელობას, თუ მალე იქცევა ქალაქის ნაგლეჯად, მსგავსად 1859 წლის ციურიხის ტრაქტატისა³⁸, რომელიც „მომხდარმა ამბავმა“ იმსხვერპლა? ყოველივე ამაზე მხოლოდ მომავალი გაგვცემს პასუხს, მანამდე კი ამაო კითხვებია.

მაგრამ ამაო არ იქნება, თუ ჩაუყვირდებით ახლავე იმას, რაც რეალურია ევროპული დიპლომატიის ამ ყბადაღებულ ნაწარმოებში და ავწონდავწონოთ დაინტერესებული მხარეების რა არსებით ინტერესებს აკმაყოფილებს. და თუ ამ დაკვირვების დროს აღმოჩნდება, რომ იგი ასეთ ინტერესებთაგან ყველას, ანდა, უკიდურეს შემთხვევაში, მთავარს მაინც აკმაყოფილებს, მაშინ არავითარი საფუძველად არ გვექნება იმისა, რომ ეჭვი შევიტანოთ ამ ტრაქტატის მნიშვნელობის სიმტკიცესა და ხანგრძლივობაში...

„ობზორის“² პირველივე ნომერებში ჩვენ შევასხენეთ მკითხველებს, რომ ახლანდელ ომს ისე კი არ უნდა ვუყუროთ, როგორც აღმოსავლეთის საკითხის საბოლოოდ გადაწყვეტის ცდას, არამედ — ასეთი გადაწყვეტისაკენ გადადგმულ კიდევ ერთ ნაბიჯს. ჩვენი საგარეო საქმეთა სამინისტროს ბექდვითმა ორგანომ „Journal de St-Peterburg“-მა თავის უკანასკნელ ნომერში პირდაპირ განაცხადა, რომ მთელი რუსეთის საზოგადოება, რომელიც 1877—1878 წლების ომს ისე უყურებდა, როგორც აღმოსავლეთის საკითხის საბოლოოდ გადაწყვეტის საშუალებას, ბერლინის კონგრესის შედეგებით სერიოზულად იმედგაცრუებული დარჩა. მაგრამ ის პირები, ვინც ამ ომ-

ში აღმოსავლეთის საკითხის ერთი სტადიის განვითარებას, შორეულ მომავალში მის გადასაჭრელად წინ გადადგმულ ნაბიჯს ხედავდნენ. ბერლინის ტრაქტატით კმაყოფილი დარჩნენ. ძნელია ამ თვალსაზრისს არ დაეთანხმო. ვინ დაიწყებს დავას იმ აზრის წინააღმდეგაც, რომ თურქეთ-სერბიის ზავი, რომელიც 1876 წლის საბელისწერო ომის შემდეგ დაიდო, არ იყო წინ გადადგმული ნაბიჯი აღმოსავლეთის საკითხის მომავალი გადაწყვეტის გზაზე? რა თქმა უნდა, ჯერ კიდევ ადრეა შევადაროთ ამ ნაბიჯის გრანდიოზულობა და მნიშვნელობა იმ მსხვერპლს და დახარჯულ ძალას, რაც მის გადასადგმელად დაიხარჯა; ჯერ კიდევ ძალიან ადრეა იმის განსაზღვრა, ღირდა ჩიტი ბღვენად თუ არა, და ასეთი კითხვის დასმა: უკეთესი ხომ არ იქნებოდა ეს ნაბიჯი გადაგვედგა სხვა, უფრო ხელსაყრელი პირობების დროს... ყოველივე ამას მომავალი გააჩვენებს. ახლა კი ჩვენ არ გვაჩნია საბუთები ასეთი თავსამტვრევი კითხვების გადასაწყვეტად...

ახლა, როცა ჩვენ გადავიღვართ იმის განხილვაზე, რასაც ტრაქტატი შეიცავს, ბევრ საინტერესო რამეს დავინახავთ. თუ მკითხველს ახსოვს, ჩვენ ამა წლის იანვარში ვამბობდით, ინგლისის ენერგიული წინააღმდეგობის უმთავრესი და ძირითადი მიზეზი ისაა, რომ არ სურს სრუტეებს ელოდეს რუსეთის მიერ ხელში ჩაგდების საფრთხე. მაშინ ჩვენ ვწერდით, რომ ბულგარეთის დამოუკიდებლობის შექმნა, რომელსაც რუსეთმა დიდად შეუწყო ხელი, ევროპელ დიპლომატებს სწორედ ასეთ საფრთხედ მოეჩვენებათ. ბულგარეთს ჩათვლიან რუსეთის ავანგარდად და თუ რუსეთსა და სრუტეებს შორის არ იქნება არა თუ მარტო დუნაი თავის სიმაგრეებით, არამედ ბალკანებიც, მაშინ, ევროპელების აზრით, რუსეთს არაფრად უღირს — ერთი ნახტომით აღმოჩნდეს სრუტეებთან და დაიკავოს ჯალიპოლი და კონსტანტინოპოლი. ამას კი, განვავარძობდით ჩვენ, არ დაუშვებს ჩვენდამი მტრულად განწყობილი ევროპის დიპლომატია. ამიტომ უდავოა, რომ ბულგარეთს და ბალკანებს იქეთ არ გაგვიშვებს...

მეორეს მხრივ, ცნობილია, თუ რამდენად არსებითი მნიშვნელობა აქვს რუსეთისათვის იმავე სრუტეებს. შავი ზღვის მთელი აუზი და მასზე გარსშემოკრული ყველა ოლქი პირდაპირ დამოკიდებულია ამ სრუტეებზე. გასულ წელს ჩვენ ყველამ საკუთარი თვლით დავინახეთ ამ დამოკიდებულების ფაქტიური გამოვლინება და თვითვე ჩვენგანს საკუთარი ჯიბიდან მოუხდა ამის გამო გადახდა... ამ ორა მდგომარეობისა და ორივე დაინტერესებული მხარის მისწრაფებათა შედარებისას ჩვენ ვნახავთ, რომ ამ სიძნელის არსებითი და კვლამარტივი გადაჭრა უომრად წარმოუდგენელია.

და მართლაც, ეს საკითხი კომპრომისის გზით გადაიჭრა. ახალი ბულგარეთის საზღვრები, უკეთ რომ ვთქვათ, ბულგარეთის ახალი საზღვრები ბერლინის ტრაქტატის მიერ ისეა გადაკეთებული, რომ ამ საკითხის მიმართ ს.-სტეფანოს ხელშეკრულების დებულებათა კვალიც აღარ დარჩა. დამოუკიდებელ ბულგარეთს ეგეოსის ზღვა არა თუ არ ეკვრის, არა თუ არ არის დაშორებული გალიპოლიდან ერთი გადასასვლელის მანძილზე, არამედ იკეტება რუსეთისაგან ბალკანეთის ქედით, რომლის გასასვლელთა დაცვა თურქეთს ევალება. რუსეთის მომავალ ავანგარდს, ბულგარეთს, ბერლინის ტრაქტატმა წინ დაუყენა ინგლისის ავანგარდი — თურქეთი. მაგრამ ნაბიჯი მაინც გადაიდგა წინ: ღუნაი თავისი სიმაგრეებით, სრუტეების ეს პირველი თავდაცვითი ხაზი, ეტყობა აღიგავა პირისაგან მიწისა. მაგრამ, მეორეს მხრივ, შეცდომა იქნებოდა, უყურადღებოდ დაგვეტოვებინა ის მნიშვნელოვანი ფაქტი, რომ ნაბიჯი წინ ჩვენდამი მტრულად განწყობილმა ელემენტმაც გადადგა: ამავე ტრაქტატის მიხედვით, ავსტრია-უნგრეთმა დაიკავა ბოსნია და ჰერცეგოვინა, რითაც შესაძლებლობა მიეცა შეზღუდოს ჩვენს მიერ გადადგმული ნაბიჯის მნიშვნელობა, რადგან ახლა მისთვის ორჯერ უფრო ადვილია არა მარტო მოსკვრას შეტევაზე გადასულთა ზურგი, არამედ ფლანგებიდანაც მიუახლოვდეს მათ და დაძრას თავისი ჯარები ჰერცეგოვინიდან, სოფიის გავლით, ბალკანეთის დასაცავად.

რაც შეეხება თვით სრუტეებს, ბერლინის ტრაქტატის ერთი თითქმის შეუძინეველი მუხლი, მუხლი 63, აი რას ამბობს:

„1856 წლის 30 მარტის პარიზის ტრაქტატი, ისევე, როგორც 1871 წლის 13 მარტის ლონდონის ტრაქტატი. იგივე რჩება იმ დადგენილებათა მიმართ, რომელთაც არ აუქმებს და არ ცვლის ზემოაღნიშნული მუხლი“.

ეს კი იმას ნიშნავს, რომ სრუტეების მიმართ ყველაფერი ძველებურად რჩება...

აი ყველაფერი, რისი თქმაც გვინდოდა აღმოსავლეთის საკითხის ძირითადი მხარეების შესახებ.

ტრაქტატის დეტალური და პლატონური მხარეები რომ განვიხილოთ, ჩვენ დავინახავთ, რომ ამ მხრივ მივალწიეთ შეუღარებლად უფრო დამაკმაყოფილებელ შედეგებს. სარწმუნოების თავისუფლება და ქვეშევრდომთა მოქალაქეობრივი თანასწორობა, ერთხელ კიდევ ხმამაღლა აღიარა ევროპამ და კიდევ ერთხელ სცნო პორტამ. ვიმედოვნებთ, რომ ამჯერად დეკლარაციას პრაქტიკულად განახორციელებენ და ცხოვრებაში გაატარებენ, თუმცა ბერლინის ტრაქტატში არაფერი არაა ნათქვამი ამ დეკლარ-

რაციის განხორციელების ისეთ „გარანტიებზე“, როგორსაც შეი-
ცავდა 1876 წლის ბერლინის მემორანდუმი... მეორეს მხრივ, მხედ-
ველობაში უნდა ვიქონიოთ ის გარემოება, რომ სარწმუნოების თავი-
სუფლების დეკლარაციას, რომელსაც ბერლინის ტრაქტატი შეი-
ცავს, ორმხრივი მნიშვნელობა აქვს და თუ ვინმე აღაფრთოვანა
ამ დეკლარაციამ, პირველ რიგში ებრაელები, რომელთა უფლება-
სა და თავისუფლებას აქამდე მხოლოდ სერბიაში და რუმინეთში
სცნობდნენ... მხოლოდ მათ აქვთ უფლება სიხარულისა და იმის
მტკიცების, რომ 1877 — 1878 წლების ომმა მათ ბალკანეთის ნა-
ხევარკუნძულზე სრული თავისუფლება და თანასწორობა მოუტანა.

თურქეთში და თურქებზე პროტექტორატის საკითხი უცვლე-
ლად დარჩა, ხოლო პარიზისა და ლონდონის ხელშეკრულების თა-
ნახმად ყველა ქვეყანას, რომელმაც ხელი მოაწერა ამ ხელშეკრუ-
ლებას, თანაბარი უფლება აქვს ქრისტიანთა პროტექტორატისა და
თანაბრადვე არიან ვალდებულნი თურქეთი დაიცვან... სამწუხაროდ,
ჩვენთვის ერთი ხელსაყრელი დებულება, რომელიც გააუქმეს პარი-
ზის ტრაქტატის ძალით, ბერლინში არ აღადგინეს. მაგრამ ბერლინის
ტრაქტატისაგან დამოუკიდებლად, ინგლისმა, პორტასთან დადებულ
ცალკე ხელშეკრულებით მოიპოვა განსაკუთრებული უფლება
ძფარველობა გაუწიოს აზიას, და კიდევ უფრო მეტი, მოიპოვა შე-
უზღუდველი უფლებები აზიის ქვეყნების შინაგან საქმეებში ჩარე-
ვისა...

ბულგარეთი განთავისუფლებულია, სერბიის, რუმინეთისა და
ჩერნოგორიის დამოუკიდებლობა, რაც ფაქტიურად ომამდეც არსე-
ბობდა, პორტამ სცნო როგორც *De jure*. ბალკანეთის სამხრე-
თით მდებარე ბულგარეთმა მოიპოვა ავტონომია, მაგრამ მაინც
თურქეთის სამხედრო და ფაქტიური ბატონობის ქვეშ რჩება. ყველა
ამ შენაძენს უფრო ადგილობრივი, კერძო ხასიათი აქვს, ვიდრე სა-
ერთაშორისო... ყოველ შემთხვევაში, უნდა გვიხაროდეს, რომ ჩვენ-
მა ძმებმა, სლავებმა რალაც მაინც მოიგეს ამ ომის შედეგად და ძველ
წესწყობილებას თავი დააღწიეს... იმ პირთათვის, ვინც გასული
წლის ომისაგან უმთავრესად სლავების განთავისუფლებას მო-
ელოდა, ამ შედეგებს დიდი მნიშვნელობა უნდა ჰქონდეს. მართა-
ლია, ამ შედეგებიდან იმ მიზნებამდე, რომელთაც ამ პირებს აწე-
რენ, ზესლავიანური აზრის განხორციელების საქმეში, ისევე შორი
მანძილია, როგორც ვარსკვლავებამდე, მაგრამ მაინც არ შეიძლება
იმის უარყოფა, რომ ადგილობრივი თვალსაზრისით ამ შედეგებს
საკმაოდ სერიოზული მნიშვნელობა აქვთ....

ჩვენ არ გვინდა მომავლისათვის გადავდოთ საუბარი ბერლინის ტრაქტატის მნიშვნელობაზე ისეთი ერებისათვის, როგორც არიან ბერძნები, სომხები და საერთოდ მთელი აზია. ვაკეთებთ რა უნებურ ნახტომს, გვინდა „ბოლოდან დავიწყოთ“, ე. ი. გამოვთქვათ ერთი საერთო შენიშვნა, რომელიც ამ ტრაქტატის გაცნობამ შთაგვიწერა.

ჩვენი დამოკიდებულება აღმოსავლეთის საკითხისადმი მალე უნდა გაიკრევეს. თუ ჩვენთვის მართლაც ძვირფასია სლავების ინტერესები, და თუ ჩვენი მომავალი მეცადინეობის მიზანი მათი განთავისუფლებაა. მაშინ უდავოა, რომ ჩვენ ინგლისს უნდა მოვეშვათ, ვიცხოვროთ მასთან მშვიდობიანად, თანხმობით, რათა წარმატებით ვიბრძოლოთ ავსტრიის წინააღმდეგ... მაგრამ თუ უყურადღებოდ დავტოვებთ სლავებს და ჩვენს ძალღონეს თვით რუსეთის ინტერესებს მოვახმართ, შავი ზღვის სანაპიროებისა და აღმოსავლეთის განვითარების მიზნით, მაშინ უნდა დავუალოვდეთ ავსტრიას და უნდა დავუპირისპირდეთ ინგლისს. ჩვენ, რა თქმა უნდა, წარმოდგენაც არ გვაქვს, როგორ წავა საქმე და რა გზას აირჩევენ მომავალში. მაგრამ ამ დაპირისპირებიდან ერთი საერთო აზრი გამომდინარეობს: შეუძლებელია მომავალში ამ ორი სხვადასხვა სახისა და სხვადასხვაგვარი ამოცანების დაკავშირება. ადვილი შესაძლებელია, სწორედ ეს შეუძლებლობა იყო იმის მიზეზი, რამაც დაუძლეველი დაბრკოლება შეუქმნა აღმოსავლეთის საკითხის ჩვენთვის დამაკმაყოფილებლად გადაჭრას...

საერთოდ, თუ 1875—1878 წლების ომის შესახებ ჩვენს მიერ აქამდე გამოთქმულ ყველა შენიშვნას ერთი ნიშნით გავაერთიანებთ, უნდა ვთქვათ, და უფლებაც გვაქვს ვთქვათ, რომ მოძრაობა, რომელიც 1875 წელს ჰერცოგოვინაში დაიწყო, ცოტა ნაადრევი იყო. ამ მოძრაობამ ომში ჩაითრია ჯერ სერბია, შემდეგ კი რუსეთი. მკითხველებს ახსოვთ, რა გულმოდგინედ ვამტკიცებდით მაშინ, რომ ნაადრევი იყო ეს მოძრაობაც და საქმისადმი ისეთი დამოკიდებულებაც, როგორსაც გვიჩვენდა ბატ. სუვორინი... მაგრამ რადგან ომში ჩავებით, იმის იმედიც უნდა გვქონოდა, რომ მისი წარმატებით დამთავრებისათვის ყველა შესაძლებლობას გამოიყენებდნენ. სამწუხაროდ, ევროპულმა სახელმწიფოებმა უფრო დიდი წინააღმდეგობა გაგვიწიეს. ვერც ამას აღმოსავლეთის საკითხის რადიკალურად გადაჭრას მომხრეები ელოდნენ... თუ ბერლინის ტრაქტატს რაიმე სერიოზული მნიშვნელობა აქვს, რაშიც ჯერ კიდევ შეიძლება დაეჭვება, იგი უპირველეს ყოვლისა იმას ნიშნავს, როგორც ეს „Journal de St. Peterbourg“-მა შენიშნა, რომ არ შეიძლებოდა ასეთ ვითარებაში უფრო დამაკმაყოფილებელი ნაბიჯის წინ გადადგმა. ჩვენ.

რა თქმა უნდა, დიდი ხნით არ შეეჩერებულვართ, მაგრამ ამ დაყოფ-
ნებისათვის იმ გარემოებებთან დაკავშირებით, რომელთაც იგი გა-
მოიწვიეს, ზედგამოჭრილია ჩვენი კანცლერის თავად გორჩაკოვის
ცნობილი სიტყვები: „La Russie se recueille“²⁹. ჩვენ დარწმუნ-
ებული ვართ, რომ ასეთი ყურადღება და საკუთარ თავზე ამგვარი
მუშაობა მას სასიკეთო შედეგებამდე მიიყვანს. აქამდე ჩვენ ცუდად
გვესმოდა, რომ გარეშე ძალის შექმნა ხდება შინაგანი მუშაობის
ხარჯზე და რომ საგარეო საკითხების გადაჭრა, არსებითად, შინ
ხდება. საკუთარი თავის სრულყოფისათვის მხოლოდ ამგვარი შრო-
მა იძლევა შესაძლებლობას სასურველი მდგომარეობა გქონდეს
გარეთაც.

19. ღირსების სამსჯავრო

ჩვენი მკითხველების განუწყვეტელი და უამრავი შეკითხვა ღირსების სამსჯავროს საქმეთა მიმდინარეობის შესახებ, რომელმაც უნდა განიხილოს ჩვენი და ბატ. ლოღობერიძის დავა, მოვალედ გვხდის გავაცნოთ „ობზორის“² მკითხველებს საქმის ნამდვილი ვითარება.

11 ივლისს, სადამოს, ბატ. ლოღობერიძის სურვილის თანახმად, „ობზორის“ რედაქციაში გამოცხადნენ მისი რწმუნებულები პ. გ. მელიქ-კარაკოზოვი და ნ. ნ. სიგუნოვი. მათ მოგვანსენეს, რომ ბატ. ლოღობერიძემ ვერ მოასწრო აეხსნა მათთვის თავისი შეხედულებები ამ საქმეზე და ამიტომ გადასცა შავად დაწერილი სია იმ საკითხებისა, რომლებიც ღირსების სამსჯავრომ უნდა განიხილოს. ჩვენ გადავხედეთ ამ სიას და ბატ. რწმუნებულებს დავანახეთ მთელი მისი ცალმხრივობა. სიაში შეტანილი იყო წვრილმანი საკითხები, ჩვენი სტატიების ამა თუ იმ ფრაზის გამო; და ყველა ამ საკითხის საერთო ხასიათი შეიძლება ასე გამოიხატოს: „განა კეთილსინდისიერად იქცეოდა ბატ. ნიკოლაძე, როცა ამბობდა „... ამავე დროს უყურადღებოდ არის დატოვებული ყველა ჩვენი ძირითადი აზრი, ე. ი. ყველაფერი, რაც ეხება საერთო საკითხებს, საერთო ბრალდებებს და ა. შ. ერთი სიტყვით, როცა ამ სიას ვკითხულობდით, ჩვენ იმ დასკვნამდე მივედით, რომ ბატ. ლოღობერიძეს შეურაცხყოფს მხოლოდ წვრილმანები და უყურადღებოდ ტოვებს ყველაფერს, რაც ჩვენს სტატიებში ძირითადი და მთავარია.“

ჩვენ შევთავაზეთ ბატ. რწმუნებულებს განუხილველად გადავდოთ ეს სია გვერდზე და წესად მივიღოთ, რომ საკითხებს, რომელიც სამსჯავრომ უნდა განიხილოს, თვით სამსჯავრო წამოაყენებს და ჩამოაყალიბებს. ხოლო ჩვენ უნდა დავადგინოთ საკითხების უმთავრესი კატეგორიები, კატეგორიები, რომელთა განხილვა, სავალდებულო იქნება ღირსების სამსჯავროსათვის. ჩვენი ეს წინადადება ბატონმა რწმუნებულებმა მიიღეს.

კიდევ უფრო ადრე ჩვენ მათ შევთავაზეთ, რომ ყველა იმ შემთხვევაში, როცა წარმოიშობა რაიმე გაუგებრობა ჩანაწერის შედგენის გამო, გარდა იმ პუნქტებისა, რომელთა შესახებ უკვე მიღწეულია

შეთანხმება დაბეჭდილ განცხადებათა გაცვლის გზით, დავემორჩილოთ სპეციალურად ამ მიზნით და ურთიერთთანხმობით არჩეული არბიტრის უაპელაციო გადაწყვეტილებას. ბატ. რწმუნებულებმა, რომელთაც ეს წინადადება გონივრულად სცნეს, განაცხადეს, რომ ამ საკითხზე არავითარი ინსტრუქცია არ მიუღიათ ბატ. ლოლობერიძისაგან.

მომავალი ღირსების სამსჯავროს ხასიათის შესახებ აზრთა გაცვლის შემდეგ, ბატ. რწმუნებულებმა მიიღეს ჩვენი წინადადება, რაც შემდეგში მდგომარეობს: ჩვენ ვკისრულობთ ჩანაწერის პროექტის შედგენას, რომელსაც შემდეგ წარუდგენთ ბატ. რწმუნებულებსა და ბატ. ლოლობერიძეს. ეს პროექტი ამოსავალი წერტილი უნდა იყოს მის შესწორებაზე ჩვენი საერთო მუშაობისა. ბატ. რწმუნებულებმა ეს წინადადებაც მიიღეს.

თანახმად ამ მოლაპარაკებისა, დილით, 13 ივლისს, ბატ. მელიქ-კარაკოზოვს ჩვენ გადავეცით ჩანაწერის პროექტი.

15 ივნისს, საღამოს, ბატ. რწმუნებულები გამოცხადდნენ „ობზორის“ რედაქციაში და წარმოგვიდგინეს ბატ. ლოლობერიძის მიერ გადაკეთებული ჩანაწერის პროექტი. საჭიროდ მიგვაჩნია ამ ორი პროექტის პარალელურად დაბეჭდვა. აი ისიც:

ბატ. ნიკოლაძის პროექტი:

ფორმალურობათა შემდეგ...

I. ესა და ეს რწმუნებულები შეთანხმდნენ...

II. სამსჯავროს შემადგენლობა...

III. ღირსების სამსჯავროს უფლება ეძლევა გამოიტანოს ორივე მხარისათვის სავალდებულო, უაპელაციო განაჩენი ბატ. ნიკოლაძის ლიტერატურული აზრის სამართლიანობასა და კეთილსინდისიერებაზე, რომელიც გამოთქმულია ბატ. ლოლობერიძის მოღვაწეობის შესახებ და, ასევე, ამ უქანასკნელის მიერ იმ საზოგადოებრივი საქმეების გონივრულად და კეთილსინდისიერად წარ-

ბატ. ლოლობერიძის პროექტი:

ფორმალურობათა შემდეგ...

I. ესა და ეს რწმუნებულები შეთანხმდნენ...

II. სამსჯავროს შემადგენლობა...

III. ღირსების სამსჯავროს უფლება ეძლევა გამოიტანოს ორივე მხარისათვის სავალდებულო, უაპელაციო განაჩენი ბატ. ნიკოლაძის აზრის სამართლიანობასა და კეთილსინდისიერებაზე, რაც მან გამოსთქვა „ობზორის“ ფურცლებზე ბატ. ლოლობერიძისა და მისი მოღვაწეობის შესახებ.

მოების შესახებ. რომელთაც მან ხელი მოჰკიდა და რომელთა მსკლელობამაც გამოიწვია ბატ. ნიკოლაძის მიერ აზრის გამოთქმა.

IV. ღირსების სამსჯავრომ უნდა გადაწყვიტოს საკითხების სამი კატეგორია:

1. არის თუ არა ბატ. ნიკოლაძის წერილებში ბატ. დოლობერიძეზე — როგორც პატიოსან კაცზე თავდასხმა და, საერთოდ, აქვს თუ არა მას რაიმე პირადული სარჩული, ან პირადი ანგარიშის გასწორების მიზანი ბატ. დოლობერიძესთან?

2. შეიცავს თუ არა ბატ. ნიკოლაძის მიერ გამოთქმული აზრი ბატ. დოლობერიძის საზოგადოებრივი მოღვაწეობის შესახებ ცილისწამების, ანდა ჭეშმარიტების არაკეთილსინდისიერ დამახინჯებას?

3. იძლევა თუ არა ბატ. დოლობერიძის საზოგადოებრივი მოღვაწეობა საკმარის საფუძველს იმისათვის, რომ გამოიწვიოს კეთილსინდისიერი პუბლიცისტის საქმიანობისადმი ისეთი დამოკიდებულება, როგორიც საზოგადოდ ამ პოლემიკის დროს გამოამყდავანა ბატ. ნიკოლაძემ. ყველა აღნიშნული კატეგორიის ფარგლებში სამსჯავრო, თავის შეხედულების მიხედვით, აყალიბებს საკითხებს პუნქტებად, ანდა ფაქტთა და ბრალდებათა ჯგუფებად.

IV. ღირსების სამსჯავრომ უნდა გადაწყვიტოს საკითხების სამი კატეგორია:

1. შეიცავს თუ არა „ობზორის“ სტატიები ბატ. დოლობერიძის პიროვნებაზე და მის პატიოსან სახელზე თავდასხმას?

2. შეიცავს თუ არა ბატ. ნიკოლაძის მიერ გამოთქმული აზრი ბატ. დოლობერიძის მოღვაწეობაზე ცილისწამებას, ანდა ჭეშმარიტების არაკეთილსინდისიერ დამახინჯებას?

3. იძლევა თუ არა ბატ. დოლობერიძის მოღვაწეობა საკმარის საფუძველს იმისათვის, რომ გამოიწვიოს კეთილსინდისიერი პუბლიცისტის ისეთი დამოკიდებულება ბატ. დოლობერიძისადმი, წერილმანებასა და საერთო ფარგლებში, როგორიც ბატ. ნიკოლაძის სტატიებში გამომყდავანდა.

4. ყოველი აღნიშნული კატეგორიის ფარგლებში სამსჯავრო, თვითონ აყალიბებს საკითხებს პუნქტებად, ანდა ფაქტთა და ბრალდებათა ჯგუფებად, თავისი შეხედულებებისამებრ.

V. გარდა საკითხთა იმ სამი კატეგორიისა, რომლებიც ნახსენებია აღნიშნული ჩანაწერის მეოთხე პუნქტში, ბატ. ნიკოლაძეს უფლება ეძლევა დაამტკიცოს სამსჯავროზე ბატ. ლოღობერიძის „ხროვის“ არსებობის სინამდვილე და საკუთარი აზრის სამართლიანობა მის შესახებ, ხოლო ბატ. ლოღობერიძეს უფლება აქვს შეეხოს ბატ. ნიკოლაძის კერძო ცხოვრების და მოღვაწეობის ყველა მხარეს. ასევე, სამსჯავროს უფლება ეძლევა, თავისი შეხედულების მიხედვით, დაუსვას მათ ისეთი კითხვები, ან საკითხთა კატეგორიები, რომელთაც აღნიშნული ჩანაწერები სრულიად არ ითვალისწინებს.

VI. საქმის სრული გამორკვევისათვის, ორივე მხარეს უფლება ეძლევა საკუთარი სიმართლის დასამტკიცებლად წარუდგინოს ღირსების სამსჯავროს ყოველგვარი წერილობითი, დაბეჭდილი და სიტყვიერი საბუთები. ასევე სიტყვიერი ახსნა-განმარტებანი როგორც პირადად, ასევე დამკველი რწმუნებულის მეშვეობით. ორივე მხარის სიტყვის თავისუფლების შეზღუდვა და იმ საკითხის გადაწყვეტა, თუ რამდენად შეესაბამება წარმოდგენილი საბუთები და ახსნა-განმარტებანი დავას, ან რამდენად სცდებიან ისინი ფარგლებს, დამოკიდე-

V. გარდა საკითხების იმ სამი კატეგორიისა, რომლებიც ნახსენებია აღნიშნული ჩანაწერის მეოთხე პუნქტში, ღირსების სამსჯავროს უფლება აქვს. თავის შეხედულების მიხედვით. დაუსვას მათ ისეთი კითხვები, ან საკითხთა კატეგორიები, რომელთაც აღნიშნული ჩანაწერები სრულიად არ ითვალისწინებს.

VI. საქმის მთლიანი გარკვევისათვის, ორივე მხარეს უფლება ეძლევა საკუთარი სიმართლის დასამტკიცებლად წარუდგინოს სამსჯავროს ყოველგვარი წერილობითი, დაბეჭდილი და სიტყვიერი საბუთები. ასევე სიტყვიერი ახსნა-განმარტებანი. ორივე მხარის მიერ სიტყვის თავისუფლების ბოროტად გამოყენების შეზღუდვა და იმ საკითხის გადაწყვეტა. თუ რამდენად შეეხება საქმეს წარმოდგენილი საბუთები და ახსნა-განმარტებანი, ან რამდენად სცდება მის ფარგლებს, დამოკიდებულია სამსჯავროს თვალსაზრისზე.

ბულია სამსჯავროს თვალსაზრისზე.

VII. სამსჯავროს სხდომები ღია და საჯარო იქნება. ბატ. ნიკოლაძე ვალდებულებას კისრულობს დაბეჭდოს თავის გაზეთში ამ სხდომების სრული ანგარიში და ღირსების სამსჯავროს სრული განაჩენი ყოველგვარი შეცვლის გარეშე და, ასევე, მომრიგებელთა ჩანაწერები. იმ შემთხვევაში, თუ ანგარიში სწორი არ იქნება, მხარეებს უფლება ეძლევათ მიმართონ ღირსების სამსჯავროს შემადგენლობას და ამ შემადგენლობის მიერ ხელმოწერილი რედაქცია ორივე მხარემ უნდა სცნოს საბოლოოდ და უდავოდ. ანგარიშის შედგენა ევალება ორივე მხარეს.

VIII. ბატ. ნიკოლაძეს უფლება ეძლევა გადახედოს მიხეილის საადგილ-მამულო ბანკის ყველა წიგნებს, ანგარიშებს, საქმეებს და ამოიწეროს ამ წიგნებიდან ის ადგილები, რომელთაც საჭიროდ მიიჩნევს. ამოწერილი ადგილების ასლის სისწორე უნდა დაადასტუროს ბანკის სამდივნომ.

VII. სამსჯავროს სხდომები ღია და საჯარო იქნება. ამასთან. სხდომის საჯარობის რეგულირების უფლება ენიჭება სამსჯავროს. ბატ. ნიკოლაძე თავისთავზე ვალდებულებას იღებს დაბეჭდოს თავის გაზეთში მომრიგებელთა ჩანაწერები და სრული ანგარიში სამსჯავროს სხდომებისა და ღირსების სამსჯავროს სრული განაჩენი ყოველგვარი შეცვლისა და ახსნა-განმარტებების გარეშე. იმ შემთხვევაში, თუ ანგარიში ზუსტი არ იქნება, მხარეებს უფლება აქვთ მიმართონ ღირსების სამსჯავროს შემადგენლობას და ამ შემადგენლობის მიერ შესწორებული და ხელმოწერილი რედაქცია ორივე მხარემ უნდა სცნოს უდავოდ. ანგარიშის შედგენა ევალება ორივე მხარეს.

VIII. იმ შემთხვევაში, თუ ერთ-ერთი მხარე წარმოადგენს ახალ მტკიცებით საბუთებს, რომელთაც არ იცნობს მეორე მხარე, ამ უკანასკნელს უფლება ეძლევა სთხოვოს ღირსების სამსჯავროს სხდომის გადადება უარმყოფელი საბუთების წარმოსადგენად. ღირსების სამსჯავროზეა დამოკიდებული: განაგრძოს საქმის განხილვა თუ დათანხმდეს მის გადადებას და განსაზღვროს ვადა.

IX. იმ შემთხვევაში, თუ ერთ-ერთი მხარე წარმოდგენს ახალ მტკიცებით საბუთებს, რომელთაც არ იცნობს მეორე მხარე, ამ უკანასკნელს უფლება ეძლევა სთხოვოს ღირსების სამსჯავროს სხდომის გადადება უარყოფელი საბუთების წარმოსადგენად. ღირსების სამსჯავროზეა დამოკიდებული: დათანხმდება გადადებას, თუ განაგრძობს საქმის განხილვას.

X. ორივე მხარე პატიოსან სიტყვას იძლევა, რომ: 1. იმ შემთხვევაში, თუ სამსჯავრო გადაწყვეტს, რომ ბატ. ნიკოლაძის მიერ გამოთქმული აზრი არაკეთილსინდისიერი და უსაფუძვლო იყო, ბატ. ნიკოლაძემ სამუდამოდ უნდა თქვას უარი ყოველგვარ პუბლიცისტურ და საზოგადოებრივ მოღვაწეობაზე; 2. ხოლო იმ შემთხვევაში თუ იგივე სამსჯავრო დარწმუნდება, რომ ბატ. ლოლობერიძემ ხელი მოჰკიდა ისეთ საქმეებს, რომელთაც არ იცნობდა და წარმართავდა უგუნურად, საზოგადოებრივი ინტერესების საზიანოდ, მაშინ მან სამუდამოდ უარი უნდა სთქვას ყოველგვარ საზოგადოებრივ მოღვაწეობაზე და როლზე.

XI. ყველა იმ შემთხვევითობისა და საკითხების გადაწყვეტა, რომელთაც არ ითვალისწინებს აღნიშნული ჩანაწერი, ევალება ღირსების სამსჯავროს.

IX. ყველა იმ შემთხვევითობისა და საკითხების გადაწყვეტა, რომელთაც არ ითვალისწინებს აღნიშნული ჩანაწერი, ევალება ღირსების სამსჯავროს.

ამ ორი პროექტის შეპირისპირებით მკითხველს ადვილად შეუძლია გამოიტანოს შემდეგი საერთო დასკვნა: ბატ. ლოლობერიძე ჩვენს დავას თვლის თითქმის კერძო საქმედ, რომელიც მხოლოდ მის „პატიოსან სახელს“ ეხება. ჩვენ კი ღირსების სამსჯავროს ვუყურებთ როგორც საშუალებას, რომელსაც შეუძლია გააშუქოს საზოგადოებრივი საქმეების მსვლელობა. ჩვენ არც იმაზე ვამბობთ უარს, რომ დავაკმაყოფილოთ ბატ. ლოლობერიძის ის სურვილიც, რომელიც მას აინტერესებს. ჩვენ მზად ვართ პასუხი ვაგოთ ყოველ ჩვენს სტრიქონზე. მაგრამ, რადგან ჩვენს მიერ გამოთქმული აზრები ბატ. ლოლობერიძეზე განუყოფელია და რადგან ისინი ერთმანეთს ხსნიან და ადასტურებენ, ამიტომ ჩვენ ვერ დავთანხმდებით იმას, რომ გამოჰყონ მხოლოდ ის აზრები, რომლებიც ბატონ ლოლობერიძეს მკვახედ და „პირადულად“ მიაჩნია და უყურადღებოდ დასტოვონ სხვა აზრები. მთლიანობაში, ერთად აღებულს, ერთი საერთო აზრით გაშუქებულს, ჩვენს შეხედულებებს აქვთ ერთი მნიშვნელობა. მაგრამ ამოიღეთ ერთი ასეთი აზრი, დუმილით გვერდი აუარეთ სხვებს და ჩვენი შეხედულებები ისეთ მნიშვნელობას მიიღებს, რასაც არავითარი კავშირი არ ექნება აზრთა საერთო ციკლთან. აი რატომ ვითხოვდით და ვითხოვთ ჩვენს მიერ გამოთქმული აზრების ერთობლივობაში განხილვას. ჩვენი მხრივ, ჩვენ ვაღიარებულებას ეკისრულობთ, პასუხი ვაგოთ ყველა ჩვენს მიერ გამოთქმულ აზრზე.

მეორე განსხვავება ჩვენს პოზიციებს შორის, რომელიც დაიჩრდილა ბატ. რწმუნებულთა განცხადებებით, მდგომარეობს შემდეგში: ბატ. ლოლობერიძეს არ სურს დაისვას საკითხი ჩვენს მიერ გამოთქმული აზრების საფუძვლიანობის შესახებ, მას მხოლოდ ის სურს, რომ ეს აზრი აღიარებულ იქნეს როგორც არაკეთილსინდისიერი. ჩვენ არ უარყოფთ მის უფლებას დაამტკიცოს ჩვენი არაკეთილსინდისიერება, მაგრამ არც ჩვენ ვამბობთ უარს ჩვენს უფლებაზე — დავამტკიცოთ ჩვენი აზრის საფუძვლიანობა. გარდა ამისა, ბატ. ლოლობერიძე ფიქრობს, რომ ღირსების სამსჯავროს უფლება არა აქვს განიხილოს ბანკის საქმეები; რომ ბატ. ლოლობერიძე სამსჯავროში გამოცხადდება როგორც კერძო პირი და არა როგორც ბანკის მმართველი (რაც ერთხელ მოგვახსენეს მისმა რწმუნებულებმა). ჩვენ კი ვამტკიცებთ, რომ ბატ. ლოლობერიძესთან, როგორც კერძო პირთან, არავითარი საქმე და არაფერი სადავო არა გვაქვს. ჩვენ მის შესახებ ისე ვლაპარაკობდით, როგორც საზოგადო მოღვაწეზე, როგორც ბანკის მმართველზე და ამიტომ დაბეჭდვით ვიცავთ ჩვენს უფლებას — დავამტკიცოთ ჩვენს მიერ გამოთქმული აზრის საფუძვლიანობა.

ნობა და სამართლიანობა; დავამტკიცოთ, რომ ქუთაისის ბანკის საქმეებს კეთილსინდისიერად ვიხილავდით.

ეს არსებითი განსხვავება შეხედულებებში არ შეიძლებოდა ჩვენი მოლაპარაკებით გადაწყვეტილიყო. ვინაიდან ჩვენი შეხედულება გამოთქმული იყო პრესაში ჩვენს პირველსავე პასუხში ბატ. ლოლობერიძის გამოწვევაზე, („ობზორი“ № 167) და რადგან ბატ. ლოლობერიძემ თავის მეორე წერილში („ობზორი“ № 177) სცნო ეს თვალსაზრისი, ამიტომ ჩვენ არ მივეციოთ უფლება ბატ. რწმუნებულებს — შეეცვალათ ერთხელ უკვე მიღწეული თანხმობა. ამის გამო, ჩვენ შევთანხმდით (ბატ. ლოლობერიძემ მოიწონა ეს შეთანხმება, მაგრამ დაურთო შენიშვნა) და მივიღეთ მესამე პუნქტის უკანასკნელი ნაწილის ასეთი საბოლოო რედაქცია:

(ღირსების სამსჯავროს გამოაქვს განაჩენი)... „და თანაბრად ამისა, ამ უკანასკნელის (ბ-ნ ლოლობერიძის) მიერ იმ საზოგადოებრივ საქმეთა წარმოების ს ი ს წ ო რ ი ს ა (ნაცვლად სიტყვისა გ ო ნ ი ვ რ უ ლ ი ს ა) და კეთილსინდისიერების ხარისხისა, რომელთაც მან ხელი მოჰკიდა, იმდენად, რამდენადაც ეს შეიძლება შეეხოს იმ ბრალდებებს, რომლებიც ბექდვითი სიტყვის მეშვეობით ბატ. ნიკოლაძემ ბატ. ლოლობერიძეს წაუყენა“.

უთანხმოების სხვა პუნქტებიდან ყველაზე მნიშვნელოვანი აღმოჩნდა ჩვენი მოთხოვნა, მოეკათ უფლება გადაგვეხედა ბანკის ანგარიშებისა და წიგნებისათვის. ბატ. რწმუნებულებმა განაცხადეს, რომ ბატ. ლოლობერიძეს არ შეუძლია პასუხი აგოს ბანკის მთელ მმართველობაზე, რომლის წევრებმაც შეიძლება ბატ. ნიკოლაძეს უარი უთხრან საქმეებისა და წიგნების ჩვენებაზე. მაგრამ ბატ. ლოლობერიძის ამგვარი განცხადება უსაფუძვლოა, რადგან ყველა ქუთაისელისათვის ცნობილია, თუ რამდენად შეუძლიათ მმართველობის წევრებს წინ აღუდგნენ ბატ. ლოლობერიძის გადაწყვეტილებას. მიუხედავად ამისა, ბატ. ლოლობერიძის მოსაზრების გარეგნული და მოჩვენებითი საფუძვლიანობის პატივისცემიდან გამომდინარე, თანხმობა განვაცხადეთ ჩვენი პროექტის მეორე პუნქტის რედაქციის შეცვლაზე და შევთავაზეთ ასეთი ფორმულა:

„ბატ. ლოლობერიძე სცნობს ბატ. ნიკოლაძის უფლებას შეამოწმოს მიხეილის საადგილ-მამულო წიგნები, საქმეები და სხვა... მაგრამ იმ შემთხვევაში თუ ბატ. ნიკოლაძეს ამის უფლებას არ მისცემენ აღნიშნული ბანკის მმართველობის წევრები, მაშინ საჭირო იქნება ამ უფლების მოპოვება ჩვეულებრივი სასამართლოს მეშვეობით. ამის გამო ღირსების სამსჯავრო უნდა გადაიდოს მანამდე, სანამ ბატ. ნი-

კოლაძე არ მოიპოვებს ბანკის წიგნებისა და საქმეების შემოწმების უფლებას“.

ბატ. რწმუნებულებმა ეს მოთხოვნაც კატეგორიულად უარყვეს. მათი განცხადების თანახმად, ბატ. ლოლობერიძემ მათ უთხრა, რომ „ამაზე ლაპარაკი კი ზედმეტია“. ჩვენ, ჩვენის მხრივ, განვაცხადეთ, რომ უცნაურია მოგვთხოვონ ჩვენი აზრის დამტკიცება და ამავე დროს დაგვიკეტონ იმ დაწესებულების კარები, სადაც უამრავი დამამტკიცებელი საბუთია (ჩვენ აქ არ მოგვყავს იმის დამამტკიცებელი არგუმენტები, რომ უფლება გვაქვს გავეცნოთ ბანკის საქმეებს). გარდა ამისა, ჩვენ განვაცხადეთ, რომ თუ ამის უფლებას არ მოგვცემენ, ჩვენ ღირსების სამსჯავროზე არ გამოვცხადდებით. მაგრამ დავარწმუნდით რა იმაში, რომ ჩვენმა განცხადებამ ვერ შესცვალა ბატ. რწმუნებულების გადაწყვეტილება, ჩვენ მათ შევთავაზეთ — მივანდოთ ამ საკითხის გადაწყვეტა შუამავალს, თუმცა ამ პუნქტს ჩვენ ვთვლით ღირსების სამსჯავროში ჩვენი მონაწილეობის „*Conditio sine qua non*“⁴⁰-ად. ვანდობთ რა ამ პუნქტის გადაწყვეტას შუამავალს, ჩვენ ვფიქრობთ, რომ ამით დავამტკიცეთ, თუ რა უკიდურეს ზომამდე მიდის ჩვენი სურვილი — გავარკვიოთ საქმე ღირსების სამსჯავროს მეშვეობით.

ჩვენ დიდად გაგვაკვირვა ბატ. სიგუნოვის განცხადებამ, რომ რწმუნებულები ვერც ამ პუნქტს მიიღებენ, რადგან ბატ. ლოლობერიძემ მათ კატეგორიულად უთხრა — „ამაზე ლაპარაკი ზედმეტია“ და ამიტომ ჩვენი წინადადება კვლავ უნდა გადასცენ ბატ. ლოლობერიძეს განსახილველად.

რადგან ჩვენ განვაცხადეთ, რომ უთანხმოების ყველა სხვა პუნქტში დავემორჩილებით შუამავალთა გადაწყვეტილებას, ამიტომ ჭერჭერობით დანარჩენ პუნქტებს არ შევხებხვართ. ბატ. რწმუნებულები წავიდნენ და დავგპირდნენ, რომ სადავო პუნქტზე — ბანკის საქმეების განხილვის შესახებ — პასუხს გავცემენ ბატ. ლოლობერიძის ქუთაისიდან ჩამოსვლის შემდეგ.

ჭერჭერობით საქმე ამაზე შეჩერდა.

20. პასკევიჩი ჩვენი ზღვაოსნობის შესახებ

თბილისი, 18 ივლისი

ჩვენ უკვე ვაცნობთ მკითხველებს ამიერკავკასიის არქეოგრაფიული კომისიის⁴¹ ოქმების III ტომის გამოსვლა და აღტაცებული ვიყავით ამ შესანიშნავი გამოცემის გარეგნული სიმდიდრითა და სტამბური გაფორმებით. ახლა შევეცდებით ვისარგებლოთ პატივცემული ა. პ. ბირჟეს შრომით, რათა გავარკვიოთ ზოგიერთი სახელმწიფოებრივი ამოცანის ისტორიული მსვლელობა ჩვენს მხარეში და დავაყენოთ საკითხი, რომელიც ყველაზე მნიშვნელოვან თანამედროვე საკითხად ითვლება, კერძოდ — საბუთებით ხელში განვიხილოთ, როგორ უყურებდა კავკასიის ერთ-ერთი ცნობილი ადმინისტრატორი, თავადი პასკევიჩი-ერევანსკი ზღვაოსნობისა და ვაჭრობის განვითარებას შავსა და კასპიის ზღვებზე.

ამის საუკეთესო საბუთს წარმოადგენს გენერალ პასკევიჩის მიმართვა № 257, რომელიც 1829 წლის 25 აპრილს გენერალ-ადიუტანტ კანკრინს გაუგზავნა. ეს მიმართვა დაწერილია ადრიანოპოლის ბრწყინვალე ზავის⁴² შემდეგ, რომლის მიხედვითაც დაგვიტოვეს მდინარე რიონის შესართავი ფოთის სიმაგრითურთ და შავი ზღვის მთელი აღმოსავლეთი სანაპირო — მდინარე ყუბანის შესართავამდე, ანაპის სიმაგრით. საჭირო იყო დაესახათ ჩვენი ადმინისტრაციისათვის ამ ახლად შემომტკიცებული მიწების კეთილმოწყობისა და განვითარების მომავალი ამოცანები, რათა, რაც შეიძლება სასარგებლოდ გამოეყენებიათ ეს მიწები რუსეთისათვის, რაც პეტერბურგში განსაკუთრებული ზრუნვის საგანი იყო. ამ ზრუნვის შედეგად დაიბადა აზრი — დაეარსებინათ ნაოსნობა შავსა და კასპიის ზღვაზე; რაზედაც თბილისის სამხედრო გუბერნატორმა სიპიაგინმა თავისი მოსაზრებები ისე გაგზავნა, რომ კორპუსის სარდლისთვის არაფერი უკითხავს, რაც კანცელარული თვალსაზრისით სწორი არ იყო. ეს სრულიად არ ნიშნავს იმას, რომ ამით იცვლებოდა რუსეთსა და ამიერკავკასიის შორის სავაჭრო ურთიერთობის განვითარების ამოცანის მნიშვნელობა. მაგრამ ამ უმნიშვნელო შეცდომამ, ანუ კანცელარუ-

ლი წესის დარღვევამ, დაღუპა შავსა და კასპიის ზღვაზე ნაოსნობის დაარსების საქმე.

„უპირველეს ყოვლისა, საჭიროდ მიმაჩნია განვიმარტოთ, იუწყებოდა გრაფი პასკევიჩი, გენერალ სიბიაგინის წინადადება ჩემი თანხმობის გარეშე გამოგზავნილი პეტერბურგში, მაგრამ რომ ეთხოვათ კიდეც ჩემი თანხმობა და ეკითხათ აზრი, მე ვუპასუხებდი: ნაოსნობის შემოღება შავსა და კასპიის ზღვაზე საქართველოსა და რუსეთს შორის საზღვაო მიმოსვლისათვის ჯერჯერობით ნაადრევად მიმაჩნია“.

ასეთი განცხადების წინაშე ძალაუნებურად ჩერდები! რუსეთმა შემოიმტკიცა ახალი მხარე, რომელიც მეტროპოლიასთან უნდა დაეკავშირებინათ. ამის საუკეთესო საშუალება ვაჭრობაა. ვაჭრობის განვითარების მიზნით პეტერბურგიდან წინადადებას იძლევიან — დავაარსოთ ნაოსნობა, მაგრამ გრაფ პასკევიჩს მიაჩნია, რომ ჯერ ეს ნაადრევია. რა მოტივებით იყო დასაბუთებული ეს ნაადრეობა? გრაფი პასკევიჩი აღიარებს, რომ ნაოსნობას შეუძლია ძალზე დიდი სარგებლობა მოგვიტანოს, თუ: 1. ამიერკავკასიაში სახმელეთო გზებს წესრიგში მოიყვანენ; 2. თუ რუსეთისა და მთელი ევროპის ვაჭრობას აქაურ მხარესთან და მის მოსაზღვრე სპარსეთისა და თურქეთის პროვინციებთან სწორი, სისტემატური ხასიათი ექნება და განუწყვეტლივ იწარმოებს.

ამ არგუმენტის თანახმად, ნაოსნობის შექმნა ყირიმის ომის შემდეგაც ნაადრევი იყო და ამაზე ფიქრი ახლაც ნაადრევია, რადგან ამიერკავკასიაში სახმელეთო გზები ჯერ კიდევ წესრიგში არაა, ვაჭრობას არა აქვს სისტემატური ხასიათი და არ წარმოებს განუწყვეტლივ. მაგრამ სწორედ იმისათვის, რომ ვაჭრობას ჰქონდეს სისტემატური ხასიათი და განუწყვეტლივ წარმოებდეს, შავ ზღვაზე შეიქმნა ნაოსნობა და ახლა ძნელი არაა იმის დამტკიცება ციფრებით, რომ მისი დაარსებით რუსეთიდან შემოზიდული საქონლის რაოდენობა დიდი პროგრესით იზრდება და, ამავე დროს, მცირდება უცხოურ საქონლის შემოზიდვა ამიერკავკასიაში, ე. ი. მივიღეთ სწორედ ის შედეგები, როგორც უნდა მიგველო და რომელიც არ შეიძლებოდა სხვაგვარი ყოფილიყო 1829 წელს.

„მე წინააღმდეგი არა ვარ იმის, — წერდა გენერალი პასკევიჩი, — რომ გზა თბილისიდან ფოთამდე უნდა შეკეთდეს და იმდენად გაუმჯობესდეს, რომ ამ გზით ტვირთის გადაზიდვას არაფერი აბრკოლებდეს, მაგრამ ამისათვის საჭიროა მნიშვნელოვანი თანხა და რამდენიმე წელი“.

აქედან პირდაპირ გამომდინარეობს დასკვნა, რომ თითქოს სო-

ჭირთა ამ გზის გაყვანა და მოწყობა, მაგრამ გრაფი პასკევიჩი სხვაგვარად წერდა:

— „აქაური ვაჭრობის დღევანდელი მდგომარეობისათვის სრულიად საქმარისია გემმა გააყეთოს ორი ან სამი რეისი, რომ გადაზიდოს მთელი საქონელი, რომელიც ოდესიდან აქეთ მოაქვთ. ამ მიზეზის გამო, ორი გემის გამოყოფა ოდესასა და სამეგრელოს ნაპირებს შორის მხოლოდ ვაჭრობისათვის, მე დიდ ამბად არ მიმაჩნია“.

„შავი ზღვის მეშვეობით სამეგრელოს სანაპიროებთან, იმერეთსა და სამეგრელოში დაბანაკებული ჩვენი ჯარებისათვის მოაქვთ პროვიანტი და საარტილერიო ყუმბარები, ამავე გზით შეიძლება გადმოზიდონ ამუნიციაც, რაც დიდად ხელსაყრელი იქნება ხაზინისათვის, მაგრამ პროვიანტი აქამდე არ ჩამოგვაქვს რედუტ-კალეში ყირიმის ნავსადგურებიდან. ხოლო საარტილერიო ყუმბარები, რკინისა და თუჩის სხვადასხვა საგნები ჩვეულებრივ ტაგანროგიდან მოაქვთ. ასევე მოხერხებულია ამუნიციის გადმოზიდვა როსტოვიდან“.

„მაგრამ გემებს დიდ ზარალს ის მიაყენებს, რომ სამეგრელოდან ისინი ცარიელი უნდა დაბრუნდნენ უკან. ამჟამად ამ მხარეს არ გააჩნია არავითარი პროდუქცია რუსეთში გასატანად, გარდა ტყის მცირე რაოდენობისა, რომლით ვაჭრობა მხოლოდ მაშინ იქნება სასარგებლო, როცა ტყით ვაჭრობა განვითარდება“.

„წერილებისა და ამანათების გადასაზიდად და მგზავრების გადასაყვანად გემების გამოყოფა როგორც შავ, ასევე კასპიის ზღვაზე სრულიად ზედმეტია. თბილისსა და ოდესას შორის კორესპონდენციების გაცვლა ახლაც უმნიშვნელოა, ხოლო როცა ამ მხარის პრივილეგიები გაუქმდება (ე. ი. უცხოური საქონლის თავისუფლად შემოტანის უფლება, რისთვისაც მხოლოდ საბაჟო გადასახადის 5 პროცენტს იხდიან), იგი სრულიად უმნიშვნელო გახდება. ასტრახანიდან კავკასიაში წერილებისა და ამანათების გამოგზავნა და უკან გაგზავნა ასეთივე წარმატებით შეიძლება სახმელეთო გზითაც“.

როცა ყოველივე ამას ერთბაშად გადაიკითხავ, ვერ გებულობ, რის დამტკიცება უნდათ. ნაოსნობას შეუძლია მოგვიტანოს ძალზე დიდი სარგებლობა და, ამავე დროს, ორი გემის გამოყოფა ზედმეტად მიაჩნიათ. გაყვანილი უნდა იქნეს გზები, მაგრამ სახსრების გამოყოფა იმისათვის, რომ გადაზიდონ ტვირთი ქვეყნის ერთი ბოლოდან მეორემდე, ნაადრევად მიაჩნიათ. პროვიანტის, საარტილერიო ყუმბარებისა და ამუნიციის ზღვით გადაზიდვა მოხერხებულია, მაგრამ როსტოვიდან მათი გადმოზიდვა კიდევ უფრო მოხერხებულია. ტყით ვაჭრობას შეუძლია სარგებლობა მოგვიტანოს, მაგრამ

მისი დაწყება არ ღირს! კორესპონდენციები ახლა უმნიშვნელო რაოდენობითაა, დროთა განმავლობაში კი, გაზრდის ნაცვლად, კიდევ უფრო შემცირდება. მგზავრები თუმცა არიან, მაგრამ ყველას იმ სახმელეთო გზით ურჩევენია მგზავრობა, რომელიც ჭერ არ გაუყვანიათ!

იმავე მე-7 ტომის 119 გვერდზე ჩვენ შემდეგ საბუთს * ვპოულობთ:

„საქართველოში, საფოსტო განყოფილების დაარსების დღიდან, კორესპონდენციების უმნიშვნელო რაოდენობის გამო, ფოსტის გაგზავნა კახაკთა პოსტის, შიკრიკთა მეშვეობით ხდებოდა, რაშიც გადატანის ფულს მათ არავინ უხდიდა. შემდეგ, საფოსტო სამმართველოს ყველგან გახსნასთან დაკავშირებით, კორესპონდენციათა რაოდენობა დიდად გაიზარდა, განსაკუთრებით სახელმწიფო კორესპონდენციებისა, კახაკთა პოსტები კი ვალდებულნი იყვნენ ეს მძიმე მოვალეობა შეესრულებინათ. მარტო თბილისის პოსტი ყოველ დღე აუნაზღაურებლად უშვებდა 15-დან 20-მდე ცხენს“.

ამგვარად, აზრს კორესპონდენციების უმნიშვნელო რაოდენობის შესახებ გრაფ პასკევიჩის ხელქვეითი პირები ფაქტებით უარყოფენ. წინააღმდეგობა, რომელიც ჩვენ მიმართვა № 257-ში აღმოვაჩინეთ, ნათელია და არ შეიძლება მივაწეროთ ისეთი ადმინისტრატორის უეცრობას, როგორიც გრაფი პასკევიჩი იყო. გარდა ამისა, მას თან ახლდა ერმოლოვის თანამებრძოლთა მთელი ფალანგა, აღზრდილნი მოვალეობის ბეჯითად აღსრულების საფუძველზე და, ამიტომ, სერიოზულად უყურებდნენ ჩვენი მხარის მოთხოვნებიებს. ამიტომ იმ მიზეზთა შორის, რის გამოც შავ ზღვაზე 1829 წელს არ დაარსდა ნაოსნობა, ჩვენ შეგვიძლია დავასახელოთ მხოლოდ ის, რომელზედაც თვით გრაფი პასკევიჩი მიგვითითებს: უპირველესად ყოვლისა, ამ საკითხის შესახებ მიმართვა ისე იგზავნებოდა, რომ მან არაფერი იცოდა, მეორეც, იგზავნებოდა მისი ინიციატივის გარეშე. ეს ყველაფერი კარგად ჩანს გენერალ კანკრინისადმი გაგზავნილი წერილის დასკვნაში:

„თუ, ღმერთის წყალობით, ახლანდელი ომი ბედნიერად დამთავრდება, ჩვენ განსაკუთრებით ვიზრუნებთ იმისათვის, რომ გავიყვანოთ გზები თბილისიდან ბაქომდე და ფოთამდე და მაშინ ეს ორი გზა საიმედოდ შეერთდება. ხოლო თუ ამ გზებზე მოეწყობა ქარვასლები, ფუნდუკები და სხვა დამხმარე სადგომები საქონლის

* გენერალ-ადიუტანტ პანკრატოვის მიმართვა თავად გოლიცინისადმი 1831 წ. 8 ივლისი, № 384.

გადასაზიდად, მაშინ, რა თქმა უნდა, ნაოსნობის დაარსება ამ მხარის დასაკავშირებლად რუსეთთან, დიდ სარგებლიანობას მოგვიტანს“.

ასე რომ, გრაფი პასკევიჩი აღიარებდა ნაოსნობის დაარსების აუცილებლობას, მაგრამ, ასე რომ ვთქვათ, იწყებს თავისებურად, სხვა ბოლოდან, და არა ისე, როგორც ვარაუდობდა გენერალი სიპიაგინი. მას ისიც კი საჭიროდ მიაჩნია, რომ მოეწყოს ქარვასლები, ფუნდუკები და სხვა დამხმარე სადგომები საქონლის სახმელეთო გზით გადასაზიდად და მხოლოდ ამის შემდეგ ფიქრობს ზღვით გადაზიდვაზე. ეს, რა თქმა უნდა, ეწინააღმდეგება ყველა იმ საზღვაო სახელმწიფოს განვითარების ისტორიას, რომელთა ნაპირებსაც ვერ აღგებოდა უცხო ხელმწიფეთა გემები და ამიტომ ზღვასთან მიჰქონდით მხოლოდ ახლომდებარე რაიონების ტვირთი, შემდეგ კი, გემების რაოდენობისა და საქონელზე მოთხოვნილებების ზრდასთან დაკავშირებით, ვაჭრებმა თვითონ, ან თავიანთი კომისიონერების დახმარებით, დაიწყეს საქონლის უფრო შორი რაიონებიდან გადმოზიდვა, რამაც გზების გაყვანა და მიმოსვლის არსებულ საშუალებათა გაუმჯობესება გამოიწვია. მაგრამ გრაფ პასკევიჩს სურდა ვაჭრობა რუსეთსა და ამიერკავკასიას შორის იმთავითვე სრულიად აღჭურვილი ყოფილიყო და როცა ზღვამდე მიაღწევდა, მხოლოდ მაშინ მოეთხოვათ ოდესიდან და ისეთი ადგილებიდან გემების გამოგზავნა, რომელთა არსებობა ამიერკავკასიაში სავაჭრო ურთიერთობის დაწყებამდე, ალბათ, არც კი იცოდნენ. ძნელია, რა თქმა უნდა, იმის აღიარება, რომ ადამიანს, რომელიც სახელმწიფო ინტერესებს იცავდა, შეეძლო წვრილმანი ფორმალობის დარღვევა საკუთარი თავისადმი უპატივემლობად მიეღო და, ამის გამო, გადაეწყვიტა ხელი შეეშალა მთელი მხარის განვითარებისათვის.

21. პოლიტიკური მდგომარეობა

თბილისი, 24 ივლისი

ამჟამად ჩვენი სატახტო ქალაქის გაზეთები და მთელი ევროპის პრესა კომენტარს უკეთებს ბერლინის ტრაქტატს²⁰, და იმ დიპლომატების, იურისტების და მორალისტების აზრით, რომლებიც მას განმარტავენ, არ არსებობს ამოცანა, ისეთი პოლიტიკური შედეგი, რომელიც, შესაბამისი გაშუქების შემდეგ, ამ დოკუმენტიდან არ გამომდინარეობდეს. ამავე დროს არ შეიძლება დავივიწყოთ, რომ ამ შესანიშნავი დიპლომატიური ოქმის ავტორებმა უარი თქვეს მის პრაქტიკულ განხორციელებაზე და ეს ამბავი დროს, ჰუმანიურ გრძნობებს და თითოეულის პირად ზრუნვას გადაულოცეს. სხვაგვარი გადაწყვეტილება მათ, რა თქმა უნდა, არც შეეძლოთ მიეღოთ, რადგან შეთანხმება ს.-სტეფანოს სამშვიდობო ტრაქტატის საბოლოო შეცვლის შესახებ უეცრად დამთავრდა 4 ივლისს ინგლისსა და თურქეთს შორის საიდუმლო შეთანხმების დადებით, რაც მთლიანად აცლის საფუძველს იმ ძირითად აზრს, რითაც ხელმძღვანელობდა პატივემული ბერლინის კონგრესი, სახელდობრ: განეხილათ თურქეთის მოწყობის ყველა საკითხი ევროპის ინტერესების შესაბამისად. სინამდვილეში კი, როცა ყველამ დამაკმაყოფილებლად სცნო საერთო ევროპული ინტერესები, ინგლისმა თურქეთი სულ სხვაგვარად მოაწყო და მისი ერთადერთი მიზანი ისაა, რომ შეაჩეროს რუსეთის განვითარება და ინგლისის წინსვლისათვის საჭირო პირობები შექმნას. ამ შეთანხმებას ხელი არ შეუშლია მისი წარმომადგენლები-სათვის, ხელი მოეწერათ ბერლინის ტრაქტატზე და 64-ე მუხლზეც. რომელიც აღგენს, რომ ტრაქტატის რატიფიკაცია 10 ივლისიდან (ახალი სტილით) სამი კვირის მანძილზე უნდა მოხდეს. ეს ვადა უკვე დამთავრდა ჩვენი სტილით 22 ივლისს, მაგრამ ტელეგრაფს ჩვენთვის არ უცნობებია ყველა სახელმწიფოს მიერ ამ ცნობილი დიპლომატიური დოკუმენტის საბოლოო რატიფიკაცია.

სამაგიეროდ ტელეგრაფი, ყველა გაზეთის კორესპონდენტები, ორატორები და პუბლიცისტები თანაბარი გულუხვობით იუწყე-

ბიან ავსტრია-უნგრეთ-თურქეთის ტრაქტატის გამოქვეყნების ვადას, რომელიც როგორც ინგლის-თურქეთის ტრაქტატის დამატება, ბუნებრივი და აუცილებელია, რადგან, წინააღმდეგ შემთხვევაში, რუსეთის ორივე მოწინააღმდეგის ერთობლივ მოქმედებას არავითარი პრაქტიკული შედეგები არ მოჰყვება. ამის შემდეგ სარწმუნოა ისიც, რომ დაიდება თურქეთ-საბერძნეთის ხელშეკრულება, რომლის თანახმადაც ბერძნებს, თურქეთისათვის დათმობების ასანაზღაურებლად, უფლებას მისცემენ ავსტრია-უნგრეთთან ერთად ჩაატაროს ექსპერიმენტები თურქეთის იმპერიის სლავების ავტონომიურ ოლქებში, წმინდა მამის მონაწილეობით, რომელმაც თავისი არმია უკვე გაგზავნა ლოცვა-კურთხევით ავსტრია-უნგრეთის დასახმარებლად და ბოსნიისა და ჰერცეგოვინის დასაკავებლად.

ყველაფერი ეს ისე მარტივი და ბუნებრივია, რომ არ შეიძლება არ დაიჭირო. მაგრამ ამ შემთხვევაში უნებურად ისმება კითხვა: სადაა რუსეთის მიერ გაღებული მსხვერპლისა და დათმობების შედეგი; სადაა ბერლინში გამოთქმულ თვალსაზრისთა შედეგები და გადაწყვეტილებანი აღმოსავლეთის საკითხის სიძნელეთა შესახებ? უკანასკნელ ომამდე ევროპის საგარეო ძალების დაჯგუფება ასეთი იყო:

თურქეთი აღიარებულ იქნა ბალკანეთის ნახევარკუნძულზე თავის ქრისტიანი ქვეშევრდომებისათვის მშვიდობისა და უსაფრთხოების მიცემისათვის უნარმოკლებულ სახელმწიფოდ. ამით განაჩენი გამოუტანეს კონსტანტინოპოლის კონფერენციას²⁰, რამაც ხელები გაუხსნა რუსეთს და შესაძლებლობა მისცა იარაღით გაეთავისუფლებინა ბალკანეთის ნახევარკუნძულის ქრისტიანი ხალხები.

მაგრამ რუსეთის წარმატება საფრთხეს უქმნიდა ინგლისსა და მის ინტერესებს. ამიტომ ინგლისი არა მარტო აშკარად ამარაგებდა თურქეთს ფულით, იარაღით, ოფიცრებითა და სხვ., არამედ დიპლომატიური გზებითაც იცავდა თურქეთის ბატონობის ყველა ინტერესს.

მაგრამ ინგლისი მარტო თავის მრავალრიცხოვან საშუალებებს არ ეყრდნობოდა და ავსტრიასთან ერთად ხელჩაკიდებული მიდიოდა. და თუ ეს უკანასკნელი არ მიიყვანა რუსეთისათვის ომის გამოცხადებამდე, იმის შესაძლებლობა მაინც მისცა, რომ მუდამ მზად ჰყოლოდა ჯარი რუსეთისათვის წინააღმდეგობის გასაწევად. სამი იმპერატორის კავშირი ამ აშკარა მტრობას მხოლოდ ნიღბავდა მშვიდობის მისაღწევი დიპლომატიური მეცადინეობით.

ამასთან ერთად, ინგლისმა მუქარითა და დაპირებებით შეაჩერა ბერძენი ხალხი და საბერძნეთის მთავრობა — განეახლებინა, და

მონაწილეობა მიეღო თურქეთის წინააღმდეგ ომში. ამგვარად, ომის წინ, თუმცა ომი მხოლოდ თურქეთს გამოუცხადეს, ყველას და ყოველთვის მხედველობაში ჰქონდა ომის შესაძლებლობა — რუსეთისა არა მარტო თურქეთთან, არამედ ინგლისის, ავსტრია-უნგრეთისა და საბერძნეთის წინააღმდეგ ერთდროულად.

სწორედ ამგვარი ევროპული შეჯახების თავიდან ასაცილებლად, რომელიც ჯერ კიდევ *in spe* იყო, ფიქციისა და ვარაუდის სახით, და რომელსაც არავითარი იურიდიული საფუძველი არა ჰქონდა, შეიკრიბა ბერლინში კონგრესი და მიიღო თავისი გადაწყვეტილებანი, რის შედეგადაც გამოქვეყნდა ის, რომ ინგლისსა და თურქეთს შორის შეტევითი და თავდაცვითი კავშირი არსებობს.

თითქმის უდავოა ასეთი კავშირის არსებობა ავსტრია-უნგრეთსა და თურქეთს შორის და სავსებით შესაძლებელია საბერძნეთსა და თურქეთს შორისაც.

ასე რომ, რუსეთისადმი მტრულად განწყობილი დაჯგუფება, რომლის არსებობასაც ომამდე მხოლოდ ვარაუდობდნენ, ბერლინის ტრაქტატის შემდეგ ცხადად გამოვლინდა და მალე, ალბათ, ფაქტებითაც დადასტურდება. ამიტომ ჩვენ ვერავითარ განსხვავებას ვერ ვხედავთ აღმოსავლეთის საკითხის თანამედროვე პოლიტიკური სიძნელების გადაჭრაში — ბერლინის ტრაქტატისა და კონსტანტინოპოლის კონფერენციის შემდეგ. დიპლომატიაში ჩვენ ჩქარი ნაბიჯით დავრბოდით ერთ ადგილას და ამით ვარაუდს შესაძლებლობა მივეცით ფაქტებად გადაქცეულიყვნენ. ასე რომ, ჩვენს დიპლომატებს ჭკუის სასწავლებლად შეუძლიათ გაიხსენონ ჯარისკაცთა სიმღერა *Слышу, вижу — Сам я догадался!*

მაგრამ ისტორია ამტკიცებს, რომ დიპლომატების კეთილშობილური და მცდარი მეცადინეობა ვერ შესცვლის მოვლენათა ლოგიკას. მოვლენები თავის რიგით ვითარდება და, მიუხედავად ლორდ ბიკონსფილდის მსგავსი პატივმოყვარე ადამიანების ეშმაკური გამოგონებებისა, გონებამახვილური ლაპარაკისა და დაწერილი ხელშეკრულებებისა, ადამიანებისა, რომელთაც სურთ შეაჩერონ კაცობრიობის პროგრესული განვითარება, ისინი მაინც თავის რიგზე განვითარდებიან.

დაე, რაც უნდა ის წერონ, მაგრამ რუსეთის არმიამ ფაქტიურად გადალახა ბალკანეთი, მიადგა კონსტანტინოპოლს და გაანთავისუფლა სლავები თურქეთის უღლისაგან. სულ ერთია, ცნობს თუ არა ამ ფაქტს ბერლინის ტრაქტატი, ქრისტიანებმა მოიპოვეს იარაღის ტარების უფლება და, ცხადია, გამოიყენებენ მას საკუთარი კეთილ-

დღეობის დასაცავად. რა დაჩაგრულნიც არ უნდა იყვნენ ბულგარელები, როგორც არ უნდა ჰქონდეთ დაკარგული წინაპართა საბრძოლო სულისკვეთება, არ შეიძლება მთელი ერი მხოლოდ ნაძირალებისაგან შესდგებოდეს. დაე, ავსტრია-უნგრეთმა წმინდა მამის ლოცვა-კურთხევით იქადაგოს კათოლიციზმი, როგორც ხალხის კეთილდღეობის უზრუნველყოფის საშუალება, დაე, მოვიდნენ ბერძნები თავიანთი ენით და შეეცადნონ შეზღუდონ ბულგარელები, დაე, ინგლისმა გააფართოვოს თავის ფაბრიკატების შეტანა და ნედლი მასალის გატანა ბულგარეთიდან, ამ ქვეყნის ეკონომიური მოთხოვნილებების გასავეითარებლად, ერთი სიტყვით დაინტერესებულა მთავრობების ყველა ეგოისტურმა მისწრაფებამ შეიძლება ხალხს მოსწყვიტოს ცალკეული პირები, მაგრამ მთელი მისი შემადგენლობის დემორალიზაციას ვერ შესძლებენ. ხალხს ყოველთვის ექნება კეთილშობილური ინსტინქტი, ყოველთვის გამოამყდვენებს პატრიოტიზმსა და თავგანწირვას და ეს მით უფრო აღვილია, რაც უფრო უეჭველია ის, რომ თურქეთში მცხოვრებ ქრისტიანებს აქვთ თავიანთი ისტორია და გეოგრაფია და მათ თავისუფლად შეუძლიათ იპოვონ საყრდენი წერტილი, სოლიდარობა დამოუკიდებელ, ნახევრად დამოუკიდებელ და დაპყრობილ ხალხებთან და მიიღონ დიპლომატიური და ფაქტიური დახმარება გარედან, რაზედაც მათ რუსეთი არასოდეს არ ეუბნებოდა უარს იმ დროიდან, რაც სახელმწიფოდ ჩამოყალიბდა.

ამგვარ პოლიტიკურ ვითარებაში, როცა გვაგონდება, თუ რა არაკეთილსინდისიერება გამოიჩინეს ინგლისმა, ავსტრია-უნგრეთმა და თურქეთმა, თავიანთი მოვალეობის აღსრულების დროს, უცნაური იქნება ვეცადოთ ბერლინის ტრაქტატის სწრაფ რატიფიკაციას. რუსეთმა ჭერჯერობით მხოლოდ შუშლუ დაიკავა. ვარნა და ბათუმი ჭერჯერობით თურქეთის ხელში რჩება და სანამ ეს მდგომარეობა არ შეიცვლება, სანამ რუსეთი არ დაიკავებს იმ მცირე ტერიტორიებს, რაზედაც ბერლინში დათანხმდა, მანამდე, რა თქმა უნდა, ჩვენ უფლება გვაქვს ბერლინის ტრაქტატი უმოქმედო დოკუმენტად მივიჩნიოთ, ხოლო ჩვენი პოლიტიკური მდგომარეობა ისეთივედ, როგორც კონსტანტინოპოლის კონფერენციამდე იყო. განსხვავება მხოლოდ სტრატეგიულ მდგომარეობაშია: მაშინ ჩვენ პრუტთან ვიდექით და ევროპაში ომის დაწყებას ველოდით, ახლა კი კონსტანტინოპოლთან ვდგავართ და სრულიად არა ვართ დაცულნი ასეთივე ომისაგან. თუ ჩვენი მდგომარეობა აზიაში, ყარსისა და ერზრუმის აღების შემდეგ, უფრო ხელსაყრელია, ვიდრე 1877 წელს იყო, სამაგიეროდ ინგლისის ფლოტის ყოფნა კონსტან-

ტინოპოლში, ინდოეთის ჯარების გადმოყვანა კვიბროსის კუნძულზე და ავსტრია-უნგრეთის შესვლა ჰერცოგოვინასა და ბოსნიაში, ბევრად ართულებს ჩვენს მდგომარეობას ევროპის ბრძოლის ველზე. თუმცა მომავალი ამჟამადაც ისევე გაურკვეველია, როგორც გასული წლის გაზაფხულზე იყო და ყოველგვარ ვარაუდსა და მოსაზრებებს შეიძლება ალბათობის თანაბარი ხარისხით მხარი დაუჭირონ დიპლომატებმა და მხედართმთავრებმა. მხოლოდ ერთი ფაქტია ჩიუტი: მიუხედავად იმისა, რომ სამშვიდობო ტრაქტატს ხელს მოვაწერეთ, მშვიდობას ჯერჯერობით მაინც ვერ მივალწიეთ.

22. კულტურული ბრძოლა აზიაში

თბილისი, 25 ივლისი

„გოლოსმა“²⁷, სატახტო ქალაქის დიპლომატიურ გაზეთებს შორის ყველაზე უფრო დიპლომატიურმა გაზეთმა, საკმარისად ინუგეშა თავი პატრიოტული ოხვრა-კენესით ბერლინის კონგრესზე ინგლისის დიპლომატიის გამარჯვების გამო. თითქოს დაავიწყდა ყველაფერი, რასაც ასეთი პათოსით ქადაგებდა, და სრულიად მოულოდნელად ინგლისთან კავშირის მომხრე გახდა.

შევეუთანხმდეთ ინგლისს იმისთვის, როგორც ეს იმპერატორ ნიკოლოზს სურდა, რომ გაგვიადვილდეს ავსტრია-უნგრეთთან ბრძოლა, — აი ესაა რუსეთის დიპლომატიის უახლოესი და უდიდესი ამოცანა, ქადაგებს „გოლოსი“ ჩვენს მიერ მიღებულ უკანასკნელ ნომერში და შემდეგ ასეთ განმარტებას იძლევა:

თუ რუსეთის დიპლომატია მტკიცედ იდგომება რუსი ხალხის რეალური ინტერესების საფუძველზე, ამჟამად მას შეუძლია უდიდესი სამსახური გაუწიოს სამშობლოს. ჩვენს დიპლომატიას, თურომ სახელმწიფო სიბრძნეზე დაყრდნობით, რომელიც მხოლოდ და მხოლოდ სამშობლოს მიზნებიდან გამოდის, შეაფასებს ინგლისის კულტურული გავლენის წინააღმდეგ ბრძოლის პირობებს აზიაში, შეუძლია ბევრი უმტკივნეულო შეხების წერტილი იპოვოს რუსეთისა და ინგლისის ინტერესებს შორის.

წავიკითხე რა ეს დიპლომატიური მოსაზრებები, დავრწმუნდი, რომ ენა არა მარტო აზრების დასაფარავად მოუცია ღმერთს, არამედ თავგზის ასაბნევადაც. კულტურული ბრძოლა აზიაში — როგორი მაღალფარდოვანი ფრაზა და როგორი უაზრობაა, თუ გავიხსენებთ, რომ ინდოეთი, ინგლისელი ვაჭრების მიერ მის კულტურულ დამუშავებამდე, მთელ აღმოსავლეთს და ევროპას ამარაგებდა მრეწველობის სანიმუშო ნაწარმით, ახლა კი კმაყოფილდება ინგლისის ფაბრიკების ისეთი ნაწარმით, როგორსაც მიაწოდებენ. ეს საყოველთაოდ ცნობილი შედეგი აზიასთან ევროპის კულტურული ბრძოლისა, იძულებულს გვხდის მივიღოთ ევროპის

მიერ ასეთივე მერკანტილური ექსპლოატაცია აზიის მოსახლეობისა და სიმდიდრისა. კულტურული ბრძოლა ინგლისსა და რუსეთს შორის აზიაში ჯერჯერობით იმაში გამოიხატება, რომ ინგლისელები და ინგლისის მთავრობა დიდ ძალას ხარჯავენ, რათა შესაძლებლობა მისცენ ინგლისის საქონელს შეაღწიოს აზიის ყველა იმ ბაზარზე, სადაც კი რუსეთი ვაჭრობს, ან თავის გეოგრაფიული მდგომარეობით შეუძლია ივაჭროს. ინგლისის მთელი სიძულვილი რუსეთის ბატონობისადმი იმით კი არაა გამოწვეული, რომ რუსები ბარბაროსულად ექცევიან დაპყრობილ ხალხებს, აფერხებენ მათ ცივილიზაციასა და კეთილდღეობას, არამედ იმით, რომ რუსეთის მთავრობა მცირე სარგებლობას იღებს დაპყრობილი ოლქებიდან და ძალზე ბევრ ფულს ხარჯავს მათ განვითარებაზე, რის გამოც რუსეთის სახელი ამ ქვეყნებში უფრო პოპულარულია, ვიდრე ინგლისისა. განათლებული მეზღვაურები ამ ამბავს როგორმე შეურიგდებოდნენ, მაგრამ როცა აზიის რომელიმე სახანო რუსეთს უერთდება, მაშინვე წესდება საბაჟო საზღვარი და ინგლისის საქონლის გასაღება ჭირს... სწორედ ამგვარი წყენა ვერ უპატიებიათ ჩვენთვის ინგლისელებს და როგორც არ უნდა ზრუნავდნენ განათლონ ჩვენი საზოგადოება იმის ქადაგებით, რომ საჭიროა თავისუფალი, უბაჟო ვაჭრობა, რუსეთის მეფაბრიკეების მფარველი და მხსნელი მიანიც საბაჟო ტარიფია და ამიტომ აუცილებელია მისი დაწესება აზიაში, ყოველი ახალი საზღვრის გაყენასთან ერთად. ამგვარად, ის, რასაც დიპლომატიით გატაცებული „გოლოსი“ აზიაში კულტურულ ბრძოლას ეძახის, სინამდვილეში ჩვეულებრივი სავაჭრო მეტოქეობა და აზიის ბაზრების მონოპოლიისათვის ბრძოლაა. ამ შემთხვევაში განა სასურველი არ იქნებოდა დაგვენახა ის სიბრძნე, რომელიც მხოლოდ სამშობლოს ინტერესებს იცავს და რომელიც გამონახავდა შესაძლებლობას აზიაში მოეწყოს ვაჭრობა იმდაგვარად, რომ ინგლისისა და რუსეთის საქონელი ერთმანეთს კონკურენციას არ უწევდეს, თანაც ამდიდრებდეს რუსებსაც და ინგლისელებსაც და ხელს უწყობდეს აზიაში ცივილიზაციის განვითარებას. მართლაც და, სრულიად არაფერი არ უნდა იცოდეს, რომ დაუშვა იმის შესაძლებლობა, რომ ჩვენი უბადრუკი საფაბრიკო ნაწარმი, რომლის ყოველი ფუტის გაზიდვა 5-დან 10 მანეთამდე ჯდება, კონკურენციას გაუწევს აზიის ბაზარზე ინგლისის საქონელს, რომლის ყოველი ფუტის გადაზიდვა იათფასიანი საზღვაო გზით 40 და 50 კაპ. ჯდება! საერთოდ, არ უნდა იცნობდეს რუსეთის ეკონომიურ მდგომარეობას, განსაკუთრებით კი მის მანუფაქტურულ მრეწველობას, რათა იფიქრო, რომ უცხოურ საქონელზე

ტარიფის გაუქმებით, ჩვენ შევძლებთ რაიმე გავყიდოთ ჩვენს აზიურ სამფლობელოებში, როცა მთელი ინგლისის ვაჭრობა, თავის ყველაზე საქმიანი წარმომადგენლების ერთობლივი მეცადინეობით, დღე და დამე იღწვის, რაც შეიძლება მეტი საქონელი გაიტანოს ტრანზიტით — სპარსეთის, მცირე აზიისა და თვით ინდოეთის გზით. იმ არასრული და ნაწყვეტ-ნაწყვეტი ცნობების თანახმად, რომლებიც პრესამდე აღწევენ, ცნობილია, რომ ინგლისური საქონელი ჩვენს შუა აზიის სამფლობელოებში უხვადაა და უფრო იაფი ღირს. აი, რუსეთისა და ინგლისის ინტერესების უმტკივნეულო შეხების ერთი წერტილი, რომელზედაც მიუთითებს დიპლომატიური „გოლოსი“. მაგრამ საეჭვოა მას დაეთანხმოს ის, ვინც რუსეთს ფაქტებით იცნობს... დიპლომატები ეყრდნობიან პრინციპებს და კომპრომისებს. ლორდ ბიკონსფილდისათვის და მათთვის, ვისაც მასთან მეგობრობა სურს, თავისუფალი ვაჭრობის პრინციპი სამართლიანობისა და ჰუმანიურობის მაღალი გამოვლინებაა აზიის კულტურული განვითარების საქმეში. ხოლო თუ ეს პრინციპი დამეტრიულად ეწინააღმდეგება რუსეთის სამრეწველო ინტერესებს, შეიძლება კომპრომისზე წავიდეთ (როგორც ამას გვთავაზობს დიპლომატიური „გოლოსი“), კერძოდ: დავტოვოთ ევროპაში მფარველობითი ტარიფი, სადაც იგი უკვე ფეხმოკიდებულა და ნუ დავაწესებთ მას აზიის ჩვენ სამფლობელოებში. განა მართალი არ არის, რომ აქ ცხადად სჩანს ინგლისის სიმტკიცე, ხოლო ამგვარი კომპრომისები რუსეთს მიუკერძოებელს და დიდსულოვანს ხდის? სწორედ ასეთი დიდსულოვანი სურვილებით აიხსნება 1811 წელს ინგლისთან ტრაქტატის⁴³ დადებაც, რომლის შედეგადაც დიპლომატებმა კალმის ერთი მოსმითა წაშალეს პეტრე I-ის და ეკატერინე II-ის მიერ გაწეული შრომა რუსეთის სავაჭრო ფლოტის შესაქმნელად. ამჟამად ფლოტი არ გვყავს და ჩვენ ვფიქრობთ მის ხელახლა შექმნას, რასაც უკვე გამოეხმაურა მთელი რუსეთი, და ახლა ისღა გვაკლდა, რომ გამოგვეგონებინა ამგვარივე ტრაქტატი მანუფაქტურული მრეწველობის ურთიერთობის შესახებ, რაც უთუოდ შეუშლის ხელს ჩვენს მანუფაქტურულ და საქარხნო მრეწველობას. მე მგონი უკვე ყველა დარწმუნდა, რომ რუსეთის მეფობრიკეებს უცხოელ მეფობრიკეებთან ბრძოლა შიდა ბაზრებზეც უჭირთ, რასაც უნდა ვუმადლოდეთ იმ რკინიგზის ხაზებს, რომლებიც სტრატეგიული მოსაზრებების გამო ებრაელ-გერმანელმა ბანკირებმა ააშენეს. ევროპაში ჩვენ თითქმის ვერაფერს ვყიდით, ხოლო თუ ამ ბოლო დროს დიდი რაოდენობით გვქონდა რამე, მაგალითად შაქარი, ეს შემთხვევითი მიზეზებით აიხსნება: საერთოდ, ევროპაში

ჩვენ გვაქვს მხოლოდ ნედლი მასალა, რადგან ევროპას სხვა რამ, არ სჭირდება. ამგვარად, ერთადერთი ბაზარი ჩვენი საფაბრიკო და საქარხნო ნაწარმისათვის ეს არის საერთოდ აზიის, კერძოდ კი აზიის ჩვენი სამფლობელოების ბაზრები, რაც უნდა გამოვიყენოთ ჩვენი მანუფაქტურული მრეწველობის გასავითარებლად. ამიტომ ჩვენ ეს ბაზრები ისევე გულმოდგინედ და მტკიცედ უნდა დავიცვათ, როგორც ინგლისი იცავს თავის ინტერესებს, რის შედეგადაც ჩვენ, ბუნებრივად ვხდებით ინგლისის ინტერესების მტრები. გავყიდით ჩვენს საქონელს აზიის ბაზრებზე თვითონ ჩვენ, თუ დაუშვებთ იმას, რომ ინგლისელებმა გამოგვდევნონ ამ ბაზრებიდან — აი მარტივი და ბუნებრივი საკითხი, რომელიც გამოხატავს რუსეთსა და ინგლისს შორის კულტურულ ბრძოლას აზიაში. დიპლომატებს არ მოსწონთ საკითხის ასე ნათლად დაყენება: ასე უბრალოდ დასმული კითხვა არ საჭიროებს განსჯას, ცნობების მოყვანას უწინდელი ტრაქტატებიდან, აზრის გამოთქმას სხვა ევროპულ და აზიურ სახელმწიფოებზე გავლენის შესახებ. იგი უბრალოდ, თხოულობს ჩვენი საზოგადოებისა და მთავრობის განსაკუთრებულ ზრუნვას აზიის ბაზრებზე ჩვენი საქონლის შეზიდვის გასათართობლად, რაც ინგლისთან კავშირისა და მასთან უმტკივნეულო შეხების წერტილების ძეგნით კი არ მიიღწევა, არამედ — მოსკოვიდან აღმოსავლეთამდე გზების გაუმჯობესებით. მიუხედავად მისი უმაღლესობის ბრძანებისა, ამას მაინც ვერ მივალწიეთ. მთელი ჩვენი სარკინიგზო ქსელი მოსკოვიდან დასავლეთით ფართოვდება და ჭერჭერობით ციმბირის რკინიგზაც კი ვერ გავიყვანეთ, რომლის გაყვანა პირველ ამოცანად იქცა ყირიმის ომის შემდეგ, მაგრამ პროექტი, მთლიანად, აქამდე არაა შედგენილი. ამიტომ, ჩვენის აზრით, ბევრად უკეთესი იქნებოდა, რომ დიპლომატები ინგლისთან მეგობრობის ძიებას მოეშვან და ხელი არ შეუშალონ საკუთრივ ჩვენი ხალხის ინტერესებისათვის რუსეთის ეკონომიური ამოცანების განვითარებას.

23. ინგლისთან კავშირი

1

თბილისი, 29 ივლისი

კავშირი ინგლისთან!.. იყო დრო, როცა ეს კავშირი მთელი ჩვენი ზალხის გულწრფელ სურვილს წარმოადგენდა და დედამიწის მოსახლეობის თითქმის 1/4 ნაწილის კეთილდღეობაზე საუკეთესო ოცნებების საბაბს იძლეოდა. რა არ დაწერილა, რა არ თქმულა ყველაზე გულწრფელი, თბილი სიტყვებით — ორი უძლიერესი სახელმწიფოს ინტერესების სოლიდარობაზე და მათი „დიდი ცივილიზატორული მისიის შესახებ აზიაში!“ ჯერ კიდევ მანამდე, სანამ ლორდი ბიკონსფილდი იტყოდა — აზიაში ადგილი ინგლისისთვისაც საკმარისია და რუსეთისთვისაცაო, ყველასთვის ცხადი იყო, რომ ინგლისმა და რუსეთმა, რომლებიც დაპყრობის ისტორიულ გზას გაჰყვნენ და უკიდურესად გააფართოვეს თავიანთი სამფლობელოების ბუნებრივი საზღვრები, ერთმანეთს ხელი უნდა მისცენ, დასდონ მეგობრული, გულწრფელი კავშირი და თავიანთი სიძლიერე, მთელი ევროპული მეცნიერება და ტექნიკა გამოიყენონ აზიის ნახევრად ველური და ველური ხალხების ცივილიზირებისათვის, ინგლისი — ამბობდნენ მაშინ, როგორც ჩანს ძალზე საფუძვლიანად, — ვერ გაჩერდა ინდოეთში მანამ, სანამ ჰინდიკუშამდე არ მიაღწია და აზიის ველური ურდოებისაგან თავის დასაცავად ჰიმალაის ქედის ფერდობებს არ ამოეფარა; რუსეთი, აგრეთვე საფუძვლიანად ამბობდნენ, ვერ გაჩერდებოდა ქვიშიან ველზე, საიდანაც მას არ ასვენებდნენ მომთაბარე ურდოები და გარდა ამისა, ლარიბი და გამოუსადეგარი ქვეყანა ვერ ანაზღაურებდა გაწეულ ხარჯებს და, ბუნებრივია, დაპყრობა ინდოეთისაკენ უნდა განეგრძო. მაგრამ როცა დაიპყრო ტაშკენტი, სამარყანდი, დაიკავა კოკანი, ხივა და ბუხარა, რუსეთს აღარ სჭირდებოდა სამფლობელოების შემდგომი გაფართოება. ახლა მას არავითარი საბაბი არა აქვს — ეშინოდეს ინგლისთან შეჯახებისა და ამიტომ უნდა ისწრაფოდეს იმისაკენ, რომ შეუერთოს ინგლისს თავისი ძალა, რათა გაავრცელონ თავიანთი ზნეობრივი გავლენა აზიის ტომებზე და ურთიერთ მეგობრობის ძალით წაართვან მათ ერთი სა-

ხელმწიფოს საზიანოდ მეორესთან მეგობრობისაგან ყოველგვარი სარგებლობის იმედი. თუ კი ინგლისს არ სჭერა რუსეთის გულწრფელობა, ეს უნდობლობა შეიძლება აღმოიფხვრას ზოგიერთი მსხვერპლის გაღებით. მაგალითად, უზრუნველყოთ მისი სამფლობელოების სიმშვიდე ავღანეთის ემირის სამფლობელოების ეგრეთ წოდებული ნეიტრალური ზონით...

ინგლისთან მეგობრობა იმდენად სასურველი იყო, რომ ჩვენში არავინ არ აქცევდა ყურადღებას, თუ როგორ პატივში ყავდა ავღანეთის ემირი ინგლისს და ის, რაც ჩვენ ნეიტრალური მიწები გვეგონა, სინამდვილეში ინგლისის ვასალური სამფლობელო ყოფილა. და აი ჩვენ მივეცით ავღანეთის ემირს ბარხანი, ბადახშანი, ადკუი, მემიანი, რაც მას არასოდეს არ ეკუთვნოდა. ჩვენ უარი ვთქვით სირდარიის სათავეების დაკავებაზე მხოლოდ იმიტომ, რომ ინგლისელებს შეეყვარებოდით და დაგვედო მასთან კავშირი, მთელი კაცობრიობის სასიკეთოდ და სასიხარულოდ.

როგორც ცნობილია, ეს მისია ბრწყინვალედ შეასრულა გრაფმა შუვალომმა: რუსეთისა და ინგლისის სამფლობელოების გამიჯვნა ურთიერთთანხმობით მოხდა და ყველამ დაინახა, რომ მალე დაიდება სასურველი კავშირი, რისი თავდებიც იყო ჩვენი ხელმწიფის ქალიშვილის ქორწილი დედოფალ ვიქტორიას შვილთან⁴⁴. ვინც იმ დროს პეტერბურგში ცხოვრობდა, მან თვითონ დაინახა, ხოლო ვინც რუსეთის სხვა ქალაქებში იმყოფებოდა, მან გაიგონა, წაიკითხა და ლაპარაკობდა მთელი საზოგადოების გულწრფელ სიხარულზე ამ ამბის გამო; ყველა თვლიდა, რომ დაიწყო ახალი ერა, უახლოესი ეკონომიური და ზნეობრივი ურთიერთობის ერა ორ ისეთ სახელმწიფოს შორის, რომლებიც ერთმანეთს პატივს სცემენ. ფრანგულმა ენამ დაკარგა პირველობა, დაიწყო ინგლისური ენის შესწავლა და გაბატონება. რუსეთში ისე გულმოდგინედ სწავლობდნენ ამ ენას, რომ ომის შემთხვევაში ჩვენ უცხოელი მთარგმნელები აღარ დაგვჭირდება, ხოლო თუ რამდენი შამპანური დაილია ინგლისის კავშირის სიმტკიცისა და დღეგრძელობისათვის, ამის დადგენა შეუძლებელია სტატისტიკური მონაცემების უქონლობის გამო, რადგან სვამდნენ ყველგან, ოფიციალურად და კონფიდენციალურად... მაგრამ ჩვენი საუკეთესო სურვილების განხორციელება ბედმა არ ინება...

ხივინის ლაშქრობამ, ხივინის ხანის დატყვევებამ დაარღვია მეგობრული კავშირი და ჩვენი სულგრძელი დათმობა—ელიარებიანთ ნეიტრალური ზონა, რომელიც დაიცავდა ინგლისის სამფლობელოებს, ინგლისის პრესამ მიიჩნია ხაფანგად, რაც თითქოს ჩვენ გულუბრყვილო ინგლისელებს დაუუგეთ. მაგრამ ამავე დროს ეს გულუბრყვი-

ლობა საკმაოდ გარკვეულად გამოიხატა აზიისა და აფრიკის ტერიტორიებისა და იმ კუნძულების დაპყრობაში, რომლებიც ახლო არიან სუეცის არხის გამოსასვლელთან; გამოიხატა ინდოეთის ჩრდილოეთ ოლქების სამხედრო საშუალებების გაძლიერებაში; აზიის იმ ომში, რომლის მთავარი მიზანი იყო ინგლისის პრესტიჟის ამაღლება მეზობელ ქვეყნებში, რადგან ბატ. კამერონი, რომელსაც კარგად იცნობენ ჩვენი კავკასიელები, როგორც ვიცე-კონსულს ფოთში და რომელიც აზიის იმ პეგასმა ციხეში ჩასვა, მხოლოდ საბაბი გახდა ინგლისის სიძლიერის დემონსტრირებისა ინდოეთთან ახლო მცხოვრები აზიელი და აფრიკელი ტომების წინაშე; და ბოლოს გამოიხატა აგრეთვე იმ გაცხარებულ წინააღმდეგობაში, რომელსაც რუსეთის პოლიტიკას უწევს კონსტანტინოპოლში. ახლა ინგლისი ამარაგებს სულთანს ფულით, რათა მან შეჰქმნას ძლიერი ფლოტი და სახმელეთო არმია, ამავე დროს აწყობს ყოველგვარ ინტრიგებს ბალკანეთის ნახევარკუნძულის ქრისტიანებს შორის იმ მიზნით, რომ შეაძლოს მათ რუსეთი და გეზი ააღებინოს ავსტრიასა და ინგლისზე...

სულთანის სატახტო ქალაქში, რა თქმა უნდა, ინტრიგები, მემორიები და დიპლომატიური ბრძოლა თავისი რიგით მიდიოდა, ხოლო ბალკანეთის ხალხთა ცხოვრება, რასაც ჩვენში ასე კარგად ადევნებდნენ თვალყურს, იმუშავებდა სხვა, პრაქტიკულ საკითხებსა და დასკვნებს. ბოსნიისა და ჰერცეგოვინის აჯანყებამ, ჩერნოგორიისა და სერბიის ომებმა ეს საკითხები წინ წამოსწიეს და დიპლომატიას მისდაუნებურად მოუხდა ამ საკითხების განხილვა. ამას მოჰყვა რუსეთის ულტიმატუმი, რამაც შეაჩერა სერბიის საბოლოო დამარცხება. კონსტანტინოპოლში მოეწყო კონფერენცია, ბერლინის კონგრესის წინამორბედი კონფერენცია, რომელზედაც, მსგავსად ამ უკანასკნელისა, უეცრად გამოცხადდა ოტომანთა იმპერიის კონსტიტუცია, რამაც ზედმეტი გახადა ევროპული დიპლომატიის მზრუნველობა პორტას ქრისტიანი ქვეშევრდომებისათვის ზოგიერთი უფლებების მინიჭების შესახებ. ამ დროს კი სულთანმა მათ მიანიჭა ისეთი უფლებები, როგორითაც ევროპის კონსტიტუციური სახელმწიფოების ქვეშევრდომები იშვიათად სარგებლობდნენ. ასევე ზედმეტი აღმოჩნდა ახლა ევროპის სახელმწიფოების მეცადინეობა ბერლინის კონგრესზე — გადაეწყვიტათ თურქეთის პოლიტიკური ბედი. რადგან ინგლისმა უკვე თავისებურად მოაგვარა იგი და ვალდებულია იკისრა დაიცვას ეს წყობა მთელი თავისი მატერიალური საშუალებებით.

მიუხედავად ამისა, კონსტანტინოპოლის კონფერენციაზე ჩვენ მოწმენი ვიყავით რუსეთის წარმომადგენლის, გენერალ ივანატიევისა და ინგლისის წარმომადგენლის, მარკიზ სოლსბერის გულითადი მე-

.გობრობისა. ეს სწორედ ის მარკიზია, რომელიც ბერლინის კონგრეს-ზე ლორდ ბიკონსფილდისა და მისი რუსეთისადმი, ჩვენი ქვეყნის წარმატებისადმი სიძულვილის განსახიერება იყო... მაგრამ ამავე დროს ლორდი ელიოტი თავისი გზით მიდიოდა: მის განმანათლებ-ლურ მისიას უნდა უმადლონ აბდულ-აზიზის სიკვდილი, მურად მე-5-ის მიერ ტახტის დაკარგვა, აბდულ-ჰამიდის ტახტზე ასვლა და, ბო-ლოს. მთელი თურქეთი მადლიერი უნდა იყოს იმისა, რომ მას მიენი-ქა ახალი ტიტული და კონსტიტუციური იმპერიის წოდება, რაც სულთანის უფლებებს ზღუდავს და განუსაზღვრელ უფლებებს ანი-ჭებს დიდ ვაზირს. ამგვარად, ინგლისელებისათვის მეგობრობა მე-გობრობის გზით მიდიოდა, სამსახური კი სამსახურის გზით, და რად-გან ამ ორი ცნების გაერთიანება შეუძლებელი იყო, მახ-ვილო გონების პატრონმა მისტერმა დიზრაელმა ეს ორი მო-ვალეობა ორ თანაბრად უფლებამოსილ ორ რწმუნებულს გა-უყო. ამას ყველა ხედავდა და ყველას ესმოდა. მიუხედა-ვად ამისა, რუსეთში არავენ არაა ინგლისთან ომის მომხრე, ყველა გულწრფელად ესწრაფვის მასთან მშვიდობასა და მეგობრობას. რა თქმა უნდა, საწყენია ის ამბავი, რომ მთელი ჩვენი ავანსი, თავაზი-ანობა, მსხვერპლის გაღება ინგლისის სასარგებლოდ, ინგლისელებს ჩვენი გულკეთილობით არ აუხსნიათ და მათში ეს გარემოება სულ უფრო მეტ და მეტ უნდობლობას იწვევს. მაგრამ ჩვენ ვცდილობდით არ შეგვემჩნია ეს და კვლავ ვუმღეროდით საერთაშორისო ურთი-ერთმოქმედებით გამოწვეულ სიმშვიდეს აზიაში და ევროპასთან კავშირს აღმოსავლეთის საკითხში...

იყვნენ ისეთი პუბლიცისტები, რომლებიც ცდილობდნენ ინგლი-სის შეშინებას ამერიკასთან მეგობრობით; მაგრამ მათი ხმები გაიბ-ნა იმ ხმათა მასაში, რომლებიც ინგლისთან კავშირის კეთილმოყოფე-ლობას უმღეროდნენ.

ინგლისი კი თავისი გზით მიდიოდა და საკუთარ ინტერესებს ემ-სახურებოდა. კონსტანტინოპოლის კონფერენცია მან, კონსტიტუცი-ური პროკლამაციების მეშვეობით, უსარგებლო გახადა, ეს დრო გა-მოიყენა თურქეთის არმიის საბოლოოდ მომზადებისათვის და რუ-სეთი ჩაითრია თურქეთთან მარტო ომში იმის იმედით, რომ თურქე-თის ძლიერი ფლოტი გაანადგურებს ჩვენ სანაპირო ქალაქებს, ყვე-ლა საზღვაო წამოწყებას, სახმელეთო არმიასა და, თუ თანდათან მო-მაგრდება და სათანადო ხელმძღვანელობა ეყოლება, დიდი ხნით შე-აჩერებს ჩვენს ჯარებს...

მიუხედავად ამისა, ჩვენ მაინც ალტაცებულნი ვიყავით გლადს-ტონის, ფარლეს და სხვათა სიტყვებით აღშფოთების გამომხატველ

მიტინგებზე და აქაც, ამ ფრაზებშიც ხედავდნენ ინგლისელი ხალხის გულწრფელ გრძნობას ჩვენდამი. „Oriental Star“⁴⁵ რუსეთშიც აღმოჩნდა და ჩვენ იძულებული ვიყავით გველიარებინა, რომ რუს პუბლიცისტებს არ შეუძლიათ ასე ფაქიზად, კარგად ეგრძნოთ და გადმოეცათ ჩვენი ახლანდელი დამოკიდებულება ბალკანელი სლავებისა და აღმოსავლეთის საკითხებისადმი. ამ შემთხვევაში ჩვენ მხოლოდ ხელებს ვასავსავებდით! ინგლისელებმა გვაჯობეს ჩვენი საკუთარი განცდებისა და მოქმედების გადმოცემაში. ამბობენ, სიყვარული სასწაულებს ახდენსო! მაგრამ აქ გამომქდავდა ზოგიერთი ახალი ვითარება, რაზედაც შემდეგ სტატიაში ვილაპარაკებთ...

2

თბილისი, 31 ივლისი

აღშფოთების გამომხატველმა მიტინგებმა, რომლებიც ასე აცთუნებდა ჩვენი ხალხის თავმოყვარეობას და ინგლისელებს ყველაზე კეთილშობილ და სამართლიან ხალხად მიგვაჩნევიანებდა, გვაიძულა მოუთმენლად დავლოდებოდით ინგლისის პარლამენტის სხდომის გახსნას. ჩვენში ყველა დარწმუნებული იყო, რომ მისტერ ღიზრაელი პირველივე სხდომის შემდეგ გადმოყირავდებოდა თავის ეგოისტური, რუსეთისათვის მავნე და თურქეთისათვის ხელსაყრელი პოლიტიკით, მაგრამ არაფერი ამის მსგავსი არ მოხდა, პირიქით, გლადსტონმა, სლავების და რუსების თანაგრძნობისათვის დაკარგა ყოველგვარი პოპულარობა და ინგლისელი ხალხისაგან მას შეუტრაცხმყოფელი დემონსტრაციები ჰხვდა წილად. ხალხისაგან, რომლის ნაზი გრძნობებიც ჩვენდამი თითქმის გვწამდა. როცა სამინისტრომ „ინგლისის ინტერესებზე“ დაიწყო ლაპარაკი, ოპოზიციამ ხმის ამოდებაც ვერ გაბედა. იმის მაგივრად, რომ წინააღმდეგობა გაეწიათ ლორდ ბიკონსფილდის პოლიტიკისათვის, პალატამ ხმა მისცა სამხედრო მზადებისათვის გამოყოფილი კრედიტის სასარგებლოდ.

ჩვენც კი მივხვდით, რომ მეგობრობის ამგვარი გამოხატვა სიყვარულს არა ჰგავს და ღრმად ჩაფიქრდით: როგორ მივალწიოთ ინგლისთან კავშირს აღმოსავლეთის საკითხების საფუძველზე, აზიის ცივილიზაციის საქმეში ურთიერთ მხარის დასაჭერად. ჩვენთვის გაუგებარი იყო ასეთი დამოკიდებულება რადგან მზად ვიყავით დაგვეთმო ყველაფერი მეგობრის გულისთვის. გაუგებარი იყო, როგორ შეიძლება შემოწირულების მიღებაზე უპასუხო არა უარით, როგორც ეს მიღებულია სამართლიანობის გულისათვის, არამედ მო-

ითხოვო მოგცენ ის დაუყოვნებლივ და კიდევ მეტი დაუმატონ; და თანაც ბევრ რამეს იმათგან ხელი არ ახლო, რათა ინგლისს შეუნახო მომავლისათვის...

მაგრამ, როცა ყოველივე ეს უდავო ფაქტებით დადასტურდა, ჩვენ ჩვენდა უნებურად მივხვდით, რომ ვცდებით. საჩუქრებით მეგობრობის დამყარება მხოლოდ კერძო პირთა შორის შეიძლება, საერთაშორისო ურთიერთობაში კი არც ერთი ზალხი და არც ერთი სახელმწიფო არ ზრუნავს საკუთარ სიმპათიებზე, არ კმაყოფილდება შეთავაზებულთ, ანგარიშს მხოლოდ საკუთარ ინტერესებს უწევს და იღებს ყველაფერს, რაც ხალხის მოთხოვნილებათა დასაკმაყოფილებლად ესაჭიროება. მართალია, ჩვენ ეს გავიგეთ, მაგრამ გადავწყვიტეთ, რომ ასეთი საქციელი არაკეთილშობილურია; ინგლისელები რომ ასე იქცევიან, ეს ძალიან ცუდია და ჩვენ მათ არ უნდა მივბაძოთ. ჯობია კიდევ მოვითმინოთ და ინგლისელებს თვინიერებით ვძლიოთ. დე დაინახონ როგორი კარგი ხალხი ვართ; მაშინ ისინი შეგვიყვარებენ, დაგვიმეგობრდებიან და, აზიის ხალხის საკეთილდღეოდ, სამუდამო ზავს დასდებენ ჩვენთან.

მოვლენები კი თავისი გზით ვითარდებოდა. მათ იძულებული გავგვხადეს შევსულიყავით რუმინეთში, გადაგველახა დუნაი, აგველონიკოპოლი, და პლევნასთან გავჩერებულიყავით. ყოველი ჩვენი წარმატება ინგლისის პრესაში იწვევდა კენესასა და სასოწარკვეთილებას, ხოლო მთავრობა აშკარად ცდილობდა ხელი შეეშალა ჩვენთვის. ყოველი ჩვენი წარუმატებლობა გულწრფელ კმაყოფილებას აღვივებდა, ხოლო ლორდი ბიკონსფილდი ახალ-ახალ საშუალებებს მიმართავდა იმისათვის, რომ ომი ყველაზე გამანადგურებელი ჩვენთვის ყოფილიყო. ნოემბერში ჩვენ ყარსი და პლევნა ავიღეთ, გავანადგურეთ და ტყვედ ჩავიგდეთ მთელი არმიები, ინგლისი კი თავს არ იზოგავდა და ცდილობდა მთელი ევროპა ჩვენს წინააღმდეგ აემხედრებინა. არ ყოფილა ისეთი ცილისწამება რუს ხალხზე და რუსეთის არმიაზე, რომელიც ინგლისის სამინისტროს ოფიციალურ დოკუმენტებში არ ასახულიყო. საქმარისია გავიხსენოთ ინგლისის დიპლომატიური აგენტების მიერ პარლამენტში წარდგენილი მოხსენება, თითქოს რუსები სასტიკად ექცეოდნენ მუსულმანებს, რაც შემდგომში ლორდ ბიკონსფილდის მითითებით შედგენილი წმინდა წყლის გამონაგონი აღმოჩნდა. მაგრამ, ზამთარმა ბალკანეთის მთები თოვლით დაფარა და ლორდი ბიკონსფილდის სულსწრაფობა დააცხრო. ის ვარაუდობდა გაზაფხულამდე დაეყოვნებინა გადამწყვეტი მოქმედებები და დიპლომატიური ფოკუსებით კმაყოფილდებოდა. მაგრამ ჩვენმა ჯარებმა სწორედ ზამთარში გადალახეს ბალკანეთი,

თურქეთის არმიები გაანადგურეს და გაუმაგრებელ ჰალიპოლსა და კონსტანტინოპოლს მიადგნენ... საჭირო იყო მოქმედება და „ვერაგი ალბიონი“ ამოქმედდა მეტად ვერაგულად. ინგლისის ფლოტი საკუთარი ინტერესების დასაცავად დარდანელში შევიდა.

მიმართეს რა ამასობაში გამარჯვებულის სულგრძელობას, განუმარტეს მას საბოლოო წარმატების ხელიდან გაშვების დიდი მნიშვნელობა, ევროპის საერთო სიმშვიდის დაცვისათვის, და მთელი სარგებლიანობა დაყოვნებისა, ვიდრე ინგლისი საკმაო ძალებს მოაგროვებდა, რათა შემდეგ აშკარად გამოსულიყო რუსეთის წინააღმდეგ, ჩვენ გვსურდა ევროპას ჩვენს შესახებ კეთილი აზრი შერჩენოდა და მზად ვიყავით ყველაფერი დაგვეთმო, ოღონდ არ დაეჭვებულეყვნენ, თითქოს ჩვენ მხოლოდ ეგოისტური მიზნებისათვის ვიღწვიოთ. ამიტომ ჩვენი გამარჯვებული ჯარი ჰალიპოლისა და კონსტანტინოპოლის წინ შეჩერდა, რომელთა გამაგრება თურქებმა მაშინვე დაიწყეს ინგლისელი ინჟინრების ხელმძღვანელობით. მისტერ ლეიარდმა სულთანს დაარწმუნა, რომ დროის მოგების მიზნით შესაძლოა ზავის დადება და ტრაქტატის შედგენა, რომელსაც შემდეგ მთელი ევროპის დიპლომატიური ძალდატანებით შეეცვლიდნენ. ბრწყინვალე ომი ჩვენ ს.-სტეფანოს ზავით⁴⁶ დავამთავრეთ და სწორედ აქედან დაიწყო ინგლისმა რუსეთისადმი გულწრფელი დამოკიდებულების გამოძევა, დამოკიდებულებისა, რომელიც გამოიწვია ორი სახელმწიფოს ყოფის ისტორიულმა განვითარებამ და არა კერძო პირთა ურთიერთობის განმსაზღვრელმა სიმპათიებმა და ანტიპათიებმა, რაც საერთაშორისო ურთიერთობაში ყოველგვარ მნიშვნელობას კარგავს.

ინგლისმა აღიარა, რომ რუსეთის ძლიერების ზრდა მის ინტერესებს ვნებს, მტკიცედ განაცხადა ამის შესახებ და ცხადყო ფაქტებით. საერთაშორისო სიმართლის თვალსაზრისით იგი სრულიად მართალია, რადგან ყოველი მთავრობის ძირითადი მოვალეობა საკუთარი ხალხის ინტერესების დაკმაყოფილებისათვის ზრუნვაა. ამაღლებული გრძნობები, დიდსულოვნება, თვინიერება კერძო პირის პატივისცემის შემთხვევაში დიდი უფლებაა, მაგრამ ხალხს, რომელსაც მატერიალურად არ აკმაყოფილებენ, კეთილ ყოფას უსპობენ და მშვიერ მასად აქცევენ, არ შეუძლია მშვიდად ისარგებლოს ცივილიზაციის ზნეობრივი სიკეთით. მშვიერი ველური და მშვიერი ევროპელი ერთნაირად უბედურია, რომელთაც ჯერ საკვები უნდა მისცე, რადგან სხვა არაფრის მოთხოვნა არ შეუძლიათ და სანამ არ გაძლებიან, არც შრომის უნარი ექნებათ. ხოლო ისეთი დიდი და კომფორტს მიჩვეული ხალხის გამოკვებაზე ზრუნვა, როგორც ინგლი-

სელებია, საკმაოდ მძიმე ტვირთია. ინგლისი საქარხნო და მანუფაქტურული წარმოებით ფართოდ განვითარებული ქვეყანაა, სადაც მოსახლეობის დიდი ნაწილი მიწით კი არ ირჩენს თავს, არამედ ნედლეულის გადამუშავებით. სახალხო შრომის ასეთი ფორმა, როგორც ცნობილია, თითოეულ მუშას მეტ შემოსავალს აძლევს, ვიდრე სამიწათმოქმედო კულტურა; ამდიდრებს სახელმწიფოს ფულით, მაგრამ მოსახლეობის კეთილდღეობა დამოკიდებული ხდება ფაბრიკების მწარმოებლობის ფარგლებზე, რაც, თავის მხრივ, მთლიანად ფაბრიკატების გასაღებაზეა დამოკიდებული. ამგვარად, ისტორიული განვითარების მსვლელობამ ინგლისი იძულებული გახადა თავისი ძლიერება ფაბრიკატების გასაღების პროგრესულ ზრდაზე დაემყარებინა. საქონლის გასაღების შემცირება და ფაბრიკების მწარმოებლობის დაქვეითება ინგლისისათვის ისეთივე საშინელი და დაუძლეველი უბედურებაა, როგორც გვალვა ჩინეთსა და ინდოეთში, სადაც იგი მილიონობით ადამიანს სრულიად უმწყოს ხდის და შიმშილით სიკვდილისაგან მათ ვერაფერი იხსნის, თუ არა ძველი მარაგი, ძველი დანაზოგი და სასიცოცხლო პროდუქტების გარედან შემოტანა. ამიტომ ის, რასაც „ვერაგ ალბიონს“ უსაყვედურებენ — საგარეო პოლიტიკაში იდეალური მიზნების უქონლობას — საკუთარი ხალხის წინაშე ინგლისის მთავრობის დიდი დამსახურებაა. მართლაცდა, რა ესაქმება მანჩესტერის ფაბრიკის მუშას, რომში პაპი ბატონობს, თუ იგი გარიბალდომ შესცვალა, ანდა რომელიღაც ნაპოლეონმა, წმინდა მამისადმი პატივისცემისა და საფრანგეთის ღირსების დასამტკიცებლად, რომის დასაპყრობად თავისი ჯარები გაგზავნა თუ არა? მას მხოლოდ ერთი საკითხი აინტერესებს — როდის გაიყიდება უფრო მეტი ინგლისური საქონელი: რომის პაპის ბატონობის, გარიბალდის მმართველობის, თუ რომში ფრანგების გარნიზონის დგომის დროს? მაგრამ თუ იქ არაფერი გამოდის? მაშინ, ბუნებრივია, უნდა მოინახოს სხვა ადგილი, სადაც გაიყიდება ის, რაც არ გაიყიდა რომში. აი, ინგლისის პოლიტიკის საჭირობოროტო საკითხი, აი, ინგლისის ყოველი მთავრობის მისწრაფების მიზანი, სულერთია ეს მთავრობა ვიგებისაგან შესდგება თუ ტორებისაგან, მის სათავეში ღორდი ბიკონსფილდი იდგომება, თუ მისტერ გლადსტონი. შეინარჩუნოს არსებული ბაზრები და შეიძინოს ახალი, — აი, ინგლისის დიპლომატიის ალფა და ომეგა, ინგლისის კეთილდღეობის ყოფნა-არყოფნის საკითხი. აქედან ბუნებრივად გამომდინარეობს ის საძაგელი ცინიზმი, რომლითაც ინგლისის მთავრობა აიძულებდა ინდოელებს დაღუპულიყვნენ ოპიუმის მოყვანისას, ხოლო ჩინელებს ზარბაზნების წყალობით იძუ-

ლებულს ხდიდა მოწამლულეყენენ ევროპული კულტურის ამ ინდუ-
რი პროდუქტი. ცხადია, საძაგლობაა უყურებდე, როგორ ნთქავს.
მგელი ბატკანს, მაგრამ მგლისათვის ეს არსებობის აუცილებელი
პირობაა, ამიტომ იქონიო იმედი, თითქოს ზნეობრივი პრინციპების
საჭირო შეგონებით მგელს დაარწმუნებ, რომ თივითა და თალგამით
კვება უფრო კეთილშობილურია, — იმდენადვე უნაყოფო შრომაა,
რამდენადაც უაზრო... ამიტომ უაზრობად მიმაჩნია ყოველი ცდა,
შევაგონოთ ინგლისს, უარი თქვას საკუთარი ინტერესების დაკმა-
ყოფილებაზე საერთო კეთილდღეობის სახელით. ინგლისს შეუძლია
ძლიერი სახელმწიფო იყოს მხოლოდ თავისი ტრადიციული პოლი-
ტიკის დაცვით, რომლის უმაღლეს განსახიერებას წარმოადგენს
ლორდ ბიკონსფილდის ახლანდელი პოლიტიკა რუსეთისადმი. ჩვენი
ფაბულის აზრით, მიუხედავად გრანდიოზული შესაძლებლობისა,
რუსეთი იმ ბატკანის როლს ასრულებს, რომელსაც ინგლისი ნთქავს.
მაგრამ ამ როლის გამო ტირილი ან მასზე უარის თქმა, მთლიანად
მის სურვილზეა დამოკიდებული.

3

თბილისი, 1 აგვისტო

როდესაც რუსეთის არმიები ჰალიპოლსა და კონსტანტინოპოლს
მიადგნენ, ევროპული თურქეთის გადაყლაპვა რუსეთისათვის არავი-
თარ სიძნელეს არ წარმოადგენდა. ინგლისი ხედებოდა, რომ ეს უმ-
წეო მხეცი მის ხალხს საკვებად გამოადგება. რუსეთს იგი ხელს ვერ
შეუშლიდა, საჭირო იყო მისი მოტყუება და ინგლისი ამ მოსაზრების
წინაშე არც შეჩერებულა. მისი ყვირილი ცამდე აღწევდა, ევროპის
ინტერესებს საფრთხე მოეღისო. რუსეთს კი წინადადება მისცა მოემ-
ზადებინა თურქეთი, როგორი საკმაზითაც უნდოდა, ოღონდ ევროპის
კურთხევის გარეშე ამ კერძისათვის ხელი არ ეხლო. რუსეთი, რომე-
ლიც „ალიარებდა საერთაშორისო ხელშეკრულების სიწმინდეს და
სურდა სამართლისა და კანონიერების უმაღლესი იდეალებისადმი
პატივისცემის ისტორიული მაგალითი ეჩვენებინა“, ადვილად დას-
თანხმდა ამ წინადადებას და მიმართა დიპლომატიური წარმომადგენ-
ლების ბერლინის არეოპაგს, რომელსაც საბოლოო განაჩენის გამო-
ტანა მიანდო.

როცა ჩვენ ამ განაჩენს დავემორჩილეთ, მხედველობაში ისევ ინ-
გლისთან მეგობრობა გვქონდა, რასაც ვერავითარი მეცადინეობით
ვერ მივალწიეთ. ჩვენ მაინც გვჯეროდა, რომ ინგლისელი და რუსი

ხალხის ინტერესების შეთანხმება შეიძლება ორივეს სასარგებლოდ და სასიამოვნოდ. ლორდ ბიკონსფილდი და მისი ჩვენდამი შეურაცხმყოფელი პოლიტიკა ინგლისელი ხალხის მისწრაფებებისა და გრძნობებისაგან გამოვეყავით და დარწმუნებული ვიყავით, რომ კონგრესზე, სადაც უამრავი ინტერესები შეეჯახებოდა ერთმანეთს. ინგლისის პრემიერის პირადი სიძულვილი და არაკეთილმოსურნეობა ვერ გაიმარჯვებდა. სწორედ ამ რწმენიდან გამომდინარეობს ის ლმობიერება და დათმობა, რომელიც წინასწარ შეთანხმებაში გამოიხატა და ასე კანდიდატად გამოაქვეყნა გაზეთმა „Globe“-მ, შემდეგ კი, იმავე ბერლინის კონგრესზე ლორდ ბიკონსფილდმა საჭიროდ აღარ ცნო თავის თავი ევროპის საერთო ინტერესების დამცველად წარმოედგინა და საკითხი კატეგორიულად დააყენა: ინგლისის პრემიერი მხოლოდ ინგლისელ ხალხზე უნდა ფიქრობდესო.

და ბიკონსფილდმა შესძლო შესრულება en maître⁴⁷-ის როლის. დაივიწყა რა ყოველგვარი ფარისევლობა და დიპლომატიური ზრდილობაც კი, რუსეთის ზრახვებისა და პატივმოყვარეობის მიმართ უამრავი საყვედური და ეჭვი გამოსთქვა, ბევრი დათმობა გამოსტყუა და ს.-სტეფანოს პრელიმინარული, საზავო ხელშეკრულება ბერლინის ტრაქტადად ²⁰ აქცია. კონგრესზე იგი ყველაზე ხელსაყრელ მდგომარეობაში აღმოჩნდა. ლორდმა ბიკონსფილდმა წინასწარ იცოდა რისთვის ჩამოვიდა ამ კონგრესზე და რა გამოვა ამ კონგრესიდან. იცოდა, რომ ს.-სტეფანოს ხელშეკრულება ანადგურებდა თურქეთს და დრო იყო საჭირო იმისათვის, რომ გამოენახა საშუალება. მხარი დაეჭირა თურქეთისათვის. საჭირო იყო დროის მოგება და აი იგი დიპლომატების ბრწყინვალე საკრებულოში გამოცხადდა, რათა საუბრით შეექცია ისინი, ვიდრე თურქეთი ჰალიპოლსა და კონსტანტინოპოლს მიუღწევდეს არ გახდიდა, სანამ არ შეაგროვებდა და შეაიარაღებდა ახალ არმიებს, ინგლისის ფულითა და ინგლისელი ოფიცრების დახმარებით, სანამ თვით ინგლისი არ დაამთავრებდა საკუთარ სამზადისს, ინდოეთიდან ჯარებს არ გადმოიყვანდა და ავსტრიასა და საფრანგეთს არ გადაიბირებდა.

ამგვარად, აუცილებელი დრო მოგებული იყო და თუ ბერლინის ტრაქტატი მაინც შესდგა, კეთილშობილმა ლორდმა კარგად იცოდა, რომ მასში ყოველივე ისე ჩაიწერებოდა, როგორც თვითონ მოახსენა თავის დიპლომატ კოლეგებს, რომ ყველაფერი ეს ერთსულოვნად იქნებოდა ხელმოწერილი, შემდეგ კი საგარეო საქმეთა სამინისტროს დიპლომატიურ არქივს ჩაბარდებოდა. ხოლო ინგლის-თურქეთის მნიშვნელოვანი საბრძოლო ძალა ამასობაში მტკიცედ გან-

ვლადებოდა პალიპოლისა და კონსტანტინოპოლის გარშემო, ძლევამოსილი ფლოტი შავ ზღვაში შესასვლელს დაიცავდა, რის შემდეგაც ამ ზღვას არაერთი მნიშვნელობა აღარ ექნებოდა რუსეთის იმომავალი სამხედრო მოქმედებისათვის. თურქეთის სულთანი იძულებული გახდებოდა წმიდად შეასრულოს ბერლინის ხელშეკრულება, მაგრამ ასევე ვალდებული იქნება უნაკლოდ შეასრულოს 4 ივლისს დადებული ინგლის-თურქეთის ხელშეკრულებაც და მამასადაძმე, თუ ერთის შესრულებით მეორეს დაარღვევს, ამით მხოლოდ ინგლისის სასარგებლოდ იმოქმედებს.

ჩვენი ხალხის თავმოყვარეობისათვის მძიმე და შეურაცხმყოფელი იყო ლორდ ბიკონსფილდის ცდა—გამარჯვენულნი მსჯავრდებულის როლში გამოვეყვანეთ და ეს მაშინ, როცა, ჩვენი კანონების მიხედვით, გამარჯვენულს არ სჯიან. საჭიროა გავიხსენოთ ყოველივე, რაც ჩვენში ბერლინის კონგრესის დროს იბეჭდებოდა, მთელი ის ტირილი და კბილთა ღრქენა, რამაც ხალხი და საზოგადოება აღაგზნო და გააძლიერა მათი მზადყოფნა, ყოველგვარი მსხვერპლი გაეღოთ. მაგრამ ყოველგვარ ბოროტებას თავის დადებითი მხარეც აქვს: ლორდ ბიკონსფილდის დაუფარავმა სიძულვილმა ჩვენდამი, რისთვისაც იგი ინგლისელმა ხალხმა სამშობლოში დაბრუნების შემდეგ მეფურად მიიღო, და, ბოლოს, პარლამენტში წარმოთქმულმა ბრწყინვალე სიტყვამ, რომელიც რუსეთის საუკეთესო მისწრაფებებისადმი ღრმა სიძულვილით, ღვარძლითა და ირონიით იყო გამსჭვალული, რუსეთი, ალბათ, განკურნა ინგლისთან მეგობრობის ძიებისაგან, რაც ახლა იურიდიულადაც შეუძლებელია. ინგლისმა ჯერ კიდევ ბერლინის კონგრესზე განაცხადა, შემდეგ კი 4 ივლისის ხელშეკრულებაში აღიარა, რომ აღუდგება რუსეთის განვითარებას და წინ არ გაუშვებს. განცხადება, რა თქმა უნდა, თამამია, რადგან ყველანი მოკვდავნი ვართ და ყველას შეუძლია საკუთარი ძალების შეფასებაში შეცდეს. თუ როგორ შეასრულებს ინგლისი ამ მუქარას, მოვლენათა შემდგომი განვითარება დაგვანახებს. მაგრამ ერთი რამ ცხადია, ყველა ჩვენმა დიპლომატმა დაინახა, „ტელეგრაფსა“⁴⁸, და „პეტერბურგსკი ლისტოკშიც“⁴⁹ კი, რომ ინგლისთან მეგობრული ურთიერთობის დამყარება შეუძლებელია, მაგრამ ყველაზე მნიშვნელოვანი ისაა, რომ ყოველმა რუსმა გაიგო, თუ რამდენი ბოროტება მოუტანა რუსეთს ინგლისის ინტერესების დაცვამ. მიხვდა იმასაც, თუ რამდენად ეწინააღმდეგება ინგლისის ინტერესები ჩვენს მოთხოვნილებასა და საჭიროებას. ინგლისი რუსეთის აშკარა მტერი გახდა და ამისათვის

ღმერთს მადლობა უნდა ვუთხრათ: მტრული დამოკიდებულება სიფრთხილეს გვასწავლის, მიგვითითებს საფრთხეზე, იძულებულს გვხდის მის წინააღმდეგ საჭირო ზომები მივიღოთ. იეზუიტურ მეგობრობას, თავისი სიყვარულის ფიციითა და ხვევნა-კოცნით, მოულოდნელად მიეყვართ უფსკრულის პირამდე. ახლა ჩვენ უკვე ვიცით, რას უნდა ველოდეთ ინგლისისაგან და მოვემზადებით. და თუ დინჯად ვიმსჯელებთ ჩვენი და მოწინააღმდეგის სახსრების შესახებ, შეიძლება იმ დასკვნამდეც მივიდეთ, რომ ლორდ ბოკონს ფილდს არც იმდენი მოუგია, რამდენიც გვეჩვენება.—

24. ომის გაკვეთილებიდან

თბილისი, 29 ივლისი

როგორც არ უნდა იყოს ბერლინის ტრაქტატის²⁰ შედეგები რუსეთის საგარეო პოლიტიკური მდგომარეობისათვის ევროპაში, იგი სრულიად არ ამცირებს უკანასკნელი ომის დიდ მნიშვნელობას ჩვენი საშინაო ცხოვრებისათვის. როგორც ცნობილია, ომი იმ პერიოდის შინაგანი ქმედების მკაცრი კონტროლია, რომელიც მას წინ უძღოდა. რასაც დასთეს, იმას მოიმკი, ამბობს ანდაზა. თესვის დრო ჩვენს სახელმწიფოებრივ ცხოვრებაში დიდ ხანს გაგრძელდა: მთელი ოცდაორი წელიწადი. ომი გამოცხადდა 1877 წლის 12 აპრილს და დამთავრდა 1878 წლის 19 თებერვალს, ს.-სტეფანოს ზავით⁴⁰. ასე რომ, მხოლოდ 10 თვეს გაგრძელდა. ამ დროის განმავლობაში მოპოვებულია ისეთი ბრწყინვალე სამხედრო წარმატებები როგორც არ მოუცია არც ერთ წინა ომს თურქეთთან. ამგვარად, კონტროლი ამტკიცებს, რომ 22 წლის მანძილზე ბევრი რამ გაკეთდა ისეთი, რამაც გაზარდა რუსეთის ძალა, შემატა მას ძლიერება, აამაღლა იგი მატერიალურად და ზნეობრივად. ჩვენ არ დაგვეჭირდება ამ მრავალი მიზეზის დიდ ხანს ძიება, თუ გავიხსენებთ, რით გამოირჩეოდა ჩვენი სამხედრო ოპერაციები უკანასკნელ ომში. რუსეთის არმია ყოველთვის ცნობილი იყო თავისი დისციპლინითა და გმირობით. მაგრამ ასე ძლიერად არასოდეს გამოვლინებულა არმიაში ჯარისკაცის მაღალი ინდივიდუალური თვისებები, ყოველი ახალწვეულისა და ყოველი მილიციელის მიერ თავისი მოვალეობის შეგნებულად შესრულება და პირადი პეროიზმი. როცა იგონებ გაცდილსა და გადატანილს, არ იცი რა უფრო მეტ გაოცებას იწვევს და რომელ გმირობას მიანიჭო უპირატესობა. ჩვენი ჯარისკაცები ერთნაირი სიმშვიდით კვდებოდნენ მცხუნვარე მზისა და წყურვილისაგან, ყინვისა და შიმშილისაგან სადღაც ავლიარში თუ შიბკასთან, ბალკანების გადალაზვისა და დევე-ბონში დგომის დროს. გმირულად კვდებოდნენ მტრის იარაღით ყარსისა და ნიკოპოლის იერიშისას, პლევნის ალყის დროს, თუ ჰოსპიტალში—ტიფისა და ჭრილო-

ბებისაგან, ჰოსპიტალში გამეფებული წესებისა და ცუდი მომარაგების გამო. რუსეთის არმიის ჯარისკაცთა თარეშის, ძარცვისა და ძალადობის შესახებ ჩვენ ვკითხულობდით მხოლოდ ინგლისის, თურქეთისა და მაღიართა გაზეთებში, მაგრამ სინამდვილეში მსგავსი არაფერი ყოფილა, და დისციპლინის დარღვევის და კერძო საკუთრების წინააღმდეგ ჩადენილ დანაშაულთა რიცხვი უფრო ნაკლები იყო, ვიდრე ეს ჩვეულებრივ მშვიდობიან დროს ხდება. სამაგიეროდ, რუსეთისა და ევროპის ყველა გაზეთი ერთხმად აღიარებს რუსი ჯარისკაცის გულკეთილობას, მის თანაგრძნობას ომისაგან დაზარალებული მოსახლეობის მიმართ, მტრისადმი შემწყნარებლობას, მომთმენიანობას და ვაჟკაცობას. ერთი სიტყვით, როცა ვიგონებთ ყველაფერს, რაც თითოეულ ჩვენგანს წაუკითხავს, გაუგონია და უნახავს, უნდა ვაღიაროთ, რომ ჯარისკაცის ზნეობრივი და მორალური დონე ამ ომში იმ სიმაღლეზე ავიდა, როგორზედაც არასოდეს არ ყოფილა და ეს იმას ნიშნავს, რომ მშვიდობიანი ოცდაორი წელი ემსახურებოდა იმ ფენის პროგრესს და ცივილიზაციას, რომელსაც რუსი ჯარისკაცი ეკუთვნის. და ეს სრულიად ბუნებრივად გვეჩვენება, როცა მოვიგონებთ, თუ რა მოხდა ყირიმის ომის²⁸ შემდეგ: მოისპო ბატონყმური ურთიერთობა და ყველამ მოიპოვა მოქალაქეობრივი უფლება და თანასწორობა კანონის წინაშე. გაუქმდა ადამიანისათვის სამარცხვინო ფიზიკური დასჯა და სასჯელის ზომის თვითნებურად დაწესება შეცვლილია საჯარო სასამართლოთი, რომელიც საქმეს სწრაფად არჩევს და შემწყნარებლობას იჩენს. შემოდებულისა საყოველთაო გაწვევა და გაწვევისაგან განთავისუფლება ახლა სასჯელად ითვლება, — უწინ კი კარისკაცად გამწესება ითვლებოდა სასჯელად.

ჯარში ყველგან შემოდებულია წერა-კითხვის სწავლება და, ნებით გამწესებულთა და იუნკერთა სასწავლებლების რეორგანიზაციის წყალობით, ყველას აქვს საშუალება დაწინაურდეს სამსახურში.

ამ სახელმწიფო ღონისძიებებს, თითოეულს თუ ყველას, ერთი მიზანი ჰქონდა: ამაღლებინა არმიის ზნეობრივი და ვინეობრივი დონე და ეს მიზანი მთლიანად მიღწეულია. ჩვენი არმიების ბრწყინვალე ოპერაციები და თითოეული ჯარისკაცის ქცევა მტკიცე პასუხია სიბნელის ყველა მოყვარულთათვის, ისეთებისათვის, როგორც თავადი მეშჩერსკი და კომპანიია. ისინი ვითომ ტანტისადმი ერთგულებისა და სამშობლოსადმი სიყვარულის სახელით დითირამბებს უმღეროდნენ ბატონყმობას, იფიცებოდნენ, რომ მკაცრი სასჯელისა და თავად-აზნაურთა წინამძღოლობის გარეშე რუსი ხალხი გზას ასცდენ-

ბა და ველურ, აულაგმავ ჭოგად გადაიქცევა. ისინი რომ მართალნი არ არიან, ამაზე მათ თურქეთთან უკანასკნელმა ომმა გასცა პასუხი: რაც უფრო მაღალია მთავრობის ზნეობრივი იდეალები, მით უფრო მტკიცედ იყრის ხალხი თავს მის ირგვლივ...

მაგრამ ამ სასიხარულო დასკვნებთან ერთად, რაც ყოველი ფილოსოფოსისა და ჰუმანისტისათვის სამხედრო ოპერაციების ბრწყინვალეობასა და ჩვენი არმიების გამირობას ჩრდილავს, უკანასკნელმა ომმა ჩვენი თანამედროვე სინამდვილიდან დაგვანახა მთელი რიგი ისეთი მოვლენებისა, რომლებიც ყოველი პატიოსანი ადამიანის უნებურ აღშფოთებას იწვევს.

ავადმყოფობისა და იმის გამო, რომ დაჭრილებს არ მივხედეთ, ჩვენ ბევრად უფრო მეტი ჯარისკაცი დავკარგეთ, ვიდრე მტრის ტყვიებისაგან. ჩვენ კოლოსალური თანხა დავხარჯეთ იმისათვის, რომ მოქმედი არმიისათვის ხელსაყრელი და მოხერხებული პირობები შეგვექმნა და მთელი ეს თანხა, რაც ასეული მილიონობით აღირიცხებოდა, რითაც ყოველი ჯარისკაცი ოფიცრის მდგომარეობაში შეგვეძლო გვეყოლოდა, უკვალოდ გაქრა, ჯარისკაცები კი ისევ დამპალი ორცხობილას ამარა დატოვეს; მათ ხშირად არ ჰქონდათ არც ცხელი კერძი და არც თბილი, შეძლებისდაგვარად ვარგისი ტანსაცმელი. ბრძოლის ველზე არ ჰყოფნიდათ სახვევი მასალა, ჰოსპიტლებში საჭირო დახმარებას არ უწევდნენ დაჭრილებს, მიუხედავად წითელი ჯვრის მოღვაწეობისა და მთელს რუსეთში დაჭოილებისა და ავადმყოფების სასარგებლოდ დიდი შეწირულობის შეგროვებისა. ამას, რა თქმა უნდა, ვერ დავაბრალებთ იმას, რომ ბრძოლის ველზე სპეციფიური პირობები არსებობდა, ვერ დავაბრალებთ ღორდ ბიკონსფილდის ინტრიგებს და გრაფ ანდრაშის არაკეთილმოსურნეობას.

ჩვენ განვახორციელეთ ხივინის ექსპედიცია, სადაც სამხედრო ოპერაციების წარმოება გვიხდებოდა ცხოვრებისათვის გამოუხადებარ უდაბნოში, რომლის მხოლოდ გადალახვამ დერვიშად გადაცმულ ბატ. ვამბერს მთელ ევროპაში სახელი მოუპოვა. და მაინც ბრძოლის ველის ამ სპეციფიურმა არახელსაყრელობამ ვერ გაანადგურა ჩვენი რაზმი. ამ წარმოუდგენელი ლაშქრობის დროს ჯარისკაცთა ავადმყოფობა ნორმალურ ფარგლებს არ გასცდენია, რის დამამტკიცებელ საბუთებს არა მარტო ოფიციალურ დოკუმენტებში ეპოულობთ, არამედ მაკ-გახანისა და პრუსიის სამხედრო აგენტის შტურმის კორესპონდენციებშიც.

მაშასადამე, არ არსებულა არავითარი გარეშე მიზეზები. არ არსებულა ბრძოლის მოედნის არავითარი თავისებურებანი, რო-

მელთა მიზეზითაც, თუკი არ ვიცრუეთ, შეიძლებოდეს კრილობები-
სა და ავადმყოფობის მიზეზით ახსნა ჩვენი უზომო დანაკარგის,
რისი მსხვერპლიც ჩვენი არმიას ამ უკანასკნელ ომში. რჩება
მხოლოდ ერთი რამ: ამ ბნელი მხარის ახსნა უნდა ვეძებოთ იმავე
საიდუმლოებაში, საიდანაც მივიღეთ ზემოთ აღნიშნული ბრწყინვალე
შედგევები, სწორედ ჩვენს შინაგან ცხოვრებაში.

ჩვენ დაწვრილებით არ განვიხილავთ ჩვენი შინაგანი ცხოვრე-
ბის ყველა პირობას, რომელთაც გავლენა მოახდინეს აღნიშნულ სა-
ვალალო შედეგებზე; შევეხებით მხოლოდ ფაქტებს, სახელ-
დობრ ფინანსურ კრიზისს, რასაც ახლა განვიცდით.

იმ პერიოდის განმავლობაში, რომელიც ყირიმის ომს წინ უსწ-
რებდა, ჩვენი ფინანსიური ადმინისტრაცია მუდამ გაუმჯობესებისაკენ
ისწრაფოდა, მაგრამ როგორც კი ერთ ნაბიჯს წინ გადასდგამდა, მა-
შინვე უკან იხევდა რამდენიმე ნაბიჯით, რადგან საქმის არსი ჩვენ
მაინცდამაინც არ გვაინტერესებდა და უმთავრესად ფიქციით
ვკმაყოფილდებოდით.

ყირიმის ომმა დაგვანახა, რომ ჩვენში არ არსებობს კერძო თა-
ოსნობა და სახელმწიფოს ყველა ეკონომიურ ამოცანას სახაზინო
ხარჯებით აკმაყოფილებენ. სახელმწიფო მიწათმოქმედება, სამხედ-
რო დასახლებების მეშვეობით, ჯარს ამარაგებდა ფურაჟითა და
სურსათით; სახელმწიფოს სამთამადნო, მინის, ფაიფურის ქარხ-
ნებს, მაუდის, ტილოს ფაბრიკებს და, საერთოდ, ჩვენს მანუფაქ-
ტურულ წარმოებას, ფრონტელი ოფიცრებისა და კანცელარიის
ჩინოვნის მისწვევით აუმჯობესებდნენ. სახელმწიფო ბანკები
აძლევდნენ კრედიტს გარკვეული პირობებით და გარკვეულ ფენებს
და ა. შ.

ამგვარად, ყოველ კერძო თაოსნობას, რა ფორმითაც არ უნდა
გამოვლინებულიყო იგი, ფინანსიური ადმინისტრაცია ისე უყურებ-
და, როგორც მავენე კონკურენციას, სახელმწიფო ინტერესების
ხელყოფას და ამიტომ, ბუნებრივია, იგი შეზღუდეს ფორმალუ-
რობით, რაც კლავდა მრეწველობის თავისუფალი, ბუნებრივი გან-
ვითარების შესაძლებლობას.

მავენებლობა, რომელსაც ასეთი მდგომარეობა იწვევს, მთლია-
ნად გამომქლავნდა ყირიმის ომის დროს: როცა დადგა იმის საჭი-
როება, რომ საკუთარი საშუალებებით დაეკმაყოფილებულიყავით,
რუსეთი თითქმის უძლური აღმოჩნდა. არ არსებობდა რკინიგზები,
არ გექონდა ფაბრიკები, არ გექონდა საწვავი, თუკი, რკინა და ა. შ.
ყველაფერი ეს, რა თქმა უნდა, თავზე საყრელად გექონდა, როგორც
ახლა, მაგრამ ისეთ მიუდგომელ ადგილას იყო, რომ ყველაზე იაფ-

უასიანი საქონლის გადაზიდვაც კი უზომო ხარჯებს იწვევდა. გაციხ-სნოთ თუნდაც სამხედრო გემების მშენებლობა პეტერბურგში, სა-დაც ამისათვის არავითარი საშუალება არ არსებობდა და, უპირველეს ყოვლისა, ამგვარი პირობების შექმნა მოგვიხდა, შემდეგ კი, ბატ. პოლეთიკასა და კომპანიის პატრიოტული მეცადინეობის წყალო-ბით, აუცილებელი მოთხოვნილებების დაკმაყოფილება.

პარიზის ტრაქტატის²⁹ დადების შემდეგ კერძო თაოსნობის განვითარებას ყველამ მიაქცია ყურადღება, მაგრამ ამისთვის სა-ჭირო იყო კაპიტალი, რაც არ გაგვანდდა. საჭირო გახდა კერძო კრედიტი, მაგრამ არც კერძო კრედიტი გვქონდა: და აი და-იწყეს როგორც ერთის, ისე მეორის შექმნა ყველაზე უბრალო გზით; ჩვენ ვისესხეთ კაპიტალი, ავიღეთ კრედიტი და ყველაფერი ეს კერძო მწარმოებლებს გადავეცით.

მაგრამ ამ დროს მოხდა ორი პატარა გაუგებრობა. ჯერ ერთი, ამ იდეების წარმომადგენლები ჩვენ მივიღეთ როგორც თვით იდე-ები; მაგრამ რადგან იმ დროს ჩვენში არც შეიძლებოდა არსებულიყ-ვნენ ისეთი ადამიანები, რომელთაც მართლა შეეძლოთ წამოეყენები-ნათ იდეები, ამიტომ ყველას, ვინც კი უბის წიგნაკში ჩაწერილი იდეებით მოდიოდა, მაშინვე იდეურ ადამიანად ვლებულობ-დით. ამ დროს ადგილი ჰქონდა კურიოზულ მოვლენებსაც. მა-გალითად, ცნობილმა ვ. ლ. კოკორევმა უეცრად დაიწყო თავისი იდეების გამოხატვა სუფთა ფრანგული ენით და არავის არ მოსვ-ლია აზრად ეკითხა პატივცემული მოიჭარადრისათვის, რომელმაც თავისი სპეციალობის ყველა ადმინისტრაციული კიბე გაიარა, სად და როდის ისწავლა ასე კარგად უცხო ენები. ისევე, როგორც ახლა, არავინ არ ეკითხება ბატ. ბლიოხს,—საიდან გაჩნდა მისი შესანიშნავი შრომები სტატისტიკის დარგში? ჩვენთვის საკმარისი იყო ისიც, რომ გამოჩნდნენ ადამიანები, რომელთაც მოიტანეს დაწერილი და დაუწერელი იდეების მთელი გროვა, ჩვენი ქვეყნის ყველა სახელ-მწიფო და ეკონომიური მოტივების შესახებ. ყოველ შემთხვევაში, ეს ადამიანები ისე მიიღეს, როგორც მთელი რუსეთი, და როცა ამ ხალხს გამდიდრების ყველა საშუალებას აძლევდა, ჩვენს ფინანსიურ სამმართველოს იმედი ჰქონდა, რომ საზოგადოების ყველა ფენასა და მრავალეროვან სახელმწიფოს გაამდიდრებდა.

მეორე გაუგებრობა მოხდა იმის გამო, რომ ცუდად ვიცნობთ არითმეტიკას და ცხოვრების სინამდვილეს. არითმეტიკის მიხედ-ვით, რომლითაც ყოველდღიურ ცხოვრებაში ხელმძღვანელობენ, ცნობილია, რომ რაკი ისესხე ფული, იგი კიდევ უნდა დააბრუნო პროცენტებით. მაგრამ სახელმწიფოს ინტერესებმა იძულებული

გაგვხადა შეგვენარჩუნებინა ცნებები: „კაპიტალი“, „სესხი“, „პროცენტი“ და. ამავე დროს, შეგვეცვალა მათი ის შეფარდებითი მდგომარეობის სახე, რომელიც ყოველდღიურ ცხოვრებაში უჭირავთ. სესხი უნდა გაცემულიყო კერძო თაოსნობის განვითარების მიზნით, რომელსაც სჭირდებოდა კაპიტალი, მაგრამ ამისთვის პროცენტები უნდა გადაეხადა. ჩვენმა ფინანსიურმა სამმართველომ კი გადაწყვიტა სესხი აეღო სახელმწიფოს ხარჯზე, პროცენტებიც სახელმწიფოს ხარჯზე გადაეხადა, ხოლო კაპიტალი მიეცა კერძო პირთათვის, რათა ამ უკანასკნელთ სახელმწიფოში შეექმნათ კერძო თაოსნობა. ასეთი გადამწყვეტი ღონისძიებების შედეგად არ შეიძლებოდა არ განვითარებულიყო კერძო თაოსნობა ზაზინის მიერ გაცემული სესხის პროპორციულად და ამიტომ, რაც უფრო ფართოდ ვითარდებოდა კერძო თაოსნობა, მით უფრო რადიკალურად ცარიელდებოდა სახელმწიფოს სალარო. მაგრამ ეს გარემოება არავის არ აწუხებდა.

სიმდიდრე ფულში კი არაა, არამედ მოღვაწეობის განვითარებაში. ეს, რა თქმა უნდა, სწორი გამოთქმაა, როცა საქმე მთელი ხალხის მოქმედებას ეხება. მაგრამ ყველა ჩვენი სესხი დაიხარჯა ისე, რომ ვერაფრით ვერ მიაღწია ხალხამდე და მხოლოდ ცნობილი მონოპოლისტების ხროვას შერჩა ხელში. ამიტომ, ბუნებრივია, სესხმა ხალხი ვერ გაამდიდრა, ხოლო მონოპოლისტებს შესაძლებლობა მისცა დაეჩაგრა ხალხი და გაენადგურებინა ხალხის ნაშრომი და კეთილდღეობა. ამგვარად, კონცესიონერებმა ათი და ასი ათასობით ადამიანები გაძარცვეს და დამარხეს რკინიგზის ხაზების გასწვრივ, რომლებიც სპეციალურად გაიყვანეს მიწათმოქმედი მოსახლეობის გამდიდრებისა და კეთილდღეობის მიზნით, ისევე როგორც ახლა ჯარისათვის სახელმწიფო იჯარის მეტისმეტმა სიძვირემ საშუალება მისცა ბატ. ვარშავსკისა და კომპანიას მოესპო და გაეკოტრებინა ათი ათასობით სამხრეულიანი. რა კერძო მრეწველობის შექმნას უნდა ველოდეთ სპეკულანტებისაგან, რომელთაც მიიღეს სხვისი კაპიტალი და რომელთა ერთადერთი მისწრაფება ისაა, რომ ყოველგვარი ხრიკებით შეინარჩუნონ ამ კაპიტალის დიდი ნაწილი თავის სასარგებლოდ.

ასეთმა თაოსნობამ ფართოდ მოიცვა ყველაფერი, რასაც კი რუსეთში შესაძლებლობა ჰქონდა გამოეგონებინა და დაეჭირა-ვებინა ვინმე ისეთი, ვინც შესძლებდა წამოეყენებინა საერთო სახელმწიფოებრივი სარგებლიანობის მქონე წარმოების იდეა. ბედნიერ მოწინავე საქმოსნებს გაუჩნდათ ბევრი ისეთი კონკურენტი, რომელთა დახრჩობა მხოლოდ ფულით შეიძლებოდა და ამიტომ კერ-

ძო წარმოების ყველა ნასვრეტში ღრმად გაიდგა ფესვები მოქრთამ-ვის ყველაზე აღვირახსნილმა ფორმამ — კონცესიური მა-გის პრაქტიკის ფორმამ. ყველა შოიცვა ყველაფრის ყიდვის სურ-ვილმა და გასასყიდ საქონელზე მოთხოვნილებამ გამოიწვია ის სა-შინელი დემორალიზაცია, რაც მთელი თავისი დაუფარავი სიშიშე-ლით გამომჟღავნდა უკანასკნელ საიჯარო კონცესიურ ოპერაციებ-ში არმიის საკვებითა და სხვა საქონლით მომარაგების დროს. ეს ფაქტი ახლა ცნობილია. მასთან ბრძოლა სახელმწიფო ამოცანაა, რაც გამოიხატა მრავალრიცხოვან შემოწმებებში და სხვა გამა-კონტროლებელ საქმიანობაში; ამ ამბავმა იმდენად შეაშინა ყველა პატრიოტიკ-ებრაელი, რომ მათ დაიწყეს უცხოელთა სახელზე გა-დატანა მთელი უკანონოდ შექმნილი კაპიტალისა, რომელიც მათ მოიპოვეს იმ ჯარისკაცთა ჯანმრთელობისა და სიცოცხლის ხარჯზე, რომლებიც პატიოსნად ეწირებოდნენ თავიანთი წმინდა მოვალეო-ბის შესრულებას.

25. „გოლოსი“ ქართული ენის შესახებ

„გოლოსი“²⁷ (№ 191) წავიკითხეთ შემდეგი მოწინავე სტატია, რომელსაც ჩვენმა მკითხველებმა არ შეიძლება ყურადღება არ მიაქციონ:

„ქართული გაზეთი „დროება“²⁸ იუწყება, რომ კათოლიკე პატერმა ხარისჩაროვმა კონსტანტინოპოლში გახსნა ქართული სტამბა, სადაც მოკლე დროის მანძილზე დაიბეჭდა რამდენიმე წიგნი ქართულ ენაზე და ბეჭდვა მხოლოდ ომის დროს შენელდა. პატერა ხარისჩაროვი დიდი ხანი წვალობდა რომში, რომ კათოლიკე პატერებს ნება დართონ ღვთისმსახურება საქართველოში ქართულ ენაზე აწარმოონ. აქამდე სომეხი კათოლიკეების წინამძღვარი ნებას არ აძლევდა სასულიერო პირებს — ეწარმოებინათ ღვთისმსახურება საქართველოს რომელიმე კუთხეში ქართულად. გარდა მწუხრის წირვისა. ახლა ღვთისმსახურება კონსტანტინოპოლშიც კი ქართულ ენაზე წარმოებს. იმავე პატერმა ხარისჩაროვმა კონსტანტინოპოლში გახსნა სკოლა, სადაც საქართველოს სხვადასხვა კუთხიდან ჩამოსული ახალგაზრდები სწავლობენ, უმთავრესად ახალციხის მაზრიდან. ამ სკოლაში საღვთო წერილს ქართულ ენაზე ასწავლიან.

„ამას ჩვენ დიდ მნიშვნელობას ვანიჭებთ, რადგან ამას წინათ, საქართველოს ეგზარხოსად უწმინდესი იოანიკის დანიშნვამდე, კავკასიის მართლმადიდებლური ეკლესია ხელს უშლიდა ქართველებს რელიგიური წეს-ადათების ქართულ ენაზე შესრულებაში,* რასაც უკვე ვიუწყებოდით... ამავე დროს, არა მარტო ქართულ სოფლებში, არამედ ქალაქებშიც ქართველი კათოლიკეები იძულებულნი არიან მართლმადიდებელთა ეკლესიაში იარონ, რადგან არა აქვთ თავიანთი ეკლესიები, ხოლო მართლმადიდებელთა ეკლესიაში ღვთისმსახურება მართლმადიდებლური წესის მიხედვით წარმოებს. ჩვენი სამღვდლოება კი არა თუ არავეითარ ზომებს არ მიმარ-

* სამართლიანობა მოითხოვს განვაცხადოთ, რომ რელიგიური წეს-ჩვეულებების შესრულებაში ქართველ სასულიერო პირებს არასოდეს არ უშლიდნენ ხელს და ქართული ენის უფლებას არავეითარ ზღუდავდა... რედ.

თავს მათ დასაბრუნებლად მართლმადიდებლურ ეკლესიაში, არამედ განათლების დარგის მესვეურნი განუწყვეტლივ დევნიან ქართულ ენას სკოლებიდან.

„სხვათაშორის, არეულობის ერთ-ერთი მიზეზი ამიერკავკასიაში ისაა, რომ ქართველებს უშლიან ქართული ენის შესწავლას.

„ყველა, ვინც ცოტათი მაინც იცნობს საქმის ვითარებას, ერთხმად აღიარებს, რომ არეულობა ხდება პოლიციის წვრილი მოხელეების მიერ თანამდებობის ბოროტად გამოყენების გამო, ამას ისინი ხალხისათვის ყველაზე სასიკეთო სიახლის შემოღების დროსაც კი აკეთებენ. ეს მოხელეები, რომელთა სურვილი მხოლოდ ისაა, რომ რაც შეიძლება მეტი ექსპლოატაცია გაუწიონ ხალხს. მთარგმნელების მეშვეობით არასწორად უმარტავენ მათ უმაღლესი ხელისუფლების ახალ განკარგულებებს და ამავე დროს თავი მოსახლეობის კეთილისმყოფელად მოაქვთ. მოსახლეობა ხედავს ამას. გებულობს, თუმცა გვიან, თუ რას წარმოადგენს სინამდვილეში ხელისუფლების განკარგულება, და იგი ბრაზდება, მაგრამ არა უმაღლესი ხელისუფლების წინააღმდეგ, არამედ მამასახლისების, ბოქაულების და ხელისუფლების სხვა წვრილი მოხელეების წინააღმდეგ. და როგორც კი შეამჩნევს თანამდებობის თუნდაც უმნიშვნელო ბოროტად გამოყენებას, მთელი მოსახლეობა ფეხზე დგება და მხოლოდ მაშინ შშვიდდება, როცა მათ გაუსწორდება. ასე მოხდა ორი წლის წინათ სვანეთში. ასე მოხდა სიღნაღის მაზრაში, და, ალბათ, ასევე მოხდა ახალციხის მაზრაშიც. ცნობა ამ მაზრაში მომხდარი არეულობის შესახებ ახლანან გადმოგვცა ტელეგრაფმა*.

„სადავო არაა, რომ განკარგულებების ასეთი არასწორი განმარტებების შესაძლო მიზეზები ისაა, რომ ქართველებმა არ იციან რუსული ენა. მარტო ქართული ენის ცოდნა კი არ კმარა. ყოველგვარი საქმის წარმოება კავკასიაში რუსულ ენაზე ხდება, ხოლო მთარგმნელები თუ განგებ არა, უცოდინარობის გამო მაინც ამახინჯებენ თარგმნის დროს ტექსტსაც და განკარგულების შინაარსსაც. ამას ისიც ამტკიცებს, რომ არეულობასა და ჯანყს ადგილი აქვს მხოლოდ ქართველებს შორის და არასოდეს არ მომხდარა სომხებსა ან თათრებს შორის, რომლებიც ამ მხრივ უკეთეს მდგომარეობაში არიან: სომხებს გიმნაზიაში, კურსის დამთავრებამდე, ასწავლიან

* ცნობები ამ არეულობის შესახებ მეტისმეტად გააზვიადეს სატახტო ქალაქის გაზეთებმა. საბედნიეროდ აქ საქმე სერიოზულ მასშტაბებამდე არ მისულა. „ობზორის“ რედაქცია.

სადეთო წერილს სომხურ ენაზე, ზუსტად ისე, როგორც მოლა გიმნაზიის დამთავრებამდე ასწავლის თათრებს ყურანს. გარდა ამისა, სომხებს თითქმის ყველა ეკლესიასთან სკოლა აქვთ გახსნილი, სადაც ბავშვები მშობლიურ და რუსულ ენას სწავლობენ, აქვთ აგრეთვე სასულიერო სემინარიებიც, სადაც, მართალია, სწავლა სომხურ ენაზე წარმოებს, მაგრამ რუსული ენის პროგრამა ისეთივე მოცულობისაა, როგორც გიმნაზიაში. თათრებს კი თავიანთი სოფლის სკოლები აქვთ, სადაც რუსულ ენასაც ასწავლიან.

„ნუთუ არც ის ქართველებია მომზადებული იმისათვის, რომ წინ აღუდგნენ თანამდებობის ბოროტად გამოყენებას, რომელთაც გიმნაზიის კურსი დაამთავრეს? ნუთუ ქართველებს სოფლის სკოლები არ გააჩნიათ? ამის შესახებ ჩვენ მხოლოდ იმის თქმა შეგვიძლია. რომ ქართველებმა, რომელთაც გიმნაზიის კურსი დაამთავრეს, იშვიათი გამონაკლისის გარდა, კარგად იციან რუსული ენა და თითქმის მთლიანად დავიწყებული აქვთ მშობლიური. მიუხედავად იმისა, რომ ჩვენ სოფლის სკოლები გვაქვს, ამ სკოლებს მოწაფეები არ ჰყავთ. არ შეიძლება ეს დავაბრალოთ იმ ამბავს, რომ ქართველებს სწავლა არ უნდათ, არა: ამ სკოლების გვერდით, რომელთაც მოწაფეები არ ჰყავთ, არსებობს საზოგადოების მიერ დაარსებული სკოლები, რომელთაც ადგილები არ ჰყოფნით ყველა მსურველისათვის! ჩვენ ამას ვაწერთ იმ ამბავს, რომ განათლების დარგის მესვეურები სოფლის სკოლებში ისეთ ადამიანებს გზავნიან მასწავლებლად, რომელთაც არა თუ ცუდად იციან ქართული ენა, არამედ სრულიად არ იციან, რადგან პედაგოგიურ სემინარიებში ადგილობრივი ენის შესწავლა სავალდებულო არაა, ხოლო როგორ შეიძლება კარგად მიდიოდეს სწავლა იქ, სადაც მოსწავლეებს მასწავლებლის არ ესმის?

უფრო ცხადად რომ დავახასიათოთ პოლიციის მახლობელი მოხელის დამოკიდებულება ხალხისადმი, ვიტყვი, რომ ადგილობრივ მოსახლეობას თავის მოვალეობად მიაჩნია ყოველი დღესასწაულის წინ საჩუქრები მიუტანოს უფროსს, რათა, ყოველი შემთხვევისათვის, მისი გული მოიგოს. გარდა ამისა, ხშირად უფროსები თვითონ ართმევენ მოსახლეობას პროდუქტებს. ამას წინათ სურამში, თბილის-ფოთის რკინიგზის პირას მდებარე საკმაოდ დიდ სოფელში, მოხდა ასეთი ამბავი: ვიღაც მხითაროვმა, რომელმაც ორი მოწმე და თანამზრახველი იშოვა, თავი ბოქაულად გამოაცხადა, მოსახლეობას საკმაო რაოდენობით ქათმები და ყველი წაართვა და მიიშალა. სოფლელებმა, ალბათ, მხოლოდ იმიტომ გამოგზავნეს ამ ამბის შესახებ „დროებაში“ კოლექტიური წერილი, რომ ზემოხსენებული მხითაროვი ცრუ ბოქაული აღმოჩნდა.

გაცნობებთ რა ყოველივე ამას, არ შეგვიძლია არ გამოვთქვათ იმის სურვილი, რომ ქართული ენის შესწავლას ყურადღება მიექცეს“.

ეს სტატია ეკუთვნის მთელ რიგ იმ მოწინავე სტატიებს, რომლებიც ამ ბოლო დროს „გოლოსმა“ ჩვენს მხარეს მიუძღვნა. ამ სტატიის ნაკლი მისი ძირითადი აზრის ერთგვარი ბუნდოვანობა და არათანამიმდევრობაა...

უნდა ითქვას, რომ როგორც მეცნიერული, ასევე პედაგოგიური თვალსაზრისით, ქართული ენა, ისევე როგორც ყველა მშობლიური ენა, სახალხო განათლების ძირითადი საფუძველია. სანამ ბავშვს უცხო ენას ან მეცნიერებას შეასწავლიან, უნდა ასწავლონ მშობლიური ენა და მხოლოდ მშობლიური ენის მეშვეობით უნდა აუხსნან ის მეცნიერული ან ფილოლოგიური მოძღვრებები, რაც აუცილებელია მისი გონების განსავეთარებლად. მნიშვნელობა მარტო იმას კი არა აქვს, რომ სასოფლო სკოლებში თითქმის ყოველ ნაბიჯზე გვხვდებიან ადამიანები, რომელთაც ერთი სიტყვა არ იციან იმ ენისა, რომელიც მოწაფეებს ესმით, არამედ ისიც, რომ სასწავლო ინვენტარი და მთელი პროცესი იმ ენის საფუძველზეა აგებული, რომელიც სრულიად არ ესმით სოფლის მცხოვრებლებს. მაგრამ იმ თვალსაზრისით, რომლის მიხედვითაც „გოლოსმა“ ეს საკითხი წამოაყენა, საქმის ეს მხარეც კი მეორეხარისხოვანია...

თანამდებობის ბოროტად გამოყენება, კანონის დარღვევა, რასაც სოფლის წერილი მოხელეები ეწევიან, სრულიად შეუძლებელი, ანდა შემთხვევითი და იშვიათი იქნებოდა, ჩვენს ხალხს რომ წარმოდგენა ჰქონდეს თუ რას თხოულობს მისგან კანონი, რა უნდა გააკეთოს ნამდვილად, რამდენი გადაიხადოს და რას ართმევს უკანონოდ სოფლის მამასახლისი, მოსამართლე, ბოქაული და ა. შ. მაგრამ მას არ შეუძლია ეს იცოდეს, რადგან ათეული წლების მანძილზე არ გვექნება შესაძლებლობა ისე გავაერცელოთ ხალხში რუსული ენა, რომ იგი დედანშივე გაეცნოს არსებულ კანონებს, წესებს და უმაღლესი ხელისუფლების მოთხოვნილებებს. ხოლო როცა ამ მოთხოვნილებებსა და იმ ხალხს შორის, რომელსაც ეს მოთხოვნილებები არ ესმის და პირადად არ ღებულობს, დგანან ხარბი და გაუნათლებელი აღმსრულებლები, არ შეიძლება ექსპლოატაციამ არ მიიღოს ფართო გაქანება, არ შეიძლება რომ მან ღრმა ფესვები არ გაიდგას...

ამიერკავკასიის სასამართლო უწყებამ თითქოს გადასწყვიტა აღმოეფხვრა ეს სიძნელე, დაიწყო ზრუნვა იმაზე, რომ სასამართლო ხელისუფლების ყოველგვარი მოთხოვნა, უწყებათა ან განცხადება-

თა სახით, დაინტერესებულ პირებს დაგზავნოდათ ერთდროულად ქართულ და რუსულ ენებზე. მაგრამ ეს კარგი აზრი მხოლოდ ნაწილობრივ განხორციელდა. საქმე უწყებათა იქეთ არ წასულა. რაც შეეხება სასამართლოს საქმიანობის მნიშვნელოვან ფუნქციებს, მისი წარმოება იმ ენაზე ხდება, რომელიც მოსახლეობას არ ესმის...

სურვილი იმისა, რომ რომელიმე ენა ხელოვნურად გაავრცელო, იძულებითი გზით, მმართველობის უმნიშვნელოვანეს დარგებში, სხვა არაფერია, თუ არა შეცდომა, რაც ცხადად დაამტკიცა მთელმა რიგმა ისტორიულმა ფაქტებმა... მეორე შეცდომა ისაა, რომ ენა აღიარო სახელმწიფო კავშირის იარაღად, რაც აგრეთვე დაამტკიცა გამოცდილებამ. ელზასელები გერმანულად ლაპარაკობენ, მაგრამ ეს მათ ხელს არ უშლის უყვარდეთ საფრანგეთი და სძულდეთ გერმანია. შვეიცარიელები სამ ენაზე ლაპარაკობენ და სამივე ენაზე მართავენ სახელმწიფოს, მაგრამ ეს მათ ხელს არ უშლის მტკიცედ დაიცვან სახელმწიფოს მთლიანობა... და, ბოლოს, ჩვენმა წინაპრებმა, ქართველებმა, ერთი რუსული სიტყვა არ იცოდნენ, როცა რუსეთისაკენ სწრაფვა დაიწყეს; ზუსტად ისევე, როგორც საქართველოს მოსახლეობის დიდმა ნაწილმა ახლაც არ იცის რუსული ენა, რაც სრულიად არ უშლის მას ხელს — ერთგულად დაიცვას რუსეთი ყოველთვის, როცა ამას უმაღლესი ხელისუფლება მოითხოვს... აქ ენა კი არაა მთავარი, არამედ ისტორიული ვითარება, რაც გამოიმუშავებს ამ კავშირს, და ამით შექმნის მის სიმტკიცეს...

„ობზორის“² მკითხველებისათვის ცნობილია, რომ ენისა და ეროვნების საკითხებში არავენ მოძველებულ თვალსაზრისზე არ ვდგავართ. ჩვენ ყოველთვის ვიზიარებდით და ვიზიარებთ იმ აზრს, რომელიც საქმის არსს რეალურ, არსებით დამოკიდებულებაში და ძალებში ხედავს. ამიტომ, როცა ჩვენ დაეინებით ვთხოულობთ ადმინისტრაციული საქმეების წარმოების დროს ადგილი დაუთმონ ჩვენი მხარის ამა თუ იმ ენას, ჩვენ ამას მხოლოდ იმიტომ ვაკეთებთ, რომ ამას თხოულობს მოსახლეობის გადაუდებელი და არსებითი ინტერესები და, რაც კიდევ უფრო მნიშვნელოვანია, ამას თხოულობს მთელი სახელმწიფოს ინტერესები, სახელმწიფოსი, რომელიც თანაბრად დაინტერესებული ყველა მისი ქვეშევრდომის კეთილდღეობითა და სიმშვიდით, სულერთია რა ენაზედაც არ უნდა ლაპარაკობდნენ ისინი და რომელ ღმერთსაც არ უნდა სცემდნენ თაყვანს.

უარი თქვა ამგვარ შეხედულებებზე — რაც უხსოვარი დროიდან საფუძვლად დაედო რუსეთის სახელმწიფო კანონმდებლობას

და რუსი ხალხის ზნეჩვეულებებს, იმის გამო, რომ განახორციელო ისეთი უბადრუკი გონების პატრონთა ნაბოდვარი და უაზრობა, როგორებიც არიან ბატ. გილიაროვ-პლატონოვები, სუვორინები, მილერები და სხვები, ეს იმას ნიშნავს, რომ წარმოდგენა არ გქონდეს რუსეთის ძალებზე და ინტერესებზე. მაგრამ დამამტკიცებელი საბუთი იმისა, რომ მეცნიერება და სალი აზრი დიდხანს ცოცხლობს რუსეთის მოაზროვნე ადამიანებში, არის „გოლოსის“ ის სტატიები, რომლებზეც ზემოთ ვლაპარაკობდით...

26. ინგლისთან ბრძოლა

თბილისი, 2 აგვისტო

არ ვიცი, ვის ეკუთვნის ეს ხოი მიქ⁵⁰, რომელმაც მთელი რუსეთისა და ევროპის პრესა მოიარა: „ომი რუსეთსა და ინგლისს შორის სპილოსა და ვეშაპის ბრძოლას ჰგავსო“. კაცმა სრულიად არ უნდა იცოდეს ისტორია, გეოგრაფია და ამ ორი სახელმწიფოს თანამედროვე მდგომარეობა, რომ ასეთი აფორიზმი გამოთქვას. ეს შედარება საკითხის მხოლოდ ზოგიერთ ნიშანს ეხება, მაგრამ ვერ სწვდება იმ გონებრივი, ზნეობრივი და მატერიალური ძალების მთელ მასას, რომელსაც ორი ხალხი თავისი არსებით მოიცავს და, ამიტომ, როგორც ფრანგები ამბობენ *il n'a pas raison*⁵¹...

მართლაც, ჩვენ არ მიგვაჩნია, რომ ომი რუსეთსა და ინგლისს შორის შეუძლებელია, თუმცა უდავოდ ვაღიარებთ ინგლისის კოლოსალურ უპირატესობას ზღვაზე და ფინანსიურ საქმეებში, ხოლო ხმელეთზე — რუსეთისას პროპორციულად. ამ საუკუნის დასაწყისში, როცა შუა აზიის მიწების დასაკუთრებაზე არავინ ფიქრობდა, როცა კავკასია მრავალრიცხოვანი მეომარი ტომებით დასახლებული ოლქი იყო, რომელიც რუსეთს ჯერ კიდევ დასაპყრობი ჰქონდა და როცა ამიერკავკასიაში ჯერ კიდევ არც ერთი რუსი ჯარისკაცი არ მოიპოვებოდა, ხოლო სხვადასხვაგვარი სამეფოები და სახანოები დამოუკიდებელ „სახელმწიფოებს“ წარმოადგენდნენ — საფრანგეთის უდიდესი სამხედრო გენია რუსეთში გალაშქრებაზე ფიქრობდა და მისი ჩანაფიქრის შესაძლო განხორციელებას ის ინტრიგები ამტკიცებს, რომელთაც პეტერბურგში ინგლისელები პავლე I-ის მიერ გადაწყვეტილ რუსეთ-საფრანგეთის კავშირის მოსასპობად იყენებდნენ. ახლა ჩვენ ინგლისელებს შუა აზიაში ვესაზღვრებით და რუსეთსა და ინგლისს შორის შეიარაღებული შეტაკების შესაძლებლობისათვის მხოლოდ ეს ფაქტიც კმარა. გარდა ამისა, კავკასიის სამფლობელოები, ახალი ოლქების შემოერთების შემდეგ, ღრმად შეიჭრა წინა აზიაში და, ცხადია, ჩვენ უფრო მალე მივალწევთ დიარბეკიამდე და სპარსეთის ყურამდე, ვიდრე ინგლისი. ჩვენთვის

უფრო იოლია ბრძოლა სამხედრო მოქმედებათა ამ თეატრზე, რადგან, თუ მთელ ჩვენს ტერიტორიას ყარსამდე რკინიგზით დავსერავთ, ყოველგვარი შესაძლებლობა გვექნება შევკრიბოთ და დავძრათ აქეთ ნებისმიერი რაოდენობის არმია, როდესაც მოგვესურება, რაც ინგლისს, საზღვაო გზებსა და თვით საერთაშორისო რკინიგზაზე დაყრდნობითაც კი არ შეუძლია. მთელი მათი გონებამახვილობა და ფინანსიური ძლევამოსილება უძღურია იმისათვის, რომ დაგვაყარვიონ ჩვენი გეოგრაფიული და ტერიტორიული უპირატესობა, ხოლო ამის არცოდნა ჩვენ არ შეგვიძლია. ამ გეოგრაფიულ მდგომარეობას თანამედროვე პოლიტიკური მდგომარეობაც ერთვის, დაწყებული 1878 წლიდან, მას შემდეგ, რაც ინგლისმა თურქეთთან შეტევითი და თავდაცვითი ხელშეკრულება დასდო და ინგლისი უკვე ჩვენი მტერი გახდა არა შორეულ ქვეყნებში, არა ჰიმალაის ძირას, არამედ ჩვენს მახლობლად, ჩვენი კავკასიის საზღვრებთან. ამგვარად, შეტაკების მიზეზთა რიცხვი კიდევაც რომ არ გაზრდილიყო, ინგლისთან სამხედრო შეტაკების შანსები ისედაც გაიზარდა, მისი ჩვენს საზღვრებთან მოახლოებით. ხოლო ბერლინის ტრაქტატის შემდეგ, რომელმაც ევროპა დაამშვიდა და უზარუნველყო ყველა, ვინც მასში მონაწილეობდა, არა მარტო გაზარდა შეიარაღებული შეტაკების საბაბი, არამედ გარდუვალიც გაზადა.

ლორდ ბიკონსფილდის ზეიმი თვითეული რუსისათვის შეურაცხყოფელია, რადგან ინგლისის პრემიერმა არათფერი არ დაიშურა იმისათვის, რომ ს.-სტეფანოს ზავის¹⁶ ყოველი ცვლილება და დათმობა კონგრესისათვის აეხსნა რუსი ხალხის თავმოყვარეობისათვის უაღრესად შეურაცხყოფელი სახით. რუსეთი არასოდეს არ ყოფილა ისე მტრულად განწყობილი ინგლისისადმი, როგორც ახლა და ეს განწყობილება მანამდე არ აღმოიფხვრება, სანამ ხალხს თავმოყვარეობის დაკმაყოფილების საშუალება არ მიეცემა, ე. ი. ბრწყინვალე დასასრულით დაგვირგვინებული ახალი ომით.

როდის დაიწყება ომი და შეიძლება თუ არა მისი ბრწყინვალე დამთავრება — ამ კითხვაზე უამრავი პასუხი არსებობს ერთნაირად შესაძლებელიც და შეუძლებელიც, მაგრამ ამ საკითხის ახლა გადაწყვეტა უნაყოფოა და „მოცდას“ საჭიროებს. მიუხედავად ამისა, ახლა ჩვენ არც იმას ვიტყვით და არც ამას, მაგრამ მომავალში ინგლისთან სამხედრო შეტაკების შესაძლებლობა გვჭერა, რადგან ყოველი ფაქტი, რაც აქამდე მოხდა, ჩვენი და ინგლისის ინტერესების ურთიერთ წინააღმდეგობაზე მეტყველებს და მათი შეთანხმება ერთ-ერთი ჩვენგანის დაუზარებლად შეუძლებელია. ვფიქრობთ რა იმასაც, რომ ამ საერთო აზრის უარყოფაც ისე-

ვე შეიძლება, როგორც ჩვენი საკუთარი მოსაზრებების, ჩვენ დავდგებით ინგლის-თურქეთის უკანასკნელი შეთანხმების თვალსაზრისზე, რომელიც ჩვენც და ჩვენმა მტრებმაც ისე გავიგეთ, როგორც ინგლისის სანუკვარი ოცნება — შეაჩეროს რუსეთის შემდგომი განვითარება. რაც ვერ შესძლო პალმერსტონმა, შესძლო ბიკონსფილდმა, ამბობს მისი ერგული პარტია. პარიზის ტრაქტატის²⁹ შემდეგ შექმნილი მდგომარეობა, რაც მთელი ევროპის წინააღმდეგ ომის გაგრძელების შეუძლებლობამ გამოიწვია, ნაკლებ შეურაცხმყოფელი იყო რუსი ხალხისათვის, ვიდრე ბიკონსფილდის ზეიმი ბერლინის კონგრესზე, რომელმაც ყველაფერი განიხილა, არაფერი არ გადასწყვიტა და მხოლოდ რუსეთის მიერ გაღებული მსხვერპლი გახადა უნაყოფოდ, სწერენ ჩვენი სატახტო ქალაქის გაზეთები. მიუხედავად ტრადიციული პატივისცემისა უცხოელი ავტორიტეტებისადმი ჩვენში, ჩვენ უდავოდ მხარს ვუჭერთ სატახტო ქალაქის გაზეთებს.

პარიზის ტრაქტატის მიხედვით უცხო სახელმწიფოების ფლოტის მარმარილოს ზღვაში შესვლა ამ ტრაქტატის დარღვევად ითვლებოდა. ინგლისმა თავისი ფლოტი მარმარილოს ზღვაში შეიყვანა, პრინცი კუნძულებთან, ე. ი. სულთანის სასახლის წინ დააყენა, ხოლო ბერლინის კონგრესზე³⁰ პარიზის ტრაქტატის დადგენილებების უცვლელად დატოვება მოითხოვა, რაც განახორციელეს კიდევ ბერლინის ტრაქტატში 63-ე მუხლის შეტანით. ეს მუხლი ამბობს, რომ „პარიზის 1856 წლის 30 მარტის ტრაქტატისა და 1871 წლის 13 მარტის ლონდონის ოქმის ყველა მუხლი ინარჩუნებს თავის ძალას ყველა იმ დადგენილებებში, რომლებიც ბერლინის ტრაქტატის მიხედვით არ გაუქმებულა და არ შეცვლილა“. მაგრამ ვერც ამ ტრაქტატმა აიძულა ინგლისი გაეყვანა თავისი ფლოტი მარმარილოს ზღვიდან, სადაც აქამდე დგას და აგონებს ყველას, რომ თვით ინგლისმა თავი არ შეიზღუდა ტრაქტატით და მის შესრულებას მხოლოდ რუსეთისაგან მოითხოვს. ასე იქცევა ყოველთვის ძლიერი სუსტის მიმართ. ვერც ერთი ჩვენგანი ვერ ხედავს იმ მიზეზს, რომელიც იძულებულს ხდიდეს რუსეთს პატივისცემით განეწყოს ინგლისის კაბინეტის ცინიზმს, რომელიც ყოველგვარ ზნეობრივ პრინციპს და საერთაშორისო სამართლის დადგენილებებს დასცილნის.

ვერავის ვერ გაუგია, რატომ მოხდა რომ ინგლისსა და თურქეთს შორის ჩუმად დადებული სეპარატიული შეთანხმება, რომელიც მხოლოდ ინგლისის ძლიერების განმტკიცებას ემსახურება, ევროპის სახელმწიფოების განხილვის საგანი არაა და აღიარებული

უნდა იქნეს, როგორც ევროპის სიმშვიდის გარანტია, მაშინ, როცა მთელი რიგი ბრწყინვალე გამარჯვებების შემდეგ დადებული ს.-სტეფანოს ზავი, რომელმაც ბალკანეთის ქრისტიან მოსახლეობას ადამიანური უფლებები მიანიჭა, ისეთ მოვლენად უნდა ჩაითვალოს, რომელმაც არა მარტო დაარღვია მთელი ევროპის სიმშვიდე და არა მარტო განხილვას საჭიროებს, არამედ უნდა შეიცვალოს კიდევ ინგლისისა და მისი ფარული მოკავშირის ავსტრიის სასარგებლოდ. და ამას მსხვერპლად უნდა შეეწიროს რუსეთის მთელი ისტორიული ერთგულება?

საგანთა ბუნებრივი ძალა ადამიანთა ყოველგვარ ეშმაკობაზე უფრო ძლიერია და რუსეთის განვითარებას ვერც მეტერნიზების წმინდა კავშირი შეაჩერებს და ვერც პარიზის ტრაქტატი, პალმერსტონთან ერთად. რუსეთი თავის გზით სვლას განაგრძობს და ყირიმის ომის შემდეგ კიდევ უფრო გაძლიერდა, რაც ამ ომმა დაამტკიცა. ამიტომ ბერლინის ტრაქტატსა და ლორდ ბიკონსფილდის არნახულ დიპლომატიურ წარმატებას, ყოველი ჩვენგანის რწმენით, კუუსის სასწავლებელი მნიშვნელობაც აქვს. ჩვენ უკეთ შევიცნობთ ჩვენს თავს და გამოვასწორებთ იმ ნაკლოვანებებს, რომლებიც ომმა დაგვანახა...

27. საიდუმლოება. საადგილმამულო ბანკებში

თბილისი, 3 მარტი

ღირსების სამსჯავროსათვის, რომელსაც მე და ბატ. ლოღობერიძე უნდა განვესაჯეთ, ჩანაწერების შესადგენად წარმოებულმა წინასწარმა მოლაპარაკებამ პირველ პლანზე ერთი საკმაოდ საინტერესო საკითხი წამოაყენა — საადგილმამულო ბანკების საქმიანობის სახალხოდ გამოტანის საჭიროება. ბანკის მმართველებთან ჩემი დავისაგან დამოუკიდებლად, რომელსაც აქ სრულიად არ შეეხებოდა, ამ საკითხს ბევრი საინტერესო მხარე აქვს და სახალხოდ განხილვას მოითხოვს. ამიტომ არ ვეხები რა ამჯერად არც ლოღობერიძეს, არც ღირსების სამსჯავროს და არც ჩვენს საბანკო პოლემიკას, მინდა ამ საკითხის პრინციპულ მხარეს შევეხო. რამდენად აშკარად და საჯაროდ უნდა ხდებოდეს საქმის წარმოება ყველა საადგილმამულო ბანკში?

საერთოდ, აღიარებულა, რომ როგორც კომერციულ, ასევე ბანკის საქმეებს საიდუმლოება სჭირდება, ურომლისოდაც თითქოს სახელი უტყდება ზოგიერთი ოპერაციის წარმატებას. ეს თვალსაზრისი რუსულ პრესაში პირველად ბატ. კოკორევა გამოთქვა. ეს იყო მაშინ, როცა იგი „რუსკი ვესტნიკში“⁵² „თანამშრომლობდა“ და „უანგარო საზოგადო მოღვაწედ“ ითვლებოდა, როცა მას გერცენი ხოტბას ასხამდა „კოლოკოლში“... მაგრამ ცნობილია ისიც, თუ რა უწყალოდ დასცინა ასეთ პრეტენზიებს აწ განსვენებულმა ნ. ა. დობროლუბოვმა „სვისტოკში“⁵³; და რა უღმობლად დაამტკიცა, რომ კომერციულ საქმეებში საიდუმლოება მხოლოდ იმას სჭირდება, ვინც გაკოტრებისა ან ქურდობისათვის ემზადება... ცნობილია აგრეთვე ისიც, რომ სულ ახლახან, როცა რუსეთის საგარეო ვაჭრობის კომერციული ბანკის მმართველობამ ხელი მიჰყო კომერციულ და საბანკო საქმეებში საიდუმლოების პრინციპის გამოყენებას ერთ-ერთი აქციონერის, პოლკოვნიკ ვისოცკის მოთხოვნათა წინააღმდეგ, პეტერბურგის სასამართლო პალატამ ცნო და დაადგინა ბანკის საქმეების სახალხოდ გამოტანის

საჭიროება და აიძულა მმართველობა გაეცნოთ ბ-ნ ვისოცკისათვის ბანკის მთელი დავთრები და საქმეები... ამგვარად, როგორც ლიტერატურა, ასევე იურისპრუდენცია ცხადად და მტკიცედ დაადგა ბანკის საქმიანობის სახალხოდ გამოტანის გზას და უარყო იმ აღამიანთა პრეტენზიები, რომელთაც სურდათ ბანკის, ე. ი. საზოგადოებრივი საქმე ალაფებისა და წვრილი მევახშეების დარად ეწარმოებინათ.

თუმცა, ამავე დროს, კომერციული ბანკის საქმიანობას უეჭველად გააჩნია ისეთი მხარეები, რაც საიდუმლოების დაცვას მოითხოვს. მაგალითად, ყველას როდი სურს ბანკში ანაბრის სახით. ან პირად ანგარიშზე შეტანილი თანხა უცხო პირთათვისაც იყოს ცნობილი. მოხელეები, ოფიცრები და ა. შ. დაინტერესებულნი არიან თავიანთი დანაზოგის დაფარვით, რადგან მათ უფროსს და უცხო პირსაც შეუძლია იკითხოს: „საიდან გაქვთ ამდენი დანაზოგი, როცა წელიწადში მხოლოდ იმდენს ლებულობთ, რომ საცხოვრებლად ძლივს გყოფნით?“ განა ცოტაა ფულის მსესხებლებისაგან თავმოებზრებული კერძო პირი, რომელიც ქრისტე-ღმერთს ფიცულობს— თავისუფალი თანხა არ გამაჩნიაო. წარმოიდგინეთ ამ კაცის მდგომარეობა, როცა ნაცნობებს შესაძლებლობა ექნებათ უთხრან: „თქვენ ამა და ამ ბანკში ამდენი და ამდენი თავისუფალი ფული გიდევთ“. გარდა ამისა, ის პირები, რომლებიც ბანკიდან სესხულობენ ფულს, დაინტერესებულნი არიან ნასესხები თანხის რაოდენობის დამალვით, რადგან საიდუმლოების გამოქვავებით მათი კრედიტი და მისი კომერციული მნიშვნელობა ეცემა. ამ მიზეზების გამო კომერციული ბანკები უშუალოდ არიან დაინტერესებული საიდუმლოების შენარჩუნებით, რადგან რაც უფრო ნაკლებად დაიცავს ბანკი საიდუმლოებას, მით უფრო ნაკლები კლიენტი ეყოლება, ნაკლები ანაბრები, ანგარიშები და თამასუქები ექნება...

მაგრამ არც ლიტერატურამ და არც იურისპრუდენციამ არ შეიწყნარა ეს გარემოება არა იმიტომ, რომ ამ მხარეს არ იცნობს, არამედ იმიტომ, რომ სახალხოდ გამოტანის საჭიროება საერთო და უფრო მნიშვნელოვან ამბად მიაჩნიათ. ამ უკანასკნელ მიზეზებთან შედარებით ჩვენს მიერ მოტანილი გარემოება მხოლოდ წვრილმანია და მსხვერპლად უნდა შეეწიროს საზოგადოებრივი მოთხოვნების სარგებლიანობას — ბანკის საქმეების საჯაროობას, როგორც საზოგადოებრივი საქმეების პატიოსნად წარმოების ერთადერთ საშუალებას...

საადგილმამულო ბანკის საქმეებში არაფერია ისეთი, რაც საიდუმლოებას მოითხოვდეს ან რისი სახალხოდ გამოტანაც შეუძლია-

ბელი იყოს. უკლებლივ ყველა საადგილმამულო ბანკის ოპერაციებს მათივე წესდება ზღუდავს. მათ სესხის გაცემა შეუძლიათ მხოლოდ უძრავი საკუთრების დაგირავეების საფუძველზე. ვერავითარ ახალ ოპერაციას საადგილმამულო ბანკი ვერ აწარმოებს, თუ წესდება არ დაარღვია. საკუთარი საგირავნო ფურცელიც კი ამ ბანკმა კომისიაზე უნდა მიიღოს და ისე გადაგზავნოს სხვა ბანკში გასაყიდად... ბანკს უფლება არა აქვს საიღუმლოდ აწარმოოს ანაბრების, მიმდინარე ანგარიშის, თამასუქების აღრიცხვისა და „მოძრავი კრედიტის“ სხვა ოპერაციები. მათი საქმეა მხოლოდ უძრავი ქონების დაგირავება, სესხის გაცემა, პროცენტების მიღება და ამით სესხის დაფარვა და აგრეთვე საგირავნო ფურცლების მიხედვით ფულის გადახდევინება...

რად ჭირდება ასეთ ოპერაციებს საიდუმლოება და ვისთვისაა ასეთი საიდუმლოება აუცილებელი? საადგილმამულო ბანკში დაგირავებული ყოველგვარი ქონება კანონის ძალით მაშინვე უნდა აიკრძალოს და, კანონის შესატყვისად, ამკრძალავი მუხლი ყოველგვარი დაგირავებული ქონების შესახებ „სენატის უწყებებში“ უნდა გამოქვეყნდეს. გაცემული სესხის რაოდენობა აგრეთვე არ შეიძლება დაიმალოს, რადგან, კანონის მიხედვით, სესხის რაოდენობა დაგირავებულმა ქონებამ უნდა განაპირობოს, ხოლო ბანკი ვალდებულია რეგულარულად გამოაქვეყნოს საადგილმამულო სესხის რაოდენობა. მისი სახელი და გვარი, რომელმაც დაავიანა გადასახადის შეტანა, ბანკის წესდების მიხედვით. „მთავრობის უწყებებში“ და ადგილობრივ გაზეთებში უნდა გამოქვეყნდეს, ქონების გაყიდვის გამოცხადების შემთხვევაში. ახლა ვიკითხოთ: საადგილმამულო ბანკის რომელი ოპერაცია მოითხოვს საიდუმლოებას? ამ კითხვაზე დადებითად ვერავინ უპასუხებს. არა, არ შეიძლება საადგილმამულო ბანკში წარმოებდეს ისეთი ოპერაციები, რომელთა სახალხოდ გამოტანა ყოველ წუთში არ შეიძლებოდეს.

ამ დასკვნამდე მიდის ყველა, ვინც ამ საკითხს *A priori* იხილავს. მაგრამ ამ შემთხვევაში ჩვენ გავაჩნია პრეცედენტები, რომლებიც ადასტურებს ჩვენს შეხედულებას *A posteriori*. როდესაც ორი წლის წინათ ამ სტატიის ავტორი „ტიფლისკი ვესტნიკში“ საადგილმამულო ბანკის პრაქტიკას შეეხო, ამ ბანკის მმართველმა თავადმა ი. გ. ჭავჭავაძემ პირდაპირ და მტკიცედ შემომთავაზა მიესულიყავი ბანკში, გადამეშალა ყველა დავთარი და საქმე, რათა პირადად დავრწმუნებულიყავი, რომ მათში უკანონო და საძრახისი არაფერია. თავადი ჭავჭავაძე იმავე განცხადებაში წერდა, რომ დავთრები და საქმეები ხელმისაწვდომია ყველასათვის, ვისაც

თბილისის საადგილმამულო ბანკის საქმეთა წარმოების გაცნობა სურს. ცხადია, საქმეების სახალხოდ გამოტანას რომ ბანკისათვის ვნების მოტანა შესძლებოდა, თავადი ქვეყნადე ვერ გაბედავდა ასე ანგარიშშიუცემლად ელიარებინა სახალხოდ გამოტანის უფლება...

ყველა ამ შოსაზრების საფუძველზე შეიძლება მივიღეთ დასკვნამდე, რომ საადგილმამულო ბანკების საქმიანობის სახალხოდ გამოტანაზე უარის თქმა და საიდუმლოების სამარადისოდ დაკანონების ცდა ბანკის ინტერესების დაცვას კი არ ემსახურება, რომელიც მთლიანად შეესაბამება სახალხოდ გამოტანის საჭიროებას, არამედ — მხოლოდ შიშს, რომ გამოძღვენდება რაღაც ისეთი, რაც სახიფათოა არა საზოგადოებისათვის, არამედ ბანკის ხელმძღვანელობისათვის. ამ შემთხვევაში საზოგადოების ან ბანკის ინტერესები და ბანკის ხელმძღვანელთა სარგებელი დიამეტრალურად საწინააღმდეგოა. როგორც დავინახეთ, ბანკის საქმიანობის სახალხოდ გამოტანა არა თუ არავითარ ზიანს არ აყენებს ბანკს, არამედ პირიქით, ხელს უწყობს საქმის სწორად წარმართვას, ე. ი. ამტკიცებს მის კრედიტსა და მომავალს, მაგრამ, ამასთან ერთად, მას შეუძლია ბანკის რომელიმე მოღვაწეს სახელიც გაუტეხოს. თავისთავად ცხადია, რომ ასეთი ალტერნატივის გადაწყვეტის დროს ჩვეულებრივი საზომით უნდა ვისარგებლოთ: ვინც საზოგადოების, ანდა ბანკის ინტერესებს წვრილმან თავმოყვარეობაზე და ბანკის მოღვაწეთა სარგებლიანობაზე მალა აყენებს, მან უნდა ცნოს სახალხოდ გამოტანის საჭიროება და დაიცვას იგი. ხოლო ვისთვისაც პატივმოყვარეობა და ცალკეულ პირთა სარგებლიანობა საზოგადო საქმეზე და ბანკზე ძვირფასია, მან სახალხოდ გამოტანის საჭიროება უნდა უარყოს და იყვიროს: „არის საქმეები, სადაც საიდუმლოება საჭიროა“. მაგრამ ჩვენ ვთხოვთ ამ უკანასკნელი კატეგორიის ადამიანებს, ყურადღება მიაქციონ შემდეგ გარემოებას: როცა ყვირიან საიდუმლოების დაცვაზე და უარყოფენ მის სახალხოდ გამოტანის საჭიროებას, ამით ისინი ხელს აწერენ ყოველივე იმაზე რასაც ჩვენი ბანკის მოღვაწეებზე წერდნენ და ლაპარაკობდნენ. თუ მათი საქმეები დღის სინათლესავით ნათელია, მაშინ რატომ უნდა აშინებდეთ საქმის სახალხოდ გამოტანა, რატომ არ უნდა გამოფინონ საქვეყნოდ?! საიდუმლოება და დამალვა ასეთ გარემოებაში მხოლოდ იმას მოწმობს, რომ საკუთარ ცოდვებს აღიარებ და იცი, რომ მათი დამალვა დაეთრება და ბანკის საქმეებში არ მოხერხდება. ბანკის მოღვაწეებს იმედი აქვთ, რომ საფრთხეს ბანკის კარების ამოქოლვით დააღწევენ თავს, მაგრამ, ბატონებო, საქმის სახალხოდ გამოტანა სინათლეს წააგავს და როგორც არ უნდა. დაგ-

მანოთ კარი და დარაბები, იგი რომელიმე ჭუჭრუტანიდან მაინც შემოვა. ამის შემდეგ ლაპარაკიც კი ზედმეტია იმაზე, რომ ასეთი ამოქოლვა ყოველი მოწმისათვის იმის დამამტკიცებელი საბუთია, რომ ამ სახლის შიგნით რაღაც ბოროტი საქმეები ხდება...

ასეთ „მოღვაწეებს“ არ ავნებთ დღე და დამ ახსოვდეთ აწ განსვენებული ვ. ს. კუროჩკინის ცნობილი ლექსის ოთხტაეპიანი სტროფი:

«Если гласность им страшна —
Значит, рушатся обломки,
Значит, тайна им нужна,
Как мошенникам — потемки!»

28. ჩვენი ლიტერატურული ზეი-ჩვეულებანი

ბატ. ქუთაისელი (ბალთა № 1) კვლავ გამოვიდა სცენაზე. ქვე-
მოთ მკითხველი იხილავს მის უკანასკნელ სტატიას, რომელიც
მთლიანად გადმოვბეჭდეთ „ტიფლისკი ვესტნიკის“³ 175-ე ნომრი-
დან (4 აგვისტო). ამ სტატიაში საკმაოდ ბევრია ჩვენი მოწინააღ-
მდეგის ზნე-ჩვეულებებისა და წესიერების დამახასიათებელი მარ-
გალიტები. ამიტომ ჩვენ ამოვკრეთ ამ მარგალიტებს, ჩვენი კო-
ლექციის გასამდიდრებლად, რომელსაც „ობზორის“² მკითხველი
ნაწილობრივ უკვე იცნობს.

ბატ. ქუთაისელი „ტიფლისკი ვესტნიკის“ მკითხველებს არწმუ-
ნებს, რომ მასთან „კამათში ბატ. ნიკოლაძემ ფიასკო განიცადა“.
დე, ინუგეშოს თავი საბრალო მოკამათემ. ჩვენ მას ცდომილებიდან
არ გამოვიყვანთ. მაგრამ მკითხველზე რომ ამაში დარწმუნდნენ,
საჭიროდ მიგვაჩნია მივაწოდოთ მათ არა მარტო ჩვენი საკუთარი
სტატიები, არამედ მოწინააღმდეგის უმთავრესი მოსაზრებებიც, თუნ-
დაც ეს იყოს მხოლოდ რეზიუმე. აღვიღია შეაცდინო მკითხველი, თუ
მას ყველაფერს დაუმალავ. რასაც მოწინააღმდეგე ამბობს, ანდა მის
ნაწერებს თუ გადასხვაფერებ. ბატ. ქუთაისელს კი ჭიპი აქვს მოჭ-
რილი ამ საქმეში. მაგრამ ჩვენს დროში, როცა ცოტაა ისეთი მკით-
ხველი, რომელიც ორ-სამ გაზეთს მაინც არ კითხულობდეს, ასეთი
საქციელი ნაკლებ მოსახერხებელია. ადრე, ბატ. ქუთაისელის ახალ-
გაზრდობაში, როცა ერთი გაზეთის „ხელისმომწერი“ სხვა გაზეთების
ნომრებს თვალთ ვერ ხედავდა, მოკამათეს შეეძლო თავისი წარმა-
ტება კამათის ცალმხრივ სისტემაზე დაემყარებინა. საკმარისი
იყო დაგვეწერა მკვახედ, რიხიანად და საქმე გაჩარხული იყო.
თითოეული გაზეთის მკითხველები დარწმუნებულნი იყვნენ, რომ
მათი გაზეთის ფალაფანმა გაიმარჯვა. მაგრამ ეს დრო დიდი ხა-
ნია წავიდა და აღარ დაბრუნდება. ახლა საზოგადოების დიდი ნაწი-
ლი მოკამათეთა სტატიებს ერთმანეთს ადარებს და მოწადინებუ-
ლია ორივე მხარის მოსაზრებებს გაეცნოს. ახლა ქვეყანაზე აღარ არ-
სებობენ ათანასე ივანოვიჩები⁵⁴ და თუ მოკამათისათვის საქმით და-
ინტერესება პირად პატივმოყვარეობაზე ძვირფასია. ის ვალ-

დებულება ხელი შეუწყო მკითხველებს შეადარონ მოწინააღმდეგეთა მოსაზრებები. მაგრამ არც ბატ. ქუთაისელს და არც „ტიფლისკი ვესტნიკის“ რედაქციას ერთხელაც არ განხილვიათ ეს მოვალეობა. თუ სადმე, მიყრუებულ კუთხეში კიდევ არსებობს „ტიფლისკი ვესტნიკის“ ისეთი მკითხველი, რომელსაც თვალთ არ უნახავს „ობზორი“, მისთვის, უბრალოდ, გაუგებარი იქნება, რის გამო კამათობენ მოწინააღმდეგენი. მას, ალბათ, მოეჩვენება, რომ „ობზორიც“ და მისი რედაქტორიც დიდი ხანია სასტიკად დაამარცხეს, სრულიად გაანადგურეს და უეცრად განადგურებულ მტერს ხელახლა ებრძვიან, ისევე ანადგურებენ, რათა ერთი კვირის შემდეგ კვლავ შეებრძოლონ. ახლა ის რელაციებიც კი არ კმარა მიზნის მისაღწევად, რომელთაც უწინ ამ თარგზე კრიდნენ. განსაკუთრებით მას შემდეგ, რაც ოფენბახმა ამ სისტემის სიბრძნვე უკვდავყო ოპერეტა „ყაჩაღებში“ მანტუელი კარაბინერების კაპიტნის დახატვით. როგორც ვიცით, მამაცი კაპიტანი პირადად ყაჩაღ ფალსკაპს არწმუნებს, რომ მან გუშინ იგი ნაყუწბად აქცია... ანდა, გარდი-გარდმო დაჩეხა, ანდა, ბოლოს, თუ არ დაუჩეხავს, პირველ შეხვედრისთანავე აყუწავს. აქ ფანტაზიის სიცხოველე და სიფიცხე მოქმედებს. ადვილი წარმოსადგენია ის, რისი განხორციელებაც სულითა და გულით გსურს. აბა დაუკვირდეს ბატონი ქუთაისელი ოპერეტა „ყაჩაღების“ ამ ნაწილს და დარწმუნდება, თუ როგორი სასაცილო და უბადრუტობაა ამგვარი რწმენა.

ჩვენ ამას იმიტომ კი არ ვამბობთ, რომ ბატ. ქუთაისელს ვაწყენინოთ. ჩვენთვის სულერთია გამარჯვებულად თვის იგი თავს თუ დამარცხებულად. ამასთანავე, ჩვენ არც ისე გულუბრყვილო ვართ, რომ დამარცხებულის თვითშეგნების იმედი ვიქონიოთ. წაიკითხეთ მუხტარ-ვაშას რელაციები და დაინახავთ, რომ იგი ერზრუმში დაბრუნების შემდეგაც კი არ ცნობდა თავს დამარცხებულად... მაგრამ ჩვენი მიზანი ლიტერატურული ზნე-ჩვეულებების შეცვლაა. ჩვენ გვინდა მივადწიოთ იმას, რომ ადგილობრივ პრესაში პატიოსნური კამათის ჩვევა დამკვიდრდეს. ამ თვალსაზრისით კი ეს შემთხვევა ძალზე დამახასიათებელია. ხოლო ვინ გაიმარჯვებს და ვინ დამარცხდება — ამის შესახებ საჭიროა ვკითხოთ „ობზორის“ მკითხველებს, რომელთაც ორივე მოკამათის მოსაზრებები თვალწინ აქვთ.

გვერდს ავუვლით აგრეთვე ბატ. ქუთაისელის მტკიცებას, თითქოს მისი ფსევდონიმისა პანიკურად გვეშინია, კარაბინერების კაპიტანიც დარწმუნებული იყო, რომ ფალსკაპს მისი საყვირებისა ეშინოდა... მაგრამ ეს ხელს არ უშლიდა მამაც კაპიტანს ფალსკაპს სარდაფებში დამალვოდა, ისევე როგორც ახლა ხელს არაფერი უშ-

ლის ბატ. ქუთაისელს დაგვემალოს „ტიფლისკი ვესტნიკის“ რედაქციის ზურგს უკან. მაგრამ ვერსად დაგვემალება. მისივე ფანდის წყალობით ჩვენ თავიდანვე გამოვიცანით, ვინ არის იგი: კავკასიის ლიტერატურაში არ ყოფილა, არ არის და არ იქნება ორი ღონ-ბაზილიო. იმ იეზუიტური ჩვევების მიხედვით, რომელიც ჩვენმა მოწინააღმდეგემ დედის რძესთან ერთად შეითვისა და რომელმაც სრული გამოხატულება პპოვა ბატ. ქუთაისელის სტატიებში, ჩვენ კარგა ხანია მიეხვდით ვინ იმალება ამ ფსევდონიმის უკან. ჩვენ არ ვართ დაინტერესებული გამოვამჟღავნოთ იგი პირადი ცნობისმოყვარეობის დასაკმაყოფილებლად. ჩვენ გვინდა მკითხველთა საზოგადოებამ იცოდეს იმ რაინდის ნამდვილი სახელი, რომელმაც მისივე სიტყვებით რომ ვთქვათ, ჩვენთან ბრძოლაში ბრწყინვალე გამარჯვება მოიპოვა. ჩვენ ვფიქრობთ, რომ აქ თავმდაბლობა უადგილოა. გამარჯვებულმა თავი დაფნის გვირგვინებით უნდა დაიმშვენოს. გვირგვინი ბევრი დაგროვდა. აბა, გვეჩვენეთ ბატ. ქუთაისელო, რათა ღირსების მიხედვით შეგამკოთ, მაგრამ რადგან იმალებით, ასეთ ვითარებაში, ამით საზოგადოებას იმას უმტკიცებთ, რომ თქვენი როლის გრცხვენიათ...

ბატ. ქუთაისელი იმედოვნებს, რომ საყვედურებს, ნიღაბის ტარებისათვის, ფსევდონიმის გამოყენების ჩვენი მაგალითით დააღწევს თავს. მართალია, ჩვენ წლების მანძილზე ვატარებდით ფსევდონიმს „სკანდელი“, მაგრამ ჩვენი მდგომარეობა ერთნაირი არაა. ყველამ იცოდა, ვინ იმალებოდა ამ ფსევდონიმის ქვეშ. გარდა ამისა ბევრმა ისიც იცოდა, რომ ფსევდონიმი, ჩვენგან სრულიად დამოუკიდებელმა გარემოებამ მოგვახვია თავს. რცხვენოდეს ბატ. ქუთაისელს, რომ ამ ამბავს საზოგადოებას უმაღავს. მან კარგად იცის, ვინ იყო დაინტერესებული და ვისი მეშვეობით უნდოდათ ბატ. ნიკოლაძე ადგილობრივი პრესისათვის ჩამოეცილებინათ... წლების მანძილზე ის ჩუმ-ჩუმად დაძვრებოდა იმ პირთან, რომელზეც დამოკიდებული იყო ასეთი მოთხოვნის წამოყენება... მაგრამ ერთი ამბავია დაემალო საზოგადოებას რამდენიმე გამჟღავნებელი ფსევდონიმის ქვეშ და მეორე — მიეჩვიო რედაქციაში შუალამისას მალულად სიარულს, რომ შესწავლე თანამშრომელზე პირადი ხასიათის პასკვილი გამოაქვეყნო, თანამშრომელზე, რომელსაც დღისით ხელს ართმევ... აი, ბატ. ქუთაისელო, მთელი განსხვავება ჩვენს ფსევდონიმსა და თქვენს ანონიმს შორის...

ბატ. ქუთაისელს არ შეუძლია პატიოსნად აწარმოოს კამათი, რადგან ფსევდონიმის ქვეშ იმალება და რედაქციაში ღამლამობით დაიარება. ასე რომ არ იყოს, მას არ შეეშინდებოდა ნიღაბის ჩამოხ-

სნის და საკუთარი გვარის დასახელების. მაგრამ როგორ უნდა მოიხსნას ნილაბი კაცმა, რომელსაც ტყუილი და ცილისწამება კამათის ერთადერთ საშუალებად და პრინციპად გაუხდია? ამის რელიგიური დადასტურება მისი ახალი სტატიია.

ბატ. ქუთაისელი გვიამბობს ეპიზოდს, რომლითაც ბატ. ნიკოლაძისა და ერთი ქართველი „ლიტერატორის“ კამათი დაგვირგვინდა. საქმე ასე იყო: ბატ. ნიკოლაძე „კრებულში“ ერთ ქართველ ლიტერატორს ეკამათებოდა. მაგრამ მის ამ წერილებში დღემდე ვერავინ შეძლო აღმოეჩინა თუნდაც ერთი სალანძღავი გამოთქმა. დე, ბატ. ქუთაისელმა თავად აირჩიოს და გადმობეჭდოს ბატ. ნიკოლაძის სტატიებიდან რამდენიმე გვერდი და შეადაროს იგი „ჭკვიანი“ ლიტერატორის ამდენივე გვერდს. მხოლოდ მაშინ დარწმუნდებიან „ტიფლისკი ვესტნიკის“ მკითხველები, ვინ გამოირჩევა ლანძღვა-გინებითა და ვინ არგუმენტაციით. ბატ. ქუთაისელი მკითხველებს არწმუნებს: „ბატ. ნიკოლაძემ იცოდა, რომ ვერ შეძლებდა მოწინააღმდეგის მოსაზრებათა უარყოფას, ამიტომ მისთვის ჩვეული პოლემიკური ფანდები გამოიყენა და მოწინააღმდეგეს განსაკვიფრებლად ლამაზი სიტყვების თაიგული მიაართვა“. ეს მტკნარი სიცრუეა. ჩვენ ბატ. ქუთაისელს წინადადებას ვაძლევთ დამტკიცოს საკუთარი სიტყვების სამართლიანობა ამ „თაიგულის“ გადმობეჭდვით. ლექსში ჩასმული სიტყვა „ვირობა“ „სახედრობას“ კი არ ნიშნავს, არამედ სიბრძნევას, უმეცრებას და ა. შ. საერთოდ, მაშინდელი ჩვენი მოწინააღმდეგის ნაწერებიდან ჩვენ შეგვიძლია ამოვკრიფოთ გაცილებით უფრო მკვახე სიტყვები. ვიდრე „ვირობაა“. მაგრამ ამის ძიებას აქ არ შეუღდებთ. ერთხელ, დილით, ჩვენი მოწინააღმდეგე სტამბაში გამოცხადდა, სადაც ჩვენ „დროების“ კორექტურას ვკითხულობდით. ჩვენს შორის არავითარი შეხლა-შემოხლა არ მომხდარა. მშვიდი საუბრის დროს, უეცრად მოწინააღმდეგე ბატ. ნიკოლაძესთან მივიდა, გულზე რევოლვერის ლულა მიაბჯინა და ჩახმანხ ფეხი გამოუშალა. ბატ. ნიკოლაძემ ხელის სწრაფი მოძრაობით ლულა განზე გასწია და ტყვიამ მხოლოდ ხელი გაუკაწრა. როცა, ბატ. ნიკოლაძემ სიცილით ჰკითხა მოწინააღმდეგეს „ხომ არ გაგიჟებულხარო“, „ჭკვიანმა ლიტერატორმა“ ჩახმანხი ისევ ფეხზე შეაყენა. მაშინ ბატ. ნიკოლაძე მივართა მოწინააღმდეგეს და ცხარე ბრძოლის შემდეგ, რომელიც თხუთმეტ წუთს გრძელდებოდა და რომელსაც მეორე გასროლაც მოჰყვა, რევოლვერი აართვა. ბატ. თულაევმა, რომელიც ჩვენს ბრძოლას თავიდან ესწრებოდა, მხოლოდ ამის შემდეგ მონიმო სტამბიდან ასოთამწყობები. ასოთამწყობები კანტორაში შე-

მოცივდნენ და მოწინააღმდეგე გარეთ გაიყვანეს. ამ სცენის დროს ჩვენ არც ყვირილი აგვიტეხია და არც მოწინააღმდეგის დასჯა მოგვითხოვია, მაგრამ ახლა, როცა ეს ამბავი „ტიფლისკი ვესტნიკის“ ფურცლებზე ჩვენს სამხილებლად გამოიყენეს, როცა მკითხველებს არწმუნებდნენ, რომ ჩვენ ძალა არ გვეყო გონებით მოკრეოდით მოწინააღმდეგეს, როცა დამნაშავედ გვთვლიან იმ კაცთან ჩხუბში, რომელიც სტამბაში „შემოგვივარდა“ და „თავს დაგვესხა“, ჩვენ საჭიროდ მიგვაჩნია ვუამბოთ ამ შემთხვევის შესახებ მკითხველებს, რაც მაინცდამაინც დიდად სასახელო არაა „ჭკვიანი ლიტერატორისათვის“, რომელიც ლიტერატურულ შრომებს, ალბათ, იმიტომ აუმხედრდა, რომ ჩვენთან კამათში მოპოვებულმა გამარჯვების დაფნის გვირგვინებმა დაამძიმა.

ასეთივე მტკნარი სიცრუეა ბატ. ქუთაისელის მთელი ნაამბობი იმაზე, რომ ჩვენი სტატია „პალატის სხდომის ფიზიონომია“ (ქალაქის საავადმყოფოს გამო) თითქოს ისე დაიბეჭდა, რომ ბატ. ბებუთოვმა არ იცოდა და არც ნება დაუერთავს. ბატ. ბებუთოვმა ამ სტატიის ხელნაწერი წაიკითხა და გვთხოვა ხელი მოგვეწერა, რაზედაც დავთანხმდით. სტატიაში, გარდა მისთვის მოსაწონი ამბებისა იყო უსიამოვნოც. მაგრამ ჩვენი აზრი მაშინდელ „ტიფლისკი ვესტნიკის“ რედაქციაზე გულწრფელად გამოვხატეთ და არ გვაინტერესებდა კმაყოფილი დარჩა ამით ბებუთოვი თუ არა. არც მას ეჭირათავი ისე, რომ მის გაზეთში სტატიების ბეჭდვა საიდუმლოდ დაგვეკირვებოდა... ხოლო რაც შეეხება იმის მტკიცებას, თითქოს ამით „მოახლეობას ჩვეული თანამშრომელი თავის პატრონს ეპირფერებოდა (ე. ი. თითქოს ბატ. ნიკოლაძე ეპირფერებოდა თავის პატრონს, ბატ. ბებუთოვს), ცხადია, ახლა „ტიფლისკი ვესტნიკს“ შეუძლია ბეჭდოს ამგვარი ამბები თავის ყოფილ თანამშრომელზე, რომელსაც მასში თანამშრომლობისათვის, როგორც ცნობილია, ბევრი ჰონორარი მიუღია. ეს ჩვენ უზადო ზრდილობად მიგვაჩნია რედაქციის მხრიდან. რომელიც თავის ყოფილ და ახლანდელ თანამშრომლებსაც კი „პატრონ-რედაქტორის“ მოახლედ აცხადებს.

ყოველივე ეს სიცრუის ნიმუში იყო, ახლა გადავიდეთ ცილისწამების ნიმუშებზე.

ბატ. ქუთაისელი წერს: „დარწმუნებული ბრძანდებოდეთ მე თავ. ბებუთოვის ზურგს არ ამოვეფარები (აბა, გაიხსენეთ რამდენჯერ ამოფარებიხართ), როგორც ეს თბილისის საქალაქო საავადმყოფოში უწესრიგობის შესახებ დაწერილი სტატიის ავტორმა გაკეთაო“. ან ამ სტრიქონებს არავითარი აზრი არა აქვს, ანდა იმას ნიშნავს, რომ ეს სტატია დაწერა ბატ. ბებუთოვის ზურგს ამოფა-

რებულმა ბატ. ნიკოლაძემ. სხვათა შორის აღნიშნული სტატია თვით თავ. ბებუთოვის დაწერილია, რაც დანამდვილებით იცის „ტიფლისკი ვესტნიკის“ დროებითმა რედაქტორმა თავ. ერისთავმა. ჩვენ ვიცით, რომ ახლა თბილისში არც თავ. ბებუთოვია და არც თავ. ერისთავი და ამიტომ ზემოთ აღნიშნული სტრიქონების გამოქვეყნებას ასე ეხსნით: ბატ. ქუთაისელმა კარგად იცის ვინ დაწერა ეს სტატია, მაგრამ სარგებლობს „ტიფლისკი ვესტნიკის“ ახლანდელ მესვეურთა უცოდნელობით, რათა კიდევ ერთი ცილისწამება გაავრცელოს. მაგრამ რა საცოდავია დონ-ბაზილიო, რომელიც აქამდე მივიდა.

გადავდივართ რა ამგვარი ლიტერატურული ზნე-ჩვეულებების ნიმუშებიდან, რომლებიც ჩვენს პრესაში შემოიტანეს პირადი და სამსახურებრივი სარგებლიანობის მიზნით, ლიტერატურის მოიხეუიტე ექსპლოატატორები უნდა შევეხოთ ბატ. ქუთაისელის ღირსების სამსჯავროში მიცემის საკითხსაც.

ბატ. ქუთაისელი მიმართავს მანევრს და ფიქრობს, რომ თავს დააღწევს საქმის არსს. მოგაგონებთ: როცა ჩვენ ბატ. ლოლობერიძეს შევთავაზეთ ღირსების სამსჯავროს უწყისში შეგვეტანა ბატ. ქუთაისელის ცილისწამების საფუძვლიანობის საკითხი, ბატ. ლოლობერიძემ უარი განაცხადა თავის უანგარო დამცველთან სოლიდარობაზე. ჩვენ მაშინ განვაცხადეთ, რომ ბატ. ქუთაისელის ადგილზე „ყოველი პატიოსანი კაცი“ თვით წარსდგებოდა ღირსების სამსჯავროს წინაშე და დაამტკიცებდა თავის ბრალდების საფუძვლიანობას. ჩვენ სწორედ ამ მიზნით მოვიწვიეთ ბატ. ქუთაისელი. ამის შემდეგ ბატ. ქუთაისელმა განაცხადა, რომ იგი მხოლოდ იმ შემთხვევაში წარსდგება ღირსების სამსჯავროს წინაშე, თუ ამას თვით სამსჯავრო მოითხოვს. ჩვენ ვუპასუხეთ: არავითარ სამედიატორო სამსჯავროს არა აქვს უფლება პასუხისგებაში მისცეს მესამე პირი. საქმე ამაზე შეჩერდა. დღეს ბატ. ქუთაისელი აცხადებს: თუ ჩვენ პირადად მას გამოვიწვევთ სამსჯავროში და რწმუნებულებს გავუზღვათ, იგი მათთან მოლაპარაკებას დაიწყებს.

ბატ. ქუთაისელის სურვილის შესრულება დიდი პატივი იქნება მისთვის. იგი ჯერ არ მომძლავრებულა ისე, რომ ვინმემ მის გამო განსაკუთრებული ღირსების სამსჯავრო დანიშნოს, ან ჩვეულებრივ სასამართლოში გამოიძახოს. მან ცილი დაგვწამა და ჩვენ საშუალება მივეცით დაემტკიცებინა ცილისწამება. თუ იგი ამას არ გააკეთებს, ყოველგვარი ახალი გამოწვევის გარეშე, ჩვენ ძალას არ დავატანთ. მაგრამ მივეცით რა საშუალება გამოცხადებულიყო ღირსების სამსჯავროს წინაშე, ჩვენ ჩვენი ვალი პატიოსანი მეომარი-

სა, მოვიხადეთ. ხოლო რადგანაც იგი გაურბის ჩვენს გამოწვევას, მომავალში ნულარაფერს დაგვაბრალებს...

კიდევ ერთი შენიშვნა: ბატ. ქუთაისელი მოითხოვს ჩვენგან იმ ფრაზის დამამტკიცებელ საბუთებს, სადაც ვაცხადებთ, რომ იგი „დაქირავებული ცილისმწამებლის როლს ასრულებს“. „ობზორის“ მკითხველებმა იციან, რომ არა ერთგზის დავამტკიცეთ ბატ. ქუთაისელის ცილისმწამებლობა, ხოლო მისი, როგორც „დაქირავებულის“, როლის განსაზღვრა, შეიძლება მხოლოდ მაშინ, როცა იგი ნიღაბს ჩამოიხსნის და მისი ნამდვილი გვარი გვეცოდინება. ჩვენ არ ვთვლით ჩვენს თავს ვალდებულად დამამტკიცებელი საბუთები წარვუდგინოთ ბატ. ქუთაისელს მანამდე, სანამ ჩვენს ვალშია და სანამ არ დამამტკიცებს ცილისწამებას, რომლის შესახებ ამაოდ ვთხოვდით დამამტკიცებელ საბუთებს და კონკრეტული ფაქტების დასახელებას.

P. S. ვთხოვ „ობზორის“ კორექტორებს გაუშვან კიდევ რამდენიმე შეცდომა: როგორცაა „присерьежно“ და სხვა ამდაგვარი, რათა ბატ. ქუთაისელს შესაძლებლობა მიეცეს გაამხიარულოს საზოგადოება ორთოგრაფიაში ვარჯიშით, როგორც ამას ჩვენი ყოფილი მოწინააღმდეგეები ბ. ერიწოვი, სტალინსკი და სხვები აკეთებდნენ.

29. ბერლინის ტრაქტატი მცირე აზიის შესახებ

თბილისი, 4 აგვისტო

როცა „ობზორის“² № 188-ში ბერლინის კონგრესის³⁰ შედეგები განვიხილეთ, ჩვენ არ შევხებივართ საკითხს იმის შესახებ, თუ რა მდგომარეობა შეგვიქმნა ამ კონგრესმა მცირე აზიაში. ეს საკითხი ჩვენი მკითხველებისათვის თითქმის ყველაზე მთავარია და ამიტომ მას აუცილებლად უნდა დავეუბრუნდეთ.

ბერლინის ტრაქტატით რუსეთს მხოლოდ იმ ტერიტორიის ნაწილი დაუბრუნეს, რომელიც მას ნეტარხსენებულმა ს.-სტეფანოს „პრელიმინარულმა“ ხელშეკრულებამ მიაკუთვნა. თუ ამ უკანასკნელი ხელშეკრულების დადგენილებებს დავუკვირდებით მცირე აზიაში ტერიტორიული დათმობების თვალსაზრისით, დავინახავთ, რომ რუსეთის მოთხოვნები ამ საკითხში მიმართული იყო სრულიად გარკვეული და რეალური მიზნისაკენ, რომელსაც ორი პარალელური და ერთნაირად მნიშვნელოვანი მხარე გააჩნდა. სტრატეგიული თვალსაზრისით რუსეთი მოითხოვდა ისეთ საზღვრებს. რომელიც მთლიანად დაიცავს ამიერკავკასიის სამფლობელოებს თურქეთის შემოსევისაგან. კომერციული თვალსაზრისით კი — იმ ტერიტორიის დათმობას, რომელზედაც შავი ზღვიდან თავრიზისაკენ მიმავალი პირდაპირი სატრანზიტო გზა გადის. ამ გზას, რომელიც მიდის ბათუმიდან, არდაგანის, ყარსისა და ბაიანეთის გავლით სპარსეთის საზღვრებისაკენ, მოწესრიგების შემთხვევაში შეუძლია თავისკენ გადაიბიროს ევროპული ტრანზიტო, რომელიც სპარსეთში ტრაპეზუნდიდან ერზრუმზე გავლით მიემართება. სწორედ ამ მიზნის მისაღწევად და ტრაპეზუნდ-ერზრუმის სატრანზიტო გზის დასასუსტებლად ითხოვდა რუსეთი ეგრეთ წოდებულ ალაშქერთის ველს, რომელზედაც გადის ერზრუმის ამ გზის ნაწილი სან-სტეფანოს ხელშეკრულების⁴⁶ თანახმად, თურქეთი დასთანხმდა ყველა ამ დათმობას, რის წყალობითაც რუსეთი ისაკუთრებდა მთლიანად ბათუმ-თავრიზის სატრანზიტო გზასა და ტრაპეზუნდ-ერზრუმისა და თავრიზის სატრანზიტო გზის ერთ ნაწილს...

ვაჭრობის თვალსაზრისით შეუძლებელი იყო მცირე აზიაში უკეთესი და უფრო ხელსაყრელი შედეგების მიღწევა. ევროპის მთელი ვაჭრობა სპარსეთის სამი მეოთხედით, ხოლო ამის შედეგად, შუა აზიაც რუსეთის ხელში აღმოჩნდებოდა...

ბერლინის კონგრესმა სრულიად საწინააღმდეგო მიმართულება მისცა ამ ბრწყინვალე მდგომარეობას. იგი საქმის სტრატეგიულ მხარეს არც კი შეხებია. იცოდა რა, რომ რუსეთზე თავდასხმა თურქეთის საზრუნავი აღარ იქნებოდა, კონგრესმა რუსეთს საკმაოდ ძლიერი სტრატეგიული საზღვარი დაუთმო. ჩვენს ხელში გადმოვიდა სტრატეგიულად მნიშვნელოვანი ყველა ქედი და პუნქტი... მაგრამ სატრანზიტო გზების საქმე კი აღარ მოგვარდა ასევე კეთილად ჩვენთვის. ალაშქერთის ველი თურქეთს დაუბრუნეს, რითაც ერზრუმის სატრანზიტო გზა რუსეთის ზედამხედველობისა და ჩარევისაგან დააზღვიეს. მაგრამ ბერლინის კონგრესმა არც ეს იკმარა. საჭირო იყო რუსეთისათვის არ მიეცათ არც პარალელურად დამოუკიდებელი გზა, რომელიც კონკურენციას გაუწევდა ერზრუმის გზას. ამ მიზნით ბათუმ-თავრიზის გზას (ბაიაზეთი) ერთი ნაწილი ჩამოაჭრეს და თურქეთს დაუბრუნეს... ასე რომ, ბათუმიდან სპარსეთში მიმავალმა რუსეთის ტრანზიტმა, უნდა თუ არა, თურქეთის ტერიტორია უნდა გაიაროს... უნდა ვაღიაროთ, რომ რეალური ინტერესების თვალსაზრისით სასურველი იყო ამ გზის შენარჩუნება, თუნდაც „სტრატეგიული“ საზღვრების საზიანოდ...

ახლა საქმის რეალური მხრიდან გადავიდეთ საკითხის სენტიმენტალურ, ანუ ამალღებულ მხარეზე, გამოვარკვიოთ, რამდენად გაუმჯობესდება თურქეთის ქრისტიანთა ყოფა მცირე აზიაში. ამ მხრივაც ბერლინის კონგრესის შედეგები ვერ შეედრება იმას, რაც სულთანის ევროპული სამფლობელოებისათვის გაკეთდა. მაგალითად, სომხეთის შესახებ ბერლინის ტრაქტატში სიტყვაც არ არის ნათქვამი, თითქმის ისევე, როგორც სან-სტეფანოში. თუმცა ეს უკანასკნელი ჰპირდებოდა სომხებს რაღაც რეფორმების ჩატარებას, რომლებიც შესაძლებელი იქნება „ადგილობრივ ვითარებათა“ პირობებში. ამ განსაზღვრების ელასტიურობამ და „გარანტიათა“ სრულმა უქონლობამ, რომელიც აუცილებელი იყო თურქეთის დაპირებათათვის რეალური ღირსების მისანიჭებლად, ამ პუნქტს გამოაცალა ყოველგვარი სერიოზული მნიშვნელობა. სომხეთის მოსახლეობის მხოლოდ უმნიშვნელო ნაწილი, სულ რაღაც 75.000 კაცი გადმოვიდა რუსეთის საზღვრებში ბერლინის ტრაქტატის მიხედვით. თურქეთში მცხოვრები დანარჩენი სომხური მოსახლეობა პორტას უკონტროლო მორჩილების ქვეშ დარჩა... ვფიქრობთ, თვით გაზეთი

„მშაქი“⁵⁵, რომელიც უზღვევ წყალობასა და სიმდიდრეს ჰპირდებოდა თურქეთის სომხებს, იძულებული იქნება აღიაროს, რომ მოლოდინი გაუცრუვდა...

სამაგიეროდ, მომავლის თვალსაზრისით, თურქეთისა და რუსეთის ურთიერთობა მცირე აზიაში რადიკალურად და საბოლოოდ შეიცვალა. ინგლისმა დაივიწყა სულთანის ბალკანეთის სამფლობელოები და სრულიად სამართლიანად აღიარა, რომ საქმის არსი დუნაი და რუმელია კი არ არის, არამედ მცირე აზიის სრუტეები და სატრანზიტო გზებია. სწორედ ამ შეხედულებათა შესაბამისად ინგლისი პორტას ჰპირდებოდა მისთვის აუცილებელ საარსებო და სასიცოცხლო წყაროებს, იმ ერთადერთ მნიშვნელოვან პუნქტებს, რომლებისკენაც უნდა მიემართა რუსეთს მთელი თავისი ძალა და ცდა... ამიერიდან მცირე აზიაში ჩვენ თურქეთთან კი არ ვიბრძობებთ, არამედ დიდ ბრიტანეთთან, რომელმაც აშკარად გამოგვიცხადა თავისი ცნობილი გამოთქმა: „აქამდე და არა უშორეს“. ცხადია, ეს ვერ შეაფერხებს ჩვენს სვლას წინ, მაგრამ ამ მიზნის მისაღწევად ჩვენ ათჯერ მეტი ძალა და ხარჯი გვჭირდება, ვიდრე შარშან...

თუ რუსეთის ყველა დათმობებს მცირე აზიაში ერც მნიშვნელამდე დავიყვანთ, დავინახავთ, რომ ჩვენ მივიღეთ სტრატეგიული საზღვარი იმ მტრის წინააღმდეგ, რომელიც, ალბათ, ვერც იოცნებებს ჩვენს საზღვრებში შემოჭრაზე, მივიღეთ ბათუმის „ყურე“, სატრანზიტო გზის ერთი ნაგლეჯი და 250,000 ადამიანით დასახლებული ტერიტორია... მთელი ეს მონაპოვარი იმ მსხვერპლის ერთ მეთადესაც ვერ ფარავს, რომელიც რუსეთმა ამ მიზნის მისაღწევად გაიღო... თუმცა, მხედველობაში უნდა მივიღოთ ისიც, რომ მეტის მიღწევა შეუძლებელი აღმოჩნდა, როგორც ამას მჭევრმეტყველურად ამტკიცებს „მთავრობის ცნობა“, რომელიც ჩვენ „პროვიტელსტვენი ვესტნიკიდან“⁵⁶ „ობზორის“ გუშინდელ ნომერში გადმოვბეჭდეთ. ჩვენ იმასაც კი ვფიქრობთ, რომ შეიძლება უარესიც მომხდარიყო, შეიძლება სულ არაფერი არ მიგვეღო, ვერაფრისათვის ვერ მიგვეღწია. საკითხს თუ ამ მხრიდან მივუღებთ, რა თქმა უნდა, ადვილად დავიმშვიდებთ თავს და ასეც უნდა მოვიქცეთ...

კიდევ ერთი შენიშვნა ბათუმის შესახებ. „ობზორის“ მკითხველებისათვის ცნობილია, რომ ჩვენ თავიდანვე უარყოფდით ამ პორტის განსაკუთრებულ მნიშვნელობას. ახლა კი, როცა თურქეთისათვის ბაიაზეთის დაბრუნება მას ართმევს სატრანზიტო გზისათვის „tête de ligé“-⁵⁷ ის მნიშვნელობას და ჩვენ ახალი სა-

ბაბი მოგვეცა იმის დასამტკიცებლად, რომ საჭიროა ჩვენი მხარის
სავაჭრო-სამრეწველო ინტერესებისათვის ზრუნვა და ამიტომ სხვა
ნავსადგურების შექმნა ანუ მოწყობა. ბათუმის შესახებ ჩვენი შე-
ხედულების საუკეთესო დამამტკიცებელი საბუთია ბიკონსტილდი-
სა და ინგლისის საადმირალო უწყების განცხადება, რომელიც ბა-
თუმს თვლის უმნიშვნელო ნავსადგურად, რომელშიც სამი ჯავშნო-
სანი თუ დაეტევა... თვით გობართ-ფაშას აზრითაც კი, რომე-
ლიც ბათუმის მნიშვნელობას აზვიადებდა, ამ ნავსადგურში მხო-
ლოდ თორმეტამდე გემი დაეტევა, თანაც ისე გამოივსება ეს ყურე,
რომ ნემსიც კი ველარსად ჩავარდება. განა საჭიროა იმის დამატება,
რომ ასეთი ნავსადგური საკმარისი არ არის ისეთი მხარისათვის,
რომლის ვაჭრობასაც ორჯერ და სამჯერ მეტი გემი ესაჭიროება?

30. ინგლისთან ომი

თბილისი, 4 აგვისტო

ბერლინის ტრაქტატი²⁰ და მისი დამატება, 4 ივლისის ინგლის-თურქეთის ტრაქტატი ინგლისთან საბრძოლველად გვწირავს და თავის მოტყუება იმის იმედით, რომ დიპლომატიური მოლაპარაკება და დროული დათმობები შესაძლებლობას მოგვცემს ავცდეთ ამ ისტორიულ ამოცანას, საღ აზრს მოკლებულია და არ შეეფერება რუსეთის ღირსებას. დიპლომატია, როგორც ხალხის ცხოვრების ერთ-ერთი გარე გამოვლენა, კვლავინდებურად იარსებებს, დაუღალავად შეადგენს ნოტებს, წერილებს, მემორიალებს და სხვა ამდაგვარს, რომლებიც საოცრად ღრმააზროვნად და ჭკვიანურად იქნება შეკოწიწებული, მაგრამ რომლებიც გაგზავნისა და მიღების დროს თანდათან დახარისხდება და საგარეო საქმეთა სამინისტროს არქივში გადავა. ამასობაში ხალხის რეალური ცხოვრება, სახელმწიფო უშიშროების მოთხოვნილებათა ყოველდღიური დაცვა, დაკმაყოფილება და განვითარება, ჩვენს მთავრობას თანდათან იქამდე მიიყვანს, რომ იგი გვერდზე გადასდებს ყოველგვარ დიპლომატიას და მტკიცედ განაცხადებს, თუ რა სურს რუსეთს და რისი დაშვება არ შეუძლია. ამის შედეგად ინგლისმა ან უნდა დაგვითმოს, რაც მის კეთილდღეობას შელახავს, ანდა ომი უნდა გამოგვიცხადოს, რაც დროებით ხელს შეუშლის როგორც ინგლისის, აგრეთვე რუსეთის კეთილდღეობას, მაგრამ, სამაგიეროდ, აგრძობინებს ინგლისს, რომ ხელი უნდა აიღოს გარკვეული მოთხოვნილებების დაკმაყოფილებაზე და დაგვითმოს გარკვეულ საკითხებში. ასე რომ, ომი ინგლისსა და რუსეთს შორის მხოლოდ დროის საკითხია.

ჩვენ წესად შემოვიღეთ არავის არაფერი მიეუთითოთ და არაფერი არ ვიწინასწარმეტყველოთ იმ პოლიტიკური საკითხების შესახებ, რომელთაც ჩვენი გაზეთის ფურცლებზე ვიხილავთ და დავკმაყოფილდებით პროვინციელი პუბლიცისტის უპრეტენზიო მოვალეობით — ჩვენს მკითხველს წარვუდგინოთ ნარკვევი თანამედროვე პოლიტიკური ამბების შესახებ, არსებული ფაქტების ფარგლებში.

ამ ფაქტების მიუხედავად შესწავლამ ჩვენ იმ დასკვნამდე მიგვიყვანა, რომ რუსეთი მუდამ ესწრაფოდა ინგლისთან დამეგობრებას, მაგრამ, მათი უკიდურესად საპირისპირო ინტერესების გამო, ასეთი კავშირი არ შეიძლებოდა დამყარებულიყო: ბალკანეთის ნახევარკუნძულზე ქრისტიანების უკანასკნელი აჯანყების შემდეგ ინგლისი ყველაფერში გადაჭრით ეწინააღმდეგებოდა რუსეთს და ბოლოს, *pour sûr*, ინგლის-თურქეთის ხელშეკრულების ხელმოწერის შემდეგ, იგი რუსეთის აშკარა მტერი გახდა და განაცხადა, რომ რუსეთის შემდგომი განვითარების შესაჩერებლად ყოველგვარ ღონეს იხმარს. ყოველივე ეს გამოიწვევს შეთანხმების ყოველგვარ შესაძლებლობას და მომავალში ომს გეპირდება. შეიძლება ომი დიდი უბედურება იყოს, მაგრამ არცერთ მხარეს არ შეუძლია თავი დააღწიოს მას და ამიტომ საჭიროა ახლავე მიუხედავად გამოვიკვლიოთ რუსეთსა და ინგლისს შორის ომის საკითხი. ჩვენ ამას ვნებების გასაღვივებლად და შოვინისტური პრეტენზიების დასაკმაყოფილებლად არ ვაკეთებთ. ჩვენ გვინდა ნათელი წარმოდგენა ვიქონიოთ იმაზე, თუ როგორ შეიძლება წარიმართოს ომი.

საბრძოლველად გამზადებული ინგლისისა და რუსეთის ჯარები ახლა ერთმანეთის პირისპირ დგანან ბალკანეთის ნახევარკუნძულზე, ამიერკავკასიის საზღვრებთან, პინდიკუშის მთისწინეთთანა და პიმალაის მთებთან. ინგლისელების აზრით, ეს სამი სტრატეგიული პოზიცია მხოლოდ ერთ მიზანს აკმაყოფილებს—დაიფაროს დიდი ბრიტანეთის დედოფლის ინდოეთის იმპერია. ასე რომ, სადაც არ უნდა დაიწყოს ომი ინგლისის წინააღმდეგ მოქმედების მიზანი მხოლოდ ინდოეთი და მუდამ ინდოეთი იქნება, რომელსაც ინგლისი ყველა ზნეობრივ პრინციპსა და საკუთარ კეთილდღეობაზე მაღლა აყენებს. რუსეთი, როგორც ინგლისის მტერი, ხედავს რა ინგლისის ზეადამიანურ ღონისძიებებს ჩაკეტოს ინდოეთი, არავინ არ მიუშვას ინდოეთამდე, უნდა მივიდეს იმ დასკვნამდე, რომ ინდოეთი ინგლისისათვის ყველაზე მნიშვნელოვანი და ყველაზე სუსტი ნაწილია. ამიტომ რუსეთმა სწორედ აქეთკენ უნდა მიმართოს მთელი თავისი ძალღონე.

ჩვენ ვიკვლევთ თანამედროვე *status quo*-ს: რუსეთმა ხელი მოაწერა ბერლინის ტრაქტატს და პირნათლად შეასრულებს მას. თურქეთი უნდა დაემორჩილოს ევროპის განაჩენს, მაგრამ ინგლისისა და ავსტრიის წყალობით, რომელთაც ვალდებულება იკისრეს თვალყური ედევნებინათ ბოსნიის, ჰერცეგოვინისა და

ბალკანეთს იქეთა პროვინციების დაშოშმინებისათვის, იქ, სადაც ჩვენი არმია დგას ბალკანეთის მთების გადაღმა და სადაც ქრისტიანი მოსახლეობის საერთო მღელვარებაა, აქ ომის შესაძლებლობა კვლავ რჩება. იქ რუსეთის წინააღმდეგ შეიძლება გამოვიდნენ ინგლისი, თურქეთი, საბერძნეთი და ავსტრია-უნგრეთი. ჩვენს მხარეზე იქნება ქრისტიანი მოსახლეობისა და ავსტრია-უნგრეთის ბევრი ოლქის თანაგრძნობა. დედაქალაქის გაზეთები, რომლებიც ჩვენს სტრატეგიულ მდგომარეობაზე მსჯელობენ, ასეთ დასკვნამდე მიდიან: ინგლისი და თურქეთი, ალბათ, ფრონტით დაგვიპირისპირდება, ავსტრია კი ფლანგიდან, რაც, რუმინეთზე გავლით, შესაძლებლობას მისცემს მას ჩვენი არმია რუსეთს მოსწყვიტოს. მაგრამ აქვეა წამალიც. გარდა იმიერბალკანეთში მყოფი არმიისა ჩვენ გვყავს კიდევ მეორე არმია გალიციის საზღვარზე, რომელსაც შეუძლია დაიძრას ავსტრიისაკენ, თანახმად გრაფ პასკევიჩის ანდერძად დატოვებული იდეისა — ჩვენი გზა კონსტანტინოპოლისაკენ ვენაზე გადის. ამგვარად, ჩვენ შეგვიძლია ზურგში მოვექცეთ ავსტრიის იმ ძალებს, რომლებიც ჩვენს არმიას ფლანგიდან დაემუქრება. შეგვიძლია უსასრულოდ დავუახლოვოთ და დავაშოროთ ერთმანეთს ჩვენი არმიები, მაგრამ სტრატეგიული ამოცანების გადაჭრას სპეციალისტებს ვუთმობთ, ჩვენთვის კი ვიტოვებთ უფლებას გამოვთქვათ აზრა სამხედრო, არამედ პოლიტიკური მოსაზრებები.

ბერლინის ტრაქტატმა ცნო რუმინეთის, სერბიის და ჩერნოგორიის დამოუკიდებლობა, ბულგარეთის სამთავროს ვასალური დამოკიდებულება (პარ. I) ბალკანეთამდე, ხოლო რუმელიამ, ბოსნიამ და ჰერცოგოვინამ მოიპოვეს ავტონომიის ფიქტიური უფლება თურქეთისა და ავსტრია-უნგრეთის ბატონობის ქვეშ. შეუძლებელია მრმავალში არ წარმოიშვას ზნეობრივი და პოლიტიკური სოლიდარობა დამოუკიდებელ და ავტონომიურ პროვინციებს შორის, ხოლო ახლა არ იყოს გულწრფელი მისწრაფება იმისაკენ, რომ გაერთიანდნენ დამოუკიდებელ სახელმწიფოთა ჯგუფებად.

სანამ ამ მისწრაფებებს არ დააკმაყოფილებენ, რუსეთს შეუძლია ამ ქვეყნების მოსახლეობის მხარდაჭერის იმედი იქონიოს. ასე რომ, სადაც არ უნდა გადიოდეს ჩვენი ფრონტი, ფლანგი და ზურგი, შეგვიძლია დავეყრდნოთ ადგილობრივ მოსახლეობას. ამიტომ, თუ რუსეთთან საზღვაო კავშირი შევინარჩუნეთ, ბალკანებს იქეთ მყოფი არმიის მდგომარეობა უსაფრთხო და ხელსაყრელიც კია. მაგრამ შავ ზღვაში ინგლისის ფლოტის ყოფნა ძირს უთხრის ამ შესაძლებლობას. ამგვარად, იმიერბალკანეთში მყოფ არმიას რომ ხელ-

საყრელი პირობები შევუქმნათ, საჭიროა ინგლისის ფლოტის ყურადღება ბალკანეთის ომის თეატრს ჩამოვაცილოთ.

ჩანს, ამიერკავკასიის საზღვარზე ინგლისის საბრძოლო არმიას ვერ დაგვიპირისპირებს. მას შეუძლია მხოლოდ ვილიამსების, კემბელების და კომპანიის მეშვეობით ორგანიზაცია გაუწიოს და წარმართოს თურქეთის სამხედრო ოპერაციები. ყარსის, არდაგანის და ბათუმის აღების შემდეგ, მას შემდეგ რაც ახალი საზღვარი მივიღეთ, ჩვენი სტრატეგიული მდგომარეობა წინანდელთან შედარებით ბევრად გაუმჯობესდა. თუ რკინიგზის ხაზი ამიერკავკასიას რუსეთს გაწეწვეტლივ დააკავშირებს და ეს ხაზი ყარსამდე და ბათუმამდე მივა, ამასთან გვეყოლება მზად ყოფნაში მყოფი მნიშვნელოვანი საბრძოლო ძალები, რომელიც აუცილებლად გაიზრდება ახალი პროვინციების დაკავებასთან დაკავშირებით, მაშინ, ცხადია, ჩვენ შესაძლებლობა გვექნება მოვამზადოთ ბრძოლის თეატრი სამხედრო მოქმედებისათვის ყოველგვარი სიძნელების გარეშე და გადმოვიყვანოთ აქ ჩარის ის რაოდენობა, რაც საჭირო იქნება. ყველაფერი ეს შეიძლება გაკეთდეს შინაურულად, უხმაუროდ და სწრაფად. ამგვარად, ჩვენ უფლება გვაქვს დავასკვნათ: ჩვენი სტრატეგიული მდგომარეობა ამ საზღვარზე ხელსაყრელია. შესაძლებელია თუ არა დესანტის გადმოსხმა ქუთაისის გუბერნიაში ან აღმოსავლეთ სანაპიროებზე? მიმდინარე ომის გამოცდილების შედეგად და ერთ-ერთი მოხერხებული ნავსადგურის ბათუმის შემოერთების შემდეგ, რომელსაც მტერი საყრდენ პუნქტად გამოიყენებდა, დესანტის გადმოსხმის საკითხი შეიძლება მივაწეროთ იმ კატეგორიის ღონისძიებას, რომლის განხორციელება თითქმის შეუძლებელია. ხოლო ნაპირის ტორპედოებით და ბატარეებით გამაგრების შემდეგ, ამ ღონისძიებას არ შეიძლება რაიმე თვალსაჩინო მიზანი ქონდეს, რადგან მტერს არაფერს მიცემს და არც ღირსშესანიშნავი წარმატება მოჰყვება. მიაშუმეტეს მაშინ, თუ შავ ზღვაში რუსეთის ფლოტი იარსებებს.

ჩვენი მესამე პოზიცია, რომელიც სირ-დარიის სათავეებთან და ჰიმალაისა და ჰინდიკუშის ძირას გადის, უდავოდ სუსტია: სუსტია ჩარის სიმცირის გამო, სუსტია გზების უქონლობის გამო, რომლებიც ბრძოლის თეატრს რუსეთთან დააკავშირებდა. აქამდე ეს ამბავი არ შეიმჩნეოდა, ჩვენ მხოლოდ შუა აზიის სახანოებთან და მომთაბარე ტომებთან შეტაკება გვქონდა გათვალისწინებული, სადაც ერთი ბატალიონი და ორიოდე ქვემეხი ისეთი დიდი სამხედრო ძალაა, რომლის წინაშეც ისინი უძლურნი არიან. როგორც ცნობილია, ჩვენ არ გვსურდა ამ მდგომარეობის შეცვლა და თანხმობა განვაცხადეთ ავღანეთის სამფლობელოების ცენტრალური ზოლის

შექმნაზე. რომელიც ინდოეთისაგან გვითმავს. სამაგიეროდ, ინგლისმა იტვირთა ზნეობრივი მოვალეობა, რომ არ გადმოვიდოდა ჰიმალაის ჩრდილოეთ ფერდობებზე და არ დაიკავებდა ინდოეთიდან შუა აზიაში გამავალ გადასასვლელებს, მაგრამ ინგლისმა დაარღვია ნაქისრი ვალდებულება კვეტისა და დოლანის გადასასვლელების დაკავებით და ბელუჯისტანში და ავღანეთში რეზიდენტის დანიშვნით. ასე რომ, თუ ფაქტებს პირდაპირ შევხედავთ, ახლა აღარ შეიძლება იმის თქმა, თითქოს რუსეთისა და ინგლისის სამფლობელოებს უმაღლესი ქედი ჰყოფს, რომ ამ ორი სახელმწიფოსათვის საქმარისი ადგილია აზიაში. დაპყრობილი სამფლობელოები თუ უშუალოდ ინგლისის კუთვნილება არაა, მისი მოკავშირეები ან ვასალები მაინც არიან და შუა აზიის სამფლობელოებს ეკვრიან. ასე რომ, ჩვენ ინგლისის მეზობლები ვართ და, მიუხედავად დიპლომატების თვალსაზრისისა, ჩვენს შორის მუდამ არსებობს მზა ბრძოლის ველი. წინააღმდეგ ჩვენი სურვილის, მოვლენათა განვითარების შედეგად და ინგლისის ინტრიგების წყალობით ჩვენ შეიძლება შეტაკება მოგვიხდეს ინგლისის სახმელეთო ჯარებთან და არა დესანტთან, როგორც ეს შეიძლება მოხდეს ყველა დანარჩენი ბრძოლის ველზე. ინგლისთან ომის შემთხვევაში ყველაზე მნიშვნელოვანი სწორედ ბრძოლის ეს თეატრი იქნება, რადგან იგი ეკვრის ინგლისის სუსტ და ყველაზე მნიშვნელოვან სამფლობელოს, რომლის დაცვის მიზეზით ინგლისი რუსეთის აშკარა მტერი გახდა. ახლა მთელი ძალ-ღონე შუა აზიის ბრძოლის თეატრისაკენ უნდა მივმართოთ და ავიყვანოთ იგი თანამედროვე პოლიტიკური ვითარების ღონემდე. აუცილებლად უნდა გავზარდოთ, სამჯერ თუ არა, ორჯერ მაინც, იქ მყოფი ჯარის რაოდენობა, შევექმნათ სირ-დარიანზე გამაგრებული პუნქტები და სამხედრო მასალათა საწყობები, გავაუმჯობესოთ კავშირი რკინიგზების გაყვანით. ჩვენი ჯარების შუა აზიიდან ინდოეთში გადასვლა, სამხედრო თვალსაზრისით შესაძლებელი ღონისძიებაა. ინდოეთში და კვეტის საზღვრებთან ჩვენი ჯარების გამოჩენა, ან რომელიმე ბრძოლაში მათი წარმატება, თვით ინგლისელების აზრით, ინდოეთში აჯანყების დაწყების ნიშანი იქნება. და თუ ეს ასე მოხდა, ინგლისი, ცხადია, უარს იტყვის დაეხმაროს სულთანს ბალკანეთის ნახევარკუნძულზე. მთელ თავის ჯარს, უკანასკნელ კაცამდე, თავს მოუყრის და აჯანყების ჩასაქრობად ინდოეთში გადაიყვანს. ინგლისის მდგომარეობას ინდოეთში ვერც კენიგროსის კუნძული და მესოპოტამიის სანაპიროები განამტკიცებს, მხოლოდ სიძნელეებს შეუქმნის, რადგან სწორედ იმ დროს მოითხოვს დამატებით სამხედრო ძალებს, როცა ინგლისის კეთილდღეობის ძი-

რითადი ინტერესების შეუღახავად მათი დანაწევრება არ მოხერხდება. ჩვენი ჯარების მოქმედებასთან დაკავშირებით ინგლისის მთელი სამხედრო ძალების გაყვანა ბალკანეთის და ამიერკავკასიის ბრძოლის ველიდან ისეთივე გარდუვალა აუცილებლობაა, როგორც საფუძველგამოცლილი ქვის ჩამოვარდნა. სწორედ აქედან გამომდინარეობს ჩვენი საერთო რწმენა, რომ ჩვენი ჯარები პირველად ინგლისელებს უსათუოდ ინდოეთის მახლობლად უნდა შეხვდნენ და წარმატება უზრუნველყოფილი იქნება, თუკი, რა თქმა უნდა, ჩვენი სამხედრო მდგომარეობა შუა აზიაში იქ რუსეთის თანამედროვე ამოცანების დონეზე მომზადდება.

31. ადგილობრივ თავდაზნაურთა სამსახური

თბილისი, 7 აგვისტო

ჩვენი არმიის მომავალი დემობილიზაცია პირველ რიგში აყენებს რამდენიმე მნიშვნელოვან საკითხს, რომელთა ასე თუ ისე გადაჭრა გავლენას მოახდენს ჩვენი ქვეყნის კეთილდღეობაზე. ერთ-ერთი ასეთი საკითხია ადგილობრივი თავდაზნაურობის მიერ სამხედრო ვალდებულების მოხდა და, ამასთან დაკავშირებით, ომის დროს ჩამოყალიბებული ე. წ. თავდაზნაურთა რაზმებისა და პოლკების დაშლა. სინამდვილეში ეს საკითხი უფრო დიდი და საერთო საკითხის ქვეგანაყოფს, ანდა ნაწილს წარმოადგენს... მაგრამ სხვადასხვა მიზეზების გამო ჩვენ არ შეგვიძლია შევეხოთ ახლა ამ დიდ საკითხს და იმ ქვეგანაყოფის ყველა მხარესაც კი, რომელზედაც ვსაუბრობდით. იგივე მიზეზები გვაიძულებენ შევეხოთ საკითხის მხოლოდ ერთ, წმინდა „სამოქალაქო“ მხარეს...

ცნობილია, რომ ამიერკავკასიის გუბერნიებს, თავდაზნაურთა ოჯახების რაოდენობის მხრივ, თითქმის პირველი ადგილი უჭირავთ რუსეთის იმპერიაში. თავდაზნაურთა და პრივილეგირებული ფენების პროცენტული შეფარდება ხარკის გადამხდელ წოდებასთან შედარებით გაცილებით უფრო დიდია, ვიდრე რუსეთის რომელიმე გუბერნიაში. არის ისეთი გუბერნიებიც, მაგალითად, ქუთაისის, სადაც 1000 კაცზე პრივილეგირებული ფენის 105 წარმომადგენელი მოდის, ე. ი. 10^{1/2} პროცენტი! ასეთი დიდი პროცენტი ბატონყმობის დროსაც კი ძალზე დამამძიმებელი და არანორმალურია: ხოლო ვალდებულთა შრომის შემთხვევაშიც პრივილეგირებული ფენა, რომელიც ასეთ დიდ კონტინგენტს შეიცავს, ძალზე ემსგავსება პროლეტარიატს. ბატონყმობის გაუქმების შემდეგ კი ჩვენი პრივილეგირებული ფენა შეუძლებელიც იყო პროლეტარიატის მდგომარეობაში არ აღმოჩენილიყო. პრივილეგირებულ ფენას იქ, სადაც იგი მთელი მოსახლეობის მეთაურზე მეტია, არ შეიძლება ეწოდოს მიწათმოქმედი, რადგან ყოველ მის წევრს შეიძლება მხოლოდ მიწის უმნიშვნელო ნაგლეჯი ერგოს... „ტიფლისკი ვესტნიკის“³ ფურცლებზე ჩვენ არაერთხელ მიგვიქცევია მკითხველთა ყურადღება ამ გარემოები-

სათვის. მაშინ⁵⁸ ჩვენ ვამბობდით: როცა პრივილეგირებული ფენა ასე იზრდება რიცხოვნობად, ცოდვას მის მიმართ უყურადღებობა გამოვიჩინოთ, თუნდაც მხოლოდ მრავალრიცხოვნებამ, რაც მას პროლეტარიატის მდგომარეობაში აყენებს, მისდამი ლიტერატურის დაინტერესება უნდა გამოიწვიოს...

არსებითად, ასეთი მრავალრიცხოვანი კლასის უმეტესლუკურ-ოდ და დახმარების გარეშე დატოვებამ, არ შეიძლება ხელი არ შეუშალოს ჩვენი ქვეყნის ეკონომიურ და ზნეობრივ განვითარებას. არ უნდა გვაკვირვებდეს სამოქალაქო პროცესების ზრდა და თანასოფლელთა ჩხუბი და კინკლაობა, როცა მოსახლეობის მეთაური ნაწილი ისტორიულმა ყოფამ ვერ მოამზადა ფიზიკური შრომისათვის და არც აქვთ შესაძლებლობა თანმიმდევრულად და თანდათანობით შეეჩვიონ მას...

სამხედრო მოქმედების დაწყებამ ჩვენი ქვეყნის ფარგლებში დროებითი გამოსავალი მისცა ამ მრავალრიცხოვან კლასს... ბევრი თავადი და აზნაური ჯარში ჩაეწერა, ბევრი პირველად მიეტმასნა სავაჭრო და საიჯარო ოპერაციებს და შემოსავლის წყარო გაიჩინა, ხოლო ზოგი სამხედრო ორგანიზაციის დარგებსა და ადმინისტრაციას მიეძალა. თავადაზნაურობამ ხელი მოჰკიდა ყოველგვარ საქმიანობას, სადაც კი თავის გამოკვება შეიძლებოდა, დაწყებული „მოწყალების ძმობიდან“, დამთავრებული მოანგარიშისა და მწერლის მოღვაწეობით, მაგრამ კიდევ უფრო დიდი ნაწილი ირეგულარულ ცხენოსან და ფეხოსან რაზმებში ჩაერიცხა, რის შედეგადაც ზოგ ადგილას მთელი რაზმები და პოლკები ჩამოყალიბდა.

იმ მზადყოფნას, რომელიც ადგილობრივმა თავადაზნაურობამ ამ რაზმებში ჩაწერის დროს გამოიჩინა. ორი ერთნაირად რაციონალური და შეუშეცდარი ახსნა აქვს: ერთია—საუკუნეების მანძილზე მემკვიდრეობით ჩამოყალიბებული ადგილობრივი თავადაზნაურობის ხასიათი, რომელსაც სამხედრო ქმედება იზიდავს და ეს მიზიდულობა მას ჯერ კიდევ კარგა ხანს გაჰყვება. ეს მათ სისხლში აქვთ გამჭდარი და ჩვენი თავადაზნაურები ინსტინქტურად არაფრისაკენ არ ისწრაფვიან ისე ძლიერ, როგორც სამხედრო სამსახურისაკენ... მეორეს მხრივ კი, რა თქმა უნდა, დიდ როლს ასრულებს ეკონომიური მდგომარეობა: ჯამაგირი თავადაზნაურობას ლუკმა-პურით ასე თუ ისე უზრუნველყოფილი არსებობის საშუალებას აძლევდა. თავის გამოჩენის და დაწინაურების შესაძლებლობაზე, ანუ უფრო უზრუნველყოფილ ცხოვრებაზე კი ლაპარაკიც ზედმეტია. რა თქმა უნდა, მათზე ამ გარემოებასაც უნდა მოეხდინა გავლენა, თუმცა არა იმდენად, რამდენადაც წინა ორ პირობას...

ჩვენ არ ვეკუთვნით ირეგულარული ნაწილების თაყვანისმცემელთა რიცხვს... მაგრამ საქმე ამაში როდია. უშუალოდ საბრძოლო მოქმედებებში ირეგულარულ ნაწილთან სუსტი მონაწილეობა, რომლის დროსაც განსაკუთრებით გამოსადეგია ადგილობრივი თავდაზნაურობა, საშუალებას არ გვაძლევს სარწმუნოდ განვსაზღვროთ ადგილობრივი თავდაზნაურობის სამსახურის გამოსადეგობის ხარისხი. მაგრამ სამაგიეროდ ამ სარგებლიანობის განსაზღვრისათვის ჩვენ უფრო ზუსტი საზომი მოგვეპოვება.

კავკასიის არმიის, მისი ჩამოყალიბების დღიდან, ოფიცერთა კონტინგენტის დიდ ნაწილს ადგილობრივი თავდაზნაურობა შეადგენდა. ამავე დროს ცნობილია, როგორ ალაფრთოვანებდნენ ეს ოფიცრები ჯარისკაცებს პირადი მამაცობით და ამტანიანობით, რა შესანიშნავ გავლენას ახდენდნენ მათზე. ყველასათვის ცნობილია ადგილობრივი თავდაზნაურობის ხასიათის ერთი უმთავრესი თვისება. ესაა უანგარობა, რომელიც ზოგჯერ უანგარიშობამდე მიდის... ჯარისკაცები დიდად აფასებენ ამ თვისებას, როცა ხედავენ, რომ ბრძოლაში მამაკაცი და ფიცხი ოფიცრები მშვიდობიანობის დროს ექსპლოატაციას არ უწევენ ჯარისკაცებს, არ ატყუებენ, არაფერს პარავენ და, თუ ღმერთმა რამე მისცათ, მათაც უზიარებენ. ასეთ ოფიცრებს ჯარისკაცები წყალში და ცეცხლში გაჰყვებიან. ჩვენ არ ვიცით საბრძოლო თვისებების ისეთი ბრწყინვალე შერწყმის მაგალითი, როგორიც მამაცი ოფიცრების წინამძღოლობით რუსი ჯარისკაცის თავგანწირვაა.

ცხადია, ამ სტრიქონებით ჩვენ სრულიადაც არ გვინდა ჩვენი ოფიცრების სხვა რომელიმე კატეგორია დავამციროთ. ჩვენ აღვნიშნეთ მხოლოდ ის ფაქტი, რომელიც ყველამ შეამჩნია. ადგილობრივი თავდაზნაურობის წრიდან გამოსული ოფიცრები და მონაღლისეები თავიანთ თავში აერთიანებდნენ ყველა იმ საუკეთესო თვისებას, რაც ყველა და ყველაზე საუკეთესო არმიებისათვის სასურველია. არმიისათვის ასეთი ძვირფასი თვისებები ადგილობრივი თავდაზნაურობისა აუცილებლად უნდა გამოვიყენოთ ორმხრივი მიზნით: თვით არმიის საკეთილდღეოდ და ჩვენი ქვეყნისათვის მეტისმეტად მრავალრიცხოვანი თავდაზნაურობისათვის ადგილის მისაჩენად. ამიტომ სასურველია, ისიც, რომ მშვიდობიან დროს, რომელიც ახლა დგება, ჩვენი ქვეყნის თავდაზნაურობას ფართო გზა გაუხსნან სამხედრო სამსახურისაკენ. ამის შედეგად ომის დროს ჩვენ მზად გვეყოლება შესანიშნავ სამხედრო მოღვაწეთა უზარმაზარი კონტინგენტი. ამ მხრივ საუკეთესო საშუალება იქნებოდა ადგილობრივი თავდაზნაურობის რომელიმე რეგულარუ-

ლი, უმთავრესად ჩვენს დრაგუნთა ტიპის პოლკებში ჩარიცხვა. უკიდურეს შემთხვევაში, შეიძლება დავკმაყოფილდეთ ცხენოსანთა არსებული ტიპის ირეგულარული პოლკებით. მაგრამ ომის დროს მათი გამოყენება ნაკლებად მოხერხებულია, ვიდრე რეგულარული ჯარისა, რადგან რეგულარული ჯარის ოფიცრებთან შედარებით ისინი უმნიშვნელო განათლებას იღებენ... თუმცა ასეთი ღონისძიებების განხორციელება არც ამით ამოიწურება. სასურველია ჩვენს ქვეყანაში გაიზარდოს სამხედრო პროგიმნაზიების და გიმნაზიების რიცხვი და კურსდამთავრებულებს ხელი შევეწყოთ ჩაირიცხონ არა მარტო კავკასიის არმიაში, არამედ სხვა არმიებშიც. ჩვენში არსებული სამხედრო სასწავლებელი ძლივს ავსებს კავკასიის არმიის კონტინგენტს. ჩვენი ქვეყნის მკვიდრნი კი დაამშვენებდნენ რუსეთის არმიის სხვა დივიზიების რიგებსაც. ხოლო ამ შესანიშნავი მასალით რომ ჯარი დავაკომპლექტოთ, საჭიროა შესაფერისი განათლება მიეცეთ...

ვიმეორებ, ამ ღონისძიების განხორციელებით ერთნაირად დაინტერესებულია არმიაც და ჩვენი ქვეყნის კეთილდღეობაც. გარემოებათა ასეთი ბედნიერი შერწყმა იმის თავდებია, რომ ზემოთ გამოთქმული მოსაზრებები, ნაწილობრივ თუ სრულად, ახლო მომავალში განხორციელდება.

32. „ბადახალისების“ საპროცეპა

1

თბილისი, 8 აგვისტო

თვით ჩვენმა მთავრობამ განაცხადა თავის „ცნობებში“, რომ ბერლინის კონგრესის²⁰ მიერ ბოძებული ზავი სხვა არაფერია, თუ არა „შესვენება“... ძლივს მოვესწარიტ ერთი ომის დამთავრებას, რომელიც, ჯერ კიდევ ღმერთმა იცის, დამთავრებულია თუ არა, და ხელახლა გვიხდება კიდევ უფრო მძიმე და ხანგრძლივი ომისათვის მზადება. ცხადია ისიც, რომ მზადებისათვის, ძირითადად, ახლახან დამთავრებული ომის გაკვეთილები და გამოცდილება უნდა გამოვიყენოთ, მაგრამ ყოველივე ეს ჯერ შეჯამებული არაა.

თუმცა წარსული ომი რამდენიმე და უმთავრესი გაკვეთილისათვის ახლაც გვაძლევს საკმარის მასალას. რა თქმა უნდა, საქმის ისეთი სტრატეგიული მხარეები, როგორცაა სამხედრო-ორგანიზაცია და სამხედრო-ადმინისტრაცია ჯერ კიდევ არაა გამორკვეული. გაივლის წლები, სანამ ამ საკითხებზე საბოლოო სიტყვას იტყოდნენ. ამისათვის საჭიროა არა მარტო უამრავი კერძო მემუარების, არამედ ორივე მოწინააღმდეგე არმიის მთავარი შტაბებიდან გამოსული დოკუმენტებისა და ცნობების გამოქვეყნებაც. მაგრამ საეჭვოა ამგვარი დოკუმენტების შეგროვება და კლასიფიკაცია დაიწყოს. სამაგიეროდ, არის სხვა, უფრო საერთო დარგები, რომლებიც ასეთი დოკუმენტების გამოქვეყნებას არ მოითხოვს. ზოგიერთი საკითხი პირველი დღიდანვე გაშუქებულია და მათზე აზრის გამოთქმა შეიძლება.

დიდი ხანია, რაც ისტორია თავის ერთადერთ მონაპოვრად აღარ თვლის ამა ქვეყნის ძლიერთა მოქმედების არეს, სიტყვებს და ეესტებს. შესაბამისად ამისა, ომების ისტორიაც გამოვიდა თავისი განვითარების იმ პერიოდიდან, როცა მთავარსარდლების ცხოვრების აღწერით და მათი მიზანდასახულობით იფარგლებოდა. საზოგადოების როლსა და ხასიათს, მის განწყობილებას და ქცევას, ძალებს, რომლებიც მასზე მოქმედებენ და მაშინვე ვლინდებიან, დიდი ხანია პირველი ადგილი უჭირავთ როგორც სამხედრო, ასევე

პოლიტიკურ ისტორიაში. თუმცა ზერელედ, მაგრამ ჩვენ მაინც ამ თვალსაზრისით ვიხილავთ საქმის არსს და ბევრს დავინახავთ ისეთ საინტერესო რამეს, რაც ახლახან გადატანილი მდგომარეობის განმეორების დროს გამოგვადგება...

უპირველეს ყოვლისა, უნდა გავიხსენოთ სერბია-თურქეთის ომის დასაწყისი და მოვიგონოთ ჩვენი საზოგადოების მაშინდელი განწყობილება. ვის არ ახსოვს როგორ დარწმუნებული იყო ყველა, რომ ჩერნიაევის მოხალისეები არა მარტო აიღებენ კონსტანტინოპოლს, არამედ ოტომანთა მთელ იმპერიასაც გაანადგურებენ. ასე ფიქრობდნენ და ამას ამტკიცებდნენ არა მარტო ბნელი და უმეცარი ადამიანები, „გაუნათლებელი ბრბო“, არამედ რუსეთის პუბლიცისტების ყველაზე მოწინავე წარმომადგენელნიც. ამ საერთო „რწმენისადმი“ უმცირესი ეჭვი და უმნიშვნელო კრიტიკა თითქმის სამშობლოს დალატად ითვლებოდა. იმ დროს ჯერ ნასახიცი კი არსად იყო საკუთარი ძალების რწმენისა, მოქმედებდა მხოლოდ დარწმუნებულობა მტრის უსაზღვრო უძლურებაში. თურქეთი მარტო სერბიასაც კი უნდა დაემარცხებია — ასეთი იყო დოგმატი... ამაში მხოლოდ ძალზე მცირერიცხოვან ოპოზიციონერებს ეპარებოდათ ეჭვი. ხოლო უმრავლესობას, იმათაც კი ვინც საერთო გატაცებას არ იზიარებდა, საჭიროდ მიაჩნდათ სერბებისათვის მხოლოდ ფულით დახმარება... „რაც უფრო ჩქარა და ყველა დავებმარებით სერბებს ფულით, — წერდა „გოლოსი“²⁷, რომელიც ახალი დროის გატაცებებს არ იზიარებდა, — მით უფრო ნაკლებად დასჭირდებათ მათ ჩვენი სამხედრო დახმარება“... ხოლო, როცა სამხედრო დახმარების აუცილებლობაზე დაიწყო ლაპარაკი, ყველა დარწმუნებული იყო, რომ ომი თურქეთთან სხვა არაფერია, თუ არა კონსტანტინოპოლისაკენ სამხედრო აღლუმით გასეირნება. ამაში არავის ეპარებოდა ეჭვი. რწმენა იმისა, რომ მტერი უძლურია, საკუთარი ძალებისადმი უდავო რწმენამ შეცვალა უეცრად.

ჩვენი საზოგადოება სერიოზულად ვარაუდობდა, თუ რომელ დღეს და რომელ დღესასწაულთან დაკავშირებთ შესცვლიდნენ ჩვენი ჯარები ნახევარმთვარეს ჯვრით წმინდა სოფიას ტაძრის გუმბათზე. შეგვიძლია ჩამოვთვალოთ პერიოდული გამოცემანი, რომლებიც ნამდვილად სწუხდნენ იმის გამო, რომ 15 თუ 16 აგვისტომდე ჩვენს ეკლესიას არ გააჩნია მნიშვნელოვანი დღესასწაული, როდესაც დაინიშნებოდა ასეთი ზეიმი. და რაღა უნდა ითქვას საზოგადოებასა და ჟურნალისტებზე! სპეციალისტებსაც კი არ სწამდათ ბრძოლების შესაძლებლობა, მტრის სიმავრეთა არარსებობის გამო.

ჩვენი საზოგადოების მაშინდელი გატაცება იმისათვის კი არ გავიხსენეთ, რომ დაცვინოთ მას: საკუთარი ძალებისადმი რწმენა როცა საქმისადმი რწმენასთან ხელჩაკიდებული მიდის, მაშინ მას ბევრი კარგი და სასარგებლო თვისება აქვს, განსაკუთრებით, როცა მას რაიმე გონივრული საფუძველი აქვს... მაგრამ განწყობილება, რომელმაც ეს რწმენა შესცვალა, სულ სხვა ხასიათი მისცა მას...

ჯერ იმ ჩექმების გაცვტა ვერ მოვასწარით, რომლითაც თავი მოგვწონდა, ჯერ კიდევ ველოლიავებოდით საკუთარი ძალებისადმი რწმენას და, სწორედ ამ დროს, დაიწყო ჩვენი პირველი სამხედრო წარუმატებლობა, რამაც საქმის მსვლელობა შეაჩერა... ამ წარუმატებლობამ არა მარტო გაგვაკვირვა და დაგვალონა, არამედ ჩვენი საზოგადოების სულსკვეთებაც საგრძნობლად დასცა. აღრინდელი გატაცება იმ წამსვე სულიერმა დაცემულობამ შესცვალა, საზოგადოების ყველა წევრს წარმოუდგენელი დადლილობა დაეუფლა. შესამჩნევად შეირყა საკუთარი ძალებისადმი რწმენა, მტერს სულ სხვა თვალით დავუწყეთ ცქერა და მშვიდობა მოგვენატრა, მშვიდობა რადაც არ უნდა დაგვჯდომოდა. შოვინისტების en chef-ებმაც კი, რომლებიც სისტემატურად აღვივებდნენ ჩვენი საზოგადოების საომარ ინსტინქტებს, მაშინვე შეწყვიტეს დოლის ბრაზხუნი და საზოგადოებას სულმოკლეობის პირველი მაგალითი მისცეს. „ჩვენ მხოლოდ ლოცვა და ცრემლის ღვრა დაგვრჩა“, — წერდა „მოსკოვსკიე ვედომოსტი“²⁸. ახალბედა შოვინისტებზე კი ლაპარაკიც არ ღირს.

მხოლოდ რამდენიმე ახალმა და მოულოდნელმა გამარჯვებამ, მხოლოდ თურქეთის უდიდესი მხედართმთავრების არმიების დამარცხებამ, მხოლოდ ისეთი „უძლეველი“ ფაშების განადგურებამ, როგორიცაა მუხტარი, ოსმანი, სოლეიმანი, ხელახლა აღვიძრა ნაწილი იმედისა. მაგრამ ზაფხულში განცდილი გრძნობების შთაბეჭდილება ჯერ კიდევ იმდენად ძლიერია, რომ ჩვენი საზოგადოებრივი აზრი მზადაა უარი თქვას ამ ძვირად ღირებული გამარჯვებების შედეგებზე... მხოლოდ მოლაპარაკების დასასრულს, როცა ინგლისის ქედმაღლობამ შეურაცხვეყო, როცა ჯერ კიდევ გვჯეროდა, რომ ინგლისი ომს არ დაიწყებს, ჩვენ ხელახლა გავიმართეთ წელში. ისევ ვიწამეთ ჩვენი საქმე, ისევ ვუთხარით ჩვენს თავს, მაგრამ ამჯერად ჩუმად:

Иль мало нас? Иль от Алтая
До стен недвижного Кремля
Стальной щетиною сверкая,
Не встанет русская земля?...⁵⁹

ჩვენი საზოგადოების ერთ-ერთ უსუსტეს მხარეს ჩვენ ვხედავთ საზოგადოებრივი აზრის ასეთ უცნაურ მერყეობაში, ერთი განწყობილების მუდამ მეორით შეცვლაში. ეტყობა, ჩვენი საზოგადოება ჯერ არ გაზრდილა იმდენად, რომ საკუთარი ძალებისადმი და საქმისადმი მყარი რწმენა იქონიოს... ეს გარემოება მხოლოდ ორი მიზეზით შეიძლება აიხსნას: ან საზოგადოების არა საკმარისი ზნეობრივი განვითარებით, ანდა იმ საქმის ნაკლები მიზანშეწონილობით, რომელზედაც ლაპარაკი გვქონდა...

ამ მიზეზის დაწვრილებითმა განხილვამ შეიძლება საინტერესო დასკვნამდე მიგვიყვანოს მაგრამ ამაზე საუბარი კვლავ მოგველის.

2

თბილისი, 9 აგვისტო

დედაქალაქის თითქმის ყველა გაზეთი შეეხო ჩვენთვის საინტერესო საკითხს და, რაც ყველაზე მეტად მოულოდნელია, თითქმის ყველა ერთიდაიგივე დასკვნამდე მივიდა: თანამედროვე საზოგადოების „ზნეობრივი გადახალისების“ აუცილებლობამდე. „ნოვოე ვრემიაც“³⁵ კი, რომელიც ომის წინა წლის მთელ მანძილზე ამტკიცებდა, რომ გარყვნილების გზაზე დამდგარი საზოგადოების „გადასახალისებლად“ აუცილებელია ომი, ახლა იმ დასკვნამდე მივიდა, რომ ამგვარი გადახალისებისათვის მხოლოდ მშვიდობა და თავის თავზე შინაგანი მუშაობაა საჭირო...

უდავოა ისიც, რომ ამ გაზეთების მსჯელობაში სიმართლის ნიშან-წყალი მოიპოვება. მართლაც, თანამედროვე საზოგადოების გარკვეული ნაწილი ოქროს კერპის თავყანისმცემელი გახდა და მოურიდებლად ილტვის სწრაფი და იოლი გზით გამდიდრებისაკენ. ამ ლტოლვას მსხვერპლად მიუტანეს ლიტერატურისა და მეცნიერების ზნეობრივი იდეალი. ახალი თაობა წინაპრებზე უფრო მალე იდრიკება „გარემოს“ სიმძიმის ქვეშ და სიხარულით ამბობს უარს უწმინდეს ოცნებებზე. მართლაც, რკინიგზებმა, ბირჟამ, დამფუძნებლობამ, კონცესიურობამ და სხვა მსგავსმა მოვლენამ, ძლიერ დაამდაბლა ჩვენი საზოგადოების გარკვეული ნაწილის ზნეობრივი ხასიათი... აღარას ვამბობთ იმაზე, თუ რა ძლიერ დასცა საზოგადოების თვალში ზნეობრივი იდეალების მნიშვნელობა ჟურნალისტიკამ. ჟურნალისტიკა მთელი თხუთმეტი წლის მანძილზე დევნიდა და ლანძღავდა ყოველგვარ იდეალს, რათა კონცენსიური სისტემის „უანგარო საზოგადო მოღვაწეები“ აღემაღლებია. იყო აგრეთვე სხვა, უფრო ღრმა მიზეზები, რომელთაც ძლიერ შეუწყვეს ხელი

იდეალების დაცემას. უპირველეს ყოვლისა, მხედველობაში უნდა მივიღოთ თვით ჩვენი ყოფა, რომელიც ბიუროკრატიულ ფორმებში ჩამოყალიბდა. ამგვარი ყოფა ძალზე მცირე საკვებს იძლევა იდეალური ტენდენციების განვითარებისათვის. ოჯახში, სასწავლებელში, მოღვაწეობის დროს, მუდამ გარს გვარტყია საყოველთაო რწმენა იმისა, რომ თითოეულმა ჩვენგანმა უნდა იცხოვროს, იმოქმედოს და იმსახუროს ცალ-ცალკე... საერთო საქმის სიყვარული, ერთმანეთთან დამაკავშირებელი მისწრაფებები, ჩვენი ძალა და ფიქრები ჩვენთვის არც ოჯახურ მომზადებას მოუცია და არც სასწავლებელს... ჩვენი ძალები ცხოვრებაში ვერ პოულობდნენ ვერავითარ გამოყენებას საერთო საქმის სასარგებლოდ, რომლის შესრულების დროსაც შეიძლება ჩვენშიც განმტკიცებულიყო საზოგადო ინსტინქტები და იდეალები. პირიქით, მთელი ჩვენი პრაქტიკული საქმიანობა თითქოს განგებ უთხრიდა ძირს ასეთ ინსტინქტებსა და მისწრაფებებს, გვთიშავდა ერთმანეთისაგან და იძულებულს გვხდიდა არეულდარეულად გვევლო უცნობი მიზნისაკენ. ჩვენ შეგვეძლო გვემსახურა რკინიგზის სამმართველოებში, კერძო ბანკებში, სატრანსპორტო კანტორებში, სხვადასხვა კანცელარიებში და ა. შ. და ა. შ., მაგრამ ჩვენ ყველგან და ყოველთვის ვგრძნობდით, რომ ვმუშაობთ არა პირადი გატაცებით, არა იმ სარგებლიანობის შეგნებით, რომელიც ცალკეული ადამიანების შრომას საერთო საქმიანთვის მოაქვს, არამედ ლუქმა-პურისათვის, გაჭირვების გამო. ასეთ ვითარებაში არ ისახება საზოგადო მოღვაწის იდეალი... კეთილშობილური ემულაციის, საერთო მიზნის უკეთ განხორციელებისათვის შეჭიბრების ნაცვლად მასში ისახება ყველას და ყველაფრის გამრყენელი მეტოქეობა, მზლოდ უღირსი ბრძოლა იმის გამო, თუ ვის დაჩჩება გასახრავად ბედნიერთა სუფრიდან გადმოგდებულნი ძვალი...

ახლა ვიკითხოთ: საზოგადოების რომელი ფენა და ახალგაზრდობის რა რაოდენობა გაიტაცა იოლად და სწრაფად გამდიდრების სურვილმა? ამ კითხვაზე ყველა ასეთ პასუხს გასცემს: იმ პირთა რაოდენობა. რომლებიც გამდიდრების სურვილით არიან გატაცებულნი, უმნიშვნელოა იმათთან შედარებით, ვისშიც ასეთმა გატაცებამ ფეხი ვერ მოიკიდა. იოლად და სწრაფად გამდიდრების სურვილმა, ცხადია, დედაქალაქის ახალგაზრდობა გაიტაცა, და ისიც მკირე ნაწილი: ახალგაზრდობის ეს ნაწილი გარყვნა კონცესიონერებთან ახლო მდგომმა ადამიანებმა და მათმა მფარველებმა პირადი მაგალითით. მაგრამ არ შეიძლება რომ ამგვარი გარყვნილება რუსი ახალგაზრდობის მასას, მთელ საზოგადოებას შეხებოდა. მაგ-

რამ, როგორც ცნობილია, იდეების უქონლობა მათშიც შეიმჩნევა. სხვა რით უნდა აიხსნას ასეთი საერთო მოვლენა, თუ არა ასეთივე საერთო მიზეზების არსებობით?

ჩვენ ნაწილობრივ უკვე მივუთითეთ ერთ-ერთ ასეთ მიზეზზე: ჩვენი ცხოვრება იდეალების განვითარებისათვის არც საკვებს იძლევა და არც გასაქანს. ლიტერატურასა და მეცნიერებას არ შეუძლია განავითაროს საზოგადოებაში მათი იდეალების არავითარი მისწრაფება. მათ შეუძლიათ მხოლოდ იდეალების ელემენტების დათესვა, რომელთა ზრდა და განვითარება დამოკიდებულია თვით ცხოვრებაზე და იმ პირობებზე, რომელიც შეიქმნა... მაგრამ ჩვენში სწორედ ეს ცხოვრება და ეს პირობები ძალზე ცუდად ეგუება იმ ძვირფასი საზოგადოებრივი ძალების წარმატებით ზრდას, რომლის არქონას ასე მწარედ და ერთსულოვნად დასტირის მთელი ჩვენი თანამედროვე პრესა.

ესაა საკითხის მხოლოდ ერთი მხარე: მაგრამ როგორ ნათლადაც არ უნდა გავაშუქოთ ეს საკითხი, მკითხველი მაინც გაიგებს, რომ საზოგადოებას არ გააჩნდა ძირეული პირობები და ამიტომ მოუმზადებელი აღმოჩნდა საზოგადო როლისათვის. საკითხის მეორე მხარე კი ისაა, რომ თვით ეს საზოგადოებრივი როლი, რომელიც ამ როლისათვის მოუმზადებელ საზოგადოებას წილად ერგო, წარმოუდგა მას ცალმხრივად, რის გამოც იმ ძალების გამოყენებაც კი ვერ შესძლო, რომელიც მასშია დაფარული.

როგორც მოგვხსენებათ, საუბარი ომს შეეხებოდა. რომელიც ჰუმანური, გამანთავისუფლებელი მიზნით დაიწყო... მაგრამ ისტორიული მიზეზების გამო, ჩვენს საზოგადოებას. რომელიც ახლოს იდგა ამ ომთან, არ შეიძლებოდა არ გასჩენოდა საკითხები მისი მიზნისა და მსვლელობის შესახებ. ყველაზე წმინდა საქმის აღმსრულებელთა შორისაც კი მუდამ აღმოჩნდება ამ საქმისათვის შეუფერებელი რამდენიმე კაცი, ხოლო, მეორეს მხრივ, ყოველ ისტორიულ მოძრაობას, უშუალო აღმსრულებელთან ერთად, როგორც ამ შემთხვევაში ჩვენი ჯარია, ყოველთვის ჰყავს თეორეტკოსები, იდეოლოგები, ზოგჯერ არა ოფიციალური, მაგრამ აღმსრულებელთან ლოგიკურად დაკავშირებული პირები, ასეთებია ამჟერად სლავიანოფილები, რომელთაც არავითარი ოფიციალური როლი არ გააჩნიათ, მაგრამ ჩვენი საზოგადოება მათ მართებულად თუ უმართებულად თანამედროვე მოძრაობას უკავშირებს... ამასთან, თავიანთ თეორიულ საფუძველში სლავიანოფილებმა ჩვენი საზოგადოების წინაშე გამოამყლავნეს შეუწყნარებელი ორპირობა. ვამოდიოდნენ რა სლავების თავისუფლებისა და საზოგადოებრივი წყობის

ფორმათა გაუმჯობესების მქადაგებლად, ისინი, შინა ცხოვრების საკითხებში, მუდამ რეტროგრადული თვალსაზრისის მომხრეებად რჩებოდნენ. ცნობილია, რომ სწორედ ისინი, თავიანთ გამოცემებში, ქადაგებდნენ საზოგადოებრივი უუფლებობის თეორიასა და მასთან დაკავშირებულ თეორიას — თავადაზნაურებისათვის სოფლებში სამამულო პოლიციის უფლების შესახებ, როზგების შენარჩუნების შესახებ და ა. შ. ისიც ცნობილია, თუ როგორი საზოგადოებრივი იდეალის დაბრუნებას უსურვებდნენ რუსეთს, ეს რომ მათზე იყოს დამოკიდებული. გასაგებია, რომ ამ ორქოფულმა როლმა — თავისუფლების მოთხოვნამ სამშობლოს გარეთ და ყმობისა — სახლში, ჩვენს ინტელიგენციას გული აუცრუა იმ საქმისადმი, რომლის წამომწყებად სლავიანოფილებს თვლის მრავალი... ყოველ შემთხვევაში, ასეთმა ორქოფობამ გავლენა მოახდინა ჩვენს საზოგადოებაზე და სექსტიკური დამოკიდებულება გამოიწვია იმ „განმათავისუფლებელი მისიისადმი“, რომლის შესახებაც ყველაზე მეტად ის ხალხი ყვიროდა, რომლებიც არაერთად შემთხვევაში არ შეიძლება ნამდვილი თავისუფლების მომხრენი ყოფილიყვნენ...

ზემოთ ნათქვამი ცხადყოფს, რომ ჩვენი საკუთარი ცხოვრების ვითარებას ძალზე სუსტი შესაძლებლობა ჰქონდა გამოემუშავენინა საზოგადოებაში არსებითად მყარი „საზოგადოებრივი ძალები“ და რომ თანამედროვე საზოგადოების მოუმზადებლობა მხოლოდ ამ ვითარების შეცვლით შეიძლება აღმოვფხვრათ... მეორეს მხრივ, მოძრაობის თეორეტიკოსთა „ორქოფობამ“ მიმზიდველობა წაართვა თვით საქმეს, რისთვისაც „საზოგადოებრივ ძალებს“ თხოულობდნენ, ყოველივე ეს გარკვევით მიგვითითებს, საით უნდა წარიმართოს ჩვენი ძალები, თუ გვინდა, რომ, გასული წლის მდგომარეობის განმეორების შემთხვევაში, პირისპირ არ შევეჯახოთ როგორც ამ უძღურებას, ასევე მის გამო გამოწვეულ მიმზიდველობის დაკარგვას.

ვიმეორებ, რომ შემდეგ სტატიაში ჩვენ შევძლებთ შევხვით ამ უკანასკნელ საკითხსაც.

3

თბილისი, 10 აგვისტო

„გადახალისება“, რასაც ჩვენი გაზეთები ქადაგებენ, აღნიშნულ გარემოებათა გამო. სულ სხვა მიმართულებით უნდა წარიმართოს, უდრე მოგვიწოდებენ. დროა შევიგნოთ საყოველთაო ისტორიული კანონი, რომ საზოგადოების ზნეობრივი განვითარება საზოგადო-

ებრივი ცხოვრების განვითარებასთან და მისი პირობების ცვლასთან ერთად მიიწვევს წინ და არა პირუკუ. თავისთავად გაუმჯობესებული ჩვევები კი არ იწვევს საზოგადოებრივი წყობის უკეთეს ფორმებს, არამედ პირიქით, ამ ფორმათა გაუმჯობესება სრულყოფს საზოგადოების ზნეობას... დააარსეთ როგორი სკოლებიც გნებავთ. იქადაგეთ როგორი იდეებიც გინდათ, ბეჭდეთ ჟურნალებსა და გაზეთებში თუნდაც უსათნოესი შეგონებები — ამით თქვენ ერთი ბეწოთიც ვერ წასწევთ წინ საზოგადოებრივ ზნეობას, თუ საზოგადოებრივი ცხოვრების სხვა პირობები ძველებურად დარჩა, არ შეიცვალა... ამით თქვენ მხოლოდ მეტ სიყალბესა და მეტად აღმაშფოთებელ წინააღმდეგობას მიაღწევთ საქმესა და სიტყვას შორის. ამავე დროს, როდესაც თქვენ, თქვენი უაღრესად საქმიანი სიტყვებით ღრუბლებს მისწვდებით, თქვენს ირგვლივ გამეფებული უსულგულო ეგოიზმი და ინდიფერენტულობა ყოველ თქვენს წამოწყებას ძირს გამოუთხრის...

ასე რომ, პირველი რაც ჩვენი პრესის მიერ ნაქადაგებ „გადახალისებაში“ უნდა ვიგულისხმოთ, ესაა ჩვენი საზოგადოებრივი ცხოვრების ფორმათა გადახალისება და გაუმჯობესება, რა თქმა უნდა. ჩვენი საზოგადოებრივი ინსტიტუტებისათვის მეტი გასაქანის მინიჭების თვალსაზრისით... ასეთი გაუმჯობესების მოთხოვნილება მით უფრო თვალსაჩინოა, რომ იგი აუცილებელია არა მარტო თანამედროვე საზოგადოების ზნეობრივი გადახალისებისათვის, არამედ საზოგადოებრივი ძალებისა და სახსრების უფრო გონივრულად და მიზანშეწონილად ხარჯვისათვისაც. საზოგადოებიდან მთელი იმ შეძლებისა და შეწირულობის ამოსაღებად, რისი მოცემაც მას შეუძლია, საჭიროა მას სწამდეს, რომ მის სახსრებს არ გაფანტავენ და ბოროტად არ გამოიყენებენ... წარსული ომისათვის ჩვენ ცოტა როდი გავიღეთ, მაგრამ სთქვით — განა ათჯერ და ასჯერ მეტს არ გავიღებდით, რომ ყოველი ჩვენგანი დარწმუნებული ყოფილიყო შეწირული კაპიკი ტყუილად არ დაიკარგებოდა და თავის მიზანს მიაღწევდა? განა ჩვენ ათჯერ მეტს არ გავიღებდით, რომ თითოეული ჩვენგანის წარმოდგენაში არ მოჩანდეს შემწირველთა და მათ შორის, ვისაც ამგვარი შეწირვა ხელს უწყობს, ჰოსპიტალების პერსონალის, ინტენდანტების და სხვათა თაღლითობა და მდგომარეობის ბოროტად გამოყენება?

ის, რაც სამართლიანია ქველმოქმედების ცალკეული დარგების მიმართ, კიდევ უფრო მნიშვნელოვანია საერთო საქმის ყველა დარგისათვის. აქედან გამომდინარე, რაც უფრო ღრმად იქნებიან დარ-

წმენებულნი, რომ საზოგადოებრივი ძალები გონივრულად და ფრთხილად დაიხარჯება, მით უფრო უხვად მოედინება ეს ძალები საერთო საქმისათვის. ამავე დროს, ცხადია ისიც, რომ რწმენა პროპორციულად იზრდება საზოგადოების მიერ ამ ძალებისა და სახსრების ხარჯვაზე კონტროლის ზრდასთან და განვითარებასთან ერთად...

მკითხველი დაგვეთანხმება, რომ ჩვენი თვალსაზრისის დაწვრილებით განვითარება საგაზეთო სტატიის ფარგლებს გაგვაცილებდა. ამიტომ ჩვენ შემოვიფარგლეთ მთავარი პუნქტების ზერელე მოხაზვით... ამის საფუძველზე, ვთვლით რა საქმის ამ მხარეს ჩვენი შესაძლებლობების ფარგლებში გამორკვეულად, ვიჩქარით სხვა საკითხებზე გადასვლას...

გუშინ ჩვენ ვლაპარაკობდით იმ გულაცრუებაზე, რომელიც უკანასკნელი მოძრაობის თეორეტიკოსთა მისწრაფებების ორჭოფობამ გამოიწვია. ჯერ კიდევ ადრე, „ობზორის“² ფურცლებზე ჩვენ მიუვთითებდით იმავე ორჭოფობის არამომგებიან შედეგზე, როდესაც ვამბობდით ჩვენი სიტყვისადმი ევროპის საზოგადოებრივი აზრის უნდობლობის შესახებ, რომელიც სწორედ ამავე ორჭოფობაზე მიუთითებდა. ჩვენს სლავიანოფილებს და მათ მიმდევრებს, სულერთია რომელ ფენასაც არ უნდა ეკუთვნოდნენ ისინი, ნაკლებად ესმით, რომ „როლი გავალდებულებს“, რომ არ შეიძლება, ერთდამავე დროს, შინ რეტროგრადი იყო, სტუმრად კი — პროგრესის მომხრე... რუსეთმაც და ევროპამაც რომ სლავიანოფილთა სიტყვების მნიშვნელობა იწამონ, სლავიანოფილები აუცილებლად უნდა გახდნენ იგივე პროგრესული თვალსაზრისის მომხრეები თავიანთ საშინაო საქმეებშიც, რის გავრცელებასაც ბალკანეთის ნახევარკუნძულზე ცდილობენ. ცხადია, ბელგრადში ან აგრამში, დრავაზე ან სავაზე სლავიანოფილებს არავითარი წარმატება არ ექნებოდათ, თუ რომ სამემკვიდრეო მამულის პოლიციის შექმნისა და როზგების თეორიას იქადაგებდნენ... ამიტომ „სლავი ძმებისათვის“ ისინი ხალხის ცხოვრებისა და საზოგადოებრივი წყობის ფორმების გაუმჯობესების მომხრენი არიან. აქ ისინი არა მარტო ეგუებიან ხალხის საზოგადოებრივ უფლებობას, არა მარტო ეგუებიან საზოგადოებრივ კონტროლს, არამედ ცხოვლად უჭერენ მხარს ხალხის თანამედროვე ცხოვრების ამ საარსებო საფუძველს. მაგრამ მათ სიტყვებს რომ წარმატება ჰქონდეს, არავის არ უნდა შეეძლოს მისცეს მათ ამგვარი კითხვა: „როგორ ღონისძიებებსა და რა თვალსაზრის ემხრობით თქვენ საკუთარ სახლში?“ ასეთი კითხვა ხშირად მიუციათ მათთვის და სწორედ მასშია მოკალათებული

ას ყოვლისმხვერელი მატლი, რომელიც დღემდე ძირს უთხრის ჩვენი საქმის საუკეთესო მხარეს...

მართლაცა, რატომ არ უნდა შეეასრულოთ ეს პროგრამა და რატომ არ უნდა გავხდეთ საკუთარ სახლშიც პროგრესისტები მაშინ, როცა ამ როლში არაფერია საზიანო და მიუღებელი? ყოველივე ის, რასაც ჩვენი სლავიანოფილები სიტყვიერად ქადაგებენ სტუმრად, დიდი ხანია ევროპული ყოფის რეალური მონაპოვარია. რატომ ვჭიუტობთ და ვცდილობთ შევინარჩუნოთ საზოგადოების ისეთი ფორმები, რომლებიც პეტრეს წინანდელ პერიოდს შეეფერებოდნენ და რომლებიც თანამედროვე წყობისა და ცხოვრებისათვის შეუფერებელია? ამით, როგორც აღვნიშნეთ, სლავიანოფილების მეგობრები არა თუ არაფერს არ დაკარგავენ, არამედ ბევრსაც მოიგებენ, რადგან მათი საქმის ზნეობრივი კრედიტი ასკვერ მაინც გაიზრდება.

აი, უპირველეს ყოვლისა, რა უნდა გააკეთონ სლავიანოფილების მეგობრებმა, რომელთაც სურთ, რომ რუსეთი სლავიანური სამყაროს ძლიერი და დაუმარცხებელი გამანთავისუფლებელი გახდეს.. „გადახალისება“, რომელსაც ისინი თანამედროვე საზოგადოებისაგან მოითხოვენ, ალბათ, ისეთივე ცარიელი და უშედეგო იქნება, როგორც მათი ადრინდელი ქადაგება, რომელმაც ვერავინ ვერ გაიტაცა და ვერავინ ვერ მიიზიდა სერიოზულად. ქადაგებას რომ შედეგი მოჰყვეს საჭიროა ორი პირობა: ჯერ ერთი — ქადაგება თვით მქადაგებელს უნდა სწამდეს, მეორეც — შესძლოს დაარწმუნოს მსმენელები პირადი მაგალითით და არა სიტყვებით. და ეს მაშინ, როცა იშვიათია სლავიანოფოლი, რომელსაც თავისივე ქადაგებისა სწამს. ამის მიზეზი იგივე ორჭოფობაა... ამიტომ, ჩვენი საზოგადოების გადახალისების მოსურნეთ, რომელთაც სურთ გამოგვასწორონ ყველასათვის ცნობილი დარიგებებით და ცარიელი ქადაგებით, ჩვენ ვეტყვი: „ეჭიმო, ჯერ თავად განიკურნეთ და შემდეგ შეუდექით სხვების მკურნალობას“.

33. ბათუმის შემოერთება

თბილისი, 11 აგვისტო

როგორც კონსტანტინოპოლის საერთაშორისო სატელეგრაფო სააგენტო, ასევე კავკასია-თურქეთის საზღვრიდან კერძო გზით მოსული ცნობები გვაუწყებენ, რომ მალე ბათუმი და თურქეთში შემავალი საქართველოს ნაწილი ჩვენს ხელში გადმოვა. ამბობენ, რომ კავკასიის არმიის მთავარსარდლის მოადგილე თავადი სვიატოპოლკ-მირსკი ბორჯომიდან ოზურგეთში გაემგზავრა, რომ ადგილზე უხელმძღვანელოს ჯარებს, რომელთაც ახლად შემოერთებული ოლქი უნდა დაიკავონ. როგორც იმ ცნობებიდან ჩანს, რომლებიც ჩვენ მოგვებოვება, ჩვენმა სამხედრო ხელმძღვანელობამ მიიღო ყველა გამაფრთხილებელი ზომა, რაც მის განკარგულებაში იყო. ყოველგვარი შემთხვევითობების თავიდან ასაცილებლად.

ცდა იმისა, რომ იწინასწარმეტყველო წარმოიშობა რაიმე შესაძლო „გაუგებრობანი“, უკეთეს შემთხვევაში გულუბრყვილობაა. ჩვენ არავითარი მონაცემები არ გაგვაჩნია მოსახლეობის განწყობილებასა და თურქეთის ხელისუფლების განზრახვაზე სწორი აზრის შესამუშავებლად. გვიმზადებენ თუ არა ლაზისტანში ისეთსავე სურპრიზს, როგორიც ავსტრიამ ბოსნიაში მოგვართვა, თუ საქმე ყოველგვარი შეტაკებების გარეშე დამთავრდება — ეს ძალზე ცოტა ჩვენთაგანმა იცის... ჩვენთვის ისიც კი არაა ნათელი, თუ რა სახის მოვლენები წარმოიშობა ვნებების გაღვივების შემთხვევაში. ეს მხოლოდ ღმერთმა იცის.

მაგრამ რა წინააღმდეგობასაც არ უნდა გვიმზადებდეს თურქეთის ხელისუფლება, საქმის დაბოლოება საეჭვო აღარაა. ასე თუ ისე, საქართველოს იმ ნაწილს, რომელიც რუსეთს უნდა გადმოსცენ, ჩვენი ჯარები ან დაიკავენ, ან დაიპყრობენ. ცხადია, ყოველი ჩვენთაგანის სურვილია ამ დაკავების დროს სისხლი არ დაიღვაროს... მაგრამ ისეთი მდგომარეობა შეიქმნა, რომ სამწუხარო შემთხვევების თავიდან ასაცილებლად მარტო სურვილი არ კმარა.

შეუღარებლად უფრო მნიშვნელოვანია ის საკითხი, თუ როგორ

მოვექცევით ჩვენ აჭარას, ჩვენი ჯარების მიერ მისი უეჭველი და აუცილებელი დაკავების შემდეგ. ძალზე კომპეტენტური კაპიტან-ლისტები ამტკიცებენ, რომ ფულის შოვნა არც ისე ძნელია, ათასჯერ უფრო ძნელია იმისი ცოდნა, თუ როგორ შეინახო იგი. ჩვენ არ ვიცით, რამდენად საფუძვლიანია ეს აზრი, მაგრამ ისტორიული მოვლენებისათვის უკვე დამკვიდრდა სრულიად საფუძვლიანი თვალსაზრისი: გაცილებით უფრო ადვილია ოლქების დაკავება, ვიდრე მათი შენარჩუნება.

როცა რომელიმე ხალხი ისეთ სახელმწიფოს უერთდება, რომლის შემადგენლობაშიც არ შედიოდა, მისი დამშვიდების უმნიშვნელოვანესი საშუალებაა და მისი დამაგრების უმთავრესი იარაღი ისაა, რომ ახალი წყობა და ახალი მდგომარეობა წინანდელზე ბევრად ხელსაყრელი მოეჩვენოს. როცა ხალხი საკუთარი გამოცდილებით დარწმუნდება, რომ მისი ეკონომიური მდგომარეობა გაუმჯობესდა, რომ სახელმწიფო კანონიერებასა და სიმშვიდეს უზრუნველყოფს, რომ ყოველი მოქალაქის ცხოვრება დაცულია კანონის დარღვევისა და თვითნებობისაგან, რომ არავინ არ ფიქრობს შეურაცხყოფის მისი სარწმუნოება, დააძლოს მას უცხო ჩვევები და აზრები, რომ მას შესაძლებლობა ექნება გონებრივად განვითარდეს რამდენიც სურს — ცხადია, იგი არა მარტო შეეგუება ახალ წესწყობილებას, არამედ დააფასებს კიდევ... როგორ მტრულადაც არ უნდა იყოს თავიდან განწყობილი დაპყრობილი ქვეყნის მოსახლეობა, ამ საშუალებების გამოყენების შემდეგ მისი განწყობილება ჯერ სიმშვიდეში გადაიზრდება, შემდეგ კი — სიყვარულში...

მოვიყვანთ ერთ საოცარ მაგალითს: ფრანგებმა ელზასი დაიპყრეს იმის მიუხედავად, რომ ადგილობრივი მოსახლეობა მტრულად იყო განწყობილი დამპყრობლისადმი და მათთან შეერთება არ სურდა. მას შემდეგ მხოლოდ ერთი საუკუნე გავიდა და ელზასელთაგან საფრანგეთის ყველაზე დიდი პატრიოტები გაიზარდნენ. ცნობილია ისიც, თუ როგორ ხსნიან ამ უცნაურ მეტამორფოზს. ჰაინემ და ბერნმა შესანიშნავად აუხსნეს ეს თავიანთ გერმანელ თანამოქალაქეებს: „თქვენ უუფლებონი იყავით, მუდამ ტირანიის მჩაგვრელობას განიცდიდით, — სწერდნენ ისინი გერმანელებს, — ამასობაში ელზასელებმა ყველა მოქალაქეობრივი და პოლიტიკური უფლება მოიპოვეს, რაც მონას ადამიანად ხდის. თანასწორუფლებიანობამ, მსაჯულთა სასამართლომ, ფეოდალური პრივილეგიების გაუქმებამ, მიწის მიღების შესაძლებლობამ, თვითმმართველობამ და ა. შ. ელზასელებს დაანახა, რომ ისინი მხოლოდ მას შემდეგ გახდნენ ადამიანები, რაც ასეთი უფლებები მიეცათ. გიყები ხომ არ

არაან, რომ ასეთი მდგომარეობა თქვენს მონობაზე და უუფლებობაზე გაცვალონ“.

აი რატომ ვამახვილებთ მკითხველის ყურადღებას საქმის ორგანიზაციულ მხარეზე სწორედ იმ დროს, როცა საყოველთაო ყურადღება დაპყრობისაკენ არის მიქცეული... რა თქმა უნდა, პირველი ნაბიჯები ძნელი გადასადგმელია, მაგრამ ხალხის შეგნებაში არაფერი არ ტოვებს ისეთ დაუფიწყარ შთაბეჭდილებას, როგორც სწორედ ეს ნაბიჯები. აუცილებელია, რომ პირველივე შერჩევა ადმინისტრაციულ მოღვაწეთა და, საერთოდ, მთელი პერსონალისა, რომელმაც ახლად შექმნილ ოლქში რუსეთი უნდა წარმოადგინოს, შესაბამებოდეს საქმის დიდმნიშვნელოვნებას... ჩვენ არა ერთხელ გვინახავს, თუ როგორ ხშირად იწვევდა მეტად სერიოზულ გართულებებს დაბალი ჩინის ადმინისტრატორთა უვიცობა და უტაქტობა... თურქული საქართველოს ნიადაგი კი ჯერ კიდევ მეტად მერყევი და ცხელია იმისათვის, რომ ეს დავივიწყოთ... ამ თვალსაზრისით სასურველია იმედი გვქონდეს, რომ ტაქტსა და შორსმჭკრეტელობას პირველი ადგილი დაეთმობა...

34. პოლიტიკური მიმოხილვა

თბილისი, 12 აგვისტო

ბერლინის ტრაქტატს³⁰ აღმოსავლეთში მშვიდობა და სიწყნარე უნდა დაემყარებია, მაგრამ ჯერჯერობით მხოლოდ ომი გამოიწვია. როგორც ცნობილია, ევროპის არეოპაგმა ავსტრია-უნგრეთს მიანდო ბოსნიასა და ჰერცეგოვინაში ცივილიზაციის შეტანა. სლავების განმათავისუფლებელი ავსტრიის პოლკები ბოსნიაში შევიდნენ, როგორც ყოველთვის, „განთავისუფლების“ შესახებ ხმამაღალი განცხადებით. მაგრამ განთავისუფლებულნი ეტყობა, არ იზიარებდნენ მათ აღტაცებას, რადგან განმათავისუფლებლებს ხელგაშლილად მიღების ნაცვლად თოფების სროლით დახვდნენ. წინააღმდეგობა იმდენად სერიოზული აღმოჩნდა, რომ ავსტრიელთა დივიზია იძულებული გახდა ნამდვილი ბრძოლა გაემართა ინსურჯენტებთან. ბრძოლა ზოგჯერ ცხრა საათს და მეტ ხანსაც გრძელდებოდა. რომ აღარაფერი ვთქვათ გამაგრებულ პუნქტებზე, ღია ქალაქების ასაღებადაც კი იერიში იყო საჭირო.

მეორეს მხრივ, ბერლინის ტრაქტატის გადაწყვეტილებამ ჩერნოგორიის შესახებ უკვე გამოიწვია შეტაკება ჩერნოგორიელებსა და თურქებს შორის. „ბრძოლა“ უკვე დაიწყო...

მესამეც, დადის ხმები, თითქოს საბერძნეთისა და თურქეთის საზღვარზე უკვე შეტაკებისათვის ემზადება ორი დაინტერესებული მხარე. ორივე მოწინააღმდეგე თანაბარი გულახდილობით აცხადებს, რომ საქმე უსისხლოდ არ დამთავრდება.

აღარას ვამბობთ საქმის სხვა მხარეებზე, სადაც აგრეთვე შემზადებულია ადვილად ფეთქადი ძალებისა და ვნებათა საკმაო მარაგი, ღრმავარაუდანი ევროპული დიპლომატიის მიერ პერგამენტის ქაღალდგადაფარებული მარაგი...

„მშვიდობა“ ამგვარ პირობებში საეჭვოა მტკიცე იყოს. ყოველ შემთხვევაში, ახლა ყველას შეუძლია იმის დანახვა, თუ რამდენად წინდახედული და ბრძნულია დიპლომატია... ბერლინის არეოპაგის კომბინაციების წყალობით არც „ევროპის მშვიდობა“ მაინცდა-

მანც უზრუნველყოფილი და არც იმ ხალხის ინტერესები, რომელთა განთავისუფლებაც უნდოდათ. ამგვარი კომბინაციები, რომ ბოსნიის და ჰერცოგოვინის ხალხების ინტერესებს შეესაბამებოდეს, მაშინ ჩვენამდე არ მოაღწევდა ხმები ავსტრიის საოკუპაციო ჯარების „ბრძოლებზე“ და გამარჯვებებზე. ეს კომბინაციები, რომ ჩერნოგორიას და საბერძნეთს აკმაყოფილებდეს, მაშინ არ დაიწყებდნენ ახალი ომისათვის მზადებას, რომლისთვისაც, სამწუხაროდ, გაცილებით უკეთ ემზადებიან, ვიდრე ოდესმე ემზადებოდნენ...

დავუშვათ, რომ „ევროპის წონასწორობა“ დამყარებულია. თუმცა უცნაური ამბავია ეს „წონასწორობა“. ავსტრიას არც ბოსნია ეკუთვნოდა და არც ჰერცოგოვინა, ევროპის წონასწორობა კი უზრუნველყოფილად ითვლებოდა. ახლა, როცა ავსტრიამ მოზრდილი პროვინციები მიიკუთვნა, იგივე წონასწორობა კვლავ უზრუნველყოფილად მიაჩნიათ. ნუთუ ორი ასეთი პროვინციის მოპოვება ოდნავ მაინც არ გადახრიდა სასწორს, რომლითაც „ევროპის წონასწორობა“ იზომება? ამჯერად გერმანიის, საფრანგეთისა და იტალიისათვის დამატებით არაფერი დაუწონიათ, ამიტომ, როგორც ჩანს, მომატებას ერთი ქვეყნის ყუბადაღებული ევროპული წონასწორობა უნდა დაერღვია. ორში ერთია: ან ევროპის წონასწორობა საერთოდ არ არსებობდა, სანამ ავსტრიამ ბოსნია არ მიიღო, და თუ ეს ასეა, მაშინ დიპლომატები (სულ ცოტათი მაინც) ცდებიან, როცა წლების მანძილზე წონასწორობის ხარჯზე არსებობენ, ანდა წონასწორობა მართლაც არსებობდა და ავსტრიის ხელში ბოსნიის გადასვლის შემდეგ დაირღვა. და თუ ეს ასეა, დიპლომატები კვლავ ცდებიან, როცა ევროპის წონასწორობის შენარჩუნებას ბერლინის ტრაქტატს უმადლიან...

მაგრამ, როგორც ცნობილია, დიპლომატიას ამგვარი წინააღმდეგობები ვერ აჩერებს. დიპლომატია თავს კმაყოფილად გრძნობს, როცა მზერას სიდუხჭირისა და საფრთხის დაფარვით ატყუებს, თუნდაც ეს თავისმოტყუება მხოლოდ რამდენიმე კვირას გრძელდებოდეს. სწორედ ესაა ევროპული დიპლომატიის მთელი სიბრძნე...

ჩვენ არ ვკითხულობთ რამდენ თვეს ან რამდენ წელს იარსებებს ის საერთაშორისო აქტი, რომელიც ბერლინის კონგრესზე შეიმუშავეს. ამას მომავალი გადასწყვეტს. თუმცა ახლაც ყველას შეუძლია დაინახოს, რომ ეს ფაქტი ვერ ფარავს ევროპის პოლიტიკური ორგანიზმის ზოგიერთი ნაწილის სიშიშვლეს... თუმცა, დიპლომატებს ეს სრულიად არ უშლის ხელს ზაფხულის არდადეგების

შემდეგ კვლავ შეუდგნენ ახალი კომბინაციების მომზადებას, რაშიც ისინი ძლიერ დახელოვნებულნი არიან...

არსებითად, დიპლომატია მხოლოდ ამ როლს თამაშობდა მუდამ. ხოლო ევროპის პოლიტიკური მდგომარეობა, რომელიც ხალხთა ინტერესებს აკმაყოფილებდა, სერიოზულად და რეალურად შეცვალა „მომხდარმა ფაქტებმა“ და არა დიპლომატიამ. ასე მოხდა, მაგალითად, იტალიაში, როცა „მომხდარმა ფაქტებმა“ დიპლომატები იძულებული გახადეს ეცნოთ ამ ქვეყნის მთლიანობა და დამოუკიდებლობა. ასეთ შემთხვევებში ევროპის მბრძანებელი დიპლომატია ოქმის შემდგენლის როლს ასრულებს და მისდაუწებურად შეაქვს მომხდარი ამბები ევროპის პოლიტიკური ისტორიის მატრიანეში...

დაუდგება თუ არა ბალკანეთის ნახევარკუნძულის მოსახლეობას ისეთი დრო, როცა ხალხი ანგარიშს აღარ გაუწევს ტრაქტატებს და „მომხდარი ფაქტების“ გვერდით საკუთარი ფანტაზიის საფუძველზე შექმნის საქმის ახალ ვითარებას? ამაზე მსჯელობა ახლა ძნელია. მაგრამ სანამ ამგვარი დრო არ დამდგარა, დიპლომატთა ოქმებს და ტრაქტატებს დიდი ყურადღება არ უნდა მივაქციოთ.

მანამდე ყოველგვარი მშვიდობა მხოლოდ „შესვენება“ იქნება...

35. ინგლისთან ომის შემთხვევაში

თბილისი, 14 აგვისტო

ამბობენ, რომ ომის შემთხვევაში ინგლისს იმდენი ფულის დახარჯვა შეუძლია, რამდენიც დასჭირდება. რუსეთი კი, გვარწმუნებს ყველა, — გაჭირვებულ ფინანსიურ მდგომარეობაშია და ხანგრძლივ ომს ვერ გაუძლებს. ჩვენ ორივე აზრი სარწმუნოდ მიგვაჩინია, მაგრამ მაინც ვფიქრობთ, რომ ეს გარემოება ინგლისსა და რუსეთს შორის ომს ვერ დააბრკოლებს. ინგლისის სახელმწიფო ხაზინა, ზუსტად ისევე, როგორც რუსეთისა, მუდამ ცარიელია. ბიუჯეტის წლიური შემოსავალი მაშინვე ხმარდება ამავე ბიუჯეტით გათვალისწინებულ ხარჯებს. ამ გზით, ცხადია, ომისათვის საჭირო კაპიტალის მარაგს ვერ დააგროვებ. ასეთი კაპიტალი მხოლოდ გერმანიას აქვს, რომელმაც საფრანგეთისგან ხუთი მილიარდი ფრანკი მიიღო. 1870—1871 წლების ომის ხარჯი მთლიანად დაფარა და ცოტაოდენი, გაუთვალისწინებელი ფონდის სახით, შესაძლო ომისათვის შემოინახა.

ამიტომ ინგლისიც და რუსეთიც, ომის დროს, იძულებული იქნება ექსტრაორდინალური რესურსები გამოიყენოს: შეამცირონ ნორმალური ბიუჯეტი, გაზარდოს გადასახადები, აიღოს სესხი. მართალია, ინგლისი ამას უფრო ადვილად შესძლებს, ვიდრე რუსეთი, მაგრამ ამ საკითხში ორივე სახელმწიფო ერთმანეთს ემსგავსება: გადასახადების ზრდა და სესხის აღება გაპირობებულა იმით, რომ ომის შემდეგ სახალხო მწარმოებლობა მძლავრად განვითარდება. მაგრამ ეს მოსალოდნელია იმ შემთხვევაში, თუ ყოველივე ეს კარგადაა მოფიქრებული და სასურველ წარმატებამდე მიგვიყვანს, ხოლო თუ ეს ასე არ არის? მაშინ რა თქმა უნდა, ომი ქვეყნის განადგურებელია და მის ეკონომიურ საფუძვლებს, ომის დროსაც და ომის შემდეგაც, შეარყევს.

სულ სხვადასხვაგვარად შეიცვლება ომის დროს რუსეთისა და ინგლისის ეკონომიური მდგომარეობა. ინგლისის მთელი სიმდიდრის საფუძველი მანუფაქტურული მრეწველობის განვითარებაა.

ასე რომ, მისთვის მთავარია ნედლი პროდუქტების შემოტანა და დამუშავებული ფაბრიკატების გატანა. ინგლისი თავის ნაწარმს საკუთარ ტერიტორიაზე ვერ მოიხმარს. ფაბრიკების ნახევარზე მეტი გაჩერდება, ე. ი. ასი ათასობით მუშის ოჯახს ქუჩაში გამოჰყრიან. მეორეს მხრივ, ინგლისს არ ყოფნის საკუთარ მიწაზე მოწეული პური, სჭირდება ხორბლის მნიშვნელოვანი რაოდენობით შემოტანა სხვა ქვეყნებიდან. ამიტომ ნავსადგურების ბლოკადა ომის დროს ინგლისს მოუსპობს საარსებო საშუალებას და, ამასთან ერთად საქონლის ფასი გაიზრდება, ე. ი. ორ მხრივ გამოუთხრის ძირს სახელმწიფო შემოსავლის ყველა წყაროს და ქვეყნის ეკონომიურ მდგომარეობას შეარყევს.

რუსეთი კი კონტინენტალური სახელმწიფოა და აქამდე, ძირითადად, მიწათმოქმედი. მთელი ჩვენი საგარეო ვაჭრობა უმთავრესად პურისა და ნედლი პროდუქტებისაგან შედგება. უფრო ხშირ შემთხვევაში ნედლეულს ფაბრიკული წარმოების პროდუქტებზე ვცვლით. საკრედიტო მანეთის ფასის დაცემის გამო, პროდუქტების გაყიდვით ჩვენ ვზარალობთ. ევროპას იაფი პურით ვამარაგებთ, ჩვენი ბევრი ოლქი კი შიმშილობს, ე. ი. ვერ ვფარავთ ერთი ოლქის მოსავლიანობით მეორის მოუსავლიანობას. ცხადია, ნავსადგურების ბლოკადა ხელს შეუშლის ჩვენი ქვეყნიდან ნედლეულის გატანას, განსაკუთრებით სამხრეთის ნავსადგურებიდან, მაგრამ მთელი დასავლეთის საზღვარი, რომელიც რკინიგზებითაა დასერილი, შესაძლებლობას მოგვცემს შეუწყვეტლივ განვაგრძოთ ნაწარმის გატანა, რაც მხოლოდ მათ გადაზიდვას გააძვირებს, ე. ი. გააიფებს პროდუქტების ღირებულებას ადგილზე. მწარმოებელი, რა თქმა უნდა, კარგავს იმ თანხას, რასაც ზღვით და რკინიგზით გადაზიდვის ღირებულების სხვაობა შეადგენს, მაგრამ საერთო ეკონომიური ბრუნვის დროს ამ გაიფებით შეუძლია ისარგებლოს არა მარტო უცხოელმა, არამედ ყველა შინა მომხმარებელმაც. ამგვარად, მომავალში საქონლის საზღვარგარეთ გატანის შემცირება არც ისე მომაკვდინებელია რუსეთისათვის, როგორც ინგლისისათვის.

მეორეს მხრივ, საზღვარგარეთ ნაკლები პროდუქტების გატანა და მათი ადგილზე გაიფება, საკრედიტო მანეთის აუცილებელი დაცემის დროს, უცხო პროდუქტების შემოტანას შეზღუდავს და იაფლებულს გაგვხდის დავკმაყოფილდეთ საკუთარით, თუმცა უფრო ძვირით, მაგრამ ჩვენი საკრედიტო მანეთით ნაყიდი ნაწარმით, ე. ი. სართის დაუმატებლად, რაც დაბალი კურსის დროს მყიდველის ხარჯს აწონასწორებს. ამგვარად, უცხო საქონლის შემოზიდვის შემცირება აუცილებლად გაზრდის მოთხოვნილებას რუსულ ფაბრი-

კატეზზე. გააძლიერებს ფაბრიკების მუშაობას და გამოაცოცხლებს შინა ვაჭრობას.

რუსეთისათვის ომი ინგლისთან გაცილებით იაფი დაჯდება, ვიდრე სხვა რომელიმე ევროპულ სახელმწიფოსთან. ცხადია, მხოლოდ იმ შემთხვევაში, თუ ომი სამხედრო ხელოვნების ყველა წესის შესაბამისად იწარმოებს, ე. ი. მოწინააღმდეგეს მოვუნახავთ ყველაზე სუსტ ადგილს და მთელ ძალას იქითკენ მივმართავთ. ინგლისის სუსტი ადგილი ინდოეთია. რა თქმა უნდა, ინგლისი როგორც პოლიტიკურად, ასევე ეკონომიურად კარგად მართავს ამ ქვეყანას, მაგრამ ზნეობრივ მხარეებს გვერდს უვლის. ინდოეთისათვის ინგლისელებმა ბევრი გააკეთეს, მაგრამ მათი ზრუნვა და საქმიანობა მხოლოდ ერთ მიზანს ემსახურება — ისარგებლონ ამ უმდიდრესი ქვეყნის მფლობელობით. ინდოელი ხალხის გრძნობებს, შეხედულებებს, მისწრაფებებს ბოჭავენ, ბოჭავენ მაგრად და ცალმხრივად, ეგოისტურად. ინდოეთში არსებობს ადგილობრივ მკვიდრთაგან შემდგარი არმია, მაგრამ ადგილობრივ ოფიცრებს დაწინაურების საშუალებას არ აძლევენ და, ამის გამო, ისინი მუდამ პორუჩიკებად რჩებიან. ინდოეთში არიან მთავრები, რომელთაც უფლება აქვთ საკუთარი არმია იყოლიონ, მაგრამ ყველა ზომას ხმარობენ, რომ ეს არმია ცუდად შეიარაღებული და გაუწვრთნელი დარჩეს. ინდოეთში არსებობს პრესა, მაგრამ, მიუხედავად ინგლისის დედოფლის სამფლობელოებში ბეჭდვის თავისუფლებისა, მასზე მკაცრი ცენზურაა დაწესებული. ამგვარი პარალელების გაგრძელება უსასრულოდ შეიძლება, მაგრამ შედეგი იგივე დარჩება: ინგლისი ყოველნაირად ცდილობს ექსპლოატაცია გაუწიოს ინდოეთს და ყოველ დონეს ხმარობს დამორჩილებული ხალხები მუშა ძალის დონეზე იყოლიოს. შეუძლებელია, რომ ხალხს, თუნდაც ინდოელებს, ამგვარი მდგომარეობა მოსწონდეთ. ამიტომ ბუნებრივად ისახება მათში ინგლისის უღლისადმი სიძულვილი და ინდოელები მუდამ მზად არიან აჯანყებისათვის. მათ მხოლოდ ის აკავებს, რომ დარწმუნებულნი არიან ინგლისელების უძლეველობაში. თუ ეს რწმენა შესუსტდება, ანდა თვალსაჩინო ფაქტით იქნება უარყოფილი, აჯანყება მაშინვე იფეთქებს. ამიტომ ინგლისი ყველა ზომას მიმართავს შეანარჩუნოს თავისი prestige აღმოსავლეთში და ყოველნაირად ეხმარება თურქეთს ჯერ ბალკანეთის ნახევარკუნძულზე, შემდეგ კი მცირე აზიაში. ინგლისელები ცდილობენ ჩვენი დიპლომატების ყურადღება ამ მოვლენებზე მიაქციონ, რის გამო დიდ მნიშვნელობას ანიჭებენ კუნძულ კიპროსს, ეფრატის ველზე გაყვანილ რკინიგზას და განხმარებულ განზრახვებს, რომლითაც შეიძ-

ლება სხვათა ყურადღება ააცილო ინდოეთს. მაგრამ ომის დროს მოწინააღმდეგე იქ კი არ გირტყამს, საითაც მის ყურადღებას იქცევ, არამედ სწორედ იქ, სადაც მტკივნეული ადგილია და მეტ ზიანს მოგაყენებს. ინგლისსა და რუსეთს შორის შესაძლებელი ომის შესახებ ჩვენ უკვე გამოვთქვით აზრი „ობზორში“² და მიგვაჩნია რომ ბრძოლის ერთადერთი ველი, სადაც შეიძლება მოწინააღმდეგის სახმელეთო ჯარებთან შეხვედრა, შუა აზიის სამფლობელოები და ინდოეთია.

ბრძოლის ამ ველზე ინგლისს შეუძლია გამოიყენოს მხოლოდ ის ძალა, რაც ჰყავს, ე. ი. სამოც ათასიანი არმია და ინდოეთის ჯარის მეტ-ნაკლები რაოდენობა, რომელთა ერთგულების იმედიც ევროპაში შეიძლება იქონიო, სადაც გასაქცევი არსაითაა, მაგრამ მათზე დანდობა ინდოეთში არავეითარ შემთხვევაში არ შეიძლება. ამის მიზეზი ის რთული და გადამწყვეტი პირობებია, რაც ინგლისელები-სადმი უკმაყოფილებამ შექმნა და ისტორიულად ჩამოყალიბდა მათ მიერ ამ მარგალიტის ფლობის შედეგად. ასე რომ, ომის შემთხვევაში რუსეთს ინგლისელების წინააღმდეგ დასჭირდებათ არა უმეტეს 100.000 ჯარისკაცისა, შეტევიით მოქმედებისათვის და, გარდა ამისა, საჭირო იქნება კიდევ 100.000 კაცისაგან შემდგარი რეზერვი შუა აზიის სამფლობელოებში. უფრო დიდ არმიას ვერც გამოიყენებთ და არცაა საჭირო. ამასთან, მხედველობაში უნდა ვიქონიოთ, რომ ყველა სხვა ევროპულ სახელმწიფოსთან ომი რეზერვითურთ მილიონიან ჯარს მოითხოვს, ამდენად, ინგლისთან ომი ხუთჯერ უფრო იაფი დაჯდება, ვიდრე სხვა რომელიმე ევროპულ სახელმწიფოსთან. ცხადია, ზღვაზე ინგლისი ყველაზე ძლიერი ქვეყანაა და ჩვენ ანგარიში უნდა გავუწიოთ მის ფლოტს. ჩვენ ინგლისელებს ვერ დაუუპირისპირებთ რამდენიმე შესაბამის საზღვაო ძალას. ამიტომ თავდაცვით უნდა დავკმაყოფილდეთ. ინგლისი გამოკეტავს ჩვენს ნავსადგურებს, მაგრამ თავის დაცვა შეგვიძლია ნალმებითა და ბატარეებით. ინგლისთან ომში ჩვენი ამოცანა კრეისერების აღჭურვილთა ამოიწურება. ამ ამოცანის შესრულების შესაძლებლობა გამოცდილებამ დაამტკიცა. მოკლე ვადაში ჩვენ შეგვიძლია შევქმნათ ათამდე კრეისერი, ხოლო დროის მსვლელობაში მათი რიცხვი ოცამდე და ოცდაათამდე გავზარდოთ: ჩვენი მეზღვაურების თავდადება წარსულმა ომმა დაამტკიცა. ცხადია, ჩვენ არ შეგვიძლია იმის იმედი ვიქონიოთ, რომ ჩვენი კრეისერები გაბედულად იმოქმედებენ, ისინი ვერ შეებმებიან ჯავშნოსან ესკადრას, მაგრამ ინგლისის სავაჭრო ფლოტს მუდმივ საფრთხეს შეუქმნიან. ამაში არც ინგლისელებს ეპარებათ ეჭვი. თუ მათ, ამავე დროს, ინდოეთის

ჯარების გაძლიერება დასჭირდათ, თუ აუცილებელი შეიქნა საჭურველისა და რეზერვის სწრაფად გადასროლა ინდოეთში, მაშინ ჩვენი კრეისერების გამოჩენა ინდოეთის ოკეანეში ძალზე გაართულებს ინდოეთის არმიის გაძლიერების შესაძლებლობას. ცალკეული გემების გაგზავნას ვერ გაბედავენ, მოუხდებათ მათი თავშეყრა და სამხედრო ესკადრის თანხლებით გაგზავნა. ვინც კი გაიხსენებს 1857 წლის ინდოელების უკანასკნელ აჯანყებას⁶⁰ და ინგლისის მთავრობის ყველა იმ აჩქარებულ და უადრესად მნიშვნელოვან ღონისძიებებს აჯანყების ჩასაქრობად, დარწმუნდება, თუ რამდენად გაართულებს ინგლისის მდგომარეობას ჩვენი ჯარების ინდოეთში ან მის მახლობლად გამოჩენა. და თუ ჩვენ კარგი კრეისერები გვეყვოლა, ინგლისის მდგომარეობა გაართულდება, ხოლო ამის პროპორციულადვე გაიზრდება ომის პერიოდის ხარჯები.

36. ბათუმი და ფოთი

თბილისი, 19 აგვისტო

ამას წინათ ჩვენ დავბეჭდეთ რამდენიმე კორესპონდენცია ქ. ფოთიდან, სადაც აღწერილი იყო მის მკვიდრთა მღელვარება ამ ახალი პორტო-ფრანკოს კონკურენციის გამო.

უნდა ითქვას, რომ მათი თვალსაზრისით ამ მღელვარებას აქვს კიდევ ერთგვარი საფუძველი. ქ. ფოთი ნავსადგურად 1856 წლიდან გამოცხადდა, ე. ი. მას შემდეგ ოცდაორი წელი გავიდა. მართალია, ფოთი ნელა ვითარდებოდა, მაგრამ ომის წინა წლებში ქალაქი საცხოვრებლად უკვე ვარგოდა. თურქეთთან ომმა გაანადგურა ყველაფერი, რაც ფოთელებმა დიდძალი შრომით შექმნეს. მიტოვებული სახლები დაინგრა, ლობეები განადგურდა, ბალები გაითელა. ახლა კი ყოველივე ამის აღსადგენად ისევ ოცდაორი წლის დაძაბული შრომაა საჭირო. ყირიმის ომის შემდეგ ამიერკავკასიის ერთადერთი ნავსადგური ფოთი იყო. ახლა მწყობრში კიდევ ორი პორტი დგება. ბათუმი, თავისუფალი ნავსადგურითა, და სოხუმი, რომელსაც მოხერხებული რეიდი აქვს. ასე რომ, ფოთის გაბატონებული მდგომარეობა ამიერკავკასიაში შესამჩნევად სუსტდება და სათანადოდ იკლებს კერძო პირთა სურვილიც დააბანდონ ამ ქალაქში თავიანთი შრომა და სახსრები.

მაგრამ ფოთელების პესიმისტურ განწყობილებას ჩვენ არ ვიზიარებთ. ამ საკითხზე ჩვენ რამდენიმე სტატია დავწერეთ, რომლებიც ჩვენს გაზეთში დაიბეჭდა. სტატიებში ვიხილავდით ფოთის უპირატესობას იმ ნავსადგურებთან შედარებით, რომლებიც მას კონკურენციას უწყევნ და მხოლოდ გეოგრაფიულ და ისტორიულ ფაქტებს ვეყრდნობოდით. ამჟამად ფოთის განვითარებას ნავსადგურის უქონლობა აბრკოლებს, მაგრამ სიძნელეებისა და მერყეობის დაძლევის შემდეგ სამუშაოთა წარმოება იმდენად გაიკვია, რომ ამ საქმის კეთილად დამთავრებაში დაეჭვება შეუძლებელია. 1872 წელს სამხედრო უწყებამ შეარჩია პროექტი, რომელიც გზათა სამინისტროს მიერ მოწონებულ პროექტზე იაფი ჯდება, მაგრამ

ახლა პროექტი გადაკეთებულია და დაემატა ის თანხაც, რაც გზათა სამინისტროს პროექტთან შედარებით აკლდა. თუმცა ეს არ წარმოადგენს ფოთის ნავსადგურის მშენებლობისათვის ბუნებრივ დამატკოლებელ მიზეზს, არამედ გარდაუვალი შედეგია საქმის შესახებ არასწორი ეკონომიკური შეხედულებებისა, რაც არ ვარაუდობს ეკონომიას. ერთი და იგივე ფაქტი ყველგან მეორდება და არა მარტო ზღვაზე, არამედ ხმელეთზეც. იაფი პროექტი შეიძლება დააჯილდოვონ სახელმწიფო სახსრების დაზოგვისათვის, მაგრამ მშენებლობის დროს მთავარი მისი ღირებულება კი არაა, არამედ — მოხერხებულობა. უკვე გაღებული თანხით ფოთის ნავსადგური ჯერ კიდევ არ არის მოხერხებული და, ამიტომ, უექველად მოითხოვს კიდევ მნიშვნელოვანი თანხის დამატებას და, მთელი ამიერკავკასიის ვაჭრობის ინტერესების დაცვის თვალსაზრისით, სასურველია, რომ რაც შეიძლება მალე მოხდეს მიღებული პროექტის გადასინჯვა, დროის დაკარგვისა და ზედმეტი ხარჯების თავიდან ასაცილებლად, რომელსაც მერე გადაკეთება მოითხოვს. უექველია, რომ დამთავრების შემდეგ, ნავსადგური გზათა სამინისტროს ხელში გადავა, რომელიც, სამხედრო-საინჟინრო უწყების მსგავსად, არ არის შეზღუდული ადრინდელი გადაწყვეტილებებით და მოსაზრებებით, რომელთა სისწორე ფაქტებმა არ დაადასტურა, და ე. ი. შეუძლია მიღებულ პროექტში შეიტანოს ის ცვლილებანი, რომელთაც საქმის არსი მოითხოვს. ყოველ შემთხვევაში, ახლა უკვე ეჭვი არაა, რომ ფოთში მოხერხებული ნავსადგურის აშენება შეიძლება, ხოლო ახლანდელი მშენებლობის დროს კიდევ უფრო ნაკლებად უნდა გვეპარებოდეს ეჭვი იმაში, რომ მთავრობა ყველა ზომებს მიიღებს ნავსადგურის მშენებლობის მალე დასამთავრებლად, რასაც მუშაობის ახლანდელი მსვლელობის მიხედვით, სამი წელი დასჭირდება; მაგრამ ფოთში მოხერხებული ნავსადგურის აშენებით ბათუმისა და სოხუმის უპირატესობა გაქრება, რადგანაც არსებობს რკინიგზის ყველაზე უმოკლესი ხაზი, მთელი ამიერკავკასიის ტვირთი ფოთისაკენ უნდა წავიდეს და არა სოხუმისაკენ. ბათუმი ჯერ კიდევ შეინარჩუნებს პორტო-ფრანკოს ხელსაყრელ მდგომარეობას, მაგრამ სოხუმს, რომელიც თურქებისაგან განადგურებული აფხაზეთის ცენტრშია, ფოთთან კონკურენციისათვის დიდხანს არ ექნება არავითარი უპირატესობა.

ბათუმის პორტო-ფრანკო, რასაც ასე გაცხოველებით მიესწრაფვოდა ლორდი ბიკონსფილდი ბერლინის კონგრესზე²⁰, რატომ უნდა, არ წარმოადგენს რუსეთისათვის განსაკუთრებულ უხერხულობას. ოდესაში პორტო-ფრანკოს ხანგრძლივმა არსებობამ ვერ შე-

აჩერა რუსეთის მანუფაქტურული მრეწველობის განვითარება. ბათუმი, როგორც გეოგრაფიულად, ასევე მცირე დასახლებით და გზების უქონლობით, შინა ვაჭრობისათვის თითქმის მიუწვდომელი ოლქია. ბათუმს ნაკლებად ხელსაყრელი მდგომარეობა აქვს, ვიდრე ოდესას ჰქონდა და ძნელი წარმოსადგენია, რომ იგი უცებ გახდეს დიდი ქალაქი.

როცა ინგლისელი მინისტრები ბათუმს საბაჟო გადასახადისაგან ანთავისუფლებდნენ, ადგილობრივი მოსახლეობის დაკმაყოფილებაზე კი არ ფიქრობდნენ, არამედ ითვალისწინებდნენ ამიერკავკასიის გზით ინგლისის საქონლის კონტრაბანდით გატანას სპარსეთსა და შუა აზიაში. ჩვენ ვფიქრობთ, რომ ბათუმში თავისუფალ ვაჭრობას მანამდე არ დაუშვებენ, სანამ საბაჟო უწყება ყველა ზომას არ მიიღებს ამიერკავკასიაში კონტრაბანდის გაძლიერებული შემოტანის აღმოსაფხვრელად. ახლა ამ ზომების განხორციელებას ის აადვილებს, რომ ნაცვლად ადრინდელი, მთიანი, ტყით დაფარული გრძელი სასაზღვრო ხაზისა, სადაც ფხიზელი საბაჟო ზედამხედველობა თითქმის შეუძლებელია, საკმარისია ბათუმის შემოღობვა მისი გარეუბნებით და ზღვის ნაპირისათვის თვალყურის დევნება. ბათუმამდე ტვირთის გადაზიდვა შეიძლება მხოლოდ მას შემდეგ გაძლიერდეს, როცა ახალი, შემოერთებული ოლქების გზები გაუმჯობესდება, რაც, ცხადია, არანაკლებ დროს მოითხოვს, ვიდრე ნავსადგურის მშენებლობა. ნაწილობრივ მართალია ვარაუდი, რომ საბაჟო გადასახადისაგან განთავისუფლებულ ნავსადგურში ცხოვრება უფრო იაფი იქნება, ვიდრე ფოთში, მაგრამ ვაჭრობა ბათუმში დიდი მასშტაბებით ვერ იწარმოებს. რა თქმა უნდა, უცხოური საქონლის შემოზიდვა დიდი იქნება, მაგრამ ქვეყნის შიდა რაიონებიდან ბათუმამდე ტვირთის მიტანა მნიშვნელოვან და დამაკმაყოფილებელ რაოდენობას ვერ მიაღწევს. სულ სხვა მდგომარეობა შეიქმნება იმ შემთხვევაში, თუ კონცესიურმა მაგამ სტრატეგიული, პოლიტიკურ-ეკონომიური და პატრიოტული მოსაზრებები გამოიყენა და შესძლო იმის დამტკიცება, რომ ჯობია უყურადღებოდ დასტოვონ შინა ვაჭრობის მოთხოვნილებები და მთელი ყურადღება ამიერკავკასიაში უცხოეთის ტრანზიტის მოზიდვას მიაქციონ, ანდა, სხვა სიტყვებით რომ ვთქვათ, ჩვენმა კონცესიერებმა ფოთის ნავსადგურის მშენებლობისათვის ძალღონის დაძაბვისა და თბილის-ბაქის რკინიგზის რაც შეიძლება მალე გაყვანის ნაცვლად, ახალსენაკიდან ან მიხაილოვიდან ბათუმამდე რკინიგზის გაყვანის უფლება მიიღონ და შემოწირულებით მოპოებული თანხა ბათუმის ნავსადგურის კეთილმოწყობას მოახმარონ, ინგლისის ვაჭრობის

სასარგებლოდ. მაგრამ იმ ცნობების თანახმად, რომელიც ჩვენმა მთავრობამ გამოაქვეყნა ბერლინის ტრაქტატის განახლების შემდეგ; ჩვენთვის ცხადი გახდა, თუ რა სწორად ესმით ჩვენში თანამედროვე პოლიტიკური მდგომარეობა და, მიუხედავად კონცენსიონერი მაგების მთელი გამჭირახობის და მოხერხებულობისა, ჩვენ დარწმუნებული უნდა ვიყოთ, რომ მათი მეცადინეობა—რუსეთის ინტერესები ინგლისის ინტერესების სასარგებლოდ შესცვალონ, უშედეგოდ დარჩება.

იმის დასამტკიცებლად, რომ ბათუმს არავითარი უპირატესობა არა აქვს ფოთთან შედარებით როგორც შინა, ასევე საგარეო ვაჭრობაში, მოგვყავს ყველაზე ძვირი, გარე გასატანი საქონლის — აბრეშუმისა და ყველაზე იაფი პროდუქტის — სიმინდის მაგალითი. შეუძლებელია, რომ გასასყიდი აბრეშუმის სამტრედიაში ჩატანა და იქიდან საპალნეებით ან ურმებით ბათუმში გადაზიდვა ხელსაყრელი იყოს: მატარებელი გაცილებით უფრო მოხერხებული, იაფი და ნაკლებ სახიფათო ტრანსპორტია აბრეშუმის ფოთში ჩასატანად და იქიდან რუსეთის საზოგადოების გემებით ბათუმში გადასაზიდად. კიდევ უფრო ნაკლებ ხელსაყრელია სურამიდან ან გორიდან სიმინდის სამტრედიაში ჩატანა და იქიდან ბათუმში გადატანა. სატრანსპორტო საშუალებანი ამ მხარეში ძალზე უმნიშვნელოა და მარტო ოზურგეთის გზით შეუძლებელია საქონლის დიდი რაოდენობით გადაზიდვა. გადაზიდვა ყოველთვის ძვირი დაჯდება და ამიტომ გაცილებით იაფი და ხელსაყრელია სიმინდის ფოთში ჩატანა და იქიდან იალქნიანი ნავეებით ბათუმში გადატანა, სადაც დიდ გემებზე გადატვირთავენ. ამგვარად, მიუხედავად იმისა, რომ ბათუმი განთავისუფლებულია საბაჟო გადასახადისაგან, ფოთის მნიშვნელობა, როგორც საგარეო ვაჭრობისათვის გამოსადეგი ნავსადგურისა იმ პერიოდშიც კი არ მცირდება, როცა ნავსადგური აუშენებელია, და როცა უცხო გემები ღია რეიდზე დგომას ბათუმის ნავსადგურში შესვლას ამჯობინებენ. ადგილობრივ მოსახლეობას ისეთივე დამოკიდებულება ექნება საგარეო ვაჭრობასთან, როგორიც აქამდე ჰქონდა, ე. ი. იქნებიან კომისიონერებად უცხოეთის სავაჭრო სახლებთან და ისარგებლებენ ყველა იმ უპირატესობით, რითაც აქამდე სარგებლობდნენ. განსხვავება მხოლოდ ისაა, რომ სიმინდით დატვირთული იალქნიანი ნავეები ტვირთს რეიდზე კი არ მიიტანენ, არამედ ბათუმში გადაზიდავენ. ამასთანავე, ქირა არც კი იზრდება. ფოთში ადრევეც იმდენივე ღირდა ტვირთის რეიდზე მიტანა, რამდენიც რედუტში ან ბათუმში გადაზიდვა. ასე რომ, მიუხედავად ლორდ ბიკონსფილდის ფანდებისა, ჩვენ გვჯერა, რომ ამიერკავკასიის ვაჭრობა გზების გაყ-

ვანამდე უცვლელი დარჩება, ხოლო სანამ ბათუმამდე გზას გაიყვანდნენ, ფოთის ნავსადგურის მშენებლობაც დამთავრდება და მაშინ ამ პორტიდან საქონლის გატანის სარგებლიანობა მნიშვნელოვნად გაიზრდება.

მიუხედავად იმისა, რომ ჩვენი ვარაუდი სწორია, ძნელია შეშინებული ფოთელებისაგანაც ფოთის მნიშვნელობის შესახებ ისეთსავე სიმშვიდესა და მიუყერძობლობას მოველოდეთ, როგორც კერძო პირთაგან. უპირველეს ყოვლისა, მათ არ სჭერათ ფოთის ნავსადგურის მშენებლობის მალე დამთავრება. ამავე დროს, დარწმუნებული არიან, რომ სრულიად გადატაკდნენ და ამ სიღატაკეს ისე ვერ დააღწევენ თავს, თუ ისეთივე გამაღატაკებელი და ხანგრძლივი შრომა არ გასწიეს, როგორსაც ოცდაორი წლის მანძილზე ეწეოდნენ, ცხადია, მათი ამგვარი რწმენის აღმოფხვრა შეუძლებელია. მატერი-ალური დანაჯარგი, როცა მისი შევსება შეუძლებელია, ხელს უშლის იმის შეგნებას, რომ მომავალში ყველაფერი გამოსწორდება უკეთესისაკენ, მაშინ, როცა აწმყო გვახსენებს მხოლოდ დანაჯარგებს, გასაჭირს და სხვ. ამ აზრის შეცვლა არ შეუძლია არავითარ მკვერმეტყველებას. ამისთვის საჭიროა ფაქტები და ჩვენ დიდხანს ლოდინი არ მოგვიწევს, რადგან, როგორც კი სამხედრო მოქმედება დამთავრდება, ადმინისტრაცია მხოლოდ იმისთვის იზრუნებს, რომ გამოასწოროს ზიანი, რაც თურქეთთან ომმა ჩვენს მხარეს მიაყენა.

37. ექსტრა-ლიბერატორული კაგათი

„ტიფლისკი ვესტნიკის“³ დღევანდელი ნომერი, თითქმის მთლიანად, ჩემდამია მოძღვნილი. მკითხველი ქვემოთ იხილავს ყველა სტატიას, რომელიც ამ გაზეთში ჩემი მისამართით დაიბეჭდა. მე მხოლოდ ისღა დამრჩენია, რომ ცოტა რამ დაუშვატო მათ.

ბატ. ქუთაისელმა ყველას დასანახად გამოაჩინა საკუთარი ზნეობრივი სახე „ტიფლისკი ვესტნიკის“ რედაქციის მიმართ გამოთქმულ საყვედურში იმის შესახებ, რომ იგი „მონდომებით იცაედა ბატ. ნიკოლაძის კეთილ სახელს“. ბატ. ქუთაისელის დოგმატების მიხედვით, ჭეშმარიტება, სამართლიანობა თუნდაც უკიდურესად შეილახოს, სიმართლე თუნდაც ტყუილმა შესცვალოს, ოღონდ მოწინააღმდეგის კეთილ სახელს დაუმსახურებელი ტალახი შერჩეს... ამ საყვედურში სრულად მოჩანს, თუ რა კაცია იგი...

გარდა იმისა, რომ დაბეზლებას მაბრალებს, მისი წერილი სხვა არაფერია, თუ არა იმის ცდა, რომ როგორმე თავი დაიძვრინოს. იგი ამტკიცებს, თითქოს ჩემთვის არ დაუბრალებია საავადმყოფოს შესახებ დაწერილი სტატიის ავტორობა. თუ ეს ასეა, მაშინ რატომ სთქვა ბატ. ქუთაისელმა, რომ ვილაცამ, თავ. ბებუთოვის მხრებს ამოფარებულმა, (ეთქვათ მე არა) დაწერა ეს სტატია და, ამავე დროს, კარგად იცოდა, რომ სტატიის ავტორი თვით თავ. ბებუთოვია. ეს იყო ცილისწამება, დონ-ბაზილიოსებრი ცილისწამება, რომელიც პირდაპირ არაფერს ამტკიცებს, მაგრამ ეჭვს ბადებს. ბატ. ქუთაისელი მახეში გაება და ახლა თქვენ თვითონ განსაზღვრეთ, მკითხველებო, თუ როგორ ცდილობს იგი თავი დაიძვრინოს... და ამგვარ ხალხს კიდევ აქვს უფლება მწერლობას ხელი მოჰკიდოს!...

ბატ. ქუთაისელი ჩემი სტატიის „სასამართლოს ფიზიონომია“ შესახებ წერდა, რომ თავ. ბებუთოვს ეს სტატია თითქოს არც კი წაუკითხავს, ხოლო მე ბოროტად გამოვიყენე მისი ნდობა და სტატია ისე დავბეჭდე, რომ მან ამის შესახებ არაფერი იცოდა. ტყუილი აქაც გამომქდავნიდა და ახლა იგი ამტკიცებს, თითქოს თავის პირველი პროცესით დაკავებულმა ბებუთოვმა სტატიას ზერეღედ

გადახედაო. არა, არაა მართალი! „სასამართლოს ფიზიონომიის“ პირველი ნაწილი პროცესიდან ხუთი დღის შემდეგ დაიბეჭდა და თავ. ბებუთოვმა ყურადღებით წაიკითხა. არაფერი სასირცხვილო ამ სტატიაში არ იყო, ხოლო თავ. ბებუთოვი სწუხდა, რომ მასში საუბარი იყო რედაქტორის პიროვნებაზე. არსებითად მეორე ნახევარმა, რომელიც პირველის გამოქვეყნებიდან ერთი კვირის შემდეგ დაიბეჭდა, ბევრი გააკვირვა ჩემი არაადამიანური დამოკიდებულებით ბატ. სცეპურასადმი, მაგრამ ბატ. ბებუთოვს არა თუ არ უნანია ამ მეორე ნახევრის დაბეჭდვა, არამედ თვითონ წავიდა საცენზურო განყოფილებაში ნებართვის სათხოვნელად. თავ. ბებუთოვმა ეს სტატია დაბეჭდვამდე ხუთჯერ მაინც წაიკითხა და, ამიტომ, თვალის ზერეღე გადავლებაზე ლაპარაკი ზედმეტია...

თუმცა რა უნდა ითქვას იმ ახალი ტყუილის შესახებ, რომელმაც უარყოფილი ტყუილის პირველი რედაქცია შესცვალა. ანდა რაღა დარჩენია ბატ. ქუთაისელს, თუ არა ტყუილების ლაპარაკი... მას მაინც არ ესმის ის ამბავი, რომ ერთხელ მოტყუებული მკითხველი მის ახალ ჩვენებასაც აღარ დაიჯერებს. ხოლო რაც შეეხება დაბეჭდვას — მე მაკვირვებს ბატ. ქუთაისელის სითამამე. მე მასზე მხოლოდ ის ვთქვი, რომ ხშირად იცვლიდა ფსევდონიმებს და თავისსავე ამხანაგებზე პასკვილებს წერდა. ეს ამბავი ყველა მისმა ამხანაგმა იცოდა და თვით ბატ. ქუთაისელიც არა ერთხელ გამომტყდარა, რომ საიდუმლო მიმოსვლამ იგი ბრალდებისაგან ვერ იხსნა. ბოლოს და ბოლოს ამხანაგებზე პასკვილების წერა სახელმწიფო დანაშაული არაა. ამგვარი საქმიანობისათვის მხოლოდ 100 მანეთით აჯარმებენ. და თუ ეს დაბეჭდება, მაშინ უარი უნდა ვთქვათ ყოველგვარ პოლემიკაზე. განა მე შემძლია ვუწოდო ბატ. ქუთაისელს დამბეჭდებელი მხოლოდ იმიტომ, რომ ორაზროვნად ამტკიცებდა, თითქოს სტატია საავადმყოფოს შესახებ ჩემი დაწერილია? ხოლო ამ სტატიამ გაცილებით მეტი ხმაური გამოიწვია, ვიდრე ბატ. ქუთაისელის ერთად აღებულმა ყველა პასკვილმა.

ტყუილად მოაქვს ბატ. ქუთაისელს თავი უსაფუძვლოდ დაჩაგრულ და უცოდველ კაცად. რამდენიც არ უნდა უმტკიცოს მკითხველებს, თითქოს ფსევდონიმს იმიტომ ამოეთვარა, რომ ლიბერალობდა, მაინც ვერავის დააჯერებს... იგი რომ ლიბერალი ყოფილიყო. ერთხელ მაინც იტყოდა რაიმეს ამის შესახებ ჩვენს შორის გამართულ ხანგრძლივი პოლემიკის მანძილზე... მაგრამ ტყუილისა და ცილისწამების მეტი ბატ. ქუთაისელს არაფერი არ გამოუძედავნიბია. ასეთი არის ის ყველა დანარჩენ საქმეშიც. ასე რომ, ვინ უნდა სდევნოს იგი სერიოზულად, ვინ გაისვრის ხელს მისი დაბეჭდებით?

ხოლო პასკვილიანტს რომ პასკვილიანტი უწოდეს, დაბეზღება კი არა, კაცის დახასიათებაა. მიუხედავად ჩემი ვითომ დაბეზღებისა, ბატ. ქუთაისელი ახლაც ცოცხალია და ჯანმრთელი. პასკვილები-სათვის იგი ჯერ კიდევ მომრიგებელ მოსამართლესთანაც კი არ გამოუძახებიათ და სიტყვას ვიძლევი, რომ არც გამოიძახებენ. ამგვარად, ნუ ეძებს ბატ. ქუთაისელი მსხვერპლად შეწირულის იაფფასიან გვირგვინს. მისი სარგო მოსასხამი არაა...

ბატ. ქუთაისელზე მეტს აღარაფერს ვიტყვით. გადავდივართ „ტიფლისკი ვესტნიკის“ რედაქციის გამგეზე. იგი აცხადებს, რომ სულ სხვაა გამოამჟღავნო ვინ დასწერა „ობზორის“² მოწინავე სტატია და სულ სხვაა ვინაა „ქუთაისელის“ მიერ ხელმოწერილი სტატიის ავტორი. იგი ამტკიცებს: არავისათვის არ წარმოადგენდა საიდუმლოებას ბატ. შავროვის მონაწილეობა „ობზორში“. ჯერ ერთი მკითხველთა უმრავლესობამ ამის შესახებ არაფერი იცოდა, და არავის არა აქვს უფლება იყვიროს ამაზე მანამდე, სანამ თვით რედაქცია ან ავტორი არ გააკეთებს ამას. მეორეც, ფსევდონიმი და ანონიმი ერთი და იგივეა და ერთნაირად სარგებლობენ კანონისა და ზნეჩვეულებების მფარველობით. მაგრამ, სამწუხაროა, როცა დაღეჭილი და გადაღეჭილი ჭეშმარიტებების ხელახლა მტკიცება გიხდება. სულერთია, ერთ კაცს ერთ ვარკვეულ სტატიას მიაწერენ თუ უამრავ სტატიებს. ამ შემთხვევაში კიდევ უფრო დიდი უდიერობაა, მიაწერო ბატ. შავროვის ის, რაც დაუწერია და ისიც, რაც არ დაუწერია. საქმე ის კი არაა ჩვენ გვრცხვენია ბატონ შავროვთან თანამშრომლობა, თუ მას რცხვენია ჩვენთან თანამშრომლობა, ამგვარი ქარაგმები უბრალოდ უღამაზოა... საქმე პრინციპულობაა. მეტი დამაჯერებლობისათვის ჩვენ მოგვყავს ერთი საკმაოდ მრავალმეტყველი შემთხვევა: „სოვრემენიკის“⁶¹ რედაქციამ განაცხადა, რომ მის გამოცემებში მონაწილეობას ღებულობს „ნ. ა. დობროლუბოვი“, მაგრამ როცა ამ განცხადების საფუძველზე, ბატ. დროგომონოვმა დობროლუბოვს მიაწერა სტატია „სრულიადრუსეთის ილუზიები“, რომელიც ხელმოწერილი იყო „ნ. ა. — ბოვ“-ის მიერ, მაშინ დობროლუბოვმა დროგომონოვს შემდეგი შინაარსის დასამახსოვრებელი გაკვეთილი მისცა:

„(ბატ. დროგომონოვს) არ აწყენს გაიგოს ზოგი რამ ლიტერატურული ზრდილობის შესახებ. ცხადია, ჩვენ ყველას გესურს საზოგადო საქმეების სრული და კატეგორიული დაუფარაობა და ამის შესახებ ჩივილი ყველა თავმოყვარე კაცისათვის შეურაცხმყოფელია, მაგრამ თავის გამოდება კერძო, ოჯახური და პირადი საქმეების საშუალოზე გამოსატანად, მორიდების ერთგვარმა გრძნობამ უნდა

შეაფერხოს. თუ ბატ. პიროგოვის მომხრეებმა ჩვენს სიტყვებში სისხლის სამართლის დანაშაული აღმოაჩინეს, აღძრან საქმე სასამართლოში და მე არ ამოვეფარები ჩემს ნახევრადხელწერას, გამოცხადდები სასამართლოში და წინააღმდეგი არ ვიქნები პროცესის სახალხოდ წარმოებისა, სადაც გამოცხადებული იქნება ჩემი ნამდვილი გვარი. თუ ამავე ბატონების აზრით, ჩემი საქციელის კანონით დასჯა შეუძლებელია, და მათ მაინც აღმამფოთებლად და აუტანლად მიაჩნიათ, მათ უფლება აქვთ მოითხოვონ ჩემგან ნებისმიერი პირადი დაკმაყოფილება, მე არც ამ შემთხვევაში ვიტყვი უარს ჩემი გვარისა და მისამართის გამოაშკარავებაზე. მაგრამ სანამ საქმე ლიტერატურული კამათის ფარგლებში რჩება, მე ვერ ვაღიარებ ჩემი მოწინააღმდეგეების უფლებას, მიწოდონ ის, რაც მოესურვებათ. გარდა ამისა, ეს ბრეტორული ჩევეა თავისთავადაც უვარგისია, როგორც ინკოგნიტოსადმი პოლიციური უპატივცემულობა, ხოლო პირადად ჩემთვის იგი შემდეგ უხერხულობას შეიცავს: სანამ თქვენ „ბოვ“-ზე, მის სტატიაზე და იმაზე ლაპარაკობთ. თუ რა დასკვნის გამოტანა შეიძლება ამ სტატიიდან, მე თქვენი არ მეშინია. შეგიძლიათ არ გამიგოთ, დაამახინჯოთ ჩემი აზრები, ცილი დამწამოთ — თუმცა ეს თქვენთვისვეა უარესი — საზოგადოებას წინ ჩემი სტატია უდევს, ჩვენ გვასამართლებენ ღიად და საჯაროდ, ჩვენი შესაძლებლობანი თანაბარია. მაგრამ, როცა თქვენ ჩემი ხელმოწერის ნაცვლად ჩემს გვარს ასახელებთ (სულერთია სწორად თუ არასწორად) საზოგადოება ფიქრობს, რომ გარდა იმ მონაცემებისა, რაც პრესის მეშვეობით ყველასათვის ცნობილია, თქვენ ავტორზე რაღაც კერძო მონაცემები მოგეპოვებათ და როცა თქვენ — „ბოვ“-ის სტატიაზე ლაპარაკის დროს ამტკიცებთ. რომ დობროლუბოვი ჭკვიანი კაცია, ოღონდ ლიბერალური დესპოტიზმის დამცველია, ხოლო შემდეგ ყველას ეუბნებით, რომ იგი ქარაფშუტა და არასანდოა, მკითხველს უფლება აქვს იფიქროს, რომ თქვენ ამას მხოლოდ იმიტომ ამბობთ, რომ ან ახლოს იცნობთ დობროლუბოვს. ანდა ხელთ უტყუარი კერძო მონაცემები გაქვთ. ამიტომ, მკითხველს შეუძლია დაასკვნას: მართალია, „ბოვ“-ის სტატიაში ვერ დაინახავთ იმას, რასაც ავტორზე ბატ. დროგომონოვი ლაპარაკობს, მაგრამ ეტყობა ბატ. დობროლუბოვის დასახასიათებლად მას სხვა მონაცემებიც ჰქონდა და ამიტომ უნდა დაეუჭეროთ. ნუთუ არ შეგრცხვებოდით, ბატონო დროგომონოვ, ამ გზით რომ მკითხველთა ნდობა მოგეპოვებინათ?“ (ნ. ა. დობროლუბოვი, თხზულებანი, 1862, ტომ. 1., გვ. 280).

აი, როგორი აზრისა არიან ლიტერატურულ ფსევდონიმებზე და

ანონიმებზე ნამდვილი ლიტერატურული მოღვაწეები. აი, რა შეს-
ცოდა „ტიფლისკი ვესტნიკმა“ და შესცოდა არა ერთხელ...

ჩვენ ვიცით. „ტიფლისკი ვესტნიკს“ ეს შეცდომა მოუვიდა-
იმის გამო, რომ დროებითი რედაქტორი თავ. დ. ერისთავი აქ არ
იყო. გაზეთის თანამშრომლებმა ვერ შეამჩნიეს ავბედითი ნაწყვე-
ტი. მაგრამ რატომ უნდა გადაქცეულიყო უბრალო შეცდომა პრინ-
ციპად?

ახლა ბატ. ანტონ ფურცელაძის ჭკრია. მკითხველები ხედავენ,
თუ რა ძნელია ჭეშმარიტების აღდგენა ისეთი კონკრეტული და წე-
რილობითი საბუთების არსებობის დროსაც კი, როგორცია სტა-
ტია სასამართლოს ფიზიონომიაზე თუ საავადმყოფოს შესახებ.
მართლაც, ისინი მიხვდებიან, როგორ ძნელია ყოველი წერილმანის
აღდგენა, რომელიც ხუთი წლის წინათ მოხდა, როცა ერთ-ერთ მხა-
რეს სჭირდება ჭეშმარიტების დამახინჯება. მე არ გამაჩნია ბატ.
ფურცელაძის მიუწვდომელი მეხსიერება, რომელმაც გასაოცარი
ჯულმოდგინებოთ თითქოს დაიმახსოვრა ჩვენი საუბრის ცალკეული
გამოთქმები. ასეთი მახსოვრობა მე ზებუნებრივ ნიჭად მიმაჩნია და
პრეტენზიას მასზე არ ვაცხადებ.

ჩემს სტატიაში მე გულწრფელად და უბრალოდ მოგიყვებით
ყველაფერი, რაც კი ჩვენს შორის არსებითი მოხდა. ბატ. ფურცე-
ლაძეს ახლა შეუძლია შეთხზას რომანტიული საუბარი და მოწმედ
თავის მეგობარი ბატ. თულაევი მოიყვანოს, რომელმაც მხოლოდ
მაშინ მოუხმო ხმამაღლა მშველელს (როგორც ვწერდით), როცა
ბატ. ფურცელაძეს რევოლვერი ავართევი. ქართველებს გვაქვს ამ
ამბის დამახასიათებელი ერთი კარგი ანდაზა: „მელამ თავის კუდი
იმოწმავ“. მაგრამ მთავარი ეს არ არის, საქმე იმაშია, რომ
ბატ. ფურცელაძე საკუთარ მონათხრობშიც კი ლალატობს თა-
ვის თავს. იგი ამტკიცებს, რომ სილა გამაწნა, რომ მე შემდეგ მიე-
ვარდი მას და მხოლოდ ამის შემდეგ ამოიღო ჭიბიდან რევოლვერი,
და როცა ჩემი აღმართული ხელი დაინახა, დამიმიზნა ამ ხელში და
დამპკრა. თუმცა თან დასძენს, რომ მე, როცა სილა გამაწნა, „დავ-
რეტიანდი და როცა გონს მოვედი, განიზრახა თავს დამსხმოდა და
გაველახე (ან. ფურცელაძე)“. დაიმახსოვრეთ, თავბრუ დამეხვა. შე-
უძლებელი ჩემს დარეტიანებაში არაფერია, მაგრამ ჩემს გონზე
მოსვლამდე ბატ. ფურცელაძეს ხომ არ შეეძლო ცოდნოდა დავეს-
ხმორი თავს თუ არა. იქნებ ბოდიშს მოეუხდიდი, ან ავტირდებოდი,
ან იქნებ სამარცხვინოდ გავიქცეოდი. ამგვარად, იგი ჩემს განზრახ-
ვას მხოლოდ მაშინ მიხვდა, როცა მე დარეტიანებამ გამიარა, „მა-
შინ მან დაინახა, რომ მე მასზე თავდასხმას ვაპირებდი“. და მხო-

ლოდ მაშინ ამოიღო ჭიბიდან რევოლვერი. ამგვარად, იმ მომენტიდან, როცა თავს დავესხი ბატ. ფურცელაძეს, (სხვაგვარად შეუძლებელია, რომ მას მართლაც ამოეკითხა ჩემს გულში თავდასხმის განზრახვა), მან მოასწრო მოემოქმედა შემდეგი: ამოელო ჭიბიდან რევოლვერი, შეეყენებინა ჩახმახი (სხვაგვარად რევოლვერი არ ისვრის), დაემიზნებინა აღმართულ ხელში და ესროლა. ხოლო ამ ხნის განმავლობაში საბრალო ხელმა ერთხელ შემოკვრაც კი ვერ მოასწრო. არა, ბატ. ფურცელაძე, რომანების წერაში ვერ ყოფილხართ დახელოვნებული. გამოიგონეთ რამე უფრო დამაჯერებელი.

ბატ. ფურცელაძის ჭიბრზე, გარემოება მის საწინააღმდეგოდ მტყუელებს: ყველა ჩემმა ნაცნობმა იცის, რომ მე ცაცია არა ვარ და როგორც ბევრმა ნახა, და როგორც ნაჭრილობევი ამტკიცებს დაჭრილი ვარ სწორედ მარცხენა ხელში.

ბატ. ფურცელაძე მოითხოვს ვუამბო ყველას საიდუმლოება, თუ როგორ შეიძლება ხელის აკვრით ნასროლი ტყვიის აცილება. ჭერ ერთი, მე ვწერდი, რომ ნასროლი ტყვია კი არ ამიცილებია, არამედ რევოლვერის ლულა, რაც ერთი და იგივე არაა. თუმცა ამ გარემოების დამახინჯებაც საკმარისად ახასიათებს ბატ. ფურცელაძის მართლმოყვარეობას. მეორეც, ჩაატაროს ყველა მკითხველმა თავის თავზე ასეთი ცდა: სთხოვოს ვინმეს მიაბჭინოს მკერდზე რაიმე რევოლვერის მავარი. თავდამსხმელი მოქმედებს მარჯვენა ხელით და ამ შეშთხვევაში იარაღს აუცილებლად მკერდის მარცხენა მხარეს მიადებს, ხოლო თავდამცველის ბუნებრივი და წამიერი მოქმედება იქნება მარცხენა ხელი აიქნიოს და რევოლვერის ლულა განზე გასწიოს. მეც სწორედ ამის გაკეთება მოვასწარი და რადგან იმ წამსვე გაისმა სროლა, სწორედ იმ ხელში დავიჭერი, რომლითაც ლულა გავწიე.

შეადარეთ ეს ამბავი ბატ. ფურცელაძის მონაყოლს და ადვილად დარწმუნდებით სადაა სიმართლე და სად მონაგონი.

ჩემთვის სილა არავის გაუწნავს. მე არც ისე ბრიყვი ვარ, რომ შემრცხვეს რევოლვერით შეიარაღებული კაცისაგან გაწნული სილისა... ხოლო თუ როგორი მხდალი ვარ და დავემალე თუ არა ბატ. ფურცელაძეს ქუჩაში, ისეთ შეუვალ ბრუსტკერებს ამოფარებული, როგორიც უცნობი ქალიშვილებია — ეს ყველამ იცის და საჭიროდ არ მიმაჩნია ვედავო ბატ. ფურცელაძეს. დაე, „შეთხზას“ ისეთი ზღაპრები, როგორიც მოესურვება. მკითხველს ბევრი შესაძლებლობა აქვს დაინახოს, ვინაა ჩვენს შორის მართალი. მაგრამ ბატ. ფურცელაძე რომ სრულყოფილად დავახასიათო, ყურადღება მიაქციეთ ერთ ფაქტს, საიდანაც ჩანს, თუ რა მოუჩიდებლად ამახინ-

ჯებს იგი დაბეჭდილ დოკუმენტებსაც კი. იგი წერს, თითქოს არდა-
განის ამბების აღწერის დროს მე ჩემი თავი უფრო დიდ გმირად გა-
მოვიყენე, ვიდრე გენერალი ჰეიმანი. ვთხოვ „ტიფლისკი ვესტნი-
კის“ პატივეცემულ რედაქციას გადახედოს კორესპონდენციას და და-
ინახავს, რომ მე აღწერე ბატ. ჰეიმანის გამბედაობა, ხოლო ორი
სვეტი ჩემი შეგარძნებების „გულშემოწოლილი გრძნობების და სიკ-
ვდილის შიშის“ აღწერას დავუთმე. ბოლოს კი ამგვარი სიტყვებით
ვამთავრებ: — „როგორც ვნებავთ, მაგრამ ეს მამაცობა არაა“.
სთქვით, განა შეიძლება დაუჯერო კაცს, რომელმაც ასე დაამახინჯა
დაბეჭდილი დოკუმენტი? თუ მას არ ეშინია იმის, რომ შემიძლია
ამ დოკუმენტიდან ნაწყვეტის გადმობეჭვდა და მის მიერ დამახინ-
ჯებული ჰეშმარიტების გამოაშკარავება, მაშინ იგი არც იმ ფაქტის
დამახინჯებას მოერიდება. რომლის მოწმე მხოლოდ ერთი კაცი იყო
და ისიც მისი მეგობარი და თანამოაზრე.

კიდევ ერთი კურობოზული ფაქტი, რაც შუქს ჰფენს ბატ. ფურ-
ცელაძის სიმართლის მოყვარეობას. იგი წერს, თითქოს მე იმ
დღესვე შიკრიკები დავგზავნე არა მარტო მთელ თბილისში, არა-
მედ მთელ საქართველოშიც. ვფიქრობ, მე რომ ყოველ წუთს ამ-
დენი შიკრიკი მყავდეს ჩემს განკარგულებაში, შევძლებდი რამე
უფრო გონივრული დავალება მიმეცა მათთვის. მაგრამ — ეს მე-
ტაფორაა. მე ნამდვილად ვერიდებოდი, არ მინდოდა შემეტყობი-
ნებინა სხვებისათვის ეს ამბავი... მაგრამ თუ შიკრიკები არა, ცირკუ-
ლარული წერილები მაინც დაიგზავნა ამ ამბის შესახებ, და დავ-
გზავნე არა მე, არამედ ბატ. ფურცელაძემ. თითქოს განგებ, ერთ-
ერთ ასეთ წერილზე მიაშობ მაშინ „ტიფლისკი ვესტნიკის“ ახლან-
დელმა დროებითმა რედაქტორმა, თავ. დ. ერისთავმა, რომელსაც
შეუძლია დამიდასტუროს, რომ არც მისთვის და არც რომელიმე
მისი ნაცნობისათვის მე ბატ. ფურცელაძის საქციელის შესახებ არა-
ვითარი წერილი არ გამიგზავნიან.

ბატონი ფურცელაძის ნატიფი მართლმოყვარეობის დასამ-
ტყიცებლად ეს დასაბუთებაც კმარა.

ყოველივე ეს ლიტერატურისაგან შორს დგას და მე არ ვარ
დამნაშავე, თუ ასეთ კინკლაობაში მომიხდა მონაწილეობის მიღება.
მკითხველს ახსოვს, როგორ დაამახინჯა ბატ. ქუთაისელმა ეს ამბა-
ვი და იძულებული გამხადა აღმედგინა ფაქტები. ახლა ბატ. ფურ-
ცელაძე ცდილობს სხვაგვარად წარმართოს საქმე და მისი ნაამ-
ბობის უარყოფა მე მხოლოდ და მხოლოდ დამამტკიცებელი საბუ-
თით შემეძლო, რომელიც ხელთ მაქვს, ე. ი. ბატ. ფურცელაძის
სიტყვის ლოგიკური ანალიზით, მისი ნაამბობის უსაფუძვლობით.

საჩქარო სამუშაოს გამო მხედველობიდან გამოძრჩა ბატ. ფურცელაძის სიცრუის კიდევ ერთი დამამტკიცებელი ფაქტი. იგი ამტკიცებს, რომ ბატ. უფროსი პოლიცემისტერის ყურამდე მივიტანე მე მისი გმირობის ამბავი. ამ ცილისწამების უარყოფა კი მოწმეთა საშუალებით შეიძლება.

საქმე ასე იყო: ბატ. ფურცელაძის გმირობის რამდენიმე დღის შემდეგ, მე მივიღე ყოფილი თბილისის გუბერნატორის, აწ განსვენებულ გენერალ კ. ი. ორლოვსკის მიწვევა გამოვცხადებულიყავი მასთან. გუბერნატორმა მკითხა — მართალია თუ არა, რომ ბატ. ფურცელაძე მოკვლას გიპირებდაო და მთხოვა საჩივარი შემეტანა.

მე კატეგორიული უარი განვაცხადე და ვარწმუნებდი გუბერნატორს, ყურადღება არ მიექცია ამ ამბავისათვის, ვამბობდი, რომ ეს მხოლოდ წუთიერი აფეთქება იყო. მაგრამ სანამ ბატ. ფურცელაძის ოჯახი არ შევაბრალე, იგი მაინც თავისას მოითხოვდა. არც ცოლი და არც შვილები მის სიფიცხეში დამნაშავენი არ არიან, ხოლო ყველაზე მეტად სწორედ ისინი დაიტანჯებიანთქო. მაშინ გუბერნატორმა განკარგულება გასცა გამოეძახებინათ უფროსი პოლიცემისტერი პოლკ. ბელიკოვი და დაავალა მას მკაცრად გაეფრთხილებინა ბატ. ფურცელაძე. რამდენიმე დღის შემდეგ შევიტყვე, რომ ბატ. ფურცელაძე პოლიცემისტერთან გამოეძახებინათ და მთელ ქალაქში ხმა დაირხა, თითქოს მე დავაბეზღე. მე წავედი ბატ. პოლიცემისტერთან და ვკითხე, რა საუბარი ქონდა ბატ. ფურცელაძესთან და, რადგან ღრმად ვიყავი დარწმუნებული, რომ ბატ. ფურცელაძე შეცდომაში შეიყვანეს, მე ვთხოვე ბატ. პოლიცემისტერს დაერწმუნებინა ბატ. ფურცელაძე, რომ იგი ჩემი ჩივილის გამო არ დაუბარებიათ, პოლიცემისტერმა ჭერ უარი განაცხადა. თქვა, რომ ბატ. ფურცელაძემ (სასამართლოს ყოფილმა მოხელემ) უნდა იცოდეს: თქვენ რომ საჩივარი შემოგეტანათ, თუნდაც ეს საჩივარი უსაფუძვლო ყოფილიყო, კანონის ძალით ჩვენ ვალდებული ვიქნებოდით საქმე გამოძძიებლისათვის გადაგვეცა, როგორც სისხლის სამართლის დანაშაულიო. ბოლოს ბატ. პოლიცემისტერი დამპირდა, ეამბნა ყველაფერი ბატ. ფურცელაძისათვის და შეასრულა კიდევ...

ახლა კი, ყოველივე ამის შემდეგ, ბატ. ფურცელაძე პრესაში ამტკიცებს, თითქოს მასზე საჩივარი შევიტანე! ღმერთო ჩემო, აი ადამიანები და ამ ადამიანებთან კამათი უნდა აწარმოო, მათი მტკიცებების უარსაყოფად საკუთარი სიტყვების სამართლიანობა უნდა ამტკიცოთ.

ბატ. ბელიკოვი ცოცხალია. მე დაბეჭითებით ვთხოვ მას, დამიდასტუროს რაც ვთქვი. ხოლო თუ ბატ. ფურცელაძეს დასჭირდება,

ამასვე დაადასტურებენ თავ. ი. ნ. ჭავჭავაძე და გ. ა. ჩიქოვანი, რომელთაც ვთხოვე ეშუამდგომლათ ბატ. ორლოვსკისთან, რომ ამ საქმისათვის სისხლის სამართლის დანაშაულის ხასიათი არ მიეცათ.

ბატ. ფურცელაძის მტკიცების სისწორის დამამტკიცებელი ყოველივე ამ საბუთების შემდეგ მკითხველს შეუძლია მთელი სული თა და გულით შემციოდოს მე, რომ ბედმა ასეთი მოწინააღმდეგე მარჯუნა. გასაგებია, ეს ხალხი რომ სხვა ზნეობრივი მოდგმისა იყოს, მე მათ არც გამოვედევნებოდი, და, იმის ნაცვლად, რომ მოწინააღმდეგენი ყოფილიყვნენ, ისინი ჩემი მეგობრები იქნებოდნენ...

განა გასაკვირია, რომ ბატ. ფურცელაძის მსგავსი „მწერლები“. რომელნიც ჭეშმარიტებას ამახინჯებენ და ამაში არაერთხელ არიან მხილებულნი თვით მათ მიერ, ვისაც ახლა „ბატ. ნიკოლაძის ხროვას“ უწოდებენ, თვითონ ჰკარგავენ ქართველი მკითხველი საზოგადოების თვალში მთელს თავის მწერლურ კრედიტს? მაგრამ განა მე ვარ ამაში დამნაშავე და არა თვითონ იგი?

მაგრამ, ისმის კითხვა, როცა მე ვხედავდი ადამიანებს, რომლებიც ასე უბოდიშოდ ექცეოდნენ ჭეშმარიტებებს, და რომელთაც ხელში მწერლის კალამი უჭირავთ, განა ვალდებული არ ვიყავი მათთვის გამეგდებინებინა კალამი? ბატ. ფურცელაძის მიმართ, მე მგონი ამას მივალწიე, იმედი მაქვს, რომ იგივეს მივალწიე მალე ბატ. ქუთაისელის მიმართაც. დაე, სხვებმა გადაწყვიტონ, კარგად მოვიქეცი თუ არა, როცა ამ შედეგისათვის ვიბრძოდი. მაგრამ ახლა მკითხველი, ყოველ შემთხვევაში, ხედავს, თუ რა სიბინძურეში მიხედებოდა ხელის გასკრა ამ მიზნისაკენ სწრაფვის დროს.

38. ქუთაისის გუბერნიის სახალხო სკოლები

თბილისი, 24 აგვისტო

თბილისის გუბერნიის სახალხო სკოლებზე ბევრი რამ ითქვა; ითქვა, თუ როგორ მიმდინარეობს სახალხო განათლება ამ სკოლებში, მაგრამ, ვფიქრობ, ცოტა რამ იყო ნათქვამი ამავე საგნის შესახებ, ქუთაისის გუბერნიაში. ამიტომ ზედმეტი არ იქნება რამდენიმე სიტყვა ვთქვათ იმის შესახებ, თუ როგორ მიმდინარეობს სახალხო განათლება ქუთაისის გუბერნიის სკოლებში.

ალბათ, არც ერთ მაზრის უფროსს არ მიუღია იმდენი მადლობა თავისი უახლოესი ხელმძღვანელობისაგან, რამდენიც შორაპნის მაზრის უფროსმა მიიღო თავის მაზრაში სახალხო სკოლების მოწყობისა და გლეხთა შორის წერაკითხვის გავრცელების საქმეში მონაწილეობისათვის. ამიტომ ჩვენ სწორედ შორაპნის მაზრის სახალხო განათლების სკოლებზე გვექნება საუბარი.

სამრევლო სკოლები უკვე არსებობდა, მაგრამ სახალხო სკოლების ინსპექტორი ჯერ კიდევ არ გვეყავდა. სამრევლო სკოლები მღვდლებმა და დიაკვნებმა დააარსეს, რომელთაც საშუალო ან დაბალი განათლება ჰქონდათ მიღებული. თუმცა ამ სკოლებში სწავლების არავითარი ახალი მეთოდი არ არსებობდა, მაგრამ ბავშვები ცუდად არ სწავლობდნენ. ქუთაისის გუბერნიის სახალხო სკოლების ინსპექტორის დანიშვნას სკოლებისათვის ბედნიერება არ მოუტანია, მაგრამ მათი რიცხვი მაინც გაიზარდა. სამრევლო სკოლები მუდამ გადატვირთული იყო მოწაფეებით, სახალხო სკოლებში კი სრულიად საწინააღმდეგო მდგომარეობა შეიქმნა. ასეთი მდგომარეობა როგორღაც არ მოეწონა ინსპექტორს და ერთ-ერთ საანგარიშო მოხსენებაში გუბერნატორს პირდაპირ სთხოვა დაეხურა ყველა სამრევლო სკოლა იმერეთის ეპარქიაში. გუბერნატორმა ამ მოხსენებითი ბარათისა და ინსპექტორის თხოვნის საფუძველზე წინადადება მისცა იმერეთის ეპისკოპოსს, გაბრიელს, დაეხურა ყველა სამრევლო სკოლა იმერეთის ეპარქიაში. ამავე დროს გუბერნატორმა წერილობითი მითითება მისცა ყველა მაზრის უფროსს მისი

თანხმობის გარეშე არავის გაებედა სკოლის გახსნა. როგორც ცირკულარში იყო აღნიშნული, ამ განკარგულებას საფუძვლად დაედო აზრი, თითქოსდა სწავლამ სკოლებში მანვე ხასიათი მიიღო. იმერეთის ეპისკოპოზმა გაბრიელმა, რომელიც მუდამ სამრევლო სკოლების რიცხვის გაზრდას ცდილობდა, გუბერნატორის განკარგულების შესრულებაზე უარი თქვა. ამის შემდეგ მაზრის უფროსებს უბრძანეს დაეხურათ სამრევლო სკოლები. გუბერნატორსა და ეპისკოპოზს შორის ხანგრძლივი მიმოწერის შემდეგ საქმე მოგვარდა და სამრევლო სკოლები დახურვას გადაჩია. სამაგიეროდ მკაცრი კონტროლი დააწესეს სახალხო სკოლების ინსპექტორზე.

სასულიერო კონსისტორიის წესდების ერთ-ერთ პარაგრაფში ნათქვამია: ეპარქიის ხელმძღვანელებს ევალებათ განაგონ და ხელი შეუწყონ სასულიერო პირების მიერ ეკლესიასთან მარტივი, ადგილობრივ ყოფასთან შეფარდებული სამრევლო სკოლების დაარსებასა და შენახვას, სადაც გლეხთა ბავშვები წერა-კითხვას, ლოცვანს, კატეხიზისის დასაწყისს და სხვა ამდაგვარს ისწავლიან. სადაც კი სოფლის საზოგადოებამ სკოლის გახსნა მოისურვა მისგან მოითხოვეს საუკეთესო სასკოლო შენობის მოწყობა, ბალის გასაშენებლად მიწის ნაკვეთის გამოყოფა, მასწავლებლისათვის 200-300 მან. ხელფასის დაწესება, უფასო ბინა, გათბობა, განათება და დარაჯის დანიშვნა. ასეთი განკარგულების შემდეგ ბევრი სკოლა დაიხურა.

სწორედ ამ დროს მაზრის უფროსებმა ითხოვეს საზოგადოებების შემცირება მათი გაერთიანების ხარჯზე, რათა სამაზრო სამმართველოებში მიმოწერა შემცირებულიყო. საჭირო უფლება გამოითხოვეს საიდანაც ჯერ არს და საზოგადოებათა რიცხვი ქუთაისის გუბერნიაში მკვეთრად შემცირდა. შორაპნის მაზრის 68 საზოგადოებიდან მხოლოდ 28 შეიქმნა. რამდენიმე საზოგადოების ასეთი გაერთიანების შემდეგ, ცხადია, საზოგადოებას უფრო ადვილად შეეძლო სკოლის გახსნა. 1874 წელს თითქმის ყველა საზოგადოებამ ითხოვა სკოლა. შეადგინეს სკოლის შენობათა გეგმებიც და მასწავლებლის ხელფასის ასანაზღაურებლად თითოეულ კომლს 50 კაპ. შეაწერეს. ყველგან ხალისიანად დაიწყო სკოლების მშენებლობა, მაგრამ ამ გეგმებით აშენებული სასკოლო შენობები სრულიად არ შეესაბამებოდნენ გუბერნატორის წერილობით მიითითებას, რადგან გეგმა სპეციალისტებმა კი არ შეადგინეს, არამედ ისეთმა ხალხმა, რომელთაც წარმოდგენა არ ჰქონდათ სკოლის შენობაზე.

ბოლოს საჭირო გახდა სკოლებისათვის მასწავლებლების მოძებნა. საქმე ღრმად და ამომწურავად განიხილეს და სახალხო სკოლების ინსპექტორი და მაზრის უფროსი იმ დასკვნამდე მივიდნენ,

რომ საჭიროა ერთმა პირმა შეასრულოს როგორც მასწავლებლის ასევე სოფლის კანცელარიის მწერლის მოვალეობაც, რაშიც 200-დან 380 მან. ხელფასს მიიღებს, ექნება უფასო ბინა, გათბობა და ეყოლება დარაჯი... ამ თანამდებობის მაძიებელთა ნაკლებობა არ იგრძნობოდა. ყოველი მხრიდან გამოჩნდა ყოველგვარი განათლების მქონე ხალხი, რომლებიც სხვადასხვა ტიპის სასწავლებლებიდან უნიჭობისა და უსაქციელობის გამო გამოირიცხეს. ამ ხალხს ხელგაშლილად სთავაზობდნენ სოფლის მასწავლებლისა და სოფლის მწერლის ადგილს. მაგრამ ჩქარა დარწმუნდნენ, რომ ამ ორი ადგილის შეთავსება შეუძლებელია. ხშირად მასწავლებელს მოუშადებლობისათვის ხსნიდნენ, მაგრამ ზოგჯერ იგი კარგი მწერალი იყო და პირიქით. ადმინისტრაციასა და ინსპექტორს შორის რომ გაუგებრობა აღმოფხვრილიყო, გადაწყვიტეს მასწავლებელი მასწავლებლად დაეტოვებიათ და არავითარ შემთხვევაში არ დაეშვათ სოფლის კანცელარიაში მწერლად.

ბევრმა მასწავლებელმა მწერლად დარჩენა ისურვა, მაგრამ მასწავლებლის ადგილს მაინც ბევრი პრეტენდენტი გამოუჩნდა. 1874 წელს თითქმის ყველა სასკოლო შენობა მზად იყო და მასწავლებლის ყველა ადგილი დაკავებული. სახალხო სკოლები ერთმანეთის მიყოლებით გაიხსნა.

სასწავლებლებს გლეხთა ბავშვები მიაწყდნენ. ზოგ სკოლაში მათ უარსაც კი ეუბნებოდნენ უადგილობის გამო. სკოლების მომარაგება ხდებოდა რუსულ ენაზე შედგენილი სახელმძღვანელოებით. სახალხო სკოლების საქმე კარგად მიდიოდა. ამ სკოლების ინსპექტორი დირექტორი გახადეს და მოადგილედ ძალზე წყნარი კაცი დაუნიშნეს. ყოველი გლეხი ხალისით გზავნიდა შვილს სკოლაში და წესიერად იხდიდა სკოლისა და მასწავლებლის შესანახ თანხას. თავისი სკოლა ყველას მოსწონდა და ბევრს მოელოდნენ მისგან. სამწუხაროდ, სამი წლის შემდეგ მდგომარეობა შეიცვალა. იქ სადაც 60 მოწაფე ირიცხებოდა, ახლა მხოლოდ 5-6-და დარჩა. გლეხს აღარ ეხალისებოდა სკოლისა და მასწავლებლის შესანახი ფულის გადახდა. ბევრმა საზოგადოებამ სკოლის დახურვა გადაწყვიტა. მათი აზრით, სკოლას არავითარი სარგებლობა არ მოქონდა მათთვის.

ზოგიერთი სკოლა სრულიად დაცარიელდა, თუმცა მასწავლებელი ჩვეულებრივად ღებულობდა ხელფასს გლეხებისაგან. დროთა მსვლელობაში გლეხები კიდევ უფრო მეტად რწმუნდებოდნენ, რომ სკოლას მათთვის არავითარი სარგებლობა არ მოჰქონდა და მოითხოვეს ზოგიერთი სკოლის დახურვა. მასწავლებელთა მდგომარეობა შეირყა. ზოგიერთი მასწავლებელი იმდენად უუნარო აღმოჩნდა, რომ

მედავითნის ადგილიც კი ვერ შიიღო, ხოლო პედაგოგებად ხომ იმ-
თავითვე არ ვარგოდნენ. მაგრამ მათ, ვისაც, სახალხო სკოლების
სწრაფი გავრცელების დროს თავის გამოჩენა უნდოდათ, ძალაუენ-
ბურად უნდა დაემოთ მასწავლებლის ადგილი მისთვის, ვინც მას
იბოვდა. მასწავლებლებისათვის აუცილებელი იყო ადგილისა და
ხელფასის შენარჩუნება, ხოლო ზრუნვა იმაზე, რომ სკოლები და-
ცარიელდა და მოწაფეები აღარ ჰყავდათ, მათ არ შეეძლოთ, რადგან
ამის უნარი არ შესწევდათ. საანგარიშო მოხსენებებში მასწავლებ-
ლებს ყოველთვის შექონდათ მოსწავლეთა გრძელი სია*, სადაც აღ-
ნიშნული იყო, რომ მოწაფეები კურსს გადიან და წესდების თანახ-
მად ერთი განყოფილებიდან მეორეში გადადიან. როგორც ამბო-
ბენ, სწავლა-განათლება დულდა და გადმოდულდა!.. მაგრამ ყოვე-
ლივე ეს მხოლოდ ქაღალდზე ხდებოდა, სინამდვილეში კი საქმე
სულ სხვაგვარად იყო...

ცხადია, მასწავლებლები ამ სამწუხარო მოვლენისა და სკოლი-
სადმი გლეხების გულაცრუების მიზეზად, საკუთარ უვიციობას და
სასწავლო მეთოდიკის უქონლობას ვერ დაასახელებდნენ. დანაშა-
ული რომ სხვებისათვის გადაებრალებიათ, რაიმე უნდა მოეგონათ.
და აი გაავრცელეს ხმები და უფროსებთან ამბავი მიქონდათ, თით-
ქოს საიდანაც გამოჩნდნენ ბოროტმზრახველები, რომლებიც გლე-
ხებს შორის ცრუ ხმებს ავრცელებენო.

ეს ხალხი თითქოს გლეხებს იმით აშინებენ, რომ ეუბნებიან ყვე-
ლა სკოლადამთავრებულ ბავშვს ჯარში წაიყვანენო. მაზრის უფ-
როსმა და ინსპექტორმა ყველა ზომა იხმარეს ბოროტმზრახველთა
გამოსაყვინებლად, მაგრამ მთელ გუბერნიაში ასეთი კაცი არ აღ-
მოჩნდა. რაც უფრო მტკიცედ მოითხოვდნენ გლეხები უვიცი მას-
წავლებლის მოხსნას და სკოლის დახურვას, მით უფრო ჯიუტად
ეუბნებოდნენ უარს. საზოგადოება ზოგიერთი სკოლის უსარგებ-
ლობას ამტკიცებდა და მაგალითისათვის უთითებდნენ მოწაფეებ-
ზე, რომელთაც ორი-სამი წლის მანძილზე ვერც ერთი რუსული
სიტყვა ვერ ისწავლეს და საკუთარი ენაც დაივიწყეს. მაგრამ უფ-
როსები ამას უწყისების მეშვეობით უარყოფდნენ. ამიტომ ბევრმა
საზოგადოებამ გუბერნატორს თხოვნაც კი გაუგზავნა. მასწავლებ-
ლის ხელფასს ენერგიულად აგროვებდა და აგროვებს მამასახლი-
სი... ხოლო სოფლის მასწავლებლები ამტკიცებდნენ, რომ მათ საშ-
ტატო ადგილი უკავიათ, რადგან დამტკიცებულნი არიან სახალხო

* რასაც ამტკიცებს სახალხო სასწავლებლების დირექტორის მოადგილის მიერ
:878 წელს ჩატარებული რევიზია.

სკოლების ინსპექტორის მიერ და რადგან საზოგადოებამ ერთხელ უკვე დაადგინა სკოლის დაარსება, მას უკვე უფლება აღაჩა აქვს დახუროს სკოლა საკუთარი სურვილის მიხედვით და მასწავლებელს უარი უთხრას ხელფასის გადახდაზე. ამ საქმეს ამჟამად გუბერნატორი იხილავს.

მე მგონი, დირექტორის მოადგილის მიერ უკანასკნელად ჩატარებულმა რევიზიამ დირექტორიც და თვით რევიზორიც დაარწმუნა გლეხთა საჩივრების სამართლიანობაში. დარწმუნდნენ, რომ შორაპნის მაზრაში არის ცარიელი სკოლები და მასწავლებლები ტყვილად იღებენ ჯამაგირს. ჩვენ კი ვფიქრობთ, რომ ამ სამწუხარო მოვლენის გამომწვევი მიზეზები სულ სხვაა და ამის შესახებ მკითხველებს შემდეგ მოვახსენებთ...

39. საკვირაო საუბრები

ლიბერალური წვრილმანავი

მიმართა სულმოკლეებისადმი. — მოულოდნელი „ზეიმი სათნოებისა“. ბატ. „ეს მე არ ვარ“-ის სტატია. — ლიტერატურული სინდისის შესახებ. — მწერლის სიფაქიზე. — ახალი ვარიაციები თემაზე: „სხვის თვალში ბეწვს ხედავს, საკუთარში — ღირესაც ვერაო“. — ჰელვეციუსის შენიშვნა. — „ცხვირების მოჭრის სარგებლიანობა“. — გაკეთილი ბაშიბუზუეებს. ჩემს მიერ აღმოჩენილი საშუალება პრესაში ლიტერატურული ზნეობის დასამყარებლად. — ბერნეს მაგალითი. — სინდისის ქეჩნის გარეშე ეხდები ჯალათი. — დასკვნითი სიტყვა, რომელზე ყურადღების მიქცევა არ აწყენთ ჰორიკანა ლიტერატორებს.

„რცხვენოდეთ სულმოკლეებს, რამეთუ არა სწამთ სიმართლისა და სიკეთის საბოლოო გამარჯვება!“...

მინდოდა ამგვარი საზეიმო და მაღალფარდოვანი სიტყვებით დამეწყო დღევანდელი საუბარი, მაგრამ მაღალფარდოვანი და გაცვეთილი სიტყვებისადმი სიძულვილი დაბადებიდან დამყვა და ეს გარემოება საშუალებას არ მომცემს ბოლომდე შევინარჩუნო ამგვარი ტონი. ამიტომ, გონივრული მოსაზრებების თანახმად, გადავწყვიტე ვილაპარაკო უბრალოდ, გულწრფელად, ყოველგვარი ფრაზების გარეშე. ასე უფრო ჩქარა ვიტყვით იმას, რაც „ყველასთვის სასარგებლოა“.

საქმე ისაა, რომ ბედმა და სამწუხარო გარემოებამ „ტიფლისკი ვესტნიკი“³ იძულებული გახადა ფართოდ გაეღო ლიტერატურის კარი „ლიტერატურული ჰორიკანების“ უკანასკნელი მოჰიკანებისათვის, რომლებსაგანაც ადრე ამ გაზეთს საპატიო მანძილზე ეჭირა თავი. მოჰიკანების ვარაუდით, „ობზორთან“² ბრძოლის შედეგად „ტიფლისკი ვესტნიკი“ მათი მომხრე გახდებოდა და აი, გამოძვრნენ ხერხებიდან და ჯურღმულებიდან, სადაც აქამდე იმალებოდნენ... მათი ვარაუდი ნაწილობრივ გამართლდა და ჩვენს პრესაში დადგა ყველაფერის სუნი, სამზარეულოსი, სამოახლო ოთახისი, გარდა ლიტერატურისა. მე უბედურს კი თავს დამატყდა არალიტერატურული ქარაგმები, ჰორები, ბრალდებები და გინება. ყოველივე ამას არავითარი კავშირი არ ჰქონდა ჩემს ლიტერატურულ მოღვა-

წეობასთან, არ ეხებოდა იმ აზრებსა და შეხედულებებს, რომლებიც „ობზორის“ ფურცლებზე გამოითქვამს. მოურიდებლად მკებდნენ ჩირქს, მკიცხავდნენ უსაბუთოდ, ფაქტების დაუსახელებლად, მყვირალა ინსინუაციებით. ჩემს მეგობრებსა და თანამშრომლებს ურუანტელს გვირდა მათი ხრიკები.

— ეს რა ლიტერატურაა!— ლიტერატურა კი არა ბაზარია, პირდაპირ კალამი გვივარდება ხელიდან, — წამდაუწუმ ამბობდნენ ისინი.

— მოითმინეთ, ბატონებო, მოითმინეთ, სიმართლე თავისას გაიტანს, — ვეუბნებოდი მე.

მაგრამ ისინი მაინც თავისას იმეორებდნენ:

— ეს როგორი ზნეა, როგორი დრო და რა გარემოა. ხელები გვიჩერდება!..

მეგობრებსა და თანამშრომლებს თუმცა ვამშვიდებდი, მაგრამ არ მეგონა გარემოება თუ ასე ჩქარა გაამართლებდა ჩემს უსაზღვრო — და, ღმერთმანი, არ ვიცი, რაზე დაფუძნებულ — რწმენას სიმართლისა და სიკეთის ძალებისადმი. მაგრამ ზეიმი ჩემს ქუჩაზეც დადგა. აი, რატომ დავიწყე საუბარი ამგვარი სიტყვებით:

— „რცწვენოდეთ სულმოკლეებს, რამეთუ არა სწამთ სიმართლისა და სიკეთის საბოლოო გამარჯვება!“.

წმინდა ზნეობრივი გამარჯვება კვლავ „ტიფლისკი ვესტნიკმა“ მომიტანა თავისი ფელეტონისტის ბატ. „ეს მე არ ვარ“-ის წყალობით. „ტიფლისკი ვესტნიკის“ 195-ე ნომერში დაბეჭდილია ამ ფელეტონისტის საკმაოდ საინტერესო სტატია, ლიტერატურულ-პოლემიკური ფარსი, სამოსშეცვლილი ვოდვეცილი. მე არ ვეკამათები „ტიფლისკი ვესტნიკს“, მაგრამ უნდა ვისარგებლო ამ სტატიის მითითებითა და მონაცემებით იმ ლიტერატურული გაკვეთილის გამო, რომელიც მან ადგილობრივ ლიტერატურას მისცა. მხოლოდ ამ თვალსაზრისით შეგვენები მე ამ ფელეტონს.

სამართლიანობა მოითხოვს ვთქვა, რომ ბატ. „ეს მე არ ვარ“ სტატიაში ანტილიტერატურული ვერაფერი ვიპოვე. სტატიის ტონი, მისი მიზანი და მისი შინაარსი სრულ მოწონებას იმსახურებს. კამათი სწორედ ასეთ მოწინააღმდეგესთანაა სასიამოვნო და სასარგებლო, რადგან მისი საყრდენი მხოლოდ მოსაზრებები და ლოგიკაა. სამწუხაროდ, არც ამ ტონით და არც ამგვარად არ იწერებოდა ის სტატიები. რომელთაც „ტიფლისკი ვესტნიკი“ მე მიძღვნინდა...

ამგვარად, სტატიის ავტორმა, — ბატ. „ეს მე არ ვარ“, თურმე იცის, რას ჰქვია ლიტერატურული ზრდილობა, წარმოდგენა აქვს ნებადართულსა და ნებადაუერთველს შორის არსებულ ზღვარზე,

ესმის სად იწყება პიროვნება და სად თავდება საზოგადო მოღვაწე. მე ეს გულწრფელად მიხარია, მაგრამ მაინც მინდა ვკითხო მას: მხოლოდ ახლა შეიგნო ყოველივე ეს, თუ მთელი 1878 წლის მანძილზე იცოდა? ამ საქმისათვის ეს საკითხი ძალზე მნიშვნელოვანია.

„ობზორის“ ფურცლებზე ჩვენ დიდი ხანია ვქადაგებთ, რომ მწერლები, რომელთაც ჰგონიათ, თითქოს მკითხველებს ქათმის მახსოვრობა აქვთ, არა მარტო თავიანთ პირად ავტორიტეტს ანადგურებენ, რაც ჩვენ ნაკლებად გვინტერესებს, არამედ ძირს უთხრიან საზოგადოების ნდობას პრესისადმი და ლიტერატურისადმი. მე ვშიშობ, რომ შეიძლება ამ ქეშმარიტების წინაშე სტატიის ავტორი ბატ. „ეს მე არ ვარ“ ცოდავს. მიუხედავად ამისა, მე მაინც მინდა შევახსენო მას ზოგიერთი ლიტერატურული ფაქტი, რომლებიც ეტყობა, მან სრულიად დაივიწყა.

მართლაცდა, რის გამო დაიწყო მთელი ეს კამათი, რომელმაც ახლა ბატ. „ეს მე არ ვარ“ აღაშფოთა? როგორც ჩემს მკითხველებს ახსოვთ, „ობზორის“ 75-ე ნომერში დაბეჭდილ ფელეტონში მე დავაყენე სრულიად ჩვეულებრივი საკითხი იმ წინააღმდეგობის შესახებ, რომელიც არსებობს ბატ. ბ. დავით ჩქოტუას პიროვნებაზე სასამართლოსათვის მიცემულ ბატ. ა. ლოლობერიძის ჩვენებასა და მის მიერვე ჩქოტუას „„ივერიის“⁶³ თანარედაქტორად არჩევას შორის. საფუძვლიანი იყო თუ არა საკითხის ასე დაყენება — ეს სხვა საქმეა. ამას ახლო მომავალში ღირსების სამსჯავრო განსჯის. მაგრამ ამავე საკითხზე „ტიფლისკი ვესტნიკის“ 79-ე ნომერში დაბეჭდილია სტატია (გახსოვდეთ, პირველ პლანზე, — როგორც მოწინავე) ბატ. ქუთაისელისა, რომელიც პირდაპირ მიმართავდა ბატ. ნიკოლაძეს, თუმცა ჩემი ფელეტონი ხელმოწერილი არ ყოფილა. სტატია სავსეა განსაკუთრებული ქუქყიანი ინსინუაციებით, რაც უშუალოდ ჩემს პიროვნებას შეეხებოდა. სტატიაში ისეთ საგნებზეა ლაპარაკი, რომელსაც არავითარი კავშირი არ აქვთ არა მარტო აღნიშნულ საკითხთან, არამედ მთელს ჩემს ლიტერატურულ მოღვაწეობასთან საერთოდ. სტატიაში ნახსენებია „ტყიბულის ქვანახშირის მალაროები“, ბატ. ხოფერია, და ეშმაკმა იცის კიდევ რა*. ეს ხომ ყოველივე ლიტერატურული ზრდილობის, ლიტერატურული ბრძოლის ყველა პატიოსანი წესის დარღვევა იყო. მე მეგონა, „ლიტერატორები“, რომლებიც „ტიფლისკი ვესტნიკში“ თანამშრომლობდნენ და თავიანთ ლიტერატურულ სახელს პატივს სცემდნენ (როგორც ბატ. დ. ერისთავი, ბატ. „ეს მე არ ვარ“ და სხვები), წინ

* სტატია მთლიანად გადმოვბეჭდე „ობზორის“ 96-ე ნომერში.

აღუდგებოდნენ ამგვარ მოქმედებას და ხმამაღლა გამოსთქვამდნენ თავიანთ „პროტესტს“, მაგრამ ამგვარი არაფერი მომხდარა. ბატ. „ეს მე არ ვარ“ განაგრძობდა ფელეტონების წერას, თითქოს არაფერი მომხდარიყო, თითქოს მის სტატიას იქვე გვერდს არ უმშვენებდა ანტილიტერატურული უსაქციელობის ნაყოფი...

მე პროტესტი არ გამომიტყვამს იმის გამო, რომ ჩემი ანონიმი გამოამჟღავნეს, არ მიმიმართავს პრესის მეშვეობით „ტიფლისკი ვესტნიკის“ „ლიტერატორთა“ სინდისისადმი. მე ყველაზე მეტად მაინტერესებდა როგორ მოიქცეოდა ერთი ლიტერატორი, რომელსაც ყველაზე დიდ პატივს ვცემდი არა მარტო „ტიფლისკი ვესტნიკის“ თანამშრომლებს შორის, არამედ თანამედროვე რუსეთის ყველა მწერალთა შორისაც. სამწუხაროდ, დიდი ხანია აღარ შევხვედრივარ მის სტატიას „ტიფლისკი ვესტნიკის“ ფურცლებზე. ხოლო დანარჩენებს არ გააჩნდათ ის ლიტერატურული სიფაქიზე, რაც აღამიანს სიბინძურესთან ურთიერთობას უკრძალავს...

ჩვენი პოლემიკის მსვლელობას კიდევ უფრო მეტი სიბინძურე მოჰყვა. ვერ ვასწრებდი ერთი ჭორის მოსპობას, ერთი ცილისწამების უარყოფას და ბატ. „ქუთაისელს“ „ტიფლისკი ვესტნიკის“ ფურცლებზე კვლავ გამოჰქონდა ლიტერატურული უსაქციელობის ახალი ნიმუშები. თუ გულწრფელნი ბრძანდებით, მიმითითეთ თუნდაც ერთ ლიტერატურულ უსაქციელობაზე, რომელიც მე მთელი პოლემიკის მანძილზე ჩაედიინე. სად ან როდის შევხებივარ მე კერძო პირის პირად ცხოვრებას, ან შინაურ საქმეებს? მიმიზღავს თვალი თვალის წილ? არა, მე განვაგრძობდი ინსინუაციების უარყოფას და ვამხელდი მათ უხამსობას. მე მხოლოდ თავს ვიცავდი, რადგან მოწინააღმდეგე იმდენად ბინძურ იარაღს იყენებდა, რომ თავს ნებას არ ვაძლევდი იგივე იარაღი მეხმარა.

„ობზორის“ მკითხველები ამ პოლემიკის მოწმენი იყვნენ. ჩვენი სტატიები საიდუმლო არ არის, და გვითხრან, სად გამოვიჩინეთ ლიტერატურული უზრდელობა. და თუ არ გამოგვიჩენია, და თუ ბრძოლა ამგვარ ვითარებაში მიმდინარეობდა, სად იმალებოდა მაშინ და რას აკეთებდა ბატ. „ეს მე არ ვარ“ ლიტერატურული სინდისი, სად იმალებოდა მთელი იმ ხნის მანძილზე, როცა „ტიფლისკი ვესტნიკის“ ფურცლებზე ანტილიტერატურული პოლემიკა მიმდინარეობდა.

ბოლოს მე ვედარ გაუძელი ყოველივე ამას. ვხედავდი, რომ ასეთ ხალხთან მორიდებით შორს ვერ წახვალ და ერთი-ორჯერ მათ მიმართ მათივე იარაღი გამოვიყენე. ბატ. „ქუთაისელი“ ბატ. შავ-

როვის ანონიმის გამომედევნებაში დავიჭირე და მასაც ავხადე ნი-
ლაბი, თუმცა ამგვარი საქციელისათვის წინასწარ მოვიხადე ბოდიში
და აღნიშნე ყველა მისი უარყოფითი მხარე. მხოლოდ ამის შემდეგ
გაიღვიძა ბატ. „ეს მე არ ვარ“-ის ლიტერატურულმა სინდისმა,
მხოლოდ ამის შემდეგ გაბედა ეთქვა პრესაში „ახ, რა ცუდია ყოვე-
ლივე ეს!“.

მეტყვიან: თქვენ კი ბატ. „ქუთაისელზე“ მიანიშნებდით, რომ
ლამლამობით ჩუმაღ დადის „ტიფლისკი ვესტნიკის“ რედაქციაშიო.
უცნაური ამბავია! ბატ. „ქუთაისელი“ ბრალს მდებს, რომ მე ოდეს-
ღაც ფსევდონიმ „სკანდელს“ ვიყენებდი. ცდილობს ლიტერატუ-
რული ფსევდონიმი იმ კაცის ფსევდონიმს გაუტოლოს, რომელიც
კედლის უკან დამალულა და ნილაბაფარებული სხვების გაშავებას
ცდილობს. მე მინდა ბატ. „ქუთაისელის“ მიერ დამახინჯებული
ლიტერატურული უფლებების ჭეშმარიტი ცნება აღვადგინო და
ვამტკიცებ: ერთია ის ლიტერატურული ფსევდონიმი, როცა ყველამ
იცის ვინ იმალება მის ქვეშ, როცა მას მიმართავენ მხოლოდ თავ-
მდაბლობის გამო, გარემოებათაგან დამოუკიდებლად, ხოლო მეო-
რე — როცა ფსევდონიმს ნილაბად იყენებს არამზადა, რათა კე-
დელს ამოფარებულმა ტალახით გასვაროს სხვები. ჩემი აზრის და-
სასაბუთებლად მე მოვიყვანე იმ პასკვილიანტის მაგალითი, რომე-
ლიც ლამლამობით იმიტომ აკეთებდა რეისებს, რომ ამხანაგები და
თანამშრომლები გაეჭუჭყიანებია. ახლა კი მე მიმითითებენ ბატ.
შჩედრინზე, რომელიც ფსევდონიმებს იყენებდა. ღმერთისა მაინც
გეშინოდეთ! თუ კი ბატ. შჩედრინს უფლება ჰქონდა ფსევდონიმები
გამოეყენებინა, რატომ არ აუხსენით ეს ამბავი ბატ. „ქუთაისელს“,
როცა ქვეყანას მოჰფინა, რომ მე „სკანდალის“ ფსევდონიმით ვწერ-
დი. განა ცოდვას არ სჩადის „ლიტერატორი“, როცა შჩედრინის
ფსევდონიმს იმ ხალხის ფსევდონიმს უტოლებს, რომლებიც დღის
სინათლეს სიმხდალისა და თავიანთი სიმყრალის გამო ემალებიან?
ყოველივე იმის ქადაგება, რასაც თქვენ წერთ, შჩედრინის მაგალი-
თით პასკვილიანტელთა დაფარვა, ლიტერატურის ყველაზე უბად-
რუქ მასკარადად გადაქცევას ნიშნავს.

რატომ მოხდა, რომ ის, რაც ბატ. „ქუთაისელის“ სტატიაში
„ტიფლისკი ვესტნიკის“ „ლიტერატორებს“ სათაკილოდ არ მიაჩნ-
დათ. ჩემს სტატიაში ნერვიულ შოკს გგვრით? მხოლოდ იმიტომ,
რომ, როგორც ჰელვეციუსი დამაჯერებლად განმარტავს, ხალხი
ყველაფერს პირადი სარგებლიანობის თვალსაზრისით უყურებს.
თუ რომელიმე ფაქტი ჩვენთვის სასარგებლოა — სასიამოვნოცაა.

ჩვენ მის ნაკლს ველარ ვამჩნევთ. ჩვენთვის, მაგალითად, სასარგებლოა, თუ მოწინააღმდეგეს ჭუჭყს ცხებენ და, ამიტომ, ვერ ვამჩნევთ ამ ოპერაციის ცალმხრივობას. მაგრამ ჩვენთვის უსიამოვნოა, როცა მეგობარს სვრიან და ვიწყებთ აღშფოთებას, ვიმსკვალებით გულისწყრომით, გვაგონდება პრინციპების არსებობა...

ადამიანი ყველგან ადამიანია, ჰელვეციუსი კი დიდი გულთამხილავი იყო... არავის არ ახსოვს პრინციპები, რომლებიც ყველასთვის თანაბრად სავალდებულოა... ჰელვეციუსის შენიშვნა არსად არ ვლინდება ისე რელიეფურად, როგორც ომში. მაგალითად. თურქები წელებს აყრევიანდნენ ბულგარელებსა და ჰერცეგოვინელებს და ამ ოპერაციის სისაძაგლეს ვერ ამჩნევდნენ. შეიძლება გეფიქრათ, რომ თურქები ბრმები არიან დაბადებიდანვე. ველურ ზნეჩვეულებათა გამო, არ ესმოდათ და არ შეეძლოთ მიმხედარიყვნენ რა საშინელებასაც სჩადიოდნენ. მართლაც, ევროპელთა ყოველ აღშფოთებაზე ისინი პასუხობდნენ: - *à la guerre comme à la guerre!* " ⁶⁴ — რას იზამ, ომი მსხვერპლისა და გააფთრების გარეშე შეუძლებელია!" მაგრამ ჩერნოგორელებმა გამარჯვება მოიპოვეს და თურქებს ცხვირები და ყურები დააჭრეს, უნდა გენახათ, რა გულისწყრომით მოითხოვეს მაშინ თურქებმა საერთაშორისო პრინციპების დაცვა. გაიხსენეს ჰუგო ჰროცის გაკვეთილები, ბლუნჩლის შეგონებანი, 1864 წ. ჟენევის კონვენციის ⁶⁵ დადგენილებანი, 1875 წ. ბრიუსელის კონგრესის ⁶⁶ ოქმები. ჩანს, სკოდნიათ ყველაფერი, მაგრამ კანონის დარღვევამ მხოლოდ მაშინ აღაშფოთა ისინი, როცა ეს მათ საკუთარ ტყავს შეეხო.

სწორედ ამ დღეშია ახლა ბატ. „ეს მე არ ვარ“, მაგრამ იცით რა პასუხი გასცა თურქებს ევროპულმა პრესამ?

— აჰ, თქვენ ხომ აბუჩად იგდებდით სამართლისა და ჰუმანიზმის პრინციპებს, არ სცნობდით ადამიანის პიროვნების უფლებას, დაარღვიეთ ყველა წესი, ახლა კი როცა იმავე ოპერაციებს თქვენს ტყავზე ატარებენ, აქვთ პრინციპებს. გაპყვირით მათ წმინდა ძალაზე. დასტირით მათ დაცემას. იტირეთ რამდენიც გსურთ, ეს ხომ ნიანგის ცრემლებია, მაგრამ რაც უფრო ბევრს იტირებთ, მით უფრო მალე დარწმუნდებით, რომ ომში პრინციპები და ჩვევები რაღაც დირს! ჩვენ, ევროპელები, სწორედ ამ გზით მივედით საერთაშორისო პრინციპების გამომუშავებამდე. ცოტა კიდევ ისწავლეთ ჭკუა. რა მოხდა, დაგაჭრან ცხვირები და ყურები. მიუხედავად სისაძაგლისა, ამ ბარბაროსულ ოპერაციას ერთი კარგი მხარე აქვს:

იძულებულს გხდით გაიხსენოთ პრინციპები და საკუთარი პირით თქვათ ის, რასაც ხშირად, მაგრამ ამაოდ გიქადაგებდნენ.

რას ფიქრობს ბატ. „ეს მე არ ვარ“, უდგება თუ არა მასაც ყველაფერი, რაც ზემოთ ითქვა?

— მაგრამ ჩვენ მხარს არ ვუჭერდით ბატ. „ქუთაისელს“, — გვეტყვის ჩვენ ბატ. „ეს მე არ ვარ“ და კომპანია. ჩვენ მის სტატიებს მხოლოდ იმიტომ ვბეჭდავდით, რომ გვინდოდა ადგილი მიგვეცა...

ძალიან კარგი, მაგრამ მეც ხომ დავბეჭდე ერთხელ ბატ. პოლტარაკის წერილი, რომელსაც შენიშვნები დავურთე. მაშინ „ტიფლისკი ვესტნიკის“ „ლიტერატორებმა“ შემაჩვენეს და რენეგატი მიწოდეს იმის გამო, რომ ბატ. პოლტარაკი ამ წერილში ბოგაჩოვს შეეხო. სად იყო მაშინ თქვენი სინდისი? რას იტყოდით თქვენ, მიპასუხეთ, ფსევდო-მიუკერძოებელი ნიანგებო, ახლა რომ ლიტერატურული ზრდილობის დაკარგვას დასტირით, მე რომ „ტიფლისკი ვესტნიკით“ უკმაყოფილო ყველა ბატ. ნესტეროვები და კომპანია შემეგროვებინა და თავი ისე დამეჭირა, თითქოს „ტიფლისკი ვესტნიკთან“ პოლემიკა არ მსურს, ხოლო „ობზორის“ ყველა განყოფილებაში შემეშვა ისინი და მებეჭდა თქვენზე ყოველგვარი უსაქიველობის ნიმუშები და პასკვილები? თუ გნებავთ ამასაც გავაკეთებ. მაგრამ მაშინ თქვენვე შემომედავებით და დამიწყებთ მტკიცებას, რომ ჩემს მხრივ ეს დიდი უხამსობაა...

ნუ თვალთმაქცობთ, მეგობრებო. მე რომ ბატ. „ქუთაისელს“ დავემარცხებო, თქვენ მას ცამდე აიყვანდით და კერპად გაიხდიდით. ასე ხდება მუდამ. მაგრამ მან მიზანს ვერ მიაღწია, თქვენ კი ტალახით გაგსვარათ და ახლა ცდილობთ გაემიჯნოთ მას. მაგრამ, როცა მთლიანად არ ემიჯნებით, ეს იმას ნიშნავს, რომ მაინც სარგებლობთ მისი პოლემიკის იმ ნაწილით, რომელსაც არ მინდოდა შეეხებოდნენ. მაგალითად, თქვენ იმეორებთ მის სიტყვებს, თითქოს მე უწიგნური ვარ. თუ გნებავთ, თქვენს იმავე ფელეტონში მე აღმოვაჩინე უამრავ კორექტორულ შეცდომას? მაგალითისათვის მივუთითებ თუნდაც ყველაზე. მაგრამ მე რომ გონებამახვილობის გამოჩენით და თქვენი უწიგნურობის მტკიცებით თავი დამემცირებინა და დამეწერა ბატ. „ეს მე არ ვარ“ უწიგნურია, სიტყვებს „ხ“-ით წერს, მაშინ თქვენვე ყველაზე ადრე იტყოდით რომ ამგვარი უბადრუკი საქციელი არ ეკადრება მწერალს, რომელიც ცოტათი მაინც პატრეს სცემს საკუთარ თავსო. გინდათ დაგიმტკიცოთ, რომ თქვენ შეუდგებოდით ამის მტკიცებას? თუმცა რა საჭიროა ახალი დამამტკიცებელი საბუთების მოტანა, როცა თქვენ უნდა გახსოვდეთ, თუ

რა ქარიშხალი ატყდა იმის გამო, რომ მე „ტიფლისკი ვესტნიკიდან“ ერთი ნაწყვეტი გადმოვბეჭდე და სიტყვაში „Геологическим“ შეცდომა ვერ დავინახე და გაუხწორებელი დავტოვე?

არა, ბატონებო, როგორც გვასწავლიან, — ეშმაკს მთლიანად უნდა განუდგე. უნდა განუდგე „ყველა მის საქმეს და მის ყოველგვარ მახეზღრობას“. მაგრამ, როცა თქვენ სიტყვიერად უარყოფთ მას და ამავე დროს მისსავე სიტყვებს იმეორებთ, მაშინ მე უფლება მაქვს ვთქვა: თქვენ მას უარყოფთ იძულებით, ფიქტიურად, მხოლოდ ფორმალური მხრით.

ერთი სიტყვით, მე გამოვინახე საიმედო საშუალება იმისათვის, რომ ჩვენს პრესაში პატიოსნური ჩეევები დავამკვიდრო. მინდა ეს საშუალება გამოვიყენო და, ამიტომ, ვაფრთხილებ ყველას, რამდენიც არ უნდა მაგინოთ, რამდენიც არ უნდა იტიროთ, რა „მრისხანეც“ არ უნდა მიწოდოთ, მე მაინც მტკიცედ მაქვს გადაწყვეტილი ჩემი ახალი სისტემა გამოვიყენო. როგორც კი ჩვენში ვინმე ლიტერატურულ ზრდილობას დაარღვევს, მე მაშინვე დავანახებ მას მისსავე მაგალითზე მთელი მისი საქციელის უღამაზობას. ვიტყვი, რა ლიტერატურული ჯალათის უსიამოვნო როლი, მე მას ბოლომდე გავყვები და მის ეფექტურობას თანდათან გავაძლიერებ. ჯერ ბევრს ვითმენდი, შემდეგ რბილად გადავკარი ზოგიერთს, აწიკი სასტიკად დავარტყამ ყველას და მართლაც „მრისხანე ნიკოლაძე“ გავხდები. მხოლოდ მაშინ გაიგებთ, ბატონებო, რას ჰქვია სისასტიკე. მხოლოდ მაშინ დამშვიდდება საფლავში სცუპურას ჩრდილი, მე კი ბერნეს ჩრდილი დამიფარავს თავის ავტორიტეტით...

— რა შუაშია აქ ბერნე, — მკითხავთ თქვენ. მოგახსენებთ. რისთვისაა საჭირო. ბერნემ კარგად იცოდა, რომ ლანძღვა-გინება ლიტერატურაში კარგი საქმე არაა, რომ აუცილებელია ლიტერატურული ზრდილობის დაცვა. მაგრამ, როცა მას მოსწყინდა უბადრუკი მოწინააღმდეგეთაგან ლანძღვა-გინება, მან დაამტკიცა, რომ გინებაც მათზე უკეთ შეუძლია. მან ჯერ საზოგადოების წინაშე ბოლიში მოიხადა, შემდეგ კი მთელ გვერდზე ისეთი ლანძღვა-გინება გადმოანთხია, რომლის მსგავსი პრესას არასოდეს უნახავს. მისი მოწინააღმდეგეები მაშინვე გაჩუმდნენ.

თუ ამის გაკეთება ეპატია ისეთ პუბლიცისტს, როგორიც ბერნეა და ისეთ ლიტერატურაში, როგორიც გერმანულია, მით უფრო ეს საქციელი ეპატიება ისეთ ფელეტონისტს, როგორიც მე ვარ და ისეთ ლიტერატურაში, როგორიც კავკასიურია.

როცა მე ქვეყანას დავანახებ ფსევდო-ლიტერატურული ცოდვილებისადმი ანგარიშის გასწორების მაგალითს, მაშინ იგივე ლიტერატორები დაიწყებენ მტკიცებას, რომ ლანძღვა, გინება და პირადი ცხოვრების პრესაში გამოტანა არ შეიძლება...

რა ვქნა! ჩანს, ასეთია ჩემი ბედი! ბედი, რომელიც როგორც ქართულ, ასევე ადგილობრივ რუსულ ლიტერატურაში ყველგან თან მსდევს. ჩემი ცხოვრების მანძილზე ათასხუთასამდე სტატია მაინც მექნება დაბეჭდილი. ერთი ლიტერატურული კრიტიკა მაინც მაჩვენეთ ამ სტატიების შესახებ. დამიწერია თითქმის ყველაფერზე, დაწყებული სამხედრო დარგიდან და გათავებული ტექნიკით. ერთხელ მაინც აღდგომია ვინმე წინ ჩემს აზრებსა და იდეებს? ამხედრებულა ვინმე ჩემი მიმართულების წინააღმდეგ? სამაგიეროდ, მე შემოძლია ასობით სტატიის დასახელება, სადაც მხოლოდ ჩემს პიროვნებას, ე. ი. ჩემს პირად ცხოვრებას, ჩემს ფინანსიურ ზღვომარეობას და ჩემს სამიჯნურო საქმეებს ეხებიან. განა ეს ლიტერატურაა? ახლა კი გამოჩნდნენ ადამიანები, რომლებიც გულუბრყვილო, მიუყერძოებელი გამომეტყველებით მევე მადანაშაულებენ, თითქოს კერძო და პირადი ცხოვრების ელემენტები მე შემოვიტანე ლიტერატურაში. აი, ასეთია ადამიანების სამართლიანობა. მაგრამ მე მათ ვაჩვენებ, რას ქვია ლიტერატურაში ამგვარი ელემენტების შემოტანა და მხოლოდ მაშინ მიხვდებიან ისინი, თუ რამდენად უცოდველი ვიყავი აქამდე.

მაშინ ეს ბატონები ძალაუვნებურად გაითამაშებენ იმ გერმანელი ქალის როლს, რომელზედაც ამას წინათ ვწერდი და რომელიც გულუბრყვილობის გამო ვერ ხვდებოდა, რომ ხელის მოჭერა სრულებით არ ნიშნავს „თავაშვებულ ვნებათღელვას“...

40. ემელეუშკინის სიბრძნე

1

თბილისი, 1878 წ. 6 სექტემბერი

„ტიფლისკი ვესტნიკის“³ რედაქცია, 198-ე ნომერში სასოფლო-სამეურნეო საზოგადოების საანგარიშო მოხსენებიდან გადმობეჭდილ სტატიას ასეთ შენიშვნას ურთავს:

„ბოლო დროს ჩვენს პრესაში ხშირად შეხვდებით იაფასიანი ლიბერალიზმის ჩივილს სიძვირეზე და მის გამოწვევ მიზეზებზე. შინ გამოზრდილი პუბლიცისტ-ეკონომისტები, რომლებიც საკუთარ ცხვირს იქეთ ვერაფერს ხედავენ, მხოლოდ შემსყიდველებისა და გადაყიდველების მხილებით არიან გართულნი და ავიწყდებათ ჩვენს ბაზრებზე ფასების ზრდის კეშმარტი მიზეზები. ჩვენი სასოფლო-სამეურნეო საზოგადოების უკანასკნელ საანგარიშო მოხსენებაში, სხვათა შორის, ჩვენ აღმოვაჩინეთ სტატია, რომელიც ამ საკითხს მეცნიერული თვალსაზრისით იხილავს, და რადგან სპეციალურ გამოცემებს ცოტა კითხულობს, ჩვენ ნება მივეცით თავს ეს სტატია ჩვენს გაზეთში გადმოგვებეჭდა“.

თანამემამულეთა განათლება, თუნდაც ეს გადმონაბეჭდი წერილებით ხდებოდეს, პუბლიცისტთა საქმეა; მაგრამ სასურველია ისიც, რომ ამ ფუნქციის შესრულების დროს არ იბნეოდნენ და სხვებსაც გზიდან არ აცდენდნენ. შენიშვნა საყვედურებით მიმართავს შინგამოზრდილ პუბლიცისტ-ეკონომისტებს, რომლებიც საკუთარი ცხვირის იქეთ ვერაფერს ხედავენ, და სანიმუშოდ ასახელებენ ბატ. ღამბაროვის სახლს გარეთ გაზრდილ ავტორიტეტს, რის გამოც ამ სწავლული პოლიტ-ეკონომისტი პუბლიცისტის სტატია იძენს განსაკუთრებულ მნიშვნელობას და უნდა დაგვანახოს კეშმარტება, გაგვინათოს უმეცრებით შექმნილი სიბნელე. ამ აზრებით შევეუდექით ჩვენ ბატ. ღამბაროვის სტატიის კითხვას. ბატ. ღამბაროვი სრულიად მართალია, როცა ამბობს:

„სამწუხაროდ, იმის გამო, რომ ჩვენში არ მოიპოვება მცოდნე ხალხი იმ დარგისა, რასაც შეიძლება სავაჭრო-სამრეწველო სტატისტიკა ეწოდოს, ჩვენს შენიშვნებს ვერ ექნება ის დეტალურობა, როგორსაც ვისურვებდი ჰქონოდა მას“.

ამგვარად, თვით სწავლული ავტორი აღიარებს, რომ მას არ გააჩნია ის მასალა, რაც აუცილებელია სწორი დასკვნების გამოსატანად და ამიტომ არც უნდა ველოდოთ მისგან ამგვარ დასკვნებს, მით უმეტეს მაშინ, როცა „კვლევის ერთადერთ გზად რჩება კერძო პირთა გამოკითხვა და პირადი დაკვირვებები“, გზა, რომელსაც ყველაზე მეტად შეუძლია დააბნიოს ადამიანი, რადგან დაკითხულ პირთა ცნობების დამტკიცება შეუძლებელია. ამ საქმის გასარკვევად რჩება „კორესპონდენციები, რომლებიც იხილავენ ქვეყნის ეკონომიურ მდგომარეობას. ამგვარ საინტერესო კორესპონდენციებს უკვე მიაქცია ყურადღება რუსეთის პრესამ, — ამბობს ავტორი. ჩვენ რომ ჩვენს საანგარიშო მოხსენებებში კორესპონდენციების განყოფილების გაფართოება შეგვეძლოს, მაშინ ჩვენ დაგვიგროვდებოდა საკმაოდ უხვი მონაცემები, საიდანაც სასოფლო-სამეურნეო სტატისტიკისათვის მდიდარ მასალას ამოვკრეფდით“.

ყოველივე ეს. როგორც ჩანს, მომავლის საქმეა; მაგრამ ამის აღიარებით ბატ. ღამბაროვი თავის თავს აცლის უკანასკნელ საყრდენს, რომელზეც შეიძლებოდა დამყარებულიყო სწორი მეცნიერული დასკვნა. ასე რომ, დასმულ კითხვებზე ბატ. ღამბაროვის შრომაში პასუხს ვერ იპოვით. რადგან, თუ ნახევარ სტატიას მოანდომებთ იმის განწეობას, რასაც ათი სხვადასხვა ადგილიდან ათი სხვადასხვა კორესპონდენტი წერს, ხოლო სხვა ათასი ადგილიდან არაერთი ცნობა არ მოგეპოებათ, საერთო დასკვნა უკიდურესად საუარაუდო იქნება.

ამის შემდეგ, ქვემოთ მოყვანილი ტირადა წარმოდგენს ავტორისეული განზოგადოების ბუნებრივ გამონახტულებას:

„ფასების მერყეობის მიზეზის კვლევა, განხილული პერიოდის მანძილზე, განსაკუთრებით საინტერესოა, რადგან ზოგიერთი ელემენტი, რომელიც ფასებზე მოქმედებს, უფრო სრულად გამოიხატა, ვიდრე ეს ჩვეულებრივ ხდება. ამგვარი ელემენტები ჩვეულებრივ დროსაც მოქმედებენ, მაგრამ ნაკლებ ინტენსიურად და, ამიტომ. სხვა ელემენტთა გავლენა ნაკლებად ჩანს“.

მშვენივრად დაწერილი: ელემენტები, ინტენსიურობა... თითქმის ყველაფერია. მაგრამ მეორე ფრაზა პირველის განმეორებაა. ოღონდ სხვა სიტყვებით. რა საჭიროა ასე გრძლად ლაპარაკი ფასების მერყეობის კვლევაზე, როცა ასეთი კვლევა არ არსებობს და მონაცემების უქონლობის გამო არც იარსებებს?

მაგრამ ბატ. ღამბაროვის, როგორც სწავლულის სტატია, როგორც ჩანს, არ დაიწერებოდა უბრალო სიტყვებით, ამისთვის სა-

ქირა იყო ამადლებული ფილოსოფიურ-მისტიკური ენა... მაგალითად, ბატ. ღამბაროვი აცხადებს, რომ ერევნის, ეჩმიადინისა და სურმალინის მაზრებში, მიუხედავად უხვი მოსავლისა, ფასები ხუთჯერ გაიზარდა, ხოლო ალექსანდრეპოლში დასაწყისიდანვე თითქმის გარკვეულად.

რატომ?

„ამგვარი მოვლენის ახსნა, — გვეუბნება ბატ. ღამბაროვი, — უნდა ვეძიოთ მოთხოვნილების ზრდის ინტენსიურობაში, რადგან მას სწორედ ეს ზრდა აპირობებს“.

ამგვარი ახსნა, გადათარგმნილი უბრალო ენაზე, ნიშნავს: სხვადასხვა შედეგებს სხვადასხვა მიზეზები იწვევენ. მაგრამ ეს აქსიომაა და არა რაიმეს ახსნა, იტყვის ყველა: ეს იმ ფაქტის უბრალო განმეორებაა, რომ ფასები სხვადასხვაგვარად გაიზარდა. თუ ახლოდან შევხედავთ, მართლაც ასეა, მაგრამ თუ შორს გავიხედავთ, სადაც ყველაფერი ბურუსშია გახვეული, მაშინ მივხვდებით, რომ სწორედ ეს ხვეული ფრაზა ხსნის იმას, თუ რატომ გაიზარდა ერევანში ფასები ხუთჯერ, ხოლო ალექსანდროპოლში ორჯერ.

თუმცა არ მსურს აზრით შორეულ ბურუსში ცურვა, როცა საქმე ეხება უბრალო ეკონომიურ საკითხებს. რომლებიც ციფრებით გადაწყდება და არა მეტაფიზიკით, მაგრამ, მიუხედავად ამისა, ჩვენ დიდ სიამოვნებას მივიღებთ, თუ ბატ. ღამბაროვის სტატიიდან მოვიტანთ ენაშეობის კიდევ რამდენიმე მაგალითს, რომლებშიც ცუდი არაფერია:

„თუ გადაზიდვის ღირებულების ზრდის გამო ზოგიერთი ბაზარი დაიხურება, მაშინ შეიძლება გადაზიდვის ფასი 20 კაპიკით გაიზარდოს, საქონლის ფასი კი 40-ით. ფასების ამგვარი ზრდის დროს ჩვეულებრივ შეიმჩნევა, რომ სადაც პროდუქტებს აწარმოებენ, იქ მისი ფასი არ იზრდება, პირიქით, კლებულობს. და ეს ასეც უნდა ხდებოდეს, რადგან როცა გადაზიდვა გაძნელებულია. ადგილზე საქონლის გამოტანა იზრდება, მოთხოვნილება კი კლებულობს“.

ჩვენ ჩავუფიქრდით ამ ხვეულ, ბუნდოვან ფრაზას! პირველ ნაწილში გამოთქმულია აზრი, რომ ზოგიერთი ბაზრის დახურვის შემთხვევაში პროდუქტების ფასების ზრდა შეიძლება არ შეესაბამებოდეს გადაზიდვის ღირებულების ზრდას. ეს გასაგებია, რადგან თუ პროდუქტების შემოზიდვა აღარ ხდება, მცირდება მათი რაოდენობაც ბაზარზე. ამჟამად, იწვეს ფასიც, რაც, უმთავრესად, დამოკიდებულია პროდუქტების რაოდენობასა და მოთხოვნილებაზე. მეორე და მესამე ნაწილი კი, მიუხედავად ღრმა აზრისა, გამონათქვამს უბრალო აქსიომას: დახურულ ბაზრებზე პროდუქტების

ფასი არა თუ არ მატულობს, არამედ იმის გამო რომ ბევრი გამო-
აქვთ, ხოლო მოთხოვნილება ცოტაა, კლებულობს კიდევ.

მაგრამ მოვეშვათ პოლიტიკურ ეკონომიას, რომელზედაც ბატ-
ლამბაროვს ბევრი უფიქრია, მაგრამ ნაკლებად შეუსწავლია, რადგან
არ შეუძლია საკუთარი აზრის ნათლად გამოთქმაც. ახლა შევეხოთ
ბატ. ლამბაროვის ფინანსიურ სიბრძნეს და როგორც ფრანგები ამ-
ბობენ, est impayable.

„იმ მიზეზებთან ერთად, რომელთა მოქმედება შეიძლება მხო-
ლოდ ომს დაბრალდეს, ყურადღებიდან არ უნდა გამოგვრჩეს ის
გავლენა, რაც ქაღალდის ფულის უხვად მოჭრამ გამოიწვია. 1877
წლის დასაწყისიდან, ბრუნვაში მყოფი ფულის რაოდენობა თით-
ქმის 300 მილიონი მანეთით გაიზარდა. ამან, ცხადია, დასწია სათა-
მასუქო კურსი და ოქროს ფასი გაზარდა. თუ ნახევარიმპერიული
1876 წელს 6 მან. ღირდა, ხოლო 1877 წლის დასაწყისში — 7 მა-
ნეთამდე, შემდეგ იგი თანდათან გაიზარდა და ბოლოს 8 მან. და 60:
კაპიკს მიაღწია.

ლაჟის ამგვარ ზრდას, ცხადია, ოქროთი შეფასებული საკრედი-
ტო მანეთის დაცემა უნდა გამოეწვია (რა სწორი აზრია! რა ღრმა-
ცოდნა!).

ამგვარი მდგომარეობა საკრედიტო მანეთის ფასისა, რომლი-
თაც ყოველგვარი საქონელი ფასდება და რომელიც ყველა სხვა-
ფასეულობის საზომია, ვერ გადაურჩებოდა საქონლის ფასის
ზრდის ზეგავლენას. თუმცა ბევრს ეს ზეგავლენა სადავოდ მიაჩნია,
მოწინააღმდეგეები ამტკიცებენ, რომ ოქროს ფასი აქ არაფერ შუ-
აშია, რომ საკრედიტო მანეთს დამოუკიდებელი ღირებულება აქვს.
ლაჟის ზრდასთან ერთად რომ ჩვენი ქაღალდის ვალუტის
გაუფასურება ხდებოდეს, მაშინ ყველა საქონელი ერთ და იმავე
ღროს ერთნაირად გამჭირდებოდა, რაც სინამდვილეში არ ხდება“.

აჰ, ბატ. ლამბაროვო, განა ღირს დიდი ხნის წინათ უარყოფილი
იდეების კვლავ უარყოფა, თუმცა პრაქტიკაში, განსაკუთრებით კი
ბანკების პრაქტიკაში, ამგვარ იდეებს ღრმა ფესვები აქვს გად-
გებულნი? არავითარი აზრი არა აქვს ფინანსიური საკითხების ახსნა-
განმარტებას იმათთვის, ვისაც არ ესმის, ან არ უნდა გაიგოს, თუ რა
განსხვავებაა ლითონის მანეთსა და საკრედიტო მანეთს შორის.

მაგრამ აი, რა გახლავთ განსაკუთრებით მნიშვნელოვანი:

„ფულის გაუფასურება არასოდეს არ ეხება ყველა საქონელს
ერთდროულად. არამედ ნელ-ნელა, ჯერ ერთს, მერე მეორეს, იმისდა

მიხედვით, თუ რა გზებით, რომელი არხებით შედის ფულის ახალი მარაგი ბრუნვაში“.

დასმულ საკითხს, თუ ბ-ნ ლამბაროვისებურად გავაშუქებთ, აღმოჩნდება, რომ არავითარი მნიშვნელობა არა აქვს, რას გადაიხდი, მთავარია — რა გზით მოგიხდება ფულის გადახდა. გაუფასურება თურმე ყველგან არ იგრძნობა. კმარა, ბატ. ლამბაროვ, ნუთუ მართლაც ასეა? სად ნახეთ თქვენ დარტყმის ისეთი გადაცემა ფულის ბრუნვაში, როგორსაც ფიზიკის სწავლის პროცესში აჩვენებენ ძვლის ბურთების მაგალითზე? გაუფასურება მანეთის, რომელიც, თქვენივე სიტყვებით, სხვა ფასეულობათა საზომია, ბუნებრივად იჩენს თავს ფასეულობათა ყოველი სავაჭრო გარიგების დროს. თანდათანობა, ამ შემთხვევაში, შეიძლება აიხსნას მხოლოდ ხალხის უმეცრეობით. უმრავლესობა ზარალს ნახულობს საკრედიტო მანეთის გაუფასურებით და ვერ შეუგნია მისი მიზეზი. როგორც მოლიერის *Le bourgeois gentilhomme* ვერ შეიგნო სანამ არ აუხსნეს, რომ ლაპარაკობენ პროზით. მაგრამ სწავლულ ეკონომისტს ამის ახსნა არ უნდა სჭირდებოდეს.

უკეთესი არაა ბატ. ლამბაროვის სტატიის ყველაზე უფრო დამოუკიდებელი და მეცნიერულად გამოსარჩევი ადგილები. მოგვყავს ერთი მათგანი:

„განხილულ პერიოდში ახლადვამოშვებული ფული, უპირველეს ყოვლისა, მოიჭარადრეების და ფურაჟით, ტანსაცმლით, პროვიანტითა და იარაღით მომმარაგებელთა ჯიბეში მიდიოდა. ფულის ეს ახალი გამოშვება ისეთი საგნების მოთხოვნილებას ზრდიდა, რაც ომის წარმოებისათვის იყო აუცილებელი“.

რა სიღრმე, აზრის რა სითამამე და შორსმჭკრეტელობაა! ვის შეეძლო წარმოედგინა, რომ საკრედიტო ბილეთების გაძლიერებული გამოშვება აძლიერებს მოთხოვნილებას იმ საგნებზე, რაც უშუალოდ ომისათვისაა საჭირო, ე. ი. საკრედიტო ბილეთების მოჭრა ომის დროს არმიის მომარაგების აუცილებლობამ კი არ გამოიწვია, არამედ, პირიქით, საკრედიტო ბილეთების მოჭრამ გამოიწვია არმიის მოთხოვნილებების დაკმაყოფილების აუცილებლობა. თითქოს ომი აქ არაფერ შუაშია. ჩვენი დიპლომატები თურმე ვერ მიხედნენ რაშია საქმე. ემსახურებოდნენ საგარეო პოლიტიკას, თხზავდნენ სხვადასხვა ხელშეკრულებებს ევროპის ქვეყნებთან დასადებად, რომ წინ აღსდგომოდნენ თურქეთთან ომს და, თურმე, ყოველივე ეს არ ყოფილა საჭირო. საკმარისი იყო საკრედიტო ბილეთები არ მოეჭრათ, არ გადაეცათ ეს ბილეთები მოიჭარადრეებისათვის, სა-

ქირო არ იქნებოდა არც ფურაჟი, არც პროვიანტი, არც ტანსაცმელი და არც იარაღი. და ყოველივე ამას ჩვენ გვთავაზობენ. როგორც მეცნიერულ დასკვნებს; სწორედ ეს სტატია გადმობეჭდეს პრესისათვის ქუთის სასწავლებლად, საპროპაგანდოდ თავისებური მოსაზრებებისა, რომელთა უკანაც იმალება არა მარტო უცოდინარობა, არამედ თვით საღი აზრის უქონლობა.

ბატ. ღამბაროვის პოლიტიკურ-ეკონომიური, ფინანსურ-ფილოსოფიურ-მეტაფიზიკური სტატიის ზერელე მიმოხილვა მისივე დასკვნით დავამთავროთ:

„საეჭვო არაა, რომ, ომის საწარმოებლად საჭირო ფონდი რომ გადასახადებისაგან და სესხებისაგან შეედგინათ, ომისათვის საჭირო საგნები მაინც გაძვირდებოდა, მაგრამ არა ამდენად, ყოველ შემთხვევაში ამავე დროს არ გაიზრდებოდა ქალაქის ფულის ნიშნების რაოდენობა, რაც შემდეგ სულ სხვა არხებით შედის ბრუნვაში და ისეთ საგნებზე ქმნის მოთხოვნილებას, რაც ომისათვის საჭირო აღარაა“.

საკრედიტო ბილეთები რომ არ გამოეშვათ, ასკვნის ბატ. ღამბაროვი, ბრუნვაშიც არ აღმოჩნდებოდაო. და ამბობს, თითქოს

Немец так глубокомыслен,
Что провалишься в него!

ვინაა გერმანელი, ჩვენ ფინანსისტთან, ბატ. ღამბაროვთან შედარებით? ნამცეცი, ნამცეცზე პატარა! ვინც უნდა განიხილოს მიმოქცევის სხვა არხები, რომელთა მეშვეობითაც ქალაქის ფულის ნიშნები წარმოშობენ მოთხოვნილებას ომისათვის უცხო საგნებზე იმ დროს, როცა თვით ომი ბალკანეთის ნახევარკუნძულის ქრისტიანთა უბედურებამ, თურქეთის გახრწნამ და ინგლისის მეშურნეობამ კი არ განაპირობა, არამედ საკრედიტო ბილეთების გამოშვებამ და მოიჭარადრის ჯიბეში გადასვლამ.

ბატ. ღამბაროვის სტატიის მეორე ნაწილზე შემდეგ ვილაპარაკებთ. ჭერჭერობით კმარა გაცნობა იმ სიბრძნისა, რითაც პირველი ნაწილია სავსე.

2

თბილისი. 1878 წ. 7 სექტემბერი

მოაზროვნებთან, რომელთაც ფონდის უკმარობის გამო, აზრის გამოსათქმელად მთელი ძალღონის დაძაბვა უხდებათ, ორი უმთავრესი ნაკლი შეიმჩნევა. პირველი იმაში მდგომარეობს,

რომ, ფაქტების განსაზოგადებლად საჭირო სხვადასხვაგვარი ნიმუშების შეგროვებისას, მათ ავიწყდებათ თვითონ ფაქტები და თვითნებურ დასკვნებს აკეთებენ „La forêt leur empêche de voir les arbres“⁶⁷ — როგორც ერთ ფრანგ მწერალს უთქვამს. მეორე კი, ლერმონტოვის სიტყვებით რომ ვთქვათ, „დატყვევებული აზრის გაღიზიანებაა“, რომელიც შეიძლება გამართული ფრაზით იყოს გამოხატული, მაგრამ ეს ფრაზა ვერ გადმოგვცემს აზრს ნათლად და სრულად, როგორც ეს ემართებათ იმ ადამიანებს, რომელთაც აზროვნებისათვის საკმარისი ფონდი გააჩნიათ. ძალდატანებითი აზროვნების დროს ერუდიცია კარგავს დამხმარე ძალის როლს და დაბრკოლებად ხდება. ამგვარ მოაზროვნეებს უჭირთ საკუთარი შეხედულებების მოხაზვა და მუდამ იჭითკენ იხედებიან, რაც სასკოლო რვეულებში ამოუკითხავთ და, თუ საკუთარი გონებით მეცნიერების რომელიმე საკითხის გარკვევას შეეცდებიან, ხალხური გამოთქმისა არ იყოს, „სადღეგრძელოთი იწყებენ და შესანდობრით ამთავრებენ“.

ეს თვისებები განსაკუთრებით მკვეთრად ახასიათებს ბატ. ლამბროვის სტატიის მეორე ნაწილს, სადაც გაურბის რა იაფფასიან ლიბერალიზმს, ე. ი. გაურბის ბრალდებას თბილისის ვაჭართა წრის მიმართ ვაჭრობის ბოროტად გამოყენების საქმეში, იგი დგება პატრიოტულ-კონსერვატორულ თვალსაზრისზე და ამ გზით ცდილობს ბუნებრივი მიზეზებით ახსნას ჩვენი ვაჭრების არაბუნებრივი ოიენები. დაწყნარდეთ იმის რწმენით, რომ სიძვირე ღვთის ნებაა და მას უნდა დავემორჩილოთ, სრულებით არ ნიშნავს იყო კონსერვატორი, ღრმა მოაზროვნე ეკონომისტი და რელიგიური თანატოლი. ჩვენი ქრისტიანული რელიგიის დოგმატების თანახმად, ადამიანი იმისათვისაა დაჯილდოებული ნებისყოფით, რომ ბოროტებას ებრძოლოს, საერთო სიკეთისათვის იზრუნოს და საკუთარი ზნეობრივი მოთხოვნელებები დაიკმაყოფილოს. ექსპლოატატორთაღმი მხარდაჭერა შესაძლებელია მხოლოდ იმ ინტერესთაღმი სოლიდარობის შემთხვევაში, რომლებიც იძულებულს გხდიან მცდარი ეკონომიური შეხედულებები გაავრცელოთ... მაგრამ მე მაინც ვფიქრობ, რომ ბატ. ლამბროვის გატაცების მიზეზი არც ერთი იყო, არც მეორე და არც მესამე. მას უბრალოდ ცოდნით თავის გამოჩენა უნდოდა და ბრწყინვალედაც შეძლო!

„სამწუხაროდ, — ამბობს იგი, — სასოფლო-სამეურნეო სტატისტიკა ჩვენში მხოლოდ ახლა იდგამს ფეხს და სწორედ მისი ამ უსუსურობის შედეგია ის უცნაური პროექტები, რომელთაც ჩვენი პრესა შარშან და წელს საქონლის გაიაფების მიზნით გვთავაზობს.

პროექტის შემდგენლები ძირითადად შემსყიდველებს ადანაშაულებენ და ყველა ისარი შემსყიდველების წინააღმდეგაა მიმართული... მაპატიონ, მაგრამ ამ საკითხში მე მათ არ ვეთანხმები.

— ამ ბოლო დროის სიძვირეს საერთო არაფერი აქვს შემსყიდველების მიერ მდგომარეობის ბოროტად გამოყენებასთან. სიძვირე მხოლოდ ომმა გამოიწვია. მე ვამტყიცებ: შემსყიდველები რომ არა, პროდუქტები, ქალაქში კიდევ უფრო ძვირი იქნებოდა, შემსყიდველები ხელს უწყობენ პროდუქტების გაიაფებას. ომის დროსაც ისინი იმასვე აკეთებდნენ, რასაც ყოველთვის: პროდუქტებს მაშინ ყიდულობდნენ, როცა იაფი იყო და ნაკლები მოთხოვნილება ჰქონდა. წლების მანძილზე, როცა მოხმარება ნაკლები იყო, ზრდიდნენ მოთხოვნილებას, მნიშვნელოვნად ზრდიდნენ პროდუქტების ფასს და ამით სარგებლობა მოჰქონდათ მწარმოებელთათვის.

„შესყიდული პროდუქტი შემსყიდველს მანამდე არ გამოაქვს ბაზარზე, სანამ არ გაძვირდება.“

„ხოლო, როცა სიძვირე ჩამოვარდება პროდუქტი ბაზარზე გამოაქვს და მათი მიწოდების გაზრდით ხელს უწყობს მათ გაიაფებას. ისინი მწარმოებლებს უწევენ სამსახურს, მათ კი — მყიდველები, თუმცა ორივე შემთხვევაში თვითონვე მდიდრდებიან“.

დაუპირისპირეთ ერთმანეთს აზრები, რომლებიც ნათლადაა გამოთქმული მოყვანილ ნაწყვეტებში:

ა) ამ ბოლო დროს ჩამოვარდნილ სიძვირეს არავითარი კავშირი არა აქვს შემსყიდველების მიერ მდგომარეობის ბოროტად გამოყენებასთან. სიძვირე ომმა გამოიწვია და, ამიტომ, საქონლის გაძვირება მხოლოდ ომის ბრალია.

ბ) მთელი ამ ხნის განმავლობაში შემსყიდველები იმასვე აკეთებენ, რასაც ყოველთვის: პროდუქტებს მხოლოდ მაშინ ყიდულობდნენ, როცა იაფი იყო და ნაკლები მოთხოვნილება ჰქონდა, რითაც ზრდიდნენ პროდუქტების ფასს და ამით მნიშვნელოვანი სარგებლობა მოქონდათ მწარმოებელთათვის, ე. ი. ომს არაფერი შეუცვლია. როგორც ამას თვით ბატ. ლამბაროვი გვიმწმობს, შემსყიდველები ხელოვნურად ქმნიდნენ მოთხოვნილებას, ზრდიდნენ ფასებს. რა ლოგიკური პროცესის მეშვეობით მიდის იგი იმ დასკვნამდე, რომ თუ არა შემსყიდველები, პროდუქტები კიდევ უფრო ძვირი იქნებოდა, რომ ისინი ხელს უწყობენ მათ გაიაფებას. აი, რას ნიშნავს თავში ხელოვნურად შექრილი აზრების გაღიზიან-

ნება: აზრი ავტორს არ ემორჩილება და ისეთ ფორმას იღებს, რომელიც მისსავე დებულებას უარყოფს.

ქვევით კიდევ უარესია:

შემსყიდველი შესყიდულ პროდუქტს მანამდე ინახავს, სანამ არ გაძვირდება. ხოლო როცა გაძვირდება, შენახული პროდუქტი ბაზარზე გამოაქვს და დამატებითი პროდუქტების შემოზიდვით ხელს უწყობს ფასების შემცირებას.

ვისაც პოლიტიკური ეკონომია უსწავლია, კარგად იცის, რომ ეს ორი დებულება ყველა სასკოლო რვეულშია ჩაწერილი, მაგრამ სხვადასხვა გვერდზე და სულ სხვადასხვაგვარ პირობებთან დაკავშირებით. ჩვენმა სწავლულმა ეკონომისტმა კი ისინი უშუალოდ შეაერთა, რაც ხშირად მოსდით იმ მოწაფეებს, რომელთაც ტრიგონომეტრიული ფორმულის ამოწერა სურთ, მაგრამ ნიშნების აზრი არ ესმით...

პროდუქტების ბითუმად შესყიდვა და მათი ცალ-ცალკე გაყიდვა მეწარმისა და მომხმარებლის შუამავლობის ყველაზე ჩვეულებრივ ხერხს წარმოადგენს. მომხმარებელი ხალისით უხდის შუამავალს ერთგვარ პრემიას სამსახურის გაწვევისათვის. წესიერად მიმდინარეობს თუ არა ვაჭრობა — განისაზღვრება ამ პრემიის რაოდენობით, რაც კანონმდებლობაში განსაზღვრული არაა და პრაქტიკულად მას მხოლოდ კონკურენცია განაპირობებს, რაზედაც სიტყვას არ ძრავს ბატ. ღამბაროვი. თუ რომ კონკურენცია არ არსებობს, ხოლო შემსყიდველი კი, დადებული შეთანხმების თანახმად, ყიდულობს პროდუქტებს და ინახავს მანამდე, სანამ არ გაძვირდება, მაშინ შემსყიდველი შუამავლობას კი არ ეწევა, არამედ მონოპოლისტი ხდება, რაც, ეკონომისტების აზრით, ბოროტებაა და კანონით იღვენება. მიზეზი გასაგებია: შემსყიდველი ბაზარზე პროდუქტების რაოდენობას ამცირებს და ხელოვნურად ზრდის ფასებს. და თუ, ბატ. ღამბაროვის თეორიის მიხედვით, შესყიდვისას ფასების აწევით იგი მეწარმეობის სასარგებლოდ მოქმედებს, თითქოსდა საწარმოო ძალთა განვითარების ხელისშეწყობით, მაშინ, მეორედ პროდუქტის ფასის აწვევისას, ბაზარზე მისი რაოდენობის შემცირებით, შემსყიდველი, რა თქმა უნდა, მხოლოდ საკუთარი ინტერესებისათვის იღწვის, მყიდველის კეთილდღეობის საზიანოდ. იგი გაიაფებისათვის არ ზრუნავს, რადგან პროდუქტი მის ხელშია და მხოლოდ იმდენი გამოაქვს ბაზარზე, რამდენიც ბაზრის ფასს ვერ დაწევს...

თბილისში საქონლის სიძვირის შესახებ დაწერილ სტატიებში,

რომელიც ჩვენს გაზეთში დაიბეჭდა, ჩვენ მივუთითეთ იმ ბოროტებაზე. რომელიც ვაქრობაში არსებობს, შემსყიდველთა მუდმივი პირის შეეკრის გამო, რის შედეგადაც ნებისმიერად ადგენენ ფასებს. და იმის გამო, რომ არ არსებობს არავითარი კონკურენცია, რაც ამ ვაქრობის რეგულირებას მოახდენდა. ამ დებულების უარყოფა მხოლოდ იმ შემთხვევაში შეიძლება, თუ ვინმე დაამტკიცებს, რომ თბილისში კონკურენცია არსებობს, ხოლო გაფიცვა კი — არა. ვთქვათ, ჩვენი აზრი შორს არ მიდის: ჩვენ სიამოვნებით ვიტყვით მასზე უარს შორსმჭვრეტელ ეკონომისტებს რომ მისი მცდარობა დაემტკიცებინათ. ანდა საწინააღმდეგო ფაქტები წამოეყენებინათ. მაგრამ როგორ უნდა ირწმუნო მათი უცოდველობა, როცა ამგვარ აზრებს გამოთქვამენ:

„შემსყიდველები მწარმოებლებს სამსახურს უწყევნენ შესყიდვის დროს, ხოლო მყიდველებს— გაყიდვის დროს, თუმცა ორივე შემთხვევაში თვითონვე მდიდრდებიან“.

ასე რომ, ბატ. ღამბაროვისათვის პლიუსი და მინუსი ერთი და იგივეა. ჯობია მისივე სიტყვებით ვთქვათ:

— შემსყიდველი, მოთხოვნილების გაზრდით ზრდის პროდუქტების ფასს მწარმოებელთა სასარგებლოდ, ე. ი. იხდის იმაზე მეტს, რაც ღირს, ანუ ხარჯავს ზედმეტ ფულს, უბრალოდ რომ ვთქვათ— ზარალობს. ახლა ვიკითხოთ, როგორ ამდიდრებს მას წაგება?

სულ სხვაა, როცა იგი ხელოვნურად ზრდის ფასებს და გაცილებით მეტს ღებულობს პროდუქტებში, ვიდრე გადაიხდა. ამ შემთხვევაში, ცხადია, დიდ ხეირს ნახულობს და მდიდრდება.

ბატ. ღამბაროვი კი გვარწმუნებს: შემსყიდველი მაშინაც მდიდრდება, როცა ყიდულობს და მაშინაც, როცა ყიდის... არა, ღმერთმა დაგვიფაროს ამგვარი მეცნიერული აბდაუბლისაგან.

ასე ამთავრებს ბატ. ღამბაროვი შემსყიდველთა დაცვას და განსაზღვრავს იმ სარგებლიანობას, რაც მათ მწარმოებელთათვის ფასების ზრდით და მყიდველთათვის ფასების შემცირებით მოაქვთ. ეს აზრი რომ ნათლად და ლოგიკურად განვითარებულიყო, შეიძლება მკითხველს არ მოჩვენებოდა ისე უაზრო, როგორიც ბატ. ღამბაროვის კალამმა შექმნა. მაშინ არ შეიქმნებოდა სტატიის ბოლოში კონტრასტი, სადაც ბატ. ღამბაროვი თავს ესხმის შემსყიდველებს მავნებლობისათვის და იმეორებს იმასვე, რასაც ამბობდნენ „იმ უცნაურ პროექტებში“, რომელთაც შარშან და წელს გვთავაზობენ პროდუქტების გაიაფების უზრუნველსაყოფად. სტატიის დასაწყისში იგი აცხადებს, რომ სრულიად არ იზიარებს მათ აზრს,

ვინც ფასების ზრდას შემსყიდველებს აბრალებს და ამავე დროს აი, რას წერს:

„რა თქმა უნდა, ჯობდა, რომ მომხმარებელსა და მწარმოებელს შორის უშუალო კავშირი არსებობდეს და არავითარი საკომისიო თანხის გადახდა არ იყოს საჭირო. მაგრამ უბედურება ისაა, რომ პირველს ხშირად უჭირს, ხოლო მეორეს ყოველთვის არა აქვს დრო გასასყიდად. მე ვეთანხმები იმ აზრს, რომ უმეტეს შემთხვევაში შემსყიდველებს პირადი სარგებლიანობის მეტი არაფერი აინტერესებთ, მათი ფიქრები მხოლოდ იქითკენაა მიმართული, თუ როგორ მოატყუონ მყიდველიც და გამყიდველიც. ცხადია. ისიც, რომ შემსყიდველს გამოძალვა უყვარს და ხშირად ამგვარი სიყვარული ტყუილში და თაღლითობაში გადადის. როგორც პირველ. ისე მეორე შემთხვევაში, შეიძლება კანონის გამოყენება და მათი დასჯა. თუმცა შესყიდვა და გადაყიდვა — ჯერ კიდევ არ წარმოადგენს უბედურებას. მართალია, მასში, როგორც ბევრ სხვა რამეში. მოსალოდნელია ბოროტმოქმედება, მაგრამ ყველა ზომა. რომელთაც მათ აღსაკვეთად იყენებენ, კიდევ უფრო მეტ ბოროტებას იწვევს. ამიტომ, ჯობია, ნაკლები ბოროტება ავირჩიოთ“.

ჩვენ არ ვიზიარებთ ბატ. ღამბაროვის პესიმიზმს, რომელსაც იგი მოჰყავს შემსყიდველთაღმი „ზემოთმინებამდე“, თუმცა გამოძალვისაღმი სიყვარული მათში ხშირად თაღლითობაში გადადის. ვაჭრებისათვის ყველგან არსებობს სადამსჯელო ღონისძიებები. მაგრამ ყველას როდი აქვს დრო და საშუალება სასამართლოში უჩივლოს მათ მითვისებული ყოველი კაპიკისათვის. ჩვენ წარმოდგენა არა გვაქვს, რა მფარველობით ზომებზე ლაპარაკობს ბატ. ღამბაროვი, მაგრამ ერთი რამ ჩვენთვის ცხადია: ევროპაში ბევრი გამაფრთხილებელი ზომა არსებობს, რაც დიდად უშლის ხელს ფასების ხელოვნურად ზრდას და გამყიდველებისაგან მყიდველის ექსპლოატაციას.

ამის გამო ჩვენ ვფიქრობთ, რომ ბრძოლა იმ ბოროტების წინააღმდეგ, რასაც შემსყიდველების მიერ მდგომარეობის ბოროტად გამოყენება იწვევს, უიმედო არაა და განზე გადგომა იმის შიშით, რომ უფრო ცუდ დღეში ჩავცვივდებით. მოკლებულია ყოველგვარ გონივრულ საფუძველს. იმ პროექტებს შორის, რომელთაც ბატ. ღამბაროვი უცნაურს არქმევს, რამდენადაც ჩვენ გვახსოვს, არ არსებობს არც ერთი, რომელიც შემსყიდველთა მოსპობას მოითხოვდეს, რაც ვაჭრობის შეჩერებას ნიშნავს; მათ ავტორებს სურდათ რაიმე ზღვარი დაედოთ შემსყიდველების მიერ მდგომარეობის ბოროტად გამო-

ყენებისათვის, რამაც აუტანელი მონობოლია შექმნა პროდუქტებზე ერთი და იგივე ფასების დაწესებით. თვითონ ბატ. ღამბაროვი ამბობს:

„შემსყიდველები ხშირად პირს კრავენ და გაფიცვებს აწყობენ. ეს, რა თქმა უნდა, მაგნებელია, მის წინააღმდეგ ბრძოლა მხოლოდ კონკურენციით შეიძლება და არა შესყიდვისა და გადაყიდვის აკრძალვით“.

ამგვარად, იგიც იმასვე ამბობს, რასაც ჩვენ. განსხვავება მხოლოდ ისაა, რომ ბატ. ღამბაროვი არ გვიხსნის, როგორ განვაფითაროთ კონკურენცია თბილისში, არსებული გაფიცვების პირობებში, რასაც უცნაური პროექტები მოითხოვენ, და აკეთებს სწორ დასკვნას, რომ არ შეიძლება აიკრძალოს შესყიდვა და გადაყიდვა, ე. ი. ვაჭრობის წარმოება. აქ ჩვენ მას ვეთანხმებით.

თუმცა ბატ. ღამბაროვი დროზე ვერ შეჩერდა და დასკვნით ნაწილშიც ყალბი აკორდი აიღო.

„ჩვენ შემსყიდველებს კი არ უნდა ვებრძოდეთ, არამედ საკუთარ უმეცრებასა და უტოდინარობას. ჩვენ რომ კარგად ვიცოდეთ ჩვენი ქვეყნის ეკონომიური პირობები, მათ შესწავლაზე რომ შრომა დაგვეხარჯა, მაშინ ჩვენ მშვიდად ვიდგებოდით თავისუფალი ვაჭრობის საფუძველზე და იმდენად შევებრძოდებოდით სიძვირეს, რამდენადაც შესაძლებელია ამგვარ სტიქიურ მოვლენასთან ბრძოლა“.

ახსნით ამას მაგალითით: ჩვენ ვიცით, რომ კასპში გირვანქა ყურძენი 5 კაპ. ღირს, ხოლო თბილისში — 12 კაპ. და ჩვენ მაინც იძულებული ვართ გადავიხადოთ სხვაობა, რადგან არცერთი ვაჭარი არ გაყიდის უფრო იაფად. რას დაგვხმარება ამ ამბავში ცოდნა? უკეთესია უმეცარნი დავრჩეთ და ვფიქრობდეთ, მოუსავლიანი წელი იყო და შემსყიდველები ყურძნის გაიაფებაში დიდ სამსახურს გვიწვევენ როგორც მყიდველებს, ასევე მწარმოებლებს. რას ცვლის ის ამბავი, ვიცით თუ არა ჩვენ რა ღირს ყურძენი ელისაბედპოლში. ან დერბენტში, თბილისელი ვაჭრები ხომ ამას არავითარ ყურადღებას არ აქცევენ და ორმაგ ფასს გვახდევინებენ. ამიტომ ჩვენ ვფიქრობთ, რომ მარტო ცოდნა არ კმარა: საჭიროა ცოდნის მეშვეობით ვიპოვოთ და გამოვაგლინოთ ისეთი საშუალებები, რომლებიც ფასების შემცირებაში დაგვეხმარება, ხოლო შემდეგ მივიღოთ ზომები ფასების ხელოვნურად გაზრდის წინააღმდეგ, რაც ვაჭრების გამოძალვისადმი სიყვარულით ხდება და ტყუილსა და თაღლითობას

41. ქუთაისის გუბერნიის სახალხო სკოლები

თბილისი, 1878 წ. 8 სექტემბერი

ამას წინათ დაგპირდით⁶⁹ მეჩვენებინა თქვენთვის ის მიზეზები, რის გამოც ჩვენს გლეხებს სკოლაზე გული აუცრუვდათ. როგორც მოგახსენეთ, სახალხო სკოლების ადგილობრივი ხელმძღვანელები სკოლების დაცარიელებასა და მათდამი გლეხობის გულაცრუების მიზეზად ავის მზრახველ ადამიანებს ასახელებენ, რომლებიც თითქოს სკოლებზე ცუდ ხმებს ავრცელებენ. მეორე მიზეზად ის მიაჩნიათ, რომ გლეხებს არ ესმით სწავლის სარგებლიანობა და, ბოლოს, ისინი ღატაკნი არიან. ეს უკანასკნელი მიზეზი აშკარადაა წარმოდგენილი კავკასიის სასწავლო ოლქის ყოფილი მზარუნველის ანგარიშშიც. ჩვენი გლეხები, რომ მდიდრები არ არიან, ეს, რა თქმა უნდა, უდავოა. მაგრამ სრულიად მცდარია აზრი, თითქოს გლეხებს აშინებთ იმ ბავშვების ჯარში წაყვანა, რომელთაც სკოლაში შეიკვანენ. მცდარია აგრეთვე აზრი, თითქოს ჩვენი გლეხები ძუნწობენ სკოლის მოწყობასა და შენახვაზე ისევე, როგორც მცდარია ის აზრი. თითქოს მათ ვერ შეუგნიათ სწავლის სარგებლიანობა და ინდიფერენტულად არიან განწყობილი სკოლისადმი.

მილიციელთა შარშანდელმა არჩევნებმა, რომელთა შორის მობალისენი გაცილებით მეტი იყვნენ, ვიდრე „გაწვეულნი“, ცხადყო, რომ ჩვენს გლეხებს სამხედრო სამსახური არც ისე აშინებთ, როგორც ზოგიერთს გონია... უფრო მეტად მათ ძძიმე გადასახადების მამასახლისთა და მოხელეების უსამართლობის ეშინიათ, რასაც ამგვარი არჩევნები ჩვეულებრივ დიდ გასაქანს აძლევს...

მოხერხებულ და კომფორტულ კაბინეტში ადვილია გლეხებზე ამგვარ ცილისწამებათა მოფიქრება. მაგრამ თუ ამ საქმეს ახლო გავეცნობით გაგიკვირდებათ კიდევ, თუ რა ხალისით აბარებენ გლეხები ბავშვებს სკოლაში. ამ საქმისათვის არაფერს არ ზოგავენ. ამის დასამტკიცებლად მარტო სკოლის შენობებიც კმარა, რაც თითოეული მაზრის გლეხობას დაუჯდა არა ნაკლებ 40.000 მანეთისა. 1876 წ. ადგილობრივმა ხელისუფლებამ შორაპნის მაზრის.

ზოგიერთ საზოგადოებას განუცხადა: თუ მიწას შეიძენთ და შენობას ააგებთ. ორკლასიან ნორმალურ სკოლას გაგიხსნიეთ. საზოგადოებამ მაშინვე მოაგროვა 4.000 მანეთი ვერცხლით და მშენებლობაზე მუშაობა და საშენი მასალის მიზიდვა იტვირთა. ერთი წლის შენდება შენობა მზად იყო. თუ ყველაფერს ფულზე გადავიყვანთ, ეს შენობა გლეხებს 10.000 მანეთი დაუჯდათ ვერცხლით. სწავლა 8 ნოემბერს დაიწყო და 7 დღეში სკოლაში 60 ბავშვი მოვიდა, მაგრამ უადგილობის გამო ზოგიერთს აქამდე ეუბნებიან უარს მიღებაზე. ამის შემდეგ განა შეცდომა არაა სკოლისადმი გლეხების სიძუნწეზე ლაპარაკი? თუმცა ჩვენი გლეხი მართლაც ღარიბია, მაგრამ ყოველივე ეს იმას ამტკიცებს, რომ ისინი არაფერს არ იშურებენ თავიანთი ბავშვების გასანათლებლად.

არის შორაპნის მაზრაში სკოლები, რომლებიც დადგენილების გარეშეა გახსნილი და ამ სკოლების მასწავლებლები ჯამაგირს იღებენ პოლიციის დახმარების გარეშე. ამ სკოლებში თითოეული ბავშვი სწავლის ქირად 10-15 მანეთს იხდის. გლეხებს ბავშვები გამოკყავთ იმ სახალხო სკოლებიდან, სადაც სწავლა უფასოა, და სამრევლო სკოლებში აბარებენ.

თუ უსაფუძვლო აზრთა უარსაყოფად მოყვანილი ფაქტები არ კმარა, მაშინ მათ ავტორებს ჩვენ ასეთ რჩევას მივცემთ: გაჩერდნენ 25 აგვისტოდან 1 სექტემბრამდე ქუთაისის სასწავლებლის კარებთან, სადაც, თავადაზნაურთა და სასულიერო წრეების წარმომადგენლებთან ერთად. დაინახავენ ბევრ გლეხს, რომლებიც ცრემლმორეული ევედრებიან უფროსებს მიიღონ მათი ბავშვები სასწავლებელში. მაგრამ მათ მუდამ ერთი და იგივე საბედისწერო სიტყვები ესმით: „თავისუფალი ადგილი არაა“. ამ სტრიქონების ავტორი თვითონ იყო ამგვარი ამბის მოწმე: ერთხელ რამდენიმე ბავშვმა, რომელთაც უარი უთხრეს სასწავლებელში მიღებაზე, დიდი ხნის ტირილის შემდეგ განაცხადეს რიონში დაეიხრჩობთ თავს და სახლში არ დავბრუნდებითო. საკვირველია, მაგრამ მათი თხოვნა ყურად იღეს და ბავშვები გადარჩნენ. ამის შემდეგ განა ცოდვას არ სჩადიან ისინი, ვინც გლეხებს ცილს სწამებენ, თითქოს სწავლის სარგებლიანობა არ ესმით და თითქოს ეშინიათ ხმების, რომელთაც ავისმზარახველნი ავრცელებენ?

ყველაფერი, რაც ჩვენ ვთქვით, ნათლად ადასტურებს, რომ როგორც მოქალაქე, ასევე გლეხი დიდად მოწადინებული არიან განათლება მისცენ თავიანთ ბავშვებს, თითოეული სახალხო სკოლა გახსნისთანავე მოსწავლეებითაა გაჭედილი, მაგრამ რამდენიმე ხნის

შემდეგ ცარიელდება. თუმცა ეს არ ხდება იმ სკოლებში, სადაც მომზადებული მასწავლებელია... ახლა ვიკითხოთ, რაა ამ სამწუხარო მოვლენის მიზეზი?

ჩვენის აზრით, ძირითადი და უმთავრესი მიზეზი სასწავლო პროგრამაა. პროგრამამ, რომელსაც მასწავლებლები იყენებენ, ჩვენი სკოლებისათვის არ ვარგა. ამ პროგრამის წყალობით ბევრი გლეხის ბავშვი ჩლუნგდება, რადგან მათ გონებას შეუფერებელ საკვებს აწვდიან... ამის გამო, სკოლა მალე სძულდებათ და მშობლებთან გარბიან. თუ კი უვარგისი საკვები ადამიანის ჯანმრთელობას არღვევს, მაშინ რაღას უნდა ველოდეთ უვარგისი გონებრივი საკვებისაგან?... საჭიროა ეს საკითხი ყურადღებით, მიუკერძოებლად და აკვიატებული იდეების გარეშე განიხილოს ყველა დირექტორმა და მასწავლებელმა.

მეორე მიზეზი მასწავლებელთა მოუმზადებლობაა.

მესამე — სახალხო სკოლების გახსნა მოუხერხებელ, მოშორებულ ადგილას.

მეოთხე კი ისაა, რომ გლეხები სწავლების ვერავითარ ნაყოფს ვერ ხედავენ და განათლების საქმე მათთვის ბნელითაა მოცული. ხშირად მასწავლებლები ცნობისმოყვარე გლეხებს მათ მოწმობებზე დარტყმულ სხვადასხვა ფერის ბეჭდებს უჩვენებენ, მაგრამ გლეხებს ამ ბეჭდისა არაფერი ესმით*.

სახალხო სკოლებს კიდევ ბევრი მიზეზი აბრკოლებს, მაგრამ ყველა მიზეზზე ლაპარაკი ჯერ კიდევ ადრეა. ისიც, რაც უკვე ვთქვით, სრულიად საკმარისია შემდეგი დასკვნების გამოსატანად:

1. აუცილებელია არსებული პროგრამის შეცვლა და სახალხო განათლების წარმართვა ადგილობრივი პირობების, მოთხოვნების და, რაც მთავარია, სალი აზრის შესაბამისად.

2. თუ არ გვეყოლა მომზადებული მასწავლებლები, მარტო სკოლის შენობები ხალხს განათლებას ვერ მოუტანს.

3. ძალადობა კარგი არსად არაა, მაგრამ საგანმანათლებლო საქ-

* შემოწმებისას დირექტორი მასწავლებლებს ართმევს მათ მოწმობებს. რომელთაც, რევიზიის დამთავრებისას, ლუქის ბეჭდებს ასვამს. ლუქის ფერი უჩვენებს შემოწმების შედეგს. წითელი ფერი ნიშნავს — სწავლება კარგად მიდის (განსაკუთრებით რუსულად), მწვანე — სწავლება ღუნედ მიდის, შავი — სწავლება ცუდად მიდის. წლის ბოლოს ამ ბეჭდების მიხედვით ხდება ანგარიშგება. რამოდენიმე დღის წინ შემთხვევით ვნახეთ სახალხო მასწავლებელთა ყველა მოწმობა და ლუქის ბეჭდების ფერებს თუ დავაკვირდებით, განათლების საქმე ჩვენთან ჰრელადა.

მეში სრულიად არ ვარგა. გლეხების ბავშვები სკოლამ თავისი წარმატებით უნდა მიიზიდოს და არა მათრახითა და ბოქაულის დახმარებით მირეკოს სკოლაში. ნათქვამია: „ძალდატანებით მიმზიდველი ვერ გახდება“.

4. გლეხებს სრული უფლება აქვთ იჩიელონ და სკოლების დახურვა მოითხოვონ, რადგან წლების განმავლობაში ბევრი ფული დახარჯეს მათ მშენებლობაზე და ვერც-ერთ წერა-კითხვის მცოდნე ბავშვს ვერ ხედავენ.

5. ისეთი მნიშვნელოვანი საკითხი, როგორც სკოლების საკითხია, მუდამ ყოველმხრივ უნდა განიხილებოდეს და საკითხის გადაწყვეტისას უნდა მოიწვიონ ის ადამიანები, რომელთაც ესმით გლეხების მდგომარეობა და იციან, რა სჭირდებათ მათ.

6. ყოველთვის, როცა პრესაში რაიმე ნაკლებ უთითებენ, საჭიროა განვიხილოთ ის და სწრაფად აღმოვფხვრათ დადასტურებული ნაკლოვანებანი.

42. რუსული ნაკეთობა უცხოური ალომბით

თბილისი, 1878 წ. 12 სექტემბერი

სახარებაში გამოთქმული ჰეშმარიტება — ძნელია წინასწარ-მეტყველი იყო საკუთარ ქვეყანაში — არსად არ პოულობს ისეთ ფართო და საყოველთაო გავრცელებას და გამოყენებას, როგორც ჩვენთან, რუსეთში. რუსი ადამიანის ყოველი აზრი, ყოველი შრომა გაწეული მეცნიერული ან პატრიოტული მიზნით, უცხოეთის სან-ქციაზეა დამოკიდებული; მათ არა თუ ყურადღებას არ აქცევენ, არა-ბედ ეშინიათ კიდევ წამოცდეთ, რომ ამ საქმეს ჩვენში ესა და ეს მოქალაქე, ან სწავლულთა ესა და ეს საზოგადოება ეწეოდა. ევრო-პაში იოლია სახელის მოხვეჭა და სწავლულ მოღვაწეთა შორის მოხვედრა. პრესა და მეცნიერების ყოველი მუშაკი თავის მოვალე-ობად თვლის წაახალისოს ახლად გამოჩენილი მოღვაწე, გამოაქვეყ-ნოს მისი შრომები, მიუთითოს შეცდომებზე და ღირსებებზე. ჩვენს პრესაში და ცხოვრებაში არსებობს თავისებური პრინციპი, რომელ-საც განსაკუთრებით ფართო გამოყენება ჰქონდა ძველი დროის პოლი-ციის მოხელეთა საქმიანობაში თავის ცნობისმოყვარე და დაწინა-ურებულ თანამოქალაქეთა მიმართ, რაც გამოიხატებოდა ასეთი უბ-რალო კითხვით: „სად მიძვრები?“. და ამას მოჰყვებოდა მკაცრი შეგონება. პრესაში და ლიტერატურაში ყველა ხელს იკვრევენება: ისიც, ვინც საქმეში ერკვევა და ისიც, ვინც ვერ ერკვევა, მაგრამ ხელს გკრავს იმ პრინციპით, რომ არ შეუძლია არ გკრას, ანდა არ იკითხოს — სად მიძვრები? მაგრამ კიდევ უფრო მანებელია ჩვენი პრესის მიერ იმ ადამიანების სრული, შეგნებული იგნორირება, რომლებსაც სამშობლოს კეთილდღეობისათვის სურთ მოღვაწეობა და საზოგადოებრივ დაწესებულებათა განვითარების მიზნით სხვადასხვა საკითხებს აყენებენ; განზრახ იგნორირება ყველაფრისა, რაც რუ-სეთში კეთდება და ქედის მოდრეკა უცხო სახელების წინაშე. ჩვენ არ გვესმის თვითდამცირების ამგვარი მოთხოვნილება, მაგრამ ასეთ მოვლენას ვთვლით არა მარტო საკუთარი თავისადმი უპატივცემუ-ლობად, არამედ მთელი იმ ხალხისა, რომელსაც ვეკუთვნით. დაუშ-

ვებელია, 85 მილიონიან ხალხში არ გაიღვიძოს იმის შეგნებამ, რომ საკიროა ქვეყნისათვის ზრუნვა, არ აღმოჩნდნენ ისეთი ადამიანები, რომლებიც მთელ თავიანთ საუკეთესო ძალებს ქვეყნის საკიროების შესწავლასა და მათი დასაკმაყოფილებელი საშუალებების ძიებას მოახმარენ. მაგრამ ჩვენში, განსაკუთრებით კი დედაქალაქის პრესაში, სწორედ ეს არ მოხდება. გრიბოდოვის მიერ სასაცილოდ აგდებული რწმენა, თითქოს გერმანელების გარეშე ჩვენთვის ხსნა არ არსებობს, დღემდე ურყევი დოგმატია, რომელიც ძალზე შეუტრაცხოფს ჩვენი ხალხის თავმოყვარეობას და უაღრესად მცდარია.

ეს აზრი ჩვენ მხოლოდ მაშინ დაგვებადა, როცა გაზეთ „ტელეგრაფში“⁴⁸ წავიკითხეთ სტატია, შუა აზიის რკინიგზის აშენების დიდი მნიშვნელობის შესახებ.

ჩვენ, ამბობს ზემოთ დასახელებული გაზეთი, არც ერთი შემთხვევა არ გავიშვია ხელიდან, რომ მკითხველისათვის არ შეგვეხსენებინა ამ პროექტის შესახებ. მკითხველი უკვე იცნობს ლესეპსის კომპანიონის, ინჟინერ კოტარის მიერ შუა აზიის რკინიგზის საკითხისადმი მიძღვნილ პარიზის კონგრესზე წაკითხულ მოხსენებას. კოტარმა გზის ორ მიმართულებაზე მიუთითა: ერთი ინგლისური, — ეფრატის ველისა და სპარსეთის გავლით, მეორე ლესეპსისა, — ორენბურგიდან პეშავერამდე.

„ტელეგრაფს“, რომ მართლაც არ გაეშვა ხელიდან შემთხვევა და ყოველთვის შეეხსენებინა მკითხველისათვის ამ გზის შესახებ, მაშინ ბუნებრივი იქნებოდა ისიც განემარტა, რომ კოტარისა და ლესეპსის პროექტები არაა პირველი ორიგინალური ნაშრომი. სახელგანთქმული მეწარმის ლესეპსის სახელი მიაწერეს იმ ნაშრომს, რომელიც საფუძვლიანად დაამუშავა ჩვენმა, ამიერკავკასიის ტექნიკური საზოგადოების განყოფილებამ, განსაკუთრებით კი პეტერბურგის ვაჭრობისა და მრეწველობის ხელშემწყობმა საზოგადოებამ, რომელმაც ცალკე კომისია გამოყო და კომისიამ ამ საკითხის კვლევას მთელი წელი მონადრომა. კომისიის შემადგენლობაში იყვნენ შუა აზიის ისეთი მცოდნეები, როგორებიცაა: ვენიუკოვი, მავეი. ბუშინი, პროცენკო, კაულბარსი, პავლინოვი, ბეზნოსიკოვი და სხვები, სულ 39 კაცი, რომელთაგან თითოეული ძირფესვიანად და პრაქტიკულად იცნობდა ქვეყნის იმ ნაწილს, რომელზედაც რკინიგზა უნდა გაყვანილიყო. ჩვენმა პრესამ ამ შრომას ყურადღება არ მიაქცია და ზერელედ შეეხო მხოლოდ იმ ძიებებს, რომელიც გენერალმა ბეზნოსიკოვმა მაშინ ჩაატარა სახელმწიფო ხარჯზე, როცა კოტარს ფიქრადაც არ მოსვლია ლესეპსის მოწვევა, რათა მისი დრო-

შის ქვეშ შეეყარა თავყვანისმცემელთა ლეგიონი რუსეთში და მიე-
ლო კონვენცია რუსულ რკინიგზათა შორის ყველაზე ეროვნული
რკინიგზის მშენებლობაზე. კოტარის ერთ-ერთი წარმომადგენელი
პეტერბურგში, ინჟინერი იანიცკი, სარგებლობდა რუსი ადამიანე-
ბის მთელი შრომებით და ამიტომ სახელგანთქმული Central asiatiq-
ue, ე. ი. კოტარის მოხსენება გეოგრაფთა პარიზის კონგრეს-
ზე რუსების გამოკვლევებიდან ნასესხებია ჩვეულებრივი კონ-
ცესიური გზით და არც ორიგინალურ აზრს შეიცავს და არც ორი-
გინალური ნაშრომია. მიუხედავად ამისა, „ტელეგრაფი“ მოხიბლუ-
ლია ლესეპსისა და კოტარის დიდი ნაშრომით, რაც სინამდვილეში
სხვისი შრომების უბადრუკი კომპილაციაა, და საქმეს ასე განმარ-
ტავს:

მომხსენებლის გამოანგარიშებით, ამ გზის მშენებლობა, თუ მას
რვა წლის პროცენტსაც დავუმატებთ, დაახლოებით ერთი მილიარ-
დი ფრანკი დაჯდება. ასეთი დიდი თანხის გაგონებაზე, რომლის და-
ფარვა ძნელია და თან მხედველობაში თუ მივიღებთ, რომ არსებობს
საზღვაო გზა ინდოეთისაკენ, სუეცის არხის გავლით, სადაც რო-
გორც მგზავრობა, ასევე ტვირთის გადაზიდვა გაცილებით იაფი
ჯდება, ვიდრე ლესეპსის მიერ დაპროექტებული შუა აზიის რკინი-
გზით. უცხოელებმა, მიუხედავად კოტარის მტკიცებისა, რომ უმ-
რავლესობას ზღვით მგზავრობას ურჩევნია მატარებლით, მაინც
უნდობლად მიიღეს შუა აზიის რკინიგზის პროექტი და მისი გან-
ხორციელება შეუძლებლად მიიჩნიეს. მათ ჩვენი ეკონომისტებიც
შეუერთდნენ და, პანიკური შიშის ზეგავლენით, პროექტის მოწი-
ნააღმდეგეთა მხარეზე გადავიდნენ.

ჩვენ პროტესტს ვაცხადებთ გაზეთ „ტელეგრაფის“ გამოგონე-
ბებისა და ცილისწამების წინააღმდეგ. შეიძლება ჩვენს პრესაში
მართლაც გაიპარა საქმეში გაუთვითცნობიერებელი კაცის ორი-
სამი კორესპონდენცია, მაგრამ ჩვენი სწავლული საზოგადოება და
სერიოზული ადამიანები განუწყვეტლივ ბეჭდავდნენ და ქადაგებ-
დნენ რკინიგზის გაყვანის აუცილებლობას არა დასავლეთისა და
არა აღმოსავლეთისაკენ, არამედ სამხრეთ-აღმოსავლეთისაკენ, ჩვე-
ნი ბუნებრივი ბაზრებისაკენ აზიაში. ისეთი ეკონომისტები, რომ-
ლებიც პანიკური შიშის ზეგავლენით პროექტის მოწინააღმდეგეთა
მხარეზე გადავიდნენ, მაშინ სრულიად არ არსებობდნენ. პანიკური
შიში, რაც მარადმოსაგონარმა კოლინიონმა და რუსეთის რკინიგზე-
ბის საფრანგეთის მთავარმა საზოგადოებამ გამოიწვია, რომელმაც
თითქმის ათჯერ დააბრკოლა რუსეთის რკინიგზების მშენებლობა და

სახელი გაუტეხა მას საზღვარგარეთ, სრულიად ბუნებრივი და ნაცნობი საშიშროებაა. მაგრამ ამგვარი საშიშროება ეხება რუსეთის ექსპლოატაციის ფრანგულ სისტემას, რომელიც წარმოდგენილია კოტარისა და ლესეპსის სახით და არავითარ შემთხვევაში არ ვრცელდება საქმეზე. რომლის აუცილებლობა ყირიმის ომის დროიდან მოყოლებული მრავალჯერ დამტკიცეს და რამაც გამოხატულება ჰპოვა მოსკოველი ვაჭრების მიმართებასა და შუამდგომლობაში. მას შემდეგ რაც ნათლად გამოჩნდა, თუ რა მავნე და შეუფერებელია ფრანგული სისტემა რუსეთის მოთხოვნილებებისა და საჭიროების დასაკმაყოფილებლად, გზის მშენებლობის კონცესიის კოტარისა და ლესეპსისათვის გადაცემა, იმის გამო თითქოს ჩვენ არ გვსურდეს გზის გაყვანა, როგორც ამას „ტელეგრაფი“ ამტკიცებს. ერთი და იგივე არაა. პირიქით, გზის მშენებლობას გაცილებით მეტი წარმატება ექნება, თუ მას გაიყვანენ თვით რუსები, საკუთარი ძალებით და არა უცხო კაპიტალის მოზიდვით, ე. ი. თუ ბატ. ლესეპსს ან კოტარს, ან რომელიმე სხვა უცხოელს, რომელთა წარმომადგენლები ჩვენი პოლიკოვეები და ბლიოხები არიან, სახელმწიფო მისცემს ერთი მილიარდი ფრანკის გარანტიას, რაც მათი ხარჯთაღრიცხვისა და ჩანაფიქრის მიხედვით გზის მშენებლობას დასჭირდება. ასეთი ფინანსიური ოპერაციისათვის სულერთია ვინ იქნება, ლესეპსი თუ კოტარი, კოლინონი თუ პოლიაკოვი, საქმის არსი ამით არ შეიცვლება. სახელმწიფოს გარანტიით მიღებული კაპიტალი, როგორც ეს დაამტკიცა ჩვენმა და სხვა სახელმწიფოების სავალალო გამოცდილებამ, მთლიანად დაიხარჯება. გზის დამთავრება კი მოგვიწევს საექსპლოატაციო ხარჯების მეშვეობით. ყოველივე ეს ცხადადაა დამტკიცებული ფაქტებით და არ იწვევს გაურკვეველ პანიკურ შიშს, რითაც „ტელეგრაფი“ რუს ეკონომისტებს აფრთხობს. „ტელეგრაფის“ სტატიის ავტორის ინდივიდუალობას რომ უცხო ავტორიტეტებისადმი მოწიწება არ ანადგურებდეს და მის აზროვნებას არ ზღუდავდეს, არ ავიწყებდეს ყოველივე იმას, რაც გარს ახვევია, მაშინ იგი ვერ გაბედავდა დაქინებით ექადაგა კოტარისა და ლესეპსის პროექტის მიღება, რომელიც სინამდვილეში პროექტი კი არა, უბრალო კონცესიური თვალთმაქცობაა და რუსეთის კეთილდღეობის ამგვარი მოამაგენი თავის თავს აწერენ იმას, რაც მათზე ადრე რუსებმა გააკეთეს და რაც განმტკიცებულია რუსეთის მთავრობის გამოკვლევებით. რუსეთის კეთილდღეობისათვის უცხოელების ზრუნვის დაწვრილებითი ისტორია საკმაოდ საინტერესოა, და როდესმე ვუამბობთ ჩვენს მკითხველს დაწვრილებით.

43. პოლიტიკური ვითარება

თბილისი, 1878 წ. 13 სექტემბერი

დიპლომატთა აზრითა და მტკიცებით, ბერლინის ტრაქტატმა⁸⁸ არა მარტო რუსეთ-თურქეთის ომს მოუღო ბოლო, არამედ დაამშვიდა ევროპის ყველა სახელმწიფო და განამტკიცა ევროპის ყბადღებული წონასწორობა, რასაც დიდი საფრთხე ელოდა ოტომანთა კონსტიტუციური იმპერიის დამცირების შემთხვევაში. მიუხედავად ამისა, მშვიდობა და მისი კეთილმომქმედი შედეგები ევროპის საზოგადოებრივმა აზრმა მეტად უნდობლად მიიღო. დიპლომატთა მტკიცებამ ვერ დაფარა ის ფაქტი, რომ თუმცა საერთაშორისო არეოპაგიტმა გადაწყვეტილებები მიიღო, მაგრამ მასში მონაწილე ქვეყნებს, არც ერთად და არც ცალ-ცალკე, არ გამოუთქვამთ სურვილი სისრულეში მოეყვანათ ეს გადაწყვეტილებები. გულისამაჩუყებელი ურთიერთშეთანხმების ცენტრში, რასაც დიპლომატებმა და დიპლომატიამ მიაღწია, ამ საერთო კონცერტში შეიქმნა მძაფრი დისონანსი: ინგლისმა, რომელმაც საიდუმლო შეთანხმება დასდო თურქეთთან და, მცირე აზიის პროტექტორატისა და თურქეთის შემდგომი პოლიტიკური არსებობის გარანტიის სანაცვლოდ, კუნძული კვიპროსი მიიღო, შეუნიღბავად დაგვანახა, რომ საკუთარ ინტერესებს მთლიანად გამოყოფს საერთო ევროპული ინტერესებისაგან და არ ეშინია ევროპის წონასწორობის შეერყევისა, რასაც იწვევს სამხრეთ-ევროპული სახელმწიფოების უპირატესობის ჩამოცილება ხმელთაშუა ზღვის აუზიდან, სადაც მას მხოლოდ მომცრო კუნძული მალტა ეკუთვნოდა. ლორდ ბიკონსფილდის ღონისძიებები ეგვიპტის დამოუკიდებლობის ჩასანთქავად, სუეცის არხის აქციების ყიდვისა და ეგვიპტის ფინანსების მართვაზე ინგლისის ადმინისტრაციის დაწესების საშუალებით, რა თქმა უნდა, ჭერ კიდევ არ აძლევდა უფლებას ინგლისს, თავი ფარაონთა ქვეყნის მფლობელად ელიარებინა; არ აძლევდა უფლებას თავი ჩაეთვალა ხმელთაშუა ზღვის აუზში მდებარე სახელმწიფოდ და ბერლინის კონგრესზე წამოეყენებინა ამ ზღვაზე ბატონობის პრეტენზია, დაეყენებინა თავი მთელი ხალხების ცხოვრებასა და კეთილ-

დღეობაზე მალა. მაგრამ ინგლისი მხოლოდ საკუთარი ინტერესებისათვის ზრუნავს. ამიტომ მას არც უფლება სჭირდებოდა და არც ლოგია. მისთვის საჭირო იყო რუსეთის განვითარების შეჩერება და, ისწრაფოდა რა ამ სანუქვარი მიზნისაკენ, ივიწყებდა ყოველგვარ ზნეობრივ ცნებასა და ისტორიის გაკვეთილს.

მაგრამ საერთაშორისო, ან კერძო ურთიერთობაში უფლების ყოველგვარი შელახვა შეიძლება იმ წუთში აკმაყოფილებდეს მოთხოვნილებას, მაგრამ ყოველთვის არ იწვევს სასარგებლო შედეგებს. გაბედულმა მოტყუებამ და შეუფერებელი ძალებით შეტევამ შეიძლება ყველა დააბნიოს, მაგრამ დროებით, მანამდე, სანამ ირგვლივ არ მიმოიხედავენ და არ დარწმუნდებიან, რომ საშიში არაფერია. ამის შემდეგ კი მომტყუებელს და შემშინებელს სამაგიეროს უხდიან, თუმცა ლორდ ბიკონსფილდის კაბინეტისათვის ასეთი დრო ჯერ კიდევ არ დამდგარა, მაგრამ, ბუნებრივი კანონის თანახმად, ეს დრო მოტყუებასთან ერთად იწყება და ჯერჯერობით წვრილმან წარუმატებლობებში მელავენდება. რასაც დიდი მნიშვნელობა აქვს ინგლისის მომავალი პოლიტიკისათვის. ინგლისის ფულით ნაყიდი პროტესტი ლაზებისა და რუსეთთან შემოერთებული სხვა პროვინციების მოსახლეობისა. მათი მზადყოფნა ამ შეერთების წინააღმდეგ და სისხლის უკანასკნელ წვეთამდე ბრძოლისათვის, სინამდვილეში ევროპის საზოგადოებრივი აზრის სასაცილო მოტყუება აღმოჩნდა და ჩვენ ზნეობრივი გამარჯვება მოგვანიჭა. ფანტასტიური გამოძიება, რასაც მისტერ ფაუსეტი ეწეოდა აჯანყების ნამდვილი მიზეზების გამოძიების ნაცვლად. თითქოს რუსეთის ჯარი როდოპის მთებში სიმხეცეს ჩადიოდა. ინგლისელთა თავდაჯერებულობის კიდევ უფრო კომიკური ფარსი აღმოჩნდა. თუ ავსტრიის აგენტმაც კი უარი განაცხადა ხელი მოეწერა ბატ. ფაუსეტის მიერ გამოგონილ ამბავზე, ხოლო რუსეთის ელჩმა თავ. ლობანოვ-როსტოვსკიმ, როგორც დედაქალაქის გაზეთები წერენ, პირდაპირ განაცხადა, რომ ბატ. ფაუსეტი ძალზე უხეიროდ ცდილობს მოისყიდოს მოწმეები რუსეთის წინააღმდეგ, რადგან ფულს რუსეთის ერთგულ აგენტებს ურიგებს, ცხადია, ინგლისელი დიპლომატის მოგონილი ამბავი მხოლოდ იმას ემსახურება, რომ ფარდა ახადოს მათვე უუნარობას, ანდა გამოამელავნოს ინგლისელთა ზედმეტი თვითდარწმუნებულობა მათდამი ევროპის ნდობაში. ეთქვათ, სხვა მოვლენებთან შედარებით, რაც ახლა ევროპის პოლიტიკურ ცხოვრებაში ხდება, ეს ამბავი უმნიშვნელოა, დავუშვათ, ინგლისი არაფერს არ დაკარგავს იმის გამო, რომ მისი პოლიტიკა უზნეოდ იქნება აღიარებული და მისი დიპლომატიური აგენტები ჩაითვლებიან ყველაფრის მკადრებლებად,

გაბედული ტყუილი და მტკიცე შეტევა, რაც ლორდმა ბიკონსფილდმა ბერლინის კონგრესსზე გამოამქლავნა, ინგლისს სულ სხვა სიძნელეებს უმზადებს.

მიმნდობი ავსტრია-უნგრეთი, რომელსაც ინგლისის მონაპოვართ უნდოდა ესარგებლა, უაღრესად მძიმე მდგომარეობაში აღმოჩნდა. იმის ნაცვლად, რომ საქმე ინსურგენტ-ქრისტიანთა სუსტ რაზმებთან ჰქონოდა. იგი თურქეთის რეგულიარულ ჯარს შეეტაკა; მოხდა წარმოუდგენელი რამ: მუსულმანური ფანატიზმისა და ქრისტიანთა უცხო უღლისადმი სიძულვილის შეერთებამ ისეთი წინააღმდეგობა გამოიწვია, რომ შესანიშნავად გაწვრთნილი ავსტრია-უნგრეთის არმია, რომელსაც აქამდე პატივისცემით უყურებდნენ, სასტიკად დამარცხდა. მთავრობა იძულებული გახდა მოქმედებაში მოეყვანა მთელი სამხედრო ძალების ნახევარი. ახლა საქმე ეხება არა ოკუპაციას ბერლინის კონგრესის მითითებათა შესატყვისად, არამედ ბონისისა და ჰერცოგოვინის ხელახლა დაპყრობას, რომელსაც ისეთივე საშინელება და მსხვერპლი ახლავს როგორც სარაევოს აღებას მოჰყვა. ევროპიელები ხედავენ მას, რაც არასოდეს არ მომხდარა ისტორიაში: სისხლი იღვრება, ადამიანებს მხეცურად კლავენ; ჯარები მარცხდებიან, გამარჯვებებს იუწყებიან და არც-ერთ დიპლომატს არ შეუძლია განსაზღვროს თურქეთსა და ავსტრია-უნგრეთს შორის ომია, თუ ერთმანეთის ჟლეტა არის ნიშანი ორი მეგობრული სახელმწიფოს ურთიერთშეთანხმებისა, რომლებიც ერთმანეთს კეთილდღეობას უსურვებენ? ყოველივე ეს ბერლინის სამშვიდობო ტრაქტატის მშვიდობიანი გამოყენების შედეგია, თუ ახალი ომია. რომელიც წარმოიშვა ბალკანეთის პროვინციების პოლიტიკური ცხოვრების უცოდინარობის შედეგად, რაც ამტკიცებს დიპლომატიური მოლაპარაკებებისა და ფანტაზიების უნაყოფობას, როცა საქმე ხალხის ისტორიული ცხოვრების ძირითად საკითხებს ეხება?

საფრანგეთისა და იტალიის წარმომადგენლებმა, რომლებიც ბერლინის კონგრესსზე ლორდ ბიკონსფილდის მიერ მოხერხებულად გაბმული ფანტაზიების ქსელში გაებნენ, თავი მეტად უხერხულად იგრძნეს, როცა საკუთარი მისიის შესახებ საანგარიშო მოხსენებები წარმოადგინეს. როგორი მეცნიერული და მაღალფარდოვანი სიტყვებითაც არ ფარავდნენ ისინი თავიანთ დამარცხებას, ფაქტია, რომ არც საფრანგეთსა და არც იტალიას საერთაშორისო შეთანხმებით არაფერი მოუგია, პირიქით, პერსპექტივაში ელოდებათ ბრძოლა ძლიერ მეტოქესთან ზღვაზე, რომელსაც თავიანთ საკუთარ სამფლობელოდ თვლიდნენ. ამ ფაქტს ყველა ხედავს და ყველასათვის

გასაგებია. ფრანგებსა და იტალიელებს, საკუთარი თავმოყვარეობის დასაცავად, უხდებათ წყალწალბებულებივით ხავსზე მოქიდება, ამგვარ ხავსად კი მათ საბერძნეთი გამოუჩნდათ, ეს ოდესღაც სახელმძღვანელო ელადა, რომელიც დღეს მათზე არანაკლებად არის დაბნეული ბიზანტიური დიპლომატიის წვრილმანებით. მაგრამ იქ კვლავ იჩენს თავს ისეთი საერთაშორისო და დიპლომატიური არეულობა, რომლის მსგავსი ისტორიას არ ახსოვს: ვის წინააღმდეგ იბრძოლებს საფრანგეთი და იტალია? იქნებ თურქეთის წინააღმდეგ, რომელსაც სურს შეავიწროვოს ელინთა დიდი კულტურის მატარებელი? მაგრამ თურქეთი მოკავშირეა ინგლისის, რომელმაც მისი არსებობის დაცვა იტვირთა. ხოლო ბერლინის კონგრესზე ინგლისის, საფრანგეთისა და იტალიის ინტერესები ერთმანეთს ეთანხმებოდა, მაშ რისთვისღა უნდა იომონ ერთმანეთის წინააღმდეგ? იტალია რეზერვებს აგროვებს და ჩრდილოეთ იტალიაში, ავსტრიის საზღვართან, თავს უყრის მნიშვნელოვან სამხედრო ძალებს. ნუთუ მთელი ეს მზადება ავსტრია-უნგრეთის წინააღმდეგაა მიმართული? ავსტრია ეომება თურქეთს, იტალია კი საბერძნეთს იცავს, ამიტომ იძულებულია საკუთარი ძალები თურქეთის წინააღმდეგ წარმართოს, როგორღა უნდა მოხდეს მათ შორის ომი? იტალია შეებრძოლება თურქეთს, ავსტრია-უნგრეთიც შეებრძოლება თურქეთს, და, ამავე დროს, როგორც ვითომ თურქეთის მოკავშირეები ერთმანეთს შეებრძოლებიან! მაგრამ ინგლისი, საფრანგეთი, გერმანია რას მოიმოქმედებენ? ვინ ვის წინააღმდეგ იბრძოლებს მეგობრობის გამო და ვინ ვის წინააღმდეგ — სიძულვილის გამო? ყოველივე ეს იმდენად შეუსაბამო საკითხებია, რომ ლოგიკურ პასუხს ვერ მოუწახვავ, ამავე დროს, თითოეულ ამ საკითხს იხილავენ როგორც ჩვენს, ასევე ევროპულ პრესაში და ცდილობენ პასუხი მოუწახონონ... მაგრამ რისთვის? განა ყველაფერი არ გადაწყდა დიპლომატთა სახელგანთქმულ ბერლინის კონგრესზე, სადაც ევროპის წარმომადგენელთა ურთიერთდათმობამ და განმარტებებმა, ბოლოს და ბოლოს, შეგნებულ გადაწყვეტილებამდე მიიყვანა ყველა გაუგებრობა, რომლითაც საერთო სიმშვიდეს ემუქრებოდა ე. წ. აღმოსავლეთის საკითხი?! და თუ ეს საკითხი კვლავ აირდაირია კონსტანტინოპოლის კონფერენციის³⁰ დაწყებამდე, რამდენად ნათელი და მარტივი გახდა ახლა იგი?

მთელ ამ საერთო არეულდარეულობაში, ლორდ ბიკონსფილდის წყალობით, მხოლოდ რუსეთმა მოიპოვა გარკვეული მდგომარეობა: თურქეთთან ომი დამთავრებულია; რუსეთის ჯარმა ახალ-ახალი გმირობით გაითქვა სახელი და ნელ-ნელა სახლში ბრუნდება, სადაც მას

ხალხი დამსახურებული ზეიმით ხვდება. ქვეყანა მშვიდობიან ყოფას დაუბრუნდა. პროვინციები, რომლებიც ბერლინის ტრაქტატის მიხედვით გვერგო, მშვიდობიანად დაეიკავეთ, ნახევრად განვითარდეთ და მშვიდობიანი ცხოვრებისათვის მოემზადეთ. სახელმწიფო ხაზინა ისვენებს გაძლიერებული ხარჯებისაგან; სამშობლოში დაბრუნებულ ჯარისკაცებს, გადატანილი ტანჯვის შემდეგ, შეუძლიათ დაისვენონ მშვიდად, ოჯახურ გარემოში. ნებაყოფლობით მიღებულ ზავს თავისი ნაყოფი მოაქვს, მაგრამ რუსეთის ისტორიული ამოცანა მის წინაშე წინანდებურად ნათელია, როგორც ეს გამოსახულია მთავრობის ცნობაში ბერლინის ტრაქტატის გამოცხადებასთან დაკავშირებით. რუსეთი ისევ იზრუნებს ბალკანეთის ნახევარკუნძულის ქრისტიანთა მდგომარეობის გაუმჯობესებისათვის და, თუ არ შეასრულეს ბერლინის ტრაქტატის გადაწყვეტილებები, რუსები მსხვერპლს არ მოერიდებიან. მაგრამ სანამ არ გაირკვევა თანამედროვე პოლიტიკური მდგომარეობა, შეგვიძლია მშვიდად შევუდგეთ სახელმწიფოს შინა ელემენტების განვითარებას და ველოდოთ. როდის გამოიწვევს გარეშე მოვლენები რუსეთის ჯარს საომრად...

44. საქალაქო არჩევნები თბილისში

თბილისი, 1878 წ. 14 სექტემბერი

ამ წლის ბოლოს უნდა დაიწყოს ქალაქის საბჭოს ახალი შემადგენლობის არჩევნები. ჩვენში, 1870 წლის საქალაქო დებულების გატარების შემდეგ, ესაა ქალაქის საბჭოს ხმოსანთა მეორე არჩევნები. ამგვარად, იმედი უნდა ვიქონიოთ და უნდა ვეცადოთ, რომ პირველი არჩევნების გაკვეთილი უშედეგო არ აღმოჩნდეს იმ პირთათვის, ვისაც არჩევნებში მონაწილეობის უფლება აქვს.

1874 წლის არჩევნების ძირითადი ნაკლი მისი ცალმხრივობა იყო. ქალაქს, რომელსაც უჩვეულოდ სხვადასხვაგვარი ინტერესები გააჩნია და რომლის მოსახლეობა სხვადასხვა ელემენტებისაგან შედგება, უნდა ჰყავდეს ყველა ამ ინტერესის, ყველა ამ ელემენტის გამომხატველი და კომპეტენტური ორგანოებისაგან შემდგარი შემადგენლობა. სინამდვილეში კი სულ სხვა რამ მოხდა. ჩვენი პირველი საბჭო თითქმის მთლიანად კაპიტალის წარმომადგენლებისაგან შესდგებოდა, ხოლო პლუტოკრატიულ საბჭოზე რომ ნათელი წარმოდგენა გვქონდეს, საკმარისია გადავხედოთ ჩვენი ქალაქის წარმომადგენლობის შემადგენლობასა და მოქმედებას...

ჩვენს დროში კაპიტალი ისეთ თვალსაჩინო და მნიშვნელოვან როლს თამაშობს, რომ შეუძლებელია მოვითხოვოთ მისი მთლიანი განდევნა საზოგადოებრივი წარმომადგენლობიდან. ჩვენ არც კი გვიფიქრია გამოგვეთქვა ამგვარი ოცნება. ქალაქის წარმომადგენლობაში კაპიტალსაც უნდა ჰყავდეს რწმუნებით აღჭურვილი დამცველი. მაგრამ ამის გამო საზოგადოების ყველა სხვა ფენებისა და ძალების წარმომადგენელთა ჩამოცილება ნიშნავს დაუშვა უხეში შეცდომა, რაც უცილობელ გავლენას მოახდენს ქალაქის საზოგადოებრივ განვითარებაზე...

ჩვეულებრივ ფიქრობენ, რომ ადამიანებს, რომელთაც წარმატებით მოაგვარეს პირადი საქმეები და საკუთარი ცხოვრება უზრუნველყვეს, მეტი უნარი შესწევთ უხელმძღვანელონ საზოგადო საქმეებსაც, რადგან მათ თითქოს პრაქტიკულად უკვე დაამტკიცეს

თავიანთი პრაქტიკულობა და უნარი... მაგრამ ამ თვალსაზრისის სი-
ყალბე ყველაზე მეტად მაშინ მქდავნიდება, როცა ასეთ პირთა წარ-
მატების მთავარ მიზეზებს გავეცნობით. მათ მხოლოდ იმიტომ მო-
იპოვეს „წარმატება“ და მხოლოდ იმიტომ გამდიდრდნენ, რომ მარ-
ტო საკუთარ ინტერესებს ემსახურებოდნენ და ამ ინტერესებს
მსხვერპლად სწირავდნენ ყველა სხვა მისწრაფებებსა და მოსაზრე-
ბებს. ასეთმა ჩვევამ ისინი გულგრილი გახადა ყოველივე იმის მი-
მართ. რაც მათ პირად ინტერესებში არ შედის და არც
მათ პირად სარგებლიანობას არ ეთანხმება. ეს ემართებათ
უკეთესებს მათ შორის, ხოლო ამგვართა მასას ერთგვარი მტრუ-
ლი დამოკიდებულებაც კი გამოუშუშავდა ყოველივე „სხვისის“ მი-
მართ, თუნდაც ეს საერთო საქმე იყოს. ამგვარად, რაც უფრო „მო-
ხერხებულად“ წარმართა საკუთარი საქმეები ამ კატეგორიის ამა
თუ იმ წარმომადგენელმა, მით უფრო შორს დგას ყოველივე იმისა-
გან, რაც მის ინტერესებში არ შედის და მას არ ეხება, მით უფრო
მტრულად, ან გულგრილადაა განწყობილი სხვისი ან საერთო სა-
ქმისადმი. ასეთი კაცისათვის საზოგადოებრივი საქმის ხელმძღვანე-
ლობის მინდობა ნიშნავს ჩაადლო იგი ცდუნებაში — მან ან პირადი
ინტერესებისათვის უნდა გამოიყენოს ხელისუფლება, ანდა გულ-
გრილობა გამოიჩინოს მისდაძი...

წარსული ოთხი წლის პრაქტიკა ყველაზე მეტად ასაბუთებს ჩვენს
აზრს. ძნელია მონახო ჩვენს იმპერიისაში უფრო ცალმხრივი საბჭო,
რომელიც თითქმის მთლიანად კაპიტალის წარმომადგენლებისაგან
შედგებოდეს. თითქმის ასევე ძნელია უფრო ინერტული და გულ-
გრილი საბჭოს აღმოჩენა, რომელსაც ოთხი წლის მანძილზე სრუ-
ლიად არაფერი გაუკეთებია.

ჩვენს საბჭოს საქალაქო მეურნეობის უმნიშვნელოვანესი სა-
კითხები უნდა გადაეჭრა, მაგრამ არ არსებობს რამდენადმე სერიო-
ზული საკითხი, რომელიც მან გადაჭრა. რომ აღარაფერი ვთქვათ ისეთ
ჯაცვეთილ საკითხებზე. როგორიც განათება და წყლით მომარაგებაა,
რაც დღემდე პირველყოფილ მდგომარეობაშია. აიღეთ საქალა-
ქო მეურნეობის ნებისმიერი საკითხი და დარწმუნდებით, რომ
ჩვენში არაფერი გაუკეთებიათ მათ გადასაწყვეტად. განა სა-
მარცხვინო არაა, ისეთ მდიდარ და სამრეწველო ქალაქს, რო-
მელსაც შეუძლია სამ დღეში 2.008.000 მან. სესხზე მოაწე-
როს ხელი და რომელსაც ბანკებში შესანახად ორჯერ მეტი
თანხა უდევს, ერთი საქალაქო სკოლაც არ გააჩნდეს! ამავე
დროს, თბილისი კავკასიის დედაქალაქია, იმ ქვეყნის დედაქალაქი,
რომლის ფართობი საფრანგეთისას არ ჩამოუვარდება და უფრო

შვიდროდა დასახლებული, ვიდრე ევროპის ზოგიერთი სახელმწიფო. და ამ დედაქალაქს არა თუ სკოლები და ბიბლიოთეკები არ გააჩნია, არამედ საზოგადოებრივი მზრუნველობის ნიშანწყალიც კი არ ეტყობა. ქალაქის საავადმყოფო, რომელიც საზოგადოების ხარჯზე არსებობს, ისევე ვერ აკმაყოფილებს მოსახლეობის მოთხოვნილებას, როგორც მოქალაქეების შეწირული თანხით გახსნილი სამკურნალო. მოსახლეობისათვის სამედიცინო დახმარება ჯერ კიდევ ჩანასახ მდგომარეობაშია, ხოლო კეთილმოწყობაზე ლაპარაკიც ზედმეტია. ერთი სიტყვით, თბილისის მოსახლეობა მოკლებულია არა მარტო სამედიცინო დახმარებას, არა მარტო საქალაქო ცხოვრების ჰიგიენურ პირობებს, არა მარტო გონებრივ საზრდოს, არამედ არ აქვს წყალი და სინათლე, საზოგადოებრივი ყოფის ეს ელემენტარული მოთხოვნილებებიც...

იმის თქმა, რომ ქალაქის საბჭომ ვერაფრით ვერ შეუმსუბუქა მოსახლეობას არაჩვეულებრივი სიძვირის მძიმე ტვირთი, ოღონდაც კი ვერ გამოიყენა ის საშუალებები, რასაც ყოველი კეთილმოწყობილი ქალაქი იყენებს მოსახლეობის უმეტესობის ინტერესების დასაცავად — ყველასთვის ცნობილი ჭეშმარიტების განმეორება იქნებოდა.

საკმარისია დასწრებოდით ქალაქის საბჭოს სხდომას, რომ მაშინვე დაგენახათ, თუ რა საოცრად მოუშზადებელნი არიან ჩვენი ხმოსნები. უბრალო საკითხებს, რაც სხვა ქვეყნებში დიდი ხანია გადაწყვეტილია, ჩიხში შეკავდა ჩვენი ყველაზე კომპეტენტური წარმომადგენლებიც კი და უწესრიგო კამათს იწვევდა, რაც, ცხადია, უშედეგოდ მთავრდებოდა. ამავე დროს უნდა გვახსოვდეს, რომ ხმოსანთა უმეტესობა იშვიათად ესწრებოდა საბჭოს სხდომებს, და თუ ესწრებოდა მხოლოდ იმიტომ, რომ საქმე არაფერი ჰქონდა. ასე რომ, ქალაქის თავი, ან მისი მოადგილე, რომელთაც საბჭოს სხდომის მოწყობა ჭანცს აკლიდათ, ხოლო სხდომა, ამორჩეულთა დადგენილი რაოდენობის გამოუცხადებლობის გამო, იფუშებოდა, იძულებული ხდებოდა ენერგიულად შეეხსენებია ამორჩეულებისათვის მოვალეობის გრძნობა და ზრდილობა. მაგრამ საქმეს არც ეს უვლოდა. იმ დროს, როცა ცირკი და კლუბი ხმოსნებს ვერ იტევდა, საბჭოს დარბაზი კვლავ ცარიელი იყო...

რა თქმა უნდა, ჩვენი საბჭოც გულგრილად ეკიდებოდა ბევრ საკითხს... საკითხების დამაკმაყოფილებლად გადაჭრას, ქალაქის თვითმმართველობის საკირო სიმაღლეზე დაყენებას საკუთარი უფლებებისა და მოქმედების ფარგლების დასაცავად და გასაფართოებლად, ენერგია და უნარი სჭირდება, რაც არ ჰყოფნის ზემოხსე-

ნებული ელემენტებისაგან შემდგარ საბჭოს... სწორედ ამ კეთილი მიზნებისათვის უნდა ვიზრუნოთ და უნდა ვეცადოთ, რომ ქალაქის მომავალი საბჭოს უკეთესი და უფრო შესაფერისი შემადგენლობა ავირჩიოთ.

ჩვენს ქალაქში ცოტა როდია ცოდნის სხვადასხვა დარგისა და მოღვაწეობის სხვადასხვა ასპარეზის წარმომადგენელი ინტელიგენცია. რატომ არ შედიან ჩვენს საბჭოში მოსახლეობის იმ ფენის წარმომადგენლები, რომელთაც ყველაზე მეტად შესწევთ უნარი იზრუნონ საზოგადოებრივ კეთილდღეობაზე და კეთილმოწყობაზე. რატომ არ შედის ქალაქის საბჭოში, მაგალითად, არც ერთი პედაგოგი, რომ ქალაქის წარმომადგენლობაში წელიწადში ერთხელ მაინც გაისმას ხმა მოსახლეობის უფლებათა დასაცავად? ჩვენ ყველა სფეროს არ ჩამოვთვლით, მაგალითისათვის ეს სპეციალობაც კმარა...

ჩვენი თვითმმართველობის პირველი პური კუტი გამოვიდა. საჭიროა ვეცადოთ, რომ მეორეს მაინც არ ეწიოს ასეთი ბედი. ამისათვის კი აუცილებელია, რომ არჩევნებში, გარდა ვაჭრებისა, სხვა დარგის წარმომადგენლებიც მონაწილეობდნენ. მანამ, სანამ მასწავლებლები, მოხელეები, სახლის მეპატრონენი და ქალაქის მოსახლეობის სხვა ელემენტები განზე განუდგებიან არჩევნებს, გასაკვირიც არაა, თუ არჩეული ხმოსნები იქნებიან მხოლოდ უსაქმურნი და უვიციი „კაპიტალისტები“, რომლებიც ყმად გაიხდიან მათზე დამოკიდებულ ვაჭრებს, ამომრჩეველთ უმრავლესობას...

განა საკვირველი არაა, რომ თბილისის საქალაქო წარმომადგენლობა შედგება ისეთი ადამიანებისაგან, რომელთა შესახებაც ათი წლის შემდეგ არავის არაფერი ემახსოვრება, რომელთაც ამჟამად მხოლოდ დაბახანისათვის აქვთ მნიშვნელობა და ისიც მანამდე, სანამ არ გაკოტრდებიან. ხოლო, ამავე დროს, საბჭოში ადგილი არა აქვთ ცოდნით, ტალანტითა და, რაც მთავარია, საზოგადოებრივი ინტერესებისადმი ერთგულების გრძნობით გამორჩეულ ადამიანებს, რომელთა სიტყვას ამჟამად დიდი მნიშვნელობა აქვს, როგორც საზოგადოებრივი ცხოვრებისათვის, ასევე ლიტერატურისათვის? განა საოცარი არაა, რომ, მაგალითად არც თავ. კ. ა. ბებუთოვი, არც თავ. ი. გ. ჭაჭავაძე, არც ა. ვ. სტეპანოვი და არც ბევრი სხვა ამგვარი ადამიანები არ შედიან ქალაქის საბჭოში, როცა ამორჩეულთა შორის ბრწყინავს ისეთი არაფრის მთქმელი და უცნობი სახელები, რომელთაც არ ვასახელებთ მხოლოდ იმიტომ, რომ არა-რაობას წარმოადგენენ... არის შემთხვევები, ხოლო მომავალ ოთხწლედში ამგვარი შემთხვევები კიდევ უფრო მეტი იქნება, ვიდრე

წარსულ წლებში იყო, როცა საბჭოს სკირდება ავტორიტეტი, როგორც ადგილობრივი, ასევე რუსეთის საზოგადოებისათვის... საბჭოს კი მხოლოდ მაშინ ექნება ავტორიტეტული ხმა, როცა მასში რაც შეიძლება მეტი ავტორიტეტული ადამიანები შევლენ, ადამიანები, რომელთაც გულწრფელად ეყვარებათ საერთო საქმე, და ამ საქმეს თავდაუზოგავად მოემსახურებიან და მიუკერძოებლად დაიცავენ.

45. შუა აზიის სიძნელეები

გუშინ ტელეგრაფმა კიდევ ერთი დამამტკიცებელი საბუთი მოგვითანა იმისა, რომ ფანტაზიის სიმდიდრე პოლიტიკური მოქმედების წარმატებას ვერ უზრუნველყოფს. როგორც „Times“-მა კალკუტიდან გვაცნობა, ლორდ ბიკონსფილდის პოლიტიკამ ახალი მარცხი განიცადა. ინგლისის მეფის ნაცვალმა ინდოეთში ავღანეთის ემირთან გაგზავნილ საელჩოს უკან დაბრუნება უბრძანა და გონიერულადაც მოიქცა, რადგან ალიმოსფილდში, ავღანთა ჯარის უფროსი იმუქრებოდა, რომ შეიარაღებული ძალით შეაჩერებდა მათ წინსვლას. ზომიერების გრძნობა და შემწყნარებლობა ემირის უმეტრებისადმი სწორედ დროზე გამოვლინდა. ინგლისის საელჩო გადაარჩა, იძულებითი საბაზი ემირისათვის ომის გამოცხადებისა არ არსებობს და აწი ინდოეთის მმართველთა სიბრძნეზეა დამოკიდებული დასჯიან ემირს ომით თუ არა.

ინგლისის კაბინეტის პოლიტიკა ინდოეთის ჩრდილოეთ საზღვრებზე აქამდე ხელმძღვანელობდა საკუთარ სამხედრო ძლიერებაზე ხმების გავრცელებითა და მცირე ძალებით გადამწყვეტი შეტევით. ამ პოლიტიკას განსაკუთრებით ფართოდ იყენებდა ევროპაში ლორდი ბიკონსფილდი, თურქეთთან ომის უკანასკნელ დღეებშიც. ყველას ახსოვს ათიათასობით ვოლონტერი და რეგულარული არმია, რომელსაც, ინგლისის პრესის რწმუნებით, სწყუროდათ თურქეთის ღირსების დაცვა და მისი სახით მთელი მუსულმანობისა, მაგრამ ზავის დადების შემდეგ ინდოეთიდან გადმოყვანილი ჯარი მხოლოდ შვიდი ათასი კაცისაგან შესდგებოდა, ესე იგი, არ წარმოადგენდა ისეთ ძალას, რომელიც რაიმე გავლენას მოახდენდა მეტოქეთა ოპერაციებზე, რადგან მათ განკარგულებაში რამდენიმე ასიათასიანი არმია იყო. მცირერიცხოვნობა შენიღბეს ინდოეთიდან ჯარების გადმოყვანისა და მიღების მრავალრიცხოვანი მზადებით, რაც, ცხადია, უფრო იაფი დაჯდა, ვიდრე ჯარის რაოდენობის გაზრდა დაჯდებოდა. ინგლისმა მიზანს მიაღწია: ტყუილმა სასურველი შედეგი გამოიღო. გაზეთები ახმაურდნენ ინგლისის საომარ ძლიერებაზე, სადაც, მართალია, სავალდებულო გაწვევა არ არსებობს და საკუ-

თარ ტერიტორიაზე არმიების ჩამოყალიბება არ შეუძლიათ, მაგრამ ინდოეთის 240 მილიონიანი ქვეშევრდომნი ამოუწურავი მარაგია, საკიროების შემთხვევაში არმიების გასაძლიერებლად. მაგრამ ზავის დადებამ და ინდოეთის ჯარების გადაყვანამ კვიპროსში დაგვანახა ამ არმიის ნამდვილი რიცხვი და მისი საომარი მნიშვნელობა. აწი ძნელად შეაშინებ ევროპაში ვინმეს ინდოეთის ჯართ.

ავღანეთის ე. წ. ვასალმა ტომებმა ინგლისელების წინააღმდეგ იარაღი აღმართეს. ინგლისმა ამ ტომებს ომი გაუმართა და სწრაფად გაუსწორდა. ემირი მშვიდად ელოდა რა მოხდებოდა. აფრიდიების აჯანყების ჩაქრობის შემდეგ ინგლისელებმა ემირს ბრალი დასდეს, რომ მან ვასალების დამორჩილება ვერ შესძლო და სუბსიდიები შეუწყვიტეს, ხოლო აჯანყებულთა დასაშინებლად და თავზარდასაცემად ბოლანის გადასასვლელი გადალახეს და 1000 კაცი თ კვეტა დაიკავეს. ინგლისელები დარწმუნებულნი იყვნენ, რომ ავღანეთის ემირი, რომელსაც მხოლოდ საკუთარი ტყავის ეშინოდა, ინგლისის მეფისნაცვალს ელჩს გაუგზავნიდა. პატიებას სთხოვდა, სუბსიდიას მიიღებდა და რეზიდენტის მიღებაზეც დათანხმდებოდა.

ე. ი. ინგლისის ვასალი გახდებოდა, როგორც ეს მთელს ინდოეთში ხდებოდა და ხდება. მაგრამ ავღანეთის ემირმა, ეტყობა, საიდანდაც გაიგო, რომ თავ. ბისმარკს ძეგლი დაუდგეს შემდეგი სიტყვებისათვის: „ჩვენ მეტს აღარ წავალთ კანოსში“, და მან არ ისურვა კალკუტაში წასვლა. თურქეთთან ომმა, ამ ომში ინგლისელების მონაწილეობამ და ჩვენი ჯარების მოძრაობამ ამუ-დარიის სათავეებისაკენ ემირს დაანახა, რომ არსებობს ძალა, რომელსაც შეუძლია ინგლისის თვითნებობის პარალიზება. წინააღმდეგ ინგლისელების მოლოდინისა, ემირმა არა თუ ქედი არ მოიხარა. არამედ ქედმაღლობა დაიწყო ოსტ-ინდოეთის ხელისუფლების მიმართ. ინგლისში მიხვდნენ ოსტ-ინდოეთის მთავრობის მიერ დაშვებულ შეცდომას და ავღანეთის ემირისათვის სუბსიდიის შეწყვეტა მთელი ინგლისის პრესამ დაგმო, მაგრამ საქმის გამოსწორება არც ისე იოლი აღმოჩნდა, როგორც ეს ადრე ხდებოდა, იმ დროს, როცა ინგლისი ევროპის სამხედრო ხელოვნების ერთადერთი წარმომადგენელი იყო სამხრეთ აზიაში. ინგლისის საელჩოს გამოდევნა ამტკიცებს, რომ ავღანეთის ემირს სრულიად არ ეშინია ინგლისის ეროვნული თავმოყვარეობის შელახვისა. ემირის მოქმედება ინგლისისათვის შეურაცხმყოფელია. რის ქვეშაც სერიოზული შედეგები იმალება, ამბობს „Times“-ი, როგორც ამას ტელეგრაფი გვაუწყებს. არ შეიძლება ამას არ დავეთანხმეთ. მაგრამ რას იღონებს ინგლისის მთავრობა? გამოუცხადებს ავღანეთს ომს? მაგრამ ბრძოლის ველი ძალზე ახლოა ჩვენს შუა-

აზიის სამფლობელოებთან, ხოლო რუსეთის ინტერესები მის ნეიტრალიზაციას მოითხოვს. რუსეთს არ შეუძლია დაუშვას ავღანეთის დამოუკიდებლობის მოსაპობა, იმავე მიზეზებით რის გამოც ინგლისს არ შეუძლია დაუშვას რუსეთი ფლობდეს შავი ზღვისა და ხმელთაშუა ზღვის სრუტეებს. ამიტომ ემირისათვის ომის გამოცხადება არ შეიძლება ისე მოუფიქრებლად, როგორც ეს მიღებულია ჰიმალაის სამხრეთ ფერდობებზე. „Times“-ის ვარაუდს, შირალის რუსეთთან კავშირის შესახებ ბევრი შესაძლებლობა გააჩნია და ასეთ შემთხვევაში ავღანეთთან ომმა შეიძლება რუსეთთან შეტაკება გამოიწვიოს. ჩვენ არაერთხელ გამოგვითქვამს ღრმა რწმენა, რომ ასეთი შეტაკება რუსეთისათვის ყოველმხრივ ხელსაყრელია. ჩვენთვის ეს ყველაზე იაფი ომი და ყველაზე ძლიერი საშუალება იქნება იძულებული გავხადოთ ინგლისი საკუთარ საქმეებს მიხედოს და ნუ ეწევა ევროპის პოლიტიკური ცხოვრების არეულობას იმ მიზნით, რომ ჩაითრიოს ყველა სახელმწიფო თუ აშკარა ომში არა, შეიარაღებულ მშვიდობაში მაინც, რაც მძიმე ტვირთად აწევა ყველა სახელმწიფოს ეკონომიკას, აბრკოლებს მთელი კონტინენტის მრეწველობას და ვაჭრობას და გზას უხსნის მხოლოდ მანუფაქტურულ წარმოებას. კუნძულის განათლებულმა მცხოვრებლებმა, დიდი ხანია შეიგნეს ეს ჭეშმარიტება, რომ რაც უფრო ცუდია პოლიტიკური მდგომარეობა კონტინენტზე, მით უფრო ხელსაყრელია ეს მათთვის. ამიტომ ინგლისის ინტერესებმა, რომლის გამოც ამ ბოლო დროს ინგლისის სამინისტრო წარმოუდგენელ საქმეებს სჩადის ევროპის კონტინენტზე, ისეთი ფართო მნიშვნელობა მოიპოვა, რომ კონტინენტის ევროპული სახელმწიფოების პოლიტიკურ ცხოვრებაში არც ერთი უმნიშვნელო მოვლენაც კი არ ხდება მათი პირდაპირი ან არაპირდაპირი შეხების გარეშე. ამიტომ ავღანეთთან ომი, თუ იგი რუსეთსაც ჩაითრევს, მთელი ევროპისათვის ფრიალ სასიკეთო მოვლენა იქნება. ომი აიძულებს ინგლისს უარი თქვას ევროპაში ინტრიგებზე და მთელი ძალდონე და ფიქრი ინდოეთის შენარჩუნებას მოახმაროს. ამიტომ, ინგლისელების წარუმატებლობამ ომში უნდა შეარყიოს მთელი მისი ძლიერება ინდოეთში. 1857 წლის აჯანყების⁷¹ გამეორება, ინგლისელებზე შირალის გამარჯვების შემდეგ, ისეთ ვითარებაში მოხდება, რომ მისი ჩახშობა თითქმის შეუძლებელი იქნება.

46. პერმანიის რაიხსტაგში სოციალიზმის შესახებ კამათის გამო

თბილისი, 16 სექტემბერი

ამ ბოლო დროს ევროპული პრესის დიდმა ნაწილმა მთელი ძალ-ღონე ყბადღებული სოციალური საკითხის „გამორკვევის“, „შესწავლის“, „გაშუქების“ და „გამოკვლევისაკენ“ მიმართა. გერმანიის იმპერატორზე ბერლინში ორგზის თავდასხმამ⁷⁷ ამ საკითხს თანამედროვეობის წმინდა სენსაციური ხასიათი მისცა.

ძნელია დააჯერო საკუთარი თავი, რომ პრესის მიერ წარმოებულნი გამოკვლევები სრული და ყოველმხრივი იქნება, მაგრამ არ შეიძლება სიხარულით არ შევხედეთ მოგვიანებულ ცდას, რომელიც საზოგადოების ყურადღებას „მეცხრამეტე საუკუნის ყველაზე მნიშვნელოვან საკითხებზე“ ამახვილებს. უკეთესი იქნებოდა ასეთი გამოკვლევა პრესას ორი წლით ადრე დაეწყო. მაშინ მოვლენები სულ სხვაგვარად წარიმართებოდა და შეიძლება არ ვყოფილიყავით იმ უკიდურესობათა მოწმე, რაზედაც დღეს მთელი პრესა ლაპარაკობს... მაგრამ სჯობს გვიან, ვიდრე არასდროს.

ჩვენ სრულიად არ გვიკვირს, რომ ევროპის მთავრობათა წარმომადგენლებმა მხოლოდ ახლა მიაქციეს ყურადღება სოციალური საკითხის „მავნე მხარეებს“. თავისი ამოცანის არსის მიხედვით, ყოველ მთავრობას საქმე აქვს მხოლოდ ცხოვრების ფაქტიურ გამოვლენასთან და არა ფილოსოფიურ მოძღვრებასთან და აზრებთან. სალი აზრისა და კანონმდებლობის მიხედვით, არცერთ მთავრობას არა აქვს არც უფლება და არც შესაძლებლობა სულში ჩაუძვრეს მოქალაქეებს და აღმოფხვრას მათში აზრი, ფიქრები, რწმენა და მრწამსი. მთავრობის კონტროლი და ზეგავლენა მხოლოდ მაშინ იწყებს მოქმედებას, როცა აზრი განხორციელებას იწყებს, როცა ფაქტად იქცევა. მაშასადამე, გასაგებია, რომ ყველა მთავრობას არამც თუ შეეძლო, არამედ ყურადღება უნდა მიექცია სოციალიზმისათვის ძალიან გვიან მაინც, როცა „მოძღვრებამ“ „მოქმედებაში“ გადასვლა დაიწყო.

მაგრამ პრესის როლი და მოვალეობა სულ სხვაგვარი იყო. როგორც კი მოძღვრება წარმოიშვა პრესა ვალდებული იყო გასცნობოდა მას და შეესწავლა მისი კარგი და ცუდი მხარეები... მაგრამ არაფერი ამის მსგავსი არ მომხდარა—პრესამ არა თუ დროზე არ მიაქცია ყურადღება ამ ამბავს, არამედ დღესაც არაფერს აკეთებს. და ეს იმ დროს, როცა მის ურთიერთობაში სოციალურ საკითხთან არის ჩამარხული თითქმის მთავარი მიზეზი იმ სამწუხარო უკიდურესობებისა, რომელიც ახლა საყოველთაო ყურადღებას იქცევს...

რას წარმოადგენს სინამდვილეში სოციალური საკითხი, რომელიც ბევრს ასე აშინებს?

ეს საკითხი მთლიანად იმ „საბედისწერო საკითხების“ გადაწყვეტამდე დაიყვანება, რომელთაც ჰაინე თავის ცნობილ ლექსში აყენებდა:

«Отчего под ношей крестной,
Весь в крови, влачится правый?
Отчего всегда безчестный
Встречен почестью и славой?»

ეს საკითხები ისევე ძველია, როგორც სამყარო და ჯერ კიდევ დიდხანს დარჩებიან ისეთ საკითხებად, რომელთა გადაწყვეტას ბევრი პოეტი და მოაზროვნე შეასხამს ტვინს... მაგრამ ჭკუის კოლოფთაგან შეშინებულ და „პრაქტიკული გონების“ მასის გვერდით, რომელთაც ხელი ჩაიქნის და გადაწყვიტეს „აღბათ, ასეც უნდა იყოს“, ზოგჯერ გვხვდებიან ადამიანები, რომლებიც ფიქრობენ რომ „შეიძლება ეს ასე არც ყოფილიყო“. მათ შორის იყვნენ საქმალ მალალი თანამდებობის პირებიც. მაგალითად, სახელგანთქმული მარშალი ვობანი, ან ინგლისის კანცლერი თომას მური, „უტოპიაში მოგზაურობის“ ავტორი. მაგრამ ამ კეთილისმოსურნე ადამიანების ოცნებამ ფართო გავრცელება მხოლოდ მას შემდეგ ჰპოვა, როცა ისეთმა უდავო გენიოსებმა, როგორიცაა ფურიე. სენსიმონი, ბენტამი და რობერტ ოუენი, მთელი სიცოცხლე ამ საკითხების მეცნიერულ გადაწყვეტას შესწირეს. ესენი რომ არც რევოლუციონერები იყვნენ და არც ნგრევის მომხრენი, მათი ბიოგრაფიიდან ჩანს. ისინი დარწმუნებულნი იყვნენ, რომ სარგებლობა მოაქვთ განსაკუთრებით თავის თანამედროვე მთავრობებისათვის და ამ მთავრობებს ეძღვნებოდა მათი თხზულებანი და პროექტები. ცნობილია აგრეთვე ზოგი მათგანის, მაგალითად რობერტ ოუენისა და ბენტამის, პირადი ურთიერთობა იმპერატორ ალექსანდრე I-თან...

ამ ნოვატორების მთელი ძალ-ღონე მიმართული იყო წმინდა ეკონომიური საკითხების შესწავლისა და გადაწყვეტისაკენ. ვერც ერთ მათ ნაწარმოებში ვერ იპოვიოთ ვერც ერთ ისეთ სტრიქონს, რომელსაც თუნდაც შორეული პოლიტიკური მნიშვნელობა ჰქონდეს. მათი და მათი უახლოესი მოწაფეების გავლენის შედეგად წარმოიშვა მთელი სკოლები. ყველა ამ სკოლას ერთი და იგივე ლოზუნგი და ერთი და იგივე მიმართულება ჰქონდა: ჩამოცილებოდნენ პოლიტიკური ბრძოლას და უარი ეთქვათ ყოველგვარი პოლიტიკური როლის შესრულებაზე. „ჩვენთვის სულერთია ხელისუფლების როგორი ფორმები იარსებებენ“, ამტკიცებდა ყველა სკოლა. ჩვენთვის მთავარი ისაა, რომ ეკონომიური თვალსაზრისით უკეთ მოვაწყოთ კაცობრიობის რაც შეიძლება დიდი ნაწილის ცხოვრება. ჰკითხეთ თუნდაც ახლა რომელ სოციალისტსაც გინდათ, სადაურიც არ უნდა იყოს და სადაც არ უნდა ცხოვრობდეს იგი და ყოველი მათგანი გეტყვით, რომ ესაა ყველა სოციალური მოძღვრების ერთ-ერთი ელემენტარული დოგმატი...

ჩანს, მოძღვრებას, რომელიც ასეთ დოგმატს ემყარებოდა, უნდა ესარგებლა თავისუფლებისა და დაუბრკოლებლობის გარანტიით. თავიდან ევროპის თითქმის ყველა მთავრობა მართლაც ასე უყურებდა მას. და ამით მათ არაფერიც არ წაუგიათ.

ინგლისში, იმ ქვეყანაში, სადაც რიცხობრივად მუშები ყველაზე მეტია და ყველაზე დიდ როლს თამაშობენ. სადაც აღმამფოთებელი სხვაობა უმცირესობის წარმოუდგენელ სიმდიდრესა და უმრავლესობის საშინელ სიღატაკეს შორის ყველაზე მეტადაა გაბატონებული, ახალ მოძღვრებას ხელს არაფერი უშლიდა დაემტკიცებია, როგორც სიტყვიერად, ასევე წერილობით და ცდის მეშვეობით, საკუთარი საფუძვლიანობა. სოციალისტური გამოცემები ინგლისში თავისუფლად ვრცელდება და არც მიტინგებია აკრძალული. როგორც ცნობილია, არსად არ გავრცელებულა მუშათა კავშირები ისე; როგორც ინგლისში და ამას წინათ ჩვენ მოწმენი ვიყავით მიწის მუშების უზარმაზარი კავშირის ორგანიზებისა, რომელსაც ხელმძღვანელობს ჯოზეფ არჩი, და ისე უძღვება ასი ათასობით მუშას, როგორც ჯარს. მაგრამ მთელი საუკუნის მანძილზე ინგლისში არ ყოფილა არც ერთი შემთხვევა ისეთი უკიდურესობებისა, რომელიც სხვა ქვეყანაში მთავრობებს სიმშვიდეს დაუქარგავდა... ზუსტად ასეთსავე მოვლენებს ვხედავთ შვეიცარიაში, ბელგიაში, ჰოლანდიაში, ამერიკის შეერთებულ შტატებში. სოციალური პარტიების თავისუფლება არა თუ არ არყვეს ამ ქვეყნებში ხელისუფლებას, არამედ არც კი აწუხებს მათ...

დიამეტრალურად საწინააღმდეგო მდგომარეობას წარმოგვიდგენს ისტორია იმ ქვეყნებში, რომელთა მთავრობები ბურჟუაზიამ მოხერხებულად მოატყუა.

ხედავდნენ რა, რომ სოციალური მოძღვრების განხორციელება და მუშათა არტელების შექმნა მუშათა მდგომარეობას აუმჯობესებს, ხოლო მეპატრონეთა შემოსავალს ამცირებს და მათ თვითნებობას ზღუდავს, ბურჟუაზიულმა ორატორებმა და მწერლებმა, უპირატესად საფრანგეთში, დაიწყეს არა იმდენად ახალ მოძღვრებასთან ამკარა ბრძოლა, არამედ — მთავრობის გაღიზიანება ახალი მოძღვრების მომხრეთა წინააღმდეგ. ბურჟუაზიულმა პრესამ დაიწყო მათი დასმენა მთავრობასთან, თითქოსდა არტელები გამსჭვალულია მთავრობის საწინააღმდეგო იდეებით, თითქოსდა პირველსავე ხელსაყრელ შემთხვევაში ისინი ბარიკადებს აღმართავენ და ხელში იარაღს აიღებენ. ერთი მხრივ, მთავრობას ეს ამბავი აწუხებდა, რადგან არ შეეძლო ჩაწვდომოდა სულში არტელის ყოველ წევრს, მეორეს მხრივ, უკიდურესად აღიზიანებდა არტელის ნაკლებად სოლიდურ წევრებს... არტელის ბევრი წევრი და არტელისადმი თანაგრძნობით განწყობილი ბევრი ადამიანი ფიქრობდა, რომ საჭირო იყო ბარიკადების აგება და ყვირილი სისხლის ღვრაზე... ცხადია, არტელის შეგნებულ წევრებზე ამგვარ წაქეზებას გავლენა არ მოუხდენია, მაგრამ სუსტნი და მოუშხადებელნი გაიტაცა...

ბურჟუაზიული პრესა ყველა შემთხვევას იყენებდა და მოხერხებულად სარგებლობდა სოციალისტების შეცდომებით. როცა რომელიმე მოთმინებადაკარგული პიროვნება, რომელსაც არავითარი გავლენა არ ჰქონდა და არავითარ მნიშვნელოვან როლს არ თამაშობდა სოციალურ პარტიაში, დანაშაულს ჩადიოდა — ბურჟუაზიული პრესა ამგვარ დანაშაულს ისე ეჭიდებოდა, როგორც მხსნელ იმედს, აზვიადებდა ფაქტს და გამოუცდელ და გაუთვითცნობიერებელ ხალხს აშინებდა. მაგალითად, როცა უბადრუკმა ჰედელმა, რომელიც გერმანიის სოციალური პარტიის მიერ ადრევე დისკრიმინირებული და შერცხვენილი იყო, გერმანიის იმპერატორს ესროლა, რათა, როგორც ეს პროცესმა აჩვენა, მსოფლიოს ყურადღება მიექცია, ბურჟუაზიულმა პრესამ ეს ამბავი იმგვარად გააზვიადა, რომ სოციალიზმის დამახასიათებელ მოვლენად გამოაცხადა. საკმარისია ოდნავ ჩაუუკვირდეთ ამ ამბავს და მაშინვე მივხვდებით, რომ სოციალიზმს, ისეთ სოციალიზმსაც კი, როგორც გერმანულია, არაფერს მოუტანდა იმპერატორის მკვლელობა, ერთი წუთითაც კი ვერ დააჩქარებდა ამ მოძღვრების წარმატებას, პირიქით, უფრო შეანელებდა, რადგან ხალხის შეგნებაში მკვლელობა სოც-

ალიზმთან გაერთიანდებოდა. მაგრამ ბურჟუაზიულ პრესას ავგვარი მოსაზრებები არ აინტერესებს. საჭირო იყო ხალხისა და მთავრობის დაშინება. მიუხედავად გერმანიის სოციალისტური პარტიის ყველა წარმომადგენელისა და გავლენიანი წევრების ენერგიული პროტესტისა, ჰედელის კერძო საქმეს პარტიული ხასიათი მისცეს...

მაგრამ დიდი თანამდებობის პირებზე თავდასხმა ახალი ამბავი არაა. ქვეყნად ჯერ არც სოციალური პარტია არსებობდა და არც სოციალიზმის ცნება, როცა დამიენები და რაველიაკები ამგვარ თავდასხმებს აწყობდნენ. შორს წასვლა საჭირო არაა. რატომ მოხდა, რომ 1861 წელს, როცა რესპუბლიკელი ოსკარ ბეკერი თავს დაესხა ამავე იმპერატორს, მაშინდელ პრუსიის მეფეს, გერმანიის ბურჟუაზიულმა პრესამ რესპუბლიკანელების გაწყვეტა არ მოითხოვა? რატომ მოხდა, რომ 1866 წელს როცა ბლინდი, ცნობილი გერმანელი რესპუბლიკანელის კარლ ბლინდის შვილი, თავს დაესხა ბერლინში ბისმარკს, ამ საქმეს არავინ არ მისცა პარტიული ხასიათი და არავის არ განუცხადებია, რომ გერმანელი რესპუბლიკელები მკვლელობას ქადაგებენ და მკვლელობის გზით მოქმედებენ? რატომ მოხდა, რომ 1874 წელს, როცა იეზუიტების და კლერიკალების აღზრდილი კულმანი კისინგენში თავს დაესხა გერმანიის კანცლერს, არავის არ უფიქრია ბრალი დაედო ამ ამბავს გამო მთელი კლერიკალური პარტიისათვის. პასუხი მარტივი და ნათელია: იმიტომ, რომ ბურჟუაზიულ პრესას და ბურჟუაზიულ ორატორებს ხელს არ აძლევდათ კლერიკალებისა და რესპუბლიკელების დასუსტება. ერთი და მეორეც ბურჟუაზიის თანამზრახველი იყო ხელისუფლებისათვის ბრძოლაში. ამავე დროს, სოციალისტები ხშირად ყოფილან მთავრობის მოკავშირეები ბურჟუაზიისთან ბრძოლაში. ბურჟუაზიის ხელისუფლების სარგებლიანობა არ აინტერესებს. აქ ვლინდება ბურჟუაზიული პრესის დამოკიდებულების საიდუმლოება ოთხ სრულიად ერთგვაროვან დანაშაულისადმი — ოსკარ ბეკერის, ჰედელის, ბლინდის და კულმანის თავდასხმებისადმი.

ამასთანავე, თუ რაიმე მნიშვნელობა აქვს ამა თუ იმ ხელისუფალის პიროვნებას პარტიისათვის, და თუ რომელიმე პარტია მართლა დაინტერესებულია ამ ხელისუფალის სიკვდილით, ეს გახლავთ არა სოციალური, არამედ კლერიკალური, ანდა მონარქისტული პარტია... მართლაცდა, რას ნიშნავს სოციალიზმის წარმატებისათვის ბისმარკის ან იმპერატორ ვილჰელმის მოკვლა? განა ამის შედეგად ოღნავ მაინც გაიზრდება მუშათა ხელფასი? განა მუშათა გათვითცნობიერება ამით წავა წინ? განა ამის გამო ქარხნებსა და ფაბრიკებს არტელების საკუთრებად გახდიან? განა ერთი არტე-

ლით მაინც გაიზრდება მუშათა კავშირების რიცხვი? სულ სხვაა კლერიკალთა საქმე. მათთვის დიდი მიღწევაა თუ ვოლტერიანელ მმართველს ფარისეველი მმართველით შეცვლიან. მონარქისტული პარტიისათვის უნარიანი, პოპულარული მმართველის სუსტი და უნებისყოფო მმართველით შეცვალა, დინასტიის შეცვლის შესაძლებლობის გაზრდაა... აი, რატომ აღსდგნენ, და აღსდგებიან ახლაც, ერთხმად ყველა სოციალური მოძღვრებისა და პარტიების ცნობილი ბელადები და ხელმძღვანელები ამგვარი თავდასხმების წინააღმდეგ, თავდასხმებისა, რომელთაც არავითარი სოციალური მნიშვნელობა არა აქვთ და მხოლოდ პოლიტიკურ ხასიათს ატარებენ...

47. საპვირაო საშორებო

ბატ. ღამბაროვი, გამოცდილი ფინანსისტის როლში, გესლს სხვისგან სესხულობს. — ნიკოლკა-ფინანსისტი და მიკოლკა-პუბლიცისტი. — რით თავდება ზოგჯერ მოწინააღმდეგის გულის მოსაქლავი საშუალების განურჩევლობა. — რატომ არ ემუქრება არაფითარი საფრთხე ბატ. ღამბაროვის სიცოცხლეს. — ბატ. ღამბაროვის მარჯვე პოლემიკური ფანდები. — მისი სურვილი სახელი გაითქვას, როგორც სომეხი ერის დამცველმა. — წმინდა ცეცხლის - ექსპლოტატორები. — ჩემი მკაცრი პასუხი მათ. — მართლა შესწევთ უნარი იყვნენ ერის დამცველნი და მართლა შეუძლიათ სამსახური გაუწიონ მას? — ტაქიმახსარები ცირკში და ტაქიმახსარები ბანკებში. — ბანკირთა ფოქუსები. — სოლოკაელი ბასტია.

სათაურით „ნიკოლკა — ფინანსისტი“; ბატ. ღამბაროვმა რომელსაც „ობზორის“² მკითხველები იცნობენ, როგორც ფასების მერყეობის საკითხების „მეცნიერული“ გამოკვლევის ავტორს, „ტიფლისკი ვესტნიკის“³ დღევანდელ ნომერში (№ 206) გამოაქვეყნა თავისი დაგვიანებული პასუხი ორ მოწინავე სტატიანზე, რომლებიც „ობზორმა“ მის „მეცნიერულ“ შრომას მიუძღვნა. როგორც მოსალოდნელი იყო გაბერილი რეპუტაციისაგან, რომელიც გაბერილ იდეებს ემსახურება და გაბერილ ოპერაციებს უმღერის, „სწავლულმა“ ავტორმა კრიტიკის უარსაყოფად ასეთივე გაბერილი საშუალებები იპოვა. უპირველეს ყოვლისა, „ობზორის“ სტატიები მე მომაწერა, რათა უფლება ქონოდა ჩემთვის გული ეტკინა თავისი გამოხდომებით. რისთვის დაჭირდა ამგვარი გამოხდომა წმინდა ეკონომიურ საკითხებზე კამათის დროს—ამას ვერც ერთი ნამდვილად მოაზროვნე ადამიანი ვერ გაიგებს, მაგრამ გაბერილ „სწავლულებს“ სხვაგვარად არ შეუძლიათ, რაც ყველაზე უკეთ ამტკიცებს, რომ მეცნიერული ფონდი მათ არ გააჩნიათ...

საბედნიეროდ, სწავლული ფინანსისტის პასუხის მთელი გესლი მხოლოდ სტატიის სათაურშია ჩაქსოვილი... „ნიკოლკა — ფინანსისტი“ მინიშნებაა ბ-ნ ა. სერნო-სოლოვიევიჩის (ცოდვა იქნება იგი განსვენებულ ნ.ა. სერნო-სოლოვიევიჩში აგვერიოს) ბროშურაზე— „მიკოლკა — პუბლიცისტი“. რომელიც ჩემს წინააღმდეგ გამოიცა ათი წლის წინათ. საქმე იმაშია, რომ საზღვარგარეთ ყოფნის დროს

მე მომიხდა უარყოფითი აზრის გამოთქმა იმდროინდელი ემიგრანტების უმრავლესობაზე, რომლებიც, ჩემის გულწრფელი რწმენით, სუსტად იყვნენ მომზადებულნი პოლიტიკური როლის შესასრულებლად. ამ შეხედულების გამო, ბატ. სოლოვიევიჩმა გადაწყვიტა გამოეცა ბროშურა, რომელშიც, არც მეტი, არც ნაკლები, გამოცხადებული ვარ რუსეთის მთავრობის აგენტად, ჯაშუშად, არამზადად და ა. შ. ამასთან ერთად, ბროშურაში გადაკვრითაა ნათქვამი, თითქოს მე ემიგრანტთა სალარო გავძარკვე, რომელშიც 25 მანეთზე (69 ფრანკ.) მეტი არ მოიპოვებოდა. იმ წრეების საზოგადოებრივმა აზრმა, რომელთა დაცვასაც სერნო-სოლოვიევიჩი ცდილობდა, ისე მკაცრად დაგმო მისი საქციელი, როგორც წესიერ საზოგადოებას შეეფერება. ბატ. სერნო-სოლოვიევიჩი უარყო თითქმის ყველა ემიგრანტმა, რომელთაგან მხოლოდ ერთმა კაცმა შეინარჩუნა მასთან ადრინდელი ურთიერთობა⁷². ერთი წელი არც გასულა, სერნო-სოლოვიევიჩის სიცოცხლის ფასად დაუჯდა თავისი ჩვეული თვისება — მისდამი ყოველგვარი უთანხმოება ჯაშუშობად და არამზადობად გამოეცხადებია, — იგი იძულებული შეიქმნა თავი მოეკლა.

ნუ შეშინდება ბატ. ლამბაროვი, მის სიცოცხლეს სრულიად არ ემუქრება ამგვარი საფრთხე. რაც არ უნდა იყოს, ბატ. სერნო-სოლოვიევიჩი იდევბით გატაცებული, გრძნობითა და გულწრფელობით აღვსილი კაცი იყო. მას მხოლოდ ეჩვენებოდა, რომ ყველა, ვინც ემიგრანტებს არ „აღმერთებს“, ალბათ ჯაშუში და არამზადაა. აი, ეს იყო მისი გამოხდომების საფუძველი. იგი პატივს სცემდა საკუთარ ღირსებას და არ შეეძლო გადაეხარშა პატიოსანი ადამიანების ზიზღი თუ გულგრილობა. ბატ. ლამბაროვს არ მოეღის საფრთხე იმისა, რომ ამგვარმა „ცრურწმენამ“ შეიპყროს. კაცი, რომელმაც „meaculpa“ წარმოთქვა და ისევ ემსახურება კულაკებს, რომელთაც პრესაში, საკუთარი ხელმოწერით, ისეთი ადამიანები უწოდა, „რომელთაც წარმოდგენა არა აქვთ რაა ღირსება“, ასეთი კაცი, ვაცხადებ მე, არ მოიკლავს თავს იმის გამო, რომ ვიღაცამ ამხილა, ამხილა იმაში, რომ პატიოსან კაცს ჯაშუში და ქურდი უწოდა... თანაც ჩვენთან სხვა გარემოა... „ტიფლისკი ვესტნიკის“ ახლანდელმა ხელმძღვანელებმა დიდი ხანია იციან ბროშურის — „მიკოლკა-პუბლიცისტის“ არსებობა. ის ამბავი, რომ მათ ღირსებად მიაჩნდათ ჩემთან ერთად თანამშრომლობა, ცხადად ამტკიცებს, თუ როგორ უმნიშვნელო მოვლენად მიაჩნდათ მათ ბროშურა. ხოლო ის გარემოება, რომ ისინი ახლა ცდილობენ ამ ბროშურით მე და „ობზორი“ გაგვამწარონ, ყველაზე კარგად ამტკიცებს, თუ ზნე-

ობრევი სიფაქიზის რა ფონდი გააჩნიათ მათ... არა, ბატ. ლამბარო-
ვო, თქვენ სიცოცხლეს საფრთხე არ ელის, თბილისში იგი დიდი ხნი-
თაა დაზღვეული...

სწავლულები, ჩვეულებრივ, გვსაყვედურობენ გადაჭარბებული
უკმეხობის გამო, იმის გამო, თითქოს „ვიგინებით“, „პიროვნე-
ბას“ ვეხებით და სხვა ამგვარ დანაშაულს ჩავდივართ. ღმერთო ჩე-
მო, რა ყალბია ამგვარი საყვედურები! „ობზორის“ მკითხველებს
ახსოვთ ბატ. ლამბაროვის შრომისადმი მიძღვნილი სტატიები. განა
იყო მასში თუნდაც ერთი გინება, თუნდაც ერთი გამოთქმა, რომე-
ლიც შეედრება ბატ. ლამბაროვის ქვემოთ მოყვანილ სიტყვებს:

„ცხადია, ყველას ვერ აიძულებ იყოს წესიერი, ამასთან გინება
არავის არ ეკრძალება, ამიტომ ამ სტატიებს მე ყურადღებასაც არ
მივაქცევდი, მათი ლიტერატურული ხერხები რომ განსაკუთრებულ
ინტერესს არ იწვევდეს და არ გვიჩვენებდეს, თუ რა სასაცილო ტა-
კიმასხარობამდე შეიძლება მივიდეს მწერალი, რომელსაც თავის
თავზე დიდი წარმოდგენა აქვს და თუმცა ცუდად იცნობს მსჯელო-
ბის საგანს, მაინც რატომღაც წარმოუდგენია. რომ ყველაფერის
მცოდნეა და შეუძლია სხვებსაც ჭკუა ასწავლოს“.

ანდა ეს:

„ამგვარი ფარსები, ნიშანდობლივი მხოლოდ ოინბაზებისათვის,
ლიტერატურისათვის აუტანელი უნდა იყოს“.

„რა ხმაურს ასტეხდით მეგობრებო, ყოველივე ეს რომ მე გამე-
კეთებია“ — ვეკითხები მე სწავლულებს! გინება და ლანძღვა
მათ ენაზე აკერიათ, როცა თავდაცვის სხვა საშუალება არ გააჩ-
ნიათ. უბედურება მხოლოდ იმაშია, რომ მათი ლანძღვაც უკბილო
და გაბერილია...

თავისთავად ბატ. ლამბაროვის „პასუხი“ არავითარ რეპლიკას არ
იმსახურებს. იგი ცდილობს დაამტკიცოს. თითქოს „ობზორმა“ მისი
სტატიის აქა-იქ აზოგლეჯილი ნაწყვეტები არასწორად გააშუქა.
მაგრამ „ობზორში“ გადმობეჭდილი იყო თითქმის მთელი სტატია
და ამავე დროს ბატ. ლამბაროვის არცერთი აზრი არ იყო შემოკ-
ლებული და დამახინჯებული. ასე რომ „ობზორის“ მკითხველებს
შეუძლიათ სწორი წარმოდგენა ჰქონდეთ კამათის არსზე. მაგრამ
ბატ. ლამბაროვის პრესაში საყურადღებო ისაა, რომ ცდილობს და-
ამახინჯოს ჩვენი პოლემიკა, ამიტომ გვინდა სწავლული ფინან-
სისტის ამგვარ ცდას რამდენიმე სიტყვით შევეხოთ.

პირველი ცდა ასეთია: „ობზორის“ 239 ნომრის მოწინავე სტა-
ტიის ავტორმა თითქოს წინდაწინ ამოწერა ყველა საჭირო ნაწყვე-
ტი ბატ. ლამბაროვის სტატიიდან, შემდეგ კი შეუდგა განხილვას და

ამოწერილი ნაწყვეტები თავისებურად დაალაგა. მკითხველმა, რომელსაც ხელთ ჰქონდა ბატ. ლამბაროვის დედანიც და ჩვენი კრიტიკოსის თარგმანიც, დაინახა, რომ „ობზორს“ არავითარი ხრიკები არ გამოუყენებია. ხოლო ბატ. ლამბაროვმა, რომელიც ფიქრობს, რომ ლიტერატურაშიც შეიძლება გაბერილი ოპერაციებით თავის გატანა. გრძელი ტირადის დაწერა ინება იმის შესახებ, თითქოს ჩვენ სხვის აზრებს „ვამახინჯებთ“. კაცი, რომელიც წერილობით კამათში ასეთ თაღლითობას სჩადის, ბედავს სხვებს თინბაზები უწოდოს!..

ბატ. ლამბაროვის მეორე გამოხდომა კიდევ უფრო ეპიურია. მას მოჰყავს „ობზორის“ სტატიებიდან შემდეგი სიტყვები:

„...გაუბრის რა იაფფასიან ლიბერალიზმს, ე. ი. გაუბრის ბრალდებას თბილისის ვაჭართა წრის მიმართ ვაჭრობის ბოროტად გამოყენების საქმეში, იგი (ლამბაროვი) დგება პატრიოტულ-კონსერვატორულ თვალსაზრისზე და ამ გზით ცდილობს ბუნებრივი მიზეზებით ახსნას ჩვენი ვაჭრების არაბუნებრივი ოინები. დაწყნარდეთ იმის რწმენით, რომ სიძვირე ღვთის ნებაა და მას უნდა დავემორჩილოთ, სრულიად არ ნიშნავს იყო კონსერვატორი, ღრმა მოაზროვნე ეკონომისტი და რელიგიური ფანატიკოსი. ჩვენი ქრისტიანული რელიგიის დოგმატების მიხედვით, ადამიანი იმისთვისაა დაჯილდოებული ნებისყოფით, რომ ებრძოდოს ბოროტებას, საერთო კეთილდღეობისათვის იზრუნოს და პირადი ზნეობრივი მოთხოვნილებები დაიკმაყოფილოს. ექსპლოატატორებისათვის მხარდაჭერა შესაძლებელია მხოლოდ იმ ინტერესებისადმი სოლიდარობის შემთხვევაში, როცა იძულებული ხართ ცრუ ეკონომიური შეხედულებები გააერყელოთ... მაგრამ, მე მაინც ვფიქრობ, რომ ბ-ნ ლამბაროვის გატაცების მიზეზი არც ერთი იყო, არც მეორე და არც მესამე. მას უბრალოდ ცოდნით თავის გამოჩენა უნდოდა, რაც ბრწყინვალედ შესძლო!“

იცით, როგორ უარყოფს იგი ამ სტრიქონებს? აი, თვითონვე დასტკბით:

„რა ნასიამოვნებიც არ უნდა ვიყო „ობზორის“ ქათინაურებით, რასაც სტატიის დასასრულს მიმართავს, არ შემიძლია არ აღვშფოთდე იმ ინსინუაციებით, რომელთაც პირველი სტრიქონები შეიცავს. ჩვენთან, კავკასიაში სადაც ნაციონალური შუღლი ჯერ კიდევ არ გაქრალა, სადაც ყოველი პათიოსანი კაცის ძალ-ღონე მიმართული უნდა იყოს ერთა ინტერესების შესარიგებლად, ამგვარი ინსინუაციები ყველაზე საზიზღარ ხასიათს ატარებს“.

რა შუაშია აქ ნაციონალური საკითხი, რა ინსინუაციებზეა ლაპარაკი? თქვენ, გულუბრყვილო მკითხველებო, ამას სიკვდილამდე ვერ მიხვდებით. მაგრამ ბატ. ლამბაროვი რომ გულუბრყვილო

ადამიანი იყოს არ დაწერდა სტატიას ფასების მერყეობის შესახებ. უპირველეს ყოვლისა, იგი პრაქტიკული ადამიანია და მარტო წერის პრინციპის გამო კი არ წერს. მან დაინახა, რომ „ობზორის“ სტატიებმა შეარყია მისი მეცნიერული რეპუტაცია. იგი არც კი ცდილობს დაიცვას საკუთარი რეპუტაცია, რადგან დაცვა კარგს არაფერს მოუტანს. თუმცა მას არ სჭირდება იმ რეპუტაციის დაცვა, რომელმაც საკმარისი სამსახური გაუწვია. იგი საკუთარ ინდგომარეობაზე ზრუნავს. და აი, მან ხელი მიჰყო წმინდა ეკონომიური დავის „ნაციონალურ საკითხებში“ არევას. მისთვის აუცილებელი იყო ადგილობრივი ვაჭრების მომადლიერება, რადგან, როგორც თბილისის კომერციული ბანკის მმართველი, მთლიანად მათზეა დამოკიდებული. მას ყველაზე მეტად შემსყიდველ-ვაჭართა და კულაკთა დამცველის რეპუტაცია სჭირდება. ამგვარი რეპუტაცია მან უკვე მოიპოვა, ახლა კი ცდილობს დაარწმუნოს ადგილობრივი სომეხი საზოგადოებრიობა, თითქოსდა იგი სომეხი ერის დამცველიცაა! მოფიქრებული ზრიკია... აი, რა მიზნისაკენაა მიმართული ზენომოყვანილი ფრაზები „ნაციონალური შუღლის“ შესახებ.

არა, ბატ. ღამბაროვ, ჩვენთან ასეთი ფანდები არ გავივით! სხვა თუ არა, მე ხომ კარგად ვხედავ თქვენი და თქვენი მსგავსი ბატონების გაქნელობას. თქვენ ფარისევლურად გვთავაზობთ „ერთა ინტერესების“ შერიგებას და ამავე ღროს თქვენზე მეტად არავინ არ აღვივებს ერებს შორის შუღლსა და მტრობას. თქვენ ამას იმიტომ აკეთებთ, რომ მთელი საზოგადოების სამსახურისათვის არც ძალა შეგწევთ და არც უნარი, იმიტომ თქვენ და თქვენი მსგავსი ბატონები ცდილობთ დაეყრდნოთ ყველაზე მსუბუქ საყრდენს, საყრდენს, რასაც ეროვნული შუღლის გაღვივება ქმნის. თქვენ ამ შუღლის გაღვივებით იკვებებით. სხვაგვარად არაარაობა იქნებოდით, და წაბორძიკებული ახლაც სწორედ ამ შუღლს, როგორც ხავსს ისე ეჭიდებით. თქვენ არც კი ნაღვლობთ, რომ ამგვარი საქციელით არცხვენთ სწორედ იმ ერს, რომელსაც თითქოსდა იცავთ. საბედნიეროდ, მას არ სჭირდება ასეთი ბინძური დაცვა. გარდა თქვენი შეურაცხყოფისა, მას ისედაც ბევრი უბედურება სჭირს, რაც მისი ისტორიული ხვედრით აიხსნება; მას ჰყავს რამდენიმე ასი თუ ათასი კაცი, რომლებიც მემკვიდრეობით ვაჭრობენ და რომელთაც ექსპლოატატორული ინსტინქტები შეიძინეს. სხვა ერის წარმომადგენელთა თვალში, რომელთაც სომხური სოფლის მცხოვრებლები არ უნახავთ, სიტყვა „სომეხი“, საუბედუროდ, „ექსპლოატატორთან“ არის გაიგივებული. იმიტომ ყველა პატიოსანი სომხის ვალია

დაუმტკიცოს სხვებს, რომ სხვაა სომეხი, სხვაა — მეწვრილმანე ვაჭარი. თქვენ კი, ეშმაკმა იცის, რა წვრილმანი მიზნების გამო, დამეტრალურად საწინააღმდეგოს აკეთებთ. ჩვენ ვებრძვით მეწვრილმანე ვაჭრებს და შემსყიდველებს, რომელთა შორის ბევრია ქართველიც, რუსიც და თათარიც, თქვენ კი ცდილობთ დაარწმუნოთ ყველა, თითქოს ჩვენ სომხებს ვესხმით თავს!..

არა, ნაციონალური გრძნობის ექსპლოატატორებო, ამით თქვენ ფონს ვერ გახვალთ. მე რომ ნაციონალური შუღლის გაღვივება მდომოდა, დარწმუნებული ბრძანდებოდეთ, რომ ადვილად და სარფიანად გავაკეთებდი კიდევც. ჩემთვის, ვინაიდან კარგად ვიცი თბილისელი მეწვრილმანეებისა და იმ ხროვის აქილევსის ქუსლი, რომელთაც ხელში ჩაიგდეს თბილისის სავაჭრო სამრეწველო ასპარეზი, საკმარისი იყო დამეწერა ორი-სამი სტატია, რომლებშიც ამ მეწვრილმანეებისა და ამ ხროვის ცოდვებს ნაციონალური შეფერილობა ექნებოდა და „ობზორი“ მაშინვე გახდებოდა ჩვენი მხარის რუსი, ქართველი, მთიული და თათარი მოსახლეობის კერპი. რას დავკარგავდით ან მე ან „ობზორი“ ამის გამო? სრულიად არაფერს. აიღეთ ჩვენს მხარეში გამოძავალი რომელი რუსული გაზეთის ხელისმომწერთა სიაც გინდათ და დარწმუნდებით, რომ სომხები შეადგენენ ხელისმომწერთა ერთ მეათედს ან მეოცედს საერთო რიცხვისას. აიღეთ განცხადებები და თქვენ დაინახავთ, რომ სომეხი-განმცხადებლები საერთოდ განმცხადებელთა ერთ მეხუთედსაც კი არ შეადგენენ. „ობზორის“ სომეხ-მეპაიეთა რიცხვი (მაგალითად) მეპაიეთა საერთო რიცხვის ნახევარზე და მგონი ერთ მესამედზეც ნაკლებია. რაც შეეხება ადგილობრივი სომეხი საზოგადოების გამოჩენილ ადამიანებს, — მთელმა თბილისმა იცის, თუ რა გააფთრებით ეწინააღმდეგებოდნენ ისინი „ობზორის“ დაარსებას და რა ენერგიულად ცდილობენ ახლაც ხელი შეუშალონ მის წარმატებას ხმების გავრცელებით მისი თითქოსდა დახურვის შესახებ. ასე რომ, არაფერი ისეთი, რასაც მატერიალური ანგარიშიანობა ჰქვია, ხელს არ მიშლის გავადვივო ვნებები და ეფექტიურად გამოვიყენო მთელს ჩვენს მხარეში გაბატონებული სიძულვილი მეწვრილმანე-ექსპლოატატორთა მიმართ, რომლებშიც არა მარტო ბრბო, არამედ განათლებულთა უმრავლესობაც კი მთელ სომეხ ერს ხედავს. ახლა საკითხავია, რატომ არ ვაკეთებ მე ამას, რატომ ვანსხვავებ ყოველთვის სომეხ ერს, მის უფლებებს წინსვლაზე და მომავალზე. იმ ბინძური ჩვევებისა და ექსპლოატატორული ინსტიტუტების მქონე ერთეულებისაგან, რომლებიც, სომეხი ერის საუბედუროდ, სომეხურ გვარს ატარებენ?

მე მხოლოდ იმიტომ არ გავყევი ამ გზას, რომ სიმართლის, სამართლიანობის და ჩვენი მხარის საერთო სარგებლიანობის საწინააღმდეგო იქნებოდა... თქვენ არ შეგიძლიათ გაიგოთ ეს, მაგრამ მე არ მეშინია თქვენი მიუხვედრელობის. შეუძლებელია, რომ მთელ „ერს“ კირდეს იმგვარი ზნეობრივი სიბრძავე, როგორცაა თქვენ, ბატონებო, მას ამკობთ საკუთარი სარგებლიანობის მიზნით. მე სულმოკლე არა ვარ. დადგება დრო, როცა თქვენივე ერის შვილები აღიმაღლებენ ზმას თქვენს წინააღმდეგ, როცა წამოიზრდება თაობა, რომელიც მიხვდება თქვენს თამაშს და გაიგებს, რომ თქვენთან ბრძოლის დროს „ობზორი“ პატიოსნად ემსახურებოდა ადგილობრივი საზოგადოების ინტერესებს და იმ ერის ჭეშმარიტ ინტერესებსაც, რომელსაც, მისდა სამწუხაროდ, თქვენ ეკუთვნით.

და იცით რას გეტყვიან თქვენ ეს ადამიანები და ეს თაობა?
სხვათაშორის, აი რას:

ორ-სამ წელიწადში ერთხელ სომეხი ხალხის დამცველად მოგქონდათ თავი. მთელი ცხოვრების მანძილზე კი მხოლოდ საკუთარ კუქს ემსახურებოდით. იყო დრო, როცა ერს ენერგიული დამცველები სჭირდებოდა, როცა, მაგალითად, ლაპარაკობდნენ სკოლების მოწყობაზე, სომეხი გლეხების მდგომარეობაზე, მათ ურთიერთობაზე მემამულეებთან და ა. შ. იყო დრო, როცა რუსულ და საზღვარგარეთულ პრესაში გაისმოდა ცოფმორეული და უსამართლო ცილისწამება სომეხ ხალხზე. რატომ არ იღებდით ხმას მაშინ, თითოეული არ გაგინძრევიათ შეურაცხყოფილი ღირსების და შელახული სამართლიანობის დასაცავად? ამგვარი უსამართლობა თქვენ ხელს არ გიშლიდათ გეჭამათ, გეძინათ, მიგედოთ მოზრდილი ხელფასი... თქვენ იტყვიან ყველას არ შეეძლო დაეწერა, რომ თქვენ მწერლები არა ხართ. მაგრამ თქვენ, ბატ. ლამბაროვ, ხომ აიღეთ ხელში კალამი, როცა ლაპარაკი იყო თქვენს დანიშნაზე ბანკის მმართველად, ანდა როცა ნათესაეებს მხარში ამოუდევით, ანდა როცა „ობზორის“ კრიტიკოსის უარყოფა განიზრახეთ. რატომ არ აგაღელვებდათ არც ერთმა ჩვენი ცხოვრების მნიშვნელოვანმა საკითხმა, არც ერთმა კაპიტალურმა მოვლენამ ისე, როგორც, მაგალითად, ი. ი. პოლტორაკის წერილმა? რატომ მოხდა, რომ პირადად თქვენკენ მომართულმა ისრებმა იძულებული გაგხადათ პრესაში გამოჩენილიყავით, ხოლო საერთო საქმის მარცხს გულგრილად უყურებდით? იმიტომ, რომ თქვენ მხოლოდ საკუთარი თავს და საკუთარ კუქს ემსახურებით და არა საერთო საქმეს. აი, რატომ არა გაქვთ უფლება სომეხი ხალხის დამცველად მოგქონდეთ თავი...

ხედავთ თუ არა, ბატ. ლამბაროვო, რას ნიშნავს საკამათო საკით-

ხიდან გადახვევა. თქვენ გაწყობდათ „ობზორის“ მოწინავე სტატიების უკან მდგომი ავტორი გეპოვათ და განგეგმირათ, თქვენ გაწყობდათ გაგვხსენებით მიკოლკა-პუბლიცისტი, თქვენ მოისურვეთ ეკონომიურ საკითხებზე კამათი გადაგეტანათ ნაციონალურ ნიადაგზე — და აი, ახლა კი მოინელეთ ჩემი გადახვევაც დავის საგნიდან და ჩემი პირადი გამოსვლაც თქვენს წინააღმდეგ.

მაგრამ ბატ. ღამბაროვთან დავა ჯერ არ დამიმთავრებია. დავპირდი და უნდა მივუზღა კიდევ სამაგიერო სიტყვებისათვის—„ტაკიმასხარა“, „ოინბაზი“, რითაც მან შეამკო ჩემი თანამშრომელი, რომელსაც მის მიმართ ერთი არალიტერატურული გამოთქმაც კი არ უხმარია.

მე არა მგონია, რომ „ტაკიმასხარა“, რომელიც ლუკმა-პურს საეკუთარი ძვლების მტკრევით შოულობს, ნაკლებ ღირსეული იყოს, ვიდრე ტაკიმასხარა, რომელიც ფოკუსებს აკეთებს არა თავის, არამედ უცნობი ქვრივების და ობლების ჯიბეებზე. არა მგონია, კაცს, რომელიც უსინდისოდ ეწევა სხვების ექსპლოატაციას უფლება ჰქონდეს ზიზღით ილაპარაკოს რომელიმე ტაკიმასხარაზე. ასეთ კაცს არც იმის უფლება აქვს, რომ დასცინოს ფოკუსებს, რადგან წლების მანძილზე თვითონ, აი, როგორ ფოკუსებს აკეთებს:

არის საზოგადოება, რომელსაც უმნიშვნელო ნაკლოვანებანი გააჩნია. არსებობს ორი-სამი ათეული მეწვრილმანე ვაჭარი, რომელსაც გაბერილი მდგომარეობის მეტი არაფერი აქვს. საკითხავია, როგორ გადავიყვანოთ პირველთა ქონება ამ უკანასკნელთა ჯიბეში ისე, რომ ყველა კმაყოფილი იყოს.

დამეთანხმეთ რომ თავსატეხი ფოკუსია. მაგრამ მოხერხებულმა ადამიანებმა ძალზე მარტივად გადაჭრეს იგი; ამისათვის საკმარისია ბანკის გახსნა; ბანკი მოქალაქეებისაგან ანაბრებს მიიღებს და ვაჭრებსა და ექსპლოატატორებზე გასცემს თამასუქით, გაბერილი თამასუქით. გარკვეული დროის შემდეგ თამასუქები პროცენტების დარიცხვით იცვლება, ახალი ანაბრებით ძველს ფარავენ და ასე იქცევიან უსასრულოდ, ანდა „მოულოდნელ შემთხვევამდე“, როცა ყველა მენაბრე ერთდროულად მოითხოვს ანგარიშის გასწორებას. მაშინ მათი გაბერილი თამასუქებით მენაბრეთა დაკმაყოფილება შეუძლებელია. თუმცა ამ ხიფათის საწინააღმდეგო საშუალებებიც მოიპოვება. ჯერ ერთი, უვადო ანაბრების ხარჯზე მოკლევადიანი თამასუქების ხელოვნური გაზრდა, მეორეც არსებობს სახელმწიფო ბანკი, რომლის კრედიტი ყველა ბანკისათვის ღიაა... და თუ, მიუხედავად ყოველივე ამისა, მაინც წარმოიშობა კრახი და უბედური მენაბრეები დაკარგვენ ყველაფერს „სამწუხაროდ“ კაპიტალისტებისა, რომელთაც

არა ერთხელ შეუტყამიათ არა მარტო თავიანთი გაბერილი თამასუ-
ქები, არამედ ნამდვილი თამასუქებიც, მაშინ მოხერხებული ფინან-
სისტები იტყვიან: „რა გაეწყობა, ყველაფერი ღვთის ნებაა“.

ბატ. ღამბაროვს, ამგვარი ფინანსისტების მეთაურს, შეუძლია
ახლა რამდენიც უნდა იმდენი გვეძახოს „ნიკოლკა-ფინანსისტი“ და
„ონინაზი“. დარწმუნებული ბრძანდებოდეს, რომ მისი მსგავსი „ფი-
ნანსისტი“ და „ფოკუსნიკი“ ჩვენ არასოდეს ვყოფილვართ და არც
არასოდეს ვიქნებით.

მთელ ამ ისტორიაში ბატ. ღამბაროვის ტრაქტატისა, რომელიც
„ტიფლისკი ვესტნიკმა“ გადმობეჭდა და მეცნიერული შრომის რეკ-
ლამა მიაწება, და რომელსაც ახლა რეფერატი დაარქვეს, ორი გა-
ჩემობაა სასაცილო: ბატ. ღამბაროვს თავი მეცნიერული ჰუმბარ-
ტების ქომაგად მოაქვს, რასაც თითქოს „ობზორი“ ფეხ-ქვეშ თელავს,
ამსთანავე „ობზორის“ სტატიას მე მომაწერს. მე წავიკითხე მისი
რეფერატი სასოფლო-სამეურნეო საზოგადოების საანგარიშო მოხსე-
ნებებში და რადგან ვიცოდი ამგვარი გამოცემები უმნიშვნელო რა-
ოდენობით ვრცელდება, გადაეწყვიტე ღუმლით ამევლო გვერდი
გაბერილი სწავლულის უბადრუკი ლულულისათვის.

მაგრამ როცა „ტიფლისკი ვესტნიკმა“, ალალმართლობით,
ეს რეფერატი გადმობეჭდა და მეცნიერების უკანასკნელ სიტ-
ყვად გამოაცხადა, „ობზორს“ აღარ შეეძლო ბატ. ღამბაროვის ცოდ-
ვების დამალვა. მისი სტატიის განხილვა ისეთ თანამშრომელს და-
ვავალე, რომელსაც ყველაზე ნაკლებად ახასიათებს პოლემიკური
სიფიცხე. „ობზორის“ მკითხველებმა იციან, რომ განხილვა იყო
დინჯი, შესაფერისი ყველა მეცნიერული გამოცემისათვის, ყოველ-
გვარი პიროვნული ანტიპატიისა და გინების გარეშე. და თუ ის იყო
შხამნარევი, ამაში თვით სიუჟეტია დამნაშავე და არა ავტორი. ახ-
ლა კი ბატ. ღამბაროვი ჩივის, თითქოს გალანძღეს და მეცნიერული
აფორიზმები მოჰყავს! მეტი საქმე არა მაქვს. ვარწმუნო ის, თუ რო-
გორ ცუდად ერკვევა საკუთარ სპეციალობაში. რომ „ობზორის“ სტა-
ტიაში უხეშობა არ იყო, რომ ტყუილად მომაწერა მისი ავტორო-
ბა⁷³. როცა მოვიცილი, მე მას წავაკითხებ მისი რეფერატის ჩემს სა-
კუთარ განხილვას, საგანგებო სტატიას, შესატყვისი სათაურით: სო-
ლოლაკელი ბასტია.

48. ლიტერატურული ზრდილობის გაკვეთილები

თბილისი, 17 სექტემბერი

ამა წლის დასაწყისში ჩვენ პირობა დავდეთ, რომ თავს შევიკავებდით „ტიფლისკი ვესტნიკთან“³ ყოველგვარი კამათისაგან. როგორც მკითხველებს ახსოვთ, პირობის საფუძველი, ამ გაზეთის რედაქციასთან ჩვენი აღრინდელი ურთიერთობა იყო. ჩვენ მაშინ ვწერდით (იხ. „ობზორი“ № 7)⁷⁰:

„რადგან არ ვეკუთვნით იმ ადამიანთა რიცხვს, რომლებიც ახალი მტრობის გასაღვივებლად ძველი მეგობრობით სარგებლობენ, ოდესღაც მეგობრულად შეკრული ოჯახის ინტიმურ ნაცნობობაში არ ვეძებთ საიმედო მასალას მის შესარცხვენად. საკუთარი თავისა და მკითხველების პატივისცემის გამო არასოდეს არ შევეკამათებით „ტიფლისკი ვესტნიკს“.

მაგრამ ახლა „ტიფლისკი ვესტნიკის“ რედაქციაში აღარ არიან „ოდესღაც მეგობრული ოჯახის“ წევრები, რომელთა შესახებ შეიძლება იანვარში ვწერდი. როგორც ცნობილია, თავ. ბებუთოვი პეტერბურგში ცხოვრობს და ექვსი თვის მანძილზე „ტიფლისკი ვესტნიკში“ მისი პროზაული ნაწარმოების ერთი სტრიქონიც არ დაბეჭდილა. თავ. დ. ერისთავი თბილისში არაა და, როგორც თვითონ განაცხადა, რედაქციის საქმეებში ნაკლებად მონაწილეობს ვინემ თავ. ბებუთოვი, რომელიც ახლა „მართავს“ რედაქციას და წარმატებით მიყვება თავ. ერისთავის კვალს... სარგებლობენ რა ამ მდგომარეობით, ვიღაც მოუძწიფებელნი, რომელთაც ლიტერატურული განათლება მხოლოდ „პეტერბურგსკი ლისტოკის“⁴⁹ რედაქციასა და პეტერბურგის თეატრალურ ჭაობში მიიღეს, გაზეთს ბავშვური აჭია-ბაჭიებითა და მოჩმახული ლექსებით ავსებენ. როცა ცდილობენ წაახალისონ ისეთი ბავშვური გამოცემებიც, როგორიც კერძო პროგიმნაზიის მესამე კლასის მოწაფეთა „პირველი ნაბიჯია“, ჩვენ, ცხადია, არც იმის წინააღმდეგი ვართ, რომ ლიტერატურაში ივარჯიშონ ყველა ჯურის მოწაფეებმა, რომლებიც, სკოლაში გამომუშაებულნი ჩვევის მიხედვით, თავის ნაწერს შენიშვნას ურთავენ: „Пи-

საღ ესო ნე ია“. მაგრამ დროდადრო ეს ხანშიშესული მოწათფეები მოკლე მოსაზრების გამო ისეთ ოინებს მიმართავენ, რომელთაც დაუსჯელად არც ერთი საკუთარი თავის პატივისმცემელი ლიტერატურა არ ტოვებს. ერთი ასეთი ოინი ჩაიღინა დღეს ბატონმა „ეს მე არ ვარ“⁸². ჩვენ უნდა ვაიძულოთ იგი ალოკოს საკუთარი სისაზიზღრე, თუნდაც ამისთვის, მისივე გაძოტქმა რომ გამოვიყენოთ, სამაგიეროს გადახდა მოგვიხდეს არა პრინციპით — კბილი კბილის წილ, არამედ მანერით — მთელი ყბა ერთი კბილისთვის.

ჯერ ერთი, თითქმის სასაცილო ლექსში, რომელსაც „პირველი ნაბიჯიც“ კი დაიწუნებდა, ბატ. „ეს მე არ ვარ“ წერს.

«Напрасно полной самоментия
Для думы жаждет обновления,
Заговорит про избрания
«Обзор», сей орган порицания,
Во всех вселяющий сомнения
И возбуждающий волнения.
Теперь у всех такая мания
Бранить с плеча все начинания
И без причин, без убеждения
Пить всех ядом озлобления.
Но не имеют основания
Печати злобнои поругания
И ради самоуважения
Такие дикие суждения
Оставить думы без внимания,
Как праздных помыслов скитания».

აღარაფერს ვიტყვი იმაზე, თუ რა მოხდებოდა ჩვენ რომ ამის შესამედი სისაძაგლე დაგვეწერა. „ტიფლისკი ვესტნიკი“ იმ წამსვე აყვირებოდა — დაგვაბეზღესო... ჩვენ დაბეზღებისა არ გვეშინია, რადგან კარგა ხანია შევეჩვიეთ... გაცილებით უფრო მნიშვნელოვანია ის ინსინუაცია, თითქოს „ობზორს“ საკუთარი მრწამსი არ გააჩნია და ყველას ხელაღებით ლანძღავს. ლექსთმჩხაპნელ მოსწავლეს, ალბათ, არც ამ ინსინუაციების მნიშვნელობა ესმის და არც სიტყვა „მრწამსისა“. სხვის სულში ჩაძრომისა და მისი წაკითხვის უფლება, თუ რამდენად მყარი და მერყევია მრწამსი, პირველსავე შემხვედრ აკრობატს არა აქვს. მხოლოდ მას შეუძლია წარმოსთქვას წმინდა სიტყვა „მრწამსი“, ვინც მთელი სიცოცხლის მანძილზე მტკიცედ მიჰყვებოდა ერთსა და იმავე იდეალებს, ვინც მათ განხორციელებას ძალ-ღონე, ჭკუა და პირადი ინტერესები მიუტანა მსხვერპლად. მაგრამ ასეთი პრეტენზიები სრულიად არ შეეფერება ისეთ კაცს, რომ

მელმაც შესძლო მამხილებელი-ფელეტონისტის რეპუტაციის შერწყმა კეთილგანწყობილი მოხელის კარიერასთან... ბატ. „ეს მე არ ვარ“-მა უნდა იცოდეს შეხედულებათა სწრაფად გამოცვლის მაგალითები, რომელსაც ღირსეულად შეასხა ხოტბა თავ. ბებუთოვმა „ტიფლისკი ვესტნიკის“ ფურცლებზე. რომელიდაც მოსწავლემ ამ გაზეთში ხელმოუწერელი რაღაც ფელეტონი დაბეჭდა, რამაც რომელიდაც ფენა ააფორიაქა... აღნიშნული ფენა გაჯავრდა და მოსწავლეს მობოდიშება მოუხდა. და აი, მოსწავლემ, რომელიც წრის ესტრადაზე წარსდგა, სახალხოდ ესროლა გაზეთს ერთ-ერთი იმ უშვერი კუპლეტთაგანი, რომელთაც დედაქალაქის კანკანის საცეკვაო დარბაზებში კითხულობენ და რომელზედაც თვით მოსწავლე გაიზარდა... მოსწავლეს თავზე ხელი გადაუსვეს... და თუ ასეთ უმნიშვნელო საქმეში მოსწავლე ამდენად „ბრაქტიკული“ აღმოჩნდა, შეიძლება წარმოვიდგინოთ, თუ რა სიმტკიცით მოუხდებოდა მას საკუთარი „მრწამსის“ დაცვა, ამისთვის რომ სერიოზული მსხვერპლის გაღება ყოფილიყო საჭირო. მოსწავლე, რომელზედაც მოგახსენეთ, სხვა არავინაა, თუ არა ბატ. „ეს მე არ ვარ“. აი, რატომ არ უნდა დასწეროს მან არაფერი „მრწამსის“ შესახებ.

თავისი ფელეტონის სხვა ადგილას, ბატ. „ეს მე არ ვარ“ „ობზორის“ შესახებ წერს:

„ცხადია, მას („ობზორს“) ეშინია თავის შინაური სარედაქციო საქმეები მკითხველებს გადაუშალოს“.

ბატ. „ეს მე არ ვარ“ „ობზორზე“, რასაკვირველია, საკუთარი თავის მიხედვით და საკუთარი საზომით მსჯელობს, მაგრამ საქმე ეს კი არაა, არამედ ის ინსინუაციები, რომლებიც აქ იმალება.

იცოდეს ბატ. „ეს მე არ ვარ“, რომ „ობზორის“ შინაურ საქმეებში ისეთი არაფერია, რის გამოტანაც მკითხველი საზოგადოების წინაშე საშიში იყოს. კაცი, რომელიც ამგვარ გადაქარგულ სიტყვას ამბობს, თუ მას სინდისის ნატამალი გააჩნია, ვალდებულია ბრალდება ან სახალხოდ დაამტკიცოს ანდა უკან წაიღოს თავისი სიტყვა. ჩვენ გვინდა ბატ. „ეს მე არ ვარ“-ს მივცეთ სრული შესაძლებლობა თავისი მოვალეობის შესასრულებლად. „ობზორის“ რედაქცია პირადად მას და საერთოდ ყველას, ვის გამოგზავნასაც იგი მოისურვებს, აძლევს უფლებას შეამოწმოს დავთრები, ანგარიშწარმოება, საქმეები, ამოიწეროს რაც უნდა, ამოიღოს ციფრები და ყველაფერი ეს დაბეჭდოს სადაც უნდა, თუნდაც „ობზორის“ ფურცლებზე. მაშინ გამოჩნდება აქვს თუ არა რედაქციის, ან ადმინისტრაციის საქმიანობას ისეთი ბნელი მხარეები, რომლის დაფარვა საჭიროა უცხო თვალისაგან.

ამგვარ გადაკრულ სიტყვებს დიდი ხანია უკვე მიმართავენ ბატ. „ეს მე არ ვარ“-ის მსგავსი პირები, რომლებიც ინსინუაციების მეშვეობით იბრძვიან და მე მიხარია, რომ შესაძლებლობა მომეცა შემემოწმებინა და უარმეყო მთელი ის სიცრუე, რომელსაც მოხერხებულად იყენებენ ცილისმწამებლები „ობზორის“ მიერ მოპოვებული მნიშვნელობის შესარყევად.

თუ ბატ. „ეს მე არ ვარ“ ჩვენს წინადადებას არ მიიღებს და უკან არ წაიღებს თავის უბადრუკ გადაკრულ სიტყვებს, ჩვენ ერთხელ და სამუდამოდ ვიძენთ უფლებას, ჯერ ერთი, მივიჩნიოთ იგი უბადრუკ ცილისმწამებლად, მეორეც, უგულვებელყოთ ყოველგვარი ინსინუაციები, საიდანაც არ უნდა მოდიოდნენ ისინი: პირადი ცილისმწამების, ლიტერატორებისადმი საიდუმლო წერილების მიწერის, თუ, დასასრულ, ფარდაჩამოფარებული ლიტერატურული ქარაგმების გზით...

49. საღლეისო საკითხები

თბილისი, 19 სექტემბერი

არიან ადამიანები, რომელთაც არასოდეს არ უჭირთ ურთულესი საკითხების გადაჭრა და იოლადაც ახერხებენ ამას, რადგან ყველაფერს საკუთარი გულის კარნახის თანახმად წყვეტენ და სრულიადაც არ საჭიროებენ ცოდნას ფაქტებისას და იმ მოსაზრებებისას, რომლებიც ამ ფაქტებს აპირობებს, მათთვის გამბედაობაც საკმარისია. სწორედ ასეთი გამბედავი კორესპონდენტი შეიძინა „გოლოსმა“²⁷ ქ. ფოთში. ბათუმის შემოერთების შემდეგ, იგი მოითხოვს მივატოვოთ ყველაფერი, რაც დავიწყეთ ფოთში და ბათუმში გადავბარგდეთ. რა შეიძლება ამაზე უფრო მარტივი და იოლი განსახორციელებელი იყოს? ვიცხოვრეთ, ვიმუშავეთ ფოთში, ახლა გვაქვს ბათუმში, წავიდეთ ბათუმში, ვიცხოვროთ, ვიმუშაოთ იქ, შემდეგ ისიც მივატოვოთ და გადავიდეთ რომელიმე სანაპირო ქალაქში, რომელიც, რაიმე მოსაზრებების გამო, მოდაში შემოვა. ასე ადვილად, ცხადია, ისეთ მოყიალე ადამიანებს შეუძლიათ მსჯელობა, რომლებიც ხელმძღვანელობენ ცხოვრებაში ბრძნული პრინციპით: „როგორმე დღე — საღამომდე მივიტანოთ!“ თუ არის ფოთში სამუშაო, რჩებიან საღამომდე, თუ მობეზრდებათ, მიდიან; ჩინეთის საზღვრამდეც კი ივლიან, მზე ხომ იქაც ანათებს! მაგრამ მკვიდრი მოსახლეობა ამ საკითხს ასე არ უდგება; მოსახლეობა, რომელიც მომავლისათვის იღწვის და ყველაფერს იკლებს იმისათვის, რომ უზრუნველყოს შვილები, ხოლო თუ შვილი არ ჰყავს საკუთარი მოხუცებულობა. ამ საკითხს არც სახელმწიფო უდგება გულგრილად, რადგან არ შეუძლია ყოველ ოც წელიწადში შესცვალოს ეკონომიური ამოცანები, რომელთა განხორციელებაზე მილიონები იხარჯება და ბოლოს ჰათვან მხოლოდ მოგონებები დარჩეს: აქა და აქ მუშაობა წარმოებდაო. მიზანი, რომელიც დაისახა მთავრობამ, ააშენოს ფოთის ნავსადგური და გაიყვანოს ფოთი-თბილისის რკინიგზა, სავსებით სწორია როგორც პოლიტიკურად, ასევე სტრატეგიული და ეკონომიური თვალსაზრისითაც. როგორი გზებიც არ უნდა გაიყვანონ შავი ზღვის სანაპიროს ამა თუ იმ პუნქტის გასანვითარებლად, ყველაზე მოკლე გზა თბილისიდან შავ ზღვამდე მუდამ გა-

დოდა და გაივლის მდ. რიონის ხეობაზე. ფოთი, ცხადია, არ იქნება ამიერკავკასიაში ვაჭრობისათვის ხელმისაწვდომი ერთადერთი პუნქტი და რაც უფრო მეტი იქნება ასეთი პუნქტები მით უკეთესი, მაგრამ რანდენიც არ უნდა იყოს, ერთ-ერთი მათგანი მაინც სხვებზე მნიშვნელოვანი იქნება, დანარჩენები კი თავიანთ ადგილს დაიკვირნენ იმის მიხედვით, თუ რამდენად მოხერხებული მდებარეობა ან ხელსაყრელი დამხმარე ნაგებობები გააჩნიათ, რითაც შეიძლება გავზარდოთ უმნიშვნელო პუნქტის მნიშვნელობაც კი. მაგრამ ამის გაკეთება შეიძლება მხოლოდ დროებით, მანამ, სანამ არ მოსწყინდებთ იმის გამაგრება, რასაც ფეხზე დგომა არ შეუძლია. შავი ზღვის ნავსადგურების განვითარების ისტორიის საფუძველზე შეგვიძლია ამ დარგისათვის ჰკუის სასწავლებელი გაკვეთილები გამოვიტანოთ. მაგალითად, რამდენი ძალ-ღონე დაიხარჯა იმისათვის, რომ თავისუფალი ვაჭრობისათვის დაესუსტებინათ აზოვის ზღვის ნავსადგურების მნიშვნელობა, ოდესის მნიშვნელობის გასაზრდელად. რამდენი დავიდარაბა დასკირდა იმას, რომ სევასტოპოლი ურკინიგზოდ დაეტოვებინათ, რათა კონკურენცია არ გაეწია იმავე ოდესისათვის. აზოვის ზღვაზე ახლაც არ არსებობს ზღვაოსნობისათვის რამდენადმე გამოსადეგი ნავსადგური, სამაგიეროდ გვაქვს ისეთი ნავსადგურები, როგორც მსოფლიოს ჯერ არ უნახავს, ნავსადგურები, სადაც გემები 20 ვერსის დაშორებით უშვებენ ღუზას. მერე რა? მიუხედავად ბუნებრივი დაბრკოლებებისა და მათი აღმოფხვრისადმი ხელოვნური უგულებელყოფისა, ასეთი ნავსადგური ბევრ ისეთ ქალაქს აქვს, რომელსაც მილიონობით ფუთი პური გააქვს. ეს ფაქტი კი ცხადყოფს, რა დიდი მნიშვნელობა აქვს სავაჭრო პუნქტის გეოგრაფიულ მდებარეობას მისი განვითარებისათვის. ასე რომ, ძლიერ კონტრბალანსს იწვევს ტოპოგრაფიული მოუხერხებლობა, ე. ი. ქალაქის არახელსაყრელი მდებარეობა ზღვის მიმართ. რა ჯობია იმას, თუ ერთისა და მეორის შეერთებას შევძლებთ და მხოლოდ სასარგებლო მხარეებს მივიღებთ, მაგრამ ამის შესაძლებლობა ყველგან არ არსებობს და ჩვენს დროში, როცა საინჟინრო მეცნიერებას ზღვისა და ხმელეთის დაბრკოლებათა წინააღმდეგ საბრძოლველად ძლიერი საშუალებები გააჩნია, ამას დიდი მნიშვნელობა არა აქვს. ხომ არ შეიძლება ვითქვითოთ, რომ შავ ზღვაზე არის ერთი მოჭადოვებული ადგილი — ფოთი, სადაც მეცნიერებისა და ტექნიკის ყველა საშუალება უძღური აღმოჩნდა და ამიტომ დაგვრჩა მხოლოდ ერთი გზა: მივატოვოთ ფოთი და სხვაგან გადავიდეთ, სწორედ ასე ფიქრობს ის მოაზროვნე, რომელმაც „გოლოსში“ კორესპონდენცია გაგზავნა. ფოთს თავისი ისტორია

აქვს, სადაც სწერია, რომ 1866 წლიდან, როცა ვერ შესძლეს შესასვლელი უძრავი ყორეების მოწყობა, 1872 წლამდე, როცა დამტკიცდა არსებული პროექტი, მთელი დრო სხვადასხვა პროექტების ძიებაში, შედგენასა და დამტკიცებაში დაიხარჯა. ამიტომ ზღვაზე მუშაობა არ წარმოებდა. 1872-დან 1878 წლამდე სამუშაოები ერთი პროექტის მიხედვით წარმოებს და ერთი მიმართულებით. ეს მუდმივი მოძრაობა 400 საუენი ქვის ყორის აგებით გამოიხატა. თავიდან მათი აგება არ ვარგოდა და სამხრეთის ყორის ნაწილი ქარმა დაანგრია. მაგრამ ამას მოჰყვა მისი შესწორება და ახლა თავისუფლად გაუძლებს ქარიშხალს. ასე რომ, მეორე ექვსწლეული უფრო შედეგიანი აღმოჩნდა, ვიდრე პირველი. აწი კიდევ დაგვჭირდება ერთი ექვსწლეული ნავსადგურის მოხაზულობის საბოლოო გაუმჯობესებისა და დამთავრებისათვის. ამიტომ შეგიძლიათ გააკრიტიკოთ ნავსადგურის არსებული პროექტი, მიიჩნიოთ მოუხერხებლად, საყვედური გამოთქვათ იმის გამო, რომ მშენებლობა ყოვნდება, გალანძლოთ მშენებლები, მოიჯარადრეები და სხვები, მაგრამ არ შეიძლება იმის მტკიცება, რომ საჭიროა ფოთი მივატოვოთ, რადგან თითქოს არაფრის გაკეთება არ შეიძლება. ფოთში სწორედ იმიტომ უნდა ავაშენოთ ნავსადგური, რომ ბუნებას იგი არ მოუწყვეია, სწორედ ეს ამოცანა იღვა ჩვენი მთავრობის წინაშე — ბათუმის შემოერთებამდე და დგას ახლაც, როცა ბათუმი რუსეთის ქალაქი გახდა, და რომელიც ისეთსავე ყურადღებას მოითხოვს, როგორც რუსეთის ყველა სხვა ქალაქი. მაგრამ ჩვენში ხშირად იგონებენ ერთი არტილერისტის სიტყვებს: ქვემეხი თავისთვისაა, მარტორქა — თავისთვის, ხოლო ცხოვრებაში ჩვენ არასგზით არც გვინდა წარმოვიდგინოთ ქვემეხისა და მარტორქის ერთად არსებობა. თანმიმდევრული რომ გამოჩნდნენ, ჩვენში ან ერთს ქადაგებენ, ან მეორეს. არის ისეთი შემთხვევები, როცა მრავალთაგან ერთის ამორჩევა ლოგიკურად მართლდება, მაგრამ ეს კიდევ არ ნიშნავს, რომ საჭიროა ერთით დავემყყოფილდეთ, თუ გვსურს გვქონდეს ყველაფერი, რაც გვჭირდება. განსაკუთრებით ძნელი გამოსაყენებელია ასეთი შეზღუდული სურვილები ქვეყნის პოლიტიკურ-ეკონომიური განვითარების საკითხებში, რაც წარმოადგენს გორდიას კვანძის მეთოდით გასახსნელ ძალზე რთულ და გადაუწყვეტელ ამოცანას. ამგვარი მიდგომა კიდევ უფრო ნაკლებ გამოდგება სპეციალური ეკონომიური საკითხების გადასაწყვეტად, მაგალითად ისეთისა, როგორიცაა — ნედლეულის გატანის გაძლიერება და ზღვაოსნობის განვითარება, რომლებიც შავ ზღვაზე ჩვენი მოღვაწეობის დღის წესრიგში დგანან. ყველასათვის

გასაგებია: რაც უფრო ბევრი იქნება სანავსადგურო ქალაქები, მით უფრო იოლი და იაფი იქნება ნედლეულის გადაზიდვა, რაც უფრო ბევრი იქნება ნავსადგურები, მით უფრო ადვილი და უხიფათო იქნება ნაპირის გასწვრივ ცურვა. ქერჩიდან მოყოლებული ბათუმამდე ბუნებამ არ შექმნა არც ერთი მოხერხებული ყურე სავაჭრო ნავსადგურის გასაშენებლად და არა მხოლოდ ბათუმს, არამედ ბათუმსა და ქერჩს ერთადაც კი არ შეუძლიათ უზრუნველყონ ზღვაოსნობა და ვაჭრობის განვითარება აღმოსავლეთის 600 ვერსიან სანაპიროზე. ასეთი დიდი მანძილის უნავსადგუროდ დატოვება არ შეიძლება; ეს აუცილებელი ღონისძიება შეიძლება გადაიდოს. დავიწყებას მიეცეს, მაგრამ იმის იმედით, რომ გვაქვს ერთი კარგი ნავსადგური ბათუმში, ხოლო 600 ვერსის მოშორებით მეორე — ქერჩი, არ შეიძლება ვილაპარაკოთ კავკასიის განვითარებასა და სავაჭრო ფლოტის განვითარებაზე. კეუში არავის მოუვა უარყოს, რომ ვაჭრობისა და ზღვაოსნობისათვის ორივე ნავსადგური მოხერხებულია, მაგრამ ბუნებრივი მიზეზების გამო, რასაც ვერ აღმოფხვრის ვერავითარი პოლიტიკური, სტრატეგიული და სხვა ამგვარი მოსაზრებები, მთელი ვაჭრობა ამ ორ ნავსადგურში ვერ მოიყრის თავს. გრძელი სანაპირო ზოლი, რომელიც დაჭილდოვებულია ბუნებრივი სიმდიდრით და საუცხოო კლიმატით, ვერ დაკმაყოფილდება ბოლოებში მდებარე ორი ნავსადგურით, საიდანაც საქონლის გატანა შეიძლება. ნავსადგური უნდა ჰქონდეს სანაპირო ზოლის ყოველ რაიონს და ისინი უნდა აშენდეს სწორედ იმიტომ, რომ ბუნებრივი ნავსადგურები არ არსებობს. ფოთში ნავსადგური შენდება და უკვე ღრმად შეიჭრა ზღვაში. რისთვისღა უნდა მივატოვოთ იგი? თუ არ ვარგა, უნდა ვთქვათ რატომ და გამოვასწოროთ ის, რაც კეთდება გონებრივი საშუალებებისა და ტექნიკურ მიღწევათა შესაძლებლობის ფარგლებში. მაგრამ ასეთი საკითხები მხოლოდ იმ ადამიანს აწუხებს, ვისთვისაც ძვირფასია ჩვენი მხარის ინტერესები და გულმოდგინედ სწავლობს მათ. ხოლო იმ ადამიანისათვის, ვინც ეგონისტური შინაგანი ცხოვრებით ცხოვრობს და არგუმენტებს გულიდან მომდინარე რწმენაში პოულობს, ყოველივე ეს უმნიშვნელო ამბავია. რა საჭიროა გარჯა, ფიქრობენ ისინი, მიატოვებ ყველაფერი! მაგრამ მთავრობა ასე არ ფიქრობს: ორი მილიონი მანეთი, რაც დამატებით გამოყვეს ნავსადგურის პროფილის გასაძლიერებლად, იმას ამტკიცებს, რომ რუსეთი ვერ შემოიფარგლება მარტო ფოთით ან მარტო ბათუმით, რადგან ქვეყნის ეკონომიური და პოლიტიკური განვითარებისათვის საჭიროა შავ ზღვაზე ათობით კეთილმოწყობილი ნავსადგურის აშენება.

50. კუდის ლიტერატურული ჟიციანი

ბატ. „ეს მე არ ვარ“⁶² ბოლოს და ბოლოს გამოეხმაურა ჩემს გამოწვევას. მაგრამ, ღმერთო ჩემო, ეს რა პასუხია! დიდი ხანია ლიტერატურაში არ გვინახავს ამგვარი კუდის ჟიციანი. გეფიცებით, მრცხვენია, როცა ვხედავ ლიტერატორის ღირსების ასეთ დამპირებას თუნდაც მოწინააღმდეგეში...

„ტიფლისკი ვესტნიკის“⁶³ ფელეტონისტი ამბობს, რომ „ტელემაქიდა“, საიდანაც ჩვენ გრძელი ამონაწერი გავაკეთეთ, სხვა არაფერია თუ არა „ირონია“. თქვენ გახსოვთ ჰაინეს „Reisebilder“-ი? პოეტი გონებამახვილურად ამბობს „ადრე სიბრიყვეს სიბრიყვე ერქვა, ახლა კი, როცა ვინმეს სიბრიყვეში დაიჭერ, იგი გეტყვით, რომ ეს მისი მხრით ირონია იყო და ღირსება გადარჩენილია“. სწორედ ისე, როგორც ბატ. „ეს მე არ ვარ“ აცხადებს. ლექსი, რომელიც მან „ობზორის“⁶⁴ იმ სტატიის შესახებ დასწერა, სადაც მკითხველ საზოგადოებას მოუწოდებდი ყურადღება მიექცია ქალაქის საბჭოს მომავალი არჩევნებისათვის, მარტო ჩვენ არ წაგვიკითხავს. ბატ. „ეს მე არ ვარ“ აბუჩად იგდებდა ამ სტატიას და აცხადებდა: „ობზორის“ საქათმის მამლებმა ნადრევედ მორთეს ყივილიო“. ახლა კი წერს: „თითქოს განგებ, „ობზორის“ სტატია ქალაქის საბჭოს მომავალი არჩევნების შესახებ პირადად მე ძალიანაც მომეწონაო“. მითხარით, გეთაყვა, ნუთუ ვერ მონახეთ სხვა მანერა, რომ გამოგეხატათ თქვენი თანაგრძნობა ამ სტატიის მიზნების მიმართ, გარდა ტელემაქიდური ლექსისა, რითაც ინსინუაციების ნაკადი გადმოაფრქვით „ობზორის“ და, ამავე დროს, არაფერი სთქვით იმ საბჭოს უმსგავსეობაზე, რომელზედაც ვლაპარაკობდით? საზოგადოების ან საბჭოს რომელმა წევრმა მიიღო თქვენი „ტელემაქიდა“ ირონიად? ლექსში ყველამ ის დაინახა, რაც ნამდვილად არის მასში, — ე. ი. უხამსი გამოხდომა „ობზორის“ წინააღმდეგ არსებული საბჭოს შემადგენლობის დასაცავად. ირონიის მომიჯნეება უკვე გვიანაა, მით უმეტეს ახლა, როცა საბჭოს წევრების დაცვის ცდა საზოგადოებამ შესაფერისად მიიღო და საკადრისი პასუ-

ხიც გასცა. აი, რატომ მივეციტ ჩვენს თავს უფლება თქვენს მიმართ გამოგვეყენებინა ჰაინეს ზემომოყვანილი გამონათქვამი.

თუმცა კულის ეს ქნევა მხოლოდ ყვავილია. ნაყოფი კი ის ხერხია, რომლის მეშვეობითაც ბატ. „ეს მე არ ვარ“-ს უკან მიაქვს თავისი ინსინუაციები „ობზორის“ „შინაური საქმეების“ შესახებ. საჭიროდ ვთვლით ამოვწერთ ყველა ის ადგილი ბატ. „ეს მე არ ვარ“-ის პასუხიდან, რომელიც ამ საკითხს ეხება:

„სამწუხაროდ, არ შემიძლია ბოდიში მოვიხადო „ობზორის“ წინაშე, რადგან ჩემს მიერ გამოთქმულ წინადადებაში არც ცილისწამებაა და არც უბადრუკი ქარაგმა (?). უპირველეს ყოვლისა, მინდა შევნიშნო, რომ ჩემს ფრაზაში „რედაქციის შინაური საქმეები“ აღმინისტრაციაზე, მეპაიეებზე, სალაროზე და ფინანსებზე არაფერია ნათქვამი. ამიტომ „ობზორის“ მიერ მოყვანილი ტირადიდან უნდა ამოაგდონ ყველაფერი, რაც დაეთრებს, ანგარიშსწორებას, ციფრებს და აღმინისტრაციას შეეხება. ამის შემდეგ კი მოვითხოვ მიაქციონ ყურადღება იმ გარემოებას, რომ მე ვამბობ „შეეშინდება“ და არა „შეეშინდა“. ასე რომ, ეს ფრაზა ჩემს პირად ვარაუდს გამოხატავს მომავალზე, ისეთ ფაქტზე, რომელიც ჭერ არ მომხდარა და ამიტომ ვთხოვ ბატ. ნიკოლაძეს სიტყვა „ცილისწამება“ ამოაგდოს. რაც შეეხება ინსინუაციებს, ამაზე ლაპარაკი შეიძლებოდა მხოლოდ იმ შემთხვევაში, თუ მე გამოვთქვამდი ვარაუდს, ბატ. ნიკოლაძე მომავალში ისეთ რამეს ჩაიდენს, რასაც ჩადის კაცი, რომელსაც რამდენიმე ან რაიმე სამარცხვინო თვისება ახასიათებს. მაგალითად, ვარაუდი იმისა, რომ ესა და ეს კაცი სიუჟეტს მოიპარავს, სხვის ფსევდონიმს გამოამჟღავნებს და ა. შ. შეიძლება ჩაითვალოს ინსინუაციად, მაგრამ თუ მე ვიტყვი ესა და ეს კაცი ეტლით ან ფეხით გაისეირნებს, ვერ გაბედავს გული გადაუშალოს სხვას— ასეთი ვარაუდი არც საწყენია და არც შეურაცხმყოფელი, იმ შემთხვევაშიც კი, თუ შემდეგ აღმოჩნდება, რომ ეს მცდარია. ვარაუდი იმისა, რომ რედაქტორს მომავალში შეეშინდება გადაუშალოს მკითხველებს საკუთარი გაზეთის შინაური საქმეები, არა თუ არაფერ საწყენს არ შეიცავს, არამედ, პირიქით, რედაქტორის კარგ თვისებაზე მიუთითებს. ამას კარგად გაიგებს ყველა, ვინც ცოტათი მაინც იცნობს ლიტერატურულ საქმეებს. რედაქცია ვალდებულია საკუთარი საიდუმლო შეინახოს, და „ობზორი“ ცუდად იქცევა, როცა აცხადებს, რომ „შინაურ საქმეებში ისეთი არაფერი გვაქვს, რისი საშკარაოზე გამოტანაც არ შეიძლებოდესო“. ამ მაღალფარდოვან სიტყვაზე შეიძლება ბევრი გვეცინა, მაგრამ მე ამას არ ვაკეთებ, რადგან ვიცი, რომ ეს წინადადება მოუცლელობის გამო წამოც-

დათ. ასე რომ, ბატ. ნიკოლაძის საყვარელი გამოთქმა „ინსინუაციები“ ისევე მისი ფანტაზიის ნაყოფია, როგორც ჩემს ფელეტონში ცილისწამებისა და დაბეჭდების აღმოჩენა. ამგვარად, რჩება მხოლოდ ძალზე გაურკვეველი „უბადრუკი ქარაგმა“. „ობზორის“ რედაქცია, ალბათ, ფიქრობს, რომ ქარაგმა ჩაქსოვილია სიტყვაში „შეეშინდება“. უგანათლებულესი გაზეთი ფიქრობს, რომ რადგან არ მითქვამს — „არ მოისურვებს გადაუშალოს“ და ვთქვი — „შეეშინდება გადაუშალოს“, ამით მკითხველს ვაგრძნობინე, რომ „ობზორის“ შინაური საქმეები სიბნელითა და სიბინძურიითაა სავსე. ქარაგმა — ფართო ცნებაა და ყველას აქვს უფლება სტრიქონებს შორის რაც უნდა ის წაიკითხოს, ავტორი კი მხოლოდ საკუთარ სიტყვებზე აგებს პასუხს და არა იმ ხარვეზების შევსებაზე, რომელთაც ავადმყოფური ფანტაზიის წყალობით აკეთებენ. მე თუ ვიტყვი ივან ივანიჩს ეშინია ვინმეს საკუთარი გულის საიდუმლოება გადაუშალოს — ამაში არავითარი ქარაგმა არაა და სრულებით არ ნიშნავს იმას, თითქოს ივან ივანიჩი კანონიერ ქორწინებაზე არ ფიქრობს. აქაც ზუსტად ასეა. თუ მე ვამბობ რედაქტორს შეეშინდება საკუთარი საიდუმლოება, ანუ რედაქციის შინაური საქმეები გაამჟღავნოს, — ეს კიდევ არ ნიშნავს, რომ მე გადაკვრით ვლაპარაკობ ამ საიდუმლოებათა ქუჭყიან მხარეებზე. ყველა პატიოსანი რედაქტორი ვალდებულია დაიცვას რედაქციის საიდუმლოებანი და ამიტომ ყველა პატიოსანი რედაქტორს ეშინია მათი გამომჟღავნება. ბოლოს და ბოლოს, რა ვთქვი გადაკრულად?.. გადაკრულად ნათქვამი ჩემს სიტყვებში „ობზორის“ რედაქციამ აღმოაჩინა... ამიტომ მანვე აგვიხსნას, — „ობზორის“ რომელ შინაურ საქმეებზე ვლაპარაკობდი, მისი აზრით, ჩემს ფელეტონში ქარაგმულად?“

უფრო დახლართულ საშუალებებს დონ ბაზილიოც კი ვერ მოიგონებდა თავის დასაძვრენად. თუ თქვენ მხედველობაში გქონდათ მხოლოდ ის „შინაური სარედაქციო საქმეები“, რომელთა შესახებ ახლა ვრცლად ლაპარაკობთ, მაშინ რაღა საჭირო იყო იმაზე ლულულუდი და იმის მტკიცება, რომ „ობზორის“ რედაქციას შეეშინდება მათი სააშკარაოზე გამოტანა? გარდა ინსინუაციისა, სხვა კიდევ რა აზრი უნდა ჰქონოდა თქვენ ფრაზას? ანდა რატომ არ სთქვით „ტიფლისკი ვესტნიკზე“, ან რომელიმე სხვა გაზეთზე, რომ მას შეეშინდება საზოგადოებას თავისი კორესპონდენტების სია გააცნოს? ამის მსგავსი თქვენ არასოდეს არაფერი გაგიკეთებიათ, ამიტომ როცა „ობზორის“ შინაურ საქმეებზე“ დაიწყეთ ლაპარაკი — თქვენი სიტყვები ჩვენ ან გადაკრულ სიტყვად უნდა მიგველო, ანდა გიჟად უნ-

და ჩაგვეთვალეთ, და რადგან ამის უფლება არ გვაქვს, ამიტომ ძალა-
უნებურად პირველ აზრს დავადექით.

ბატ. „ეს მე არ ვარ“ კითხულობს:

„თუ ამგვარი მოქმედება (თითქოს „ობზორი“ განუკითხავად
ლანძღავს ყოველგვარ წამოწყებას და საკუთარი მრწამსი არ გააჩ-
ნია) რომელიმე ვაზეთის მიმართ დაბეზლება და ინსინუაციებია,
მაშინ რაღა უნდა ეწოდოს ბატ. ნიკოლაძის მიერ გამოთქმულ აზრს
ბატ. ქუთაისელზე, ბ. ლოლობერიძეზე, ანტონ ფურცელაძეზე, ლამ-
ბაროვზე, დოქტორ სცეპურაზე და პიროვნებათა მთელს მასაზე.
რომელთაც ჩვენმა კავკასიელმა ბერნემ ქუჩური მკვერამეტყველების
მარგალიტები გადმოაფრქვია?“

მაგრამ იცით თუ არა, ბატ. „ეს მე არ ვარ“, რომ თქვენს გადაკ-
რულ სიტყვებსა და ჩემს მიერ გამოთქმულ აზრს შორის, სულერ-
თია ვისაც არ უნდა ეხებოდეს იგი, გაუვალა უფსკრულია. მე არა-
ვის არ შევხებივარ და არავინ არ მითქვამს გადაკრული სიტყვა ისე,
რომ ხელთ არ მქონოდა კონკრეტული ფაქტების მთელი არსენალი და
ბრალდებები. როცა ასეთ ფაქტებს მოვიმარაგებდი, მე მხოლოდ
მაშინ ვაძლევდი ჩემს თავს უფლებას გამომეთქვა ჩემი აზრი, რომე-
ლიც დაფუძნებული იყო ამა თუ იმ ფაქტზე. და თუ ვინმე იფიქრებ-
და, რომ ჩემს მიერ გამოთქმული აზრი უსამართლო, არასწორია და
ასე შემდეგ — მე ნაწილ-ნაწილ ან ერთად გამომქონდა სახალხო
ამ აზრის დამამტკიცებელი საბუთები. არასოდეს არ დავმალვივარ
მოწინააღმდეგეს და ყოველ ჩემს აზრს უკან ყველა ხედავდა არა
მარტო არგუმენტებისა და დამამტკიცებელი საბუთების მთელ არ-
სენალს, არამედ ცოცხალ ადამიანსაც, რომელიც მზად იყო საკუ-
თარი თავისუფლება და სისხლი გაეღო უსამართლობის წინააღმდეგ
და საკუთარი აზრის მიუყერძობლობისათვის. სულ სხვა იქნებოდა
მე რომ შეუღწეველ ნიღაბს ამოვფარებოდი და უფლება მიმეცა ჩე-
მი თავისათვის დროდადრო ქარის მოტანილი უნიადაგო ქარაგ-
შები მეხმარა. მაშინ ასეთი ქარაგმებისათვის გამოუვალ მდგომარე-
ობაში ჩამაყენებდნენ და განმარტებებსა და დამამტკიცებელ საბუ-
თებს მომთხოვდნენ, მე კი იძულებული ვიქნებოდი კუდის ქიციანი
დამეწყო და შემტკიცებინა: ეს მე არ ვარ დამწერი, რომ ამაში არავი-
თარი ქარაგმა არაა, ეს მხოლოდ მარტივი, არაფრის მთქმელი ფრა-
ზა ან ირონიაა, მე რომ ზმნა წარსულ დროში მეხმარა, მაშინ ჩემს
სიტყვებს სხვა აზრი ექნებოდა, მაგრამ რადგან მომავალ დროში
ვინმარე, სულ სხვა აზრი აქვს და ასე შემდეგ. აი, სწორედ ამას ჰქვია
„ინსინუაციები“, ხოლო ჩემი ჩვეულებრივი ხერხები, რაც ფაქტებს,
დამამტკიცებელ საბუთებს და მოსაზრებებს ემყარება, არ შეიძ-

ლება ინსინუაციებად ჩაითვალოს. ისინი წარმოდგენენ სახალხო ბრალდებას, სახალხოდ მსჯელობას საზოგადო მოღვაწეთა საქმიანობაზე და თქვენ უნდა იცოდეთ, რომ ამგვარი ბრალდება და მსჯელობა ყველა წესიერ ლიტერატურაშია მოსათმენი. ხოლო ინსინუაციები არა მარტო წესიერ ლიტერატურაში, არამედ წესიერ საზოგადოებაშიც კი ზიზღისა და სიძულვილის მეტს არაფერს იწვევს...

ნუთუ თქვენ არ გესმით ასეთი მარტივი ამბები? მე ეს უკვე ავუხსენი თქვენს ბატ. „ქუთაისელს“. ხოლო თქვენ თუ ასეთი ელემენტარული და ანბანური ჭეშმარიტებების სწავლა გჭირდებათ, მაშინ რა სინდისით იღებთ ხელში კალამს?

ქვემოთ ბატ. „ეს მე არ ვარ“ წერს:

„თქვენ ხომ მატყუარების და ცილისმწამებლების მასასთან არა გაქვთ საქმე? რატომ მხოლოდ თქვენა გყავთ ამდენი მტერი, რომლებიც მუდამ მზად არიან თქვენს წინააღმდეგ ყოველგვარი სიბინძურე ჩაიდინონ. რატომაა, რომ არ არის არც ერთი ადამიანი, რომელსაც თქვენ ეკამათებით, თვლიდეთ წესიერ კაცადაც, არ მიგაჩნდეთ პირად მტრად, რომლებსაც თქვენ ასე ბევრს ითვლით?...”

ეს სხვა არაფერია თუ არა ლიტერატურული თაღლითობა. დაგვანახეთ სად და როდის გამოაცხადა ბატ. ნიკოლაძემ ვინმე პირად მტრად? ვინ მიაწერა პირადი მტრების რიცხვს? იქნებ ბ. ლოლობერიძე ან „ქუთაისელი“, იქნებ თქვენ ბატ. „ეს მე არ ვარ“. თქვენთვის ეს დიდი პატივი იქნება!

ბევრ მწერალთან გვქონია ჩვენ კამათი, მაგრამ პირად მტრად, მატყუარად და ცილისმწამებლად მანამდე არავინ გამოგვიცხადებია, სანამ მკითხველებს არ დავუმტკიცებდით, რომელიმე მათგანის მატყუარობას და ცილისმწამებლობას. როგორ გგონიათ, ჩვენ არ გვქონდა უფლება ბატ. „ქუთაისელისათვის“ მატყუარა და ცილისმწამებელი გვეწოდებინა, როცა თვით „ტიფლისკი ვესტნიკი“ გახდა იძულებული ემხილა იგი, როგორც მატყუარა და ცილისმწამებელი. როცა საქმე გვაქვს ლიტერატურულად უმწიფარ ხალხთან და ისეთ ადამიანებთან, რომელთაც წარმოდგენაც კი არა აქვთ ლიტერატურული წესიერების ძირითად ცნებებზე, მწერალი მუდამ ასეთ შედეგამდე მივა. როცა შეეჩხება სიცრუის, ცილისწამების და ინსინუაციების მთელ კედელს, მწერალი მისდაუნებურად იტყვის, რომ ეს სიცრუე, ცილისწამება და ინსინუაციაა. გაგერჩიათ ჩვენი აზრი, უარგყოთ ისინი ლიტერატურული იარაღით, არ შემოგეტანათ მასში ინსინუაციები, სიცრუე და ცილისწამება, და მაშინ ჩვენ თქვენთანაც ისეთი კამათი გვექნებოდა, როგორიც სხვა პატიოსან და გონიერ ოპონენტებთან გვაქვს. მაგრამ თქვენ იმდენად უმართებულო ხართ,

რომ ბედავთ ამტიცოთ, თითქოს „არ არსებობს არც ერთი კაცი, ვისთანაც მე კამათი მქონია, რომ პირად მტრად არ მეღიარებინა იგი“. პატიოსანმა ადამიანებმა, როცა მათთან კამათი გვექონია, ჩვენი პოლემიკის შესახებ დიამეტრალურად საწინააღმდეგო დასკვნა გამოიტანეს. და რადგანაც აუცილებელია ყველაფერი დაგიმტიცოთ, ამიტომ ვიღებთ „რუსსკაია გაზეტას“⁷⁵ უკანასკნელ ნომერს (30 აგვისტო, № 163) და გაწვდით მისი ფელეტონისტის აზრს „ობზორთან“ პოლემიკის შესახებ:

„ძნელია ამგვარი ლიტერატურული მოღვაწეობა: ლიტერატურულმა მეწარმეებმა ლიტერატურა ხელობამდე და იმ საფეხურამდე დაიყვანეს, სადაც მხოლოდ დედაკაცური თავაშვებული ქორიკსობა და უსირცხვილო მხილება ისმის, რაც საზოგადოების მხოლოდ გარკვეულ ნაწილს მოსწონს და ამით ამრავლებენ და ამკვიდრებენ გარკვეული თვისების სავაჭრო, სამრეწველო ბექდვით სიტყვას. სავაჭრო ბექდვით სიტყვაზე მე არა ერთხელ მილაპარაკია, მაგრამ ბოროტების დევნა მუდმივადაა საჭირო. სანამ ამ საკითხზე გადავიდოდე, მინდა დაუპირისპირო მას ლიტერატურული ურთიერთობის ისეთი პატიოსნების მაგალითი, როგორიც, უმეტეს შემთხვევაში, კარგა ხანია დაკარგა დედაქალაქის პრესამ. ამგვარი პატიოსნება, როგორც მსხნელი შტო, შემორჩა მხოლოდ პროვინციულ გაზეთს სადღაც იქ, კავკასიაში, თითქმის არარატის მთაზე, რომელმაც ოდესღაც კაცთა მოდგმა და ნოე იხსნა.

„ამ ცოტა ხნის წინათ ერთ-ერთ ჩემს ფელეტონში მომიხდა შემენიშნა შეცდომა, რომელიც უნებლიეთ დაუშვა „ობზორის“ რედაქციამ საკუთარი მოსკოველი რეპორტიორის წყალობით. როგორც მკითხველს ახსოვს, შეცდომა აღვნიშნე მკვახედ და მოურიდებლად. და მერე რა?!.. ჩვენი დედაქალაქის პრესა, რომელიც გაცივითა კამათით ისეთ თემაზე, როგორცაა — „ცხვირპირი თუმცა დავისისხლიანეთ, მაგრამ ჩვენ მაინც ჩვენი გავიტანეთ“, — ასეთ შემთხვევებში არაფრის გულისთვის არ სცნობს საკუთარ შეცდომას, პირიქით, ჩვენი სატახტო ქალაქის პრესის ორგანოები, გამოუმუშავებული თვისებების წყალობით, ასეთ შემთხვევებში თავის დაძვრენის სხვადასხვა ხრიკებისა და ახალ-ახალი თავდასხმების საშუალებით მკითხველის გამოუცდელი თვალის მოტყუებას და სხვა ამდაგვარს მიმართავენ. მაგრამ ასე არ მოიქცა პატიოსანი და წმინდა ლიტერატურული მიზნების დამცველი პროვინციული გაზეთის „ობზორის“ რედაქცია. ჩვენი ახსნა-განმარტება გაზეთმა სიტყვასიტყვით გადაბეჭდა და ამგვარი განცხადება წაუძღვარა:

„სამართლიანობა მოვალედ გვხდის გავაცნოთ „ობზორის“

მკითხველებს „რუსსკაია გაზეტას“ ქვემომოტანილი ახსნა-განმარტება, რაც გამოიწვია ჩვენი მოსკოველი კორესპონდენტის წერილმა ამ გაზეთის გამომცემლობის შესახებ. ჩვენ პრინციპად გვაქვს დასახული არაფერი არ დავუშალოთ „ობზორის“ მკითხველებს, არც ჩვენი შეცდომები და არც ოპონენტების უარყოფა და მოსაზრებები. ამიტომ ჩვენ დღეს მეტი სიამოვნებით ვაძლევთ მათ სიტყვას, რადგან, ამჯერად, ჩვენ მართალი არა ვართ“ და სხვა.

„როცა ასე გულწრფელად, პატიოსნად აღიარებენ საკუთარ დანაშაულს და აქვე მოპყავთ მოწინააღმდეგის ძირითადი მოსაზრებები და დამამტკიცებელი საბუთები — მადლობის მეტს მე ვერაფერს შევეუთვლი — „ობზორს“ პასუხად... როგორც ზოგიერთი ფილოსოფოსი ამბობს, მადლობა პატიოსნებისათვის... დიახ, ჩვენს თაღლითურ საუკუნეში, როგორც სიტყვით, ისე საქმით, პატიოსან ადამიანს ხედები, სიხარულისაგან ჰკუთას კარგავ და მზადა ხარ მადლობა გადაუხადო არა მარტო პატიოსნებისათვის, არამედ იმისათვისაც, რომ ადამიანია, ე. ი. მეტყველ არსებებს განეკუთვნება და არა უტყვეს.

„ამჯერად თვითონ ჩვენ ვცდებით“, „ჩვენ შევეცდებით აგიხსნათ ყველაფერი, მაგრამ ამით ჩვენი დანაშაულის შემსუბუქებას არ ვფიქრობთ“, ამბობს „ობზორი“ და, ამასთან ერთად, ჩვენ მკვახე წერილს, სადაც მის შეცდომაზე ვუთითებთ, საკუთარ ფურცლებზე ბეჭდავს. განა ბევრი გაბედავს ჩვენი დედაქალაქის ეგრეთ წოდებული მნიშვნელოვანი პრესის ორგანოებიდან ასე პირდაპირ აღიაროს საკუთარი შეცდომა, განა იტყვის რომელიმე მათგანი გულახდილად, ყოველგვარი ხრიკების გარეშე, რომ „ამჯერად თვითონ ჩვენ ვცდებითო?“... როგორ გეკადრებათ, პოლემიკისას აღიარო ის, რომ მართალი არა ხარ, რომ შეცდომა დაუშვი, — დიახ, გაცვეთილი პრესის საერთო აზრით, რომლის დევიზია — „ცხვირპირი თუმცა დავისისხლიანცთ, მაგრამ ჩვენ მაინც ჩვენი გავიტანეთ“, — იმას ნიშნავს, რომ აღიარო საკუთარი უძლურება, სცნო მოწინააღმდეგის უპირატესობა, დაამცირო საკუთარი ღირსება და თვისებები, დაამხო საკუთარი თავი და ძირი გამოუთხარო საკუთარ მოღვაწეობას და ასე შემდეგ“.

აი, როგორ ვეკამათებით ჩვენ პატიოსან მოწინააღმდეგეს. იმ მოწინააღმდეგეებთანაც, რომელთაც არც ზნეობრივი სიფაქიზე გააჩნიათ და არც ჰკუთა, ჩვენ ჩვენი პოლემიკური ხერხების გამოყენება ვცადეთ. მაგრამ ამან საქმეს ვერ უშველა. „დედაკაცურ ქორიკნობას“ ინსინუაციებსა და ცილისწამებას ბოლო არ უჩანდა. მაშინ ჩვენ მათ წინააღმდეგ მათივე იარაღი გამოვიყენეთ, ამის შემდეგ

კი ატირდნენ და ჩვენ ავკაცობა და არაადამიანური ქცევა გვისაყვედურეს. იტირონ რამდენიც უნდათ, მთავარი ისაა, რომ ამ საშუალებებმა იმოქმედა: ბატ. „ქუთაისელი“ გაჩუმდა. ბატ. „ეს მე არ ვარ“ აცხადებს, რომ აწი ჩვენს პირადულ გამოხდომებს აღარ უპასუხებს. ამასვე აცხადებს ბატ. ლამბაროვიც. დიახ, ჩემო ძვირფასებო, ჩვენ სწორედ იმას ვესწრაფოდით, რომ უარი გეთქვათ ინსინუაციებსა და პირადულ გამოხდომებზე, რომ ლიტერატურული კამათი ლიტერატურულ კამათად დარჩენილიყო. თუკი ამას მივალწევთ, და ისიც ასე იოლად, მაშინ ჩვენ არ ვნანობთ, რომ ხელები გავისვარეთ. მოვეკიდეთ თქვენსავე იარაღს და აღმოვფხვვებით თქვენში არალიტერატურული კამათისაკენ მიდრეკილება. ამით ჩვენ მხოლოდ ის დავამტკიცეთ, რომ ყოველ ჯოხს, ჭუჭყიანსაც კი, ორი ბოლო აქვს. ხოლო ჩვენი მკითხველები, რომელთაც ჩვენი სუფთა ხელები ადრე უნახავთ, და კვლავაც ნახავენ მომავალში, ხალისით გვაპატიებენ წუთიერ გაჭუჭყიანებას, რაც ამ იძულებითი ოპერაციის ჩატარების პროცესში მოგვიხდა. მაგრამ თუ, როგორი გამოცხადდებით თქვენ თქვენი მკითხველების წინაშე უიმჯობოდ, რომელიც თქვენი ერთადერთი ძალა და ორიგინალობაა, ამას ჩვენ დავინახავთ. ამის დანახვა ყველასათვის ღიდად და ღიდად საინტერესო იქნება...

51. პასუხი ბატონ ლამბაროვს

თბილისი, 22 სექტემბერი

დღეს ხელახლა გადავიკითხეთ ყურადღებით „ტიფლისკი ვესტნიკის“³ 206-ე და 209-ე ნომრებში დაბეჭდილი ბატ. ლამბაროვის სტატიები, რომლებიც დაწერილია ჩვენს მიერ მისი რეფერატის — „შენიშვნები 1877 წლის მოსავლისა და სასოფლო-სამეურნეო პროდუქტებზე ფასების მერყეობის შესახებ“ გარჩევის პასუხად. გარჩევა დაწვერეთ არა ბინძური ინსინუაციებისა და მახინჯი მხარეების მისათითებლად, როგორც ამას ბრძნულად გამოთქვამს ავტორი, არამედ ერთადერთი მიზნით — გაგვერკვია რეფერატის მეცნიერული ღირსება. ცხადია, ჩვენ არ ვიცით რას ფიქრობდა ბატ. ლამბაროვი, როცა ამ რეფერატს წერდა, ამიტომ ჩვენ მხოლოდ იმით უნდა დავკმაყოფილდეთ, რაც მან გამოთქვა და მის გამონათქვამში უნდა ვეძიოთ — თუ რა აზრისაა იგი ამ საკითხებზე, აზრები მცდარად იყო გამოხატული და ჩვენი ბრალი არ არის, რომ მივეუთითეთ ამ შეცდომებზე. მაგალითად, ბატ. ლამბაროვი წერს:

„ახალმოჭრილი ფული ჩვენს მიერ განხილულ პერიოდში უპირველეს ყოვლისა მოიჯარადრეების და პროვიანტით, ფურაჟით, ტანსაცმლითა და იარაღით მომმარაგებლების ხელში გადადიოდა. ეს ფული იწვევდა გაძლიერებულ მოთხოვნილებას ისეთ საგნებზე, რაც უშუალოდ ომისათვის იყო აუცილებელი“.

ეს ნაწყვეტი სიტყვასიტყვით ამოწერილია ბატ. ლამბაროვის რეფერატიდან. რამდენმა ასეულმა კაცმაც არ უნდა წაიკითხოს ეს სტრიქონები და თუნდაც 70 სწავლულმა განვევიმარტოს იგი, არ შეიძლება მათში სხვა რამის დანახვა, გარდა იმისა, რაც წერია: ახლად მოჭრილი საკრედიტო ბილეთები მოიჯარადრეების ხელში მიდიოდა და ზრდიდა მოთხოვნილებას ისეთ საგნებზე, რაც უშუალოდ ომს სჭირდებოდა. ასე რომ, აზრის მცდარად გამოთქმამ გამოიწვია ის აბდაუბდა, რაზედაც მივეუთითებთ; სახელდობრ: თითქოსდა ახალი საკრედიტო ბილეთების მოჭრა იყოს ომისათვის აუცილებელ საგნებზე მოთხოვნილების გაზრდის მიზეზი. სწორედ ამ აზრს შეიცავს

ბატ. ღამბაროვის მიერ დაბეჭდილი ფრაზა. თუ იგი მეცნიერულ გამოკვლევას წერს, მისი მოვალეობაა შეასწოროს აღნიშნული შეცდომა, განგვიმარტოს, რის თქმა უნდოდა და რატომ სხვა არაფერი თქვა, გარდა არეულ-დარეული დებულებისა. თუმცა, აღიარებდა იგი თუ არა საკუთარ შეცდომას, ეს მთლიანად მასზე იყო დამოკიდებული; მაგრამ, ყოველ შემთხვევაში, მას არავითარი უფლება არ ჰქონდა დაებრალებინა ჩვენთვის, თითქოსდა მისი აბუჩად აგდების მიზნით განგებ დავამახინჯეთ მისი აზრები, ხოლო ჩვენ, ჩვენის მხრივ, არაფრად არ გვჭირდებოდა მისი აზრების დამახინჯება, რადგან ბატ. ღამბაროვის რეფერატი თავისთავად წარმოადგენს ელემენტარული ეკონომიური ცნების დამახინჯებას.

შეცდომის ცნობასა და გასწორებას ბატ. ღამბაროვმა ამჯობინა ჩვენთვის ღრმა უმეცრების დაბრალება.

„ობზორის“ კრიტიკოსს რომ მოესურვებია და ცოტათი მაინც გასცნობოდა იმას, რასაც ქალაქის ფულზე სწერდნენ. ანდა ამ საკითხისადმი მიძღვნილი რომელმე ტრაქტატი გადაეკითხა. — ამბობს ღამბაროვი, — მაშინ მისთვის უცნობი არ იქნებოდა პოლიტიკური ეკონომიის მიერ დადგენილი ამგვარი ელემენტარული დებულება. და ამის შემდეგ კი ბატ. ღამბაროვს მოჰყავს მთელი რიგი აფორიზმებისა, რომელთაგან ყველაზე სწორი ისაა, რომ:

ქალაქის ფულის გამოშვება შეიძლება მოხდეს არა მხოლოდ ომის საჭიროებისათვის, არამედ საწარმოო მიზნებით — როგორცაა, მაგალითად, თბრილების გათხრა, რკინიგზების გაყვანა.

ამ აზრის უარყოფა არასოდეს არავის არ უფიქრია, მაგრამ რისთვისღა გახდა ეს საჭირო ბატ. ღამბაროვის მიერ გამოთქმული მცდარი აზრის დასადასტურებლად—საკრედიტო ბილეთების გამოშვების მნიშვნელობაზე ომისათვის საჭირო საგნებზე მოთხოვნილების გაზრდაში? როცა საკრედიტო ბილეთებს გამოუშვებ, იმით, რა თქმა უნდა, ღენთისა და ტყვიის ყიდვაც შეიძლება, ბარისა და სახნისისაც. შეიძლება მწარმოებლურადაც გამოიყენო, ე. ი. იმ მიზანს, იმ განვითარებას მიაღწიო, რაც თავიდან იყო გათვალისწინებული, ანდა შეიძლება ისე დახარჯო, რომ გარდა ხარჯისა არაფერი მოხდეს... მაგრამ წაუკითხავს თუ არ წაუკითხავს კრიტიკოსს მეცნიერული ტრაქტატი, მას უფლება აქვს და მოვალეა გაიგოს განხილული სტატია მისი პირდაპირი მნიშვნელობის მიხედვით და არა ისე. როგორც ფიქრობდა, მაგრამ ვერ დასწერა მისმა ავტორმა. ბატ. ღამბაროვო, დასწერეთ იმგვარი ქეშმარიტებანი, რომლებიც ასე მართებულად გამოხატეთ უკანასკნელ ამონაწერში და არავინ არ აგიგდებთ მასხრად. ყველაზე დიდი უსიამოვნება თქვენთვის შეიძ-

ლება ის იყოს, რომ თქვენი ნაწერები არავის არ დაინტერესებს და არავინ არ წაიკითხავს თქვენს რეფერატს, მაგრამ თქვენ ეს აღარ გეხებათ! თქვენ თქვენი საქმე კარგად გააკეთეთ!

სხვისი გამოთქმების თვითნებურად გაგება — ცუდია! ჩვენ ვიხმარეთ გამოთქმა კონსერვატულ-პატრიოტული ნიადაგი, რომლის გამო ბატ. ლამბაროვი ფრჩხილებში შენიშნავს: „წაიკითხეთ — სომხური“... რატომ „სომხური“ და არა „რუსული“, „ქართული“, „თათრული“ და ა. შ. რა ენაზეც არ უნდა ლაპარაკობდნენ კონსერვატორები, მაინც კონსერვატორებად დარჩებიან და, რადგან წინსვლა არ სურთ პირადად მათ, ზოგჯერ ცდილობენ დაგვარწმუნონ, რომ სამშობლოს კეთილდღეობისათვისაა ასე საჭირო. ამ შემთხვევაში, ეს, რა თქმა უნდა, ფარისევლობაა: რომელიმე ცნობილი ხროვის პირად თვალსაზრისსა და სახელმწიფოს საერთო ინტერესებს შორის ყოველთვის როდია სოლიდარობა. აი, რატომაა, რომ გამოთქმა კონსერვატორულ-პატრიოტული ნიადაგი — ყოველთვის არ გამოხატავს პატრიოტიზმს, მაგრამ ეს სრულიადაც არაა სომეხი ტომის განსაკუთრებული მონობოლია და თანაბრად ვრცელდება ყველა სხვა ხალხზეც. ამ გამოთქმის ჩათვლა ინსინუაციად, და ისიც ბინძურ ინსინუაციად, სომეხი ხალხის ან პირად ბატ. ლამბაროვის წინააღმდეგ. შეიძლება მხოლოდ მაშინ, თუ ბინძური ფრაზის თქმა გინდა და არც კი იცი, დროულია ეს ფრაზა თუ არა. ამიტომ, დარწმუნებული ვართ, რომ ჩვენი გამოთქმის ქარაგმულ სიტყვად მიღება შეუძლია მხოლოდ ავადმყოფურად თავმოყვარე ადამიანს, როცა, გოგოლის სიტყვებით რომ ვთქვათ, გამოთქმა — „ქალაქში სულელია“ — უკვე პიროვნებას ნიშნავს*. მე ამ ქალაქის მცხოვრები ვარ, იტყვის ზოგიერთი, გამოდის რომ მეც სულელი ვარ, ე. ი. იმ წამსვე მიხვდება, რაშია საქმე. არა, ბატ. ლამბაროვო, როცა თბილისში არსებულ სიძვირეზე ვწერთ, ჩვენ კალამს ვიღებთ ხელში არა ამგვარი პირების გამო და არა ინსინუაციებისათვის, არამედ გულწრფელად გვსურს რამდენადმე მაინც ავხსნათ და შევასუსტოთ ბოროტება. რომლისგანაც ჩვენ ყველა, თბილისის მოქალაქეები, ვიტანჯებით. ჩვენ შორის არიან მდიდარი ადამიანებიც, რომელთაც შეუძლიათ თვეში ათასი მანეთი დახარჯონ, მაგრამ უფრო მეტია ისეთი, რომელიც მთელი წლის თავაუღებელი შრომითაც ვერ მიიღებს ამდენს.

* საუკეთესო დამამტკიცებელი ამისა — ამავე კრიტიკოსის სტატაა ზღვა-ონობისა და ფინანსების შესახებ, სადაც ყოველ ნაბიჯზე გვხვდება გამოთქმა — „პატრიოტულ-კონსერვატორულა წამოძახილები“, გვხვდება მაშინ, როცა ლამბაროვი ბატ. კოკორეზე, პოლიაქოვსა და ვოლდემარზე. იქნებ ისინიც სომეხები არიან?

როგორ უნდა იცხოვრონ და არჩინონ ოჯახი ასეთმა ადამიანებმა, როცა 10 გირვანქა ხორცი 1 მან. 50 კაპ. ღირს. ხომ უნდა ჰქონდეს რაღაც საზღვარი შეშის, ბინის, მოხმარების ყველა საგნის სიძვირეს? ომი, რასაც აქამდე იმიზეზებდნენ, დამთავრდა. ჯარი უკან ბრუნდება. მათი რიცხვი ამიერკავკასიაში შემცირდა. ფასები კი არა თუ კლებულობს, პირიქით, იზრდება. ფასების ზრდა ქალაქის ფულის კურსის დაცემის პროპორციულად კი არ მატულობს, არამედ ბევრად წინ უსწრებს ამ მატებას. არ არსებობს შედეგი უმიზეზოდ, სიძვირესაც აქვს თავისი მიზეზი, მაგრამ ეს მიზეზი ომი კი არაა, რომელიც უკვე დამთავრდა, არამედ რაღაც სხვა, დაუსრულებელი, რასაც სიძვირე და ტანჯვა ნოაქვს. თუ რვეულებიდან პოლიტიკურ-ეკონომიურ აფორიზმებს კი არ ამოვწერთ. არამედ ბაზარში გავალთ სავაჭროდ, მაშინ ჩვენ უცბად წავაწყდებით ერთსა და იმავე ფასს ერთსა და იმავე საქონელზე, ე. ი. ვაჭრების შეფიცვას. რაც იმას ნიშნავს, რომ თბილისში არავითარი კონკურენცია არ არსებობს. თუ ამ ერთნაირი ფასების კვალს გავყვებით, მეორე მოვლენას, — მონოპოლიას, აღმოვაჩენთ, რასაც ცალკეული პირები ან მთელი კომპანიები სხვადასხვა საგნების შესყიდვით ქმნიან. მაგრამ თბილისის ბაზარში ვერ შევხვდებით იმას, რაც ყველა ევროპულ ქალაქში არსებობს: პირველი მოხმარების საგნების არჩევის შესაძლებლობას უშუალოდ მწარმოებელთან. პირველი ხელიდან. მხოლოდ შემოდგომაზე ჩამოაქვთ ახლომდებარე სოფლებიდან ურემებით კომბოსტო. კარტოფილი და სხვა. მაგრამ მწარმოებელი მუდმივად არ ვაჭრობს ამ პროდუქტებით თბილისში. ყველაფერი შეისყიდება და ნაწილდება ვაჭართა შორის არა იმ თავისუფალი ვაჭრობის საფუძველზე. რასაც ეკონომიური მეცნიერება ქადაგებს, არამედ მთელი მოსახლეობის ექსპლოატაციის გზით, რამდენიმე კაცის მონოპოლიის წყალობით. აი. ამ ბოროტების აღმოფხვრაა საჭირო და პოლიტიკური ეკონომიის ქეშმარიტებანი აქ არაფერში გამოგვადგება: საჭიროა ადმინისტრაციული ღონისძიება, ენერგია, მოქმედება. უნდა შეიქმნას ის, რაც თბილისში არ არსებობს, ე. ი. თავისუფალი ვაჭრობა. ამისთვის კი, უწინარეს ყოვლისა. საჭიროა შეფიცვის აღმოფხვრა. დაწყებული თუნდაც თულუხჩებიდან, რომელთაც ქალაქი დაინაწილეს და მთელ მოსახლეობას იჯარას ახდევინებენ. მაგრამ ძნელია ამას მოველოდეთ ჩვენი ახალგაზრდა თვითმმართველობისაგან. რომელმაც ჯერ მხოლოდ ორატორები შექმნა, მაგრამ საზოგადო მოღვაწეები ვერ მოგვცა. ასე რომ, როგორც შჩედრინი გვიჩვენებს, „უნდა მოვიცადოთ“.

პოლიტიკური მდგომარეობა

თბილისი, 23 სექტემბერი

როგორი დიდიც არ უნდა ყოფილიყო ლორდ ბიკონსფილდის დიპლომატიური წარმატება ბერლინის კონგრესზე²⁰, მან მაინც ვერ შესძლო შეეცვალა მოვლენათა ისტორიული მსვლელობა. ეს უკანასკნელი აგრძელებდა განვითარებას ხალხის ცხოვრების მოთხოვნილებების თანახმად, იმ ჩარჩოებისაგან დამოუკიდებლად, რომელში მომწვედევაც გადაუწყვიტა საერთაშორისო ცხოვრებას ევროპულმა დიპლომატიამ. ამასთანავე მნიშვნელოვანია ისიც, რომ მოვლენები სულ სხვა მიმდევრობით განვითარდა, ვიდრე ამას სახელგანთქმული დიპლომატები ითვალისწინებდნენ, და თანამედროვე პოლიტიკური მდგომარეობის სინდელეები სულაც იმ ადგილებში არ აღმოჩნდა, სადაც ისინი ითვალისწინებდნენ. ევროპას არც ეგონა, თუ რუსეთის ჯარი ასე მალე დასტოვებდა ბალკანეთს, მაგრამ როგორც კი ბერლინის ტრაქტატის რატიფიკაცია მოხდა, ჩვენი ჯარები მაშინვე დაიძრნენ რუსეთისაკენ. დიპლომატიური მონაცემების თანახმად, ლაზები და ქობულეთელები მოკვდებოდნენ და ბათუმის ოლქს რუსეთს არ დაუთმობდნენ, სინამდვილეში კი ამ მეომარმა ტომებმა და ყარსის მოსახლეობამ ნებაყოფლობით ჩააბარა იარაღი, რის წართმევაც თურქეთმა ძალითაც ვერ შესძლო. რუმინელები იფიცებოდნენ — ბესარაბიას რუსეთს არ დაეუთმობთო, მაგრამ წინააღმდეგობის გაუწევლად დათმეს. სამაგიეროდ ავსტრია-უნგრეთი, რომელიც, გასართობი გასეირნების ნაცვლად, ბოსნიაში ძლიერ ბრძოლებსა და წინააღმდეგობას წააწყდა, იძულებული შეიქმნა მთელი თავისი ძალების ნახევარის მობილიზაცია მოეხდინა და ჯერ არც კი იცის, ვის ებრძვის: ინსურგენტ-მუსულმანებს, აჯანყებულ ქრისტიანებს, თუ თვით თურქეთს? კუნძულ კვიპროსის დაპყრობა იაფი დაჯდა და დროც ცოტა დასჭირდა, მაგრამ იქ დარჩენა მეტად გაჭირდა გაგზავნილი ჯარის საშინელი ავადმყოფობის გამო, და კუნძულის მტკიცედ შენარჩუნებისათვის გაწეული ხარჯების სიდიდე, როგორც ჩანს, სულაც არ ნაზღაურდება მოპოვებულ დიპლომატიის სარგებლიანო-

ბით. ინგლისელების ბატონობა მცირე აზიაში, 4 ივლისის ხელშეკრულების წყალობით, ისეთი სურვილი აღმოჩნდა, რაზედაც თურქები სულაც არ თანხმდებიან. ჩვენ შეგვეძლო გაგვეგრძელებინა დიპლომატიურ იმედგაცრუების ჩამოთვლა, მაგრამ ესეც საქმარისია იმაში დასარწმუნებლად, რომ საერთაშორისო ურთიერთობაში საუკეთესო რომანიც კი არ გამოდგება პოლიტიკური სისტემის საფუძვლად.

მისტერ დიზრაელის მართლაც იშვიათი შემთხვევა ხედა წილად: დასწერა ფანტასტიკური რომანი, რომელშიც საკუთარი ქვეყნის ღირსების იდეალიზაციას ეწევა, და ბედმა ისეთი მტკიცე მდგომარეობა შეუქმნა, რომ თავისი პრაქტიკული ჰკუისა და მოხერხებულობის წყალობით, შეეძლო ყოველგვარი წინააღმდეგობის გარეშე. ფურცელ-ფურცელ განეხორციელებინა საკუთარ წიგნში დახატული სურათები და ამავე დროს დაწმუნებული ყოფილიყო, რომ ლორდ ბიკონსფილდი შესძლებდა წარემართა საერთაშორისო ცხოვრება და მისი მოთხოვნები ისევე უბრალოდ და იოლად, როგორც პარლამენტის ოპოზიციას აძებლებდა გაჩუმებულიყო და მის ნებას დამორჩილებოდა. მაგრამ სახელგანთქმული სახელმწიფო მოღვაწის შესაძლებლობა ძალზე სუსტი აღმოჩნდა და იმის მაგივრად, რომ მოვლენებისათვის გაეწია ხელმძღვანელობა, იგი თვით გაიტაცეს მოვლენებმა იქითკენ, სადაც ყველაზე ნაკლებად შეიძლება წინსვლა, თუ რომ ინგლისის დიდებაზე და კეთილდღეობაზე ფიქრობ. ასეთი დრამატული მდგომარეობა ეგრეთ წოდებული ისტორიული მოღვაწეების, რომელთაც სურთ მთელი მსოფლიო საკუთარ ნებას დაუმორჩილონ. გამონაკლისი არაა და შეიძლება ითქვას, რომ სრულიად ნორმალური მოვლენაა. საჭირო არაა შორეულ წარსულს გადავწყდეთ. მოვიგონოთ თუნდაც ნაპოლეონ I, უდიდესი ადამიანი ყველა გენიალურ მხედართმთავართა და მმართველთა შორის, რომელიც ისე გატაცებული იყო თავისივე წამოწყებული ომებით, რომ ცხოვრება წმინდა ელენეს კუნძულზე დაამთავრა. ნაპოლეონ I-მა ბევრი დიდება, სიმდიდრე და სახელი მოუპოვა საფრანგეთს, მაგრამ როცა 1814 წელს ფონტენბლოში უარი თქვა ტახტზე, საფრანგეთი ისეთივე მოშლილ მდგომარეობაში დასტოვა ეკონომიურად და პოლიტიკურად, როგორც მიიღო 18 ბრიუმერის დირექტორიისაგან 1799 წელს. მისი დიდი სამხედრო და პოლიტიკური კომბინაციები მხოლოდ წმინდა კავშირის⁷⁶ შესაქმნელად გამოიყენეს, კომბინაციები, რომელთა გათვალისწინება, ცხადია, არ შეეძლო საფრანგეთის იმპერიის შემქმნელს, პატარა კაპრალის აესტრიის ერცჰერცოგინიაზე დაქორწინებამაც კი ვერ განუმტკიცა მემკვიდრეებს მის მიერ შექმნილი ტახტი. და

რამდენი მსხვერპლი დასჭირდა ყოველივე ამას, დაწყებული ენგიენის (duc d'Enghien) ჰერცოგის სიკვდილიდან.

როგორც არ უნდა აზვიადებდნენ ლორდ ბიკონსფილდის ძლევა-მოსილებასა და გენიალობას, დიდად პატივცემულ პრემიერს მაინც არ შესწევს უნარი წარმართოს საკუთარი ძლევა-მოსილება ისე, როგორც ნაპოლეონ პირველი განაგებდა ევროპას ასიათასიანი არმიის მეშვეობით, რომელიც თვითონ ჩამოაყალიბა და გამოზარდა. ყველა ბატალიონი და ესკადრონი, ერთად და ცალ-ცალკე მზად იყო მომკვდარიყო გენიალური ადამიანის პირველსავე სიტყვაზე, ოღონდ შეესრულებია მისი ნება. ლორდ ბიკონსფილდი მხედართმთავარი არაა, მას აქვს ბევრი პოლიტიკური პროექტი, მაგრამ სრულიად არ გააჩნია მებრძოლი ძალა, რომელიც ამ პროექტებს სისრულეში მოიყვანს. მის ნებას ასრულებენ, ისიც მხოლოდ მანამდე სანამ არ შეუცვლიათ, სამინისტროების სხვადასხვა კანცელარიები და დიპლომატიური აგენტები, რომლებიც თავიანთი გულმოდგინებით მას ხშირად დათვურ სამსახურს უწევენ. და აი, ამ საშუალებების უქონლობის დროს ლორდი ბიკონსფილდი მაინც ცდილობს განახორციელოს ისეთი პროექტი, რომელთანაც ნაპოლეონ I-ის ამოცანებიც კი ახლოს ვერ მივა. ნაპოლეონს გაცილებით ნაკლები სურდა: გადაეკეთებინა ევროპის კონტინენტალური სახელმწიფოების საზღვრები, განემტკიცებია საფრანგეთის ტახტი და მხარდაჰქერა აღმოეჩინა ნათესავეებისათვის, რომლებიც სხვადასხვა სახელმწიფოების ტახტზე აიყვანა, სახელმწიფოებისა, რომლებიც მათთვის შექმნა პოლიტიკურად განადგურებული ქვეყნების სხვადასხვაგვარი ნაგლეჯებიდან. მიუხედავად კოლოსალური ზნეობრივი და მატერიალური საშუალებებისა, დასახული მიზნების განხორციელება ვერც ნაპოლეონ I-მა შესძლო და მათი განხორციელების პროცესში დაიღუპა. ლორდ ბიკონსფილდისათვის ცოტაა ნაპოლეონ I-ის წამოწყება: მას სურს ევროპის კონტინენტალური სახელმწიფოები ასევე გამოჰქრას და გამოეკროს, მაგრამ ეს სხვათაშორის, უმთავრეს მიზნად კი ის დაუნახავს, რომ ინგლისელი რეზიდენტებისა და ინსტრუქტორების დახმარებით აზიის მთელი მუსულმანური სამყარო გარდაქმნას და ეს ძალა დიდი ბრიტანეთის დედოფალს დაუმორჩილოს, რათა მისი დახმარებით შეაჩეროს რუსეთისა და მასთან ერთად ევროპის ცივილიზაციის წინსვლა. მუსულმანთა უმთავრესი ძალა, — როცა იგი ევროპას შეესია, ბიზანტიის იმპერია გაანადგურა და თავის დამპყრობლურ გზაზე ვენამდე მივიდა, — რელიგიურ ფანატიზმში იყო, რის გარეშე, ჩვენს დროშიც კი, არ ხერხდება ძლიერი მუსულმანური სახელმწიფოს ჩამოყალიბება. თუმცა ლორდი ბიკონსფილდი, რომელ-

მაც ერთხელ უკვე შეიცვალა სარწმუნოება, ალბათ, შეეძლო მეორედაც გამოეცვალა იგი, მაგრამ ის არც წინასწარმეტყველია და არც წმინდანი, არამედ, უბრალოდ, ძალზე მოხუცი ადამიანია, რომელსაც გაუჭირდება ველური ხალხის გაყოლიება, და ამიტომ მუსულმანური ფანატიზმით მართვას ის ვერ შესძლებს. ასე რომ, აზიაში ძლიერი მუსულმანური სახელმწიფოს შექმნით იგი ვერ მოიპოვებს საკუთარი პროექტის განხორციელებისათვის საჭირო საშუალებებს და ინგლისისადმი ისეთივე მტრულად განწყობილ ძალას წააწყდება, როგორც რუსეთისადმი. თუმცა რომანის შემთხვევლ დიზრაელის რა ენაღვლება? მას იტაცებს დიდებამოსილი ინგლისის პოეტური სახე, რომელიც მთელ მუსულმანურ სამყაროს დაეპატრონება აზიაში, მთელი მსოფლიოს ვაჭრობას ხელში ჩაიგდებს და ყველას მბრძანებელი შეიქმნება. ამ გეგმების განსახორციელებლად ლორდ ბიკონსფილდს საჭირო საშუალებები უნდა გამოეძებნა — და იგიც პოულობს. ოსტ-ინდოეთი იმპერიად გამოაცხადა და, ამ არაფრადღირებულ დეკორაციის მეშვეობით, ინგლისის დედოფალს იმპერატორის ტიტული მოუპოვა, თუმცა პარლამენტი მხოლოდ პირადად ინგლისის დედოფლის პატივისცემის გამო დათანხმდა ამგვარ წინადადებას და კარგად ესმოდა ამგვარი ცვლილების უსარგებლობა და არაკონსტიტუციურობა. მაგრამ ამ დეკორატიულ წარმატებას მაშინვე მოჰყვა პრაქტიკული წარუმატებლობა. იმპერატორის ნაცვალის ინდოეთში კიდევ უფრო ქედმაღალი გახდა ყოფილ ვიცე-მეფეზე და ავღანეთის ემირი იმით დასაჯა, რომ სუბსიდიისზე უარი უთხრა. წარმოიშვა ინდოეთის არმიის გაძლიერებისა და ომის დაწყების აუცილებლობა...

ინდოეთის მუსულმანთა იმპერატრიცას არ შეუძლია დაუშვას ბალკანეთის ნახევარკუნძულის მუსულმანთა დაღუპვა... იწყება ომი, რომელიც ინგლისის სამინისტროს იმედებისა და ინტერესების საწინააღმდეგოდ მთავრდება. ლორდი ბიკონსფილდი მიმართავს ინდოეთის დიდებულ იმპერატრიცას, რომელსაც ორმოცი მილიონი მუსულმანი ევედრება ნება დართოს მოკვდნენ, მაგრამ დაიცვან ევროპაში მუსულმანები, ეწევა უჩვეულო მზადებას ომისათვის, მაგრამ მიზანს აღწევს ომის გარეშე, ბერლინის კონგრესზე²⁰ დიპლომატიური გამარჯვებით. მაგრამ ეს წარმატება მოპოვებულია მცირე აზიაში სულთანის სამფლობელოების დაცვის ვალდებულების ფასად, თუ ყარსსა და ბათუმს რუსები დაეპატრონებიან. სულთანმა ეს წინადადება სარწმუნო კემშარიტებად მიიღო: იგი წინააღმდეგობას უწევს ბერლინის კონგრესის დადგენილებების განხორციელებას, მაგრამ ყარსსა და ბათუმს რუსებს უთმობს, ინგლისი რომ გამოესარ-

ჩლოს მას, რუსებმა ყარსი და ბათუმი დაიკავეს, ლორდ ბიკონს-ფილდს კი თურქეთის დასახმარებლად არ სცალია. რუსეთი ვარაუდობდა, რომ შეიძლება ბერლინის კონგრესს წარმატება არ მოჰყვეს და დაიწყო მოხალისე ფლოტის შექმნა და ჯარების გადაყვანა ამუ-დარიის სათავეებთან, ავღანეთის საზღვრის მახლობლად. ავღანეთის ემირი მეგობრულად იღებს გენერალ სტოლეტოვს და, ამავე დროს, უარს ეუბნება მიღებაზე ბატონ ჩემპერლუნს, ინდოეთის იმპერატორის ძღვევამოსილ ელჩს, რომლის ამაღლა თითქმის არმიას უდრის. სადაა ის მომხიბვლელობა (prestige), რასაც მისტერ დიზრაელის აზრით იმპერატორის ტიტული მოახდენდა აზიის ნახევარდევლურ მთავრებზე? ინგლისი ჯერ არასოდეს ყოფილა ასე მძიმედ შეურაცხყოფილი და ლორდ ბიკონსფილდს მთელი ძალღონის დაძაბვა უხდება იმისათვის, რომ როგორმე გაზაფხულამდე მიიტანოს, როცა შესაძლებელი იქნება ინგლისის ჯარების თავმოყრა და კომპანიის დაწყება. მაგრამ მისი უდიდებულესობის ინდოეთის იმპერატორის მინისტრის ნებასურვილის წინააღმდეგ, მის წინაშე სხვა იმპერიის სახე წარმოსდგა, იმპერიისა, რომლის სამფლობელოები ჩრდილოეთიდან ავღანისტანს მიადგა... ლორდ ბიკონსფილდმა, რომანისტ დიზრაელის პროექტის განხორციელებისას, სურდა რა შეეჩერებინა ამ იმპერიის წინსვლა ბალკანეთის ნახევარკუნძულზე, იძულებული გახდა რუსეთი გადაეყვანა ჯარები იქითკენ, სადაც ყველაზე ნაკლებად სასურველია. მოუწყო რა თავის თავს ასეთი სურპრიზი, ლორდმა ბიკონსფილდმა მიმართა მისტერ დიზრაელის იდეებს და ცდილობს პრაქტიკული შეცდომა პოეტური გამონაგონით გამოასწოროს. ბიკონსფილდმა, რომელმაც ბერლინის კონგრესზე სასაცილოდ აიგდო ხელშეკრულებების მნიშვნელობა, გაიხსენა რუსეთსა და ინგლისს შორის დადებული კერძო შეთანხმება ჰინდიკუშის მთის ძირში ნეიტრალური ზოლის შექმნის შესახებ, რომელიც დიდი ხანია დაარღვია ინგლისმა დოლანისა და კვეტის გადასასვლელების დაკავებით. თუმცა ლორდ ბიკონსფილდს რა საქმე აქვს ამ ამბავთან? მან ეფექტი უნდა მოახდინოს, უსისხლოდ უნდა მოიპოვოს გამარჯვება ინგლისის იდეალური გავლენის დასაცავად და მან, პეტერბურგში მყოფი საკუთარი წარმომადგენლის მეშვეობით, ჩვენს მთავრობას გამოუგზავნა ოფიციალური ნოტა, სადაც კითხულობს: რისთვისაა გაგზავნილი ქაბულში გენერალი სტოლეტოვი? ჩვენი მთავრობის პასუხი მკითხველებმა უკვე წაიკითხეს გუშინდელ ტელეგრაფში. პასუხი დაწერილია დიპლომატიური ხელოვნების ყველა წესის მიხედვით, თუმცა დიპლომატიურად უსიამო შეკითხვა ამის მოვალედ არ გეხდოდა. სხვათა შორის, თავაზიანობას არასოდეს

არ მოაქვს ვნება. რა ქნას ლორდმა ბიკონსფილდმა ამის შემდეგ? საკითხს, რომელიც შეიძლება ინგლისის სასარგებლოდ მოგვარებულიყო შინაურულად, მისი წყალობით მთელმა ევროპამ მიაქცია ყურადღება. ახლა ჩვენს მხრივ ყოველგვარი დათმობა გაძნელებულია ურთიერთობის იმ ფორმის განო, რომელიც ლორდმა ბიკონსფილდმა აირჩია. ჩვენი ოჯახური საკითხი საერთაშორისო დიპლომატიის კუთვნილება გახდა. ამგვარად, ლორდმა ბიკონსფილდმა ინდოეთის ჭარების ევროპაში გადმოსროლით იძულებული გაგვხადა ჩვენი ჭარები ინდოეთისაკენ დაგვეძრა და ახლა ავღანეთის საკითხს ისეთსავე დიდ მნიშვნელობას ანიჭებს, როგორსაც აღმოსავლეთის საკითხს 4 ივლისს დადებულ ინგლის-თურქეთის კავშირის შემდეგ.

გაიტაცა რა მისტერ დიზრაელის რომანტიულმა წარმოდგენებმა. ლორდი ბიკონსფილდი პრაქტიკულად იახლოვებს საბედისწერო დასასრულს იმ საკითხისას, თუ ვინ იქნება აზიის ბატონ-პატრონი. განა უცნაური არაა იმ ისტორიული მოღვაწის ბედი, რომელიც ყოველგვარი საშუალებით ფიქრობს კეთილდღეობა მოუტანოს სამშობლოს, მაგრამ ისეთ შედეგებს აღწევს, რომელთაც ყველაზე ნაკლებად მოაქვს კეთილდღეობა.

ჩვენ არ დავიწყებთ იმ საკითხის წინასწარ განხილვას, თუ რა პოზიციას დაიკავენ რუსეთი, ჩვენ მხოლოდ სატახტო ქალაქის გაზეთების აზრს გადმოგვცემთ:

ჩვენთვის არავის გაუნდვია რუსეთის დიპლომატიის საიდუმლოებანი, წერს „გოლოსი“²⁷, მაგრამ გვგონია არ შეეცდებით, თუ ახლავე განესაზღვრავთ ზოგადად იმ პასუხს, რომელსაც მიიღებს პეტერბურგიდან ლორდი სალისბიური იმ შემთხვევაში, თუ მართლა მიმართავს რუსეთის ხელისუფლებას იმ კითხვებით, რომლებზედაც ხმები დადის. კეთილშობილი მარკიზი ალბათ გაიგებს: ჭერ ერთი, პეტერბურგის კაბინეტს სრულიად არ მიაჩნია საჭიროდ განუმარტოს ვინმეს ის მიზნები, რომელთა გამოც იგი გზავნის ექსტრა-ორდინალურ საელჩოს ამა თუ იმ მეფესთან, ევროპასა თუ აზიაში. მეორეც, — ინგლის-ავღანეთის ომში რუსეთს განზრახული აქვს დაიცვას სწორედ ისეთი „მკაცრი“ ნეიტრალიტეტი, როგორიც დაიცვა ინგლისმა რუსეთ-თურქეთის ომში. ყველაფერს, რასაც უკრძალავდა ინგლისის მთავრობა რუსეთისადმი მტრულად განწყობილ და თურქეთისადმი მეგობრულად განწყობილ ქვეშევრდომებს, ცხადია, რუსეთიც მკაცრად აუკრძალავს თავის ქვეშევრდომებს. ჩვენ არ ჩამოვრჩებით ინგლისს კანონებისა და საერთაშორისო დადგენილებების მკაცრად დაცვაში და ამ მხრივ გავუსწრებთ კიდევ. დასაშვებსა და დაუშვებელს შორის გავლებული ზღვარი, რაც „მკაც-

რი“ ნეიტრალიტეტის მიხედვით ამ უკანასკნელ ომში ინგლისის მთავრობამ დააწესა, ჩვენი ზღვარიც იქნება.

გრაფმა ბიკონსფილდმა და მარკიზმა სალისბიურიმ კარგად იციან, რას უნდა მოელოდნენ ამგვარი გამიჯვნისაგან. მათთვის ცნობილია, რომ რუსეთ-თურქეთის ომის დროს ლონდონში აშკარად მოქმედებდა, და ახლაც მოქმედებს, გავლენიანი წევრების მდგომარეობითა და ფულადი სახსრებით ძლევამოსილი თურქოფილური ასოციაცია, რომელსაც ეწოდება „Statford House Relief Found.“ მათ კარგად იციან, რომ თურქეთის არმიის რიგებში მსახურობდა და მსახურობს ბევრი გადამდგარი ინგლისელი ოფიცერი, ხოლო ინგლისიდან გამოდევნილ ბევერ-ფაშასთან, რომელმაც წინანდელი მუნდირი მხოლოდ იმიტომ გაიხადა, რომ წითელი ფესკა დაეხურა და თურქული „ფერიკების“, „დივების“ და „მირალაების“ შავი ნახევარქუთუკი ჩაეცვა, ათობით ინგლისელი პოლკოვნიკი და კაპიტანი ირიცხება. მათ არც ის დაეწიწიათ, თუ რა როლი ითამაშა მცირე აზიაში მუხტარ-ფაშას დროს ინგლისის სამხედრო აგენტმა გენერალმა კემბალმა, რომელიც ერთხელ კინალამ ჩაუვარდა ხელთ ჩვენს კაზაკებს, რადგან ჩვენი ჯარის წინააღმდეგ გამართულ ბრძოლაში იღებდა მონაწილეობას. ყველაფერი ეს ინგლისის მთავრობამ სცნო როგორც სავსებით დასაშვები მოქმედება მის მიერ გამოცხადებული „მკაცრი“ ნეიტრალიტეტის თანახმად. ჩვენ, რა თქმა უნდა, არ ვამტკიცებთ, რომ ყველაფერ ამას გაიმეორებს რუსეთი ავღანელების სასარგებლოდ, რომელთაც თითქმის არ ვიცნობთ და რომელთათვისაც არასოდეს გაგვიწვევია ექსპლოატაცია ჩვენი სამრეწველო და პოლიტიკური მიზნების სასარგებლოდ, მაგრამ არც ის უნდა გამოუშვათ მხედველობიდან, რომ გარეგნულად ისეთ არანორმალურ მოვლენებში, როგორც ინგლისელების თურქოფილობაა, მთავარ როლს მუდამ სხვა გრძნობა თამაშობს, სახელდობრ, მეორე მეომარი მხარის სიძულელი. ინგლისელ თურქოფილთა დიდი ნაწილი სინამდვილეში სხვა არაფერია თუ არა რუსოფობები.

ჩვენ დავინახეთ, რომ მარკიზ სალისბიურიმ კითხვით მიმართა რუსეთის კაბინეტს, თუ რა განზრახვა აქვს რუსეთის მთავრობას და როგორ მოიქცევა ავღანისტანის მიმართ. იმედი გვაქვს, რომ პასუხი საკადრისი იქნება. შეგვიძლია ახსნა-განმარტებას მთლიანად ავარილთ თავი და ვთქვათ: „მოვიქცევით ისე, როგორც გარემოება გვიკარნახებს.“ შეიძლება ახსნა-განმარტების ისე პერეფრაზირებაც, როგორც ამას ბრიტანეთის კაბინეტი აკეთებდა ომის წინ და მთელი

ომის მანძილზე. სახელდობრ, ჩვენ მანამდე დავრჩებითო გულ-
გრილნი, „სანამ ჩვენ ინტერესებს არ შეეხებიან“. შეგვიძლია აგრეთ-
ვე ვუთხრათ მარკიზ სალისბიურის: „ავღანეთის მეფის დამოუკი-
ლებლობა და ავღანეთის იმპერიის ღირსება ჩვენთვის ისევე მნიშ-
ვნელოვანია, როგორც თურქეთის დამოუკიდებლობა ბრიტანეთის
დედოფლისათვის“. სამართლიანი იქნებოდა არა მარტო სიტყვების
განმეორება, არამედ ინგლისის კაბინეტის მოქმედებისაც. ჩვენი ჯა-
რები ავღანეთის საზღვარზე შეესაბამება ინგლისის ფლოტის ყოფ-
ნას ბეზიკის ყურეში. ინგლისის პირველსავე მოძრაობაზე აუცილე-
ბელია ჩვენი ჯარები ავღანეთის ემირის სამფლობელოში შევიყუა-
ნოთ, მსგავსად იმისა, როგორც ინგლისის ფლოტი დაიძრა მარმარი-
ლოს ზღვისაკენ, როცა ჩვენი ჯარები კონსტანტინოპოლს მიუახლოვ-
დნენ. განსხვავება ის იქნება მხოლოდ, რომ ჩვენ სხვის სამფლობე-
ლოში მფლობელის სურვილის წინააღმდეგ კი არ შევალთ, როგორც
ეს ზღვისგალმელმა მეგობრებმა გააკეთეს, არამედ მისდა სასიხარუ-
ლოდ და მისი მიწვევით. ლორდ ბიკონსფილდის მთელი პოლიტიკის
აყირავება მხოლოდ ამ ერთ ნაბიჯს შეუძლია და ვერც მისი კაბინე-
ტი გადარჩება. ჩვენ კიდევ და კიდევ ვიმეორებთ, რომ აღმოსავლე-
თის საკითხი ბოსფორზე კი არ უნდა გადაწყდეს. არამედ ინდზე და
მცირე-აღმოსავლეთის საკითხის საკეტს თვით დიდი-აღმოსავლე-
თის (ინდოეთის) საკითხის გასაღები გააღებს.

53. საპვირაო საუბრები

მოწინააღმდეგებთან ჩვენი კამათის ხასიათის გულწრფელი ახსნა მკითხველებისთვის. ჩვენი „პრივილეგირებული მდგომარეობა“. — საპვირაო კი იაფფასიანი გამარჯვებით საკუთარი თავის ცდუნება? — მოწინააღმდეგის დუმილი ყოველთვის არაა თანხმობის ნიშანი, ზოგჯერ ეს მის ღრობით უძლურებაზე მეტყველებს. — ცილისწამების მნიშვნელობა ახლადჩასახული ლიტერატურისათვის. — რაზეა დამყარებული ცილისწამების ფილოსოფია. — ბონაპარტიკის ცინიკური აღსარება. — ლესინგის მაგალითი და ნ. გ. ჩერნიშევსკის აზრი. — განა ნაკლებად მხურვალედ ვიცავდი მე ბატ. წერეთელსა და ბებუთოვს? — მწერლის როლი ჩვენში. — პატივისცემა, რომლითაც ის, მსგავსად ცეზარის ცოლისა, უნდა ევიდებოდეს საკუთარ პოსტს. — ადგილობრივი პრესის განვითარებაში ახალი ფაზის ნიშნები. — ბატ. დამბაროვი პირველი მერცხლის პოეტურ სახეში მომავალი გაზაფხული. — რა ხასიათისა იქნება მისი ქარიშხლები?

მე ძალიან კარგად მესმის, რომ პოლემიკა, რომელიც „ობზორმა“² გადაიტანა, დიდი ხანია უნდა მოსწყენოდა ჩვენი გაზეთის მკითხველთა უმრავლესობას. რაც უფრო მიმზიდველია მკითხველი საზოგადოებისათვის მტრულად განწყობილი იდეებითა და მიმართულებებით გამოწვეული პოლემიკა, მით უფრო დამღლელია რომელიმე კერძო პირის ირგვლივ წარმოშობილი კამათი, სულერთია ვინც არ უნდა იყოს იგი. სამწუხაროდ, ჩვენს პოლემიკას ძალზე ცოტა გააჩნდა ისეთი მხარეები, რომელთაც შეეძლოთ გაეტაცნა, აემოძრავებინა და დაეინტერესებინა მთელი მკითხველი საზოგადოება. ამ პოლემიკის მთელი ინტერესი, ნებით თუ უნებლიეთ, ჩემი ბედუკუღმართი პიროვნებით შემოიფარგლა, რომელსაც ბატონი ანტ. ფურცელაძის გულის მოსაკლავად, შეუძლია დააინტერესოს მხოლოდ ორი-სამი ქალიშვილი და არა მკითხველი საზოგადოება, როგორც „ობზორის“ მკითხველებს ახსოვთ, მე, რამდენადაც შეემძლო, ვცდილობდი პასუხები ჩემი და მოწინააღმდეგეების იდეურ და პრინციპულ უთანხმოებათა გამოხატვით შემეკავშა. ცნობილია ისიც, რომ ჩემი პოლემიკური სტატიების სწორედ ეს მხარე დასტოვეს პასუხის გაუცემლად და კამათი კვლავ ჩემს პიროვნებაზე გადადიოდა. მკითხველო, თუ ოდესმე გჭონიათ ვინმესთან დიდი დავა, განსაკუთრებით კი გაცხარებული ლანძღვა-გინება, ბუნების რომელიმე პირველ-

ყოფილ შეილთან, მაშინ თქვენ უნდა გამოგეცადათ ამგვარი მდგომარეობის მთელი სიამოვნება.

თუმცა რად გინდათ გაუთლელ მოწინააღმდეგესთან კინკლაობა, რისთვის იმცირებთ თავს და ცდილობთ მათ რაღაც აუხსნათ. ჯობია მიაფურთხოთ ყოველივე ამას!

ვაფურთხებდი, მამაო, ვაფურთხებდი, და საკმაოდ დიდხანსაც, მიყვებოდით რა შჩედრინის ბრძნულ რჩევას: „აფურთხე, აფურთხე, აფურთხე, ამ ფურთხებამ ეგების სადმე მიგიყვანოს!“. მაგრამ საქმე ისაა, რომ არსად არ მიმიყვანა. ღღეს კი მინდა განვიმარტოთ ის მიზეზები, რომელთაც მაიძულეს მსგელობა მიმეცა მთელი ამ პოლემიკისათვის. მომისმინეთ მშვიდად, შედით ჩემს მდგომარეობაში, ასწონ-დასწონეთ ჩემი მოსაზრებები და თუ ამის შემდეგ ინებებთ და გადასწყვეტთ, რომ მე ვცდებოდი, რომ სხვაგვარად უნდა მოექცეულიყავი, მე მზად ვარ არა მარტო ვალიარო ჩემი დანაშაული, არამედ — ერთხელ და სამუდამოდ უარი ვთქვა ამგვარ პოლემიკაზე.

ჩემის აზრით, ყველა საღად მოაზროვნე მკითხველი პირველივე ნაბიჯის გადადგმისთანავე დაეთანხმება იმ დებულებას, რომ ყველა პატიოსანი მწერალი, რომელიც ისწრაფვის იმ იდეებისა და მიმართულების გამარჯვებისაკენ, რომელთაც ემსახურება, ვალდებულია უკანასკნელ შესაძლებლობამდე დაიცვას ეს იდეები და მიმართულება, მოიგერიოს მოწინააღმდეგის ყველა დარტყმა. ეს წმიდათაწმიდა მოვალეობა, საერთო ყველა მწერლისა და ლიტერატორისათვის, არსად და არავისში არ აწყდება გამკიცხავს. ასე არ არის?

მაგრამ მკითხველი გვიპასუხებს: რამდენადაც ჩვენ გვახსოვს, ჯერ ჩვენში არავის უფიქრია თავს დასხმოდა იმ იდეებსა და მიმართულებას, რომელთაც თქვენ ემსახურებით. ჩვენს პრესაში ჯერ არავითარ მოწინააღმდეგე მხარეს არ უცდია წინ აღსდგომოდა თქვენს მიმართულებას და გაჯიბრებოდა მას. არავის უარუყვია თქვენი იდეები და პრინციპები, არავის დაუმცირებია მათი მნიშვნელობა, არავის დაუმტკიცებია მათი უსაფუძვლობა... რაღა გინდათ მეტი? განა შეიძლება უკეთესი მდგომარეობა ისურვოთ ლიტერატურაში? თქვენ, თქვენი „ობზორით“, უბრალოდ, „მონოპოლისტი“ ხართ... და თქვენ კიდევ უკმაყოფილებას გამოთქვამთ!...

ყველაფერი ეს, უდავოდ, სწორია. მაგრამ ჩვენც სწორედ ამას ვწუხვართ. დამიჯერეთ, მკითხველო, რომ მე სხვაზე ნაკლებ ვარ დაბრმავებული ამ, როგორც ჩანს, სასიამოვნო, შუროის აღმძვრელი ლიტერატურული მდგომარეობით. ლიტერატურული მიმართულების გამარჯვება, როგორც არ უნდა იყოს იგი, ისე ადვილი მისაღწევი

არაა, როგორც ჩვენ გვერგო ჩვენი „პრივილეგირებული მდგომარეობა“. იოლად და მუქთად მოპოვებული დიდხანს ვერ ძლებს ამ ქვეყნად... ო, მე რომ ვფიქრობდე ან ვიმედოვნებდე, რომ ჩვენი მიმართულების გამარჯვება მისი ძალისა და საფუძვლიანობის ყველასაგან უხმოდ აღიარების შედეგია, რომ ჩვენ და ჩვენმა მომხრეებმა იგი ყველა მოწინააღმდეგე მიმართულებასთან ხანგრძლივი და მედგარი ბრძოლით მოვიპოვეთ, მაშინ მე უფლება მექნებოდა მეცქირა ქვეყნისა და ლიტერატურული მოღვაწეობისათვის გულკეთილობის ვარდისფერი სათვალეებით... მაგრამ ფიქრობდე ასე — იმას ნიშნავს, რომ ცხოვრებას არ იცნობ; ეს იმას ნიშნავს, რომ ამ ცხოვრების ერთადერთ საზომად უმწიფარი ადამიანების მიერ დაბეჭდილი ფურცლები აღიარო; ეს იმას ნიშნავს, რომ თავი დაიმშვიდო და საკუთარი მიმართულება ახლო მომავალში დიდი ზეიმით დამარცხებისათვის მოამზადო. მაგრამ მაქვს კი უფლება ასე დავბრმავდე? თქვენ თვითონ რას მიწოდებდით, წინააღმდეგ მოლოდინისა, მართლაც რომ დავმარცხდე? პირველი ხომ თქვენვე მესვრით ქვას, ყველაზე ადრე თქვენ იტყვიოთ: „იგი ედგა ამ საქმეს თავში, ვალდებული იყო განეპყრიტა ჩვენზე ნათლად და ჩვენზე შორს, დაენახა ყოველივე ეს, წინასწარ გაეთვალისწინებინა საშიშროება. მან კი არაფერი არ გააკეთა, ასე რომ, თავის ადგილზე არ იდგა, უბრალოდ სულელი იყო!“ იცით კი, ძვირფასო მკითხველებო, რომ საზოგადო მოღვაწისათვის ასეთი სიტყვები სასიკვდილო განაჩენს უღრის?

ამგვარად, ვაკვირდები რა ცხოვრებას არა ეფემერული ფურცლების პრიზმიდან, არამედ მისი რეალური გამოვლენის მიხედვით, ვამჩნევ, რომ ჩვენი მიმართულება, რომელმაც, მართალია, მნიშვნელოვანი წარმატება მოიპოვა და უდავოდ აქვს უფლება საბოლოო გამარჯვების იმედი იქონიოს, ჯერ კიდევ შორსაა ნამდვილი, რეალური, უცილობელი ზეიმისაგან... დააკვირდით თქვენ თვითონ ამ სინამდვილეს და დაინახავთ მთელ ფენებს, ინტერესებსა და მისწრაფებებს, რომლებიც სრულიად არ ეგუება ჩვენი იდეების ზეიმს. თქვენ კი იმდენად გულუბრყვილონი ხართ, რომ ფიქრობთ, თითქოს ეს ფენები შესაძლებლობას მოგვცემენ გაიმარჯვოს მათმა უარმყოფელმა ჩვენმა მიმართულებამ უბრძოლველად, წინააღმდეგობის გაუწევლად, მხოლოდ იმიტომ, რომ მათ არ ჰყავთ ლიტერატურული ტალანტები, არ შეუძლიათ კალმის მოხმარა, არ შესწევთ უნარი აზრი აზრით დაამარცხონ? თუ ამის იმედი გაქვთ, ძალზე გულუბრყვილონი ყოფილხართ. ამგვარ იმედებში მე თქვენი ამხანაგი არა ვარ!

უნდა იცოდეს სხვა ქვეყნების ლიტერატურის ისტორია. რათა განსოვდეს, რომ ანალოგიური მდგომარეობა ყოველთვის შეიმჩნეოდა თითქმის ყველა ახლადფეხადგმულ ლიტერატურაში. ყოველთვის, როცა გაუტეხელ ყამირზე, რომელსაც არასოდეს არ უნახავს არავითარი სერიოზული ლიტერატურული გამოვლინებანი, უეცრად აღმოცენებულა საზოგადო მიზნების ამსახველი პრესა,—ასეთ პრესას ძალზე იოლად მიუღწევია „პრივილეგირებული მდგომარეობისათვის“. ამგვარი მდგომარეობის ძირითადი წყარო კი ისაა, რომ გაუტეხელი ყამირის გამო მასში იგრძნობოდა ახალი იდეების ან მიმართულების წინააღმდეგ იდეებით ბრძოლის ნაკლებობა. ანტისაზოგადოებრივი ფენების ზნეჩვეულებები, ინტერესები და მისწრაფებები იგივე რჩებოდა, მაგრამ ეს ფენები ვერ პოულობდნენ თავიანთ წარმომადგენელს და დამცველს ლიტერატურაში. სამაგიეროდ, ამ ფენებში ყველგან და ყოველთვის აღმოჩნდებოდნენ ახალი მიმართულების მოწინააღმდეგენი. რომელთაც გააჩნდათ ერთადერთი ხელმისაწვდომი და გამოსაყენებელი იარაღი მათ წინააღმდეგ. სწორედ ამ იარაღზე მინდა ვილაპარაკო ახლა.

ყველა ხალხის და ყველა საზოგადოების თვალში, რომლებიც ჯერ კიდევ არ მომწიფებულან გონებრივად, ყოველი მიმართულება და ყოველი აზრი, უპირველეს ყოვლისა, გაიგივებულია პიროვნებასთან, პიროვნებასთან, რომელიც რატომღაც შემთხვევით ამ აზრისა და ამ მიმართულების წარმომადგენლად ითვლება. გქონიათ შემთხვევა დაკვირვებოდით, თუ როგორ ასწავლიან მეცნიერებას ვაჟთა ან ქალთა სასწავლო დაწესებულებებში? პირველად ბავშვებს იღეა კი არ იტაცებთ, არამედ მასწავლებლის პიროვნება. ახალი იდეების გამო კი არ შეიყვარებენ ბავშვები მასწავლებელს, არამედ — მასწავლებლისადმი სიმპათიის გამო მის ახალ იდეებს ითვისებენ. ეს შენიშვნა, რომლის საფუძვლიანობაში, ჩემის აზრით, არავინ არ დაეჭვდება, ზედგამოჭრილია იმ საზოგადოებისათვის, რომელიც გონებრივი ცხოვრებით იწყებს ცხოვრებას. დაითვალეთ იმ ადამიანთა რიცხვი, რომელთაც შეუძლიათ იღეა პიროვნებისაგან გამოჰყონ, ადამიანებისა, რომელთაც უნარი შესწევთ, მას შემდეგ რაც გული გაუტყდებათ პიროვნებაზე. იდეებზეც არ აუცრუვდეთ გული და თქვენ დაინახავთ, რომ ასეთი ადამიანები ჯერ კიდევ ძალზე ცოტანი არიან იმათთან შედარებით, ვისაც. სამწუხაროდ, ჯერ კიდევ არ შესწევს უნარი ამგვარი განსხვავებისა...

მეორე გარემოება: ყოველ საზოგადოებაში, განსაკუთრებით კი ჯერ კიდევ ხელუხლებელში, ზნეობაზე და ზნეობრივ მოვალეობაზე წარმოდგენა მხოლოდ რამდენიმე კაცს აქვს. უმრავლესობა კი, სა-

უბედუროდ, დღემდე შეუპყრია საკუთარი მადისა და მატერიალური ინტერესების ბატონობას. ამიტომ ამგვარი უმრავლესობა ყველას საკუთარი საზომით უდგება, ყველას მხოლოდ საკუთარ აზრებს მიაწერს და არა ისეთს, რომელიც მას არ ესმის და მისთვის უცნობია. გამოდიან რა აქედან, ანდა ემორჩილებიან რა ამ კანონს, რაც სინამდვილეში ერთი და იგივეა, ახალი მიმართულების მოწინააღმდეგენი მუდამ და ყველგან იარაღდებიან მოღვაწე-ნოვატორთა წინააღმდეგ წმინდა პიროვნული ხასიათის ბრალდებებით, რათა მოსპონ ან დაასუსტონ მიმართულება, მოკლან ან დააუძღურონ უმრავლესობის თვალში მისი შემთხვევითი წარმომადგენლები.

ამა წლის დასაწყისში მე უკვე ვუამბე „ობზორის“ მკითხველებს, თუ როგორი საუბარი მქონდა ბონაპარტისტების ერთ-ერთ აქტიურ აგიტატორთან გამბეტას შესახებ. რა თქმა უნდა, ადამიანებს, რომელთა მთელი გონებრივი მარაგი ნასესხებია „პეტერბურგსკი ლისტოკის“⁴⁹ ქვედურა სტატიებიდან, შეუძლიათ ივარჯიშონ ნაჭირავები გონებამახვილობით და ამტკიცონ, თითქოს მე თავი თბილისის გამბეტად მომაქვს, ზუსტად ისევე, როგორც ამავე ხალხმა, ბერნეს ერთ-ერთი მაგალითის მოყვანის გამო, პატივი დამდო და უკვე მეასედ „კავკასიის ბერნეს“ მიწოდებს. დაფუტოვოთ მათ ეს უწყინარი თავშესაქცევი სათამაშო. საქმე ისაა, რომ აგიტატორმა, რომელზეც ახლა ვლაპარაკობ, უკიდურესი ცინიზმით განმიმართა ამგვარი ფილოსოფიის არსი. და მე მგონი უინტერესო არ იქნება მისი მოგონების კვლავ განახლება მკითხველთა მეხსიერებაში. მხედველობაში მიიღეთ ისიც, რომ მე არა თუ არ ვეკუთვნი მ. გ. ჩერნიაევის თავყანისმცემელთა რიცხვს, არამედ არა ერთხელ დამიწერია მის მოღვაწეობაზე მკვახე და გამკიცხავი სტატიები (იხ. „ობზორი“ № 3).

„ნოვოე ვრემიამ“³⁵ „სოვრემენაია იზვესტიასაგან“³⁷ ისესხა მ. გ. ჩერნიაევის იმ საინტერესო წერილის ნაწყვეტები, რომელიც მან მისწერა „სოვრემენაია იზვესტიას“ რედაქციას სერბია-თურქეთის ომისათვის გაღებული თანხების ხარჯვის შესახებ. წერილობითი ნაწყვეტები არ შეიცავს მთლიან ანგარიშს, და გულახდილად რომ ვთქვათ, ჩვენ იგი არც გვაინტერესებს. მხოლოდ საკუთარ პატიოსნებაში დაეკვებულ პატარა ადამიანებს შეუძლიათ გაიფიქრონ, რომ კაცი, რომელსაც ბატ. ჩერნიაევისდარი საზოგადო მოღვაწის პრეტენზიები, პატივმოყვარეობა და იმედები აქვს, რაღაც ათასიოდე მანეთისათვის „ხელს გაისვრის“. ამ საბაბით, და ღრთულადაც, ნებას მივცემთ ჩვენს თავს ამ შემთხვევისათვის დამახასიათებელი ანეკდოტი მოვიყვანოთ:

„სამი წლის წინათ პარიზში საერთო ნაცნობის ოჯახში ბონაპარტისტული პარტიის ერთ-ერთ ხელმძღვანელს შევხვდი შემთხვევით და როცა მისგან გამბეტას ტაქტიკისა და ხერხიანობის ქება მოვისმინე, ვკითხე: ბონაპარტისტული გაზეთები ბრალს რატომ სდებენ გამბეტას თითქოს თავისი დიქტატურის დროს ხაზინის ფულით სარგებლობდა, როცა მათ კარგად უნდა იცოდნენ, რომ მას ამგვარი რამ არ გაუყვებოდა და არც გააკეთებდა.

ბონაპარტიტმა გადაიხარხარა მთელი თავისი ბურჟუაზიული მუცლით, და სიცილით მითხრა:

— სრულიად უბრალოდ: ჩვენ ჩვენ საზოგადოებას ვიცნობთ. ყოველი მკითხველი იფიქრებს: მე რომ გამბეტას ადგილზე ვყოფილიყავი, ალბათ, საკმაოდ ბევრს ავცანცლიდი. ამიტომ ადვილად დაიჭერებს იმასაც, რომ გამბეტამ ასცანცლა და ამ რწმენას ვერაფრით ამოუგდებ თავიდან და ჩვენც ვსარგებლობთ იოლი ხერხით მტრის დასასუსტებლად.

— კი მაგრამ, თუ ვისი დარწმუნებაც თქვენ გასურთ, ისინიც ასევე მოიქცეოდნენ, თქვენ რატომღა გგონიათ, რომ გამბეტას ზიზღის თვალთ დაუწყებენ ყურებას?

— იმიტომ, რომ ადამიანის ბუნება ასეთია და ჩვენც ვსარგებლობთ ამით“.

ყოველი მიმართულებისა და ყოველი პარტიისათვის, რომელიც დაინტერესებულია ხალხის დაბრმავებით და ექსპლოატაციით, ბონაპარტიტის სიტყვები პრაქტიკული ბრძოლის სახარებაა. და თუ ევროპის ყველაზე განვითარებულ ქვეყანაშიც „უმრავლესობის“ მდგომარეობა ასეთია, მაშინ როგორიღა უნდა იყოს იგი ჩვენში, კავკასიაში? მეორეს მხრივ, თუ ასეთი რამ შესაძლებელია მტკიცედ ძირგამდგარ პრესაში, რა გასაკვირია, რომ ახალ ფეხადგმულ პრესაში იგი ჩვეულებრივ მოვლენას წარმოადგენდეს?

მე მჭირდება ავტორიტეტული მაგალითი იმ აზრის დასამტკიცებლად, რომ მწერალი, რომელიც ბედმა ასეთ მდგომარეობაში ჩააყენა, ვალდებულია საკადრისი პასუხი გასცეს ხალხის გულუბრყვილობისა და საზოგადოებრივი მოუმწიფებლობის ექსპლოატატორებს. ასეთ მაგალითს ჩვენ გვაძლევს ლესინგის მოღვაწეობა (გაიხარეთ, უმწიფარნო, ხედავთ რა მდიდარი სიუჟეტია, ნიკოლაძე გენიალური ლესინგის მანტიაში ეხვევა!). ძალიან ვწუხვარ, რომ მიუხედავად ხანგრძლივი ძიებისა, თბილისში ვერ აღმოვაჩინე ნ. გ. ჩერნიშევსკის „ლესინგი, მისი დრო, მისი ცხოვრება და მოღვაწეობა“. ამ ნაწარმოებში, იმის თხრობის შემდეგ, თუ როგორ გაბედეს ლესინგის უბადრუკმა მოწინააღმდეგეებმა თავს დასხმოდნენ პრესაში

ამ უწმინდესსა და უკეთილშობილეს კაცს, როგორსაც ქვეყანაზე ოდესმე უვლია, დასწამეს შანტაჟი და ის, რომ მან თითქოს თავისი ლიტერატურული აზრები წვრილმან ანგარიშიანობას დაუქვემდებარა; და იმის თხრობის შემდეგ, თუ რა იღონა ლესინგმა თავის გასამართლებლად ამგვარი მდაბალი და უხამსი ბრალდებებისაგან, ნ. გ. ჩერნიშევსკი მკაცრად ლაპარაკობს, რომ ყოველი მწერალი წინ უნდა აღუდგეს საკუთარი ღირსების ხელყოფას და, საკუთარი იდეებისა და მიმართულების დაცვის ინტერესებისათვის, დაიცვას იგი მდაბალი ბრალდებებისაგან...

ვიმეორებ, უაზრობა იქნება იმაზე ოცნებაც კი, თითქოს ჩვენ დაცული ვიქნებით მსგავსი ელემენტარული ბრალდებებისაგან. პირად თავმოყვარეობას ჩვენ იმიტომ კი არ ვუფრთხილდებით, რომ ჩვენი ღირსების დალაქიანების გვეშინია, არა, ჩვენ მხოლოდ იმას ვერიდებით, რომ ამ ლაქამ ჩვენი მიმართულება არ დაასუსტოს და ჩვენი იდეების ზეიმს ხელი არ შეუშალოს. ჩვენ მოვალედ ვთვლით თავს პასუხი გავეცეთ ყველას, ვინც მის დალაქიანებას ცდილობს. ცხადია, ჩვენ არავითარი შესაძლებლობა არ გვქონდა, მოგვეგერიებინა ჩვენი ღირსებისა და რეპუტაციის შემლახავი დარტყმები, რომელთაც კუთხეს მოფარებულები გვაყენებდნენ პირადული ცილისწამებებით. უხილავ მოწინააღმდეგეებთან ბრძოლა, უბრალოდ, შეუძლებელია. მაგრამ თუ კი პრესაში გამოჩნდებოდა რაიმე ცილისწამება ან ჭორი, ჩვენ ხარბად ვიჭერდით ამ შემთხვევას, ვიწვევდით მოწინააღმდეგეს, ეთქვა ყველაფერი, გაეფორმებინა ბრალდება, დაესახელებია ფაქტები. არასოდეს, არავითარი პასუხი, არავითარი მითითება არ მიგვიღია. ბატ. ა. ფურცელაძე (ქართულ ლიტერატურაში), ბატ. ლოლობერიძე, „ქუთაისელი“ და „ეს მე არ ვარ“ (ადგილობრივ რუსულ პრესაში) ყველა ჩვენ მოპატიუებასა და გამოწვევას გაურბოდნენ და იმის მაგივრად, რომ გულახდილად აეხსნათ და განემარტათ ყველაფერი, უბადრუკი ცილისმწამებლების სახელს ურიგდებოდნენ და კიდევ უფრო უბადრუკ და უაზრო ქარაგმებს მიმართავდნენ. გუშინ ჩვენ დავინახეთ, როგორ მოიქცა ბატ. „ეს მე არ ვარ“. ესაა მსგავსი ბატონების ტაქტიკის ნიმუში...

ყველაზე სამწუხარო მაინც ისაა, რომ ყველა ჩემი „პირადული განმარტება“, რომელიც, როგორც უკვე ვთქვი, მიზნად „სახავდა ჩვენი მიმართულების განთავისუფლებას იმ ტვიროხისაგან, რომელიც შეიძლებოდა ჩემს პიროვნებას შეექმნა, ზოგიერთმა, ალბათ, ჩემს პირად წვრილმანობასა და თავმოყვარეობას მიაწერა. მე მართლაც ვარ თავმოყვარე და მერე როგორი თავმოყვარე, პატივმოყვარეც კი. მაგრამ ერთი რამ მაკვირვებს, როგორ არ ესმით, რომ ჩე-

მი უსაზღვრო თავმოყვარეობა თვითონვე სპობს ჩემში ყოველგვარ წვრილმან, იაფფასიან პატივმოყვარეობას. სად, როდის, რომელ ადამიანს გაუიგივებია დიდ პატივმოყვარეობასთან, რაზეც, მე მგონი, ერთგვარი უფლება მაქვს (ხედავთ თუ არა, რა გულახდილად ვაღიარებ ჩემს ნაკლს!), ქინძისთავის ჩხვლეტისაგან გამოწვეული გაღიზიანება? სად გინახავთ, რომ ადამიანი, რომელსაც ჰგონია მომწიფებულ ხალხს მოვერევიო (საფუძვლიანია თუ არა, ეს სხვა საქმეა), ქონდრისკაცებთან ბრძოლას გაეტაცოს და თავისი თავმოყვარეობის მიზნად მათთან ბრძოლა მიეჩინოს? მაშასადამე, თუ იგი, მისდაუნებურად, იძულებულია შეეხოს მას, ამას წვრილმანი თავმოყვარეობისა და თავის გამოჩენისათვის კი არ აკეთებს, არამედ რაღაც სხვა მიზეზების გამო! ნუთუ ეს გაუგებარია!

მეორეს მხრივ, თუ მართალია, რომ თითქოს მე ამგვარ პოლემიკაში მხოლოდ საკუთარი თავმოყვარეობის გამო ვებმები ხოლმე, მაშინ რით უნდა ავხსნათ ის ამბავი, რომ მე ჩემი ცხოვრების მანძილზე არა ნაკლები აღფრთოვანებითა და მონდომებით მიწარმოებია პოლემიკა მაშინაც, როცა ჩემი თავმოყვარეობა და პიროვნება განზე იდგა და საქმე იმ ადამიანთა ღირსებას ეხებოდა, რომლებიც ჩემთვის ძვირფას მიმართულებას იზიარებდნენ? განა მე პირადად შეგებნენ, როცა ბატ. ა. ფურცელაძისა და ბატ. გ. წერეთლის პოლემიკაში ჩავერეი? როცა მე „ქრებულში“ თავგამოდებით ვიცავდი ჩემი თანამშრომლების პირად ღირსებას, რომელთაც ათასგვარი სისულელე და ჭორი დააბრალებს, განა მაშინ მე ნაკლებად ფიცხი და პირდაპირი ვიყავი, ვიდრე ახლა ვარ, როცა მე „ტიფლისკი ვესტნიკის“ ფურცლებზე თითქმის დორბლმორეული ვიცავდი თავად ბებუთოვს, რომელსაც ბატ. ნესტეროვი და სტალინსკი შანტაჟს დებდნენ ბრალად?! განა მე მაშინ სხვაგვარად ვწერდი, ვიდრე ახლა ვწერ? შეადარეთ ჩემი მაშინდელი სტატიები ახლანდელს და დარწმუნდებით, რომ მაშინ მე კიდევ უფრო ძლიერი, ფიცხი და აღფრთოვანებული ვიყავი, და ეს მხოლოდ იმიტომ, რომ სხვაზე ლაპარაკი, სხვისი დაცვა უფრო სასიამოვნო, ადვილი და მოხერხებულია, ვიდრე საკუთარ თავზე წერა და საკუთარი თავის დაცვა.

რატომ ვაწარმოებდი ასეთ პოლემიკას ყოველთვის ფიცხად და ხალისით, სულერთია ვისაც არ უნდა შეხებოდა იგი? ამ კითხვაზე სრულიად დამაკმაყოფილებელ პასუხს იძლევა ზემოთ მოყვანილი ახსნა-განმარტება. მაგრამ ამ კითხვის პასუხად შემიძლია კიდევ რამდენიმე საფუძვლიანი მოსაზრება წარმოგიდგინოთ.

გიფიქრიათ ოდესმე, მკითხველო, თუ რა მდგომარეობაშია მწე-

რალი ჩვენს თანამედროვე საზოგადოებაში? დამიჯერეთ, საკმაოდ საინტერესო საკითხია.

არის ხოლმე ისეთი დრო და ისეთი ქვეყანა, სადაც მწერალი მხოლოდ მწერალია და მეტი არაფერი. ინგლისში, მაგალითად, ანდა საფრანგეთში, ლიტერატორი არარაა. იგი ქმნის გარკვეული რაოდენობის აზრებს, სტატიებს, წიგნებს და მისი ღირსება მხოლოდ მისი ნაწარმოებების ღირსებით იზომება. უმეტეს შემთხვევაში მის აზრებს, მის სტატიებს, წიგნებს საზოგადოებისათვის გარკვეული სარგებლიანობა მოაქვს და წარმატებისა და მარადიულობისაკენ თვითონ იკაფავს გზას, მწერალის პიროვნება კი მუდამ ჩრდილში რჩება, მას არაფერია იცნობს, იგი არავის არ აინტერესებს. არც იქ ყოფილა ადრე ასე, როცა მწერლები იდგნენ თვალსაჩინო, პირველ პლანზე. ხოლო ასეთი ადგილი მწერლებს იმიტომ ეჭირათ, რომ იმდროინდელი საზოგადოების მოუმწიფებლობისას წარმოადგენდნენ ყველა საზოგადოებრივი საქმის, საკითხის და შემთხვევის უკანასკნელ სააპელაციო და საკასაციო ინსტანციას. როცა მთელი საფრანგეთის საზოგადოებრივ აზრს კოლასის პროცესი აინტერესებდა და აღელვებდა, როცა სხვა არავითარი შესაძლებლობა არ იყო დაექაყოფილებიათ აღშფოთებული საზოგადოებრივი სინდისი, თუ არა ვოლტერის ცნობილი პამფლეტით, ასეთ შემთხვევაში გასაგებია, რომ ვოლტერს და მის პამფლეტს მთელი საზოგადოების ყურადღება უნდა მიექცია. მაგრამ განა შეიძლება ასეთი რამ ახლაც მოხდეს და განმეორდეს? ამგვარი კაზუსი ახლა გამოიწვევდა „აღშფოთების გამომხატველ მიტინგებს“, ოპოზიციის შეკითხვებს. რაც ადრე მწერალს პრივილეგირებულ მდგომარეობას უქმნიდა, ახლა ის მიტინგების ორატორებსა და სხვა საზოგადოებრივ საკრებულოებს დარჩათ. საერთო ყურადღება ახლა მათკენაა მიქცეული...

ხოლო იმ ქვეყნებში, სადაც ასეთი მიტინგები ნადრევი ან წარმოუდგენელია, მთავარი როლი ძალაუვნებურად მწერლის ხვედრია. ყველას თვალი, იმედი მისკენაა მიმართული. საზოგადოება მასში ხშირად ეძებს თავის სულიერი ტკივილებისა და აზრების გამოხატველს, ხოლო ხელისუფლება მასში მეტად თუ ნაკლებად ხედავს „საზოგადოებრივი აზრის“ ნდობით აღჭურვილ წარმომადგენელს, რომლის წინაშე შეიძლება ბევრმა იყოყმოს, მაგრამ რომელსაც ყველამ უნდა უსმინოს და შეეგუოს. ასეთ ქვეყანაში მწერალი ხალხის ისეთივე რჩეულია, როგორც ყველა სხვა „რჩეულები“. ქუთის კოლოფიც რომ იყოთ, თუ თქვენ საზოგადოებრივ მოთხოვნილებას არ აკმაყოფილებთ, თუ არ უყვარხართ მას, არ გამოხატავთ მის მის-

წრაფებებს, მკითხველები არ გეყოლებათ და იძულებული იქნებით წერას თავი დაანებოთ. სხვათა შორის, ნ. ა. დობროლოუბოვმა საკმაოდ გასაგებად დაამტკიცა ეს ანალოგია ლიტერატურული ნაწარმოების მკითხველთა და ამომრჩეველთა შორის, ხოლო საყოველთაოდ ცნობილი დებულებების განმეორება, ვფიქრობ, საჭირო არაა...

ამგვარად, ასეთ ქვეყანაში მწერალი არის და უნდა იყოს არამარტო საკუთარი თავის წარმომადგენელი, არამედ მკითხველი საზოგადოებისაც, რაც არა ნაკლებ მნიშვნელოვანია. მართლაც, რა ხშირია შემთხვევები, როცა მწერალს მისი მკითხველები მიმართავენ, როგორც მათი გაჭირვებისა და საჩივრების ერთადერთ გამომხატველს. შეიხედეთ ნებისმიერ რედაქციაში და მის კანტორებში თქვენ იპოვით უამრავ საჩივარს არა მხოლოდ ადგილობრივ თანამდებობის პირთა უსამართლობისა და ცალმხრივობის შესახებ, არამედ სასამართლოს გადაწყვეტილებებზეც... მე არ ვამბობ, რომ ყველა საჩივარი სამართლიანი და საფუძვლიანია, მე მხოლოდ იმას აღვნიშნავ, თუ რამდენი საჩივარი მოაქვთ ყოველდღე. და თუნდაც ეს ერთი ფაქტი ადასტურებს ჩვენში მწერლის როლის კომპლიკაციას.

თქვენ კი გინდათ, რომ ადამიანმა, რომელსაც სულერთია, შემთხვევით იყო ეს თუ არა, თხუთმეტი წუთი მაინც მოუხდა ამ პოსტზე ყოფნა, არ შეაფასოს შექმნილი მდგომარეობა, ვერ გაიგოს თავისი მოვალეობა და ის მოთხოვნები, რომელთა წაყენება ყოველ ადამიანს შეუძლია მისთვის, რომ თავის მკითხველთა პატივისცემის, თავისი საქმისა და მდგომარეობის პატივისცემის გამო მან მოვალედ არ ჩათვალოს თავი ჩამოირეცხოს ის ტალახი, რომელსაც უხვად ესვრიან მას ყოველი მხრიდან. უდავოა, საბრალონი და უხამსნი არიან ისინი, რომელთაც არ ესმით რას აკეთებენ და საკუთარ თავს უფლებას აძლევენ შეურაცხყოფილი თავმოყვარეობის ან შელახული ინტერესების გამო ტალახით გასვარონ ის ადამიანი, რომელსაც არაფრით არ დაუმსახურებია არაგულისხმეირი დამოკიდებულება... მაგრამ განა ეს ანთავისუფლებს მას მოვალეობისაგან — რადაც არ უნდა დაუჯდეს დარჩეს სუფთა.

დღე, აბუჩად აიგდონ უმწიფრებმა ამ სურათის უკანა მხარე, რომელიც მართლაც იძლევა საბაბს ზერელე იუმორისა და ლაზღანდარობისათვის... და არა მარტო ჩვენი მკითხველები, არამედ მთელი მკითხველი საზოგადოების რამდენადმე წესიერი ნაწილიც კი აღიარებს, რომ ჩვენს საზოგადოებაში ამგვარი როლი და მდგომარეობა მწერალს საკმაოდ მძიმე მოვალეობას აკისრებს. მკითხველ საზოგადოებას კი შესაძლებლობას აძლევს შეადაროს ერთმანეთს თვითიული მწერლის მომზადება, სიტყვები, მოქმედე-

ბა, ხასიათი და ყოველი მათგანი მათი ღირსების მიხედვით დააფასოს. ხოლო თუ მე შევდექი ისეთ კვარცხლბეკზე, რომელიც ჩემთვის ძალზე მაღალია, ამით ხომ მევე ვაძლევ საზოგადოებას მასშტაბს კვარცხლბეკისა და ჩემი სიმადლის შეუმცდარი გაზომვისათვის. მაშასადამე, მისთვის ადვილი იქნება ჩამომათრიოს შეუფერებელი კვარცხლბეკიდან.

აი, ის წადილი და მოსაზრებები, რომელმაც მაიძულეს მსვლელობა მიმეცა ჩვენი პოლემიკისათვის. და თუ ჩემს მკითხველებს მოეჩვენებათ, რომ ყოველივე ეს მცდარი და უსაფუძვლოა, მაშინ იმის იმედი მაინც მინდა ვიქონიოთ, რომ ჩემი ახსნა-განმარტებიდან ისინი ისეთ დასკვნას მაინც გამოიტანენ, რომ შეიძლება მე შევცდი, მაგრამ შევცდი არა უსაფუძვლოდ. მაგრამ მე დარწმუნებული ვარ, რომ მკითხველები ღირსეულად შეაფასებენ ჩემს მოსაზრებებს და მივლენ იმ დასკვნამდე, რომ სწორედ ასე უნდა მოვქცეულიყავი.

იმედი მაქვს, რომ ჩვენი პოლემიკა უკვე ამოიწურა. ჩვენ უკვე ვამჩნევთ, რომ ჩვენი ლიტერატურა თავის განვითარების ახალ ფაზაში შედის. აქამდე გაჩუმებული საზოგადოებრივი ფენები ახლა უკვე პოულობენ თავიანთ წარმომადგენლებს პრესაში. ბ-ნი ღამბაროვი, ჩემს თვალში, მომავალი გაზაფხულის პირველი მერცხალია, გაზაფხულისა, რომელსაც ღვართქაფები და ქარიშხლები მოაქვს. კაპიტალისტებმა, რომლებიც აქამდე უსიტყვოდ იტანდნენ ადგილობრივი პრესის დარტყმებს, მისი სახით თავიანთი სწავლული დამცველი იპოვეს. სხვებიც თანდათან გამოჩნდებიან. და იმედი მაქვს, რომ ამ ახალ მერცხლებთან და მოღვაწეებთან კამათში მთლიანად გამომქდავნიდება, მართლა დაგვყავს თუ არა ჩვენ ყოველი პოლემიკა კერძო საკითხებამდე და პირადი ანგარიშის გასწორებამდე.

54. საშკამთნსო საშუალება იმისა, რომ ვაიქულოთ ხმოსნები კეთილსინდისიერნი იყვნენ

თბილისი, 26 სექტემბერი

თითქმის ყველა ადგილობრივმა გაზეთმა მიაქცია ყურადღება ჩვენი ქალაქის საბჭოს მომავალ არჩევნებს და საბჭოს ახლანდელ ხმოსანთა უმრავლესობის იმ ზღაპრულ გულგრილობას, რაც მათ ნებაყოფლობით მიღებული მოვალეობის მიმართ გამოიჩინეს. გაზეთი „დროება“²² ძირითადად ამ უკანასკნელ მხარეს ეხება, ხოლო „მშა-კი“²³ უფრო შორს მიდის და მომავალი არჩევნების მომზადების უკეთესი ხერხების შემუშავებას ცდილობს. „დროებამ“ ამ ცოტა ხნის წინათ მოწინავე სტატია მიუძღვნა იმ საკითხს, თუ როგორ ვაიქულოთ ხმოსნები წესიერად დაესწრონ საბჭოს სხდომებს. დღეს „ტიფლისკი ვესტნიკს“²⁴ მოჰყავს შემდეგი ნაწყვეტი ამ სტატიიდან:

„ჩვენი ქალაქის საბჭო, ჩვეულებრივ, თვეში ოთხჯერ იკრიბება, მაგრამ სხდომას ორჯერაც კი ვერ ატარებს, რადგან ხმოსანთა საკირო რაოდენობა არ ცხადდება.

„ჩვენს ხმოსნებზე არც ვედრება, არც მუქარა, არც საჩივრები და არც საყვედური არ მოქმედებს. ქალაქის საქმეები ადგილიდან არ იძვრის, რადგან ქალაქის წარმომადგენლებმა მოატყუეს თავიანთი ამომრჩევლები.

„უნდა გამოვნახოთ რაიმე საშუალება და ვიხსნათ ქალაქი ამგვარი მდგომარეობისაგან.

„დღეს „ტიფლისკი ვესტნიკში“ ვკითხულობთ, რომ ზოგიერთმა ხმოსანმა გადასწყვეტა სთხოვოს უმაღლეს ხელისუფლებას დართოს მათ ნება დაიწყოთ საქალაქო მეურნეობის საკითხების განხილვა, სულერთია დაესწრება სხდომას ხმოსანთა კანონით გათვალისწინებული რაოდენობა თუ არა, ამასთან საბჭოს მიერ მიღებული გადაწყვეტილება კანონიერად ჩათვალოს.

„ამის დაშვება შეიძლება უკიდურეს შემთხვევაში, მაგრამ ამგვარი მდგომარეობის მუდმივად დაკანონება სახიფათოა, რადგან საბ-

ქოს 5 და 10 წევრს შეუძლია ისეთი გადაწყვეტილებები მიიღოს, რომლებიც ქალაქს დიდ ზიანს მოუტანს.

„კი მაგრამ, იკითხავთ თქვენ, რა ქნას საბჭომ? ჩემის აზრით, არის ერთი საშუალება, რომელიც ასეთი შემთხვევისათვის გამოდგება.

„მიიღონ წესად, რომ ყოველ წევრს, რომელიც თბილისში იყო და ხუთიდან უმიზეზოდ სამჯერ გამოსტოვა სხდომა, ჩამოერთვას ხმოსნის წოდება და ეს ამბავი ყველა ადგილობრივ გაზეთში გამოცხადდეს. ამავე დროს, მიეცეს უფლება საბჭოს, გადაყენებული წევრის ნაცვლად, სხდომებზე მოიწვიოს ის კანდიდატი, რომელმაც არჩევნებში სხვებზე მეტი ხმა მიიღო.

„ჩვენი აზრით, ესაა ერთადერთი საშუალება შევიყვანოთ ქალაქის საბჭოში ისეთი ადამიანები, რომლებიც კეთილსინდისიერად შეასრულებენ საკუთარ მოვალეობას“.

სამწუხაროდ, მოვლენა, რომელიც გაზეთმა „დროებამ“ შენიშნა, ჩვენი საზოგადოებრივი ცხოვრების ნამდვილ და აღმაშფოთებელ ბოროტებას წარმოადგენს. ქართული გაზეთის ზრუნვა აღმოფხვრას ამგვარი ბოროტება, სასახელო და დროულია. სამწუხაროდ, ჩვენ ვერ ვიტყვი, რომ ასეთივე საფუძვლიანი და გამოსადეგია პატივცემული გაზეთის მიერ წამოყენებული საშუალებები. რა თქმა უნდა, ცუდი არ იქნება მივბაძოთ პეტრე დიდის მაგალითს და „უწყებებში გამოწერით შევარცხვინოთ“ ის პირები, რომლებიც გულგრილად და არაკეთილსინდისიერად ეკიდებიან თავიანთ მოვალეობას. მაგრამ, ჯერ ერთი, ეს წმინდა პალიატური ღონისძიებაა, მეორეც, როცა ხმოსანთა უმრავლესობას ერთდროულად შევარცხვენთ, ისინი სირცხვილის გრძნობას დაკარგავენ, რადგან „ხალხის თვალწინ“ არა მარტო სიკვდილია ლამაზი, არამედ სირცხვილიც იოლი მოსახლეობელია... მეორეც მხრივ, აღნიშნული ღონისძიება დიდი პატივისცემაა ხმოსნისათვის, რადგან ამით ჩვენ იმასაც ვამბობთ, რომ მათ მართლაც გააჩნიათ სირცხვილის გრძნობის გარკვეული დოზა. მათ რომ მართლაც გააჩნდეთ სირცხვილის გრძნობა, მაშინ, ალბათ, არც კი დაგვკირდებოდა ამგვარ ღონისძიებებზე მსჯელობა. თუმცა, არსებითად, ჩვენ ამ ზომების გამოყენების წინააღმდეგი არა ვართ.

სულ სხვა საქმეა მეორე ღონისძიება, რომელსაც პატივცემული გაზეთი გეთავაზობს. კანონის თანახმად, არავის არა აქვს უფლება, ჩამოართვას ხმოსანს წოდება, რადგან ქალაქის საბჭოს ყოველ ამგვარ განაჩენს მაშინვე გაასაჩივრებდნენ და, როგორც უკანონოს, გააუქმებენ. კანონმა სრულიად სამართლიანად განსაზღვრა ხმოსნის შეცვლის დაუშვებლობა ვადის გასვლამდე. წინააღმდეგ შემთხვე-

ვაში, დავიწყებას მიეცემოდა არჩეულის დამოუკიდებლობა და, ამავე დროს, არ ვიქნებოდით დაზღვეული უმრავლესობის თვითნებობისა და მიეკრძაობითი მოქმედებისაგან. მიეცით საბჭოს ასეთი უფლება და დაინახავთ, რომ საბჭო არავითარ ზომებს არ მიიღებს საბჭოს წევრთა უმრავლესობის წინააღმდეგ, ანდა მათ საპატიო მიზეზებს გამოუჩინებს, ხოლო ხმოსანთა უმცირესობას საპატიო მიზეზებსაც კი არაქანონიერად და არასაფუძვლიანად ჩაუთვლის. ხოლო თუ წარმომადგენლობითი დაწესებულებების კანონებისა და პრინციპების მიხედვით არავითარ შემთხვევაში არ შეიძლება ამგვარი უფლებები მიიღოს თვით დაწესებულებამ, მაშინ ისიც გასაგებია, რომ ასეთი უფლებები არ შეიძლება მიეცეს საბჭოს ან აღმინისტრაციას. ამგვარი სისტემის აღმამფოთებელი უხერხულობა თავისთავად ცხადია...

ამგვარად, ღონისძიება, რომელსაც გაზეთი „დროება“ გვათავაზობს, ფანტაზიის განუხორციელებელ სფეროს უნდა მივაკუთვნოთ: მაღლობა ღმერთს, წარმომადგენლობითი დაწესებულების ჯანსაღი პრინციპები იმდენად განმტკიცდნენ, რომ წუთიერი უხერხულობისათვის მათი მსხვერპლად გაღება არ ღირს.

გვაკვირვებს რა ჩვენს პრესაში ამგვარი უსაფუძვლო შეხედულებებისა და მავნე რეკომენდაციების გამოჩენა, არ შეგვიძლია არ აღვნიშნოთ, რომ თუ პრესას სურს წმინდა პრაქტიკულ საკითხებთან დაკავშირებული თანამედროვე კანონმდებლობის გარდა განიხილოს, აგრეთვე, საკანონმდებლო ღონისძიებების საკითხებიც, რაც დაეხმარება საყოველთაო სიძნელის აღმოფხვრაში, მაშინ მიმართოს საზოგადოებრივ მეცნიერებას, სადაც უკვე ნაპოვნი და მითითებულია ამგვარი საკითხების გადასაჭრელი საშუალებები... იმის გამო, რომ მეცნიერების ეს მითითება ჩვენში საკმაოდ ცნობილი არაა, საჭიროდ მიგვაჩნია ამის შესახებ ვთქვათ რამდენიმე სიტყვა და წინასწარ ბოდიშს ვიხდით მკითხველებთან, ვინაიდან ტრუიზმებისა და ანბანური ქეშმარიტებების განმეორება გვიხდება.

ყოველთვის, როცა წარმომადგენლობითი დაწესებულების საფუძველი ცენზია, ამ სისტემით შექმნილი საზოგადოებრივი საკრებულო საზოგადო საქმისადმი გულგრილობითა და აპატიით გამოირჩევა. და ეს გასაგებია. ცენზის მიხედვით საზოგადოებრივ დაწესებულებებში დაიშვებიან უმთავრესად შეძლებული ადამიანები, რაც მდიდარ მესაკუთრეებს დიდ უპირატესობას აძლევთ წვრილ მესაკუთრეებთან შედარებით... ხოლო შეძლებული და მდიდარი ადამიანების დიდი ნაწილის დამახასიათებელი თვისება ისაა, რომ უამრავი პირადი საზრუნავი და ინტერესები აქვთ. რაც, თუ ყოველ-

თვის არა, ხშირად მაინც, დიამეტრალურად ეწინააღმდეგება საერთო საქმეს. ამიტომ, გასაკვირიც არაა, რომ ასეთი ხალხი საკუთარი საქმეებით არის დაკავებული და გულგრილად ეკიდება საზოგადო საქმეს... ასე იქცევიან უკეთესნი მათ შორის. ნაკლებ კეთილსინდისიერნი კი, როგორც აღვნიშნეთ, საერთო ინტერესებზე მაღლა აშკარად აყენებენ საკუთარს... აი, სადაა ჩვენი წარმომადგენლობითი დაწესებულების აღნიშნული გულგრილობის წყარო და ძირი. გაზეთებმა, რომელთაც ამ ბოროტების აღმოფხვრა სურთ, თავიანთი ძალა ამ წყაროს წინააღმდეგ უნდა მიმართონ...

ამ თვალსაზრისით, აპატიის აღმოფხვრა, რომელიც ასე მავნელ მოქმედებს ჩვენი ქვეყნის სახელმწიფოებრივ და ადმინისტრაციულ ინტერესებზე, შეიძლება მხოლოდ თვითმმართველობაში და არჩევნებში მთელი ხალხის ჩაბმით, ხოლო წარმომადგენლობაში იმ ფუნქციების წარმომადგენელთა არჩევით, რომლებიც მეცნიერებაში და ისტორიაში ცნობილი არიან უნარიანთა სახელით (*représentation des capacités...*)

ცხადია, ყოველივე ეს მშვიდ და მეცნიერულ განხილვას მოითხოვს და დროისა და მომავლის საქმეა... მომავალი არჩევნებისა და ქალაქის მიმდინარე საქმეების გადასაწყვეტად სულ სხვა ღონისძიებებია საჭირო. მე მგონი ამისთვის უფრო შესაფერისია ის საშუალება, რომელსაც გაზეთი „მშაკი“ გვთავაზობს. პატივცემული სომხური გაზეთი მოგვიწოდებს, რომ სახალხოდ ვიმსჯელოთ კანდიდატებზე. თავისთავად ცხადია, რომ ეს ღონისძიება გულისხმობს, რომ სახალხოდ განვიხილოთ არა მარტო ამა თუ იმ კანდიდატის ღირსება, არამედ — საარჩევნო წრეებისა და კრებების მოწყობაც. და თუ ჩვენი საზოგადოებრივი საქმეების მიზანდასახულად და გონივრულად მართვის ერთგული ოციოდე კაცი გულწრფელად და ცოცხლად მოკიდებს ხელს ასეთი წრეებისა და კრებების მოწყობას — არსებულ პირობებში უკეთესს და უფრო მარტივ ღონისძიებას საბჭოს შემადგენლობის გასაუმჯობესებლად ჩვენ ვერ გამოვძებნით. საბჭოს ახლანდელ შემადგენლობაზე ამ სამუშაოების დაწყებაც კი მოახდენს გავლენას. ექნებათ რა იმის შიში, რომ უარყოფენ, ან ამომრჩევლები არჩევნებამდე „გააშავებენ“ მათ კანდიდატურას, ხმონებნი ისეთ სახეს მიიღებენ, თითქოს სერიოზულად და გულმოდგინედ ეკიდებიან თავიანთ მოვალეობას. ამიტომ, ზემოთგამოთქმულ მოსაზრებებს შორის სრული წარმატება უნდა ვუსურვოთ „მშაკის“ მიერ წამოყენებულ ღონისძიებას, ოღონდ იმ სახით, როგორც მოვხაზეთ...

ვუპასუხებთ რა კითხვაზე, რომელსაც ამ სტატიის სათაური გამოხატავს, ჩვენი რეზიუმე მთელი ამ სტატიის შესახებ ასეთი იქნება:

საუკეთესო საშუალებანი იმისა, რომ ვაიძულოთ ხმოსნები კეთილსინდისიერად მოეკიდონ თავიანთ საქმეს შემდეგია: საკანონმდებლო სფეროში — ცენზის გაუქმება, ხოლო პრაქტიკაში კი — კეთილსინდისიერი კანდიდატების არჩევა. ახლანდელ შემადგენლობაზე კი ჯობია ხელი ჩავეიჭნიოთ: არაკეთილსინდისიერ ადამიანს ვერავითარი ღონისძიებით ვერ გახდით კეთილსინდისიერად. კუზიანს მხოლოდ სამარე გაასწორებს...

55. რომელ ენაზე ვიკამათოთ საბჭოში

თბილისი, 26 სექტემბერი

მას შემდეგ რაც გამოქვეყნდა ჩვენი სტატია თვითმმართველობის საქმეებისადმი ხმოსანთა გულგრილი დამოკიდებულების შესახებ, თბილისის საბჭოს ერთ-ერთმა წევრმა პატივი დამლო და ამიხსნა იმის მიზეზი, თუ რატომაა რომ პირადად იგი და, მისი აზრით, რამდენიმე მისი ამხანაგი გულგრილად თუ არა, უხალისოდ არის განწყობილი საბჭოში წარმოებული კამათის, მსჯელობისა და საქმეებისადმი. ვინაიდან მის განმარტებაში ვხედავთ გაუგებრობას, ამასთან საკმაოდ სერიოზული ხასიათისას, საჭიროდ ვთვლით გავარკვიოთ იგი ბოლომდე, რათა აღმოიფხვრას აპატიის ის მოჩვენებითი „მიზეზი“, რომელიც, ჩვენი აზრით, უბრალო მომიზეზება და უსაფუძვლო საბაბია.

ჩვენ ჭერ რეზიუმეს ეუკეთებთ ხმოსნის ახსნა-განმარტებას:

— „თქვენ იცით, რომ თბილისში „ორატორი“ ცოტაა. სად უნდა გვესწავლა სახალხოდ ლაპარაკი, როცა უწინ კერძო საუბრისაც კი გვეშინოდა. ორი-სამი ვექილი და ამდენივე სუფრაზე მოლაყებე, აი, მთელი თბილისის ორატორები. თუმცა ხალხში მაშინაც კი ისმის სიცილი, როცა სიტყვას აღიარებული ორატორები წარმოსთქვამენ: ამბობენ, რუსულად ვერც ისინი ლაპარაკობენო მთლად დაწყობილად. დამეთანხმეთ, რომ როცა ვხედავთ, როგორ იღებენ პატენტის ორატორების სიტყვებს, ჩვენს, საქმიან ადამიანებს შორის, იშვიათად თუ გამოჩნდება ისეთი, რომ კამათში მონაწილეობა მიიღოს ან საკუთარი შენიშვნები გამოთქვას. გმირობას მხოლოდ ს. პ. ალადატოვი იჩენს და მაინც თავისას იმეორებს, მიუხედავად საერთო ხარხარისა, რასაც მისი გრამატიკული შეცდომები იწვევს. მაგრამ მას ხომ ექსცენტრიკოსის სახელი აქვს გავარდნილი, ხოლო თქვენ ისიც უნდა იცოდეთ, რომ გაზეთმა „მშაკმა“ ერთხელ დიდი უზრდელობა გამოიჩინა,— დაბეჭდა ერთ-ერთი მისი გამოსვლა და ხაზი გაუსვა ყველა მის არასწორ გამოთქმას... დამეთანხმეთ, რომ ხალხისა და საბჭოს წევრების ხარხარისა და ადგილობრივი პრესის ამგვარი დამოკიდებულებ-

ბის გამო ვერც ერთი ჩვენგანი ვერ ბედავს ფეხზე აღგომას და საკუთარი აზრის გამოთქმას. დამეთანხმეთ იმაშიც, რომ არავის არ ეხალისება განუწყვეტლივ იაროს საბჭოში, როგორც უენო არსებამ, რომელიც მხოლოდ სურათის შესავსებად მოიყვანეს. მიხვალ საბჭოში, მოისმენ გრძელ სიტყვას, რომელსაც ვერ გაიგებ, ან გაიგებ მხოლოდ იმას, რომ საქმეს არ ეხება, მაგრამ საკუთარი გაცემებისა და შენიშვნების გამოთქმას ვერ ბედავ... გული არც ჩვენ გვაქვს ქვისა, თავმოყვარეობა ჩვენც გავაჩნია — ამიტომაც ადგები და ხელს ჩაიქნევ მთელ ამ თვითმმართველობაზე...

„ამავე დროს, — განაგრძობს საბჭოს წევრი, — ყოველ ჩვენთაგანს აქვს შესაძლებლობა გამოადგეს ქალაქს. სინამდვილეში საქალაქო მეურნეობა არც ისე დიდ სიბრძნეს მოითხოვს... უმეტესი საკითხების გადასაჭრელად უბრალო საღი აზრია საჭირო, რაც, დამეთანხმეთ, ბევრ ჩვენგანს გააჩნია. მაგრამ ჩვენ არ შეგვიძლია მონაწილეობა მივიღოთ ყველაზე მარტივი საკითხის გადაჭრაშიც კი, რადგან მუნჯები და ნაწილობრივ ყრუებიც კი ვართ. გაჭირვებით გვესმის ორატორებისა და მომხსენებლების სიტყვები, ჩვენ კი არც შეკამათება შეგვიძლიან და არც მათი შეცდომების გასწორება...

სულ სხვა მდგომარეობა იქნებოდა ყოველ ჩვენგანს შესაძლებლობა რომ ქონდეს იმ ენაზე გამოსთქვას საკუთარი აზრი, რომელიც ყველაზე უკეთ იცის. გრძელ სიტყვებს ჩვენ არც მაშინ წარმოვსთქვამდით, მაგრამ პრაქტიკული, საღი შენიშვნებისა და ცნობების სიმრავლე წარმატებით შესცვლიდა ამ აუტანელ „გრძელ სიტყვებს“...

როცა მოვისმინეთ ეს ახსნა-განმარტება, მისი მნიშვნელობა მაშინვე უარგყავით პირად საუბარში. ზუსტად ისევე, როგორც ახლა „ობზორის“ მკითხველებს ვაწვდით ჩვენი უარყოფის არსს.

არ შეიძლება დავა იმ საფუძვლიანი აზრის წინააღმდეგ, რომ ჩვენს სახალხო კრებებზე ყველას უფლება აქვს ილაპარაკოს იმ ენაზე, რომელიც ყველაზე უკეთ იცის. გვინდა ვიცოდეთ, ვის და სად უფიქრია ან ფიქრობს სადავოდ გახადოს ეს აზრი? რადგან ჩვენმა კანონმდებლობამ არ სცნო საჭიროდ რაიმე დადგენილება გამოეტანა ამ საკითხის შესახებ და რადგან ჩვენს ადმინისტრაციას არ უფიქრია და არ ფიქრობს ამ საკითხის შესახებ რაიმე განკარგულება გასცეს, ამიტომ იმის გადაწყვეტა, თუ რომელ ენაზე ილაპარაკონ საბჭოში, იმ საკითხთა რიცხვს ეკუთვნის, რომელსაც თვით საბჭოს ხელისუფლება წყვეტს, წყვეტს ისევე, როგორც ყველა სხვა საკითხს შინაური საქმეების მმართველობის შესახებ... ტყუილად ჰგონია თბილისის საბჭოს, რომ იგი ერთადერთი წარმომადგენლობითი

დაწესებულებაა ჩვენს მხარეში და არ ეკადრება გამოიყენოს ამიერკავკასიის სხვა საბჭოებისა და საკრებულოების პრაქტიკა. ხოლო ამ უკანასკნელთა პრაქტიკამ ამ საკითხის შესახებ უკვე გამოიმუშავა საკმაოდ მყარი საფუძველი, რომლის გამოყენება შეუძლია თბილისის საბჭოსაც.

ქუთაისის, გორისა და ახალციხის ქალაქის საბჭოებში, ისევე როგორც იმერეთის საზოგადოებრივ საკრებულოებში, საქმის წარმოება რუსულ ენაზე მიმდინარეობს, მაგრამ კამათობენ ხან რუსულად, ხანაც ქართულად, გააჩნია ვის როგორ ეხერხება. სხვაგვარად არც შეიძლება ხდებოდეს იმ ქვეყნებში, სადაც რუსული ენა კარგად საზოგადოების მხოლოდ უმნიშვნელო ნაწილმა იცის... ამ კრებებმა, როგორც ხმოსნები, ასევე ამომრჩეველები თანდათან მიაჩნია რუსულ ენაზე ლაპარაკს და ჯერ კიდევ ბევრი წყალი ჩაივლის, სანამ ყველა მათგანი თავიანთი აზრებისა და შენიშვნების გამოხატვას რუსულ ენაზე შესძლებს. მაგრამ მანამდე ჩვენ არ შეგვიძლია გადავდოთ თვითმმართველობისა და საზოგადო მეთურნეობის რიგითი საკითხების გადაჭრა...

ახლა ვიკითხოთ, რა უფლება აქვთ თბილისის ქალაქის საბჭოს წევრებს გაამართლონ თავიანთი აპათია რუსული ენის უცოდინარობით? ვინ უშლის მათ ხელს ილაპარაკონ იმ ენაზე, რომელზედაც უნდათ, თუ მართლაც აქვთ იმის სურვილი და უნარი, რომ გაისარჯონ და საზოგადოებრივი საქმეები წარმართონ? თუ კი ამ წერილის ავტორმა, როცა სურდა გასაგები ყოფილიყო ქუთაისის საბჭოს ყველა ხმოსნისათვის, სხდომაზე ქართულადაც ილაპარაკა და რუსულადაც, და თუ ქუთაისის საბჭოს ის წევრები, რომელთაც ორივე ენა იცოდნენ მხოლოდ ქართულის ენის მცოდნე წევრთა სიტყვებს და მათ მიერ გამოთქმულ აზრებს უთარგმნიდნენ იმას, ვისაც ქართული არ ესმოდა, მაშინ საკითხავია, რატომ არ შეიძლება ამგვარი ჩვევა თბილისის საბჭოშიც გამოვიყენოთ?

აქ, ალბათ, რაღაც გაუგებრობაა. მაგრამ ყოველი გაუგებრობის გამოსწორება შეიძლება, მითუმეტეს ასეთი უბრალოსი — ძალზე ადვილად. და თუ ეს საკითხი აქამდე არ გადაწყვიტეს თბილისის საბჭოს წევრებმა, ეს მხოლოდ მათი აპათიითა და მოღუენებით აიხსნება. მათ მხოლოდ მოეჩვენათ, რომ აუცილებლად რუსულად უნდა ილაპარაკონ. რატომ აუცილებლად რუსულად, რის საფუძველზე, ვინ მოითხოვს ამას მათგან? ამგვარი კითხვები, სიზარმაცის გამო, მათ თავიანთი თავისათვის არ დაუხვამთ. არსებული წესი მათ მიიღეს უდავო დოგმატად... განა ცოტაა ქვეყანაზე საკუთარი ფანტაზიის მიერ შექმნილი მოჩვენებებისადმი ბრმად მორჩილების მა-

გალითი! მაგრამ „სხვა“ საბჭოებისა და საკრებულოების მაგალითს რომ დავაკვირდეთ, გადმოვიღოთ სხვებისაგან, რაც მათ კარგი და მოსახერხებელი გააჩნიათ, — ღმერთმა დაგვიფაროს: — ამისათვის საჭიროა საკუთარ თავზე დიდი წარმოდგენისა და ცრუ შეხედულებებისაგან განთავისუფლება. ეტყობა, თბილისის ხმოსნებს არ შეუძლიათ ასე დაიპყრონ თავი. არა, წარმოიდგინეთ: როგორ, თბილისმა, კავკასიის დედაქალაქმა, გორისა და ქუთაისისაგან აიღოს მაგალითი, განა ეს შეიძლება, განა ეს დასაშვებია, ღირსეულია? ამას სჯობია ყრუ-მუნჯნი ვიყოთ, ხელი ჩავიქნით საზოგადო საქმეებზე, ქალაქი დანგრევამდე მივიყვანოთ... უპირველეს ყოვლისა სიამაყეა საჭირო!..

თბილისი, 27 სექტემბერი

სატახტო ქალაქის პრესა თანდათან ამახვილებს ყურადღებას ჩვენი, კავკასიის ყოფის საკითხებზე. ხან აქ, ხან იქ, ან შენიშვნა გამოჩნდება, ან კორესპონდენცია, ზოგჯერ კი მოწინავე სტატიაც, რომელიც ჩვენს შინაურ საკითხებს და მათ გადაწყვეტას ეხება. უმეტეს შემთხვევაში ჩვენ შესაძლებლობა არ გვაქვს „ობზორის“² მკითხველთა ყურადღება მივაქციოთ სატახტო ქალაქის გაზეთებში დაბეჭდილ ამგვარ სტატიებზე. მაგრამ ამგვარი სტატიების უკვე გამოჩენაც კი სატახტო ქალაქის პრესაში, დიდი წინგადადგმული ნაბიჯია, განსაკუთრებით, თუ გავიხსენებთ, რომ ამ ხუთი-ექვსი წლის წინათ სატახტო ქალაქის პრესამ თითქმის არაფერი იცოდა, და არც უნდოდა სცოდნოდა რაიმე, კავკასიაზე და კავკასიის ხალხის ცხოვრებაზე... თითქმის მთელი რუსეთის საზოგადოებას მაშინ ისეთი წარმოდგენა ჰქონდა კავკასიაზე, როგორც შეიქმნა ოცდაათიან წლებში, მარლინსკის რომანების ზეგავლენით, როცა სიტყვა „კავკასიას“ უნებურად მოსდევდა სიტყვა „დამღუპველი“; როცა ყველა უდავო აქსიომად ღებულობდა იმ ცნობას, რომ მთელი კავკასია დასახლებულია ჩერქეზი ყაჩაღებით, რომლებიც იმდენად ველურნი არიან, რომ მათ მიმართ არ გამოდგება არავითარი რეფორმა, არავითარი წესები, გარდა სამხედრო ადმინისტრაციის უკონტროლო თვითნებობისა...

იმის გამო, რომ რუსეთის საზოგადოება არ იცნობდა კავკასიის ყოფაცხოვრებას, თვით ამ საზოგადოებასა და რუსეთის პრესაში თანდათან დამკვიდრდა გაზეიადებული შეხედულება რაღაც უცნობ „ადგილობრივ პირობებზე“, რომელიც თითქოს ხელს უშლის ჩვენი საზოგადოებრივი საქმეების მოწესრიგებას და წარმართვას. ცხადია, ჩვენი „ადგილობრივი პირობები“ ზუსტად ისეთი არაა, როგორიც არხანგელსკის ან ვოლოგდის ოლქებისა, მაგრამ სწორედ ამიტომ იყო საჭირო, „ადგილობრივ პირობებზე“ გაუთავებელი ლაპარაკის ნაცვლად, ხელი მოეკიდათ ამ პირობების გამორკვევისა და შესწავლისათვის, რაც არავის არ გაუკეთებია... ხოლო მას შემდეგ, რაც სა-

ტახტო ქალაქის პრესა ამ საკითხს შეეხო, სულ უფრო მეტად ირკვევა, რომ ამ ყბადღეობული „ადგილობრივი პირობების“ ქვეშ სულ სხვა რამ იმალება, ვიდრე ამაზე ადრე ჰქონდათ ექვი... სატახტო ქალაქის გაზეთებმა დაინახეს, რომ ჩვენი მხარე ყაჩაღი ჩერქეზებით კი არაა დასახლებული, რომელთაც თითქოს ვერც დაელაპარაკები და ვერც შეეთვისები, ვერც გაუგებ და ვერც დააკმაყოფილებ, არამედ უბრალო და მშვიდობიანი მოკვდავებით, რომელთაც საკმაოდ შეზღუდული და სრულიად კანონიერი ინტერესები გააჩნიათ და მოთმინებით ელიან მათ დაკმაყოფილებას... თანდათან ირკვევა, რომ ჩვენი ქვეყნის ყბადღეობული „მრავალენიანობა“, დაბრკოლების ის ქვა, რომელზედაც იმსხვრევა ყველა ჩვენი მისწრაფება — ჩვენი საზოგადოებრივი წესრიგის სრულყოფისათვის სრულიადაც არ წარმოადგენს მხოლოდ კავკასიისათვის დამახასიათებელ მოვლენას. მაგალითად, ყაზანის გუბერნიაში და ვოლგის ნაპირებზე დასახლებული ხალხის რწმენა, კილოკავი, ინტერესები და ურთიერთდამოკიდებულება ნაკლებად მოზიაკური არაა, ვიდრე ამიერკავკასიისა... მაგრამ იქაურ „ადგილობრივ პირობებზე“ არაფერ არ ლაპარაკობს და არაფერ არ მოითხოვს ამის საფუძველზე ჩამოერთვას ადგილობრივ მოსახლეობას თანამედროვე საზოგადოებრივი ცხოვრების ყველა სიკეთე.

მაგრამ ჩვენ გადაუვხეიეთ დღევანდელი საუბრის თემიდან.

დღეს მიღებული „გოლოსის“²⁷ ნომერში (№ 260) დაბეჭდილია მოწინავე სტატია — „საქართველოში გლეხთა საქმის შესახებ“. უნდა აღვნიშნოთ, რომ ეს სტატია თითქმის სიტყვასიტყვითაა გადმოწერილი 1877 წ. გაზაფხულზე „ტიფლისკი ვესტნიკში“²⁸ ამავე თემაზე დაბეჭდილი სტატიიდან, რომელიც ქუთაისის გუბერნიაში გამოსყიდვის ოპერაციების გაქიანურებას ეხება. ჩვენ ამას იმიტომ კი არ აღვნიშნავთ, რომ სატახტო ქალაქის გაზეთები დავამციროთ, პირიქით, ამაში ჩვენ უდავოდ წინ გადადგმულ ნაბიჯს ვხედავთ და მხოლოდ ამ ნაბიჯის კონსტატირებისათვის შევეხეთ საქმის ამ მხარეს.

სატახტო ქალაქის გაზეთები პროვინციული გაზეთებიდან, ჩვეულებრივ, შიშველ, მშრალ ფაქტებს სესხულობენ. ისეთ არაჩვეულებრივ მოვლენებს, როგორცაა: ხანძრის გაჩენა, მკვლელობა, დანაშაული. ერთი სიტყვით, ყველაფერ იმას, რაც პოლიციის „შემთხვევათა დღიურში“ შეაქვთ. ასეთია ის მასალა, რასაც ძირითადად იყენებენ სატახტო ქალაქის გაზეთები. დაბეჭდეთ თუ გინდა მოგონილი ამბავი, რომ თბილისში ან ოზურგეთში სამთავიანი და ოცდარვა კუდიანი ხბო დაიბადა და, მიუხედავად იმისა, რომ ამ ცნობას

არავითარი საზოგადოებრივი ღირებულება არა აქვს, მაინც მთელ რუსულ პრესას მოივლის. ანდა ასეთი: თითქოს რომელიღაც გლეხის ქალმა შემთხვევით, და არა განზრახ, საკუთარი ბავშვი მოწამლა — ქინაქინის ნაცვლად დარიშხანი დაალეგინა, და დაინახავთ, რომ ამ ცნობას ყველა გაზეთი გადაბეჭდავს. საერთოდ, ჩვენს გაზეთებს უყვართ ცხარე სანელებლები: საშინელი ამბები, არაჩვეულებრივი მოვლენები და ა. შ.

თუმცა ჩვენს საზოგადოებრივ ცხოვრებას ამგვარი მოვლენები არ ქმნის, მაგრამ, მიუხედავად ამისა, მაინც დამოკიდებულია მათზე... რაც შეეხება ჩვენი ცხოვრების ნამდვილ, ამჟამად არსებულ, მუდმივ მხარეებს—ამ საკითხებს რუსეთის პრესა აქამდე არ ეხებოდა. ეტყობა, ეს მხარე მათ ყურადღების ღირსად არ მიაჩნდათ. აი, რატომ ხდებოდა სატახტო ქალაქის პრესაში იგნორირება ჩვენი გაზეთების საუკეთესო სტატიებისა და ინფორმაციებისა, რომლებიც ადგილობრივი ყოფის რეალურ, ძირითად მხარეებს აშუქებდა. არავის არ ეხალისებოდა გრძელი მოწინავე სტატიების კითხვა და გრძელ კორესპონდენციებში აღძრულ საკითხებზე ფიქრი. გაცილებით ადვილი საქმეა აიღო მაკრატელი და ამოსჭრა ადგილობრივი გაზეთებიდან მოკლე ცნობები სამთავიან ხბოზე და შვილის მომწამვლელ დედაზე. რა ენადვლება უურნალისტს, თუ რომ საზოგადოებას, რომელიც გაზეთებში კავკასიაზე ამგვარ „ცნობებს“ კითხულობს, მისდაუნებურად ისეთი შთაბეჭდილება შეექმნება, თითქოს მთელი კავკასია მკვლევლებით, მახინჯებით და მომწამვლელებითაა დასახლებული...

ამიტომ გასაგებია, როცა ჩვენ ვხვდებით სატახტო ქალაქის პრესაში, როგორც დღევანდელ „გოლოსში“, ადგილობრივი პრესიდან ნასესხებ სტატიას, რომელიც ჩვენი ცხოვრების ყოფით მხარეებს ეხება — ჩვენ ასეთ სესხებას მადლობის გრძნობით ვეკიდებით და არ ვცდილობთ კრიკაში ჩავუდგეთ იმის გამო, თუ საიდან აიღეს იგი.

რადგან „ტიფლისკი ვესტნიკის“ სტატიები ომის გამოცხადების წინა დღეებში დაიბეჭდა და თითქმის უკვალოდ ჩაიარა მათმა გამოქვეყნებამ, ამიტომ ჩვენ საჭიროდ მიგვაჩნია გადმოვბეჭდოთ „გოლოსიდან“ უკანასკნელი სტატიის რამდენიმე ნაწყვეტი. იმედი მაქვს გადმოვბეჭდილი ნაწყვეტები აიძულებს ჩვენს მკითხველ საზოგადოებას ყურადღება მიაქციოს ადგილობრივი ყოფის ძირითადი საკითხებიდან ერთ-ერთ უმნიშვნელოვანეს საკითხს, რამაც შეიძლება ამ საკითხის უკეთ დაყენება გამოიწვიოს:

„საქართველოში არსებულ ბატონყმურ წესწყობილებას არაფერი არ ჰქონდა საერთო იმასთან, რასაც ჩვენთან, რუსეთში ვხე-

დავდით. საქართველოში ბატონის უფლება და ყმის ვალდებულება მასთან ერთხელ და სამუდამოდ მკაცრად იყო განსაზღვრული, გამიჯნული და დადგენილი წესდებით, რომლის ძალითაც მთელ მიწას გლეხები ფლობდნენ, რის სანაცვლოდაც მემამულეს უხდიდნენ გარკვეულ გადასახადს. ამ პროგრამას ოდითგანვე წმინდათ იცავდა ორივე მხარე და პაპიდან შეილიშვილის შეილზე გადადიოდა. გლეხებს შეეძლო გაეზარდა ან შეემცილებია მამული, შესყიდვა-გაყიდვის გზით, მაგრამ ორივე შემთხვევაში პროგრამა იგივე რჩებოდა: ორივე შემთხვევაში ვალდებული იყო გადაეხადა იმდენი, რამდენიც შეწერილი ჰქონდა. მემამულეს არ ჰქონდა უფლება გაეზარდა გადასახადი, შეემცილება კი შეეძლო, რასაც აკეთებდნენ კიდევ ქართველი მემამულეები ყმათა მიერ გაწეული სამსახურის გამო, უმთავრესად თურქეთთან და სპარსეთთან გაუთავებელი ომების დროს. აი, რატომ არ უხდიდა არაფერს ბევრი ქართველი გლეხი მემამულეს, თუმცა ამ მემამულის ყმად ითვლებოდა. საქართველოში იყო გლეხთა ბევრი ისეთი გვარი, რომლებიც პროგრამის მიხედვით მემამულეს არაფერს უხდიდნენ და მხოლოდ ზღაპრებს უყვებოდნენ ძილის წინ. მემამულეს სრული უფლება ჰქონდა გაეყიდა ყმა, მაგრამ მიწასთან ერთად. ახალ მემამულეს ისეთივე უფლება ჰქონდა ყმაზე, როგორც ძველს. პროგრამაც იმავე ძალას ინარჩუნებდა, ე. ი., უბრალოდ რომ ვთქვათ, მემამულეს შეეძლო მხოლოდ ყმაზე თავის უფლების გადაცემა მეორე მემამულისათვის. ყმის ცალკე გაყიდვის უფლება არ ჰქონდა.

„გლეხთა რეფორმა კავკასიაში ცოტა სხვანაირად ჩატარდა, ვიდრე იმპერიის სხვა გუბერნიებში. გარდა საკარმიდამო ნაკვეთისა, რაშიც გლეხს, ვალების მთლიანად გასტუმრებამდე, სამი მანეთი უნდა გადაეხადა ყოველ წელს წინდაწინ, მთელი მიწა მემამულის საკუთრებად იქცა. თავისუფლების გამოცხადების დღიდან გლეხს უფლება ჰქონდა დარჩენილიყო იმავე მიწაზე ათი წლის განმავლობაში, ე. ი. თავის მიწაზე, რომელიც ახლა მემამულის კუთვნილება იყო. მაგრამ ამ უფლებისათვის მათ უნდა გადაეხადათ მემამულისათვის თავიანთი შემოსავლის მეოთხედი. ამ ათი წლის მანძილზე დროებით ვალდებულ გლეხს თვითონ უნდა გამოეყიდა მიწა მემამულესთან ურთიერთშეთანხმების საფუძველზე. სწორედ ამის შემდეგ წარმოიშვა სიძნელები. მაგალითისათვის ავიღოთ ქუთაისის გუბერნია. ქუთაისის გუბერნიაში მიწის ფასი ქარბობს იმ ნორმას, რომელიც განსაზღვრულია ბრძანებულებით—შესასყიდი ოპერაციები-

სათვის სახელმწიფოსაგან სესხის მიღების შესახებ. ალბათ ამიტომ არ უნდოდათ მემამულეებს მიეყიდათ მიწა გლეხებისათვის ბრძანებულებით გათვალისწინებული ნომინალური ფასის მიხედვით. ამიტომ გლეხები იძულებულნი იყვნენ გამოეყიდათ მიწა საკუთარი ფულით იმ შეთანხმების საფუძველზე, რომელიც გლეხსა და მემამულეს შორის იდებოდა და, ამგვარად, გლეხი მიწას მთავრობის დაუხმარებლად იძენდა. ურთიერთშეთანხმების საფუძველზე გამოსყიდვა სწრაფად მიმდინარეობდა: გლეხებმა მიწის გამოსასყიდი ფული იშოვეს, მემამულეებმა ცოტა დაუთმეს და მათ შორის ხელშეკრულებები იდებოდა.

„1868 წლის 14 აგვისტოდან ასეთი ხელშეკრულება, კანონის მიხედვით, ორივე მხარეს მომრიგებელი შუამავლისათვის უნდა გადაეცა, ეს უკანასკნელი კი უგზავნიდა გუბერნიის გლეხთა საქმის სამმართველოს. სადაც მას ასწორებდნენ, ამტკიცებდნენ და საბუთების გასათვორმებლად გადასცემდნენ ნოტარიუსს, რომელიც, დამტკიცების შემდეგ, საბუთებს გლეხს უბრუნებდა. გუბერნიის გლეხთა საქმის საქმართველომ რამდენიმე ათასი ასეთი საქმე მიიღო, მიიღო აგრეთვე საკმაოდ ბევრი ოქმი, რომლებიც მომრიგებელმა შუამავალმა მას შემდეგ შეადგინა, როცა მემამულემ სცნო გლეხის უფლება იმ მიწაზე, რომელსაც ამუშავებს. გუბერნიის გლეხთა სამმართველოს ეს ოქმები უნდა დაემტკიცებინა, მაგრამ ისინი, ისევე როგორც ხელშეკრულებები, რატომღაც უძრავად იღო სამმართველოს რომელიღაც არქივში მთელი ათი წლის მანძილზე. 1876 წელს, როცა სამმართველოს მუშაკებმა დაიწყეს ამ ხელშეკრულებების გადასინჯვა, მათი დამტკიცების უფლება აღარ ჰქონდათ, რადგან იმ მიწას, რომელიც მიყიდეს ან დაუთმეს მემამულეებმა გლეხებს, უკვე კერძო ყადაღა ჰქონდა დადებული. ყადაღა მოჰყვა დაუდევარი მემამულეების მიერ ხელშეკრულების დადების შემდეგ აღებულ ვალებს იმ დროის მანძილზე, სანამ ეს ხელშეკრულებები უმოძრაოდ იყო სამმართველოს კანცელარიაში.

და აი, რა შედეგი მივიღეთ: „დებულების“ 69-ე, 70-ე, 71-ე მუხლები ითვალისწინებს, რომ არ შეიძლება მემამულისა და გლეხს შორის დადებული იმ ხელშეკრულებების გასაჩივრება, რომლებიც დამტკიცებულია არსებული წესის თანახმად მომრიგებელი შუამავლის მიერ, ე. ი. არც მემამულეს და არც გლეხს უფლება არა აქვს უარი თქვას იმ ვალდებულებაზე, რომელიც ხელშეკრულების დადების დროს იტვირთა. ქუთაისის გუბერნიაში ეს დადგენილება შემდეგნაირად ახსნეს: ყოველი მომრიგებელი შუამავლის მიერ დამტკიცე-

ბული ხელშეკრულება საბოლოოა და მისი შეცვლა აღარ შეიძლება, ხოლო სამმართველოს მიერ დამტკიცება და ნოტარიალურად გაფორმება მხოლოდ ფორმალური მხარეა. ამიტომ მოხდა, რომ გლეხები, რომელთაც მემამულეებთან ხელშეკრულება დასდეს, ფულს მთლიანად იხდიდნენ და ვარაუდობდნენ, რომ ყოველგვარი დავა და ურთიერთვალდებულება მათ შორის სამუდამოდ აღმოფხვრილია. ამიტომ მოხდა, რომ დახიეს შესყიდული მიწის საკუთრებაზე უფლების ყველა დამამტკიცებელი საბუთი, აიღეს ვალები უცხო პირთაგან და ვალების დასაფარავად მოვალეებს აძლევდნენ თამასუქებს შესყიდული მიწის დიდ ნაწილზე, ხოლო კრედიტორები არ იფიწყებდნენ მათ საუპირო გადასახადს. ზოგიერთმა გლეხმა ამ მიწის ნაწილი კრედიტორებს შინაური წესით მიჰყიდა, მიჰყიდა ისე, როგორც ეს მიღებულია ჩვენს მხარეში. და უეცრად აღმოჩნდა, რომ გლეხებს საკუთრება არ გააჩნიათ და ტყუილად გადაუხადეს ფული მემამულეებს, რასაც უკან ვერასოდეს მიიღებენ, რადგან მემამულეთა უმეტესობა გაღარიბდა და გლეხებს ვერაფერს მისცემს. გარდა ამისა, გლეხებმა, მათდაუნებურად, ჩაიდინეს სიყალბე, რადგან გაყიდეს და დააგირავეს ის მიწები, რომლებიც, როგორც შემდეგ გამოირკვა, მათ არ ეკუთვნოდათ და რომელთაც კერძო პირთა ყადაღა ედო, ამასთანავე იკისრეს საუპირო გადასახადის გადახდა და ა. შ. ახლა ვიკითხოთ: ვინ გადაუხდის მათ ამ თანხას? მემამულეებს უფლება აქვთ განაცხადონ, რომ დიდი ხანია ანგარიში გაუსწორეს გლეხებს, მიწები მომრიგებელი შუამავლის თანდასწრებით გადასცეს და აღარაფერი აღარ ეკითხებათ, ხოლო რაც შეეხება ახალ კრედიტორებს — მათ ხომ პირობა არ დაუდევიათ, რაც არ უნდა გაუჭირდეთ, ფულს არ ისესხებენ! მომრიგებელ შუამავლებსაც შეუძლიათ თავის გასამართლებლად თქვან, რომ დაშვებული შეცდომები და ყალბისმქნელობა მათი ბრალი არაა: მათ, როგორც მცირე განათლების მქონე ადამიანებმა, ვერ გაიგეს „ღებულების“ აზრი, გარდა ამისა, მემამულეებს მათ ფული მისცეს და როცა სამმართველოში ხელშეკრულებას ხელი მოაწერეს, მაშინ მათ მამულს ყადაღა არ ედო. ყადაღა მათ მიწებს რამდენიმე წლის შემდეგ დაადეს, ხოლო გლეხთა საქმის სამმართველოს რომ დროზე განეხილა ეს საქმეები, ამ უბედურებას ავცდებოდით. მომრიგებელი შუამავლები ნაწილობრივ მართალნი არიან, მაგრამ რით უნდა გაიმართლონ თავი გუბერნიის გლეხთა საქმის სამმართველოს მუშაკებმა? რას აკეთებდნენ და აკეთებენ ისინი მთელი ამ ხნის განმავლობაში? ჩვენ

მხოლოდ ის ვიცით, რომ მოხელეთა უმრავლესობა სულ სხვა საქმეებითაა დაკავებული. ომის დროს სამმართველოს ბევრი მოხელე მოიჯარადრობას ეწეოდა და სარგებელსაც დიდს ნახულობდა. ერთია მხოლოდ — განყოფილებები უკმაყოფილო იყო მათი მუშაობით. ცალკე მემამულეები ჩიოდნენ, ცალკე გლეხები, ხოლო მათი ურთიერთდამოკიდებულება სულ უფრო იხლართებოდა და საკმაოდ დაძაბული ხდებოდა“.

საკვირაო საუბრები

ბედისაგან განებიერებულის დაცემა. — აზრები, რომლებიც ამ დაცემამ გაშოიწვია. — საზოგადოების დაშოკიდებულება ამ კაცისადმი დაცემამდე და დაცემის შემდეგ. — წარსულის სურათები. — ბედისაგან განებიერებულის ეზო. — „ლიბერალების“ როლი მის სასტუმრო ოთახში. — სანამდე შეიძლება დავიდეს ადამიანის სიმდაბლე. — როგორ ექცეოდა იგი მლიქვნელებს. — როგორ ექცეოდნენ მას მეგობრები დაცემის შემდეგ. — ვინაა დამნაშავე? სად პოულობენ მოურიდებელი ადამიანები წარმატების წყაროს.

ის დაეცა... ჩამოვარდა ისეთი სიმალლიდან, რომლის წარმოდგენაც ჩვეულებრივ მომაკვდავს გაუჭირდება და რომელზედაც ამაოდ და გამუდმებით ოცნებობენ პატივმოყვარეთა შორის უბედნიერესნიც კი. ბრმა ბედმა აყვნიდანვე დააჩილდოვა იგი უკლებლივ ყველა სიკეთით. წარმოშობით აზნაური, შეძლებით — მილიონერი, ნაცნობების სიმრავლით — მაგნატი, გარდა ყველა ამ სიკეთისა, ის დაჩილდოვებულია აგრეთვე ქუთით, განათლებითა და პატივმოყვარეობით... ყველაფერი ეს, რა თქმა უნდა, ცოტა არაა, მაგრამ გულუხვმა ბედმა დამატებით მას უფროსების სიყვარული და ნდობა მოუპოვა... და იგი მიდიოდა, არა, კი არ მიდიოდა, არამედ მიფრინავდა მწვერვალისაკენ, რასაც ჩვეულებრივი მოკვდავი, დაჩილდოვებული თუნდაც საკმაო ტალანტით, მოქმედების უნარითა და სარგებლობის მომტანი ნიჭით, ათი წლის ბეჯითი შრომით აღწევს. მისთვის ერთი ან ორი-სამი თვე კმაროდა... ყველას გაასწრო, ყველაზე მალა ავიდა და ერთი, ოცდაათ წელს ცოტათი გადაცილებული, მიუწვდენელ სიმალლეზე გაჩერდა, სადაც თითქმის ყველას რეტი და თავბრუ ესხმის...

და უცებ იგი სწორედ ამ სიმალლიდან ჩამოვარდა, როგორც მოცელილი თავთავი და არარაობის ღრმა უფსკრულში ჩაეშვა...

დაცემა, რა თქმა უნდა, ახალი ამბავი არაა. თუ კი დაეცა ისეთი სამეფო, როგორიც იყო რომი, რომელიც მთელ მსოფლიოს ფლობდა, მაშინ რა გასაკვირია იმ კაცის დაცემა, რომელიც ამაყად გაიძახოდა, რომ „სამ სამეფოს“ ჩემს ნებაზე ვმართავო, თუმცა ამ სამსამეფოში იგულისხმებოდეს ისეთები, როგორცაა გურია ან სამეგრე-

ლო... თქვენ დიდ შეცდომას დაუშვებთ, მკითხველო, თუ იფიქრებთ, რომ დღევანდელ ფელეტონს ადამიანის დიდების წარმავლობას ეუძღვნი... არა, მე არ მაკვირვებს კაცის დაცემა, არაფერს არ ვხედავ მასში უჩვეულოს და ზებუნებრივს. მე სულ სხვა მხარეები მაინტერესებს, როგორც ყოველი დაცემის, ასევე აღზავებისა. მე სწორედ ამის შესახებ მინდა გესაუბროთ, რადგან ჩვენთვის ეს ახლა მეტიმეტად დროულია...

ყველა ჩვენს ღმერთსა და ხელისუფლებას ვემორჩილებით. ყოველი ცოდვილის აღზევებაც და დაცემაც, რასაკვირველია, მათ ხელშია... ჩვენ, ბედის მორჩილებმა, კარგად უნდა ვიცოდეთ, რომ ალბათ რაიმე საფუძვლიანი მიზეზი ჰქონდა ყოველი მოკვდავის აღზევებას თუ დაცემას. ამიტომ მე არამც თუ არ მმართებს და არ შემძლია, არამედ არც მსურს შევეხო ამ მიზეზებს. არცერთ ჩვენგანს არ გააჩნია საკმარისი ცნობები და მონაცემები იმისათვის, რომ მეტ-ნაკლებად საფუძვლიანად იმსჯელოს ამ მიზეზებზე. ესაა მომავალი ისტორიის საქმე და ჩვენ წინასწარ ვერ გამოვუტანთ მას მიუყერძობებელ განაჩენს.

მაგრამ ამ საქმეს, — ბედისაგან განებივრებულის აღზევებისა და დაცემის საქმეს, — ერთი ღრმა ზნეობრივი მხარე აქვს, რომელიც ამ განებივრებასთან საზოგადოების დამოკიდებულებას ეხება. ჩემი ფელეტონის სიუჟეტად მე სწორედ ეს უწყინარი მხარე ავირჩიე.

მართლაც და რა უნდა იყოს უფრო უცნაური, ვიდრე არა მარტო ადგილობრივი და რუსეთის საზოგადოების, არამედ კაცობრიობის დამოკიდებულება წარმატებისა და წარუმატებლობისადმი?... როგორ იმცირებს ყოველი საზოგადოება თავს იმ კაცის წინაშე, რომელმაც სულერთია რა გზით, მაგრამ წარმატებას მიაღწია და რა ჩქარა, როგორი ზიზღით აქცევს ზურგს გუშინდელ კერპს, როცა იგი რაიმე მიზეზის გამო დაემხობა!.. დამეთანხმეთ, რომ ამგვარი სიუჟეტი დაფიქრების ღირსია...

იგი დაეცა... მაგრამ იცით კი თქვენ, რომ ქვეყანაზე არ ყოფილა კაცი, რომელიც ისეთი მონური თავდამცირებით გაენებივრებოდა ბრბოსაც და საზოგადოებასაც, როგორც ამ კაცს ანებივრებდნენ? მისი შეხედულებები კანონი იყო არა მარტო მისგან დამოკიდებულ მშრომელთა ბრბოსათვის —, არამედ სრულიად უზრუნველყოფილი, განათლებული, შეუცვლელი, დამოუკიდებელი საზოგადო მოღვაწეებისათვისაც. მისი, მისი ლაქიების, მისი ძაღლის წინაშეც კი უკანა თათებზე დგებოდნენ მეცნიერების, საზოგადოებისა და კაპიტალის წარმომადგენლები... საზოგადო მოღვაწეები იძულებულს ხდიდნენ მთელ საზოგადოებას ეგზავნათ მისთვის იუდას ამბორი ფარისეულ-

რი დეპუტაციების მეშვეობით... ერთი მისი სიტყვა კმაროდა იმი-
სათვის, რომ შეუცვლელი მოღვაწეების „მრწამსში“ თეთრი
სწრაფად შეცვლილიყო შავით და პირიქით. ყველა, დაწყებული
პატარა კაციდან დიდამდე, უსიტყვოდ ასრულებდა ამ ბე-
დისაგან განებივრებულის სურვილს, პირდაპირ, უსირცხვილოდ,
როგორც სპარსეთის სატრაპი, რომელიც ხმამაღლა გაჰყვირის:
თქვენთვის ერთადერთი „კანონი — ეს მე ვარო“.

ჩემდა საუბედუროდ, მე დიდხანს ვიყავი ამ განებივრე-
ბულის ბრჭყალებში. მე აშკარად და პატიოსნად ვებრძოდი მას.
ყველა იმ პატიოსანი საშუალებებით, რომლებიც ჩემს განკარგუ-
ლებაში იყო და ახლა, როცა იგი დაეცა, ტალახში არ ამოვთხუპ-
ნი. მაგრამ იცით თქვენ, რა შთაბეჭდილება მოახდინა ჩემზე მისმა
გავლენამ? გარწმუნებთ, მე არ მაშფოთებდა და არ შეურაცხმყოფ-
და მისი უკანონო ღონისძიებები, რასაც თავდაცვის მიზნით, ჩემს
წინააღმდეგ იყენებდა. ამაზე უფრო მეტად არც მის მიერ ჩვენი მო-
სახლეობის ინტერესების შელახვა მაშფოთებდა... მე ვიცოდი, რომ
ბოლოს და ბოლოს დრო თავისას გაიტანდა... მაგრამ მე ყველაზე
მეტად ჩვენი საზოგადოების, ეგრეთ წოდებული ჩვენი „ინტელი-
გენციის“ მისდამი დამოკიდებულება მაკვირვებდა, მაშფოთებდა
და გულს მირევდა... მინდა გულახდილად ვაღიარო: როცა ყოვე-
ლივე ამას ვხედავდი, იყო მომენტები, დაკარგული მქონდა იმედი
რაიმე გაუმჯობესების შესაძლებლობაზე, სამართლიანობის გამარ-
ჯებაზე შორეულ მომავალშიც კი...

ეს იყო მართლაც საშინელი მომენტები და მე ახლაც ვერ ვი-
გონებ მათ ისე, რომ ყრუანტელმა არ დამიაროს მთელ ტანში. აბა
დაფიქრდით: უსამართლობის ფაქტები შეიძლება ყველგან და ყო-
ველთვის არსებობდეს. დროდადრო, ყველგან გამოჩნდებიან წარმა-
ტებებით იმდენად დაბრმავებული, იმდენად თავდაჭერებული პირე-
ბი, რომ სამართლიანობის გათელვა არაფრად უღირთ... მაგრამ
ყველგან და ყოველთვის ასეთი ბუნების ადამიანები ან გამონაკლის-
ნი ანდა საზოგადოების წინააღმდეგ მებრძოლნი არიან. მაგრამ აქ,
ქუთაისში, „ინტელიგენტური საზოგადოება“ არც კი დაფიქრებულა
საკუთარ მოვალეობაზე ამგვარი მოვლენისადმი. პატენტისანი ლი-
ბერალები ულოკავდნენ იმ ხელს, რომელიც მოურიდებლად სცემ-
და მათ სახეში... იხვეწებოდნენ და ძვრებოდნენ იმ სასტუმრო ოთახ-
ში, სადაც პირადად მათ შეხედულებებსა და ყალბ „იდეალებს“
დასცინოდნენ და აფუროთხებდნენ... ოფლი ასხამდათ, როცა მათ ზნე-
ობრივ ხასიათზე ამფიტრიონის ზიზღნარევე აზრს ისმენდნენ, ხო-
ლო ხელმეორედ მისვლის უფლება რომ მოეპოვებინათ, მიქონდათ

მასთან და მის მახლობლებთან ჭორები ყველაზე და ყველაფერზე... „ე-ე-ე, — მიიღეს მათ პასუხად, — თქვენ ასეთსავე ჭორებს ავრცელებთ ჩვენზედაც სხვებთან!“ და ისინიც იღიმებოდნენ, ქედს იხრიდნენ, იფიცებოდნენ, მიდი-მოდიოდნენ, თითქოს არაფერი მომხდარაო!..

ისინი მართლაც ავრცელებდნენ ჭორებს მასზე, იმ კაცზე, რომლის ყოველდღიური სტუმრებიც იყვნენ, რომლის წინაშეც თავს დაბლა ხრიდნენ, რომელსაც პირადად მათი და მათი ნათესავეების სამსახურში დაწინაურებასა და მოწყალებას ევედრებოდნენ... ამ მოწყალების გამო ისინი კანონის უფლებას და საერთო განვითარების ინტერესებს იფიწყებდნენ! ...და ამ ბოროტების წინააღმდეგ საბრძოლველად მათ მხოლოდ ერთადერთი საშუალება „ჭორების გავრცელება“ იპოვეს, რითაც მათ ბოროტების აღმოფხვრა კი არ სურდათ, არამედ — გარკვეულ წრეებში ლიბერალის რეპუტაციის შენარჩუნება...

გავიდა წლები და იგი დაეცა... და იცით დაცემის შემდეგ ვინ შეაქცია პირველად მას ზურგი? მან, ვინც ამ ნებიერს ხელს ულოკავდა, ვინც მისი ნასუფრალით იკვებებოდა, ვინც მფარველობას სთხოვდა, ვინც ერთგულებას ეფიცებოდა, ვინც არა მარტო სიმართლით, არამედ სიცრუითაც ემსახურებოდა...

მე მიაშვს ერთი სცენის შესახებ, რომელიც მისი დაცემის შემდეგ გათამაშდა. გუშინდელი სატრაპი შედის დარბაზში, სადაც მის ძველ მეგობრებს მოუყრიათ თავი, ყველა მას, ვინც ამ რამდენიმე დღის წინ პირფერულად შესცქეროდა თვალებში და მის ღიმილს იჭერდა... ახლა კი მას აღარაეინ სცნობს. ყველა ზურგს აქცევს, თავის დაკერასაც კი არაეინ იმეტებს... ო, რა აღშფოთება, რა ზიზღი დუღდა, ალბათ, იმ წუთს მის გულში! მაგრამ პირფერობას, რომელსაც მის მიმართ იყენებდნენ, სანამ იგი ძლიერი იყო, უნდა ესწავლებინა მისთვის ადამიანებისადმი ზიზღი და ამ ზიზღის მთელი ძალა სწორედ ამ მომენტში უნდა გამომქვადენებულებოდა...

მე ფსიქოლოგიურ ანალიზს არ ვაწარმოებ და ამიტომ განზე გადავდებ ბედისაგან ყველა განებივრებულის გრძნობებს და ჩემს სიუჟეტს დაუბრუნდები.

ვისაც უნდა მისაყვედუროს ზედისაგან ყოფილ განებივრებულს ეპირფერებიო, მაგრამ არ შემიძლია არ ვთქვა, რომ იგი ყველაზე ნაკლებადაა დამნაშავე იმაში, რასაც სჩადიოდა. დამნაშავე ვართ ჩვენ, მე და თქვენ, ჩემო მეგობარო მკითხველო, ყველა ერთად, ვისგანაც საზოგადოება შედგება. ვიცი, თქვენ რომ ეს ამბავი გაკვირვებთ, მაგრამ მე მაინც ჩემსას ვიტყვი.

ხელისუფლებისაქენ, გამარჯვებისაქენ სწრაფვა, არა მარტო ბუნებრივი, არამედ ღირსეული მისწრაფებაცაა ყველა წესიერი ადამიანისათვის, რომელსაც რაიმე მრწამსი გააჩნია და სურს, რომ საზოგადოება მისი მრწამსის მიხედვით ცხოვრობდეს. ყოველი წესიერი ადამიანის მოვალეობა ისაა, რომ მიადწიოს ასეთ გამარჯვებას თავისთვის თუ არა, საკუთარი მიმართულებისათვის მაინც, ახლა თუ არა. მომავალი თაობისათვის მაინც. ამიტომ, ვერავის ვერ ვუსაყვედურებთ და ვერ დავადანაშაულებთ იმაში, რომ ხელისუფლები-საქენ და წარმატებისაქენ ისწრაფოდა. ამგვარი მისწრაფება ყოველი ადამიანის ბუნებაშია. მაგრამ ამ მისწრაფების გამოვლენის თვით მეთოდი დამოკიდებულია საზოგადოებაზე, რომელშიც იგი ვლინდება და არა იმ პირზე, რომელიც ამგვარ მისწრაფებას ამჟღავნებს.

წარმოვიდგინოთ ზედმიწევნით განვითარებული საზოგადოება, რომელიც მკაცრად ეკიდება ყოველგვარ წარმატებას და იმათ წინაშე, ვინც „წარმატებას“ აღწევს, ქედს არ იხრის. წარმოვიდგინოთ, რომ ასეთი საზოგადოება, რომელიც მკაცრად ეკიდება იმ გზებს, რომელთაც წარმატებამდე და წარუმატებლობამდე მივყავართ, მუხლს არ იყრის უღირსი ტრიუმფატორების წინაშე. წარმოვიდგინოთ ასეთი იდეალური საზოგადოება და ვიკითხოთ: ბევრი აღმოჩნდება ასეთ საზოგადოებაში ისეთი პირი, რომელიც ყველა საშუალებით ეცდება წარმატების მიღწევას და ამისთვის სიკეთის ყველა პრინციპს გათელავს?

მაგრამ სწორედ იმიტომ, რომ ჩვენ, და მთელი ჩვენი საზოგადოება ქედს ვიხრით ყოველგვარი წარმატების წინაშე. ვერ ვპოულობთ იმ გზებს, რომელთა მეშვეობითაც შეგვეძლება კეთილსინდისიერად და გონივრულად მოვეკიდოთ საერთო სარგებლიანობასა და სამსახურს, არ შეგვიძლია და არცა გვაქვს სურვილი გავუძლოთ იმ ადამიანთა კონკურენციას, რომლებიც მხოლოდ პირად წარმატებას ეძებენ და ამისათვის არავითარ საშუალებას არ თაკილობენ. მოიჭარადრემ იცის, რომ რა გზითაც არ უნდა მოიპოვოს მილიონი, საზოგადოება მაინც ქედს მოიხრის მის წინაშე. ამიტომაც არ ერიდება მოსყიდვას და თაღლითობას... მოხელე დარწმუნებულია, რომ რა საშუალებებითაც არ უნდა დაწინაურდეს სამსახურში, როცა დაწინაურდება, მის წინაშე ყველა ქედს მოიხრის. სწორედ ამიტომ იგი ცდილობს იყალბოს, ასიამოვნოს უფროსებს. ამასვე ვხედავთ მოღვაწეობის ყველა სხვა დარგშიც. გასაგებია, რომ ზნეობრივად სუფთა ადამიანები, რომლებიც ზიზღით უყურებენ ყოველგვარ ბინძურ საშუალებებს, იძულებ-

ბულნი არიან დაუთმონ იმათ, რომელთაც ამგვარი „ცრუ შეხედულებები“ არ გააჩნიათ.

ამგვარად, მკითხველო, ჩვენ თვითონ ვართ დამნაშავე, რომ „აღზევებულნი“ ასე მოურიდებლად გვექცევიან... ჩვენ თვითონ ვისვამთ ზედისაგან განებვირებულთ თავზე, რადგან ველაქუცებით ყველა მათგანს და ზურგს ვაქცევთ ყველა დაცემულს... ისე როგორც ჩვენი პირფერობა ხელს უწყობს წარმატებისათვის ყველა საშუალების გამოყენებას, ასევე ჩვენი ლაქიური თავმომწონეობა დაცემულის მიმართ იძულებულს ხდის ყველას მაგრად იღვეს თავის ადგილზე...

როცა ვისწავლით წარმატებისა და წარუმატებლობის ღირსეულად შეფასებას, როცა ყურადღებას მივაქცევთ იმ გზებსა და საშუალებებს, რომელთაც ადამიანები ამა თუ იმ წარმატების მისაღწევად იყენებენ — მხოლოდ მაშინ მოგვეცემა შესაძლებლობა პატივი ვცეთ საკუთარ თავს... ხოლო მანამდე არა თუ იმის უფლება არა გვაქვს, რომ დავგმოთ დაცემული, ბედისაგან განებვირებული, არამედ ვალდებული ვართ გვახსოვდეს, რომ მის ქცევაში ყველაზე მეტად ჩვენ თვითონ ვართ დამნაშავე...

58. ღირსების სამსჯავრო

„ტიფლისკი ვესტნიკის“³ დღევანდელ ნომერში (№ 217) დაბეჭდილია ბატ. ბ. ლოლობერიძის ასეთი წერილი:

„ობზორის“² 251 ნომერში ბატ. ნიკოლაძემ გამოაქვეყნა შენიშვნა, რომლის სათაურია „ღირსების სამსჯავრო“: ჩვენ საჭიროდ მიგვაჩნია შევავსოთ ეს შენიშვნა დამატებითი მითითებებით, რაც რამდენადმე სხვაგვარად (?) გააშუქებს საქმის ვითარებას.

„29 ივლისს ჩვენ შევთანხმდით, რომ ბატ. ნიკოლაძე ჩემს რწმუნებულებს გამოუგზავნის თავის შენიშვნებს, რწმუნებულთა მიერ შედგენილი სამედიცინო ჩანაწერის უკანასკნელი პროექტის შესახებ. ამის შემდეგ ისინი ერთად განიხილავდნენ შენიშვნებს და, აზრთა სხვაობის შემთხვევაში, ჩამოაყალიბებდნენ იმ საკითხებს, რაშიც ვერ შეთანხმდნენ, შემდეგ კი წარუდგენდნენ არბიტრს პ. ა. პეშჩუროვს. ბატ. ნიკოლაძე დაგვიპირდა შენიშვნებს ორ-სამ დღეში, გამოგიგზავნითო და ამგვარი პირობა შემდეგაც ბევრი მოუცია. ხუთი კვირის შემდეგ, როცა საქმე უმოძრაოდ იყო, ნ. სექტემბერს ჩვენ ვთხოვეთ ბატ. ნიკოლაძეს კეთილინებოს და მისცეს საქმეს მსვლელობა.

„პასუხად მივიღეთ წერილი, სადაც ბატ. ნიკოლაძე გვიხსნიდა დაბრკოლების მიზეზებს და დაბეჭდვით მოითხოვდა სამედიცინო ჩანაწერის პროექტი, სადავო პუნქტების განსაზღვრის გარეშე, განსახილველად გადაგვეცა პ. ა. პეშჩუროვისათვის.

„ჩვენ უფრო სწორად და მიზანშეწონილად მივიჩინეთ რა მანამდე ჩამოგვეყალიბებინა სადავო საკითხები. სანამ გადასაწყვეტად არბიტრს გადავცემდით, ბატ. ნიკოლაძეს შევასხენეთ პირობა შეხვედროდა ჩვენს რწმუნებულებს და ვთხოვეთ არ დაერღვია იგი.

„სამწუხაროდ, ბატ. ნიკოლაძემ არ შეასრულა პირობა და დაბეჭდვით მოითხოვა დაუყოვნებლივ გადაგვეცა საქმე არბიტრისათვის. ამავე დროს ხელზე დაიხვია ჩვენი წერილი.

„ჩვენ დავემორჩილეთ ბატ. ნიკოლაძის სურვილს და 10 სექტემ-

ბერს სამედიკატორო ჩანაწერის პროექტი და ჩვენი მიმოწერა ღირსების სამსჯავროს შესახებ პ. ა. პეშჩუროვს წარუდგინეთ.

შ. ლოლობერიძე

25 სექტემბერი, ქუთაისი

ჩვენ რომ პოლემიკაში ჩაბმა გვინდოდეს, ბატ. ლოლობერიძის წერილში ბევრ რამეს აღმოვაჩინდით ისეთს, რაც არაზუსტადაა გაშუქებული. მაგრამ იგი აცხადებს: 10 სექტემბერს ჩანაწერის პროექტი და მიმოწერა პ. ა. პეშჩუროვს გადავეციო და ამიტომ ზედმეტად მიგვაჩნია უსარგებლო დავა. ეს ცნობა იმდენად სასიხარულო და მნიშვნელოვანია, რომ ჩვენს თვალში ბატ. ლოლობერიძის წერილის ყველა წვრილმანს აქარწყლებს.

ჩვენ მხოლოდ ერთი რამ უნდა აღვნიშნოთ: ჩვენ რომ 10 სექტემბერამდე გვცოდნოდა საბუთები პ. ა. პეშჩუროვთან იყო, მაშინ, ცხადია. 20 სექტემბერს აღარ დავბეჭდავდით „ობზორის“ 251-ენომერში გამოქვეყნებულ შენიშვნას. მე მგონი, ბატ. ლოლობერიძეს შეეძლო შეეტყობინებინა ჩვენთვის ეს ამბავი ისე, რომ არც თვითონ დაზარალებულიყო და ღირსების სამსჯავროც დაეჩქარებინა, შეეტყობინებინა თუნდაც იმავე „ტიფლისკი ვესტნიკის“ მეშვეობით, მაგრამ სჯობს გვიან ვიდრე არასდროსო, რისაც ჩვენ ყველაზე მეტად გვეშინოდა.

**58. რა ზააკეთა თბილისის საქალაქო საზოგადოებრივმა
სამმართველომ 1877 წელს?**

1

თბილისი, 1 ოქტომბერი

ჩვენს წინ დევს „თბილისის საქალაქო საბჭოს გამგეობის 1877 წლის ანგარიში“. გამგეობამ, გამოიყენა ყველა ის შენიშვნა, რომელიც გამოსთქვა ადგილობრივმა პრესამ 1876 წლის ანგარიშის შესახებ და თავის ანგარიშს ამჭერად მისცა მეტი სისასვე და სისტემატურობა; მასში საკმაოდ ბევრი მონაცემებია დაჯგუფებული და თანაც ისე, რომ შესაძლებლობას გვაძლევს შეუცდომლად ვიმსჯელოთ გამგეობის მოღვაწეობაზე. როგორი იყო ეს მოღვაწეობა, რაში გამოიხატა იგი, მოუტანა თუ არა ქალაქს სარგებლობა? ვეცდებით ეს საკითხები რაც შეიძლება სრულად გავარკვიოთ ზუსტი და ფაქტიური მასალის საფუძველზე.

ამოცანას გვიადვილებს ანგარიშში მოტანილი უამრავი ფაქტიური მასალა, მით უმეტეს, რომ გამგეობა ბოროტად არ იყენებს ანგარიშის შემდგენელთა ჩვეულებრივ ხერხებს — საკუთარ მოღვაწეობას საკმეველი უკმით იმ შემთხვევაშიც კი, როცა სხვადასხვა ეშმაკური ხრიკებით წარმოშობილ ნისლში აღმაშფოთებელი ფაქტები მოსჩანს. არა, გამგეობა გულწრფელია, იმდენად გულწრფელი, რომ ზოგჯერ ვაჟაკურად აღიარებს საკუთარ უძლურებას და ამბობს, რომ ქალაქისათვის სასარგებლო არაფერი გაუკეთებია. ჩვენ სათანადოდ ვაფასებთ მის გულწრფელობას, მაგრამ უნდა ვთქვათ ისიც, რომ ასეთ სანაქებო თვისებასთან ერთად, არც ისე სურვილსაც ვატყობთ, რომლის მიზანსაც წარმოადგენს, რადაც არ უნდა დაუჭდეთ. შეალამაზონ ისეთი ფაქტები, რომლებიც გარეშე პირს შეიძლება არცთუ ვარდისფრად ეჩვენოს. მაგრამ გამგეობის ეს უწყინარი ცდა, გააშუქოს ფაქტები წინასწარ მოფიქრებული იდეის თანახმად, ცხადია, ვერავის შეიყვანს შეცდომაში, მით უმეტეს, რომ ბევრი საკითხი, რომელიც განიხილა ქალაქის საზოგადოებრივმა სამმართველომ 1877 წელს, არაერთხელ განუხილავს ყოველმხრივ ადგილობრივ პრესასაც და თანაც ისეთი თვალსაზრისით,

რომ არავითარ ექვს აღარ იწევს არაპრაქტიკულობა და მიზანშეუ-
წონლობა მათ მიერ მიღებული ღონისძიებებისა, რომელთაც თით-
ქოს ქალაქის უპირველესი და უმთავრესი მოთხოვნები უნდა
დაეკმაყოფილებინა. ამ ღონისძიებებზე პრესის დაუხმარებლადაც
ნათელი წარმოდგენა აქვს ყოველ მოქალაქეს, რადგან საკუთარ
ტყავზე განიცდის და ყოველდღიურად და ყოველ ნაბიჯზე გრძნობს.
თუ რა მძიმე პირობებში უხდება ცხოვრება. თემას რომ არ ავცდეთ
და შორს არ გადავუხვიოთ, მივმართოთ ციფრებისა და ფაქტების
ლოგიკას. ციფრებს მოვიყვანთ საბუღალტრო ანგარიშიდან, ფაქ-
ტებს კი იმ საქმეებიდან, რომლებიც გამგეობამ საანგარიშო წელს
განიხილა.

განსაკუთრებულ ყურადღებას იქცევს შემდეგი საქმეები: მიხე-
ილის სახელოსნო სასწავლებლის, მეფხოვეთა და ასასების, მოხეტი-
აღე ძაღლების მოსპობის, წყალსადენის, ბნელ უბნებში გზების გახს-
ნის, ქალაქის კეთილმოწყობის, კვების პროდუქტებით ვაჭრობის
წესიერად წარმართვის, უღარბესი მოსახლეობისათვის 10 ათასი
ფუთი პურის დამზადების, სასმელებით დაქსაქსულად ვაჭრობის
შეზღუდვის, სასაფლაოს, სააუქციონო კამერისა და, ბოლოს, ქა-
ლაქის კუთვნილი მიწების მითვისების შესახებ. სია საკმაოდ გრძე-
ლია. ამ სიაში არ შეგვიტანია მეორეხარისხოვანი და საერთო მნიშ-
ვნელობას მოკლებული საქმეები. მაგალითად, ვაჭრებზე საჩივლე-
ლად ვაჭრობის საპოლიციო ჯიხურებში საჩივრის წიგნების შემო-
ღებისა, რასაც არავითარი სარგებლობა არ მოუტანია, თათრის მოე-
ღანზე პურის საწყობისათვის პლატფორმის მოწყობისა და სხვ.

გამგეობა მიხეილის სახელოსნო სასწავლებლის შესახებ აცხა-
დებს: სასწავლებლის წესდება, რომელიც რომელიღაც კომისიამ გა-
მოიმუშავა და საბჭომ დაამტკიცა, დასკვნისათვის გადაუგზავნეთ
კავკასიის სასწავლო ოლქის მზრუნველს, რომელმაც წესდება განი-
ხილა, რამდენიმე შენიშვნა შეიტანა და უკან დაგვიბრუნაო. გამგე-
ობამ განიხილა ზემოხსენებული შენიშვნები და არ მიიღო. ამის
შემდეგ საბჭოს ახალი მოხსენება წარუდგინეს და მანაც გამგეობის
დასკვნა დაამტკიცა.

საბრალო წესდება! არ გამოსდით ჩვენს საზოგადო მოღ-
ვაწევებს — და ეს არის! გამოიმუშავეს, განიხილეს, ასწორეს, სა-
ხე უცვალეს შეავსეს, უამრავი კომისია და ქვეკომისია დაუნიშნეს
და მაინც არაფერი გამოვიდა. ბოლოს ისიც კი მოახერხეს, რომ რამ-
დენიმე ფურცელი ქალაქი პარაგრაფებითა და მუხლებით გადააჭ-
რელეს, წესდება დაარქვეს და დასამტკიცებლად უფროსებს გადა-
უგზავნეს, მაგრამ ამაოდ! უფროსებმა უარი თქვეს სანქცია მიეცათ

ჩვენი საზოგადო მოღვაწეების მოსაზრებებისათვის, მაგრამ საბჭოს ამისი არ შერცხვენია და „საკუთარი თვალსაზრისის ერთგული“ დარჩა, რადგან სურდა რაღაც არ უნდა დაჭდომოდა, პირმშო ელიარებიანა, იურისტების სიტყვით რომ ვთქვათ, სრული უფლება-უნარის მქონედ, მაგრამ პირმშო უღლეურზე უღლეური აღმოჩნდა და სწორედ ისეთი თვისებები აკლდა, რაც უფლება-უნარიანისათვის არის საჭირო.

წესდების არსისა და შინაარსის გაცნობის მსურველებს მივუთითებთ ბატ. ელიმირზოვის სტატიანზე თბილისის მიხეილის სახელოსნო სასწავლებლის შესახებ, რომელიც დაიბეჭდა 1877 წელს გაზეთ „კავკაზის“¹⁹ 58-ე ნომერში. ჩვენ კი აი, რა გვინდა ვთქვათ: რაკი ამ საქმეს საფუძვლად კეთილი მიზანი უდევს — განათლება მისცეს ქალაქის უღარიბესი მოსახლეობის ბავშვებს, მიუხედავად ყველა ნაკლისა, შეიძლება შევეურიგდეთ ამ წესდების არსებობას, თუ კი ახლავე გამოიყენებენ პრაქტიკულად. მაგრამ პრაქტიკულად გამოყენებამდე ჭერ კიდევ შორსაა და, თუ წარსულის მიხედვით ვიმსჯელებთ, უნდა ვივარაუდოთ, რომ ჭერ კიდევ ბევრი დრო გავაწყლის ნაყვამი, ახალ-ახალი პროექტების უნაყოფოდ წერაში, დავაში და ა. შ. და ყველაფერი ეს საქმის საზიანოა, ქალაქის მოსახლეობის გადაუდებელი ინტერესების საზიანოა, ქალაქის მოსახლეობისა, რომელიც დიდი ხანია ელის და ვერ მოსწრებია გახსნას დაპირებული სასწავლებლისას, სადაც ღარიბთა კლასის ახალი თაობა რაღაც ისეთს შეითვისებს, რაც მათ შესაძლებლობას მისცემს ნაწილობრივ მაინც გაიგოს გარემო სინამდვილის სიუხეშე, უბადრუკობა და რაიმე უკეთესისათვის იზრუნოს. მაგრამ როდის დადგება ეს სასურველი დღე? როდის გვექნება მიხეილის სახელოსნო სასწავლებელი? ამ კითხვებზე ქალაქის სამმართველომ სასწავლებლის დაუყოვნებლივ გახსნით უნდა გასცეს პასუხი. მაგრამ, ჭერ ერთი, საკითხის ასე სწრაფად და გონივრულად გადაჭრა არ სჩვევია ჩვენი ქალაქის სამმართველოს, მეორეც, შეუძლიათ გვითხრან: „წესდება ჭერ დამტკიცებული არ არის“. პერსპექტივა საკმაოდ უიმედოა და ბევრ უნუგეშო აზრებსაც იწვევს. მიხეილის სახელოსნო სასწავლებლის ბედს განგებას ვანდობთ და „მეზოვეებისა და ასასების“ საკითხზე გადავდივართ.

სამწუხაროდ, არც ამ საქმეში გამოჩენილა ქალაქის ადმინისტრაციის ბრწყინვალე მხარეები. აი, არსებითად ის მოსაზრებები, რომლებიც გამოთქვა გამგეობამ თბილისში ღამის ყარაულების — ასასების დაწესების შესახებ. ასიოდე უბირმა პიროვნებამ, რომლებიც მხოლოდ ცოცხით არიან შეირაღებულნი, გამგეობის აზრით, ღამით

მოქალაქეები და მათი ქონება უნდა დაიცვან და, ამასთან ერთად, სალამოს ცხრა საათიდან დილის ხუთ საათამდე უნდა წმინდონ და ხვეტონ ქუჩები, ვერ დაისვენონ ვერც ზაფხულში და ვერც ზამთარში. ღამის ყარაულთა ზედამხედველობისათვის გათვალისწინებულია შეიქმნას მთელი ადმინისტრაციული პერსონალი მაღალი რანგის ასახებისაგან, პოლიციური ხელისუფლების ისეთი პრეროგატივებით, რომ ქალაქის საბჭომ სერიოზული შიში გამოთქვა ქალაქში აუცილებლად და მნიშვნელოვნად გაიზრდება ძარცვა და ქურდობა წესიერებისა და მოქალაქეების მომავალ დამცველთა მოღვაწეობის გამო.

ღამის ყარაულთა შესანახი ხარჯების დასაფარავად გათვალისწინებულ იქნეს საგანგებო გადასახადის (შეფასებითი № 2), დაწესება, ისეთ მკაცრ სამართლიან საწყისებზე, რომ ღარიბს უფრო მეტის გადახდა უწევდა, ვიდრე მდიდარს, დაახლოვებით ასეთი შეფარდებით: თუ მდიდარი ერთ მანეთს გადაიხდიდა, ღარიბს მოუწევდა ხუთი ან ათი მანეთის გადახდა. ამგვარი გონებაშიაზვილური გადაწყვეტილების საფუძველი, ალბათ, ისაა, რომ თითქოსდა ღარიბს მეტი საფრთხე ელის ქურდებისაგან, ვიდრე მდიდარს.

არ გვინდა დავღალოთ მკითხველი მეფოვეებისა და ასახების საკითხზე გამგეობის ასეთი კურიოზული მოსაზრებების ჩამოთვლით. ვფიქრობთ, რომ ზემოთ ნათქვამი საკმარისია იმის გასაგებად, თუ რამდენად არაპრაქტიკული და მიზანშეუწონელია ის ღონისძიებები, რომელთა მიზანი მოქალაქეებისა და მათი ქონების დაცვაა. ამიტომ არც გასაკვირია, რომ ღამის დარაჯთა საკითხი ღიად დარჩა, ალბათ, იმ დრომდე, სანამ ადამიანები ანგელოზებად არ გადაიქცვიან და ქვეყნად აღარც ქურდობა იქნება, აღარც ძარცვა და აღარც მკვლელობა.

თუკი გამგეობის ვარაუდი ღამის დარაჯების დაყენების შესახებ წარუმატებელი აღმოჩნდა, კიდევ უფრო წარუმატებლად დამთავრდა მონეტიალე ძაღლების მოსასპობად ჩატარებული ღონისძიება. გამგეობა გაიტაცა ძაღლების სწორი მეთოდით მოსპობის წადილმა და მათი მოსპობა დაავალა ვიღაც ფრანგს, რომელმაც, გამგეობის თანხმობით, ნამდვილი სასაქლო მოაწყო ქალაქის ფარგლებში, ნოვო-ტროიციის უბანში, დროებითი სამხედრო ჰოსპიტალის მახლობლად. სასაქლოსთან მეზობლობის გამო, უბედური დაჭრილები და ავადმყოფები ისეთი სუფთა და ჭანსალი ჰაერით სუნთქავენ, რომ მათი ექიმები ერთხმად აყვირდნენ წინააღმდეგ ქალაქის გამგეობის მიერ მოგონილი გონებაშიაზვილური ხერხისა — გაწმინდათ ჰაერი სასაქლოს მიაზმებით. ამგვარმა წმენდამ კი ისე კეთილად იმოქმედა

ახლომახლო მცხოვრებთა ჯანმრთელობაზე, რომ საჭირო გახდა ამ საქმეში გუბერნატორის ჩარევა, რათა შეწყვეტილიყო გაძლიერებული ზრუნვა ჰაერის გაჯანსაღებაზე სიმყარლისა და სასაკლავო ყოველგვარი მიაზმების სისტემატური გავრცელების გზით. გუბერნატორის ბრძანებით, სასაკლავო გაუქმდა, რამაც დიდი სიამოვნება მიანიჭა ყველა საღად მოაზროვნე ადამიანს, კერძოდ კი, ნოვო-ტროიციის მცხოვრებლებს. ამგვარად მოედო ბოლო გამგეობის სანაქებო ცდას — მოესპო მოხეტიალე ძაღლები სწორი სისტემით.

გამგეობის მთელი ყურადღება არ მიუქცევია ჰაერის გაჯანსაღებისათვის ზრუნვას; იგი ფიქრობდა წყალსადენზეც, რადგან წყალს უშუალო კავშირი აქვს ჰაერთან, იმ თვალსაზრისით, რომ წყალიც ისევე აუცილებელია ადამიანის არსებობისათვის, როგორც ჰაერი. ფიქრობდა რა წყალსადენზე და განიცდიდა რა უმაღლეს სამხედრო-პოლიტიკურ მოსაზრებათა გავლენას, გამგეობამ მიაგნო ბედნიერ აზრს — თავისი ძალაუფლებით შეეჩერებია ჭერ კიდეც 1876 წელს შიღებული საბჭოს გადაწყვეტილება — რუსულ და საზღვარგარეთულ გაზეთებში განცხადებათა გამოქვეყნებით, მოეწიათ ისეთი ხალხი, რომლებიც თავისთავზე აიღებდნენ თბილისის წყალსადენის მშენებლობას. ამ ბედნიერი იდეის წყალობით მწარმოებელთა მოწვევა, როგორც ნაადრევი, დიდი ხნით გადაიდო და, ომის პერიოდის სხვადასხვა გარემოებათა გამო, ისევ ვაკვიანურდა!

ნუთუ არ შეიძლებოდა წინასწარ დავკავშირებოდით მწარმოებლებს, გავცნობოდით მათ მიერ წამოყენებულ პირობებს, გამოგვერკვია რამდენიმე არსებითი საკითხი, რაც წყალსადენის მშენებლობას ეხება. ერთი სიტყვით, საქმე იმდენად მოგვემზადებია, რომ ომის დამთავრების შემდეგ შესაძლებელი ყოფილიყო რომელიმე გარკვეული გადაწყვეტილების მიღება? მაგრამ, სამწუხაროდ, გამგეობას აწყობდა შექრილიყო მისთვის აკრძალულ, პოლიტიკურ სფეროში და, ამის გამო, დაევიწყებინა თავისი პირდაპირი მოვალეობა, რომელთა შორის უკანასკნელი ადგილი არ უჭირავს საბჭოს ყველა კანონიერი დადგენილების გადაუდებელ შესრულებას. გამგეობას რომ თავის ღრობზე მიემართა მწარმოებელთათვის, მოლაპარაკება შეიძლება ახლა უკვე დამთავრებული ყოფილიყო და ჩვენ უკვე შესაძლებლობა გვექნებოდა წყალსადენის მშენებლობა დაგვეწყო. ამგვარად, წყალსადენის მშენებლობის აუცილებლობის შესახებ უნაყოფო და მრავალსიტყვიერ კამათში დაკარგულ ექვს წელს კიდეც ერთი მიემატება.

აუჩქარებლობა, რასაც გამგეობა საზოგადოებრივი საქმეების გადაწყვეტასა და აღსრულებაში იჩენს, მით უფრო სამწუხაროა,

რომ მან საბაბი მისცა სრულიად უცხო პირებს ჩარეულიყვნენ ქალაქის სამმართველოს საქმეებში. რომელიღაც კომიტეტმა დაადგინა სთხოვოს ჩვენი მხარის უმაღლეს ხელისუფლებას უფლება, გადასცენ მის ადმინისტრაციას ქალაქის რამდენიმე ნაგებობისა და წყალსადენის მშენებლობა. თუმცა ჩვენ დარწმუნებული ვართ, რომ განცხადება არავითარ შედეგს არ გამოიღებს და ჩვენი ქალაქის ახალგაზრდა თვითმმართველობას არ დაიყვანენ ჩვეულებრივ პოლიციურ სამმართველომდე, მაგრამ, მიუხედავად ამისა, აღნიშნული ფაქტი კჳუს სასწავლებელი უნდა იყოს ჩვენი საზოგადო მოღვაწეებისათვის მომავალში.

რამდენიმე სიტყვა „ბნელ უბანში გზის გახსნის შესახებ“. საანგარიშო მოხსენებაში ნათქვამია: „1876 წელს მიღებული კანონით დადგენილია, მოიხსნას ბნელი უბნის დასაკეტი კარები და ქალაქში მიმოსვლისათვის გაიხსნას გზა, რის შედეგადაც ამის შესახებ შეატყობინეს პოლიციას. გამგეობის განკარგულება გაასაჩივრა საბჭოში ზოგიერთმა დუქნის მფლობელმა და დამქირავებელმა, ხოლო ამის საფუძველზე გამგეობამ აწარმოა მოკვლევა, რომლის შედეგად აღმოჩნდა, რომ არც ამ დუქნების პატრონებს და არც ამ უბნის ვაჭრებს არავითარი უფლება არა აქვთ დაკეტონ კარები, ვინაიდან ეს ავიწროებს ქალაქის მოსახლეობას. ამის შედეგად გამგეობამ, საჩივრის ნაცვლად, საბჭოს წარუდგინა მოხსენება, რომლის თანახმადაც დუქნების პატრონებს ევალებათ ყოველდღე, საღამოს ცხრა საათამდე კარები ღია დასტოვონ. ეს დადგენილება სისრულეშია მოყვანილი“.

გამგეობის განცხადებიდან ნათლად ჩანს, რომ ბნელ უბანში გასასვლელი არ წარმოადგენს კერძო საკუთრებას და ქალაქის გამგეობას ექვემდებარება. რატომ მიიღო ქალაქის სამმართველომ ამ გასასვლელის შესახებ ასეთი პალიატიური გადაწყვეტილება და არ იზრუნა იმისათვის, რომ გადაექცია იგი სამიმოსვლო ქუჩად, რაც მოხერხებული იქნებოდა არა მარტო ქალაქში მიმოსვლისათვის, არამედ უბედურ შემთხვევებზეც შეამცირებდა? რამდენი ეტლი დაიშტვრა, დამახინჯდა! რამდენი ხელი, ფეხი და თავი დაზიანდა ბნელი უბნის შესასვლელთან და ღვინის აღმართზე იმის გამო, რომ ამ ადგილას თავს იყრის უამრავი აქლემები, ფურგონები, ურმები და სხვ. ქუჩა იმდენადაა გადატვირთული, რომ ზოგიერთ ფეხით მოსიარულესაც ისე უხდება სიარული, თითქოს დაბრკოლებებიან დოღში მონაწილეობსო.

თუმცა ქალაქში და ქალაქისათვის ბევრი რამაა გასაკეთებელი, აი რას აცხადებს გამგეობა ქალაქის კეთილმოწყობის შესახებ: „საერ-

თოდ, განვიადებული არ იქნება, თუ ვიტყვით, რომ ქალაქი სრულიად კეთილმოწყობელია“. მოკლედ და ნათლად ნათქვამი, მაგრამ ამასთანავე ცუდად, იმდენად ცუდად, რომ ქალაქის ადმინისტრაციის მთელი მოღვაწეობა ქალაქის კეთილმოწყობისათვის სრულიადაც არ გამოიყურება ვარდისფერად. მაგრამ ამ უღიმღამო სურათის ბნელ ფონზე მოსჩანს ერთი ნათელი წერტილი, რომელსაც სიამოვნებით აღვნიშნავთ. ჩვენ მხედველობაში გვაქვს ანგარიშზე დართული დაწვრილებითი ცნობები (დანართი ლიტ. ბ. გვ. 16), სადაც ჩამოთვლილია რა სამუშაოები ჩატარდა ქალაქის კეთილმოსაწყობად და რა დაჯდა მათი წარმოება. საანგარიშო მოხსენების ეს სიახლე მით უფრო სასიამოვნოა, რომ 1877 წლამდე ქალაქი ათი ათასობით მანეთს ხარჯავდა ქვაფენილების შესაკეთებლად, ქუჩების დასასუფთავებლად და ეს ფული სადღაც ვიღაცეების ქველმოქმედ ხელში გადადიოდა, რომლებიც უკონტროლოდ, გამგეობის მეთვალყურეობის გარეშე, ხარჯავდნენ მას და ყველაფერი ეს კანცელარიის მკაცრი საიდუმლოებით იყო მოცული. ახლა კი, გამგეობის მეცადინეობის წყალობით, ყველა მსურველს შეუძლია საანგარიშო მოხსენებაში მოყვანილი ციფრების მეშვეობით შეისწავლოს შესრულებული სამუშაოების ხასიათი, მოცულობა, ღირებულება და, ასევე: ქალაქის კეთილმოსაწყობად გაღებული ხარჯების მწარმოებლობის ხარისხი.

ჩვენთვის ძალზე სასიამოვნო იქნებოდა მიგვეთითებინა ასეთ დამამშვიდებელ ფაქტებზე, მაგრამ, სამწუხაროდ, ამგვარი ფაქტები საანგარიშო მოხსენებაში ისე ცოტაა, როგორც ოაზისები საჰარის უდაბნოში. რა ითქმის, მაგალითად, იმ ღონისძიებებზე, რომლებიც უნდა განხორციელებულიყო ქალაქში კვების პროდუქტების ვაჭრობის მოსაწესრიგებლად? ამ ღონისძიებათა პრაქტიკული შედეგები ცნობილია მთელი ქალაქის მოსახლეობისათვის: საკვები პროდუქტების სიძვირე, რაც აქამდე გრძელდება, მძიმე ხარკად აწევს ყველას და ართულებს თითოეული ადამიანის ზრუნვას ლუკმა-პურისათვის.

კიდევ უფრო წარუმატებელი აღმოჩნდა გამგეობის ვარაუდი უზრუნველყო საკვებით ქალაქის უღარიბესი მოსახლეობა და დაემზადებინა 10 ათასი ფუთი პური. გამგეობამ აღძრა „შუამდგომლობა გუბერნატორთან, რომ თბილისის სასურსათო მალაზიამი მუდმივად ინახებოდეს 10 ათასი ფუთი პური ქალაქის უღარიბესი მოსახლეობისათვის, რადგან ომის დროს პურის ფასი შეიძლება მეტისმეტად გაიზარდოს. ამ მოთხოვნის შედეგად მთავარი სამმართველოს უფროსმა დანიშნა კომისია, მაგრამ კომისიის მოღვაწეობის შესახებ ოფიციალური ცნობები ჯერ არ მიგვიღია“ (ანგ. გვ. 10).

რა თქმა უნდა, ყველა ერთნაირად არ განიცდის ქალაქში არსებულ სიძვირის შედეგებს: ბევრია ისეთი ადამიანი, რომლისთვისაც არ არსებობს არც სიძვირე და არც სხვა საყოფაცხოვრებო უხერხულობა: მათ ცა ქულად არ მიაჩნიათ და დედამიწა — ქალამნად. მათი სტიქია — თავაშვებული ქეიფია, მათი ხელობა — უკანონო გზებით ფულის შოვნა. ამ კატეგორიის ხალხისათვის დუქანი ყველაფერია: დუქანში ცხოვრობენ და ლოთობენ, ეწვევიან უხეშ გარყვნილებას, აქვე იგონებენ და აქვე მსჯელობენ ბოროტმზრახველობაზე, რომელთა მსხვერპლიც მოქალაქე ხდება. ამგვარი დუქანი ყაჩაღების, ქურდების და თაღლითების თავშესაფარია. ჩვენ ბევრად ადრე უნდა მიგვექცია ამ დუქნებისათვის სერიოზული ყურადღება. მათი რიცხვის შესამცირებლად და მათი საქმიანობისადმი უფრო მკაცრი ზედამხედველობის დასაწესებლად ღონისძიება უნდა მიგვეღო. ბოლოს, გუბერნატორის წინადადების წყალობით, ქალაქის სამმართველომ სასარგებლოდ ცნო, შეეზღუდა სასმელების დაქსაქსულად გაყიდვის პუნქტები, რაც აცნობა გუბერნატორს შემდგომი განკარგულების გასაცემად.

ამ საქმეში ჩვენ გვაკვირვებს ერთი გარემოება: რატომ ვერ მივიღა ქალაქის სამმართველო გუბერნატორის დაუხმარებლად იმ უბრალო აზრამდე, რომ სასმელების დაქსაქსულად გაყიდვის შეზღუდვა ქალაქის მოსახლეობის ინტერესებს შეესაბამება? კანონის მიხედვით, სასმელებით მოვაჭრე დუქნების რაოდენობა, იმ ადგილების მითითება, სადაც ასეთი სავაჭრო უნდა გაიხსნას და მათი გახსნის ნებართვა — ქალაქის სამმართველოს პირდაპირი მოვალეობაა და, ამიტომ, სასმელებით მოვაჭრე დუქნების შემცირების ინიციატივიც ქალაქის სამმართველო უნდა ყოფილიყო, და არა გუბერნატორი. ნუთუ გახსენების, შეგონებისა და გარედან შემოტანილი წინადადებების გარეშე არაფერი ხეირიანის გაკეთება არ შეგვიძლია?

სასაფლაოს გადატანის საკითხიც ნაწილობრივ გუბერნატორის ინიციატივის წყალობით დაისვა. „სასაფლაოების საქმე, — ნათქვამია საანგარიშო მოხსენებაში, — ჯერ კიდევ 1874 წელს დაიწყო გუბერნატორის წინადადებით, რასაც საფუძვლად დაედო მართლმადიდებელი სასულიერო პირების განცხადება — გადაეტანათ ივერიის სასაფლაო სხვაგან, რადგან იქ ადგილი აღარ იყო... გამგეობამ განიხილა რა ეს საკითხი, გადაწყვიტა დაეხურა ყველა არსებული სასაფლაო, რადგან დასახლებული პუნქტების მახლობლად მდებარეობდა. სასაფლაოებისათვის გამგეობამ შეარჩია ნავთლუღის საქალაქო აგარაკი და ყველა სარწმუნოებას მიწის გარკვეული ნაკვეთი გამოუყო. 30 მაისს საბჭომ მოისმინა გამგეობის დასკვნა და დაად-

გინა, გადაეტანათ სასაფლაოები ქალაქგარეთ. ამგვარად, ეს საკითხი პრინციპში გადაწყვეტილია და ქალაქის მოსახლეობის ინტერესებისათვის სასურველია, სასაფლაოების გადატანა რაც შეიძლება მალე მოხდეს.

და ბოლოს, რომ მოვათავოთ ის საკითხები, რომლებიც განიხილა საბჭომ მიმდინარე წელს, რამდენიმე სიტყვა უნდა ვთქვათ სააუქციონო კამერაზე. გამგებამ ითხოვა, რომ „მოძრავი ქონების სახალხოდ გაყიდვა სააუქციონო კამერის მეშვეობით ხდებოდეს“. არ ვიცი, დააკმაყოფილებენ ამ თხოვნას?

ზემოთ ნათქვამს თუ იმასაც დაუშვებთ, რომ გამგებას არ გააჩნია არც ქალაქის ქონების აღწერილობა და არც ქალაქის გეგმა, რის გამოც მოსახლეობა ხშირად იტაცებს ქალაქის კუთვნილ მიწებს, მაშინ საკმარისი ფაქტები დაგროვდება იმისათვის, რომ გამოვარკვიოთ ქალაქის საზოგადოებრივი სამმართველოს მოღვაწეობის დამახასიათებელი თვისებები. ეს თვისებები კი ისე ნათლად ამჟღავნებენ თავიანთ უღაზათობას, რომ არ შეიძლება ყველას თვალში არ ეცეს. ასეთი სამწუხარო დასკვნები თავისთავად იბადებიან მანამდე, სანამ ჩვენი ამოცანის მეორე, ყველაზე სერიოზულ ნაწილს შევეხებოდეთ, — სანამ განვიხილავდეთ ქალაქის 1877 წ. ხარჯთაღრიცხვას.

2

საანგარიშო მოხსენების პირველი განყოფილება თუ მდიდარია ისეთი ფაქტებით, რომლებიც ამტკიცებენ ქალაქის საქმეების არარაციონალურ და უხეირო წარმოებას, მეორე, — საბუღალტრო განყოფილება კიდევ უფრო მდიდარია ისეთი ციფრებით, რომლებიც არა თუ ეწინააღმდეგებიან ამ ფაქტებს, არამედ გასაოცრად ადასტურებენ ქალაქის მეურნეობის არადაამაკმაყოფილებელ მდგომარეობას.

საბუღალტრო ანგარიში სავსეა ისეთი კურიოზებით, რომ აღარ იცი, რა გაიკვირო: ის, რომ ანგარიშის შემდგენელთ საქმე არ ესმოდათ, თუ — ქალაქის საქმეების უთავბოლოდ წარმოება საერთოდ. შესანიშნავი კურიოზები ანგარიშის პირველივე გვერდიდან იწყება.

ავილოთ იქედან შემდეგი მონაცემები:

1. 1877 წლის ხარჯთაღრიცხვის მიხედვით:	
ქალაქის შემოსავალი ნაანგარიშევია	414, 085 მან.
1877 წელს აღნიშნულ თანხას სხვადასხვა შემთხვევების გამო დაემატა	56.098 მან. 73 ¹ / ₂ კაპ.
ამგვარად, სულ უნდა შემოსულიყო	470.183 მან. 73 ¹ / ₂ კაპ.
სინამდვილეში შემოვიდა	483.169 მან. 61 ¹ / ₄ კაპ.

ე. ი. ხარჯთაღრიცხვას გადააქარბა 12.985 მან. 87³/₄ კაპ.

2. 1877 წლის ხარჯთაღრიცხვის მიხედვით:

უნდა დახარჯულიყო . 454. 654 მან.

ამ თანხას წლის მანძილზე მიმდინარე და

1876 წლის ხელშეკრულების თანახმად

ქალაქის კრედიტორების დასაკმაყოფილებელი

თანხის სახით დაემატა

39.373 მან. 50 კაპ.

ასე რომ. 1877 წელს უნდა დახარჯულიყო

494.027 მან. 50 კაპ.

სინამდვილეში დაიხარჯა

445.161 მან. 44 კაპ.

ამგვარად, არ დახარჯულა

48.866 მან. 6 კაპ.

მათ რიცხვში, 45.467 მან. 84¹/₂ კაპ. უნდა დახარჯულიყო, ხოლო

3.398 მან. 21¹/₂ კაპ. უნდა ჩამოეწერათ.

3. საანგარიშო მოხსენებაში ნათქვამია, რომ ხარჯთაღრიცხვის აღსრულების შემდეგ დარჩა:

შემოსავალი, შემოსული და დარჩენილი

1877 წ. განაწილების შესრულებისას 45, 008 მან. 17¹/₄ კაპ.

დანახარჯი, ასრულებისათვის განკუთვნილი 38, 467 მან. 84¹/₂ კაპ.

ამრიგად, 1877 წ. არ შემოვიდა (დააკლდა) შემოსავალი,

ხარჯების დასათვარავად აუცილებელი რომ აღმოჩნდა,

არსებითად

7, 459 მან. 61¹/₄ კაპ.

ზემოთ მოყვანილ მონაცემებში ყოველი ციფრი ან შეცდომაა, ან კეშმარიტების დამახინჯება, ანდა — საოცარი დაუდევრობა. უწინარეს ყოვლისა, მიაქციეთ ყურადღება შემოსავლის შეფარდებას გასავალთან. ხარჯთაღრიცხვის თანახმად უნდა შემოსულიყო 414.085 მან.; უნდა დახარჯულიყო—454.654 მან. ამგვარად, 1877 წლის დეფიციტს უნდა შეედგინა 40.569 მან, რომელიც, როგორც საბუღალტრო დაწვრილებითი ანგარიშიდან (§ 9, სტ. 1) ჩანს, დაფარეს განსაკუთრებული სპეციალური წყაროებიდან. ჰქონდა რა მხედველობაში ეს დეფიციტი, ქალაქის სამმართველოს მთელი დამატებითი ხარჯები, რაც ხარჯთაღრიცხვაში არ შევიდა, უნდა მიეწერა ახალი სპეციალური რესურსებისათვის, წინააღმდეგ შემთხვევაში — მას მხოლოდ ფიქტიური მნიშვნელობა ექნებოდა, რადგან მათი მნიშვნელობა განისაზღვრებოდა მხოლოდ დანიშნულებითა და მისი დახარჯვის იმედი არ შეიძლება გვექონოდა. ეს უბრალო წესი ცნობილია ყველასა და თითოეულისათვის, დაწყებული ფინანსისტებიდან და გათავებული გიმნაზიის 1 კლასის მოწაფით, რომელთაც შესანიშნავად იციან, რომ როცა ჯიბეში გაქვს ერთი მანეთი, ათი მანეთის დახარჯვა არ შეიძლება. მაგრამ ქალაქის სამმართველომ შეუძლებელი შესძლო. შემოსავალი ნავარაუდები იყო: ხარჯთაღრიცხვით 414.085

მან., დამატებითი — 15.529 მან. 72¹/₂ კაპ. (და არა 56.098 მან. 72¹/₂ კაპ., როგორც ეს ნაჩვენებია საანგარიშო მოხსენებაში, სადაც 40.569 მან., გათვალისწინებული დეფიციტის დასათვარავად, არასწორად მიაწერეს შემოსავალს), სულ 429.614 მან. 72¹/₂ კაპ. გასავალი კი გათვალისწინებული იყო 494.027 მან. 50 კაპ. რაოდენობით. ამგვარად, გასავალი აჭარბებდა შემოსავალს, ანუ დეფიციტი შეადგენდა 64.412 მან. 77¹/₂ კაპ., რომლის ერთი ნაწილი. — 40.569 მან., როგორც ზემოთაა ნათქვამი, უზრუნველყოფილი იყო განსაკუთრებული სპეციალური რესურსებით, ხოლო მეორე, — 23. 843 მან. 77¹/₂ კაპ., ბედის ანაბარა მიატოვეს, ალბათ, იმის იმედით, რომ ამ ხარჯებისათვის საჭირო ფულს ზეციდან ჩამოუგდებდნენ. ღვთის იმედით ყოფნა ქალაქის სამმართველოსათვის მით უფრო უადგილო იყო, რომ მიუხედავად მიმდინარე ხარჯებისა, რაც ქალაქის საღაროში შემოსულ თანხას აღემატებოდა, არსებობდა კიდევ დაუფარავი ხარჯები 29.464 მან. 65¹/₂ კაპ. რაოდენობით: 5.090 მან. 53¹/₂ კაპ. 1875 წლისა (იხ. დამატება № 7) და 24.374 მან. 12 კაპ. 1876 წლისა (იხ. დამატება № 8), რომლებიც აგრეთვე არაფრით არ იყო უზრუნველყოფილი, რადგან ყველა სპეციალური წყარო და დანაზოგი ამოწურეს.

ამგვარად, იმ თანხის რაოდენობა, რომელიც არაფრით არ იყო უზრუნველყოფილი, შეადგენდა მნიშვნელოვან ციფრს — 53.308 მან. 43 კაპ. ამგვარ პირობებში. როცა შემოსავლის არაერთი წყარო აღარ არსებობდა, დეფიციტის დასათვარავად მხოლოდ ერთი საშუალებადა რჩებოდა—სესხის აღება. მაგრამ ჩვენი საზოგადო მოღვაწეები არ გაერკნენ საქმის ვითარებაში, ვერ განსაზღვრეს არსებული ფინანსიური სიძნელების მნიშვნელობა და ვალის აღება უადგილოდ და ზედმეტად ცნეს. და რადგან არ უნდოდათ გაეზარდათ ქალაქის ვალი, მათ საქმეობრივ გულმოდგინება გამოიჩინეს და მოხერხებული კომბინაცია მოიგონეს: 53. 308 მან., როგორც საერთო საცხოვრებელში ამბობენ, „შერემეტიევის ანგარიშს“ მიაწერეს, რაც, ცხადია, მარტივი და ხელსაყრელია. თავისი უბრალოებით. დეფიციტის დაფარვის ასეთი გონებამახვილური ხერხი უკიდურესად ახალი და ორიგინალურია.

თუმცა შეუძლიათ გვიპასუხონ, რომ წლის მანძილზე. დამატებითი ხარჯების გამოყოფის დროს, ჩვენი თვითმმართველობის ორგანოები ითვალისწინებდნენ იმ თანხას, რაც სინამდვილეში შემოვიდოდა და არა ხარჯთაღრიცხვით გათვალისწინებულს. მიემართოთ ციფრებს.

შემოვიდა: შემოსავალი ნარჩენებიანად — 442.600 მან. 61¹/₄ კაპ. ხოლო სპეციალური თანხა დეფიციტის დასათვარავად — 40.569 მან.

სულ-483. 169 მან. 61¹/₄ კაპ. გასავალი, ანუ უნდა დახარჯულიყო— 490.628 მან. 27¹/₂ კაპ. ამგვარად, ნათქვამია მოხსენებაში, 1877 წლის შემოსავალმა ვერ დაფარა აუცილებლად საჭირო ხარჯები და დააკლდა 4.459 მან. 67¹/₄ კაპ. მოყვანილი მონაცემებიდან, სჩანს, რომ ყველაზე ხელსაყრელ პირობებშიც კი, როცა მოულოდნელმა შემოსავალმა მოლოდინს გადააჭარბა და 12.985 მან. 87¹/₄ კაპ. მი-
აღწია, მაინც აღმოჩნდა 7.459 მან. 67¹/₄ კაპ., რომელიც არაფრით არაა უზრუნველყოფილი და ეს დამოუკიდებლად იმისა, რომ უკვე არსებობდა 29. 464 მან. 64¹/₂ კაპ. დაუფარავი ხარჯები, რომელიც აგრეთვე არაფრით არ იყო უზრუნველყოფილი. ეს უცნაური ფაქტი ცხადად გვიჩვენებს, რომ გასავალი ტყუილად, უთავბოლოდ იყო გათვალისწინებული, მხედველობაში არ მიიღეს წინასწარი უზრუნველყოფის შესაძლებლობა და წავიდნენ იმ უბრალო, ბავშვებისათვის გასაგები ჰუმბარიტების წინააღმდეგ, რომ გარკვეული ხარჯისათვის საჭიროა ასევე გარკვეული, შესაბამისი თანხა.

ამგვარი ფაქტების არსებობა სხვა არაფრით აიხსნება, თუ არა ქალაქის თვითმმართველობის ორგანოების საქმისადმი გულგრილი დამოკიდებულებით. ასეთი რამ არ უნდა მომხდარიყო, რადგან საბჭოს წევრი ბანკირების, კომერსანტების, ბანკისა და სხვა საქმოსნებისათვის ძნელი არ იყო მიმხვდარიყვნენ, რომ ფულადი ოპერაციების წარმოებაში გამგეობა აჭარბებს და საქმის მოგვარებისათვის საჭიროა აუცილებელი ღონისძიებების განხორციელება. მაგრამ, სამწუხაროდ, არავითარი ღონისძიება არ განხორციელებულა. ყველაფერი შემთხვევისა და ბედის ანაბარა ჰიაგდეს. ვბედავთ და ვფიქრობთ, რომ საქმისადმი ასეთი დამოკიდებულება საკუთარი მოვალეობის სრულ შეუგნებლობას ნიშნავს.

გადავიდეთ საანგარიშო მოხსენების შემდგომ კუროიზებზე. ზემოთ უკვე შევეხეთ საანგარიშო მოხსენების იმ შესანიშნავ სიტყვებს, რომლებიც გამოხატავენ ხარჯთაღრიცხვის საბოლოო შედეგებს: „1877 წლის აუცილებელი ხარჯებისათვის საჭირო თანხას დააკლდა 7.459 მან. 67¹/₄ კაპ., ანუ დეფიციტი უდრიდა — 7. 459 მან. 67¹/₄ კაპ. არც მეტს და არც ნაკლებს“. ეს კი ძალზე ცუდია! ჯერ ერთი, შემოსული თანხა 12.985 მან. 87³/₄ კაპ-ით მეტი აღმოჩნდა, ვიდრე გათვალისწინებული იყო. განა ამის შემდეგ შეიძლება იმაზე ლაპარაკი, რომ შემოსავალს რაღაც 7.459 მან. 14 კაპ. დასაფარავი თანხა დააკლდა. ვისაც ეს არ ესმის, არ ესმის ყველაზე ელემენტარული ამბავი. და ბოლოს, რატომაა დეფიციტი ნაჩვენები 7.459 მან. 67¹/₄ კაპ-ის რაოდენობით,? თუ საერთო ხარჯს 490.629 მან. 28¹/₂ კაპ. გამოვაკლებთ შემოსულ თანხას — 442.600 მან. 61¹/₄ კაპ.,

მაშინ აღმოჩნდება, რომ 1877 წლის დეფიციტი უდრის 48.028 მან. 67¹/₄ კაპ., რომლიდანაც 40. 569 მან., როგორც ზემოთაა ნათქვამი, დაფარეს სპეციალური ფონდებიდან, ხოლო დანარჩენი, 7.469 მან. 67 კაპ., ჰაერში ჰკილია.

ადარებს რა 1875 და 1876 წლის ხარჯთაღრიცხვის შედეგებს 1877 წლისას, გამგეობა მიდის იმ დასკვნამდე, რომ პირველი ორი წელი უკანასკნელზე უფრო დამაკმაყოფილებელია შემდეგი მონაცემების საფუძველზე:

ჩვეულებრივი შემოსავალი:

1875 წელს	280.681 მან. 42 ¹ / ₂ კაპ.
1876 წელს	257.133 მან. 52 ¹ / ₄ კაპ.
1877 წელს	309.971 მან. 92 ³ / ₄ კაპ.

ამგვარად, 1877 წელს ჩვეულებრივი შემოსავალი შემოვიდა 29.290 მან. 50¹/₄ კაპ. მეტი, ვიდრე 1875 წელს და 52.838 მან. 40¹/₂ კაპ. მეტი, ვიდრე 1876 წელს.

გასავალი:

1875 წელს	258.967 მან. 2 ¹ / ₂ კაპ.
1876 წელს	281.601 მან. 92 ¹ / ₂ კაპ.
1877 წელს	412.396 მან. 18 კაპ.

1877 წელს 153.429 მან. 25¹/₂ კაპიკით მეტი დაიხარჯა, ვიდრე 1875 წელს და 130.794 მან. 35 კაპიკით მეტი, ვიდრე 1876 წელს.

მაგრამ ყველა ეს დასკვნა ვერ უძლებს კრიტიკას იმ აზრით, რომ მონაცემები, რომლებიც მათ საფუძველად უდევთ, გამოხატავს მხოლოდ გასული სამი წლის შემოსავლის და გასავლის ნაწილს. მაშინ როცა იმ საკითხის გამოსარკვევად, თუ რამდენად უკეთესია ერთი ფინანსური წელი მეორეზე, აუცილებელია ერთი წლის მთელი შემოსავლის შედარება მეორე წლის ასეთსავე შემოსავალთან და გასავალთან. სამწუხაროდ, ჩვენ არ გვაქვს შესაძლებლობა გამოვასწოროთ აღნიშნული დასკვნების უზუსტობანი, რადგან არ მოგვეპოვება საჭირო მონაცემები. მაგრამ რომ დავუშვათ კიდევ მათი სისწორე, არ შეიძლება არ მივიღეთ იმ დასკვნამდე, რომ 1877 წლის სასარგებლოდ ისინი არაფერს მეტყველებენ. მაგალითად, რაში გამოიხატება 1877 წლის უპირატესობა 1875 წელთან * შედარებით? ერთის მხრივ—შემოსავლის ზრდაში, ხოლო მეორეს მხრივ—ხარჯის გადიდებაში, ცხადია, თუ ამ უკანასკნელს უპირატესობად მივიჩნევთ, 1877 წლის შემოსავალი გაიზარდა ნარჩენების რამდენადმე გაძლიერებული შემოსავლით, რაც 1877 წლის იანვრისათვის შეადგენდა

* 1877 წელს იმიტომ ვაღარებთ 1875 წელს. რომ თავისი მონაცემებით ყველაზე უფრო არადააკმაყოფილებელი ქალაქისათვის 1876 წელი იყო.

210.103 მან. 73 კაპ. (იხ. ანგარიშის დამატება № 2). 1877 წელს ამ მოზრდილი თანხიდან შემოვიდა მხოლოდ 77.500 მან. 4 კაპ. (იხ. დამატება № 2), შემოსული თანხა შედარებით უმნიშვნელოა, განსაკუთრებით თუ გავითვალისწინებთ, რომ 1877 წელმა 1878 წელს შემკვიდრებით დაუტოვა 200.706 მან. 35¹/₄ კაპ. (დამატება № 2), ე. ი. 18. 746 მან. 50 კაპიკით მეტი 1875 წელთან შედარებით, რადგან 1876 წლის იანვრისათვის მთელი ნარჩენი შეადგენდა 181. 960 მან. 84¹/₄ კაპ. (1876 წლის საანგარიშო მოხსენება, დამატება № 2). ნარჩენის ასე წარუმატებლად ამოღება და გადასახადების ყოველწლიური აუკრეფლობაა სწორედ იმის მიზეზი, რომ მოიშალა ქალაქის მეურნეობა, შეიქმნა მუღმივი, ქრონიკული დეფიციტი, რაც ისე მძიმედ დააწვა ქალაქს, რომ მისი წარმომადგენლები იძულებულნი გახდნენ საკმაოდ გონებასახვილური ოინისათვის მიემართათ—გაითვალისწინო ხარჯი, მხოლოდ იმ ანგარიშით, რომ არ აღასრულო. უდავოა, ხარჯის ასეთი დანიშვნა სრულ შესაძლებლობას იძლევა გავზარდოთ იგი არა მარტო 153.425 მან. 25¹/₂ კაპიკით, არამედ უფრო მეტითაც და, ამავე დროს, არ გავწიოთ არავითარი რისკი. რაც შეეხება მათ მწარმოებლობას — ყოველივე ეს ექვეს გარეშე იგრძნობა: 1877 წელს, 1875 წელთან შედარებით, 153 ათასი მანეთით მეტი დაიხარჯა, ქალაქმა კი მიიღო — 3-4 ჯიხური ბაზრის ათისთაეებისათვის და 300 ბრმა ქუჩის ფანარი, რომელთა განათება 6 ათასი მანეთი დაჯდა. ვბედავ და ვფიქრობ, რომ ამგვარი შედეგები არ შეიძლება დამაკმაყოფილებლად ჩაითვალოს.

ჩვენ დავამთავრეთ საერთო ხარჯთაღრიცხვის შედეგების განხილვა, ახლა კი განვიხილოთ იგი უფრო დეტალურად.

შემოსავალი ცალკეული მუხლების მიხედვით:

ქალაქის ქონების შემოსავალი და ღალა	55.685 მან. 98 კაპ.
უძრავი ქონების შეფასებითი გადასახადი	166.019 მან. 14 კაპ.
სავაქრო და სამრეწველო დაწესებულებების გადასახადი	57.185 მან. 66 კაპ..
პროტესტების დამოწმების, ვალის ამოსაღებად სხვადასხვა დოკუმენტების წარდგენის, ასევე სასწორისა და საზომის დადაღვისა და აუქციონით გაყიდვის დროებითი შემოსავალი	8.849 მან. 13 კაპ.
სხვადასხვა შემოსავალი	21.341 მან. 76 ³ / ₄ კაპ.
სახაზინო და საერობო დახმარება	120.000 მან..
სამიმოქცეო შემოსავალი	890 მან. 25 კაპ..
საზეხარჯთაღრიცხვო შემოსავალი	12.628 მან. 68 ¹ / ₂ კაპ..

სულ 442.600 მან. 61¹/₄ კაპ.

1877 წლის საბეგარო შემოსავლიდან აუღებელი დარჩა 68.184 მან. 57 კაპ. (დამატება № 2), მათ რიცხვში ღალა — 1.210 მან. 42 კაპ., შეფასებითი გადასახადი — 64. 611 მან. 65 კაპ., დუქნებისა და ფუნდუკების გადასახადი — 2.362 მან. 50 კაპ.

როგორც მოყვანილი ციფრებიდან ჩანს, ნარჩენები წარმოშვა ისეთმა მუხლებმა, რომელთა მიხედვით გადასახადების წესიერად და დროულად აკრეფა მთლიანად უზრუნველყოფილი უნდა იყოს. მაგალითად, შემოსავალი ქალაქის ქონებისა და ღალის აღება გარანტირებულია ქალაქის არენდატორებისა და მოიჯარადრეების გირაოთი, ხოლო დუქნებისა და ფუნდუკების გადასახადი — სამიკიტნოთა დებულებით, რომლის 32 და 33 მუხლებში ნათქვამია:

„ნახევარი წლის გადასახადი (აქციზი ქალაქის სასარგებლოდ) დუქნის პატრონებს შეაქვთ უშუალოდ საბჭოში ან მის შემცვლელ დაწესებულებაში წინასწარ, არა უგვიანეს 5 იანვრის და 5 ივლისისა. ამ ვადების გასვლის შემდეგ ქალაქის საბჭო, ანდა მისი შემცვლელი დაწესებულება ხურავს იმ დუქნებს, რომელთაც არ გადაიხადეს შეწერილი გადასახადი“.

ასეთ პირობებში, და ამ მუხლების მიხედვით, არ შეიძლებოდა სხვაგვარად წარმოშობილიყო ნარჩენი, თუ არა თვით გამგეობის უყაირათობით, თუმცა. მეორეს მხრივ, სამართლიანობა უნდა გამოვიჩინოთ და ვთქვათ, რომ გამგეობამ წარმატებით გადასცა მოიჯარადრეებს საიჯაროდ ზოგიერთი ისეთი დაწესებულება. რომელთა სამეურნეო ექსპლოატაცია 1876 წელს ძალზე არადამაკმაყოფილებელი იყო.

რაც შეეხება შეფასებით გადასახადს — მისი წარმატებით აკრეფა შეიძლება ერთგვარად დააბრკოლოს საშელავათო ვადების ხანგრძლივობამ *, რომლის მანძილზე არ შეიძლება აიძულო მოვალე შეფასებითი გადასახადი გადაიხადოს. მაგრამ ეს უნერხულობა არც ისე სერიოზულია და არ შეუძლია ისეთი სავალალო მდგომარეობა შექმნას, როგორსაც სინამდვილეში ვხედავთ. 1877 წელს ბეგარის განაკვეთის 157.853 მან. 69 კაპიკიდან შემოვიდა მხოლოდ 93.242 მან. 4 კაპ. (შემოსული გადასახადი. § 3. გვ. 1); ე. ი. გათვალისწინებული თანხის $\frac{2}{3}$. გამგეობას რომ მოხერხებულად. დროულად ესარგებლა უფლებით მინიჭებული საშუალებებით ** და აეძულებია სახ-

* ბეგარის განაკვეთისათვის წლის პირველი ნახევრის საშელავათო ვადა გრძელდება 1 თებერვლიდან 1 აგვისტომდე, ხოლო მეორე ნახევრისა—1 აგვისტოდან 1 თებერვლამდე.

** ქალაქის მართვის დებულებათა 131 მუხლი: „თუ საურაეი გადასახადის ნარ-

ლის პატრონები წესიერად გადაეხადათ შეფასებითი გადასახადი, მაშინ, ექვი არაა, რომ ამ გადასახადის შემოსავალი მნიშვნელოვნად გადააქარბებდა საანგარიშო მოხსენებაში მოყვანილ ციფრებს. მაგრამ არ გვინდა გავყვეთ უსაფუძვლო მტკიცებას და მოვიყვანო სხვა უფრო თვალსაჩინო ფაქტს, რომელიც ადასტურებს ჩვენს მიერ გამოთქმულ აზრს. როგორც ზემოთაა ნათქვამი, 1876 წლის მთელი ნარჩენი შეადგენდა 210.103 მან. 73 კაპ. მათ რიცხვში მხოლოდ შეფასებითი გადასახადი უდრიდა 199.020 მან. 80¹/₄ კაპ. (დამატება № 2). 1877 წელს ამ თანხიდან შემოვიდა მხოლოდ 72.777 მან. 10 კაპ., ე. ი. მოსალოდნელი თანხის ერთ მესამედზე ცოტა მეტი. უნდა ითქვას ისიც, რომ ნარჩენთა ამ თანხაში შედის ჭერ კიდევ ორმოციანი წლების უკმარნაკრეფი. ნუთუ მათი აკრეფის პროცედურა მართლაც ისე რთულია, როგორც გვარწმუნებს გამგეობა საანგარიშო მოხსენებაში (გვ. 21), თითქოს ოცი წლის მანძილზე ქალაქის სამმართველომ ვერაფრით გაართვა თავი ამ ამბავს? ნუთუ ყველაფერ ამაში დამნაშავეა მხოლოდ ქალაქის ყოფილი განმწესრიგებელი მმართველობა, იმაშიც კი, რომ აქამდე უცნობია ნარჩენის რა ნაწილია საიმედო, რა — არასაიმედო და რა — საექვე? ნუთუ მთელი ნარჩენი საიმედოა? და ბოლოს, ნუთუ კვლავ განმწესრიგებელი მმართველობაა დამნაშავე, რომ დღემდე გარკვეული არაა ნარჩენების რაოდენობა 1875 წლის ჩათვლით? საანგარიშო მოხსენებაში ნაჩვენებია მხოლოდ შეფასებითი გადასახადის ნარჩენი, რომელიც 1865 წლიდან დაგროვდა, იმ დროიდან, რაც თბილისში საქალაქო მმართველობა შემოიღეს. სადაა დანარჩენი თანხა, რომლის რაოდენობა, როგორც ამბობენ, 60 ათას მანეთამდე აღწევს? ამის შესახებ გამგეობა აცხადებს, რომ ცნობები ამ ნარჩენებზე არ შეუტანიათ საანგარიშო მოხსენებაში, რადგან მათი რაოდენობა გარკვეული არაა (საბუღალტრო ანგარიში, გვ. 8). ამგვარი განცხადება სტერეოტიპული გახდა და, დაწყებული 1875 წლიდან, საანგარიშო მოხსენებებში ყოველწლიურად მეორდება, მაშინ, როცა ამ ხნის გან-

ჩენი შეაქვთ ექვის თვის განმავლობაში საბჭოს მიერ დაღვენილი ვალის შემდეგ, მაშინ მისი გადახდებიანება ხდება პოლიციის დახმარებით, ყადაღა ედება გადასახად შეწერილ უძრავ ქონებას, ხოლო თუ ეს ღონისძიება საკმარისი არ აღმოჩნდა, გაიყიდება მოვალის მოძრავი ქონება იმ ნივთების გამოკლებით, რომლებიც აღნიშნულია სამოქალაქო სამართლის კოდექსის 973 მუხლში და 974 მუხ. 4 პუნქტში, რაც მოვალეს უფლებას აძლევს დაასახელოს ის ნივთები, რომლებიც სხვებზე ადრე უნდა გაიყიდოს ვალის დასაფარავად. თუ მოძრავი ქონების გაყიდვის შედეგად ვალი არ დაიფარება, მაშინ იყიდება უძრავი ქონება იმ წესის მიხედვით, რომელიც ითვალისწინებს ამ ქონებიდან ხაზინის სასარგებლოდ გადასახადის ამოღებას“.

მავლობაში შეიძლებოდა მილიონიანი ანგარიშის გარკვევა, განხილვა და ზუსტად დადგენა. ამასთან, ქალაქის სალარო განა ისე მდიდარია, რომ 60.000 მან. მისთვის არავითარ ინტერესს არ წარმოადგენს?

როცა ქალაქის შემოსავალზე ვლაპარაკობთ, არ შეიძლება არ აღვნიშნოთ ერთი უცნაური გარემოება: ქალაქის მიწების გაყიდვის შედეგად, 1877 წელს შემოვიდა 5.349 მან. 10 კაპ. (საანგარიშო მოხსენება, დამატება № 5, გვ. 7), რომელიც საბჭოს განკარგულებით სპეციალურ თანხას მიაწერეს. რით ხელმძღვანელობდა საბჭო, როცა ამ ფულის სპეციალიზაციას ახდენდა. თამამად შეიძლება ითქვას, რომ არაფრით. ჩვენ არ შევეცდებით, თუ ვიტყვით, რომ ამ შემთხვევაში საბჭო მოქმედებდა წუთიერი შთაბეჭდილების ზეგავლენით, ანდა საბჭოს რომელიმე ორატორის ბრწყინვალე სიტყვის ზემოქმედებით, წევრისა, რომელსაც საქმის არსი სრულიად არ ესმოდა. ჩვენს აზრს ყველაზე უკეთ ადასტურებს შემდეგი ფაქტი. 1877 წლამდე ქალაქს ჰქონდა რამდენადმე სპეციალური ხელუხლებელი კაპიტალი: საპენსიო, ქალაქის იმ სახლის გაყიდვის შედეგად შემოსული ფული, რომელშიც ცხოვრობდნენ კომენდანტი და სხვები (გადასახადის შემოსავალი, § 9, გვ. 1, ახსნა-განმარტება), რაც შეადგენდა საკმაოდ მოზრდილ თანხას 40 ათას მანეთზე მეტს. ერთ მშვენიერ საღამოს საბჭომ ეს ფული გაიღო მიმდინარე სახარჯთაღრიცხვო ხარჯების დასაფარავად და, ამავე დროს, არც 109 მან. 54 კაპ. დახარჯვისა შერცხენია. მაგრამ დახარჯა რა ამგვარად წინა წლების დანაზოგი, საბჭო უეცრად გაიტაცა სპეციალური კაპიტალის შექმნის წადილმა და ამ გატაცებამ ისე იმოქმედა მასზე, რომ 5.349 მან. 10 კაპ. სპეციალურ ფონდში გადარიცხა. ეს თანხა მან წინასწარ ამოიღო 1877 წლის შემოსავლიდან. და ეს მაშინ, როცა გათვალისწინებულ ხარჯებს 37 ათასი მან. რაოდენობით არავითარი რეალური მნიშვნელობა არ ჰქონდა და მხოლოდ საბუღალტრო დავთრებს ამშვენებდა. ასეთი ხარჯის შემდეგ საღი აზრი მოითხოვდა გაეძლიერებიათ შემოსავალი ახალი რესურსებით, მაგრამ საბჭო პიროქით მოიქცა: შეამცირა შემოსავალი 5.349 მან. 10 კაპ. და ამ უკანასკნელს რაღაც უცნობი, სპეციალური დანიშნულება მისცა. შეიძლება კაცმა იფიქროს, რომ საბჭოში სოლიდური ადამიანები კი არა, ფანტაზიორები სხედან!

3

აღვნიშნეთ რა გადასახადის აკრეფასთან დაკავშირებული ქალაქის საზოგადოებრივი სამმართველოს მოღვაწეობის არსებითი მხარეები და არ შევხებხვიართ რა ბევრ ისეთ მოთხოვნილებებს, რომელთა

განხილვა შორს წაგვიყვანდა, ახლა შევეხოთ ხარჯთაღრიცხვით გათვალისწინებულ ხარჯებს.

ცალკეული მუხლების მიხედვით დაიხარჯა:	
ქალაქის საზოგადოებრივი სამმართველოს	
შესანახად	72.349 მან. 83 კაპ.
პოლიციის შესანახად	72.939 მან. 23 ¹ / ₂ კაპ.
ქალაქის სამედიცინო მომსახურებაზე	7.071 მან. 78 კაპ.
საგუბერნიო ციხის შესანახად	5.962 მან. 20 კაპ.
დამატებით ხელფასზე	9.080 მან. 12 კაპ.
ქალაქის საზოგადოებრივი ქონების შესანახად	399 მან. 28 კაპ.
ქალაქის კეთილმოწყობაზე	75.850 მან. 74 კაპ.
ჯარის სადგომებზე	138. 777 მან. 38 კაპ.
სხვადასხვა დაწესებულებების	
დასახმარებლად	.14.631 მან.
სხვადასხვა ხარჯი	7.316 მან.
მიმოქცევის ხარჯები	150 მან.
საზეხარჯთაღრიცხვო ხარჯები	32.765 მან.
	<hr/>
	სულ: 490.629 მან. 28 ¹ / ₂ მან.

როგორც ზემოთ მოყვანილი ციფრებიდან ჩანს, ყველაზე დიდი ხარჯი გაიღეს: ჯარის სადგომებზე, ქალაქის პოლიციაზე, ქალაქის კეთილმოწყობაზე და ქალაქის საზოგადოებრივი სამმართველოს შესანახად. პირველმა ორმა მუხლმა ქალაქის შემოსავლის თითქმის ნახევარი შთანთქა. ხოლო თითოეულმა დანარჩენმა თითქმის — ¹/₇.

ასი ათასი მანეთის დახმარება, რასაც საერობო უწყევს ყოველწლიურად ქალაქს (გადასახადის შემოსავალი, § 7, გვ. 2) სამხედრო მოსამსახურეებს ბინის ჭირით დასაკმაყოფილებლად, ქალაქს დიდად ეხმარება ჯარის სადგომების მოწყობაში. სამაგიეროდ პოლიციის შესანახი თანხა მთლიანად ქალაქის სალაროს აწევს და ეს მისთვის საგრძნობი ტვირთია. მით უფრო, რომ იგი ქალაქის დებულებით გაპირობებული არაა. ამ საკითხის შესახებ გამგეობა აცხადებს, რომ საბჭომ უკვე აღძრა შუამდგომლობა პოლიციის შესანახი, ციხეების გათბობის, განათებისა და ზოგიერთი სხვა სტატიით გათვალისწინებული ხარჯის შესამცირებლად, რომელთა გაღება გამართლებულია მხოლოდ და მხოლოდ აუცილებლობით, რასაც სხვათა შორის, ქალაქის საბჭო არ ეთანხმება.

იმ ხარჯების შემცირებას, რომლებიც არამწარმოებლურად ნთქავს ქალაქის სახსრებს, ჯერ კიდევ სამი წლის წინათ უნდა მიქცეოდა ყურადღება, რაც შესაძლებლობას მისცემდა ქალაქს დაე-

ზოგა არა ერთი ასი ათასი მანეთი მოსახლეობის გადაუდებელი და საარსებო საჭიროებისათვის. მაგრამ „სჯობს გვიან, ვიდრე არას-
ლროს“, ამბობს ზარმაცებისა და დაუდევრებისათვის მოგონილი
ანდაზა. დავიმშვიდოთ თავი ჩვენც, ჩვენ საზოგადო მოღვაწე-
ებთან ერთად, ამ ანდაზის მეოხებით და იმედი ვიქონიოთ, რომ ასი
ათასობით მანეთს ქარს არ გაატანენ, ყოველ შემთხვევაში, მომავალ-
ში მაინც.

ქალაქის საზოგადოებრივი სამმართველოს შესანახად იხარჯება
თითქმის იმდენი, რამდენიც ქალაქის კეთილმოწყობაზე. ალბათ იმ
ვარაუდით, რომ ასი ათასიანი ქალაქისა და სამმართველოს პირადი
შემადგენლობის მოთხოვნილებები ზუსტად თანაბარია. ამ სამართ-
ლიანი ვარაუდის საფუძველზე დაამტკიცეს, ალბათ, ქალაქის სამ-
მართველოს შტატი ათას მანეთიანი ჯამაგირებით. მაგრამ 1877 წელს
გამგეობამ ესეც არ იკმარა, რადგან მოეჩვენა, რომ ქალაქის თავი
ძალზე ცოტა ჯამაგირს ღებულობს, წელიწადში რაღაც 7.000 მან. და
ამიტომ ამ თანხას დაამატეს კიდევ 20 კაპ. ახლა ქალაქის თავი 7.000
მან. და 20 კაპ. ღებულობს (ბუღალტრული ანგარიში, § 1, გვ. 1.
ახსნა-განმარტება). მართალია, ეს წვრილმანია, მაგრამ ამგვარი
წვრილმანები გვიჩვენებს, თუ რა სწორად ადგენს ფულად ანგარიშ-
სწორებას გამგეობა.

რაც შეეხება დანარჩენ მუხლებს, — ზოგიერთ მათგანს, უფრო
სერიოზულს, ჩვენ შევეხებით შეუსრულებელი ხარჯთაღრიცხვის გან-
ხილვის დროს, რაც ნაჩვენებია საკრედიტო სიებში (დამატება № 1).
ეს სია წარმოადგენს ორიგინალურ და მეტად საინტერესო დოკუ-
მენტს. სხვა მონაცემები სულ რომ არ არსებობდეს, ეს ერთი დო-
კუმენტიც კი საკმარისი იქნებოდა იმის გასაგებად, თუ როგორ აწარ-
მოებს საქმეს ქალაქის სამმართველო. დავიწყოთ აქედან: გამგეობას
ძალზე ბუნდოვანი წარმოდგენა აქვს საკრედიტორო სიებზე, სადაც
შეაქვთ გარკვეული წლის ხარჯები ჩვეულებრივ იმ შემთხვევებში.
როცა ამ ხარჯის ყველა წვრილმანი ზუსტადაა ცნობილი, ე. ი. ვის
რამდენი ერგება და რისთვის? მაგრამ მიუხედავად ამ საყოველთაოდ
ცნობილი და მიზანშეწონილი წესისა, 1875 და 1876 წლების საკრე-
დიტორო სიებში საკმაოდ ზიარად ვხვდებით ისეთ თანხებს, რომ-
ლებიც არ უნდა გაცემულიყო; არც ისეთი კრედიტორების გვარე-
ბია ცოტა, რომელთაც არავითარი უფლება არ ჰქონდათ ფული მიე-
ღოთ ამ გარემოებამ აუცილებელი გახადა ჩამოეწერათ ანგარიში-
დან საკმაოდ მნიშვნელოვანი თანხა: მაგალითად, 1875 წლის შეუს-
რულებელი ხარჯებიდან 30.413 მან. 57 კაპ. (1876 წლის საანგარიშო
მოხსენება, დამატება № 7) ჩამოწერილია 718 მან. 22½ კაპ. (და-

მატება № 7), ხოლო 1876 წლის ასეთივე ხარჯის 57. 068 მან. 26 კაპიკიდან — 6.226 მან. 5 კაპ. (დამატება № 8). ამგვარად, ორივე სიიდან ჩამოწერილია 6.944 მან. 27¹/₂ კაპ., როგორც ზედმეტად ნაჩვენები. ეს ფაქტები კი იმას ამტკიცებს, რომ 1875 და 1876 წლების ხარჯთაღრიცხვის შედგენის დროს შეუსრულებელი ხარჯები არ იყო ზუსტად დადგენილი და შედგენილი ხარჯთაღრიცხვის კრედიტების ნაჩვენები განუჩიველად შექონდათ ალბათ საკრედიტორო სიებში. თუ ანალოგიურ მსჯელობას ვაყვებით, უნდა გივარაუდოთ, რომ 1877 წელს საკრედიტორო სიებში ბევრი სავარაუდო ციფრი აღმოჩნდება, რომელთა უზუსტობა გამომჟღავნდება 1878 წელს და ცნობილი გახდება ამ წლის საანგარიშო მოხსენებიდან.

საკრედიტორო სიების შედგენის ამგვარი ხერხი გვართმევს ყოველგვარ შესაძლებლობას სასურველი სიზუსტით განვსაზღვროთ გარკვეული ფინანსიური წლის ბრუნვა. გარდა ამისა, ეს იწვევს ხარჯთაღრიცხვის დიდ არევე-დარევეს. ამ საერთო ნაკლოვანებებისაგან დამოუკიდებლად, გამგეობის საკრედიტო სიებს ახასიათებს აგრეთვე ბევრი კერძო ნაკლოვანებაც, რაც ნათელს ჰფენს გამგეობის მოღვაწეობის ზოგიერთ მხარეს. ავიღოთ, მაგალითად, 1877 წლის საკრედიტო სია. ამ სიაში № 172-ით ნაჩვენებია შეუსრულებლად 6.000 მან., რომლითაც უნდა დაეფარათ შეუსრულებელი ხარჯები. ეს ისეთი მარგალიტია, რომლის მსგავსსაც ძნელად მონახავთ ყველა ჯურის საზოგადო და კერძო დაწესებულებებში. საქმე ისაა, რომ წინა, 1875 წლის მანძილზე შეუსრულებელი ხარჯები დაგროვდა 20.351 მან. 74³/₄ კაპ. რაოდენობით (1876 წლის ხარჯთაღრიცხვა, § 12, გვ. 7), რომლის დასაფარავად დაწყებული 1876 წლიდან ყოველწლიურად გამოჰყოფდნენ 6.000 მანეთს. მაგრამ, გამგეობის უყაირათობის გამო, ასეთ ასიგნებას არავითარი შედეგი არ გამოუღია: ორი წლის მანძილზე 12.000 მან. გამოყოფამ შეუსრულებელი ხარჯების დასაფარავად მხოლოდ ის პატივისცემა დაიმსახურა, რომ 1876 და 1877 წლების საკრედიტორო სიებს ამშვენებს 107 და 172 ნომრებით, შეუსრულებელი ხარჯების სახით.

საერთოდ, ქალაქის საქმეების წარმოებაში გამგეობამ ბევრი გონებამახვილობა გამოიჩინა. მაგალითად, იმავე 1877 წლის საკრედიტორო სიაში, 167 ნომრით, ნაჩვენებია შეუსრულებელი ხარჯები. 3.000 მან. რაოდენობით, რაც უნდა რგებოდა ქალთა კომიტეტს და დაჭრილებისათვის მზრუნველ საზოგადოებას, ე. ი. ქალაქმა დაჭრილების სასარგებლოდ გაიღო 3.000 მან., ხოლო გამგეობამ, იმის ნაცვლად, რომ გაეგზავნა იგი დანიშნულებისამებრ, დაჭრილებისათვის დამხმარე საზოგადოებისათვის, საჭიროდ ცნო შეეტანა საკრე-

დიტორო სიებში. ვერაფერს იტყვი, კარგი დახმარებაა! უნდა ვივარაუდოთ, რომ ზავის დადების შემდეგ და იმის გამო, რომ ბევრი დაკრილი სამუდამოდ „განიკურნა“ მუდმივი სიმშვიდის საუფლოში, ხოლო სხვები, გამოჯანმრთელების შემდეგ, თავიანთ ნაწილებში დაბრუნდნენ, დანარჩენები კი სამშობლოში გაემგზავრნენ, გამგობა ალბათ აუცილებლობად თელის აღნიშნული 3.000 მან., არსებული წესის თანახმად, ჩამოწეროს, როგორც საჭიროებას მოკლებული. მარტივი და სანაქებოა!

მოვიყვანთ კიდევ ერთ ფაქტს. იმავე საკრედიტორო სიაში 168—171 ნომრებით შეტანილი ციფრები იმას ნიშნავს, რომ ვადიანი და საპროცენტო ვალი არ გადაუხდიათ: ამიერკავკასიის საზოგადოებრივი მზრუნველობის უწყებისათვის: ერთი 757 მანეთის რაოდენობით, მეორე — 277 მან. რაოდენობით, მესამე — 1.801 მან. რაოდენობით. მთელი ვალი შეადგენს — 2.835 მანეთს; კავკასიის მეფისნაცვალისათვის არ გადაუხდია — 3. 343 მან., ეკლესიების საამშენებლო უწყებისათვის — 878 მან., მიხეილის სახელოსნო სასწავლებლისათვის — 270 მან. ვადიანი და საპროცენტო სესხი მთლიანად დაგროვდა 7.326 მანეთის რაოდენობით. ასეთივე ვითარებაა იმ ვადიანი ვალების გადახდის საქმეში, რომლებიც 1875 და 1876 წლებში უნდა დაეთართ: 1875 წელს კავკასიის მეფისნაცვალს არ გადაუხადეს — 4.052 მან. 69¹/₂ კაპ. (დამატება № 7), 1876 წელს იმავე თანხიდან არ გადაუხდიათ 3.343 მან., ამიერკავკასიის საზოგადოებრივი მზრუნველობის უწყებისათვის არ გადაუხდიათ 757 მან., ეკლესიების საამშენებლო უწყებისათვის — 878 მან., მიხეილის სახელოსნო სასწავლებლისათვის — 270 მან. (დამატება, № 8 გვ. 102—104 და 106). სულ, სამი წლის განმავლობაში, ვადიანი და საპროცენტო ვალი გადაუხდელია 16.636 მან. 69¹/₂ კაპ. რაოდენობით, და თუ ამას დავუმატებთ ზემოთ აღნიშნულ 12.000 მანეთს, მაშინ ყველა გადაუხდელი ვადიანი ვალი შეადგენს 28.636 მან. 69¹/₂ კაპიკს, რაც ამჟამად ამშვენებს საკრედიტორო სიებს.

სამწუხაროა, რომ ასეთ ფაქტებს ვხვდებით. ვფიქრობთ საჭიროა მოვიყვანოთ ანგარიშიდან სიტყვები, ნათქვამი შეფასებითი გადასახადის არადამაკმაყოფილებელი აკრეფის შესახებ;

„შეფასებითი გადასახადის არადამაკმაყოფილებლად აკრეფის მიზეზი, გადასახადისა, რომელიც წარმოადგენს ქალაქის შემოსავლის ძირითად წყაროს, ისაა, რომ უძრავი ქონების მფლობელ მასას ჯერ კიდევ არ გააჩნია მოვალეობის გრძნობა, რომელიც ვალდებულს ხდის თითოეულს წესიერად შეიტანოს ის გადასახადი, რომელიც საერთო სარგებლიანობისათვის იხარჯება“.

დავუშვათ, რომ განუვითარებელი მასა, რომელსაც არ გააჩნია მოქალაქეობრივი მოვალეობის გრძნობა, ამა თუ იმ მიზეზით ყოფილიყო გამგეობის მოქალაქეობრივი მწუხარების საგანი, მაგრამ საკითხავია: ინტელიგენტურ გამგეობას აქვს კი შეგნებული საკუთარი ვალდებულება, რაც მოვალეს ხდის წესიერად გადაიხადოს ვალეები? როგორც ჩანს, არა. ამავე დროს, ძალზე სამწუხაროა, რომ ამ შემთხვევაში ილახება არა ვინმეს კერძო ინტერესი, არამედ — მთელი ქალაქის. აღარაფერს ვამბობთ საქმის დასავლობ მხარეებზე, მაგრამ საპროცენტო ვალეების გადაუხდელობა კიდევ ერთ მნიშვნელოვან და საგრძნობ უხერხულობას უქმნის ქალაქის საღაროს: ვადაზე ფულის გადაუხდელობას თან სდევს პროცენტებისა და ჯარიმის დარიცხვა. ნუთუ გამგეობა მხოლოდ იმ მიზნისაკენ ისწრაფვის, რომ გაზარდოს ქალაქის ვალი რაღაც არ უნდა დაუჯღეს? ეს, ცხადია, არ უნდა დავუშვათ. გამგეობის ასეთი უცნაური მოქმედება ძალზე ადვილი ასახსნელია: მან არ იცის რას აკეთებს. ამ აზრის დასამტკიცებლად ჩვენ საკმაოდ ბევრი ფაქტი მოვიყვანეთ; მეტი დამაჯერებლობისათვის დავუმატებთ კიდევ ერთსა და უკანასკნელს.

საანგარიშო მოხსენებას დართული აქვს ცნობები, რომელშიც ასახულია, თუ რა მდგომარეობაშია ქალაქის ვალეები სხვადასხვა დაწესებულებებზე: სააღმრწამო (დამატება, № 11) და ნათქვამია: მთელი დაუფარავი ვალეები შეადგენს 75.446 მან. 16 კაპიკს. ყველა, ვინც ხელში აიღებს ამ უწყისს და გადახედავს ჯამს, გაიფიქრებს, რომ ქალაქის ვალიანი ვალი სულ რაღაც 75.446 მან. 16 კაპ. შეადგენს და, იფიქრებს რა ასე, იგი სრულიად მართალი იქნება, რადგან საქმე აქვს ოფიციალური დაწესებულებების ოფიციალურ დოკუმენტთან. მაგრამ ძალზე შეცდება თუ დაეყრდნობა დოკუმენტს, რომელიც თავიდან ბოლომდე სავსეა ფანტასტიური ციფრებით. საერთოდ, ფანტასტიური ელემენტი საანგარიშო მოხსენებაში ყველგან გვხვდება, მაგრამ განსაკუთრებით მრავალადა აღნიშნული ამ დოკუმენტში, რომელშიც ყველა ციფრი, გარდა ერთისა, მცდარია. დავიწყეთ თუნდაც აქედან: დაუფარავი ვალი შეადგენს არა 75.446 მან 16 კაპიკს, არამედ — 112.434 მან. 60 კაპიკს, რასაც გვაძლევს შემდეგი ციფრების ჯამი:

გამგეობის დავალიანების უწყისი გვიჩვენებს	75.446 მან. 16 კაპ.
გადაუხდელია სესხთა ვალიანი ვალი და ნაჩვენებია მხოლოდ საკრედიტორო სიებში	16.636 მან. 69 ¹ / ₂ კაპ.
არ გადაუხდიათ საინტენდანტოსთვის და ნაჩვენებია მხოლოდ საკრედიტორო სიებში	12.000 მან.

სრულიად არაა ნაჩვენები საანგარიშო მოხსენებაში
საინტენდანტო პოლიციის დაბალი მოხელეებისათვის
და სახანძრო რაზმისათვის გაცემული
პროვიანტისათვის

8.351 მან. 74³/₄ კაპ.

სულ დაუფარავი ვალი შეადგენს: 112.424 მან. 60¹/₄ კაპ.

ე. ი. გამგეობის მიერ ნაჩვენებ ციფრებზე 36.988 მან. 44¹/₄ კაპიკით მეტია. ამგვარი სხვაობა გამოიწვია: ჯერ ერთი იმან, რომ გამგეობამ სრულიად არ შეიტანა მოხსენებაში საინტენდანტოს ვალი 8.351 მან. 74³/₄ კაპ. რაოდენობით; არია რა საკრედიტორო სიები ვადიანი და საპროცენტო სესხების ანგარიშთან, გამგეობამ წარმოიდგინა, რომ საკრედიტორო სიებში ვადიანი ვალების შეტანა იგივეა, რაც ვალების ნამდვილად გადახდა და ამიტომ დავალიანების უწყისში აღარ შეიტანა 28.636 მან. 69¹/₂ კაპ. ამ მოსაზრებების შედეგად ისეთი ვალები აღმოჩნდა დაფარული, რომლებიც ჯერ კიდევ გადაუხდელია. მაგალითად, 2.000 მან. ნასესხები ამიერკავკასიის უწყებიდან სოლოლაკში თხრილების გასათხრელად და სხვა.

თუ ვადიან გადასახადს 112.434 მან. 60¹/₄ კაპ. დაუმატებთ შესრულებელ ხარჯებს 46. 295 მან. 80¹/₂ კაპ. რაოდენობით, მაშინ აღმოჩნდება, რომ ქალაქის ვალი შეადგენს 158.730 მან. 40³/₄ კაპიკს, რომლიდანაც 83.797 მან. 90³/₄ კაპ. უნდა დაიფაროს თანდათან, გარკვეულ ვადებში, ხოლო დანარჩენი 74.932 მან. 50 კაპ. უნდა დაიფაროს 1877 წლის ხარჯებს გადარჩენილი 38.008 მან. 17¹/₄ კაპ. ნაღდი ფულით.

ამგვარად, თუმცა სხვა გზით, მაგრამ ჩვენ ისევ იმ დასკვნამდე მივედით, რომ ქალაქის სალაროს სრული დაცარიელებისა და იმის გამო, რომ დროზე არ მიიღეს საჭირო ღონისძიებები, გამგეობამ ვერ შესძლო გადაეხდა კრედიტორებისათვის 36.924 მან. 32³/₄ კაპ., მიუხედავად სპეციალური წყაროებიდან შემოსული განსაკუთრებული დახმარებისა 40.669 მან. რაოდენობით. აი, ასეთია 1877 წლის საბოლოო შედეგები.

დასასრულ გვინდა რამდენიმე სიტყვა ვთქვათ დამხმარე კაპიტალის შესახებ, რომელიც ეკუთვნის მიხეილის სახელოსნო სასწავლებელს. საანგარიშო მოხსენების მე-10 ნომერი გვატყობინებს, რომ „დამხმარე კაპიტალი გამგეობას გადასცა ყოფილმა საამშენებლო განყოფილებამ და ამ დროისათვის შეადგენდა: ნაღდი ფული — 7.705 მან. 14¹/₂ კაპ., 74 მოვალისაგან: კაპიტალი — 124.463 მან. 97¹/₄ კაპ., პროცენტი — 48.284 მან. 46¹/₄ კაპ., დაზღვევის თანხა — 2.101 მან. 9 კაპ. სულ ვალი შეადგენდა 174.840 მან. 52¹/₂ კაპ. წლის

მანძილზე ვალს დაემატა 600 მან. 80 კაპ. მოვალეებს სულ ემართათ 175. 450 მან. 32 $\frac{1}{2}$ კაპ. ამის შემდეგ, 1877 წლის მთელი შემოსავლისა და გასავლისა, 1878 წლის იანვრისათვის დარჩა: ნაღდი ფული — 5.112 მან. 63 $\frac{1}{4}$ კაპ., მოვალეებს ემართათ — 115.008 მან. 23 კაპ., პროცენტი — 44.005 მან. 5 $\frac{3}{4}$ კაპ. და დაზღვევის თანხა — 2.086 მან. 96 კაპ., სულ მოვალეებს ემართათ — 161.100 მან. 24 $\frac{3}{4}$ კაპ. და ბოლოს, დამხმარე კაპიტალს ვალად აწევს კავკასიის მეფისნაცვალის მთავარი სამმართველოს 17.625 მან. 85 $\frac{3}{4}$ კაპიკი, სამხედრო უწყების — 30.804 მან. 1 $\frac{3}{4}$ კაპ., სულ — 48.429 მან. 87 $\frac{1}{2}$ კაპიკი. აი, ყველა ცნობა დამხმარე კაპიტალის შესახებ.

ეს კაპიტალი წარმოადგენს მიხეილის სახელოსნო სასწავლებლის შესანახ ძირითად ფონდს და განკუთვნილია ქალაქის მოსახლეობის ისეთი საარსებო საჭიროებისათვის, რომ ჩვენ იმედი გვქონდა, გამგობა მეტ ცნობებს მოგვაწვდიდა ამ თანხის შესახებ; გაგვაცნობდა ამ თანხის დაწვრილებით ისტორიას, რასაც ალბათ საბჭოც კი არ იცნობს, ხოლო საზოგადოება მით უმეტეს. აღარაფერს ვამბობ იმის შესახებ, რომ დამხმარე კაპიტალზე დადის მთელი ლეგენდები, რომლებიც ჯერ კიდევ იმ დროს წარმოიშვა, როცა ის სულ სხვა დაწესებულებების განკარგულებაში იყო. ამ თანხის ისტორიის გადმოცემა კიდევ იმიტომ იყო საჭირო, რომ საანგარიშო მოხსენებაში მოყვანილი მონაცემები არ გვიქმნის სრულ წარმოდგენას დამხმარე კაპიტალის მდგომარეობის შესახებ. მაგალითად, საანგარიშო მოხსენების ჩვენებების თანახმად არ ჩანს, ვის ასესხეს 115.008 მან. 23 კაპ., რითაა უზრუნველყოფილი თითოეული მოვალის ვალი, რამდენია ვალიანი და რამდენი გადავადებული ვალი, რა ზომები მიიღეს გადავადებული ვალის ამოსაღებად? და ბოლოს, რატომ მართებს დამხმარე კაპიტალიდან კავკასიის მეფისნაცვალის მთავარ სამმართველოს და სამხედრო უწყების — 48.429 მან. 87 $\frac{1}{2}$ კაპ.? იქნებ ეს ვალი იმ დროს აიღეს, როცა ქალაქში კლასიკურ ქვაფენილს აგებდნენ? ამ შემთხვევაში უნდა შევსებულყოფიყოს ეს ვალი? და თუ უნდა შევსებულყოფიყოს, რა საშუალებით, რომელი წყაროდან? ყველა ეს კითხვა იმდენად სერიოზული და საინტერესოა, რომ შეუძლებელია დუმილით აუარო გვერდი.

ამით ვამთავრებთ 1877 წლის საანგარიშო მოხსენების განხილვას. ჩვენ არ შევხებივართ საანგარიშო მოხსენების ბევრ კერძო და უსიამოვნო წვრილმანს. ვფიქრობთ, რომ ქალაქის საზოგადოებრივი სამმართველოს მოღვაწეობის ხასიათი მათ გარეშეც მეტად ცხადია, რის გამოც ვაისაქალაქო შეურწმობა მთლიანად მოიშალა. მაგრამ რა სამწუხაროც არ უნდა იყოს ამგვარი შედეგები, ჩვენ მაინც

იმედი გვაქვს, რომ ქ. თბილისის წარმომადგენლები გამოიყენებენ წარსულის გაკვეთილებს უკეთესი და უფრო ნაყოფიერი მოღვაწეობისათვის. მიუხედავად მათი შეცდომებისა, მარცხისა და სხვა, მათ მაინც ბევრი რამ გააკეთეს ქალაქისათვის გასული სამი წლის განმავლობაში. მაგრამ ეს მხოლოდ ზღვაში წვეთია იმასთან შედარებით, რაც ჯერ კიდევ გასაკეთებელია. წინ ბევრი სამუშაო გველის, ხოლო ამ სამუშაოს რომ თავი გაეართვათ, აუცილებელია ღირსეულად შევაფასოთ ქალაქის მეურნეობის ახლანდელი მდგომარეობა და მტკიცედ გავატაროთ ის ღონისძიებები, რომელთაც მომავალში ქალაქის საზოგადოებრივი სამმართველოს წარმატებები უნდა უზრუნველყონ.

60. ქალაქის საბჭოს სხდომა

2 ოქტომბერს, სრულიად შემთხვევით, ქალაქის საბჭოს სხდომაზე მოვხვდი. ზედმეტი არ იქნება, თუ მკითხველებს გავუზიარებ იმ შთაბეჭდილებებს, რაც ჩემზე მოახდინა ამ სხდომაზე დანახულმა და გავონილმა. როგორც გაზეთებმა გამოაცხადეს, სწორედ ამ დროისათვის მე უკვე ვიყავი საბჭოში. ვწუხდი, მეგონა დამაგვიანდებოდა, მაგრამ გამოაცხადა იმან, რომ სანამ საბჭოს წევრთა საჭირო რაოდენობა მოიყრიდა თავს, კიდევ დიდხანს მომიხდა ლოდინი. აქ დამხვდა არა უმეტეს ხუთი კაცისა. ისინი ფიქრობდნენ, რომ სხდომა არ შედგება და, სანამ ამ ამბის გამოცხადებას ელოდნენ, სხვადასხვა საკითხებზე საუბრობდნენ. ერთი მათგანის გვარი იყო ელიმიროზოვი. ეს უკანასკნელი, სხვათაშორის, ამბობდა, რომ რომელიღაც კანონის თანახმად, საბჭოს სხდომების მოწვევა წელიწადში მხოლოდ ორჯერაა სავალდებულო. ერთი — ხარკთააღრიცხვისათვის, მეორე — საანგარიშო მოხსენებისათვის; რომ თბილისი განსაკუთრებულ გულმოდგინებას იჩენს და სხდომას ყოველ კვირა იწვევს; რომ რუსეთში არც ერთი ქალაქი არ ეკიდება ამ საქმეს ისე სერიოზულად და გულმოდგინედ, როგორც თბილისი. ყველაფერი ეს მე გულწრფელად დავიჯერე და მოუთმენლად ველოდი იმ წუთს, როდის მომეცემოდა შესაძლებლობა, სასოებით დამეგდო ყური ამორჩეულთა მსჯელობისათვის ქალაქის საქმეების შესახებ. ცხრა საათისათვის საბჭოს წევრთა საჭირო რაოდენობა შეგროვდა და სხდომაც დაიწყო. გარეშე პირი ვიყავი მე და კიდევ რამდენიმე კაცი, რომელთაგან ორი სასარგებლო აღმოჩნდა და კამათის დროს საბჭოს წევრებს ზოგი ცნობა მიაწოდეს. ასე რომ, მე უნებურად მომეჩვენა, თითქოს ისინი აქ თავიანთი სურვილით კი არ მოვიდნენ, არამედ საგანგებოდ მოიწვიეს. მე არაჩვეულებრივად გამიკვირდა, რომ ჩვენს საზოგადოებას ასე ნაკლებად აინტერესებს საზოგადოებრივი საქმე, ე. ი. თავისი საქმე. უწინ, როცა მე ჯერ კიდევ ახალგაზრდა ვიყავი და გულწრფელად მწამდა საერთო ცხოვრების უმაღლესი პრინციპები, არ მეგონა, რომ ჩვენს საზოგადოებას მეტისმეტად მოუარიდებლად ექცევიან და განგებ არ უშვებენ იმ დაწესებულებებში, სადაც მისი

ბედი წყდება, სადაც მის მიერ შეტანილ ფულს ამა თუ იმ მიმართულებას აძლევენ. ახლა, როცა დავბერდი, როცა ჭაღარა გამომერია, როცა მოხუცი კაცის ცხოვრების გამოცდილება მაწევს, სევდამ შემიპყრო იმის გამო, რომ ჩვენი საზოგადოება, ყოველგვარი ძალდატანების გარეშე, საკუთარი ინერტიულობის გამო არ ესწრება იმ დაწესებულების მსხდომებს, სადაც ხმამაღლა, სახალხოდ წყდება ქალაქის საქმეები, რაც თითოეული მათგანის კერძო ცხოვრებასთანა დაკავშირებული; სადაც იხილავენ საკითხებს, რომლებიც პირადად ჩვენ გვეხება, სადაც ამორჩეულები განაგებენ ქალაქის საჭიროებისათვის განკუთვნილ საზოგადო კაპიტალს. ყველა ეს აზრი სწორედ იმ დროს მიტრიალებდა თავში, როცა ვინმე მოხსენებას აკეთებდა, ხოლო ხმონენები ყურადღებით უსმენდნენ. ამ სიამოვნებას მხოლოდ ჩვენ, საბრალო უცხო პირები ვიყავით მოკლებულნი, რადგან ჩვენს მხარეს ფანჯარა ღია იყო და ეკიპაჟების ხმაური საშუალებას არ გვაძლევდა ყური დაგვეგდო ლექტორისათვის. ზოგჯერ ჩვენამდე მხოლოდ ცალკეული სიტყვები აღწევდა, ხოლო მთელი დანარჩენი დროის მანძილზე გაუგებარი ბგერები გვესმოდა. კამათი საკმაოდ ხმამაღლა მიმდინარეობდა, შემდეგ დახურეს ფანჯარა და ახლა ჩვენ უკვე ყველაფერი გვესმოდა. ე. ი. გვესმოდა კამათი იმის შესახებ, თუ როგორ ადგენდნენ ხმონენები ცნებებს — „მენარჩენე“ და „გადამხდელი“. რამდენადაც მე ვერ გავიგე, რა საკითხს ეხებოდა მოხსენება, იმდენად ვერც იმას მივხვდი, თუ რა საჭირო იყო ამ ბუნდოვანი სიტყვების აზრის დადგენა. ბატ. ელიმირზოვი ისეთ კაცად მომეჩვენა, რომელიც თითქოს მთელი თავისი არსებით შეერწყა საბჭოს დებულებათა პარაგრაფებს; მენარჩენებისა და გადამხდლების საკითხს კანონმდებლის საფუძვლიანობით იხილავდა და გამუდმებით მოჰყავდა წესდების მუხლები. მისი აზრით, გადამხდელი ჰქვია იმ კაცს, რომელსაც გადასახადი დადგენილ ვადებში შეაქვს, ხოლო მენარჩენე იმას — რომელსაც საბჭო შეღავათს აძლევს და ვადას უგრძელებს. პირველი სარგებლობს ამომრჩეველთა უფლებებით, ხოლო მეორეს ჩამორთმეული აქვს ეს უფლებები. ამიტომ, ამ საკითხის ირგვლივ დიდხანს გრძელდებოდა მჭევრმეტყველება. ბატ. იოანისიანის მაგალითებით ამტკიცებდა იმ აზრს, რომ რაკი საბჭომ გამოწაკლისი დაუშვა რომელიმე პირის მიმართ და გადასახდელად სხვა ვადა დაუნიშნა, მაშინ რატომ უნდა ეწოდოს ასეთ პირს მენარჩენე, როცა გადასახადის გადახდის დრო მისთვის ჯერ არ დამდგარა? იგი ისეთივე გადამხდელია, როგორც ის კაცი, რომელმაც დროზე შემოიტანა გადასახადი? ბატ. იოანისიანის აზრმა საწინააღმდეგო აზრი გამოიწვია: თუ ორივე თანაბარი გადამხდლებია, თუ ერთნა-

ირად ისარგებლებენ ამომრჩეველთა უფლებებით, მაშინ არავინ არ აჩქარდება დროზე გადაიხადოს გადასახადი და მთელი ქალაქი გამოიუსწორობელ გადამხდელად გადაიქცევა. მაგრამ საწინააღმდეგო აზრი იმით უარყვეს, რომ საბჭო მხოლოდ მათ მისცემს შეღავათს, რომლებიც წარმოადგენენ საქმაოდ საპატიო მიზეზებს. რით გათავდა ეს დავა — ჩვენ ვერ გავიგეთ.

შემდეგ დაისვა საკითხი ფილანტროპიის შესახებ, ცხადია, კერძო შემთხვევასთან დაკავშირებით და არა თეორიული ფორმით. წინადადება შემოიტანეს — შესაძლო დახმარება გაუწიონ წვრილ მოხელეთა ოჯახებს, რომლებიც ომის დროს დაზარალდნენ. ერთი ხმოსანი ისე გატაცებით ლაპარაკობდა, რომ ამ საქმეს „წმინდა“ უწოდა. მაგრამ ფილანტროპიული გატაცება დააცხრო მწარე შენიშვნამ იმის შესახებ, რომ საბჭოს წესდებაში არ არის ამგვარი პარაგრაფი; რომ საბჭო სცნობს ხარჯის მხოლოდ ორ კატეგორიას: აუცილებელსა და არა აუცილებელს; „წმინდათა“ კატეგორია საბჭოს საქმეებში სრულიად არაა მოხსენებული. „წმინდა“ მიაკუთვნეს არააუცილებელ ხარჯებს. დაიწყო კამათი და აღმოჩნდა, რომ ქალაქის საბჭოს არ გააჩნია არა აუცილებელი ხარჯების დასაფარავი სახსრები, ხოლო „წმინდა“ საქმეებისათვის ჯიბე თხელი აქვს. თუმცა, მიუხედავად ყოველივე იმისა, რაც აქ ითქვა, მაინც დაამტკიცეს მოხსენება რამდენიმე ათასი მანეთის შესახებ, რაც ჯარის გასამასპინძლებლად დაიხარჯა.

საბჭოს სხდომაზე ყველაზე საჭირობოროტო საკითხი იყო სასაკლავო ქალაქში გადმოტანის პროექტი. ხორციის სიძვირეს ხსნიდნენ აწორედ იმით, რომ სასაკლავო ქალაქგარეთ მდებარეობს. განსაკუთრებით საქმიანად ლაპარაკობდა ერთ-ერთი ხმოსანი, რომლის გვარიც კერავინ მითხრა. მისი სიტყვები დაახლოებით ასე შეიძლება გადმოიკეს: „ბატონებო! ჩვენ საქმის არსს მსხვერპლად ვწირავთ კანონის ფორმას. ჩვენ ვეყრდნობით იმას, რომ რუსეთის დიდ ქალაქებში იცავენ კანონს სასაკლავოების ქალაქის გარეთ მოწყობის შესახებ და ამ კანონს თბილისზეც ვავრცელებთ. მაგრამ ჩვენ გვაეიწყდება, რომ ცხელ თბილისსა და რუსეთის ცივ ქალაქებს შორის დიდი სხვაობაა. რუსეთში ყასბები ერთი არშინი სისქის ყინულს ყრიან ბედლებში. გაუყიდავი ხორცი გაფუჭებისაგან გარანტირებულია მეორე დღემდე; შეიძლება ხვალაც და მესამე დღესაც იმავე ფასად გაიყიდოს. ყასაბი ამის გამო დიდად არ წუხს, ჩვენთან კი სულ სხვაგვარადაა საქმე. ყასაბს ეშინია ხორცი დიდხანს გააჩეროს, ჭრის ძუნწად, მოშპირნედ. იმის გამო, რომ ჩვენში ხორცი განსაზღვრული რაოდენობითაა, ხოლო მოთხოვნილება დიდია, გაძვირდა და ჩვენ არ უნდა

გაგვიკვირდეს, თუ მეორე გაზაფხულამდე ერთი გირვანქა ხორცის ფასი 15-დან 20 კაპიკამდე აიწივს. ცხადია, მაშინ ჩვენ თბილისს პეტერბურგსა და მოსკოვს გავუტოლებთ არა მარტო სასაქლაოების შესახებ კანონის დაცვის საქმეში, არამედ ხორცის ფასითაც, მაგრამ რა სარგებლობას მოგვითანს ამგვარი გატოლება? რა მოგებას ვნახავთ, იმით, თუ ბუნებრივი პროდუქტებით მდიდარ ქალაქს გამოფიტულ პეტერბურგს გავუტოლებთ? ყველა ჩვენგანს და სხვა შეძლებულ ადამიანებს შეუძლიათ თავი არ შეიწუხონ ამის გამო: ჩვენ ყოველთვის გვექნება უხვად ყველაზე ახალი ხორცი. მაგრამ რა უნდა ქნას ღარიბმა კაცმა, რომელიც დროდადრო ხორცის ჭამას მიეჩვივა, როგორ დაიკმაყოფილოს ეს აუცილებელი მოთხოვნილება? ვღებულობ რა მხედველობაში ყველაფერს, რაც ვთქვი, მე დაბეჯითებით მოვითხოვ, რომ სასაქლაო აუცილებლად გადმოვიტანოთ ქალაქში, უწინდელ ადგილას და იმ პირობით, რომ განსაკუთრებულ სისუფთავეს დავიცავთ. აქამდეც ხომ ვუვლიდით ხოლმე კანონს გვერდს, უკიდურესი აუცილებლობის გამო ავუაროთ აწიცი“. ამის შემდეგ წამოაყენეს წინადადება: ვთხოვოთ დიდ მთავარს ნებართვა და ნუ ვაჭიანურებთ საქმეს პროექტებით და სხვა ფორმალობებითო. სამწუხაროდ, საბჭომ ვერ მიიღო ვერავითარი გარკვეული გადაწყვეტილება.

შემდეგ განიხილეს მიხეილის გზატკეცილის, კოლუჩაია ბაღის შეკეთების საკითხი და ა. შ. წამოაყენეს ბევრი გაბედული პროექტი, ბევრი ცრემლი დაღვარეს დაბა კოლუჩაია ბაღის ბედის გამო. ლაპარაკობდნენ პათეტურად იმაზეც, რომ ახალმოსახლეები წვიმაში მოუკირწყლავ ქუჩებში დადიან. უბედური ახალმოსახლენი რომ სამუდამოდ დაემშვიდებიანთ და დაეცვათ, თითქმის იქვე მდებარე სახლები რომ ნგრევისაგან გადაერჩინათ, წინადადება წამოაყენეს—აიგოს წყალსაშენები, რომელიც ქალაქს 80 ათასი მანეთი დაუჯდება; კიდევ რამდენიმე ათასი მანეთი გამოყვეს ქალაქის სხვა საარსებო საჭიროებისათვის.

ყველა ამ კეთილმომქმედი ღონისძიებების შემდეგ მე ისლა დამრჩენოდა, რომ გული ამჩუყებოდა, სიამოვნებისაგან ნერვებ ათრთოლებული დავბრუნებულებიყავი სახლში, მეწამა. იმედი მქონოდა ყოველივე დიადისა. მე სიამოვნებას მანიჭებდა ის ამბავი, რომ საბჭო თავდაჭერებულად უცხადებდა თანაგრძნობას ქალაქის ტანჯულ მოსახლეობას, რომ ასე კარგად ესმის ქალაქის ნამდვილი და უმთავრესი მოთხოვნილებები, რომ ასეთ დიდ თანხას განაგებს და ქალაქის სასარგებლოდ იყენებს. ყველაფერმა ამან ძალა და ხალისი შემმატა. მო-

ხუცი კაცი გავახალგაზრდავდი და ამაყად გავსწორდი წელში. ერთი სიტყვით, ბედნიერების უმაღლეს წერტილზე ვიდექი.

მაგრამ როგორ გამიტყდა გული, როცა სხდომის დამთავრების შემდეგ ხმოსნები ერთმანეთთან საუბარში თვითონ დასცინოდნენ თავიანთ პროექტებს, უწოდებდნენ მას ცარიელ ლიბერალიზმში ვარჯიშს, თავიანთი ყოველკვირეული გართობის საგანს; როცა განაცხადეს, რომ საბჭო ფულადი კატარის უძლიერეს პაროქსიზმს განიცდის, იტანჯება ფინანსიური ჭლექით, ჯიბის მოშლით და სხვა ამგვარი დაავადებებით! რა დღეში ჩავვარდი მაღალი გრძნობებით აღვსილი, როცა გავიგონე, რა გესლიანად იხუმრა საბჭოს ერთმა წევრმა: „ეწუხვარ, წინადადება რომ არ შევიტანე მიხეილის ქუჩა საბჭოზე წარმოთქმული სიტყვებით მოეკირწყლათ!“.

61. საქალაქო არჩევნების ამოცანების შესახებ

თბილისი, 11 ოქტომბერი

თვითმმართველობა უცოდველი და მთლიანად დასრულებული სახით არსად ჩამოვარდნილა ციდან. დასაწყისში მას ყოველთვის ახლდა ნაკლი, მაგრამ ყველგან, სადაც საზოგადოება თვითმმართველობის ღირსი იყო, ეს ნაკლი თანდათან სწორდებოდა და თვითმმართველობის პრაქტიკა თვითონ მიუთითებდა აუცილებელ ცვლილებებზე. გაუმჯობესებასა ანდა გადასხვაფერებაზე, ხოლო გაუმჯობესებას აღწევენ თვითმმართველობის ორგანოებზე ყურადღებიანი კონტროლის დაწესებით, განსაკუთრებით კი, საზოგადოების წარმომადგენლების უფრო ფრთხილი არჩევით.

თუ ამ თვალსაზრისით ყურადღებას მივაქცევთ მომავალ არჩევნებს, საქმის არაღამაკმაყოფილებლად წარმოების აღმნიშვნელ მიზეზებთან ერთად, ჩვენ უნდა გამოვარკვიოთ სიძნელების გამომწვევი კიდევ ერთი მნიშვნელოვანი წყარო, რაც ხელს გვიშლის საზოგადოებრივ საქმეთა მიზანდასახულად წარმოებაში.

ბევრს დიდი ხანია შეუნიშნავს, რომ ჩვენი საზოგადო საქმეების უყაირათოდ წარმოების მიზეზთა შორის მნიშვნელოვანი ადგილი უჭირავს საზოგადოებრივი განვითარების მოყვრებისა და მტრების საქმისადმი არაერთნაირი გულმოდგინებით დამოკიდებულებას. ყველასთვის ცნობილია აპატია, რომელსაც იჩენენ საქმისადმი „პატიოსანი“ საზოგადო მოღვაწეები და როგორ იცავენ ისინი საზოგადოებრივ ინტერესებს. ცხადია, ყოველი საზოგადო მოღვაწის საუკეთესო თვისება ისაა, რომ საქმეს პირადი ინტერესით არ მიუდგეს და არ გამოიყენოს იგი პირადი სარგებლობისათვის. ამგვარი თვისება განსაკუთრებით დაფასებულია მაშინ, როცა მოღვაწე ისე ძლიერ ისწრაფვის სარგებლობა მოუტანოს საზოგადოებას, რომ მისი ენერჯია აწონასწორობს იმ პირთა სიჯიუტესა და გამბედაობას, რომლებიც საქმეს პირადი სარგებლობისათვის იყენებენ. საუბედუროდ, ისეთი საზოგადო მოღვაწეების რიცხვი, რომლებსაც უნარი შესწევთ გულმოდგინედ და დაუღალავად იზრუნონ საზოგადო სიკეთისათვის და გაი-

ღონ ისეთივე მსხვერპლი, როგორსაც ეგოისტები პირადი სარგებლიანობისათვის იღებენ, ჩვენს საზოგადოებაში ძალზე ცოტაა. ჩვენი საზოგადოების პატიოსან მოღვაწეთა უმრავლესობა გულგრილდაა განწყობილი საქმისადმი, კმაყოფილდებიან უბრალო „უთანხმოებით“, ანდა პროტესტით და მხოლოდ ფორმალურად იცავენ თავიანთ „სიფაქიზეს“. ამასთანავე ამაყობენ იმ იაფფასიანი აზრით, რომ საზოგადოებრივ ქურდებზე და ექსპლოატატორებზე უკეთესნი არიან. არავინაა ასეთ მოღვაწეებზე უფრო უბადრუკი და უძლური: ისინი ეგუებიან ყოველგვარ უსამართლობას, ყოველგვარ ბოროტებას, ოღონდ არაეინ არ სთქვას, რომ მათაც მიუძღვით ბრალი ბოროტებაში, რომ ისინიც მავნე არიან საზოგადოებისათვის... ხოლო დამნაშავენი რომ არ არიან, ამის თავდები, მათი აზრით, ისაა, რომ არა თუ არ „უსარგებლიათ“, არამედ „უთანხმოებაც“ კი გამოუცხადეს ამ უსამართლობას; ხოლო ექსპლოატატორებისათვის წინააღმდეგობის გაწევაზე, მათთან დაუღალავ ბრძოლაზე, მათ ენერგიულ აღგვაზე არაეინ არ ფიქრობს; რა ჩვენი ბრალია, თუ არ დავეიჭერეს, თუ ჩვენმა აზრმა ვერ გაიმარჯვა.

ვიმეორებ, ასეთ ადამიანებს არ გააჩნიათ გატაცება, საერთო საქმის თავდავიწყებით ერთგულება, ზნეობრივი განვითარების ის დონე, როცა ადამიანი საზოგადოებრივი ინტერესების ყოველ შელახვას ისეთ ღიდ პირად შეურაცხყოფად იღებს, თითქოს პირადად მას მიაყენეს; მათთვის კი „საზოგადოებრივი საქმე“ ერთია, ხოლო „საკუთარი პერანგი“ — მეორე. მართალია, ზნეობრივად ისინი ექსპლოატატორებზე ბევრად მაღლა დგანან, მაგრამ საკუთარ პერანგს არ სწირავენ მსხვერპლად საზოგადოებრივ ინტერესებს. ჭერ კიდევ არ მისულან იქამდე, რომ საზოგადოებრივ ინტერესებს ისევე ემსახურონ, როგორც საკუთარ პერანგს... აი რით აიხსნება მათი აპატია, რაც ყველამ შეამჩნია, და რომლითაც ეს „კარგი ადამიანები“, „პატიოსანი მოღვაწეები“, ლიბერალები და უანგარონი საზოგადოებრივ საქმეს უდგებიან.

სულ სხვანაირად უდგებიან ამ საქმეს ის ადამიანები, რომლებიც მასში პირადი გამდიდრების წყაროს ხედავენ. ძნელია უსაყვედურო მათ აპატია. ისინი ისეთ ენერგიას, ყინსა და გამბედაობას იჩენენ, როგორიც საუკეთესო საქმეს ეკადრება. დღე და ღამ შრომობენ და უწევენ ექსპლოატაციას საზოგადოებრივ ძალებს, საკუთარი სარგებლობისათვის ისინი დაუღალავნი და მამაცნი არიან, რადგან გამდიდრება, პირადი ინტერესები ამოძრავებთ. მათ არც გაკიცხვისა ეშინიათ, არც მხილებისა და არც მითქმა-მოთქმისა.

ჩვენ აქ მარტო თბილისის საბჭოს კი არ ვეხებით, არამედ ჩვენი

მხარის ყველა ქალაქის საბჭოს. დაკვირვებულმა მაყურებლებმა ყველა ამ საბჭოში ერთნაირად შეამჩნიეს არა მარტო რაოდენობრივი, არამედ მორალური უპირატესობა იმ ადამიანებისა, რომლებიც საბჭოს ისე უყურებენ, როგორც პირადი სარგებლობის წყაროს. საბჭოში ყოველი საკითხის გადაწყვეტის დროს, რაც დაკავშირებულია ქალაქის კუთვნილი ფულის ხარჯვასთან, ეს ადამიანები ცდილობენ, რადაც არ უნდა დაუჯდეთ, მიიღწიონ ისეთ გადაწყვეტილებას, რომელიც დააკმაყოფილებდა მათ პირად სარგებლიანობას. საჭირო კია ავირჩიოთ კანდიდატი რაიმე ისეთ თანამდებობაზე, სადაც ხელფასს უხდიან? „პატიოსანი მოღვაწეები“ მორიდებით და შიშით გაუბრბიან ბრძოლას, რათა, ღმერთმა დაიფაროს, არავინ დასწამოს მათ, თითქოს პირადი ინტერესებისათვის იღწვიან. მაგრამ სხვები, ეგოისტი მოღვაწეები, არ თვლემენ: აგიტაციას ეწევიან და იმის წყალობით, რომ მათ წინააღმდეგ არც ერთი „პატიოსანი მოღვაწე“ არ ილაშქრებს, ეგოისტების კანდიდატი ამომრჩეველთა ხმის თითქმის სამ მეოთხედს იღებს... ვთქვათ, საჭიროა გადაწყდეს რომელიმე ნაგებობის ან რომელიმე წარმოების მშენებლობის საკითხი. „პატიოსანი მოღვაწეები“ მხოლოდ ორი-სამი სიტყვით კმაყოფილდებიან, სხვებს კი წინასწარ აქვთ საქმე მოგვარებული.

ჩვენ არაერთხელ ვყოფილვართ იმის მოწმე, თუ როგორ გადაუწყვეტია ზოგიერთ საბჭოს ქალაქის მეურნეობის ყველაზე არსებითი საკითხები ამგვარ პირობებში...

და მართლაც, სხვა რით უნდა აიხსნას, მაგალითად, ჩვენს საქალაქო მეურნეობებში საიჯარო სისტემების ბატონობა? ქალაქის გამგეობის შენახვა ყველა ჩვენ ქალაქს შემოსავლის თითქმის ერთი მეხუთედი უჯდება (საშუალოდ). საფუძველი გვექონდა გვეფიქრა, რომ ასე ძვირად ღირებული გამგეობა შეუღლებოდა ქალაქის სამეურნეო საქმეების წარმოებას. თუ საჭირო იყო განათება, დასუფთავება, ქალაქის გაშენება, ჩვენი ვარაუდით, გამგეობას შეეძლო გაეკეთებინა ყველაფერი ეს ეკონომიურად, აზრიანად. მაგრამ ნურას უკაცრავად. ამგვარ ხარჯებს თითქმის ყველა ჩვენი საბჭო, მოიჯარადრეებს უდებს ჯიბეში. რისთვისღა გვექირდება ამის შემდეგ გამგეობა, რა უნდა აკეთოს მან? შეუღლები იმის მტკიცებას. რომ მოიჯარადრე მუქთად არ შრომობს; რომ იგი სრულიად უმნიშვნელო იჯარის წყალობით ათასებს იძენს, რომ აჯობებდა ეს ათასები ქალაქის სალაროში დარჩენილიყო, მაგრამ ვერავის აკვირვებ, რადგან ეს ამბავი ყველამ კარგად იცის, ხოლო „პატიოსანი მოღვაწეები“ მხოლოდ ცარიელ სურვილს გამოსთქვამენ და მხრების აჩეჩვით კმაყოფილდებიან...

ცხადია, ახლადფეხადგმული გამგეობა თავს ვერ დააღწევდა ამგვარ მტაცებლებს. მაგრამ, ბოლოს და ბოლოს, გამოცდილებამ ხომ უნდა მოგვეცეს რაღაც და აგვიხილოს თვალი. ამიტომ, თბილისის საბჭოს მომავალი (ამა წლის) არჩევნებისა და სხვა საბჭოების არჩევნების (მომავალში) ერთ-ერთი ძირითადი ამოცანაა — სისტემატურად მოვხსნათ თანამდებობიდან ის ამორჩეულები, რომელთაც, პირდაპირ ან არაპირდაპირ, რაიმე მონაწილეობა მიუღიათ ქალაქის საიჯარო წარმოებაში. რაც უფრო ნაკლები იქნება ჩვენს საბჭოში ისეთი ადამიანები, რომლებიც საერთო სალაროს ექსპლოატაციას ეწევიან და ხმას საკუთარი ინტერესების გათვალისწინებით აძლევენ, მით უფრო უკეთესად წარიმართება ქალაქის მეურნეობა და მით უფრო ახლო ვიქნებით თვითმართვის დაწესებულებათა ნამდვილ ტიპთან, რაც ითვისწინებს თვით ქალაქის მიერ არჩეული ადამიანების მეშვეობით ქალაქის სამეურნეო მართვას და საერთო მოთხოვნილების იაფი საშუალებით დაკმაყოფილებას...

სანამ ამას არ მივადწევთ, არც უნდა გაგვიკვირდეს ჩვენი ქალაქების სალაროების სიცარიელე. ჩვენ გამგეობის შესანახად ათიათასობით მანეთს ვხარჯავთ, ხოლო სხვა ასეთივე ათასებს ვაძლევთ ისეთი სამუშაოს შემსრულებელ მოიჯარადრეებს, რაც სინამდვილეში გამგეობას უნდა ეწარმოებინა. ქალაქის შემოსავლის მწარმოებლობის ზრდისათვის არავინ არ ზრუნავს, ხოლო მათ დასატაცებლად ბევრი იღწვის. ადამიანები, რომლებიც ყველაზე მეტად უნდა ზრუნავდნენ იმ ქალაქის ინტერესების დასაცავად, რომლის წარმომადგენლებიც არიან, სდუმან... ჰოდა, რა გასაკვირია, თუ ასეთ პირობებში ჩვენი ქალაქები საბოლოოდ გაკოტრდებიან.

62. პოლიტიკური მდგომარეობა

თბილისი, 13 ოქტომბერი

უდავოა, ევროპა ახლა ოფიციალურად ტკბება ზავით, რადგან რუსების მიერ თურქეთში მცხოვრები ქრისტიანების გასათავისუფლებლად დაწეებული ომი ბერლინის ტრაქტატით³⁰ დამთავრდა, რამაც თითქოს მთელი ევროპის ინტერესები შეათანხმა. სინამდვილეში კი ომი წინანდებურად აპარტახებს ბალკანეთის ნახევარკუნძულს. ხოლო გაზეთები და ტელეგრაფები ყოველდღიურად გვატყობინებს, რომ პოლიტიკური მდგომარეობის გაუარესება ყოველმხრივ შესაძლებელია, მაგრამ გაუმჯობესებას კი ნუ ველითო. ბრძოლის ველს მხოლოდ მტრები შეემატა, ხოლო ევროპული კონცერტის ბევრმა მომქმედმა წარმომადგენელმა როლები გაცვალა. პირველ რიგში ავსტრიამ, რომელმაც გულთბილად მიიღო თურქეთის მხეცობას გამოქცეული ბოსნიელები და ჰერცოგოვინელები, ბერლინის არეოპაგიტის ბრძანების თანახმად ბოსნიისა და ჰერცოგოვინის მშვიდობიანი ოკუპაციის დროს, სარაევოსა და ბრეჩკის აღებისას ისეთი მხეცობა ჩაიდინა, რომ მასთან შედარებით ის საშინელებანი. რაც თურქეთის ომში მას წინ უსწრებდა. გაუფერულდა. თურქებს, რომლებმაც დასჯის ყოველგვარი აღმამფთოთებელი საშუალება მოიგონეს, აზრად არ მოსვლიათ ღორების გასუქება ბავშვების ხორციით, რასაც ადასტურებს „ნოვოე ვრემიას“³¹ კორესპონდენტი ბატ. მოლჩანოვი. გარდა ამისა, თურქები ყველა მხეცობას აბრალებდნენ ფანატიკურად განწყობილ ველურ მუსულმანურ მოსახლეობას და ბაშიბუზუკებს, რაშიც ნაწილობრივ მართალნიც იყვნენ. მათ რეგულარულ არმიას მაინც ბოჭავდა დისციპლინა და, სადაც შესაძლებელი იყო, წინააღმდეგობას უწევდა ფანატიზმით გაღიზიანებულ მოსახლეობას. ავსტრიის ოკუპაციის დროს საშინელებანი ჩაიდინა ქრისტიანულმა, ცივილიზირებულმა, მისი მოციქულებრივი უდიდებულესობის — მეფისა და იმპერატორის არმიამ. ამიტომ გასაკვირიც არაა, რომ პორტა იძულებული გახდა უარი ეთქვა ავსტრია-უნგრეთთან შეთანხმებაზე და ევროპის ყველა კებინეტს

გაუგზავნა ნოტა, რომელშიც პროტესტს აცხადებდა ავსტრიის არმიის მხეცური მოქმედებისა და ყველა საერთაშორისო კანონების დარღვევის წინააღმდეგ, გაუფრთხილებლად მეზობელი ქვეყნის ტერიტორიაზე შეჭრის წინააღმდეგ. თურქების აზრით, ამგვარი ოკუპაცია იგივე ომის გამოცხადებაა, თუმცა თურქეთს ავსტრიისათვის ამის საბაზი არ მიუცია. და მართლაც, არ შეიძლება იმის თქმა, რომ ამ თვალსაზრისს საფუძველი არ გააჩნია. რა გამოდის? ავსტრიის მოქნილ პოლიტიკას, რომელიც დიდი ხანია ცნობილია გამჭრიახობითა და შორსმჭვრეტელობით, იოლად აჯობა თურქეთის დიპლომატიამ — ავსტრიელებს ერთი სული ჰქონდათ ხელთ ეგდოთ თურქეთის ორი ნოყიერმიწიანი პროვინცია და ამას წესიერი ფორმაც კი ვერ მისცეს, ახლა კი საერთაშორისო კანონების დამრღვევებისა და ველური ურდოების როლში გამოდიან და მთელს მოსახლეობას სპობენ, განურჩევლად სქესისა და ასაკისა. ადრე, ყველა მემუარულ და წინამემუარულ წყაროებში, ამ როლს თურქებს აწერდნენ. ახლა თურქეთმა ეს როლი ავსტრია-უნგრეთს გაუცვალა, თურქეთის პროვინციები იტანჯება ავსტრიელი ბაში-ბუზუყების გაშმაგებული თავაშვებულობისაგან. ავსტრია-უნგრეთი მძვინვარებს და არღვევს კანონებს, ხოლო თურქეთი ყოველივე ამას ითმენს, რადგან იტანჯება შინაგანი არეულობით, რაც ომამდე ავსტრია-უნგრეთის ქრონიკული დაავადება იყო.

კიდევ უფრო უცნაურია ინგლისის როლის შეცვლა. ისლამის დამცველმა ბრიტანეთმა, რომელმაც ბიკონსფილდის პირით განაცხადა, ინგლისი მუსულმანური სახელმწიფო უფროა, ვიდრე ქრისტიანულიო, მზადაა ძმათა სისხლისმღვრელი ომი გააჩაღოს ავღანისტანის მუსულმანი მფლობელის წინააღმდეგ. სად გაქრა ის დიდებული აზრი, რომლის მიხედვითაც უნდოდათ შეექმნათ აზიაში მუსულმანი ტომების კავშირი და დაეპირისპირებინათ იგი რუსეთის ისტორიული განვითარებისათვის? ვთქვათ, თავადმა ბისმარკმა შესძლო გერმანიის გაერთიანება სისხლითა და მახვილით; მაგრამ დამოუკიდებელი მუსულმანური სამფლობელოების დამორჩილება და მათგან ინგლისირებული მუსულმანობის შექმნა სულ სხვა ამოცანას წარმოადგენს და პრაქტიკულად თითქმის განუხორციელებელია. პირველი საკითხია, სადაა იმის დამამტკიცებელი საბუთი, რომ მუსულმანები ინგლისის მთავრობის ერთგულნი არიან? ცხადია, ჩვენ მათ ვერ ვიპოვით ინდოეთის იმპერიაში, სადაც აჯანყებული სიპაების მთავარი დამცველი და აქტიურად მომქმედნი სწორედ მუსულმანები იყვნენ. იმის გამო, რომ ინდოელები კასტებად არიან დაყოფილნი, ინგლისის ძლიერებას მათგან არავითარი საფრთხე არ

ემუქრება. თეთრი და შავი კასტა არასოდეს არ გაერთიანდება არც პატრიოტიზმისა და არც პოლიტიკური დამოუკიდებლობის იდეის ზეგავლენით. ინგლისელებისათვის ყველაზე საშიში ძალა მუსულმანობაა, რომელმაც მართლმორწმუნეობის ძირითადი დოგმატის წყალობით აღმოფხვრა ყოველგვარი სხვაობა წინასწარმეტყველის სხვადასხვა მიმდევრებს შორის და ყოველთვის შეიძლება ამოქმედდეს სრულიად უმნიშვნელო საბაბის გამო. სიბაების აღსაშფოთებლად საკმარისი აღმოჩნდა იმის თქმა, რომ ვაზნები ღორის ქონითაა გაპოხილი. ცხადია, არავის არ შეუძლია იმის თავიდან აცილება, თითქოს მუსულმანთა ცრუმორწმუნეობა არ გამოიწვევს ინდოეთის მოსახლეობის ფანატიზმის გაღვივებას სხვა ასეთივე ხმების გავრცელების წყალობით, რათა ენერგიულმა და ინგლისის მთავრობით უკმაყოფილო ადამიანებმა სამოქმედოდ აღგზნებული მუსულმანთა ძალა ინგლისის წინააღმდეგ საბრძოლველად გამოიყენონ. ამიტომ ჩვენ თამამად გამოვთქვამთ იმ აზრს, რომ მუსულმანური მოსახლეობა არ შეიძლება ინგლისის დიდების დასაყრდენი იყოს, რა მქვერმეტყველურადაც არ უნდა წერდეს ამის შესახებ რომანებში მისტერ დიზრაელი და რასაც არ უნდა ლაპარაკობდეს თავის გამოსვლებში და დიპლომატიურ ნოტებში ლორდი ბიკონსფილდი. ასე რომ, რჩება მხოლოდ მეგობრული კავშირის დამყარება ინგლისსა და მუსულმანურ სახელმწიფოებს შორის, მაგრამ ინგლისელების წარმატებისათვის აქ კიდევ უფრო მეტყვევი ნიადაგია იმ მოვლენების შემდეგ, რომლებიც ბერლინის ტრაქტატის დადებით დამთავრდა. როგორც ცნობილია, ინგლისმა უანგარო მეგობრობა შესთავაზა თურქეთის სულთანს, რათა გადაერჩინა რუსეთის ვერაგული, დამპყრობლური გეგმებისაგან. ინგლისი ამ მეგობრობას ასევე უანგაროდ სწირავდა თავის აღმირალებს, გენერლებს, ოფიცრებსა და ინსტრუქტორებსაც კი, რათა დახმარებოდა თურქეთს რუსეთის წინააღმდეგ მეტად ძნელ ბრძოლაში, ბრძოლაში, რომელიც სპეციალურად გამოიწვია ინგლისის დიპლომატიურმა ხელოვნებამ. კიდევ უფრო უანგაროდ ამარაგებდა ინგლისი თურქეთის არმიას იარაღით, ქვემეხებით, ყუმბარებით, საკვებით და, ბოლოს, ისე გაიტაცა ამ საქმემ, რომ სულთანის დამოუკიდებლობის დასაცავად, თავის ფლოტს კონსტანტინოპოლთან მოუყარა თავი, ხოლო თავისი პრეტენზიების გასაძლიერებლად ინდოეთიდან ერთგული ჯარი გადმოიყვანა, რასაც ოსმანთა იმპერიის არსებობა უნდა უზრუნველყო... მაგრამ ეს საქმე ისე არ დამთავრდა, როგორც ამას დიპლომატები მოელოდნენ. რუსეთმა დასძლია ყველა ფინანსიური და სტრატეგიული სიძნელე და მტკიცედ დადგა კონსტანტინოპოლის წინ. იმავე ინგლისმა ზავის დადება მო-

ახერხა. შემდეგ კი მიზნად დაისახა, ბერლინის კონგრესის მეშვეობით, მოესპო ის სამშვიდობო ტრაქტატი, რომელიც ზავს მოჰყვებოდა. ბერლინის კონგრესზე ლორდ ბიკონსფილდის ბრწყინვალე გამარჯვებამ უზრუნველყო ინგლისის ინტერესები, სამაგიეროდ საბრალო თურქეთს, ინგლისის უანგარობის წყალობით, სრულიად არაადამიანური ანგარიში წარუდგინეს. მისგან თხოულობდნენ: კუნძულ კვიპროსსა და მცირე აზიის მთელი შინამმართველობის ფაქტიურ დამოკიდებულებას ინგლისზე, ე. ი. მთელს თურქეთს, ყველა შერჩენილი სამფლობელოთი. ეს ცხადია, თურქეთის პოლიტიკური დამოუკიდებლობის მოსპობას უდრის და ყველაფერი ეს კეთდება თითქოს ამავე დამოუკიდებლობის დასაცავად. ასეთი ვერაგობის მაგალითი ისტორიას არ ახსოვს. ინგლისმა სწორედ ისეთი პოზიცია დაიკავა თურქეთის მიმართ, როგორსაც რუსეთს აწერდა. როლების შეცვლა მოხდა და გამოიხატა თვალსაჩინო ფაქტებით. ყველას ეშინოდა, რომ თურქეთი უარს იტყვის — შეასრულოს ბერლინის ტრაქტატის ბრძანებები რუსეთის მიმართ და ოცნებობდნენ იმ სიძნელეებზე, რომლებიც იმ დღიდან ამ უკანასკნელისათვის წარმოიშობა. მაგრამ მოხდა პირიქით: ბერლინის ტრაქტატის ყველა დადგენილებებიდან შესრულდა სწორედ ის დადგენილებები, რომლებიც რუსეთს ეხებოდა. ხოლო ინგლისის მიმართ ნაკისრი მოვალეობა (გარდა კუნძულ კვიპროსის ავანსად დაკავებისა) აქამდე განუხორციელებელია და თუ ლორდ ბიკონსფილდის სამინისტრო სდუმს, მხოლოდ ინდოეთში მოსალოდნელი სიძნელეების გამო, რაც ევროპის კონტინენტის საქმეებისადმი ყურადღებას ანელებს. თურქეთი მეგობრულად დაემორჩილა ვერაგი მტრის ბრძანებას — დაეცალა ბათუმში, რაც თურქეთისათვის ყველაზე უხერხული იყო. ამავე მეგობრობის გამო კი ვერაგულად ამბობს უარს შეასრულოს ყველაზე უბრალო შეთანხმებები. რაც უფრო მეტ უნდობლობას უცხადებენ ინგლისს, მით უფრო მატულობს რუსეთისადმი ნდობა. მუსულმანური სამყაროს მეორე ბოლოში შირალი დაუფარავად ქადაგებს ინგლისისადმი უნდობლობას და მიუხედავად ძალთა უთანაბრობისა, ბედავს, იარაღს მიანდოს საკუთარი ბედი. რაც გინდათ ის ქენით, გვატყობინებს ტელეგრაფით ავღანეთის ემირი — მომავალი ღვთის ხელშია! თუ აზიის მუსულმანური სამყაროს ორ მოპირდაპირე მხარეს მდებარე ქვეყნებთან ინგლისის მეგობრული დამოკიდებულება ასეთია, მაშინ სადღაა ის მუსულმანური სახელმწიფოები, რომელთანაც ინგლისმა ურყევი მეგობრობა დაამყარა, რასაც თითქოს ინტერესების ურთიერთსარგებლიანობა განაპირობებს? ასეთ სახელმწიფოს ვერაგინ დაასახელებს. დაეუშვათ, ინგლისმა იცოდა აზიური მეგობრობის ფასი და ცდი-

ლობდა, მთელი აღმოსავლეთისათვის თავი მოეწონებინა საკუთარი ძალის დემონსტრირებით, მაგრამ მას შემდეგ, რაც მცირე აზიის საქმეებში ჩარევას წარუმატებლობა მოჰყვა, მას შემდეგ, რაც თურქეთის დიპლომატია მსხვერპლად მიუტანეს ავსტრია-უნგრეთის ინტერესებს, ხოლო ტერიტორია ომით გააჩანაგეს, და, ბოლოს, მას შემდეგ, რაც შირ-ალი არ შეუშინდა ინგლისის გამოწვევას, სად და რაში უნდა ვეძებოთ პრესტიჟი, რითაც შეუძლია ინგლისს თავი მოიწონოს? ამგვარი პრესტიჟი მთელი მუსულმანური აზიის თვალში რუსეთმა დაიმსახურა, რომელმაც პირდაპირ გამოაცხადა ომი, გაიმარჯვა მუსულმანებზე და ძალზე მცირე ჯილდო იქმარა. კეშმარიტი სიძლიერე არ იქმნის ხელოვნურად კვარცხლბეკს, არამედ დგას საკუთარ ფეხებზე და დარწმუნებულა, რომ მას გზას ვერ გადაულობავენ ხელოვნური დეკორაციებით, როგორმა ოსტატებმაც არ უნდა მოკიდონ ამ საქმეს ხელი.

გავიხსენოთ საბერძნეთი, რომელსაც განუმზადეს კეთილშობილური როლი — სათავეში ჩასდგომოდა ბალკანეთის ნახევარკუნძულის სამხრეთ პროვინციების დამოუკიდებლობისათვის წმინდათაწმინდა ბრძოლას. ეს როლი საბერძნეთს უფლებას აძლევდა მოეპოვებინა დიდი ტერიტორია, თუნდაც სულთანის მიერ დამორჩილებული ბერძნული პროვინციები, რომლებიც ბუნებრივად შეუერთდებოდა დამოუკიდებელ საბერძნეთს, მაგრამ, ინგლისის აგენტებისა და დიპლომატების რჩევით, საბერძნეთი მანამდე ითმენდა, სანამ ამ მოთმინებამ ინგლისს კუნძული კვიპროსი არ ჩაუგდო ხელში და დრო არ მისცა თურქეთს საბერძნეთის საზღვარზე მნიშვნელოვანი ძალები გადაეყვანა, რომელთა წინააღმდეგ ბრძოლა საბერძნეთს არავითარ წარმატებას არ მოუტანდა. როლი, რომელიც საბერძნეთს უნდა ეთამაშა, ახლა სხვამ მიითვისა და აწი ბერძნები ვერასოდეს დაიბრუნებენ დაკარგულს.

რკინის კანცლერმა, რომელმაც ევროპის ბედის მომწყობი პატიოსანი მაკლერის როლი იკისრა, მთლიანად მოშალა თავისი ოჯახური მეურნეობა და ახლა არავინაა იმის თავმდები, რომ მშვიდობიანად განწყობილი გერმანია კლერიკალების, სოციალისტების, პარტიკულარისტების, პროგრესისტებისა და სხვათა საერთო ბრძოლის პირობებში, იძულებული არ გახდება — შინაგანი სიძნელეებიდან გამოსავალი საგარეო პოლიტიკაში ეძიოს.

ჩვენ შეგვიძლია ასევე განვიხილოთ ევროპის ყველა მსხვილი და წვრილი სახელმწიფო და ყველგან შევხვდებით ერთსა და იმავე ფაქტს: საქმე ისე არ წარიმართა, როგორც ეს წინასწარ მოამზადა სახელმწიფო მოღვაწეების სიბრძნემ და დიპლომატების ეშმაკობამ.

ამ ფაქტმა შეიძლება დაარწმუნოს ლორდ ბიკონსფილდიც, უდიდესი თანამედროვე მოღვაწე მთელი მსოფლიოს კეთილმოწყობის საქმეში, რომ, გარდა ადამიანების მოღვაწეობისა, არსებობს კიდევ ისტორიული მოვლენების მსვლელობა, რომელიც ყველა მოღვაწის ძალ-ღონისა და შრომის დახარჯვის შედეგიდან მხოლოდ იმას იტოვებს, რაც ემსახურება კაცობრიობის სიკეთესა და განვითარებას. ყველაფერი სხვა, რა მსხვერპლისა და სისხლის ფასადაც არ უნდა დაჯდეს, ქაფივით ამოტივტივდება საერთაშორისო ცხოვრების ზედაპირზე და დროთა დინება წაიღებს...

63. დ ი ვ ლ ო მ ა ტ ი ა

თბილისი, 14 ოქტომბერი

ამ ოცდაათი წლის წინათ არსებობდა რწმენა და სკოლებშიც ასწავლიდნენ, რომ საშინელი სახალხო ომების დრო წავიდა და მთავარ როლს ყველა საერთაშორისო უთანხმოებათა გადაწყვეტაში დიპლომატია თამაშობს. კალამს მეტის გაკეთება შეუძლია, ვიდრე იარაღს, — ამბობდა ყველა მას შემდეგ, რაც თოფის წაშალი გამოიგონეს, ამასვე ქადაგებდნენ სკოლის მასწავლებლებიც; მას შემდეგ, რაც შესაძლებელი გახდა მტრის შორიდან, ხელჩართული ბრძოლის გარეშე დამარცხება, ადამიანთა სისხლის მოყვარეობა არ შეიძლება განვითარდეს. ომები უფრო ადამიანური გახდა. როცა კაცმა არ იცის ვის კლავს, არ შეიძლება მივიდეს მხეცურ გააფთრებამდე. გატაცება ადამიანებს აღარ აკარგვინებს გონებას, იმ ელემენტს, რომელიც ადამიანებს ცხოველისაგან ანსხვავებს. ამასთან, რაც ყველაზე მნიშვნელოვანია, მეომართა რიცხვს უკიდურესად ზღუდავს გაწვერთნის სიძნელე და რეგულარული ჯარის შენახვა. ახლა შეუძლებელია თემურ ლენგის, ატილასა და ჩინგის-ხანის გამოჩენა. ახლა აღარ შეიძლება, ადამიანთა მოდგმის ამ გამანადგურებელთა მსგავსად, წინ გაუძღვე მეზრძოლთა მთელ ურდოებს, მათი მეშვეობით დაიპყრო ხალხები, გაზარდო საკუთარი ძალები, რომელიც თანდათან თოვლის გუნდასავით მატულობს და ამ ძალით ისეთი მძიმე დარტყმა მიაყენო ხალხებს, რაც ერთბაშად სპობს მთელი ისტორიული პერიოდის მანძილზე შექმნილი ცივილიზაციის კვალს...

ცხადია, არ შეიძლება არ გეწამათ ეს.

ნაპოლეონ პირველის ომების შემდეგ, რომელმაც სცადა დიდი დამპყრობელი გამხდარიყო და, როცა იმონებდა რა ხალხს, როგორც მაღალფარდოვანი სიტყვებით ამბობენ, მათ ხარკად სისხლს სთხოვდა, ანუ უბრალოდ რომ ვთქვათ, ატილებისა და ჩინგის-ხანების პოლიტიკას მისდევდა, გაიყოლია მთელი მოსახლეობა, რომელსაც იარაღის ტარება შეეძლო, რითაც საშუალება მოიპოვა შემდგომი დაპყრობითი ომებისათვის. ბოლოს კი მთელი ევროპის ძალები

ერთ არმიად გააერთიანა და რუსეთს ოც ენაზე მოლაპარაკე ჯარით შეესია. მიუხედავად ამისა, ალექსანდრე პირველის მტკიცე გადაწყვეტილების წყალობით — ებრძოლა მანამდე, სანამ რუსეთის მიწა-წყლიდან მტრის უკანასკნელ ჯარისკაცს არ განდევნიდა. შემოსევა ნაპოლონისათვის ჯერ რუსეთიდან გაქცევით, ხოლო შემდეგ წმინდა ელენეს კუნძულზე გადასახლებით დამთავრდა. ოცი წლის მანძილზე განუწყვეტელი ომით დაღლილ ევროპის ხალხებს მხოლოდ ერთი რამ ენატრებოდათ: მშვიდობა, რადაც არ უნდა დაჯდომოდათ. ყველა აღრინდელ იდეალსა და მისწრაფებას ისინი ხალისით სწირავდნენ სიმშვიდეს მსხვერპლად. დადგა „წმინდა კავშირისა“⁷⁶ და მეტერნიხული პოლიტიკის დრო, თუმცა ეს ორი საფუძველი ევროპის ბედის გადაწყვეტისა, დიამეტრალურად ეწინააღმდეგებოდა ერთმანეთს. „წმინდა კავშირი“ კანონიერების მხოლოდ ერთ პრინციპს ცნობდა, რომელსაც ყველა უნდა დამორჩილებოდა, მაგრამ უცნაური წინააღმდეგობის გამო, ამ მიზნის მისაღწევად, იგი ეყრდნობოდა მეტერნიხის პოლიტიკას, რომელიც უარყოფდა ყველა ზნეობრივ და იურიდიულ კანონს და, სამაგიეროდ, დიპლომატიის მთავარ პრინციპად მოტყუებას აცხადებდა. ხალხები აღარ არსებობდნენ ინდივიდუალურად, მათ მაგივრად წარმოიშვა რთული დიპლომატიური ფიქციები. სადაც სხვადასხვაგვარ ეთნოგრაფიულ ელემენტებს აერთიანებდნენ, ერთმანეთს უპირისპირებდნენ, სხვადასხვა ნორმების და პროპორციების მიხედვით ანაწევრებდნენ და არავითარ ყურადღებას არ აქცევდნენ ამ მონოგრაფიული ელემენტების არც ტოპოგრაფიულ პირობებს, არც მისწრაფებებსა და არც საჭიროებას. ყოველივე ამის შედეგად შეიქმნა აბსტრაქტული წარმოდგენა სინამდვილეში არარსებულ როგორიღაც ევროპაზე. ამ მოგონილ ევროპას წონასწორობის, სიმშვიდისა და არსებობისათვის დასჭირდა ასეთივე გამოგონილი *a priori* პირობები, რომლის არსი შეთხზეს უსაიდუმლოეს ვითარებაში, დიპლომატიურ კანცელარიებში და, ამიტომ, ცნობილი იყო მხოლოდ იმათთვის, ვისაც იგი მიანდეს. რას იტყვიან დიპლომატები? ეს კითხვა იმ დროს სერიოზულად ითვლებოდა საერთაშორისო ცხოვრებაში რაიმე არეუ-დარევის დროს. დიპლომატები კი, უმეტეს შემთხვევაში, არაფერს არ ამბობდნენ, ყველაფერს წერდნენ, ერთმანეთთან მიმოწერას აწარმოებდნენ და ვარჯიშობდნენ ძნელი ამოცანის გადაწყვეტაში: უნდა მიაღწიო შედეგს და არავის უთხრა, არავის აჩვენო რაში მდგომარეობს მისი არსი.

გასაგებია, ასეთი მიმართულების დროს, რაც უფრო მეტს მუშაობდნენ და ცდილობდნენ დიპლომატები, მით უფრო ნაკლებად ეგუებოდა მათი შრომები და გამოწვავილი ხალხის ქეშმარიტ ცხოვ-

რებას, რომელთა არსებობა დიპლომატებმა ბოლოს სრულიად დაივიწყეს. მაგრამ ამის გამო ხალხებს არსებობა არ შეუწყვეტიათ, პირიქით, შედარებით მშვიდობიანი დროის, უშიშროების, კანონიერების, ხალხის საჭიროებისათვის მთავრობათა ზრუნვისა და ეკონომიური თვალსაზრისით მათი სწორად დაკმაყოფილების წყალობით, ევროპის საერთო კეთილდღეობა ძლიერ განვითარდა. მოსახლეობამ ვაჭრობას, ხელობას, მეცნიერებას მოჰკიდა ხელი და, ტექნიკურ დარგში მომხდარ აღმოჩენებთანა და მიღწევებთან ერთად, არც სამხედრო საქმისადმი დარჩენილა უყურადღებო. გამოჩნდა კარაბინი მინიე, შემდეგ რევოლვერები, სავაზნე კოლოფები, შორსმსროლელი ქვემეხები და ა. შ. და ა. შ. ყველაფერმა ამან მთლიანად შესცვალა ომის ტაქტიკა და თავდაყირა დააყენა ძველი წარმოდგენა არმიის შენახვისა და მომარაგების შესახებ. გაუმჯობესებულმა იარაღმა მოითხოვა გონივრული დამოკიდებულება მისდამი. საჭირო გახდა მოაზროვნე საზარბაზნე ხორცი და თან ისეთი რაოდენობით, რომ ძველი რეკეპტით მისი მომზადება შეუძლებელი აღმოჩნდა. შემოიღეს საყოველთაო სამხედრო ვალდებულება, ე. ი. ომის შემთხვევაში რომ ყველა მოქალაქეს შეძლებოდა იარაღის ხმარება. ახლა არმიას წარმოადგენს მთელი ქვეყნის მოსახლეობა, რომელსაც იარაღის ტარება შეუძლია. თუმცა გაწვევა ერთბაშად კი არ ხდება, არამედ ნაწილ-ნაწილ, სხვადასხვა სახელწოდებით. ასე რომ, ევროპის ყველა ხალხები მეომრები გახდნენ, უფრო სწორად, უნარი შესწევთ საჭიროების შემთხვევაში გაზარდონ საბრძოლო ძალები, ე. ი. ტექნიკის გაუმჯობესების წყალობით ჩვენ თურმე დავუბრუნდით იმ ეპოქას, როცა მთელი ხალხი ერთი კაცივით აღსდგებოდა და იარაღით ხელში იცავდა ყველა ძვირფას ნაციონალურ და ზნეობრივ ინტერესს. როცა სახელმწიფოს ინტერესების საკითხი ასე დადგა, მათი დამალვა დიპლომატიურ კანცელარიებში შეუძლებელი შეიქნა. უპირველეს ყოვლისა, აუცილებელი გახდა ხალხის საჭიროებისა და მისწრაფების შესწავლა ნაცვლად იმ სხვაგვარი გალიების დამზადებისა (როგორც უწინ ხდებოდა), რომელშიც ამწყვედვდნენ შემდეგ ხალხის საჭიროებას, და მისწრაფებას. დიპლომატიური არქივები და ტრაქტატების კრებულები, დიპლომატიისა და დიპლომატების დიდების ეს მონუმენტები, უსარგებლო შეიქნა, რადგან ყოველი სახელმწიფოს საერთაშორისო და შინაგანი ცხოვრება ისე გაიზარდა, რომ მთელი ამ ტრაქტატებისა და დიპლომატიური მზაკვრობის სამოსელი აღარ რგებს. დიპლომატებმა ვერ შეამჩნიეს ეს უბრალო ფაქტი, მაგრამ მათთვის დამახასიათებელი გამჭირაზობისა და შორსმჭვრეტელობის წყალობით შენიშნეს, რომ მათ მეცადინეო-

ბას მოულოდნელი ნაყოფი მოაქვს. მიაწერეს რა ყოველივე ეს სის-ტემის სიყალბეს და არ განიხილეს რა საკითხები ყოველმხრივ, დიპ-ლომატებმა ისარგებლეს თანამედროვე რკინიგზებისა და გემების სიჩქარით და დაიწყეს ერთმანეთთან სტუმრად სიარული და ყველა გაუგებრობის მიზეზთა მოლაპარაკების მეშვეობით შესწავლა. ასე-თი საქმიანობა მათ ისე მოეწონათ, რომ გადაწყვიტეს თავი მოეყარათ ამ საკითხით დაინტერესებული ყველა ადამიანისათვის. ასეთ შესა-ნიშნავ ყრილობას ამ ბოლო დროს წარმოადგენს: კონსტანტინოპო-ლის კონფერენცია³⁰ და ბერლინის კონგრესი³¹.

ჩვენ არ დავდლით მკითხველს ამ დიპლომატიური ყრილობების აღწერით. გავიმეორებთ მხოლოდ იმ საერთო, ფაქტიურ შეხედულებას, რაშიც ყველა დარწმუნებულია: საერთაშორისო საჭიროებაზე დიპლომატიური საუბრები შეიძლება ძალზე სასიამოვნო და ჭკუის სასწავლებელიც იყოს, მაგრამ არავითარი სარგებლიანობა არ მო-აქვს... ასე რომ დიპლომატია ჩამორჩა თანამედროვეობას, ვერ აკ-მაყოფილებს მას და ეს ხდება არა იმიტომ, რომ თვით დიპლომატია. ე. ი. საერთაშორისო ცხოვრების ცნობილი ხერხით მართვა, ზედმეტი აღმოჩნდა, არამედ იმიტომ, რომ დიპლომატიას პრაქტიკულად ისეთი ადამიანები ახორციელებენ, როგორიც ლორდ ბიკონსფილ-დი, ანდრაში და სხვებია, რომელთაც არ სურთ დააკმაყოფილონ თა-ნამედროვე საერთაშორისო ცხოვრების მოთხოვნილებები და ძალ-ღონეს არ იშურებენ იმისათვის, რომ ეს ფანტაზიები პრაქტიკულად განახორციელონ.

• • •

ხივის ლაშქრობის დროს უზბოი-ურუნ-დარინის ექსპედიციამ დაამთავრა გამოკვლევა და შედეგები აცნობა გეოგრაფიულ საზოგა-დობას, სადაც კვლავ დაისვა საკითხი კვლევითი სამუშაოების გაგ-რძელებისა, რაც მიზნად ისახავს წყლის გადაშვებას ამუ-დარიის ძველ კალაპოტში ისე, რომ არ შეილახოს ხივის, თურქესტანის და კასპიის იქეთა მხარის ინტერესები, რომლის მომავალი მთლიანად დამოკიდებულია უზბოის მიმართულებით წყლის გაყვანაზე. ამ შემთხვევაში უდაბნოდ ქვეული ველები გადაიქცეოდა ნოყიერ მი-წებად, სადაც მოიყვანდნენ ბამბასა და აბრეშუმს, ე. ი. იმ ძირითად ნედლეულს, რომელიც აუცილებელია რუსეთის მანუფაქტურული მრეწველობის განვითარებისათვის. ეს მიწები ახლოსაა კასპიის ზღვის სანაპიროებიდან და რუსეთთან უტყუარი და იაფი გზითაა დაკავშირებული, ამიტომ რუსეთს დიდ სარგებლობას მიუტანდა და გაამდიდრებდა როგორც მიწის მფლობელებს, ასევე სახელმწიფო-საც. შუა აზიის ვერცერთი სხვა ქვეყანა ვერ გაუწევდა კონკურენ-

ციას კასპიის ზღვის იქეთა მხარეს, ამუ-დარიის ძველი კალაპოტის ირგვლივ მდებარე მიწები, თავისი ნაყოფიერებით, შუა აზიის სხვა მიტოვებულ მიწებზე უკეთესიც რომ არ იყოს, მათი სიახლოვე კასპიის ზღვასთან მაინც მისცემდა შესაძლებლობას აქაურ მიწის მფლობელებს იაფი სანაოსნო გზით უფრო სარგებლიანად გაეყიდონ თავიანთი ნაწარმი რუსეთში და რუსეთიდანვე მიიღონ მეურნეობისა და მრეწველობის ყველა დარგის განვითარებისათვის საჭირო იარაღი და საშუალებები. შუა აზიის ქვეყნების მიმართ ასეთი საშინელი კონკურენცია ხელს შეუწყობდა ბამბის მეურნეობის განვითარებას, მაგრამ ხელსაყრელი არ იქნებოდა თურქესტანისა და შუა აზიის მკვიდრთა ინტერესებისათვის. შუა აზიის ვაჭრობის დიდი ნაწილი ბუნებრივად გადმოინაცვლებდა ამუ-დარიანზე, კასპიის ზღვაში გასასვლელად, ხოლო თურქესტანის ბევრი მოსახლე დარჩებოდა სარგებელის მომტანი და მომგებიანი საქმის გარეშე და იძულებული იქნებოდნენ ან ზარალი ენახათ, ანდა მიმართულემა შეეცვალათ თავიანთი მოღვაწეობისათვის. აი რატომაა, რომ უზბოისაკენ წყლის გადაადგებამ, რაც რუსეთის მრეწველობასა და ვაჭრობას ასეთ ხელსაყრელ შედეგებს უქადის, არ შეიძლება თურქესტანელების თანაგრძნობა გამოიწვიოს. აი, რატომ უყურებენ თურქესტანში უნდობლად ამუ-დარიის ძველი კალაპოტის გაცოცხლებას. ამ მიმართულებას მხარი დაუჭირა ზოგიერთმა ჩვენმა სწავლულმა. მაგალითად, როცა გეოგრაფიულ საზოგადოებაში დაისვა საკითხი ამუ-დარიის ძველ კალაპოტში გადაადგების შესახებ, ბატ. ბოგდანოვმა განაცხადა, რომ ამუ-დარიის დინება შეწყდა გეოლოგიური ამოზნექის გამო და ეს ყველაზე მეტად მტკიცდება კასპიის და არალის ზღვის თევზების ფორმათა სხვაობით. ცხადია, ახლაც მოიძებნებიან ისეთი სწავლულები, რომლებიც შეუდგებიან მტკიცებას, რომ მდინარე ამუ-დარიის ძველი კალაპოტით გაშვება შეუძლებელია. თუმცა გეოგრაფიული საზოგადოების წევრთა უმრავლესობა თანაგრძნობით მოეკიდა საქმეს და მაშინვე გადაწყვიტა ამ საკითხის განსახილველად როგორც ამუ-დარიის ძველი კალაპოტის, ასევე მდინარის მთელი ახლანდელი დინების დაწვრილებითი მეცნიერული შესწავლისათვის გამოეყოთ განსაკუთრებული ექსპედიცია და გამოენახათ სახსრები ექსპედიციის აღსაჭურვად. მდინარის დინების შესწავლა საჭიროა სირ-დარიის განტოტებათა ამომშრალი კალაპოტის შესწავლასთან დაკავშირებით, რომელთაგან ყურადღებას მხოლოდ იან-დარია იქცევს, რადგან არსებობს სირ-დარიის ამ კალაპოტით გაშვების ვარაუდიც. მთავრობა თანაგრძნობით მოეკიდა ამ საკითხს და ექსპედიციას სუბსიდიაც დაუნიშნა. მაგრამ თურქესტანში მაშინვე აღ-

ძრეს კითხვა — შეიძლება კი უფლება მივცეთ ამ ექსპედიციას გამო-
იკვლიოს ამუ-დარის მარცხენა ნაპირი ხივინის სახანოს ფარგლებში,
რამაც შეიძლება გართულება და მღელვარებაც კი გამოიწვიოს ამ
მხარეში? ამ საკითხზე ყველა მოსაზრებათა შედეგად ის მივიღეთ,
რომ ამუ-დარის ექსპედიციას დაევალა მხოლოდ მარჯვენა ნაპირის
გამოკვლევა. მარცხენა ნაპირზე მას არავითარი კვლევითი სამუშაო-
ების წარმოება არ შეეძლო. ასე რომ, ექსპედიციის მოქმედების
სფერო განისაზღვრებოდა მხოლოდ ამუ-დარის ახლანდელი დინე-
ბის შესწავლითა და მარჯვენა ნაპირის გამოკვლევით. თუმცა, ამუ-
დარის ნიველირებამ მოგვცა რამდენიმე ისეთი მონაცემი, რომელიც
ამტკიცებს, რომ ამუ-დარის დახრილობა საკმარისია მისი ძვე-
ლი კალაპოტით გაშვებისათვის. მაგრამ, მიუხედავად იმისა, რომ
ამუ-დარის ექსპედიციას შესანიშნავი პირობები შეუქმნეს, მის შე-
მადგენლობაში შედიოდნენ საუკეთესო სწავლულები და საკმარისი
ფულადი სახსრებიც გააჩნდა, შუა აზიის მთავარ საკითხს მაინც
გვერდი აუარეს. ეს კიდევ არაფერი, ამუ-დარის ძველი კალაპოტის
საკითხი კიდევ რამდენიმე წლით გადაიდო. თუმცა ამ საკითხს გააჩ-
ნია ისეთი არსებითი მნიშვნელობა, რომ მიუხედავად წყლის გაშვე-
ბის მოუხერხებლობისა კრასნოვოდსკის გზით რუსეთსა და შუა
აზიას შორის ვაჭრობის განვითარების საკითხი დადგა მთელი თავი-
სი აუცილებელი მნიშვნელობით და საჭირო იყო გადამწყვეტი
ზომების მიღება ხივისაკენ სავაჭრო გზის როგორც უზრუნველსა-
ყოფად. ისე მოსარწყავად. ამ საკითხზე კავკასიის მეფისნაცვალს,
მის უდიდებულესობას — დიდ მთავარს მოხსენებითი ბარათი წა-
რუდგინეს. მან კი ეს ბარათი მოიწონა და კავკასიიდან დაინიშნა
ურუნ-დარინის კომისია, რომელმაც ამუ-დარის ძველი კალაპო-
ტის ნიველირება უნდა აწარმოოს და მეცნიერულად გადაწყვიტოს
წყლის ძველ კალაპოტში გადაადგილების შესაძლებლობა, რადგან კას-
პიის ზღვის იქით მდებარე მინდვრების მორწყვის საკითხი სულ
უფრო და უფრო მნიშვნელოვანია. სავაჭრო ქარავნების მოძრაობა
ამ გზაზე თანდათან იზრდება და თუ ვერ მიაღწია სათანადო მოცუ-
ლობას. ეს მხოლოდ იმიტომ, რომ წყალი არ კმარა და, რაც მთავა-
რია. ველებიდან მუდმივი საფრთხე ემუქრება. უდავოა, რომ უზბოი-
ში წყლის გამოჩენა ერთბაშად შეცვლიდა ამ ქვეყნის ფიზიონო-
მიას. ყაჩაღები, რომლებიც უდაბნოში იმალებიან და რომელთა დევ-
ნა შეუძლებელია. ვერ შესძლებდნენ დამალვას, მკვიდრი მოსახლე-
ობა რომ არსებობდეს. დასახლებული პუნქტების არსებობა შესაძ-
ლებლობას მოგვცემდა — რაზმები გაგვეგზავნა მათ შესაპყრო-
ბად. ექსპედიციას, აღჭურვასთან ერთად, დაევალა დაეკავებინა ად-

გილი სავაქრო ფაქტორიისათვის ძველი კალაპოტის მიდამოებში, უშაკ-ბენტის მახლობლად, სადაც შეინახავდნენ როგორც ხივიდან, ასევე რუსეთიდან გადატანილ საქონელს და შეიმუშავებდნენ ყველა იმ ზომებსა და საშუალებებს, რაც აუცილებელი იქნებოდა კრასნოვოდსკის გზაზე სავაქრო მიმოსვლის უზრუნველსაყოფად. ექსპედიციამ მიაღწია ძველ კალაპოტს და მართლაც შეარჩია ადგილი ფაქტორიისათვის უშაკ-ბენტის მახლობლად, მაგრამ ამის შემდეგ დაწყებულ მოლაპარაკებას და მიმოწერას, როგორც ამუ-დარიის განყოფილებასთან, ასევე ხივის ხანთან, ის შედეგი მოჰყვა, რომ ერთბაშად გაძნელდა ფაქტორიის დაარსება. ამავე დროს წარმოიშვა ერთი მნიშვნელოვანი საკითხიც — თითქოს ეს მიწები ხივის სახანოს ეკუთვნის. ექსპედიცია გვიან შემოდგომამდე დარჩა შუა აზიაში, შემდეგ კი კრასნოვოდსკში დაბრუნდა, სავაქრო ფაქტორიის მოწყობის საკითხი კი, მოულოდნელად წარმოშობილი სიძნელების და გაუგებრობის გამო, დიდი ხნით გადაიდო. მიუხედავად იმისა, რომ ვაჭრობის განვითარებას ბევრი რამ აბრკოლებს და ქარავენების მიმოსვლა ბევრ უხერხულობასთანაა დაკავშირებული, ამ უკანასკნელთა მიმოსვლა მაინც ყოველ წლიურად იზრდება და ამით მტკიცდება ამ გზის საჭიროება ვაჭრობისათვის. თუ რამდენად ბრკოლდება ვაჭრობის განვითარება ამ გზის მეშვეობით, შეგვიძლია ვიმსჯელოთ ხივის ხანის გადაწყვეტილების მიხედვით, რომელიც მიუხედავად რუსეთთან დადებული ხელშეკრულებისა, მაინც ართმევს საბაჟო გადასახადს ბუხარიდან და კრასნოვოდსკიდან ხივის გავლით მომავალ ქარავენებს, რის უფლებაც არავითარ შემთხვევაში არა აქვს. ამ საკითხის ირგვლივ დაწყებულ მიმოწერას ჯერ არავითარი შედეგი არ მოჰყოლია და აქამდე არც ისაა ცნობილი, თუ რა მდგომარეობაშია. ალბათ წინ არც წაიწევს, რადგან უმრავლესობა არ მოისურვებს საქონელი ხივაზე გამავალი გზით გადაიტანოს და საბაჟო გადასახადი გადაიხადოს, როცა ორენბურგამდე მიტანისათვის არავითარი გადასახადი არაა საჭირო.

ამუ-დარიის გარღვევამ ბენტთან და წყლის დინებამ სარი-კამი-შამდე და უფრო შორსაც, რაც ამას წინათ „ობზორის“² მეშვეობითაც გაუწყეთ, ჩემის აზრით, ყველა შემდგომი ექვი უნდა აღმოთხვრას. სირ-კამიშიდან კრასნოვოდსკამდე უზბოი ნიველირებულია. ასე რომ, ამუ-დარიის შემდგომი დინება საექვო აღარაა. ახლა მთელი ყურადღება იმას უნდა მიექცეს, რომ მოვარდნილ წყალს რაც შეიძლება უკეთესი, მოკლე დინება მივცეთ. საჭიროა პრაქტიკული დახმარება, ისეთი შემთხვევითი დაბრკოლების აღმოთხვრა, რასაც შეუძლია ხელი შეუშალოს ამუ-დარიის დინებას კასპიის ზღვისაკენ.

ამიტომ, რაც უფრო მეტ სწავლულთა კონგრესებს, მისიებს და კომისიებს შექმნიან ამჟამად, ახლა, როცა ამუ-დარიის მიერ გაკაფული კალაპოტის რაციონალური რეგულირებისათვის ნაცადი და საქმიანი დახმარებაა საჭირო, მით უფრო ნაკლებ დროს დავეკარგავთ და მით უფრო ჩქარა და მტკიცედ მოვიკიდებთ ფეხს კასპიის ზღვის იქეთა მხარეში. და არა მარტო პოლიტიკური მიზნებისათვის, არამედ რუსეთის სავაჭრო-სამრეწველო ინტერესების საკეთილდღეოდაც, რუსეთისა, რომელმაც დროა ისარგებლოს იმ საუკუნოებრივი შრომისა და მრავალრიცხოვანი მსხვერპლგაღების ნაყოფით, რაც სახელმწიფო მიზნებით იყო განპირობებული.

№4. ავსტრიის პასუხი თურქეთის ნოტაზე

თბილისი, 20 ოქტომბერი

გასაგებია ის აღშფოთება, რასაც დედაქალაქის გაზეთები იჩენენ, როცა იხილავენ ავსტრიის მინისტრის გრაფ ანდრაშის პასუხს თურქეთის უკანასკნელ ნოტაზე. და მართლაც, ცინიზმი, რომლითაც უარყოფენ ქვეშარიტ ფაქტებს, ასეთ უმაგალითო უტიფრობამდე ჭერ არასოდეს მისულა. ავსტრია-უნგრეთის არმიის უცოდველობისა და სულგრძელობის დაცვისას გრაფი პირდაპირ აცხადებს:

— არ ყოფილა შემთხვევა ჩვენს ჭარებს ვინმე გაეძარცვოთ; პირიქით, მათ ხშირად უხდებოდათ ადგილობრივი მძარცველების ალაგმვა. ყველაფერს, რაც ამის შესახებ ოფიციალურ რელაციებში იყონათქვამი, ადასტურებენ როგორც სამხედრო, ასევე უცხოელი კორესპონდენტები.

ამგვარად, თურმე რუსულ და საზღვარგარეთულ პრესაში დაბეჭდილი ყველა კორესპონდენცია, სარაევოს. ბალიანუკის, ბრეჩნისა და სხვა ქალაქებზე მიტანილი იერიშების აღწერა ავსტრიის ჭარების ქება ყოფილა, ჭარებისა, რომლებიც თურმე ძარცვას თრგუნავდა. ასეთი გამონაგონის უარყოფაც კი ამაოა. გრაფმა ანდრაშა იცის, რომ დიპლომატიური ეთიკის მიხედვით პირდაპირი უარყოფა არ შეიძლება და ამიტომ მშვიდადაა; მან დაიცვა ავსტრია-უნგრეთის არმიის ღირსება. ხოლო თუ ისტორიაში სხვაგვარად ჩასწერენ, თუ იტყვიან, რომ ავსტრია-უნგრეთის არმია გაუგონარ სიმხეცეს იჩენდა, ვილაკების დასმენის საფუძველზე ადამიანებს სიკვდილით სჯიდნენ საქმის გაურჩევლად, ფორმალობის დაუცველადაც კი, გრაფ ანდრაშისათვის ამას არავითარი მნიშვნელობა არა აქვს. ეტყობა, გრაფ ანდრაშის წყალობით, ევროპულმა დიპლომატიამ დიდი ნაბიჯი გადადგა წინ: მას აღარ აკმაყოფილებს უწინდებური რუტინა, — აღარ საჭიროებს ახსნა-განმარტებას. იგი იმ პრინციპზე შორს მიდის, რომლის დევიზია: არც არაფერი ვიცი, არც არაფერი გამიგონია; ამტკიცებს იმას, რაც ყველამ უარყო.

რუსული გაზეთები აღშფოთებული არიან გრაფ ანდრაშის პასუხის შემდეგი აბზაციით:

„ჩვენ რომ ყოველი სარწმუნოების პატივისცემის ნაცვლად ქრისტიანების განთავისუფლება დაგვეწყო, ჩვენს მიერ წამოყენებულ საქმეს ნაკლები მსხვერპლი დასჭირდებოდა; მაგრამ ეს იქნებოდა ნიშანი მუსულმანების მოსასპობად, სინამდვილეში კი ჩვენი მოვალეობა იყო თანაბარი მფარველობა გაგვეწია ქრისტიანებისა და მუსულმანებისთვისაც“.

აზრი ნათლადაა გამოხატული: ავსტრია-უნგრეთი, რომელიც სიმპათიურადაა განწყობილი თურქეთისადმი, არ შესდგომია ქრისტიანების განთავისუფლებას და აცხადებს: ავსტრიის ომი თურქეთის წინააღმდეგ ოტომანთა ხელისუფლებისადმი დახმარებაა ბალკანეთის ნახევარკუნძულის ქრისტიანებთან ბრძოლაში. ცხადია, ასეთი პოლიტიკა რუსეთის პოლიტიკის დიამეტრულად საწინააღმდეგოა და ამ შემთხვევაში მათ შორის არავითარი კომპრომისი არ შეიძლება არსებობდეს. რუსეთმა უზომო მსხვერპლი გაიღო ქრისტიანების გასათავისუფლებლად, ხოლო ავსტრია მზადაა ყველაფერზე წავიდეს, ოღონდ თურქებისადმი შეუურიგებელი ქრისტიანები დათრგუნოს. იგი ერთგულია მეტერნიხის პოლიტიკისა და არავითარ ანგარიშს არ უწყევს არც რელიგიას და არც ბოსნიელებისა და ჰერცოგოვინელების გრძნობას: ავსტრიას სჭირდება ეს ოლქები, ხოლო ვინ იცხოვრებს ამ ტერიტორიაზე და როგორ იქნებიან განწყობილი ახალი მთავრობისადმი — მისთვის სულერთია. ავსტრია თავისი ჭარბების მეშვეობით ორივე პროვინციას დაიკავებს, შექმნის ავსტრიულ ადმინისტრაციას, აკრფეს გადასახადებს; გადასახადების მეშვეობით მთელ დოვლათს წაართმევს ხალხს, რათა ფიქტიურად მაინც შენიღბოს ქრონიკული დეფიციტი და ახალი ვალები. როცა სახელმწიფოს ასეთი მიზნები გააჩნია, რასაც ავსტრია თურქეთსაც კი არ უმაღლავს, რა ენადვლება გრაფ ანდრაშს, თუ მისი პასუხი თურქეთის ნოტაზე არანაკლებ აღშფოთებას გამოიწვევს, ვიდრე ავსტრიის ჭარბების დაუშვებელი მოქმედება ბოსნიაში და ჰერცოგოვინაში. ვისაც რა უნდა ის წეროს და ამტყიცოს, გრაფი ანდრაში დარწმუნებულია საკუთარ სიმართლეში, დიდსულოვნებაში, პატიოსნებაში და ამას ისევე უბრალოდ შეიტანს დიპლომატიურ დოკუმენტებში, როგორც თავის პასუხში სამეფო-საიმპერატორო ჭარის სათნოებას ამტყიცებდა.

სამეფო-საიმპერატორო ჭარი, არწმუნებს ის თურქეთის მთავრობას, რომლისთვისაც დისციპლინა და სულგრძელობა შემკვიდრებით სათნოებას წარმოადგენს, თავის მოვალეობად რაცხდა, მიუხედავად ბარბაროსული და ყველა სამხედრო წესის საწინააღმდეგო ფანდებისა, როგორც მაგალითად „მაგალის“ ფანდი იყო, შეესრულებინა თავისი მისია ევროპის რწმუნებულთა და ჩვენი დეკლარა-

ციის ყაიდაზე, იმ დეკლარაციისა, რომელიც წინ უსწრებდა მისი უდიდებულესობა იმპერატორის, მეფისა და ჩემი უავგუსტესი ხელმწიფის ჯართა შემოსვლას. ვერ შელახავს მათ ღირსებას, მაგრამ შეუძლებელია არ ააღლეოს ავსტრია-უნგრეთის საზოგადოების სინდისი. მე მოვალე ვიყავი უარმეყო ცილისწამება და მეთქვა პორტსათვის, თუ რა უსიამო შთაბეჭდილება მოახდინეს მათ აქ. გაისარჯეთ თქვენო აღმატებულებავ და გადაეცით ეს ტელეგრამა სავფეტფაშას, ხოლო თუ მოისურვებს, დაუტოვეთ მას ტელეგრამის ასლი.

ბინძური ცილისწამება, ე. ი. ავსტრიის ჯარების მოქმედების აღწერა ჩვენზე არ იმოქმედებსო, ამტკიცებს გრაფი ანდრაში, მაგრამ მას მაინც სწყინს, რადგან დარწმუნებულია, რომ ამგვარი ამბები აუცილებლად გამოიწვევს ავსტრია-უნგრეთის საზოგადოებრივი სინდისის აღშფოთებას. ჩვენის აზრით, სწორედ ეს სინანულია ბოსნიაში და ჰერცეგოვინაში გრაფ ანდრაშის პოლიტიკის სასიკვდილო განაჩენი. ამით ავსტრია-უნგრეთი ვერაფერს მოიგებს. რა ცინიკურადაც არ უნდა უდგებოდეს გრაფი ანდრაში თავის შემრიგებლურ მისიას. სულერთია, უაზრო სიმკაცრეს, სისხლის ღვრასა და ძარცვას, კოცობრიობის ისტორიის მანძილზე, ჯერ არცერთი სახელმწიფო არ გაუძლიერებია. თვით ინკვიზიციამ და იეზუიტებმა, რომლებიც თავიანთი მსხვერპლის რწმენასა და სინდისს წარმართავდნენ, ვერ დაიცვეს პრინციპი: ყველა გზა რომში მიდის. უსამართლობა, სიმკაცრის დანერგვა, ყოველთვის უსამართლობად რჩება. მძიმე სასჯელი და მხოლოდ სასჯელი ვერ განამტკიცებს ხალხებზე ბატონობას, როგორც არ უნდა დაამცირონ ისინი ზნეობრივად და მატერიალურად. გრაფ ანდრაშს უნდა ახსოვდეს, რას აკეთებდნენ თურქები ამ 400 წლის წინათ, შემდგომი 400 წლის მანძილზე და ბოლოს რუსეთ-თურქეთის ომში ქრისტიანი მოსახლეობის დასაშინებლად, რათა ისინი მუშა ძალად გადაექციათ და ამით თავიანთი ძლიერება გაეზარდათ. ხოლო თუ რა სახისაა ეს ძლიერება, ამის დამაღვა ევროპიელ დიპლომატებსაც კი არ ძალუძთ, რომელთაც, მიუხედავად მტრული დამოკიდებულებისა ბალკანეთის ნახევარკუნძულის მოწყობის რუსული გეგმისადმი, ნახევრად მაინც გაუწიეს მფარველობა ქრისტიან ტომებს და შინაგანი და პოლიტიკური დამოუკიდებლობა მიანიჭეს. რამდენიც არ უნდა ამტკიცონ საწინააღმდეგო რუმელია სერბია, ბულგარეთი, ჩერნიგორია, ყველა ეს ქვეყანა. თურქეთს აღარ ეკუთვნის. ნუთუ ეს მაგალითი არ კმარა ჰკუთნის სასწავლებლად და ავსტრია-უნგრეთი *de Facto* ისწრაფვის მოახდინოს ოტომანთა იმპერიის დეზორგანიზაცია დაპყრობილი ხალხებისადმი ტრადიციული უნდობლობით, რაც გამოიწვია მთელმა

რიგმა შინაგანმა გაჩანაგებამ და გარეშე ომებმა? ნუთუ რუსეთი, რომელმაც იხსნა ბალკანეთის ქრისტიანები თურქეთის მხეცურ დაუნდობლობისაგან, ადვილად დათანხმდება იმას, რომ ასევე მხეცურად მოექცეს ქრისტიანებს ავსტრია-უნგრეთი? რუსეთის პოლიტიკა ძალზე ნათლად გამოვლინდა უკანასკნელი დროის მოვლენებთან დაკავშირებით და არ არსებობს არავითარი საფუძველი იმისა, რომ ამ მხრივ რაიმე ცვლილებას ველოდეთ.

65. პარტი საქმის ცუდი დამცველი

თბილისი, 22 ოქტომბერი

რუსეთ-თურქეთის ომის დამთავრების შემდეგ გაზეთმა „მშაქ-მა“⁵⁵, რომელიც, როგორც ცნობილია, ცხარე ბრძოლას აწარმოებდა ოტომანთა წინააღმდეგ, რომელთაც. მისი აზრით, არავითარი კულტურისა და ცივილიზაციის შეთვისების უნარი არ შესწევთ, ბოლოს თავის მებრძოლი არმია სამშვიდობო მდგომარეობაში გადაიყვანა.

გაზეთი ფიქრობს, რომ ორი უკანასკნელი წლის მანძილზე იგი იმ მოგზაურს ჰგავდა, რომელმაც მიატოვა საკუთარი კერა და საზოგადოების სასარგებლო საქმისათვის გრძელ გზას გაუდგა... მთელი სომეხი საზოგადოება ამ დროის განმავლობაში მხოლოდ სომხეთის საკითხით იყო დაინტერესებული (გაზეთ „მშაქის“ აზრით, სომხეთის საკითხით დაინტერესება საკუთარი კერის მიტოვებას ნიშნავს)...

ახლა კი, განაგრძობს „მშაქი“: ჩვენ უნდა მივატოვოთ ასეთი გაცხარებული მოღვაწეობა და ხელი მოვკიდოთ „სომხეთის შინაგანი საკითხების“ განხილვას (მიაქციეთ ყურადღება ამ დაყოფას — საგარეო და საშინაო საკითხები).

იწყებს რა სომხეთის შინაგანი საკითხების გადაწყვეტას: „მშაქი“, ყოველნაირად ცდილობს დაამტკიცოს, რომ აზრი ებრაელებისა და სომხების ეროვნულ მსგავსებაზე მცდარია. სომხების შეურაცხყოფით აღშფოთებული გაზეთი გვარწმუნებს, რომ ებრაელები არასოდეს არ ეწეოდნენ მიწათმოქმედებას, ხოლო სომეხი ხალხი ძირითად მიწათმოქმედი და ასეთი იყო უძველესი დროიდან. ცნობილი დოქტორის, რედაქტორის და პუბლიცისტის ამგვარი კივილი სასაცილოა, რადგან განზე რომ დავტოვოთ არწრუნის აქამდე დაუმტკიცებელი ფართო ერუდიცია, ამგვარი საქციელი პირდაპირ უარყოფს იმ ვარაუდის შესაძლებლობას, რომ მან რაიმე იცოდეს ელემენტარული, ყოველი მოწაფისათვის ხელმისაწვდომი საკითხების შესახებ...

ებრაელი ხალხის თქმულებები და ლეგენდები, რომლებიც დღემდე შემონახა იუდეაში ჩასახულმა ქრისტიანულმა სარწმუნოებამ, ცხადად ამტკიცებს, რომ ამ ქვეყანაში დიდად განვითარებული მიწათმოქმედება იყო...

ამაში რომ დავრწმუნდეთ, საკმარისია გადავშალოთ ბიბლია, ან ავიღოთ ქრისტეს რომელიმე იგავი, რომლის სიუჟეტიც აღებულია იმდროინდელი ხალხის ცხოვრებიდან და მასში რელიეფურადაა ასახული ებრაელი ხალხის ყოფითი მხარეები...

იუდეა, თავის გეოგრაფიული და პოლიტიკური მდგომარეობით, სხვა არაფერი შეიძლებოდა ყოფილიყო, თუ არა მხოლოდ და მხოლოდ მიწათმოქმედი ქვეყანა. იუდეას, რომელიც მოწყვეტილი იყო ზღვებს და გარშემორტყმული იყო ისეთი ხალხებით, რომლებთანაც შეუძლებელი იყო წესიერი სავაჭრო ურთიერთობა, ბუნებრივია, წარმოების მხოლოდ ერთადერთი საშუალებისათვის, მიწათმოქმედებისათვის უნდა მოეკიდა ხელი... უფრო მეტი, არ არსებობს არც ერთი ებრაული თქმულება, სადაც ვაჭრობა გამოხატავდეს იუდეულების სპეციალურ საქმიანობას, ამავე დროს ისტორიამ შემოგვინახა ამავე რასის წარმომადგენელი ხალხის ტიპი, მაგრამ ვაჭარი ფინიკელებისა...

და ბოლოს, საინტერესოა ვიცოდეთ ის მოტივები, რომლებმაც ბატ. არწრუნი აიძულეს მსგავსება დაენახა ებრაელებსა და სომხებს შორის, გაბრაზებულიყო მხოლოდ მის წარმოდგენაში არსებულ ამ მსგავსებათა გამო და ლამანჩელი რაინდის მსგავსად დაეწყო ქარის წისქვილებთან ბრძოლა!

ეს ერთი. მეორეც, ბატ. არწრუნს შეუძლია ასეთივე საინტერესო ცნობები მოგვაწოდოს და გვითხრას, რა ნახა ებრაელ ხალხში ისეთი ცუდი, რომ ემიჯნება მას და იყენებს ზემოთ მოყვანილი შეხედულებების მსგავს ყალბ, გამოგონილ აზრებს?... დავგანახოს ეს ცუდი მხარეები და ჩვენ, პატრიოტიზმის დიადი იდეის თანაგრძობის გამო, ყურადღებას არ მივაქცევთ იმ ზერხებს, რომლებითაც პატივცემული ავტორი ცდილობს კანონიერ მიზანს მიაღწიოს — დაიცვას საკუთარი ერი დაუმსახურებელი საყვედურებისაგან... როცა მიზანი კარგია, ყველა საშუალება კარგია ხოლმე...

იქნება დიდად პატივცემული დოქტორი არ დაეთანხმება ამ აფორიზმს? თუ იგი ასე მოიქცევა დიდ შეცდომას დაუშვებს, რადგან უარის თქმით გააცამტვერებს იმ შესანიშნავ სიტყვებს, რომლებიც მისმა გაზეთმა დაბეჭდა. „მშაქი“ ამბობს: „ჩვენს (კავკასიელ) მუსულმანებს არ გააჩნიათ არც სახალხო სკოლები, არც გაზეთები და საერთოდ არავითარ აღზრდას არ ღებულობენ. თუ მათ არ შეუძ-

ლიათ იზრუნონ თავიანთ თავზე, მაშინ ეს მეზობლებმა, უფრო ცივილიზებულმა ხალხებმა უნდა იკისრონ. ვინც სხვისთვის ზრუნავს— ზრუნავს საკუთარი თავისთვისაც“.

აქამდე ყველაფერი შესანიშნავად მიდის და საწინააღმდეგოს ვერაფერს ვიტყვით გაზეთის მიერ გამოთქმული აზრის შესახებ, მაგრამ საექვოა ვინმემ თანხმობა განაცხადოს და მიიღოს ბატ. არწრუნის მიერ წამოყენებული წინადადება: „უპირველეს ყოვლისა, საჭიროა მუსულმანთა ბავშვები სომხურ სკოლებში მოვიზიდოთ“. ჯერ ერთი, ეს აზრი ეწინააღმდეგება პედაგოგიკის მიერ გამომუშავებულ ყველა პრინციპს, სადაც ნათქვამია: ელემენტარული სწავლება უნდა იწყებოდეს მშობლიურ ენაზე, წინააღმდეგ შემთხვევაში წარმატების მიღწევა შეუძლებელია და ბავშვები ჩლუნგდებიან. მეორეც, იგივე ბატ. არწრუნი მუდამ ქადაგებდა თავისი გაზეთის ფურცლებზე — სომხებისათვის ელემენტარული სწავლება მშობლიურ ენაზე უნდა წარმოებდესო. რა დააშავეს საბრალო თათრების, ლეკებისა და სხვათა ბავშვებმა, როცა იგი შეგნებულად აჩლუნგებს მათ, — გზავნის სომხურ სკოლებში, სადაც ერთ სიტყვასაც კი ვერ გაიგებენ!

მე მგონი, იმ უბრალო ჰუმანიტების პრავალმეტყველად მტკიცება, რომ მუსულმანთა ბავშვებისათვისაც ისაა აუცილებელი, რაც სომეხი ბავშვებისათვის — ეს ნიშნავს ამტკიცო $2 \times 2 = 4$. ჩვენ დიდ პატივს ვცემთ ჩვენს მკითხველებს და არ შეგვიძლია ექვი შეიტანოთ იმაში, რომ მათ ეს ფორმულა იციან. ხოლო თუ ბატ. არწრუნი მართლაც მივიდა იმ დასკვნამდე, რომ „სხვისთვის ზრუნვა — იგივე საკუთარი თავისთვის ზრუნვაა“, მაშინ მან ზრუნვის შესახებ სხვა წინადადება უნდა წამოაყენოს. თუ ზრუნვაა—ზრუნვა იყოს, რატომ არ უნდა მივიდეს სწავლული დოქტორი ასეთ დასკვნამდე: თუ სომეხებს სჭირდებათ — სომხური სკოლები, რუსებს — რუსული, მაშინ მუსულმანებისთვისაც — მუსულმანური სკოლებია საჭირო! ვფიქრობთ ამას დიდი სიბრძნე არ სჭირდება...

66. სასულიერო სემინარიის რევიზია

თბილისი, 23 ოქტომბერი

ამას წინათ ადგილობრივმა პრესამ გვაცნობა თბილისში რევიზორის ჩამოსვლა, რომელიც გამოგზავნა უწმინდესმა სინოდმა, აქაური მართლმადიდებლური სასულიერო სემინარიისა და ჩვენი ეგზარქატის ზოგიერთი სასულიერო-ადმზრდელობითი დაწესებულების შესამოწმებლად. ჩვენ არ ვიცით რა დასკვნამდე მივიდა რევიზია და სრულიად არ გვაინტერესებს სასწავლებელთა მეურნეობის ისეთი წვრილმანები, რომელთაც, ალბათ, იგი შეეხო... გაცილებით უფრო საინტერესოა ამ საქმის საერთო მხარე, რომელიც შეიძლება სრულიად არ წარმოადგენს რევიზორის მსჯელობის საგანს, მაგრამ რომელზედაც აუცილებლად უნდა ვილაპარაკოთ, რადგან, თუნდაც შემთხვევით, მაგრამ საზოგადოებრივი აზრის ყურადღება მიქცეულია სემინარიისკენ, რომელმაც ამ ბოლო წლებში საერთო ყურადღება მიიქცია მთელი რიგი არანორმალური მოვლენებით, რაც ადგილობრივ პრესაშიც აღინიშნა.

ამა წლის დასაწყისში ჩვენ უკვე გვეჩინდა შემთხვევა გაგვემახვილებინა „ობზორის“² მკითხველთა ყურადღება სემინარიის ინსპექტორის ბატ. კუევინსკის უცნაურ როლზე და ამიტომ ამ საკითხს ახლა არ დაეუბრუნდებით. როგორც ცნობილია, ჩვენ დავბეჭდეთ ბატ. კუევინსკის უარყოფა, სადაც მან ყველაფერი სხვებს გადააბრალა და სემინარიის წესდებას ამოფარებული ამტკიცებდა, რომ თვითონ კი არა, არამედ მისი უშუალო უფროსები, ე. ი. რექტორი და სემინარიის მმართველობაა დამნაშავე აღნიშნულ ნაკლოვანებათა არსებობაში... თუ ძალ-ღონის დაძაბვის შედეგად ბატ. კუევინსკიმ შესძლო სემინარიაში დიდი გავლენა მოეპოვებინა და ირგვლივ მორჩილი ადამიანები შემოეკრიფა, რომლებიც მხოლოდ მის ნებას ასრულებდნენ, ცხადია, ფორმალური თვალსაზრისით, ეს სრულიად არ ართმევს მას უფლებას ასეთი პასუხი გასცეს სემინარიის წესების მაძიებლებს: „მე ინსპექტორი გახლავართ, ხოლო აღნიშნული საქმე, სემინარიის წესდების მიხედვით, არ ექვემდებარება ინსპექ-

ტორს. დაემდურეთ გამგეობას, რექტორს“. ასეთი აცილების შემდეგ სადავო აღარაფერია. მეორეს მხრივ, თუ სემინარიის საყოფაცხოვრებო პირობები შესაძლებლობას იძლევა პრაქტიკულად ავიცილოთ თავიდან სემინარიის კოლექტიურად მართვის ის გარანტიები, რომლებიც დადგენილია სემინარიის წესდებით. მაშინ ბატ. კუვშინსკი უკანა პლანზე გადადის და საინტერესო პიროვნებად წარმოგვიდგება, მაგრამ არა როგორც პრესის თავდასხმების ობიექტი, არამედ როგორც კანონმდებლის ბრძნული წინასწარდასახულობის გვერდის ავლის თვალსაჩინო მაგალითი... ამ თვალსაზრისით იგი წარშობადგენს ტიპიურ დასაბუთებას იმ აზრისა, რომ გარემოში. სადაც არ არსებობს კანონის აღმსრულებლობაზე მუდმივი და დამოუკიდებელი კონტროლი, მოხერხებულ ადამიანებს ყოველთვის შეუძლიათ იოლად, პრაქტიკულად დააბრკოლონ კანონის ისეთი უმთავრესი მხარეების განხორციელება, რომლებიც ამგვარ მოქმედებას ეხება...

საერთოდ, მეტად თუ ნაკლებად, თვითნებობა თვითივე ჩვენგანს ახასიათებს ყველა საქმეში, სულერთია, რასაც არ უნდა ვაკეთებდეთ და სადაც არ უნდა ვმოქმედებდეთ. გვიბოძეთ რა უმნიშვნელო როლიც გინდათ, შეზღუდეთ ჩვენი თვითნებობა როგორც გარანტიებითაც გინდათ, შეიტანეთ კანონებში თვითნებობისაკენ ჩვენი მიდრეკილების აღმომთხვრელი როგორც „კოლეგიალური“ საშუალებებიც გინდათ, ჩვენი ვიწრო ბუნება მაინც თავისას გაიტანს, რაიმე საქმეში მაინც გამომქლავნდება... ვილაცას უთქვამს, რომ ყოველ ჩვენგანში ზის ხლესტაკოვი⁷⁸. ხოლო უფრო საფუძვლიანი იქნება თუ ვიტყვი, რომ თითოეული ჩვენგანის — მოხელის, საზოგადო მოღვაწის, ვაჭრის, ხელოსნის — ბუნებაში კიდევ უფრო ღრმად ზის პატარა დიონისე სირაკუზელი⁷⁹... ეტყობა კანონმდებლის მთელი ძალ-ღონე უძღურია აღმოფხვრას ჩვენში ეს უცნაური თვისება. ჩვენ ყველა კანონს კი არ ვემსახურებით, არამედ თვითნებობის გამოჩენის სურვილს... უცნაური ამბავია: ეს შეიძინევა არა მარტო ჩვენი ნება-სურვილის გაჩემე გამოცემული კანონების მიმართ. არამედ იმ ჩვევების მიმართაც, რომლებიც ჩვენ თვითონ გამოვიმუშავეთ. არავინ არ არღვევს ისე ხშირად, და უფრო მეტი მონდობით, სხვადასხვა წესებსა და დადგენილებებს, ვიდრე ის ადამიანები, რომელთაც ეს წესები შეადგინეს და გამოსცეს. ჩვენ შორს არ წავალთ ამ შენიშვნის საფუძვლიანობის დამამტკიცებელი საბუთების საქმენელად: საკმარისია მოვიყვანოთ ჩვენი ბანკებისა და ქალაქის

საბჭოების მაგალითი, რომლებიც, თითქმის ყოველ ნაბიჯზე, გვერდს უვლიან და არღვევენ თავიანთ წესებს და დადგენილებებს...

ჩვენ შეგვეძლო ჩამოგვეთვალა ათასი ხერხი, რითაც გვერდს უვლიან კოლექციალური პრინციპით წარმოდგენილ გარანტიებს, მაგრამ ამგვარი მაგალითები ყველას ბევრი ახსოვს. ყველასათვის ცნობილია, რომ უმეტეს შემთხვევაში კოლექციებში ყველაფერს ერთეული-საქმოსნები წყვეტენ, ხოლო დანარჩენი წევრები აპატიურნი, მორჩილნი არიან და ნებაყოფლობით ან ანგარიშიანობით უბრალო პაიკების როლს თამაშობენ.

ამგვარ საერთო მოვლენას, ცხადია, საერთო მიზეზიც უნდა ჰქონდეს. ამ მიზეზის აღმოჩენას დიდი თავისმტკრევა არ სჭირდება. იგი მომდინარეობს იმ როლიდან, რომელსაც ასრულებენ პაიკი-წევრები, მორჩილი პიროვნებები, რომელთაც უმეტეს შემთხვევაში, თვით საქმოსნები ირჩევენ... კაცი, თუ მცირეოდენი ნიჭი მაინც გააჩნია და თავის საქმეს სერიოზულად და „რწმენით“ ეკიდება, ცხადია, არ გაჩუმდება და არ გააკეთებს ყოველივე იმას, რაც პატარა ტირანს მოესურვება. ამიტომ, ეს უკანასკნელი არ უშვებენ ასეთ ადამიანებს კოლექციაში, ანდა, თუ „შეცდომით“ მაინც მოხვდა, ყველა საშუალებას ხმარობენ მის გამოსადგენად კოლექციიდან ან დაწესებულებიდან.

ჩვენ ვფიქრობთ, რომ დროა საქმის ამ მხარეს სერიოზული ყურადღება მივაქციოთ. დროა ვისწავლოთ და გულგრილად მოვეკიდოთ იმ ყალბ „მღელვარებას“, რაც თითქოსდა იმ ადამიანებმა გამოიწვიეს, რომლებიც მკაცრად ეკიდებიან საკუთარ მოვალეობას და საქმეს. დროა მივხედეთ, რომ ასეთი ადამიანები არც სახელმწიფოს აწუხებენ, არც მთავრობას და არც საზოგადოებას, აწუხებენ მხოლოდ თვითნება პირებს და აწუხებენ სახელმწიფოს, მთავრობისა და საზოგადოების სასარგებლოდ. და თუ ამგვარი „მღელვარება“, იმის ნაცვლად, რომ მათი ავტორები უკითხავად ჩამოვაშორეთ საქმეს, მკაცრი ანალიზის ობიექტი გახდება და ხელს შეუწყობს ჭეშმარიტების დადგენას, მაშინ თვითნება ადამიანების როლი აუტანელი ან უსარგებლო აღმოჩნდება. და ჩვენ უფრო იშვიათად ვიქნებით მათ მიერ სიმართლისა და კანონის ძალის აბუჩად აგდების მოწმე...

ყველა ეს მოსაზრება სრულიად უნებურად მეზადება ზოლმე, როცა ლაპარაკი ჩვენს სასულიერო სემინარიაზე ჩამოვარდება. მკითხველი შეამჩნევს, რომ ამ სემინარიის მიზეზით ჩვენ საერთო მოვლენას შევვებით, რაც შემჩნეულია არა მარტო ხელისუფლების ან ადმინისტრაციულ დაწესებულებებში, არამედ საზოგადოებრივ და კერძო დაწესებულებებშიც. თუმცა საერთო მნიშვნელობის ბო-

როტების აღმოფხვრა საერთო ღონისძიებას მოითხოვს, მაგრამ ამან ხელი არ უნდა შეგვიშალოს ვისურვოთ, რომ სემინარიის რეეიზიამ ამ კერძო შემთხვევაშიც განსაკუთრებული ყურადღება მიაქციოს საქმის ამ მხარეს, რათა დარწმუნდნენ სემინარიის ხელმძღვანელები, რომ უკონტროლო მოქმედებას საქმისათვის წარმატება არ მოაქვს და მიაქციონ ენერგიული ყურადღება სემინარიის წესდების არა მარტო ფორმალურ, არამედ მისი არსის დაცვას, რომლის მთელი ღირსება, როგორც ცნობილია, მდგომარეობს კოლეგიალური გარანტიების შემუშავების საფუძველზე წინანდელი თვითნებობისა და ძველი წესდების აღმოფხვრაში, რამაც ჩვენი სახელმწიფოს ყველა სასულიერო სემინარია ზნეობრივ და მატერიალურ დაცვამდე მიიყვანა...

საქმის მეორე, ჩვენთვის არანაკლებ მნიშვნელოვან მხარეზე საგანგებოდ ვილაპარაკებთ.

67. სამეგრელოს სასულიერო სასწავლებელი

თუმცა მე სასულიერო სასწავლებელზე, ერთგვარ წოდებრივ სასწავლო დაწესებულებაზე მექნება საუბარი, მაგრამ რადგან იგი ერთადერთია სამეგრელოში, საკმაოდ მრავალრიცხოვანი კლასებითა და საგნების მოცულობით, რომელთაც ამ სასწავლებელში გადიან, უფლებებით, რომელთაც იგი აღზრდილებს ანიჭებს, და, ამასთან ერთად, ემსახურება არა მარტო სასულიერო პირებს, არამედ მთელს საზოგადოებას, ამიტომ იმედი მაქვს მკითხველები ამ საქმეს სერიოზულად და ყურადღებით მოეკიდებიან.

ქუთაისიდან და რკინიგზის სხვა სადგურებიდან 40 ვერსის დაშორებით, ლეჩხუმის მთების სიღრმეში, არის დიდი სოფელი მარტვილი, რომელიც 3-4 ვერსზეა გაქიმული. სოფელი განსაკუთრებულს არაფერს წარმოადგენს, თუ მხედველობაში არ მივიღებთ ძველ ტაძარს, ეპისკოპოს ჭყონდიდელის ყოფილ კათედრას, რომელიც თავის დროზე დიდ როლს ასრულებდა საქართველოს ისტორიაში. სხვათაშორის, ტაძარი სოფელში კი არა დგას, არამედ ციცაბო მთის წვერზე, როგორც, საერთოდ, ძველი საქართველოს ყველა ეკლესია. ადგილმდებარეობის მიხედვით სოფელი მარტვილი წარმოადგენს მიწის ნაგლეჯს, რომელიც თითქმის სრულიად მოწყვეტილია მთელ მხარეს. ერთი მხრიდან მაღალი მთები აკრავს, ხოლო ორი სხვა მხრიდან — მთის მდინარეები აბაშა და ცხენისწყალი, რომელთა გამო მარტვილი დროდადრო მთლიანად იზოლირებულია. გაზაფხულზე, როცა მთებზე თოვლი დნება, რაც ივლისამდე გრძელდება, ეს მდინარეები, განსაკუთრებით კი ცხენისწყალი, დიდდება და ისე ფართოვდება, რომ მდინარეზე გადასვლა შეუძლებელია. ვთქვათ, სადღაც იქ არსებობს ხიდი, მაგრამ მისი საშუალებით რომ ხონში მოხვდე, უახლოეს სავაჭრო და საფოსტო ცენტრში, სადაც კორესპონდენციებს კვირაში ერთხელ ლებულობენ, 11 ვერსის მაგივრად 30-ის გავლას საჭირო, ხოლო ქუთაისამდე 75 ვერსისა, პირველყოფილ მდგომარეობაში მყოფი გზით. სხვათაშორის, ხონის პირდაპირ გზაზე არის ბორანი, რომელსაც შეუძლია ხიდის მაგივრობა გასწიოს, მაგრამ, საუბედუროდ, მდინარე სამ ტო-

ტად მოედინება, ბორანი კი მხოლოდ შუა ტოტზე მუშაობს; განაპირა დინებები ცხენით უნდა გაიარო, ხოლო როცა მდინარე ადიდებულია — ცურვით; ვისაც ეს მდინარე უნახავს, უნახავს მისი სწრაფი დინება, რომელიც უზარმაზარ ქვებს მოაგორებს, იგი ადვილად გაიგებს, თუ რა სახიფათოა ასეთ მდინარეში შესვლა.

ამ გარემოებათა გამო სოფელი მარტვილი თევების მანძილზე მოწყვეტილია ქუთაისსა და საერთოდ ფოთი-თბილისის რკინიგზის მთელ ხაზს, ხოლო როცა საპირთა სადმე გამგზავრება, ანდა ვინმეს გაგზავნა ხონში, გაგზავნილი იძულებულია იჯდეს მდინარის ნაპირას და, ამ სიტყვის სრული მნიშვნელობით, ელოდოს გამოდარებას. ზოგჯერ ხდება ასეც: გადალახავ მდინარეს, ჩახვალ ხონში, ამ დროს სადმე მთებში წამოვა წვიმა, ბრუნდები უკან და მდინარე ისე ადიდებული გხვდება, რომ მის გადალახვაზე ოცნებაც ზედმეტია.

ასეთნაირ სახალისზე, მთის ძირში, ხევში, სადაც ყოველი მხრიდან ჩამოდის წყალი, დგას ყავრით დახურული, თხელ, ერთმანეთს დაშორებულ ფიცრებიანი რვა ოთხად დაყოფილი ფარდული. თუმცა, როგორც ეტყობა, ამ ფარდულის შიდა და გარე კედლები შელესილი ყოფილა, მაგრამ ბათქაში არ შერჩენია და არც შეიძლება ბოდა შერჩენოდა, რადგან თუ ოთახში შეხვალ და გაივლი, იატაკი და კედლები ისე ირყევა, რომ არა თუ ბათქაშის, არამედ კედლების ჩამოქცევაც მოსალოდნელია. ერთ ოთახში კი საქმე იქამდე მივიდა, რომ ქერი ჩამოწვა და დროზე რომ არ შეეყენებიათ დირე, ალბათ, ჩამოიქცეოდა და რაიმე უბედურებას გამოიწვევდა.

ფარდულს აქვს ფანჯრებიც. მაგრამ მშენებლის წინდაუხედაობის გამო ფანჯრები გაუქმებულია მოპირდაპირე კედლებში ერთმანეთის პირდაპირ ზუსტი პარალელით. ამ ფანჯრებისა და ასევე კარების ჩარჩოები ისე ოსტატურადაა გაკეთებული, რომ კარ-ფანჯრებსა და კედელს შორის შეგვიძლია ჩვეულებრივი სასკოლო სახაზავი გაატარო. ამის გამო ოთახებში მუდამ ცივა და გამჭოლავი ქარი თავისუფლად დანაეარდობს. თუ ყოველივე ამას იმასაც დავუმატებთ, რომ ლუმელები მიშენებულია გარედან და ქუჩას უფრო ათბობს, ვიდრე შენობას; რომ ამ ლუმელების კვალი თვალებს გვწვავს, მაშინ შეგექმნება დაახლოებითი წარმოდგენა ამ შენობის კომფორტაბელობის შესახებ.

ამ ფარდულში, რომელიც, არქიტექტორის მიერ შედგენილი აქტის თანახმად, „აშენებულია არქიტექტურული ხელოვნების, სახანძრო და ჰიგიენური ნორმების დაუცველად“, თავმოყრილია სამასამდე ბავშვი. მოწაფეები ამ ფარდულში, გარდა დღესასწაულებისა, ყოველდღე უნდა ისხდნენ 8-დან 2 საათამდე. კარგია, თუ გარეთ

ნათელი, მზიანი ამინდია, მაგრამ თუ წვიმს ან ნისლი დგას, ასეთი ამინდი კი, შავი ზღვის სიახლოვის გამო, ძალზე ხშირია, ხოლო შემოდგომიდან ზაფხულამდე თითქმის მუდამ ასეა, მაშინ ადვილი წარმოსადგენია, თუ რა დღეშია ბავშვი, რომელიც აქ, უმნიშვნელო შესვენებების გამოკლებით, მთელი 6 საათი ზის. ცხადია, გულქვაობაა მოსთხოვო მათ გაიხადონ თბილი, ზედა ტანსაცმელი ან მოიძრონ თბილი ყელსახვევები, თუკი ვინმეს გააჩნია. მიუხედავად ამგვარი ჩაცმულობისა, მაინც გული გტკივა, როცა ხედავ მათ გალურჯებულ ტუჩებსა და ლოყებს, მათ გათოშილ კიდურებს...

ამ ფარდულს, ე. ი. სამეგრელოს სასულიერო სასწავლებელს, რომელსაც აქვს პროგიმნაზიის პროგრამა ორი კლასიკური ენითურთ, 4 ნორმალური და 3 მოსამზადებელი კლასი აქვს. მაგრამ როგორ შეიძლება მეცადინეობა ასეთ პირობებში? მკითხვეთ თქვენ. აი, როგორ: თხელი კედლების წყალობით, ყველაფერი რაც ხდება, ანდა რასაც ლაპარაკობენ ერთ ოთახში, დაწყებული მასწავლებლის შეკითხვებით და გათავებული მოწაფეების პასუხით და დათაზე წერით, ნათლად და გარკვევით ისმის მეორეში. თუ რა მდგომარეობაში უნდა იყოს მასწავლებელი, განსაკუთრებით კი მოწაფე, და როგორ უნდა ადევნოს თვალყური მეცადინეობას, როცა ერთი მხრიდან ესმის ცარცის კაკუნი და არითმეტიკულ ამოცანაზე გაცემული პასუხი, ხოლო მეორე მხრიდან — „ევროპა ჩრდილოეთით ყინულოვან ოკეანეს ესაზღვრება“ და ა. შ., ამაზე თვით მკითხველმა იმსჯელოს. მაგრამ ეს კიდევ ცოტაა. გაცილებით უარესი მდგომარეობაა, როცა რომელიმე კლასში საეკლესიო სიმღერის გაკვეთილია, რაც, წესდების მოთხოვნის თანახმად, სადილობამდე უნდა ჩატარდეს. მოწაფე პასუხობს ბერძნულად ან ლათინურად. უნდა გამოიჩინოს დიდი მონდომება, დაძაბოს მთელი ყურადღება და უეცრად, როცა მისი ყურადღება უკიდურესად დაძაბულია, მეზობელ ოთახში 60 კაცი ბავშვური დისკანტით იწყებს N-me—xe py—bu და ა. შ. სასწავლებლის შეუღობავი ეზოდან კი ისმის სამოვარზე მიშვებული ცხენების ჭიხვინი, ბატების სისინი და ღორების ღრუტუნი, რომელთაც ამაოდ დევნის სასწავლებლის დარაჯი. თუმცა სად განდევნის, როცა პატრონი აქვე ცხოვრობს. ისინი თავიანთ ეზოში არიან და ამიტომ საკლასო ოთახებში თავისუფლად შესვლის უფლებაც კი აქვთ*.

* ღორებისა და ბატების გამო სასწავლებელს მუდმივი საზრუნავი აქვს. საქმე შემდეგია: 1875 წელს ადგილობრივმა ეპარქიის მმართველმა მიიღწია იმას, რომ სასწავლებელი მარტილში გადაეტანათ და მათვე აეგო ახლანდელი სასწავ-

ხოლო თუ მოწაფეების საცხოვრებლებში შევიხედავთ, კიდევ უფრო არასასიხარულო სურათს წააწყდებით: ზემოთ მე უკვე ვთქვი, რომ მარტვილი 3-4 ვერსზეა გაშლილი. მოწაფეები ცხოვრობენ მთელ სოფელში, ან ადგილობრივი გლეხების სახლში, ანდა 3-4 კაცი ცალკე ქოხში და ხარჯიც ერთი აქვთ. თუ როგორ ცხოვრობს ჩვენი გლეხი — ცნობილია ყველა ადამიანისათვის, რომელიც ერთხელ მაინც ყოფილა საქართველოს სოფლებში, მაგრამ მეგრელი გლეხის ცხოვრების შესახებ აქედან დასკვნის გამოტანა არ შეიძლება. წარმოიდგინეთ ქოხი, რომელსაც არც სხვენი აქვს და არც იატაკი; ძველებურად ანთია შუა ცეცხლი, სისუფთავე და სილატაკე — ყოველივე ისეთი საქმეა, რაზედაც ზრუნვა არ ღირს; საკვებისა და კეთილმოწყობის ზოგიერთ საკითხთან დაკავშირებით მეგრელი უკან მოიტოვებს აღმოსავლეთ საქართველოს ქართველს. აღმოსავლეთ საქართველოში სახლები უმეტეს შემთხვევაში ქვისაა და ვერსად ვერ ნახავთ გლეხი საქონელს იმავე სახლში ამწყვდევედეს, სადაც თვითონ ცხოვრობს. აქ კი ყველა სახლი ან ხისაა, ანდა მოლობილი. შინაური ცხოველები, განსაკუთრებით ზამთრობით, იმავე ჭერქვეშ ათევენ ღამეს, სადაც მათივე პატრონი. ნესტიანი ქარი, რაც ზღვის სიახლოვეთაა გამოწვეული, ყოველ მხრივ დაჰქრის შენობაში ქუქრუტანებიდან და ძვალ-რბილში ატანს. ჭამს გლეხი მხოლოდ ღომს ან მჭადს, ხოლო იშვიათად, ძალზე იშვიათად, ქათამს. საქონლის ხორცს კი წლობით ვერ ხედავს.

აი, ასეთ გლეხებთან და ასეთ პირობებში ცხოვრობენ მოსწავლეები. თუ რა დღეში არიან ისინი, შეგიძლიათ იმსჯელოთ ზემოთ ნათქვამის საფუძველზე. 7 საათზე, ზოგჯერ კი უფრო ადრეც, საბრალო მოსწავლე გამოდის სახლიდან და მუხლამდე ტალახში, განსაკუთრებით შემოდგომიდან გაზაფხულამდე, 3-4 ვერსს გადის. იღლება, წვალობს, ისვრება, სველდება და ისე ითოშება, რომ კბილები

ლებლის შენობა. შენობისათვის აირჩია ერთი გლეხის ეზო, რომელიც ამ მიწაზე დიდი ხანია ცხოვრობს. ამგვარად, გლეხის სახლიდან სასწავლებელი სულ რამდენიმე ნაბიჯითაა დაშორებული და ამიტომ ეზო საერთო აქვთ. 1877 წ. თბილისის სასულიერო სემინარიამ მარტვილში გაგზავნა ერთ-ერთი მასწავლებელი რევიზიის ჩასატარებლად. რევიზორს არ შეეძლო არ შეენიშნა, თუ რა უხერხულებას ქმნის სასწავლებლის ეზოში ბატებისა და ღორების სეირნობა, რაც აღნიშნა კიდევ საანგარიშო მოხსენებაში. ამის შედეგად ეპარქიის მმართველმა მიიღო მითითება გადაესახლებინა გლეხი სხვა ადგილას. ეს საქმე მასზე იყო დამოკიდებული, ვინაიდან ეს მიწა ერთგვარად მისი საკუთრებაა, მაგრამ აქამდე ვრძელდება სიტყვების კორიანტელი იმ ცხოველების ღრუტუნთან ერთად, რომლებიც ამ კლასიკურ სახელს ატარებენ. შეიძლება თვალსაჩინოება კარგი საქმეა, მაგრამ დამეთანხმეთ იმაშიც, რომ ზოგჯერ უხერხულობასაც ქმნის.

უკაწკაწებს. ტანზე მხოლოდ ადგილობრივი შალისაგან შეკერილი ბლუზა აცვია, იშვიათია მოკლე ნაბადი, ხოლო კიდევ უფრო იშვიათია — პალტო. სწავლის დამთავრების შემდეგ იგივე ისტორია მეორდება. სახლში დაბრუნებული სახელდახელოდ საუზმობს, იღებს წიგნს და გაკვეთილებს ამზადებს, ანდა რვეული მუხლებზე* უდევს და სამად მოხრილი წერით დავალებას ასრულებს. ცდილობს ყველაფერი მოასწროს, დრო არ ყოფნის, საღამოს ვერ იმეცადინებს, რადგან საღამოს სანთელია საჭირო, ხოლო სანთელი ყველას როდი მოეპოვება...

ზნობრივ სფეროზე, რომელშიც მოსწავლეს ცხოვრება უხდება, ლაპარაკიც კი ზედმეტია. ბავშვი ვერაფერს ვერ ხედავს ირგვლივ ისეთს, რასაც შეუძლია კეთილი გავლენა მოახდინოს მისი ხასიათის ჩამოყალიბებაზე. ზნობაზე, მოვალეობის გრძნობის, სიმართლისა და სამართლიანობის დანერგვაზე. მე არ ვიცი, შეიძლება კი ასეთ პირობებში შთაუწერგო ბავშვებს ის გრძნობები და ცნებები, რაც არა მარტო მომავალ მღვდელს სჭირდება, არამედ ყველას...

როდესაც მე ზოგიერთებს მოვუყევი, თუ რა მდგომარეობაში არიან მოსწავლეები, ვაცნობე ბევრი ისეთი ფაქტიც, რაც მიუთითებდა, თუ რა დამლუბველ გავლენას ახდენს მოსწავლეებზე მთელი მათი გარემოცვა — მათ მიპასუხეს, რომ სასწავლებლის ხელმძღვანელობას შეუძლია აღმოფხვრას ყველაფერი ეს ფხიზელი ზედამხედველობის, მოსწავლეთა ბინებზე ხშირი ინსპექციის, ჰიგიენის საკითხებზე რჩევა-დარიგების გზით. მიუხედავად იმისა, რომ ასეთ აზრს გამოსთქვამდნენ განათლებული და პატიოსანი ადამიანები, ამ შემთხვევაში მისი განხორციელება შეუძლებელია და სახეიროს არაფერს მოგვიტანს. სასწავლებელს ჰყავს ერთი ინსპექტორი, ორი ზედამხედველი და ერთი მეთვალყურე. მოწაფეთა ბინები ისეთ ჭურღმულეებში და მიუვალ ადგილებშია მიმობნეული, რომ ტალახში ძალიან ძნელია მიაღწიო მათ ადგილსამყოფელს, დავუშვათ, რომ ამ პირებმა დაჰყვეს მოწაფეთა ბინები უბნებად და რიგრიგობით აკითხავენ მათ, თუმცა მეთვალყურეს ისედაც ბევრი მოვალეობა აწევს, ხოლო ინსპექტორი ამავე დროს სასწავლებლის საქმეთა მმართველიცაა, თითოეულს მოუწევს 25-30 ბინის შემოწმება. თუ ბი-

* მე ვამახსენდა გამოკვლევა და სტატისტიკური მონაცემები ხერხემლის გამრუდების შესახებ, რასაც იმ მერხებისა და მაგილების ცუდი აგებულება იწვევს, რომლებზედაც ბავშვებს მუშაობა უხდებათ. იმათ, ვისაც ეს საკითხი აინტერესებს და სურვილი აქვთ დასკვნებისათვის მონაცემები ჰქონდეთ, შეუძლიათ თავიანთ გამოკვლევებში აღნიშნონ, რომ სამეგურლოს სასულიერო სასწავლებელში მოსწავლეთა ხერხემლის გამრუდება 80 და 90 პროცენტს აღწევს.

ნაზე წვევის ვადას განვსაზღვრავთ 4-6 საათამდე ან შეიძლება. რადგან შეუძლებელია 3-4 ვერსის მანძილზე ღამით ჯერღმულებში ხეტიალი, ხოლო ერთი ბინიდან მეორემდე მისვლას 4-5 წუთი დასჭირდება, მაშინ ყოველ ბინაში შეიძლება დაყოვნდე არა უმეტეს 3 წუთისა, სამ დღეში კი — 10 წუთი. აბა მითხარით. რის გაკეთება შეიძლება ამ ხნის განმავლობაში? საერთოდ, თუნდაც ყოველდღიურად 20 წუთი დარჩეთ მოწათის ბინაზე, სულერთია, თქვენი სტუმრობა ვერაფერს შეცვლის. მიხვედით, ნახეთ, რომ ბავშვი ცუდად ცხოვრობს, ცივა, შია. მისი ჯანმრთელობა საფრთხეშია. ამის შემდეგ როგორ მოგიბრუნდება ენა ურჩიო ჰიგიენურად, თბილად იცხოვროს და ა. შ. ეს ხომ მისი აბუჩად აგდება იქნება. ანდა წარმოვიდგინოთ, რომ თქვენ უკითხავთ მას ლექციას მოვალეობის, ზნეობის, სხვისი საკუთრების პატივისცემის შესახებ... მაგრამ როგორც კი წამოხვალთ, იგი სატლის პატრონთან ერთად ენას გამოგიყოფთ, ნიშნის მოგებით. საქმეს არც მასწავლებლის კლასში დარიგება უშველის, და ეს შეუძლებელიც არის. მასწავლებელი მიჰყვება თავის საგნის პროგრამას და აუცილებლად უნდა გაიაროს ეს პროგრამა: სასწავლო წლის მანძილზე. თუ არა და პასუხს სთხოვენ. თუ გავიხსენებთ იმ პირობებს, რომელშიც მას მეცადინეობის ჩატარება უხდება, მაშინ ადვილი გასაგებია, რომ მისთვის ძვირფასია ყოველი წუთი და დროს ვერ დახარჯავს ისეთ საქმეზე. რაც მისთვის ნაწილობრივ, ან, უფრო სწორედ, თითქმის სრულიად უცხოა...

რადგან დაახლოებით მაინც გაგაცანით სამეგრელოს სასულიერო სასწავლებლისა და მოსწავლეების მდგომარეობა, საჭიროდ მიმაჩნია რამდენიმე სიტყვა მასწავლებელზეც ვთქვა, მით უმეტეს, რომ ამ რამდენიმე თვის წინათ „ობზორში“² დაიბეჭდა შენიშვნა, სადაც აღნიშნული იყო, რომ სამეგრელოს სასულიერო სასწავლებელს მასწავლებლები აკლია, და ამის მიზეზი მათი ხელფასის სიმცირეა. შენიშვნის ავტორმა სწორი ცნობა მოგვაწოდა — სასწავლებელს მართლაც აკლია მასწავლებლები. მაგრამ აღნიშნული მიზეზის სამართლიანობაში ვერ დავეთანხმებით. სამეგრელოს სასულიერო სასწავლებლის მასწავლებლებს ისეთივე ხელფასი აქვთ, როგორც თბილისის. გორის, თელავისა და ქუთაისის სასულიერო სასწავლებლების მასწავლებლებს. მაგრამ ამ სასწავლებელს მასწავლებლები მაინც აკლია და იქ წასვლის მსურველი ცოტაა, ხოლო თბილისის, ქუთაისის და სხვა სასწავლებლებში, გარდა ოზურგეთისა, მასწავლებლები ყოველთვის საკმაო რაოდენობითაა, ზოგჯერ კი ერთ საგანს რამდენიმე კონკურენტი ჰყავს. საჭიროა ითქვას ისიც, რომ სამეგრელოს სასწავლებლის მასწავლებელს შეუძლია მიიღოს. და ღებულობს კი-

დეც, სხვა სასწავლებლების მასწავლებლებზე მეტი, რადგანაც მათ უფლება აქვთ 12 გაკვეთილის შემდეგ იქონიონ ფასიანი დამატებითი გაკვეთილები. ასე რომ, არც ერთი მათგანი არ ლებულობს 48-50 მანეთზე ნაკლებს თვეში. სხვა სასწავლებლების სრულ შტატზე მყოფი მასწავლებლები კი 5 მანეთს ლებულობენ. ამგვარად, სამეგრელოს სასულიერო სასწავლებელში მასწავლებლების ნაკლებობის მიზეზი ხელფასის სიმცირე კი არაა, არამედ სხვა გარემოება.

ეს გარემოება ორგვარია: პირველი და უმთავრესი — წმინდა ზნეობრივი მხარე, მეორე კი — მატერიალური.

რა ერთგულიც არ უნდა იყოს ადამიანი თავისი საქმის, როგორც არ უნდა უყვარდეს იგი, რა მსხვერპლის გასაღებადაც არ უნდა იყოს მზად, თუ საქმე მას უაღრესად ცუდ პირობებში აყენებს, იძულებულს ხდის გაკვირვებულად იცხოვროს, სკობს ყოველგვარ მის თვითმყოფობას, მას აუცილებლად გული გაუცივდება საქმეზე და ბოლოს მიატოვებს კიდევ. თუ იგი პატიოსანი ადამიანია, ვალდებულიცაა ასე მოიქცეს.

სამეგრელოს სასულიერო სასწავლებლის მასწავლებელი ხედავს, და არ შეუძლია არ დაინახოს, რომ სანამ საქმე ასეთ მდგომარეობაში იქნება, მიუხედავად მისი მძიმე შრომისა, მიუხედავად საქმისადმი პატიოსანი და კეთილსინდისიერი დამოკიდებულებისა, ხელს შეუწყობს მხოლოდ წერა-კითხვის მკოდნეთა გაზრდა-გამრავლებას, რომელთაც შერჩებათ მხოლოდ ის ცოდნა, რაც სასწავლებელში მიიღეს და ამ ცოდნას ცხოვრებაში მხოლოდ მოკეთის საზიანოდ და პირადი ინტერესების სასარგებლოდ გამოიყენებენ. შეიძლება ითქვას, რომ ზერელედ ნასწავლი კაცი, რომელსაც არ გააჩნია მტკიცე ზნეობრივი საფუძველი, უმეცარზე უარესია. ასეთ პირობებში სასწავლებელი ვერასოდეს ვერ შთაუწერავს მოწაფეებს მისწრაფებას — გააგრძელოს და დაამთავროს სწავლა. დაარსების დღიდან, სამი წლის მანძილზე სამეგრელოს სასულიერო სასწავლებელმა საშუალო სასწავლებლებში გაგზავნა მხოლოდ 4-5 მოწაფე. მასწავლებელს არ შეუძლია არ დაინახოს ის სიძნელები და დაბრკოლებები, რადგან ყოველივე ამას თავის თავზე განიცდის, რაც ხელს უწყობს ასეთ უარყოფით შედეგებს, არ შეუძლია არ იფიქროს იმაზე, რომ თუ იგი სხვა საქმეში, მოღვაწეობის სხვა ასპარეზზე დახარჯავდა ამდენივე შრომას, შედეგები, როგორც ხარისხოვნად, ასევე რაოდენობრივად, უკეთესი იქნებოდა. თუ თავს დავანებებთ ამ საკითხისადმი ერთგვარ იდეალისტურ მიდგომას და საქმეს პრაქტიკული თვალსაზრისით განვიხილავთ, ე. ი. ავიღებთ მასწავლებელს, რომელიც თანახმაა იშრომოს, მაგრამ შრომაში თხოულობს იმას,

რაც ერგება ადამიანს, რომლისათვისაც მასწავლებლობა კაცობრიობის განმანათლებელი მიზანი კი არაა, არამედ უზრუნველყოფილი და მოხერხებული ცხოვრების საშუალება, მაშინ სამეგრელოს სასულიერო სასწავლებელში სამსახურს მისთვის აზრი არა აქვს და თუ მსახურობს, მსახურობს მხოლოდ დროებით, მანამდე, სანამ შემთხვევა არ მიეცემა უკეთეს ადგილზე გადავიდეს. ხოლო უკეთეს ადგილის ძიება რომ დიდხანს არ დასჭირდება, ამაში მხოლოდ მაშინ დარწმუნდებით, როცა მის აწმყოს დაინახავთ. რას წარმოადგენს იგი მარტივში? მოწყვეტილ ადამიანს მთელი ქვეყნიდან, რომლის ცხოვრებას იგი ასე თუ ისე მიეჩეია. ორი-სამი თვის განმავლობაში მას წარმოდგენა არ აქვს რა ხდება მარტივს იქეთ, ცხენის-წყალს გაღმა. დიდი ნუგეში არც მდინარის გადალახვას მოაქვს, რადგან გაზეთებსა და წერილებს თბილისიდან 16 დღის დაგვიანებით ღებულობენ მაშინ, როცა მოსკოვიდან თბილისში ფოსტა 6 დღეში მოდის. არავის არ აინტერესებს იგი, არც მას არაფერი აკავშირებს არავისთან და არაფერთან. მე ისიც გამიგონია, თითქოს საქმისათვის უკეთესია, როცა მასწავლებელს არა აქვს საშუალება სხვანაირად დახარჯოს დრო, რომელიც საქმეს უნდა მოხმარდეს. ასეთი შეხედულება დიდი შეცდომაა! საქმე საქმედ უნდა დარჩეს, ხოლო გონებრივი ცხოვრება — გონებრივ ცხოვრებად. საქმის უკეთესად წარმართვისათვის ადამიანს ყოველთვის პირადი და გონებრივი ცხოვრება მატებს ძალას. მაგრამ მოვეშვათ ამას და შევხედოთ მის ყოველდღიურ ცხოვრებას. ბინის უქონლობის გამო იგი ისეთივე ქოხში ცხოვრობს, როგორშიც გლეხი, რადგან უკეთესს ვერსად პოულობს. სასწავლებელმა მათ „სახაზინო ბინა“ აუშენა, მაგრამ ამ ბინის შესახებ შეგიძლიათ იმსჯელოთ შემდეგი მონაცემებით: სახლის სიგრძე 3 საყენია, განი ერთნახევარი, სიმაღლე — ერთი და დაყოფილია 6 ოთახად. თითო კაცს თითო ოთახს აძლევენ. აღარაფერს ვამბობ იმაზე, რომ ამ გალიების სახურავიდან წვიმის დროს უმოწყალოდ ჩამოდის წყალი, რომელიც იატაკის ხერხელებშიც დგება, ზატხულში კი მასწავლებელი ხშირად პოულობს საწოლზე ანკარას, ახლა თქვით, როგორ უნდა იცხოვროს ასეთ პირობებში ცოლშვილიანმა მასწავლებელმა? როცა საწოლს დადგამ, ნაბიჯის გადასადგმელი ადგილი აღარ რჩება; სკამს კი არა, ქვაბსაც კი ვერსად მოათავსებ... არ შეიძლება ყოველივე ამის სიტყვით გადმოცემა, კაცმა თვითონ უნდა ნახოს. მასწავლებელი იმასვე სკამს, რასაც მარტივლის დანარჩენი მცხოვრებლები: მკაღს, ღომს და, საერთოდ, ყველაფერს, რაც სოფელში იშოვება. თუ ქუთაისში არ ჩავიდა, მთელი წელი გაივლის ისე, რომ საქონლის ერთ ნაჭერ ხორცს ვერ

იხილავს. პურის შოვნა შეიძლება, მაგრამ ადგილზე ერთი გირვანქა 10 კაპიკზე მეტი ჯდება, თუ არა და გამოიწერე ხონიდან ან ქუთაისიდან. თუ მასწავლებელს სერთუკი ან სხვა ტანსაცმელი გაეხა, უნდა ელოდოს არადადეგებს, რადგან სწავლის პერიოდში მას შევბუღებას არ აძლევენ. ასე რომ, ამ ხნის განმავლობაში ან დახეული ტანსაცმლით უნდა იაროს, ანდა თვითონ მიიკეროს ჯარისკაცივით. მაგრამ ყველაზე უარესი მაინც ავადმყოფობაა. თუ რომელიმე მათგანი ავად გახდა — დაიღუპა კიდევ. თუ უშველის საკუთარი ბუნება — ხომ კარგი, თუ არა და რას იზამ! როცა 48 მან. ლებულობ, როგორ უნდა მოიწვიო ექიმი ქუთაისიდან ან სენაკიდან, მარტვილს ხომ ექიმი შტატით არ ეკუთვნის... ბუნებრივია, რომ ასეთ პირობებში მასწავლებელი სამეგრელოს სასულიერო სასწავლებელს ისე უყურებს, როგორც დროებითი გადასახლების ადგილს და არავითარ შემთხვევაში არ შეიძლება გაუჩნდეს მას სასწავლებლისადმი სიყვარული, მისი მდგომარეობისადმი, მისი რეპუტაციისადმი ისეთი ზრუნვის გრძნობა, რომელიც საქმის უკეთესად წარმართვაში მნიშვნელოვან როლს თამაშობს. როცა მასწავლებელი სამსახურზე თანხმობას აცხადებს, მან იცის რაზეც მიდის; გადაწყვეტილი აქვს დროებით გაუძლოს იმ სიციწროვეს და უხერხულობას, რაც ელის; მაგრამ იგი რომ დიდხანს, ან სამუდამოდ დარჩეს აქ და კუბოს ფიქრამდე ითმინოს მთელი ეს უხერხულობა, ამაზე ფიქრიც ზედმეტია... ხოლო თუ რა დიდ გავლენას ახდენს მასწავლებელთა ხშირი ცვლა მოსწავლეების აღზრდაზე და სწავლაზე. შეუძლია განსაჯოს თითოეულმა, ამ საქმის არასპეციალისტმაც კი.

მე ვეცადე სწორი წარმოდგენა შემექმნა მკითხველისათვის სამეგრელოს სასულიერო სასწავლებელზე და სინამდვილეში არსებულ მდგომარეობაზე, მაგრამ დარწმუნებული ვარ, რომ წარმოდგენა მხოლოდ დაახლოებითია და არა სრული. რომ გაიგო, ნათლად რომ წარმოიდგინო მათი მდგომარეობა, ამისათვის საჭიროა იცხოვრო აქ. გადაიტანო, განიცადო, საკუთარი თვალთ ნახო ყოველივე ეს.

შემეკითხებიან, რამ მიიყვანა სასწავლებელი ამ მდგომარეობამდე? ნუთუ აღარაფერი ეშველება? თუ საქმე ამ მდგომარეობაში დარჩა, ყველაფერი დაიღუპება. ნუთუ ხელმძღვანელებს არაფრის გაკეთება, არ შეუძლიათ?

ძნელია ამ კითხვებზე პასუხის გაცემა. განსაკუთრებით კი პირველზე, რადგან, თევზმა თქვა: „სათქმელი ბევრი მაქვს, მაგრამ პირი წყლითა მაქვს სავსეო“, ამბობს ქართული ანდაზა. მაინც ვეცდები

მოვხაზო ის გზა, რომელმაც სასწავლებელი ამ მდგომარეობამდე მიიყვანა.

ეს სასწავლებელი უწინ ორკლასიანი სამრევლო სკოლა იყო და იდგა მთაზე. მარტილის გარეთ, ტაძართან, შემდეგ სკოლა ოთხკლასიან სასწავლებლად გადაკეთდა და 1867 წლის წესდების თანახმად, სხვა სასულიერო სასწავლებლებთან ერთად, გარდაიქმნა. მიუხედავად რეფორმისა, ადგილმდებარეობისა და მასწავლებელ-მოწაფეთა საყოფაცხოვრებო პირობების გამო, სასწავლებელს დიდი სარგებლობა არ მოუტანია და მხოლოდ წერა-კითხვის მცოდნე უსწავლელები გაამრავლა ირგვლივ მდებარე სოფლებში. 1873 წელს სასწავლებლის შენობა დაიწვა და, რადგან მარტილში არ აღმოჩნდა სასწავლებლისათვის დროებით გამოსადეგი შენობა, სასწავლებელი ქუთაისში გადაიტანეს. ქუთაისში გადატანის შემდეგ სასწავლებლის ხასიათი და ფიზიონომია, ისევე როგორც სასწავლო-აღმზრდელობითი საქმის მთელი მსვლელობა, მთლიანად შეიცვალა. მასწავლებლები საკმაო რაოდენობით მოგროვდნენ, სასწავლებლის დაქირავებულ შენობას არა უშავდა, მოსწავლეებისათვის საცხოვრებელი კორპუსი მოაწყვეს; ცარცის, მელნის, საშულის საყიდლად 40 ვერსის გავლა აღარ უხდებოდათ; ავადმყოფობის შემთხვევაში იწვევდნენ ექიმს და, საერთოდ, სასწავლებელმა ნელ-ნელა წესიერი სახე მიიღო. მაგრამ ეს არ მოეწონათ ზოგიერთებს, რომელთაც ამ ამბავში სამეგრელოს დაღუპვა დაინახეს. დაიწყეს ზრუნვა სასწავლებლის ისევ მარტილში გადასატანად *. როცა ყრილობას წინადადება მისცეს დაფიქრებულიყო, რა მდგომარეობაში აღმოჩნდება სასწავლებელი თუ მარტილში გადაიტანენ, როგორ იცხოვრებენ იქ მოსწავლეები, სად მოაწყობენ საერთო საცხოვრებელს, სად იშოვნიან ექიმს და, ბოლოს, როგორ შეასრულებს სასწავლებელი მარტილში სასულიერო სასწავლებლების ახალი წესდების იმ მოთხოვნებილებს, რომლებიც სულ სხვაა, ვიდრე სამრევლო სკოლისა, მაგრამ დეპუტატებს არაფრის გაგონება არ უნდოდათ... დეპუტატებს შორის იყვნენ ისეთი ადამიანები, რომლებიც ხედავდნენ, რომ სასწავ-

* მე ამით იმის თქმა არ მინდა, თითქოს სამეგრელოს სასულიერო სასწავლებლის გატანა იმ ოლქის გარეთ, რომელიც სასწავლებელს ინახავს, უკეთესა, ანდა უფრო სამართლიანი იქნებოდა. მე ვეთანხმები იმ აზრს, რომ სამეგრელოს სასულიერო სასწავლებელი სამეგრელოში მის ცენტრში უნდა იყოს. რადგან სასულიერო პირთათვის ასე უფრო მოსახერხებელია, მაგრამ ამ შემთხვევაში მხედველობაში გვქონდა არა ეს, არამედ სულ სხვა, რაც ნათლად ჩანს იმ ამბიდან, რომ მარტილი სამეგრელოს ცენტრში კი არ მდებარეობს, არამედ მის საზღვარზე...

ლებელს მიყრუებულ ადგილზე გადატანა დაღუპავს. წინადადება შეიტანეს სასწავლებლისათვის ისეთი ადგილი აერჩიათ, სადაც ყველა მოსალოდნელი ნაკლის აღმოფხვრა შესაძლებელი იქნებოდა. ზოგი სენაკს ასახელებდა, ზოგი ახალ სენაკს. დეპუტატები ხედავდნენ, რომ შეიძლება საქმე ჩაიშალოს და ამიტომ მსჯელობა აღარ დაუწყიათ. ჯობია დროებით გადავიტანოთ, შემდეგ კი ვიმსჯელებთ, გადაწყვიტეს მათ.

სასულიერო პირებმა გადაწყვიტეს, სანამ შენობის ასაგებად ადგილს აარჩევდნენ, სასწავლებელი მარტვილში გადაეტანათ. სამწუხაროდ, მარტვილში არ არსებობდა შენობა. მაშინ იმ პირმა, რომელიც ამ ნაქმეს სათავეში ედგა, განაცხადა, რომ 2 თვეში ააგებს შენობას და მართლაც ააშენა ფარდული, რომელშიც სასწავლებელი გადაიტანეს.

თუ რა გამოიწვია ამ ამბავმა, მკითხველმა უკვე დაინახა.

სასულიერო პირთა ერთი ნაწილი ხედავდა მთელ იმ მავნებლობას, და საფრთხეს, რასაც იწვევს არსებული მდგომარეობის გაგრძელება და როცა ამა წლის ივლისის ყრილობაზე იმერეთის ეპისკოპოსმა გაბრიელმა დეპუტატებს წინადადება მისცა — გამოენახათ სახსრები სასწავლებლისათვის შენობის ასაგებად, იმ გეგმისა და ხარჯთაღრიცხვის (დაასლოებით 40.000 მან.) მიხედვით, რომელიც სინოდმა დაამტკიცა, დეპუტატებმა განაცხადეს, რომ სამეგრელოში ასეთი შენობის აგება არ ღირს, რადგან სასწავლებლის მდგომარეობა ამით ოდნავადაც არ გაუმჯობესდება...

ასე რომ ეს საქმე უშედეგოდ დამთავრდა...

68. პოლიტიკური მდგომარეობა

თბილისი, 29 ოქტომბერი

გაზეთის მოწინავე სტატიები, კორესპონდენციები და ტელეგრა-
მები გვაწვდის უამრავ ზუსტ და სწორ ცნობებს ევროპის პოლიტი-
კური მდგომარეობის შესახებ, მაგრამ ამავე დროს ძალზე ძნელია
გაერკვე, რა ხდება ახლა ევროპაში და რას უმზადებენ მომავალს
ახლანდელი დიპლომატები და სახელმწიფო მოღვაწეები. უმთავრე-
სი საკითხიც კი, რომლის გამო ამდენი სისხლი დაიღვარა და ამდენი
მსხვერპლი გაიღეს, საკითხი იმის შესახებ, დამთავრდა თუ არა
თურქეთთან ომი, ჯერ კიდევ სავსებით გარკვეული არაა. თურქეთმა
შეასრულა ბერლინის კონგრესზე ნაკისრი ვალდებულებანი რუსე-
თის მიმართ, მაგრამ ნამდვილი ხელშეკრულება ამ სახელმწიფოებს
შორის ისეთ საკითხებზე, რომლებიც ბერლინის კონგრესის²⁰ მსჯე-
ლობის საგანი არაა, ჯერ არ დადებულა. თავის მხრივ, რუსეთმაც
შესანიშნავი სიზუსტით შეასრულა ბერლინის კონგრესის დადგენი-
ლებები და ყველაზე შარბანი დიპლომატიც კი ვერ აღმოაჩენს თურ-
ქეთისადმი მის დამოკიდებულებაში ბერლინის ტრაქტატის დადგე-
ნილებებიდან მცირედი გადახვევის შემთხვევას. რა შეიძლება იყოს
ამაზე უკეთესი. მეომარმა მხარეებმა ყველაფერი ისე შეასრულეს,
როგორც საჭიროა. ამავე დროს ჩვენ ჯარებს დაკავებული აქვთ
აღმოსავლეთ რუმელია და იძულებულნი არიან უფრო ადრე წაი-
წიონ წინ, ვიდრე დაიხიონ უკან. როგორც კი ჩვენმა ჯარებმა დასტო-
ვეს დაკავებული ადგილები, მუსულმანებმა მაშინვე დაიწყეს ქრის-
ტიანების ფანატიკური ხოცვა-ჟლეტა და ჯარი იძულებული გახდა
უკან დაბრუნებულიყო. ოტომანთა მთავრობა კი თავის მხრივ კვლავ
აიარაღებს ჯარს და იმის მაგივრად, რომ რუსეთიდან დაბრუნებუ-
ლი ტყვეები სახლებში გაეშვა, საბერძნეთის საზღვარზე განლაგე-
ბულ არმიასი ჩარიცხა, ამ არმიის გასაძლიერებლად. ამგვარად, ბალ-
კანეთის ნახევარკუნძულზე ძალაში რჩება ყველა ის მიზეზი, რა-
მაც განაპირობა თურქეთის მიერ რუსეთისათვის ომის გამოცხადე-
ბა. მიუხედავად ავსტრიელებისაგან ბოსნიისა და ჰერცოგოვინის

ოკუპაციისა, ამ მიწაზე კვლავ იღვრება სისხლი, რასაც მხოლოდ სახე უცვალა ოდნავ ახალი მტრის გამოჩენამ. ჩერნოგორიელებმა ამდენხანს ვერ მოახერხეს თურქეთისათვის წართმეული მიწების დაბრუნება, თუნდაც ისეთი შეკვეცილი სახით, როგორც ეს ბერლინის ტრაქტატმა დაადგინა. რუსეთ-თურქეთის ომის დროს საბერძნეთმა არაფერი არ გააკეთა თავისი საზღვრების გასაფართოვებლად. ხოლო ომის შემდეგ ინგლისის დიპლომატიის მფარველობის ქვეშ აღმოჩნდა. საფრანგეთი და იტალია მაინც ცდილობენ განახორციელონ თავიანთი უაზრო იდეა—გააბერძნონ თურქეთის სლავიანური პროვინციები. ასე რომ, ვერც ომმა, ვერც ომის შემდგომ პერიოდში მთელი ევროპის დიპლომატების მეცადინეობამ — დაემშვიდებინათ ბალკანეთის ნახევარკუნძულის მოსახლეობა, ქვეშარით მშვიდობას ვერავეითარი სარგებლობა ვერ მოუტანა. საწვავი მასალის მთელი მარაგი, რომლის აფეთქება შეეძლო აღმოსავლეთის საკითხს, ჯერ კიდევ მზადაა ხანძრისათვის, თუმცა ხანძარი, რომლის ჩაქრობასაც სისხლით ფიქრობდნენ, იმავე ძალით გიზგიზებს. ასეთ პირობებში მშვიდობისათვის მზადება როგორღაც უცნაურია, თუმცა ახლა ყველა მშვიდობაზე ლაპარაკობს და მისი სიმტკიცის იმედი აქვს. კი, მაგრამ რა საფუძველზე? ეს აბეზარი კითხვა უნებურად უტრიალებს ყველას თავში...

აღმოსავლეთის საკითხმა სხვა ფორმა მიიღო, მაგრამ სინამდვილეში სრულიად არ შეცვლილა. თუ რუსეთ-თურქეთის ომამდე ეს საკითხი ევროპის სიმშვიდეს ემუქრებოდა, ახლა, როცა რუსეთს, ინგლისსა და ავსტრია-უნგრეთს, რომლებიც ადრე მემორანდუმებსა და ნოტებს უცვლიდნენ ერთმანეთს, ბალკანეთის ნახევარკუნძულზე ჯარები ჰყავთ და მათი შეტაკებისათვის მცირედი გაუგებრობაც კი საკმარისია, ევროპის სიმშვიდეს ამით ბევრი არაფერი მოუგია. მიუხედავად დიპლომატების ფიცისა, თითქოს აღმოსავლეთის საკითხის გადაწყვეტა ბერლინის ტრაქტატმა დააჩქარა, ჩემის აზრით, ეს საკითხი ჯერ კიდევ გადასაწყვეტია. მაგრამ სად და როგორ გადაწყდება? ამ კითხვას თითქმის ვერავინ გასცემს პასუხს. ვარაუდი ბევრია, მაგრამ ყველაზე მართალი მათ შორის ისაა, რომ აღმოსავლეთის საკითხი ბალკანეთის ნახევარკუნძულიდან მთელ აზიაზე გავრცელდა და მისი ნამდვილი მნიშვნელობა სწორედ აქ გამოიჩინა. რუსეთის ძლევამოსილების გავრცელების წინააღმდეგ ინგლისის ჩუმი მეტოქეობა ახლა აშკარა მტრობად გადაიქცა და ლორდმა ბიკონსფილდმა გადაწყვიტა, რადაც არ უნდა დაუჯდეს, შეაჩეროს ეს მოძრაობა. მცირე აზიის რეფორმები, ე. ი. სულთანის გარდაქმნა ინდოეთის რაჯად, მიუხედავად ლეიარდის ენერჯისა და ოსტატობი-

სა, ჯერ კიდევ ვერ გაცდა დიპლომატიური მიმოწერის სფეროს, ამასობაში კი დიდი ბრიტანეთის დედოფლისა და ინდოეთის იმპერატორის დაულალავმა პრემიერ-მინისტრმა ავლანისტანში ომი გამოიწვია. უკანასკნელი ტელეგრამა გვატყობინებს, რომ ჰაიბერის სამრევლოში სროლა ატყდაო. ცხადია, ინგლისელები ეცდებიან ეს ხმები უარყონ, რადგან სეზონი წინსვლის საშუალებას არ აძლევს ინგლისის ჯარს. ასე რომ, თუ ჰაიბერის სამრევლოში მართლაც ატყდა სროლა, მისი დაწყება შეეძლო მხოლოდ ემირს ანდა მის მორჩილ ტომებს. ეს უკვე ძალზე გაბედული ნაბიჯია, თვით მამაცი შირალისტვისაც კი, რომელიც არ შეუშინდა ინგლისის გამოწვევას; ყოველ შემთხვევაში, სამხედრო სამზადისმა ინდოეთის ჩრდილო საზღვრებთან უკვე მოუტანა დიდი სარგებლობა ევროპის სიმშვილეს. ინდოეთის ჯარი, რომლის მეშვეობითაც ლორდ ბიკონსფილდი მზად იყო მთელს ევროპას შებრძოლებოდა, უკან დააბრუნეს. ინგლისს ვეღარ გადმოყავს ზაშველი ძალები ბალკანეთის ნახევარკუნძულზე, რაც დიდი ხმაურით გვამცნო კონსტანტინოპოლმა, სადაც ჯერ კიდევ რუსეთ-თურქეთის ომის დაწყებამდე მოამზადეს ყაზარმები და ინგლისის ჯარებისათვის მარაგი დაამზადეს (გაზეთის ცნობების მიხედვით), ინგლისს სჭირდებოდა მაშველი ძალები ინდოეთის არმიის გასაძლიერებლად, მაგრამ. ინგლისის არმიის დაკომპლექტების არსებული სისტემის გამო, მათი შექმნა და გაგზავნა ინგლისის მთავრობისათვის ადვილი ამოცანა როდია. ინგლისის სამინისტროს გაზეთები გვატყობინებენ, რომ ინდოეთის ბევრი ვასალი მთავარი ინგლისს ჯარსაც სთავაზობს და ფულსაც — ავლანისტანთან საომრად. ფულს, ცხადია, ინგლისი ყოველგვარი სიფრთხილის გარეშე აიღებს, მაგრამ ვასალთა ჯარების აღჭურვას, გაწრთვნასა და სწავლებას, ჯარებისა, რომელთაც აქამდე უფლებას არ აძლევდნენ თანამედროვე იარაღი ეტარებინათ, ვერ გაბედავს; ცხადია, ომის დროს ეს ჯარები მას ერთგვარ დანმარებას გაუწევენ, მაგრამ ომის შემდეგ შეუძლიათ ბევრი უსიამოვნება მიაყენონ, და საზრუნავი შემატონ ინგლისის მთავრობას. ამიტომ, ჩვენის აზრით, თუ ავლანისტანთან ომი დაიწყო, ამ ომში ინგლისი მხოლოდ თავის ჯარებს გამოიყენებს, და, რადგან საკმარისი რაოდენობით ჯარის თავმოყრა ინგლისს გაუჭირდება, ლორდ ბიკონსფილდს იმდენი საზრუნავი გაუჩნდება, რომ დრო აღარ ექნება საზეიმო სიტყვების წარმოსათქმელად და ნოტების დასაწერად — კონტინენტალურ სახელმწიფოებს შორის შუღლის ჩამოგდების მიზნით, რაც აქამდე ინგლისის პოლიტიკის ძირითად ამოცანას წარმოადგენდა.

69. სპირიტუალური საუბრები

...დადგა შემოდგომა, რასაც თან მოჰყვა ჭყაბი და ბურუსი... სულს ტყვიის სიმძიმე აწევს. სევდა გიპყრობს, სუნთქვა გიჭირს... დაიარაღებულ კისერზე გირტყამენ და გირტყამენ, შენ კი დგებარ და თავს იმით იმხნევებ, რომ წინ ზამთარია და საჭიროა ძალ-ღონის დაზოგვა უფრო მძიმე განსაცდელისათვის.

ანდა ვინ მოიგონა ფელეტონების წერა შემოდგომაზე? ჩემთვის გასაგებია, როცა ფელეტონს გაზაფხულზე წერენ, როცა გული იმედითაა სავსე, როცა „არ იცი, რას იმღერებ, მაგრამ სიმღერა თავისთავად მწიფდება“, როცა შენს ირგვლივ ყველაფერი მხიარულად გამოიყურება... ფელეტონის დაწერა ზაფხულშიც შეიძლება, როცა თვალნათლივ ხედავ გაზაფხულის იმედების ზრდას... მაგრამ შემოდგომაზე, როცა ფოთლები ცვივა, როცა ყველაფერს სინათლე აკლდება, როცა ყველას ცხვირი უგრძელდება... რისთვის და რაზე უნდა წერო? იქნებ „სამგლოვიარო მოტივებზე?“. მაგრამ ვისთვისაა ახალი, სასურველი და სასიამოვნო ასეთი მოტივები? ...და მაინც დადგა შემოდგომა, როცა ყველაფერი, რაც ახალია, რაც ჰყვავის, რაც სიცოცხლითაა სავსე, ერთგვარ ანომალიას წარმოადგენს, რაღაც სიმახინჯის მსგავსს. გამოერევა ზოგჯერ ჩვენში ისეთი წლები, როცა შემოდგომა იმდენად თბილი და ალერსიანია, რომ ხეები ხელახლა ჰყვავიან და იშლებიან, მეორედ იძლევიან ნაყოფს, მაგრამ ვინ არ იცის, რამდენად მახინჯი და უშნოა ბუნების ამგვარი გამოზაფხულება. და თუ ბუნებას, მსოფლიოს ამ უდიდეს მხატვარს, ბაძვით კარგი არაფერი გამოსდის, მაშინ ხომ ასჯერ უგვანო იქნება ის ვიღაც საწყალი ფელეტონისტი, რომელიც გაზაფხულს ბაძავს.

მიუხედავად ამისა, ფელეტონი მაინც უნდა დაიწეროს. ამას თხოულობს ჩვეულება. მაგრამ როგორ უნდა დაწერო ფელეტონი, როცა ვერაფრითარ საჭირობოროტო საკითხს ვერ შეეხები? გაზეთის ყველა სხვა განყოფილებაში ჟურნალისტს უფლება აქვს გადაღებილი ლექოს, იყოს ბანალური, მაგრამ როცა ფელეტონს წერ, ვალდებული ხარ თქვა „ახალი სიტყვა“, შეეხო ახალ მოვლენებს, იყო ორიგინალური, თავისებური, გამბედავი. ჩვენში კი ყველაფერ ახალს,

ყველაფერ ორიგინალურს გულცივად ხედებიან, ყველგან უამრავ დაბრკოლებებს უქმნიან... მწერალმა რომ საკუთარი აზრი გაიტანოს, უპირველეს ყოვლისა, უნდა დაამტკიცოს, რომ ეს მისი აზრი არაა და არც ახალია, არამედ ყველა გამომცემლობის მიერ გადაღებული. გაცვეთილი და გადაქეპილია. მოძებნი საკუთარი აზრის სუროგატს რომელმე ძველ გამოცემაში და საბუთად მოიყვან, მაგრამ გიპასუხებენ... „ძველად ბევრი რამ იწერებოდა, ახლა კი სხვა დროაო“. დაიწყებ ძებნას და იპოვი საკუთარი აზრის მსგავს აზრს „გოლოსის“²⁷. ან „ნოვოე ვრემიას“³⁵ ფურცლებზე, მაგრამ ასეთ რამეს გიპასუხებენ: „სატახტო ქალაქის გაზეთებში ბევრ სისულელეს სწერენ, მათთვის ხომ კანონი არ არსებობსო!“ გადაქეპავ პროვინციულ გაზეთებს, იპოვი რამე შესაფერისს და ზეიმობ, ფიქრობ რომ გეშველა. მეტი უშიშროებისათვის გადააკეთებ კიდევ საკუთარ აზრს სხვისი შაბლონის მიხედვით... მაგრამ ამგვარი საშუალება ზოგჯერ გშველის, ზოგჯერ კი არა. აბა რას უნდა განიცდიდეს მწერალი. რომლისაგანაც ორიგინალურ აზრს კი არ მოითხოვენ, არამედ მიბაძვას; რომელიც იძულებულია ენერგიის დიდი ნაწილი იმის მტკიცებაში დახარჯოს, რომ ორჯერ ორი ოთხია, გადაღებული გადაღეკოს. სცადეთ და შეინარჩუნეთ ორიგინალობა და რიგიანი ფელეტონისტის სახე, როცა ასეთ შესანიშნავ მდგომარეობაში აღმოჩნდებით!...

ამგვარად, გვერდზე გადავდოთ ყველა ეს დაწყვეტილი „ახალი“ სიუჟეტი და ყველა ახალი აზრი. ისინი დამლუპველად მოქმედებენ ფელეტონებზე, ხოლო ფელეტონისტს ბოლოს უღებენ. ვიყოთ ბანალური ფელეტონის წერის დროსაც, ვღებოთ გადაღებული — ეს უფრო საიმედოა...

შევეხოთ ყოველდღიურ წვრილმანებს...

ამას წინათ ჩვენმა პედაგოგებმა გამოსათხოვარი სადილი გაუმართეს კავკასიის სასწავლო ოლქის მზრუნველს ი. მ. ნევეროვს. ცხადია, სადილზე ფელეტონისტი არ მიუწვევიათ. ზეიმს, სრულიად საფუძვლიანად, ოჯახური ხასიათი მისცეს, ე. ი. ხელქვეითი უფროსს გაუმასპინძლდნენ. მოქეიფეთა სუფრა არ გაუზიარებია არც საზოგადოებას, რომლისათვისაც იღწვოდნენ პატივცემული თანამეინახენი და არც პრესას, რომელიც არსებითად იმავე აღმზრდელობით მუშაობას ეწევა... ამიტომ გასაგებია ისიც, რომ საზოგადოებამ და პრესამ ამ მოვლენის მიმართ ისეთივე გულგრილობა გამოიჩინა, როგორიც თვით ბატ. პედაგოგებმა მათ მიმართ...

მე არც განზრახვა მაქვს და არც ხალისი ამის გამო მკაცრად გავანალიზო პატივცემული ი. მ. ნევეროვის მოღვაწეობა. მე არაფერი მესაქმება არც მასთან და არც მის მოღვაწეობასთან. სადილი მე

მხოლოდ ფელეტონისტის თვალსაზრისით მაინტერესებს. ცნობილია, რომ ახალგაზრდობაში იუბილარი იმდროინდელი რუსეთის საუკეთესო ადამიანებთან ამხანაგობდა და მეგობრობდა, რომ ბელინსკისა და სტანკევიჩის წრეში არც მთლად შეუმჩნეველი პიროვნება იყო... მე არ შევცდები, თუ ვიტყვი: პატივცემული იუბილარი მხოლოდ იმის წყალობით დაწინაურდა, რომ უფროსებს ახსოვდათ მისი ადრინდელი მეგობრობა გამოჩენილ ადამიანებთან. მახსოვს, ამ ორი წლის წინათ, როცა მე პრესაში მისი მოღვაწეობის წინააღმდეგ გავილაშქრე, ერთმა ქალმა, რომელიც ეკუთვნოდა ძლიერთა ამა ქვეყნისა, სერიოზული საყვედური მითხრა და განმიცხადა:

„ი. მ. ნევეროვი ხომ ბელინსკის მეგობარი იყო, როგორ შეიძლება მის წინააღმდეგ გალაშქრება?“.

ამავე დროს ძალზე უცნაური და სამწუხაროა, რომ ბელინსკის ამ „მეგობარსა და თანამშრომელს“ სადილი გაუმართა ისეთმა ხალხმა, რომელთაგან ნახევარს საერთო არაფერი ქონდა ბელინსკისთან, ხოლო ის ადამიანები, რომლებიც წმინდად ინახავენ და აგრძელებენ ბელინსკის ტრადიციებს, ბატონ ნევეროვს სადილებით კი არ გაუმასპინძლდნენ, არამედ...

აჩრდილთა გამოცხადება ჩვენს დროში აღარავის სწამს და ეს ამბავი სამწუხაროა. საინტერესო იქნებოდა სუდარაში გახვეული ბელინსკის ან სტანკევიჩის აჩრდილის გამოჩენა ამ პატივცემული სკიპერების ზურგს უკან, როცა ისინი ღითირამბებს უმღეროდნენ ბატ. ნევეროვს! რას ეტყოდა ეს აჩრდილი ბატ. ნევეროვს ტკბილად მეტყველი სკიპერების სიტყვებს შორის... მოავიწყებდა თუ არა იმ მოსწავლეთა გრძელ სიას, რომლებიც, მისი ჟინიანობის გამო, ბელინსკის მსგავსად, გარიცხეს მეცნიერების ტაძრიდან, როგორც „უნიკონი“? ან იქნებ, უბრალოდ, თავიანთ ტრადიციებს შეახსენებდნენ: შეხედავდნენ და უსიტყვოდ ჰკითხავდნენ — რაა საერთო მათ და იმ კაცის მოღვაწეობას შორის, რომელსაც სკიპერები ხოტბას ასხამენ? ვინ იცის, კიდევ რას... მაგრამ სარწმუნო მხოლოდ ერთია: რომ გამოცხადდენ კიდევ სადილზე აჩრდილები, რომ თქვან კიდევ თავიანთი სიტყვა, დამხვდურთა და მოქეიფეთაგან მაინც ვერავინ შეიცნობდა და ვერავინ გაუგებდა მათ... თვით... პატივცემულ ი. მ. ნევეროვის სახეზედაც კი გაკვირვება აისახებოდა, ეს მართლაც მისი ყოფილი მეგობრის აჩრდილია თუ...

დროის დინება ადამიანს ცვლის და, როგორც გრანოვსკიმ სიკვდილის წინ თქვა, კარგი ქნა ბელინსკიმ, დროზე რომ მოკვდა...

მოხუცებულობაში ერთ ძველ ლიტერატორს არა ერთხელ უთქვამს თავისი ნაცნობებისათვის:

— ყველა ჩვენი მეგობარი შეიცვალა. ველარ იცნობ... ყველაფერი დაიწყო... საინტერესოა, რომ ეცოცხლა გაჰყვებოდა მათ კვალს გრანოვსკი თუ არა? ნუთუ იგიც ისეთივე ბნელეთის მოყვარული გახდებოდა, როგორც ყველა მისი ამხანაგი და მოწაფეა; ყველა ეს ჩიჩერინები⁸⁰, დმიტრიევები⁸¹ და ასე შემდეგ?

ღმერთმა იცის, როგორ დაამთავრებდა ცხოვრებას გრანოვსკი „დროზე რომ არ მომკვდარიყო“. მაგრამ ფაქტია, რომ ყველა, ვინც „დროზე არ მოკვდა“ და დათმობებზე წავიდა, ჩიჩერინზე უარესები გახდნენ. დათმობას ყველგან და ყოველთვის ასეთი შედეგი მოსდევს. ადამიანები, რომლებიც უბადრუკ თთახში ბელინსკისთან ერთად ლუკმა-პურს იყოფდნენ, ამთავრებენ იმით, რომ მდიდრულად მოწყობილ პალატებში მდიდრულ სადილს მიირთმევენ... ცხადია, გრიანებს სამხედრო მუსიკა, შამპანური წყალივით იღვრება და ოვაციებს ბოლო არ უჩანს... მაგრამ მე ბევრ ისეთ ადამიანსაც ვიცნობ, რომლებიც არა მარტო ჩამდენამე ბოთლ შამპანურზე, არამედ ბატ. რიშარისა და ერვიეს მთელ მარანზედაც უარს იტყობდნენ, ოღონდ ჰქონოდათ ბედნიერება და ცხოვრება ისე დაეწყათ, როგორც პატივცემულმა იუბილარმა დაიწყო, მაგრამ დასასრულის გამოკლებით.

* * *

ამ დღეებში მე გავეცანი ბატ. კერსკის საკმაოდ საინტერესო საანგარიშო მოხსენებას — 1873 წელს თბილისის სასულიერო სასწავლებლებში ჩატარებული რევიზიის შესახებ. ეს საანგარიშო მოხსენება საკმაოდ უცნაურ აზრს იწვევს ჩემში. ვინ იფიქრებდა, რომ ჩვენს დროში, კეთილმოქმედ რეფორმებსა და პროგრესზე ყვირილის შემდეგ, შეიძლება ცხოვრობდნენ და მოქმედებდნენ წმინდა სისხლის მაგნიკები? ამ საანგარიშო მოხსენებამ არაჩვეუვის დროის სულიკვეთება გამახსენა. და თვალებს არ დაუუჭერე. როცა საანგარიშო მოხსენებაში ასეთი რამ წავიკითხე: ამგვარი ამბები უწინაც ხდებოდა, მაგრამ მონღოლებით მალავდნენ, ახლა კი ბიჭუდავენ და ყველას აცნობენ... გულახდილობა, რა თქმა უნდა, კარგია, ისევე, როგორც საჯაროდ გამოტანა, მაგრამ იცით რა? ჯობია მაგნიკებს ჩრდილში ვხედავდეთ, ვიდრე დღის სინათლეზე...

ბატ. კერსკის საანგარიშო მოხსენებაში ისეთი მარგალიტები და ბრილიანტები მოიპოვება, რომელთა მსგავსს ვერ ნახავთ ვიგელისა და მაგნიკის ვერც ერთ მოხსენებაში. მაგალითად, „ნიჰის არა სწორი მიმართულებით განვითარებას“ (არ დაგავიწყდეთ, სასულიერო სასწავლებლისა და სემინარიის დაბალი კლასების მოსწავლეებისას)

იგი დანაშაულად თელის და მოითხოვს „დამნაშავე დაისაჯოს“ (ნუთუ მოსწავლე!), მაგრამ მარტო დასჯა არ კმარა, ამბობს ბატ. კერსკი, უნდა გამოვიძიოთ ამ „ავადმყოფური მოვლენის“ მიზეზიც და ა. შ. „ავადმყოფური მოვლენის“ დანაშაულად გამოცხადებას, ალბათ. თვით ვიგელიც ვერ მოიფიქრებდა...

ბატ. კერსკის საანგარიშო მოხსენების ყველა წერილმანზე შეჩერება არ ღირს: ამისთვის არ იკმარებდა „ობზორის“² რამდენიმე ნომერი. მაგრამ მოხსენებიდან საერთო დასკვნის გამოტანა საჭიროა, მით უმეტეს, რომ ამ მოხსენებიდან იწყება მთელი ჩვენი სასულიერო-სასწავლო დაწესებულებების ხელმძღვანელობის ახალი პერიოდი და ურიგო არ იქნება გამოვარკვიოთ, ვინაა დამნაშავე ამ სასწავლებლებს რომ ახლა სამწუხარო ბედი ეწვია.

სემინარიაში მასწავლებლად მოხვდა რამდენიმე ზერელედ ნასწავლი და ჰკუთახელი ადამიანი. მასწავლებელთა მდგომარეობა სასულიერო-სასწავლო დაწესებულებებში ისეთია, რომ განათლებული და ნიჭიერი კაცი ამ თანამდებობაზე იშვიათად წავა. ნება თქვენია, მაგრამ ყველას არ სიამოვნებს იცხოვროს მუდამ გაქირვებაში, მუდამ ეჭვ ქვეშ და ვილაცას ეპირფეროს. ამიტომ ეს თანამდებობები უნიჭოებს დარჩათ. და სწორედ ამ უნიჭოებმა, რომელთა შესახებაც ვლაპარაკობთ, დაიწყეს ადგილების დასაკუთრება. ისინი გრძნობდნენ, რომ ამ თანამდებობისათვის არ ვარჯიანან, ამიტომ შეუდგენ ისეთი გარეშე საშუალებების ძიებას, რაც მათ მდგომარეობას განამტკიცებდა. ყველა სუსტი მხოლოდ ერთ იარაღს იყენებს: ინტრიგას, დასმენას, დაბეზლებასა და ცილისწამებას. და აი დაიწყეს უნიჭოებმა ერთმანეთის წინააღმდეგ ინტრიგანობა, დასმენა... დასმენამ შედეგი გამოიღო. შეიქმნა ისტორია. ერთი მხარე პატრიოტიზმს ჩაებლაუქა, მეორემ, ცხადია, სეპარატიზმით უპასუხა. როგორც ასეთ შემთხვევებში მუდამ ხდება, კამათი ისეთ სფეროში გადაიტანეს, სადაც კამათი შეუძლებელია. იმის მაგივრად, რომ მშვიდად განეხილათ სწავლის ხარისხის მიზანშეწონილობა, ანდა გამოერკვიათ სამეურნეო დარგში მომუშავეთა კეთილსინდისიერება, დაიწყეს იმის ძიება, თუ ვინაა კეთილმზრახველი და ვინ საშიში... როგორც ერთი, ისე მეორე მხრიდან მოქმედებდნენ ბატისტვინა, უბადრუკო, მხდალი, მოუსაზრებელი ადამიანები... ხელმძღვანელები გაეზნენ ინტრიგებისა და დასმენის ქსელში და დაამთავრეს იმით, რომ გადაჭრეს გორდიას კვანძი: ამგვარი შეხლა-შემოხლა რომ არ განმეორებულიყო, გარეკეს ერთნიც და მეორენიც, მაგრამ გადააჭარბეს და საანგარიშო მოხსენებაში რევიზორებს რჩევას აძლევენ — არ დაუშვან სემინარიაში ქართველები მასწავლებლებად...

ბატ. გოგებაშვილისა და .K° მსგავსი ბრიყვები ყოველთვის ასეთ შედეგებს აღწევენ... მაგრამ მითხარით, თუ ღმერთი გწამთ, განა სერიოზული და პატიოსანი ქართველები, რომელთაც სურთ გულწრფელად და ბნელი აზრების გარეშე ემსახურონ საკუთარი ქვეყნის განვითარებას, დამნაშავენი არიან ბატ. ტურიევის ან გოგებაშვილის სიბრიყვეში? თუ ეს უკანასკნელნი დამნაშავენი არიან რამეში და საქმე აქამდე მივიდა, დასაჯეთ ისინი. მაგრამ ბატ. კერსკი თვითონ წერს, რომ ბატ. გოგებაშვილი ნორმალური ადამიანი არაა, ხოლო ბატ. ტურიევი მხოლოდ უბადრუკი მატყუარაა. რატომ უნდა იტანჯებოდეს ასეთი ადამიანების გამო ყველა ქართველი, რა დააშავეს? ნუთუ იმის გამო, რომ ბატ. ტურიევი და გოგებაშვილი ჩუმად წერდნენ სიცრუით სავსე წერილებს, სადაც აბეზღებდნენ და ასმენდნენ სხვებს, ხელი უნდა ვკრათ და დავსაჯოთ მთელი ქართველი ახალგაზრდობა, რომელთაც ამ უბადრუკ ადამიანებთან საერთო არაფერი ქონდათ? ბატ. კერსკი გარეშე კაცია. იგი ჩვენს მხარეს არ იცნობს. მას შეიძლება მართლაც მოსჩვენებოდა, რომ ინტრიგა და ცილისწამება ქართველებს ჩვევად გამოჰყვათ და სისხლში აქვთ, რომ ისინი ამ ბინძურ საქმიანობაში სეპარატიზმის გამო ვარჯიშობდნენ... მაგრამ ადამიანებმა, რომლებიც ახლო იცნობენ ჩვენს მხარეს, ხომ უნდა აღიმაღლონ ხმა სიმართლისა და სამართლიანობის დასაცავად. მათ უნდა შეაგნებინონ ბატ. კერსკის, რომ ამგვარი თვისებები სრულიად უცხოა ქართველებისათვის, რომელთა პატიოსნება და ერთგულება საუკუნეობით არის ნაცადი...

ამ საინტერესო თემას ჩვენ კიდევ დავუბრუნდებით...

70. პოლიტიკური მდგომარეობა

თბილისი, 1 ნოემბერი

თუ ტელეგრაფი სწორად გადმოგვცემს ლორდ ბიკონსფილდის მიერ ჰილდჰოლში წარმოთქმული სიტყვის შინაარსს, მაშინ ეს უნდა იყოს დიდად პატივცემული პრემიერის ორატორული ხელოვნების ერთ-ერთი შესანიშნავი ნიმუში. ლორდ ბიკონსფილდი სახელგანთქმული დიპლომატია, სწამს დიპლომატიის ყოვლისშემძლეობა და ეკუთვნის იმ სკოლას, რომელიც ვარაუდობს, რომ ენა ადამიანს აზრების დასაბალავად აქვსო ნაბოძები. ამიტომ ბუნებრივია, მან ისე სრულყოფილად მოამზადა ლონდონის საზოგადოებისათვის განკუთვნილი პოლიტიკური სიტყვა, რომ მისგან ვერაფერს გაიგებ, თავად უნდა მიხვდე და ამოხსნა.

ინდოეთში შეჭრა ფიზიკურად შეუძლებელია, ლაღადებს ბერლინის ტრიუმფატორი, მაგრამ მტერს შეუძლია უსიამოვნება მოგვაყენოს. კი მაგრამ როგორ—თუ კი მტრისათვის ინდოეთში შეჭრა ფიზიკურად შეუძლებელია? ანდა როგორ შევათანხმოთ ყოველივე ეს იმ იოლ საშუალებებთან, რომელთა მეშვეობითაც, დიდი ბრიტანეთის გაზეთების რწმუნებით, ინგლისი ავღანისტანის დაპყრობას აპირებს? ამისათვის ხომ საჭირო იქნება ხაიბერის გადასასვლელის გადალახვა, სადაც ჯარს მოძრაობა უჭირს, და მნიშვნელოვანი ძალების თავმოყრა პეშავერასა და შიკარპურთან, ბოლანის გადასასვლელიდან კვეტაზე იერიშის შემთხვევაში? ინგლისს მხედველობაში ჰყავს მხოლოდ ერთი მტერი, რუსეთი, რომელსაც შეუძლია ინდოეთში შეჭრა; რუსეთი, ცხადია, მანამდე არ შეიჭრება ინდოეთში, სანამ ავღანეთის ემირთან კავშირს არ დასდებს. ასე რომ, თუ ინდოეთისაკენ დაიძრება, მას არ დასჭირდება ხაიბერის გადასასვლელის გადალახვა, და თუ იმასაც გავითვალისწინებთ, რომ გზა პეშავერიდან ქაბულამდე იგივეა, რაც — ქაბულიდან პეშავერამდე, ისიც უნდა ვალიაოთ, რომ რუსეთი ინდოეთში შეჭრის დროს გაცილებით ნაკლებ დაბრკოლებას წააწყდება, ვიდრე ინგლისელები ავღანისტანში.

შეჭრისას: ჭამიდან ავღანისტანში გადასვლა, ბუხარის სამფლობელოებისა და მოკავშირე ემირის მიწების გავლით, მხედველობაში მისაღებიც არაა. ამიტომ, რუსეთის შეჭრა ინდოეთში ფიზიკურად შეუძლებელი არაა, ამასთან — ჩვენი ჭარების გამოჩენამ ავღანისტანში შეიძლება ინდოეთის იმპერიის ბევრი ნახევრადდამოუკიდებელი ვასალის აჯანყება გამოიწვიოს, რაც სრულიად გასაგებია. ამგვარმა მოვლენამ შეიძლება მართლაც დიდი უსიამოვნება მიაყენოს ინგლისს, მთელი მისი საზღვაო და სახმელეთო ძალების დარაზმვა მოითხოვოს და 240.000.000 ინდოელთა აჯანყების ჩასაქრობად კოლოსალური ხარჯები გამოიწვიოს. ასეთმა ვითარებამ შეიძლება მართლაც აიძულოს ლორდი ბიკონსფილდი მოუწოდოს მთელ ინგლისელ ხალხს — შეუნარჩუნონ დიდ ბრიტანეთს ინდოეთის იმპერია, და ეს იმიტომ კი არა, რომ ბერლინის ტრაქტატს²⁰ დაუჭირონ მხარი მთელი ენერჯით და ყველა საშუალებით, არამედ ინდოეთში თავიანთი ბატონობის შესანარჩუნებლად. ლორდ ბიკონსფილდს, ბოლოს და ბოლოს, არ შეუძლია დაუმალოს პარლამენტს, თუ რა კოლოსალური ხარჯებია საჭირო ინდოეთის დასაცავად ახლანდელ პოლიტიკურ ვითარებაში: მას მოუხდება აღიაროს პარლამენტის წინაშე, არა თავისი შეცდომა, არამედ იმ ვარაუდის სისწორე, თუ რა დიდადაა დამოკიდებული ინგლისის კეთილდღეობა კუნძულ კვიპროსის ხელში ჩაგდებაზე. კუნძული კვიპროსი, რომლის ხელში ჩაგდებას ასე ნათლად გამოამჟღავნა ინგლისელები და ლორდ ბიკონსფილდის პოლიტიკური გეგმების სიდიადე, ინდოეთში აჯანყების დაწყების შემთხვევაში, ინგლისელებისათვის მძიმე ტვირთი იქნება. ხოლო მცირე აზიაში ინგლისის ადმინისტრაციის დანიშვნა, მას შემდეგ, რაც მისი უდიდებულესობის მოხელეებს ინდოეთში საქმე აღარაფერი ექნებათ, არა მგონია მუსულმანურ სამყაროში ინგლისის პოლიტიკური პრესტიჟის დიდ წარმატებად მიიჩნიონ. რა თქმა უნდა, შეიძლება არაფერი არ მოხდეს. როგორ შეიძლება რაიმე იწინასწარმეტყველო, როცა ომი ჯერ კიდევ არ დაწყებულა, მაგრამ საეჭვოა ლორდმა ბიკონსფილდმა თავი დააღწიოს ამ სიძნელეებს, თუ არ მოუწოდა ინგლისელ ხალხს მხარი დაუჭიროს მის პოლიტიკას და არ მოითხოვა დიდი ბრიტანეთის მთელი ენერჯია და სახსრები მის განკარგულებაში გადავიდეს. მაგრამ ყველაფერი ეს ბერლინის ტრაქტატის მხარდაჭერის მიზნით არ მოხდება. საერთო აზრი იმ ქვეყნების წარმომადგენლებისა, რომელთაც მონაწილეობა მიიღეს ამ პოლიტიკური მონუშენტის აგებაში, საკმაოდ გამოირკვა. უკვე მომხდარი ფაქტები საბოლოოდ

ამტიკებენ. რომ პრაქტიკულად შეუძლებელია საყოველთაო მშვიდობის თეორიის განხორციელება, როცა ცხარე ბრძოლა მიმდინარეობს ხალხთა ღირსების, არსებობისა და ძლიერებისათვის. უცხოეთის პრესა უკვე გვიპირდება ახალ დიპლომატიურ კომბინაციებს, ეძებს ახალ კავშირს, იგონებს ევროპული სახელმწიფოების ახალ დაჯგუფებას, მაგრამ თუ რუსეთის და თურქეთის ურთიერთობა არ გაუმჯობესდება, ასეთი ვართობა არავითარ შედეგს არ გამოიღებს. არსებულ პირობებში სხვადასხვა გონებამახვილური დიპლომატიური კავშირისათვის არ არსებობს არავითარი საფუძველი, რომელსაც შეუძლია განაპირობოს უდიდეს ევროპულ სახელმწიფოებს შორის ამგვარი კავშირი ურთიერთგაგებითა და ინტერესების სოლიდარობით. სიძულვილი რუსეთისადმი, სურვილი იმისა რომ შეაჩერონ მისი განვითარება, ყველაფერი ეს, საგარეო პოლიტიკის აბსტრაქტული იდეებია, რომლის გამოც ინგლისს, საფრანგეთს, იტალიას და გერმანიას არ შეუძლიათ ერთდროულად დაესხნან თავს რუსეთს. საფრანგეთს აქვს ჯერ კიდევ დაუმთავრებელი ანგარიში გერმანიასთან; იტალიისათვის ჯერ კიდევ არ დამთავრებულა სახელმწიფოებრივი ზრდის ეპოქა, ხოლო საკუთარი სამფლობელოების შემდგომი ყოველგვარი გაზრდა მისთვის მხოლოდ ავსტრიის ხარჯზეა მოსახერხებელი. ინგლისი ყველგან წესრიგის, ევროპის სიმშვიდისა და წონასწორობის დამცველის როლში გამოდიოდა, მაგრამ ეს წონასწორობა მან დაარღვია თურქეთთან 1878 წლის 4 ივნისის კონვენციის დადებით, ხოლო წესრიგის დაცვა ინდოეთში ახლა უფრო მეტ ყურადღებას თხოულობს, ვიდრე ბერლინის სამშვიდობო ტრაქტატის სიწმინდის დაცვა. ბალკანეთის ნახევარკუნძულის უბედურმა ხალხებმა უკვე განაცხადეს პროტესტი ბერლინის ტრაქტატის დადგენილებების წინააღმდეგ, რამაც განთავისუფლებულ ადამიანებს საძულველი სამოთხე შეუქმნა. მათი პროტესტი გამოიხატა არა მარტო დიპლომატიური საბუთებით, არამედ მას ღღემდე აცხადებენ იარაღის მეშვეობითაც, რასაც ყოველდღიურად დაღვრილი სისხლი ამძაფრებს, მაგრამ იმათთვის, ვინც კვდება ბალკანეთის ნახევარკუნძულის სხვადასხვა ნაწილში, ღირსების, არსებობისა და ქონების დასაცავად, არავითარი მნიშვნელობა არა აქვს, ვისი სისხლი იღვრება — თავაშვებული ბაშიბუზუკებისა, დისციპლინირებული ავსტრია-უნგრეთის ჯარისა თუ ორივესი ერთად. ბალკანეთის ნახევარკუნძულის დაშოშმინება შეიძლება მხოლოდ მაშინ, თუ ამ ნახევარკუნძულზე რუსეთის მიერ განთავისუფლებული ქრისტიანული კულტურის განვითარებისათვის ხელშემწყობ პირობებს შევქმნით, მაგრამ ამის

შესახებ არ უფიქრიათ ევროპელ დიპლომატებს ბერლინის კონგრესსზე²⁰. ამაზე არც ლორდ ბიკონსფილდი არ აპირებს ლაპარაკს სუფრაზე წარმოთქმულ სიტყვებში. რაღა დარჩენია ამ უბედურ დაბეჩავებულ ხალხს გარდა გაათრებული ომისა, რაც ბერლინის ტრაქტატის გამოცხადებისთანავე დაიწყო და უნდა დამთავრდეს ისეთი ზავით, რომელიც ჯერ კიდევ წინაა და არა ისეთით, რომელიც უკვე მოვლენათა უკან დარჩა.

71. ენების სწავლება ჩვენს სასულიერო-სასწავლო დაწესებულებაში

თბილისი, 2 ნოემბერი

ჩვენ დაგვირდით, რომ დავუბრუნდებით სასულიერო-სასწავლო დაწესებულებებში საქმის წარმოების ზოგიერთ გაუგებარ, უცნაურ მხარეებს. ახლა ვასრულებთ ამ დაპირებას და ვეხებით ერთ-ერთ ყველაზე მნიშვნელოვან მხარეს — ენების სწავლების საკითხს.

ცნობილია, რომ სასულიერო-სასწავლო დაწესებულებების წესდებები და დებულებები უცვლელად და ადგილობრივ პირობებთან შეგუების გარეშე ვრცელდება საქართველოს ეგზარქატის ასეთივე სასწავლებლებზე. ამასთანავე, ყველა სხვა უწყება, რომელიც ამიერკავკასიაში იმპერიის საერთო კანონებსა და ღონისძიებებს აგრცლებენ, აუცილებლობად თვლიან ანგარიში გაუწიონ „ადგილობრივ პირობებს“ და, შესატყვისად ამისა, შესაფერისი „გამოყენება“ გამოუჩინონ ამ კანონებს. სამწუხაროდ, ზოგჯერ მათ საყვედურიც კი ეთქმით ამ „ადგილობრივი“ პირობების მიმართ გადაჭარბებული სინაზისათვის. ჩვენი სასულიერო უწყება კი სრულიად არ უწყევს მათ ანგარიშს... სასულიერო უწყებამ რატომღაც ჩვენი სასწავლებლები კოსტრომისა და ხარკოვის სასწავლებლების მიხედვით მოაწყო და გაკვეთილების ცხრილიც კი ამ სასწავლებლების ცხრილიდან გადმოიღო. მაგრამ შედეგებმა, რაც ასეთი გადმოღებისაგან გამომდინარეობს, უკვე თავი იჩინეს უკიდურესად უარყოფითი მხრით განათლების პროცესსა და დაწესებულებათა მოღვაწეობაზე...

მაგალითისათვის განვიხილოთ ისეთი მნიშვნელოვანი საკითხი, როგორცაა ჩვენს სასულიერო-სასწავლო დაწესებულებებში რუსული ენის სწავლება. ყველა დამეთანხმება, რომ ეკლესიის მომავალ მსახურათათვის, რომლებიც წარმოადგენენ ბუნებრივ რგოლს ხელისუფლებასა და ხალხს შორის, უაღრესად საჭიროა რუსული ენის ცოდნა. ამ ენის გარეშე მღვდელს სამსახური არ შეუძლია. კაცი, რომელმაც თავის ქვეყნის ოფიციალური ენა არ იცის, ნახევრად მუჩაია... ვიაქციეთ ყურადღება იმასაც, რომ ჩვენი სასულიერო-

სასწავლებლების უწყებას, საჭიროა თუ არა, ყველგან თავი მოაქვს იმით, თითქოს ყველაზე მაღლა რუსული ენის გავრცელების საკითხს აყენებს... თუ რამდენად უსაფუძვლოა ამგვარი განცხადება, თუ რამდენად არასწორია მტკიცება, თითქოს უწყება გულწრფელად მიისწრაფავს ამ მიზნისაკენ ან უნარი შესწევს გონივრულად მიუახლოვდეს მას — დაგვანახებს იმ საკითხის განხილვა, თუ როგორ ასწავლიან რუსულ ენას ჩვენს სასულიერო-სასწავლო დაწესებულებებში.

თავისთავად ცხადია, რომ ამ ენის სწავლება კოსტრომის რომელიმე სემინარიაში საკმაოდ იოლია — ყველა იქაურმა მოწაფემ იცის დედაენა. მათ მხოლოდ გრამატიკა უნდა ასწავლო, ხოლო როცა ენა იცი, გრამატიკაც იოლი შესასწავლია, რასაც აგრეთვე ხელს უწყობს ყველა სხვა საგნის სწავლა დედაენაზე. აი, რატომ ვთვლით ჩვენ ბუნებრივად, როცა რუსულ სემინარიებში ან სასწავლებლებში რუსული ენის გაკვეთილების რაოდენობა შეზღუდულია. მაგრამ ჩვენს სასულიერო-სასწავლო დაწესებულებებში, სადაც ახალმიღებულ მოსწავლეებს წარმოდგენა არა აქვთ რუსულ ენაზე და სადაც ყველა საგანს გაუგებარ ენაზე, ზუთხივით სწავლობენ, უცნაურობაზე მეტიცაა რუსული ენის გაკვეთილების ისეთივე რაოდენობით დაწესება, როგორც მიღებულია კოსტრომის ან ტულის სასულიერო-სასწავლო დაწესებულებებში. ჩვენში სწორედ ასეთ უცნაურ და დაუჯერებელ ფაქტს აქვს ადგილი...

მკითხველები ალბათ სიტყვიერად ამას არ დაგვიჯერებენ, მაგრამ ჩვენ უფრო შორს წავალთ და ვიტყვი, რომ რუსულ ენას სრულიად არ ასწავლიან ჩვენს სასულიერო-სასწავლო დაწესებულებებში. ამ აზრის დასამტკიცებლად მოვიყვანთ ამ დაწესებულებათა გაკვეთილების ცხრილს.

რუსული ენის გაკვეთილების რაოდენობა ყოველკვირეულად:

I. სასულიერო სასწავლებლებში: პირველ კლასში — 1, მეორეში — 3, მესამეში — 3 და მეოთხეში — 1.

II. სემინარიებში რუსულ ენას სრულიად არ ასწავლიან; მის მაგივრად სწავლობენ ეგრეთ წოდებულ სიტყვიერებას, მაგრამ პირველ კლასში სიტყვიერების გაკვეთილი 3-ია, მეორეში — ასევე 3; ხოლო მესამე, მეოთხე, მეხუთესა და მეექვსეში ამ საგანს სრულიად არ ასწავლიან!

ვიღებთ რა მხედველობაში დღესასწაულებს, მასწავლებლებისა და მოწაფეების მიერ გაკვეთილების გაცდენას, ჩვენ ვსვამთ ასეთ კითხვას: აქვს კი ფიზიკური შესაძლებლობა ჩვენს სასულიერო-სასწავლო დაწესებულებებში მოხვედრილ მეგრელ, კახელ ან ოს

ბავშვს ცოტათი მაინც შეისწავლოს რუსული ენა, როცა სასწავლებელში მიღებამდე წარმოდგენა არ ჰქონდა მასზე? ყველა დამეთანხმება, რომ ამგვარ სასწაულს არა თუ ამ ბავშვებიდან, არამედ ამიერკავკასიაში მცხოვრები რუსი ბავშვებიდანაც არ უნდა მოველოდეთ...

რით უნდა აიხსნას ამგვარი დაუდევრობა? ნუთუ ვერ შეამჩნიებდნენ ამგვარ უცნაურობას ბატ. კუვშინსკები და K^o, რომლებიც ოფიციალურ მოხსენებებში „რუსეთის“ სულის გამავრცელებელთა ხელსაყრელ როლში გამოდიან, თუკი ისინი მართლაც ზრუნავენ იმ საქმის ინტერესებისათვის, რომელსაც თითქოს „თავგანწირვით“ ემსახურებიან? თუ ღაცუშვებთ, რომ ისინი გულწრფელად იღწვიან საქმისათვის, მაშინ, ცხადია, მათ უნარი არ შესწევთ ემსახურონ თავიანთ საქმეს, რადგან ხუთი წლის მანძილზე ვერ შეამჩნიეს ასეთი არანორმალური მოვლენა...

ვიმედოვნებთ, რომ ჩვენი ერთი შენიშვნა ამ საკითხზე საკმარისი იქნება იმისათვის, რომ სათანადო პირებმა ყურადღება მიაქციონ სასულიერო-სასწავლო დაწესებულებებში რუსული ენის გაკვეთილების გაზრდის აუცილებლობას, — რომ აღარაფერი ვთქვათ მათ ხარისხზე. თუ არა და ჩვენ კვლავ გავხდებით ისეთი სკანდალის მოწმე, როგორიც ამას წინათ მოხდა ხარკოვის უნივერსიტეტში მისაღები გამოცდების დროს. თბილისის სასულიერო სემინარიის აღზრდილი, აწ გარდაცვლილი დედაბეროვი რუსულ ენაში ჩაიჭრა, მაგრამ მასწავლებლებს განუცხადა და დაამტკიცა კიდევ, რომ თბილისის სემინარიაში რუსულ ენას სრულიად არ ასწავლიან...

ასეთსავე პირველ პლანზე უნდა იდგეს ქართული ენის შესწავლაც, როგორზედაც ჩვენ რუსული ენის შესწავლა დავაყენეთ. ჩვენი მართლმადიდებლური სასულიერო-სასწავლო დაწესებულებები დაარსებულია იმისათვის, რომ ჩვენს მართლმადიდებლურ ქვეყანას მოემსახუროს და არა მუსულმანებსა და სხვებს. ამავე დროს, ჩვენი ქვეყნის მართლმადიდებლური მოსახლეობის ოთხმოცდაცხრამეტი და ცხრა მეათედი პროცენტი, თუ მეტი არა, მხოლოდ ქართულად ლაპარაკობს. თუკი მისიონერი, რომელმაც ჩინელები უნდა გაანათლოს, წინასწარ სწავლობს ჩინურ ენას, მაშინ მით უფრო ბუნებრივია, რომ მომავალმა ეკლესიის მსახურმა, რომელსაც სურს ქრისტეს მოძღვრებით ქართველების განათლება, საფუძვლიანად უნდა იცოდეს მომავალი სამწყსოს ერთადერთი ენა... ჩვენს დროში უკვე აღარავინ უდგება მღვდლის მოვალეობას იმ აზრით, თითქოს მისი საქმე მხოლოდ დაზეპირებული ლოცვების წარმოთქმაა... მღვდელი ჭკუას უნდა არიგებდეს სამწყსოს, მისი ზნეობრივი მას-

წავლებელი და ხელმძღვანელი უნდა იყოს. როგორღა მიაღწევს იგი ამას, თუ არ იცის ის ენა, რომელზედაც სამწყსო ლაპარაკობს? და ნუთუ ჩვენ სასჯელად გვაღვეს მუდმივად ვიყოთ იმ უცნაურობის მოწმე, რაც ბევრ ჩვენს მკითხველს არა ერთხელ უნახავს ეკლესიაში უკანასკნელი წლების მანძილზე, როცა ახალგაზრდა კაცი, რომელმაც ჩვენი სემინარიის კურსი დაამთავრა, სამწყსოს ჩიქორთული ქართულით ელაპარაკებოდა და არიგებდა. ვინ არ იცის რომ ხალხი, მიუხედავად ქართველების ტრადიციული მოწიწებისა ღვთის ტაძრისადმი, ძლივს იკავებდა ღიმილს, რადგან ახალგაზრდა მღვდელი უმეცრების გამო ქართულ ენას ამახინჩებდა და ეკლესიის შესაფერისი გამოთქმების ნაცვლად ხმარობდა ორაზროვან სიტყვებს. უნდა დამეთანხმოთ, რომ ამგვარი მდგომარეობა გამოიწვევს უფრო სერიოზულ სკანდალს, ვიდრე ეს განსვენებული დედაბეროვის განცხადებამ გამოიწვია ხარკოვში.

ჩვენს სასულიერო-სასწავლო დაწესებულებებში ქართული ენის საფუძვლიანად სწავლების აუცილებლობის მტკიცება იმავე აზრის განმეორება იქნება, რომელიც მე დაწერილებით განვაავითარე ამ ხუთი წლის წინათ „ტიფლისკი ვესტნიკის“³ ფურცლებზე⁴². დავსძენთ მხოლოდ, რომ აუცილებელია ქართულ ენას მეტი გაკვეთილები დაეთმოს, ვიდრე რუსულ ენას უთმობენ კომერციულ სასწავლებლებში, რადგან რუსული ენა რუსეთის ყველა ოლქისათვის ერთია, ხოლო იმერელი, კახელი, გურული და თუში სხვადასხვა დიალექტზე ლაპარაკობს. სიტყვა, რომელსაც გურიაში ზედმიწევნით ზრდილობიანი მნიშვნელობა აქვს, ქართულში ზოგჯერ უზრდელობად ითვლება. კახეთისათვის ზრდილობიანი გამოთქმა სამეგრელოში ზეგჯერ მიუღებელია. საჭიროა სერიოზული მუშაობა ენის დასახვეწად და ეკლესიის მომავალ მსახურთ ისეთი ენა უნდა ვასწავლოთ, რომელიც თანაბრად გამოდგება საქართველოს ყველა კუთხეში და ზრდილობიანი ფორმა ექნება...

ენახოთ ახლა ჩვენი სასულიერო-სასწავლო დაწესებულებების ცხრილებში რამდენ გაკვეთილს უთმობენ ეკლესიის მსახურთათვის ასე საჭირო ენის შესწავლას.

სასულიერო სასწავლებლებში ქართულ ენას კვირაში დათმობილი აქვს: პირველ კლასში — 1 გაკვეთილი, მეორეში — 1, მესამეში — 2, მეოთხეში — 2.

სემინარიებში: პირველ და მეორე კლასში ქართულ ენას სრულიად არ ასწავლიან, ხოლო მესამე, მეოთხე, მეხუთესა და მეექვსეში — კვირაში ერთ გაკვეთილს უთმობენ. თუმცა ამ გაკვეთილზეც ენას კი არ ასწავლიან, არამედ წმინდა წიგნების კითხვას,

რომლებიც საეკლესიო შრიფტითაა დაბეჭდილი. ახლა კი თვითონ განსაჯეთ, ამგვარი სწავლების შემდეგ რამდენად უნდა ფლობდნენ ჩვენი სასულიერო-სასწავლო დაწესებულებების აღზრდილები მომავალი სამწყსოს ენას.

ამგვარად, ჩვენ ვხედავთ, რომ სასულიერო სასწავლებლები რუსულ ენას ხომ ვერა და ვერ ასწავლიან სასულიერო პირებს, მაგრამ კიდევ უფრო ნაკლებად უწყობენ ხელს მათ მომზადებას მომავალი სამსახურისათვის... ბატ. კუვშინსკებმა და K^o-მ, როგორც ვხედავთ, საქმისა და იმ მისიის ინტერესები, რომლითაც თავი მოაქვთ, მსხვერპლად მიუტანეს ფორმალობას, საქმის გაუაზრებლად წარმართვას... ოღონდ ფორმა იყოს დაცული, ოღონდ წესდების ყველა მუხლი იყოს ზედმიწევნით გამართული, დანარჩენი ყველაფერი წყალს წაუღია. მაგრამ პედაგოგებისათვის ყველაზე ავტორიტეტული ინსტრუქცია, რომელიც ყოველთვის იარსებებს და ყოველთვის საფუძვლიანი იქნება, ამბობს, რომ წესდების სიტყვა-სიტყვით დაცვას არავითარი მნიშვნელობა არ აქვს. იგი მხოლოდ ცხედარია...

კურიოზი რომ ნათლად გამოჩნდეს, ჩვენ შევჩერდებით ბერძნული და ლათინური ენების გაკვეთილების რაოდენობაზე ჩვენს სასულიერო-სასწავლო დაწესებულებებში.

ბერძნულ ენას კვირაში დათმობილი აქვს: I. სასულიერო სასწავლებლებში: პირველ კლასში — 0 მეორეში — 5, მესამეში — 7, მეოთხეში — 9;

II. სემინარიებში: პირველ კლასში — 5, მეორეში — 5, მესამეში — 5, მეოთხეში — 5, მეხუთეში — 2 და მეექვსეში — 2;

ლათინურ ენას კვირაში დათმობილი აქვს: I. სასულიერო სასწავლებლებში: პირველ კლასში — 9, მეორეში — 5, მესამეში — 5 და მეოთხეში — 4;

II. სემინარიებში: პირველ ოთხ კლასში ოთხ-ოთხი გაკვეთილი კვირაში, ხოლო ორ მომდევნო კლასში ამ ენას არ ასწავლიან.

უნდა ვაღიაროთ, რომ სიღნაღის ან ახალციხის მღვდლისათვის, რომელსაც არ შეუძლია სწორად წარმოთქვას ან დაწეროს ორი-ოდე სიტყვა რუსულად და უნარი არ შესწევს გამართულად წარმოთქვას ქართულ ენაზე მოკლე შეგონება, დიდად სასარგებლო და აუცილებელი არაა იულიუს ცეზარის კომენტარიებისა და ქსენოფონტეს თქმულებების თარგმანა...

რაც შეეხება ცოცხალი უცხო ენების სწავლებას — ჩვენ ამ საგანს განსაკუთრებული სერიოზულობით არ ვუდგებით და ამიტომ არც წვრილმანებზე შევჩერდებით. მაგრამ რადგან ბატ. კუვშინსკები და K^o ყველაფერში წესდებას ეყრდნობიან, ჩვენ უნდა შევახსენოთ

მათ, რომ, როცა ეს მათ ჰქირდებათ, მშვენივრად შეუძლიათ გვერდი აუარონ წესდებას. მაგალითად, ფრანგულ და გერმანულ ენებს სემინარიში სრულიად არ ასწავლიან. ამ ენებს დღეს ერთი ასწავლის, ხვალ—მეორე. წესით, კვირაში ამ ენებს ორ-ორი გაკვეთილი უნდა დაუთმონ. ყოველი სასწავლო წლის დასაწყისში „ექებენ“ ამ ენების მასწავლებლებს ორი-სამი თვის განმავლობაში, ხოლო ამ ხნის განმავლობაში მათ ასწავლის ან თვითონ კუვშინსკი, ან ვინმე სხვა მისი ამალიდან. ჩვენ არ შევეუდგებით იმის მტკიცებას, თითქოს ეს ხდება ამ გაკვეთილებიდან ზედმეტი მანეთების საშოვნელად, თუმცა, ბატ. კერსკის საანგარიშო მოხსენებაში ჩვენ გვხვდებოდა ადგილები, სადაც თვით სემინარიის რექტორი აღიარებდა მსგავს ანგარიშს... მაგრამ ეს წვრილმანია. შემდეგ აპყავთ ვინმე ამ ენების მასწავლებლად, უნიშნავენ ჯამაგირს „გაკვეთილების მიხედვით“. თუ გააცდენს მასწავლებელი გაკვეთილს, მით უკეთესი, ნაკლები ფული დაიხარჯება... წლებულს, მაგალითად, ორი თვის განმავლობაში საერთოდ არ ჰყავდათ ფრანგულისა და გერმანულის მასწავლებლები, ასწავლიდა ბატ. კუვშინსკი... რევიზორის ჩამოსვლის დროისათვის, სემინარიის შენობაში უცებ გამოჩნდნენ ფრაკებში გამოწყობილი ვიღაც „სპეციალისტები“ ფრანგულისა და გერმანული ენების მასწავლებელთა როლში! დავუმატოთ ისიც, რომ ამ ენათა საკლასო ოთახებად გამოყენებულა სხვა კლასების წინკარები... აი, როგორ შეუძლიათ წესდებისათვის გვერდის ავლა მის ცრუ თაყვანისმცემლებს, როცა ეს მათ ხელს აძლევს...

ასეთი სავალალო სურათი წარმოგვიდგა ჩვენ, საქმის მხოლოდ ერთი მხარის ახლოდან განხილვისას — კერძოდ, ენების სწავლების საკითხისა სასულიერო-სასწავლო დაწესებულებებში. მაგრამ დროა შევწყვიტოთ სიტყვა, თორემ მსგავსი მიუწვდომელი უცნაურობებისაგან სულს მეტისმეტი სიმძიმე აწევბა... ამოგვასუნთქეთ!..

72. საკვირაო საუბრები

ისევ პიროვნებაზე და პიროვნულ ანგარიშსწორებაზე. — მშურს ი. ი. რეშეტისა. — რატომ არ უყურებს ეკვის თვალთ და ბრალს არ ღებს ე. პ. სტარიცი ი. ი. რეშეტს „პირადი ანგარიშსწორებისათვის“. — უკმეხოზა, როგორც სრულიად მისაღები ლიტერატურული ხერხი. — სხვაობა ჭკვიანსა და უგუნურ ადამიანებს შორის. — ახალი პასუხი ბატ. გოგებაშვილს. ჩემი წინასწარმეტყველება გოგებაშვილზე, დაბეჭდილი 1873 წელს. — იგი მე ბრალს მღებს, თითქოს მისი ლიტერატურული ღიღება მივითვისე. — „შენი შენიანებიდან“. — ლიტერატურულ მოგონებათა ნაწყვეტები. — იმის შესახებ თუ როგორ მუშაობდა დამჯავებული პატრიოტი რუსული გაზეთებისათვის და არ მუშაობდა ქართულისათვის. — ახალი იანუსი ორი ენის შესახებ, რომელიც ზოტბას ასხამს „ივერიასა“ და „ტიფლისკი ვესტნიკში“ დაბეჭდილ თავის სტატიებს. მიმართვა დოქტორ კრუპოვისა და „ტიფლისკი ვესტნიკის“ რედაქტორისადმი.

მე უკვე არა ერთხელ დამიწერია, რომ ჩვენში თითქმის შეუძლებელია აწარმოო რამდენადმე რიგიანი პოლემიკა ჩვენი საზოგადოებრივი ცხოვრების საკითხებსა და მოვლენებზე. რაზედაც არ უნდა ილაპარაკოთ, როგორ აღმამფოთებელ უსამართლობასაც არ უნდა შეეხოთ, როგორი საერთო საკითხებიც არ უნდა წამოაყენოთ, თქვენი მოწინააღმდეგეები ყველაფერ საერთოს და საზოგადოებრივს გვერდს აუვლიან, რათა კამათი დაიყვანონ უნაყოფო კინკლაობამდე პირადად მათი ან თქვენი პიროვნების ირგვლივ. მათ თვალში ყველაზე მნიშვნელოვანი სწორედ ეს პიროვნული ინტერესებია და ეს ინტერესები ყოველთვის წინა პლანზეა წამოწეული, ჩრდილავს ყოველივე დანარჩენს. და რადგან ყველა თავისთავის მიხედვით მსჯელობს სხვებზე, ამიტომ ყველა მოწინააღმდეგეს ჰგონია, რომ თქვენი სიტყვების სახელმძღვანელო მოტივები და საქციელი მხოლოდ პირადი ინტერესებითაა ნაკარნახევი...

ასჯერ უფრო ბედნიერნი არიან მწერლები, რომელთაც არ უხდებათ ამგვარი ნების გადაქექვა და არ იხრჩობიან მის სიმყარულში. მშურს მე ამ მწერლების, მაგალითისათვის, თუნდაც ი. ი. რეშეტისა. იგი ჩემზე რბილად და მოჩიდებულად არ წერს, უწყალოდ ეხება“ ყველას, ვიზუნდაც ლაპარაკობს: წაიკითხეთ თუნდაც მისი უკანასკნელი სტატია „ობზორის“² გუშინდელ ნომერში. პატივცე-

მული ე. პ. სტარიცკი მილიონჯერ მეტ პატივისცემას და პოზიციას იმსახურებს ყოველ მხრივ, ვიდრე ერთად აღებული მსოფლიოს ყველა გოგებაშვილი და ღოღობერიძე. მიუხედავად ამისა, ამ სტატიაში, თქვენ თვითონ იცით, როგორაა ის გამოყვანილი... ნუ დაივიწყებთ იმასაც, რომ როგორც თვითონ ი. ი. რეშეტი, ასევე „ობზორის“ რედაქტორი, რომელმაც ეს სტატია დაბეჭდა, დიდად აფასებენ ე. პ. სტარიცკის ღვაწლს, მაგრამ ამას ხელი არ შეუშლია მათთვის, ძალზე მკვახედ გამოეთქვათ აზრი მასზე და მის ღვაწლზე. ი. ი. რეშეტი რომ ისეთივე უბედური ყოფილიყო, როგორიც მე ვარ, ე. პ. სტარიცკი იმ წამსვე აიღებდა ხელში მოქრულ კალამს და გაზეთ „კავკაზში“¹⁹ გაგზავნიდა დაახლოებით ასეთი შინაარსის უარყოფას:

ბატ. რეშეტმა, ბოლოს და ბოლოს, იპოვა ხელსაყრელი შემთხვევა, გადმოენთხია ჩემს თავზე ბრახისა და სიძულვილის ნაკადი. მე ამას ყოველთვის მოველოდი მისგან, რადგან იგი სრულიად არ მალავდა განზრახვას, გაველანძღე „ობზორის“ ფურცლებზე და იმუქრებოდა, რომ ამას ჩავრის ამოყრის მიზნით აკეთებს... თურამდენად სამარცხვინოა ბატ. რეშეტის ამგვარი საქციელი ყველაზე უკეთ იმ ადამიანებმა იციან, ვინც იცნობს ჩვენს პირად ურთიერთდამოკიდებულებას. ყველასათვის ცნობილია, რომ მე მისი უფროსი ვიყავი, როცა სასამართლო პალატის თავმჯდომარის თანამდებობა მეჭირა, იგი კი ჩემი ხელქვეითი იყო და მხოლოდ ამ პალატის წევრი. ბატ. რეშეტი ყოველთვის მელაქუცებოდა, სურდა ჩემთან დაახლოება. მთელმა თბილისმა იცის, რა ხშირად მეჩურჩულებოდა იგი, როცა ერთად ვისხედით პალატის სხდომაზე... მეუბნებოდა ქათინაურებს, თითქოს მე ყველაზე დამაჭერებლად და საქმიანად ვწერ განაჩენს და ბავშვური ალტაცებით აქებდა ყველასთან ჩემს შრომას — „Межевое положение“ არაერთხელ უთხოვია ჩემს თავზე ამელო ნაწილი მისი შრომისა... მაგრამ მე არ ვენდობოდი მას და თავს ვარიდებდი. მას იმედი ჰქონდა ამგვარი ქცევით დაწინაურდებოდა და ეგონა, რომ მე დასაჯილდოვებლად წარვადგენდი... მაგრამ როცა იმედები არ გაუმართლდა, ჩემზე სხვაგვარად აღარ ლაპარაკობდა, თუ არა დორბლმორეული... აი, ბატ. რეშეტის ზნეობა...“

საუბედუროდ, ბატ. სტარიცკი ძალზე ჰკვიანია და მიუხედავად იმისა, რომ ბევრი მოწმისა და დეტალის დასახელება შეუძლია, ამგვარ პასუხს მაინც არ დაწერს... მას შესანიშნავად ესმის. რომ კამათი ბატ. რეშეტის ზნეობრივ სახეს ან გულისწადილს კი არ ეხება, არამედ მიჯნების საქმის შესაძლო „გარდაქმნის“ ავ-კარგიანობას. ბატ. რეშეტი რომ არქიუზნეო ადამიანი, ან კორსიკელივით შურის-

მძიებელი, ანდა სემინარიის საავადმყოფოსათვის მატყლის შესყიდვის შესახებ დაბეჭდვასავით ცრუ იყოს, მისი შენიშვნები მიჯნების საქმის შესახლო გარდაქმნის შესახებ მაინც ისეთ შენიშვნებად დარჩება, რომლებიც ყურადღებასა და უარყოფას მოითხოვს....

აი რატომ არ სწერს ბატ. სტარიცკი ცილისმწამებლურ წერილს. მან კარგად იცის რამდენად უსუსური იქნება ამგვარი წერილი. ამიტომ იგი საქმეს მოჰკიდებს ხელს და ეცდება ან უარყოს ბატ. რეშეტის შენიშვნები, ანდა მიიღოს მისი მითითებები...

მაგრამ სად მოვძებნო ისეთი მოწინააღმდეგეები, როგორიც ბატ. სტარიცკია? მსგავსი ჰკვიანი და პატიოსანი ადამიანები იშვიათად აძლევენ მწერალს თავდასხმისა ან მათ წინააღმდეგ გალაშქრების საბაბს. მაშინაც კი, როცა ისინი ამის საბაბს იძლევიან, მათ ესმით, რომ თავდამსხმელს სიკეთის გრძნობა ამოძრავებს და ეს სრულებით არაა მისი უღირსობისა და სიბინძურის დამამტკიცებელი საბუთი; ესმით, რომ საქმე კამათის არსშია და არა ფორმაში... მე სრულიად დარწმუნებული ვარ, რომ ბატ. რეშეტის მკვახე ტონი გასაგები და მისაღებია ბატ. სტარიცკისათვის: იგი უთუოდ მიხედება, რომ ბატ. რეშეტი იძულებული იყო უაღრესად მკვახე წერილი დაეწერა, რათა საზოგადოების ყურადღება მიექცია ისეთი მნიშვნელოვანი საკითხისათვის. რომელიც ამ დღეებში უნდა გადაწყდეს. ძალზე ვწუხვარ, რომ ჩვენი პრესის პირობებმა შესაძლებლობა არ მოგვცა მეტი სიმკვახე გამოგვეჩინა, რადგან საქმე ამით მხოლოდ მოიგებდა...

მაგრამ სუსტი და შეზღუდული ადამიანები ასე არ ეკიდებიან კამათს, რაც ეურნალისტისათვის აზრის გამოთქმის უმთავრესი საშუალებაა. საკმარისია მათზე რამე წამოგცდეს და მაშინვე კალამს ჰკიდებენ ხელს. უარყოფის მიზნით გზავნიან „ტიფლისკი ვესტნიკში“,³ ზემოთ მოყვანილი შაბლონის მიხედვით, ხელაღებულ ცილისმწამებებს...

ცხადია, არ ღირს პასუხის გაცემა ამგვარ სისულელებზე, რადგან ამით თქვენ ამდაბლებთ პოლემიკას და ყველასათვის ხელსაყრელ და საინტერესო ამ საქმეს პირადი კინკლაობის საგნად აქცევთ. მაგრამ, მეორეს მხრივ, ისიც უნდა გახსოვდეთ, რომ პირადად თქვენთვის არ სწერთ, და რომ მკითხველთა უმრავლესობისათვის ცილისმწამებლების მიმართ ასეთი აგდებული დამოკიდებულება იმის დამადასტურებელია, რომ მართალი არ იყავი, შენს მიერ წამოყენებული საკითხი შენ საგანგებოდ მნიშვნელოვნად გეჩვენება. მთელი სულით და გულით ინატრებდი, რომ შენმა თვალსაზრისმა გაიმარჯვოს, და გული გტკივა, როცა ეს თვალსაზრისი ტალახში ისვრება უგუნური ცილისმწამებით. თუ შენთვის, მთელს შენს სე-

რიოზულობასა და გონიერებასთან ერთად, უსიამოა საყვარელი ქალის კაბაზე მცირედი მტერის დანახვაც და ფრთხილად აცილებ ამ მტვერს. როგორიღა უნდა იყოს იმის ცქერა, რომ საყვარელ საქმეს, ძვირფას იდეას ნარეცხი წყალი ესხმება ისეთი ადამიანებისაგან, რომლებიც საკუთარი უმეცრების გამო ფიქრობენ, რომ ტალახითა და ნეხვით შეიძლება საზოგადოებრივი აზრის მარცვალის დამარხვა?..

და აი. რადგან კარგად გესმის სიბრიყვე ყველა ამ ცილისწაშებათა, იწყებ მათგან საყვარელი საქმის გასუფთავებას... და შენვე გადანაშაულებენ, თითქოს კამათს, რომლის სათანადო სიმაღლეზე დაყენებას ცდილობდი და ცდილობ, პირადული ხასიათი მიეცი...

არავის არ სურს მხედველობაში მიიღოს ის ამბავი, რომ თუ ჩვენ „პიროვნებების“ შეხების სურვილი გვქონდა, ჩვენი მოწინააღმდეგეების ასაგდებად და შესარცხვენად მასალა არ შემოგველეოდა, ჩვენთვის მოწინააღმდეგის პირადი ცხოვრება, პირადი საქმეები და პირადი გარემოება ყოველთვის აკრძალული სფეროა, რომელსაც არასოდეს შევხებივართ. ჩვენ რომ ამ სფეროს შევხებოდით, აღნიშნულ ბატონებს იმ ზომამდე მივიყვანდით. რომ ქუჩაში თავს ვერ გამოყოფდნენ იმდენი სასაცილო და უცნაურია მათ პირად ცხოვრებაში... მიაქციეთ ყურადღება იმას, რომ მე ვამბობ „სასაცილო“. „უცნაური“ და არა „ცუდი“, „სამარცხვინო“ და ა. შ. ეს ხომ თვით მოწინააღმდეგეებმაც კარგად იციან. მაგალითად, რა ადვილია ჩემთვის საქვეყნოდ შევარცხვინო ერთ-ერთი ჩემი მოწინააღმდეგე. ამისათვის საკმარისია დავბეჭდო შიშველი ფაქტი, რომელზედაც მთელი ჩვენი მხარე ლაპარაკობდა. მაგრამ მე ამას არ ვაკეთებ, რადგან ეს ფაქტი ჩვენი მოწინააღმდეგის პირად ცხოვრებას ეხება და არა საზოგადოებრივ როლს. აბა დაიდეთ ხელი გულზე, პატივცემულო მოწინააღმდეგეებო, და თქვით: დაგაკავებდათ თქვენ ამგვარი მოსაზრება, მე რომ მსგავსი კაზუსი მომსვლოდა?

ყოველივე ეს მახსენდება დაკავშირებით ბატ. გოგებაშვილის ახალ პასუხთან ჩვენს უკანასკნელ შენიშვნაზე: „მეგობრები — მტრებზე უარესია“. რასაკვირველია. პასუხში ერთი სიტყვაც არაა ნათქვამი კამათის არსის შესახებ. არსებითის ახსნა-განმარტება ბატ. გოგებაშვილმა მეორედ მოსვლამდე გადასდო. სამაგიეროდ ხელახლა დაღაღებს ჩვენს სიბრაზეზე. სიძულვილზე. შურისძიებაზე და ა. შ. „მისთვის (ბატ. ნიკოლაძისათვის) უმთავრესი მიზანი ხდება არა საკითხის გარკვევა, არამედ ლანძღვა-გინება და პირადი შეურაცხყოფა“, არწმუნებს ბატ. გოგებაშვილი „ტიფლისკი ვესტნიკის“ მკითხველებს. ხოლო ამ ბედშავმა მკითხველებმა, რომელთათვისაც

არც გოგებაშვილს და არც „ტიფლისკი ვესტნიკს“ ერთი სიტყვითაც კი არ აუხსნიათ ჩემი სტატიების შინაარსი, ზეპირად უნდა დაუჭერონ ცნობილი ცილისმწამებლების ავტორს... შემდეგ ბატ. გოგებაშვილი არწმუნებს მკითხველებს, თითქოს მე მასთან, ცილისმწამებლური წერილების ავტორთან, დაახლოება მსურდა და მონდომებით ვცდილობდი იგი „ობზორის“² თანამშრომლად მომეწვია, მაგრამ როცა მისგან უარი და ზიზღი მივიღე, შევიძულე და შურისძიება დავიწყე...

გახსოვთ გოგოლის „შეშლილის ჩანაწერებიდან“ ის ადგილი, სადაც ფერდინანდ VIII მკითხველებს არწმუნებს, დეპარტამენტის განყოფილების უფროსებმა იმიტომ შემიძულეს, რომ მისი უდიდებულესობის კაბინეტში კალმებს ვთლიდიო? მითხარით, რითაა გოგებაშვილის მიერ გამოთქმული აზრი გოგოლის ბედშავი გმირის სიტყვებზე უკეთესი ან უარესი: განსხვავება მხოლოდ იმაშია, რომ ერთი ამას საავადმყოფოში წერდა, მეორე კი „ტიფლისკი ვესტნიკის“ ფურცლებზე აცხადებს.

მთელი ამ ცილისწამების უარსაყოფად ერთი სიტყვა კმარა: „ობზორი“ მაშინ არ არსებობდა, როცა მე, 1873 წელს, ე. ი. ზუსტად ხუთი წლის წინათ გამოვთქვი ჩემი აზრი გაზეთ „დროებაში“ ბატ. გოგებაშვილზე; სტატია ხელმოწერილი იყო. აიღეთ 1873 წლის 30 ნოემბრის (400) ნომერი და დაინახავთ, რა ზიზღით ვლაპარაკობდი მაშინ მასზე. აი მაგალითად ერთი ნაწყვეტი:

„იმასაც ნუ დავივიწყებთ, რომ ჩვენში ერთი რჯულზე უმტკიცესი ჩვეულებაა: გაიჭინთება კაცი, ვაი-ვაგლახით მოახერხებს პაწაწა საქმეს, გამოსცემს ერთ წიგნს, დასწერს ერთ-ორ სტატიას, და მერმე — ქებას რომ მოისმენს — გაიგულდება, გაჩერდება და დარწმუნდება „მართლაც დიდი რამ შევასრულეო“. წადით მერე და ჩაუწვეთეთ იმას ყურში, რომ გულ-ხელის დაკრეფა ადრეა, რომ მის შრომას ნაკლულევანება აქვს, რომ ეს მისი შრომა მეცნიერების უკანასკნელი სიტყვა არ არის. ესეები რომ გააგონოთ, თავს მოიკლავს, კუდით ქვას გასროლინებს გაბრაზებით და დაჯერებით მაინც არ დაიჯერებს“.

ამას ჩვენ ვამბობდით ბატ. გოგებაშვილის „დიადი შრომის“ — „ბუნების კარის“ შესახებ დაწერილ რეცენზიაში. საინტერესოა მოვიყვანოთ აქ მაშინდელი ჩემი აზრი ამ ნაშრომზე:

„ეს წიგნი, თავიდან დაწყებული ბოლომდე, ძველი, სქოლასტიკური მეთოდით არის შედგენილი. რაც ამ უკანასკნელი ოცი წლის განმავლობაში პედაგოგიკას სწავლის გარდასაცემი გაადვილებული საშუალებები გამოუძებნია, არც ერთს იმათგანს ადგილი არ უპოვია

„ბუნების კარში“. მთელი წიგნი მძიმე ენით, უხალისოდ, უმაგალი-
თოდ, უსულოდ არის დაწერილი, მერმე ისე, რომ ყმაწვილს კი არა,
ნასწავლსაც კი გაუძნელდება მისი გაგება და შეთვისება. კაცს პგო-
ნია, სახელმძღვანელოს მაგიერ, დაუჭდომელს ვკითხულობო, ან ფი-
ლარეტის კატეხიზმოს ანდა მისვე „საუბრებს“. არც ერთ ალაგას
არაა მოყვანილი ან სურათი, ან ჩვენებით სისტემაზე დაფუძნებული
აღწერილობა, ან ხალისიანი მოთხრობა — ყველგან უძვლო და უსუ-
ლო, უმარილო ღეჭვაა ისეთი ცნობებისა, რომელთაგან ნახევარ-
ი უსარგებლოა და ნახევარი — გაუგებარი ყმაწვილისათვის“.

ხოლო როცა წიგნიდან მისი შემდგენლის პედაგოგიურ მოღვა-
წეობაზე გადავდივარ, მე მივიღვიარ იმ დასკვნამდე, რომელზედაც
პასუხს იძლევა რეცენზიის დასკვნითი სტრიქონები:

„რა ეთქმის კაცს — ჩვენს მდგომარეობაში — როცა ახალგაზ-
რდები, რომელნიც ვითომ მთელ თავის სიცოცხლეს ყმაწვილების
აღზრდას „სწირავენ“ და მართო პედაგოგიურ წრეში ბრუნავენ —
ამგვარ მაგალითებს წარმოგვიდგენენ და ალათ-ალათ ეპურობიან
მწერლობას და ყმაწვილების აღზრდას? ვინ იცის, კაცი რომ მათ
მასწავლებლებს დაუკვირდეს, იქაც ამ გვარივე უგულღვიძლო და
დამპალი დაუდევნელობა დახედეს?

საბრალო ახალგაზრდობავ, საწყალო ქვეყანავ!“

აი ჩემი აზრი ბატ. გოგებაშვილზე. ამ აზრის საწინააღმდეგო რამ
მე არასოდეს გამომითქვამს და რომ ეს აზრი სწორი და მიუკერ-
ძობებელია, ამის დამამტკიცებელი საბუთი ბატ. გოგებაშვილმა
მიიღო წელს, როცა სახალხო მასწავლებელთა ყრილობამ გარკვე-
ულად დაიწუნა მისი წიგნი, ხოლო ერთ-ერთმა გონიერმა პედაგოგმა,
ამ ერთი თვის წინათ, „დროებაში“ განიხილა და ზუსტად ისეთივე
აზრი გამოთქვა, როგორიც მე გამოვთქვი 1873 წელს.

ახლა საკითხავია, რა მნიშვნელობა აქვს ბატ. გოგებაშვილის
მთელს ცილისწამებას, თითქოსდა მე ქათინაურებით ვამკობდი მის
მოღვაწეობას? სინამდვილეში კი ბატ. გოგებაშვილმა (პირველმა)
მთხოვა „ობზორში“ თანამშრომლობის უფლება და მე უარი არ მი-
თქვამს, რადგან მე ვიწუნებ მხოლოდ სტატიებს, რომლებიც არ მომ-
წონს და არა ავტორებს, თუნდაც დარწმუნებული ვიყო ხეირიანს
ვერაფერს დაწერენ. ერთ მშვენიერ დღეს ბატ. გოგებაშვილი შემ-
ხვდა და მითხრა, რომ არ მოეწონა ბატ. ფრენკელიანის სტატია და
ამიტომ ერთ სტრიქონსაც არ დაბეჭდავს „ობზორში“. მე გულიანად
გამეცინა იმ კაცის პრეტენზიაზე, რომელსაც უკან მიაქვს ის, რაც
არ მოუყია და ბატ. იზმაილოვს, „ტიფლისკი ვესტნიკის“ ახლანდელ
მმართველს, უნდა ახსოვდეს, თუ რა მხიარულად ვუყვებოდი მე მა-

სა და ყველა ნაცნობს ამ სასაცილო ანეკდოტს... გაცილებით უფრო სერიოზულ ყურადღებას იმსახურებს ბატ. გოგებაშვილის სიტყვები „ტიფლისკი ვესტნიკში“ დაბეჭდილი მისი სტატიების შესახებ. რადგან მიღებულია ლიტერატურის ისტორიის ან ჟურნალისტიკის შესახებ დაწერილი და არასწორად გაშუქებული ფაქტებისა და შეხედულებების უარყოფა, ამიტომ საჭიროდ მიმაჩნია შევეხო ამ საკითხს.

საქმე შემდეგში მდგომარეობს. როგორც ცნობილია, დედაენის სწავლების საკითხი ჩვენი საზოგადოებრივი ცხოვრების ერთ-ერთი უმნიშვნელოვანესი საკითხია. ადრე ამ საკითხზე ჩვენში ლაპარაკს რატომღაც აკრძალულად თუ არა, სახიფათოდ მაინც თვლიდნენ. ჩვენი „სათნო“, მაგრამ უუნარო პედაგოგები, თავიანთი გულის სიღრმეებსა და კუნჭულებში კიდევ განიცდიდნენ იმ საცოდავი როლის გამო, რომელიც ჩვენში ჰქონდა მიკუთვნებული დედაენას. ისინი ხედავდნენ, რომ პედაგოგიური თვალსაზრისით ქართული ენის სწავლება აუცილებელია, რომ უიმისობა არ იქნება, მაგრამ ხმის ამოდებას ვერ ბედავდნენ. ხოლო ბატონი ტაშკენტელები⁵³ იმის გამო, რომ საკუთარი გულმოდგინეობა დამტკიცებინათ, საკუთარ ენას დევნიდნენ... საკითხი ყალბ ნიადაგზე იყო დაფუძნებული. საჭირო იყო მისი ადგილიდან დაძვრა და ახალი საფუძველის გამონახვა, რაც ამ საკითხის განხილვის შესაძლებლობას მოგვცემდა. ცხადია, ეს არაა დიდი დამსახურება, ამგვარი რამე ყოველდღიურად შეიძლება დაიმსახუროს ყოველმა ჟურნალისტმა. ჩვენ ამას საფუძველი ჩავუყარეთ „ტიფლისკი ვესტნიკში“ ხუთი წლის წინ დაბეჭდილი სტატიით. რომელიც ციტირებული იყო ამ რამდენიმე დღის წინათ. ჩვენ არა ერთხელ გავვივითარებია იგივე აზრი ამავე გაზეთის ფურცლებზე, პედაგოგიური სამყაროს მიმდინარე მოვლენებთან დაკავშირებით. ორი წლის წინ, როცა საჭირო იყო გამოგვეჩინა ბატ. ლოლობერიძის შემცველი თბილისის გუბერნიის სახალხო სასწავლებლების დირექტორის თანამდებობაზე, ბატ. გოგებაშვილმა მოხოვა დამებეჭდა „ტიფლისკი ვესტნიკში“ შენიშვნა იმის თაობაზე, რომ დადის ხმები თითქოს ამ თანამდებობაზე ნიშნავენ ბატ. სტირელეცკის, საჭირო კია დაინიშნოს ქართული ენის მკოდნე კაციო. შენიშვნა მე არ დავებეჭდე „ტიფლისკი ვესტნიკში“, რადგან გავიგე რა მიზნითაც იყო ნაკარნახევი: ბატ. გოგებაშვილი იმისთვის იღწვოდა *Pro domo sua*⁵⁵ რომ ამ დროს დიდად ცდილობდნენ გაეყვანათ ამ ადგილზე თუ თვითონ ბატ. გოგებაშვილი არა, მისი მეგობარი მაინც. პიროვნება, რომელიც, ჩემის აზრით, შეუფერებელი იყო ამ თანამდებობისათვის. სამწუხაროდ, იგივე შენიშ-

ვნა, მიწოდებული ბებუთოვისადმი, დაიბეჭდა ბატ. ბებუთოვის გა-
ზეთში და რადგან არ ვიცოდი საქმის ვითარება, შენიშვნაში მხო-
ლოდ საერთო აზრის გამოხატულება დავინახე და უარი აღარ მით-
ქვამს მის დაბეჭდვაზე. ამის შემდეგ კი მე დაბეჭითებით მოვით-
ხოვდი გვერდზე გადაგვედო ასარჩევი პიროვნების საკითხი და შევ-
ხებოდით საკითხის საერთო, პრინციპულ მხარეს. ბატ. გოგებაშვილს
კერძო საუბარში ვუთხარი, რომ დავბეჭდავ მის სტატიებს, თუ იგი
ამა და ამ აზრს განავითარებს... მაგრამ მან ეს არ გააკეთა. კორექ-
ტურის დროს მე გადავხედე მის პირველ სტატიებს და მომეწონა და
ახლაც მომწონს, აზრისა და იდეის გამო. რაც შეეხება გადმოცე-
მას, ამის შესახებ მე და თავ. ბებუთოვი ერთი აზრისა ვიყავით: კერ-
ძოდ. სტატიები გაქიანურებულია, ავტორი იმეორებს, არ შეუძლია
მკითხველთა ყურადღება მიიქციოს და ა. შ. ვწუხვარ, რომ კორექ-
ტურის დროს ვერ წავიკითხე ბატ. გოგებაშვილის უკანასკნელი
სტატიები, რომლებიც დაიბეჭდა ჩემი თბილისში არყოფნის დროს.
მაშინ სტატიებში არ დარჩებოდა ის მათემატიკური ფრაზები, რომ-
ლებიც მეც მეჩითირება და ბევრ მკითხველსაც...

დაინახა რა ბატ. გოგებაშვილმა, რომ სტატიები იბეჭდება. და-
იწყო მათი გამოცხობა და ერთსა და იმავე საკითხის ცოხნა. თავ. ბე-
ბუთოვს არა ერთი საყვედური უთქვამს ამის გამო ჩემთვის და არა-
ერთხელ. მე, თავ. ბებუთოვის თანდასწრებით, პირდაპირ განუცხა-
დე ბატ. გოგებაშვილს: „კმარა, აწი ჩვენ სხვა სიუჟეტებზე გადა-
ვალთ, თორემ ეს ყველას მობეზრდა“. ამის შემდეგ ბეჭდვა შეწყდა...

რადგან ბატ. გოგებაშვილი შეეხო ამგვარ ცრულიტერატურულ
მოგონებებს, მე ჩემს თავს უფლებას ვაძლევ დავამთავრო იგი ერ-
თი დამახასიათებელი თვისების აღწერით.

ბატ. გოგებაშვილმა მხოლოდ მას შემდეგ დაიწყო „ტიფლისკი
ვესტნიკში“ წერა და თანაც უხვად, როცა გაიგო, რომ ჰონორარს
სტრიქონების მიხედვით გადაუხდიდნენ. მას თავი მოაქვს ქართული
ენისა და ქართული ლიტერატურის მზრუნველად და ამავე დროს
ქართულ „დროებაში“ აქამდე ერთი სტრიქონიც კი არ დაუბეჭდია
ისეთი, რაც პირადად მას არ ეხებოდა. გამოაქვეყნებს. მაგალითად.
თავის ანბანს და მაშინ გაახსენდება, რომ ქართული ლიტერატურა
არსებობს და მისთვის წერაა საჭირო... და დასწერს კიდევ. მაგრამ
იციტ რას? რეცენზიას ბატ. მდივანის ანბანზე. რომელიც კონკუ-
რენციას უწევს მის წიგნს. ხოლო თუ სოფლის მასწავლებლები და-
იწყებენ მის წიგნს — მოჰკიდებს ხელს კალამს და „დროებაში“
გალანძლავს მათ და ასე შემდეგ. მე მხოლოდ მისი ერთი სტატია
ვნახე ამას წინათ დაბეჭდილი „დროებაში“ ქართული სიმღერის.

შესახებ, რომელიც პირადად მას არ აინტერესებს... და აი ამ კაც-
მა. რომელიც „დროებაში“ არაფერს ბეჭდავს, რადგან „დროება“
ჰონორარს არ უხდის, დაიწყო „ტიფლისკი ვესტნიკში“ ერთსა და იმა-
ვე თემაზე დაუსრულებელი ვარიაციების ბეჭდვა...

კიდეც ერთი თვისების შესახებ. ბატ. გოგებაშვილს შეუძლია
გვიპასუხოს, რომ იგი „ივერიაშიც“⁶² ბეჭდავდა სტატიებს. მაგრამ
ადამიანური სიბრძნის ისტორიისათვის, ჩემის აზრით, საინტერესოა
ამგვარი ეპიზოდი. „ივერიაში“ იგი აქებდა „ტიფლისკი ვესტნიკ-
ში“ დაბეჭდილ თავის სტატიებს, ხოლო „ტიფლისკი ვესტნიკში“—
„ივერიაში“ დაბეჭდილ სტატიებს უმღეროდა.

და ახლა ეს ვაებატონი გვარწმუნებს, რომ მე მჭირდებოდა მი-
სი ლიტერატურული დიდება და ვითვისებდი მის კუთვნილ დი-
დებას*. სადა ხარ დოქტორო კრუპოვო⁶⁴, ან სადაა შენი ცივი
წყლით სავსე დოქი? „ტიფლისკი ვესტნიკს“ იგი მეტისმეტად სჭირ-
დება!

მაგრამ კმარა. მხოლოდ ავადმყოფურ წარმოდგენას შეუძლია
გამოიგონოს ამგვარი ცილისწამება, მაგრამ მე უკვე მომბეზრდა მას-
ზე ლაპარაკი. ამიტომ ჩვენ აღარ შევეხებით ბატ. გოგებაშვილს, რო-
მელიც ყოველივე ამაზე პასუხს არ აგებს და მივმართავ „ტიფლისკი
ვესტნიკს“.

მე უკვე განვაცხადე, რომ არ მოვერიდები რეპრესაციებს და, არსე-
ბითად, შემეძლო გამომეყენებინა ახლა. თუმცა ეს ახლა გულს მი-
რევს. მაგრამ თუ აწი ერთხელ მაინც აღმოვაჩენ „ტიფლისკი ვესტ-
ნიკის“ რომელიმე განყოფილებაში თუნდაც ერთ სტრიქონს, რომე-
ლიც პირდაპირ ან ირიბად „ჩემს პირად ურთიერთობას“, ან, გარდა
ჩემი დაბეჭდილი სტატიებისა, რამე სხვა ამდაგვარს ეხება (მსგავსად
ბატ. გოგებაშვილის მტკიცებისა, თითქოს მე მისი დიდება მივითვი-
სე, ანდა ესა და ეს ვუთხარი), მაშინ მე ხელებს გავინთავისუფლებ.
თავს ძალას დავატან და შევეხები „ტიფლისკი ვესტნიკის“ ყველა

* საქმე ისაა, რომ ბატ. გოგებაშვილს ცეცხლივით ეშინოდა თავის ანონიმის
გამომქვეყნების. გვარწმუნებდა, რომ საგანმანათლებლო უწყება შურის-
ძიების მიზნით მის სახელმძღვანელოს აკრძალავს. თავ. ბებუთოვს ეხ-
ვეწებოდა, არავისთვის ეთქვა მისი თანამშრომლობის შესახებ, მე კი მთხოვდა
არ გადაეჭყერებია ისინი, ვინც მე მის სტატიებს მაწერდა. ცხადია, მე უარ-
ვყოფდი და ვამბობდი, რომ ამ სტატიების შეთხზვაში მე არავითარი მონაწილე-
ობა არ მიმიღია, თუმცა ბევრი არც მაწერდა მე ამ სტატიებს. ამგვარი ვარაუდს
წინააღმდეგ სტილის მოუქნელობა მეტყველებდა. რატომ აღარ სწერს ბატ. გო-
გებაშვილი მას შემდეგ ისეთ სტატიებს, რომლებიც შეიძლება მე მომაწერონ?

თანამშრომელის პირად ცხოვრებას და მოღვაწეობას დაწყებული თავ. დ. ერისთავიდან და ჯეზუთოვიდან... ეტყობა, რეპრესალიები ერთადერთი საშუალებაა იმისათვის, რომ შეაგნებინო ამ უმეცრებს, თუ რა განსხვავებაა ერთი მხრივ ლიტერატურულ და საზოგადოებრივ სფეროებს, რომლის გაკრიტიკება შეიძლება, და მეორეს მხრივ, არა ლიტერატურულ და კერძო ცხოვრებას შორის, რასაც მწერლის სიკვდილამდე არ უნდა შეეხოს არავინ.

78. პატარა პატაკოვი

თბილისი, 5 ნოემბერი

ჩვენ გარკვეულად ბედი გვწყალობს წინასწარმეტყველებაში. რამდენიმე თვის წინათ, როცა ადგილობრივი პრესის დანიშნულებაზე ცხარე კამათი მიმდინარეობდა, ჩვენ გაკვირვებით, ნახევრად ხუმრობით, ნახევრად სერიოზულად, რომ მოწინააღმდეგეები ბატ. კატკოვის კვალს მიჰყვებიან და ხედავენ მის „განსაკუთრებულობას“, ემსახურებიან მის ჩინურ მოძღვრებას... ჩვენ არ გვეგონა, რომ ვერ მოვასწრებდით ერთი წყვილი ფეხსაცმელის გაცვეთას, სანამ ჩვენი მოწინააღმდეგეები დაამტკიცებდნენ ჩვენი აზრის სრულ საფუძვლიანობას უცილობელი ფაქტებით... ამჟამად ეს პატივცემულმა გაზეთმა „მშაკმა“⁵⁵ გააკეთა.

„ობზორის“² მკითხველებს ახსოვთ, რომ ერთ-ერთ სტატიაში⁸⁶ ჩვენ ვამტკიცებდით, თუ რამდენად უსაფუძვლოა „მშაკის“⁵⁵ მიერ გამოთქმული აზრი სომხურ სკოლებში მუსულმანი ახალგაზრდების მიზიდვის შესახებ. ამ საბაბით წარმოშობილ პოლემიკაში ყველაზე ნათლად ჩვენი ნაციონალ-ლიბერალების კატკოვისებური სახე უნდა გამოვლინებულიყო და ვარაუდმა არ გვიმტყუნა. სამართლიანობა მოითხოვს ითქვას, რომ „მშაკმა“ გამოიყენა წარსულის გაკვეთილები და ამჯერად იგი იდეურად გვედავება ყოველგვარი გადახრებისა და „პირადი მოტივების“ გარეშე, რაც ჩვენთვის ძალზე სასიამოვნოა. თუმცა სტატიის დასკვნით ნაწილში „მშაკი“ გესლს არ იშურებს და ჩვენს უსაზღვრო სიბრყივეზე ლაპარაკობს, მაგრამ ეს სრულებით არ არღვევს ლიტერატურულ ზრდილობას, რადგან მწერლის ჭკუასა ან სიბრყივეზე მსჯელობა კრიტიკოსის პირდაპირი მოვალეობაა. ასე რომ, გაზეთი „მშაკის“ ეს პასუხი ისეთი ენითაა დაწერილი, რომელიც მთლიანად შეეფერება თავის თავის დამფასებელ პრესას და რადგან გვახარებს პოლემიკის ასეთი უჩვეულო წარმართვა, ჩვენ მთლიანად მოგვყავს გ. ა. არწრუნის ორგანოს პასუხი. აი ისიც:

„თბილისის გაზეთმა „ობზორმა“ ამას წინათ დაბეჭდა სტატია,

სადაც უარყოფს ჩვენს მიერ გამოთქმულ აზრს ამიერკავკასიის მუსულმანების სომხურ სკოლებში მოზიდვის შესახებ.

„ობზორმა“ გამოსთქვა უდიდესი კეშმარიტება, კერძოდ, რუსებისათვის საჭიროა რუსული სკოლები, სომხებისათვის — სომხური, მუსულმანებისათვის კი — მუსულმანური.

ამის საწინააღმდეგო ჩვენ არაფერი გვაქვს, მაგრამ ყველა ერს და ტომს ორ კატეგორიად ვყოფთ: ერები და ტომები, რომელთაც დამოუკიდებლად განვითარების უნარი შესწევთ და რომელთაც არ შესწევთ.

ზომ აღარაფერი ვთქვათ საშუალო სასწავლებლებზე, ხომ უნდა არსებობდეს იმის მიზეზი, რომ ჩვენმა მუსულმანებმა აქამდე ვერ შესძლეს თავიანთი ელემენტარული სკოლების შექმნა.

ღიჯბ, მიზეზი სხვადასხვაა: ზნეობრივი და გონებრივი მოღუნება, რასაც ესლამი იწვევს, მუსულმანთა შორის ცოდნის გასავრცელებლად გამოყენებული ანბანის უვარგისობა და სხვა. აი, ის მიზეზები, რომელთა გამო ჩვენმა მუსულმანებმა ვერ შესძლეს და ალბათ ვერასოდეს ვერ შესძლებენ შემოიღონ თავიანთი დამოუკიდებელი და საერთო სასკოლო სისტემა.

სკოლა, სადაც საგნებს დედაენაზე ასწავლიან, ერის ისტორიასთან განუყრელად დაკავშირებული მოვლენაა, რომლის თავისებურებასაც ენა და ლიტერატურა წარმოადგენს. თუ ხალხს ეს არა აქვს. ხელოვნურად ასეთი ორგანული მოვლენის შექმნა შეუძლებელია.

და თუ ეს შეუძლებელია, ნუთუ ეს ერი სამუდამოდ უმეცარი უნდა დარჩეს?.. ელემენტარული სწავლა-განათლება დედაენაზე უნდა წარმოებდეს; მაგრამ რას იზამთ, როცა პედაგოგიკის ამ სამართლიანი მოთხოვნების განხორციელება შეუძლებელია... ჩვენ რუსულ გაზეთს კი ისლა დარჩენია ასეთ დასკვნამდე მივიდეს: თუ ერს არ შესწევს უნარი შექმნას სკოლები თავის დედაენაზე, ჯობს უმეცარი დარჩეს, ვიდრე უცხო ენაზე მიიღოს განათლება.

მუსულმანებს არ შესწევთ უნარი შექმნან სკოლა, ლიტერატურული ენა, ეურნალისტიკა... და რადგან პედაგოგიური მეცნიერება მოითხოვს სწავლა-განათლების მშობლიურ ენაზე მიღებას, ამიტომ მუსულმანები ვერასოდეს ვერ შესძლებენ გადააქციონ თავიანთი ენა ცივილიზაციის იარაღად. ამგვარად, ჯობს არაფერი არ ისწავლო, ვიდრე ისწავლო რამე უცხო ენაზე, რადგან ასეთი სწავლა, „ობზორის“ აზრით, მოსწავლეს აჩლუნგებს.

არიან ტომები, რომელთაც დამოუკიდებლად განვითარების უნა-

რი არ შესწევთ, ისევე, როგორც — ადამიანები, რომელთაც დამოუკიდებლად და ლოგიკურად აზროვნების უნარი არა აქვთ. მაგრამ ერი შეიძლება განათლდეს უცხო ცივილიზაციის მეშვეობით, გონებაჩლუნგ ადამიანებს კი ვერაფრით ვერ ასწავლი ლოგიკურ აზროვნებას“.

ჩვენ გულმოდგინედ ვთხოვთ მკითხველებს ყურადღებით წაიკითხონ ამ შესანიშნავი სტატიის ყოველი სტრიქონი. მისი მნიშვნელობა, რომ ღირსეულად შეაფასო, ამისთვის საჭიროა მისი ერთხელ კი არა, არამედ ორჯერ ან სამჯერ წაიკითხვა.

დავიწყოთ იმით, რომ გამოუკლებლივ ყველა ამ სილოგიზმის წინამძღვარი მცდარია, როგორც ამას ყველგან და ყოველთვის კატეგორიის სკოლის მიმდევრები აკეთებენ. მუსულმანურ სამყაროს აქვს საკუთარი ენა, საკუთარი ლიტერატურა, საკუთარი ჟურნალისტიკა და „მშაქის“ პატივცემულმა გამგებელმა რომ სერიოზულად იცოდეს კაცობრიობის კულტურის ისტორია, მაშინ მას ისიც ეცოდინებოდა, რომ მუსულმანურმა სამყარომ კაცობრიობის განვითარებისათვის ათასჯერ მეტი გააკეთა, ვიდრე ერთად აღებულმა სომხებმა, ქართველებმა და რუსებმა. წაიკითხოს ბატ. არწრუნმა თუნდაც უეველის „ინდუქციურ მეცნიერებათა ისტორია“ და იძულებული იქნება დაგვეთანხმოს. ჩვენ აღარაფერს ვამბობთ არაბული ცივილიზაციის უფრო საფუძვლიან მკვლევარებზე... სკოლებისა და დაწესებულებების არსებობა მუსულმანურ სამყაროს ისეთ კეთილმოუწყობელ ქვეყანაშიც კი, როგორიც თურქეთია, ნათლად ადასტურებს, რომ სავსებით შესაძლებელია მუსულმანთა განათლება. ჩვენ აღარ ვასახელებთ ეგვიპტის სკოლებს, რომელთა დონიდან ძალზე შორს არიან სომხური და არა მარტო სომხური სკოლები... რომ აღარაფერი ვთქვათ ადრინდელი ლიტერატურის სიმდიდრეზე, მუსულმანურ ენაზე დაბეჭდილი წიგნები სიმრავლითაც და ღირსებითაც ბევრად ჯობია ამჟამად სომხურ და ქართულ ენაზე გამომავალ წიგნებს. შორს წასვლა რომ არ მოგვიხდეს, დავასახელებთ ბატ. სმირნოვის სტატიას, რომელიც დაიბეჭდა 1876 წელს ჟურნალში „ვესტნიკ ევროპი“... ჟურნალისტიკის განვითარებაზე კი სასაცილოცაა ლაპარაკი: მიუხედავად თურქეთის ხელისუფლების თვითნებობისა და ყველა სხვა პირობების ერთგვარობისა, თურქეთის ჟურნალისტიკამ ბევრად გაუსწრო სომხურს...

ერთი სიტყვით, „მშაქის“ მტკიცება თითქოს მუსულმანურ სამყაროში არ არსებობს ენის, განათლებისა და ლიტერატურის განვითარებისათვის საჭირო პირობები, მომაკვდინებელია მხოლოდ „მშაქისათვის“. რადგან ყოველმხრივ მის უსაფუძვლობას ამტკიცებს...

მაგრამ „მშაჰის“ ყოველი მტკიცება უცილობლად სწორიც რომ იყოს, დასკვნა მაინც მცდარია. ვთქვათ და ისტორიული პირობები მართლაც უშლიდა ხელს რომელიმე ერის გონებრივ ან ლიტერატურულ განვითარებას. მაგრამ თუ შეიცვლება ეს პირობები, შეიცვლება მდგომარეობაც. ადამიანი ყველგან ადამიანია, რომელ ერსაც არ უნდა ეყუთვნოდეს. ცოტად თუ ბევრად ყველას აქვს ტვინი, ყველა დაჭილდოებულია ცოდნისმოყვარეობით. როგორც ყველას სჭირდება ჭამა და ძილი, ასევე აუცილებელია ყველასათვის გონებრივი განვითარება. რაც გამოადგა ერთს, გამოადგება მეორესაც... ვთქვათ, რომელიმე ხალხი გონებრივად განუვითარებელია ისტორიული პირობების გამო. მაგრამ ეს ხომ ჩვენ ვალდებულს გვხდის ვიზრუნოთ მისი განვითარებისა და არა დაჩლუნგებისათვის. და რადგან ყოველ ხალხს მხოლოდ მაშინ შეუძლია განვითარდეს გონებრივად, როცა სწავლა სწორადაა დაყენებული. აქედან ასეთი დასკვნის გამოტანა შეიძლება: როცა თქვენ მუსულმანთა განათლებაზე ჩამოადგეთ ლაპარაკი, ვალდებული იყავით იმავე საზომით მისდგომოდით მას, რომლითაც საკუთარი თავის გაზომვას ისურვებდით...

გაიგეთ, რას ამბობს სინამდვილეში კატკოვი: ქართველებს, სომხებს, თათრებს და ა. შ. არც ენა აქვთ, არც სკოლები, არც ლიტერატურა, არც ჟურნალისტიკა და ა. შ. ამიტომ, მათ უნდა რუსულად ვასწავლოთ, ვკვებოთ რუსული გაზეთებითო და ა. შ. მთელი თანამედროვე მეცნიერება კი, როგორც პედაგოგიური, ასევე ისტორიული. ამტკიცებს, რომ ეს აზრი მცდარია. მეცნიერება ამბობს: უცნობ ენაზე რაიმეს სწავლება ფიზიკურად შეუძლებელია. ფიზიკურად შეუძლებელია ამ გზით ხალხის კულტურული დონისა და ზნეობის ამაღლება. ამას თქვენვე ამბობთ, როცა სომხებს ეხებათ. მაგრამ როგორც კი ლაპარაკი მუსულმანებზე ჩამოვარდება, გავიწყდებათ ყველა ჭეშმარიტება და იმეორებთ კატკოვის უაზრო შეხედულებებს. აბა თქვით, განა ყოველივე ეს თქვენი უსამართლობის აღმამფთობელი ნიმუში არაა?

თქვენ რომ დაგეთანხმოთ, ანდა დაუშვათ, რომ ყველა თქვენი წანამძღვრები და დასკვნები საფუძვლიანია, მაშინ ჩვენც ხომ იმავე დასკვნამდე უნდა მივიდეთ, სადამდეც თქვენ მიხვედით, კერძოთ კი აი სადამდე:

„მუსულმანებს არა აქვთ სკოლები, არა აქვთ ლიტერატურა, არა აქვთ ჟურნალისტიკა, ანბანიც კი არა აქვთ. და რადგან მათ არა აქვთ ამგვარი რამ და არც შეიძლება გააჩნდეთ, ამიტომ ცოდვას მა-

თი გაუნათლებლად დატოვება. ჯობს შევიყვანოთ ისინი რუსულ სკოლებში, ვასწავლოთ რუსულ ენაზე?“

დამეთანხმეთ, რომ ამგვარი დასკვნა გაცილებით უფრო სწორია, ვიდრე თქვენი: თქვენ ხომ ვერაფრით ვერ დაამტკიცებთ, რატომაა აუცილებელი მუსულმანებისათვის სომხურ სკოლებში სწავლა და არა ქართულში, რუსულში, ფრანგულსა ან გერმანულში? თუ კი სწავლა მშობლიურ ენაზე არ წარმოებს, მაშინ ხომ თანაბრად გამოსადეგია ყველა სხვა ენა და ყველა სხვა ხალხის სკოლები. და თქვენ მაშინ დარწმუნდებით, რომ ბევრი რუსულ და გერმანულ სკოლაში ამჯობინებს სწავლას და არა სომხურში.

აი, როგორ აბსურდამდე შეიძლება მივიდნენ ის ადამიანები, რომელთაც არ გააჩნიათ მტკიცე, სახელმძღვანელო პრინციპები, არ შეუძლიათ გადალახონ ჩინური კედელი, რომელიც ზღუდავს მათ გონებას და გრძნობებს... დროა, ბატონებო, გაიზარდოთ! დროა გონივრულად ემსახუროთ თქვენს საქმეს. თორემ აქამდე თქვენ მხოლოდ დანებს აგროვებთ და ეს დანები უთუოდ ყელს გამოსჰრის თქვენსავე საქმეს. შეიგნეთ ეს ბოლოს და ბოლოს!

74. სამხედრო სიბრძნის სიღრმე სამოქალაქო გაზეთში

თბილისი, 6 ნოემბერი

გაზეთი „გოლოსი“³⁷, ცნობილი თავისი მჭლანელი ე. ი. ბიკო-
ვით, რომელიც ხოტბას ასხამდა სამხედრო სამინისტროს სა-
ინტენდანტო და სხვა დარგების მოღვაწეობას მშვიდობიან პერი-
ოდში, ამჟამად, როცა ომმა საბოლოოდ შეამოწმა ყველა ოცდაორი
ათასი კომისიისა და კომიტეტის მუშაობა, კომისიებისა, რომლებიც
იხილავდნენ უმაღლესი მეურნეობის ტიპებს, ნორმებსა და ნიმუ-
შებს, მივიდა საკმაოდ არაკეთილსასურველ დასკვნამდე, თუ მისი
26 ოქტომბრის გაუგებარი მოწინავე სტატიის მიხედვით ვიმსჯე-
ლებთ. ჩვენ ჯერ ამის მსგავსი არაფერი წაგვიკითხავს დედაქალაქის
გაზეთებში და გაკვირვებული ვარ, ვის სჭირდება საზოგადოებრივი
აზრის ასე არაკეთილსინდისიერად მოტყუება?

რუსეთმა ეს-ესაა დაამთავრა ბრწყინვალე ომი, რომელშიც ჩვე-
ნი ჯარების გმირობამ არა მხოლოდ მოლოდინს, არამედ სურვილსაც
გადააჭარბა. ყირიმის ომის შემდეგ ხელისუფლებამ მთელი ყურად-
ღება სწორედ ამ არმიას მიაქცია და მის შესანახად სახელმწიფო ბი-
უჯეტის $\frac{1}{3}$ ნაკლებს არ ხარჯავდა; მაგრამ, ამავე დროს, აღმოჩნდა
რომ ჩვენი არმიის სამეურნეო დარგის ორგანიზაციას ბევრი ნაკლი
ახასიათებს, რომელთა აღმოფხვრა აუცილებელია. ხოლო რაც შე-
ეხება იმ დაწესებულების პერსონალს, რომელიც არმიის მეურნეო-
ბას განაგებს, ბევრმა ბოროტად გამოიყენა თანამდებობა, რაც
გვხვდებოდა და გვხვდება ყველგან და ყოველთვის, როცა ცალკეუ-
ლი პირები ხელს კიდებენ სახელმწიფო მომარაგებას, იწყებენ სა-
ქონლის დამზადებასა და მიწოდებას. ამის დაფარვა დანაშაული
იქნებოდა, რადგან ამგვარი ბოროტების აღმოფხვრა შეიძლება მხო-
ლოდ გამოაშკარავებითა და საზოგადოებრივი აზრის კონტროლის
დაწესებით და არა ოფიციალური შემოწმებით, რომელიც უნდა
დაკმაყოფილდეს დადგენილი ფორმალური საბუთებით და ვერა-
ფერს ამბობს თაღლითობასა და მოტყუებაზე, რისი განხორციელე-
ბაც ადვილი და მოსახერხებელია, რადგან ადმინისტრაციული გზით

შეუძლებელია თვალყური ადევნო სახელმწიფო ფულის ჰოიჯარადრეების ხელში გადასვლის მომენტს, რომელთაგანაც ყველაფერს ყიდულობენ. რა მჯავე პარტივისციემითაც არ უნდა ვიყოთ განწყობილნი ადმინისტრაციული დაწესებულების ღირსებებისადმი, მაინც არ შეიძლება ერთმანეთში ავრიოთ ქურდობის მოყვარული საინტენდანტოს დარაჯის ან ჰოსპიტალის ფერშლის კეთილი სახელი თვით დაწესებულების კეთილ სახელთან, რომელიც მათი მძარცველობისაკენ მისწრაფების დასაკმაყოფილებლად კი არაა შექმნილი, არამედ — გარკვეული ამოცანების შესასრულებლად, არმიის საჭიროების დასაკმაყოფილებლად. დაწესებულება ერთია, ხოლო აღამიანები, რომლებიც ამ დაწესებულებაში მოქმედებენ, მეორე. და თუ ომის დროს აღმოჩნდა, რომ ზოგიერთი სამეურნეო დაწესებულების ცალკეულმა პირმა ვერ გაამართლა მთავრობის ნდობა, ამ დაწესებულების ღირსების აღსადგენად საჭიროა დამნაშავეთა არაკანონიერი მოქმედების დამტკიცება და მკაცრად დასჯა კანონის ძალით. ყველაფერი ეს საყოველთაოდ ცნობილია და სირცხვილიცაა ასეთ ანბანურ ქეშმარიტებაზე ლაპარაკი, მაგრამ დედაქალაქის მსხვილ გაზეთს „გოლოსს“, რომელიც იცავს საერთო ზიზღით შერისხულ მოქმედებას და წესებს, ეს ქეშმარიტებები ავიწყდება. ეყრდნობა რა გოგოლის იურისკონსულტის პრინციპს⁸⁷, „გოლოსი“ ცდილობს არივდარიოს ყველაფერი და სწორ გზას ააცდინოს ჩვენი ბრწყინვალე არმიის მომარაგებაში უწესრიგობის შემტანთა და თანამდებობის ბოროტად გამომყენებელთა დასჯის სამართლიანი მოთხოვნა, არმიისა, რომლის ჯარისკაცები პირნათლად ასრულებდნენ თავიანთ მოვალეობას და პატიოსნად კვდებოდნენ. უსამართლო საქმეს ვერ გაამართლებ წესიერი საშუალებებით, ამიტომ სამოქალაქო გაზეთი სამხედრო სიბრძნეში ისეთ ღრმა განსწავლულობას იჩენს, რომ მასში თანაბრად იძირება რუსეთის ყველა სამხედრო და სამოქალაქო პირის საღი აზრი.

„ომის დამთავრების დროიდან, იუწყება ნევის პიფია, მთელ რიგ სტატიებში განხილული იყო ჩვენი სამხედრო ორგანიზაციის მრავალი ნაკლულევალება. მიუხედავად ამისა, ჯერ კიდევ ბევრი რამ დარჩა არამართო გაურკვეველი, არამედ ხელუხლებელი. იმ საკითხების მიმართაც კი, რომლებიც განხილულია, აშკარად შეიმჩნევა ერთგვარი ცალმხრივობა, რადგან ომის ყველა შედეგს მხოლოდ სამხედრო უწყების მოქმედებას აწერენ“.

განა უცნაური არაა, რომ წმინდა სინოდს მონაწილეობა არ მიუღებინეს ჩვენი არმიის გაუმჯობესებელი იარაღით მომარაგების საკითხის განხილვაში? ანდა, განათლების სამინისტროს გვერდი აუ-

არეს, როცა ჩვენი პრესა გაუთავებლად ლაპარაკობდა საყოველთაოდ ცნობილი ამხანაგობის — გრეგერის, კოგანისა და K⁰-სთან დადებულ კონტრაქტზე? მართლაცდა, რატომ არ მიმართეს ჩვენმა პუბლიცისტებმა შინაგან საქმეთა სამინისტროს, როცა გაპყვიროდნენ ბატ. მალკიელმა დამპალი ტყავისაგან შეკერილი ჩექმები მოგვაწოდაო; ანდა მაშინ, როცა სადგურ რაზდოლნაიაზე საინტენდანტო მოხელეების მეცადინეობის წყალობით თივა ქარს გაატანეს? რა საჭიროა ამგვარი ცალმხრივობა? რატომ უნდა ვიფიქროთ, რომ არმიის სამხედრო მეურნეობა, რომელსაც მხოლოდ სამინისტრო განაგებს, საინტენდანტო და საპროვიანტო უწყების ზოგიერთი პირის დაუდევრობის გამო არადაამკმაყოფილებელი აღმოჩნდა, როცა სხვა უწყებებიც არსებობს? აი, როგორი მითითებებით ასწორებს ჩვენი პრესის ამგვარ ცალმხრივ შეხედულებას „გოლოსი“:

„თუმცა ერთი შეხედვით ბუნებრივია, მაგრამ სწორი არაა მივაწეროთ ომის ყველა თვალსაჩინო ფაქტი მომქმედი არმიის სამხედრო-საველე სამმართველოს მოღვაწეობას და განვიხილოთ ეს სამმართველო, როგორც სრულიად დამოუკიდებელი ორგანიზაცია, რომელსაც არავითარი კავშირი არა აქვს სამხედრო სამინისტროს უცვლელ დაწესებულებებთან. ამავე დროს არ მივიღოთ მხედველობაში ის გარემოება, რომ მშვიდობიან დროს სამმართველოზე ვრცელდება სამხედრო სამინისტროს მოღვაწეობის შედეგები. ამიტომ სამართლიანი არ იქნება ომის შედეგები მივაწეროთ მხოლოდ სამხედრო-უწყების მოღვაწეობას და დავივიწყოთ სხვა უწყებების მონაწილეობა სამხედრო ორგანიზაციის შექმნასა და ომის წარმოებაში“.

გამპკრიახი გონება და ღრმა განსწავლულობაა საჭირო იმისათვის, რომ გავავლოთ პარალელი ერთის მხრივ მომქმედი არმიის მეურნეობასა და სამხედრო სამინისტროს უწყების სოლიდარობას შორის, რომელმაც შექმნა ეს მეურნეობა მშვიდობიან დროში, და ომის წინაწლებსა და ომის დროს ხელმძღვანელობდა ძირითად დამზადებასა და მომარაგებას, ხოლო მეორეს მხრივ — სამხედრო სამინისტროს მიერ სამხედრო ორგანიზაციის შექმნასა და ომის წარმოებას შორის, რომელშიც მონაწილეობას ლებულობდა უშუალოდ სამხედრო სამინისტროსადმი დაქვემდებარებული სხვა უწყებები!

ისტორია ჩვენს წინაა: ჩვენ ვიცით, თუ რა გულმოდგინედ იცავს ყოველი უწყება თავის გავლენის სფეროს სხვა უწყებების შემოჭრისაგან, და ამგვარი ზრუნვა არსად არ ვლინდება ისე ძლიერ, როგორც სამხედრო სამინისტროში. მაგალითისათვის მოვიყვანოთ თუნდაც კეთილისმყოფელი-მამის — ოვსიანიკოვის ცნობილი საქმე, რომლის გასამართლების დროს სასამართლოს განზე უნდა გადაედო:

სამხედრო სამინისტროს ყველა აგენტის საქმიანობის საკითხი. მიუხედავად „გოლოსის“ ღრმააზროვანი თვალსაზრისისა, ეს რომ ასე არ მომხდარიყო, ღია, სასწრაფოდ მოწვეულ და მოწყალე სასამართლოს რომ არ დაეფარა სამხედრო სამინისტროს აგენტები, შეიძლება მაშინ ჩვენი სამხედრო მეურნეობის ნაკლოვანებანი ომის დაწყებამდე გამომჟღავნებულიყო და საინტენდანტოს გაწმენდნენ ისეთი პირებისაგან, რომლებიც თავიანთი მოქმედებით ხელს უწყობდნენ სახაზინო ფულის ხარჯვას და ართულებდნენ ომის ღროს არმიის ისედაც მძიმე მდგომარეობას. მაგრამ, ვიმეორებთ, რომ ეს არ მოხდა: სამხედრო სამინისტრომ უშუალოდ თავის თავზე აიღო ოკსიანიკოვის საქმეში დამნაშავეთა დასჯა და მოხსნა. ამიტომ სრულიად ბუნებრივია, რომ პასუხისმგებლობა მთავრობის წინაშე მხოლოდ და მხოლოდ სამხედრო სამინისტროს უნდა დაეკისროს იმ დანაშაულისათვის. რაც საინტენდანტო უწყების პერსონალის არადამაკმაყოფილებელმა საქმიანობამ გამოიწვია.

მაგრამ გავყვეთ დედაქალაქის გაზეთის მონაჩმასს, რომელსაც სურს ზნეობრივი ზეგავლენა მოახდინოს საზოგადოებრივ აზრზე:

„თუმცა ბრძოლის ველზე მტრის წინააღმდეგ მოქმედებს და იბრძვის არმია, რომელსაც განაგებს და რომლისთვისაც ზრუნავს სამხედრო სამინისტრო, მაგრამ ეს კიდევ არ ნიშნავს იმას, თითქოს ომს მარტო სამხედრო სამინისტრო აწარმოებს და არა მთელი სახელმწიფო სახალხო ძალების ყველა საშუალებებით, რომელთაც სხვადასხვა სამინისტროები განაგებს. სახელმწიფოს სიძლიერე, რასაც სახელმწიფო ძალების ურთიერთმოქმედება ქმნის, ომის ღროს ვლინდება არმიაში, როგორც შეიარაღებული ძალების აქტიურ ელემენტში. საფუძვლიანია ის აზრი, რომ ომი სახელმწიფოს სიძლიერისა და წყობის შემოწმებაა“.

ომი რომ სახელმწიფოს სიძლიერისა და წყობის შემოწმებაა — ეს აზრი მართლაც საფუძვლიანია და ყველაზე ნათლად ამ აზრს რუსეთ-თურქეთის უკანასკნელი ომი ამტკიცებს. წინააღმდეგ უცხო სახელმწიფოების აზრისა, დაწყებული ინგლისის ყველაზე შორსმკვრეტელი მთავრობიდან, რომელსაც შესაძლებლობა ჰქონდა, თავის აგენტების მეშვეობით, მშვიდობიან პერიოდში საფუძვლიანად შეესწავლა ჩვენი სამხედრო სისტემის ნაკლოვანებანი, რუსეთის არმია არა თუ ვერ შეაჩერა თურქეთის ჭარმა და ფლოტმა, რაც ევროპას მილიარდები დაუჯდა, არამედ მან გაანადგურა თურქეთის მთელი ძალები და კონსტანტინოპოლის კედლებს მიაღგა. ჩვენს დიდებულ არმიას ხელი ვერ შეუშალა ვერც ჩვენი სამხედრო-საოლქო სისტემის ნაკლოვანებებმა, ვერც საინტენდანტო უწყების მოხელეთა

და მომმარაგებელთა მიერ თანამდებობის ბოროტად გამოყენებამ, რათა პირნათლად შეესრულებინა მოვალეობა და მთელი ევროპისათვის დაენახებინა რუსეთის წყობის შეურყეველობა და სიძლიერე... და ეს სრულიად ბუნებრივია, რადგან, „გოლოსის“ სიტყვებით რომ ვთქვათ, სახელმწიფოს სიძლიერე, რასაც ქმნის სახელმწიფო ძალების ურთიერთობა, იმის დროს არმიაში, როგორც შეიარაღებული ძალების აქტიურ ელემენტში ვლინდება. მაგრამ ეს სრულიად არ ნიშნავს, რომ ყველა სახელმწიფო ძალა, რასაც სხვადასხვა სამინისტრო განაგებს, პასუხისმგებელია, თუ არმია, რომელზედაც მხოლოდ სამხედრო სამინისტრო ზრუნავს, ამ ზრუნვის გამოხატულება გრეგერის, კოგანისა და იკ^ო ვარშავსკის, პოლიაკოვის, ფალკენგაგენის. მალკიერის და სხვათა ამხანაგობის სახით დაინახა. „გოლოსი“ კი პირიქით ფიქრობს, და თუ რატომ — ეს ცნობილია მხოლოდ იმისათვის, ვინც დაწერა და დაბეჭდა ეს უზნეო მოწინავე სტატია.

ჩვენ გამოვიყენეთ ზედსართავი სახელი „უზნეო“, რაც ბევრს შეიძლება უხამს ან ზედმეტ ეპითეტად მოეჩვენოს. მაგრამ ჩვენ ეს გავაკეთეთ შეგნებულად და არა შეცდომით ან იმის გამო, რომ სიტყვები არ გვყოფნის. ჩვენის აზრით, ქურდობა უზნეობაა, მაგრამ კიდევ უფრო დიდი უზნეობაა ქურდების გამართლება. უბრალო რუსული ანდაზა ამას ასე გამოხატავს: ქურდიცა და მისი შემნახვიც ორივე ქურდიაო. უზნეობაა უპატიოსნოდ მოქცევა, მაგრამ კიდევ უფრო დიდი უზნეობაა — საკუთარი უზნეობა სხვას გადააბრალო. უზნეობაა, ყოველივე ეს ახსნა იმით, რომ სხვები ამ საკითხზე ცოტას ფიქრობენ. „გოლოსმა“ კი გადაწყვიტა ბრალი დასდოს ყველა სამინისტროს იმაში, რაც უშუალოდ მხოლოდ სამხედრო სამინისტროს ეხება. ასეთი უზნეო ცდა, რა თქმა უნდა, არავის არ სჭირდება, ყველაზე ნაკლებად კი თვით სამხედრო სამინისტროს, რომელსაც ფაქტები ხელთ აქვს და არ სჭირდება უბადრუქი სიტყვების გადასხვაფერება, თუნდაც ამას მრავალმეტყველი გაზეთი „გოლოსი“ აკეთებდეს.

დაადგა რა ასეთ გზას, „გოლოსი“ კიდევ უფრო შორს წავიდა და თავის ღრმავაროვან შეხედულებას ასე ამტკიცებს:

ზეგავლენის ასეთ მაგალითად შეიძლება დავასახელოთ, ჯერ ერთი, ის ცვლილებები, რომლებიც შეიტანეს „სამხედრო ვალდებულებათა წესდების“ პროექტში, სამხედრო სამინისტროს თავდაპირველი ვარაუდის მიხედვით რეკრუტთა რეზერვის არსებობის შესახებ, რის შედეგადაც წესდების საბოლოო რედაქციამ ისეთი ფორმა მიიღო, რომ პირველი თანრიგის ჯარისკაცთა გაწვევა მუდმივი არ-

მის რიგების შესავსებად, თადარიგის ყველა საშუალებათა ამოწურვამდე, ე. ი. მანამ, სანამ, საერთო შეხედულების თანახმად, „საგანგებო ვითარება“ შეიქმნებოდა, მოსახლეობისათვის მოულოდნელი აღმოჩნდა; ხოლო მეორე მაგალითია ლაშქრის შესაქმნელად საჭირო კანონის შედგენისა და გამოქვეყნების საქმეში დაყოვნება, რომლის პროექტიც „სამხედრო ვალდებულებათა წესდების“ პროექტთან ერთად წარადგინეს.

დაუშვათ, რომ ბატ. კრაევსკისა და მის სატელიტებთან ერთად, ყველა სამინისტრო დამნაშავეა სამხედრო ვალდებულებათა წესდების პროექტის რედაქციის უხეირობასა და ლაშქრის შესაქმნელად საჭირო კანონის შედგენისა და გამოქვეყნების დაყოვნებაში. რაში გამოიხატა, უკანასკნელი ომის დროს, ამგვარ შეცდომათა ბოროტება? განა ვინმე ჩიოდა, რომ მომქმედი არმია დროზე არ შეავსეს? განა ლაშქრის მოგვიანებით თავმოყრის გამო სადმე იგრძნობოდა ცოცხალი ძალის ნაკლებობა? ამდაგვარი ჩვენ არაფერი წაგვიკითხავს არც ოფიციალურ ცნობებში და არც რუსეთისა და უცხოელი კორესპონდენტების ინფორმაციებში. მაგრამ ჩვენ ყველგან და ყოველთვის ვკითხულობდით საჩივრებს იმის შესახებ, რომ ჭარს დროულად არ ამარაგებენ პროვიანტით, ფურაჟით, საინტენდანტო და საარტილერიო მასალებით; ოფიციალურ ტელეგრამებშიც, მითუმეტეს კორესპონდენციებში, ბევრს და ძალზე ბევრს წერდნენ საკვებისა და ტანსაცმელის ნაკლებობაზე, რამაც ხელი შეუწყო ჭარისკაცების დაავადების გაძლიერებას; ხოლო ჰოსპიტალების არადაამაკმაყოფილებელი მომარაგების გამო, ავადმყოფობას გაძლიერებული სიკვდილიანობა მოსდევდა. ეს რომ ასე არ ყოფილიყო, ცხადია, ჩვენს ჭარებს ასე ძლიერ არ დასჭირდებოდა შევსება რეზერვის ან ლაშქრის ხარჯზე, ასე რომ, სამხედრო სამინისტროს საქმიანობის წყალობით, შეიძლება ზედმეტიც გამხდარიყო ახალი რეკრუტების ან ლაშქრის გაწვევა, ე. ი. გამოსწორდებოდა სხვა სამინისტროთა მონაწილეობის მთელი მავნე მნიშვნელობა. სხვანაირად, რა თქმა უნდა, არც შეიძლება ყოფილიყო. ფინანსიური სახსრები, ჩვენი არმიის ორგანიზაციის შენახვისა და გაუმჯობესებისათვის, ეძლეოდა უშუალოდ სამხედრო სამინისტროს და იხარჯებოდა მისი განკარგულების თანახმად, ყველა სხვა უწყების ჩარევის გარეშე. როგორც სახელმწიფო ხარჯთაღრიცხვის ყოველწლიური შემოსავალი და გასავალი გვიჩვენებს, ეს თანხა მშვიდობიან დროშიც კი საკმაოდ დიდი იყო, რაზეც შეგიძლიათ იმსჯელოთ ქვემოთ მოყვანილი ოფიციალური და ზუსტი ციფრების მიხედვით:

წელი

არმიაზე გაწეული
ხარჯები:

1856	233.154.000 მან.
1857	101.848.000
1858	89.154.000
1859	106.691.000
1860	106.653.000
1861	115.964.000
1862	114.184.000
1863	124.916.000
1864	151.987.000
1865	134.094.000
1866	129.687.000
1867	127.250.000
1868	136.700.000
1869	147.702.000
1870	140.788.000
1871	154.257.000
1872	165.624.000
1873	175.033.000
1874	172.479.000
1875	175.431.000
1876	180.267.000
1877	181.532.000

22 წლის განმავლობაში

3.170.689.000 მან.

აი, რა დაგვიჩდა ომი. ზუსტი ციფრები ჯერ კიდევ ცნობილი არ არის, მაგრამ ს.-სტეფანოს ზავის⁶⁴ დადების დროს, სამხედრო ხარჯები ერთნახევარ მილიარდად არის შეფასებული.

რა მონაწილეობა შეეძლოთ მიეღოთ ამ ფულის ხარჯვაში სხვა უწყებებს? ალბათ არავითარი, რადგან სამხედრო სამინისტრო ამ ფულს თავის აგენტების მეშვეობით ხარჯავდა... მთელი საყვედურიც სწორედ ამ უკანასკნელთა წინააღმდეგაა მიმართული. ხოლო ამ საქმეში არა მხოლოდ სამინისტროს, არამედ სხვა უწყებების ჩათრევაც — თითქოს ისინი თანაუგრძნობდნენ მტაცებელთა უკანონო მოქმედებას — ეს ისეთი ხერხია, რომელსაც არავითარი გამართლება არ მოეპოვება. მაგრამ რა ენაღვლება ს.-პეტერბურგის Times'-ს! იგი ამთავრებს თავის მომაკვდინებელ სტატიას შემდეგი Coup de maître-ით:

— თუ ყურადღებით განვიხილავთ იმ ვითარებას, რომელშიც მოქმედება უხდებოდა სამხედრო სამინისტროს, რომელიც მშვიდობიან დროს თითქმის არავითარ ნაყოფიერ მოღვაწეობას არ ეწეოდა, თუმცა იყენებდა სახელმწიფოს მთელ ძალებს, შეუძლებელია არ ვაღიაროთ ის სიძნელები, რომელთაც იგი ხვდებოდა. მართალია, ომის დროს სიძნელები ქრება და ყველა უწყება ერთმანეთს ეჯიბრება — ხელი შეუწყონ სამხედრო სამინისტროს, მაგრამ აღრიხდელი ურთიერთობის შედეგები მაინც იჩენს თავს.

რას ნიშნავს ყოველივე ეს? ვის ამართლებს და ვის ამტყუნებს. ნევის პიფია? ომის დროს თურმე ყველა სამინისტრო ერთმანეთს ეჯიბრებოდა ხელი შეეწყონ სამხედრო სამინისტროსათვის, მაგრამ თვით სამხედრო სამინისტრომ მშვიდობიან დროს თითქმის ვერაერთარი ნაყოფიერი მოღვაწეობა ვერ გამოიჩინა, თუმცა იყენებდა სახელმწიფოს მთელ ძალებს და, უნდა ვაღიაროთ, როცა მოქმედების დრო დადგა, სიძნელებებს წააწყდა...

რა თქმა უნდა! თუ კი „გოლოსი“ სამხედრო სამინისტროს მშვიდობიანი დროის მოღვაწეობაში ვერაერთარ ნაყოფიერს ვერ ნახულობს, ცხადია, ომის დროს სიძნელების მეტი რა უნდა ყოფილიყო...

თუ კი ღრმააზროვან „გოლოსს“ ასე ესმის სამხედრო სამინისტროს დამოუკიდებლობა ცენტრალური ხელისუფლების სხვა ორგანოებთან, მაშინ რაღა საჭირო იყო უბადრუკი მოწინავე სტატიის დაბეჭდვა?

75. თბილისის საბჭოს შესახებ

თბილისი, 7 ნოემბერი

6 ნოემბერს მომხდარი სკანდალი დიდხანს ემახსოვრება ჩვენი „თვითმმართველობის“ მატყანეს. ამბავი აღწერის ღირსია. აი, რამ გამოიწვია იგი.

30 ოქტომბერს, როცა იხილავდნენ რამდენიმე ხმოსნის ერთობლივ „წინადადებას“ მსხვილი მესაკუთრეების მიერ ქალაქის მიწების მითვისების შესახებ, საბჭოს ზოგიერთმა წევრმა 10-15-ჯერ გაიმეორა ერთი და იგივე „სიტყვა“. ქალაქის თავმა გადაწყვიტა, რომ ყველა მოწინააღმდეგე მხარემ საკმარისად გამოთქვა თავისი აზრი, საკითხი ბოლომდე ამოწურულია და წინადადება შეიტანა კენჭის ყრას შესდგომოდნენ. მაგრამ ერთ-ერთი ხმოსანი, ს. პ. ალადატოვი, განაგრძობდა დაწყებული სიტყვის განმეორებას. ქალაქის თავმა მას სიტყვა ჩამოართვა. ორატორი მიანიც არ გაჩერდა. მაშინ ქალაქის თავმა გაათრთხილა იგი და განუცხადა, რომ თუ არ გაჩერდება, სხდომას დახურავს. როცა არც ამან გასჭრა, თავმჯდომარემ სხდომა დახურულად გამოაცხადა.

გუშინ ქალაქის თავმა, დაიმოწმა ქალაქის დებულება და წესი საზოგადოებრივ დაწესებულებებში მოქცევის შესახებ და წინადადება შეიტანა საბჭოში — განახორციელონ კანონის მოთხოვნა და პასუხისგებაში მისცენ ბატ. ალადატოვი „თავმჯდომარის უფლებებისადმი წინააღმდეგობისათვის“. როგორც ცნობილია, ასეთ შემთხვევაში კანონი ადგენს, რომ საბჭოს, ან სხვა რომელიმე საზოგადოებრივ დაწესებულებას, უფლება აქვს დამნაშავეს საყვედური გამოუცხადოს ან კრებიდან გააძევოს, ანდა 3-დან 7 დღემდე არ დაუშვას კრებაზე. ქალაქის თავი მოითხოვდა ამ კანონის გამოყენებას.

ბატ. თავმჯდომარის ნაამბობი დაადასტურა ყველა ხმოსანმა, როცა ლაპარაკი ჩამოვარდა ამ ეპიზოდზე. მაგრამ, ამავე დროს, ყველა ორატორმა ილაპარაკა „შემამსუბუქებელ გარემოებაზე“.. ჩვენზე სწორედ ორატორების ეს სიტყვები ახდენს მძიმე შთაბეჭდილებას, თუმცა ამგვარი რამ გუშინდელი სკანდალის სხვა დეტალებსაც ახასიათებს.

მაგალითად, ბატ. რეიგერი საქმოდ ორიგინალური თვალსაზრისით ამტკიცებდა, რომ არ შეიძლება ბატ. ალადატოვის შეცვლა, რადგან ორატორებმა, რომელთაც წინადადება შეიტანეს ქალაქის მიწების მითვისების შესახებ, თვითონ არ იცოდნენ რას ამბობდნენ და რისთვის ამბობდნენ. მათ არ ესმოდათ ერთმანეთის და ამიტომ ერთიდაიმავე სიტყვას რამდენჯერმე იმეორებდნენ... ბატ. ელიმირზოვი კიდე უფრო შორს წავიდა. მან განაცხადა, რომ ამგვარი განმეორებები და ურჩობა ხდება ყოველთვის, როცა საბჭოს სხდომა მიმდინარეობს და ამგვარი დანაშაული გამოუქვლელივ საბჭოს ყველა წევრს აქვს ჩადენილი. ამავე საკითხს შეეხნენ ბატ. ევანგულოვი, ხარაზოვი და ა. შ.

ყველაფერი ეს „სრული სიმართლეა“, მაგრამ რამდენად საჭიროა ამგვარი არეულობა მომავალშიც განმეორდეს, ეს ცხადია, მხოლოდ უმცირესობისთვისაა სადავო.

ჩვენ სხდომის სტენოგრაფიულ მოხსენებას კი არ ვწერთ, არამედ გამოვთქვამთ ჩვენს აზრს მის ხასიათზე. ამიტომ, რადგან იმ ადამიანთა რიცხვს ვეკუთვნით, რომლებიც საგნებს თავიანთ სახელს არქმევენ, ჩვენ გულახდილად ვიტყვი ყველაფერს, რაც ამ სკანდალმა დაგვანახა.

უდავოა, რომ წესის დარღვევა და საბჭოს ღირსების შელახვა 30 ოქტომბრის სხდომაზე მოხდა. მაგრამ, რადგან ეს მოვლენა, როგორც ეს ბატ. ხმოსნების სიტყვებიდან ჩანს, ჩვეულებრივი და ყოველდღიურია და მათ შეგნებული არა აქვთ ამგვარი დარღვევების მავნებლობა, განსაკუთრებით კი იმიტომ, რომ ახლანდელი ქალაქის საბჭოს დღეები დათვლილია, ქალაქის თავი შესანიშნავად მოიქცეოდა, უყურადღებოდ რომ დაეტოვებინა წესისა და ზრდილობის დარღვევის ეს მეთასერთე შემთხვევა. თუ კი საბჭოს წევრები ოთხი წლის მანძილზე ტყეპნიდნენ ერთ ადგილს, არაფერი დაშავდება თუ ორ თვეს კიდე დაატანენ ძალას ფეხებს. ჩვენ ასე ვფიქრობდით და ყველა დაგვეთანხმება, რომ ასე ფიქრი შეიძლებოდა. საკითხისადმი ამგვარი მიდგომა დიდ ზიანს არავის მიაყენებდა. აქედან გამომდინარე, ვფიქრობდით ჩვენ, თუ დ. ი. ყიფიანი ამ ეპიზოდს ანიჭებს ასეთ მნიშვნელობას, ეს ტყუილუბრალოდ არ ხდება. და ჩვენ გულით გვიხაროდა, რომ იგი ასეთ მნიშვნელობას ანიჭებს ამ ეპიზოდს, რადგან მასში მან იპოვა საბაბი და საშუალება ღირსეულად დააღწიოს თავი მძიმე, სამწუხარო მდგომარეობას.

განვმარტოთ!

დიდი ხანია ყველასთვის ცნობილია, რომ ჩვენი საბჭო და მის მიერ არჩეული ქალაქის თავი ვერ ეწყობიან ერთმანეთს. დ. ი. ყი-

ფიანს ბევრი საფუძვლიანი მიზეზი აქვს, უკმაყოფილო იყოს ქალაქის საბჭოსი, მაგრამ, მეორეს მხრივ, საბჭოსაც აქვს უფლება გულ-აცრუებით უტყუარდეს თავმჯდომარეს. ამგვარი უთანხმოება გამოიწვია ყოველმხრივ საინტერესო გაუგებრობამ: როცა ქალაქის თავს ირჩევდა საბჭო, როგორც ყველა ახალფეხადგმული საზოგადოება, კეთილდღეობას საკუთარი ენერჯისაგან კი არ მოელოდა, არამედ რომელიმე მხსნელის სასწაულებრივი მოქმედებისაგან და, ამიტომ, იმედი ჰქონდა, რომ დ. ი. ყიფიანი ქალაქის მეურნეობას ერთბაშად გადააქცევდა მაჰმადის სამოთხედ. მათ მხოლოდ იმ იმედით აირჩიეს დ. ი. ყიფიანი, რომ ამის შემდეგ მშვიდად დაძინებას შესძლებდნენ. ბატ. ყიფიანი კი, როგორც კანონმდებელი, როგორც კანონის სიტყვისიტყვით დაცვის დიდი მოტრფიალე, თავის თავსა და თავის მოვალეობას ძალზე ცალმხრივად უყურებდა. იგი შემოიფარგლა თავმჯდომარის ვიწრო ჩარჩოებით და შეეღას ხმოსნებისაგან ელოდა და აი, უკვე სამი წელია, რაც იგი ერთგულად და ყურადღებით, ეს კი უკეთესი ხვედრის ღირსია, უხმოდ შესცქერის ხმოსნებს და იმედოვნებს, რომ ისინი გამონახვენ ქალაქის მეურნეობის გადასარჩენად საჭირო საშუალებებს. ასე ელოდება ორივე მხარე შეეღას ერთმანეთისაგან...

შველა, ცხადია, არსაიდან ჩანს. სამაგიეროდ თავს იჩენს გაბრაზება და უკმაყოფილება... ქალაქის საქმეები უარესდება, ხელისუფლება უკმაყოფილოა, მოსახლეობა ჩივის, ხოლო ქალაქის თავი და საბჭო უსაქმურობას ერთმანეთს აბრალებენ. ცხადია, ამ ამბავში ორივე მხარეა დამნაშავე. საბჭომ მხოლოდ თავის თავის იმედი უნდა იქონიოს და დაიცვას ქალაქის ინტერესები. ქალაქის არეული საქმეების გამოსასწორებლად საბჭომ საკუთარ ცოდნაში და ენერჯიაში უნდა ეძებოს ძალა და საშუალებები და, ამავე დროს, ქალაქის თავმაც უნდა იცოდეს, რომ ათეული წლები გავა მანამდე, სანამ ცხოვრების სინამდვილე თვითმმართველობის იმ წარმოდგენას გაუთანაბრდება, რაზედაც ქალაქის მართვის დებულებათა შემდგენლები ოცნებობდნენ... ახლა კი ქალაქის თავი გულგრილად და უხმოდ კი არ უნდა ისმენდეს საბჭოში გამართულ კამათს, არამედ ხმოსნებს უნდა აღაფრთოვანებდეს, ყოველი აუცილებელი მოთხოვნის ინიციატორი, ყველა საქმის წამყვანი უნდა იყოს. ჩვენს საბჭოს სწორედ ისეთი ინიციატორი სჭირდება, რომელიც ყველას მაგიერ იფიქრებდა და იმუშავებდა, რომელიც უფლებას მისცემდა საბჭოს წევრებს ეთქვათ მშვიდად, რწმენით, რომ ყველაფერი კარგად მიდის და, მიუხედავად მათი აპატიისა, ქალაქის პროგრესის გზით სვლის მონაწილენი არიან...

აი, ამით ვხსნით ჩვენ, თუ რატომ აუცრუვდა გული ორივე მხარეს ერთმანეთზე. მართალია, ადგილი ჰქონდა უმნიშვნელო, წვრილმან, ცეცხლზე ნავთის დასხმის მსგავს კაზუსებსაც... მაგრამ იმ ძირითადი მიზეზის გარეშე, რომელიც ჩვენ აღვნიშნეთ, უმნიშვნელო კაზუსები კაზუსებადვე დარჩებოდა და ყურადღებას არავინ მიაქცევდა.

ჩვენ გვეგონა, რომ დ. ი. ყიფიანს ეს მდგომარეობა აწუხებდა და რადგან შეგნებული ჰქონდა, რომ გამოსწორება შეუძლებელია, უბრალოდ სურდა გამოეყენებინა ბატ. ალადატოვის თვითნებობის ეპიზოდი, რათა ღირსეულად გამოსულიყო მძიმე მდგომარეობიდან... ჩვენი აზრი რომ საკმაოდ საფუძვლიანია, ამას ამტკიცებს თითქმის მთელი საბჭოს საქციელი, რომელმაც, ცხადია, ეს ეპიზოდი ასევე გაიგო და თავი ისე ექირა, რომ საქმეს თავმჯდომარისათვის სასურველი ბოლო მოჰყოლოდა.

როცა საბჭომ თავმჯდომარის ახსნა-განმარტება მოისმინა, რამდენიმე ხმოსნის პირით დაიწყო დავა და მტკიცება, რომ ბატ. ალადატოვმა ჩაიდინა ისეთი დანაშაული, თვით ღმერთიც რომ ვერ გვაუწყებს, მაგრამ, საკმარისია ისიც, რომ წინა სხდომა მის გამო ჩაიშალა და ა. შ. ხოლო რაც შეეხება საყვედურს და დამნაშავე ორატორის ჰოხსნას—საბჭოს ამის გაგონებაც არ უნდოდა. ბატ. ევანგულოვმა შესთავაზა „მიმდინარე“ საკითხებზე მოტივირებული გადასვლის შეახებ შემდეგი შინაარსის წინადადება (მომყავს ზეპირად): „ვიღებთ რა მხედველობაში, რომ თავმჯდომარის დისკრეციული ხელისუფლების პატივისცემა აუცილებელია, და ასევე აუცილებელია ხმონათა სიტყვის თავისუფლება, ამიტომ გადავიღვართ შემდეგ აკითხზე“. ამგვარი წინადადება მხოლოდ ოქროში ავლებდა აბს, რომელიც ქალაქის თავს მიართევს, მაგრამ ეს იყო ყალბი ოქრო. ბატ. მატინოვმა სცადა წამოეყენებინა სხვა მოტივირებული წინადადება მორიგ საკითხებზე გადასასვლელად, როგორც მდგომარეობის გამოსასწორებელი საშუალება. მან საბჭოს შესთავაზა ამ რიგ ერთმანეთის გამანეიტრალებელი ფრაზისათვის დაემატებინათ ქესამე, სადაც გამოთქმული იქნებოდა სინანული იმის გამო, რომ ბატ. ალადატოვმა იძულებული გახადა თავმჯდომარე დაეხურა კრება... მაგრამ საბჭომ ყურად არ იღო თავისი ყოფილი ბენიამინის⁸⁸ ჩრევა... ბატ. ევანგულოვის წინადადება — გადასულიყვენ შემდეგ აკითხებზე — საბჭომ თითქმის ერთხმად მიიღო...

„აღსრულდა!“ — ვეფქრობდით ჩვენ.

დ. ი. ყიფიანმა გადაქრით განაცხადა: „მე პროტესტს ვაცხადებ თქვენი გადაწყვეტილების წინააღმდეგ“... ჩვენ გვეგონა დაუმატებდა:

„ამის შემდეგ ვტოვებ თანამდებობას“. მაგრამ მან წინდაუხედაობა გამოიჩინა და ეს არ განუცხადებია. ამის მაგიერ წარმოთქვა: „და ყოველივე ამას მოვახსენებ უფროსებს“.

უფროსები ასეთ შემთხვევაში ვერაფერს გააწყობენ. თუ საბჭო იმდენ პატივს არ სცემს საკუთარ თავს, რომ ღროს წყლის ნაყევაში ხარჯავს, ამ საქმიანობაში მას ვერავითარი ხელისუფლება ვერ უშლის ხელს და უფროსების ვერავითარი ღონისძიება ვერ უშველის. ამ უბადრუკმა სიტყვებმა კიდევ უფრო გააღრმავა ანტაგონიზმი მათ შორის. თუ ბრძოლა მზადდება, ბრძოლისათვის ეს სიტყვები უსარგებლოა, შეიძლება მავნებელიც. ხოლო თუ მშვიდობას ეძებენ, მაშინ ქალაქის თავს ისინი ღრმა უფსკრულს უთხრიან. რა საჭირო იყო მათი წარმოთქმა?

ეს სიტყვები ალბათ იმ კანონის ძალით წარმოითქვა, რომ აგონია ყველაზე დამბლასავით მოქმედებს... ამ გარემოებამ მხოლოდ გააძლიერა სკანდალი. თუ საბჭოს განწყობილების მიხედვით ვიმსჯელებთ, დ. ი. ყიფიანი რომ გადამდგარიყო, ორი თვით მაინც დააჩქარებდა გარდუევალ დასასრულს... და რადგან დარჩა, ამით მან მხოლოდ უსიამო ხასიათი მისცა და გაამწვავა დასასრული...

76. კვლავ ლიტერატურული ზრდილობის გაკვეთილები

„ტიფლისკი ვესტნიკი“³ ნაწყენია ჩვენზე იმის გამო, რომ უკანასკნელ საკვირაო ფელეტონს მინაწერი დაუერთეთ რეპრესალიების შესახებ, რასაც იძულებული ვიქნებით მივმართოთ. იგი უმთავრესად ნაწყენია ჩვენს შენიშვნებზე იმის შესახებ, რომ მისი მესვეურები არასაკმაოდ იცნობენ ლიტერატურულ ეთიკას. მაგრამ საუკეთესო დამამტკიცებელი საბუთი ამისა „ტიფლისკი ვესტნიკის“ უკანასკნელი შენიშვნაა. ამ გაზეთის ახლანდელი რედაქცია ალბათ ღრმად და სერიოზულადაა დარწმუნებული, რომ ლიტერატურულ პოლემიკაში შეიძლება კორების ანდა მწერლის მიერ ამა თუ იმ სტატიასზე, ამა თუ იმ მოქმედებაზე გამოთქმული კერძო, პრივატული აზრის შეტანა... სწორედ ესაა რედაქციის შეცდომა...

მწერალთან ლიტერატურული კამათის დროს მასალად შეიძლება გამოვიყენოთ მისი დაბეჭდილი ნაწარმოებები, ხოლო საზოგადო მოღვაწესთან კამათის დროს — მხოლოდ მისი მოქმედება არჩეულ ასპარეზზე. ეს ისეთი აქსიომაა, რომ მისი მტკიცება უხერხულიცაა. ამას წინათ მოვიტანეთ მკვერამეტყველური ამონაწერი ნ. ა. დობროლოუბოვის პასუხიდან, სადაც ჩამოთვლილია ის მიზეზები, თუ რატომ არ შეიძლება ლიტერატურული პოლემიკის დროს განიხილო სხვა მხარეები, გარდა მოწინააღმდეგის დაბეჭდილი სტატიებისა. თუ „ტიფლისკი ვესტნიკს“ მახსოვრობა ღალატობს, ჩვენ უფლება არა გვაქვს იგივე აზრი ვიქონიოთ „ობზორის“² მკითხველებზე. ამიტომ, ხელმეორედ აღარ გადმოვბეჭდავთ დობროლოუბოვის პასუხს; დაძქნთ მხოლოდ, რომ ადამიანები, რომლებიც კამათის დროს მწერლის მართო კერძო ხასიათის საუბრებსა და გამონათქვამს ეყრდნობიან, მკითხველებს საკმარის გარანტიას ვერ აძლევენ... ვინ იცის, რის გამო ლაპარაკობდა მწერალი, სერიოზულად ლაპარაკობდა თუ ხუმრობდა, იყო თუ არა მის სიტყვებში ირონია და სარკაზმი? თუ კი მოწინააღმდეგენი ყოველ ნაბიჯზე ამახინჯებენ მწერალთა დაბეჭდილ ნაწარმოებებში გამოთქმულ აზრებს, მაშინ სადაა იმის გარანტია, რომ კერძო საუბარში გამოთქმული აზრები საზოგადოებამდე იმ სახით მიდის, როგორც მწერალმა გაიაზრა? და, ბოლოს, სადაა იმის

გარანტია, რომ ყოველი მწერლის წინააღმდეგ არ შექმნიან პოლემიკის საკმაოდ მოხერხებულ სისტემას, ე. ი. მისი კერძო საუბრების შეთხზვით, ან დამახინჯებით არ შეეცდებიან უარყონ მწერლის დაბეჭდილი ნაწარმოებები...

დაგვისახელოს „ტიფლისკი ვესტნიკმა“ თუნდაც ერთი მაგალითი. რომელიმე სერიოზულად განვითარებული ლიტერატურიდან, სადაც პოლემიკას ასეთი ხერხებით აწარმოებენ და ჩვენ სახალხოდ ვაღიარებთ, რომ ვცდებოდით, როცა მის ხელმძღვანელებს ლიტერატურულ უმეცრებაში ვდებდით ბრალს.

ცხადია, პირადად ჩვენთვის არავითარი მნიშვნელობა არ აქვს ამგვარ გადახრებს: ლიტერატურული რეპუტაცია ასეთი სისულელეებით არც იქმნება და არც ისობდა. რა უმნიშვნელოც არ უნდა იყოს ჩვენი, ანდა სხვა რომელიმე ადამიანის რეპუტაცია, მისი ზრდა ან შელახვა დამოკიდებულია გაცილებით მნიშვნელოვან ფაქტორებზე. და თუ ჩვენ გვაშფოთებს ლიტერატურული ზრდილობის ამგვარი დარღვევა და ჟურნალისტური ჩვევების შელანძღვა — ეს მხოლოდ იმიტომ, რომ იგი პროვინციულ, და განსაკუთრებით კი კავკასიის, პრესის განვითარებას და ღირსებას ვნებს. სამაგალითოდ მინდა მოვიყვანო ამას წინათ მომხდარი სკანდალი, რაც „ტიფლისკი ვესტნიკში“ დაბეჭდილმა ბატ. ა. ფურცელაძის წერილმა გამოიწვია და მთელი რუსეთის პრესა მოიარა. „ნედელიამ“⁸⁹ დაბეჭდა ნაწყვეტები ამ წერილიდან, ღირსეულად აღნიშნა მათი უხამსი ტონი და გესლიანად დაუმატა: თბილისელ ლიტერატორებს ასეთი ამბები პოლემიკად მიაჩნიათო! ამასთანავე, „ნედელიამ“ დაუშვა შეცდომა და ბატ. ა. ფურცელაძის წერილი „ტიფლისკი ვესტნიკს“ მიაწერა. მაგრამ სხვა გაზეთები „ნედელიაზე“ უფრო შორს წავიდნენ. მაგალითად, „სტრეკოზამ“⁹⁰ ბატ. ფურცელაძესთან სოლიდარობა არა მარტო „ტიფლისკი ვესტნიკს“ დააბრალა, არამედ მთელი კავკასიის პრესასაც. მან ურჩია კავკასიელ მწერლებს ხელი მოჰკიდონ სპარსული ფხვნილით, ყაზანის საპნით ვაჭრობას და არა „ლიტერატურას“. ცხადია, ყველაფერი ეს სისულელეა, მაგრამ რატომ უნდა ვაძლევდეთ მათ ამის თქმის საბაბს, რატომ უნდა ვამცირებდეთ ჩვენ ჩვენსავე ღირსებას რუსი ხალხის წინაშე, რომელსაც „ტიფლისკი ვესტნიკი“ თვალთაც არ უნახავს და ამიტომ დაიჭერებს კიდევ „სტრეკოზას“ სიტყვებს, თითქოს ჩვენი გაზეთები ფურცელაძისეული სისულელეების ბეჭდვის მეტს არაფერს აკეთებს?

კარგი იქნებოდა, ამ ამბების ქადაგებასთან ერთად, უფლება რომ გვქონდეს ყური არ ვათხოვოთ ამგვარ რჩევას და გასაქანი მივცეთ ისეთ სტატიებს, როგორიც ბატ. ფურცელაძისაა. მაგრამ ჩვენ არა

ერთხელ განაცხადეთ, რომ დაებეჭდავთ ჩვენი სტატიების ყველა უარყოფას. ბატ. ა. ფურცელაძის წერილი რომ „ობზორში“ დაბეჭდილიყო ამ ამბავში მკითხველები გარეშე პირის აზრის მეტს ვერაფერს დაინახავდნენ. ვერაფერს ვერ აღმოაჩენდა მასში ლიტერატურულ პოლემიკას ორ ბეჭდვით ორგანოს შორის. ბატ. ფურცელაძის წერილი მხოლოდ იმ კაცის ნაწარმოები იქნებოდა, ვინც ხელი მოაწერა. მაგრამ წერილის დაბეჭდვამ „ტიფლისკი ვესტნიკში“ დაანახა ყველა ჩვენი ყოფის არმცოდნე ადამიანს, რომ „ტიფლისკი ვესტნიკი“ აწარმოებს ლიტერატურულ პოლემიკას „ობზორის“ წინააღმდეგ და, ამავე დროს, „ტიფლისკი ვესტნიკი“ ხომ არ ანიჭებდა ამგვარ მნიშვნელობას ბატ. ა. ფურცელაძის წერილს!

იგივე უნდა ითქვას ბატ. გოგებაშვილის საპასუხო წერილებზეც. ჩვენ სიამოვნებით დაებეჭდავდით ამ პასუხებს და არავის არ ექნებოდა უფლება დაენახა მათში სხვა რამ, გარდა ბატ. გოგებაშვილის პირადი აზრებისა. ახლა კი საზოგადოებაც და რუსეთის პრესაც მათში მთელი ორგანოს, „ტიფლისკი ვესტნიკის“ აზრის გამოხატულებას დაინახავს. როდესაც ბეჭდავთ ისეთ სტატიას, რომელშიც შეიძლება ვინმემ მთელი ორგანოს აზრი დაინახოს, ვალდებული ხართ ეს სტატია ლიტერატურული წესის მიხედვით გამართოთ.

რაც შეეხება რეპრესაციებს, ჩვენ მას გამოვიყენებთ მხოლოდ იმ მიზნით, რომ თვალსაჩინო მაგალითით დაგანახოთ თქვენც და მთელ საზოგადოებასაც რას ნიშნავს პიროვნება და პირადი ანგარიშსწორება. როგორც ყოველ მოკვდავს, ბატ. ნიკოლაძესაც უნდა გააჩნდეს პირადი სიმპათიები და ანტიპათიები. ამდენხანს იგი გულმოდგინედ უფრთხილდებოდა კალამს და არ სურდა პირადი სიმპათიებით გაესვარა. მაგრამ ამით მაინც ვერ მოიცილა ბრალდება — თითქოს მოწინააღმდეგეებს პირად ანგარიშს უსწორებს. ამიტომ ახლა აცხადებს, რომ ერთ ორჯერ მთელი ცხოვრების მანძილზე იგი უფლებას მისცემს თავის თავს გაჩვენოთ ასეთი ანგარიშსწორების მაგალითი, რათა ამგვარი მაგალითის შემდეგ აღარავის მოუბრუნდეს ენა დააბრალოს მას პირადი ანგარიშსწორება უკვე დაწერილ თუ მომავალ სტატიებში. ჩვენთვის სულერთია ვინ გახდება ამ სამწუხარო მაგალითის მსხვერპლი. ბატ. ბებუთოვი, ერისთავი, გოგებაშვილი თუ ზაგურსკი. ჭავრს მასზე ვიყრით, ვინც ხელში მოგვხვდება. რა დროს იდეალური სამართლიანობის დაცვაა, როცა „მაგალითის ჩვენება“ გიხდება. ჩვენ ფარისეველნი არა ვართ, და თუ ბედმა იძულებული გაგვხადა დაუწოდოთ ვიყოთ, ჩვენ გვეყოფა იმის ვაჟკაცობა, რომ არა მარტო სისრულეში მოვიყვანოთ მუქარა, არამედ ყველაფერს თავის სახელი ვუწოდოთ, ყოველგვარი

სიყალბისა და თავის მართლების გარეშე. ჩვენ გვინდა ხალხს დავანახოთ, რომ მართლაც მიგვიყვანეს ამ სამწუხარო უკიდურესობამდე. დანარჩენს დაინახავთ თვითონ, ოღონდ სცადეთ და მცირეოდენი საბაზი მომეციოთ.

აი „ტიფლისკი ვესტნიკის“ შენიშვნა:

„ობზორის“ რედაქტორი რეპრესალიებით გვემუქრება. თუმცა იგი მაინც არ გვიხატავს სრულ სურათს, თუ რა ბედი გველის, მაგრამ ჩვენს შესაშინებლად და შესაძრწუნებლად მართო მუქარაც კმარა, რადგან ვფიქრობთ იმ დრაგონდაზე, რაც თავს უნდა დაგვატეხოს ლიტერატურის საფუძვლების დამცველმა.

უვიცებმა და ბიჭ-ბუჭებმა, რომელთა ხელში მოექცა „ტიფლისკი ვესტნიკი“ გაბედა და შეეხო ბატ. ნიკოლაძის კერძო ცხოვრებას. ასე, მაგალითად, ნათქვამი იყო, რომ „ობზორის“ ახლანდელმა რედაქტორმა სთხოვა ბატ. გოგებაშვილს მის გაზეთში თანამშრომლობა — ეს თურმე კერძო ცხოვრებიდან აღებული ფაქტია; ანდა ასე, ნათქვამია, რომ ბატ. ნიკოლაძე გამოსთქვამდა ამა თუ იმ აზრს „ტიფლისკი ვესტნიკში“ დაბეჭდილ სტატიებზე — ესეც თურმე კერძო ცხოვრებიდან აღებული ფაქტია. ასევე, ნათქვამი იყო... განა ცოტა რამ იყო ნათქვამი ისეთი, რასაც მნიშვნელობა ჰქონდა და აქვს ლიტერატურული მოღვაწეობის შესაფასებლად? თუმცა ბატ. ნიკოლაძე თვითონ ამბობს — ამაზე ლაპარაკის დრო ჩემი სიკვდილის შემდეგ დადგებაო... მაგრამ ბატ. ნიკოლაძეს დაავიწყდა დაევალებინა ჩვენთვის, გვახსოვდეს იგი — როგორც ლიტერატორი — მას შემდეგაც, როცა ყურადღებას ვეღარ მიიქცევს ლიტერატურულ-პოლემიკური მარგალიტებით.

კიდევ ორიოდე სიტყვა. ბატ. ნიკოლაძე იმუქრება, რომ რეპრესალიებს, უპირველეს ყოვლისა, ბატ. ბებუთოვისა და ერისთავის წინააღმდეგ გამოიყენებს, ე. ი. დაიწყებს იმ პირებიდან, რომელთა აქ არყოფნის გამო „ტიფლისკი ვესტნიკს“ „ობზორის“ რედაქტორმა უმეცრების და ხელმოცარულთა ორგანო უწოდა. უმარტივესი ლოგიკაც კი იმას მოითხოვს, რომ რეპრესალიები სწორედ ამ ადამიანების წინააღმდეგ იყოს მიმართული და ჩვენ ველით სასჯელს, თუ კი ამის ღირსად გაგვხდინან“.

77. ადგილობრივი მიმოხილვა

ქართული ბექდვითი სიტყვა დაუღალავად უშვებს წიგნს წიგნზე და ამით, როგორც მას მოეპრიანება, ქართველ მკითხველ საზოგადოებას კითხვის დაუოკებელ წყურვილს უქლავს. ვერ მოასწრებ გადაათვალიერო ერთი ბროშურა და უკვე გამოდის მეორე. ჩვენ ზედმეტად მიგვაჩნია გავიმეორით არაერთხელ გამოთქმული აზრი, რომ სასურველია დასაბეჭდი ლიტერატურის უკეთ და უფრო გააზრებულად შერჩევა. სანამ ქართველი ინტელიგენცია ღრუბლებიდან საზოგადოების მოთხოვნილებათა სამსახურის ამ რეალურ ნიადაგზე არ დაშვებულა, და სანამ მას ემსახურებიან ამ საქმისათვის მოუძმადებელი ადამიანები, აზრი არა აქვს ჩივილსა და ამოა რჩევას. საჭიროა მხოლოდ, რომ დააკვირდე ლიტერატურული მოვლენების ბუნებრივ მსვლელობას და მოვლენათა ლოგიკური ძალისა და მომავალი თაობის იმედი იქონიო.

რა მოგეცა სინამდვილეში, ქართული ბექდვითი სიტყვის განვითარების ისტორიამ უკანასკნელი წლების მანძილზე? მაშინ, როცა ქართული ინტელიგენციის უმნიშვნელო, ძალზე უმნიშვნელო ნაწილი ცდილობდა ჭკუა ესწავლებინა, ლიტერატურის მეშვეობით, მათი მსგავსი ინტელიგენტებისათვის, ქართველი ხალხის უმრავლესობა, ეტყობა, „მეცნიერების უკანასკნელი სიტყვის“ აღქმისათვის მოუძმადებელი, თუმცა კითხვის დიდი მოყვარული, ლიტერატურული მოძრაობისაგან მაინც განზე დარჩა. ხალხისათვის ძნელი მოსაწონებელი და გაუგებარი იყო „მნათობისა“⁹¹ და „ივერიის“⁹² მწერლების დოქტრინალური და უნიჭო ნაღეჭი, მნიშვნელოვან მატერიებზე, რაც განათლებულ ქართველებს დიდი ხანია დამუშავებულ და ამოწურულ სიუჟეტებზე ბავშვურ ვარჯიშად მიაჩნდათ და საფუძვლიანადაც. უმეტეს შემთხვევაში „დროება“⁹³ და „კრებულიც“⁹⁴ ისეთ საგნებსა და იდეებს ეხებოდნენ, რომელთაც ჯერ ქართველ ხალხში გამოძახილი ვერ ჰპოვეს. ასე რომ, მუჰამედი მთას უხმობდა, რომელიც ადგილიდან დაძვრაზე არ ფიქრობდა, მან კი ვერ მოიფიქრა თავათ მისულიყო მთასთან. ქართველ მწერლებს უნდოდათ ლიტერატურული განვითარების საქმე, რადაც არ უნდა დაჯდომოდათ, ბოლოდან დაეწყოთ, მიუხედავად

იმისა, რომ ყველა ლიტერატურული მოვლენა მათ პირდაპირ გზას უჩვენებდა. როგორც კი გამოჩნდებოდა ცოტათი მაინც ხეირიანი ბელეტრისტული ნაწარმოები, მაშინვე მთელ საქართველოს მოედებოდა და ქართველი საზოგადოების ყველა ფენა ხარბად კითხულობდა. გავიხსენოთ ბატ. არდაზიანის „მეჭლანუაშვილი“, ბატ. კონქაძის „სურამის ციხე“, ი. გ. ჭავჭავაძის „კაცია-ადამიანი“ და „გლებთა განთავისუფლების პირველ-დროების სცენები“, გ. ე. წერეთლის „მგზავრის წიგნები“, ა. რ. წერეთლის მოთხრობები, ნარკვევები და ფელეტონები. ხალხი ხარბად ეწაფებოდა ამგვარ ნაწარმოებებს და ამით ჩვენი ლიტერატურის მოღვაწეებს სწორ გზას უჩვენებდა წარმატებისა და გავლენის მოსაპოვებლად, მაგრამ ჩვენი მწერლები განაგრძობდნენ ლეჰვას მოსწავლისათვის შესაფერ სტატიებზე, როგორცაა „ზნეობრივი და ესთეტიკური განვითარება“... ანდა ჯონსტიუარტ მილის შეხედულებაზე...

ასეთი ვათარება იყო შექმნილი, როცა მოსაზრებულმა და თავიანთმა ასოთამწყობებმა, დიახ, სტამბის უბრალო ასოთამწყობებმა დაიწყეს თავიანთ ხარჯზე ყველაფრის გამოცემა, რაც კი ხელში მოხვდებოდათ: ძველი პოემების, ლექსების, მოთხრობების, თარგმანების, მიბაძვების, კომედიებისა და ა. შ. და რადგან სახსრები არ გააჩნდათ, ბეჭდავდნენ პატარ-პატარა ბროშურებად და 5 ან 10 კაპიკად ჰყიდნენ. ასეთ გამოცემებს საფუძველი ბატ. ნ. ყიფიანმა ჩაუყარა, რომელმაც დაბეჭდა ხალხური ლექსი არსენაზე, ფასით 3 კაპ. როგორც კი დაინახეს ასოთამწყობებმა, რომ იაფი ბროშურები და ფურცლები სწრაფად და დიდი რაოდენობით გავრცელდა, გულმოდგინედ შეუდგნენ საქმეს. ერთ-ერთმა მათგანმა, ბატ. ხელაძემ თავის ტიპოგრაფიაც კი გახსნა, სადაც ოთხი წლის მანძილზე გამოსცა ან დაბეჭდა ასობით ამგვარი გამოცემა.

ეს ადამიანები არც მდიდრებია და არც ფანტაზიორები, რომ მათი გამოცემები მათ მიერ გაღებულ მსხვერპლად მივიჩნიოთ. თვით ეს უწყვეტი ჯაჭვი ამტკიცებს, რომ წიგნის გამოცემა სარფიანი საქმეა, დიდი რაოდენობით ვრცელდება, ხალხს სჭირდება. განა დრო არ არის ქართველმა ახალგაზრდობამ მიაქციოს ყურადღება ამ ამბავს და შინაარსით და ღირებულებით ყველასათვის ხელმისაწვდომი წიგნებისა და ბროშურების შედგენით და გამოცემით საკუთარი ხალხის განვითარებას ხელი შეუწყოს?

ყოველ შემთხვევაში, სპეციალურად უნდა მოვიხსენიოთ ის გარემოება, რომ ზოგიერთი ქართველი მწერალი უკვე დაადგა ამ გზას. მაგალითად თავ. რ. დ. ერისთავმა, რომელმაც ამას წინათ გამოსცა საკუთარი მოთხრობა „ნიკო“, ახლა დაბეჭდა კრილოვის იგავ-არა-

კების თარგმანი. სულ თარგმნა 42 იგავ-არაკი. ქართულ ლიტერატურაში უკვე არსებობს ზოგიერთი იგავ-არაკის თარგმანი. თავ. მ. ბებუთოვმა ამას წინათ პატარა წიგნად გამოსცა კრილოვის იგავ-არაკების მთელი კოლექცია. მაგრამ მისი თარგმანები მშრალად, წიგნური ენით იყო დაწერილი, რამაც ზარალი მიაყენა ქართულ ლიტერატურას. თავ. რ. ერისთავის თარგმანები კი მოხდენილად, ყველასათვის მიღებული ენითაა დაწერილი (თუმცა ადგილ-ადგილ მთარგმნელმა რატომღაც შეინარჩუნა ძველი ორთოგრაფია) და მის უდავო პოეტურ ნერვს ამჟღავნებს. რასაც, სხვათა შორის, კარგად იცნობს ყველა, ვინც ქართულ ლიტერატურას იცნობს.

მეორე ბროშურა, რომელიც აგრეთვე დღეს მივიღეთ, ეკუთვნის ბატ. ალალო თუთაევის კალამს. ესაა სამ მოქმედებიანი კომედია და ეწოდება — „რძალი, ცოლისდა და თაღლითები“.

ორივე ბროშურა კარგადაა დაბეჭდილი, განსაკუთრებით პირველი, რომლის გამომცემლებია ბატ. ვაჩნაძე და ჩარკვიანი. იგავ-არაკები იყიდება თითო ეგზემპლარი 25 კაპიკად, ხოლო ბატ. თუთაევის კომედია 30 კაპიკად. ეჭვი არაა, რომ ორივე ბროშურა გაიყიდება.

78. ცობამდენი ლოპია

თბილისი, 11 ნოემბერი

გაზეთი „მშაკის“⁵⁵ მორიგი სტატია, სათაურით „იაფფასიანი ლიბერალიზმი“, უარყოფს ჩვენს უკანასკნელ აზრს იმ საოცარ გამონაგონზე, რომელსაც იგი, თავმდაბლად, თავის „თეორიასა“ და „გეგმას“ უწოდებს.

„რუსულმა გაზეთმა „ობზორმა“² ლიბერალობისათვის საკმაოდ მაღლიანი თემა აირჩია: „მშაკი“ ცდილობს წაართვას ჩვენს მუსულმანურ მოსახლეობას საკუთარ ენაზე სწავლის უფლება... ტვიზი ყველას ერთნაირად აქვს მოწყობილი... მუსულმანებიც ადამიანები არიან, ამიტომ, მათაც შეუძლიათ ცივილიზირება.

„მშაკი“ საკუთარ თავს ეწინააღმდეგება, როცა აღიარებს სომხების უფლებას ჰქონდეთ დედაენაზე სწავლის სურვილი და ართმევს მას მუსულმანებს... და ა. შ.

ასე შეიძლება არა თუ სტატიების, მთელი ტომების დაწერა. თუ ამას დავეუმატებთ რამდენიმე საეკვო (?) ისტორიულ ფაქტს და ვეცდებით გავაბუნდოვანოთ მკითხველის მსჯელობა ისტორიული ქეშმარიტებების მოხერხებული გადასხვაფერებით (?!), — მივიღებთ, როგორც „ობზორშია“, ამგზნებ (?) სტატიებს, რომლებიც მარჯვნივ და მარცხნივ აფრქვევენ იაფფასიანი ლიბერალიზმის ბრწყინვალეობას.

ისლამიზმს არ შეუძლია იყოს საკუთარ ენაზე ცივილიზაციის იარაღი, რადგან იგი უმოძრაოა. მუსულმანობის არსებობის პირობა სწორედ ეს უმოძრაობაა. ისლამი, როგორც კი რაიმე ახალს აღიქვამს, შეიცვლება ან წინ წავა, აღარ იქნება ისლამი. მაჰმადიანი, რომელიც არა თუ მოძღვრების წესებს დაარღვევს. არამედ ცოტათი მაინც შეიცვლის თავის ტანსაცმლის აქსესუარებს — ერეტიკოსია და ყურანის წინაშე სცოდავს. თუ ვინმე შეეცდება შემოიღოს მუსულმანთა ელემენტარულ სკოლებში არითმეტიკა, ანდა პედაგოგიკის მიერ გამომუშავებული ახალი თვალსაჩინო სწავლების მეთოდი, ქვით ჩაქოლავენ(?). რისთვის უნდა შემოიღონ სკოლებში სწავლების ახალი

მეთოდი, როცა ყურანში ყველაფერია მოცემული, როცა, მუსულმანის აზრით, ყურანი სიბრძნის ერთადერთი წყაროა, რასაც მოკლებულია მთელი არამაჰმადიანური სამყარო.

მაგრამ დავანებოთ თავი რელიგიასა და რჯულს, რაც, მართალია, დიდ გავლენას ახდენს ადამიანის განვითარებაზე, მაგრამ რა დიდიც არ უნდა იყოს ამგვარი ზემოქმედება, გავლენა მაინც უმნიშვნელოა იმ შემთხვევაში, თუ ერი, რომელმაც მიიღო რელიგია, უკულტუროა და ეკუთვნის განვითარების დაბალ საფეხურზე მდგომ ტომებს, ტომებს, რომელთაც არც ისტორია გააჩნიათ, არც თვითმყოფი ცივილიზაცია, რაც მჭიდროდაა დაკავშირებული ტომის ფიზიოლოგიურ ორგანიზმთან.

ადვილია მაჰმადიანების უპირატესობის დამტკიცება, თუ გავიხსენებთ არა მხოლოდ მონღოლებს, რომელთაც ცივილიზების უნარი არ შესწევთ, არამედ სემიტური წარმოშობის არაბებსაც.

ნუთუ „ობზორის“ სწავლულ თანამშრომლებს საექვოდ მიაჩნიათ, რომ არაბების ყველაზე ნიჭიერი სემიტური ტომი, ისლამის მაგივრად ქრისტიანობას, ანდა, უკიდურეს შემთხვევაში, მოსეს რჯულს თუ მიიღებდა — აქამდე განვითარების უმაღლეს საფეხურზე იდგებოდა? ნამდვილად კი, ჩვენ ვხედავთ, რომ მათი დროებითი ბატონობა მსოფლიოში მახვილისა და ცოდნის მეშვეობით მოისპო და ისინი ისევ უღაბნოს ველურ მობინადრეებად გადაიქცნენ...

ჩვენ ზედმეტად მიგვაჩნია იმაზე ლაპარაკი, რომ თურქულ ენას განვითარების უნარი არ შესწევს. არც არაბული ანბანის უვარგისობაზე ლაპარაკი მიგვაჩნია საჭიროდ, რომლის ხალხში გავრცელება იმიტომ ჰქირს, რომ ხმოვანი ბგერები არ გააჩნია *.

იქნებ ჩვენ უკეთ ვიცით, ვიდრე „ობზორმა“, რომ კონსტანტინოპოლში გამოდის რამდენიმე თურქული გაზეთი, მაგრამ ეს გაზეთები ხელმისაწვდომია მხოლოდ მკითხველთა ვიწრო წრისათვის. სომხური ანბანით დაბეჭდილ თურქულ გაზეთებს თურქები მეტი ხალისით კითხულობენ, ვიდრე არაბული ანბანით დაბეჭდილს. სპარსეთშიც არსებობს ისეთი გაზეთი, რომლის წაკითხვა მასას არ შეუძლია.

რაც შეეხება რუსული გაზეთის აზრს, თითქოს სომხური სკოლების ნაცვლად მუსულმანებისათვის უკეთესი იქნებოდა ფრანგუ-

* არაბული ანბანით რომ კითხვა ისწავლო 10 წელზე მეტია საჭირო. თვით სწავლულ მოლასაც კი უჭირს არაბული ანბანით ახალი, მისთვის უცნობი სიტყვის წაკითხვა, რადგან იგი მხოლოდ თანხმობენებს ხედავს, ამიტომ არ ესმის სიტყვის მნიშვნელობა და არ იცის რომელი ხმოვნები ჩასვას მათ შორის („მშაჰის“ შენიშვნა).

ლი და გერმანული სკოლები — ჩვენ ამის საწინააღმდეგო არაფერი გვაქვს...

მაგრამ ეს შეუძლებელია, რადგან მუსულმანები და სომხები თითქმის ყველგან ერთად ცხოვრობენ; სომხებს კი აქვთ სკოლები, რომელთაც შეეძლოთ არარსებული მუსულმანური სკოლების მაგვირობა გაეწიათ. და ბოლოს, მუსულმანთა დიდი ნაწილი, რომელიც სომხებთან ერთად ცხოვრობს, თავისუფლად ლაპარაკობს სომხურად(!) — თუმცა სომხური წერა-კითხვა არ იცის; აი, რატომ ვფიქრობთ, რომ ჩვენი გეგმა უფრო პრაქტიკულია, ვიდრე „ობზორისა“.

შეგინიშნავთ, მკითხველო, რომ არაფერი არ შეურაცხყოფს ხანში შესულ და ულამაზო ქალს ისე ძლიერ, როგორც მისი თანდასწრებით სხვა ქალის მშვენიერების ქება? კაცობრიობის შემადგენელი სხვადასხვა ხალხების გონებრივი მონაცემების სხვაობის იდეას ძირითადად ისეთი ადამიანები უარყოფენ, რომლებიც დიდი ჰკუთხა არ გამოირჩევიან...

„ობზორს“ უყვარს წინასწარმეტყველება. ვეცდებით ჩვენც ვიწინასწარმეტყველოთ. რუსული გაზეთი ლაპარაკობს თურქეთის პროგრესზე უკანასკნელი წლების თუ საუკუნეების მანძილზე. მაგრამ ნუ ავიწყდება ამ პროგრესის მიზეზები. ცხადია, სახელმწიფო მოღვაწეები და თურქეთის მხედართმთავრები ამაგრებენ სახელმწიფოს და სწორედ ამ მაღალ საზოგადოებაში შეიმჩნევა პროგრესიც. მაგრამ ისიც უნდა გვახსოვდეს, რომ მაღალი კლასები, მხედართმთავრები და სახელმწიფო მოღვაწეები მკვიდრი მონღოლები არ არიან: უმრავლესობა, დაწყებული სამინისტროდან, უბადრუკი ოფიცრით გათავებული, — ჰარემის შვილებია, ე. ი. ქრისტიანი და სხვადასხვა ტომის ქალების შვილები. ამგვარად, მათ დაკარგეს რასობრივი თავისებურება და ეს კი ჩვენს თეორიას ადასტურებს.

ასე რომ, თურქეთის მომავალი შეიძლება მხოლოდ ტომთა აღრევამ იხსნას, რადგან ისლამიზმისა და მონღოლების გარემოში არავითარი რეფორმების გატარება არ შეიძლება“.

ამგვარი გამოწვევის თანმიმდევრულად უარყოფა იმას ნიშნავს, რომ სიზიფის⁹³ შრომა იტვირთო: მკითხველებისათვის საკითხი საკმაოდ ნათლადაა დასმული, რაც აადვილებს საბოლოო გადაწყვეტილების მიღებას. ხოლო რაც შეეხება „მშაკს“, ჩვენ არაფრით არა ვართ დაცული, რომ იგი ადრე უარყოფილი და ახლახან უარყოფილი გამოწვევის ნაცვლად არ მოიგონებს კიდევ უფრო მოულოდნელ და გასაოცარ ამბებს. მაგრამ სწავლული ადამიანების დასახასიათებლად, რომელთაც ორი სახე აქვთ — ერთი — თავისთვის, მეორე კი — სხვებისთვის, აუცილებელია შევჩერდეთ ამ პასუ-

ხის რამდენიმე უცნაურ თავისებურებაზე. მეტად ადვილია, მაგრამ არც ისე საიმედო, დაიწყო იმით, რომ უარყო მოწინააღმდეგის მიერ მოყვანილი ფაქტები და ხმაძალდა უწოდო მათ „საეჭვო“; კიდევ უფრო მოსახერხებელია ყოველგვარი დამამტკიცებელი საბუთების გარეშე ბრალი დასდო მას „ისტორიული ქვეშაირიტების დამახინჯებაში“. გაცილებით უფრო ძნელია დაიპირო და გამოამქლავნო ამგვარი დამახინჯებანი, რადგან ამისათვის საჭიროა ცოდნა, ერუდიცია. არა მგონია დაეკვდნენ იმ გაზეთის ერუდიციაში, რომელმაც ასეთი აზრი, გამოსთქვა: „ისლამიზმს უნარი არ შესწევს თავის მშობლიურ ენაზე ცივილიზაციის იარაღი იყოს“. როგორც ცნობილია, არის რელიგია, რომელიც სხვადასხვა ხალხმა და ტომმა მიიღო. ბოსნიის სლავ-ბეგებს, რომლებიც ისლამს აღიარებენ და აჭარლებს, რომლებიც გაამაჰმადიანეს, ისევ მშვენივრად შეუძლიათ ისარგებლონ დედანით განათლების მისაღებად, როგორც მათ ქრისტიან თანამოძმეებს. იმის დასამტკიცებლად, რომ „მშაქს“ არც საფუძვლიანი ცოდნა აქვს და არც ნათელი წარმოდგენა სადავო საკითხზე, საკმარისია მარტო ეს აღრევაკ კი რელიგიისა ენასთან და ეროვნულობისა რელიგიასთან. ისლამიზმისა და რუტინერობის აღრევაკ, რაც, მეტად თუ ნაკლებად, ყველა რელიგიაში და ეროვნებაში შეიმჩნევა, გაზეთ „მშაქის“ მიერ ჯანმრთელი ისტორიული თვალსაზრისის შეთვისების სასარგებლოდ არაფერს ამბობს. ნოვატორებს ერეტიკოსებად მარტო მაჰმადიანები კი არ თვლიან, არამედ ცივილიზებული, ქრისტიანული ქვეყნებიც. „ტანსაცმლის აქსესუარების შეცვლა“ პეტრეს დროს რუსეთში ისეთ ცოდვად ითვლებოდა „ქვეშაირიტი სარწმუნეობის“ წინააღმდეგ. რომ ბევრი მხოლოდ სიკვდილითა და გადასახლებით გამოისყიდდა ხოლმე ამგვარ ცოდვას... სასწავლებლებში ახალი საგნების შემოღება მწვალებლობად ითვლება ყველა საზოგადოებაში, რომელიც აღარ ვითარდება. თუმცა რა საჭიროა ასე შორს წასვლა მაგალითისათვის, როცა თვით „მშაქის“ პატივცემული რედაქტორი, როგორც არა ერთხელ უთქვამს მას, უმეცარ მოწინააღმდეგეებს ხშირად გამოუტყხადებიათ ერეტიკოსად. ნუთუ ყოველივე ეს ამტკიცებს, რომ რუსებს ან სომხებს განვითარების უნარი არ შესწევთ და ამიტომ ხელოვნური საშუალებით გერმანელებად ან ინგლისელებად გადავაქციოთ? ნება თქვენი, მაგრამ ამგვარი გამოწვინის მოტანა თქვენი აზრის დასამტკიცებლად იმას ნიშნავს, რომ ან მეცნიერების არაფერი არ გესმით. ანდა ყოველგვარ სიბინძურეს იარაღად იყენებთ...

კიდევ უფრო უცნაურია ის ისტორიული განსწავლულობა, რასაც „მშაქი“ ამჟღავნებს. სწავლული დოქტორის არწრუნის სწავლული

ორგანო არაბული ცივილიზაციის დაცემას ისლამიზმს აბრალებს; ამავე დროს ცნობილია, რომ ამ ცივილიზაციამ განვითარების უმაღლეს წერტილს სწორედ არაბებს შორის ისლამიზმის გავრცელების შემდეგ მიაღწია. ჩანს, „მშაკმა“ არ იცის, რომ თვით ისლამი არაბი ხალხის ქმნილებაა. შეგუებული მის ზნე-ჩვეულებებთან, ყოფასთან და ხასიათთან... ხომ არ შეიძლება მთელი ერი დაემსგავსოს დოქტორ არწრუნს, რომ თავისივე ხელით შექმნას საკუთარი დაცემისათვის საჭირო იარაღი... „ჩვენ ვხედავთ, რომ მათი (არაბების) დროებითი ბატონობა თითქმის მთელ მსოფლიოში იარაღისა და ცოდნის მეშვეობით, განადგურდა“, — დასძენს „მშაკი“ და ეს სიტყვები მოჰყავს, როგორც ისლამიზმის ხრწნის გასაოცარი არგუმენტი. მაგრამ ჩვენ იმასაც ვხედავთ, რომ ასევე განადგურდა საბერძნეთისა და რომის დროებითი ბატონობაც თითქმის მთელ მსოფლიოში... ნუთუ შეიძლება ვინმესთვის ეს ამბავი იმის დამამტკიცებელი საბუთი იყოს, რომ ბერძნებსა და იტალიელებს განვითარების უნარი არ შესწევთ?

კიდევ უფრო უცნაურია „მშაკის“ ცოდნა თურქეთის პრესისა. „სომხური ანბანით დაბეჭდილ თურქულ გაზეთებს თურქები მეტი ხალისით კითხულობენ, ვიდრე არაბული ანბანით დაბეჭდილსო“, — ამტკიცებს „მშაკი“. რა მტკივნეულიც არ უნდა იყოს ეს ამბავი სწავლული გაზეთის მგრძობიარე გულისათვის, მაინც უნდა გავანათლოთ ამ საკითხში. ზოგიერთი თურქული გაზეთი კონსტანტინოპოლში თურქებისათვის კი არ იბეჭდება სომხური ანბანით, არამედ მხოლოდ იმ სომხებისათვის, რომელთაც ძლივძლივობით ისწავლეს სამრევლო სკოლებში სომხური წერა-კითხვა, მაგრამ ვერ შესძლეს წინაპართა დავიწყებული ენის შესწავლა და მხოლოდ თურქულად ლაპარაკობენ. აი, სწორედ ამ სომხებისათვის უშვებენ სომეხი პუბლიცისტები სომხური ანბანით დაბეჭდილ თურქულ გაზეთებს და არა თურქები. დამახინჯებული ფაქტების ასეთსავე კატეგორიას ეკუთვნის პატივცემული გაზეთის მტკიცება, თითქოს სომხებთან ერთად მცხოვრები მუსულმანები „თავისუფლად ლაპარაკობენ სომხურად“. ეს ხომ წმინდა წყლის ილუზიაა. ჩვენ ბევრი სოფელი შემოგვივლია, სადაც თურქები და თათრები სომხებთან ერთად ცხოვრობენ, მაგრამ არასოდეს შეგვინიშნავს, რომ მათ შორის სომხური ენა ყოფილიყოს გავრცელებული.

რაც შეეხება იმის მტკიცებას, თითქოს თურქი ხელისუფალნი „სახელმწიფოს ამაგრებენ“, — ეს აზრი ღირსია იმისა, რომ „მშაკის“ სხვა გამონაგონებთან ერთად ერთ დაფას ამშვენებდეს. თუ ერს თერთონ არ შესწევს უნარი შემდგომი განვითარებისა, მას ვერავითარი

ხელმძღვანელები ვერ უშველიან, თუნდაც ეს ხელმძღვანელები თურქეთის ჰარემებში კი არა, თბილისის ქარვასლებში იყვნენ დაბადებულნი. თურქეთის იმპერია იმ დროს შეიქმნა, როცა კონსტანტინოპოლის ჰარემებზე წარმოდგენაც არ ქონდათ. ახლაც კი ყველაზე ნიჭიერ მმართველთა კონტინგენტი თურქეთის უმაღლესი სფეროდან კი არ გამოდის, არამედ — ხალხის მასიდან, რომელმაც თურქეთს მისცა საერთოდ გამოჩენილ ადამიანთა მეტი წილი. რაც შეეხება ჩერქეზ, ქართველ და სომეხ ქალებს, როგორც ცნობილია, მათი ყიდვა არც ისე იაფად შეიძლება, რომ უბრალო ხალხმა იყოლიონ ისინი თავიანთ არარსებულ ჰარემებში...

სურათის დასრულების მიზნით, ჩვენ თავს ნებას მივცემთ და მივეუთითებთ „მშაკის“ სწავლულ თანამშრომლებს, რომ თურქები არ ეკუთვნიან მონღოლურ რასას. ჩვენ გვესმის, რომ „მშაკის“ თანამშრომლებს შეუძლიათ არაფრად არ მიიჩნიონ „საექვო ისტორიული ფაქტები“. მაგრამ ნუ თუ მათ არც ერთხელ არ უნახავთ არც ერთი თურქი და არც ერთი მონღოლი, რომ დააწმუნებელიყვნენ, თუ რა ცოტა მსგავსებაა მათ შორის?

აი, მეცნიერული მონაცემებისა და ჭეშმარიტების როგორ დამახინჯებამდე შეიძლება მივიდეს ადამიანი, რომელიც ცდილობს, რადაც არ უნდა დაუჯდეს, დაამტკიცოს მეცნიერების ძირითადი დებულებების საწინააღმდეგო აზრი... ვისაც უნდა პრინციპის მიმართ ეშმაკობა გამოიჩინოს, იგი საბედისწეროდაა განწირული ყველას და ყველაფრის დამამახინჯებელის როლისათვის... ხოლო შედეგი, როგორც ყოველთვის, საკუთარი თავისა და საკუთარი საქმის დისკრედიტაციაა...

დაეუშვათ, რომ „მშაკის“ ყველა დებულება საფუძვლიანია და უცილობელი. განა ყოველივე ამას შეუძლია უარყოს ის ჭეშმარიტება, რომ არ შეიძლება ხალხის განათლება მისთვის უცხო ენაზე? თუ ბატ. არწრუნს სურს უარყოს ჩვენი აზრი, მაშინ იგი ისლამის რელიგიის ან რასის წინააღმდეგ კი არ უნდა იბრძოდეს, არამედ პედაგოგიკის ამ ძირითადი საფუძვლის, ისტორიაში ამგვარი დასკვნების წინააღმდეგ. წინააღმდეგ შემთხვევაში, თუ მას სურს ბოლომდე გაჰყვეს ლოგიკას, არ უნდა მოითხოვდეს მუსულმანების სომხურ სკოლებში სწავლებას, მათ მოქცევას სომხურ რჯულზე, მათ გასომხებას. თუ კი ისლამიზმი ერებს განვითარების საშუალებას არ აძლევს, რა შეუძლია გააკეთოს ამ შემთხვევაში სომხურ სკოლას, რომელსაც არც უფლება აქვს და არც შესაძლებლობა შეეხოს ბავშვის რელიგიურ მრწამსს? თუ კი მაჰმადიანის სისხლი, რასა, თავის თავში ატარებს უნაყოფობის და უმოძრაობის ელემენტებს, რის

გაკეთება შეუძლია ყოველივე ამის საწინააღმდეგოდ იმავე სომხურ სკოლას? ნუ თუ ბატ. არწრუნს სურს გადააქციოს ეს სკოლები სწორედ ისეთ რასობრივად აღრეულ ჰარემებად, რომელთაც მუსულმანური სამყარო უნდა იხსნან?...

და თუ „მშაკს“ ასეთი გეგმა აქვს, უნდა შეეახსენოთ, რომ საჯალხო სკოლებში სწავლობენ 7-11 წლის ასაკის ბავშვები, რომლებიც ჭერ მზად არ არიან ცივილიზატორული მისიისათვის, რასაც მათგან იგი მოითხოვს. ამგვარად, პატივცემული სომხური გაზეთი „მშაკი“ ლოგიკურ წინააღმდეგობაში ვარდება. მან ხელახლა უნდა მოძებნოს არგუმენტები და უარყოს დებულება, რომელიც ამტკიცებს, რომ უცხო ენა ერის განვითარებისათვის გამოუსადეგია. სანამ არ უარყოფს ამ დებულებას, გაზეთ „მშაკის“ ყველა გეგმა და თეორია მხოლოდ წყლის ნაყვა და პატივცემული გაზეთის უსაფუძვლობის თვალსაჩინო გამოფენა იქნება. ამიტომ ჩვენ გვინტერესებს ვნახოთ, თუ როგორ უარყოფს „მშაკი“ ამ ძირითად დებულებებს. ვურჩევთ მას გასწიოს ეს ჭკუის სასწავლებელი შრომა, თუ რომ ასე ძლიერ სურს დასტკბეს უნაყოფო აზრით — სომხურ სკოლებში მუსულმანთა მიზიდვის შესახებ...

79. საკვირაო საუბრები

შირ-ალი ცეცხლის გამჩაღებელი.— აქლემები წაიხზუნენ, კოზაკი შუაში გაქულიტესო.— რა დაგვიჯდება დამატებით ავღანეთის ემირის ჭირვეულობა.— ბატ. ლამბაროვის გაოცება.— ქათმის ჩივილი.— შირ-ალი აღამიანებს შორის სოლიდარობას ქადაგებს.— მეშჩანური მორალი.— ველურები.— ჩვენი ხმოსნები. საფრანგეთის პარლამენტს და მის ზნე-ჩვეულებებს იმოწმებენ.— კასანიაკი სომხური ბაზრიდან.— თუ გადმოვებაა, გადმოვიდოთ! — ველურის აზრი სიკეთეზე და ბოროტებაზე.— დოქტორ არწრუნის აზრი ამავე საგანზე.— განსხვავება მათ შორის.— ქალაქის თავის მომავალი არჩევნები. რატომაა მისი არჩევა ძნელი? — რა თვისებები მოეთხოვება კანდიდატს? ამ თვისებების გარჩევა.— დ. ი. ყიფიანი ლენტიო, იორდანეზე.— მეინახე ვენერლები მოსკოვში.— რისთვის გვიპირდება მდიდარი ქალაქის თავი.— რას ნიშნავს „გამოცდილება“.

სანამ ღვთის კალთაგადაფარებული ჩვენი მხარე ლედვის ხეებისა და ვენახების ჩრდილში ტკებდა შეურყეველი მშვიდობით, რასაც ვერ არღვევს ჩვენს გაუბედურებულ პრესაში დროდადრო ამტყდარი ლიტერატურული „ბრძოლა“, სადაც შორს, ძალზე შორს უკვე გაჰყრეს ასანთს, რამაც ადრე თუ გვიან ცეცხლის ალში უნდა გახვიოს მთელი ევროპა და შეიძლება მთელი ცივილიზებული სამყაროც. ცხადია, ჩვენ ვტკებებით მშვიდობითა და სიწყნარით. კიდევ უფრო უდავოა ის, რომ ჩვენ გულწრფელად გვსურს დავტკებთ ამ სიკეთით... მაგრამ ჩვენს მხარეს, თითქმის სამყაროს შექმნის დღიდან, წილად ხედა მწარე ბედი. სადაც არ უნდა ატყდეს ჩხუბი, ალბათ, მაინც ჩვენ გავიჭყლიტებით... ერთი შეხედვით, რა კავშირი აქვს ჩვენთან ვიღაც ავღანელი შირ-ალის უარს, ზრდილობიანი პასუხი გასცეს ოსტ-ინდოეთის მთავრობის ულტიმატუმს? განა ბევრ ჩვენგანს გაუგონია ავღანისტანის ან ოსტ-ინდოეთის არსებობა? მიუხედავად ამისა, ჩვენ მტკიცედ უნდა ვიდგეთ, რათა არ გავიჭყლიტოთ. ცხადია, ჯერ ნაადრევია „მოვლენათა განჭვრეტა“ და იმის მტკიცება, რომ ომი უთუოდ ჩვენც შეგვხება, მაგრამ რომ აგვცდეს კიდევ, ამ საძაგელი შირ-ალის ჭირვეულობის გამო ჩვენი ჯიბეები უეჭველად დაცარიელდება. ღმერთო გვაპატიე და რამ მოაფიქრა მას დაარღვიოს საყოველთაო მშვიდობა, რომელიც დაძაბული შრომით

გამოიმუშავეს ბერლინში მთელი ევროპის ამდენმა პატენტთანმა და აღიარებულმა ადამიანმა!... რაღა ფასი აქვს ამის შემდეგ ან ევროპას და ან მთელ ყბადღებულ დიპლომატიას, თუ მათი მეცადინეობა და შრომა სათამაშო სახლივით ირღვევა უმეცარი ისლამიზმის ამ უმეცარი შვილის ერთი სულის შებერვით, კაცისა, რომელსაც დოქტორ არწრუნის „თეორიის“ მიხედვით განვითარების უნარი არ შესწევს?...

ხოლო შირ-ალის უზრდელობის გამო რომ ჩვენი ჯიბეები დაცარიელდება — ეს ცხადზე ცხადია. ნახევარი იმპერიული ჯერ კიდევ დიდხანს ეღირება რვა მანეთი. და ჩვენი სწავლული ფინანსისტების გულის მოსაყლავად, ვაჭრები ჯერ კიდევ დიდ ხანს გაჰყიდნიან თავიანთ საქონელს 200 პროცენტით გაზრდილ ფასებში. ჩვენი ფინანსისტები, მიუხედავად მათი ფინანსიური სიბრძნისა, რასაც „ობზორმა“² ასე უდიერად ემელუშვინის სიბრძნე უწოდა, ჯერ კიდევ დიდხანს ვერ მიხვდებიან, როგორ შეიძლება საქონლის ფასი 200 პროცენტით გაიზარდოს, როცა ფულის ერთეულის ფასი მხოლოდ 60 პროცენტით გაიზარდა... სიძვირე გააღატაკებს ათასობით და ათიათასობით ოჯახს და ზღაპრულად გაამდიდრებს ორ ათეულ მეწარმეს. რაც ხელს არ შეუშლის სწავლულ ფინანსისტებს ამტიციონ, რომ მონოპოლისტები აქ არაფერ შუაშია, დამნაშავეა მხოლოდ ფულის ერთეული, ფულის კურსის დაცემა... და ჩვენ შინა დაგვიცარიელდება ჯიბეები, რადგან ასეთია ჩვენი მწარე ხვედრი. ჩვენ, ქართველებს, გვაქვს ძალზე მეტყველი და მრავალმნიშვნელოვანი ანდაზა, რომელიც ხალხურმა სიბრძნემ ქათამს ათქმევინა: „ხარი დაკლეს, მე დამაკლეს, ცხვარი დაკლეს, მე დამაკლეს, თხაი დაკლეს, მე დამაკლეს“. მართლაც, და რა უბადრუკი და ნამდვილად ქათმის ხვედრი გვხვდა წილად — ვიყოთ ყოველთვის საკმაზი!...

ამგვარად, სადაც არ უნდა მოხდეს შეტაკება, ჩვენ ან ტყავი გაგვძვრება ანდა ჯიბე დაგვიცარიელდება. ნუთუ, ბატონებო, ყოველივე ეს ნათელს არ ჰფენს იმ ამბავს, რომ ქვეყნად არსებობს დაუძლეველი, ნამდვილი, რეალური ძალა, რასაც ადამიანთა სოლიდარობა ჰქვია? აბა მოსინჯეთ და ჩაიკეტეთ საკუთარ ნაქუქში, მოწყდით მთელ ქვეყანას, დაიმშვიდეთ თავი იმით, რომ თქვენ სათნოებით სავსე ოჯახის კაცი და გადასახადების დროულად გადამხდელი ხართ და მთელი თქვენი საზოგადოებრივი მოვალეობა ამით შემოიფარგლება... ცხოვრობთ წყნარად, სათნოდ, არავის არ ჩაგრავეთ, არავის არ უსურვებთ ავს და გულუბრყვილოდ ფიქრობთ, რომ დაზღვეული ხართ ამ ქვეყნის ბრუნვისა და წუხილისაგან, ხოლო ამ დაზღვევის უმთავრესი საფუძველი ისაა, რომ მშობლების მიერ დატოვებულ

მემკვიდრეობა და სხვა ამდაგვარი პრივილეგიები საშუალებას გაძლევენ დატყბეთ ამ ცხოვრების სიკეთით. მაგრამ, სწორედ ამ დროს გამოჩნდება ვინმე შირ-ალი, რომელიც თქვენგან ცხრა მთას იქით ცხოვრობს და რომლის სახელი თქვენ არც კი გაგიგონიათ, შეურაცხყოფს თავის პასუხით კიდევ უფრო უცხო ინგლისელ რეზიდენტს, ან ელჩს და რამდენიმე თვის შემდეგ თქვენ უკვე თავს ველარ გაართმევთ ოჯახს, ჩაეფლობით ვალებში და იძულებული შეიქმნებით ყველაფერში შეავიწროვოთ თქვენი თავი და მთელი ოჯახი. მაღლობა უნდა შესწიროთ ღმერთს, თუ გაჭირვებას დააღწევთ თავს. შეიძლება ისეც მოხდეს, რომ ომის ცეცხლი მოედოს თქვენს თავ-შესაფარს, მტრის ტყვია გაგეჩხიროთ ძვალში, ანდა სიცოცხლე გასწიროთ ურჩი შირ-ალის დასაცავად ან დასასჯელად!.. შემოიფარგლეთ, კეთილო ადამიანებო, უბედობისა და მეშხანური მორალის მაღალი კედლით. ვერ გიხსნით თქვენ ეს კედელი იმ ძალებისაგან, რომელთაც არასოდეს არ სცნობთ, რომლებიც თქვენს ჯიბრზე და კაცობრიობის საკეთილდღეოდ ათ, თხუთმეტ წელიწადში ერთხელ ამტკიცებს, რომ ადამიანები, რა შორსაც არ უნდა ცხოვრობდნენ ერთმანეთისაგან, ურთიერთდაკავშირებულნი არიან საერთო, განუყრელი ინტერესებით, რაც საერთო ზრუნვასა და საერთო მეცადინეობას მოითხოვს...

ჩვენ დავცინით შირ-ალის და ვწყევლით ომებს, რომელთაც ასეთი შორეული შეტაკებები იწვევს. მაგრამ უნდა გამოვტყდეთ იმაშიც, რომ ადამიანური სოლიდარობის იდეის განვითარებას ასეთ პატარა, ეგზოტიკურ ტირანს უფრო უნდა ვუმადლოდეთ, ვიდრე მათ წინააღმდეგ აჯანყებულ სან-პიერის მსგავს მეოცნებე ადამიანებს. მართლაც, ჩვენ ყველას გვაქვს მიდრეკილება ჩავიკეტოთ ჩვენს ნაჭუჭში და გულის სიღრმეში ვიმეორებდეთ ასეთ ანდაზას „უჩემოდ ქვა-ქვაზე არ დარჩენილა“. სანამდე მივიდოდა ჩვენი საზოგადოება, რომ პერიოდულად ცხვირში არ გვირტყამდეს ბატონ შირ-ალების მიერ გამოწვეული სკანდალი და არ გვახსენებდეს რომ, სათნო მეშხანების მიერ ასე ძლიერ მოწონებული ცხოვრების გარდა, არსებობენ კიდევ სხვა ადამიანები, სხვა ინტერესები, სხვაგვარი წესები?..

მიუხედავად იმისა, რომ საჭირო შემთხვევაში ჩვენს საზოგადო მოღვაწეებს უყვართ უცხო წესების მაგალითად მოყვანა, ასეთ ამბებს მაინც არ შეგვახსენებდნენ. დიდი ხანია შემჩნეულია, და მგონი სპენსერის მიერ, რომ ველურები ჯერ ფუფუნებას, სამკაულებს, ელვარე და ქდარუნა ნივთებს ითვისებენ, შემდეგ კი აუცილებელ და საჭირო საგნებს. სანამ პერუსა და მექსიკის მკვიდრნი ევროპელთაგან საკუთარი ჩანმრთელობის დასაცავ ხელოვნებას შე-

ითვისებდნენ, ხარბად იძენდნენ მათგან რგოლებს ტუჩებისა და ცხვირის დასამშვენებლად... ზუსტად ასევეა ჩვენთანაც. იმის მაგივრად, რომ მიბაძონ ევროპის თვითმმართველობის მოღვაწეთა ცოდნასა და ენერგიას, გულმოდგინეობასა და კეთილსინდისიერებას, ჩვენმა ხმოსნებმა გასულ ორშაბათს საბჭოში აყალმაყალისა და არეულდარეულობის გასამართლებლად ფრანგი ორატორების სახელები დაიმოწმეს. „ზოგჯერ საფრანგეთის პარლამენტის დეპუტატებიც კი არ ემორჩილებიან ზარის რეკვასა და თავმჯდომარის შეგონებას“, თქვა ვილადამ შინგამზრდილი კასანიაკის გასამართლებლად... საოცარი ამბავია. როგორც კი დაგვირდება რაიმე ნაკლის ან შეცდომის გამართლება, მაშინვე გავისხენებთ ევროპიელებს და მათ მაგალითს მოვიყვანთ. მაგრამ როგორც კი ვიტყვით, რომ ევროპიელებს კარგი სკოლები აქვთ, ჩვენზე გონივრულად და უკეთესად ცხოვრობენ და საჭიროა მათგან ესა და ეს წესი შევითვისოთ, მაშინვე ვიფარგლებით და ვამტკიცებთ, რომ ისინი ევროპიელები არიან, ჩვენ კი — აზიელები; ჩვენ ჭერ კიდევ არ გავზრდილვართ იქამდე, რომ ევროპული წესები შევითვისოთ; ჩვენ ევროპიელების კვალს ვერ გავყვებით და ა. შ. და ა. შ. თუ ჩვენ უნარი არ შეგვწევს და არ უნდა შევითვისოთ ევროპიელებისაგან მათი კეთილსინდისიერი წამოწყებები, მაშინ რატომ უნდა მოგვყავდეს ისინი მაგალითად უწესო და უგუნური წესების გასამართლებლად? თუ კი ჩვენ უმნიშვნელო ან არაფრისმთქმელ შემთხვევაში უფლებას ვაძლევთ ჩვენს თავს მივბაძოთ ევროპელებს, თუ, მსგავსად მათი, ვუკვეთავთ ტანსაცმელს და სადილს, ვმოგზაურობთ რკინიგზით, ვცეკვავთ მეჭლისებზე, ვუყურებთ წარმოდგენას, ვუსმენთ მუსიკას, დავდივართ დოღზე, ვტეხთ აყალმაყალს, ვსაუბრობთ თავაზიანად და ენავეკიმატობთ, მაშინ, ვკითხულობ, როცა სხვა ხალხის ცხოვრებიდან ამდენი რამ გადმოვიღეთ, რატომღა ვამბობთ ჭიუტად უარს, გადმოვიღოთ მათგან სხვა რამ ნამდვილად გონივრული, რაც ტელეგრაფსა და ლეკოკის უკანასკნელი აკორდების ბრახუნზე უფრო საოცარი და ძნელი არაა? მითხარით, რით უნდა აიხსნას ამგვარი უცნაურობა, თუ არა სპენსერის დაკვირვებით, რომ ველურებს ყველაზე ადრე ცხვირში გასაყრელი რგოლი მოეწონათ?..

ჩვენი საზოგადო მოღვაწეების ორიგინალური თვისება, — დამახინჯებულად შეითვისონ და ჩვენს ყოფაშიც გადმოიღონ ყველაფერი ის, რაც მათ მოსწონთ, ან მათ ჩვევებს უდგება, — მაგონებს ერთ საინტერესო ანექდოტს, რომელიც ვაიცს მოჰყავს თავის ნაშრომში — „პირველყოფილი ხალხების ანტროპოლოგია“. წყნარი ოკეანის კუნძულზე დასახლებულმა რომელიღაც მისიონერმა, „მშა-

კის“ „გეგმისა“ და „თეორიის“ მიხედვით, დაიწყო კატეხიზირება უბადრუკი ადგილობრივი მოსახლეობისა, რომელთაც დამოუკიდებელი განვითარებისათვის დოქტორ არწრუნის მუსულმანებზე მეტი უნარი არ შესწევდათ. მისიონერი თვეების მანძილზე უხსნიდა ერთ-ერთ ადგილობრივ მკვიდრს კეთილისა და ბოროტის განსხვავებას, უხსნიდა თუ რა დიდი სხვაობაა ამ ორ ცნებას შორის. ნუ დაგავიწყდებათ, მისიონერი იმდენად ჰკვიანოდა იყო, რომ წინასწარ შეისწავლა ადგილობრივ მკვიდრთა ენა და მოწაფეებთან გაკვირვებით ლაპარაკს ახერხებდა. სწავლების დროს იგი განმეორების სისტემას იყენებდა. ამიტომ, ფიქრობდა რა, რომ მან საკმაოდ აუხსნა მოსწავლეებს კეთილისა და ბოროტის მნიშვნელობა, ერთ-ერთ მოწაფეს სავსებით ბუნებრივი კითხვა მისცა: „შეგიძლია ამიხსნა შენი სიტყვებით რა განსხვავებაა ამ ორ ცნებას შორის?“

— რა თქმა უნდა, შეგიძლია, — უპასუხა მას ადგილობრივმა მკვიდრმა ადამიანის უმეცრების შესატყვისი გამბედაობითა და სითამამით... ცხადია, როცა საქმე ცოდნას ეხება და არა სიკვდილის საფრთხეს... მათ შორის განსხვავება ასეთია: თუ მე მეზობელს ცოლი წავართვი, ეს იქნება კარგი, კეთილი საქმე, ხოლო თუ მან წამართვა — ცუდი, ბოროტი მოქმედება!

ხომ შესანიშნავად გაიგო ველურმა განსხვავება სახარებისეულ კეთილსა და ბოროტს შორის?

ჩვენ დავცინით საცოდავ ველურს, მაგრამ მითხარით, თუ ღმერთი გწამთ, განა ბევრად გავუსწარით ჩვენ მას მეცნიერებისა და საზოგადოებრიობის პრინციპებისა და მონაცემების აღქმის თავისებურებით? სხვა სიტყვებით რომ ვთქვათ, განა ასევე არ იქცევა დოქტორი არწრუნი, როცა ამბობს:

— თუ მე წავართმევ შვილს მუსულმანს და უნაყოფოდ გავაწვალე სომხურ სკოლაში, ეს იქნება კარგი, კეთილი საქმე. ხოლო თუ იგი წამართმევს და თურქულ მედრესში მიაბარებს სასწავლებლად — ცუდი, ბოროტი მოქმედება...

მაგრამ იცით რა? ღმერთმანი, მე მეტი სიამოვნებით დავცინებ დოქტორ არწრუნს, ვიდრე პოლინეზიის კუნძულების ბედუკუდმართ მოსახლეობას. პოლინეზიელს არც ჰაიდელბერგის უნივერსიტეტში უსწავლია და არც გაზეთის რედაქტორი არ ყოფილა, თორემ ვინ იცის, იქნებ, მიუხედავად დოქტორ არწრუნის მტკიცებისა, რომ „უკულტურო რასებს“ განვითარების უნარი არ შესწევთ, იქნებ თბილისელ კულტურტიკერზე უკეთ გარკვეულიყო, თუ რა განსხვავებაა კეთილსა და ბოროტს შორის...

ახლა სხვა საკითხებს შევეხეთ.

ქალაქის საბჭოს არჩევნების საბედისწერო ვადის მოახლოებასთან დაკავშირებით, განსაკუთრებით „ნოემბრის სკანდალის“ შემდეგ, ჩვენ ხმოსნებს შორის, რომლებიც, სამწუხაროდ, დარწმუნებული არიან, და საფუძვლიანადაც, რომ მათ ხელახლა აირჩევენ ქალაქის თვითმმართველობის წარმომადგენლებად, სერიოზულად დაისვა მნიშვნელოვანი საკითხი: „ვინ ავირჩიოთ ქალაქის თავად?“.

არჩევნები ძნელი იქნება, რადგან შეზღუდულია. ასარჩევია ორისამი კანდიდატიდან ერთი...

— როგორ, შემეკითხებით თქვენ, ნუთუ თბილისში, ასეთ დიდ ქალაქში, ამიერკავკასიის სატახტოსა და ამდენი ერის გამაერთიანებელ ქალაქში, ევროპა-აზიის ვაჭრობის ცენტრში, ქალაქის თავად არჩევის ღირსი სულ ორი-სამი კაცია? საიდან ასეთი უკაცრიელობა? რაღა უნდა ვიფიქროთ ამის შემდეგ თბილისის მრავალეროვანი მოსახლეობის ნიჭზე, ცოდნაზე, პატიოსნებაზე და სხვა თვისებებზე?

მაგრამ მისამართი შეგეშალათ. ნიჭიერი ხალხი ჩვენში ბევრია, პატიოსანი ადამიანიც საკმაო რაოდენობით მოიძებნება. ბოლოს ისეთებიც კი გამოიჩინება, რომელთაც ნიჭიც აქვთ, პატიოსნებაც და ცოდნაც... მაგრამ ვის სჭირდება ასეთი თვისებების მქონე ქალაქის თავი? განა თქვენ არ იცით, რომ ქალაქის თავად წამოყენებული კანდიდატის შესაფერის ღირსებას ჩვენი ხმოსნები არსებითად შემდეგში ხედავენ:

1. კანდიდატი ან გენერალი უნდა იყოს, ანდა, უკიდურეს შემთხვევაში, ნამდვილი სახელმწიფო მრჩეველი (ამგვარი პირობა ძილს უფრთხობს და ცხადშიც აღელვებს ჩვენი საბჭოს ბევრ უბრალო სახელმწიფო მრჩეველს).

2. იგი აუცილებლად უნდა იყოს ჰალარა, რაც გამოცდილებისა და კეთილგონიერების თვალსაჩინო საბუთია.

3. იგი უნდა იყოს მდიდარი, ე. ი. ხელფასის გარდა მისი პირადი წლიური შემოსავალი 10.000 მან. მაინც უნდა უდრიდეს.

მეტი არაფერია საჭირო.

ახლა წარმოიდგინეთ, რომ ამ სამი თვისების მატარებელი ფენომენები თბილისში სულ სამი კაცია... და არ გინდათ აირჩიოთ რომელიმე მათგანი, როცა თითოეულს ამ ფენომენთაგანს, საბჭოს წევრთა შორის, თითქმის თანაბარი რაოდენობით ჰყავს ნათესავები, მეგობრები და მომხრეები...

თქვენ, ალბათ, გაიკვირვებთ: რატომ ითხოვენ ჩვენი საბჭოს წევ-

რები ქალაქის თავისაგან სწორედ ამ თვისებებს და არა სხვა რომელიმეს? როგორ თუ რატომ? როგორც იცით, ჩვენი საბჭოს წევრები, უმეტეს შემთხვევაში, ან თვითონ ეკუთვნიან ვაჭართა ფენას, ანდა კავშირი აქვთ მათთან, ან მათზე არიან დამოკიდებულნი... ხოლო ვაჭართა შორის „უგენერლოდ“ ერთ ნაბიჯსაც ვერ გადადგამ. უგენერლოდ არც ერთი ქორწილი არ გაიმართება და არცერთი დასაფლავება არ მოხდება. როგორც ცნობილია, მოსკოვში, სადაც ვაჭრებს ასეთი ნაცნობობა არ აქვთ, ზეიმის დროს ქირით მოპყავთ გადამდგარი გენერლები, მაგრამ თუ გენერალი ვერ აღმოაჩინეს, იწვევენ პირველსავე გადამდგარ სახელმწიფო მრჩეველს... თუ კი მოსკოვში ასეთი წესია, როგორღა გასძლონ უგენერლოდ თბილისში?... საფუძვლიანი მოსაზრებაა, არა?

მე მახსოვს შესანიშნავი წამი, დ. ი. ყიფიანის პოპულარობის თაფლობის თვე, ქალაქის თავად არჩევის შემდეგ... როცა სამხრე ლენტით დამშვენებული, 1876 წლის 8 იანვარს, გაემართა ორივე ჩვენს იორდანეზე — მართლმადიდებლურსა და სომხურზე, ოხ, რა პოპულარული კაცი იყო იგი მაშინ! „ვა-ვა, — ჩურჩულებდნენ მაშინ მისი ამომრჩეველები და ამომრჩეველების ამომრჩეველები, — რა ქალაქის თავი გვყავს, რა ლენტი უკეთია, რა ვარსკვლავი უბრწყინავს!“ საერთო აღტაცებას ბოლო არ უჩანდა... მაშინ არავის უკითხავს, რას გააკეთებს ახალი ქალაქის თავი, რას უნდა მოველოდეთ მისი უნარისა და ხასიათისაგან. ლენტმა დაჩრდილა ცხოვრების ყველა საკითხი, ყველა ადამიანის გული მოისყიდა. ქალაქის თავი წარმოსადგენი იყო და ეს ყველასათვის კმაროდა...

«Те дни прошли и минули давно!»

მაგრამ მიუხედავად ამისა, ჩვენი საბჭოს წევრები კვლავ ლენტს ეძებენ და არა ქალაქის თავს...

მეორე უცნაურობა.

— ჩვენ გვჭირდება ენერგიული მოღვაწე, — გაპყვირიან საბჭოს წევრები ერთხმად, — ჩვენ გვჭირდება გაბედული მოთავე, რომელიც საკუთარი ძალ-ღონით გამოიყვანდა ქალაქის მეურნეობას ჯურღმულებიდან.

ხოლო ენერგიას, ინიციატივას და გამბედაობას ისინი ქალარამოსილ ადამიანში ეძებენ, რომელსაც სიფრთხილე, პუნქტუალობა და მრავალი სხვა სათნოება ახასიათებს, მაგრამ, სამაგიეროდ, მასში არავინ არ ეძებს ძალას, დაუცხრომლობას, გამჭრიახობასა და სიმამაცეს.

და, აი, ამიხსენით ახლა საიდან მომდინარეობს ასეთი უცნაურობა, ამგვარი სიბრმავე...

სწორედ ასეთი არეულდარეულობაა „მესამე პუნქტშიც“.

— ჩვენ გვჭირდება უანგარო მოღვაწე, რომელიც სულს არ დაიშურებს სამწყსოსათვის; რომელიც მუდამ ჩვენი ქალაქის ინტერესებისათვისა და კეთილდღეობისათვის იზრუნებს!... ამბობენ სხვადასხვა ყაიდაზე იგივე საბჭოს წევრები.

და ეს გულუბრყვილო ფანტაზიორები, რომელთაც, რატომღაც, „პრაქტიკულ მოღვაწეებს“ ეძახიან, უანგარობას, თავდაუზოგველობას, პირად სარგებლობაზე უარის თქმას მდიდარი კაცისაგან მოვლიან, კაცისაგან, რომელიც ძილშიც კი უნდა ფიქრობდეს, როგორ დაიცვას უკეთესად საკუთარი სიმდიდრე; რომელიც მხოლოდ იმიტომ გაძლიდრდა და შეინარჩუნა თავის სიმდიდრე, რომ მთელი ცხოვრების მანძილზე მხოლოდ ერთ ღმერთს ემსახურებოდა — საკუთარ სარგებლიანობას, საკუთარ ინტერესებს, რაც საზოგადოებრივ ინტერესებთან შეუთავსებელია...

მაგრამ რა მოხდა, თუ არსებობს ძირეული, ბუნებრივი შეუთავსებლობა სიმდიდრესა და თავდაუზოგველობას ან საკუთარ სარგებლიანობის დავიწყებას შორის? სამაგიეროდ მდიდარ სადილებს გაგვიმართავს, საღამოებს მოაწყობს, ბანქოს სათამაშოდ დაგვიძახებს... ნუ თუ არც ესაა საფუძვლიანი მოსაზრება?

ხოლო თუ როგორია უკანასკნელი და ყველაზე გადამწყვეტი მოსაზრება — კარგად სჩანს ჩემი ნაცნობის სიტყვებიდან, რომელსაც საბჭოს ერთ-ერთმა წევრმა განუმარტა, რომ ხმოსანთა საკმარისი რაოდენობით თავმოყრა შეუძლებელია ატმოსფერული მოვლენების — წვიმის, ქარისა და სხვათა გამო...

— უცნაური ამბავია, უბასუხა ჩემმა მეგობარმა. ჯერ არ მომხდარა, რომ წვიმის ან ქარის გამო ცირკის, თეატრის, კლუბის ან რომელიმე წრის კარები გამოეკეტოთ. მიუხედავად ატმოსფერული მოვლენებისა, ყველა ეს „დაწესებულება“ ხალხითაა სავსე. ხოლო ჩვენს საბჭოს სუსტი ზეფირიც კი ხელს უშლის...

ცხადია, ხელს უშლის და ხელს უშლის იმიტომ, რომ ქალაქის კეთილდღეობით დაინტერესება ჩვენს სასწორზე ვერ ძლევს კარტის თამაშის ანდა გულამოჭრილი კაბით მოცეკვავე ლამაზმანების ხილვის სურვილს... ამიტომ ჩვენი ქალაქის თავის მიერ მოწყობილი საღამოების პერსპექტივა გაცილებით უფრო დამაჭერებელია, ვიდრე სხვადასხვა მოსაზრებები რეფორმებზე და ენერგიაზე...

ერთი სიტყვით, ცრუ შეხედულებები და წვრილმანი მადა ჯერ კიდევ დიდ ხანს შეგვიშლის ხელს საზოგადო საქმეების წარმოებაში. იმის მაგივრად, რომ კანდიდატის წარსულში მისი მომავალი მოღვაწეობისა და საიმედოობის გარანტიას ვეძებდეთ, იმის

ძაგვირად რომ მისი ცოდნისა და ნიჭის იმედი გვექონდეს, ჩვენ კიდევ დიდ ხანს ვიდგებით ერთ ადგილზე და არ მოვეშვებით ზიზილ-პიპილოების და ლანდების ძიებას...

ყველაფერზე უარესი კი ისაა, რომ გამოცდილებამაც ვერაფერი გვასწავლა; წარსულის გაკვეთილებიც კი ვერ გვშველის თავი ავარიდოთ მათ განმეორებას. თუმცა, ჭკუის გარეშე, რის მაქნისია გამოცდილება? არ მახსოვს რომელმა მხედართმთავარმა თქვა, როცა მის წინაშე „გამოცდილ ადამიანებს“ აქებდნენ:

— ნუთუ მამაც და უნარიან ოფიცერს უნდა ვამჯობინო თუნდაც ის ჯორი, რომელსაც, საბარგულში შებმულს, ათჯერ მაინც გაუვლია ბრძოლის ველი?

ესეც თქვენი გამოცდილება...

80. მაღლობა ღმერთს!...

დღეს ძლიერ გაგვახარა „ტიფლისკი ვესტნიკის“³ რედაქციამ თავის ღირსეული დამოკიდებულებით ჩვენს მიერ წამოწყებული კამათისადმი, რომელიც პოლემიკაში არალიტერატურული ელემენტების შემოტანას ეხებოდა. ყოველგვარი ირონიის გარეშე ვამბობთ, რომ ჩვენს წინააღმდეგ მიმართული მისი შენიშვნა — „ენა ჩემი, მტერია ჩემი“ შეიძლება მივაკუთვნოთ იმ მცირერიცხოვან საუკეთესო პოლემიკურ სტატიებს, რომლებიც კი კავკასიის პრესაში შეგვხვდებოდა. სტატია ძლიერია არა მარტო სარკასტული ტონით, არამედ ფაქტობრივი მასალითაც, და კიდევ უფრო იმიტომ, რომ მასში ვერ შეხვდებით პირადულ გამოხდომებსა და არალიტერატურულ გადახვევებს. ამიტომაც მაგრად გვირტყამს. კერძოდ, ერთ პუნქტში მაინც ძლიერ გვანადგურებს. მიუხედავად ამისა, ამგვარი დამარცხება ბევრ გამარჯვებას გვირჩევნია. ჩვენ გაცილებით ბედნიერი ვიქნებოდით იმ უბადრუკი და უნაყოფო გამარჯვებების ნაცვლად, რასაც პირადი საკითხებისათვის ბრძოლაში ვალწვედით, გონივრულ ლიტერატურულ პოლემიკაში რომ მუდმივი დამარცხება გვრგებოდა წილად, რადგან ლიტერატურა და საზოგადოება ჩვენი პირადი გამარჯვებებით კი არ მდიდრდება, არამედ ლიტერატურული ჩვევების გაუმჯობესებით.

„ტიფლისკი ვესტნიკს“ შეუძლია დარწმუნებული ბრძანებოდეს, რა მომაკვდინებელიც არ უნდა ყოფილიყო ჩვენთვის მისი სტატიები, თავიდანვე რომ ასეთი ტაქტით წარემართა საქმე. „ობზორისაგან“² ერთ საყვედურსაც ვერ მოისმენდა. მაგრამ უბედურება ისაა, რომ ადამიანები, რომელთაც შესაძლებლობა აქვთ ასეთი სტატიები წერონ „ტიფლისკი ვესტნიკში“ წელიწადში ერთხელ თუ დაბეჭდავენ რამეს; „ლიტერატურული ასპარეზი“ დათმობილი აქვთ ბედუკულმართ ლაზღანდარებს, რომლებიც სიცილში სიცილისათვის ვარჯიშობენ და საკმაოდ საეჭვო ოინებს მიმართავენ. მაგრამ დღეს არ ღირს ამ ნაკლულევენებათა გახსენება.

მართალია, ჩვენ „ტიფლისკი ვესტნიკის“ სტატიას ხოტბას ვასწავამთ, მაგრამ ეს სრულიად არ ნიშნავს იმას, რომ სავსებით ვეთანხმებით მას. ჩვენ გვსურს რამდენიმე პუნქტი უარვყოთ, მაგრამ „ობ-

ზორის“ მკითხველებს ჯერ „ტიფლისკი ვესტნიკის“ სტატიას გავაცნობთ.

„ენა ჩემი — მტერია ჩემი“.

„ტიფლისკი ვესტნიკმა“ ყველაფერი გააკეთა იმისათვის, რომ თავიდან აეცილებინა „ობზორთან“ კამათი. „ქუთაისელის“ პირველი წერილი ჩვენ მხოლოდ იმიტომ დავბეჭდეთ, რომ გვინდოდა სამართლიანობა გამოგვეჩინა და შესაძლებლობა მიგვეცა მოწინააღმდეგე მხარისათვის — ეთქვა ყველაფერი, რისი თქმაც უნდოდა. ასეთ შემთხვევაში ასევე მოიქცეოდა „ობზორიც“. ჩვენ მხოლოდ ამ ბოლო დროს გავხდით იძულებული — პასუხი გავვეცა ბატ. ნიკოლაძისათვის. თუმცა სითამამისათვის მაშინვე დავისაჩეთ. იმ წამსვე დაგვაბრალეს „ლიტერატურული ჩვევების არცოდნა“, მკაცრად განგვიმარტეს, რომ „არ შეიძლება ლიტერატურულ კამათში ჭორებისა და მწერლების კერძო საუბარში გამოთქმული აზრების შეტანა“, ჩვენ შთაგვაგონეს, რომ „მწერალთან ლიტერატურული კამათის დროს მასალად შეიძლება გამოვიყენოთ მხოლოდ მისი დაბეჭდილი სტატიები, ხოლო საზოგადო მოღვაწესთან — მისი მოქმედება არჩეულ ასპარეზზე“. ამ უკანასკნელს აქსიომატ კი უწოდეს და დამატკიცებელ საბუთად დობროლუბოვის აზრი მოიყვანეს (ნუ ახსენებთ მის სახელს ამოდ, ბატ. ნიკოლაძე!). პირი, რომელსაც მწერლის კერძო საუბრები და აზრები მოყავს საბუთად, ისეთი კატეგორიის ადამიანებს მიაკუთვნეს, რომლებიც საზოგადოებას საკმარის გარანტიას არ აძლევს; „ვინ იცის, რის გამო ლაპარაკობდა მწერალი, ლაპარაკობდა სერიოზულად თუ ხუმრობდა, იყო მის სიტყვებში ირონია ან სარკაზმი თუ არა?“

შემდეგ ბატ. ნიკოლაძე გამარჯვებული კაცის ხმით აცხადებს:

„დაგვისახელოს „ტიფლისკი ვესტნიკმა“ თუნდაც ერთი მაგალითი, რომელიმე სერიოზულად განვითარებული ლიტერატურიდან, სადაც პოლემიკას ასეთი ხერხებით აწარმოებენ და ჩვენ სახალხო ვალიარებთ, რომ ვცდებოდით, როცა მის ხელმძღვანელებს ლიტერატურულ უმეცრებაში ვვდებდით ბრალს“.

ასეთმა განცხადებამ თავზარი დაგვცა. მოგვიხდა მთელი დამეების გათენება ყველა ქვეყნის და ყველა საუკუნის დიდი მწერლების ნაწარმოებების კითხვაში, მაგრამ მართლაც ვერსად ვიპოვეთ ლიტერატურის ამგვარი წაბილწვა. მხოლოდ ერთ სერიოზულად განვითარებულ ლიტერატორის ნაწარმოებებში აღმოვაჩინეთ თავის გასამართლებელი ცოტაოდენი მასალა და ჩვენ ვამაყობთ აღმოჩენით, რადგან ეს ერთი ყველას ტოლია. ეს მწერალი „ობზორის“ რედაქტორი გახლავთ.

1873 წელს ქართულ პრესაში ცხარე კამათი მიმდინარეობდა ქუთაისის ბანკის შესახებ. ამ კამათის დროს ბატ. ნიკოლაძემ ლიტერატურის საგანძურს შემდეგი მარგალიტები შესძინა:

— „ბატ. ბ. ლოლობერიძეს ჩვენთან საუბარში არა ერთხელ უთქვამს, რომ მის მიერ შედგენილი საადგილმამულო ბანკის პროექტი ძალზე სუსტია...“

„თბილისიდან ქუთაისში დაბრუნებულმა გავიგე და გამიკვირდა, რომ პროექტი, რომელსაც იგი და მისი ბიძაშვილები უსუსურად თვლიდნენ (ასევე კერძო საუბარში?), დაამტკიცეს და მის დამტკიცებაში ბატ. ბ. ლოლობერიძემ, რომლის მონაწილეობა ბანკის საქმეებში, ჩვენი აზრით, მავნებელია, მნიშვნელოვანი როლი ითამაშა; ამავ დროს ბატ. ბ. ლოლობერიძემ ჩვენ სიტყვა მოგვცა, (კერძო საუბარში), რომ მონაწილეობას არ მიიღებს ბანკის პროექტის განსახილველად შექმნილ კომისიაში...“

(„დროება“, 1873 წ. № 26)

„დროების“ 29-ე ნომერში ბატ. ბ. ლოლობერიძემ ყველაფერ ამას უხამსობა და ცილისწამება უწოდა, ხოლო 28-ე ნომერში ბატ. ნიკოლაძისათვის ჭკუის სასწავლებლად წინასწარ განსჯერითა ის ლიტერატურული წესები, რომელთაც ახლა „ობზორის“ მეშვეობით ბატ. ნიკოლაძე გვიქადაგებს.

„თავის ბინის ოთხ კედელში, თავის მეგობრებთან, ადამიანმა შეიძლება ბევრი რამ სთქვას ისეთი, რაზედაც შეუძლებელია ანგარიში და პასუხისმგებლობა მოსთხოვო, — წერდა მაშინ ბატ. ლოლობერიძე. — ხანგრძლივი საუბრის დროს უცხო კაცთანაც კი გამოსთქვამ ზოგჯერ ისეთ აზრებს, რომელთა სახალხოდ გამოტანა არ შეიძლება“.

ვინ იცის, — დავძენთ ჩვენ ბატ. ნიკოლაძის სიტყვებით, — ლაპარაკობდა იგი სერიოზულად თუ ხუმრობდა, იყო მის სიტყვებში ირონია ან სარკაზმი თუ არა? ხოლო ადამიანები, რომელთაც საბუთად მწერლის (ან საზოგადო მოღვაწის) კერძო საუბრები და აზრები მოაქვთ, საზოგადოებას საკმარის გარანტიას არ აძლევენ.

ანდრეევსკაიას პროცესის გამო „ობზორში“ დაიბეჭდა ხელმოუწერელი ფელეტონი, ე. ი. დაიბეჭდა იგი რედაქტორის პასუხისმგებლობით*. ამოვიღოთ ერთი მარგალიტი ამ ფელეტონიდან:

„... ცრუ ლიბერალი სწრაფად ჩამოვიდა თბილისში. მას ეგონა, საკმარისია თავის დოქტორალური ტონით დაიფიცოს, რომ ჩქოტუა

* როდესაც ბეჭდავ ისეთ სტატიას, რომელშიც შეიძლება ვინმემ თქვინო ორგანოს აზრი დაინახოს, მაშინ ვალდებული ვარდებოთ ამ სტატიას ლიტერატურული ზრდილობისათვის შესაფერისი სახე მისცეთ (ბატ. ნიკოლაძის ჩვენდამო მომართული შთაგონებებიდან).

უდანაშაულოა და მთელი ეს საქმე დავიწყებას მიეცემა. და იგიც იფიცებოდა თბილისის, კოჯორისა და რკინიგზის ყველა სალონში... რატომ არ გამოსთქვა მან საკუთარი რწმენა სასამართლო პროცესზე? საინტერესოა ვიცოდეთ, სად ტყუოდა იგი სალონებში, თუ სასამართლო პროცესზე?..

(„ობზორი“, № 75)

ვინ იცის, დავსძენთ ჩვენ ბატ. ნიკოლაძის სიტყვებით, ლაპარაკობდა იგი სერიოზულად თუ ხუმრობდა, იყო მის სიტყვებში ირონია ან სარკაზმი თუ არა? ზოლო ადამიანები, რომელთაც საბუთად კერძო საუბრები მოაქვთ, საზოგადოებას საკმარის გარანტიას არ აძლევენ.

„ობზორშივე“ დაიბეჭდა ფელეტონი, სადაც, სხვათა შორის, რამდენიმე სიტყვას ქალბატ. ბლავატსკაიას წიგნს უძღვნიან. ამ საკითხის შესახებ ფელეტონის * ავტორი წერს: „მე პირადად ვიცნობდი ქალბატ. ბლავატსკაიას და ზედმეტი არ იქნება თუ მოვიგონებ ეპიზოდს ჩვენი შეხვედრებიდან, მის ახალ დიდებასთან დაკავშირებით.

„ყველაფერი ეს ხდებოდა ქ. ქუთაისში, 1863 წლის დასაწყისში. ქალბატონი ბლავატსკაია მაშინ მარტო ცხოვრობდა ქუთაისში და აბრიყვებდა ადგილობრივ მწერლებსა და „იუნკერებს“. მეც წამათრიეს მასთან, რათა მთელი ეს ორომტრიალი გამკვირვებოდა. როცა გამაცნეს, მან კატეგორიულად უარი განაცხადა სასწაული მოეხდინა... მე ვპასუხობდი მას... მან განაცხადა, რომ ჩემი წარსულის ყველა საიდუმლოებას მიამბობდა... სამწუხაროდ, ყველა მისი ნათქვამი სინამდვილეს ეწინააღმდეგებოდა და დამსწრეთა ხითხითს იწვევდა“.

(„ობზორი“, № 20)

„ვინ იცის, დავსძენთ ჩვენ, ლაპარაკობდა იგი სერიოზულად თუ ხუმრობით, იყო მის სიტყვებში ირონია ან სარკაზმი თუ არა? იქნებ გაბრიყვებდათ ეს ქალი? ზოლო ისეთი ადამიანები, რომელთაც საბუთად მწერლის ან მწერალი ქალის კერძო საუბრები მოაქვთ, საზოგადოებას საკმარის გარანტიას არ აძლევენ“.

ჩვენ შეგვეძლო დაუსრულებლად მოგვეყვანა ამგვარი მაგალითები, მაგრამ ესეც კმარა, ჩვენ იმითაც კმაყოფილნი ვართ, რომ სერიოზულად განვითარებული ლიტერატორის ნაწარმოებებში ჩვენი უსასრულო დანაშაულის გამამართლებელი მასალა ვიპოვეთ და ამის შემდეგ დამწვიდებული სინდისით ვატარებთ ლიტერატურული ჩვევების ზერელედ მცოდნეებისა და უმეცართა მეტსახელს.

* როცა ბეჭდავთ ისეთ სტატიას, რომელშიც... და სხვ. და სხვ.

(ბატ. ნიკოლაძის შთაგონებიდან, რომელიც ჩვენდამი იყო მომართული“)

ამგვარად, ჩვენს მიერ წამოყენებულ პრინციპებს არა თუ არ უარყოფს „ტიფლისკი ვესტნიკი“, არამედ იცავს კიდევაც თავს ჩვენგან, ამ პრინციპების დამრღვევლებისაგან. ესაა აღძრული პოლემიკის უმნიშვნელოვანესი შედეგი. რჩება ნაკლებ მნიშვნელოვანი საკითხი, თუ რამდენად სცოდავდა ბატ. ნიკოლაძე იმ დოკუმენტების წინააღმდეგ, რომელთაც თვითონ ქადაგებს.

ვადიარებთ გულახდილად, რომ ქალბატ. ბლავატსკაიასთან დაკავშირებით ბატ. ნიკოლაძე მთლიანად მხილებულია. იგი სრული განკიცხვის ღირსია თავისი ცოდვის გამო და „ტიფლისკი ვესტნიკის“ მთელი სარკაზმი სავსებით დროულია. ცხადია, არა ბატ. ნიკოლაძის გასამართლებლად და მისი დანაშაულის შესამსუბუქებლად, მაგრამ შეგვიძლია ამ უდავო შეცოდების ფაქტი ავხსნათ იმ გარემოებით, რომ ბატ. ნიკოლაძეს შეეძლო ქალბატ. ბლავატსკაიასათვის, რომელმაც დიდი ხანია მიიტოვა ჩვენი ძველი ქვეყანა და გადასახლდა ახალ, უკეთეს სამყაროში, ეცქირა როგორც მიცვალებულისათვის. მაგრამ ეს მაინც არ ამართლებს ბატ. ნიკოლაძეს. ვიმეორებთ, ამ შემთხვევაში იგი ნამდვილად დამნაშავეა და საკადრისადაც დამარცხდა.

მაგრამ ბატ. ლოლობერიძეზე გამოთქმულ აზრებში იგი ამგვარი დამნაშავე არაა. ეს უკანასკნელი მწერალი არაა და ბატ. ნიკოლაძე მას შეეხო მხოლოდ როგორც მოწმეს, როგორც საზოგადო მოღვაწეს. ჩვენ ვთხოვთ „ტიფლისკი ვესტნიკს“ დაგვიჭეროს, როცა სადაზროდ ვხდით მის შემდგომ თავდასხმას, საკუთარი თავის გამართლების სურვილი არ წარმართავს ჩვენს კალამს. თუ კი ჩვენ თავი დამნაშავედ ვცანით ქალბატ. ბლავატსკაიას მიმართ, ჩვენ ვერავინ ვერ დაგვაკავებდა ასევე მოვქცეულიყავით ბატ. ლოლობერიძის წინაშე. ეს ასეა „დანაშაულის ერთობლიობის“ თეორიის მიხედვითაც, რადგან თუ დამტკიცდა ერთი დანაშაული, ყველა დანარჩენი მხოლოდ უმნიშვნელოდ ზრდის დამნაშავის სასჯელს. ამგვარად, ჩვენ ვედავეებით „ტიფლისკი ვესტნიკს“ ჩვენს მიერ გამოთქმული აზრის შესახებ ბატ. ლოლობერიძეზე და ვედავეებით მხოლოდ იმიტომ, რომ საკითხი უაღრესად მნიშვნელოვანია, როგორც პოლემიკის საზღვრების დასადგენად, ასევე ჩვენი საზოგადო მოღვაწეების ჩვევების გამოსასწორებლად.

რაც შეეხება ჩვენს აზრს ბატ. ლოლობერიძის ჩვენებების შესახებ სასამართლოზე („ობზორი“ № 20), ეს საკითხი არც ისე მნიშვნელოვანია. მაგრამ რადგან ვახსენეთ ბატ. ლოლობერიძე, როგორც-

მოწმე, ჩვენ სრული უფლება გვქონდა დაგვეპირისპირებინა მისი ოფიციალური ჩვენებები მის მიერ საზოგადოებაში გამოთქმული აზრებისათვის, მაგრამ საქმის ვასაადვილებლად და იმის დასამტკიცებლად, რომ თავის გამართლებას არ ვცდილობთ, ჩვენ მზადა ვართ ამ ამბავშიც ვცნოთ თავი დამნაშავედ, თუმცა, გულახდილად რომ ითქვას, ჩვენ ამაში დარწმუნებული არა ვართ. ამას მხოლოდ მეორე ეპიზოდის მნიშვნელობის გამო ვაკეთებთ, იმ აზრის გამო, რომელიც 1873 წელს ბატ. ლოლობერიძის შესახებ გამოვთქვით. აქ ჩვენ უდაოდ მართალი ვართ და იმედი გვაქვს, როცა ჩვენ ჩვენს მოსაზრებებს მოვიყვანთ, „ტიფლისკი ვესტნიკი“ ისევე გულახდილად ცნობს ჩვენს სიმართლეს, როგორც ჩვენ ვცანიტ თავი დამნაშავედ ქალბატ. ბლავატსკაიას მიმართ.

ქუთაისის ბანკის შესახებ ჩვენ ბატ. ლოლობერიძეს, როგორც მწერალს კი არ ვეკამათებოდით, არამედ მხოლოდ და მხოლოდ როგორც საზოგადო მოღვაწეს. ჩვენ კერძო საუბარი კი არ მოგვყავდა საბუთად, არამედ სერიოზული, თითქმის ჩვენს შორის დადებული ოფიციალური ხელშეკრულება. აი როგორ იყო საქმე: („ტიფლისკი ვესტნიკის“ შეუძლია შეამოწმოს ჩვენი სიტყვები გაზეთ „დროებისა“ და ამავე გაზეთში დაბეჭდილ თავ. კ. ლორთქიფანიძისა და ე. სიღამონ-ერისთავის ჩვენებების მიხედვით)... როდესაც ქუთაისის თავადაზნაურობას ბანკის საქმე უნდა გადაეწყვიტა, ჩვენ, გაზეთ „დროებისა“²² მეშვეობითა და თავადაზნაურთა კრებებზე ვურჩევდით მათ წესდების შედგენა ბატ. ბ. ლოლობერიძისათვის მიენდოთ. ჩვენ იმედი გვქონდა, ჩვენსა და ბატ. ლოლობერიძეს შორის მოლაპარაკების საფუძველზე, რომ ბატ. ლოლობერიძემ წესდების შედგენის რწმუნება მიიღო, ჩვენი ახალგაზრდობის ყველა კომპეტენტური წარმომადგენელი დაეხმარება მას ამ წესდების შედგენაში. ჩვენის მხრივ ვვარაუდობდით, წესდების დამუშავების დროს შეგვეტანა მასში სასაწინდრო ოპერაციების შერწყმა გამოსასყიდ ოპერაციებთან. როდესაც ჩვენ ჩავატარეთ ბატ. ლოლობერიძის წარმატებისათვის საჭირო პროპაგანდა, მას ჩვენთვის და ჩვენი მეგობრებისათვის არაფერი უთქვამს და თავადაზნაურობას დასამტკიცებლად წარმოუდგინა წესდების შესადგენად გაცემული რწმუნების ოქმი კი არა, არამედ სასწრაფოდ გადმოწერილი ხერსონისა და ხარკოვის ბანკების წესდებების ნარევი. ამავე დროს როცა მან გვიჩვენა ჩვენ ეს წესდება, თვითონვე აღიარა მისი უვარგისობა, რასაც ახლა თვალნათლივ ამტკიცებს ქუთაისის ბანკის საქმეების მიმდინარეობა... როცა თავს დავესხით ბატ. ლოლობერიძეს მისი „ეშმაკობის“ გამო, ჩვენ ამით გვინდოდა ბოღიში მოგვეხადა თავადაზნაურობის წინაშე, რო-

მელიც შეცდომაში შევიყვანეთ, რადგან რეკომენდაცია გავუწიეთ ბატ. ლოლობერიძეს. ამ საქმეში თავის გასამართლებლად ჩვენ უნდა დაგვემტკიცებინა, რომ დაუფიქრებლად კი არ გავგიწევია რეკომენდაცია ბატ. ლოლობერიძისათვის, არამედ შეთანხმებული ვიყავით მასთან. საზოგადო მოღვაწეებს შორის ასეთ შეთანხმებას არ შეიძლება ეწოდოს კერძო საუბარი, მით უმეტეს, რომ ჩვენ ბატ. ლოლობერიძესთან მეგობრულად და დროის გასატარებლად კი არ დავდიოდით, არამედ გადაწყვეტილების მისაღებად, იმ დროინდელი ქართული პრესის ხელმძღვანელებთან ერთად. ჩვენ არც ისე ბოროტნი ვართ, რომ ვუსურვოთ „ტიფლისკი ვესტნიკის“ მესვეურებს — აღმოჩნდნენ ისეთ საზიზღარ მდგომარეობაში, როგორშიც ჩვენ აღმოვჩნდით ქუთაისის საზოგადოების წინაშე, ბატ. ლოლობერიძის საქციელის გამო. ცხადია, მაშინ „ტიფლისკი ვესტნიკი“ გაიგებდა, რა მდგომარეობაში აღმოვჩნდით ჩვენ და სცნობდა ჩვენს უფლებას, მოგვეყვანა საბუთად საზოგადო მოღვაწეებს შორის დადებული შეთანხმება. მაგრამ ჩვენ იმედი გვაქვს, რომ „ტიფლისკი ვესტნიკი“ ამგვარ კაზუსს უშუალო გამოცდის გარეშეც აღიარებს — ეს მაგალითი ჩვენს წინააღმდეგ არაფერს ამბობს.

ყოველ შემთხვევაში, ორივე მხარე სცნობს და აღიარებს, რომ ლიტერატურულ პოლემიკაში არ უნდა შევიტანოთ არავითარი არალიტერატურული ელემენტი.

არსებითად ხომ დასამტკიცებელიც სწორედ ეს იყო...

61. ჩვენი სასულიერო წოდების მომზადება

თბილისი, 13 ნოემბერი

ჩვენ გავაცანით „ობზორის“ მკითხველებს, თუ როგორ ასწავლიან ენებს ჩვენს სასულიერო-სასწავლო დაწესებულებებში, ახლა კი გვინდა რამდენიმე სიტყვა ვთქვათ სხვა საგნების სწავლების შესახებ. მაგრამ სანამ ამ საკითხის განხილვას შევეუდგებოდეთ, საჭიროა გამოვთქვათ რამდენიმე საერთო შენიშვნა.

ყოველი სწავლება და ყოველი აღზრდა, უპირველეს ყოვლისა, მიზანშეწონილი უნდა იყოს. ეს ისეთი აქსიომაა, რომ მისი მტკიცება სასაცილოცაა. სანამ ხელს მოჰკიდებ ბავშვების განათლებისა და განვითარების საქმეს, სანამ დაადგენ მათი განათლებისათვის საჭირო ფარგლებსა და პროგრამას, ყოველმა მასწავლებელმა უნდა ჰკითხოს თავის თავს და გადასწყვიტოს: რა როლისათვის უნდა მოამზადონ ბავშვები, რა იქნება მათი დანიშნულება? როცა ასეთ კითხვებს აძლევენ საკუთარ თავს ის ადამიანები, რომლებიც იმუშავენ გიმნაზიის საერთო განათლების ფარგლებსა და პროგრამას, მაშინ გასაგებია, რომ შეიძლება წარმოიშვას გაუგებრობანი და უთანხმოებანი, რადგან ღმერთმა იცის, მოღვაწეობის რომელ ასპარეზსა და რა სპეციალობას აირჩევს გიმნაზისტი, მის წინ ყველა გზა და ყველა ასპარეზი ხსნილია... დავა შეიძლება მაშინაც ატყდეს, როცა ლაპარაკობენ იმაზე, თუ რა უნდა ვიგულისხმოთ „საერთო განათლებაში“, რაც ყველა სპეციალისტისათვის სავალდებულოა. მაგრამ არაფერი ამის მსგავსი არ შეიძლება წარმოიშვეს, ანდა არ უნდა წარმოიშვეს იმ ადამიანთა გონებაში, რომლებიც იმუშავენ სასულიერო-სასწავლო მოღვაწეობის საფუძვლებს. ყველასათვის დღის სინათლესავით ცხადია, რომ სადაც არ უნდა არსებობდეს, ყოველი სასულიერო-სასწავლო დაწესებულების განსაკუთრებული, ან უპირატესი დანიშნულებაა ხალხის სულიერი ხელმძღვანელების — მღვდლების მომზადება...

როდესაც ადარებენ ჩვენი მართლმადიდებელი სასულიერო წოდების მდგომარეობას, ხასიათსა და ღირსებას კათოლიკური და ლუთე-

რანული სარწმუნოების ასეთსავე მხარეებს, ყველა ჩვენი სასულიერო მწერალი და ყველა ამგვარი საკითხებით დაინტერესებული ავტორი ერთხმად ამტკიცებს, რომ ჩვენ ისევე შორსა ვართ იმ მდგომარეობიდან, რაც სასულიერო წოდებამ ევროპაში შეიქმნა, როგორც ვარსკვლავებიდან. სასაცილო იქნებოდა მოგვეყვანა იმ გავლენისა და მნიშვნელობის საოცარი მაგალითები, რაც სასულიერო წოდებამ მოიპოვა ევროპის მეტად განათლებულ ქვეყნებში, სადაც განათლების ძალას კი არ უნდა გაეზარდა, არამედ უნდა დაესუსტებინა კლერიკალური ელემენტების ძალა და მნიშვნელობა. ხოლო ყველა ჩვენი სასულიერო მწერალი ამ უცნაურობას მხოლოდ იმ უბრალო მიზეზით ხსნის, რომ ევროპის სასულიერო წოდების განვითარება ძალზე მაღალ საფეხურზე დგას; განათლების მხრივ ეს წოდება არა თუ თანამედროვე საზოგადოების დონეს უტოლდება, არამედ უსწრებს კიდევ. ეს წოდება შესანიშნავადაა მომზადებული და ამიტომ დამაკმაყოფილებლად ასრულებს თავის როლს...

რაში მდგომარეობს ასეთი მომზადების საიდუმლოება?

არ შეიძლება დავეკვდეთ იმაში, რომ თუ გერმანიის ან საფრანგეთის, ინგლისის ან იტალიის სოფლის მოსახლეობის დიდი ნაწილი თითქმის განუსაზღვრელი ნდობით ეკიდება სასულიერო ხელმძღვანელების სიტყვასა და რჩევას, და თუ ამავე ქვეყნების საშუალო და მაღალი კლასები არანაკლები პატივისცემით ისმენენ მათ რჩევას, ყოველივე ამას ევროპის სასულიერო წოდება ტაციტისა და ჰეროდოტეს à livre ouvert-ის თარგმნის ხელოვნებას კი არ უნდა უმადლოდეს, არამედ საკუთარი მომზადების სხვა მხარეებს. თანამოქალაქეების გონებაზე რომ დიდი ზეგავლენა იქონიო ამისათვის არ კმარა დიპლომებისა და ჭილდოების მოპოვება. ამისათვის, უპირველეს ყოვლისა, აუცილებელია სასარგებლო იყო მოქალაქეებისათვის. ხოლო თუ რიგიანად მომზადებული არა ხარ, ვერც სარგებლობას მოუტან მათ. როგორი სარგებლობა შეუძლია მოუტანოს თავის სამწყსოს სოფლის მღვდელმა? რა თქმა უნდა, საეკლესიო წესების წესიერად შესრულება მღვდლის მოღვაწეობის მნიშვნელოვანი ნაწილია, მაგრამ ყველა დამეთანხმება, რომ ეს მხოლოდ მისი დანიშნულების გარეგნული მხარეა. დანიშნულების არსებით მხარეს კი წარმოადგენს მუდმივი და დაუღალავი ზრუნვა საკუთარი სამწყსოს ზნეობრივ სიწმინდეზე; შეაგნებინოს მათ ღირსებისა და კეთილსინდისიერების დოგმატები, დანერგოს მათში სიმართლისადმი და სამართლიანობისადმი სიყვარული. მაგრამ ასეთი დიდებული ამებების შთაგონება და გავრცელება მარტო სიტყვებით შეუძლებელია. გულკეთილობაზე, თავდავიწყებაზე და საერთო სარგებლიანობისათ-

ვის სამსახურზე დაფუძნებული სწავლების ცოცხალი წარმომადგენელი მთელი ცხოვრების განმავლობაში ყოველ ნაბიჯზე წმინდად უნდა ანხორციელებდეს ღვთიურ სიტყვებს: „რამეთუ მწყემსი კეთილი სულს არ დაიშურებს ცხოვართათვის თვისთა“. და როცა უბედური ცხვრები იქანცებიან ბუნებასთან უთანაბრო ბრძოლაში, რომელსაც მძიმე შრომით სტაცებენ „პურს ჩვენის არსობისა“, ანდა როცა იბრძვიან იმ ადამიანთა უსამართლობის წინააღმდეგ, რომელთაც სურთ გაკრიკონ ისინი და ზოგჯერ გაატყავონ კიდევ, მაშინ „კეთილი მწყემსი“ ვალდებულია დაეხმაროს მათ ამგვარ ბრძოლაში. ევროპის სასულიერო წოდებამ შესანიშნავად გაიგო თავისი როლი. მართალია, ამ როლის შესრულების დროს იგი საკუთარი ინტერესების საფუძვლიანი შეგნებით უფრო ხელმძღვანელობს, ვიდრე ქრისტეს მოძღვრებით, მაგრამ ჩვენ მიზნებთან საქმე არა გვაქვს. ჩვენთვის მნიშვნელოვანია შედეგი...

დასავლეთ ევროპაში მღვდელი მარტო სულიერი მამა კი არაა თავის სამწყსოსი, არამედ მოწყალეების ძმაც, ექიმიც, დამცველიცა და მრჩეველიც პრაქტიკული ცხოვრების ყველა დარგში. მას ნდობით მიმართავენ ავადმყოფი, მომჩივანი, მშრომელი და გაჭირვებით ან უსამართლობით დაჩაგრული. იგი ყველა მათგანს არა მარტო სულიერად აიხმედებს, არამედ მატერიალურადაც ეხმარება. სემინარიამ, რომელსაც ოსტატურად ხელმძღვანელობენ, შესაძლებლობა მისცა მას — იყოს სახალხო ფერმალიც, კანონების მცოდნეც, ასე თუ ისე — აგრონომიც. ერთს ასწავლის როგორ გამოიყენოს უფრო ხელსაყრელად მიწა, მეორეს — როგორ დააღწიოს თავი თაღლითი პეზობლის უკანონო პრეტენზიებს, მესამეს მისცემს ან გამოუწერს წამალს, ხოლო ყველას ერთად შეასწავლის როგორ დააარსონ სალარო, სკოლა, საავადმყოფო... თუ ვინმეს თხოვნა აქვს დასაწერი — დაუწერს უფასოდ, თუ დასაცავია ვინმე მერის ან სუპრეფექტის წინაშე, თვით წავა სადაც საჭიროა და შეაწივეს ორიოდ სიტყვას... და ამას აკეთებს ყველგან და ყოველთვის, რადგან ასწავლეს და იცის ყველაფერი ეს. მართალია, როცა რომელიმე გლეხი ცდილობს ჩაწვდეს არისტოტელეს ნაწარმოებების ან კატეგორიების აზრს, სოფლის მღვდელი იძულებულია აღიაროს, რომ კლასიკური განათლება არ მიუღია და უმეცარია... მაგრამ ამბობენ, რომ ასეთი შემთხვევები იშვიათია. სამაგიეროდ ძალზე ბევრია ისეთი შემთხვევები, როცა მღვდელს ხალხისათვის პრაქტიკული და თვალსაჩინო სარგებლიანობა მოაქვს, რის გამოც მას დიდი გავლენა აქვს ხალხზე და მნიშვნელოვან როლს თამაშობს ხალხის ცხოვრებაში, რაც ჩვენს მწერლებს ძალზე აკვირვებთ...

ეს გავლენა საშიში ძალაა, როცა იგი მიმართულია არასახელმწიფოებრივი მიზნების განხორციელებისაკენ. მაგალითად, რომის პაპის ხელში — კათოლიკური სასულიერო წოდება — მთელი დისციპლინირებული არმიია, რომელიც ემსახურება რომის ინტერესებს და არა იმ სახელმწიფოსას, რომელშიც ცხოვრობს. მაგრამ, მაღლობა ღმერთს, ჩვენ სასულიერო წოდებას არ შეუძლია ემსახუროს ამგვარ მიზნებს, რადგან არ იზიარებს უქორწინობის პრინციპს, რის გამოც სასულიერო წოდება გარემოს სწყდება და რომის მბრძანებლის ბრმა იარაღი ხდება... ამიტომ, არავითარი საფუძველი არ გვაქვს, ვისურვოთ ან ვეცადოთ — სამღვდლოება გონებრივად და სულიერად დავასუსტოთ, თითქოსდა იმის შიშით, რომ ჩვენში კლერიკალიზმი განვითარდება, რაზედაც, სხვათა შორის, ჩვენში არავინ არ ფიქრობს...

აი მიზანი, რომლისაკენაც, ჩემის აზრით, ყველა ჩვენი სასულიერო-სასწავლო დაწესებულება უნდა ისწრაფოდეს. აი, ამოცანა, რომელიც უნდა დაისახოს ყველამ ჩვენი სასულიერო განათლების წესდებისა და პროგრამის შედგენის დროს...

თუ ჩვენ ამ საზომით მივუდგებით სასულიერო-სასწავლო დაწესებულებებში სწავლების არსებულ მდგომარეობას, დავინახავთ, რომ ეს საზომი არც უღდება მათ და არც იყენებენ სწავლების დროს. ადრე ჩვენ დავინახეთ, რომ ენების არსებული სწავლება ეკლესიის მომავალ მსახურს თითქმის უენოს ხდის სამწყსოს წინაშე. ახლა გადავდივართ სხვა საგნების სწავლების განხილვაზე და დავინახავთ, რომ გარდა სქოლასტიკისა და ცხოვრებისათვის სრულიად გამოუსადეგარი წვრილმანებისა, სასულიერო სასწავლებლები ახალგაზრდობას არაფერს ასწავლის...

სრულიად გასაგები მიზეზების გამო, ჩვენ არ შევცხებით ისეთი საგნების სწავლებას, როგორც „დოგმატიური ღვთისმეტყველება“ და ა. შ. დავიწყოთ „აუცილებელი მეცნიერებებიდან“. ჩვენს სემინარიაში, მაგალითად, ალგებრის მთელ კურსს მხოლოდ პირველ კლასში ვაღიან; მხოლოდ სახელისათვისაა მეორე კლასში გადატანილი რამდენიმე „თხზულება“. გეომეტრიის მთელ კურსს ვაღიან მეორეში, ტრიგონომეტრიას—მესამეში, და ფიზიკის მთელ კურსს—მეოთხეში. უნდა გვახსოვდეს ისიც, რომ ამავე მეოთხე კლასში, ფიზიკის გარდა, ასწავლიან არა მხოლოდ ძველ ენებს, ჩვენს მიერ ადრე აღნიშნული მოცულობით, არამედ ფსიქოლოგიას, ფილოსოფიას, კოსმოგრაფიას და სხვა საგნებს. მთელი ფიზიკა მოსწავლეებმა ერთი წლის განმავლობაში უნდა გაიარონ და ამ საგანს კვირაში ოთხი საათი აქვს დათმობილი.

აი სრული და უნუგეშო სურათი ჩვენს სემინარიებში ყველა იმ საგნის სწავლებისა, რომელთაც უნდა მოამზადონ ხალხის მომავალი ხელმძღვანელები! განა ამის შემდეგ გასაკვირია, რომ სემინარიადამთავრებული და მღვდლად ნაკურთხი კაცი, როცა თავის სოფელში ბრუნდება, ხალხში მხოლოდ გაოცებას იწვევს? მას არა თუ ორისამი წინადადების დალაგებულად თქმა არ შეუძლია საწმყოსათვის მისთვის გასაგებ ენაზე, არამედ ყოველ წუთს ანცვიფრებს ხალხს იმითაც, რომ არაფერი ესმის მათი ცხოვრების. უფრო პრაქტიკულ როლზე კი ლაპარაკიც ზედმეტია... რა იცის ამ უმეცარმა სამწყსომ, რომ მათი ახალი მღვდელი ყველა კლასიკოსს აჯობებს ბერძენი და რომაელი ავტორების à livre ouvert-ის თარგმანში?

82. კორესპონდენტები მოქმედ კორპუსში

(ლაშქრობის დროინდელი დაკვირვებებიდან)

„სამხედრო კორესპონდენტი“ — სრულიად ახალი მოვლენაა რუსეთის ცხოვრებაში. როგორც ცნობილია, მშვიდობიანობის დროს ჩვენი პრესა იშვიათად ეხებოდა სამხედრო ყოფა-ცხოვრებას, რადგან „აკრძალულად“ თვლიდა... თითქმის არვის ჰქონდა იმედი, რომ ომი ამ მდგომარეობას შეცვლიდა. ხივინის ლაშქრობა, რომელმაც უხმოდ ჩაიარა, ჯერ კიდევ ყველას ახსოვდა... ამიტომ ყველა გაკვირვებული ფიქრობდა, ვინ და რა უნდა შეგვატყობინოს სამხედრო საქმეების შესახებ. ომის გამოცხადებამდე ეს საკითხი ძალზე აღელვებდა ჩვენს ჟურნალისტურ სამყაროს. არცერთი გაზეთი არ ამზადებდა კორესპონდენტებს და არავინ არ ემზადებოდა ამ როლისათვის...

ომის გამოცხადებამდე კარგა ხნით ადრე სამხედრო სამინისტრომ სავსებით გასაგები და კანონიერი განკარგულება გასცა, რომ საომარი მოქმედების დაწყებამდე პრესაში არ გამოექვეყნებინათ არავითარი ცნობა ომისათვის მზადებისა და ჯარების გადაყვანის შესახებ. თავისთავად ცხადია, რომ პრესა, რომელიც პატივს სცემს თავის თავს და საკუთარი ქვეყნის ინტერესებს, თავად არ დაუშვებს ამგვარი ცნობების გამოქვეყნებას, მაგრამ ეს განკარგულება ბევრმა ისე გაიგო, როგორც სიტყვის თავისუფლების შეზღუდვა... მიუხედავად ამისა, პრესაში მაინც გამოქვეყნდა*, ცენზურის ნებართვით, საკმაოდ საფუძვლიანი სტატიები სამეურნეო საკითხებზე, რომელთა სახალხო განხილვას არ შეეძლო ევნო სახელმწიფო საიდუმლობისათვის, ხოლო სახელმწიფო ხაზინას დიდი სარგებლობა მოუტანა. ეს გარემოება კარგის მომასწავებლად მიიჩნეეს.

ომის გამოცხადებიდან რამდენიმე დღის შემდეგ კორესპონდენტების დაშვების საკითხი პრინციპულად გადაწყდა და გადაწყდა და-

* იხ., მაგალითად, სტატია საიჭარო სისტემის შესახებ, რომელიც დაიბეჭდა 1876 წელს „ტიფლისკი ვესტნიკში“.

დებიდა. ცხადია, ეურნალისტების სიხარული უსაზღვრო იყო. თუმცა ჯერ კიდევ შიშით და გაოცებით შეჰყურებდნენ ყოველივე ამას... ნებართვა ყოველ კორესპონდენტს მთავარსარდლისაგან უნდა აეღო. ამავე დროს, წინასწარ იყო განსაზღვრული, რომ ნებას მხოლოდ იმ პირთ დართავდნენ, რომელთაც წარჩინებული ადამიანების რეკომენდაცია ექნებოდათ, ასეთი რეკომენდაცია შეიძლებოდა ტელეგრაფითაც გადაეცათ. სამხედრო კორესპონდენტების სტატიებისათვის შექმნეს სპეციალური სამხედრო ცენზურა ისეთ გამომცემლობებშიც კი, რომლებიც განთავისუფლებული იყო წინასწარი ცენზურისაგან. პეტერბურგში, ამ მიზნით, კომისია შეიქმნა მთავარ შტაბთან, ხოლო ოდესაში, კიევისა და თბილისში — ადგილობრივ სამხედრო ოლქების შტაბებთან. უცხოეთიდან მოსული ტელეგრაფების და წერილების ცენზურაში გატარება დაევალა იმ რაზმების შტაბებს, რომელთანაც კორესპონდენტი იმყოფებოდა.

საერთო პრინციპის მიხედვით, სპეციალურ ცენზურას პრესაში არ უნდა დაეშვა ორი რამ: ცნობები ჩვენი ჯარების რაოდენობისა და ადგილსამყოფელის შესახებ და მათი მოქმედების გეგმების წინასწარ გამოქვეყნება. სხვა მხრივ კი კორესპონდენტებს უფლება ჰქონდათ ფართოდ აღეწერათ მომხდარი ფაქტები და ემსჯელათ მათ განხორციელებაზე, როგორც ეს არაერთხელ გამოგვიცხადეს ყველას. ამ მხრივ, გვეუბნებოდნენ ჩვენ, სპეციალური ცენზურა სრულ გასაქანს გაძლევთ...

ყველა კორესპონდენტს დაურიგეს კორესპონდენტის ნიშანი. ჩვენი ნიშანი სრულიად არ გავდა იმას, რომელიც დუნაის არმიის კორესპონდენტებს დაურიგეს. ჩვენი ნიშანი წარმოადგენს ვერცხლის რგოლს, რომელიც ძალზე ცოტათი ჰგავს გვირგვინს, ხოლო შუაში, გიორგის ლენტის ცენტრში ასო „K“-ა ჩასმული. დუნაის კორესპონდენტებისაგან განსხვავებით, რომლებიც ნიშანს სახელოზე იკეთებენ, ჩვენ მკერდზე ვიკეთებთ. ნიშნები ყველას უფასოდ დაგვირიგეს. სიმაართლე რომ ითქვას, ნიშნები მაინცდამაინც დიდი ნახელავი არაა, თუმცა თბილისის ოსტატებს მეტს ვერც მოსთხოვ...

მოქმედი კორპუსის კორესპონდენტების ბრძოლის ველზე ჩამოსვლა შეიძლება ასეთი რიგით დავალაგოთ: პირველად ჩავედი მე, როგორც ჰავანის სააგენტოსა და „ტიფლისკი ვესტნიკის“³ წარმომადგენელი. ეს მოხდა აპრილის უკანასკნელ რიცხვებში. 11 მაისს, როცა ჩვენ არდაგანიდან დავბრუნდით, ზაიმში ჩამოვიდა „ნოვოე ვრემიას“³⁵ კორესპონდენტი ნ. ვ. სიმბორსკი, მაგრამ მთავარსარდლის ნებართვის გარეშე; ამიტომ უფლება არ ჰქონდა გაეგზავნა დეპეშები და კორესპონდენციები. 20 მაისს ზაიმში ჩამოვიდნენ „გო-

ლოსის“²⁷ კორესპონდენტი და „რუსკოე თოზზრენიეს“²⁴ რედაქტორი გ. კ. გრადოვსკი. 24 მაისს მაცრაში ჩამოვიდა „ს. პეტერბურგსკიე ვედომოსტის“²⁴ კორესპონდენტი ნ. ა. პოტეხინი. შემდეგ, 8 ივნისს, როცა ჩვენ სოლანლულის ლაშქრობაში ვიღებდით მონაწილეობას, ჩამოვიდა პარიზის გაზეთის „Temps“-ის კორესპონდენტი შარლ დე კუტული. როდესაც ზვიინიდან მაცრაში დავბრუნდით, აქ დაგვხვდა „Times“-ის ახალჩამოსული კორესპონდენტი ფორბსი და „New - York Herald“-ის კორესპონდენტები — ბატ. მიკი და უილერი. 10 ივლისს ჩამოვიდა კორესპონდენტი ს. ა. მუსინ-პუშკინი, ხოლო 5 აგვისტოს — „ნოვოე ვრემიას“³⁵ ახალი კორესპონდენტი პ. ა. იზმაილოვი და „Daily News“-ის კორესპონდენტი ვიქტორ იულიუსი. აგვისტოს ბოლოს ყარაიაზში ჩამოვიდა „ნოვოე ვრემიას“ უახლესი კორესპონდენტი ა. ი. პალმი. საჭიროა დავსძინოთ, რომ, სხვა კორესპონდენტების დაქინებებითი თხოვნის შედეგად, ივლისის პირველ რიცხვებში ბატ. სიმბორსკის ნება დართეს შეესრულებინა თავისი მოვალეობა.

ამათ გარდა, კორესპონდენტთა რიცხვს უნდა მივაკუთვნოთ აგრეთვე კორპუსის შტაბის უფროსი ადიუტანტის თანაშემწე, პორუჩიკი პ. პ. ვოლხოვსკი, რომელიც კორესპონდენტებს უზგავნიდა „მოსკოვსკიე ვედომოსტის“²⁸ -სა და „კავკაზს“¹⁹.

მე მგონია, რომ სამხედრო კორესპონდენტების მდგომარეობა, პიროვნება და ხასიათი ისევე იმსახურებს საზოგადოების ყურადღებას, როგორც ის ჩარჩოები, რომელთა შორისაც მათი მოღვაწეობაა მოქცეული. მკითხველი საზოგადოებისათვის არ უნდა იყოს სულერთი, ვინ წერს და ვის არმიაზე. მე გაკვრით შევხებები ამ საგანს, და როცა საფუძვლიანად გავეცნობი ჩემი კოლეგების ნაწარმოებებს, კვლავ დავუბრუნდები მას.

დავიწყოთ კორესპონდენტების მატერიალური მდგომარეობიდან. ამ მხრივ თავისთავად იქმნება მკვეთრი ზღვარი რუს და უცხოელ კორესპონდენტებს შორის. ამ უკანასკნელთ „განუსაზღვრელი კრედიტი“ აქვთ გახსნილი და შეუძლიათ დახარჯონ რამდენიც მოესურვებათ. მათ შორის მხოლოდ ბატ. კუტული ღებულობს გარკვეულ თანხას — 4000 ფრანკს თვეში*. დანარჩენები კი ღებულობენ კუთვნილ თანხას და როგორც კი დახარჯავენ მას, ღებულობენ ისევ ამდენს და ასე უსასრულოდ. ბატ. ფორბსი, „Times“-ის კორესპონდენტი, ღებულობს 500 გირვანქა სტერლინგს**, ხოლო

* ახლანდელი კურსის მიხედვით, დაახლოებით, 1.600 მანეთს თვეში.

** ახლანდელი კურსის მიხედვით, დაახლოებით, 5.000 მანეთი.

„New-York Herald“-ის და „Daily News“-ის კორესპონდენტები 200 და 300 გირვანქა სტერლინგს*. თავისთავად ცხადია, რომ ამდენი სახსრები მათ შესაძლებლობას აძლევს წავიდნენ ყველგან, სადაც კი რამეა სანახავი; შესაძლებლობა აქვთ ისხდნენ გვირგვინ კარავში და წერონ სტატიები, რადგან არ უხდებათ სადილის, ვახშმის ან ცხენისათვის ქერის ძებნა და სამუშაოსაგან მოცდენა. ჰყავთ მთარგმნელები, რომლებმაც იციან ყველა ადგილობრივი ხალხის ენა და 100 და 120 მანეთით თვეში ყველაფერს მზამზარეულად იღებენ. ჰყავთ მსახურები, საკუთარი ცხენები, როგორც საჯდომი, ასევე სასაპალნე; ზოგს აქვს საკუთარი ამერიკული კარვები, ოთხთვალეები და სამზარეულოებიც. ერთი სიტყვით, როგორც ლაშქრობის დროს, ასევე ბანაკში, მათ აქვთ ყველა აუცილებელი საყოფაცხოვრებო ნივთი და ისეთებიც კი, რომლებითაც ყველა რუსი კორესპონდენტი სახლშიც კი ვერ სარგებლობს.

რუს კორესპონდენტებს სხვადასხვა ხელფასი აქვთ. ზოგი ღებულობს გარკვეულ თანხას 100-დან 500 მანეთამდე თვეში. ზოგმა მიიღო გზის ფული, ხოლო ჰონორარს სტრიქონების მიხედვით უხდიან. ზოგი კი ღებულობს 30 მანეთს თვეში და 3 კაპიკს ყოველ სტრიქონში. ყველაზე მდიდარი დედაქალაქის გაზეთებიც კი არ იხდიან 500 მანეთზე მეტს თვეში. გარდა ამისა, ჩვენს კორესპონდენტებს კუთვნილ ფულს დროზე არ უხდიან. მე ბევრი ვნახე ისეთი, რომელიც თვეობით ელოდა ფულს. უცნაური ამბავია: ამერიკელები ახერხებენ ნიუ-იორკიდან მაცრაში ფულის გადმოგზავნას, ხოლო ჩვენ გამოცემლებს არ შეუძლიათ ფული გადმოგზავნონ თუნდაც ვოლგაკამენსკის ბანკის მეშვეობით ან ფოსტით! წარმოიდგინეთ, როგორ უნდა მოქმედებდეს უცხო მხარეში, უცხო გარემოში მოხვედრილ დედაქალაქელ ჟურნალისტზე ის გარემოება, რომ კვირეებისა და თვეების მანძილზე არა თუ მგზავრობისათვის საჭირო სახსრები არ გააჩნია, არამედ საარსებოც!..

გარდა ამისა, უმრავლესობა ჩამოვიდა „მსუბუქად“ ჩაცმული თითქოს მცირე აზია ნევის პროსპექტის გაგრძელებაა. ისინი ლაშქრულ ცხოვრებას ალბათ იმ ჩვენი Attaché militaire-ის თვალით უყურებდნენ, რომელიც, ყარსში სალაშქროდ მიმავალი, გზაში კითხულობდა: „y a-t-il des hôtels à Mazras?“ როცა სამხრეთში მიემგზავრებოდნენ, მათ ეგონათ, რომ აქ საშინელი სიცხე იქნებოდა. მათ დააეიწყდათ, რომ სომხეთის მთელი ზეგანი ზღვის დონიდან 6.000 ფუტის სიმაღლეზეა! მაგრამ რა მძიმე მდგომარეობა-

* ახლანდელი კუჩისის მიხედვით 2.000, 3.000 მანეთი.

შიც არ უნდა იყოს საზაფხულო პიჯაკის ამბარა დარჩენილი სიცივი-საგან აქანკალელებული ადამიანი, ეს მაინც არაფერია იმ საზრუნავთან შედარებით, რაც აქ რუს კორესპონდენტებს ხვდათ წილად. ყოველ მათგანს დღელამეში რამდენიმე საათი უნდა დაეკარგა (განსაკუთრებით ლაშქრობის დროს), რომ გაეშალა ან დაეჭირავებინა კარავი, ეშოვა დასალევი ან დასაბანი წყალი, ეკმია ცხენისათვის და ა. შ. ზოგჯერ ადამიანი ისე იღლებოდა ამ უსარგებლო და უაზრო ფუს-ფუსში, რომ იგი არაფერზე არ ფიქრობდა გარდა იმისა, რომ გაგორებულიყო ნაბაღზე და ნესტიან მიწაზე წმინდანის ძილს მისცემოდა...

სრულიად ვერ გამიგია, რით უნდა აიხსნას ჩვენი „მდიდარი“ გაზეთების გამომცემელთა ამგვარი სიძუნწე. ომის დროს ამ ხარჯების ანაზღაურება ყოველთვის ადვილია, რადგან იზრდება გაზეთის გავრცელებისა და გაზიდვის შესაძლებლობა, მათი სახელის, რეპუტაციისა და ავტორიტეტის ზრდის მეშვეობით. ასეთ შემთხვევებში სიძუნწის გამოჩენა, საკუთარი ინტერესებისათვის ძირის გამოთხრაა. თუმცა ეს თვით ბატ. გამომცემლების საქმეა და მე არ უნდა ვასწავლიდე მათ ჭკუას. რაც უნდათ ის ქნან!..

გადავდივართ რა კორესპონდენტთა პიროვნების დახასიათებაზე, არ ვიცი, როგორი თანამიმდევრობა დავიცვათ რანგის მიხედვით.

დიდხანს რომ არ ვიმტყროთ თავი, აღწერ მათ იმ რიგის მიხედვით, როგორც აქ ჩამოვიდნენ, ე. ი. „ნამსახურობის“ მიხედვით.

1. ნ. ვ. სიმბორსკი

ნიკოლოზ ვასილის-ძე სიმბორსკი, რომელიც აქ „ნოვოე ვრემიას“ რედაქციამ გამოგზავნა, ჩვენს ლიტერატურაში და ჟურნალისტიკაში ნაკლებად ცნობილი პიროვნებაა. იგი ჯერ ძალზე ახალგაზრდაა; ჩემის აზრით, 26 წელზე მეტის არ იქნება. დაბალი, ჩაფსკენილი, ვოლგისპირეთის მცხოვრებთა ცნობილ ტიპს ჩამოგავს. ყველაფერიდან ჩანს, რომ მის ძარღვებში სლავიანური სისხლი შეერია თათრულს, მაგრამ დიდი ხნის წინათ. ჩვეულებრივ მისი გამოხედვა მეტყველი არაა, მაგრამ ჩაფიქრების დროს ქვეშ-ქვეშ იყურება, რასაც თან ახლავს ღრმა ფიქრისა და რაღაცნაირი გაუგებარი გაბოროტების იერი. თითქოს უკმაყოფილოა, რომ ფიქრი უხდება... იმ წუთებში, როცა აღფრთოვანებულია ან წარმატებას აღწევს, მხიარულია, მაგრამ მხიარულია საზეიმოდ, თეატრალურად და მისტიკურა-

დაც კი. ყოველი წარუმატებლობა ისევე მოქმედებს მასზე, როგორც „რუსეთის ინტელიგენციის“ დიდ ნაწილზე: იგი პასიური ხდება, უარს ამბობს წინააღმდეგობაზე და თავდავიწყებას საკუთარი თავის ხელოვნურ გაღიზიანებაში ან ძილში ეძებს... საერთოდ ბუნებით იგი უფრო „გონებითმკვრეტელია“, ვიდრე „დამკვირებელი“. მას არც დიდი ცნობისმოყვარეობა გააჩნია და არც სიახლე სწყურია. მისი გონება ხანგრძლივი რეფლექსით ცხოვრობს და პატრონს ძიების, გამოკითხვისა და მგზავრობისაკენ არ მოუწოდებს. ერთი სიტყვით, მას შეუძლია ყველაფერი იყოს, რაც უნდა, მხოლოდ არა სამხედრო კორესპონდენტი. გამომცემელს, რომელმაც აქ ამგვარი სელაპი * გამოგზავნა, ეტყობა სრულიად არ შეუძლია ადამიანების ცნობა და არავითარი „ალო“ არ გააჩნია.

მე უკვე მოგახსენეთ, რომ ბატ. სიმბორსკი ნაკლებადაა ცნობილი ჩვენს ქურნალისტიკაში. მას აქამდე არაფერი დაუწერია და არაფერი დაუბეჭდია, გარდა რამდენიმე მშვენიერი, რუსული ბილინების ყაიდაზე დაწერილი ლექსისა, რომლებიც დაიბეჭდა „ნედელიაში“⁸⁹ და ბატ. გრადოვსკის „რუსკოე ობოზრენიეში“. პოეტური ნიჭის მიხედვით, ბატ. სიმბორსკი თამამად შეიძლება დავაყენოთ ჩვენი თანამედროვე საუკეთესო პოეტების გვერდით. მის ლექსებში დიდი ძალაა და სავსეა გრძნობითა და ხატოვანებით. ფორმის მხრივ მისი ლექსები წუნდაუდებელია, ხოლო შინაარსით — ღრმა.

საჭიროა აღვნიშნოთ, რომ ბატ. სიმბორსკი, „ნოვოე ვრემიას“ მუდმივი თანამშრომელიც კი არაა. მის სასარგებლოდ უნდა ითქვას, რომ მას არც შეუძლია გამოიჩინოს თავი იმ ხალხში, რომლებიც თავიანთ წარმატებას ამყარებენ იაფფასიან ლიბერალიზმზე და მკაცრე შოვინიზმის გაღვივებაზე, რომლის ნახევარი შედეგებელია პროგრესისტული მანერით, ხოლო მეორე ნახევარი — მოსკოვურით. არ ვიცი, ბატ. სუვორინის მსგავსად, მივა თუ არა იგი იქამდე, რომ შესცვალოს „მსუბუქი ფორმით“ როგორც ტრადიციები, ასევე პრინციპები და საღი აზრიც კი. მაგრამ აქამდე მას ეს არ გაუკეთებია. როგორც ვნებადეთ, მაგრამ ჩვენს ღრმში ეს პატარა საქმე როდია...

სამხედრო საქმესა და მეცნიერებაზე ბატ. სიმბორსკის, რა თქმა უნდა, მკირედი წარმოდგენაც არ აქვს. მთელი ჩვენი ინტელიგენციის მსგავსად, მას ეს დარგი მიაჩნდა „ჩამორჩენილ სპეციალობად“, რომელსაც „განვითარებულმა ადამიანმა“ ხელი არ უნდა მოჰკიდოს.

* მას ჩაეძინა და ზვრინვა ამოუშვა პირველი შეტაკებისთანავე. რომელსაც იგი შეესწრო.

ადამიანები დაინტერესებულნი არიან სპირიტუზმით, გატაცებით ადევნებენ თვალყურს ძმები დავენაორტების წარმატებას, მთელ სიცოცხლეს სწირავენ წყალმცენარეების, ანდა მუცლის ქიების შესწავლას და, ამავე დროს, უგულვებელყოფენ ისეთ დარგს, რომელიც უშუალო გავლენას ახდენს ხალხებისა და სახელმწიფოების ბედზე! დიახ, უცნაურობა ბევრია ქვეყანაზე!

ბატ. სიმბორსკი ბანაკში მართო ზაფხულის ერთი პიჯაკის ამარა ჩამოვიდა. დიდ ხანს მას მართლაც უჭირდა. გასცეს განკარგულება გაძევებინათ იგი რაზმიდან, რადგან თბილისიდან ზაიმში თვითნებურად ჩამოვიდა. მაგრამ გენერალ-ადიუტანტ მ. ტ. ლორის-მელიქოვის მხარდაჭერამ და თანამოძმეების ბეჯითმა თხოვნამ ააცილა თავიდან ამგვარი ხვედრი. ამავე დროს, ბატ. სუვორინი მას ტელეგრამას ტელეგრამაზე უგზავნიდა და სტატიებსა და ტელეგრამებს თხოვდა. მთელი ჩვენი ბანაკი სიცილით იგულებოდა, როცა გაიგეს, თუმცა არ ვიცი საიდან, რომ ბატ. სუვორინი სთხოვს თავის კორესპონდენტს აცნობოს ტელეგრაფით „უმნიშვნელო ამბები“. ყველამ ერთხმად გადაწყვიტა, რომ ასეთი რამ მოსალოდნელია ბატ. სუვორინისაგან. საჭიროა ითქვას, რომ აქაც, ისევე როგორც ჩვენს მხარეში, „ნოვოე ვრემიას“ ცოტა პატივისმცემელი ჰყავს. დეპეშაში მართლაც აღყარსთან დარჩა. ხოლო რამდენიმე დღის შემდეგ, ზივინიდან დაბმონდა ბედუკულმართი სიტყვები და სიცილმა, რა თქმა უნდა, ერთიორად იმატა.

ნებართვის მიღებამდე ბატ. სიმბორსკის არაფრის გაკეთება არ შეეძლო. მას ურჩევდნენ მომზადებულიყო და დაემზადებინა თუ წერილები არა, მასალა მაინც. მაგრამ მას არ შეეძლო მუშაობა: „ძალზე მძიმე მდგომარეობაა“ — ეუბნებოდა იგი თავის მრჩეველებს... ბოლოს, როგორც იქნა, მიიღო ნებართვა. მაგრამ მას შემდეგ მე მას იშვიათად ვხედავდი: მე სოლანლულში გავემგზავრე, იგი კი რუნებულში, თბილისში გავემგზავრე და დავრჩი მანამდე. სანამ ჩვენი ჯარები უმოქმედოდ იდგნენ. ამ რამდენიმე დღის განმავლობაში მან საქმეს მოკიდა ხელი და დაწერა პირველი ექვსი ფურცელი თავისი პირველი კორესპონდენციისა. ჩვენ ყველას გულით გვიხაროდა ეს ამბავი და იგიც გულახდილად გვიზიარებდა, თუ რა პროგრესს მიაღწია მუშაობაში. მაგრამ ბედი მას ყველგან სდევნიდა და უცრად საძაგელი საქმე მოუვიდა. ბანაკს საშინელი ქარი მოაწყდა. კარები ჰაერში აიტაცა, ჩარდახები საპაერო ბურთებივით გაიბერა. ღმერთმა იცის საით გადაისროლა ნაბლები, ქულები, კიტელები... მათთან ერთად გაიტაცა ბატ. სიმბორსკის ხელნაწერიც. მე გარეთ წვიმაში ვიდექი, ხელში საგზალი მეჭირა და ვხედავდი როგორ მი-

ქონდა ქარს „ნოვოე ვრემიას“ კორესპონდენციები. ბატ. სიმბორსკი ჩემთან მოვიდა და გულწრფელი, გულისმომკვლელი მწუხარებით მითხრა: „თავს ძალა დავატანე და ისე დავწერე პირველი წერილი და ისიც, ზომ ხედავთ, ქარმა წაიღო“. შემდეგ გადააფურთხა და პიერშის ნაყარისაკენ წავიდა. მე ძალზე შემეცოდა იგი და რას არ მივცემდი, რომ ბედის ეს საძაგელი უსამართლობა გამომესწორებინა...

როცა თბილისიდან ბანაკში დავბრუნდი, ბატ. სიმბორსკი იქ აღარ დამხვდა. მიამბეს, რომ შეთხზა რამდენიმე „სატირული ლექსი“ ზივინის საქმეზე. ამის გამო გაძევებას უპირებდნენ, მაგრამ ბოლოს თავაზიანად სთხოვეს გადასულიყო რომელიმე სხვა რაზმში, მგონი ერევნისა, მაგრამ იგი არ წავიდა...

კურობაში რომ თვალსაჩინო იყოს, მოვიყვან აქ ამ ლექსს. ლექსში ყველა ცხადად დაინახავს გაზვიადებას. თუ მხედველობაში მივიღებთ ომიანობის დროს და დაბალი წოდების პირთა დაბეჭითებით თხოვნას—„სამაგალითოდ დაისაჯოს“ ავტორი, მაშინ უნდა დამეთანხმონ, რომ უმაღლესმა სამხედრო ხელისუფლებამ, რომელიც შემწყნარებლურად ექცეოდა ბატ. სიმბორსკის, მოწინავე შეხედულებები გამოამჟღავნა და ლექსში მხოლოდ „ხუმრობა“ დაინახა, რაც უადგილო იყო ამ დროისათვის, რადგან კავკასიის არმიის ბრწყინვალე გამარჯვებებმა ჭერ კიდევ ვერ მოასწრო აღმოეთხვრა წარუმატებლობის სამწუხარო შთაბეჭდილება... ახლა, ცხადია, ამ ლექსს მხოლოდ ანეკდოტური მნიშვნელობა აქვს. აი, ისიც:

Песнь о чертовой дюжине

Под трубный звук, под звон кимвалов
В кровавый бой, как на парад,
Пошли тринадцать генералов
И столько ж тысячей солдат.

Был день тринадцатый июня...
Отпор турецкий был не слаб...
О стену лбом мы бились втупе, —
Тринадцать раз напутал штаб...

Тринадцать раз, не зная страха,
Солдаты лезли на удар,
И славил столько раз Аллаха
За их начальников Мухтар

...Под трубный звук, под звон кимвалов
С челом сияющим, назад
Пришло тринадцать генералов
И чуть не столько же солдат...

ამ აზრის სიმკაცრე და გაზვიადება ყველასთვის ცხადია, ყველას თვალში ხვდება...

ივლისის ბოლოს ბატ. სიმბორსკი ალექსანდროპოლში გაემგზავრა, იქიდან კი—თბილისში. ამასობაში კი „ნოვოე ვრემიას“ რედაქციამ კორესპონდენტთა მთელი გუნდი გამოგზავნა. ივლისის ბოლოს ალექსანდროპოლიდან თბილისამდე ემგზავრობდი ერთ-ერთ მათგანთან — პ. ა. იზმაილოვთან ერთად, რომელზედაც შემდეგ გვექნება ლაპარაკი.

ბატ. სიმბორსკიმ, როგორც ამხანაგმა, ჩემზე ძალზე სასიამოვნო შთაბეჭდილება დასტოვა, მისი უაღრესი გულახდილობა, შეუფერავი გულთბილობა, თავის მოწონების სრული უგულვებელყოფა, პრიმიტიული უბრალოება და მზადყოფნა — გაენაწილებინა მახლობელისათვის ლუკმა-პურიც — ძალაუწილებურად მიზიდავდა. ჩემში კიდევ უფრო დიდ სიმპათიას იწვევდა იმის შეგნება, რომ იგი სინამდვილეში ძალზე ნიჭიერი ახალგაზრდაა, რომელსაც სხვა პირობებში, განსაკუთრებით კი სხვაგვარი მომზადების შემთხვევაში, შეეძლო დიდი სარგებლობა მოეტანა მშობლიური ლიტერატურისათვის... მე ხშირად ვფიქრობდი ამაზე. როცა მას ეუყურებდი. თუმცა, პოეტის სიტყვებით რომ ვთქვათ, „რა საჭიროა სინანული, თუ შეველა არ შეიძლება“, მაგრამ როგორც კი ბატ. სიმბორსკის სახე თვალწინ წარმომიდგება, ეს აზრი ახლაც არ მასვენებს.

2. გ. კ. გრადოვსკი

გრიგოლ კონსტანტინეს-ძე გრადოვსკი — „გოლოსის“ კორესპონდენტი, ამავე გაზეთის ყოფილი ფელეტონისტი (წერდა ფსევდონიმით „გამმა“), „გრაჟდანიის“⁹⁵ ყოფილი რედაქტორ-გამომცემელი და „რუსკოე ობოზრენიეს“ ახლანდელი რედაქტორი — გაცილებით მეტადაა ცნობილი რუსულ ჟურნალისტიკაში. ისიც ახალგაზრდა, ოცდაათი წლის კაცია. გარეგნობა წარმოსადეგი აქვს. მაღალი, ტანადი და ლამაზია. აქვს სახის სწორი ნაკეთები, გარშემორტყმული ხშირი, წითური, ჯაგრისებრი თმებით და წვერით. პირველად მისი საუბარი საკმაოდ არასასიამოვნო შთაბეჭდილებას ტოვებს: იგი ზუსტად ისევე ჰქიმავეს და შაქრავს სიტყვებს, როგორც ამას აკეთებენ დედაქალაქელი „მონწერიკები“ და სალონის „ფატიშკები“. მე არ მესმის სად შეიძინა მან გამოთქმის ასეთი მანერა, რადგან სინამდვილეში იგი უაღრესად თავმდაბალი და ზრდილობიანი კაცია. მე მასთან ერთად საკმაოდ დიდხანს ვცხოვრობდი ისეთ პირობებში, სადაც ძნელია თავი არ მოიწონო, სხვისი სახე არ მიითვისო. მაგრამ

შე პრანქვისა და კონტაობისა მასში არაფერი შემინიშნავს. იგი უკიდურესად თავაზიანია, ამ სიტყვის საუკეთესო მნიშვნელობით. ეს თავაზიანობა მიდის არა მარტო საკუთარი თავის შეზღუდვამდე, რომ სხვამ უკეთ იგრძნოს თავი, — რის უნარიც ძალზე ცოტას შესწევს ლაშქრობის დროს, — არამედ ტანჯვამდე, როცა აუცილებელია, რომ ვინმეს უსიამო რამ უთხრას. იმ შემთხვევაშიც კი, როცა ბატ. გრადოვსკის სინილისი იძულებულს ხდის გამოთქვას საკუთარი აზრი, რომელიც მსმენელისათვის უსიამოა, იგი, ჩანს, თავის თავს ძალას ატანს, რადგან ხმას უწევს, თმის ძირამდე წითლდება და გაჭირვებით გამოთქვამს აზრს. ამავე დროს მისი თვალები მუდარას გამოხატავენ: თითქოს მსმენელს ბოდის უხდის იმისათვის, რომ ლაპარაკობს. ასეთ წუთებში ბატ. გრადოვსკი ძალზე ჰგავს ინსტიტუტელ ქალს, რომელიც იძულებულია უარის თქმით გული დასწყვიტოს საყვარელ ადამიანს.

ბატ. გრადოვსკის ტალანტი არაჩვეულებრივთა რიცხვს ეკუთვნის. მისი ფრაზა უბრალოა და თბილი... აშკარაა, რომ რუსულ ეურნალისტიკაში, სადაც მან უკვე გზა გაიკაფა, მას მნიშვნელოვანი როლის შესრულება მოუწევს. მაგრამ მე დარწმუნებული ვარ, რომ ხელსაყრელ პირობებში იგი არა მარტო ეურნალისტიკაში შეასრულებს როლს...

ჩემი აზრის გასარკვევად საჭიროა აქ მცირე რამ ჩავერთოთ. ჩვენში, ჩვეულებრივ, მწერლები ამა თუ იმ ლიტერატურულ წრეს ან ამა თუ იმ პოლიტიკურ პარტიას ეკუთვნიან. ყოველი მათგანი მოქმედებს ძველი ტრადიციების სფეროში და ნაკლებად უცვლის სახეს ჩამოყალიბებულ აზრებსა და რწმენას. მხოლოდ ზოგიერთ მათგანს შეუძლია, ანდა ბედავს, შეცვალოს... თანამედროვე ეურნალისტიკაში ჩვენ ვხედავთ ასეთი სახეცვალებადობის ორ რელიეფურ მაგალითს. ერთია ბატ. სუვორინი, რომელიც ლიტერატურულ ასპარეზზე გამოდიოდა, როგორც ყოველგვარი და ყოველნაირი, არა ნაკლებ „პროგრესიული“ ფელეტონების ავტორი, ხოლო გასულ წელს ლიბერალიზმის დოგმატები თავიდან მოიშორა და ახლა ცდილობს ყველაზე რეტროგრადული მისწრაფებები ლიბერალური ფერებით შეღებოს... მეორეა, ბატ. გრადოვსკი, რომელმაც სამსახურებრივი კარიერა გენერალ ბეზაკთან დაიწყო კიევში, ხოლო ლიტერატურული მოღვაწეობა — „გრაჟდანიის“ ფურცლებზე, შემდეგ, „გოლოსის“ ფურცლებზე დაბეჭდილ ფელეტონებში, თანდათან ლიბერალიზმისაკენ გადაუხვია, ხოლო გასულ წელს, თავის „რუსკოე ობოზრენიეში“, პროგრესულ თვალსაზრისამდეც კი მივიდა. მაგრამ ამ უკანასკნელის სასარგებლოდ უნდა ითქვას, რომ იგი სრულიად

არ მალავს თავის სიმპათიებსა და მისწრაფებებს — თქვენ შეგიძლიათ არ დაეთანხმოთ მას, მაგრამ ძნელია შეცდეთ ამ კაცის შეფასებაში. იგი დარწმუნებულია, რომ შესაძლებელია პროგრესული პოლიტიკის გამოყენება არსებულ ურთიერთობათა დროს და ამო-
მორიგებისაყენ ისწრაფვის...

...განხორციელება კი როდისმე მისი ვარაუდი? მე არ მინდა ამ საკითხს შევეხო. მაგრამ მე ეჭვი არ მეპარება, თუ როდისმე ეცდებიან ამ მხრივ რამე გააკეთონ, ბატ. გრადოვსკიმ მონაწილეობა უნდა მიიღოს მის განხორციელებაში... აი, რატომ ვამბობდი ზემოთ, რომ ხელსაყრელ პირობებში ბატ. გრადოვსკი მნიშვნელოვან როლს ითამაშებს და არა მარტო უურნალისტიკაში... იგი ჯერ ახალგაზრდაა, სწამს ამ საქმისა და ნიჭითაც დაჯილდოებულია, ღმერთმა ხელო მოუმართოს! ჩვენ კი ყოველივე ამას შორიდან დავაკვირდებით...

და მე მაინც ამ როლს და ამ ამოცანებს ვარჩევ, ვიდრე სუეორინისას...

როგორც უკვე აღვნიშნეთ, ბატ. გრადოვსკიმ სამსახური დაიწყო კიევში, გენერალ ბეზაკთან. იგი იყო განსაკუთრებულ დავალებათა მოხელე და ეს ადგილი დაიკავა კიევის უნივერსიტეტის იურიდიული ფაკულტეტის დამთავრების შემდეგ. მერე გადავიდა პეტერბურგში, სადაც არ ვიცი რა თანამდებობა მიიღო იუსტიციის სამინისტროში. ამავე დროს გახდა თავად მეშჩერსკის „გრაჟდანიის“ ფაქტიური რედაქტორი და „გოლოსის“ ნამდვილი ფელეტონისტი. „გოლოსში“ დაბეჭდილმა მისმა სტატიებმა ყურადღება მიიქცია. ცხადია, მას მაშინვე შესთავაზეს... თქვენ გგონიათ, დაწინაურება? ო, არა, მას წინადადება მისცეს ან სამსახურისათვის დაენებებინა თავი, ანდა ლიტერატურისათვის.

იგი სამსახურიდან გადადგა...

ბატ. გრადოვსკიმ ლიტერატურაში განსაკუთრებით 1876 წელს გაითქვა სახელი, როცა „გოლოსში“ თავს დაესხა მ. გ. ჩერნიაევს. ბატ. სუეორინმა, მისთვის დამახასიათებელი მოურიდელობით, იმ წამსვე მოინდომა ბატ. გრადოვსკი თურქოფილად მონათლა, რასაც მოგვიანებით თვით სუეორინისათვის ხელი არ შეუშლია „ნოვოე ვრემიაში“ გაცილებით უარესი დაწვრილებითი ცნობები დაებეჭდა ბატ. ჩერნიაევზე. ბატ. გრადოვსკის სასახელოდ უნდა ითქვას, რომ იგი ომის საკითხს ძალზე საქმიანად მიუდგა. რაც კი შეეძლო ეწინააღმდეგებოდა შოვინიზმს, რომელიც ლიტერატურაში „ნოვოე ვრემიაში“ შემოიტანა და მთელი არსებით გამოხატავდა აღშფოთებას, როცა ჩვენი შოვინისტები შარლატანურ, ცრუ ხერხებს იყენებდნენ. ბატ. დროგომონოვთან ერთად, მან პირველმა შეუძახა მთელ რუ-

სეთს, რომ კეთილსინდისიერი საქმე კეთილსინდისიერ ხერხებს მოითხოვს და მოიგონა, რომ რუსეთს შინაც ბევრი მოვალეობა აწევს და ბევრი საზარუნავი აქვს. ამგვარი განცხადება პოპულარობის დაკარგვას, საზოგადოების სიმპათიების წინააღმდეგ წასვლას, დინების საპირისპიროდ ცურვას ნიშნავდა. ბატ. სუეორინი მიხვდა ამას და ცილისწამების მეშვეობით ადვილად დაამარცხა ბატ. გრადოვსკი. ნაწილობრივ ჩვენ უკვე ვხედავთ, ვინ იყო მათ შორის მართალი. ვნახოთ, რას გვეტყვის მომავალი...

მე არ შემძლია გადავწყვიტო, რამდენად დამოუკიდებლად მოქმედებდა ბატ. გრადოვსკი ბატ. ჩერნიაევზე თავდასხმის დროს, ე. ი. არ ვიცი, რა ინიციატივა გამოიჩინა ამ საქმეში მან და რა — „გოლოსის“ რედაქციამ. მხოლოდ მრავალი წლის შემდეგ გაირკვევა ეს საკითხი, რადგან თვით „გოლოსის“ რედაქცია ბევრ რამეს სხვეების „შთაგონებას“ აწერს... არ ვიცი, მართალია ეს თუ არა, მაგრამ საჭიროა სიმართლე ითქვას. სულერთია ნებაყოფლობით თამაშობდა თუ არა „გოლოსი“ წმინდა ოფიციალურ როლს სლავიანურ ომში, იგი მაინც უფრო საღად მიუღდა ჩვენს ძალებსა და სიძნელეებს, ვიდრე ჩვენი, დამოუკიდებელი გაზეთები. შეიძლება იყო დამოუკიდებელი, გულწრფელი, მოუსყიდავი ჟურნალისტი და მხარი დაუჭიროო „გოლოსის“ პოლიტიკას, დაეხმარო მას მთელი ენერგიით. მე არ ვიცი, მართლა ასეთი იყო ბატ. გრადოვსკის როლი, თუ ზემოდან შთაგონებით მოქმედებდა და იზიარებდა მათ საფუძვლიანობას... მაგრამ რამდენადაც მე ვიცნობ ბატ. გრადოვსკის, ვფიქრობ, რომ საკითხი პირველი თვალსაზრისის სასარგებლოდ უნდა გადაწყდეს.

ახლა დაეუბრუნდეთ ისევ ბატ. გრადოვსკის, რომელსაც ერთი წუთით დავშორდით.

ძალზე ვწუხვარ, მაგრამ მე შევამჩნიე, რომ მის გონებრივ განვითარებაში, რითაც იგი ჩვეულებრივ დონეზე მალდა დგას, არის ასეთი ხარვეზები, რაც არ ეპატიება კაცს, რომელიც ბატ. გრადოვსკის როლს თამაშობს. როგორც ეტყობა, მას არ შეუსწავლია ფუნდამენტალურად ჩვენი ჟურნალისტიკის ისტორია, არ გასცნობია იმ დიდი მწერლების მოღვაწეობას, რომელთაც განავითარეს ჩვენი პრესა და საუკეთესო აზრები და მისწრაფებები შემოიტანეს. მხოლოდ ორი-სამი მწერლის ნაწარმოებთა კრებულებში ვერ იპოვი ადრინდელი მოღვაწეების იმ პატიოსნურ მეცადინეობას, რომლითაც ყოველთვის იამაყებს რუსული ლიტერატურა, რა ბრწყინვალეც არ უნდა იყოს მისი შემდგომი ბედი. სამწუხაროდ, ჩვენში ნაკლებად ეცნობიან ძველ, ოციანი, ოცდაათიანი, ორმოციანი, ორმოცდაათიანი და სამოციანი წლების ჟურნალისტებსაც კი. მას მხოლოდ ზოგიერ-

თი ეცნობა და ისიც ცალმხრივად, ეძებს მხოლოდ მარგალიტებს და ავიწყდება, რომ საჭიროა იმ მიმართულებების შესწავლა: რომელთაც ებრძოდნენ ჩვენი საუკეთესო მწერლები, მაგრამ რაც ჩვეულებრივ მკითხველს ებატება, სრულიად არ ებატება ისეთ უფრნალისტს, როგორიც ბატ. გრადოვსკია. იგი რომ საფუძვლიანად გასცნობოდა ჩვენი ლიტერატურის წინა პერიოდებს, ცხადად დაინახავდა, რომ ბევრი საკითხი, რომლებზედაც სასაცილოდ იმტვრევენ თავს ჩვენი ლიტერატურის პიგმეები, დიდი ხანია გადაწყვიტეს უგონიერესმა ადამიანებმა... გარდა ამისა, იგი დაინახავდა, რომ დიდ ნაწილს იმ ყალბი არგუმენტებიდან, რომელთაც ბატ. კატკოვები, სუვორინები და მათი მსგავსნი ხახაში აჩრიან ჩვენს უმეცარ ლიბერალებს, ძველი დროის რეტროგრადებიც იყენებდნენ, მაგრამ შაშინ ამგვარ არგუმენტებს იმ წამსვე აბათილებდნენ... ძალზე ვწუხვარ, რომ თანამედროვე ინტელიგენტები რატომღაც დარწმუნებულნი არიან, თითქოს სამყარო მხოლოდ იმ დღეს შეიქმნა, როცა მათ უღვაშები ამოუვიდათ.

საჭიროა კი იმის თქმა, რომ ბატ. გრადოვსკისთან საუბარი ისევე სასიამოვნოა, როგორც ყველა ჰკვიან კაცთან? რომ შეტაკებებისა და ბრძოლების დროს იგი კეთილსინდისიერად მიიჩქარის იქეთკენ, სადაც შეიძლება რაიმე საინტერესო ნახოს, მაგრამ სადაც, ტყუილებისა და ყუმბარების სახით, „სიკვდილი დაჰქრის“. ბედმა, რომელმაც მე ასეთ წუთებში ოდნავ გაფითრების უნარი მომანიჭა, უხვად დააჯილდოვა იატ. გრადოვსკი შესაშური ბედნიერებით, რადგან როცა საფრთხე ელის, იგი წითლდება. ეს მას ძალზე უხდება. ამ დროს მას სიცოცხლე ემატება, უფრო მოძრავი და ნერვიული ხდება. ხოლო კეთილ თვალებში აღფრთოვანება უბრწყინავს. ზივინის ბრძოლაში იგი ბატ. კოლაკუტსკის ბატარეას ესტუმრა და არტილერიისა და თოფების საშინელ ცეცხლში მოხვდა. მას სურდა ცეცხლში „მონათლულიყო“ და აღისრულა კიდევ სურვილი. მაგრამ, შტაბის მიტოვების გამო, ბევრი წააგო, რადგან იქ ამ ხნის განმავლობაში, უამრავი საინტერესო რამ მოხდა... ცეცხლში მოხვედრილი ბატ. გრადოვსკი თავის განცდებს უბრალოდ, გულახდილად გვიყვება და, ამავე დროს, გულკეთილად დასცინის საკუთარ თავს და შიშის გრძნობას. თუმცა, ლაშქრობაში მე ჯერ არ შევხვედრივარ ადამიანს, რომელიც ამგვარ ამბებით ბაქიობდეს, წლობით ბრძოლებში ნაცადი და მთელ კორპუსში ვაჟკაცობით სახელგანთქმული უამაცესი მეომრები გულახდილად გვიამბობენ იმ გულის დამამძიმებელ გრძნობაზე, რასაც საფრთხის დროს განიცდიან, მაგრამ რომელსაც ნებისყოფის დაძაბვით და თავდაჭერილობით სძლევენ. ამას წინათ

ბატ. კომაროვი (არდაგანელი), ცნობილი უმამაცესი მეომარი, გვე-
უბნებოდა, რომ „ცხოველად“ თელის იმ ადამიანს, რომელიც არ
განიცდის ამ გულისდამამძიმებელ გრძნობას, როცა მისი სიცოცხლე
საფრთხეშია და რომ სიმამაცე სწორედ ამ გრძნობის დაძლევაა...

საჭიროა დავსძინოთ, რომ ბატ. გრადოვსკიმ ცოლი ჯერ კიდევ
უნივერსიტეტში სწავლის დროს შეირთო და ახლა ცოლ-შვილი პე-
ტერბურგში ჰყავს... ეს ამბავი ძალზე შეაწუხებს ბევრ ჩემს მშვე-
ნიერ მკითხველს, რომელთაგან ზოგიერთს, ალბათ, უკვე შეუყვარდა
ჩემს მიერ აღწერილი ბატ. გრადოვსკი, მაგრამ რას იზამ, სიმართლე
უპირველეს ყოვლისა.

3. ნ. ა. პოტეხინი

ნიკოლოზ ანტიპოს-ძე პოტეხინი — „ს. პეტერბურგსკიე ვედო-
მოსტის“⁷⁴ კორესპონდენტი, დრამატული მწერალი, ავტორი „სა-
ჭირობოროტო სადღეისო საკითხების“, „მკვდარი მარყუჟის“, „ოს-
ტატმა ოსტატი იპოვა“ და სხვ. ნაწარმოებებისა. ჩვენს შორის დარ-
ჩეს და იგი შეიძლება ჩაითვალოს ძოფენ დ' აგე. ბატ. პოტეხინი
ორმოც წელსაა გადაცილებული. მე მას ვხვდებოდი, როცა ჯერ კი-
დევ თითქმის ბავშვი ვიყავი, „ისკრის“⁹⁶ განსვენებული რედაქტო-
რის ვ. ს. კუროჩინის წრეში, 1863 წელს, მაშინ ბატ. პოტეხინი
მოხდენილი გარეგნობის მქონე ახალგაზრდა კაცი იყო და, ალბათ,
განებივრებული, მსახიობ ქალებსა და კამელიებს შორის მოპოვე-
ბული წარმატებებით; ნუ დაგავიწყდებათ, რომ მათ შორის ძალზე
ძნელია წარმატების მოპოება, თუ არ შეგიძლია ძვირფასი საჩუქა-
რი მიართვა. მაშინ იგი ახალი დაბრუნებული იყო უცხოეთიდან და
გაუძლო რვათვიან კარანტინს... ისე მახსოვს, თითქოს ახლა ხდებო-
დეს. იგი იდგა ვ. ს. კუროჩინის ფართო კაბინეტში ზურგით ღუ-
მელს მიყრდნობილი, პარიზიდან ჩამოტანილი უნაკლოდ შეკერილ
კოსტუმში გამოწყობილი. შეკრებილნი, როგორც ყოველთვის, შე-
ზარხოშებულნი იყვნენ. დ. დ. მინაევი ყურადღებით უცქერდა ცა-
რიელ ბოთლების ბატარეას; ი. ი. დმიტრიევი კმუჭნიდა „მოსკოვს-
კიე ვედომოსტებს“²⁸, კუროჩინი ხარხარებდა და მღეროდა თა-
ვის „Внѣшнии края—я—я—я“-ს, ხოლო ვ. ბურენინი ვილაცას
უკითხავდა უკანასკნელ კუბლეტებს იმ დროისათვის თავის ძალზე
გრივუაზული მუზის ნაყოფს*, რომელიც აკრძალა ცენზურამ „თა-
ვადის ქალი ნელის“ უწყესო ნაწყვეტების გამო... ნ. ა. პოტეხინიც

* ახლა კი ეს ბატონები „ნოვოე ვრემიაში“ ბრალად მდებენ „უხამსობას“,
გაცილებით ნაკლებ გრივუაზული ქარაგმების გამო.

შეზარბოშებული იყო, მაგრამ მომეჩვენა, რომ, მოუხედავად ამისა, იგი თავის თავს სხვებზე მალა აყენებდა: წარმოიდგინეთ, იგი საზღვარგარეთ იყო, ნახა იქაურობა, ელაპარაკა იქაურებს, იქდა მათთან ერთად: ბატ. პოტეხინის პოზაში ძალზე ბევრი თეატრალობა და არაბუნებრიობა იყო. მაშინ მე ძალზე მწყინდა, რომ ამგვარმა არაბუნებრიობამ წაახდინა ის კარგი შთაბეჭდილება, რაც მისმა გარეგნობამ მოახდინა ჩემზე. მისი მალალი შუბლის სითეთრეს მკვეთრად გამოჰყოფდა ხშირი, მუქი, გრძელი, მოდაზე უკან გადავარცხნილი თმა, *à la Herzen* უღვაშები მის სახეს ვაჟკაცურ იერს აძლევდა, ხოლო მუქი, სწორად დავარცხნილი და შეღებილი წვერი სიმკვეთრეს მატებდა. ცოცხალ, ღია ცისფერ თვალებში ხშირად შეიმჩნეოდა ის მორჩილი სევდიანი ჩაფიქრება, რაც ძალზე სიმპათიურ გამომეტყველებას აძლევს მისი ძმის ა. ა. პოტეხინის, „მთხრობელი პოტეხინის“ თვალებს.

მას შემდეგ მე არსად შევხვედრივარ ნ. ა. პოტეხინს მაცრაში ჩამოსვლამდე. 1863 წლის პოტეხინის გარეგნობა ჯერ კიდევ ცოცხლობდა ჩემს მეხსიერებაში, როცა ჩვენთან მოვიდა საშუალო ტანის, შუახნის ბატონი, თხელი წვერით და გამოხუნებული მზერით. მე თვალებს არ დაუუჯერე, როცა გ. კ. გრადოვსკიმ გამაცნო იგი და მითხრა, ეს ნ. ა. პოტეხინიაო. იგი დაღლილი იყო ფოსტის ცხენებით მგზავრობით, მე ეს მივიღე მხედველობაში, მაგრამ ცვლოვებამ მაინც გამაკვირვა. მას უკვე დასიებოდა თვალის ქუთუთოები, რაც გადაჭარბებული, ხანგრძლივი დროსტარების აუცილებელი შედეგია და სახეს აღრენილ, წუწუნა, აპათიურ და მძინარა გამომეტყველებას აძლევს. ლოყებზე და შუბლზე უკვე გასჩენია ნაოჭები, ხოლო ღია ცისფერ თვალებს *gris perle* ფერი მიუღია. დაუმატეთ კიდევ ამას, ასე ვთქვათ, რევმატიული, არამყარი სიარული და თქვენ საკმაოდ ნათელი წარმოდგენა გექნებათ ბატ. პოტეხინის გარეგნობაზე. ანოგვიანებით იგი ცოტათი გაახალგაზრდავდა და გამოჯანსაღდა მთის ჰაერის წყალობით.

ნ. ა. პოტეხინის ლიტერატურული მოღვაწეობა დაიწყო ოცი წლის წინათ, თითქმის მაშინვე, როგორც კი მოსკოვის უნივერსიტეტის კურსი დაამთავრა. 1858 წელს იგი ახლდა გენერალ ს. ა. ხრულევს ყირიმში, კავკასიასა და სპარსეთში. ამ მგზავრობის შედეგად ბატ. ჩიოვისა და ბაბსტის ჟურნალში (მგონი „პრომიშლენოსტ“) დაიბეჭდა მისი სტატიები შემახიის გუბერნიაში შეაბრეშუმეობასა და ნავთის მრეწველობის შესახებ. შემდეგ მან იმოგზაურა ვოლგაზე და კალმიკეთის ველებზე, რომლის აღწერა დაბეჭდა „სევერნაია პჩელაში“⁹, რომელმაც მაშინ განაახლა გამოსვლა ბატ.

უსოვის რედაქტორობით, და ერთ დროს, ბატ. ლესკოვ-სტებნიცკის უმაგალითო გმირობამდე, საზოგადოებას აკვირებდა თავისი ლიბერალიზმით... ამის შემდეგ მალე მან დაიწყო „ისკრაში“ მთელი რიგი ნიჭიერად დაწერილი ზნეობის ამსახველი სცენების ბეჭდვა: „Наши в Париже“, „Фигуры откупной колоды“ და ა. შ. რაც 1864 წელს ცალკე წიგნად გამოვიდა და ჰქონდა საერთო სათაური „Наши безобразники“. ამ სცენაში აღწერილი იყო მოიჯარადრეთა და სხვა ტუზების ნამდვილი თავნებობა, უსაქციელობა და ამ სცენებმა საკმაოდ მნიშვნელოვანი წარმატება მოიპოვა. განზოგადოებისა და გაფილტვრის გარეშე თანამედროვე ფინანსიური სამყაროს წარმომადგენლების ზნეობრივი გახრწნის ნამდვილი სურათების სცენაზე გადატანის ამგვარი მანერა ნ. ა. პოტეხინმა შემდეგში საფუძვლად დაუდო თავის დრამატურჯიულ მოღვაწეობას.

ამავე პერიოდს (1861) ეკუთვნის მისი პირველი დრამატიული ნაწარმოებები—„Дока на доку наше“ და „Быль молодцу не укор“, რომლებითაც დებიუტანტმა-დრამატურგმა ერთბაშად მიიქცია თუ კრიტიკის არა, თეატრალური საზოგადოების ყურადღება. ორივე ნაწარმოები დაიბეჭდა „ოტეჩესტვენნიე ზაპისკიში“, ზუსტად ისევე როგორც „Доля-Горе“ დაწერილი 1862 წელს. ყველა დრამა იმავე წელს დაიდგა დედაქალაქისა და პროვინციულ სცენებზე, სადაც კარგა ხანს შერჩა. კარანტინიდან განთავისუფლების შემდეგ იგი კიდევ უფრო გულმოდგინედ შეუდგა თეატრალურსა და ლიტერატურულ მოღვაწეობას. ჯერ კიდევ კარანტინში ყოფნის დროს მან დასწერა „Родительская Сынота“, დიდი ნარკვევი, რომელიც დაიბეჭდა „რუსკოე სლოვოში“⁹⁸, ხოლო 1863 წელს „ეპოხაში“⁹⁹ დაბეჭდა კომედია „Врач — сценпалист“, რომელიც აკრძალა თეატრალურმა ცენზურამ რუსულ სცენაზე დასადგმელად. ამ კომედიაში იგი აკრიტიკებდა „ქალთა მკურნალებს“, რომლებიც გზას მეცნიერების შესწავლითა და გამოყენებით კი არ იკაფავენ, არამედ ბუღუარში გაწეული სამსახურითა და თავაზიანობით...

1863 წელს წყდება ბატ. პოტეხინის ლიტერატურული მოღვაწეობა. მას უნდოდა, რაც შეიძლება ახლოს გასცნობოდა სცენას, მთლიანად ამ საქმეს მიეცა და გაემგზავრა ვილნოში, სადაც დაიწყო მსახიობობა და რეჟისორობა რუსულ თეატრში, რის გამოც დიდი სკანდალი ატყდა მაშინდელ პრესაში. ვილნოდან იგი გადავიდა კიევში, სადაც რეჟისორი და დირექტორ-ანტრეპრენიორი იყო. ამ დროიდან მოყოლებული, 1872 წლამდე, იგი რეჟისორობდა და თამაშობდა ოდესაში, ელისატგრადში, დონის-როსტოვში, ხარკოვში,

ქერჩში, ჰელსინგსა და რიგაში. უკანასკნელ ოთხ ქალაქში იგი ამასთან ერთად ღირებუქტორი იყო, ხოლო რიგასა და ჰელსინგში რუსული თეატრი დააარსა...

1872 წელს ბატ. პოტეხინი კვლავ დაუბრუნდა ლიტერატურას. ერთი წლის მანძილზე მან თავის სოფელში დაწერა დიდი ხნის ჩანაფიქრი ღრამა — „*Мирна даш*“, სადაც სცენაზე გამოიყვანა კონცესიონრობისა და სარკინიგზო ძარცვის ერთ-ერთი გმირი, თუმცა არ შეხებია ამ სისტემის საერთო მიზეზებსა და საფუძვლებს. კონცესიონერი-ვაჭრის და კონცესიონერი-ბატონის სახეები აღწერილია ნატურიდან, ყველასთვის ცნობილი მსხვილი „მოღვაწეების“ მიხედვით. თუმცა ამ და შემდეგ დაწერილ ნაწარმოებებზე ვრცლად ლაპარაკი არ ღირს: ჩემს მკითხველთაგან ვის არ უნახავს ისინი სცენაზე? 1875 წელს ჩვენმა ავტორმა დადგა სცენაზე „მკვდარი მარყუჟი“, რომელიც ეძღვნება „განქორწინების საკითხებს“, ხოლო წელს დასწერა კომედია „საუკუნის რაინდი“, რომელიც როგორც ამბობენ ბატ. ვეჭილებს ეძღვნება.

მე აქ ბატ. ნ. ა. პოტეხინის ღრამატიულ ნაწარმოებებზე კრიტიკულ სტატიას კი არ ვწერ, არამედ მხოლოდ მშრალად ჩამოვთვლი ფაქტებს, მაგრამ ჩვენთვის საინტერესო ავტორის დასახასიათებლად საჭიროა ითქვას, რომ თანამედროვე ღრამატურგ-მწერლებს შორის ნ. ა. პოტეხინს უკანასკნელი ადგილი არ უჭირავს და, ყოველ შემთხვევაში, აქვს ორიგინალური, მხოლოდ თავისი საკუთარი სახე. ყოველ შემთხვევაში, ვერავინ ვერ იტყვის უარს იმაზე, რომ მისი ნაწარმოებები მაყურებლებში კითხვებსა და ეჭვებს იწვევს. მე არ ვიცი, რამდენად ზოგადი და სიცოცხლის უნარიანი იქნებიან ბატ. პოტეხინის სახეები. მაგრამ უნდა ითქვას, რომ მათი ბედის მქონე ადამიანები ხშირად გვხვდება ცხოვრებაში... მაგრამ ნუ შეუღდებათ კრიტიკულ განხილვას. ჩემი წერილი ისედაც გრძელი გამოდის, სათქმელი კი წინ ბევრია.

როგორც სამხედრო კორესპონდენტი, ბატ. პოტეხინი წერს „მხატვრულ-დაწვრილებით“ და საფუძვლიან სტატიებსა და ნარკვევებს. ჩვენს ადგილობრივ პრესასა და „გოლოსში“ დაიბეჭდა რამდენიმე ფიცხი მხილება, ბატ. პოტეხინის მიერ ვლადიკავკავის ბულვარისა და საქართველოს სამხედრო გზის აღწერისას დაშვებული უზუსტობების შესახებ. ყველა ეს მხილება დამთავრდა ამგვარი წამოძახილით: „კარგი რამ იქნება ამ ვაჟბატონის სამხედრო კორესპონდენციები!“. ჩემის აზრით, წერილმანების გამო დიდი ხმაური ატეხეს. ბატ. პოტეხინის სამხედრო კორესპონდენციები გამოირჩევა განსაკუთრებული, თითქმის წერილმანებამდე დასული საფუძე-

ლიანობით. იგი სრულიად არ იცნობს სამხედრო საქმეს და კეთილ-სინდისიერად ცდილობს ცნობები სარწმუნო წყაროებიდან მიიღოს. ბატ. პოტეხინი სწავლობს გეგმებსა და რუკებს, კითხულობს ჟურნალებს, აწარმოებს ბრძოლების მონაწილეთა და სპეციალისტების დაწვრილებით გამოკითხვას და ადგენს საკმაოდ კარგ და დაწვრილებით ანგარიშს. რა თქმა უნდა, წერილმან შეცდომებს ვერ გაექცევი, მაგრამ ამისგან სპეციალისტებიც კი არ არიან დაზღვეულნი? საერთოდ კი ბატ. პოტეხინის მოთხოვნა, ჩემის აზრით, ერთ-ერთი საუკეთესოა. მისი ძირითადი ნაკლი ისაა, რომ აგვიანებს, რაც იმის შედეგია, რომ როცა მას სურს ზუსტად და სრულად გააშუქოს რომელიმე საკითხი, „პიროვნებათა მთელი მასის“ გამოკითხვა უხდება. ისიც შესაძლებელია, რომ ადგილობრივი პრესის თავდასხმამ ბატ. პოტეხინი ფრთხილი და საკუთარი თავისადმი უნდო გახადა. თუ ეს ასეა, პრესას მადლობა ეთქმის. მაგრამ ეს ამბავი ბატ. პოტეხინის სასარგებლოდაც ლაპარაკობს, რადგან გაკვეთილი გამოიყენა.

ვერძო ცხოვრებაში ბატ. პოტეხინი პატრიარქალურია. მისი უბრალოება ზოგჯერ იქამდე მიდის, რომ კარგად ჩანს, როგორ შეეჩვიო კულისებსა თუ სოფელში თავისუფალ ცხოვრებას... ზოგჯერ მასში მცირე ხნით იელეებს ძველი, ახალგაზრდული ჩვევა „გამოჩნდეს“ ლაყბობით, ბაქიობით მიიქციოს ყურადღება... საერთოდ კი იგი თუ ცხოვრებადამთავრებული არა, ცხოვრებაგანვლილი კაცი მაინცაა, რომელსაც ბევრი რამ უნახავს. ასეთ კაცს ფრანგები უწოდებენ „bisage“-ს... რამდენადაც მე შევამჩნიე, ბატ. პოტეხინს ბევრი უკითხავს. განსაკუთრებით კი ახალგაზრდობაში. გონებრივი მონაცემებით იგი არ გამოირჩევა, მაგრამ მისი აზრები და ცოდნა ცხოვრებაზე და ადამიანებზე უშუალო დაკვირვებების შედეგადაა გამომუშავებული. ეტყობა, ბევრი რამ გადაიტანა, ბევრი რამ განიცადა და კამელიებისა და გამყიდველი ვეჭილების წყალობით შეიცნო იმ დიდი მორევის მცირე ნაწილი, რასაც ადამიანის გული ჰქვია. მაგრამ მე არ ვიცი ამ მორევი რამდენად ღრმად ჩახედვის შესაძლებლობა მისცა მას მისმა გულჩვილობამ *.

4. შ. დე-კუტული

პარიზის გაზეთის „Le Temps“-ის კორესპონდენტი შარლ დე-კუტული ახალგაზრდა კაცია, ოცდაათი წლისა, მრგვალი, ჩასუქებუ-

* ამას წინათ „ესემირანია ილუსტრაციამ“ დაბეჭდა ნ. ა. პოტეხინის ბიოგრაფია და გაამდიდრა იგი მისი ძმის, — ა. ა. პოტეხინის პორტრეტით. ვთხოვ ჩემს მკითხველებს, რომლებიც მოისურვებენ შეადარონ ჩემი ნარკვევი ამ პორტრეტს, მხედველობაში მიიღონ ეს შეცდომა.

ლი, პომადაწაცხებულო, შედებილი, პატარა წითური წვერით, ცოცხალი, კეთილი და მავედრებელი გამოხედვით. როგორც უკვე ვწერდი „ტიფლისკი ვესტნიკის“ ფურცლებზე, იგი შვეიცარიელ ან ელზასელ გერმანელს უფრო ჰგავს, ვიდრე ფრანგს. სინამდვილეში იგი ვანდელია და როგორც ყველა ვანდელი, გულმოდგინე და მშრომელი. ბავშვობა და ახალგაზრდობა გაატარა შტუტ-პარტში, სადაც მიიღო წმინდა გერმანული აღზრდა, ბურჟუაზიული, ზომიერი და აკურატული აღზრდა. იგი ფრანგთა იმ უმნიშვნელო რიცხვს ეკუთვნის, რომელთაც უცხო ენები იციან. გერმანული ენა ისე იცის, როგორც მშობლიური, კითხულობს ინგლისურად და სწავლობს რუსულს. მე არ შეეცდები თუ ვიტყვი, რომ უცხო ენების ცოდნა, რასაც თან ერთვის უცხო ლიტერატურის ცოდნაც, ფრანგულ ჟურნალისტიკაში მისი მომავალი წარმატების მთავარი საფუძველი იქნება.

შარლ დე-კუტული უმცროსი ძმა იმ ნიჭიერი სამხედრო კორესპონდენტისა, რომელმაც ასე ბრწყინვალედ აღწერა „Le Temps“-ში ესპანეთის შინა ომი და უელსის პრინციის მოგზაურობა ინდოეთში. თავად მან კი, 1870 წლის ომის შემდეგ, რომელშიც კაპრალის ჩინით მონაწილეობდა, „Avenir National“-ში დაბეჭდა ნარკვევი ცნობილი გერმანული პატრიოტული კავშირის „Tugendbund“-ის ორგანიზაციის შესახებ. იმ დროს გერმანიის შესწავლა საფრანგეთში მოღვაწე იყო. „Le Temps“-ის რედაქციამ, რომელიც უმთავრესად ელზასელებსაგან შესდგებოდა, ახალგაზრდა კუტული მაშინვე გაგზავნა ბერლინში საკუთარ კორესპონდენტად. მან აქ მიატოვა კორესპონდენტთა ძველი გზა, რაც ქორებისა და ინტრიგების შეგროვებასა და დიპლომატების ჩანაფიქრების და მოქმედების ამოხსნაში მდგომარეობდა და ფრანგებს აცნობდა პრუსიის ლიტერატურას, ჩვევებს და ეკონომიურ მდგომარეობას. მის წერილებს დიდი ინტერესით კითხულობდნენ, ოღონდ მკითხველთა ძალზე მცირე წრე. პირადად მე მისი სტატიები ყოველთვის მომწონდა განსაკუთრებით იმიტომ, რომ მათში არ იყო არავითარი ფრანგული დამყაყებულობა და იმის სურვილი, რომ ეკბინა, ემხილებინა გამარჯვებული; პირიქით, მათში მკლავნდებოდა სერიოზული მისწრაფება — შეესწავლა რაში მდგომარეობს გამარჯვებულების ძალა და საიდუმლოება, რა უნდა გადაიღონ მათგან, რათა ხელახლა დადგნენ მათზე მაღლა. თუმცა სენის სკოლის იდეალები და შულცე-დელიჩის მიმართულების თვალსაზრისი ჩინური კედელივით აღუდგა მათ წინ, მაგრამ მხოლოდ ნაწილობრივ... მისი ეტიუდები თანამედროვე გერმანულ დრამატულ

ლიტერატურაზე, პრუსიის აღმოსავლეთ ხაზის სახალხო ყოფაზე და ა. შ. თავის დროზე შეამჩნია ჟურნალებისა და გაზეთების ყველა სერიოზულმა მკითხველმა. გასულ წელს ბატ. კუტული იყო „Le Temps“-ის სამხედრო კორესპონდენტი სერბიაში, შემდეგ ამავე გაზეთში წერდა ყოველდღიურ პოლიტიკურ მიმოხილვებს (Bulletin), ხოლო წელს ამავე გაზეთმა ჩვენთან გამოგზავნა სამხედრო კორესპონდენტად.

როცა იგი ჩამოვიდა, პირველი რაც ვკითხე დაახლოებით ამგვარ ცნობილ ფრაზას გავდა:

— ნება მომეცით გავიგო, ვის ველაპარაკები, თქვენ თუ თქვენ ძმას? ე. ი. ვკითხე: „ესპანელ“ თუ „გერმანელ“ კუტულისთან მაქვს საქმე.

— სამწუხაროდ, ჩემი ძმა — მე ვარ, — მიპასუხა მან სიცილით.

მე მართლა გული დამწყდა, რადგან მისი ძმა მომწონდა, როგორც იმ ხალხთა ზნე-ჩვეულებების, მდგომარეობისა და ყოფის ბრწყინვალე აღმწერი, რომელთა შორისაც უმოგზაურია.

მიუხედავად შეხედულებების, რწმენისა და ხასიათის დიდი სხვაობისა, ჩვენ მაინც ჩქარა დაეახლოვდით. იგი მაცრაში მაშინ ჩამოვიდა, როცა ჩვენ სოღანლულში მივემგზავრებოდით. მე ვიცოდი, რა მიზნით ეწყობოდა ლაშქრობა და რა საფრთხე იყო მოსალოდნელი, მაგრამ უფლება არ მქონდა ვინმესთვის გამემხილა და ამიტომ პირდაპირ ვუთხარი მას: „რაც არ უნდა მოხდეს, წამოდიოთ ჩვენთან, კმაყოფილი დარჩებით“. მან დამიჯერა და მართლაც კმაყოფილი დარჩა იმით, რომ ზავინის ბრძოლას დაესწრო. ამ უბრალო გარემოებამ და რუსული ენის უცოდინარობამ იგი კეთილად განაწყობა ჩემდამი. სოღანლულის მთელი ლაშქრობის განმავლობაში ჩვენ ერთმანეთს არ მივეცილებივართ და ერთი და იმავე კარავში ვიძინებდით. დაღლილ-დაქანცულნი, ნახევრად მშვიერნი, დავეყრებოდით ხოლმე შიშველ მიწაზე დაგებულ საწოლზე, მაგრამ გაგვახსენდებოდა ხოლმე რომელიმე უადგილო ფრაზა სხვადასხვა ხალხებისა და ეპოქების მწერლის, ფილოსოფოსის, გენერლის, ორატორის ან მსახიობის შესახებ და ვიწყებდით კამათს. ჩვენ ხშირად დაგეთენებია თავზე კამათში გართულებს, ანდა ცხოვრებისა და აზრის რთული საკითხების პარადოქსალური გადაწყვეტის დროს. ვისაც რამდენიმე წელი უცხოვრია იმ ადამიანებთან, რომლებიც მხოლოდ სასამართლო წესდებებს იცნობენ, ანდა მხოლოდ სამსახურში დაწინაურებით არიან დაინტერესებულნი, ადამიანებთან, რომელთა შორის უკეთესებს მხოლოდ უფერული გაზეთების ფელეტონები აინტერესებთ, იგი მიხვდება, რა ხარბად ვეწაფებოდი მე ამ-

გვარ კამათს და რა ძლიერ მივეჩვიე ადამიანს, რომელმაც მეცნიერების, ცოდნისა და აზრის საყვარელ სამყაროში გადამიყვანა. მე გამოვცოცხლდი, ფრთები შემესხა, ათი წლით გაეახალგაზრდავდი. რა მნიშვნელობა ჰქონდა მაშინ ჩემთვის იმ ამბავს, რომ ბატ. კუტული ბურჯუაზიული მწერლების — სეის, ტენის, პრევო-პარადოლის და სხვათა მოძველებულ შეხედულებებს იზიარებდა? რა მესაქმებოდა, თუ მას „აშინებდა“ ჩემი თვალსაზრისი! საკმარისი იყო ისიც, რომ ჩვენს შორის გამოჩნდა ადამიანი, რომელთანაც არა მარტო მშობლიურ ეურნალისტიკაზე შეიძლებოდა ლაპარაკი, არამედ საერთოდ ლიტერატურაზე, როგორც წარსული, ასევე თანამედროვე განვითარების თვალსაზრისით. მე მთელი არსებით მივეცი ამ ნეტარებას და ხშირად ჩემი პირდაპირი მოვალეობაც კი მავიწყდებოდა.

ბატ. კუტულის სამხედრო კორესპონდენციები და მისი „ამიერკავკასიული წერილები“ მე გაცილებით ნაკლებად მომეწონა, ვიდრე მისი განათლება. წერს ადვილად, მაგრამ მან სტილის სიმსუბუქე და გამომხატველობა, ჩემის აზრით, უფრო მეტად ფრანგული ენის განვითარებულ ტექნიკას უნდა უმადლოს, ვიდრე საკუთარი ნიჭის ორიგინალობასა და ძალას. მეორეს მხრივ — იგი ჩამოვიდა ქვეყანაში, რომლის ისტორიაზე, ეთნოგრაფიაზე, ენაზე და ჩვევებზე წარმოდგენაც არა აქვს. ყოველივე ამის შესწავლა ძნელია და ბევრ დროს მოითხოვს, ხოლო კორესპონდენციების წერა აუცილებელია: ტყუილად ხომ არ უხდის რედაქცია 4.000 ფრანკს თვეში. ამიტომ უხდებოდა ბატ. კუტულის სხვისი ნათქვამის გამოყენება, არასწორი ცნობების მიწოდება, ამიტომ ცდებოდა. „დროებამ“⁶², „ივერიამ“⁶³ და ნაწილობრივ „ტიფლისკი ვესტნიკმა“ ამის გამო ცოტათი შეახურეს იგი. მაგრამ ეს გაზეთები ძალზე დიდ მნიშვნელობას ანიჭებდნენ წუთიერ კორესპონდენციებს. ასეთ ნაწარმოებებს ისევე ადვილად ივიწყებენ, როგორც წერენ. დიდხანს რჩება მხოლოდ ისეთი აზრები, რომლებიც საფუძვლად უდევს ფაქტებით გამაგრებულ მკაცრ კრიტიკულ ხედვას.

მგონი მე უკვე ყველაფერი ვთქვი ბატ. კუტულზე. ამას დაუმატეთ ისიც, რომ იგი გულდაგულ მიიწიეს ბრძოლებში, თავს არ ზოგავს, ისეთივე თავაზიანი და მორიდებულია, როგორც ყველა ფრანგი; საკუთარ გაზეთში თავგამოდებით იცავს რუსეთს და რატომღაც ჰგონია, რომ რუსეთი გერმანიის წინააღმდეგ საფრანგეთის ბუნებრივი მოკავშირეა. ამის შემდეგ, მე მგონია, თქვენ ბატ. კუტულზე საკმაოდ სწორი, ყოველ შემთხვევაში, საკმარისი წარმოდგენა შეგექმნებათ...

ჯორჯ ფორბესი (Forbes) — „Times“ -ის კორესპონდენტი, ჩვენს კორესპონდენტებს შორის ყველაზე სერიოზული და განათლებული კორესპონდენტი. იგი დაახლოებით ორმოცი წლის იქნება. ტანად მაღალი, ძარღვიანი და გამბდარი; წითური როგორც ყველი შოტლანდიელი, თვალები გამომცდელი აქვს, სახე კი — ძალზე აზრიანი. მოგვძო, გაპარსული მისი სახე მუდამ ატარებს ფიქრისა და აზრის სერიოზული მუშაობის კვალს, ყოველგვარი ყალბი სერიოზულობის გარეშე, რაც საზიზღარ გამომეტყველებას აძლევს დასრულებულ იდიოტებს... დრო და დრო, როცა საუბარი საინტერესოა, მის სახეს ამშვენებს გულკეთილი ღიმილი, რაც ძალზე მომხიბვლელს ხდის მას.

ბატ. ფორბესი შემთხვევითი კაცი არაა. იგი შეილია სახელგანთქმული ფიზიკოსის, ედინბურგის უნივერსიტეტის პროფესორის, რომელიც ავტორია ბევრი აღმოჩენისა და დაკვირვების. თავად მან კი უკვე დაიმკვიდრა საპატიო სახელი მეცნიერულ ლიტერატურაში და გლაზგოს უნივერსიტეტის პროფესორია. 1875 წელს ინგლისის მთავრობამ იგი გაგზავნა წყნარ ოკეანეში, რათა დაკვირვებები მოეხდინა ვენერაზე, როცა მზის დისკოს გაუვლიდა. მან არ ისურვა იმავე გზით დაბრუნებულიყო უკან, რომლითაც დასახულ პუნქტამდე მიადწია. ამიტომ პეკინიდან სახმელეთო გზით, კიახტასა და ციმბირის გავლით, პეტერბურგში ჩამოვიდა. როგორც თვითონ ამბობს, ამ მგზავრობამ მას კარგი შთაბეჭდილება შეუქმნა რუსეთზე და ყველა ფენის რუს ადამიანებზე. „ეს სასიამოვნო შთაბეჭდილება მნიშვნელოვნად შეიცვალა ახლა, როცა რუსებთან საქმიანი ურთიერთობა მაქვსო“, — მითხრა მან. მართლაც, პირველი ნაბიჯების გადადგმა მას გაუჭირდა. სანამ კორესპონდენტად დაშვების ნებართვას მიიღებდა, იგი ექვსი კვირის მანძილზე თბილისში იჯდა. როგორც ინგლისელს, მას ექვის თვალით უყურებდნენ და თითქმის თურქეთის ჯაშუშად თვლიდნენ. ეს კი შეურაცხყოფდა მის თავმოყვარეობას. როცა ჩვენ ზივინიდან დაებრუნდით, მას ყველა ექვის თვალით უყურებდა. ორ ნაბიჯს ვერ გადადგამდა ისე, რომ მეთვალყურის გამოცდელი მზერა არ ეგრძნო ზურგს უკან. როცა მ. ტ. ლორისმელიძემ ეს ამბავი შეიტყო, მაშინვე გასცა განკარგულება შეეცვალათ მისდამი დამოკიდებულება. ამის შემდეგ ბატ. ფორბესმა თავისუფლად ამოისუნთქა და გესლი, რაც ადრე ყოველ მის სიტყვაში იგრძნობოდა, ცივმა მსჯელობამ შესცვალა. ცხადია, იგი რუსეთის, თავყანისმცემელი არაა, მაგრამ შემიძლია დავარწმუნო მკითხველი,

იგი არც სისტემატური მტერია რუსეთისა... ყოველ შემთხვევაში, რა უსიამოც არ უნდა იყოს ჩვენთვის მისი აზრები, ჩემის აზრით, ერთი ასეთი კორესპონდენტი ასჯერ ჯობს ათეულ უტვინო პანეგირისტს.

ბოლო დროს ხელისუფალთა დამოკიდებულება ბატ. ფორბესისადმი მნიშვნელოვნად შეიცვალა. მე მითხრეს, რომ თავადმა დ. ი. სენატოპოლს-კმირსკიმ ჩვენი ლონდონელი ელჩის — გრაფ შუვალოვისაგან მიიღო სარეკომენდაციო წერილი, სადაც მას ისევე ახასიათებენ, როგორც ჩვენ დავახასიათეთ ზემოთ.

ავვისტოს დასაწყისში მე გავედი ზაიმიდან ბატ. ფორბესთან და კუტულისთან ერთად. ფორბესი რიონისა და ენგურის რაზმებთან აპირებდა შეერთებას, მე და კუტული კი — ერევანის რაზმთან. ალექსანდროპოლში ჩვენ ერთმანეთს დავცილდით. მე ვაღარ შეეძელი ბაიაზეთში წასვლა, უფრო იმიტომ, რომ ამ დროისათვის ჩვენებმა იგი დატოვეს. მაგრამ ბატ. კუტული იყო იგდირში, ერევანსა და ეჩმიადინში. ბატ. ფორბესი და მე თბილისში თითქმის ერთდროულად ჩამოვედით, მაგრამ იგი ზუგდიდის, ოქუშისა და აფხაზეთის დასათვალიერებლად გაემგზავრა. შემდეგ, თბილისის გავლით, კიურუკ-დარში დაბრუნდა და იქიდან გაემგზავრა ერევნის რაზმის ბანაკში, სადაც ტერ-გუქასოვისა და იზმაილ-ფაშას მოლაპარაკებას უნდა დასწრებოდა; მაგრამ მოლაპარაკება არ შედგა და ისევე ჩვენთან დაბრუნდა. უცხოელ კორესპონდენტებს ისე დიდ თანხას უხდიან რედაქციები, რომ მათთვის ესოდენ ძვირად ღირებული მიმოსვლა არაფერს არ წარმოადგენს. ამის შემდეგ კი ჩვენი დედაქალაქის გამომცემლებს უყვირთ, თუ რატომ ვერ ჯობნიან რუსი კორესპონდენტები უცხოელ კორესპონდენტებს.

6. ბატ. მიკა და ბატ. უილერი

ბატ. მიკას (Meikor) და უილერის (Wheeler) შესახებ ცოტა რამ შემიძლია გაცნობოთ. მათი წარსული ჩემთვის სრულიად უცნობია. ვიცი მხოლოდ, რომ ერთ მშვენიერ დღეს „New-York Herald“-ის გამომცემლობა ჯემს-გორდონ-ბენეტმა (უმცროსმა), რომელიც მუდმივად ცხოვრობს პარიზში საკუთარ სასახლეში, ნიუ-იორკში ლაკონური დეპეშა გაგზავნა: „ჩამოვიდეს მიკა!“ მიკა ჩამოვიდა. როდესაც მიკა ახალგაზრდა პატრონთან გამოცხადდა, მისგან ასეთი სიტყვები მოისმინა: „ჩახვალ მიუნხენში, წაიყვანთ უილერს. ოდესაში მიიღებთ ნებართვას და გაემგზავრებით მცირე აზიაში“. ბატ. მიკა ჩავიდა მიუნხენში, წამოიყვანა ბატ. უილერი („New-York Herald“-ის

მუსიკალური კორესპონდენტი) და ოდესის გავლით ჩამოვიდნენ ჩვენთან ბაცრაში. ბატ. მიკა არ ლაპარაკობს არც ერთი ადამიანისათვის გასაგებ ენაზე. ინგლისელ ფორბესსაც კი არ ესმის მისი. ამერიკულ კილოს, რაც ინგლისელებს ძლივს ესმით, მან თავის მხრივ დაუმატა კიდევ საოცრად დამახინჯებული ცხვირისმიერი გამოთქმა! ბატ. უილერი, რომელიც, ყოველ შემთხვევაში, ცოტას მაინც ლაპარაკობს ფრანგულად და გერმანულად, ამ ორი ენისაგან ძალზე ორიგინალურ მასედუანს ქმნის. მაგრამ იგი ინსტიტუტული ქალივით ახალგაზრდა და უცოდველია; მე მგონი ჩვენი სტუდენტი ქალები დასცინებდნენ კიდევაც მის გულუბრყვილობას.

პარიზში მე საკმაოდ გულმოდგინედ ვკითხულობდი „New-York Herald“-ს. ეს გაზეთი, რომელიც მოცულობით „Times“-ს არ ჩამოუვარდება, შეიცავს რვა და მეტ უზარმაზარ ფურცელს, დაბეჭდილს წვრილი თითქმის მიკროსკოპიული შრიფტით. მთელი გაზეთი სავსეა განცხადებებით. გამონაკლისს წარმოადგენს ის ადგილი, რომელიც განკუთვნილია მოკლე მოწინავე სტატიებისა და კერძო განცხადებებისათვის. ამერიკული გაზეთები, განსაკუთრებით დიდი გაზეთები, არ ეწევიან შეხედულებათა პროპაგანდას, ვერ იტანენ პოლემიკასა და მსჯელობას. მათი აზრით, ყოველი ამერიკელი არც ისე სულელია, რომ თავისი შეხედულება გამოიმუშაოს: მას მხოლოდ შიშველი ფაქტები ჭირდება. „ფაქტები, ფაქტები და რაც შეიძლება მეტი ფაქტები“ — აი, მათი დევიზი, რაც მათ დიკენსის მძიმე დროიდან ისესხეს. და მართლაც, ამ გაზეთებში თქვენ აღმოაჩინებთ უამრავ უთვალავ ფაქტებს, ე. ი. ნედლ მასალას. თუ შეგიძლიათ დაამუშავეთ ეს მასალა თქვენ თვითონ, თუ არადა, მით უარესი თქვენთვის. სხვებს იმის დრო არა აქვთ, რომ აზრები დაგიღებონ.

ამიტომ ბატ. მიკა და უილერი სრულიად არ წერენ კორესპონდენციებს: ისინი ტელეგრაფით „შიშველ ფაქტებს“ გადასცემენ. დეპეშების გაგზავნაში გულუბნევი არიან, ხოლო ზოგჯერ ამგვარი დეპეშა ბევრ კორესპონდენციაზე უფრო გრძელი გამოდის. არამგონია, რომ ეს დეპეშები ზუსტი ან მნიშვნელოვანი იყოს, მაგრამ შემიძლია დავარწმუნო მკითხველი, რომ მათი შედგენა, და განსაკუთრებით გაგზავნა, „New-York Herald“-ის კორესპონდენტებისაგან გაცილებით მეტ შრომასა და მეცადინეობას მოითხოვს, ვიდრე მათმა თანამშრომელმა სტენლიმ ლივინგსტონის აღმოსაჩენად დახარჯა.

კორესპონდენტებმა მაცრაში ჩამოსვლისთანავე ერთმანეთს ცხარე ომი გამოუცხადეს... საკორესპონდენტო ტახტისათვის. ბატ. მიკა ამტკიცებდა, რომ ნამდვილი კორესპონდენტი იგია, ხოლო უილერი

მხოლოდ მისი თარჯიმანია და მეტი არაფერი. ეს ცხადად ჩანსო
ჯემს გორდონ-ბენეტ junior-ის უაღრესად ლაკონიური დეპეში-
დან: 7

— „წაიყვანეთ უილერი“. ბატ. უილერს კი, თავის მხრივ, საბუ-
თად მიუხეხნენში გაცემული „New-York Herald“-ის მუსიკალური
კორესპონდენტის დიპლომი მოქონდა და ამტკიცებდა, რომ პატივცე-
მული ჯემს-გორდონ-ბენეტ- junior -ს არ შეეძლო მისი გადაყვანა.
„რწმუნებით აღჭურვილი კორესპონდენტის“ მაღალი თანამდებობი-
დან დაბალი თანრიგის თანამდებობაზე. საბედნიეროდ, საქმე სისხ-
ლის ღვრამდე არ მისულა, მაგრამ მათი მეზობლები, ბატ. ფორბსი,
კუთული და მე დიდხანს ვიყავით მათი გაცხარებული და გაუთავებე-
ლი ბრძოლის მსხვერპლნი: დილიდან შუალამემდე მსჯელობდნენ
ისინი ჯემს-გორდონ-ბენეტ- junior-ის აპოკალიპსური სიტყვების
შესახებ. ალბათ, ასეთი რწმენით ეკლესიის მამებიც კი არ დაობდნენ
იოანე ღვთისმეტყველის რომელიმე გაუგებარი ნათქვამის განსამარ-
ტავად... ამერიკელი კორესპონდენტები იქამდეც კი მივიდნენ, რომ
გადაწყვიტეს, შეექმნათ ჩვენგან რაღაც ვატიკანის საეკლესიო
კრების მაგვარი სამსჯავრო. ჩვენ, რა თქმა უნდა, უარი განვაცხადეთ.
ბატ. უილერი დარდისაგან დუქნებს აღარ შორდებოდა, ბატ. მიკა კი
იმით სჯიდა უილერის ცხენს, რომ საკვებს არ აძლევდა. მათ მსახურს,
უკბილო ყარანათახს, რომელსაც ისინი საოცარი მოძრაობით ელაპა-
რაკებოდნენ, მოეწონა ამგვარი მაგალითი და ორივე ცხენი, რომელ-
თაც ამავე დროს „ლოკებს“ ეძახდა, საბოლოოდ შეაჩვია შიმშილს.
ბოლოს ამერიკელებმა მოიფიქრეს შეკითხოდნენ თავიანთი პატრო-
ნის მდივანს, თუ როგორი ურთიერთობა უნდა იყოს მათ შორის.
მდივანმა მგონი აცნობა მათ, რომ ჯემს-გორდონ-ბენეტ- junior-ის
განკარგულებით ბატ. მიკა ითვლება უფროს კორესპონდენტად (თა-
ნამდებობის მიხედვით მე-8 კლასის წოდება აქვს, ხოლო მუნდირზე
დაკერებული ნიშნის მიხედვით—მე-7 კლასის), ბატ. უილერი კ—უმ-
ცროს კორესპონდენტად (აქვს მე-9 კლასის წოდება, მუნდირზე ნი-
შანს არ ატარებს), მაგრამ 1876 წლის 17 მარტს უფროსობა მიიღო.
ამან გადაწყვიტა მათი დავა. ბატ. უილერი ამ განკარგულების სა-
ფუძველზე გაემგზავრა ერევნის რაზმთან შესაერთებლად, რათა
ეგემა დამოუკიდებლობა, ხოლო ბატ. მიკა ჩვენთან დარჩა.

ბატ. უილერი არაფრით არ განირჩევა ახალგაზრდა, გონებაზეზ-
ღუღული გერმანელი სტუდენტისაგან და თავი სწორედ ისე უკი-
რავს, როგორც იმ გერმანელ სტუდენტს, რომელიც პირველად მოხ-
ვდა ფილისტერათა წრეში, იმ ადამიანებს შორის, რომლებზედაც მისი:

კარიერა და მატერიალური მდგომარეობაა დამოკიდებული. იგი ძალზე თავაზიანია და თითქმის მუდამ იღიმება. განურჩევლად უღიმის ყველას და ყოველს. ბევრი ვეცადე გამეგო, როგორ უყურებს იგი ზოგად საკაცობრიო საკითხებს, მაგრამ არაფერი გამომივიდა, რადგან მუდამ სტერეოტიპულად მიღიმოდა. მხოლოდ ერთხელ აღფრთოვანდა და ალაპარაკდა. ეს მოხდა მაშინ, როცა მე და კუტული ვსაუბრობდით იმ პარალელზე. რომელიც მე ოფენბახსა და ვაგნერს შორის გავავლე.

ბატ. მიკა, მისდაუნებურად, მუნჯია. ახლა მე მას ხშირად ვესაუბრები, მაგრამ ვაწერინებ ინგლისურად ყველაფერს, რისი თქმაც უნდა. საბრალოს მთელი ბროშურების შეთხზვა უხდება. ამ ხნის განმავლობაში მე მის შესახებ აი რა შევიტყვე:

იგი ერთ-ერთი იმ ამერიკელთაგანია, რომელმაც, მიუხედავად არაწესიერი განათლებისა, მაინც გზა გაიკაფა. იგი მუშაობდა „New-York Herald“-ის სტამბაში ასოთამწყობად, შემდეგ — კორექტორად, მერე რეპორტიორი გახდა და ამ ასპარეზზე თავი გამოიჩინა: ფოტოგრაფიის მეშვეობით ამხილა ჩრდილოეთ-ამერიკელი მეზღვაურების მიერ თანამდებობის ბოროტად გამოყენება წყნარი ოკეანის უნძოებზე. ამ საქმეზე მე არავითარი წარმოდგენა არა მაქვს. მაგრამ ამბობენ, თითქოს გემების კაპიტნებს მთავრობამ დაავალა დაერიგებინათ ველურებისათვის უფასოდ სხვადასხვა წვრილმანი საქონელი, რათა შეჩვეოდნენ კომფორტსა და ცივილიზაციას. კაპიტნები კი შედიოდნენ სავაჭრო ნავსადგურებში და ამ საქონელს ევროპელებს მიჰყიდდნენ ხოლმე, მთავრობას კი აუწყებდნენ ველურებს დაუურიგეთო. „New-York Herald“-მა როგორღაც იცნოსა ეს ამბავი და დაიწყო ამ საქმის ფორმალური გამოძიება. ბატ. მიკა, კორესპონდენტი-გამომძიებელი, განსაკუთრებული გემით ავსტრალიაში გაემგზავრა და სახელმწიფო გემებს კვალდაკვალ მიჰყვა. ბოლოს გადაიღო ყველა სავაჭრო პუნქტების დუქნები, კაპიტნების სურათები, როცა ისინი ევროპელ-შემსყიდველებს ევაჭრებოდნენ. მამხილებელი საბუთების უარყოფა შეუძლებელი იყო და, ამბობენ, ბატ. მიკამ ამერიკაში ისეთივე დიდება მოიპოვა, როგორც მისმა თანამემამულემ სტენლიმ — ევროპაში. ვიმეორებ, ამ საქმის შესახებ მე სრულიად არაფერი არ ვიცი. მე გიყვებით იმას, რაც მე აქ ბატ. ფორბსმა და კუტულიმ გადმომცეს.

ბატ. მიკას გამომგონებლობას საზღვარი არა აქვს. ტიტუს მსგავსად, იგიც დაკარგულად თვლის იმ დღეს, როცა რაიმეს ვერ გამოიგონებს ბუზების წინააღმდეგ, რომელთა რაოდენობა აქ მილიარდებია და მოსვენება არა გვაქვს, მან უკვე გამოიგონა თავზე ჩამო-

საცმელი ბადე, გამოიგონა ერთი მანქანა ორცხობილის დასამტვრე-
ვად, მეორე—ცეცხლის სწრაფად და არაფრისაგან გასაჩენად და მის
ეკონომიურად შენანახად და ა. შ. გარდა ამისა, აქვს შესანიშნავი
არტიტული ნიჭი. საოცრად ბაძავს კნავილს კატებისას, რომელთაც
კუდით ეწევიან, და კატასა და ძაღლს შორის გამართულ დიალოგს.
ამასთანავე, ბატების სისინს, ქათმების კაკანს, ძროხების ბღავილს,
ვირის ყროყინს. მის მიერ გამართული კონცერტები ჩვენთვის დროის
გატარების ერთ-ერთი საუკეთესო საშუალებაა. მე არ ვიცი, გზავნის
კი მათ შესახებ დეპეშებს მისი თანამოძმე, მუსიკალური კრიტიკოსი,
მაგრამ, ჩემის აზრით, ღირს ამ კონცერტების შესახებ მუსიკალურ-
ფიზიოლოგიური რეცენზიის დაწერა!

უნდა ნახოთ ბატ. მიკას გამომეტყველება იმ მომენტში, როცა
პოდპოლკოვნიკი ვოინოვი, ჩვენი დეპეშების ცენზორი, დროის უქონ-
ლობის გამო ბატ. მიკას დეპეშებს „ხვალისათვის“ გადასდებს. ბატ.
მიკას მწუხარება, სასოწარკვეთილება და სიშმაგე ასეთ წუთებში
უსაზღვროა.

— „ხვალ!“ „ხვალ!“—იმეორებს იგი რუსულად სხვადასხვა ვარი-
აციებში და ამავე დროს აკრატუნებს კბილებს, არაბუნებრივად იგ-
რიხება და კუმშავს მუშტებს. „ვოინოვი“ — „ხვალ“, მწუხარებით
უჩურჩულებს იგი ყველას, ხოლო როცა ჩვენს კარავში შემოდის
ცხვირში წარმოთქვამს აღმაფრთოვანებულ, ცხარე, გრძელ სიტყვას.
აღბათ, სურს დაგვარწმუნოს, რომ „დრო-ფულია“, რომ დეპეშის გა-
დადება არ შეიძლება და ა. შ. ბატ. მიკასათვის ვოინოვი, უბრალოდ,
კოშმარია. ზის იგი ჩემს კარავში, ლაპარაკობს ან მისმენს, ანდა ჩაის
სვამს. უეცრად აიღებს ქაღალდის ნაგლეჯს, დახატავს აწკეპილ ულ-
ვაშებიან, თავდახრილ ფიზიონომიას, წააწერს — „ვოინოვი“ და
გვაჩვენებს როგორც ხელმოწერას, ასევე სურათს, შემდეგ გამწარე-
ბით ლეჰავს ქაღალდს... ასე სჯის იგი მას enesbnigie-ს მსგავ-
სად დღეში რამდენჯერმე... ბატ. ვოინოვი საკმაოდ მჭევრმეტყველუ-
რად უხსნის მას რუსულად, რომ ბევრი სამსახურებრივი მოვალე-
ობა აწევს. იგია კორპუსის ისტორიოგრაფი, უნდა შეადგინოს სამ-
ხედრო მოქმედების ჟურნალი. ყოველივე ეს იოლი საქმე არაა, რად-
გან ერთმანეთის საწინააღმდეგო გემოვნების მქონე ადამიანების გუ-
ლი უნდა მოიგოს და ისეთ მოვლენებშიც კი უნდა აღმოაჩინოს აზრი
და გეგმა, რომელთაც არც აზრი ჰქონდათ და არც გეგმა. ცენზორის
მოვალეობა კი მას სხვათა შორის დააკისრეს. მან კი ინგლისური ენა
არ იცის და უნდა ელოდოს როდის განთავისუფლდება სამსახურე-
ბრივი მოვალეობისაგან რომელიმე ინგლისური ენის მკოდნე
ოფიცერი... მაგრამ ბატ. მიკას, რომელმაც რუსულ სიტყვებიდან

მხოლოდ „ზავტრა“ და „კარაშო“ იცის, ცხადია, არ ესმის მისი სიტყვები და მას თვლის ყველა უბედურების წყაროდ...

7. ს. ა. მუსინ-პუშკინი

სიმონ ალექსანდრეს-ძე მუსინ პუშკინი — ახალგაზრდა კორესპონდენტი, კიდეც უფრო ახალგაზრდა „სობესედნიკისა“¹⁰⁰ 19-20 წლის ყმაწვილია, რომელსაც ისეთი სახე აქვს, როგორსაც ჩვენი საუკუნის დასაწყისში ხატავდნენ მედალიონებზე, გრეზას უხეირო მიმბაძველები. მისი უწვერ-ულვაშო სახე საკმაოდ მიმზიდველია... მაღალ, ტანად ყმაწვილს, ყველა ახალბედა შეყვარებულის მსგავსად, „გამარჯვება და დიდება სწყურია“. წერს ლექსებს და, როგორც ზნეობრივად, ასევე ფიზიკურად, „გარდატეხის“ კრიტიკულ ასაქმია. მისგან შეიძლება კარგი ადამიანიც დადგეს და ცუდიც; მიუხედავად იმისა, რომ დედის ნებიერია, ნიჭი და გულმოდგინეობა არ აკლია. მაგრამ ჭერჭერობით მასზე არაფრის თქმა არ შეიძლება გარკვევით. გვარიანი ქურნალისტი რომ დადგეს ჭერ კიდეც ბევრი უნდა იმუშაოს და ისწავლოს. მე მგონია, მას ცოტა უკითხავს და ცუდად იცნობს ცხოვრებას, თუმცა ყველაფერი აქვს იმისათვის, რომ სერიოზული განათლება მიიღოს. ღმერთს მისთვის არც ნიჭი დაუკლია და არც ქონება. და თუ იგი მაინც ზერელედ განათლებული ადამიანი დარჩება — ამასში მის გარდა არავინ იქნება დამნაშავე. მაგრამ, ვიმეორებ, ამ მიმართულებით მან ჭერჭერობით ცოტა რამ ჯააკეთა. ვიმედოვნებთ, რომ წინ ჭერ კიდეც ბევრი დრო აქვს.

8. ვ. იულიუსი

ლონდონის გაზეთის „Daily News“-ის კორესპონდენტი ვიქტორ იულიუსი 50 წლის პრუსიელია, რომელსაც ბევრი ბრძოლა გადაუტანია და ბევრი ქარცეცხლი გამოუცდია. როგორც ნამდვილი გერმანელი-ყასაბი, იგი მსუქანი, მოუხეშავი, გაბღენძილი და ქონით გატენილია. სახით იგი ჩამოგავს ბაკენ-ბარდებ მოპარსულ რასპლიუევს, რომელიც კრივის დაწყებას ელოდება. მან მითხრა, რომ პროფესიით ინჟინერია, მაგრამ თურქეთის არმიას იმსტრუქტორად მსახურობდა; შემდეგ იყო კორესპონდენტად რუშჩუქში, მაგრამ რუსეთისადმი უანგარო სიყვარულისა და „სიმართლის გამო დაისაჯა“, თურქეთმა იგი გააძევა. „Daily Telegraph“-ის რედაქციამ მას შესთავაზა ემუშავა კორესპონდენტად თურქეთში, საიდანაც იგი გააძევეს, მაგრამ რუსეთისადმი სიყვარულის გამო მან უარი განაცხადა და ჩვენთან ჩამოვიდა *.

* როცა გენერალი ნ. ნ. ობრუჩევი ბანაკში ჩამოვიდა და გაიგო, რომ კორესპონდენტთა შორის პრუსიელი იულიუსიც იყო, მოითხოვა მისი სწრაფად გა-

ახლა ბატ. იულიუსს ვერ გაუგია, რატომ არ აფასებენ ჯეროვნად მის სიყვარულს რუსეთისადმი: მას ჯერჯერობით არც კარავი მისცეს, არც სადილი, არც მსახური მიუჩინეს და არც კაზაკი... თუმცა მისთვის ძნელი გადასაწყვეტია, მაგრამ თუ ასე გაგრძელდა, მიუხედავად რუსეთისადმი უნაგარო და თავდაუზოგავი სიყვარულისა, საძულველი მტრების, თურქების ბანაკში გადავა, რადგან მას არ უყვარს უხერხულობა და არ იყიდის იმას, რაც რუსეთისადმი სიყვარულისათვის უნდა მისცენ. იგი არ თხოულობს, რომ სიყვარულისათვის ბევრი ფული გადაუხადონ, მაგრამ დალაზეროს ეშმაკმა, მას უფლება აქვს მოითხოვოს კარავი, მსახური, სადილი, მოხერხებული პირობები და კომფორტი!

ბატ. იულიუსი ალექსანდროპოლიდან კურიუჯ-დარში ცხენით ჩამოვიდა, ბარგი კი გზად მომავალ ოთხთვალას გამოატანა; ოთხთვალამ და მსახურმა დაიგვიანეს. ბატ. იულიუსი დაწმუნებული იყო, რომ გაძარცვეს და მაშინვე პოლკოვნიკ ჩერნიაევიან იჩივლა, რომელმაც, ცხადია, ტელეგრაფით გასცა განკარგულება მოეძებნათ ბარგი და მსახური. ბატ. იულიუსი შედეგს არ დაელოდა და მეორე დილით თვითონ გაემგზავრა ალექსანდროპოლში. ამასობაში მისი მოსამსახურე ჩამოვიდა ბანაკში. ბატ. იულიუსი ჩვენთან დაბრუნდა და თითქმის ცრემლმორეულმა განუცხადა უფროსებს, რომ მსახურმა ჩემოდნიდან, რომელშიც ძვირფასი ნივთები ელაგა (ბატ. იულიუსის სიტყვით 1500 მანეთად ღირებული) ფლანელის საბანი მოიპარა... მსახური დააპატიმრეს და მანამდე ჰყავდათ დამწყვდეული, სანამ ბატ. იულიუსს ფლანელის საბნის საფასური 12 მან. 50 კაპ. არ გადაუხადა. მე რომ მოპარვა მდომებოდა, შემეძლო რამე უფრო ძვირფასი მომეპარა, ამბობდა მსახური... და ამის შემდეგ, ბატ. იულიუსი კიდევ იმას ჩივის, რომ ხელისუფლება ჯეროვნად არ აფასებს მის სიყვარულს რუსეთისადმი!..

ბატ. იულიუსი არ კმაყოფილდებოდა მარტო „Daily News“-სათვის კორესპონდენციების მიწოდებით, იგი აგრეთვე კვირაში ორჯერ უგზავნიდა წერილებს ბერლინის „National Zeitung“-ს და ჰაუსბურგის „Allgemeine—Zeitung“-ს. მე ხელში ჩამივარდა ამ გაზეთების რამდენიმე ნომერი და წავიკითხე „Daily News“-ის ორი-სამი კორესპონდენცია. ვფიცავ, უფრო უსინდისოდ დაწერილი სტატიები არასოდეს წამიკითხავს: ამ სტატიების დამახასიათებ-

ძვევა ბანაკიდან, რადგან იულიუსმა თურქებთან სამსახურის დროს, თურქეთის მთავრობას ღუნაის სიმაგრეების გეგმები და პროფილები მიჰყიდა და ღიღი ფული აიღო...

ლი თვისება მლიქნელობით შეკაზმული წმინდა სუზდალური სიც-
რუეა...

მ. პ. ა. იზმაილოვი

პაელე ალექსანდრეს-ძე იზმაილოვი — „ნოვოე ვრემიას“ ახალი კორესპონდენტი და თბილისის საბჭოს მდივანი, — 26 წლის ახალგაზრდა კაცი. მე მას უკვე შვიდი წელია ვიცნობ. ვიცნობდი თბილისშიც, შვეიცარიაშიც და პარიზშიც. წარსულში ბევრი საერთო საქმე წამოგვიწყია. ერთად დავაარსეთ ივანოვის ბიბლიოთეკა, ერთად ვთანამშრომლობდით „ტიფლისკიე ვესტკინკში“ და იმ დღეებში, როცა მე იმედი მქონდა ნებას დამრთავდნენ გაზეთი გამომეშვა, ერთად ვოცნებობდით გამოცემაზე... ერთი სიტყვით, ყოველთვის დიდი მგგობრები ვიყავით და ყოველთვის დიდ იმედებს ვამყარებდი მასზე... ახლაც კი იგი ჩემს კარავში წევს და მის ჩვევას — თუ მეტი არა, ოცდათხი საათი პაინც იძინოს დღე-ღამეში—მოთმინებიდან გამოვყავარ. ღმერთმა იცის საიდან, მაგრამ ჰას ევროპული, ასე გასინჯეთ, ებრაული სახის ნაკვებები აქვს, თუმცა არავენ იცის რატომ, მაგრამ თავის თავს სომეხად თვლის; რადგან ჩვენი ქვეყნის საზოგადოებრივ ცხოვრებაში მას ქმედითი როლის თამაში მოუწევს, მე საჭიროდ მიმაჩნია მასზე მეტი და მეტი სიმკაცრით ვილაპარაკო.

არის წუთები, როცა მე, რომელსაც თითქმის აროდეს არავისი არაფერი შემშურებია, მშურს ბატ. იზმაილოვისა. ჩაგრამ როცა რეფლექსი დაცხრება, მადლობას ვწირავ გამჩენს იმისათვის, რომ მან მე ბატ. იზმაილოვის თვისებები და ბედი არ მომანიჭა. აი, რის გამო ხდება ყოველივე ეს: ქვეყანაზე არაა კაცი, ბატ. იზმაილოვს რომ ემღუროდეს. უფრო მეტიც, არაა კაცი ბატ. იზმაილოვს, რომ აღტაცებაში არ მოჰყავდეს. იგი თანაბრად უყვართ ექსპლოატატორებსაც და ექსპლოატირებულებსაც. უფრო მეტიც, იგი თანაბარი თავაზიანობით ექცევა ერთსაც და მეორესაც... მისგან არავის მოუსმენია არა მარტო მკვახე აზრი ან განაჩენი, არამედ მტკიცედ ფორმულირებული თვალსაზრისიც კი, თუნდაც ეს თვალსაზრისი უცხო ადამიანს ან საგანს ეხებოდეს. კამათისა და საუბრის დროს იგი თავაზიანად, გონივრულად იღიმება და ყველა აზრისა და მიმართულების წარმომადგენელს უფლება აქვს იფიქროს, რომ იგი მის აზრებს იზიარებს. არ ვეცი, რაა ამის მიზეზი, რბილი ხასიათი, თუ არამყარი შეხედულებები? არ შემიძლია გადავჭრა ეს საკითხი. ადრე, როცა იგი ჯერ კიდევ ძალზე ახალგაზრდა იყო, ამ თვისებას მე საკუთარი ძალებისადმი უნდობლობას ვაწერდი, რაც ყველა ტალანტს ახასიათებს. ვაწერდი აგრეთვე თავმდაბლობას, იმის სურვილს, რომ

ჯერ თვითონ ჩამოყალიბებულიყო მთლიანად და შემდეგ გამოეთქვა საკუთარი აზრი. მაგრამ ახლა უკვე აღარ ვიცი, რით აეხსნა მისი ხასიათის ამგვარი თვისება.

ბატ. იზმაილოვი ცხოვრებაში ყველაფერს იოლად, გაუჭირვებლად, უბრძოლველად აღწევს. ბედი მას თან დაჰყვა: რაც სხვებისაგან წლობით გულმოდგინე შრომას მოითხოვს, მას პირველი სურვილისთანავე ეძლევა. კორესპონდენტობის უფლებაც კი მან ერთ დღეში მოიპოვა, როცა სხვები ამ უფლებას გულგაწერილებულნი ელოდებიან კვირაობით და თვეობით... მაგრამ ასეთმა იოლმა წარმატებებმა უცნაურად იმოქმედა მასზე. იგი უაღრესად ნიჭიერია და მცირეოდენი შრომაც რომ დაეხარჯა, ადვილად გახდებოდა გამოჩენილი კაცი, მაგრამ საკუთარი ბედის იმედით მსუბუქად „დასრიალებდა“ გონებრივი სამუშაოს ზედაპირზე. საუკეთესო წლები დაკარგა პარიზში და უშიზნო გაკვეთილებისა და თარგმანების ნაცვლად, რაც მას დიდად არ ჰირდებოდა, შეეძლო საფუძვლიანი განათლება მიეღო. მთელ კვირეებს ხარჯავდა იმისათვის, რომ მეგზურობა გაეწია პარიზში ჩვენი კომერსანტებისათვის. და ქალაქის ერთი ბოლოდან მეორემდე გასეირნებაში ხარჯავდა იმ ფულს, რასაც ამ ქალაქის სხვადასხვა უბანში გაკვეთილებით შოულობდა. ასე გადიოდა თვეები, წლები, და იმის მაგივრად, რომ სერიოზულად მომზადებულიყო ცხოვრების ასპარეზზე საბრძოლველად, მას მხოლოდ განუვითარდა უნარი — იყოს ყველასთვის სასიამოვნო... მე ძალზე მაწუხებდა ეს ამბავი და ახლა მხოლოდ იმიტომ ვწერ, რომ ბატ. იზმაილოვს უკან მიხედვისა და ანაზღაურების დრო ჯერ კიდევ აქვს.

მე არ ვიცი, რა კორესპონდენტობებს გაუგზავნის იგი „ნოვოე ვრემიას“ *, მაგრამ დამეთანხმებით, რომ დიდი და გავრცელებული გაზეთის კორესპონდენტობა ბრძოლის ველზე — შესაძლებლობას იძლევა ერთბაშად გამოავლინო საკუთარი ნიჭი და მოიპოვო სახელი ლიტერატურაში, ცხადია, თუ ამისათვის მცირეოდენი მონაცემები მაინც გაქვს. ესეც ერთგვარი „ბედია“, რაც ყველას როდი ერგო წილად...

პირად ურთიერთობაში ბატ. იზმაილოვი თავაზიანობის და დაუზარებლობის ნიმუშია. იგი მზადაა მეტად ძნელი შრომა გასწიოს ოღონდ დაეხმაროს, ანდა სამსახური გაუწიოს მეგობარს და ნაცნობს. მას ესმის სხვისი გულის წადილი და ქცევა, შეუძლია შეცდომების პატიება, შეუძლია გულგრილად უცქიროს ბევრ ისეთ რამეს, რაც სხვებს აღელვებს და აღიზიანებს. ამასთანავე, თუმცა

* მას გაზეთისთვის არაფერი გაუგზავნია (დაგვიანებული შენიშვნა).

ძალიან ზარმაცობს, მაგრამ თუ დასჭირდა, შეუძლია გულმოდგინედ იმუშაოს. ასეთი სურვილი მას დრო და დრო, შუალედებში უჩნდება... მას უნარი შესწევს ჩასწვდეს აზრის არსს, შეუძლია განასხვავოს მნიშვნელოვანი უმნიშვნელო საკითხისაგან. ერთი სიტყვით, საკმარისია მოინდომოს და სასარგებლო შეიქნება საზოგადოებისათვის... მაგრამ მოინდომებს კი? *

10. პ. პ. ვოლხოვსკოი

მოქმედი კორპუსის კორესპონდენტთა ოჯახს უნდა მივაკუთვნოთ აგრეთვე ბატ. ვოლხოვსკოი, რომელიც, თუმცა კორპუსის შტაბში მსახურობს, მაგრამ კორესპონდენტების წერაში არ ჩამორჩება არც ერთ თავგამოდებულ ლიტერატორს.

პაველ პეტრეს ძე ვოლხოვსკოი — კორპუსის შტაბის უფროსი ადიუტანტის მოადგილე და „მოსკოვსკიე ვედომოსტისა“ და „კავკაზის“¹⁹ კორესპონდენტი, 42 წლისაა. ტანად პატარაა, ნაყვავილარი, სასიამოვნო სახეს ჰქონდა აშკარად უფროსი უმწვენებს, წვრილი, ცოცხალი თვალები ეშმაკურად და აზრიანად უთამაშებს. წარმოშობით იგი უკრაინელია; სწავლობდა კიევის უნივერსიტეტში, როცა ნიკოლოზ I-მა მოსწავლე ახალგაზრდობას პატრიოტიზმისაკენ მოუწოდა, მან უნივერსიტეტს თავი დაანება და სამხედრო სამსახურში შევიდა. სამსახურში შესვლისთანავე პორუჩიკის ჩინი მისცეს, რასაც აქამდე უბიწოდ ატარებს²⁰. ერევნის პოლკში, სადაც იგი აღრე მსახურობდა, ასეთი ლექსი გამოუთქვეს:

«Господь, во гневе рек
Пусть Волховской весь век
Как он себе не тужит,
Поручиком прослужит!»

და მსახურობს მთელი სიცოცხლე ღვთის მორჩილი ბატ. ვოლხოვსკოი პორუჩიკის ჩინით, თუმცა მისი უდიდებულესობის 1854 წლის ბრძანების თანახმად, რის გამოც მან უნივერსიტეტი მიატოვა, შეეძლო ესარგებლა იმ უფლებებით და უპირატესობით, რომლითაც უნივერსიტეტის კურსდამთავრებულები სარგებლობენ. „მაგრამ ჩვენ დროს, — მითხრა მან, — ახალგაზრდები ესთეტები იყვნენ და უფლებების და უპირატესობათა მოპოვებაზე ზრუნვა არ უსწავლიათ!“

* არაფერი შემოძლია ვთქვა „ნოვოე ვრემიას“ ახალი კორესპონდენტის ა. ი. პალმას შესახებ, რადგან რამდენიმე დღის წინათ ჩამოვიდა ბანაკში.

** ახლა შტაბს-კაპიტანის ჩინი უბოძეს.

1854 წელს იგი ფინეთში გაგზავნეს, სადაც განათლებული მეზღვაურების შემოსევას ელოდნენ. ფინეთში იგი ომის დამთავრებამდე დარჩა. ხოლო როცა ზავი დაიდო, იგი გადადგა. 1858-1867 წლებში შამილის წინააღმდეგ იბრძოდა. ამავე წლებში კავკასიის არმიის შტაბში, მილიუტინთან მსახურობდა. ეს იყო დრო, როცა ყოფის ყველა შთაბეჭდილებები ჩვენთვის ახალი იყო და როცა თვითონ გვიხდებოდა გადახალისება... 1861 წელს, ბატ. მილიუტინის წასვლასთან ერთად, ბატ. ვოლხოვსკოიც გადაიყვანეს პეტერბურგში, სადაც, ახალი სამხედრო მინისტრის რეკომენდაციის წყალობით, რუსეთის რკინიგზების მთავარი საზოგადოების სამმართველოში უმცროსი თარჯიმანის ადგილი იშოვა... ამ თანამდებობაზე იგი ოთხი წელი დარჩა. შემდეგ, ნედელის რეკეპტის თანახმად, თავისთან „სოფელში“ გაემგზავრა და მიწათმოქმედებას მიჰყო ხელი. ოთხი წლის უკან ექიმებმა იგი თბილისში გამოისტუმრეს, რადგან ფილტვები აქვს სუსტი. თბილისში ცხოვრობდა კერძო გაკვეთილებით, თარგმანებით, კორექტურაზე მუშაობით და ა. შ. ცოლი მან ოცი წლის წინათ შეირთო და ჰყავს ქალიშვილი, რომელიც მისი მეუღლე მეგონა... მიმდინარე წლის კომპანიის დაწყებამდე, ცნობისმოყვარეობითა და შთაბეჭდილებათა განცდის სურვილით გატაცებულმა, ისევ დაიწყო სამსახური იმავე პორუჩიკის ჩინით.

როგორც კი კომპანია დაიწყო, ბატ. კატკოვმა, რომელიც მიჩვეულია იმას, რომ ამა ქვეყნის ყველა ძლიერმა ხელი შეუწყოს მისი გავითის წარმატებას, მოწიწებით სთხოვა კორპუსის სარდალს დაენიშნა შტაბის რომელიმე მოხელე „მოსკოვსკიე ვედომოსტის“ კორესპონდენტად. მ. ტ. ლორის-მელიქოვი იყო ისე თავაზიანი და ამავე დროს ისე ბედნიერი, რომ კორესპონდენტად დანიშნა ბატ. ვოლხოვსკოი. ბატ. ვოლხოვსკოის მართლაც უპირის კალამი, აქვს საკუთარი შეხედულებები და გამსჭვალულია ცოცხალი, ფაქიზი, თბილი გრძობით. როგორც არ უნდა დასცინოდეს ჩვენი და შემდგომი თაობა „ესთეტებს“, მათ აქვთ ერთი რამ, რაშიც ვერავინ შეედრება მათ და, ალბათ, ვერც მომავალში გაუტოლდება ეინმე... ესაა სიკვდილამდე უმწიკვლოების ახალგაზრდული გრძობისა და რწმენის შენარჩუნება, იმ ერთადერთი სილამაზისა, რაც ახალგაზრდობაში მხოლოდ რამდენიმე კვირით ეძლევა ყველა ახალ და შეურყვენელ გულს, მაგრამ რასაც მთელი სიცოცხლის მანძილზე მხოლოდ რამდენიმე რჩეული ბუნების კაცი ინარჩუნებს. ეგოიზმისა და სიბინძურის მორევში ყელამდე ჩაძირულმა „ესთეტებმაც“ კი შეინარჩუნეს თუნდაც ნაწილი, თუნდაც გარეგნული სახე ამ სილამაზისა, და არ დაივიწყეს თუნდაც ფრაზები თავისი მშვენიერებისა. აბა, დააკვირდით ჩვენი

თაობის „დაცემულებს“. მათში ცინიზმის მეტს ვერაფერს იპოვით. ამბობენ, ცხოვრება არსებობისათვის ბრძოლაა და სრულიად ბუნებრივია თუ ძლიერი დაამარცხებს სუსტს, — ესაა ფაქტების ლოგიკაო!... მაგრამ დამეთანხმებით, მაინც სასიამოვნოა, როცა ხავერდის ხელთათმანით შემოსილი ხელი გატყავებთ და არა შიშველი მუშტი...

ბატ. ვოლხოვსკოის სტატიებში გვხვდება ისეთი ბუნებრივი თბილი გრძნობით გამსჭვალული სტრიქონები, რომ მათი კითხვის დროს მეც კი მომადგა ცრემლი თვალზე, მე, საკმაოდ გრძნობადაჩლუნგებულ კაცს...

წაიკითხეთ „კავკაზში“ როგორ აღწერს იგი ზივინთან დაღუპულთა დასაფლავებას და დარწმუნდებით, რომ მართალს ვამბობ... ჩემს სიცოცხლეში არ დამავიწყდება ბატ. ვოლხოვსკოის სახე, მისი მზერა, მისი გლოვა და რისხვა, მისი სიტყვები, მისი ხმის უღერადობა, რის მოწმეც გავხდი იმ საღამოს, როცა ზივინის უბედურება მოხდა... ასეთ გრძნობებს არც ჩინებისა და ჭილდოებისაკენ სწრაფვა კვებავს და წარმართავს და არც 20 რიცხვისადმი სიყვარული... ახლა იუმორი, მის გულკეთილი მალოროსიული იუმორი, რომლის მადლსაც გოგოლი ჩასწვდა და რომლის საიდუმლოებაც ესოდენ სიცოცხლის უნარიანია მალოროსიელთა შორის, იუმორი დაცივნის, პრანჭვა-გრეხისა და ძალდატანების გარეშე, მით უფრო ღრმად რომ იჭრება გონებაში, მარტო ეს იუმორი რად ღირს!

სამწუხაროდ, ბატ. ვოლხოვსკოის, როგორც „ესთეტს“ ჯერ კიდევ ბევრი ილუზიები, იმედები და სიმპათიები შემორჩა. საჭირო იყო „ბედისწერის“ მკაცრი გაკვეთილები, რომ მისი გონება მიჩვეოდა ისეთ კრიტიკულ ანალიზს, როგორიც ჩვენმა თაობამ დედის რძესთან ერთად შეითვისა. განსაკუთრებით არ წყალობს ბედი წინასწარმეტყველებაში. მეორეს მხრივ კი მისი მდგომარეობა და იმ ორგანოს ხასიათი, რომელშიც იგი თანამშრომლობს, მას ვალდებულს ხდის საკუთარი იუმორი მხოლოდ იშვიათად და წვრილმანებში გამოამჟღავნოს... ეს კი სამწუხაროა. მის ტალანტს და დაკვირვების უნარს უფრო ფართო ასპარეზი სჭირდება...

როგორც ესთეტი, ბატ. ვოლხოვსკოი ცუდად არ ხატავს კალმით, პროზაში თუ შტრიხებში.

ამას წინათ მას უსიამოვნება შეემთხვა. „მოსკოვსკიე ვედომოსტში“ დაიბეჭდა სტატია ჩვენი გენერალური (ანდა, როგორც აქ ამბობენ, „გენიალური“, რადგან ახალი პარიზული მოდის მიხედვით „რ“-ს კვეცკვენ) შტაბის ერთ-ერთ მოხელეზე. სტატია გამომწვევი და ბოროტი ხასიათისა იყო. არავის არ უცდია გაეგო, ვინ იყო მისი ავტორი. ბატ. ვოლხოვსკოის თავს დაატყდა სერიოზული უსიამოვნე-

ბა, მაგრამ ამ თავდასხმაში შეურაცხყოფილ მოხელეს მონაწილეობა არ მიუღია. არ დაკმაყოფილდნენ რა გოგოლის მიერ აღიარებული „დატუქსებით“, მათ უნდოდათ „დაებრუნებინათ იგი „პირველყოფილ მდგომარეობაში“, ე. ი. საკვებად ისევ კორექტურა მიეჩინათ. მაგრამ აღმოუჩნდნენ გავლენიანი მფარველებიც და მ. ტ. ლორის-მელიქოვმა საქმე მიაფუჩჩეჩა, რისთვისაც საკმაოდ გონებამხვეილური და საზრიანი გამოსავალი მონახა. ბედუქულმართი პორუჩიკი, მის ხელქვეითთა რისხვისაგან რომ დაეცვა, „მოსკოვსკიე ვედომოსტში“ დაბეჭდილი სტატია მე მომაწერა. ეს ამბავი ყველა განაწყენებულმა ხელქვეითმა დაიჭერა. საკმარისია ჩვენში ითქვას, რომ ნიკოლაძემ კალიფორნიის გაზეთში ესპანურ ენაზე იაპონიის მიკალო „გალანძლო“ და ამ ამბავში ეჭვი არავის შეეპარება. გამოჩნდებიან ადამიანები, რომლებიც ფიცით დაიწყებენ მტკიცებას, რომ თვითონ მნახეს, როგორ ვასწორებდი კორექტურას. როცა მე აქ პირველად მიმახვედრეს, თითქოს „მოსკოვსკიე ვედომოსტის“ სტატია ჩემი დაწერილია, შეურაცხმყოფელი კინაღამ დუელში გავიწვიე, რადგან როგორ გაბედა და გაიფიქრა, რომ მე შემოძლია კატკოვთან თანამშრომლობამეთქი, მაგრამ შემდეგ გავჩუმდი. დე მომაწერონ სხვისი „ლანძღვაგინება“, სამაგიეროდ მოეშვებიან მწერალს, რომელიც უკულმართმა ბედმა ისეთ ადამიანებს დაუმორჩილა, რომელთაც არ უნდათ გაიგონ, რომ საკუთარი მოვალეობის პატიოსნად და ბეჯითად შემსრულებელ მოხელეს სამსახურის გარეთ უფლება აქვს ითქვას და გააკეთოს რაც უნდა, გარდა ოფიციალური საიდუმლოების გამჟღავნებისა?

კორესპონდენტების ცალ-ცალკე დახასიათება მოვათავე. საჭიროა რამდენიმე სიტყვა ითქვას საერთოდ ყველაზე. მათ წესიერებაზე ყველაზე მეტად მეტყველებს კეთილი ამხანაგური დამოკიდებულება. რაც კორესპონდენტებს შორის სწრაფად მყარდება. მათ შორის არც მეტოქეობას ჰქონია ადგილი, არც ინტრიგებს, არც გულჩათხრობილობას და არც უთანხმოებას; განსაკუთრებით რუს კორესპონდენტებს შორის. ყველას ესმოდა, რომ სამუშაო ბევრია, რომ აქ ისინი ცელქეულ გაზეთს, ამა თუ იმ მიმართულებას კი არ ემსახურებიან, არამედ მთელ ჩვენს საზოგადოებას. საერთოდ, კორესპონდენტთა უმრავლესობას შეგნებული ჰქონდა, რომ აქ ისინი მხოლოდ ფელეტონების დასაწერად და „მხიარული პეიზაჟების“ აღსაწერად კი არ იმყოფებიან, არამედ ჩვენი საზოგადოება მათი თვალებით უყურებს ჩვენს ჯარს და ისინი არმიაში, ასე თუ ისე, ამ საზოგადოების წარმომადგენლები არიან...

ეს სტატია მე დავიწყე ამგვარი სიტყვებით: სამხედრო კორეს-

პონდენტი სრულიად ახალი მოვლენაა რუსეთის ცხოვრებაში. თავის-თავად ცხადია, რომ ამ კორესპონდენტების პირველი ნაბიჯები არ შეიძლება მტკიცე და უცოდველი ყოფილიყო. საზღვარგარეთაც კი, სადაც ბრძოლის ველიდან გამოგზავნილი კორესპონდენტები ამ უკანასკნელი 25 წლის მანძილზე, ჩვეულებრივი მოვლენაა, რიგიანი კორესპონდენტები თითებზე ჩამოსათვლელია. როსელი, მაკ-გახანი, კუტული (ესპანელი) — სულ ესაა რაც წარმოშვა ევროპულმა პრესამ, რომელიც კარგად მოწყობილი, განუსაზღვრელად თავისუფალი და ძალზე მდიდარია. ხოლო ჩვენს ახალგაამოცხვარ, თითქმის უსახსროდ დარჩენილ კორესპონდენტებისაგან რომ იგივე მოითხოვო — ეს იმას ნიშნავს, რომ ან სულ არ გესმის რაზე ლაპარაკობ, ანდა არაკეთილსინდისიერ მოთხოვნებს აყენებ. მოგვეცით დრო, აცალეთ კორესპონდენტებს გაეცნონ ახალ საქმეს, სცადონ სხვადასხვა სტილით წერა, აირჩიონ შესაფერისი სტილი და, შემწყნარებლობისა და თავისუფლების განვითარებასთან ერთად, ჩვენშიც გამოჩნდება სამხედრო კორესპონდენტი. მაგრამ ისეთი სპეციალური სამხედრო კორესპონდენტი კი არა, რომელიც ახრჩობს მკითხველს ტექნიკური ტერმინებით, არამედ სამოქალაქო პირი, რომელმაც სამხედრო საქმის შესახებ ყველაფერი იცის, რაც საზოგადოებამ უნდა იცოდეს და რითაც შეიძლება და უნდა დაინტერესდეს კიდევ იგი.

ყოველ შემთხვევაში, რუსეთში სამხედრო კორესპონდენტის გამოჩენა, რუსეთის საზოგადოებრივი განვითარების გზაზე წინ გადადგმული ნაბიჯის დამადასტურებელი ფაქტია. ვუსურვოთ მას, რაც შეიძლება ხშირად გადადგას ასეთი ნაბიჯი და დავამთავროთ ჩვენი გრძელი ნარკვევი. მინდოდა შევხებოდი აგრეთვე ცენზურის დამოკიდებულებას კორესპონდენტებისადმი, მაგრამ ბოლო დროს იმ დასკვნამდე მივედი, რომ ცოტა ნაადრევია...

83. კვლავ ბატ. ი. გოგებაშვილის შესახებ

მარადსახსოვარი ცილისწამების ავტორი, სემინარიის საავადმყოფოსათვის მატყლის შესყიდვის შესახებ, კვლავ გამოჩნდა „ტიფლისკი ვესტნიკის“¹ ფურცლებზე ახალი ცილისწამებებით და ამბებით. ბატ. გოგებაშვილის ცილისწამებისათვის ძალზე ნაყოფიერი ფანტაზიის ყველა გამონაგონის ცალ-ცალკე უარყოფა ფიზიკურად შეუძლებელია. მისი წრთობის ადამიანები მრავალთავიანი ურჩხულის ყველა თვისებით ხასიათდებიან. ვერ მოასწრებ თავი მოკვეთთო ერთ მის ცილისწამებას და მოკვეთილის მაგივრად ორი კიდევ უფრო დიდი ცილისწამება იზრდება. მაგალითად. ბატ. გოგებაშვილი „ტიფლისკი ვესტნიკის“ მკითხველებს არწმუნებდა, ბატ. ნიკოლაძის „ბრაზის და სიძულვილის“ მიზეზი თითქოს ისაა, რომ მან უარი განაცხადა „ობზორში“² თანამშრომლობაზე. ეს იყო ცილისწამება. ჩვენ დავასახელებთ ხუთი წლის წინათ გაზეთ „დროებაში“³ დაბეჭდილი ჩვენი სტატია და დავამტკიცეთ, რომ ასეთივე ცუდი აზრისა ვიყავით ბატ. გოგებაშვილზე „ობზორის“ დაარსებამდეც. გვეგონა, ადამიანს, რომელიც ასე ცხადად ამხილეს ცილისწამებაში, სირცხვილი შეაწუხებდა. თქვენც არ მომიკვდეთ. იგი იღებს კალამს და „ტიფლისკი ვესტნიკში“ ახალ ცილისწამებას წერს:

„ნიკოლაძე არწმუნებს მკითხველებს, თითქოს მის სტატიებში ჩემს შესახებ გამოთქმული აზრები პირადი ანგარიშსწორებით არ იყოს გაპირობებული. მე შემოძლია ადვილად დავამტკიცო მათი სიცრუე და, სხვათა შორის, მოვიყვანო ფაქტი, რომელიც ცნობილია ქართველ ინტელიგენტთა მთელი წრისათვის. ბატ. ნიკოლაძე 1869 წელს, უცხოეთიდან ჩამოსვლის შემდეგ, ძალზე დადებითად ლაპარაკობდა ჩემი საბავშვო ქრესტომათიის „ბუნების კარის“ შესახებ და ამასთანავე მირჩევდა თავი დამენებებინა ყველა სხვა საქმისათვის და მხოლოდ ქართულ ენაზე სახელმძღვანელოების შედგენისათვის მომეყიდა ხელი. მაგრამ რამდენიმე წლის შემდეგ, მას შემდეგ, რაც ჩვენ შორის განხეთქილება მოხდა, მან ისარგებლა ჩემი ავადმყოფობით, უძლურებით და ჩემზე და ჩემს წიგნზე პასკვილი დასწერა, საიდანაც მოიყვანა ნაწყვეტი საკვირაო ფელეტონში. მაგრამ ამგვარ მხილებას მე არ ვლებულობ, რადგან პირადული ხასიათისაა“.

სამწუხაროდ, 1873 წელზე ხუთი წლით ადრე ჩვენ ბატ. გოგებაშვილზე აზრი არ გამოგვეთქვამს. მაგრამ რომ გამოგვეთქვა კიდევ და ხელახლა დაგვემტკიცებინა ამ ცილისწამების სიცრუე, ბატ. გოგებაშვილი კვლავ იტყოდა, რომ ჩვენი ეს არსებული შეფასებაც ასევე „პირადი განხეთქილებით“ იყო ნაკარნახევი და ასევე მოიყვანდა მოწმედ ქართველ ინტელიგენტთა წრეს, რომელსაც ასახელებს მატყლის შესახებ ცილისწამების ავტორი იმ გამოგონილი უაზრობის დასამტკიცებლად, თითქოსდა რიშარმა ყოველი ფუთი მატყლი 9 მანეთად კი არ იყიდა ბითუმად, არამედ 5 მანეთად და ისიც ნაწილნაწილ...

ცილისწამებათა მოგონება, ამბების შეთხზვა, და ამ გზით მოწინააღმდეგისათვის ვნების მიყენება, ბატ. გოგებაშვილისა და მისი მსგავსი ბატონების სპეციალობაა. ისინი ამავე ხერხს იყენებდნენ, როცა სხვებს სასულიერო უწყებათა ხელმძღვანელებთან აბეზღებდნენ, და ჰგონიათ — ლიტერატურულ პოლემიკაშიც გამოადგებათ ამგვარი ხერხი. მაგრამ ნურას უკაცრავად! ერთია ჩუმად დაბეზღება, რამაც შეიძლება შემთხვევით გიშველოს კიდევ, და მეორეა — სახალხო ცილისწამება, რის უარყოფაც სახალხოდ შეიძლება, თუნდაც 1873 წლის სტატიის გადმობეჭდვით.

ძნელი არაა მიხვდეთ, რომ ადამიანი, რომელიც პრესის მეშვეობით საზოგადოებას ერთიანიმანვე ფაქტის ასახსნელად ორ საწინააღმდეგო აზრს სთავაზობს, ერთ-ერთ შემთხვევაში მაინც მატყუარა გამოდის მის თვალში. ორში ერთი: ბატ. გოგებაშვილი ან მაშინ ცრუობდა, როცა ხალხს არწმუნებდა ბატ. ნიკოლაძეს იმიტომ ვძულვარ, რომ უარი განვაცხადე „ობზორში“ თანამშრომლობაზეო, ანდა ცრუობს ახლა, როცა ამტკიცებს, რომ ბატ. ნიკოლაძეს სძულს იგი „პირადი შეჯახების“ (!?) გამო, რაც 1873 წლამდე მოხდა. თუ ხუთი წლის წინათ მართლაც მოხდა „პირადი შეჯახება“, მაშინ რატომ თავიდან არ მოიყვანა ეს შემთხვევა საბუთად ბატ. გოგებაშვილმა ბატ. ნიკოლაძის „სიბრაზისა და სიძულვილის“ ასახსნელად და რატომ არწმუნებდა საზოგადოებას, რომ ბრაზი და სიძულვილი წარმოიშვა მას შემდეგ, რაც მან უარი განაცხადა „ობზორში“ თანამშრომლობაზე?

შევაჩეროთ მკითხველთა ყურადღება იმ ბრწყინვალე მარგალიტზე, რომლითაც ჩვენს მიერ ამოწერილი ტირადა მთავრდება: კაცმა მოახდინა ყველაფრის ინსინუაცია, რისიც კი შეეძლო, ცილი დამწამა და ამის შემდეგ ყოფნის თავხედობა არწმუნებდეს მკითხველს: „ამგვარ მხილებას მე არ ვღებულობ, რადგან „პირადული ხასიათისაა“.

ვიმეორებთ, რომ ყველა მისი ცილისწამების უარყოფა ადამიანს არ შეუძლია... თუ რამდენად სიმართლის მოყვარულია ბატ. გოგებაშვილი თუნდაც ისეთ საკითხებში, როგორც ნაბეჭდი დოკუმენტებია, ჩვენ მოვიყვანთ მხოლოდ ერთ ფაქტს. ახლა იგი გვარწმუნებს, რომ „ივერიაში“¹ არაეის არ უქია მისი სტატიები“. და ეს მაშინ, როცა „ივერიაში“ მის სტატიებზე დაიბეჭდა მისივე ხელმოწერილი სტატია, სადაც ნათქვამი იყო, რომ ამ სტატიებმა ისეთი დიდი სამსახური გაუწია ჩვენს საზოგადოებას, როგორც კი ოდესმე გაუწევია პრესას. ბატ. გოგებაშვილის აზრით, ეს, რა თქმა უნდა, ქება არაა. იგი სერიოზულადაა დარწმუნებული, რომ გაღმერთების ღირსია ამ სტატიებისათვის. მკითხველები დამეთანხმებიან, რომ ამაზე მეტი ქება შეუძლებელია და, აი, ასეთი ადამიანები, რომლებიც ასე მოურიდებლად ცრუობენ ლიტერატურული, დოკუმენტალური ფაქტების წინაშე. ფიქრობენ, რომ ვინმე დაიჯერებს მათ სიტყვას შემთხვევითი საუბრების შესახებ *.

* ასევე მოურიდებლად ექცევა ბატ. გოგებაშვილი ლიტერატურასაც. საიდანაც მაგალითები მოპყავს. მაგალითად, იგი უარყოფს ჩვენდამი მტრულად და მისდამი მოყვრულად განწყობილი გაზეთის „ღროების“ განცხადებას, რომ მისი სახელმძღვანელო სახალხო მასწავლებელთა ყრილობამ დაიწუნა. ეს აზრი ჩვენ „ღროებისაგან“ ვისესხეთ. ამავე დროს, იგი გვითითებს „კავკასის“ საანგარიშო მოხსენებაზე და ამბობს, ამ აზრისა მხოლოდ ერთი მასწავლებელი იყო. „კავკასის“ საანგარიშო მოხსენებაში შეტანილია ორატორის მოსაზრებები, რომელთა წინააღმდეგ არავინ წასულა და ყრილობის დადგენილება — მიიღონ სახელმძღვანელო, სანამ უკეთესი გამოჩნდებოდეს, ბატ. გოგებაშვილს მისთვის სასარგებლო მოვლენად მიაჩნია. ამის შემდეგ ბატ. გოგებაშვილი ასახელებს აბასთუმანიდან გამოგზავნილ რომელიღაც თავის კორესპონდენტსაც, რომელშიც ჟერ კიდევ 1874 წ. ანეთარებდა აზრს — მშობლიური ენის პედაგოგიური მნიშვნელობის შესახებ. ამავე დროს, მას ავიწყდება საბუთად მოიყვანოს 1873 წელს დაწერილი ჩვენი სტატია. და ბოლოს, იგი ამხელს ჩვენი აზრის „სიცრუესა და უსამართლობას“ მასწავლებელთა ყრილობაზე მისი თავდასხმის მოტივების შესახებ. ასეთი კლასიკური ფრაზით: „როდესაც მე ყრილობის შესახებ წერილს (სტატიას) ვწერდი, არა თუ არაფერი არ ვიცოდი იმ კამათზე, რაც ქართული ენის პროგრამის შედგენის დროს გაიმართა, არამედ არც შემქმნელი მცოდნოდა, რადგან, მართალია წერილი 30 სექტემბერსაა დაბეჭდილი, მაგრამ იმ თვის შუა რიცხვებში დაწერიე და თბილისში გამოგზავნენ, ბატ. გოგებაშვილმა თუმცა არაფერი იცოდა კამათის შესახებ, მაგრამ მთელ ყრილობაზე მსჯელობდა! თუმცა ბატ. გოგებაშვილის მოტივებზე მე კი არ გამომიტქვამს აზრი, არამედ — გაზეთმა „ღროებამ“, სადაც გამოქვეყნებული იყო პედაგოგის აზრი ბატ. გოგებაშვილზე. ჩვენს წინააღმდეგ დაწერილ სტატიაში ბატ. გოგებაშვილი ასახელებს... სამ სტატიას, რომლებიც უანგაროდ დაბეჭდა ათი წლის განმავლობაში გაზეთ „ღროების“ ფურცლებზე. ჩვენ ეს სტატიები არ წაგვიკითხავს, სწოლო რაც შეეხება ცილისწამებებს, თითქოს ჩვენ „გადაკვირით“ ელაპარაკობთ ბატ. გოგებაშვილის სიმპათიებზე, — „ობზორის“ მკითხველებისთვის ცნობილია, თუ რამდენად ყალბია

როგორ ვერ შეუგნიათ ამგვარ ადამიანებს ერთი უბრალო ქეშმა-რიტება? ვთქვათ, ბატ. ნიკოლაძე მართლაც გაბრაზებულია და სძულხართ თქვენ იმის გამო, რომ უარი განაცხადეთ „ობზორში“ * თანამშრომლობაზე. ვთქვათ, თქვენი სიტყვები სრული ქეშმარიტებაა. შესანიშნავია. შერცხვეს ბატ. ნიკოლაძე და დამნაშავეს თავს დაატყდეს ღვთის რისხვა. მაგრამ საქმე ისაა, რომ საკითხი ბატ. ნიკოლაძეს კი არ ეხება, არამედ თქვენ, ე. ი. საზოგადოებრივი საქმეების წარმოების თქვენ სისტემას. განა თქვენი და თქვენი ცილისმწამებლობის, ინტრიგების და უყაირათობის გამო არ დაეხშო გზა სემინარიისაკენ ქართველ ახალგაზრდობას? დაამტკიცეთ, რომ ბატ. ნიკოლაძე მართალი არ იყო, როცა თქვენ და თქვენ მეგობრებს ბრალს გდებდათ ამ ამბავში და ამით უფრო მალე დაამარცხებთ მას. თქვენი სრული გამართლება ამ საქმეში ხალხს დანახვებს, რომ ბატ. ნიკოლაძე ცილისმწამებელია და საზოგადოების თვალში ამით იგი მილიონჯერ მეტს დაკარგავს, ვიდრე იმ სტატიების დასახელებით, რომლებიც თითქოს „ობზორს“ დაპირდით ან „ტიფლისკი ვესტნიკს“ გადაეცით. ყველა ეს წვრილმანი თქვენ შეიძლება უსასრულოდ გაინტერესებდეთ, მაგრამ ხალხისათვის ჩირადაც არ ღირს. ხალხს მხოლოდ ის აინტერესებს, თუ ვის უნდა უმადლონ, „სემინარიის ისტორია“ რომ ასე უაზროდ დამთავრდა. დაწერეთ ამის შესახებ და თუ თქვენ შესძლებთ თავი გაიმართლოთ, ეს სრულიად საკმარისი იქნება თქვენი ღირსებისათვის და ბატ. ნიკოლაძის შესარცხვენად; მაგ-

ბედუკულმართი ცილისმწამებელის ფანტაზიის ნაყოფი. ჩვენ არ გვჩვევია „გადაკვრით“ ლაპარაკი, სათქმელს ჩვენ პირდაპირ ვამბობთ, და ასეთი არასოდეს არაფერი გვითქვამს. ჩვენ არა თუ თავს არ დავსხმივართ ბატ. გოგებაშვილის კეთილვანზრახვას, არამედ დავიცავით მისი კეთილი განზრახვა მოხერხებული მოწინააღმდეგეებისაგან. ჩვენ მხოლოდ სიბრძნევით ვხსნით მის შეცდომებს და მარცხს, რაც სხვებს დანაშაულად მიაჩნიათ...

რ ე დ.

* ამგვარი ადამიანები რომ ცილისწამებას გადაეჩვიონ, ერთხელ და სამულამოდ ვაცხადებთ, რომ თბილისში რეპორტიორების და მკლანელების ნაკლებობამ იძულებული გაგვხადა სხვადასხვა საანგარიშო მოხსენებების შედგენა არა მარტო ბატ. გოგებაშვილისათვის, არამედ ბატ. სობენეესკისთვისაც კი დაგვევალებინა. სწორედ ამ უკანასკნელმა შეადგინა ანდრეევსკიას საქმეზე სასამართლო სხდომების საანგარიშო მოხსენება. რედაქტორის ფანქარი, რომელიც ამგვარი „თანამშრომლების“ წერილებს ასწორებდა, მთლიანად უზრუნველყოფდა „ობზორის“ მკითხველებსა და მის რედაქციას ყოველგვარი გადახვევებისაგან, ჩვენს მიერ არჩეული გზიდან. დე, პირველად თბილისის იმ რედაქტორებმა გვესროლონ ქვა, რომლებიც აქაურ უდაბურობას იძულებული არ გაუხდია დამორჩილებოდა ამგვარ აუცილებლობას.

რ ე დ.

რამ ამ საკითხს თქვენ არ ეხებით, მოწიწებით უვლით გვერდს და მუდამ რაღაც პირად შეჯახებებსა და პატივისცემაზე ლაპარაკობთ. კამათის არსის ახსნა-განმარტებისათვის სისტემატური გვერდის ახვევა და ერთი უსარგებლო ჭორიდან კიდევ უფრო უსარგებლო მეორე ჭორზე გადასვლა ამტკიცებს, რომ თქვენ საზოგადოებას თვალს უხვევთ. ინებეთ და დაუბრუნდით ამ საკითხს, წინააღმდეგ შემთხვევაში სიცრუე თქვენი საუბრების, სტატიების და შეჯახებების შესახებ ვერ გიხსნით იმ კაპიტალური ბრალდებისაგან, რაც ბატ. ნიკოლაძის სიტყვების შედეგად კისრად გაწევთ.

84. საკვირამო საუბრები

ორი პროცესი. — გლახთა არაულობა და თავადების განპარტულებები.

— ჩვენი დღეების გმირი ვ. დ. სპასოვიჩი. — მისი მნიშვნელობა. — მისი საუნივერსიტეტო პოპულარობა. — როგორ გადაწყვეტეთ, რომ იგი ჩამორჩენილია? — ვინ იყო მაშინ მართალი? — ბატ. სპასოვიჩი, როგორც ორატორი. — რატომ არა აქვს მას ფრთები. — როგორი საქმეებისათვის უნდა მოეკიდა ხელი? — გამბედა და ბატ. რეიტერი ან ბატ. დანილოვი. — რა შედეგო ეფიქრა ბატ. სპასოვიჩს, როცა ჩვენს პალატაში შემოდიოდა? — ტალანტი და ოქრო. — რატომ იცავს ბატ. სპასოვიჩი ბატ. ჩქოტუას? — რა გზით გარდაიქმნება ჩვენში „მთავარი როლები“ „utilite“-დ? — რად უნდა გარდაიქმნეს მაშინ საშუალო როლები?

გახმაურებული და მნიშვნელოვანი პროცესების კვირაა. სამხედრო სასამართლოებს ჯერ არ დაუმთავრებიათ ქ. სიღნაღში გლახთა მღელვარებით გამოწვეული საქმე და თბილისის სამოქალაქო სასამართლო შეუდგა თავადების მღელვარებით გამოწვეული არა ნაკლებ მნიშვნელოვანი საქმის განხილვას. მართალია, მიზეზები ურთიერთსაწინააღმდეგოა, მაგრამ ორივე საქმე თანაბრად აინტერესებდა და აინტერესებს ადგილობრივ საზოგადოებას. უფრო მეტიც, ორივე საქმე ღირსია იმ ყურადღებისა, რასაც ხალხი მათდამი იჩენს მთელი ამ ხნის განმავლობაში... მაგრამ ამ საქმეებზე პრესაში ლაპარაკი, ისიც ადგილობრივ პრესაში, და თანაც გულახდილად, ჯერ კიდევ ძალზე ადრეა... უნდა „ვეცალოთ საქმის გამორკვევას“, საჭირო არაა „წინასწარ განვმარტოთ მოვლენები“... რა გაეწყობა, ჩვენ შეგვიძლია დაველოდოთ... ეს ხომ სამოქალაქო პროცესი არაა, რომ საერობო ან პოლიციური ხანდაზმულობის გამო კრიტიკასა და ისტორიას უფლება წაართვას, ანდა შეარბილოს პრესის მომავალი განაჩენის ძალა, „განაჩენებს განაჩენებზე“...

და რადგან გვერდზე გადავდეთ საქმის არსებითი მხარე, შევუდგეთ მეორეხარისხოვანი საქმეების განხილვას. მივბაძოთ ჩვენც იმ მგრძნობიარე ქალბატონების მაგალითს, რომლებიც ამჟამად ყველაზე მეტად სახელგანთქმული დამცველის ვ. დ. სპასოვიჩის ფიზიონომია აინტერესებთ და არა ბრალდებულთა პიროვნება.

ჩვენი დღეების გმირი ნამდვილად იმსახურებს საყოველთაო ყუ-

რადღებას. ცხადია, მაყურებელთა ხარბი მზერა და მაყურებელი ქალების ვნებიანი გამოხედვა, რაც ერთი საათის შემდეგ პალატაში ვ. დ. სპასოვიჩისავე იქნება მიმართული, უკეთეს ობიექტს ვერ აირჩევდა. ჩვენი სასამართლო რეფორმის მიერ დაწინაურებული ვექილების ბრბოში მხოლოდ იგი აღმოჩნდა ღირსი მაღალი კვარცხლბეკისა, რომელზე ასვლასაც ცდილობდნენ ასობით და ათასობით მეტად თუ ნაკლებად ნიჭიერი და მომზადებული ადამიანები. მაგრამ ათასთა შორის იგი ერთია... თქვენ გგონიათ ამით ცოტაა ნათქვამი? ჰკუთით, ნიჭით, თავდაპირველობითა და ხასიათით იგი იყო და არის რუსეთის ერთ-ერთი საუკეთესო ვექილი. ორმოცი მილიონი ადამიანით დასახლებულ ქვეყანაში თორმეტი წლის მანძილზე რომ ასეთ სიმაღლეზე იდგე, ნება თქვენი, მაგრამ ამისთვის დიდი ძალა და მონაცემებია საჭირო... ამ ბოლო დროს მხოლოდ ბატ. ალექსანდროვი უწევს მას სერიოზულ მეტოქეობას...

რუს ვექილთა შორის მხოლოდ ბატ. სპასევიჩმა გაიგო შედარებით ღირსეულად ადვოკატურის მაღალი დანიშნულება. მაშინ, როცა ბატ. პლევაკოვებმა, პოტეხინებმა და tutti quanti -მ ადვოკატურის დანიშნულება გაიგეს, როგორც იმ უბედურ ადამიანთა გამოსათავისუფლებელი და ძარცვის საშუალება, რომელთაც ნებით თუ უნებლიეთ საქმე აქვთ სამოქალაქო ან სისხლის სამართლის მართლმსაჯულებასთან, ბატ. სპასევიჩს არ დაეიწყებია, რომ მარტო ფული არაა პური ჩვენი არსობისა... თუ მთლიანად არა, ნაწილობრივ მაინც მიხვდა იგი, და მარტო იგი, რომ ქვეყანაში, სადაც არც ბეჭდვის თავისუფლებაა და არც საერობოს საქმეებს იხილავენ სახალხოდ, ახალი, ღია სასამართლო ვექილს მოვალედ ხდის იტვირთოს სახალხო-საზოგადო მოღვაწის ყველა როლი... მე არ ვამბობ, რომ იგი ყოველთვის ერთგული იყო ამ როლების, ყოველთვის განუხრელად ასრულებდა მათ. ო, არა. მაგრამ მას ყველაზე მეტად ახსოვდა მათი არსებობა...

უნივერსიტეტში მე მისი მოწაფე ვიყავი. იმ შესანიშნავ დროს, როცა მამა-პაპეულ სარდაფებში აღზრდილნი პირველად „ვიხუთებოდით“ სუფთა ჰაერით, მას უკანასკნელი ადგილი არ ეჭირა ახალგაზრდა პროფესორების პლეადაში, რომელმაც ჩვენ ახალი ჰორიზონტები დაგვანახა და, ამავე დროს, კალთაზე გვექაჩებოდა, რათა მეტისმეტად წინ არ გავარდნილიყავით... უცნაური ბედი ეწია ამ შესანიშნავ პლეადას, რომელიც რამდენიმე თვის განმავლობაში პოპულარობის უმაღლეს მწვერვალზე იდგა და უეცრად პედესტალიდან ჩამოაგდეს. ბატ. კოსტომაროვი, სტასიულევიჩი, პავლოვი, სპასოვიჩი და სხვები დიდ ხანს არ დამტკბარან თავლობის თვით. რატომ დაეცა ყველა? იქნებ იმიტომ, რომ იმედი ჩაუსახეს ახალგაზრ-

დებს და აღარ ისურვეს ამ იმედების გამართლება, ან იქნებ იმიტომ, რომ სხვა ეპოქის შვილები იყვნენ და არ შეეძლოთ ამგვარი იმედების გამართლება, რადგან მათ იდეებს, მისწრაფებებსა და ხასიათს მთლიანობა არ გააჩნდა?

პირველი დარტყმა ბატ. სპასოვიჩის პოპულარობას ჩვენმა სტუდენტობამ მაშინ მიაყენა, როცა 1861 წელს ეს ლიბერალი პროფესორი პრესაში გამოვიდა თეორიით, რომლითაც ამტკიცებდა, რომ რუსეთში ნაფიც მსაჯულთა სასამართლოების შემოღება ჯერ ადრეაო. ღმერთო ჩემო, რა ხმაური ატყდა მაშინ ჩვენს შორის! თქვენ არ იცით, რა აბსოლუტური, რა შეუწყნარებელია ადამიანი ჩვიდმეტი წლის ასაკში. არაფერს არ უწევს ანგარიშს, არავითარ მოსაზრებებს არ ღებულობს მხედველობაში... ურთულესი საკითხების გადაწყვეტა 5 წუთში, ერთი ფრაზით ხდება. ჩვენ იმ წამსვე, და არა თუ „წინასწარი შეთანხმების“, არამედ „წინასწარ მოფიქრებული განზრახვის“ გარეშე, ერთხმად გადავწყვიტეთ, რომ „სპასოვიჩი ჩამორჩა“. იმ დროს ეს მკაცრი სიტყვა იყო და ჩვენ წესი აუუგეთ ჯერ კიდევ გუშინ საყვარელ ადამიანს და არ დავფიქრებულვართ, როგორ მოხდა, რომ ერთი დამის განმავლობაში ადამიანი „ჩამორჩა“.

სინამდვილეში ჩვენ მაინც მართალი ვიყავით, თუმცა არ გვესმოდა რატომ... უკვე 12 წელია, რაც რუსეთში ნაფიც მსაჯულთა სასამართლო მოქმედებს. ცხადია, შეცდომებიც იყო დაშვებული, მაგრამ რას ნიშნავს „საზოგადოებრივი სინდისის სასამართლოს“ ორისამი შეცდომა უწინდელი სასამართლოსათვის ათასობით შეცდომასთან შედარებით? და აი, ახლა, როცა ვიგონებთ ვ. დ. სპასოვიჩის მაშინდელ თვალსაზრისს, თითქოს ჩვენში ნაფიც მსაჯულთა სასამართლოს შემოღება ნადრევია, ჩვენ ყველას გვაკვირვებს რამ აიძულა იგი 1861 წელს განემტკიცებინა თავისი მეცნიერული ავტორიტეტით მაშინდელი რეტროგრადების აზრი... ახალგაზრდებს ინსტინქტმა უკარნახა მაშინ, რომ ბატ. სპასოვიჩი მართალი არაა, სცდება. ამიტომ გულში ჩვენ იგი მკაცრად დავსაჯეთ. ჩვენ „მხედველობაში უნდა მიგვეღო ის გარემოება“, რომ ორმოციანი წლების ადამიანს, რომელმაც განიზრახა ცხოვრებაში განეხორციელებინა თავისი იდეები და თეორიები, მისდაუნებურად და ფატალურად უკან უნდა დაეხია...

მას შემდეგ მე იშვიათად ვხვდებოდი ბატ. სპასოვიჩს, ვისმენდი მის ბრწყინვალე ლექციებს „თავისუფალ მსმენელთა უნივერსიტეტში“, რომელიც ქალაქის საბჭოს შენობაში მოვაწყვეთ. 1864 წელს დავესწარი მის კიდევ უფრო ბრწყინვალე სადოქტორო დისპუტს, მაგრამ უცნაური ამბავი მოხდა; მას შემდეგ ორმოციანი

წლების დიალექტიკოსი ჩემს თვალში ყოველთვის ჩრდილავდა სამოციანი წლების ტრიბუნს...

ბატ. სპასოვიჩმა, 1866 წელს, პროფესურა მიატოვა და როგორც კი ახალი სასამართლოები გაიხსნა, „ნაფიცი ვეჟილი“ გახდა. მე ყურადღებით წავიკითხე მისი შესანიშნავი სიტყვების დიდი ნაწილი, რომლებიც შემდეგ შეკრიბეს და ერთ დიდ ტომად გამოსცეს („მრავალი წლის განმავლობაში“, 1872). წაიკითხეთ ეს სიტყვები და გაგაკვირვებთ ორატორის ძლიერი გონება, მისი ოსტატური და მოქნილი დიალექტიკა, მისი ნაკითხობა, განათლება, ერთი სიტყვით, ყველაფერი. თქვენ დაინახავთ, რომ ეს კაცი არც კანონების პედანტურად დამცველია, არც იმის მომხრე, რომ „დაიცვას, რადაც არ უნდა დაუჯდეს“, და არც სოფისტი. იგი ჰკვიანი, საქმიანი, აზრიანი ორატორია და ესმის ორატორობის მაღალი დანიშნულება... მაგრამ ორატორის ფრთებს თქვენ მას ვერ შეამჩნევთ. მას ესმის ორატორობის დანიშნულება, მაგრამ გარემო ზღუდავს და არ ყოფნის ძალა გაშალოს ძლიერი ფრთები, ავიდეს თავისი იდეების სიმაღლეზე, რათა აიძულოს უბადრუკი გარემო — დაემორჩილოს გენიის ძალას... ორმოციანი წლების ადამიანთა ბედი მასაც ტვირთად აწევს. რაც უფრო მაღალია მათი იდეალები, რაც უფრო აბსოლუტურია მათი თეორიები, მით უფრო ცდილობენ ისინი წავიდნენ დათმობაზე, რაც არავის სჭირდება და რასაც არავინ მოითხოვს მათგან, და ამით მოიპოვონ უფლება იქონიონ სულის სიღრმეში ორიგინალური აზრები. ბრალი მათთვის არავის დაუდგია, მაგრამ ისინი თვითონ, ყოველგვარი ძალდატანების გარეშე გრძნობენ თავს დამნაშავედ იმაში, რომ სულ სხვაგვარად ფიქრობენ და ოცნებობენ, ვიდრე სხვა მოკვდავნი. მათი აზრით, საჭიროა „დანაშაული“ გამოისყიდონ, ზოლო გამოისყიდვანიშნავს „მამა-პაპათა წესის მიხედვით“ ცხოვრებასა და მოქმედებას...

ჩემი აზრი რომ უკეთ განემარტო, მინდა წარმოვიდგინო ადამიანი, რომელსაც ბატ. სპასოვიჩის ძალა, ცოდნა და გონება აქვს და ცხოვრობს რომელიმე სხვა ეპოქაში ან სხვა ქვეყანაში. მაგალითად, საფრანგეთში, ჩვენს ეპოქაშიც კი, იგი არც ისე შორს იქნებოდა გამბეტასაგან: ბატ. სპასოვიჩი დაიწყებდა სასამართლოში საქმეების დაცვას, ან რატომ არ უნდა დაეწყო? მაგრამ იცით როგორ საქმეებს მოჰკიდებდა ხელს? ვერავითარ მილიონები ვერ აიძულებდა მას დაეცვა... თუნდაც ბატ. კრონენბერგი, რომელსაც ბრალად ედებოდა ქალიშვილის მიმართ სასტიკი მოპყრობა და ბატ. სპასოვიჩმა იხსნა იგი. ალბათ, არც თავ. ჩქოტუას დაიცავდა. ჩვენი დროის საფრანგეთში მას ძალზე კარგად ეცოდინებოდა, რომ მისი ტალანტით, გონებით, ოცნებებით და მდგომარეობით დაჯილდოებულმა ვეჟილმა

მხოლოდ ისეთი საქმეების დაცვას უნდა მოჰკიდოს ხელი, რომელიც საზოგადო ინტერესებს ემსახურება... საქმეებს, რომლებიც ვეჭილს კი არ ასაზრდოებს, არამედ ორატორსა და ტრიბუნს. გამბეტას რომ თავისი ტალანტი ქურდობაში დაჭერილი ყველა მდიდრებისა და ყველა შერცხვენილი დიდი კაცების დასაცავად გამოეყენებინა, მილიონებს შეიძენდა. მაგრამ მას ესმის, რომ ეს არაა საზოგადო მოღვაწის საქმე, ამისათვის მამა და შვილი ლაშოები არსებობენ... იგი დაიცავს მუშას, რომელსაც უკანონო გაფიცვაში დებენ ბრალს, ანდა ჟურნალისტს, რომელიც იმიტომ დასვეს საბრალდებულო სკამზე, რომ პრესის კანონები დაარღვია. მათი დაცვა გამბეტას არაფერს მისცემს, მაგრამ საზოგადოების განვითარების საქმეს დიდ სამსახურს გაუწევს და შისტვის ეს საკმარისია. მართალია, იგი ღარიბია, იღებს დღიურ სამუშაოს ჟურნალებიდან, პალატაში „République française“-ს რედაქციაში მთელი წლის მანძილზე მუშაობისათვის თითქმის იმდენსავეს ღებულობს, რამდენსაც ჩვენში ერთი თვის მანძილზე ღებულობენ ბატ. რეიტერი ან დანილოვი... მაგრამ თქვენ ვის მდგომარეობას არჩევდით მკითხველო?!..

ბატ. სპასოვიჩი რომ სხვა ეპოქის ადამიანი იყოს, იგი არ გამოვიდოდა თბილისში ბატ. ჩქოტუას დასაცავად, მაგრამ არა იმიტომ, რომ ვეჭილს არ ეკადრება მისი საქმის დაცვა, არა. მე სულ სხვას ვამბობ: ბატ. სპასოვიჩის ჭკუითა და ნიჭით დაჯილდოებული ვეჭილი, რომელიც ემზადება გამოვიდეს თბილისის პალატაში 1878 წლის ნოემბრის ბოლოს, ასეთ სიტყვას წარმოთქვამდა საკუთარი თავის წინაშე:

— ერთი კვირის წინათ სიღნაღში გაასამართლეს 20 გლეხი, გაასამართლა სამხედრო სასამართლომ, ომის დროის კანონების მიხედვით. მათ ბრალად დასდო „კანონით დამყარებული ხელისუფლების განკარგულებებისადმი წინააღმდეგობა“ და „ამ ხელისუფლების წარმომადგენელთა სასტიკი ცემა“. ამგვარად, ამ ოცი კაცის სიცოცხლე საფრთხეში იყო, მათ სასიკვდილო განაჩენი ემუქრებოდა. რა თქმა უნდა, ოცი კაცის სიცოცხლეს დიდი მნიშვნელობა არა აქვს, არ იმსახურებს იმას, რომ სერიოზული და საქმიანი ორატორი, რომელიც ბატ. სპასოვიჩის მდგომარეობით და ავტორიტეტით სარგებლობს, ამისთვის პეტერბურგიდან სიღნაღში ჩამოვიდეს. მაგრამ სიღნაღელი გლეხების პროცესის დროს შეეხენ თანამედროვე საზოგადოებრივი ცხოვრების ყველაზე არსებით მხარეებს. გლეხების ეკონომიური მდგომარეობა აქ მთელი სიშიშვლით გამოვლინდა... გლეხთა ეკონომიური მდგომარეობა გამოაშკარავდა მთელი სიმძაფრით... სოფლის ხელისუფალთა მიერ თანამდებობის ბოროტად გამოყენება გამოჩნდა

ცხადად... აქ შეიძლებოდა დროულად დასმულიყო ხალხის ცხოვრების ყველა საკითხი. ჩვენში არ ყოფილა და არც შეიძლებოდა ყოფილიყო პროცესი, რომელსაც უფრო დიდი საზოგადოებრივი მნიშვნელობა ჰქონოდა და უფრო ნაყოფიერი ნიადაგი შეექმნა სერიოზული ორატორისათვის, ვიდრე სიღნაღის პროცესია... და მე, ერთადერთი ან თითქმის ერთადერთი ვექილი რუს ვექილებს შორის, რომელსაც მესმის ორატორის მაღალი საზოგადოებრივი დანიშნულება, არ ჩამოვედი სიღნაღში, არ მოვეკიდე ხელი გლეხების საქმეს, არ ვისარგებლე შემთხვევით, ახლა კი მინდა... რა?

დავიცვა ბატ. ჩქოტუა, რომელსაც ბრალად ედება უბედური ქალიშვილის ანდრეევსკაიას მკვლელობა. რა უნდა მოუხერხო ამ საქმეს? რა საზოგადოებრივი საკითხები გამომდინარეობს ამ საქმიდან ანდა წყდება მით? როგორი წესებისა და უწყისობის გამოქვავდება შემიძლია მე, თუ ამ საქმეს დავეყრდნობი? ხოლო თუ ამ საქმეს გააჩნია საზოგადო მხარეები — ეს მხარეები პროკურორისათვისაა ხელსაყრელი და არა დამცველისათვის... რატომ ვკიდებ ხელს ამ საქმეს? რატომ ვახურდავებ ჩემს ტალანტს და ორატორისა და ტრიბუნის როლს, რატომ ვუწევ კონკურენციას იმ უბადრუკ ვექილებს, რომელთაც ხელს აძლევს მდიდარი დამნაშავეების დაცვა, რადგან რამდენიმე ასეულ სოფისტურ სიტყვაში რამდენიმე ათას მანეთს იღებენ?...

დიდია ორატორული ხელოვნების ძალა და დიდია ორატორისა და ტრიბუნის დანიშნულება იმ ქვეყნებში, სადაც საზოგადოებრივი ცხოვრება ფართოდ ვითარდება. მაგრამ სამწუხაროა, რომ ამ ცხოვრების ერთადერთი სიკეთე, რომელიც ყველაზე დამოუკიდებლად ეღობება წინ კაპიტალის ძალას, ჩვენში სწორედ მას ემსახურება... ამდენ ხანს ფულით ყველაფრის ყიდვა შეიძლებოდა, დაწყებული თანამდებობიდან სილამაზითა და უმანკოებით გათავებული, ყველაფრის, გარდა ტალანტისა. მხოლოდ ტალანტს ეჭირა ამაყად დამოუკიდებლობის დროშა ოქროს კერპის თვალწინ, რომლის წინაშე ბრმად იხრიდა ქედს ყველა სხვა ძალა. ნუთუ წილად გვხვდა ვიხილოთ, როგორ მიატოვებს ტალანტი თავის პავილიონს, რათა გაამრავლოს ვაალის მსახურთა რიცხვი? განა ცოტა იტანჯება ჩვენს ციხეებში ისეთი ადამიანი, რომელიც დახმარებისა და თანაგრძნობის ღირსი არის და, ამავე დროს, მოკლებულია ყოველგვარ თანაგრძნობას და არავისგან არ ელის დახმარებას? რატომ ხდება, რომ ჩვენი ორატორები და ტრიბუნები ასეთი ხალხის დაცვას უცნობ და უძლურ ადამიანებს, — ბატ. ტატიევებსა და გამრეკელებს უთმობენ, ხოლო ისეთი ადამიანების დაცვას, როგორიც კრონენბერგი და ჩქოტუა თვი-

თონ ჰკიდებენ ხელს? რატომ გვეზარება მგზავრობა და რატომ ვართ სიტყვაძუნწი, როცა საქმე ეხება ათეული ადამიანების სიცოცხლის დაცვას და უამრავი საზოგადოებრივი საკითხების გამორკვევას, და ასე გულუხვნია—როცა გვთხოვენ ჩვეულებრივი მკვლელი დავიცვათ?

მე არ ვფიქრობ, რომ ბატ. სპასოვიჩი მარტო ფულის გამო აკეთებს ამას. მართლაც, რა უნდა მისცეს მას ბატ. ჩქოტუამ? ცნობილია, რომ ღამნაშავე თავ. შარვაშიძის მოურავი იყო. ცხადია, მას რომ საკუთარი თავის დასაცავად ათი ათასობით მანეთის გაღება შეეძლოს, მოურავად კი არ დადგებოდა, არამედ დამოუკიდებელ საქმეს მოჰკიდებდა ხელს. ასე რომ, ბატ. სპასოვიჩმა ბატ. ჩქოტუას საქმეს ფულის გამო არ მოჰკიდა ხელი... მე ვუშვებ, რომ ბატ. სპასოვიჩი მას უანგაროდ იცავს, მაგრამ მაინც ვეკითხები, რატომ ვლინდება მისი უანგარობა სწორედ მაშინ, როცა ბატ. ჩქოტუა დასაცავი და არა მაშინ, როცა საჭიროა თუნდაც ათიოდე გლეხის სიცოცხლის გადარჩენა, რომელთა სრული უდანაშაულობა იმით დამტკიცდა, რომ ეს გლეხები სამხედრო სასამართლომაც კი გაამართლა. აი, საინტერესო საკითხი...

მე, ცხადია, ერთი წუთითაც არ ვფიქრობ, რომ ბატ. ჩქოტუას გამო, რომელიც მოურავი იყო და ამიტომ არ შეიძლება მდიდარი ყოფილიყო, ბატ. სპასოვიჩი ვინმემ ოქროში ჩასვას. ჩვენს დროში ისეთი უანგარო კეთილისმყოფელები, რომლებიც ადამიანს გაჰკირვებაში ეხმარებიან, არსად ჩანან... მაშინ რით უნდა ავხსნათ ამგვარი უცნაურობა?

არაფრით, მკითხველო. ყოველივე ამის ასახსნელად საკმარისია ერთი ფრაზა: „ორმოციანი წლების ადამიანებს არ გააჩნიათ მთლიანობა და აკლიათ სიმტკიცე“.

მათ დედის რძესთან ერთად შეითვისეს მანკიერი ჩვევა — დაუთმონ გარკვეულ წრეებს, სულერთია, საჭიროა ეს თუ არა, სასარგებლოა თუ უსარგებლო. მათ გონიათ, რომ, ამ დათმობის გარეშე, „გარემო მათ გასრესს, შთანთქავს“. დათმობებმა ისინი მიაჩნია გულგრილად მიუდგნენ ყოველ საქმეს. თავიანთი მაღალი დანიშნულება თანდათან ავიწყლებათ. ერთხელ დამცველად მეგობრის თხოვნით გამოხვალ, რათა არ აწყენინო, მეორეჯერ — ფულისათვის, რათა ბედზე არ იყო დამოკიდებული, მესამეჯერ — გავლენიანი პირის რეკომენდაციით, რათა მტრები არ შეიძინო და ასე უსასრულოდ! აი, როგორ ეცლებათ თანდათან ფეხქვეშ საზოგადოებრივი ნიადაგი და

როგორ დადინ თანდათან ნაფიც და ბანალურ დამცველებამდე ის აღამიანები, რომელთაც ყველა მონაცემი ჰქონდათ იმისათვის, რომ თავიანთი დროისა და საზოგადოების წინამძღოლები ყოფილიყვნენ...

აბა დაფიქრდით, თუ ასე წვრილად ხურდავდება რუსეთის საუკეთესო ძალები, რა გამოყენება უნდა ჰქონდეს ჩვეულებრივმა, საშუალო ძალებმა?

85. ფოთისა და ბათუმის შედარებითი მნიშვნელობა

თბილისი, 26 ნოემბერი

სატახტო ქალაქის გაზეთები გვატყობინებენ, რომ ბათუმი არ აკმაყოფილებს დიდი ნავსადგურის მოთხოვნილებებს და ამიტომ ნავარაუდევია გაძლიერდეს ფოთის ნავსადგურის სამშენებლო სამუშაოები.

რადგან ამ ცნობას ჩვენი ქვეყნისათვის დიდი მნიშვნელობა აქვს, ამიტომ მე საჭიროდ ვთვლი კიდევ ერთხელ განვმარტო ბათუმისა და ფოთის მნიშვნელობა.

სიძნელეებმა, რაც ჩვენმა ჯარებმა ბათუმისაკენ მოძრაობის დროს განიცადეს, ამ ქალაქის თურქებისაგან გაწმენდის ხანგრძლივობამ ბერლინის ტრაქტატის²⁰ შემდეგ და, ბოლოს, იმ მნიშვნელობამ, რაც ამ ქალაქს ბერლინის კონგრესზე მიანიჭეს — ბათუმი საყოველთაოდ ცნობილი გახდა რუსეთში. ესაა იმის მიზეზი, რომ ახლა მას დიდ მნიშვნელობას ანიჭებენ და ხელისუფლება განსაკუთრებულ ყურადღებას იჩენს და ზრუნავს ამ ქალაქისათვის, რადგან, ბოლოს და ბოლოს, იგი რუსეთს დარჩა და საბაჟო გადასახადისაგან თავისუფალ ნავსადგურადაა გამოცხადებული, რაც ნიადაგს ჰქმნის ბევრი ადმინისტრაციული ცდების, პროექტების, ვარაუდებისა და მოსაზრებების განსახორციელებლად. ყველაფერი ეს სავსებით ბუნებრივია, მაგრამ მედალის უკანა მხარესაც უნდა შევხედოთ: ბათუმი, როგორც არ უნდა აზვიადებდნენ მის მნიშვნელობას, მაინც რჩება შავი ზღვის სანაპირო ზოლის ერთ-ერთ ჩვეულებრივ პუნქტად, რომლის მეშვეობითაც უნდა წარმოებდეს რუსეთის ვაჭრობა, და როგორც არ უნდა განვითარდეს ეს ქალაქი, სახელმწიფო ადამიანების თვალში ვერ დაჩრდილავს იმ ფაქტს, რომ 80 მილიონიანი რუსეთის მოსახლეობას ვერ დააკმაყოფილებს მხოლოდ ბათუმის მეშვეობით ვაჭრობა. თურქეთის საზღვართან მდებარე რუსეთის ცენტრიდან ყველაზე მეტად დაცილებული პუნქტის (მცირე აზიის მხარეს) მეშვეობით ვაჭრობა ვერ გაამდიდრებს რუსეთის მოსახლეობას, რომელიც ახლომახლო არ ცხოვრობს და ბათუმის ირგვლივ

მდებარე ტერიტორიის ექსპლოატაციის დროს წააწყდება უცხოეთის სავაჭრო დაწესებულებების, კაპიტალისტებისა და მეწარმეების კონკურენციას. ეს მეწარმეები ქვეყნის ექსპლოატაციის დროს პროტოფრანკოს წყალობით თავიანთი ოპერაციებისათვის მყარ ნიადაგს იპოვიან აუცილებელი კრედიტებისა და ევროპული ტექნიკის დახმარებით. ყველაფერი ეს რუსებისათვის, ალბათ, არ იქნება ხელმისაწვდომი, რადგან ბათუმში ჩამოსულთ არც სავაჭრო კავშირი ექნებათ ვინმესთან, არც კრედიტი, არც კაპიტალი და იძულებული შეიქმნებიან ყველაფერი უცხოელებს სთხოვონ.

ეს ფაქტი გვაფიქრებინებს, რომ, ვაჭრობის თვალსაზრისით, ბათუმის განვითარება, მის დიდ სავაჭრო ქალაქად გადაქცევა, ყველაზე ნაკლებ რუსეთისათვისაა ხელსაყრელი. ისინი უცხოელებს ვერც ამ მხარის ექსპლოატაციაში გაუწევენ წინააღმდეგობას და ვერც რუსეთის საქონლის შეზიდვის ინტენსიურობით, რადგან უცხოელები უმოწყალოდ შემოზიდავენ საქონელს. ასე რომ, რასაც რუსეთი ბათუმის ხელოვნურად განვითარებისათვის გააკეთებს—ყველაფერი ეს უცხოელებისათვის იქნება გაკეთებული, ე. ი. უცხოეთის ვაჭრობისათვის და არა რუსეთისა და რუსებისათვის.

რუსეთისათვის ბათუმს უფრო სტრატეგიული მნიშვნელობა აქვს, ვიდრე სავაჭრო. ამ ქალაქის შემოერთება თურქეთს ხელიდან აცლის სასაზღვრო სიმაგრეს და საზღვაო ნავსადგურს, სადაც სამხედრო ფლოტი მტკიცე საყრდენს პოულობდა, როგორც ჩვენი სანაპირო ზოლის გაჩანაგების დროს, ასევე კრიზისებისა და ამიერკავკასიის სანაპიროზე დესანტის გადმოსხმის შემთხვევაშიც. 1000 ვერსის მანძილზე, ანატოლიის ნაპირის გაყოლებით, კონსტანტინოპოლამდე არაფერი არ მოიძებნება ბათუმის მსგავსი, და არა მხოლოდ გეოგრაფიულად, არამედ საზღვაო თვალსაზრისითაც. თურქეთმა რომ კვლავ დაიბრუნოს სტრატეგიული უპირატესობა რუსეთის მიმართ, მან სადმე ახლოს ხელოვნური ნავსადგური უნდა ააშენოს. ადგილობრივი პირობების გამო კი ეს ამოცანა ძნელი შესასრულებელია და თურქეთს ამის ძალა არ შესწევს. ასეთი ვნება მიაყენა თურქეთს ბათუმის დაკარგვამ.

ამ შენაძენით რუსეთმა ისეთი სარგებელი ნახა, რაც მხოლოდ თურქეთის დანაკარგით არ ამოიწურება. რადგან ვფლობთ ყარსს, ოლთასა და ბათუმს, ჩვენ გვაქვს სამხედრო თვალსაზრისით ძალზე უზრუნველყოფილი საზღვარი და ამიერკავკასიის საზღვრების დასაცავად არ გვჭირდება თურქეთის პროვინციებში შეჭრა, რაც საზღვრის ადრინდელი მოხაზულობის დროს ყოველთვის იმის საფრთხეს ქმნიდა, რომ თურქები საზღვრის ერთ-ერთი კუთხიდან, არდაგანის

მხრიდან, თბილისს დაესხმიან თავს. ახლა ჩვენ შესაძლებლობა ვვაქვს შევეუბნოთ სოღანლულისა და ქოროხის მიმართულებით, და თუ ჯარი ევროპის საზღვრებზე დაგვეკირდა, ვინარჩუნებთ იმ უპირატესობას, რომ თურქეთთან ომის შემთხვევაში შეგვიძლია თავდაცვაზე გადასვლა. ბათუმი ჩვენი საუკეთესო საყრდენი პუნქტია შავ ზღვაზე, სამხედრო კრეისერების ნავსადგური, რაც შესაძლებლობას გვაძლევს ვისარგებლოთ შავი ზღვით იმდენად მაინც, რამდენადაც ეს საჭიროა ჩვენი მარჯვენა ფლანგის, თურქეთის საზღვარზე სტრატეგიული თავდაცვის ხაზის გასამაგრებლად.

ჩვენ არ შეევეხებით იმ მიზეზებსა და მოტივებს, რამაც ბათუმის საბაჟო გადასახადებიდან თავისუფალ ნავსადგურად გამოცხადება გამოიწვია, მაგრამ რომელიმე პუნქტის კომერციულ ან თავისუფალ ნავსადგურად გამოცხადება ვაჭრობას ვერ შექმნის, თუ ირგვლივ მდებარე ტერიტორია საქმარის საქონელს არ იძლევა. საბაჟო გადასახადისაგან განთავისუფლებამ ოდესა მნიშვნელოვან სავაჭრო ქალაქად გადააქცია, მაგრამ ეს მოხდა იმიტომ, რომ ოდესა იყო ცენტრალური და ერთადერთი ნავსადგური (ნიკოლაევი, ხერსონი და სევასტოპოლი დახურული იყო რუსული პურის გასადებისათვის ბესარაბიის, პოდოლსკის, კიევის, ხერსონის და თავრიდის შავმიწიანი გუბერნიებიდან). ამ გუბერნიების ყველა მემამულე ხორბალში აღებული ფულით ყიდულობდა უბაჟო საქონელს და, მიუხედავად იმისა, რომ ოდესის ირგვლივ საბაჟო კორდონი არსებობდა, მათი მეშვეობით ქალაქი უცხოური საქონლის კოლოსალურ ბრუნვას აწარმოებდა. იმიტომ გამდიდრდა ოდესა სწრაფად. მაგრამ ბათუმის ეკონომიური მდგომარეობა ასეთი არაა. ამ ნავსადგურიდან ოცდაათი ვერსის დაშორებით სამხრეთისაკენ თურქეთის საზღვარი გადის. ყარსის ნაყოფიერი ზეგანისაგან, რომელიც ამიერკავკასიის ბელელი უნდა იყოს, ბათუმს ჰყოფს მრავალრიცხოვანი მაღალი კლდოვანი ქედები და მათ შორის არ არსებობს არავითარი გზა. ბათუმიდან 60 ვერსის დაშორებით ჩრდილოეთისაკენ მიედინება მდინარე რიონი და მდებარეობს რიონის ხეობა, რომელიც ჯერ დაუშუშავებელია და შესაძლებლობა არა აქვს გაიტანოს საქონელი უახლოესი ნავსადგურიდან — ფოთიდან. ესაა ნახევრად ველური მხარე, რომლის მოთხოვნილება ძალზე მცირეა, ხოლო მწარმოებლობა — სრულიად უმნიშვნელო. ასე რომ, ადგილზე, ბათუმის ირგვლივ, არ არსებობს ისეთი ელემენტები, რომელთა ჯამი გამოიწვევდა დიდ სავაჭრო ბრუნვას და იმიტომ ასეთი რამ ხელოვნურად უნდა შეიქმნას. მაგრამ ამის მისაღწევად რუსეთმა დიდი მსხვერპლი უნდა გაიღოს უცხო ქვეყნების ვაჭრობის სასარგებლოდ და დაუშვას კონტრაბან-

დის შემოტანა ამიერკავკასიაში, რაც გამოიწვევს იაფი, საბაჟო გადასახადისაგან თავისუფალი საქონლის მოძღვრებას სპარსეთისა და შუა აზიის ბაზრებზე, სადაც რუსეთის ვაჭრობისათვის ადგილი აღარ დარჩება. რუსეთმა, ამ მიზნით, სამტრედიიდან ბათუმამდე ძვირად ღირებული რკინიგზა უნდა გაიყვანოს და ამის შედეგად შეწყვიტოს საქონლის გადატანა ფოთში, რაც ამ ნავსადგურის გაუქმებას გამოიწვევს. შემდეგ საჭირო იქნება გზის გაყვანა ბათუმიდან ყარსამდე, ართვინის გავლით, რის გამოც ამიერკავკასიას ასცდება პურის პროდუქტების გადასახადი გზა, ხოლო კავკასიის არმიამ ძველებურად უნდა დაამზადოს საინტენდანტო მარაგი დონის-როსტოვში და ასტრახანში, საიდანაც ყოველი ფუთის გადმოზიდვა მანეთი და ზოგჯერ მეტიც უჭდება. ეს უსარგებლო მრავალმილიონიანი ხარჯი მძიმე ტვირთად აწვება სახელმწიფო ბიუჯეტს. ექვი არაა, რომ ამ ორი გზის გაყვანით ბათუმამდე შეიძლება შეექმნათ სავაჭრო მოძრაობა, მაგრამ ეს ვნებას მოუტანს, როგორც ამიერკავკასიის ინტერესებს, ასევე სახელმწიფო ხაზინის ინტერესებსაც. უნდა გადავიხადოთ და დავფაროთ სესხი რკინიგზის უზრუნველსაყოფად; ყოველწლიურად რამდენჯერმე მეტი თანხა უნდა გამოვყოთ საინტენდანტო იჯარბისათვის 200.000-იანი კავკასიის არმიის მოსამარაგებლად და სამაგიეროდ მივიღოთ სავაჭრო მოძრაობა, რომელშიც რუსები კი არ მიიღებენ მონაწილეობას, არამედ რუსეთის მეტოქე უცხოელები — არა მგონია ეს შეესაბამებოდეს ეკონომიურ და სახელმწიფო სარგებლიანობის ინტერესებს. მოხერხებული და იაფი გზის მშენებლობა პურის მარაგის შესამცირებლად ამიერკავკასიაში, სადაც ისედაც ძვირია უპირველესი მოთხოვნილების საქონელი, და სპარსეთისა და შუა აზიის ბაზრებზე ისედაც იაფი უცხო საქონლის გაიაფება, ხელს არ უნდა უწყობდეს რუსეთის მანუფაქტურული მრეწველობის აყვავება-განვითარებას და სახელმწიფო ხაზინის რესურსების ზრდას, რომლის შემოსავლის ძირითადი წყარო გადასახადის გადამხდელთა ფენაა, და თუ ქარხნების შემოსავალი შემცირდა, ამით ხაზინა დაკარგავს გადასახადის აკრეფის მთავარ წყაროს.

ასეთია ფაქტები, რომლებიც უნებურად წამოიჭრება ყოველი სახელმწიფო მოღვაწის წინაშე, როცა იგი დაიწყებს ბათუმში ვაჭრობის ხელოვნურად გაცხოველების საკითხებზე ფიქრს. მაგრამ უხერხულობა იმდენად რელიეფურია, რომ უნებურად დგება საკითხი: რომელი პრინციპის ან მოტივის გამო უნდა მოშალოს რუსეთმა საკუთარი კეთილდღეობა?

ამ კითხვაზე ყველა ერთსა და იმავე პასუხს იძლევა: მთელს აღმოსავლეთ სანაპიროზე ბათუმი ერთადერთი ბუნებრივი, შესანიშნავი ნავსადგურია და, ამავე დროს, სავსებით მზადაა ვაჭრობის საწარმოებლად, ხოლო ყველა სხვა ადგილას, როგორც ფოთში, მილიონები უნდა გადაეყაროს ზღვაში და ამოდ ვებრძოლოთ ბუნებას.

მაგრამ, საბედნიეროდ, ამგვარი პასუხი თავიდან ბოლომდე მცდარია, რასაც შემდეგ სტატიაში განვიხილავთ.

86. ალგილოზრივი მიმოხილვა

გაზეთმა „დროებამ“²² ყური მოჰკრა, რომ რამდენიმე ახალგაზრდა კაცმა გადასწყვიტა გამოსცეს თბილისში ქართული ჟურნალი. გაზეთი მომავალი ჟურნალის სახელწოდებასაც კი ასახელებს — ჟურნალს ერქმევა „იმედი“¹⁰¹. ხმები სასიხარულოა, მაგრამ ქართული გაზეთის რედაქტორის დამოკიდებულება ამ ჟურნალისადმი ძალზე სამწუხაროა. იმის მაგივრად, რომ სიხარულით შეხვედროდა ახალი ჟურნალის ჩასახვას, ენუგეშებინა „ახალგაზრდა“ წამომწყებლები, როგორც თვითონ რედაქტორი ამბობს, — ბატ. მესხი ზიზღით ეკიდება ამ ამბავს და აცხადებს, ან, უკეთ, საკუთარი ჭკუით, ფანტაზიით და გამოცდილებით მიუთითებს იმ სიძნელეებზე, შეუძლებლობაზე, და ეკლიან გზაზე, რომელიც უნდა გაიაროს ყველა ბედკრულმა ჟურნალმა ჩვენს ბედკრულ ლიტერატურაში. ეს გარდუვალი კანონია, ამბობს ბატ. მესხი, და საბუთად ისტორიული ფაქტები მოჰყავს, — არსებობდა მრავალი ჟურნალი მაგრამ დაიხურა; ჩვენთვის ბედმა მხოლოდ ერთი გაზეთი „დროება“ და ერთი ჟურნალი — მომავალი „ივერია“⁶⁵ გაიმეტა, ხოლო სხვა ყველა — ეშმაკეული-საა. „ქართული ჟურნალისტიკის ბურჯების, ჩემსა და ილია ქავკავაძის გარდა, ყველამ ხელი მოჰკიდეთ საკითხავი წიგნების შედგენასა და გამოცემას, სახალხო სიმღერების შეკრებას, სიმღერებისა, რომელთაც თბილისის ძველმანის ბაზარზე მღერიან“ და მშობლიური ლიტერატურა გიგანტური ნაბიჯებით წავა წინ. თუმცა, თუ ახალი ჟურნალი დაარსდა, ქართული გაზეთის რედაქტორი მას ისე უყურებს, როგორც ქართული წიგნების რაოდენობის გაზრდის საშუალებას, ქართული წიგნები მეტი იქნებაო, აცხადებს იგი.

მაგრამ ყველაზე საინტერესოა გადავწყვიტოთ ერთი საკითხი: როგორ გამოუმუშავდა ქართული გაზეთის რედაქტორს ასეთი შეხედულება პერიოდულ გამოცემებზე? რატომ არ შეუძლია ჩვენს საზოგადოებას შეინახოს ორი ჟურნალი? ვინ ან რაა იმის მიზეზი, რომ „ივერიას“, „დროებას“, და საერთოდ ქართულ ენაზე დროებით გამომავალ გამოცემებს, უხდებათ საკუთარი, ზოგჯერ არც ისე თხელი ჯიბიდან დაამატონ საჭირო თანხა და სხვანაირად არ შეუძლიათ

არსებობა? ვინ რას წერს ამ გამოცემებში და რატომ შთაუწერგეს ქართულ საზოგადოებას ასეთი ნაღვლიანი დამოკიდებულება მათდამი? სხვანაირად როგორ იმოქმედებს ბატ. მესხი ქართველ ინტელიგენციაზე და შექმნის ქართულ ლიტერატურას, რომელსაც ამას წინათ იცავდა? იცნობთ, ბატ. მესხო, აფრიკის ქვეყანას — ლიბერიას, რომელსაც გააჩნია ჩვენს „ივერიაზე“ და „დროებაზე“ უკეთესი „ივერია“? განა მართლები არ არიან ის „სწავლულები“, რომელთაც გამოიგონეს ბრძოლა ჯიბისათვის და არა „არსებობისათვის“, რაც სინამდვილეში ერთი და იგივეა?

87. პოლიტიკური მდგომარეობა

თბილისი, 29 ნოემბერი

როცა სხვა ევროპულმა სახელმწიფოებმა, გარდა ინგლისისა, შეიარაღებული მშვიდობიანობით გამოწვეული წინააღმდეგობების გამო თითქოსდა დაივიწყეს აღმოსავლეთის საკითხი, მთელი რუსეთი, მიუხედავად გაღებული მსხვერპლისა და ბრწყინვალე გამარჯვებისა, მაინც განსაკუთრებული დაძაბულობით ადევნებს თვალყურს მის განვითარებას. ახლა აღარაეისთვის არ წარმოადგენს საიდუმლოებას ის ამბავი, რომ აღმოსავლეთის საკითხის გადაწყვეტით დაინტერესებულები არიან უშუალოდ რუსეთი და ინგლისი, და რომ ესაა პოლიტიკურად გაბატონების საკითხი. ავსტრია-უნგრეთმა, რომელიც ომის დაწყებამდე აცხადებდა, რომ იგი ყველაზე მეტადაა დაინტერესებული იმით, თუ რა ხდება ბალკანეთის ნახევარკუნძულზე, ბერლინის ტრაქტატით²⁰ უფლება მოიპოვა უშუალო მონაწილეობა მიედო ბალკანეთის ნახევარკუნძულის საქმეებში; მაგრამ მთელმა რიგმა სიძნელებმა, რომლებმაც ბოლომდე გამოამყდუნა გრაფ-ფონ-ბეისტის ორქოფული პოლიტიკური პროექტის უაზრობა, დაამტკიცა, რომ ავსტრია-უნგრეთი ტყუილად ჩაება ორი მოქიშპე სახელმწიფოს გრანდიოზულ ბრძოლაში და თუმცა მან გაათავოვა საკუთარი ტერიტორია ბოსნიისა და ჰერცეგოვინის შემოერთებით, მაგრამ ამით კიდევ უფრო გაართულა შინაგანი განხეთქილება სხვადასხვა ეთნოგრაფიულ ელემენტებს შორის, რადგან ეს საკითხი ჯერ კიდევ გადაუწყვეტელია. ახლა კი იგი იძულებულია ეძებოს ხსნა გერმანიის შეუთანხმებელი სამსახოვანი სისტემის ინტერესებში, რადგან ყველა ევროპულმა სახელმწიფომ, შინაგანი სიძნელების გამო, განზე გადასდო ბერლინის ტრაქტატის დადგენილება განხორციელებაზე ზრუნვა და ახლა მოვლენები თავის მხრით ვითარდება, თითქოსდა, როგორც დიპლომატიური, ასევე ბრძოლაში გამარჯვება არავის მოუპოვებია. კრასნიცის მოსახლეობის მთლიანი ამოწყვეტა

არაფრით არ ჩამოუვარდება ბატაკაში მოწყობილ მხეცურ ხოცვა-
ქლეტას, რამაც ძალზე ააღელვა მთელი ევროპა, ინგლისში კი ისე-
თი დემონსტრაციები გამოიწვია, რომ წვრილფეხა პოლიტიკოსებს
ეშინოდათ ლორდ ბიკონსფილდის მთავრობა არ დაცემულიყო. ახ-
ლა კი კრასნიცაში ჩადენილი მხეცობა არ აწუხებს ევროპას და არ
აღელვებს ინგლისს. ესაა ბერლინის კონგრესზე ლორდ ბიკონს-
ფილდის უსისხლო გამარჯვების შედეგი, რისთვისაც ინგლისელმა
ხალხმა მას მეფური შეხვედრა მოუწყო. ინგლისელებს აღარ აწუ-
ხებთ ბულგარელების უბედურება. ახლა მათ ამისთვის არ ცალიათ.
ინგლისისადმი უპატივცემლობამ, რაც ავღანეთის ემირმა გამოიჩი-
ნა, მეტისმეტად შეურაცხყო ინგლისის სიამაყე, ხოლო მოულოდნე-
ლი წარმატებებით ავღანისტანში — გაამართლეს ინგლისის კაბინე-
ტის მთელი უკანონო მოქმედება. შირ-ალი, რომელსაც ძლიერი მე-
ზობლის იმედი ჰქონდა, დარწმუნდა ინგლისის სიძლიერეში და
იცის, რომ ინგლისი აღკვეთს ინდოეთის იმპერატორის ინტერესები-
სადმი ყოველგვარ მტრულ განზრახვას. მუსულმანურ სამყაროში ბა-
ტონობის ფანტასტიურმა გეგმამ სწორედ იქ იპოვა საყრდენი წერ-
ტილი, სადაც, დიპლომატების აზრით, ინგლისის ძლიერებისათვის
ყველაზე სუსტი წერტილი იყო. ლორდ ბიკონსფილდის ასეთი დაუ-
ჯერებელი წარმატებების შემდეგ, რას უნდა ელოდეს რუსეთი ბალ-
კანეთის ნახევარკუნძულზე მოვლენათა შემდგომი განვითარებისა-
გან? დიდად პატივცემულმა პრემიერმა ბერლინის კონგრესზე გამოთ-
ქვა უღრმესი სიძულვილი რუსეთისადმი და არანაკლებ მტკიცე გან-
ზრახვა — შეაჩეროს რუსეთის ისტორიული განვითარება. ავღანის-
ტანში მოპოვებული გამარჯვება არ დააკმაყოფილებს მას და მთელ
ძალებსა და სახსრებს გამოიყენებს ასე ბედნიერად დაწყებული გეგ-
მის ბოლომდე განსახორციელებლად. ოპოზიციის ვერავითარი ხრი-
კები ვერ შეაჩერებს სამინისტროს მოღვაწეობის ფაქტიურ ზეიმს
და ყოველი ჩვენი სამშვიდობო წინადადება მხოლოდ გააძლიერებს
პრეტენზიებს ინგლისისას, რომელიც ახლა იმდენად ძლიერად
თვლის თავის თავს, რომ არ ფარავს საკუთარ ზრახვებს.

ამ ზრახვათა ნიმუშად მოვიყვანთ შემდეგ ამონაწერს გაზეთ
„გოლოსის“²⁷ სტატიიდან:

ლონდონის სერიოზულმა გაზეთმა „Times“-მა, სრულიად
მოულოდნელად, მიბაძა სახუმარო „Punch“-ს. ამ დღეებში ინგლისის
მთავრობის მიერ ავღანეთის საკითხებზე ინგლის-რუსეთის მიმოწე-
რის გამოქვეყნების გამო „Times“ გვთავაზობს საქმის მოგვარების

ისეთ საშუალებას, როგორც 'შეიძლება მოეფიქრებინათ იუმორისტული გაზეთის „Punch“-ის თანამშრომლებს, რადგან უყვართ ბიკონსფილდ-სალისბიურის კონსერვატული სამინისტროს გალიზიანება; ლონდონის სიტის ორგანო კომიკური სერიოზულობით აცხადებს, რომ დასაწყისი იმ საქმის დამაკმაყოფილებლად მოგვარებისა, რომელიც რუსეთს ინგლისის მოვალედ ხდის, 'შეიძლება იყოს გენერალ კაუფმანის გაწვევა მის მიერ დაკავებული პოსტიდან!

თუ ასეთია „დასაწყისი“, როგორღა უნდა იყოს „ბოლო?“ ალბათ, მოგვთხოვენ, რომ გავგზავნოთ ბანაკში რუსეთის ელჩი და დავავლოთ მას საჯაროდ მოუხადოს ბოდიში ლორდ ლიტონს თურქესტანიდან გამოწვეული გენერალ-გუბერნატორის მოქმედების გამო? თუ მოთხოვნაა, მოთხოვნა იყოს! ცერემონია ზედმეტია, ხოლო ზომიერება, ასეთ შემთხვევაში, სრულიად უადგილოა.

გაზეთ „Times“-ის ამ გამოსვლის იუმორისტული ხასიათი მეტიმეტად ცხადია. იგი დასცინის ბიკონსფილდის სამინისტროს პრეტენზიებს და უნდა დაგვანახოს, თუ სადამდე 'შეიძლება მიიყვანოს ინგლისის მთავრობა იმის ცდამ, რომ დააჩქაროს ინგლისელი ხალხი, თითქოს მთელი პასუხისმგებლობა აედანეთში, ახლახან დაწყებული ომის გამო, რუსეთს ეკისრება! ამ კომიკური გამოსვლის სხვაგვარად ახსნა შეუძლებელია.

ამ ცოტა ხნის წინათ იგივე გაზეთი რუსეთისადმი აშკარა მტრობით გაჟღენთილ სტატიებში პატიოსნად აღიარებდა, რომ რუსეთის მთავრობას სრული უფლება ჰქონდა ბერლინის კონგრესის ეპოქაში დაეძრა ჯარები ავღანისტანის ჩრდილოეთი საზღვრებისაკენ და გავგზავნა ქაბულში ელჩი. შემდეგ გაზეთი დასძენდა, რომ ინგლისის მთავრობა ვალდებული იქნებოდა ზუსტად ასევე მოქცეულიყო, თუ რუსეთის მდგომარეობაში აღმოჩნდებოდა. მე მგონი, სრულიად უაზრო იქნებოდა, რომ ამგვარი აღიარების შემდეგ ლონდონის სიტის ორგანოს სერიოზულად ეთქვა, რუსეთი ვალდებულია ინგლისის მოთხოვნები დააკმაყოფილოს.

ჩვენ რომ ვფიქრობდეთ, რომ გაზეთ „Times“-ის საქციელი ნამდვილად სერიოზულია, ჩვენი პასუხი მასზე შემდეგი სტრიქონებით განისაზღვრებოდა:

„გრაფ ბიკონსფილდის გადაყენება და ლორდ ლიტონის გამოწვევა მხოლოდ ნაწილი თუ იქნება იმისა, რაც ინგლისმა უნდა გადა-

უხადოს რუსეთს იმ შეთანხმების დარღვევის გამო, რომელიც ორივე ქვეყნის ინტერესებს ემსახურებოდა“.

თუ ამგვარ მოთხოვნებს სერიოზულად გვიყენებენ, სხვაგვარი პასუხის გაცემა შეუძლებელია.

მაგრამ, ჩვენ არ ვიზიარებთ ამ აზრს და ვფიქრობთ, რომ, გარდა ამ პასუხებისა, შეიძლება ბევრი სხვა და უფრო ნამდვილი პასუხის გაცემა.

შენიშვნები

*

კომენტარები

*

სახელთა საძიებელი

ბიბლიოგრაფიული შენიშვნები

1. ერთხელ კიდევ ქალბატონ ბლავატსკაიაზე (Еще о г-же Блаватской) — დაიბეჭდა გაზეთ „Обзор“-ში 1878 წელს (6. VI, № 150).

2. კალმის კირვეულობანი (Капризы пера) — დაიბეჭდა გაზეთ „Обзор“-ში 1878 წელს (18. VI, № 160).

3. პასუხი გამოწვევაზე (Ответ на вызов) — დაიბეჭდა 1878 წელს გაზეთ „Обзор“-ში (25. VI, № 167).

4. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (25. VI, № 167).

5. პასუხი გაზეთ „ბირჟევიე ვედომოსტის“ (Ответ „Биржевым Ведомостям“) — დაიბეჭდა 1878 წელს გაზეთ „Обзор“-ში (30. VI, № 172).

6. ადგილობრივი მიმოხილვა (Местный обзор) — დაიბეჭდა 1878 წელს გაზეთ „Обзор“-ში (30. VI, № 172).

7. მშვიდობა, რადაც არ უნდა დაგვიჭდეს! (Мир во что бы то ни стало) — დაიბეჭდა გაზეთ „Обзор“-ში 1878 წელს (2. VII, № 174).

8. ბათუმის საკითხისათვის (К вопросу о Батуме) — დაიბეჭდა გაზეთ „Обзор“-ში 1878 წელს (2. VII, № 174).

9. ადგილობრივი მიმოხილვა (Местный обзор) — დაიბეჭდა გაზეთ „Обзор“-ში 1878 წელს (3. VII, № 175).

10. შავი ზღვის მნიშვნელობა რუსეთისათვის და ბათუმის ფლობისა — შავი ზღვისათვის (Значение Черного моря для России и владение Батумом для Черного моря) — დაიბეჭდა გაზეთ „Обзор“-ში 1878 წელს (4. VII, № 176; 5. VII, № 177; 6. VII, № 178).

11. სანავსადგურო ქალაქების ეკონომიური მნიშვნელობა (Экономическое значение портовых городов) — დაიბეჭდა გაზეთ „Обзор“-ში 1878 წელს (7. VII, № 179).

12. გემთმშენებლობა და შავი ზღვის კოლონიზაცია (Судострое-

ნეი და კოლონიზაცია ნა Ⴢერნო მორე) — დაიბეკლა გაზეთ „Обзор“-ში 1878 წელს (8. VII, № 180).

13. საზღვაო კანონმდებლობა, სკოლები და სუბსიდიები (Морское законодательство, школы и субсидии) — დაიბეკლა გაზეთ „Обзор“-ში 1878 წელს (9. VII, № 181).

14. ბიბლიოგრაფია (Библиография) — დაიბეკლა გაზეთ „Обзор“-ში 1878 წელს (9. VII, № 181).

15. ზღვაოსნობის მოთხოვნები (Потребности мореходства) — დაიბეკლა გაზეთ „Обзор“-ში 1878 წელს (10. VII, № 182; 11. VII, № 183).

16. ადგილობრივი მიმობილვა. ღირსების სამსჯავრო (Местный обзор. Суд чести) — დაიბეკლა გაზეთ „Обзор“-ში 1878 წელს (12. VII, № 182).

17. ჩვენი საადგილმამულო კრედიტის მომავალი (Будущность нашего земельного кредита) — დაიბეკლა გაზეთ „Обзор“-ში 1878 წელს (14. VII, № 186; 18. VII, № 190).

18. ბერლინის ტრაქტატი (Берлинский трактат) — დაიბეკლა გაზეთ „Обзор“-ში 1878 წელს (16. VII, № 188).

19. ღირსების სამსჯავრო (Суд чести) — დაიბეკლა გაზეთ „Обзор“-ში 1878 წელს (18. VII, № 190).

20. პასკევიჩი ჩვენი ზღვაოსნობის შესახებ (Паскевич о нашем мореходстве) — დაიბეკლა გაზეთ „Обзор“-ში 1878 წელს (19. VII, № 191).

21. პოლიტიკური მდგომარეობა (Политическое положение) — დაიბეკლა გაზეთ „Обзор“-ში 1878 წელს (25. VII, № 197).

22. კულტურული ბრძოლა აზიაში (Культурная борьба в Азии) — დაიბეკლა გაზეთ „Обзор“-ში 1878 წელს (26. VII, № 198).

23. ინგლისთან კავშირი (Союз с Англией) — დაიბეკლა გაზეთ „Обзор“-ში 1878 წელს (29. VII, № 201; 1. VIII, № 204; 2. VIII, № 205).

24. ომის გაკვეთილებიდან (Из уроков войны) — დაიბეკლა გაზეთ „Обзор“-ში 1878 წელს (30. VII, № 202).

25. „გოლოსი“ ქართული ენის შესახებ („Голос“ о грузинском языке) — დაიბეკლა გაზეთ „Обзор“-ში 1878 წელს (30. VII, № 202).

26. ინგლისთან ბრძოლა (Борьба с Англией) — დაიბეკლა გაზეთ „Обзор“-ში 1878 წელს (3. VIII, № 206).

27. საიდუმლოება საადგილმამულო ბანკში (Тайна в земельных

ბანკა) — დაიბეჭდა გაზეთ „Обзор“-ში 1878 წელს (4. VIII, № 207).

28. ჩვენი ლიტერატურული ზნე-ჩვეულებანი (Наши литературные нравы) — დაიბეჭდა გაზეთ „Обзор“-ში 1878 წელს (5. VIII, № 208).

29. ბერლინის ტრაქტატი მცირე აზიის შესახებ (Берлинский трактат о Малой Азии) — დაიბეჭდა გაზეთ „Обзор“-ში 1878 წელს (5. VIII, № 208).

30. ინგლისთან ომი (Война с Англией) — დაიბეჭდა გაზეთ „Обзор“-ში 1878 წელს (6. VIII, № 209).

31. ადგილობრივ თავადაზნაურთა სამსახური (Служба местного дворянства) — დაიბეჭდა გაზეთ „Обзор“-ში 1878 წელს (8. VIII, № 210).

32. „გადახალისების“ საჭიროება (Потребность „обновления“) — დაიბეჭდა გაზეთ „Обзор“-ში 1878 წელს (9. VIII, № 211; 10. VIII, № 212; 11. VIII, № 213).

33. ბათუმის შემოერთება (Присоединение Батума) — დაიბეჭდა გაზეთ „Обзор“-ში 1878 წელს (12. VIII, № 214).

34. პოლიტიკური მიმოხილვა (Политический обзор) — დაიბეჭდა გაზეთ „Обзор“-ში 1878 წელს (13. VIII, № 215).

35. ინგლისთან ომის შემთხვევაში (На случай войны с Англией) — დაიბეჭდა გაზეთ „Обзор“-ში 1878 წელს (15. VIII, № 217).

36. ბათუმი და ფოთი (Батум и Потти) — დაიბეჭდა გაზეთ „Обзор“-ში 1878 წელს (20. VIII, № 221).

37. ექსტრა-ლიტერატურული კამათი (Экстра-литературные прения) — დაიბეჭდა გაზეთ „Обзор“-ში 1878 წელს (26. VIII, № 227).

38. ქუთაისის გუბერნიის სახალხო სკოლები (Народные школы Кутаисской губернии) — დაიბეჭდა გაზეთ „Обзор“-ში 1878 წელს (26. VIII, № 227).

39. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (3. IX, № 234).

40. ემელუშკინის სიბრძნე (Емелюшкина премудрость) — დაიბეჭდა გაზეთ „Обзор“-ში 1878 წელს (7. IX, № 238; 8. IX, № 239).

41. ქუთაისის გუბერნიის სახალხო სკოლები (Народные школы Кутаисской губернии) — დაიბეჭდა გაზეთ „Обзор“-ში 1878 წელს (9. IX, № 240).

42. რუსული ნაკეთობა უცხოური პლომბით (Русская работа

с иностранной пломбой) — დაიბეჭდა გაზეთ „Обзор“-ში 1878 წელს (13. IX, № 244).

43. პოლიტიკური ვითარება (Политическое положение) — დაიბეჭდა გაზეთ „Обзор“-ში 1878 წელს (14. IX, № 245).

44. საქალაქო არჩევნები თბილისში (Городские выборы в Тифлисе) — დაიბეჭდა გაზეთ „Обзор“-ში 1878 წელს (15. IX, № 246).

45. შუა აზიის სიძნელეები (Среднеазиатские затруднения) — დაიბეჭდა გაზეთ „Обзор“-ში 1878 წელს (16. IX, № 247).

46. გერმანიის რაიხსტაგში სოციალიზმის შესახებ კამათის გამო (По поводу прений о социализме в германском рейхстаге) — დაიბეჭდა გაზეთ „Обзор“-ში 1878 წელს (17. IX, № 248). სტატიის დასასრულს მითითებულია, რომ გაგრძელება შემდეგ დაიბეჭდებოდა, მაგრამ აღარ დაბეჭდილა. როგორც ჩანს, იგი ცენზურამ აკრძალა.

47. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (17. IX, № 248).

48. ლიტერატურული ზრდილობის გაკვეთილები (Уроки литературных приличий) — დაიბეჭდა გაზეთ „Обзор“-ში 1878 წელს (18. XI, № 249).

49. სადღეისო საკითხები (Вопросы дня) — დაიბეჭდა გაზეთ „Обзор“-ში 1878 წელს (20. IX, № 251).

50. კულის ლიტერატურული ქიციანი (Литературное влияние хвостом) — დაიბეჭდა გაზეთ „Обзор“-ში 1878 წელს (23. IX, № 254).

51. პასუხი ბატონ ლამბაროვს (Ответ г. Гамбарову) — დაიბეჭდა გაზეთ „Обзор“-ში 1878 წელს (23. IX, № 254).

52. პოლიტიკური მდგომარეობა (Политическое положение) — დაიბეჭდა გაზეთ „Обзор“-ში 1878 წელს (24. IX, № 255).

53. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (24. IX, № 255).

54. საუკეთესო საშუალება იმისა, რომ ვაიძულოთ ხმოსნები კეთილსინდისიერნი იყვნენ (Лучший способ заставить гласных быть добросовестными) — დაიბეჭდა გაზეთ „Обзор“-ში 1878 წელს (25. IX, № 256).

55. რომელ ენაზე ვიკამათოთ საბჭოში (Об языке думских прений) — დაიბეჭდა გაზეთ „Обзор“-ში 1878 წელს (27. IX, № 258).

56. გლეხთა საქმე (Крестьянское дело) — დაიბეჭდა გაზეთ „Обзор“-ში 1878 წელს (28. IX, № 259).

57. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (1. X, № 262).

58. ღირსების სამსჯავრო (Суд чести) — დაიბეჭდა გაზეთ „Обзор“-ში 1878 წელს (1. X, № 262).

59. რა გააკეთა თბილისის საქალაქო საზოგადოებრივმა სამმართველომ 1877 წელს? (Что сделано Тифлисским городским общественным управлением в 1877 году?) — დაიბეჭდა გაზეთ „Обзор“-ში 1878 წელს (5. X, № 265; 6. X, № 266; 7. X, № 267).

60. ქალაქის საბჭოს სხდომა (Заседание Городской думы) — დაიბეჭდა გაზეთ „Обзор“-ში (8. X, № 268).

61. საქალაქო არჩევნების ამოცანების შესახებ (К задачам городских выборов) — დაიბეჭდა გაზეთ „Обзор“-ში 1878 წელს (12. X, № 272).

62. პოლიტიკური მდგომარეობა (Политическое положение) — დაიბეჭდა გაზეთ „Обзор“-ში 1878 წელს (14. X, № 274).

63. დიპლომატია (Дипломатия) — დაიბეჭდა გაზეთ „Обзор“-ში 1878 წელს (15. X, № 275).

64. ავსტრიის პასუხი თურქეთის ნოტაზე (Австрийский ответ на турецкую ноту) — დაიბეჭდა გაზეთ „Обзор“-ში 1878 წელს (21. X, № 281).

65. კარგი საქმის ცუდი დამცველი (Плохой защитник хорошего дела) — დაიბეჭდა გაზეთ „Обзор“-ში 1878 წელს (23. X, № 283).

66. სასულიერო სემინარიის რევიზია (Ревизия духовной семинарии) — დაიბეჭდა გაზეთ „Обзор“-ში 1878 წელს (24. X, № 284).

67. სამეგრელოს სასულიერო სასწავლებელი (Мингрельское духовное училище) — დაიბეჭდა გაზეთ „Обзор“-ში 1878 წელს (26. X, № 286).

68. პოლიტიკური მდგომარეობა (Политическое положение) — დაიბეჭდა გაზეთ „Обзор“-ში 1878 წელს (30. X, № 290).

69. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (31. X, № 291).

70. პოლიტიკური მდგომარეობა (Политическое положение) — დაიბეჭდა გაზეთ „Обзор“-ში 1878 წელს (2. XI № 293).

71. ენების სწავლება ჩვენს სასულიერო-სასწავლო დაწესებულებებში (Преподавание языков в наших духовно-учебных заведениях) — დაიბეჭდა გაზეთ „Обзор“-ში 1878 წელს (3. XI, № 294).

72. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (5. XI, № 296).

73. პატარა კატკოვი (Маленький Катков) — დაიბეჭდა გაზეთ „Обзор“-ში 1878 წელს (6. XI, №297).
74. სამხედრო სიბრძნის სიღრმე სამოქალაქო გაზეთში (Глубина военной премудрости у статской газеты) — დაიბეჭდა გაზეთ „Обзор“-ში 1878 წელს (7. XI, № 298).
75. თბილისის საბჭოს შესახებ (О Тифлисской думе) — დაიბეჭდა გაზეთ „Обзор“-ში 1878 წელს (8. XI, № 299).
76. კვლავ ლიტერატურული ზრდილობის გაკვეთილები (Еще уроки литературных приличий) — დაიბეჭდა გაზეთ „Обзор“-ში 1878 წელს (9. XI, № 300).
77. ადგილობრივი მიმოხილვა (Местный обзор) — დაიბეჭდა გაზეთ „Обзор“-ში 1878 წელს (11. XI, № 302).
78. ცოტაოდენი ლოღიკა (Немного логики) — დაიბეჭდა გაზეთ „Обзор“-ში 1878 წელს (12. XI, № 303).
79. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (12. XI, № 303).
80. შადლობა ღმერთს (Слава богу!..) — დაიბეჭდა გაზეთ „Обзор“-ში 1878 წელს (13. XI, № 304).
81. ჩვენი სასულიერო წოდების მომზადება (Подготовка нашего духовенства) — დაიბეჭდა გაზეთ „Обзор“-ში 1878 წელს (14. XI, № 305).
82. კორესპონდენტები მოქმედ კორპუსში (Корреспонденты в действующем корпусе) — დაიბეჭდა გაზეთ „Обзор“-ში 1878 წელს (16, 17, 18, 20, 21, 22 — XI, №№ 307, 308, 309, 311, 312, 313). როგორც ავტორის შენიშვნიდან ჩანს, წერილები დაწერილია 1877 წლის შემოდგომაზე ყარაილის ბანაკში.
83. კვლავ ბატ. ი. გოგებაშვილის შესახებ (Местный обзор. Снова о г. Гогешаши) — დაიბეჭდა გაზეთ „Обзор“-ში 1878 წელს (17. XI, № 308).
84. საკვირაო საუბრები (Воскресные беседы) — დაიბეჭდა გაზეთ „Обзор“-ში 1878 წელს (26. XI, № 317).
85. ფოთისა და ბათუმის შედარებითი მნიშვნელობა (Сравнительное значение Поти и Батума) — დაიბეჭდა გაზეთ „Обзор“-ში 1878 წელს (27. XI, № 318).
86. ადგილობრივი მიმოხილვა (Местный обзор) — დაიბეჭდა გაზეთ „Обзор“-ში 1878 წელს (29. XI, № 320).
87. პოლიტიკური მდგომარეობა (Политическое положение) — დაიბეჭდა გაზეთ „Обзор“-ში 1878 წელს (30. XI, № 321).

კომენტარები

1. მხედველობაში აქვს სტატია — „Воскресные беседы“, რომელიც დაბეჭდილი იყო გაზეთ „ობზორში“ (22. I, № 20).

2. „ობზორ“ („Обзор“) — პროგრესულ-დემოკრატიული მიმართულების პოლიტიკურ-ლიტერატურული გაზეთი, რომელიც გამოდიოდა თბილისში ნ. ნიკოლაძის რედაქტორობით. „ობზორის“ პირველი ნომერი გამოვიდა 1878 წლის პირველ იანვარს. მართალია, გაზეთმა ოფიციალურად 1883 წლამდე იარსება, მაგრამ ამ ხნის მანძილზე მისი გამოსვლა, ცენზურის მიზეზით, არაერთხელ ყოფილა შეჩერებული. მაგალითად, „ობზორი“ არ გამოდიოდა 1879 წლის თებერვლიდან 1880 წლამდე, 1880 წელს კი მხოლოდ აგვისტომდე გამოდიოდა. 1881, 1882 და 1883 წლებში „ობზორი“ თითო ნომერი გამოვიდა (№№ 560, 561, 562), რათა გამოცემის უფლება შეენარჩუნებინათ (დაწვრილებით ამის შესახებ იხილეთ ნ. ნიკოლაძის თხზულებათა მეხუთე ტომზე დართულ ჩვენს კომენტარებში, გვ. 637-645).

3. „ტიფლისსკი ვესტნიკ“ („Тифлисский Вестник“) — პროგრესულ-დემოკრატიული მიმართულების პოლიტიკურ-ლიტერატურული გაზეთი, გამოდიოდა 1873—1882 წლებში. გაზეთის დამაარსებელი და რედაქტორი იყო კ. ა. ბებუთოვი. „ტიფლისსკი ვესტნიკის“ დაარსებასა და მის შემდგომ მუშაობაში აქტიურ მონაწილეობას ღებულობდა ნ. ნიკოლაძე, რომელმაც მხოლოდ 1877 წლიდან გაწყვიტა მასთან კავშირი.

4. მხედველობაში აქვს ვერა ეელიხოვსკაიას წერილი „Письмо к редактору“, რომელიც დაიბეჭდა „ტიფლისსკი ვესტნიკში“ (1878, № 21).

5. „საუკუნის დევგმირი“ („Богатырь века“) — არის ნ. ა. პოტეხინის ოთხმოქმედებიანი დრამა.

6. „მშვენიერი ელენე“ („Прекрасная Елена“) — არის გამოჩენილი კომპოზიტორის, ოფენბახის (1819—1880) ოპერტა.

7. მხედველობაში აქვს გოგოლის ცნობილი კომედია „რევიზორი“.

8. მხედველობაში აქვს ნ. გ. ჩერნიშევსკის ცნობილი ნაშრომი — „Эстетические отношения искусства к действительности“. ვინაიდან ნ. გ. ჩერნიშევსკი ამ დროს კატორღაშია და მისი სახელის ხსენება აკრძალულია, ნ. ნიკოლაძე მას ამ ცნობილ ნაშრომზე მითითებით აგონებს ხოლმე მკითხველს.

9. „რუსსკი არხივ“ („Русский архив“) — ყოველთვიური ისტორიული ჟურნალი, გამოდიოდა მოსკოვში 1863—1917 წლებში, დამაარსებელი და რედაქტორი (1912 წლამდე) იყო ისტორიკოსი პ. ი. ბარტენევი.

10. „რუსსკაია სტარინა“ („Русская старина“) — ყოველთვიური ისტორიული ჟურნალი, გამოდიოდა პეტერბურგში 1870 — 1918 წლებში, რედაქტორ-გამომცემელი (1892 წლამდე) — ისტორიკოსი მ. ი. სემევესკი (გარკვეული წლების მანძილზე, სხვადასხვა მიზეზების გამო, ხელს აწერდა სხვა).

11. „დრევნიაია ინოვაია როსსია“ („Древняя и Новая Россия“) — ყოველთვიური ილუსტრირებული ისტორიული ჟურნალი, გამოდიოდა პეტერბურგში 1875—1881 წლებში, გამომცემელი — ვ. ი. გრაციანსკი, რედაქტორი — ს. ნ. შუბინსკი (1879 წლამდე).

12. S'il vous plait! — გეთაყვათ!

13. Chacun pour soi — ყველა თავისათვის.

14. „კრეჩინსკის ქორწინება“ („Свадьба Кречинского“) — დრამატურგ ა. ვ. სუხოვო-კობილინის პიესა, წარმოდგენილ იქნა პირველად 1856 წელს. ამ დროიდან იგი მტკიცედ დამკვიდრდა რუსული თეატრების რეპერტუარებში.

15. „მწვანე კუნძული“ („Зеленый остров“) — არის შარლ ლეკოკის (1832—1918) ოპერეტა.

16. „ფაუსტი უკუღმა“ („Фауст на изнанку“) — უნდა გულისხმობდეს ფ. ერვეს ოპერეტას „Маленький Фауст“, რომელიც წარმოადგენს პაროდის გუნოს ოპერეტაზე — „ფაუსტი“.

17. „ჟიროფლე-ჟიროფლა“ („Жирофле-Жирофля“) — შარლ ლეკოკის (1832—1918) ოპერეტა.

18. „მგალობელი ჩიტები“ („Птички певчие“) — ასეთი სახელწოდებით იდგმებოდა იმ დროს რუსეთში ოფენბახის ცნობილი ოპერეტა — „პერიკოლა“.

19. „კავკაზ“ („Кавказ“) — რუსული გაზეთი, გამოდიოდა თბილისში 1846—1918 წლებში, პირველად — როგორც კერძო გამომცემა, ხოლო შემდეგ — როგორც ოფიციალური.

20. 1878 წლის 13 ივნისს ბერლინში მოწვეული იქნა საერთა-

შორისო კონგრესი, რომელმაც მუშაობა დაასრულა იმავე წლის 13 ივლისს. კონგრესი მოწვეული იყო ავსტრია-უნგრეთისა და ინგლისის მოთხოვნით, რომელსაც ფარულად მხარს უჭერდა გერმანია. კონგრესის ისინი მიზნად უსახავდნენ სან-სტეფანოს 1878 წლის საზავო ხელშეკრულების გადასინჯვას რუსეთისა და სხვა სლავიანური ქვეყნების ინტერესთა საზიანოდ. ახალი ომის საფრთხის გამო, რუსეთი იძულებული გახდა დათანხმებულიყო კონგრესის მოწვევას.

კონგრესის გახსნამდე ინგლისმა თურქეთთან დასდო საიდუმლო ხელშეკრულება, რომლის ძალითაც იგი დაეპატრონა უადრესად მნიშვნელოვან სტრატეგიულ ბაზას — კიპროსის კუნძულს. ინგლისმა, ამავე დროს, ხელშეკრულება დასდო ავსტრიასთან კონგრესზე რუსეთის წინააღმდეგ ერთობლივი მოქმედების შესახებ.

ბერლინის კონგრესზე რუსეთის ინტერესებს იცავდნენ — კანცლერი გორჩაკოვი, რუსეთის ელჩი ინგლისში პ. შუვლოვი და რუსეთის ელჩი გერმანიაში უბრი. კონგრესს თავმჯდომარეობდა ბისმარკი, რომელიც აშკარად მტრულად იყო განწყობილი რუსეთისადმი. მთავარი დავა მიმდინარეობდა ბულგარეთის საზღვრების, სერბიისა და ჩერნოგორიის დამოუკიდებლობისა და ამიერკავკასიაში რუსეთის საზღვრების შესახებ.

კონგრესი დამთავრდა ტრაქტატის ხელმოწერით, რომელმაც სერიოზული ცვლილებები შეიტანა სან-სტეფანოს საზავო ხელშეკრულებაში რუსეთისა და სლავიანური ქვეყნების საზიანოდ.

სრუტეების რეჟიმი დარჩა უცვლელად. რუსეთს მიეკუთვნა ყარსი და არდაგანი თავიანთი ოლქებით, ასევე — ბათუმი, რომელიც გამოცხადდა თავისუფალ ნავსადგურად (პორტო-ფრანკოდ).

ბერლინის ტრაქტატი ძალაში დარჩა 1914—18 წლებამდე, თუმცა მისმა ზოგიერთმა გადაწყვეტილებამ აღრევე დაკარგა თავისი მნიშვნელობა: 1885 წელს ბულგარეთთან გაერთიანდა აღმოსავლეთ რუმელია, 1886 წელს გაუქმდა პორტო-ფრანკო ბათუმში და სხვ.

21. მხედველობაში აქვს სენა-ფანტაზია — „ჯანდაბა“, რომელიც მან გაზეთ „დროებაში“ დაბეჭდა 1873 წელს (№ 37). იხ. ნ. ნიკოლაძის თხზულებათა მესამე ტომი, გვ. 498—504.

22. „დროება“ — პოლიტიკურ-ლიტერატურული გაზეთი, გამოდიოდა 1866—1885 წლებში; 1866—1874 წლებში — კვირაში ერთხელ, 1875—1876 წლებში — კვირაში სამჯერ, 1877—1885 წლებში — ყოველდღიურად.

გაზეთს რედაქტორობდნენ: გ. წერეთელი (1866—1869 წ. 10 აპრ.), ს. მესხი (IV, 1869—X, 1873), კ. ლორთქიფანიძე (X, 1873—X,

1874), ს. მესხი (X, 1874—1880 წწ.), ი. ჯავახიანი და ს. მესხი (1880—81 წწ.), ს. მესხი (1882 წ.), ივ. მაჩაბელი (1883—1885 წწ.).

23. პარიზის საზავო ხელშეკრულება — ე. წ. პარიზის მესამე საზავო ხელშეკრულება, რომლითაც დასრულდა ყირიმის კომპანია 1856 წელს. ხელშეკრულება დაიდო, ერთი მხრივ, რუსეთსა და, მეორე მხრივ, ინგლისს, საფრანგეთს, სარდინიას და თურქეთს შორის.

24. მოლოტოვი — იგულისხმება ნ. გ. პომილოვის რომანების „მოლოტოვის“ და „მემჩანური ბედნიერების“ გმირი, რაზნოჩინელი.

25. ბირჟევიია ვედომოსტი („Биржевые ведомости“) — ბურჟუაზიული მიმართულების პოლიტიკური, ეკონომიური და ლიტერატურული გაზეთი, რომელიც დაარსდა „კომერციული გაზეთის“ („Комерч. газета“) და „აქციონერთა ჟურნალის“ („Журнал для акционеров“) გაერთიანების საფუძველზე 1861 წელს; გამოდიოდა პეტერბურგში. მისი პირველი რედაქტორ-გამომცემელი იყო კ. ვ. ტრუშნიკოვი. გაზეთმა გამოსვლა შეწყვიტა 1917 წლის ოქტომბრიდან.

26. „ვესტნიკ ევროპი“ („Вестник Европы“) — ყოველთვიური ჟურნალი, რომელიც 1866 წელს დაარსა პროფ. მ. სტასიულევიჩმა. ჟურნალი ლიბერალური პოზიციებიდან აშუქებდა რუსეთის ისტორიისა და პოლიტიკის საკითხებს. მასში თანამშრომლობდნენ ბურჟუაზიულ-ლიბერალური მიმართულების მოღვაწეები: კ. კაველინი, ვ. სპასოვიჩი, კ. არსენიევი და სხვ. ჟურნალში ქვეყნდებოდა, აგრეთვე, ი. ტურგენევის, მ. სალტიკოვ-შჩედრინის თხზულებანი, ა. პიპინის, დ. ოვსიანიკოვ-კულიკოვსკის სტატიები, კ. ტიმირიაზევის, ი. სეჩენოვის, ი. მეჩნიკოვის და სხვათა შრომები. 1918 წლის დასაწყისში ჟურნალმა არსებობა შეწყვიტა.

27. „გოლოს“ („Голос“) — პოლიტიკური და ლიტერატურული ყოველდღიური გაზეთი, გამოდიოდა პეტერბურგში 1863—1884 წლებში, გამომცემელი და რედაქტორი — ა. კრავესკი. პირველ ხანებში გაზეთი დაკავშირებული იყო ბურჟუაზიულ-ლიბერალურ წრეებთან და მთავრობის მხარდაჭერით სარგებლობდა; შემდეგში ის ზომიერი ლიბერალური მიმართულების ორგანო გახდა, მასში თანამშრომლობდნენ ცნობილი ქართველი პუბლიცისტებიც.

28. „მოსკოვსკიე ვედომოსტი“ („Московские Ведомости“) — გამოდიოდა 1756—1917 წლებში. მე-19 საუკუნის 50-იან წლებამდე გაზეთს უშვებდა მოსკოვის უნივერსიტეტი, მაგრამ 60-იანი წლებიდან იგი გადადის რეაქციონერი გამომცემლების

ხელში (მ. ნ. კატკოვი—1863—1877 წწ.) და ხდება მონარქისტულ-ნაციონალისტურ ორგანოდ, რომელიც ქადაგებდა დიდმპყრობელურ შოვინიზმს. 1905 წლიდან ეს გაზეთი შავრაზმელთა ორგანოა.

29. პარიზის ტრაქტატი — 1856 წლის 30 მარტს დადებული საზავო ხელშეკრულება რუსეთს, საფრანგეთს, ინგლისს, სარდინიასა და თურქეთს შორის.

30. კონსტანტინოპოლის კონფერენცია — მოწვეულ იქნა 1878 წლის დეკემბერში ინგლისის წინადადებით, რათა მშვიდობიანად მოეწესრიგებინათ ბალკანეთში დაწყებული მღელვარება და უწესრიგობა. კონფერენციას ინგლისის მხრიდან ესწრებოდნენ მარკიზი სალისბერი და სერ ჰენრი ელიოტი, საფრანგეთიდან — გრაფი ბურგოენი და შოდორდი, გერმანიიდან — ბარონი ვერტერი, რუსეთიდან — გრაფი ნ. პ. იგნატიევი. კონფერენციამ თურქეთს წაუყენა საერთო ულტიმატუმი, მაგრამ მან იგი არ მიიღო, ვინაიდან, რუსეთთან ომის შემთხვევაში, მოელოდა ინგლისისა და ავსტრიის მხარდაჭერას. ასეთმა ტაქტიკამ, რომელიც შთაგონებული იყო კონფერენციის ინიციატორთა—ინგლისის წარმომადგენელთა—მიერ, გამოიწვია რუსეთ-თურქეთის 1877—78 წლების ომი.

31. Vouloir c'est pouvoir — მონდოვნება უღრის შეძლებას.

32. Raison d'être — არსებობის აზრი.

33. მხედველობაში აქვს კრილოვის ცნობილი იგავ-არაკი — „Воспитание льва“, რომელშიც იგი დასცინის საკუთარი ხალხისა და ქვეყნის ცხოვრების უცოდინართ. თავის იგავ-არაკს კრილოვი ამთავრებს იმაზე მითითებით, რომ მეფეთათვის ყველაზე დიდი მეცნიერებაა „знать свойство своего народа и выгоды земли своей“.

34. A vaincre sans péril on triomphe sans gloire — „უხიფათო გამარჯვებას დიდების გარეშე ზეიმობენ“ (კორნელი).

35. „ნოვოე ვრემია“ („Новое время“) — ყოველდღიური რეაქციული გაზეთი, გამოდიოდა 1868—1917 წლებში; თავდაპირველად წარმოადგენდა ზომიერ ლიბერალურ გამოცემას, ხოლო 1876 წლიდან, როცა იგი ა. სუვორინის ხელში გადავიდა, გახდა რეაქციული ორგანო, დიდმპყრობელური შოვინიზმისა და ანტისემიტისმის მქადაგებელი. დაიხურა 1917 წლის 26 ოქტომბერს.

36. „ბაკინსკიე იზვესტია“ („Бакинские известия“) — რუსული გაზეთი, გამოდიოდა ბაქოში 1876—1887 წლებში, თავდაპირველად — კვირაში ერთხელ, 1877 წლიდან — კვირაში ორჯერ.

37. „სოვრემენნიე იზვესტია“ („Современные известия“) — პოლიტიკური, საზოგადოებრივი, საეკლესიო, სამეცნიერო

და ლიტერატურული ყოველდღიური გაზეთი; გამოდიოდა მოსკოვში 1867 წლის 1 დეკემბრიდან 1887 წლის 21 ოქტომბრამდე, რედაქტორობდა ნ. პ. გილიაროვა-პლატონოვა, რომელიც გაზეთის ორ განყოფილებას (შინაურ და საზღვარგარეთის ამბებს) მხოლოდ თვითონ ადგენდა.

38. 1859 წლის ციურიხის ტრაქტატი — იგულისხმება საფრანგეთის, სარდინიის და ავსტრიის წარმომადგენელთა მიერ 1859 წლის 10 ნოემბერს ხელმოწერილი სამი ხელშეკრულება: პირველი — საერთო, მეორე — საფრანგეთისა და ავსტრიის, მესამე — საფრანგეთისა და სარდინიის.

39. La Russie se recueille — რუსეთი ფიქრობს.

40. Conditio sine qua non — პირობა ურომლისოდაც არაფერი შეიძლება.

41. ამიერკავკასიის არქეოგრაფიულმა კომისიამ — 1866—1904 წლებში გამოსცა მეფისნაცვლის მთავარი სამმართველოს არქივის დოკუმენტები (1762—1862 წწ.) 12 ტომად. პირველი ათი ტომი გამოვიდა ა. ბერჟეს რედაქციით, მე-11—დ. კობიაკოვის რედაქციით, ხოლო მე-12—ე. დ. ფელიცინის რედაქციით.

42. აღრიანოპოლის საზავო ხელშეკრულება დაიდო 1829 წლის 2(14) სექტემბერს რუსეთსა და თურქეთს შორის, როცა რუსეთის ძლევამოსილი გამარჯვებით დამთავრდა რუსეთ-თურქეთის 1828—29 წლების ომი. აღრიანოპოლის აღებისა და კონსტანტინოპოლზე ვალაშკრების შემდეგ სულთანი მახმუდ II თანახმა გახდა ზავისათვის მიეღწია ყოველგვარი დათმობის ფასად.

43. რუსეთ-ინგლისის 1811 წლის ტრაქტატი — ნიკოლაძეს მხედველობაში აქვს ინგლის-რუსეთის 1812 წლის 16 ივლისის ხელშეკრულება, რომელიც დადებულ იქნა ერებროში (თარიღს ზუსტად ვერ ასახელებს). აღნიშნული ხელშეკრულება შედეგი იყო ინგლის-რუსეთის 1807—12 წწ. ომისა, რომლის შედეგად ძალიან გაუარესდა რუსეთის საგარეო ვაჭრობის მდგომარეობა.

44. მხედველობაში ჰყავს პრინცი ალფრედი, სამეფო ფლოტის ადმირალი, რომელმაც 1874 წელს ცოლად შეირთო იმპერატორ ალექსანდრე მეორის ასული — მარიამი.

45. „Oriental Star“ — „აღმოსავლეთის ვარსკვლავი“.

46. 1878 წლის სან-სტეფანოს საზავო ხელშეკრულება — დაიდო რუსეთსა და თურქეთს შორის, რომლითაც დასრულდა 1877—1878 წწ. რუსეთ-თურქეთის ომი. ხელშეკრულება ხელმოწერილ იქნა 3 მარტს სან-სტეფანოში (კონსტანტინოპოლის

მახლობლად). ხელშეკრულების ძალით, ჩერნოგორიამ, რუმინეთმა და სერბიამ მიიღეს დამოუკიდებლობა; თურქეთის ჯარები გაყვანილ იქნა ბულგარეთიდან. ბულგარეთის ტერიტორიაზე რჩებოდა მხოლოდ რუსეთის ჯარი (ორი წლით). თურქეთს დაეკისრა რუსეთის სასარგებლოდ გადაეხადა 310 მილიონი მან. სან-სტეფანოს ხელშეკრულება ქმნიდა შესაძლებლობას სლავური სახელმწიფოების დამოუკიდებელი განვითარებისათვის და ზრდიდა რუსეთის ავტორიტეტს საერთაშორისო არენაზე. მაგრამ ინგლისმა და ავსტრია-უნგრეთმა ომის მუქარით აიძულეს რუსეთი დათანხმებულიყო სან-სტეფანოს ხელშეკრულების გადასინჯვას, რაც განხორციელდა ბერლინის კონგრესზე (1878 წ.).

47. *En maitre* — მბრძანებლურად, გადაქრით.

48. „ტ ე ლ ე გ რ ა ფ“ („Телеграф“) — ყოველდღიური გაზეთი. გამოდიოდა პეტერბურგში 1878 — 1880 წლებში. გამომცემელი და რედაქტორი — კ. ვ. ტრუბნიკოვი.

49. „პ ე ტ ე რ ბ უ რ გ ს კ ი ლ ი ს ტ ო კ“ („Петербургский листок“) — ყოველდღიური გაზეთი. რომელიც მიზნად ისახავდა ქალაქის ცხოვრებისა და ლიტერატურული საკითხების განუქებას. გამოვიდა 1864 წელს. რედაქტორი და გამომცემელი — ა. ს. აფანასიევიჩუბინსკი. იმავე წლის დასასრულს გაზეთის გამომცემელი გახდნენ ნ. და ა. ზარუნდები, რედაქტორი — ვ. მ. სიკევიჩი. რომელიც მალე შეცვალა ი. ა. არსენიევმა. 1877—1884 წლებში გაზეთს სცემენ ა. ვ. ვლადიმირსკი და ა. სოკოლოვი.

50. *Bon mot* — მოსწრებელი სიტყვა.

51. *il n'a pas raison* — არ არის მართალი.

52. „რ უ ს ს კ ი ვ ე ს ტ ნ ი კ“ („Русский Вестник“) — ლიტერატურულ-პოლიტიკური ჟურნალი. გამოდიოდა 1856—1906 წლებში. 1867 წლამდე გამოდიოდა ორ კვირაში ერთხელ. შემდეგ — ყოველთვიურად; 1856—1887 წლებში გამოდიოდა მოსკოვში მ. ნ. კატკოვის რედაქტორობით, 1887 — 1896 წლებში — პეტერბურგში ფ. ბერგის რედაქტორობით. 1896—1902 წლებში — მოსკოვში მ. ნ. კატკოვის რედაქტორობით. 1902—1906 წლებში — კვლავ პეტერბურგში ვ. კომაროვის რედაქტორობით. თავის დროზე იგი იცემოდა ჟურნალ „სოვრემენიკის“ საწინააღმდეგოდ. „რუსსკი ვესტნიკი“ ქადაგებდა მემამულურ-ბატონყმურ იდეოლოგიას. იდეალიზმს და იბრძოდა რევოლუციურ-დემოკრატიული მიმართულების წინააღმდეგ.

53. „ს ვ ი ს ტ ო კ“ („Свисток“) — ჟურნალ „სოვრემენიკის“

სატირული განყოფილება. რომელიც შექმნა ნ. ა. დობროლუბოვმა; გამოვიდა 9 ნომერი. ნ. დობროლუბოვს გარდა, მასში თანამშრომლობდნენ: ნ. ჩერნიშევსკი, ნ. ნეკრასოვი. გ. ელისეევი. ი. პანაევი და სხვ.

54. ათანასე ივანიჩი — ნ. ვ. გოგოლის მოთხრობის „ძველი დროის მემამულეების“ („Старосветские помещики“) მთავარი პერსონაჟი. რომლის ინტერესები არ სცილდებოდა სმაჟა-მისა და საკუთარი ეზოს ფარგლებს; ტიპიური წარმომადგენელი პრიმიტიული. დრომოკმული ბატონყმური ყოფისა.

55. „მშაკი“ (მშრომელი) სომხური ლიტერატურულ-პოლიტიკური გაზეთი. გამოდიოდა თბილისში 1872—1920 წლებში, დამაარსებელი და პირველი რედაქტორი (1872—1892 წწ.) — გრ. არწრუნი.

56. „პრავიტელსტვენნი ვესტნიკ“ („Правительственный Вестник“) — ყოველდღიური გაზეთი. გამოდიოდა პეტერბურგში 1869—1917 წლებში და გამოხატავდა მთავრობის ოფიციალურ თვალსაზრისს.

57. tête de ligne — სამეთაურო სადგური.

58. მხედველობაში აქვს გაზეთ „ტიფლისკი ვესტნიკში“ გამოქვეყნებული სტატიები — „ჩვენი თავადაზნაურული პროლეტარიატი“ (1874 წ., № 12; 1876 წ., № 184).

59. აღნიშნული სტროფი მოტანილია ა. ს. პუშკინის ცნობილ ლექსიდან — „Клеветникам России“, მაგრამ გარკვეული ცვლილებით. ა. პუშკინის ლექსში აღნიშნული სტროფი ასე იკითხება:

«Иль мало нас? Или от Перми до Тавриды,
От финских холодных скал до пламенной Колхиды,

От потрясенного Кремля
До стен недвижного Китая,
Стальной щетинною сверкая,
Не встанет русская земля?..»

60. ინდოეთის 1857—59 წლების ეროვნული აჯანყება — მიმართული იყო ინგლისის კოლონიალური ბატონობის წინააღმდეგ; აჯანყებულ გლეხობასა და ხელოსნებს მხარი დაუჭირა ინდოელმა ჯარისკაცებმა. რომელთა რიცხვი 230 ათასს აღწევდა. აჯანყებას სათავეში ედგნენ ძირითადად ფეოდალები (ნანა სახიზი, ლაკში-ბაი და სხვ.), მაგრამ ვინაიდან აჯანყება ანტიფეოდალურ ხასიათს იღებდა ამ ხელმძღვანელებსაც თანდათან საშიშროება ელოდათ, ინგლისელმა კოლონიზატორებმა ისარგებლეს ამ ვითარებით და

დაიწყო ფეოდალთა გადაბირება, თანაც გაამწვავეს რელიგიური შუღლი სხვადასხვა ტომებს შორის. მათ მიმართეს ყველა საშუალებას აჯანყების ჩასაქრობად, მაგრამ კოლონიზატორთა პოზიცია მაინც შეირყა აზიაში და 15—20 წლით გადაიღო მათი აგრესიული გეგმების განხორციელება ავღანისტანსა და შუა აზიაში.

61. „სო ვ რ ე მ ე ნ ი კ“ („Современник“) — ლიტერატურული და საზოგადოებრივ-პოლიტიკური ჟურნალი, გამოდიოდა პეტერბურგში 1836—1866 წლებში. მისი დამაარსებელი და პირველი რედაქტორი იყო ა. ს. პუშკინი; 1838—1846 წლებში მას რედაქტობდა პლეტნევი, 1847 წლიდან ჟურნალი გადავიდა ნეკრასოვისა და პანაევის ხელში. 1854 წელს მასში თანამშრომლობა დაიწყო ნ. გ. ჩერნიშევსკიმ, ხოლო 1856 წელს — ნ. ა. დობროლუბოვმა. რევოლუციური სიტუაციის წლებში (1859—1861 წწ.) ჟურნალი გახდა რევოლუციური დემოკრატიის მებრძოლ ორგანოდ. „სოვრემენნიკი“ იბრძოდა მატერიალისტური ფილოსოფიისა და ესთეტიკისათვის, ილაშქრებდა იდეალისტური თეორიებისა და „წმინდა ხელოვნების“ მომხრეთა წინააღმდეგ.

„სოვრემენნიკის“ რედაქციასთან და მის თანამშრომლებთან ახლო ურთიერთობა ჰქონდათ პეტერბურგის უნივერსიტეტის ქართველ სტუდენტებს. მათ შორის ნ. ნიკოლაძეს, რომელიც კიდევაც თანამშრომლობდა ჟურნალში.

62. „Э т о н е я“ („ეს მე არ ვარ“) — პ. ა. იზმაილოვის ფსევდონიმი. ამ ფსევდონიმით იგი წერილებს აქვეყნებდა გაზეთ „ტიფლისსკი ვედომოსტში“.

63. „ი ვ ე რ ი ა“ — საპოლიტიკო და სალიტერატურო გაზეთი. გამოდიოდა 1877 — 1906 წლებში; 1877—1878 წწ. — კვირაში ერთხელ. 1879 წელს — როგორც ყოველთვიური ჟურნალი. 1880 წ. — როგორც სამთვიური ჟურნალი. 1884—1885 წწ. — როგორც ყოველთვიური ჟურნალი. 1886—1906 წწ. — როგორც ყოველდღიური გაზეთი.

„ივერიის“ დამაარსებელი და რედაქტორი 1901 წლამდე იყო ილია ჭავჭავაძე, რომელთან ერთად. 1881 წელს. ჟურნალს რედაქტობდა ს. მესხი, ხოლო 1882—84 წწ. — ი. მაჩაბელი. 1901 წლის დეკემბრიდან 1903 წლის ივლისამდე გაზეთს რედაქტობდა ალ. სარაჯიშვილი, 1903 წლის ივლისიდან 1905 წლამდე — გრ. ყიფშიძე, ხოლო 1905—1906 წლებში — ფ. გოგიჩაიშვილი.

64. A la guerre comme à la guerre! (ფრანგ.) — (ომში, როგორც ომს შეფერის). საჭიროა გარემოებას შეეგუო!

65. 1864 წლის ენეიდის კონვენცია — მრავალმხრი-

ვი საერთაშორისო შეთანხმება, რომელიც მიზნად ისახავდა მოქმედი არმიის დაჭრილ და ავადმყოფ ჯარისკაცებისადმი თანაგრძნობისა და დახმარების გაძლიერებას. აღნიშნული კონვენცია გადასინჯულ იქნა 1906, 1929 და 1949 წლებში. 1929 წლის კონვენციას შეუერთდა საბჭოთა კავშირიც 1931 წელს. კონვენცია ითვალისწინებს ჰუმანურ დამოკიდებულებას დაჭრილ და ავადმყოფ სამხედრო მომსახურეთადმი, რომლებიც მოწინააღმდეგის ხელში მოხვდნენ.

66. 1875 წლის ბრიუსელის კონგრესი ნ. ნიკოლაძეს მხედველობაში აქვს ბრიუსელის 1874 წლის კონფერენცია. რომელიც მოწვეულ იქნა რუსეთის ინიციატივით ომის უფლებებისა და მეთოდების ზუსტი მოწესრიგების მიზნით. მასში მონაწილეობდა ევროპის თითქმის ყველა ქვეყანა. კონფერენციის ოქმები გამოქვეყნდა 1875 წელს.

67. La forêt leur empêche de voir les arbres — ტყე ხელს უშლით ხეების დანახვაში.

68. Laisser faire, laisser passer — ნების დართვა, დათმობა (გზის მიცემა).

69. მხედველობაში აქვს სტატია — „ქუთაისის გუბერნიის სახალხო სკოლები“, რომელიც დაიბეჭდა „ობზორში“ 1878 წელს (№ 227).

70. მხედველობაში აქვს გაზ. „ობზორის“ 1878 წლის მეშვიდე ნომერი (რუბრიკით — „Вопросы дня“) დაბეჭდილი შემდეგი ცნობა:

«Сегодня «Тифл. Вестн.» сделал нам честь посвятить «Обзору» свой воскресный фельетон. Наряду с весьма прозрачными нападками, он изобилует массою каких-то темных намеков, которых даже мы не смогли понять.

В течение нескольких лет мы находили в «Тифл. Вестнике» радужное, чисто кавказское гостеприимство. Не принадлежала к числу лиц, способных пользоваться прошлою дружбою в интересах будущей вражды, и черпать в интимном знакомстве с когда-то дружескою семьею материалы для ее вернейшего опозорения, мы их уважения к себе самим и к своим читателям никогда не будем полемизировать с «Тифл. Вестником». Надеемся, что этого никто не объяснит каким-либо иным чувством. Были люди посильнее кн. Бебутова, с которыми мы не побоялись вступить в борьбу, и их столкновения, с которыми мы вышли с честью.

Правда, в одном только случае служение общественным интересам обязывало бы нас пожертвовать своею личною щепетильностью. Каковы бы ни были наши прошлые отношения, не они б воспрепятствовали нам бороться против лица,

დეათელობის ძალა და მისი მნიშვნელობა. დასრულებულია მისი მთელი ნაშრომები. მისი ნაშრომები დასრულებულია და მისი ნაშრომები დასრულებულია. დასრულებულია მისი მთელი ნაშრომები. დასრულებულია მისი მთელი ნაშრომები.

На этих основаниях мы с уверенностью можем повторить: ни в какую полемику с «Тифлисским Вестником» мы никогда не вступим. Поэтому мы предоставляем ему печатать о нас и об «Обзоре» все, что ему заблагорассудится».

71. 1857 წლის აჭანყება — იგულისხმება ინდოეთის 1857—59 წლების ეროვნული აჭანყება (იხ. წინამდებარე ტომის კომენტარები, № 60).

72. მხედველობაში უნდა ჰყავდეს გ. ა. ბაკუნინი. რომლის ზეგავლენითაც დაწერა ა. სერნო-სოლოვიოვიჩმა ბროშურა „ნიკოლა-პუბლიცისტი“.

73. აღნიშნული სტატიის („ემულშინის სიბრძნე“) ავტორი ნამდვილად ნ. ნიკოლაძე იყო.

74. „სანკტ-პეტერბურგსკიე ვედომოსტი“ („Санкт-Петербургские Ведомости“) — მეფის მთავრობის ოფიციალური გაზეთი, რომელიც წარმოადგენდა გაზეთ „ვედომოსტის“ გაგრძელებას: 1748—1765 წლებში რედაქციას განაგებდა მ. ვ. ლომონოსოვი. ყველაზე მეტი ხელისმომწერი გაზეთს ჰყავდა 1863—1874 წლებში, როცა მას რედაქტორობდა ლიბერალური მოღვაწე ვ. ფ. კორში. რომელსაც პირადად იცნობდა ნ. ნიკოლაძე. 70-იანი წლებიდან გაზეთი შედარებით მარცხნივ გადაიხარა.

75. „რუსსკაია გაზეტა“ („Русская газета“) — ყოველკვირეული გაზეთი, გამოდიოდა მოსკოვში 1858 წლის ნოემბრიდან. რედაქცია ცდილობდა ხელმისაწვდომი და პოპულარული გაეხადა გაზეთი, რომელიც ზომიერი ლიბერალური პოზიციებიდან აშუქებდა საზოგადოებრივ-პოლიტიკურსა და ეკონომიურ საკითხებს.

76. „წმინდა კავშირი“ — ავსტრიის, პრუსიის და რუსეთის რეაქციული კავშირი. რომელიც დაიდო პარიზში 1815 წლის 26 სექტემბერს. იმავე წლის ნოემბერში მას შეუერთდა საფრანგეთი, შემდეგ კი — ევროპის ბევრი სხვა ქვეყანა. კავშირის მიზანი იყო ეროვნულ-გამათავისუფლებელ და რევოლუციურ მოძრაობათა ჩახშობა.

77. იგულისხმება იმპერატორ ვილჰელმ პირველზე (1797—1888)

რეჯერ თავდასხმა 1878 წელს, რაც კანცლერმა ბისმარკმა სოციალისტთა წინააღმდეგ საგანგებო კანონის გამოსაცემად გამოიყენა.

75. ხ ლ ე ს ტ ა კ ვ ი — გოგოლის ცნობილი კომედიის „რევიზორის“ მთავარი პერსონაჟი. — ქარაფშუტა, ტრაბახა. მოლაყბე და მექრთამე.

76. დ ი ო ნ ი ს ე ს ი რ ა კ უ ზ ე ლ ი — დიონისე I (431—367 წწ. ჩ. წ. ა.). გვიანდელი ტირანიის ტიპური წარმომადგენელი, უპრინციპო პოლიტიკოსი. რომელიც თავისი მიზნის მისაღწევად არავითარ საშუალებას არ ერიდებოდა.

80. ჩ ი ჩ ე რ ი ნ ი — იგულისხმება იურისტი და ფილოსოფოსი ბორის ნიკოლოზის ძე ჩიჩერინი. მოსკოვის უნივერსიტეტის პროფესორი. შემდეგში მოსკოვის ქალაქის თავი.

81. დ მ ი ტ რ ი ე ვ ი — იგულისხმება რუსული სამართლის ისტორიკოსი თევდორე მიხეილის ძე დმიტრიევი, მოსკოვის უნივერსიტეტის პროფესორი. შემდეგში სახელმწიფო მოხელე.

82. მხედველობაში აქვს სტატია — „Тифлис, 30-го июля 1873 г.“ („Обзор“, 1878, № 80). რომელიც ნ. ნიკოლაძის თხზულებათა ჩვენი გამოცემის მესამე ტომში შესულია სათაურით — „გონივრული ღონისძიება“.

83. ბ ა ტ ო ნ ი ტ ა შ ე ნ ტ ე ლ ე ბ ი — იგულისხმება სალტიკოვ-შიჩდრინის ნაწარმოების „ბატონი ტაშენტელები“ პერსონაჟები. რომლებიც გამოირჩევიან თანამდებობათა ბოროტად გამოყენებით, მექრთამეობითა და თაღლითობით.

84. დ ო ქ ტ ო რ ი კ რ უ პ ო ვ ი — იგულისხმება გერცენის ამავე სახელწოდების ნაწარმოების გმირი, ფსიქიატრი. რომელიც თითქმის ყველა ადამიანში სულით ავადმყოფს ხედავდა.

85. Pro domo sua (ლათ.) — საკუთარი თავის (პიროვნების) შესახებ.

86. მხედველობაში აქვს სტატია -- „Плохой защитник хорошего дела“ („Обзор“, 1878, № 283), რომელიც შეტანილია წინამდებარე ტომში (იხ. „კარგი საქმის ცუდი დამცველი“).

87. გ ო გ ო ლ ი ს ი უ რ ი ს - კ ო ნ ს უ ლ ტ ი ს პ რ ი ნ ც ი პ ი — სამწუხაროდ, ვერ დავაზუსტეთ გოგოლის რომელი პერსონაჟი ჰყავს ნ. ნიკოლაძეს მხედველობაში.

88. ბ ე ნ ი ა მ ი ნ ი — იგულისხმება ბიბლიის გმირის პატრიარქ იაკობის უმცროსი და ყველაზე საყვარელი შვილი.

89. „ნ ე დ ე ლ ი ა“ („Неделя“) — ყოველკვირეული ლიბერალურ ხალხოსნური პოლიტიკურ-ლიტერატურული გაზეთი, გამო-

დიოდა პეტერბურგში 1866—1901 წლებში. 1876 წელს გაზეთი გადავიდა ლიბერალი ხალხოსნის გაიდებუროვის ხელში.

90. „ს ტ რ ე კ ო ზ ა“ („Стрекоза“) — მხატვრულ-იუმორისტული ჟურნალი, გამოდიოდა პეტერბურგში კვირაში ერთხელ 1875—1908 წლებში, რედაქტორი — ნ. ა. ბოგდანოვი, 1879 წლიდან — ი. ფ. ვასილევსკი. ჟურნალი გაუბრდა აქტუალურ სოციალურ პრობლემებზე მსჯელობას.

91. „მ ნ ა თ ო ბ ი“ — სალიტერატურო და სამეცნიერო ჟურნალი, გამოდიოდა 1869—1872 წლებში, რედაქტორი — ნ. ავალიშვილი, გამომცემელი — ივ. ელიოზიშვილი. ჟურნალში თანამშრომლობდნენ: მ. ჭიქაძე, ნ. ლომოური, ი. ბაქრაძე, გ. იოსელიანი. დ. ბაქრაძე, ანტ. ფურცელაძე, ნ. ინაშვილი და სხვ.

„მნათობთან“ ცხარე პოლემიკას აწარმოებდა „დროება“ — „კრებული“, კერძოდ ნ. ნიკოლაძე.

92. „კ რ ე ბ უ ლ ი“ სალიტერატურო და საზოგადოებრივ-პოლიტიკური ჟურნალი, გამოდიოდა 1871—73 წლებში, ოფიციალური რედაქტორი — გ. წერეთელი, ფაქტიურად კი მას რედაქტორობდა და მიმართულებას აძლევდა ნ. ნიკოლაძე. მასვე ეკუთვნის ჟურნალის საპროგრამო სტატიაც („კრებულის დანიშნულებაზე“); გამოვიდა 18 ნომერი.

ჟურნალში თანამშრომლობდნენ: ი. ჭავჭავაძე, აკ. წერეთელი. ნ. ნიკოლაძე, გ. წერეთელი, ს. მესხი, ნ. ცხვედაძე, რ. ერისთავი. დ. ერისთავი, ბ. ჭაფარიძე და სხვ. პროგრესულ-დემოკრატიული მიმართულებისა და მდიდარი შინაარსის გამო, ჟურნალი დიდი ავტორიტეტით სარგებლობდა მკითხველთა შორის.

93. ს ი ზ ი ფ ი — ძველი საბერძნეთის ლეგენდარული მეფე; სიზიფის შრომა — დაუმთავრებელი და უნაყოფო შრომის სინონიმი.

94. „რ უ ს ს კ ო ე ო ბ ო ზ რ ე ნ ი ე“ („Русское обозрение“) — ბურჟუაზიულ-ლიბერალური მიმართულების პოლიტიკურ-ლიტერატურული გაზეთი. გამოდიოდა პეტერბურგში 1876—78 წლებში კვირაში ერთხელ. რედაქტორ-გამომცემელი — გ. კ. გრადოვსკი; დაიხურა ალექსანდრე მეორის განკარგულებით გ. კ. გრადოვსკის ფელეტონის გამო, რომელიც ეხებოდა ვერა ზასულიჩის პროცესს.

95. „გ რ ა ჟ დ ა ნ ი ნ“ („Гражданин“) — ლიტერატურულ-პოლიტიკური გაზეთი-ჟურნალი. რუს მემამულეთა უკიდურეს რეაქციონერთა წრეების ორგანო, გამოდიოდა პეტერბურგში 1872—78 წლებში. 1873 წელს მას რედაქტორობდა თ. მ. დოსტოევსკი.

96. „ი ს კ რ ა“ („Искра“) — სატირული ჟურნალი კარიკატურებით, რევოლუციურ-დემოკრატიული მიმართულების ორგანო, გა-

მოდითა პეტერბურგში 1859—73 წლებში პოეტ ვ. ს. კუროჩინის რედაქტორობით.

97. „სევერნაია პჩელა“ („Северная пчела“) — რეაქციული პოლიტიკურ-ლიტერატურული გაზეთი, გამოდიოდა პეტერბურგში 1825—64 წლებში. რედაქტორები: ფ. ბულგარინი (1825—31 წწ.), ფ. ბულგარინი და ნ. გრეჩი (1831—60 წწ.), პ. უსოვი. (1860—64 წწ.); დაიხურა ხელისმომწერთა სიმცირის გამო. 1869 წელს გაზეთი აღადგინა ა. ვ. სტარჩევსკიმ. მაგრამ რამდენიმე თვის შემდეგ კვლავ დაიხურა.

98. „რუსსკოე სლოვო“ („Русское слово“) ყოველთვიური ლიტერატურულ-პოლიტიკური ჟურნალი, გამოდიოდა პეტერბურგში 1859—66 წლებში. ჟურნალი დაიხურა მთავრობის განკარგულებით, კარაკოზოვის თავდასხმის შემდეგ.

99. „ეპოხა“ („Эпоха“) — ლიტერატურული და პოლიტიკური ჟურნალი, გამოდიოდა პეტერბურგში 1864—65 წლებში, რედაქტორი — თ. მ. დოსტოევსკი. ჟურნალი პოლემიკას აწარმოებდა „სოვრემენნიკთან“. მიუხედავად ცნობილი მწერლების თანამშრომლობისა, ჟურნალს მაინც არ ჰქონია წარმატება.

100. „სობესედნიკ“ („Собеседник“) — ყოველდღიური პოლიტიკური და ლიტერატურული გაზეთი, გამოდიოდა პეტერბურგში 1877 წელს, გამომცემელ-რედაქტორი — ვ. კლიუშნიკოვი, შემდეგ — ი. მ. ბოგუშევიჩი.

101. „იმედი“ — ყოველთვიური საპოლიტიკო და სალიტერატურო ჟურნალი, გამოდიოდა თბილისში 1881—83 წლებში, რედაქტორი — მიხ. გურგენიძე. ჟურნალის თანამშრომელთა უმეტესობა იყო ხალხოსნური მიმართულების წარმომადგენლები: ანტ. ფურცელაძე, სტ. ჭრელაშვილი, ს. მგალობლიშვილი, ნ. ხიზანიშვილი. დ. აბდუშელიშვილი და სხვ.

102. 1815 წლის ვენის კონგრესი — კონგრესი, რომელმაც დაასრულა ევროპის სახელმწიფოთა კოალიციის ომი ნაპოლეონ პირველის იმპერიასთან. კონგრესი შეიკრიბა 1814 წლის სექტემბერში და მუშაობა დაამთავრა 1815 წლის ივნისში. კონგრესში წამყვან როლს ასრულებდა რუსეთი, რომელმაც გადამწყვეტი როლი შეასრულა ნაპოლეონის იმპერიის განადგურებაში. კონგრესს ესწრებოდა თვით იმპერატორი ალექსანდრე პირველი.

103. ყირიმის ომი — 1853—56 წლების ომი რუსეთსა და ინგლის-საფრანგეთ-თურქეთ-სარდინიის კოალიციას შორის. რაც გამოწვეული იყო ახლო აღმოსავლეთში მათი ეკონომიური და პოლიტიკური ინტერესების შეჯახებით. ომი უმთავრესად ყირიმსა და

შავ ზღვაზე მიმდინარეობდა. პირველივე შეჯახებაში აშკარა გახდა თურქეთის სამხედრო პოტენციალის სისუსტე; 30 ნოემბერს რუსეთის ექსპედიციამ, ადმირალ პ. ს. ნახიმოვის მეთაურობით, გაანადგურა თურქეთის ფლოტის მთავარი ძალები. მაგრამ რუსეთს ბრძოლა მოუხდა არა მხოლოდ თურქეთთან. 1854 წლის მარტში ინგლისმა და საფრანგეთმა რუსეთს ოფიციალურად გამოუცხადა ომი.

ყირიმის ომი დამთავრდა 1856 წლის 30 მარტს პარიზის საზავო ხელშეკრულებით, რომლის ძალითაც რუსეთს წაერთვა უფლება შავ ზღვაზე სამხედრო ფლოტის ყოლისა. ამასთან ერთად, ყარსი დაუბრუნდა თურქეთს.

სახელთა სპიჯივლი

ბ

- აბარინოვა, ა. ი. (1842—1901)—რუსული ოპერისა და დრამის მსახიობი. — 20.
- აბდულ-აზიზი (1830—1876) — თურქეთის სულთანი. — 154.
- აბდულ-გამიდი (აბდულ-ჰამიდი, 1842—1918) — თურქეთის სულთანი. რომელსაც სისხლიან სულთანს უწოდებენ, ვ. ი. ლენინმა კი „თურქი ნიკოლოზ მეორე“ უწოდა. — 154.
- აბულაძე, ვ. ნ. — 23, 27.
- აღღერებერგი. — თბილისელი მოხელე, ფინანსისტი. — 113.
- აღდატოვი, ს. პ. — თბილისის საბჭოს ხმოსანი გასული საუკუნის 70-იან წლებში. — 348, 479, 482.
- აღექსანდრე I (1777—1825) — რუსეთის იმპერატორი 1801—1825 წწ. — 47, 290, 408.
- აღექსანდროვი, პეტრე აკიმის ძე (1838—1893) — რევოლუციამდელი რუსეთის ერთ-ერთი ყველაზე გამოჩენილი იურისტი, ლიბერალი. — 561.
- ანდრაში, დიულა (1823—1890) — ავსტრია-უნგრეთის სახელმწიფო მოღვაწე. უნგრეთის 1848—49 წწ. ბურჟუაზიული რევოლუციის მონაწილე. უნგრეთის პირველი საკონსტიტუციო მთავრობის პრემიერი (1867 წლიდან). 1871—1879 წწ. ავსტრია-უნგრეთის საგარეო საქმეთა მინისტრი. გერმანიასთან კავშირის მომხრე. — 30, 31, 48, 165, 410, 415—417.
- ანდრეევსკაია, ნინო. — მ. ვორონცოვის პირადი ექიმის ქალიშვილი, რომელიც მტკვარში დაიხრჩო. — 509.
- ანდრეევსკი, ერასტი. — მეფისნაცვალ მ. ვორონცოვის პირადი ექიმი. — 18.
- ანდრონიკაშვილი, ი. ა. — გამოჩენილი ქართველი თავადი, მსახურობდა თბილისის სამოსამართლო პალატაში. — 23, 27.
- ანეკოვი, პაველ ვასილის ძე (1812—1887) — რუსი კრიტიკოსი, ლიბერალი. — 13.
- არაკჩევევი, ალექსი ანდრიას ძე (1769—1834)—გრაფი, რუსული რეაქციულ-პოლიციური დესპოტიზმის ერთ-ერთი აქტიური წარმომადგენელი. — 443.
- არდაზიანი, ლ. პ. (1816—1870) — ცნობილი ქართველი ბელეტრისტი. — 489.
- არისტოტელე (384—322 წ. წ. ა.)—დიდი ბერძენი ფილოსოფოსი. — 516.
- არჩ, ეოზეფ. — ინგლისის სოფლის მეშათა კავშირების ერთ-ერთი პირველი ორგანიზატორი. — 291.
- არწრუნი, გრიგოლ (1845—1892) — სომეხი საზოგადო მოღვაწე და პუბლიცისტი. გაზეთ „შჰაის“ დამაარსებელი და რედაქტორი. — 419-421, 466, 468, 494—497, 499, 502.
- ატილა. — ჰუნების მხედართმთავარი (გარდ. 453). — 407.

- ბაბსტი**, ივანე კონდრატის ძე (1824 — 1881) — პოლიტიკური ეკონომიის პროფესორი მოსკოვისა და ყაზანის უნივერსიტეტებში. — 533.
- ბასტი**, ფრედერიკი (1801.—1850) — ფრანგი ეკონომისტი, ვულგარული სოციოლოგიის წარმომადგენელი. 295. 302.
- ბებუთოვი**, კონსტანტინე ალექსანდრეს ძე. — გაზეთ „ტოფლისკი ვესტნიკის“ რედაქტორი. — 110, 189, 190, 232, 233, 284, 304, 306, 463—465. 486, 487.
- ბებუთოვი**, მ. — თავადი, კრილოვის ივანე-არაქების მთარგმნელი ქართულად. — 490.
- ბეზაი**, ალექსანდრე პავლეს ძე (1800—1868) — გენერალ-ადიუტანტი. — 528. 529.
- ბეზნოსიკოვი**. — გენერალი, შუა აზიის ისტორიის სპეციალისტი. — 273.
- ბეკერი**, ოსკარ (1839—1868) — რესპუბლიკანელი, 1861 წელს თავს დაესხა პრუსიის მეფე ვილჰელმ პირველს. — 293.
- ბეკერ-ფაშა** (ვალენტინ ვაიერ). — ინგლისელი გენერალი, ცნობილი მოგზაურის სამუელ უიატ ბეკერის ძმა. — 330.
- ბელიკოვი**. — თბილისის პოლიციის მოხელე, პოლკოვნიკი. — 239.
- ბელინსკი**, ბ. გ. (1811—1848) — დიდი რუსი კრიტიკოსი და რევოლუციონერი-დემოკრატი. — 22. 442, 443.
- ბენეტი**, ჯემს-გორდონ. — ამერიკელი ჟურნალისტი, „ნიუ-იორკ ჰერალდის“ გამომცემელი. — 541, 543.
- ბენტამი**, ჯორჯ (1800—1884) — ინგლისელი ბუნებისმეტყველი. — 290.
- ბერნე**, ლიუდვიგ (1786—1837) — ცნობილი გერმანელი პუბლიცისტი და მწერალი. — 217, 246, 253, 315, 336.
- ბერზე**, ა. პ. — კავკასიის არქეოგრაფიული კომისიის თავმჯდომარე, ისტორიკოსი. — 137.
- ბიკოვი**, ე. ი. — ჟურნალისტი. — 471.
- ბიკონსფილდი**, ბენჯამინ-დიზრაელი (1804—1881) — ინგლისის რეაქციული სახელმწიფო მოღვაწე, კონსერვატორების ლიდერი. პრემიერ-მინისტრი 1868 და 1874—80 წწ.: ერთ-ერთ უმთავრეს ამოცანად თვლიდა რუსეთის წინააღმდეგ ბრძოლას და ეწეოდა დაპყრობით პოლიტიკას. — 30—32. 48, 49, 52, 57. 63. 64, 104, 105, 144. 149. 151. 154—162, 165. 177—179. 195, 228, 230, 276—279, 286, 324, 331, 402—406, 410. 438. 439. 446 — 449. 576, 577.
- ბისმარკი**, ოტო-ფონ-შენაუზენ (1815—1898) — პრუსიისა და გერმანიის ცნობილი სახელმწიფო მოღვაწე, დიპლომატი, იუნკერულ-ბურჟუაზიული გერმანიის იმპერიის დამაარსებელი, კანცლერი. 29, 30, 32, 287, 293, 402.
- ბლავატსკაია**, ელენე პეტრეს ასული (1831—1891) — რუსი მწერალი, მისტიკოსი. — 11, 12, 510—512.
- ბლინდი**, კარლ. — გერმანელი მწერალი და პოლიტიკური მოღვაწე. — 293.
- ბლინდი**, ფერდინანდ. — კარლ ბლინდის შვილობილი. რომელიც 1866 წლის 7 მაისს თავს დაესხა ბისმარკს; იმავე დღეს მან თავი მოიკლა. — 293.
- ბლიოზი**, ივანე სტანისლავის ძე (1836—1901) — პოლონელი ფაბრიკანტის შვილი. ბურჟუაზიული ეკონომისტი. — 90, 92, 101, 105, 107, 167, 275.
- ბლუნჩი**, იოჰან-კასპარ (1808—1881) — შვეიცარიელი იურისტი; სახელმწიფო საერთაშორისო სამართლისა და სამართლის ისტორიის სპეციალისტი. — 251.
- ბოგდანოვი**, ანატოლ პეტრეს ძე (1834—1896) — რუსი ანთროპოლოგი და ზოოლოგი, რუსული ანთროპოლოგიის ფუძემდებელი. — 411.
- ბოშინი**. — რუსი სახელმწიფო მოხელე, შუა აზიის ისტორიის მკვლევარი. — 273.

- გაბრიელი. — ეპისკოპოსი. — 241. 242.
- გამბეტა, ლონ-მიშელ (1838—1882) — ფრანგი პოლიტიკური მოღვაწე, ბურჟუაზიულ-რესპუბლიკელთა ლიდერი. — 337, 563, 564.
- გამრეკელი. — თბილისელი ადვოკატი. — 565.
- გარიბალდი, ჯუზეპე (1807—1882) — იტალიის ეროვნული განთავისუფლებისათვის თავდადებული მებრძოლი, დემოკრატი, მხედართმთავარი; დიდი სიყვარულითა და პატივისცემით სარგებლობდა ქართველ საზოგადო მოღვაწეთა შორის. — 158.
- გერსეანოვი, გ. ნ. — რუსეთის ტექნიკური საზოგადოების კავკასიის განყოფილების თავმჯდომარე. — 111, 112.
- გერცენი, ალექსანდრე ივანეს ძე (1812—1870) — დიდი რუსი რევოლუციონერ-დემოკრატი, მწერალი, პუბლიცისტი. — 180.
- გილიაროვ-პლატონოვი, ნიკიტა პეტრეს ძე (1824—1887) — პუბლიცისტი, 1856—1863 წლებში მოსკოვის ცენზურის კომიტეტის წევრი, 1862—63 წწ. განათლების სამინისტროს განსაკუთრებულ საქმეთა ჩინოვნიკი, გაზეთ „სოვრემენნიე იზვესტიას“ გამომომხმევი, ჟურნალ „რადუგას“ რედაქტორი. — 175.
- გლადსტონი, უილიამ-იჯარტი (1809—1898 წწ.) — ინგლისელი რეაქციული სახელმწიფო მოღვაწე, ლიბერალური პარტიის ლიდერი, ინგლისის პრემიერ-მინისტრი 1864—74; 1880—85; 1886 და 1892—94 წლებში. — 154, 155, 158.
- გობარტ-ფაშა (1822—1886) — თურქი ადმირალი, მსახურობდა ინგლისის ფლოტში; 1867 წელს შევიდა თურქეთის სამსახურში. 1874 წელს ისევ დაბრუნდა ინგლისში, მაგრამ რუსეთ-თურქეთის ომში (1877 წ.) ხელ-
- მძღვანელობდა თურქეთის ფლოტს შავ ზღვაზე. — 195.
- გოგებაშვილი, იაკობ სიმონის ძე (1840—1912) — დიდი ქართველი პედაგოგი და მწერალი. — 96, 445, 456—464, 486, 487, 555—558.
- გოგოლი, ნიკოლოზ ვასილის ძე (1809—1852) — დიდი რუსი მწერალი, „ნატურალისტური სკოლის“ მეთაური. — 22, 322, 460, 552, 553.
- გოგოცკი, სილვესტრ სილვესტრის ძე (1813—1889) — რუსი ფილოსოფოსი, ჰეგელის ფილოსოფიის მიმდევარი. — 30.
- გოლიცინი, ალექსანდრე ნიკოლოზის ძე — საფოსტო დეპარტამენტის მთავარმართებელი, შემდეგში განათლების მინისტრი. — 140.
- გორვიცი. — რუსი ფინანსისტი, საქმოსანი. — 90, 92, 107.
- გორჩაკოვი, ალექსანდრე მიხეილის ძე (1798—1883) — დიპლომატი, საგარეო საქმეთა მინისტრი. — 30, 127.
- გრადოვსკი, გ. კ. — რუსი ჟურნალისტი, გაზეთ „გოლოსის“ კორესპონდენტი რუსეთ-თურქეთის ომში (1877—78). — 521, 524. 527—533.
- გრანოვსკი, ტიმოთე ნიკოლოზის ძე (1813—1855) — ცნობილი იურისტი, პროფესორი. — 442, 443.
- გრეგრი. — რუსი ფინანსისტი. საქმოსანი. — 32, 473, 475.
- გრეიგი, სამუელ კარლოს ძე (1736—1788) — ცნობილი რუსი ადმირალი. — 63, 88.
- გრიბოედოვი, ალექსანდრე სერგის ძე (1795—1829) — დიდი რუსი პოეტი, დრამატურგი, დიპლომატი. — 273.
- გრიგოროვიჩი, დიმიტრი ვასილის ძე (1822—1899) — რუსი მწერალი. 50-იანი წლების რუსული რეალიზმის წარმომადგენელი; 60-იანი წლებში ტურგენევთან და ტოლსტოისთან ერ-

თად, კავშირი გაწყვიტა ეურნალ „სოვრემენნიკთან“ და არ გაცილებია ზომიერ ლიბერალურ მიმართულებას. — 14.

გუდომ-ლევიკოვიჩი. — თბილისის საოლქო სასამართლოს პროკურორის თანაშემწე გასული საუკუნის 70-იან წლებში. — 29, 34, 37.

დ

დავენბორტი. — 525.

დალი, კლადიმერ ივანეს ძე (1801 — 1872) — გამოჩენილი რუსი მეცნიერი, მწერალი. — 66, 90.

დამიენი, რობერტ-ფრანც (1715—1757) — პოლიტიკური ფანატიკოსი, 1757 წელს თავს დაესხა ლუდოვიკ XV-ს. — 293.

დანილოვი. — თბილისელი ადვოკატი (70-იანი წლები). — 560, 564.

დიზრაელი, ბენჯამინ (1804—1881) — ინგლისელი რეაქციონერი სახელმწიფო მოღვაწე. მწერალი, კონსერვატორების ლიდერი, პრემიერ-მინისტრი 1868 და 1874—80 წლებში. — 154, 155, 325, 328, 329, 403.

დიკენსი, ჩარლზ (1812—1870) — ცნობილი ინგლისელი მწერალი. — 542

დიმიტრიევი, ი. ი. (1840—1867) — მწერალი და ჟურნალისტი, სატირული ეპოროისტული გამოცემების თანამშრომელი. — 532.

დიმიტრიევი, ივანე სერგის ძე. — რუსი გენერალი, გემთმშენებელი ინჟინერი. — 88.

დობროლუბოვი, ნ. ა. (1836—1861) — დიდი რუსი რევოლუციონერ-დემოკრატი, გამოჩენილი კრიტიკოსი, ფილოსოფოსი-მატერიალისტი. — 22, 180, 234, 235, 340, 484.

დრაგომანოვი, მიხეილ პეტრეს ძე (1841 — 1895) — უკრაინელი ისტორიკოსი, ეთნოგრაფი და პუბლიცისტი. — 234, 235, 529.

დუდიშკინი, სტეფანე სემენის ძე (1820 — 1866) — რუსი ჟურნალისტი. — 13.

ე

ევანგელუოვი, გ. გ. — თბილისის ქალაქის საბჭოს წევრი 70-იან წლებში. — 23, 27, 480, 482.

ეკატერინე II (1729—1796) — რუსეთის იმპერატორი-ქალი 1762—1796 წლებში. — 47, 50, 63, 66, 80, 149.

ელიშირზოვი, ლ. კ. — თბილისის ქალაქისთვის მოვალეობის აღმსრულებელი 70-იან წლებში. — 369, 392, 393, 480.

ელიოტი. — ინგლისის ელჩი თურქეთში რუსეთ-თურქეთის ომის წინა პერიოდში. — 154.

ერვიე. — ფრანგი მეღვინე. — 443.

ერისთავი, დ. გ. (1847—1890) — ცნობილი ქართველი დრამატურგი და

ჟურნალისტი. — 190, 236, 238, 248, 304, 465, 486, 487.

ერისთავი, რაფიელ დავითის ძე (1824 — 1901) ცნობილი პოეტი და საზოგადო მოღვაწე. — 489, 490.

ერიწოვი, ალექსანდრე დავითის ძე. — ჟურნალისტი, გაზ. „კავკაზის“ თანამშრომელი, ჟურნალ „კავკაზსკიაი სტარინას“ რედაქტორი. — 190.

ერმოლოვი, ალექსი პეტრეს ძე (1772 — 1861) — რუსი გენერალი და ცნობილი მხედართმთავარი, მთავარმარაუბელი კავკასიაში (1817—1827 წწ.). — 66.

- ვაგნერი, რიჰარდ (1813—83)—ცნობილი გერმანელი კომპოზიტორი. — 544
- ვალენგტონი, უილიამ-ქენრი (1826—1894) — ფრანგი ბურჟუაზიული სახელმწიფო მოღვაწე, დიპლომატი, არქეოლოგი, — 30, 31.
- ვაიცი, გიორგი (1813—1886) — გერმანელი ბურჟუაზიული ისტორიკოსი და წყაროთმცოდნე. — 501.
- ვამბერი, არმინი (1832—1913) — უნგრელი ენათმეცნიერი, თურქოლოგი, ეთნოგრაფი. — 165.
- ვანაძე, — წიგნის გამომცემელი. — 490.
- ველიამინოვი, ალექსი ალექსანდრეს ძე (1785—1838) — რუსი სამხედრო მოღვაწე, 1831 წ. დაინიშნა კავკასიის ხაზზე მყოფი ჯარების უფროსად, 1831—1838 წლებში ხელმძღვანელობდა ექსპედიციებს მთიელების წინააღმდეგ. — 66.
- ველინგტონი, არტურ (1769—1852) — გამოჩენილი ინგლისელი სამხედრო და სახელმწიფო მოღვაწე. — 63.
- ვეიდენბაუმი, ევგენი გუსტავის ძე (1845—1918) — ცნობილი კავკასიათმცოდნე, 1877 წლიდან ცხოვრობდა თბილისში. — 23, 27.
- ვენიუკოვი, მიხეილ ივანეს ძე (1832—1901) — რუსი გეოგრაფი, მოგზაური და ეთნოგრაფი. — 273.
- ვიგელი, ფილიპე ფილიპეს ძე (1786—1856) — რუსი სახელმწიფო მოღვაწე. — 443.
- ვილიამსი, ფენჯიკ (1800—1883) — ინგლისელი სამხედრო მოღვაწე, გენერალ-ლეიტენანტი. — 199.
- ვილჰელმ, ფრიდრიხ (1797—1888) — გერმანიის იმპერატორი და პრუსიის მეფე. 293.
- ვინოგრადოვი. — რუსი მსახიობი (გასული საუკუნის 70-იანი წლები). — 21.
- ვისოცკი. — პოლკოვნიკი, აქციონერი, ცნობილია საბანკო საქმეების სახალხოდ გამოტანის მოთხოვნით. — 180, 181.
- ვობანი, სებასტიან ლე პრეტრ (1633—1707) — ფრანგი სამხედრო ინჟინერი და ეკონომისტი, 1703 წელს მიიღო საფრანგეთის მარშლის წოდება. — 290.
- ვონოვი. — პოდპოლკოვნიკი, სამხედრო ცენზორი რუსეთის არმიაში რუსეთ-თურქეთის ომის (1877—78 წწ.) დროს. — 545.
- ვოლდემარი, ქრისტეან (1825—1892) — ლატვიელი საზოგადო მოღვაწე და მწერალი. 60-იან წლებში შეყვანილი იყო ფინანსთა სამინისტროს მიერ შექმნილ კომისიაში, რომელიც სწავლობდა რუსეთში საზღვაოსნო განათლების საკითხს. — 66, 89, 93, 102.
- ვოლტერი, ფრანსუა მარი (1694—1778) — დიდი ფრანგი განმანათლებელი, მწერალი. — 340.
- ვოლხოვსკოი, პ. პ. — რუსეთ-თურქეთის ომის (1877—78 წწ.) მონაწილე, პორუჩიკი, სამხედრო კორესპონდენტი. — 521, 550—552.
- ვორონცოვი, მიხეილ სიმონის ძე (1782—1856) — ცნობილი რუსი სამხედრო და სახელმწიფო მოღვაწე, მეფისნაცვალ კავკასიაში (1845—1854 წწ.). — 101.
- ვორონოვი, ნ. ი. — გაზეთ „კავკასის“ რედაქტორი. — 23, 27.

ზ

ზაგურსკი. — თბილისელი ჟურნალისტი, „ტიფლისსკი ვესტნიკის“ თანამშრომელი. — 486.

თემურლენგი (1336 -- 1405) -- შუა აზიელი ერთი უდიდესი დამპყრობელთაგანი. -- 407.

თუთავეი, ადლო. -- ქართველი კონედიოგრაფი. -- 490.

0

იაზიკოვი, დიმიტრი დიმიტრის ძე. რუსული ლიტერატურის ისტორიკოსი და ბიბლიოგრაფი. „მოსკოვსკე ვედომოსტის“ თანამშრომელი. 13.

იაკუბოვიჩი. -- რუსი მსახიობი (გასული საუკუნის 70-იანი წლები). -- 13.

იანსონი, იული ელუარდს ძე (1835-1892) -- რუსი პოეტისორი. ცნობილი სტატისტიკოსი. -- 117.

ივანტივეი, ნიკოლოზ პავლეს ძე (1832-1908) -- გრაფი. რუსი დიპლომატი და სახელმწიფო მოღვაწე. რუსეთის ელჩი თურქეთში, 1881 წლის შარსიდან რუსეთის შინაგან საქმეთა მინისტრი. -- 153.

იზმაილოვი, პ. ა. (1852-1895) -- ეურ-

ნალიტი. -ტიფლისკი ვესტნიკის თანამშრომელი. თბილისის ქალაქის საბჭოს მდივანი 70-იან წლებში. -- 461, 591, 527, 548, 549.

იზმაილ-ფაშა. -- არზრუმის ეალი. -- 511.

ილოვაისკი, გრიგოლ ივანეს ძე (1839-1871) რუსი მსახიობი. -- 20.

იოანესიანი, აბგარ. -- თბილისური სოცხური გაზეთის პორტა-ის რედაქტორი 70-იან წლებში. -- 393.

იულიუსი, ვიქტორ. -- გაზეთ „ჯულიუსის“ კორესპონდენტი რუსეთ-თურქეთის ომში (1877-1878 წწ.). -- 521, 546, 547.

იცევი. -- რუსი ფინანსისტი და ქმონანი -- 106.

კ

კაიდანოვი. -- თბილისში მომუშავე ფინანსისტი. -- 27.

კამერონი. -- ინგლისის ვიცე-კონსული ფოთში. -- 153.

კანკინი, იგორ (1774--1845) -- გრაფი, ცნობილი სახელმწიფო მოღვაწე, რუსეთის ფინანსთა მინისტრი (1823-1844 წწ.). -- 137.

კარაჯიჩი, ვოლკ სტეფანეს ძე (1787-1864) -- ახალი სერბიული ლიტერატურული ენის ფუძემდებელი, ცნობილი ფოლკლორისტი. -- 96, 97.

კახანიკი (გრანეი დე კახანიკი), ადოლფ (1808-1880) -- ფრანგი პუბლიცის-

ტი და პოლიტიკური მოღვაწე. ბონაპარტიისტი. -- 501.

კატოვი, მიხეილ ნიკიფორეს ძე (1818-1867) -- ცნობილი რუსი რეპორთჟერი ჟურნალისტი. -- 13, 446, 551, 553.

კაულბარსი, ალექსანდრე ვასილის ძე. -- გენერალური შტაბის აკადემიის დამთავრების შემდეგ მუშაობდა თურქეთში, სადაც გაატარა თავისი ცხოვრების მნიშვნელოვანი ნაწილი; განახორციელა სხვადასხვა გეოგრაფიული გამოკვლევები; 1869 წელს პირველმა ნახა მდ. სირ-დარაის სათავე:

- 1870 წ. მოიარა რუსეთ-ჩინეთის საზღვრები და გამოარკვია ახალი გადასასვლელი ტიან-შანზე. — 273.
- კაუფმანი. კონსტანტინე პეტრეს ძე (1818-1882) — გენერალ-ადიუტანტი. 1844 წელს მსახურობდა კავკასიაში. 1853 — 1855 წწ. მონაწილეობდა ყარსის აღებაში. 1877-78 წწ. ოსეთ-თურქეთის ომში. — 577.
- კემპბელი (1792—1863) ბრიტანელი ფელდშარშალი. — 330.
- კერსკი. სახელმწიფო მოხელე. იომელმაც 1873 წელს რევიზია ჩაატარა თბილისის სასულიერო სასწავლებლებში. — 443 — 445. 455.
- კიუშევალ-კლარინი. — ფრანგი ეურნალისტი და ფინანსისტი. — 12.
- კოვანი. — რუსი ფინანსისტი. საქმოსანი. — 30, 90, 107, 473, 475.
- კოკორევი. ვასილ ალექსანდრეს ძე (1817—1899) — რუსი კაპიტალისტი, კომსიონერი და კონცესიონერი. თანამშრომლობდა პრესაშიც. — 90, 111, 112, 167, 180.
- კოლაკუტსკი. — სამხედრო პირი. რუსეთ-თურქეთის ომის (1877—78 წწ.) მონაწილე. 531.
- კოლინონი შარლ-ედუარდ. — ფრანგი მათემატიკოსი და ინჟინერი. მონაწილეობდა რკინიგზის მშენებლობებში ოსეთში. — 274, 275.
- კორტი, ლეოტი (1823—1888) — გრაფი, იტალიელი დიპლომატი. იტალიის წარმომადგენელი ბერლინის კონგრესზე 1878 წ. — 29, 31.
- კოსტომაროვი, ნიკოლოზ ივანეს ძე (181—1885) — პროფესორი. რუსი ისტორიკოსი და მწერალი. — 561.
- კოტარი. — ინჟინერი. ლესეპსის კომპ. ნიის (საფრ.) წარმომადგენელი. 273—275.
- კრავცკი, ანდრია ალექსანდრეს ძე (181—1889) — რუსი ეურნალისტი და გამომცემელი. — 476.
- კრილოვი, ივანე ანდრიაის ძე (1769—1844) — გამოჩენილი რუსი პოეტი. მიევა ვარაქე. — 32, 88, 489, 490.
- კრონენბერგი. — 563, 565.
- კრუჟანოვსკი. — რუსი მომღერალ (70-იან წლებში). — 13.
- კუევინსკი. — თბილისის სასულიერო სემინარიის ინსპექტორი. — 422, 423, 452, 454, 455.
- კულმანი. — რელიგიური ფანატიკოსი რომელიც თავს დაესხა ბისმარკს 187 წლის 16 ივლისს და დაქრა ხელში. — 293.
- კუროჩინი, ე. ს. (1831—1875) — რუსი სატირიკოსი პოეტი, ბერანევეს ცნობილი მთარგმნელი, სატირული ეურნალის „ისკრას“ დამაარსებელი. — 184, 532.
- კუტული, შარლ დე. — პარიზის გაზეთ „ლე ტემპს“-ის კორესპონდენტი რუსეთ-თურქეთის ომში (1877—78 წწ.). — 536—539, 541, 544.
- კუჩავევი, მ. ნ. — კავკასიის სტატისტიკური კომისიის თემფლომარე. — 27.

ლ

- ლაზარევი, მიხეილ პეტრეს ძე (1788—1851) — ცნობილი რუსი აღმირალი. — 63, 68.
- ლაშო. — ფრანგი ადოკატი. — 564.
- ლეიარდი. — ინგლისის ელჩი კონსტანტინოპოლში გასული საუკუნის 70-იან წლებში. — 157, 438.
- ლეკოვი, შარლ (1832—1918) — ფრანგი კომპოზიტორი, ფრანგული კლასიკური ოპერეტის თვალსაჩინო წარმომადგენელი. — 501.
- ლერმონტოვი, მიხეილ იურის ძე (1814—1841) — დიდი რუსი პოეტი. — 261.
- ლესეპსი, ფერდინანდ (1805—1894) — ცნობილი ფრანგი დიპლომატი და

საქმოსანი. — 273—275.
 ლესინგი, გოტოლდ-ფრაიმი (1729—1781) — დიდი გერმანელი მწერალი და კრიტიკოსი; გერმანული ბურჟუაზიული განმანათლებლობის გამოჩენილი წარმომადგენელი. — 332, 337, 338.
 ლესკოვ-სტებნიცი, ნიკოლოზ სიმონის ძე (1831—1895) — გამოჩენილი რუსი მწერალი. — 534.

მაგნიცი, მიხეილ ლეონტის ძე (1778—1855)— ალექსანდრე I სახელმწიფო აპარატის ერთ-ერთი წარმომადგენელი. 1819 წ. გაიგზავნა ყაზანში რევოლუციის წინააღმდეგ. მის მიერ წარდგენილ მოხსენებაში ნათქვამი იყო, რომ უნივერსიტეტმა გაფლანგა სახელმწიფო ფული; მიუთითებდა სწავლის არასწორ მიმართულებაზე და წინადადებას იძლეოდა, დაეწარმოებინათ თვით შენობა. — 443.
 მაევი, ნიკოლოზ ალექსანდრეს ძე (1835—1896) — შუაზიელი მოღვაწე. „ტურკესტანსკი ვედომოსტის“ რედაქტორი. შუა აზიის გეოგრაფიის კარგი მცოდნე. — 273.
 მაკ-გახანი. — ამერიკის სამხედრო კორესპონდენტი რუსეთ-თურქეთის ომში (1877—78 წწ.). — 165, 554.
 მალკიელი. — ფინანსისტი. საქმოსანი. — 90, 473, 475.
 მარკოვი, ევგენი ლეოვის ძე (1835—1903) რუსი მწერალი. კრიტიკოსი და ეთნოგრაფი. — 13.
 მარლინსკი (1797—1837) — ცნობილი რუსი მწერალი. დეკაბრისტი ა. ა. ბესტუჟევის ფსევდონიმი. — 332.
 მატინოვი, ა. ს. თბილისის ქალაქის საბჭოს მოხელე. ქალაქის თავი 1879 წლიდან. — 482.
 მღივანი, სერგეი — მწიგნობარი. ქართული ანბანის სახელმძღვანელოსა და კალენდრის შემდგენელი. — 463.

ლიტონი. — ლორდი, ინგლისელი სახელმწიფო მოღვაწე. — 577.
 ლობანოვ-როსტოვსკი, ა. ბ. — თავადი, რუსი სახელმწიფო მოღვაწე. დამლომატი. — 277.
 ლორის-მელიქოვი, მიხეილ ტარიელის ძე (1825—1888) — გრაფი, მეფის რუსეთის სამხედრო და სახელმწიფო მოღვაწე. — 42, 525, 540, 551, 553.

მ

მელიოვი, გ. ნ. — თბილისელი მოეღვაწე (70-იანი წლები). — 23, 27.
 მელიქ-კარაოზოვი. — თბილისელი მოეღვაწე (70-იანი წლები). — 23, 27, 128.
 მესხი, სერგი სიმონის ძე (1844—1883) — ცნობილი ქართველი ჟურნალისტი, გაზეთ „დროების“ რედაქტორი. — 41, 53—56, 573, 574.
 მეტერნიხი, კლიმენტ-ვენკელ (1773—1859) — ავსტრიელი დიპლომატი და მინისტრი. „წმინდა კავშირის“ ინიციატორი. — 179, 408, 416.
 მეშჩერსკი, ელდამერ პეტრეს ძე (1839—1914) — თავადი, რუსი რევოლუციონერი პუბლიცისტი და პედაგოგი, გაზეთ „გრაჟდანიის“ რედაქტორი. — 529.
 მიკა. — „ნიუ-იორკ ჰერალდის“ კორესპონდენტი რუსეთ-თურქეთის (1877—78 წწ.) ომში. — 521, 541—545.
 მილერი, ი. თ. (1833—1889) — რუსული ლიტერატურის ისტორიკოსი. — 175.
 მილი, ჯონ-სტუარტ (1806—1873) — ინგლისელი ბურჟუაზიული ეკონომისტი. პოზიტივისტი. — 489.
 მილიუტინი, დიმიტრი ალექსის ძე (1816—1912) — ფელდმარშალი. სამხედრო მინისტრი 60-იან წლებში. — 551.
 მინაევი, დიმიტრი დიმიტრის ძე (1835—1889) — ცნობილი რუსი პოეტი და მთარგმნელი. — 532.

მირზოევი, გაბრიელ მინას ძე, — თბილისის შტეტის საქსოვი ფაბრიკის დირექტორი. 90. 111, 112.
მიხაილოვსკი, ნიკოლოზ კონსტანტინეს ძე (1842—1904) — ცნობილი რუსი პუბლიცისტი, კრიტიკოსი და სოციოლოგი. — 13.
მოლიერი, ჟან-ბატისტ (1622—1673) — დიდი ფრანგი კომედიოგრაფი. — 259.
მოლჩანოვი, „ნოვოე ვრემიას“ კორესპონდენტი რუსეთ-თურქეთის ომში (1877—1878 წწ.). — 401.
მორი, თომას (1478—1535) — ინგლისელი ისტორიკოსი, პუბლიცისტი, მწერალი. სახელმწიფო მოღვაწე. — 290.

მურად მეხუთე. — თურქეთის სულთან 1876 წლის 30 მაისიდან 1876 წლის 31 აგვისტომდე; აბდულ-მეჯიდის შვილი. — 154.
მუსინ-პუშკინი, ს. ა. — გაზეთ „სობესედნიკის“ სამხედრო კორესპონდენტი რუსეთ-თურქეთის ომში (1877—78 წწ.). — 521, 546.
მუსტაფა-ფაშა. — თურქი გენერალი, თურქეთის ჯარების შთაქარსარდალ რუსეთ-თურქეთის ომში (1877—78 წწ.), სულთან აბდულ-აზიზის შვილი. — 186, 208.

ბ

ბაოლონ I (1769—1821) — დიდი ფრანგი მხედართმთავარი და იმპერატორი. 325, 326, 407, 408.
ბაოლონ III (1808—1873) — საფრანგეთის პრეზიდენტი (1851 წ.). შემდეგ იმპერატორი (1852—1870 წწ.). — 50.
ბევერჯი, ე. (1830—1893) — პედაგოგი, კავკასიის სასწავლო ოქვის მზოუნეველი 1867—1878 წწ. — 441, 442.
ბესტერევი, — თბილისელი ჟურნალისტი (70-იანი წლები). — 253, 339.
ბილსკი, ა. (1841—1899) — ალექსან-

დრინის თეატრის მსახიობი; თბილისში ჩამოიყვანა იაბლოჩინმა 1873 წელს. — 21.
ნიკოლოზ I (1796—1855) — რუსეთის იმპერატორი 1825—55 წწ. — 147.
ნობელი, ლუდვიგ ემანუელის ძე (1831—1888) — განთქმული ნავთის მრეწველი. — 111, 112.
ნოვოხელსკი, ნიკოლოზ ალექსანდრეს ძე (1823—1901) — „ზღვაოსნობისა და ვაჭრობის საზოგადოების“ დამაარსებელი, კავკასიის წიაღისეული სიმდიდრით დაინტერესებული საქმოსანი, ოდესის ქალაქის თავი. — 101, 107.
ნური — პროპორშიკი. — 43.

გ

გობრჩიევი, ნ. ნ. რუსი გენერალი, რუსეთ-თურქეთის ომის (1877—78 წწ.) მონაწილე. — 546.
გოდუნოვი, — რუსი რეაქციონერი ჟურნალისტი და კრიტიკოსი. — 13.
გოგინი, რუსი მსახიობი (70-იანი წლები). — 13.
გოტშევი, მ. მ. — რუსი გემთმშენებელი. 86, 88.

გობრელიანი, ი. — თავადი, სიღნაღში მომუშავე სამხედრო პირი (70-იანი წლები). — 29, 34.
გობრელიანი, საბა-სულხან (1658—1725) — ცნობილი ქართველი მწერალი, მეიგავარაქე. — 94.
გორდონი, კონსტანტინე ივანეს ძე. — თბილისის სამოქალაქო გუბერნატორი 60-იან წლებში. — 239, 240.

ოსმანი (ნური-გაზი) — ცნობილი თურქი გენერალი და სამხედრო მინისტრი, რუსეთ-თურქეთის ომში (1877—78 წწ.) სახელი გაითქვა თავადებით პლევნის დაცვაში. — 203.

ოსტროვსკი, ალექსანდრე ნიკოლოზის ძე

(1823—1886) — გამოჩენილი რუსი დრამატურგი. — 22.

ოუენი, რობერტ (1771—1858) — ცნობილი უტოპისტ-სოციალისტი. — 295.

ოფენბახი, ჟაკ (1819—1880) — ცნობილი ფრანგი კომპოზიტორი. — 21, 186, 544.

პ

პავლე I (1754—1801) — რუსეთის იმპერატორი, მოკლული იქნა შეთქმულთა მიერ. — 176.

პავლოვი, პლატონ ვასილის ძე (1823—1895) — ისტორიკოსი, პროფესორი. — 561.

პაღ, ა. ი. — მწერალი, დრამატურგი, ანტრეპრენიორი, „ნოვოე ვრემიას“ კორესპონდენტი რუსეთ-თურქეთის ომში (1877—1878). — 20, 521, 550.

პალმერსტონი, ჰენრი-ჯონ-ტემპლი (1784—1865) — ლორდი, ცნობილი ინგლისელი სახელმწიფო მოღვაწე. — 178, 179.

პანკრატოვი. — გენერალ-ადიუტანტი, მთავარმართებელ პასკევიჩის თანამშრომელი. — 140.

პასკევიჩი, ივანე თევდორეს ძე (1782—1856) — გენერალ-ფელდმარშალი, ცნობილი რუსი მხედართმთავარი. მთავარმართებელი კავკასიაში (1827—1831). — 198, 138—141.

პეტრე I (1672—1725) — რუსეთის სახელგანთქმული მეფე და პირველი იმპერატორი (1683—1725). — 46, 47, 59, 63, 66, 80, 149, 344, 434.

პეშჩუროვი, პ. ა. — თბილისელი მოხელე (70-იანი წლები). — 365, 366.

პლევაკო, თევდორე ნიკიფორეს ძე (1843—1908) — რუსი იურისტი, ცნობილი სასამართლო ორატორი, მონაწილეობდა დიდ პროცესებში. — 561.

პოლტეტიკა, ვასილ აპოლონის ძე. — რუსი ჟურნალისტი. — 46—50, 66, 104, 167.

პოლიაკოვი, ს. ს. (1837—1888) — სარკინიგზო საქმის ცნობილი მცოდნე, ფინანსისტი, საქმოსანი. — 90, 92, 101, 105, 275, 475.

პოლტორაკი, ი.—ი. ჰაუკვაჰის მეგობარი, ჟურნალისტი. — 252.

პოტეხინი, ალექსი ანტიპოს ძე (1829—1908) — რუსი დრამატურგი და ბელეტრისტი. — 14, 533.

პოტეხინი, ნიკოლოზ ანტიპოს ძე. — რუსი ჟურნალისტი. „ს. პეტერბურგსკიე ვედომოსტის“ კორესპონდენტი რუსეთ-თურქეთის ომში (1877—78 წწ.) — 521, 532—536.

პოტიომკინი, გრიგოლ ალექსანდრეს ძე (1739—1791) — რუსი სახელმწიფო მოღვაწე. გენერალ-ფელდმარშალი. — 63, 66.

პრავდინი, ოსიპ ანდრიას ძე (1846—1921) — ცნობილი მსახიობი. რომელიც 1873—1875 წლებში მუშაობდა თბილისის თეატრში, 1878 წლიდან მოღვაწეობდა მოსკოვის მცირე თეატრში. — 20.

პრევო-პარაღოლი. ლუსიენ-ანატოლ (1829—1870) — ცნობილი ფრანგი ჟურნალისტი, საფრანგეთის აკადემიის წევრი. — 539.

პრუტკოვი, კონზა. — ლიტერატურული ფსევდონიმი, რომლითაც გამოდიოდნენ პოეტები ა. კ. ტოლსტოი და ძმები ემჩუენიკოვები. — 22.

პუშკინი, ა. ს. (1799—1837) — დიდი რუსი პოეტი. — 22.

უელიხოვსკაია. ვერა პეტრეს ასული
(1835—1878) — მწერალი ქალის ე.

პ. ბლავატსკაიას და. — 11.

6

რავესკი. ნიკოლოზ ნიკოლოზის ძე (1771—1829) — რუსი გენერალი, პირველი სამამულო ომის გმირი. — 66.
რაველიაკი, ფრანსუა (1578—1610) — ფანტიკი-კათოლიკი, რომელმაც 1610 წლის 14 მაისს მოკლა საფრანგეთის მეფე ჰენრიხ IV. — 293.
რეიგერი. — თბილისის საბჭოს ხმოსანი (70-იანი წლები). — 480.

რეიტერი. — თბილისელი ადვოკატი (70-იანი წლები). — 564.
რეშეტი, ი. ი. — თბილისში მოღვაწე იურისტი და ჟურნალისტი. — 456—458.
რიშარი. — ფრანგი მეღვინე. 443, 556.
როზენტალი. — ფინანსისტი და საქმოსანი. — 90.

ს

სავფეტ-ფაშა. — თურქი საზოგადო მოღვაწე. — 417.
სალისბიური, რობერტ-არტურ. — მესამე მარკიზი, ინგლისელი სახელმწიფო მოღვაწე. — 153, 329—331.
სეი, ჟან-ბატისტ (1767—1832) — ფრანგი ბურჟუაზიული ეკონომისტი, ვულგარული პოლიტიკური ეკონომიის ფუძემდებელი. — 537, 539.
სენ-სიმონი, ანრი-კლოდ (1760—1825) — გამოჩენილი ფრანგი უტოპისტ-სოციალისტი. — 290.
სერნო-სოლოვიევიჩი, ალექსანდრე ალექსანდრეს ძე, — რუსი რევოლუციონერი-დემოკრატი. — 295, 296.
სერნო-სოლოვიევიჩი, ნიკოლოზ ალექსანდრეს ძე (1834—1866) — რუსი რევოლუციონერი-დემოკრატი. — 295.
სვიატოპოლ-მორსკი, დიმიტრი ივანეს ძე (1825—1899) — ინფანტერიის გენერალი. — 216, 541.
სიგუნოვი, ნ. ნ. — თბილისელი მოხელე (70-იანი წლები). — 128, 136.
სიმბორსკი, ნ. ვ. (1849—1881) — მწერალი. გაზეთ „ნოვოე ვრემიას“ კორესპონდენტი რუსეთ-თურქეთის ომ-

ში (1877—78 წწ.), შემდეგში გაზეთ „ობზორის“ თანამშრომელი. — 520, 521, 523—527.
სიზიაგინი, ნიკოლოზ მარტინის ძე (1785—1828) — გენერალ-მაიორი, თბილისის სამხედრო გუბერნატორი. — 137, 138, 141.
სკაბიჩევსკი, ალექსანდრე მიხეილის ძე (1838—1910) — რუსი კრიტიკოსი და ლიტერატურის ისტორიკოსი. — 13.
სმირნოვი, ვასილ დიმიტრის ძე (1846—1922) — ორიენტალისტი, თურქული ენის, ლიტერატურისა და ისტორიის სპეციალისტი, პეტერბურგის უნივერსიტეტის პროფესორი. — 468.
სოკოლოვი, ლეონიდ ილიას ძე. — საიმპერატორო თეატრის მსახიობი, 1867—1874 წლებში მუშაობდა თბილისის თეატრში და დიდი პოპულარობით სარგებლობდა. — 20, 21.
სოლეიშანი (სულეიშან-ფაშა, 1838—1883) — თურქი გენერალი. — 208.
სპასოვიჩი, ვლადიმერ დანიელის ძე (1829—1906) — პროფესორი. ცნობილი რუსი იურისტი და პუბლიცისტი. — 560—564, 566.

სენსერი, გერბერტ (1820—1903) — რეაქციონერი ინგლისელი ფილოსოფოსი და სოციოლოგი. — 500.

სტალინსკი, ევგენი. — ჟურნალისტი. 1872—77 წლებში რედაქტორობდა გაზეთ „კავკას“, 1877 წ. რედაქტორობდა გაზეთ „ზარკოვს“, 1882—1883 წწ. ცემდა მხატვრულ-ლიტერატურულ ჟურნალ „მოსკოვს“. — 191, 339.

სტანკევიჩი, ნიკოლოზ ვლადიმერის ძე (1813—1840) — რუსი ფილოსოფოსი-იდეალისტი, რომელიც დიდი გავლენით სარგებლობდა 30-იან წლებში ე. წ. „სტანკევიჩის წრეში“. — 442.

სტარბუკი, იგორ პავლეს ძე (1825—1899) — იურისტი, თბილისის კომერციული სასამართლოს თავმჯდომარე. — 27, 456—458.

სტასიულევიჩი, მიხეილ მათეს ძე (1826—1911) — ცნობილი რუსი ისტორიკოსი. პუბლიცისტი და საზოგადო მოღვაწე. — 561.

სტატიევი. — თბილისელი ადვოკატი (70-იანი წლები). — 565.

სტაციტი (55—120) — ცნობილი რომაელი ისტორიკოსი და მწერალი. — 515.

სტენი, იპოლიტე-ადოლფ (1828—1893) — გამოჩენილი ფრანგი ფილოსოფოსი და კრიტიკოსი. — 539.

სტერ-აბრამიანი. — გაზეთ „დონსკაია პჩელას“ რედაქტორი. — 42.

სუბრი, პავლე პეტრეს ძე (1820—1904) — გრაფი, დიპლომატი. — 30, 31.

სუშველი, ვილიამ (1794—1866) — გამოჩენილი ინგლისელი მეცნიერი, მათემატიკოსი და ფილოსოფოსი. — 468.

სუილერი (ფელერი) — „ნიუ-იორკ ჰერალდის“ მუსიკალური კორესპონდენტი. — 521, 541—543.

სუმიკაშვილი, პეტრე იოსების ძე (1838—

სტეპანოვი, ა. ვ. — თბილისელი ადვოკატი. — 284.

სტოლეტოვი, ნიკოლოზ გრიგოლის ძე (1834—1912) — ინჟანტერიის გენერალი, 1878 წ. დიპლომატიური მისიით გაგზავნილი იყო ავღანისტანში. 328.

სტრუსბერგი, ბეტელ-ჰენრი (1823—1884) — საქმოსანი საკონიგზო მუშებლობაში. — 105.

სუვორინი, ალექსი სერგის ძე (1834—1912) — რუსი რეაქციონერი ჟურნალისტი და გამომცემელი. — 20, 126, 175, 524—531.

სუვოროვი, ალექსანდრე ვასილის ძე (1730—1800) — ცნობილი რუსი მხედართმთავარი. — 14, 63, 66, 104.

სუშევი. — ფინანსისტი. საქმოსანი. — 90, 101, 105, 107.

სუჟურა. — თბილისში მომუშავე ექიმი (70-იანი წლები). — 233, 253, 315.

ტ

ტერ-გუკასოვი, არზას არტემის ძე (1819—1881) — გენერალ-ლეიტენანტი, ერევნის რაზმის მეთაური რუსეთ-თურქეთის ომში (1877—78 წწ.). — 541.

ტველი. — ამერიკელი კონცესიონერი. — 110—112.

ტურგენევი, ივანე სერგის ძე (1808—1883) — დიდი რუსი მწერალი. — 14.

ტურიევი. — თბილისელი პედაგოგი (70-იანი წლები). — 445.

უ

— 1904) — ცნობილი ქართველი ჟურნალისტი და საზოგადო მოღვაწე. — 96, 97.

უსოვი, პავლე სტეფანეს ძე (1828—1889) — რუსი პუბლიცისტი, გაზეთ „ბორეის“ რედაქტორი (1872—77 წწ.). — 534.

უტინი, ევგენი ისაყის ძე (1843—1894) — ცნობილი რუსი პუბლიცისტი. — 13.

ფ

- ფალენგანგენი. — ფინანსისტი. საქმ.-სანი. — 29, 32, 33, 107, 475.
- ფაუსები. ინგლისელი დიპლომატი. რომელიც საგანგებოდ სწავლობდა რუსეთის ჯარების „დანაშაულს“ რუსეთ-თურქეთის ომში (1877-78 წწ.). — 277.
- ფარლეი. ჯიბს ლუისი (1823 -1885) — ინგლისელი მწერალი. მსახურობდა კონსტანტინოპოლში, წერდა კორესპონდენციებსა და სტატიებს ინგლისეადასევა ეურნალებში. — 154.
- ფილარეტი (კრისტოფობაში თევდორე გიორჯის ძე ამფითეატროვი, 1779—1857) — ლვთისმეტყველების დოქტორი. მოსკოვის სასულიერო აკადემიის რექტორი. — 461.
- ფორბესი, არჩიბალდ-ჯორჯ (1830.—1900) — ინგლისელი პოლიტიკური მწერალი და ეურნალისტი. — 521, 540-544.
- ფრანც-იოსებ I. — ავსტრიის იმპერატორი. — 30.
- ფრენკელი, ა. ს. — გაზ. „ობზორის“ თ. ნამშრომელი; 1887—88 წწ. რედაქტორობდა „კავკასიე ობოზრეის“. — 461.
- ფურთე, შარლ (1772—1837) — ცნობილ ფრანგი სოციალისტ-უტოპისტი. — 290.
- ფურცელაძე, ანტონ ნიკოლოზის ძე (1839—1913) — ცნობილი ქართველ მწერალი და პუბლიცისტი. — 51, 236, 240, 315, 332, 338, 339, 481, 486.

ქ

- ქენოფონტე (434—359) — გამოჩენილი ბერძენი ისტორიკოსი და ფილოსოფოსი. — 454.

ღ

- ღამბაროვი, პ. ს. — ეკონომისტი, ფინანსისტი, მეცნიერების დოქტორი. — 255—266, 295—299, 301, 302, 315, 318—322, 332, 341.
- ღოღობერიძე, ხესარიონ ლევარსის ძე (1832—1879) — ერთ-ერთი თერჯოლაელთაგანი, პეტერბურგის სტუდენტთა 1861 წლის არეულობის მონაწილე, პედაგოგი და საზოგადო მოღვაწე. ქუთაისის სათავადაზნაურ ბანკის თავმჯდომარე. — 23—28, 101, 109, 118, 128—136, 180, 190, 241, 315, 316, 338, 366, 457, 462, 505, 511, 513.

ყ

- ყიფიანი. დიპტრი ივანეს ძე (1814 — 1887) — მწერალი, მთარგმნელი, დიდი საზოგადო მოღვაწე. — 23, 27, 480—483, 498, 504.
- ყიფიანი, ნიკ. — გამომცემელი. — 489.

შ

- შავროვი, ნიკოლოზ ალექსანდრეს ძე (1826—1899) — ეურნალისტი და საზოგადო მოღვაწე. — 112, 234, 249, 250.

შაშილი (1798—1871). — დალესტნელთა ცნობილი იმამი. — 551.

შახტახტინსკი, ი. — ჟურნალისტი, „ტიფლისკი ვესტნიკის“ და სხვა რუსული თბილისური გაზეთების თანამშრომელი. — 114.

შერვაშიძე, მიხეილი. — აფხაზეთის უკანასკნელი მთავარი. — 566.

შილერი, ფრიდრიხ (1759—1805) — დიდი გერმანელი პოეტი და დრამატურგი. — 37.

შირალი (1825—1879) — ავღანისტანის ემირი. — 288, 404, 405, 500, 576.

შლემოცი. — ფინანსისტი, საქმოსანი. — 105.

შმულე. — ფინანსისტი, საქმოსანი. — 105.

შტიეიშანი. — ინჟინერი. — 111.

შტურმი. — პრუსიის სამხედრო აგენტი რუსეთ-თურქეთის ომში (1877—78 წწ.). — 165.

შუვალოვი, პეტრე ანდრეის ძე (1827—1889) — გრაფი. რუსეთის ელჩი ინგლისში, რუსეთის ერთ-ერთი წარმომადგენელთაგანი ბერლინის კონგრესზე. — 32, 152, 541.

შულცე-დელიჩი, კერმან (1808—1883) — გერმანელი ეკონომისტი და პოლიტიკური მოღვაწე. — 537.

შჩედრინი (მიხეილ ევგრაფის ძე სალტიკოვი: 1826—1889) — გამოჩენილი რუსი მწერალი, — სატირიკოსი. — 22, 250, 323, 333.

ჩ

ჩარკვიანი, გრ. — წიგნის გამომცემელი — 490.

ჩემბერლენი, ჯოზეფი (1836—1914) — ცნობილი ინგლისელი პოლიტიკური და სახელმწიფო მოღვაწე, იმპერიალიზმის ერთ-ერთი იდეოლოგთაგანი. — 328.

ჩერნიაევი, მიხეილ გრიგოლის ძე (1828—1898) — ცნობილი რუსი გენერალი, 1873 წელს შეიძინა გაზეთი „რუსსკი მირ“ და ხელი მოჰკიდა ჟურნალისტურ საქმიანობას. — 207, 336, 529.

ჩერნიშევსკი, ნიკოლოზ გაბრიელის ძე (1828—1889) — დიდი რუსი რევოლუციონერი-დემოკრატი, ფილოსოფოსი-მატერიალისტი, ლიტერატურის კრიტიკოსი. — 119, 332, 337, 338, 547.

ჩიბურინა. — რუსი მსახიობი. 70-იან წლებში მონაწილეობდა თბილისში მოწყობილ გასტროლებშიც. — 13.

ჩინგის-ხანი (1155—1227) — ცნობილი მონღოლი დამპყრობი. — 407.

ჩიჟოვი, თევდორე ვასილის ძე (1811—1877) — მსხვილი მეწარმე, ფინანსისტი და მწერალი; 1858 წელს, ბაბსტისთან ერთად, დაიწყო ჟურნალ-ვესტნიკ პარიზულენოსტის“ გამოშვება. ჟურნალს თან ახლდა, როგორც დამატება, სამრეწველო და სავაჭრო გაზეთი „აუქციონი“. — 533.

ჩიქოვანი, გ. ა. — ქართველი თავადი, სამხედრო პირი. — 240.

ჩიხაჩევი, ნიკოლოზ მათეს ძე. — გენერალ-ადიუტანტი, ადმირალი. — 103, 107.

ჩხოტუა, დავით. — გაზეთების „დროებისა“ და „სასოფლო გაზეთის“ თანამშრომელი; 1876 წელს მიუსაჯეს კატორღა ნ. ანდრეევსკიას მოკვლის დაბრალების გამო. — 248, 509, 560, 563, 565, 566.

ც

ცაგარელი, ალექსანდრე (1844—1920) — ლატერატურათმცოდნე. პროფესორი. 94, 96, 98, 99.

ცეზარი, იულიუს-გაიუს (100—44) — ცნობილი უდიდესი სამხედრო და პოლიტიკური მოღვაწე. — 454.

ციციანოვი, პაულე დიმიტრის ძე (1754—1806) — ინფანტერიის გენერალი.

1802 წ. დაინიშნა მთავარსარდალად საქართველოში. — 66, 78.

წ

წერეთელი, აკაკი როსტომის ძე (1840—1915) — დიდი ქართველი პოეტი. — 489.

წერეთელი, გიორგი ექვთიმეს ძე (1842—1900) — გამოჩენილი ქართველი ბელეტრისტი, პუბლიცისტი და საზოგადო მოღვაწე. — 339, 489.

ჭ

ჭავჭავაძე, ილია გრიგოლის ძე (1837—1907) — დიდი ქართველი მწერალი და საზოგადო მოღვაწე. — 97, 113, 182, 284, 573.

ჭავჭავაძე, ი. ნ. — ქართველი თავადი — 240.

ჭონქაძე, დ. გ. (1830—1860) — ცნობილი ქართველი მწერალი. — 489.

ხ

ხარისჩაროვი. — კათოლიკე პატრი, რომელმაც კონსტანტინოპოლში დააარსა ქართული სტამბა. — 170.

ხელაძე, ექვთიმე (1845—1905) — სტამბის მეპატრონე, გამომცემელი. — 489.

ხრულიძევი, ს. ა. (1807—1870) — გამოჩენილი რუსი გენერალი, 1856 წელს დაინიშნა კავკასიის მეორე არმიის კორპუსის მეთაურად. — 533.

ჯ

ჯორჯაძე, დ. დ. (1822—1883) — ქართველი თავადი, სახელმწიფო მოხელე,

სამოქალაქო საქმეთა მმართველი და ლეტანში (1854—1872 წწ.). — 27.

ჰ

ჰაინე, ჰაინრიხ (1797—1856) — დიდი გერმანელი პოეტი და პუბლიცისტი. — 35, 217, 290, 312, 313.

ჰელდელი. — გერმანიის სოციალისტური პარტიის წევრი. რომელიც თავს დაესხა იმპერატორს. — 292, 293.

ჰელვეციუსი, კლოდ-ადრიან (1715—1771) — ფრანგი ფილოსოფოსი-მატერიალისტი. განმანათლებლობის თეორიის ფარმომადგენელი. — 246, 250.

ჰეიშანი, ვასილ ალექსანდრეს ძე (1823—

1878) — გენერალ-ლეიტენანტი. რუსეთ-თურქეთის 1877—78 წწ. ომში მეთაურობდა რაზმს, რომელმაც დაიპყრო არდაგანი. — 238.

ჰეროდოტე (485—425) — ძველი ბერძენი ისტორიკოსი, ბერძნული და საერთოდ ისტორიის მამამთავარი. — 515.

ჰუგო, პროცი (1583—1645) — ცნობილი პოლანდიელი იურისტი. სახელმწიფო მოღვაწე და მწერალი. — 251.

ს ა რ ჩ ე ვ ი

რედაქტორისაგან

7

1878 წელი

1. ერთელ კიდევ ქალბატონ ბლავატსკიაზე	11
2. კალმის კირვეულობანი	13
3. პასუხი გამოწვევაზე	23
4. <u>საქირაო საუბარი</u>	29
5. პასუხი გაზეთ „ბირკევიე ვედომოსტის“	38
6. ადგილობრივი მიმოხილვა	41
7. მშვიდობა, რადაც არ უნდა დაგვიჭდეს	45
8. ბათუმის საკითხისათვის	51
9. ადგილობრივი მიმოხილვა	53
10. შავი ზღვის მნიშვნელობა რუსეთისათვის და ბათუმის ფლობისა — შავი ზღვისათვის	57
11. სანაესადგურო ქალაქების ეკონომიური მნიშვნელობა	73
12. გემთმშენებლობა და შავი ზღვის კოლონიზაცია	79
13. საზღვაო კანონმდებლობა. სკოლები და სუბსიდიები	86
14. ბიბლიოგრაფია	94
15. ზღვაოსნობის მოთხოვნები	100
16. ადგილობრივი მიმოხილვა	108
17. ჩვენი საადგილმამულო კრედიტის მომავალი	113
18. ბერლინის ტრაქტატი	122
19. ღირსების სამსჯავრო	128
20. პასკევიჩი ჩვენი ზღვაოსნობის შესახებ	137
21. პოლიტიკური მდგომარეობა	142
22. კულტურული ბრძოლა აზიში	147
23. ინგლისთან კავშირი	151
24. ომის გაკვეთილებიდან	163
25. „გოლოსი“ ქართული ენის შესახებ	170
26. ინგლისთან ბრძოლა	176
27. საიდუმლოება საადგილმამულო ბანკებში	180
28. ჩვენი ლიტერატურული ზნე-ჩვეულებანი	185
29. ბერლინის ტრაქტატი მცირე აზიის შესახებ	192
30. ინგლისთან ომში	195
31. ადგილობრივ თავადაზნაურთა სამსახური	202
32. „გადახალისების“ საქიროება	206
33. ბათუმის შემოერთება	216

34. პოლიტიკური მიმოხილვა	219
35. ინგლისთან ომის შემთხვევაში	222
36. ბათუმი და ფოთი	227
37. ექსტრა-ლიტერატურული კამათი	234
38. ქუთაისის გუბერნიის სახალხო სკოლები	241
<u>39. საჯიარო საუბრები</u>	246
40. ემელიეშვიანის სიბრძნე	255
41. ქუთაისის გუბერნიის სახალხო სკოლები	268
42. რუსული ნაკეთობა უცხოური პლომბით	272
43. პოლიტიკური ვითარება	276
44. საქალაქო არჩევნები თბილისში	281
45. შუა აზიის სიძველევები	286
46. გერმანიის რაიხსტაგში სოციალიზმის შესახებ კამათის გამო	289
<u>47. საჯიარო საუბრები</u>	295
48. ლიტერატურული ზრდილობის გაკვეთილები	304
49. საღვთისო საკითხები	308
50. კედის ლიტერატურული ქიციანი	312
51. პასუხი ბატონ ღამბაროვს	320
52. პოლიტიკური მდგომარეობა	324
<u>53. საჯიარო საუბრები</u>	322
54. საუკეთესო საშუალება იმისა, რომ ვაიძულოთ ხმონები კეთილსინდისიერნი იყვნენ	343
55. რომელ ენაზე ვიკამათოთ საბჭოში	348
56. გლეხთა საქმე	352
<u>57. საჯიარო საუბრები</u>	359
58. ღირსების სამსჯავრო	365
59. რა გააკეთა თბილისის საქალაქო საზოგადოებრივმა სამმართველომ 1877 წელს?	367
60. ქალაქის საბჭოს სხდომა	392
61. საქალაქო არჩევნების ამოცანების შესახებ	397
62. პოლიტიკური მდგომარეობა	401
63. დიპლომატია	407
64. ავსტრიის პასუხი თურქეთის ნოტაზე	415
65. კარგი საქმის ცუდი დამცველი	419
66. სასულიერო სემინარიის რევიზია	422
67. სამეგრელოს სასულიერო სასწავლებელი	426
68. პოლიტიკური მდგომარეობა	437
<u>69. საჯიარო საუბრები</u>	440
70. პოლიტიკური მდგომარეობა	446
<u>71. ენების სწავლება ჩვენს სასულიერო-სასწავლო დაწესებულებებში</u>	450
<u>72. საჯიარო საუბრები</u>	456
73. პატარა კატკოვი	466
74. სამხედრო სიბრძნის სიღრმე სამოქალაქო გაზეთში	471
75. თბილისის საბჭოს შესახებ	479
76. კვლავ ლიტერატურული ზრდილობის გაკვეთილები	484
77. ადგილობრივი მიმოხილვა	488

78. ცოტაოდენი ლოგიკა	491
<u>79. საკვირაო საუბრები</u>	498
80. მადლობა ღმერთს	507
81. ჩვენი სასულიერო წოდების მომზადება	514
82. კორესპონდენტები მოქმედ კორპუსში	519
83. კელაე ბატ. ი. გოგებაშვილის შესახებ	555
<u>84. საკვირაო საუბრები</u>	560
85. ფოთისა და ბათუმის შედარებითი მნიშვნელობა	568
86. ადგილობრივი მიმოხილვა	573
87. პოლიტიკური მდგომარეობა	575
ბიბლიოგრაფიული შენიშვნები	581
კომენტარები	587
სახელთა ხაშივბელი	602

Николай Яковлевич Николадзе

СОЧИНЕНИЯ. Т. VI

(на грузинском языке)

გამომცემლობის რედაქტორი მ. ინასარიძე
ტექნოლოგიური ინჟინერი
კორექტორი მ. ვანგიანი

ხელმოწერილია დასაბეჭდად 22. VI. 70
ქალაქის ფორმატი 60×90^{1/16}
ნაბეჭდი შაბახი 38.75
სააღრიცხვო-საგამომცემლო შაბახი 31,24
შეკვეთა 965 უე 10783 ტირაჟი 3000
ფასი 2 მან. 70 კანკ.

თბილისის უნივერსიტეტის სტამბა
თბილისი, ი. ჭავჭავაძის პროსპექტი, 1
Гипография Тбилисского университета
Тбилиси, пр. И. Чавчавадзе, 1

თბილისის უნივერსიტეტის გამომცემლობა
თბილისი, ი. ჭავჭავაძის პროსპექტი, 14
Издательство Тбилисского университета
Тбилиси, пр. И. Чавчавадзе, 14